


Yesu Kerisoné So
Whı̄ Tao Sere Kisi
Fo Wisi



The New Testament in the Falopa Language of Papua New Guinea

Yesu Kerisoné So Whi Tao Sere Kisi Fo Wisi

The New Testament in the Falopa Language of Papua New Guinea

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Apr 2025 from source files dated 31 Aug 2023
0102a9df-173c-5a64-b766-14ab67a86105

Contents

Matyu	1
Mark	49
Luk	77
Jon	124
Aposel	159
Rom	204
1 Korin	225
2 Korin	245
Kalesia	258
Efesus	266
Filipai	273
Kolosi	278
1 Tesalonaika	283
2 Tesalonaika	287
1 Timoti	290
2 Timoti	297
Taitus	301
Filimon	304
Hibru	305
Jems	320
1 Pita	326
2 Pita	332
1 Jon	336
2 Jon	341
3 Jon	342
Jud	343
Hąkearaletci	345

Matyu

¹ Ita, Yesu Keriso deyaairaaalu, deté wale wh̄irapené doirape aseýóló muló beteraþó. Abraham-né deale naalené mepaae wh̄i deté fóló, Depit dealeþó. Depit-né deale naalené mepaae wh̄i deté fóló, Yesu Keriso dealeþó.

- ² Ai wh̄irapené doirapeta i ape. Abraham-né Aisak dealeþó. Aisak-né Jekop dealeþó. Jekop-né ti Judaró ama nomarapetamo dealeþó.
- ³ Judané Peres-ró Seratamo dealeþó. Atimaamoné hamata, Tamar-pó. Kale wh̄i Peres-né Hesron dealeþó. Hesron-né Ram dealeþó.
- ⁴ Ram-né Aminadab dealeþó. Aminadab-né Nason dealeþó. Nason-né Salmon dealeþó.
- ⁵ Salmon-né Boas dealeþó. Boas-né ama hamata, Rahab-pó. Boas-né Obed dealeþó. Obed-né ama hama ti Rut-pó. Obed-né Jesi dealeþó.
- ⁶ Jesiné ti kale t̄eteróló kaae tare doasi topo wh̄i Depit dealeþó. Depit-né Solomon dealeþó. Solomon-né hamata, Uria-né dokale so wulia betepa, kale doasi topo wh̄i Depit-né dokaleþó.
- ⁷ Solomon-né Rehoboam dealeþó. Rehoboam-né Abaija dealeþó. Abaijané Asa dealeþó.
- ⁸ Asané Jehosapat dealeþó. Jehosapat-né Joram dealeþó. Joram-né Usia dealeþó.
- ⁹ Usiané Jotam dealeþó. Jotam-né Ahas dealeþó. Ahas-né Hesekia dealeþó.
- ¹⁰ Hesekiané Manase dealeþó. Manasené Amon dealeþó. Amon-né Josaija dealeþó.
- ¹¹ Josaijané Jekoniaró ama nomarapetamo dealeþó. Ai wh̄irapeta, kale Ísrael fake so wh̄i bóe wh̄irapené Babilon hae kwiapaae wae sóró faaitere alimó dealeþó.
- ¹² Atéró, atima u Babilon hae kwiapaae wae sóró fele sisópaae Jekoniané Sealtiel dealeþó. Sealtiel-né Serubabel dealeþó.
- ¹³ Serubabel-né Abiud dealeþó. Abiud-né Eliakim dealeþó. Eliakim-né Asor dealeþó.
- ¹⁴ Asor-né Sadok dealeþó. Sadok-né Akim dealeþó. Akim-né Eliud dealeþó.
- ¹⁵ Eliud-né Eliasar dealeþó. Eliasarné Matan dealeþó. Matan-né Jekop dealeþó.
- ¹⁶ Jekop-né Maria dokale wh̄i Josep dealeþó. Mariané ti Yesu dealeþó. Ai sekéta, so wh̄i feané Kerisopó du betere wh̄ipó.

¹⁷ Atéró, i doi mole wh̄irape deté wale wh̄i Abraham-mó kaae sóró bitiré wóló, Depit betale alimó sókó wale wh̄irapené doirape fea touróturaalu, 14 wh̄irapeþó. Téró, Depit betale alimó kaae sóró bitiré wóló, kale bóe wh̄irapené atima u Babilon hae kwiapaae wae sóró bitiré fele alimó sókó wale wh̄irapené doirape fea touróturaalu, 14 wh̄irapeþó. Téró, u kale Babilon hae kwiapaae wae sóró fele alimó kaae sóró bitiré wóló, Kótóné so wh̄i t̄eteróló kaae tanóþóló, sóró betero betere wh̄i Keriso betale alimó sókó wale wh̄irapené doirape fea touróturaalu, 14 wh̄irapeþó.

*Yesu Keriso deale fo
(Luk 2:1-7)*

¹⁸ Yesu Keriso etéro dealeþó. Ama hama Maria a dokaai tukóló betero betere wh̄i Josep-tamo kuni h̄ale betepatei, Deji Kepe Wisiné naale eró betepa kelaleþó.

¹⁹ Atépa, kale so dokaai yale wh̄i Josep a me dowi alakélé ini, mo donoi wh̄i wisinaale betereiteiné so wh̄i feané erateremó, kale so a h̄ale yaqsóró, kikití tokó daalaai kisipa mualeþó.

²⁰ Atei kisipa mutu betepa, nokenarótei Talené *ensel*-né Josep-paae duraalu, "Depit-né deté wale wh̄iné naalema Josep-ó, Mariané ai ere naaleta, kale Deji Kepe Wisinétei eró betepara ya h̄aleni, naao sopa dokaai dapesó fae.

²¹ Ama ai ere naale detepata, ti so wh̄i feané du betere dowi alamó saaire kwia tokóló kemeróló tao saalopóló, ama doi Yesu mulae," yaleþó.

²² Ai alarape feata, h̄ale kaayóló ini, Talené fo eratere koló wh̄iné mo taketi aseýóló muló betere fo dokonóturaalu, yaleþó.

²³ Ai fo i ape. "Beta so seimale wh̄i metamo kunipatei, naale yaalopó.

Ai naale deýóló betepa so wh̄i feané a kilituraalu, ita Emanuel-pó yaalo ai ape," erapó.

Ai fo bete feteyóló Kótó d̄atamo beteraþó.

²⁴ Atéró, kale wh̄i Josep a turukó horóló, Talené *ensel*-né nokenaró aþaae yae yale alatóró sya fóló, kale so Maria dokaai ama bepaae dape saleþó.

²⁵ Týealetei, ama somatamo kotere ala ini, h̄ale bitiré fóló kale so naale detepa, Josep-né ai naalené doi Yesu mulaleþó. Atéyale k̄ilipaae ti atimaamo kw̄ealeþó.

2

Suka hoterepaae betere wh̄irapené Yesu deóló betere kelale fo

¹⁻² Judia hae kwiamó t̄ene Betelehem be huluamó, Yesu deýale k̄ilipaae etéyaleþó. Jerusalem bemó Herot a doasi topo wh̄i betale sukamó, kale h̄orené dere ala bete

kisipare whĩrape atima suka hotereró wóló, ai be huluamó betó mole so whĩpaae wose-turaalu, “Kale Juda fake so whĩ tẽteróló kaae tawaaire topo whĩ-a, momó deyóló betere? Ti noatepae, da suka hotereró bitu, a deyóló betere? Ti noatepae, da suka hotereró bitu, a deyóló betere? Ti noatepae, da suka hotereró bitu, a deyóló betere? Ti noatepae, da suka hotereró bitu, a deyóló betere?” yalepó.

³ Tétepa, doasi topo whĩ Herot-né ai fo woseturaalu, ama kisipa feléni, a doasi whaaliatu betalepó. Atétepa, kale Jerusalem be huluamó betó mole so whĩkéle ama mutere kisipa kaaetóro mutu betalepó.

⁴ Kale doasi topo whĩ Herot-né so whĩmó Talepaae momaratero topo whĩrapéro Moses-né yóló muló betere fo yó matere whĩrapetamopaae ape yóló woseturaalu, “Kótóné so whĩ fea tẽteróló kaae tanópóló, sóró betere? betere doasi topo whĩ Keriso-a, mé bemó deyaalopóló asemó yóló muló betere?” yalepó.

⁵ Ti fo depa, atimané tokó mótu duraalu, Judia hae kwiamó tene Betelehem be huluamó deyaalopóló, mo taketi Kótóné ama kóló whĩné aseýóló muló betere fo i ape.

⁶ “Juda haemó tene Betelehem be huluamó betó mole so whĩ diaaq kisipané-a, Juda fake so whĩ tẽteróló kaae tare topo whĩrape kuamó, daqó doi munipó fo du bitu de? Meipó.

Kótóné so whĩ tẽteróló kaae tawaaire topo whĩ betá dia tuamóte, sóko waalo ai ape.

Ai sekéné amata, *sipsip* hupurape tẽteróló kaae taru dere kaae, yało Israel fake so whĩ tẽteróló kaae tawaalopó erapó,” yalepó.

⁷ Téro, Herot-né kale hõrené dere ala bete kolóló kisipare whĩrapepaae ape, fo kíkíti yó faralepó. Atéro kale whĩrape wapa, atimasisi bitu duraalu, “Diaaq kelalepó dere hõre-a, noa sukamó kelalé?” yóló wosetepa, atimané apaae mo i be demótóróti kelalepóló, yalepó.

⁸ Ama atima Betelehem be huluapaae dotonaai duraalu, “Kale naale momó sóró betereró kelaasepóló, mo wisiyóló kekæ. Atéro kenenalemó, sóró betere tiki keletepa, ti mo hapale tẽtitóro epaae ene ape. Ti ekélé a aqmó sinóló bitu, ama doi hale sóró horaairaalu, fenérápó,” yalepó.

⁹ Atéro, kale doasi topo whĩ Herot-né atimapaee yae yale fotóro wosóló, atima faai wale tikipaae furaalu, atima take suka hotereró bitu kelale hõretóro ó samó hãle fu betepa kelalepó. Atétepa, atimakélé ai hõre foleteti kelené kaae sóró felemó, kale naale deyóló betere tikimótóro kejýóló daane felepó.

¹⁰ Ai hõrené dere ala kilituraalu, atimakélé mo doasi hõkesené sinalepó.

¹¹ Atima ai bemó sóko felemó, kale naaleró hama Mariatamo betepa kóló, atima bukutiri teýaró bitu, Doa Tale-ó yóló, a hale sóró horalepó. Atéro, atimané kale naalemó hãle melaairaalu sóró wale wisi wisi q̄larape *kold kapakélé*, si keletómó bilitepa, felé kelaa wale q̄lakélé, *mur wel weikélé*, tẽyóló melalepó.

¹² Tale Kótóné kale whĩrapepaae noke-naró atimané hae kwipaee momó fesaae furaalu, Herot betereró faqse yale fo kisi-paru, Herot betere tũró feni kae tũmó felepó.

Josep-ró Mariatamoné Yesu Isip hae kwiapaae dapesó fele fo

¹³ Atéro, atima fi sisópaae Talené *ensel* Josep noke firepaae wóló, nokenarótei duraaalu, “Herot-né ai naale daairaalu kekãalo ai ape. Térapa, yało yãpaae ape dere alimó waasepóló, ya turukó holóló ai naaleró hamatamo dape sóró u Isip hae kwiapaae botokó fae,” yalepó.

¹⁴ Ai fo woseturaalu, kale whĩ a mo dikitamotei turukó holóló, kale naaleró hamatamo dapesó u Isip hae kwiapaae faairaalu, felepó.

¹⁵ Atéro, kale whĩ Herot sukĩ tikimó waairaalu, atimaamo u Isip hae kwiamó bitiré felepó. Mo take Talené ama kóló whĩné aseýóló muló betere foné duraalu, “Yało naale u Isip hae kwiamó betepa, ai hae kwia taaróló ape,” yalepó.

Ai fo dokonóturaalu, motóro yalepó.

¹⁶ Kale topo whĩ Herot-né ama yaaire ala kíkíti hiróló kale hõrené dere ala kisipare whĩrape dilikãletei, atimané kilirapóló a mo doakale fopaae bualepó. Tētu, ama dikĩ tare whĩrapepaae yóló mulótu duraalu, Betelehem be huluaró ai hae kwiamó tẽ mole ipu betamómó mióti teó sóró betó mole naalerapemó kaae sóró dilé fóló, ba fo tamo kemeyóló betó mole naalerapekélé mo fea dóló kemerae yóló doteyalepó. Ti aita hãle meipó. Kale hõrené dere ala bete kisipare whĩrapepaae wosetepa, atimané apaae yó melale be de tũe muluraalu, atéro dóló kemerae yóló doteyalepó.

¹⁷ Ti aita hãle tuãmó kaayóló inipó. Kótóné ama kóló whĩ Jeremaiané i fo aseýóló muló betepapó.

¹⁸ “Rama bemó betere so Resel-né dekené sukĩ moló doasi du betepa, mepaae so whĩné a kisipa felératere fo yalemó, mo wosenipó.

Ti noatepae, ama naale senaale fea sisiraae feleteinépó.”

Ti ai naalerapé dele alata, kale yóló muló betere fo mo dokonóturaalu yalepó.

Nasaret be huluapaae momó fesaae fele fo

¹⁹ Téro etéyalepó. Kale doasi topo whi Herot sukítikimó, kale whi Josep Isip hae kwiamó betepa, nokenaró Talené *ensel*-né duraalu, “Josep-ó, ai kale naale daairaaalu du betale whirapeta, ai sukále ape.

²⁰ Térapa, ya turukó horóló, ai naaleró hamatamo dape sóró u Israel hae kwiapaae tokó fae,” yalepó.

²¹ Tétepa, Josep a turukó horóló, kale naaleró hamatamo dapesó Israel hae kwia-paae felepó.

²² Atéro Josep a Judia hae kwiapaae bití faai yaletai, ai hae kwia kale doasi topo whi Herot betale sirimó, naalema Akelausiné tetéroló kaae tarapó dere fo wosóló, witepa taaralepó. Talené a-paae nokenaró Judia hae kwiapaae bití faqse yale fo kisipa iru-raalu, Kaleli hae kwiamó tene Nasaret be huluapaae tokó felepó.

²³ Atéro feleteita, mo taketi Kótóné ama kóló whirapené asemó duraalu,

“So whi feané a Nasaret be hulua whikópó yaalo ai ape,”

ere fo mo dokonóturaalu, atima Nasaret be huluapaae tokó felepó.

3

Jon-né Yesu waaire tú alerótu betale fo (Mak 1:2-8, Luk 3:1-18, Jon 1:19-28)

¹⁻² Atéro bitiré wóló etéyalepó. Kale wéi tópuratere whikó Jon a Judia hae kwia tuámó so whikélé bitini, hále kópu kaae fi tikimó sókó wóló beterepó. A aimó betepa, mepaae a beterepaae wuatere so whipaae Kótóné fo wisi yó mótu duraalu, “Tale Kótóné ama hepen bemó tetéroló kaae tare ala mió mo felekemó walapa, diané du betere dowi ala taaróló, kisipa tiki feteyóló betae,” du be-talepó.

³ Ti a-ta, me kae mei, mo take Kótóné ama kóló whi Aisaiané waalopóló, bope du betale whipó. Aisaiané ama aseýóló muló betere fo i ape.

“So whi bitini hále kópu kaae fi tikimó, betá whi wóló daalu, fo fakeýóló duraalu, ‘Tale waaire tú donoróló aleyae,’” er-apó.

⁴ Jon-né ama derótua yale kutita, *kamel* hupu nikiné aleyale kuti derótua yóo, ama sua yale tokélé hupu sekañé aleale to sua yóo, yalepó. Ama nukua yale olakélé meke weíró ero nusutamó maaté nukua yalepó.

⁵ Jerusalem be hulua taaróló wua yale so whikélé, Judia hae kwiamó betó mole so whikélé, kale Jordan wéi felekemó betó mole so whikélé, mo fea a beterepaae wua yalepó.

⁶ Atimané dowi ala fea hakeamó yó mótu depa, Jon-né atima Jordan fole wéimó tópurótua yalepó.

⁷ Téyaletai, Farisi whiraperó Sadyusi whirapetamo so whi wéi tópurótu betere tikipaae wua depa, ama atimapaae duraalu, “Diá dowi wuli kaae so whi dilikitu betere whirape-ó, Kótóné diátamo fopaae buturaalu kwia melaqsóró, botokó fae fo né yaleé?”

⁸ Diaaq ai du betere dowi ala taaróló, motóró kisipa feteyóló wapa, ti diaaq du betere alakélé mo kisipa tiki fetere whiné dere ala kaaetóró yae.

⁹ Diáta, Abraham-né deté wale naale senaale betereiteiné diáppaae me ala er-aalomeipóló kisipa muaqsé. Yálo diáppaae mo i dere ape. I muó mole kaporapetei, Kótóné ama mo sumó Abraham-né naale senaale aleyóló beteranérápó.

¹⁰ Mepaae nirapetamo naaire du wisi olenitepa, ti diyóló si duku betere dolopaae taae deraalopó. Atéyaairaaalu, kutó talené ai ni baalemó kaweí ai bukó tare ape.

¹¹ Yálo diá wéi tópurótu betereiteita, diaaq dere dowi ala taaróló, kisipa feteyóló wópóló tópurótu beterepó. Tétu betepatei, yálo kilipaae waaire whi betata e kaae meipó. A mo doasi fotokó bole whi betepa, e naale belekqamale kaae, a aqmó beterepó. A atei kaae doasi fotokó bole whi bitu, diá wéi tópuróturaalu, ti kale Deí Kepe Wisiró sitamoné tópuraaalopó.

¹² Ama naasené ti kale *whit* o fumi beséné só fópóló, kqayóló taae fótua dere ekepé fake tarapó. Kale *whit* duné fumirape ama fuóló taae faróló, mo *whit* ke maaté ti mulótua dere be dolopaae mulaalopó. Atéro fumi-rapeta, ti sukókelé feni hále dótóró tare si dolopaae fesekée deraalo ai ape,” yalepó.

Yesu wéi tópurale fo

(Mak 1:9-11, Luk 3:21-22)

¹³ Téro, Yesu a Jordan wéimó Jon-né wéi tópurópóló, Kaleli hae kwia taaróló, Jon beterepaae walepó.

¹⁴ Tétepa, Jon-né Yesupaae ya wéi tópuraaalo meipóló seséýóló duraalu, “Naaó epaae ya wéi tópurae dere-a, e whi wisi betepa ya tópuraró de? Naaotei e wéi tópurasepólópo,” yalepó.

¹⁵ Ai fo depa, Yesuné a-paae duraalu, “Aita mo deretei, mió dāmoné i dere alané Talené ama so whi donoraaitere ala mo dokonópólópa, naao e wéi tópurae,” depa, Jon-né wisirapóló a wéi tópuralepó.

¹⁶ Atéro, Yesu a wéi tópuóló tétitóró hae taopaae taae hotepa kelalemó, ó hepen be tú tukwé fóló, Kótóné Deí Kepe Wisi ba hókósere kaae, ama tikimó bití dorowalepó.

¹⁷ Atéro, ó hepen bemó fo tekerótu duraalu, “A-ta, yálo yaala sókó fóló mo hosaa mole Naale ai ape. Ama dere ala fea yálo kilitu, e mo doasi hekesené sinitu beterepó,” yalepó.

4

*Yesu dée nǎpóló Satan-né sǎ sale ala
(Mak 1:12-13, Luk 4:1-13)*

¹ Téró etéyalepó. Satan-né Yesu a sǎ sǎ sǎ dée nalǎpóló, so whǎkélé bitini kǎpu kǎae fi tikǎpaae Dǎi Kepe wisinétéi alǎsǎrǎ felepó.

² A aimó be dǎetereró dikiteretamo whǎ siki tamo bitu, ǎla mo sawakélé nǎni wote siri hǎle betaletikimó, a mo wotené sinalepó.

³ Atéró betepa, dowi ala yǎpóló sǎ sǎ dée nalatere seké wóló ǎpaae duraalu, “Yǎtamo Kótóné Naalemapata, ti i kanerapepaae bred o alé fae yae,” yalepó.

⁴ Ai fo depa, Yesuné ǎpaae tokǎ mótu duraalu, “I fo asǎyóló muló beterapó.

‘Whǎ betere beteta, mo ǎla nokoletiné maaté bitini,

Kótóné ama dere fo fea woseturaalu bitiré fenérápó,’” yalepó.

⁵ Téró, kale dowi Satan-né Yesu a Kótóné mo kae tǎnó betere doasi be huluapaae dapesó fóló, aimó tǎne momatere be mo ó hulua tǎmó daalalepó.

⁶ Atéró daaróló ǎpaae duraalu, “Yǎtamo Kótóné Naalemapata, ti naotei yǎ haepaae tǎwó derepaae. Ti i fo asǎyóló muló beterapó.

‘Yǎ a haepaae muni durupuraalu, kaponé kotóo sǎrǎ doalé yaǎsǎrǎ,

Kótóné ama *ensel*-rapené naase tǎmó muni dorowǎpóló, yǎ tao sae yaalopó,’” yalepó.

⁷ Ai fo depa, Yesuné ǎpaae tokǎ mótu duraalu, “Ti i fokélé asǎyóló muló beterapó.

‘Betǎ whǎnǎkélé a tǎteróló kaae tare Tale Kótóné noa alakó dérǎ kǎae kelaai dǎpóló sǎ saǎse,’ erapó,” yalepó.

⁸⁻⁹ Atéró kale dere kaae, momó dowi Satan-né a mo doasi sokore hasi fosǎpaae dapesó holóló, i hae kwia feamó kae kae doasi whǎrapené tǎteróló kaae tare alaraperó ai ala tuǎmó mole mepaae doasi wisi wisi alarapetamo yó mótu duraalu, “Yǎlo i dere fotamo naao mo betǎ wosóló, yǎ ǎ aǎmó bukutiri teǎró bitu, doa whǎ-ó yóló ǎpaae moma depa, ti ai ǎla ǎla fea naao tǎteróló kaae tanǎpóló, yǎlo yǎpaae melaalopó,” yalepó.

¹⁰ Ti fo depa, Yesuné ǎpaae duraalu, “Satan-ó, yǎ ǎ taaróló fae. Ti i asǎyóló muló betere fo wosae.

‘Naao Tale Kótópaae betǎ doasi-ó, yóló a aǎmó bitu, ama alatǎrǎ erótu betae,’” yalepó.

¹¹ Atétepa, kale dowi Satan-né Yesu taaróló foletamo, Kótóné ama *ensel*-rape wóló, a tao salepó.

*Yesuné fo yó melaai kaae sale fo
(Mak 1:14-15, Luk 4:14-15)*

¹² Atéró Jon *dǎpula* beteralépó dere fo Yesuné ama wosóló, a Kaleli hae kwiaapaae momó fesaayóló felepó.

¹³ Atéró a betere Nasaret be hulua taaróló, Kaleli wǎi kǎla felekemó tǎne Kapeneam be huluapaae tokǎ fóló betalepó. Ai be huluata, Sepulun hae kwiaró Naptali hae kwiatamo tuǎmó tǎnapó.

¹⁴ Atéyaleteita, Kótóné ama kǎló whǎ Aisaiané yóló muló betere fo dokonóturaalu yalepó.

¹⁵ Ai fo i ape.

“Sepulun fakeró Naptali faketaimoné hae tikita, u kale Jordan fole wǎiró Kaleli wǎi kǎlatamo molepaae eróló erapó. Ai hae tikita, Sepulun fakeró Naptali faketaimoné haetei, Juda meire fake tokǎ fóló, atimané hae aleróló betó molepó.

¹⁶ Ai hae tikimó betó mole so whǎ atima diliki dolomó betereitei, mió mo doasi dǎ wisinaale kolóló betó mulapó. Mepaae so whǎta, sinitere alané dilikiró betepatei, mo dǎi suka sókó huturaalu dǎrǎ betepa, ai dǎ tuǎmó betó mulapó,” fo asǎyóló muló beterapó.

¹⁷ Atéyale sukamó kaae sǎrǎ, Yesuné ama fo so whǎ feapaae hǎkeamó yó mótu duraalu, “Kótóné hepen bemó tǎteróló kaae tare ala mió mo felekemó ai walapa, diaaǎ dowi ala taaróló kisipa tiki feteyae,” yalepó.

*Yesuné yó matere whǎrape kaae sǎrǎ
saletei*

(Mak 1:16-20, Luk 5:1-11)

¹⁸ Atéró, Yesu a kale Kaleli wǎi kǎla fóku seseke durupu bitu kelalemó, Saimon doi mupatei, Pitapó du betere whǎrǎ ama noma Andrutamo hǎleke wa wǎi kulu tuǎpaae derótu beterepó. Ti atimaamota, ya siré kotere whǎ tamopó.

¹⁹ Tétu betepa, Yesuné atimaamopaae duraalu, “Diaamo ai ya su dere kaae, so whǎ atéró siré kweyaasepóló, dǎ fea betǎmó kulturaalu, yǎlo diaamopaae yó melaalopa ǎ sya ape,” yalepó.

²⁰ Ai fo depa, atimaamoné hǎleke warape mulǎpóló taaróló, mo hapale tǎtitóró a sya felepó.

²¹⁻²² Atéró a tuǎmó fu betaalemó, me whǎrǎ nomatamokélé daapa kelalepó. Ai whǎ tamota, Sebediné naalema Jems-ró Jon-tamopó. Atimaamoné alimakélé atima fea wǎi nukumó bituraalu, atimané hǎleke warape tukó faletei, wisi wisiyóló numutu betepa kelalepó. Atétu betepa, Yesuné atimaamopaae duraalu, “Diaamokélé ǎ sya ape,” depa, kale whǎ tamo mo hapale tǎtitóró turukó holóló, atimaamoné wǎi nukukélé, alimakélé betepatei taaróló, a sya felepó.

Yesuné kisi daae mole so whj wisirale fo (Luk 6:17-19)

²³ Atéro, Yesu a ai Kaleli hae kwia tuamó kuturaalu, Kótóné teterólo kaae tare aomó mole kisi fo wisi so whj feané wosópóló, atimané fo wosetere be dokó yó maté kweyalepó. Atéturaalu, ai so whj kuamó dowi hepo daae mole so whjiró mepaae tiki momaare so whjtamokélé wisiraté kutu betalepó.

²⁴ Ama so whj fea atéro wisirótu beterapó deté kotere fo Siria hae kwiamó betó mole so whjiné woseturaalu, kae kae dowi kisi daale so whjkélé, doasi dele su betere so whjkélé, dowi kepe tepeyólo betó mole so whjkélé, mepaae kae kae kisiné kele olopa olopa yólo sinaaitu betere so whjkélé, mepaae momaayólo betere so whjkélé, mo fea a beterepaae dapesó wua depa, ama wisirótua yalepó.

²⁵ Atéro, kale Kaleli hae kwia taarólo wale so whjkélé, Dekapólis hae kwia taarólo wale so whjkélé, Jerusalem be hulua taarólo wale so whjkélé, Judia hae kwiaró, Jordan wej fóku uté tēró betó mole so fea a beterepaae wólo, ama dere ala kelaai dapólo Yesutamo touyólo kutu betalepó.

5

Du sokoremó Yesuné so whjpaae yó mótu betale fo

(Luk 6:20-23)

¹⁻² Téro Yesuné kelalemó, so whj mo hale ɔla kaae wólo touró betepa, a sokore du aɔpaae holólo betterepó. Atéro betteremó, ama yó matere whjrape a beterepaae walepó. Atéro wólo betó mupa, ama atimapaee yó mótu duraalu,

³ “Mepaae so whj dené yaalo kepe bete tuamó me wisi alakélé muni, mo yayrapó du betepa, ti Kótóné wisiró betterapólo hajné sukutu betae.

Ti noatempa meipó. Ai so whjta, Kótóné hepen bemó teterólo kaae tare ala sóro ai tare ape.

⁴ Mepaae atima dekené sukutu wole du betere so whjta, Kótóné wisiró betterapólo hajné sukutu betae.

Ti noatempa meipó. Mió dekené sukólo wole du betteretei, take Kótóné atima tué tiki feléraalo ai ape.

⁵ Mepaae naame yólo mo dua betere so whj ti Kótóné wisiró betterapólo, hajné sinitu betae.

Ti noatempa meipó. Kótóné hae tiki mo turó atimamó matepa saalopó.

⁶ Mepaae so whj de woteró wej nokoletamo du dere kaae, Kótóné mo donoi ala wisi eraairaalu ekɛle du betepa, ti Kótóné wisiró betterapólo hajné sukutu betae.

Ti noatempa, atétere so whjpaeta Talené ama donoi ala mo ti sɔraalo ai ape.

⁷ Mepaae so whj denétamo mené aɔpaae me dowi ala eratepa me ɔla meipólo hale kemeró, me whj sekei ala tuamó betepa kolené sukutu tao sóo du betepa,

ti atétere so whj Kótóné kolené sukutu tao sóro, atimané dowi alakélé ama kemeró betterapa, hajné sukutu betterópóló yae.

⁸ Mepaae so whj atimané hosaa tuamó me alatamo hosekényi, mo wisi alatóro erótu betepa, ti hajné sukutu betae.

Ti noatempa, atétere so whjiné ti Kótó mo kelaalopó.

⁹ Hɔle sere ala ó bóe dele ala taalae yólo, filitere so whjta ti Kótóné wisiró betterapólo hajné sukutu betae.

Ti noatempa, atétere so whj kilituraalu, ita Kótóné ama naale senaale betterapó yaalo ai ape.

¹⁰ Mepaae so whjtamó Kótóné mo donoi alamaat erótu betteremó, kae kae sekei alané só derótu betepa, ti Kótóné wisiró betterapólo hajné sukutu betae.

Ti atétere so whjiné Kótóné hepen bemó teterólo kaae tare ala sóro ai tare ape.

¹¹ Diɔ yaalo ala erótu betteremó, mepaae so whjiné diɔpaae kae kae sekei ala eratepa, ó so whj feané keletómó kapala fo yólo faletepa, ó kae kae eratere fo yólo diɔ só deratepakélé, Kótóné wisiró betterapólo hajné sukutu betae.

¹² Ti noatempa meipó. Take Kótóné ama kɔlo whjrapaepaaekélé mió diɔpaae ai erótu betere sekei ala kaae, erótu bitipakalepó.

Atérapa ó hepen bemó mole doasi dupu saaireteimó, mo kée yólo hajné sukutu betae,”

Keriso so whj i haemó kóró deɔtamo kaae betterapólo yale fo

(Mak 9:50, Luk 14:34-35)

¹³ “Diɔta, i haemó betó mole so whjtamó kó felé kaae yólo ai betere ape. Téretei, kóné felé kemetepa, ti momó kae netéro felé bulaaló? Mo meipó. Atéro felé initere kó me ala enénipó. Atétere kó taee farólo hae tikimó beseké yólo mupa, so whjiné tejiya tejiya yaalo ai ape.

¹⁴ Diɔta, i haemó betó mole so whjtamó mo de kaae betterapó. Doasi sokore hae du tómó mo haɔeamó te mole be hulua bóe whjiné kelaɔsóro, me ɔlané kinanénipó.

¹⁵ Atére kaae, mepaae whjiné lamp sa derólo doasi ni fake aomó kinólo mulótimipó. Ti noa yopólo meipó. Be tuamó

betó mole so whi fea demó beterópóló kisipa mutu, sa deróló mulatere ni fake tómtótoró hakeamó mulótua dapó.

¹⁶ Atétu dere kaae, diá tuámó ere de so whi feané kolópóló, hakeamó deró betae. Atépa, so whiné kilituraalu, ó hepen bemó betere diaaó Ayané doi sóró horótu beterópóló, wisi ala hakeamó erótu betae.”

Kótóné tukóló muló betere foné erae ere ala dokonale fo

¹⁷ “E, waletaita, Moses-né yóló muló betere foró Kótóné ama kóló whirapené yó melale fotamo tokóló aluraai wénitei, ai asemó yóló muló betere fo dokonaairaalú wóló i betere ape.

¹⁸ Yálo diappaee mo i dere ape. Ó sáró i haetamo kemeyai teópa, Moses-né yóló muló betere fo kwia mo sawakélé aluyaalomeipó. Atéyaalopóló muló betere fo fea hasókó feni, dokonóló motóróti eraalo ai ape.

¹⁹ Whi me dené i aseýóló muló betere fo mo sawakélétaamo tikitepa, ó me whippaaekélé ai ala tukóló yae yóló yó matepa, ti atétere so whi Kótóné tetéroló kaae tare hepen be tuámó doikélé mo muaalomeipó. Téyaalotei, mepaae so whi dené kale yae yóló muló betere fo wosóló eróo, mepaae so whippaaekélé i fo sya fóló erae yóló yó melóo, du betere so whita, hepen bemó Kótóné tetéroló kaae tare aqmó doasi doi muaalo ai ape.

²⁰ Yálo diappaee mo i dere ape. Diáné dere mo donoi ala wisinaalené kale Moses-né asemó ere fo yó mótu betere whiraperó, Farisi whirapetamoné du betere donoi ala tetéroló bitinipa, ti ó hepen bemó betere Kótóné tetéroló kaae tare aqmó mo sókókélé faalomeipó.”

Dei tué muóló fopaae buturaalu whi daqse yale fo

(Luk 12:57-59)

²¹ “Mo take diaaó noutererapepaae yóló mulale fo i ape. Me whi mo ti dóló suku-naqse. Atétepa, ti ai whi á kwia moleteiné taleyóló só deraalo ai ape.

²² Atépatéi, yálo diappaee dere fo i ape. Whi me dené ama no hamomatamo me bete munipatei, hále fopaae depa, ti atétere whi á kwia moleteiné taleyóló só deraalopó. Atétere kaae, whi me dené me whi hamoma eratere fo depa, ti atétere whi fo taletere whirape beterepaae dapesó faalopó. Téyaalotei, whi me dené ama no hamomapaae duraalu, ya topo doýóló kisipa tikikélé okokoi-ó depa, ti atétere so whi doasi kwia moleteiné mo hále dótóroló tare dowi sipaae faai ai du betere ape.

²³⁻²⁴ Térapa, naao me ola Kótópaee hále melaai dapóló, kale momatere tikipaae sóró fenalemótamo, naao noné yátamo

sekerapó depa, ti Kótópaee hále melaaire ola melaaitéi folosóroló, naao notamo mole sekepi teraayóló wisirae. Atéroló nalo ti naao hále melaaire ola Kótópaee melaee.

²⁵ Whi me dené yátamo fo tokótamo yaai ya dapesó fupa, ti diaamo tu tuámó furaa-lutei á kisipa wisi mulóló, hapale donoraee. Até initepa, ti ya taletere whi beterepaae dapesó fóló, fo tokótamo yóló, ai whinémo *dipula* be tetéroló kaae tare whirapené doasi topo whiné naase tuámó mulaalopó. Ai whiné amamo ya *dipula* beteraqsóroló kisipa mutu dapó.

²⁶ Yálo diappaee mo i dere ape. Ya *dipula* betereitei sokópóló, dále mulale kwia belekaamale sonaai *monikélé* mo turó kemeróló menitepa, ti ya *dipula* hále bitiré fóló, kemeróló duputere sukamó sokaalo ai ape. Meitepa, ti ya *dipula* hále betó tawaalopó.”

Nópu naqse yale fo

²⁷ “I dere fota, diaaó taketi woseté wou beterapó. ‘So ó whi nópu naqse,’ erapó.

²⁸ Ai fo epatei, yálo diappaee mo i dere ape. Whi me denétamo me so kelené kolóló kisipa tikiné au nukupa, ti atétere whiné ama hosaa tuámó nópu mo ai nale ape.

²⁹ Naaó turu kelenétamo ya dowi ala yópóló dée nalatepa, ti atétere kele sokóló taae falae. Ti noatepaae, naao tiki turó dowi si duku beterepaae faqsóroló, ya atéroló dée nalatere tiki kwia tukóló taae faróló, wisi tikipaae fupa mo wisirapó.

³⁰ Naaó turu naasenétamo ya dowi ala yópóló dée nalatepa, ti ai naase tukóló taae falatere mo wisirapó. Ti noatepaae, ya dée nalatere naase tukóló taae farénitepa, naao tiki turó dowi si duku beterepaae faqsóroló dapó.”

Whiné so tokó fateremó yale fo

(Mat 19:9, Mak 10:11-12, Luk 16:18)

³¹ “Upulé i fo aseýóló muló betereitei diaaó ai tuére ape. ‘Whi me dené ama sotamo tokó falaai depa, ti tokó fatere ase sóró fópóló sopaae melaee,’ erapó.

³² Ai fota mo epatei, yálo diappaee i dere ape. Whi me dené ama so me whítamo nópu nénipatei hále tokó fatepa, ti soma amatei nópu nalatapó. Atéroló tokó fatere so me whinémo dokotepa, ti ai whi ákélé nópu nukulapó.”

Talené doi yóló malo yaqse yale fo

³³ Yesuné atimappaee duraalu, “Take bitiré wale so whippaae yóló mulale fo me i ape. ‘Naaó Talepaae i ala mo yaalopóló, malo yale fo tikini, motóroló eró tawae,’ erapó.

³⁴ Tépatéi, yálo diappaee mo dirii fo i dapa wosae. Malo dere alakélé momókó yaqse. Naaó dere fo diriróturaalu, hepen be doi yóló malo momókó yaqse. Ti noatepaae, ó hepen

beta, fea ala fea teterólo kaae tare Kótó betere tikipó.

³⁵ Ó diaaq dere fo diriróturaalu, i haekélé doi yóló malo momókó yaqse. Ti i haeta, Kótóné ama hó dée daalo betere tiki ai ape. Jerusalem be hulua doi yólókélé momókó malo yaqse. Ti noatepae, ai be huluaata, fea ala fea teterólo kaae tare doasi topo whi betere tikipó.

³⁶ Diaaq dere fo diriróturaalu, naase horólo kutiri teketera alakélé momókó yaqse. Ti noatepae, naao topo niki mo betakélé de niki ó diliki niki biliranénipó.

³⁷ Diānē me ala mo ipa, ti épó yalepótóró yae. Inipa, ti mo inipótóró yae. Naao ai dere fo mopó yópóló, mepaae kae kae hōko fotamo tourólo dereteita, ti dowi Satan-né yae yóló tēnatepa dapó.”

Mené sekei ala eratepa tokó melaqse yale fo

(Luk 6:29-30)

³⁸ “Mo take yóló muló betepa, diaaq woseté wou betere fo i ape. ‘Whi menétamo me whi kele doratepa, ti menémo ama kelekélé dorae. Me whinétamo me whi sereke dukutepa, ti menémo ama serekekélé dukae,’ erapó.

³⁹ Ai fo mo epatei, yalo diāpaae i dere fo wosae. Me whinétamo diāpaae me dowi ala eratepa, ti diaaqmo atimapaee momó tokó matere ala yaqse. Me whinétamo ya faamumó okolope deké supa, ti me tikiró faamumókélé dópóló yó melae.

⁴⁰ Mepaae whiné yātamō fo tokótamo yóló, naao deró betere kuti sokotepa, ti me fōloi kutikélé sópóló sókó melae.

⁴¹ Mepaae whinétamo, yāpaae 1 *kilomitamó* ama ǫla ǫla belerólo fae yóló setepa, ti naaomo me belerólo, 2 *kilomita* alerae.

⁴² Whi menétamo yāpaae me ǫlakó kematepa, ti ama ai kematere ǫla melae. Me whinétamo naao me ǫlakó kapala asiri saai dapóló yāpaae wosetepa, melaalomeipóló ama dere fo sisópaae eraqse.”

Bóe whipaae yaala sókó fae ere fo

(Luk 6:27-28, 6:32-36)

⁴³ “Taketí yóló muló betepa, diaaq woseté wou betere fo i ape. ‘Naao be whi so whipaae yaala sókó furaalu, bóe whi hōrólo bóe du betae,’ erapó.

⁴⁴ Tēpatei, yalo diāpaae i dere ape. Diaaq bóe whirape hekesené sinóló yaala sókó furaalu, wisi ala erótu betae. Mepaae whinétamo diāpaae sekei ala eratepa, atétere whi Tale Kótóné tao sóró, kisipa tiki wisi mulópóló momarae.

⁴⁵ Atétepa, ti diā ó hepen bemó betere diaaq Ayané naale senaaletóro betaalo ai ape. Talené suka derótu betereiteita, dowi ala dere so whipaaekélé, wisi ala dere so whipaaekélé erótu beteraqó. Ama hali

anaterē alakélé, dowi ala du betere so whiró donoi ala du betere so whitamō wusurópaae anótua dapó.

⁴⁶ Diānētamo, mepaae diā heśekené sukóló yaala sókó fole so whipaae maaté yaala sókó fu betereitei doasi alapakó, Kótóné diāmó dupu melaalopóló de? Ti kale *takis moni* siré kotere whirapenékélé atei kaae ala dua dapó.

⁴⁷ Diaaq mo no ne apupaae maaté naamei fo yóló, kōleó du betere-a, ai doasi alaé? Ti mepaae Kótó tué inire so whinékélé ai ala dua dapó. Tēpatei, hāle mo so whipaaekélé naameiné kōleó du betepa, ti mo doasi ala ai ape.

⁴⁸ Tērapa, ó hepen bemó betere diaaq Aya ǫ me wisi ala yāyāni, mo ti sūru ere kaae, diākéle wisi alatóro eraté fóló, Talené ama ala mo ti sūre whi betae.”

6

Mepaae yaqyare so whi tao sae ere fo

¹ “Diaaq du betere wisi ala so whiné kolóló dukirópóló, momókó yaqse. Diaaq dere wisi ala tamo kolóló dukirópóló du betepa, ti ó hepen bemó betere diaaq Ayané melaaitere dupu saalomei ai ape.

² Até yaqsórópa, diāné mole ǫla ǫlarape mepaae yāyāre so whimó hāle melaai depa, ti tiki tuāpaae dorutei tó tikiné hāle sikilitere whirapené wisi ala dapó yópóló, du betere ala kaae mo yaqse. Ti ai whirapenéta, fo wosetere berapemókélé, tū tómókélé, so whiné atima doi hale sóró horópóló kisipa mutu, touró betere so whiné keletómó dua dapó. Yalo diāpaae mo i dere ape. Atétere whirape atima me dupu kaae saalomei, mo sūmótóró ai sóró tare ape.

³ Tērapa, naao ǫla ǫla mepaae yāyāre so whimó hāle melóló, yalo etei kaae ǫla melalepóló kisipa yó tani, mo keterae.

⁴ Diaaq mepaae ǫla ǫla yāyāre so whimó materetei so whi feané kelaqsóro kikiti melae. Ti atéro kikiti dere ala keletere Aya Talené amatóro diaaq ai dere alamó dupu melaalopó.”

Yesuné moma etéro yae yóló yó maletei

(Luk 11:2-4)

⁵ “Téyaalopa, diaaq Talepaae momaturaaalu, tuāpaae dorutei wisire nisiyóló hāle sikilitu betere whirapené dere moma kaae mo yaqse. Ti atimané momaturaaalu, fo wosetere berapemókélé, doasi tū tómókélé, so whi feané dukirópóló dua dapó. Yalo diāpaae mo i dere ape. Atétere so whiné duputa me kae muni, mo sūmótóró ai sere ape.

⁶ Tēni, Talepaae moma yaairaalu, naao be dolopaae fóló tū kinóló bitu, kelené kilinire diaaq Aya Talepaae betā momayae.

Atétepa, ti kikititi kinóló dere ala keletere Ayané diámó dupu melaalo ai ape.

⁷ Diaaḡ Talepaae momaturaalu, Kótóné ala kisipa inire wh̄irapené bete munire forape h̄ale h̄oko deté fu dere kaae yaqse. Ti atimané atéró f̄olo s̄yóló dere momata, Talené wosaalopóló kisipa muóló dua dapó.

⁸ Térapa, atimané ai dere ala kaae diaaḡkélé yaqse. Ti noatepae, diaaḡ yaḡḡare ḡla ḡpaae wosaai teópatei, diaaḡ Ayané ama mo kisiparapó.

⁹ Térapa, diaaḡ Talepaae momaturaalu etéró yae.

‘Hepen bemó betere ḡané Aya-ó, Yaḡta dowi ala mo betakélé muniruraalu, naao ere ala mo kaepó. Térereiné yaḡta, fea alané bete Tale betepa, so wh̄iné naao doi hale sóró horóló, mo doasi doi mulǒpóló yae.

¹⁰ Naao teḡteróló kaae tare aḡmó mole ala wisinaale wǒpóló yae. Naao kisipa mole ala ai hepen bemó irure kaae, i haemókélé atérǒpóló yae.

¹¹ ḡané mió i be deḡmó naaire ḡlakélé naao s̄umó ḡlae.

¹² Mepaae wh̄irapené ḡapaae erale dowi ala kwia ḡané tani, me ḡla meipóló h̄ale kemerótu yale kaae, ḡané dowi ala kwiakélé naao h̄ale kemerae.

¹³ ḡa me dowi ala yóló dée naaire tikipaae ḡlisóró faḡsóró, naao seséyóló t̄u wisitei yó mótu betae.

Téturaalu, ḡa dowi ala yǒpóló sesemer- atere bóe wh̄iné só deraḡsórópa, ai t̄u naao seséyóló ḡa tao sae, yóló dua yae.

¹⁴ Ti mepaae wh̄irapené diḡpaae erale dowi alatamo, me ḡla meipóló h̄ale kemeratepa, ti ó hepen bemó betere diaaḡ Ayané diḡné yale dowi alakélé, h̄ale kemeraalo ai ape.

¹⁵ Týealotei, mepaae wh̄irapené erale dowi ala me ḡla meipóló, diaaḡtamo h̄ale kemerénitepa, ti ó hepen bemó betere Ayané diaaḡ dowi alakélé, h̄ale kemeraalomeipó.”

Yesuné ḡla weyóló h̄ale betere alamó yale fo

¹⁶ “Diaaḡ Talepaae momayaairaaalu, ḡla weyóló h̄ale betere sukamó, tuḡpaae dorutei tó tikiné siḡlittere wh̄irapené dere ala s̄uróló yaqse. Ti so wh̄iné atima mo wisirapó yǒpóló kisipa mutu, ḡla weyóló atimané kelepa h̄umula yóló bitua dapó. Yaḡlo diḡpaae mo i dere ape. Ai wh̄irape atimané duputa, me kae saalomei, mo s̄umó ai sere ape.

¹⁷ Tépatei, diḡ moma yaai ḡla weyóló bitu- raalu, diaaḡ topo nikimó *wel* weí dilóo, di- aaḡ kelepaakélé fokóo du betae.

¹⁸ Ti noa yaḡsóró meipó. Mepaae wh̄irapené diḡ ḡla weyóló beteraḡpóló kisipa yaḡsóró dapó. Diaaḡ kelené keleneire

Ayané ama betḡ diaaḡ ai kikititi dere ala kelerapó. Atére Aya Talené amatóró diámó dupu wisi melaalo ai ape.”

I haemó wisi wisi ḡla betapaae huatu betaḡse yóló yale fo

(Luk 12:33-34)

¹⁹ “Diḡ i haemó bituraalu, ekeḡe yóló ita yaḡlo ḡlapóló, betapaae huatu betaḡse. Ti noatepae, i haemóta hoti dakóló ó dowi ero siné turukóló ó ḡlémi nokole wh̄irapenekélé kikititi be fulukóló sua dapó.

²⁰ Aténi, diaaḡ wisi wisi ḡla ó hepen bemó betapaaeróló mulaté holǒpóló yae. Ti ai bemóta ero sinékélé, hotinékélé doréni, ḡlémi nokole wh̄irapenekélé be fulukóló ḡlémi saalomeipó.

²¹ Ti naao wisi wisi ḡla mole tikimótóró naao hosaakélé mo turó ai mole ape.

²² Naao keleta, ti tiki turó deḡró betere *lamp* saḡ s̄u ai ape. Naao kele tamo wusuró wisipa, ti tiki turó deḡyó falapó.

²³ Téni, naao keletamo dilikipa, ti tikikélé turó dilikirapó. Naao tiki tuḡmó ere deḡtamo aluróló dilikipa, ti naao betere betekélé mo turó diliki yó falapó.

²⁴ Betḡ kutó diratere wh̄inétei teḡteróló kaae tare wh̄i tamoné kutó diranéniḡpó. Ti me wh̄iné du, i kutó dirae, me wh̄inékélé i kutó dirae depa, atimaamo wusuróné kutó betḡ wh̄iné diraaire mo s̄unipó. Ti noatepae, me wh̄i h̄óróló me wh̄ipaaemo h̄ekesené sinóló yaala sókó fole ala yaalo ai ape. Ó me wh̄ipaaemo doasi h̄ekesené sinóló yaala sókó f̄oo, me wh̄imo h̄óróló sisópaae eróo yaalopó. Téterereiné betḡ wh̄itei Kótóné ala eratere wh̄i betóo, *moni* diḡ teḡteróló kaae tare wh̄i aḡróló, *moniné* kutó diratere wh̄ikélé betóo, enéniḡpó.”

Nokole ḡla ó deraaire kutimó whaaliala yaḡse ere fo

(Luk 12:22-31)

²⁵ “Térapa, yaḡlo diḡpaae i dere ape. Diḡ betere beteta diaaḡ naaire ḡla ó weí nisiyóló e noa naalóe? ó kuti noa deraalóe? yóló, whaaliala du betaḡse. Ti ai ḡla ḡla-a, doasi ḡlapa whaaliala du betere? Yaḡ betere beteta, ti mo doasi topo ḡla ai ape. Naao deró betere kuti-a doasi topo ḡlapa, whaaliala du betere? Naao tikita, ti mo doasi topo ḡla ai ape.

²⁶ Barapepaae eratere ala diḡné kisipa muae. Atimané naaire ḡla wae bilitere ala ó ḡla sóro hepaae mulatere ala dua de? Tétumitei, ó hepen bemó betere diaaḡ Ayané atimané naaire ḡla s̄umó mótua dapó. Ti ai barapeta doasi ḡla meitei, ama tao sua dapó. Ti diḡ so wh̄ita, mo doasi ḡla betera- apa, ama kisipa keteraalopóló de?

²⁷ Me wh̄iné ama whaaliala dere alané a bitiré faaire be de ama s̄umó h̄ikili faranére? Mo meipó.

²⁸ Diã kuti noa deraaloé yóló, whaaliala du betere-a, kale hõko yó mole nerape kisipa muae. Ti atima kémi bisikóló kuti nomotere ala dumipó. Mo meipó.

²⁹ Tépeatei, yãlo diãpaae i dere ape. Mió i yó mole nerapené ere au wisiné kale doasi topo whi Solomon-né sua yale kuti wisinaalené ere aukélé mo teraae falapó.

³⁰ Diã tué tiki tiratere ala tómó dakeró betere whirape-ó, i haemó yó mole nerapeta, mió betã yóló dóta, doyaaire qlatei, Kótóné ama mo wisiyóló aurótuã dapó. Ti Talené ai ne aurótu dere kaae, diaaõ saaire kuti diãmó sumó melaalomeipóló du bitu de?

³¹ Atérapa, qlaró weítamo noa naaloé? ó kuti e noa saaloé? yóló, whaaliala du betaqse.

³² Ti noatepaae, hãle hõko betó mole so whirapené ai qla qlarape saaitapóló doasi keteké butu beterapó. Tépeatei, diãné ai yãã du betere qla qlata, ó hepen bemó betere diaaõ Ayané ama mo kisiparapó.

³³ Térapa, folosóró Kótóné ama tetéróló kaae tare alaró, mo donoí ala wisinaale-tamota, mo doasi bete mole alapa, keteké buóló erótuã betae. Atétepa, ti mepaae yããtere qla qlakélé fea Talené ama mo sumó melaalo ai ape.

³⁴ Atérapa, dó be demó noa ala yaaloé yóló whaaliala du betaqse. Ti dó be demó yaaire alata, ai be demótóró erópóló yae. Upaae bitiré faaire be demó yaaire sekéi ala, mió i be demó dere alatamo touraqse."

7

Mepaae so whiné dere ala taleyóló só deraqse ere fo

(Luk 6:37-38, 6:41-42)

¹ "Diã Tale aqyóló mepaae no ne hamomané dere ala taleyóló só deraqse. Ai ala deremó, Talené diãkélé taleyóló só deraqsórópa taalae.

² Ti noatepa meipó. Mepaae so whipaae diãné me noa kaae ala eróló tale itikimó, ti naao me whipaae ai erale ala mo sýtóró Talené yãpaaekélé eraalo ai ape. Naao me noa kaae ala me whi hamomapaee erélipa, ti ai erale sýtóró Talené yãpaaekélé eraalopó.

³ Naao kele dolomó doasi ni fake bupatei bunire aqyóló, naao no hamomané kele dolomó sawatamo bole mome kolóló, no-ó, naao kelemó ai bole mome sokaalopa maé dere fo-a, noatepa du betere?

⁴ Naao kele dolomó bole doasi ni fake-a, sokoni hãle bupatei, me no hamomapaee naao kele dolomó bole mome sokotapa maé fo-a, noatepa du betere?

⁵ Tó tikiné wisire nisiyóló hãle sikili du betere whirape-ó, folosóró naao kele dolomó bole doasi ni fakepi soka. Atéro

naao kele feléyóló, qla qla diriyóló kilituraalu, ti naao noné kele dolomó bole mome wisiyóló sokonérápó.

⁶ Kótóné ama mo kaae tukóló muló betere qla haõrape nõpóló melaqse. Meleke wisinaale hupurape daae mole tikipaae feseké falaaqse. Diãnétaamo ai ala depa, ti hupurapené hóné teiya teiya yóló, momó fesaee wouraaalu diãteí dósuýóló naalo ai ape."

Kótópaee me qla wosetere fo
(Luk 11:9-13)

⁷ "Diã yããtere qla Kótópaee wosetepa, ti diaaõ ai wosetere qla ama mo melaalopó. Me qlakó saai dapóló keketepe, ti diaaõ keketepe qla mo kólóló saalopó. Diaaõ tu tukijãe yóló tu dupa, ti ama tu tukjaalo ai ape.

⁸ Mepaae so whi atima yããtepa, wosetere qla mo sua dapó. Whi me dené senéé yóló keketepe qla ti mo sua dapó. Tu tukijãe yóló, tu du betere so whi fea be dolopaae wópóló, tu tukitua dapó.

⁹⁻¹⁰ Diã ai betó mole whi betãné naalemané alimapaee aya-ó, okó ãmaletamo ãlae depa ai kematere qla taaróló, kapo fake nae yóló melaaloé? ó yakó ãlae depa, ai kematere qla meni whi tukó nokole dowi wuli betepatei, nae yóló melaaloé? Meipó.

¹¹ Diã i haemó dowi ala du betere whirape bitutei, diãné naale senaalemó wisi wisi qla hãle matere ala ti diã mo asarapó. Atére kaae, ó hepen bemó betere diaaõ Ayanéta, mepaae whi dené ãpaae kematere wisi wisi qla mo hamokoróló melatere alané, i haemó betere ayané matere ala mo ti bosene falapó.

¹² Térapa, Kótóné ama kóló whirapené ere foró Moses-né yóló muló betere fotamo fea touróturaalu, ere fo beteta me kaae mei ai ape. Kae kae ala yaairaalu, mepaae whirapené yãpaae erané dere alatóró mepaae so whipaaekélé erótua yae."

Doasi fakere tyró betekene tutamo

¹³ "Diã sawatamo betekene tu serekemó sókó fae. Mo ti aluyaaitere tikipaae faai fole tu fake yóo, mo tukélé doasi fake yóo erapó. Ti mo dekéro so whita, ai fakere tütóroti sya fu beterapó.

¹⁴ Téretei, mo ti betó tawaaire tikipaae fole tuãta, so whi feané kilini, betã betã so whiné maaté ai betekene tu kekóló sya fu beterapó."

Ni du oletere kilituraalu etei kaae nipóló tué dere ala

(Luk 6:43-44, 13:25-27)

¹⁵ "Diã kópaee fópóló, dilikãai Kótóné ama kóló whi aqyóló waaalopa, mo hotowaró kaae tawae. Atima atéro wouraaalu, kale *sipsip* hupu niki kaae bilipa mo hiti

nisiyaalotei, atimané tiki tuḡpaæta, ti wh̄i dóló nokole dowi bete haḡné tiki daalapó.

¹⁶ Ti atima noa kaae wh̄i betereómóló, folosóró atimané dere alapí kḡæe kolóló tué yae. Ti noatepae, so wh̄iné besḡæe teketuraalu, ḡæle ḡóko képmímó olopa tekaaloé? Nose dukélé ḡæle ḡóko nimó olopa tekaaloé? Mo meipó.

¹⁷ Atétu dere kaae, wisi niné ti wisi du oleyóo, dowi niné ti dowi dutóro oleyóo, dua dapó.

¹⁸ Wisi nimó ti dowi ni du oleyóo, dowi nimó wisi ni du oleyóo, dumipó.

¹⁹ Mepaae du wisiyóló woloneitere nirape feata, ti diyóló sipaae taae derétere beterepó.

²⁰ Téræpa, ai kale wh̄irapené du betere ala mo wisiyóló kḡæe keletepa, ti atima etei kaae wh̄irape beterepóló, mo diriyóló kisipa yaalo ai ape.

²¹ So wh̄i mo feané atima hepen-paae faalopóló kisipa muturaalu, ḡælo doi yóló Tale-ó, Tale-ó, du betepatei, ai so wh̄i mo fea faalomeipó. Ai tuḡmótei, mepaae so wh̄i de ó hepen bemó betere ḡælo Ayané ama kisipa mole ala sya fóló, erótu betere so wh̄i betḡ mo sḡmó fenéræpó.

²² Taletere be demó, mepaae so wh̄iné ḡælo doi yóló Tale-ó, Tale-ó, ḡæ naao kóló wh̄i bitu, so wh̄ipaae Kótóné fo i ape yóló yó melóo, naao doimó ḡané mepaae dowi keperape so wh̄i tuḡmó betereitei dóló ḡóko falóo, mepaae kelemei alarapekélé eróo, du betalepó, yaalopó.

²³ Ai fo depa, ḡælo atimæpaae ḡækeamó teraae faróló duraalu, 'Diḡ dowi ala du betale so wh̄i-ó, diḡ ḡ mo tuékélé inipa taae fae,' yaalopó."

Be mo kekemeyóló tētere wh̄iró ḡóko tētere wh̄itamó

(Luk 6:47-49)

²⁴ "Tépatei, mepaae wh̄i dené ḡælo fo mo wisiyóló wosóló, sya fóló eró tapa, ti kisipa tiki fosó fosóre wh̄iné ama be tēyaairaalu mo hæe kḡayóló taae faróló, kapó tómó tētu dere kaae dapó.

²⁵ Atépa, doasi hali tiki wóo, weḡi milikélé wóo, doasi besé tikikélé wóo duraalu, ai bemó hairaleitei tokó fenipó. Ti noatepae, ai be kapó tómó tēyaletéin mo dirirapó.

²⁶ Tépatei, mepaae wh̄irapené ḡælo fo wisiyóló wosólóitei sya fóló erénitepa, ti kale kolea koleare wh̄iné weḡi atikḡ tómótei be ḡóko tētu dere kaae dapó.

²⁷ Atépa, doasi hali tiki wóo, weḡi mili wóo, doasi besé tiki wóo duraalu, ai kale bemó hairale tikimó, mo ti kolokó felepó," yalepó.

²⁸ Téró, Yesuné ai forape yóló kemetepa, aimó wóló touró betere so wh̄i mo feané ama yó mótu betale fomó haió! yóló, siratu betalepó.

²⁹ Ti noatepa meipó. Ama atéró yó mótu betale fota, Moses-né yóló muló betere fo yó matere wh̄irapené dere kaae yó meni, me doasi tēteróló kaae tare wh̄iné sóro beterepae yó matere fo kaae, mo bete tokóló yó matapó du betalepó.

8

Yesuné betḡ dowi humu fulu derḡæle wh̄i wisiraleitei

(Mak 1:40-44, Luk 5:12-14)

¹ Ai ala yóló kemetepa, Yesu ḡ ai du sokore aḡmó betereitei taaróló, dorowou betalemó, so wh̄i mo feané ḡ sya wou betalepó.

² ḡ atéró daalemó, dowi humu fuluné tiki dore wh̄i ḡ beterepaae wóló, bukutiri teyaró bitu ḡpaae woseturaalu, "Tale-ó, naao fotokḡné ḡ wisiraii kisipa mutepa, ti mo sḡmó wisiranéræpó," yalepó.

³ Atéró, Yesuné kale wh̄iné tikimó naase mulóló duraalu, "Naao tiki doreitei mió ḡælo wisiraii dapa, mo ti wisi yae," yalepó. Ai fo deretamo, ama tiki mo turó wisiyalépó.

⁴ Téró, Yesuné ḡpaae duraalu, "Wosae, mió naao tiki ai wisi yalepa, ḡæle mo so wh̄ipaae i ala yalepó fo momókó ḡæse. Tēni ḡ fóló, Talepaae momaraterere wh̄iné maaté naao tiki fopeyóppóló, yó melae. Téró, mo take Moses-né yóló muló betere fo sya furaalu, naao tiki wisirateremó Talepaae melae ere ola melae. Atimané ai ala killituraalu, ita Talené eró beterepó fo yóppóló dapó," yalepó.

Betḡ topo dikitare wh̄iné Yesupaae tué tiki tirale ala

(Luk 7:1-10)

⁵⁻⁶ Atéró, Yesu ḡ Kapeneam be huluamó sóko felemó, 100 Rom diki tare wh̄irape tēteróló kaae tare topo wh̄i betḡ wóló ḡpaae duraalu, "Tale-ó, ḡælo kutó diraterere wh̄i betḡ doasi hepo daalu ama tikikélé mo ḡæamu sóko fóló, bemótóro ḡæle fió mulapó. Téruraalu, doasi dele su beterepae naao ḡ tao saaloé?" yalepó.

⁷ Ti fo depa, Yesuné ḡpaae duraalu, "ḡælo ḡ wisiraii faalopó," yalepó.

⁸ Ti fo depa, kale topo wh̄iné ḡpaae tokó mótu duraalu, "Tale-ó, ḡ wh̄i wisi bitupakó ḡæ ḡælo bepaae ape yaalomeipa, imó naao fonémaaté ama kisi bete wisiyæe depa, sḡmó wisiyaalópó.

⁹ Ti noatepa meipó. Ékélé ḡ tēteróló kaae tare wh̄irape betepa, atima aḡmó beterepó. Atéruraalu, ḡælokélé mepaae diki tare wh̄irape tēteróló kaae tarapó. Ai wh̄irapekó betḡpaae ḡælo fae depa ḡ fóo, ape depa wóo dua dapó. ḡælo kutó diraterere wh̄ipaae i kutó diyæe depa, ama ai alatóro dua dapó," yalepó.

¹⁰ Yesuné ai whjiné dere fo wosóló, haió yóló siratu, a sya wou betere so whjpaae duraalu, “Yalo diapaee mo i dere ape, i whjiné doasi kisipa tiki tiró betere kaae ere whj Israel hae kwiamó betepa, yalo mo kilinipó.

¹¹ Yalo diapaee i dere fo wosae. Suka hoterepaee betere so whjkélé, suka doropolepaee betere so whjkélé, atimané be taaróló ɔla detere tikipaae wóló, atima beterópóló tukóló mulaleti, diliki tuámó ɔla naai betaalopó. Atima atéroó touróló, Abraham, Aisak, Jekop-sépitamo hepen bemó betere Kótóné teteróló kaae tare tuámó bituraalu, ai doasi detere ɔla atima fea betamó nuku betaalopó.

¹² Téyaalotei, mepaae so whj Kótóné teteróló kaae tare aqmó ama naale senaale beterópóló yóló mulaleti, diliki tuámó beterópóló, belapaae hókó deraalopó. Aimó doasi dele su bituraalu, atimatei yale alamópóló dekené sukóló wole du betaalo ai ape,” yalepó.

¹³ Téró, Yesuné kale doasi topo whjpaee duraalu, “Naa kisipa tiki tiratere alatóró yalo yapaee mo eraalopa, fae,” yalepó. Mo ai fo deremotóró kale whjiné ama kutó diratere whjiné kisi bete wisi ipakalepó.

Yesuné mepaae so whjiné kisi wisirótua yale fo

(Mak 1:29-31, Luk 4:38-39)

¹⁴ Téró, Yesu a Pitané bepaee sókó felemó, Pitané ama somané hama sere tiki suputere kisiné sinóló mupa kelalepó.

¹⁵ Atépa kolóló, kale soné naasemó ama wolaa yó salemó, ama tiki suu du betale kisi bete wisitepa, kale so a turukó holóló, Yesumó ɔla kaae sóró biliralepó.

¹⁶ Atéroó, be dikiteretamo dowi kepe tepeyóló betó mole so whj mo turó a beterepaee dapesó wua depa, dowi keperape foné sua yalemó, sókó fua yóo, atima so whj feané hepo betekélé mo ti wisitua yóo, yalepó.

¹⁷ Ai alata hāle inipó. Kótóné ama kóló whj Aisaiané yóló muló betere fo dokonóturaalu yalepó. Ai fo i ape. “Dané momaare tikiró kisi betetamo fea ama tikimó sóró tokóló aluraai walepó,” erapó.

Yesu a so whjiné sya kotopa yale fo

(Mak 1:32-34, Luk 4:40-41)

¹⁸ Atéroó kelalemó, so whj mo hāle ɔla kaae a boperāle wapa, Yesuné ama yó matere whjrapepaae duraalu, “Da wej kēla tēyóló uté tēró faalopa fiēpe,” yalepó.

¹⁹ Atétepa, Moses-né yóló muló betere fo yó matere whj betā a beterepaee wóló duraalu, “Yó matere whj-ó, ya mopaae fupa, ti ekélé ya sya waalopó,” yalepó.

²⁰ Ai fo depa, Yesuné apaae tokó mótu duraalu, “Kale haḡnaraperó barapetamota,

atima fitere tiki ai ere ape. Téretei, kale whjiné Naalema a betā ama topo beleróló fitere tiki meipó,” yalepó.

²¹ Ti fo depa, ama yó matere whj betāné duraalu, “Tale-ó, folosóró yalo ayapi dourāle faaipa, naao epaae fae fo enére?” yalepó.

²² Ai fo depa, Yesuné apaae duraalu, “Sinale whjrapeta, ti sinale whjrapenétóró dourópólópa, ya e sya ape,” yalepó.

Yesuné doasi besé tikiró wej asyatamo béraletei

(Mak 4:36-41, Luk 8:22-25)

²³ Atéroó, a kale wej nukupaae bitj hotopa, ama yó matere whjrapekélé atamo betā nukupaae bitj holalepó.

²⁴ Atéroó, atima wej tuámó fu betaalemó, mo doakale hali tikiró besé tikitamo kil-itainé hapale sókó walapó duraalu, wej asya wóló atima betere nuku dolopaae wej bosené horóló, kale nuku buó deraai depatei, Yesu a noke hāle fió molepó.

²⁵ Yesu atéroó fipa, ama yó matere whjrapené a turukuróló duraalu, “Tale-ó, da felekemó wejiné aluraai dapa, naao da tao sae,” yalepó.

²⁶ Ai fo depa, Yesuné atimapaee tokó mótu duraalu, “Diā noatepa wi du bitu de? Diaaḡ kisipa tiki tiró betere ala tómó ai ererapó,” yalepó. Tétepa, a turukó holóló, kale wej asyaró besé tikitamopaae tikae yóló foné salepó. Atéyalemó, kale wej asyaró besé tikitamo tukóló ama ere kaae mo dono felepó.

²⁷ Atétepa, kale whjrape atimasitei duraalu, “Haió! i whjta, noa kaae whjrapó. Kale wej asyaró besé tikitamonékélé mo whjiné dere kaae, ama dere fo mo betātóró wosóló, erótua dapó,” yalepó.

Kepe tepeyóló betere whj tamo wisirale fo

(Mak 5:1-17, Luk 8:26-37)

²⁸ Atéroó, Yesu a uté tēró tē fóló Kadarin hae kwiamó sókó felepó. Aimó dowi kepe tepeyóló betere whj tamo whj dourótua dere tikimó biti, atamo hokolaa yaai dapóló walepó. Ai whj tamo dowi kepené sesemeratepa doasi fopaae butu, sereke fisikó sóró whj daai du betepa, so whj fea wituraalu ai tumó fua inipó.

²⁹ Até du betere whj tamoné fo fakeyóló duraalu, “Kótóné Naalema-ó, naao damopaae noa alakó eraai waleé? Tukóló mulale suka teópatei, ya ipaae damo susupuraai waleé?” yalepó.

³⁰ Téró, mepaae hupurape mo hāle ɔla kae mo umó kimimó daae molepó.

³¹ Kale dowi keperape atima witēpa Yesu-paae kema duraalu, “Naaotamo da dóló hōkōnaai depata, ti u hupurapené depe tuāpaae dotonaasepe,” yalepó.

³² Atéro, ama kale keperapepaae duraalu, “Diã whì tuãmó betereitei taarólo sókó fae,” depa, atima kale whíné depe tuãmó betaleteti taarólo, hupurape tiki tuãpaae tepeyólo bitì fupa, kale hupurape fea botokó furaalu, kula dolomó derepeletikimó, weíné sorokó fólo kale hupurape sisiraae felepó.

³³ Atétepa, ai hupu kaae tare whìrape atima ai ala kilitu, mo hapale doasi be huluapaae fólo, i kale whì tamopaae erale alaró mepaae eratepa kelale alatamo so whì feapaae yalepó.

³⁴ Atétepa, ai be huluamó betó mole so whì fea Yesu kelaai dapólo walepó. Atéro walemó Yesu betepa kilitu, atimané apaae ya i hae kwia taarólo fae, yólo sepu betalepó.

9

*Yesuné tiki dāamui whì wisirale fo
(Mak 2:1-12, Luk 5:17-26)*

¹ Atéro, Yesu a weì nukupaae bitì holólo, ai weì kēla teyólo a betere be huluapaae felepó.

² Atéro a aimó betepa, mepaae whìrapené betā tiki dāamui whì besekētamo turó Yesu beterepaae beleyólo walepó. Atétepa atima kisipa tiki tirólo wale ala Yesuné kolólo, kale tiki dāamui whìpaae duraalu, “Ti naale-ó, naao dowi ala kwia mió yālo i kemeratapa whaalaa ini, naao hosaa diriyólo dua betae,” yalepó.

³ Ai fo depa, mepaae Moses-né ere fo yó mótu betere whìrape atima kisipanéitei duraalu, “I whíné a Kótó kaae beterepólo du betere foné, Kótóné doi dorólo faletu beterepó,” yalepó.

⁴ Yesuné atimané atéro mutere kisipa kolólo duraalu, “Diaa a tei kaae dowi kisipa noatepa mutu bitu de?”

⁵ Fo tamo mulapa, so whíné taleyólo mé fo diaa enére? Naao dowi alamó saaire kwia yālo aluratapó fo enérepé, ya turukó horólo naao beseké sóro fae fo enére? Diã tué tekeyólo kisipa yae.

⁶ Atérené i haemó betó mole so whíné dowi ala kwia tokólo aluraaire fotokó Whíné Naalemané sumó bulapólo, kisipa muópólópa,” kale whìpaae, “Ya turukó horólo naao beseké sóro bepaae fae,” yalepó.

⁷ Ti fo depa, kale whì turukó holólo ama beseké sóro bepaae felepó.

⁸ Atétere ala aimó betó mole so whì feané kolólo, atima doasi hokomó sókó furaalu sira yalepó. Mo whíné etei kaae ala yópólo Kótónéitei sóro betéro beterepólo, ama doi hae sóro horalepó.

*Yesuné Matyupaae a sya ape yale fo
(Mak 2:13-17, Luk 5:27-32)*

⁹ Atéro Yesu a ai hae tiki taarólo fu betaletémó, *takis moni* siré kotere whì Matyu *takis moni* saairaalu, tepe furu bemó betepa kelalepó. Atépa ama apaae duraalu, “Ya e sya ape,” depa, kale seké a turukó horólo Yesu sya felepó.

¹⁰ Atéro, Yesu a kale whì Matyuné bemó betepa, *takis moni* siré kotere whìraperó mepaae dowi ala dere whìrapetamo mo turó wólo, Yesuró ama yó matere whìrapetamo fea touyólo q̄la nuku beterepó.

¹¹ Atéro q̄la nuku betepa, mepaae Farisi whìrapené kolólo ama yó matere whìrapepaae duraalu, “Diã yó matere whì-a, *takis moni* siré kotere whìraperó dowi ala dere whìrapetamotei, noatepa q̄la betāmó nuku bitu de?” yalepó.

¹² Ai fo wosólo Yesuné duraalu, “Kisi daanire so whì *dokta* beterepaae fumi, kisi daale so whìmaaté fua dapó.

¹³ Kótóné aseýólo muló betere fo i ape. ‘Simó sukūlaa dalólo hāle matere ala Kótóné a saai doasi hēkeseni, kōlené sinólo hāle tao sere ala depa, ti a mo doasi hēkeserapó,’ erapó. Térapa diã fólo, ai ere fo bete wosólo kisipa tekeyae. Ti e waletaita, donoi ala dere so whìpaae ape yaai anitei dowi ala dere so whìpaae ape yaai walepó,” yalepó.

*Q̄la weyólo hāle betere ala
(Mak 2:18-22, Luk 5:33-39)*

¹⁴ Téró, Jon-né yó matere whìrape Yesu beterepaae wólo apaae woseturaalu, “Dāró Farisi whìrapetamota me sukamó q̄la weyólo hāle bitua depatei, naao yó matere whìrapemo q̄la weyólo hāle bitinitere-a, noatepa de?” yalepó.

¹⁵ Ai fo depa, Yesuné atimapaae tokó mótu duraalu, “Kale so dokaaire whì a ama fulumu whìrapetamo hāle betepatei, ama fulumu whìrape deketu molómó betaaloé? Tēni, nalo kale so dokore whì mené dapesó fupa, ti ama fulumu whìrape atima q̄la weyólo hāle betaalo ai ape.

¹⁶ Mo whì betānekélé, kisi kuti kwia sóro si kutitamo nomotumipó. Ti noatepae, kisi kuti kwia sóro deraakele kutitamo dakorólo nomonalemó, momó bisāe fólo mo ti fake yaalopó.

¹⁷ Whì betānekélé, kisi *wain* weì tepeturaalu, upulé moi hupu sekaené nomólo mole wutimó tepetumipó. Atéro tepetepa, ti kale moi hupu sekaemó tepeyale *wain* weì tóputuraalu, fulukó fólo weì suné faalopó. Atéyaqsóro, atima kisi *wain* weì tepeturaalu, ti kisi hupu sekaené aleale wutimótóróti tepetua dapó. Atétepa, ti kale wutiró weítamo wusuró mo wisiyólo muó tawaalo ai ape,” yalepó.

Yesuné folosóro betq so wisiróo, senaale kepaaróo yale ala

(Mak 5:22-43, Luk 8:41-56)

¹⁸ Atéroro ama fo teó du betepatei, betq doasi topo whi wóló a daalemó buku-tiri teyaró bitu duraalu, “Doa whi-ó, yalo senaale mo miótóróti sinalepó. Téyaletei, ya wóló ama tikimótamo naao naase mulatepata, ti a mo kepaanerapó,” yalepó.

¹⁹ Atétepa Yesu a turukó horóló kale whítamo fupa, ama yó matere whjrapekélé felepó.

²⁰ Até deretamo, betq so wéliéné du betepatei, 12 ba fo kemere so Yesuné sisóro sóko wóló, ama deró betere kuti salemó wolaayalepó.

²¹ Kale soné ama i kisipa mualepó. “Yalotamo ama kuti salemó wolaatepa, ti yalo kisi bete sumó wisiyaalopó.”

²² Tétepa, Yesu a fetée fóló kale sopaae duraalu, “Ti senaale-ó, naao kisipa tiki tirale alané naao kisi bete wisiralepa, hosaa tuamó sekeni, diriyóló dua fae,” yalepó. Ai fo deremótóro kale soné kisi bete mo ti wisiyalepó.

²³ Atéroro, Yesu a kale doasi topo whiné be dolopaae sóko felemó, so whi fea fo tiki whaa du bitu, fó wuti hale yóló moló-u du betepa kelalepó.

²⁴ Até du betepa, Yesuné atima foné sóro duraalu, “Ai senaleta sukuni, a noke firapa diá taae fae,” deremó atimané a dq nalalepó.

²⁵ Atéroro, ai touró betere so whi fea belapaae hókó deróló, Yesu a kale senaale mole be dolopaae fóló, kale senaalené naasemó tao salemó, a mo ti sukaletei momó kepaayalepó.

²⁶ Atéroro, Yesuné i ala yalepóló, ai be hulua feapaae deté kweyóló fakeralepó.

Kele dilikire whi tamoró kqló nomone whítamo wisirale fo

²⁷ Atéroro Yesu ai be taaróló fu betalemó, kele dilikire whi tamoné a sya wou fo fakeyóló duraalu, “Depit-né deté yale whiné Naalema-ó, naao damó kqléné sukutu tao sae,” yalepó.

²⁸ Atétepa, Yesu a be tuapaae sóko fi tikimó nalo kale kele dilikire whi tamo a beterepaae wapa, atimaamopaae woseturaalu, “Yalo diaamo sumó wisiranérapóló kisipa mute?” depa, atimaamoné duraalu, “Tale-ó, naao fotokóné damó mo sumó wisiranérapó,” yalepó.

²⁹ Ai fo depa, ama kale whítamoné kelemó wolaa yóló duraalu, “Diaamoné kisipa tiki tiró betereiteiné i wisiratere ape,” yalepó.

³⁰ Ai fo yalemó, kale whítamoné kele fisaae fóló wisitepa Yesuné atimaamopaae fo mulóló duraalu, “Yalo diaamopaae i erale

ala so whjpaee momókó deté kweyaqse,” yalepó.

³¹ Téyaletei, atimaamo be hulua feapaae fóló, Yesuné i ala yalepóló deté kweyóló fakeralepó.

³² Atéroro kale whítamo fi tikimó, dowi kepe tepeyóló bituraalu kqló nomóló fokélé initere whi betq Yesu beterepaae dapesó walepó.

³³ Atétepa, Yesuné kale dowi kepe dóló hókonaletikimó, kale kqló nomóló betale whítei, fo kaae sóro yalepó. Atéteremó, so whi feané kolóló siraturaalu, “Take bitiré wale alimó etei kaae ala Israel hae kwiamó depa mo kolókélé inipó,” yalepó.

³⁴ Ai fo depa, kale Farisi whjrapené duraalu, “Ai dowi keperape dóló hókonaletiteita, dowi keperapené doasi topo whiné fotokratepa, dóló hókónótua dapó,” yalepó.

Kótóné kutómó qla dekéro ulumépaetei saaire whi meipó

³⁵ Atéroro etéyalepó. Yesu a doasi be hulua-paaekélé, sawa be hulua-paaekélé, ai be hulua-mó tē mole fo wosetere berapemókélé, Kótóné teéteróló kaae tare aqmó mole ala i ape yóló, kale mió wosetere kisi fo wisi yó melaté kweyóo, mepaae tiki momaare whjrapéro hepo daale whjrapetamokélé wisiraté kweyóo yalepó.

³⁶ Téró, so whi mo hale qla kaae betó mupa kelalemó, atima tao saaire whjkéle meiruraalu, bokonaale *sipsip* hupurape aqyóló betó mupa, Yesu kqléné sukutu ama hosaamó salepó.

³⁷ Atépa ama yó matere whjrapepaae duraalu, “Kutómó ere qlata, mo dekéro uluméretei qla saaire whi betq doaló meipó.

³⁸ Térapa, ai kutómó ulumére qla saaire whjrape dotonópóló, ai kutó Talepaae wosae,” yalepó.

10

Yesuné 12 whjrape doteyale fo
(Mak 3:13-19, Luk 6:12-16)

¹ Atéroro, Yesuné ama yó matepa wosetere 12 whjrape a beterepaae ape yalepó. Mepaae so whi tuamó betere dowi kepe hókó falóo, mepaae kae kae hepo daale so whjro tiki momaare so whítamo wisiróo yópóló, atima fotokq mo sumó bulóló sóro beteralépó.

²⁻⁴ Ama ai sóro beterale 12 *aposel* whiné doirape i ape. Folosóro sale whjta, Saimon doi mupatei, Pitapó du betere whjro ama noma Andrutamo yóo, Sebediné naalema tamo Jems-ró noma Jon-tamo yóo, Filip-ró Batolomiu-tamo yóo, Tomas-ró *takis moni* siré kotere whi Matyu-tamo yóo, Alpiasné naalema Jems-ró Tadeus-tamo yóo, kqlo kqloi whi Saimon-ró Iskariot be whjko Yesu

dópóló eleké deyale whj Judas-tamo yó yóló, atima atérópó.

⁵ Yesuné ama dosayóló sóró betereó betere 12 whjrape dotonaairaaalu, folosóró atimapaae i fo yalepó.

⁶ “Juda fake mei, kae fakené be huluaró Samaria whjrapené be huluatamopaae feni, *sipsip* hupu kaae fókó fale Israel fake beterepaae fae.

⁷ Diã furaalu, i fo so whj feapaae hãkeamó yó maté kweyae. Hepen bemó betere Kótóné teteróló kaae tare aqmó mole ala wóló, mió mo felekemó i mole ape.

⁸ Mepaae kisi daae mole so whj wisiróo, sinale so whjrape kepaaróo, mepaae humu fuluné tiki dore so whj wisiróo, tiki tuãmóbetere dowi kepe doló hõkonóo, yae. Ai ala yaaire fotokó diaaõ *moniné* dupuyóló sini, yaõ diãpaae hãle melalepó. Teyalepa, diaaõmo me dupu sini, so whj hãle tao sóró wisiraté kweyae.

⁹ Diã atéró furaalu, *kold ó silpa ó kopa moni* sóró faõse.

¹⁰ Naao wa ó tómó deró betere kuti, ó horó betere hó be, ó dotó tikikélé tawóló faõse. Ti noatepae, ai kutó diratere whjrape atimané naaire õlakélé, ó fiyaaire bekélé ti ai be talenétóró melatapa ti mo wisirapó.

¹¹ Diã mé doasi be huluamó ó sawa be huluamó sókó fupa, ti mo wisi kisipa mole whjko aimó betereómóló kelenaalemó betepa, ti mo ai whjtamotóró bitiré fóló, diã me bepaae furaalu, ti ai be taalae.

¹² Diã ai whjiné ama bemó sókó huturaalu, atimapaae kõleó, Talené diã wisiró betere-apa, hosaa muni deyóló dua betae fo yae.

¹³ Ai be talerape wisi kisipa mole whjtao betepa, ti diãné hosaa muni deyóló mo dua betae dere foné atima sumó tao sóró wisiraalopó. Atima wisi tué mole whjtao bitinipa, ti diãné hosaa muni deyóló dua betere ala wisinaale hãle besekeréni, diãpaae momó fesaae wópóló yae.

¹⁴ Mepaae whjinétamo diã wisiyóló dape sini yóo, diaaõ yó matere fokélé wisiyóló woseni yóo depa, ti diã ai betere be, ó doasi be hulua taaróló faairaalu, atimané ai be hae diaaõ hómó dakepatei faõsóró, aimó terepé deróló fae.

¹⁵ Yaõ diãpaae mo i dere ape. Kótóné taleyóló kwia melaaire sukamó, diã wisiyóló dape sinitere be huluamó betó mole so whjpaae eraaire seké alata, Komoraró Sodom be huluatamomó betó muale so whjpaae eraaire seké bosenóló, mo doakale dowi seké melaalo ai ape.

¹⁶ Diãta, kale bete haõ betó mole tuãpaae *sipsip* hupu kaae yaõ i dotonateré ape. Teraõ, diã wuliné kisipa kaae fosó fosó irutei, diã me dowi ala muniru, kale ba hõkóserape kaae, naame yóló mo dua betae.

¹⁷ Ti noatepae, mepaae whjrapené kae kae sekéi ala diãpaae mo eraalopa, diã mo hotowayóló kaae tawae. Téturaalu, atimané diã fo tokótamo yóló taletere whjrapené naase tuãpaae mulóo, atimané fo wosetere berape tuãmókélé diã susupuróló fokosói ala yóo yaalo ai ape.

¹⁸ Diã yaõ doi erótu betereómó, teteróló kaae tare *Gavman* whjrapéro doasi topo whjrapetamo beterepaae fo tokótamo yaai dapesó faalopó. Atéró, fo tokõlo dere ala Juda meire so whjinékélé wosóló kisipa yaalopó.

¹⁹ Teyaalotei, atimané diã *dipula* betere-aa dapesó fupa, diã noa fo yaaloé ó fo neyóló yaaloé yóló, whaalaa yaõse. Atéró fo teketere be demótóróti diaaõ yaaire fo Tale Kótóné ama yó melaalo ai ape.

²⁰ Ti atéró yaaitere fo diãné kisipané yaalomeitei, diaaõ Ayané ama Kepe Wisiné i fo yae yóló yó mótu betepa, yaalo ai ape.

²¹ Me whjiné ama nomatei me whjiné dópóló eleké deyaalo ai ape. Betã whjiné ama naale senaale me whjiné mo ti dóló sukunópóló eleké deyaalo ai ape. Naale senaalené hama alimatamo bõe dóló só deróló, mepaae whjiné dópóló melaalopó.

²² Diã yaõ ala erateremó, so whj feané diã hõróló, bõe du betaalo ai ape. Tétu betepatei, whj me detamo ai sekéi ala hãle beleté fóló kemetere kwiapaae sókó fupa, ti atétere so whj aluyaõsóró, yaõ tao saalopó.

²³ Diã ai be huluamó sókó feãalemó, ai be hulua so whjiné diãtamo bõe dóló diãpaae susupui ala eratapa, ti ai be taaróló me be huluapaae botokó fae. Yaõ diãpaae mo i dere ape. Ai Israel fakené be huluarape dokó fea kweyóló kemeréni teó kutu betepatei, kale Whjiné Naalema sókó waalo ai ape.

²⁴ Betã *skul* naalené a yó matere whj ama teteranénipó. Atétere kaae, kutó diratere whjinékélé a teteróló kaae tare whj ama teteranénipó.

²⁵ Kale *skul* naale a kisipa siré fóló, ama kisipare alakélé a yó matere whjiné kisipare alatamo betã sũ yóo, kale kutó diratere whjiné dere alakélé a kaae tare whjiné dere alatamo betã sũ yóo epata, ti mo wisirapó. Mo so whjiné be tale kilituraalu, aãa dowi keperapené doasi topo kepe Balsebul-pó du betepa, ti ama be whj so whjpaekélé betã kaae eratere fotóró yaalo ai ape.

²⁶ Atéraõ, atima ai whjrape kolóló wiyayõse. Ti noatepae, mió kinóló mole õla õlarape fea take hãkearatepa kelaalopó. Kinóló mole ala ó fo so whj feané kisipa yaalo ai ape.

²⁷ Yaõ diãpaae dilikitamo yó mótu betere fota, ti be deãtamo hãkeamó yae. Diaaõ kikititi woséõli dolomó du betere fo ti so whj

feané wosópóló, siki bemó daalu haķeamó yó melae.

²⁸ Ti diaaq kepe bete doréni, mo tó tiki-maaté sukópóló dele mo whirape koróló, diā wiyaqse. Téni, naao tikiró kepe betetamo wusuró dowi si duku beterepaae taee daranére Talepaae betā wiyae.

²⁹ Whirapené ba male tamo duputuraalu, sonaai *moni* kené dupu dua dapó. Téretei, diaaq Aya Kótóné ama kisipané ai ba beleķaamale haepaae derepaae initepa, ti haepaae derepenénipó.

³⁰ Diaaq topomó bilire niki feata, Tale Kótóné ama dosāyóló mo tuérápó.

³¹ Atérapa, diā whaalaa yóló wiyaqse. Ti i haemó betó mole ba beleķaatiki kolósu, diā kolósu depa, diāta mo doasi ǫla ereteinē Kótóné ama diā kisipa keteraalópóló de? Mo meipó.

³² Mepaae whi denétamo amatei, so whi feané keletómó, ęta Keriso whi heterapó depata, ti atétere whi ó hepen bemó betere yało Ayané keletómó ita yało ne nopó yaalo ai ape.

³³ Téyaalotei, mepaae whi dené so whi feané keletómó, ęta Keriso whi meipó depa, ti yałokélé hepen bemó betere yało Ayané keletómó a yało ala eraterere whi meipó yaalópó.

³⁴ Ę i haepaae waletaitea, ti i haemó betó mole so whi fea bōe dele ala taaróló, dua heterópóló wale nisiyaqse. Téni, i haemó betó mole so whi tuamó tekeróló me fake kae heteróo, me fake kae heteróo yaairaalu walepó.

³⁵ Ę wóló betere bete i ape.

'Naaleró alimatamo tuamó tekeróló bōe delóo, senaaleró hamatamo betere alakélé tuamó tekeróló bōe delóo, whiné dokore soné ama hyama sere-tamo bōe dóo, yaalópó.

³⁶ Whi mené ama fake so whi ó ątamo betamó betere so whinétei, ątamo bōe daalo ai ape,' erapó.

³⁷ Mepaae whi dené ę sisópaae eróló, ama alima ó hamapaae doasi heķesené sukóló yaala sókó fu betepa, ti atétere so whi ętamo betamó betaaire sunipó. Mepaae whi dené ama naale ó senaalepaae yaala sókó furaalu, ę sisópaae eratepa ti atétere so whi ętamo betamó betaaire sunipó.

³⁸ Mepaae whi dené a sukāaire filipaa ni amatei beleyóló ę sya ąnitepa, ti ai so whi yało fo wosetere so whi betaaire sunipó.

³⁹ Mepaae whi dené ama betere bete me ala yaqsórópóló, amatei hotowayóló kaae tapa, ti atétere whiné ama betere bete aluyaalo ai ape. Mepaae whi dené yało ala eraairaalu, ama betere bete me ǫla meipóló aluratepa, ti atétere whiné ama betere bete aluni, haķe muó tawaalo ai ape.

⁴⁰ Whi me dené diā wisiyóló dape sóró kaae tatepa, ti ętei wisiyóló dape sirapó. Mepaae whi dené ę wisiyóló dape supata, ti ę dotęyale sekę yało Ayatei wisiyóló dape sirapó.

⁴¹ Whi me dené mepaae whi kilituraalu, Kótóné ama fo eraterere kóló whipóló, mo wisiyóló dape supa, ti atétere whiné Kótóné ama kóló whiné sere dupu sūtóróti saalópó. Whi me dené mepaae whi kilituraalu, ąta mo donoi ala dere whipóló mo wisiyóló dape supa, ti atétere whiné kale mo donoi ala dere whiné sere dupu sūtóróti saalo ai ape.

⁴² Yało diāpaae mo i dere ape. Whi me denétamo mó belei sokótei betere whi yało ala erótu betere whipóló siri wei nae yóló melatepa, ti ai ala deremó dupu haşókó feni, motóró saalópó," yalepó.

11

Yesuró wei tópuratere whi Jon-tamo (Luk 7:18-35)

¹ Atéró, Yesuné yó matere 12 whirapepaae fo yó melóló kemetepa, ai betere tiki taaróló, a Kaleli hae kwiamó tę mole be huluaapaae felepó. Atéró fóló, haķe mo betó mole so whipaae kale kisi fo wisi yó melóo, ama fo wosetu betere so whipaaekélé yó melaté kweyóo yaairaalu felepó.

²⁻³ Kale Jon *dipula* bitu, Yesu Kerisoné i ala du heterapóló deté kotere fo wosóló, ama yó matere whirapepaae I fo wasae yóló dotęyalepó. "Yaća kale waalópóló bope du betale whi hitipé, whi me kae wópóló kaae tawaaloé yóló wosene fae," yalepó. Atétepa, kale Jon-né dotonale whirape fóló, Yesupaae wosalepó.

⁴ Tétepa Yesuné atimapaae duraalu, "Diā Jon heterepaae fóló, diaaq wosale foró ke-lale alatamo ąpaae yó móturaalu, i fo yae.

⁵ Kale kele diliiki yóló betale whirape wisiróo, hó doyóló betale whirape wisiróló falóo, mepaae dowi humu fulu dorowóló betale whirape wisiróo, woséli kņne so whi tukwę falóo, mepaae mo ti sinale so whitei kepaaróo, yoleale yóló betere so whipaae kale kisi fo wisi yó mótu betóo, du heterapó ene fae.

⁶ Mepaae whıtamo yało du betere ala kolóló, ę sya waletai hóturaalu, dée nēnitere whi ti Kótóné wisiratepa, hainé sukuu heterópóló yae," yalepó.

⁷ Atéró, kale Jon-né ama yó matere whirape fi kinipaae, Yesuné Jon-né du betere alamó tuę muturaalu, aimó betó mole so whipaae yó melaai duraalu, "So whikélé bitinire haķe kópu kaae fi hae tikipaae fua yaletai-a, noakó kęle fua yaleé?"

Beséné fēporótu betere kape kelaai fua naaleé? Mo meipó.

⁸ Diā upaae noakó kelaai fua yaleé? Whj betā mo kuti wisinaale deróló betepa kele fua yaleé? Meipó. Atei kaae kuti wisinaale deró betere whjta, ti kale doasi topo whjrape bitua dere tiki dokélé ini, mo sisi yóló sorokqi be wisinaalemó bitua dapó.

⁹ Téretei, diā noakó kele fua yaleé? Kótóné ama kóló whj kelaai dapóló fua ipa, ti átóróti mo h̄iti ai ape. Yálo diāpaae mo i dere ape. Kótóné ama kóló whjrape fea beteretei, ai whjiné ama ditere kutóné mepaae kóló whjrapené ditere kutó mo bosene falapó.

¹⁰ Ai sekémó kisipa mutu, Kótóné asemó i fo erapó.

‘Yā waai teópa yálo fo eraaire whj folosóró api wópóló dotēyaalopó.

Ai whjiné amata, yā waaire tū donoróló wisiraalopó,’ erapó.

¹¹ Yálo diāpaae mo i dere ape. I haemó betó mole sorapéné deyale whjrapekélé fea betó moletei, kale wēi tópuratere whj kó Jon-né atima fea tēteróló bosene falapó. Tépatēi, Kótóné tēteróló kaae tare aqmó belei sókó deóló betere whjiné ti kale wēi tópuratere whj Jon tēteró beterapó.

¹² Kale wēi tópuratere whj Jon betale alimó kaae sóró, hepen bemó betere Kótóné tēteróló kaae tare aqmó mole ala mo doasi fotokótamo wouraalu, fakeraté wou beterapó. Ai ala saairaalu, ketekē buóló bōe du betere whjrapené ai ala kekeparó fasó sua dapó.

¹³ Kótóné ama fo eratere kóló whjrapéro Moses-né asēre fotamoné Kótóné i ala yaalopóló yó maté wóló, kale wēi tópuratere whj kó Jon betale alimó sókó walepó.

¹⁴ Térené diaaq kisipanétamo waalopóló kale bopetu betale whj Elaijata Jon átóróti h̄tipóló kisipa mutupa, ti mo wisirapó.

¹⁵ So whj de wos̄li daapa i dere fo mo wisiyóló wosóló kisipa muae.

¹⁶ Mió i alimó betó mole so whj etérápóló bete kisipa yópóló, yálo noa ala s̄róló yaaloé? Atimata, etei kaae naale senaale kaaené kelerapó. So whj tourāleta dere tikimó bituraalu, mepaae naale senaalené mepaae naale senaalepaae melaa yaalopa ape yóló etei fo dapó.

¹⁷ ‘Dané fó wutiné haleratepa, diāné mepaae wole forape yóló sama kilini yóo,

dané mepaae wole forape depa diaaq moló ini yóo yaletēi-a, noatepa h̄ale daae mualeé?’ dua dapó.

Ai kale keteirapéné dere ala kaaetóróti diaaqkélé ai du betere ape.

¹⁸ Kale wēi tópuratere whj Jon wóló beteretei qlakélé, *wain* wēikélé nēnitere ala mepaae so whjiné kolóló, ama depe tuámó dowi kepe bituraalu dapó dua yalepó.

¹⁹ Kale Whjiné Naalema wóló bitu, qlaró wēitamó nokole kilitu, so whj feané ai whjta, qlakélé *wain* wēikélé dekéro nuku betere whjpó. Áta, kale *takis moni* siré kotere whjrapéro dowi ala dere whjrapetamoné fulumu whjpó, ai du betere ape. Tétu beteretei, mepaae whjiné ama dere ala kaae kolóló, ai whjta Kótóné mo dotoróē fale kisipa muluraalu dapó yaalo ai ape,” yalepó.

Mepaae dowi ala taaróló kisipa fetenire be huluamó ere fo

(Luk 10:13-15)

²⁰ Téró, Yesuné ama kae kae kelemei alarape erale be huluarapemó betó mole so whj dowi ala taaróló, Talepaae kisipa tiki feteyóló bitini yalemó, ai so whj só deraai yalepó.

²¹ Ateró ama duraalu, “Korasin be huluaró Betsaida be hulua so whjrapetamó, diā tuāpaae mo dowi sekēi ala waalo ai ape. Yálo diā tuāpaae erótua yale kelemei alarape kaaetamo, Tair be huluaró Saidon be huluatamomó erólūasóró, ti atimané dowi ala mo taketitei taaróló, tuē tiki feteyóló kilii diyóló yei kuititamo bituāpó.

²² Yálo diāpaae mo i dere ape. Tale Kótóné taleyóló kwia matere sukamó, Kótóné i haemó betó mole so whj paae kwia matere alata, ti kale Tair be huluaró Saidon be huluatamopaae melaaire kwia mo bosene faalo ai ape.

²³ Diā Kapeneam be huluamó betó mole so whj-ó, diā ó s̄paae holaalopóló kisipa mute? Mo meipó. Diāta, mo apaae derepale dolopaae Kótóné sóró deraalo ai ape. Diā ai Kapeneam be hulua tuámó erale kelemei alarape kaae, Sodom be hulua tuámó erólūasóró, ti ai be hulua dorólūameipó. Miókélé h̄ale tē tawuapó.

²⁴ Téretei, yálo diāpaae i dere ape. Tale Kótóné Sodom so whj taletere sukamó doasi kwia melaalotei, diāpaae eraaire sekēi alata, ti bosenóló mo doasi ala eraalopó,” yalepó.

Fóturu depa s̄qa nóló dua betere ala melaalopóló dere fo

(Luk 10:21-22)

²⁵ Atéyale sukamó, Yesuné ama Alima Kótóné doi hale sóró horóló duraalu, “S̄aró i haetamo tēteróló betere Aya Tale-ó, naao mió i alimó yó mótu betere alarape feata, doasi kisipa sóró betó mole whjrapené ke-laqsóró hyó mulóló, i naale belek̄atikiné maaté kolópóló, h̄akeamó yó melaletēiné yāpaae mo kée dapó.

²⁶ Aya-ó, mo dapó. Ti ai alata, mo naao kisipa mole alatóróti ai ape,” yalepó.

²⁷ “Fea alata, yálo tēteróló kaae tanópóló, yálo Ayané epaae meló beterapó. Mo whj betanékélé Naalema kisipa initei, Alimané

ama betā kisiparapó. Térure kaae, mo whi betānekélé Alima kisipa initei, Naalemané betā ama Alima kisiparapó. Naalemané ama kisipa mole so whīpaae yało Ayata, etei kaae Tale beterapóól, yó matere so whīné maaté tué yaalopó.

²⁸ Diā mepaae whi sekēi ọla beleyaletikimó, fóturuyóól bétu betere so whi-ó, diā s̄a nóló mo dua betaaire ala yało melaalopa, ẹ beterepaae ape.

²⁹ Yało hulúmó belere ni fake beleyóól, ẹdamo wusóró furaalu, yało dere ala kolóló kisipa sae. Ti noatepaae, yało hosaa tuámó mole naamei ala wisi diaaq kisipa yaasepóló, yó melaalopa, ape. Até depata, ti diaaq hosaa muni deyóól mo dua betaalopó.

³⁰ Ti noatepaae, yało kutó ditere alaró beleyóól fole ọlatamo sekēni, mo esepelérápó,” yalepó.

12

Yesu ąta s̄a nópóló tukóló muló betere be de tale

(Mak 2:23-28, Luk 6:1-5)

¹ Atéyale sukamó, Yesuró ama yó matere whīrapetamo *whit* kutó tuámó kutu betalepó. Téyalemó, ama yó matere whīrape wotetepa s̄a nópóló ẹale muló betere sukamótei, kale ai kutómó yó mole *whit* du k̄aaesu yóól nukulé fu betalepó.

² Atei ala depa, Farisi whīrapené kolóló Yesupaae duraalu, “Naao yó matere whīrapené s̄a nóló beterópóló tukóló muló betere be ẹmótei, kale yóól muló betere fo tukóló, ọla ai su betere ape,” yalepó.

³ Ai fo depa ama atimapaee duraalu, “Depit-ró ama fulumu whīrapetamo atima wotetepa yale ala diaaq dos̄ayóól, kisipa muni airapó.

⁴ Ẹ Kótóné be tuapaae holóló bituraalu, mo kae muló betere *bred* o Depit-ró ama fulumu whīrapetamo atima wotepa sóró nalepó. Ti ai ota, Kótópaae melaletēi, mo h̄ale whīrapené naqsóró fo mupa, Kótópaae momaraterē whīrapené maaté nukua dapó.

⁵ Moses-né yóól muló betere fo s̄a furaalu, momatere be kaae tare whīrape kale ẹale muló betere sukamótei atimané ditere kutó diyaai be dolopaae fua dapóló, ere fo diaaq dos̄ayóól kisipa muni airapó. Ti kale yóól muló betere fota, mo tikitu betepatei, me dowi ala yalepóló inipó.

⁶ Yało diāpaae mo i dere ape. Kótóné ama momatere beta, doasi ọlapatei, Kótóné ama ala erótu betere sekéró, mió ama erótu betere alatamoné ai momatere be ẹteróló teraae falapó. Atére sekēta, mió diātamo betāmó i betere ape.

⁷ Tale Kótóné i fo aseýóól muló beterapó. ‘Kale *sipsip* hupu ó me ọla simó sukųlaa daróló momaraterē alata, ti yało

h̄ekesere ala meipó. Me whi kolené sinóló tao sere alata, ti yało h̄ekesere alapó,’ erapó.

Ai fotamo diāné tué uasóró, ti dowi ala muni whīrape só deróluameipó.

⁸ Ti noa betené meipó. Kale Whīné Naalemata s̄a nóló beterópóló, ẹale muló betere be ẹ ẹteróló kaae tare Tale beterapó,” yalepó.

⁹⁻¹⁰ Téró Yesu ą aimó betaletēi taaróló, atimané fo wosetere be tuapaae sókó felemó, aimó betā naase dowi whi betepa kelalepó. Atima mepaae so whīné ą dowi ala yale whīpóló só deraaire bete kikitū Yesupaae woseturaalu, “S̄a nóló beterópóló ẹale muló betere sukamótei, whi wisiraterē ala depa fo mulepé meié?” yalepó.

¹¹ Ai fo depa ama atimapaee duraalu, “Diākó whi me denétamo, kale s̄a nóló beterópóló tukóló muló betere sukamó betā *sipsip* hupu nóku dolomó doropóló mupa, tao saalomeié?”

¹² Tépatēi, whīta ti mo doasi bete mole ọla ereteiné whi tao sere alané *sipsip* hupu tao sere ala bosene falapó. Atérené s̄a nóló beterópóló ẹale mulale sukamó wisi ala depa, fo munipó,” yalepó.

¹³ Téró ai fo yóól kemetepa, kale naase dore whīpaae duraalu, “Naao naase teréẹ falae,” depa, kale whīné ama dore naase teréẹ faralemó, me tikiró wisire naase kaae yó felepó.

¹⁴ Atétepa, kale Farisi whīrape atima belapaae tóẹ fóló, Yesu netéró daaloé yóól fo dokalepó.

Kótóné ama kutó dirópóló sókó sere whi

¹⁵ Até yaaire ala Yesuné ama kisipa yóól, ą betale tiki taaróló felepó. Atétepa, kisi daae mole so whi feané ą s̄a wu betepa, ama wisirótua yalepó.

¹⁶ Atéró, ama atimapaee fo mulótu duraalu, “Yało i dere ala kolóló ẹ etei kaae whi beterapóló mepaae so whīpaae momókó yaqse,” yalepó.

¹⁷ Yesuné ai du betale alata, mo take Kótóné ama koló whi Aisaiané aseýóól muló betere fo motóró dokonóturaalu yalepó.

¹⁸ Ama ai ere fo i ape.

“Yało kutó dirópóló, sókó sóró kae beteró betere whi i betere ape.

Ama dere alamó, ẹ h̄ajné sukutu ąpaae yaala sókó fóló, mo hosaa mulapó.

Atérené yało kepe bete ą tuapaae beteratepa, amamo Talené mo donotóró taleyóól kwia melaaire fo i h̄ae kwiamó kae kae tiki daae mole so whīpaae h̄akearóló yó melaalo ai ape.

¹⁹ Téró yało kutó diraterē whi h̄ole sere alaró h̄ole fotamo ini dereteiné, ai

be belamó ó tumó fua wua dere so whíné mo wosókélé yaalomeipó.

²⁰ Kale kape siki kaae faairaaalu, bitikíjne tikimó ama mo ti kaaayaalomeipó.

Téturaalu, kale wisiyóló dó tanire sákélé ama hapale sukunéni, hãle dó tanópóló kaae taté faalopó.

I haemó du betere kae kae dowi alamó, mo donótóro taleyóló kwia melaaire alané hõko taletere ala aluraté fóló, mo donoyóló taletere alané tẽteróló kaae tawaalopó.

²¹ Atéturaalu, hae kwia feamó betóló fale so whíné apane kisipa tiki tiróló hajné sukutu bitu, i sekénéta, ða mo tao saalopó du betaalo ai ape," erapó.

Yesu q topo kepe Belsebul-né fotokratepa dapóló yale fo

(Mak 3:20-30, Luk 11:14-23, 12:10)

²² Téró, betá whi dowi kepe tepeyóló bituraalu, kele diliki yóo, kólókéle nomóo ere whi Yesu beterepaee dapesó wapa, ama wisiralepó. Atéro wisiratepa fo yóo, kelené ða ðlakélé wisiyóló kolóo, yalepó.

²³ So whi feané ai ala kolóló sirayóló duraalu, "Ai whíta Depit-né deté wale fake tuamó, waalopóló bopetu betale whi hiti irurapó," yalepó.

²⁴ Ai fo kale Farisi whirapené wosóló duraalu, "Meipó. Ai whíta, doasi keperapené topo kepe Belsebul-né fotokratepa, dowi kepe ai dóló hõkonótu betere ape," yalepó.

²⁵ Atéro, atimané mutere kisipa tiki Yesuné kolóló atimapaee duraalu, "Mepaae hae kwia tẽteróló kaae tare doasi topo whirape atimasisitei bõe dupa, ti atimané tẽteróló kaae tare ala mo doraalo ai ape. Atéturaalu, doasi be hulua ó betá bemó betere so whi atimasisitei bõe dupa, ti mo wisiyóló bitini, mo doyaalo ai ape.

²⁶ Satan-né ama fake whitamotei bõe dóló hõkó fatepa, ti ama tẽteróló kaae tare ala amatei teketepe, ti netéro fotokõ buóló daayaaloé?

²⁷ Atére kaae diaaõ duraalu, i sekénéta kale dowi kepené doasi topo kepe Belsebul-né fotokratepa dóló hõkonalepó dere-a, diaaõ be whíné dowi kepe dóló hõkonótuua detereitei né fotokratepa, du betere? Atétepa, ti atimanéitei diatamo fo tokótamo yóló, taletere sukamó ðia só deraalo ai ape.

²⁸ Térètei, Tale Kótóné Ðei Kepe Wisiné ẽ fotokõrótu bettereiné, dowi kepetamo yaalo dóló hõkonótu betepa, ti kale Kótóné tẽteróló kaae tare aõmó mole ala ðia tuapaee wóló mulapóló kisipa yaalo ai ape.

²⁹ Whi mené mo doasi fotokõ bole whíné ða ða qlémi saairaalu, noa alapi yaaloé? Folosóro kale seképi dirii képiné dokóló mulóló, nalo ama bemó muó mole ða ða sóro fenérapó.

³⁰ Ẽtamo betamó bitinire whíné ti bõe dóló ẽ só derótu betterapó. Mepaae whíné ama ðla ðla ẽtamo mulénitepa, ti atétere whíné ama ðla ðla hõko besekérotu betterapó.

³¹ Atétu bettereteiné yaalo diapaee mo i dere ape. Mepaae kae kae dowi alaró Kótó faletere fotamo yólóitei, nalo Talepaee kemerae depa, ti Tale Kótóné me ðla meipóló hãle kemeraalopó. Tépaitei, kale Ðei Kepe Wisiné erótu betere alatamo faletepa, ti Tale Kótóné me ðla meipóló kemeraalomeipó.

³² Atére kaae, mepaae whínétamo kale whíné Naalema falatepa, ti ama ai dowi ala kwia me ðla meipóló hãle kemeraalotei, mepaae whi dené kale Ðei Kepe Wisiné erótu betere alatamo faletepa, ti mió i betere alimókélé ó take nalo waaire alimókélé, ama ai dowi ala kwia kemeréni, hãle muó tawaalopó.

³³ Ni wisi daapa, ti ama dukélé wisi oleyaalopóló kisipa muóo, Dowi niné ama dukélé ti mo dowitóro oleyaalopóló kisipa muóo, yae. Ti noatepae, so whíné olere du kilituraalu etei kaae nipóló kisipanérapó.

³⁴ Ðia whi tukó nokole dowi wulirape-ó, ðia dowi alané fãanuraalu wisi fo noayóló yaaloé? Ti noatepae, so whi feané hosaa tuamó fãayóló mole alatóróti kolónékélé foparóló hãkeamó dua dapó.

³⁵ Whi wisiné ama hosaa tuamó ti wisi alatóro fãayóló muluraalu, ama dere fokélé wisi fotóróti dua dapó. Dowi whíné ama hosaa tuamó ti dowi alatóro fãayóló muluraalu, dowi fotóróti dua dapó.

³⁶ Térapa, yaalo diapaee mo i dere ape. Diaaõ dere fotamo, kisipa tekeyóló ini, hapale hõko depa, ti take taletere sukamó diapaee etei kaae hõko fo noatepa yaleé yaalopó.

³⁷ Ti noatepae, taleyaaire sukamó diaaõ yale wisi fonéitei ðia hãle fópóló eróo, mepaae yale dowi fonéitei ðia só deróló kwia melóo, yaalo ai ape," yalepó.

So whíné tuẽ yópóló Talené Jonapaee erale kelemei ala

(Mak 8:11-12, Luk 11:29-32)

³⁸ Téró, mepaae Farisi whiraperó Mosesné asere fo yó matere whirapetamoné apane duraalu, "Yó matere whi-ó, Talenéitei eratapóló ðané kisipa yaai dapa, kelemei alakó erótumí?" yalepó.

³⁹ Ai fo depa ama atimapaee duraalu, "Ðia nópu nokole alaró mepaae sonalei dowi alatamo du betere whirape-ó, Talenéitei eratapóló sira yaaire ala erae yóló, wosó maaté tarapó. Me sira yaaire alakó yó melaalomeitei, Kótóné ama kóló whi Jonapaee erale ala kaae betá eratepa kelaalo ai ape.

⁴⁰ Ti noatepae, kale wh̄i Jona be de sore yóo, diki sore yóo yóló, doasi yané depe dolomó bitu yale kaae, kale Wh̄iné Naalemakélé, be de sore yóo, diki sore yóo yóló, dou dolomó h̄ale muaalopó.

⁴¹ Téyaalotei, take naló kale Ninipa be hulua wh̄irape taletere be demó mió i alimó betó mole so wh̄i mo só deraalopó. Ti noatepae, atima Jonané yó mótu betale fo wosóló, dowi ala taaróló kisipa tiki feteyalepó. Téyaletai, Jonakélé teteróló bosene fale wh̄i i betepatei, kisipa tiki tirénitere-a, noatepa de?

⁴² Talené taletere be de sókó wapa, betá Saut-paae mole hae kwiamó betere doasi *kwín* so a turukó holóló daalu, diá mió i alimó betó mole so wh̄i só deratere fo yaalopó. Ti noatepae, ai sota, mo saletópaae betale sotei, kisipa tiki dotoróé fóló mole wh̄i Solomon-né yó matere fo wosaai dapóló weipakalepó. Téyaletai, Solomon-né kisipa tiki fosó fosóre alakélé teteróló bosené fale wh̄i i betere ape.

⁴³ Kale dowi keperape wh̄iné depe tuamó beteretei taaróló furaalu, i ala dua dapó. A kópu k̄aae fi tikimó mo wisiyóló betaai dapóló kek̄ai f̄elalemó, betaaire tiki kilinitepa momó fesaae wóló duraalu, 'Ȳalo taaróló wale bepaee, e momó bit̄i faaitapó,' dua dapó.

⁴⁴ Atéró, a fóló keleralemótamo wh̄i mekélé bitini kale be fuóló taae faróló ɔla ɔla fea hotowaró betapaaeró betepa, keletapó.

⁴⁵ Atépa kale dowi kepe a momó fesaae fóló, mepaae doasi dowi alamaaté du betere weikeró keperape dapesó wóló, kale wh̄i tuamó bit̄i walapó. Atétepa, ai wh̄i a take folosóró betale ala sawa doretei, mió kale weikeró dowi keperape bit̄i waletiné, kale wh̄iné betere bete mo ti doratapó. Atétere kaae, mió i alimó dowi ala du betere so wh̄ipaaekélé eraalo ai ape," yalepó.

*Yesuné hamaró nomarapetamo
(Mak 3:31-35, Luk 8:19-21)*

⁴⁶ Yesuné ai touró betere so wh̄ipaae fo h̄ale du betepatei, ama hamaró nomarapetamoné atamo fo yaairaaalu, wóló belamó daae molepó.

⁴⁷ Tépa wh̄i betané duraalu, "Naao haeró norapetamoné ȳatamo fo yaai wóló belamó daae mulapó," yalepó.

⁴⁸ Ti fo depa Yesuné duraalu, "Ȳalo haeró norapetamo-a, deé?" yalepó.

⁴⁹ Ti fo yóló, ama yó matere wh̄irape beterepaae naaséné yóló duraalu, "Ȳalo haeró norapetamota, ti i betó mole ape.

⁵⁰ Ti mepaae so wh̄i denétamo hepen bemó betere ȳalo Aya Kótóné ama kisipa mole ala erótu betepata, ti ȳalo no ne ó haetóro ai betere ape," yalepó.

13

Yesuné whit ke biliterepaae dó faróló yale fo

(Mak 4:1-9, Luk 8:4-8)

¹ Atéyale be demótóro Yesu a ai be tuamó yó mótu betaletai taaróló, kale doasi wēi k̄ela fókupaae bit̄i derepelepó.

² Atéró, ai wēi fókumó so wh̄i mo h̄ale ɔla kaae bopéróló daae moletiné a daayaaire t̄e munipa, nuku tuapaae daane horalepó.

³ Atéru, so wh̄ipaae du betale fo fea ti fo sale maaté yóló duraalu, "Wh̄i betané ɔla wae kerape ama kutómó terepété kw̄eyaaí sóro felepó.

⁴ Atéró, kale wh̄iné ama ɔla wae kutómó terepété kuturaalu, mepaae ke ti t̄u tómó sókóta yóló mupa, barapéné nalepó.

⁵ Mepaae kerape ti kane tómó dakere haepaae taae durupua yalepó. Atéyale ɔla waeta, mo haepaae derepéni, kane tómó dakere haemó taae derepeleteiné, kale ɔla wae mo hapale holalepó.

⁶ Téyaletai, mo dirii sukané kale ɔla mo hapale botokole yó salepó. Ti noatepae, ama feleke mo apaae derepéniretineínó.

⁷ Mepaae kerape, ti kane tómó ne tuamó taae durupua yalepó. Téturaalu, kale ɔla wae dowi mu daai netamo betamó holale tikimó, ai kale dowi nené kale mo ɔla bopée sóro aluralepó.

⁸ Mepaae kerape ti mo hae wisimó taae durupua yalepó. Atéyale ɔla ti mo wisiyóló holóló, du wisinaale woleyalepó. ɔla wae h̄ili furaalu, yo betá sóro feletei, ɔla ɔlumétepa suraalu ti 100 yorape mepaae 60 yorape ó 30 yorape f̄anóló sóro walepó.

⁹ Mepaae wh̄i de woséli daapa, ti i dere fo bete wisiyóló wosóló kisipa muae," yalepó.

¹⁰ Atéró, ama yó matere wh̄irape wóló apaae woseturaalu, "So wh̄ipaae naao fo salené maaté du betere-a, noatepa de?" yalepó.

¹¹ Ai fo depa ama tokó mótu duraalu, "Ó hepen bemó betere Kótóné ama teteróló kaae tare tuamó kinóló mole kisipa tiki wisinaale diapaaeta meló beteretei, atimapaee ti meló bitini ai ape.

¹² Mepaae wh̄i dené kale fo wisitamo sóro tapa, ti ai tómó mepaae kae beleróló melaalopó. Téturaalu, ai wh̄i a mo dekéro mualo ai ape. Mepaae wh̄i dené kale fo wisi sóro tanitepa, ti ama sawatamo tareteikélé fasó saalo ai ape.

¹³ Ȳalo atimapaee fo salené maaté i yó mótu betereteita, h̄ale meipó. I ere fo dokonóturaalu, erapó.

'Atimané kelené mo kilirutei, me ɔla wisiyóló koló fumpipó.

Atimané wosélinékélé wosetu bitutei, bete wisiyóló kisipa mutumipó.'

14 Ai so wh̄i tuamó ere alata, Aisiaiané as̄yóló muló betere fo dokonóturaalu dapó. Ai as̄ere fo i ape.

‘Diaaḡ wosóta yaalotei, fo bete wisiyóló kisipa muaalomeipó.

Diaaḡ kelenée yaalotei, wisiyóló ke-laalomeipó.

15 Ti noatepa meipó. Ai so wh̄iné hosaa t̄aróo, kelekélé dilikiróo, atimané wos̄élikélé kinóo erapó.

Ti noa yaqsóro meipó. Atimané kelené mo bete kolóo, wos̄éliné wosóló bete kisipa yóo, yaqsóro erapó.

Ai ala ere so wh̄i atima ḡ beterepaae momó feteóló wapa, ti yaḡo atima sumó wisiranerapó,’ erapó.

16 T̄ereitei, diaaḡ kelenékélé mo wisiyóló kolóo, wos̄élinékélé fo wisiyóló wosóo yaleteiné, Kótóné diḡ wisiró beteraipóló, hajné ai sukutu betere ape.

17 Yaḡo diaḡpaae mo i dere ape. Mo take Kótóné ama kóló wh̄iraperó mo donoi ala-maaté dere wh̄irapetamo feané mió diaaḡ kilitu betere ala atimané kelené du beta-teitei mo kilinipó. Diaaḡ wosetu betere fokélé atima feané wosené du beta-teitei, mo wosókélé inipó.

18 I kale ḡla wae ke terepeté kweyale wh̄iné yale fo sale fo bete i dapa, diaaḡ mo wisiyóló wosae.

19 Mepaae wh̄i de Kótóné t̄eteróló kaae tare aqmó mole fo wisi wosóló, bete wisiyóló kisipa initere so wh̄iḡa, ti kale ḡla wae ke t̄u tuamó sókóta yóló mupa, barapené nale kaaeta, ti kale dowi Satané atima hosaa tuamó muló betere fo wisi tokḡ sua du beteraipó.

20 Kale kane tomó dakere haemó taae derepele ḡla waeta, ti mepaae so wh̄i dené kale fo wisi hapale wosóló, ḡkesetu dere kaaepó.

21 T̄épatei kale fo wisi wosóló, ama feleke mo apaae derepéniruraalu, sawa ḡleke sukamó heteró, s̄sere ala ó me sekéi ala wapa, ti kale seké hapale t̄éitei dée nóló Talené ama fo wisi erateretei mo ti taalatua dapó.

22 Kale dowi mu daai ne tuḡ dolomó taae durupu yale kaaeta, ti wh̄i me de Kótóné fo wosólóitei, i haemó doasi *moni* sóro néli wh̄i betenée dere alaró whaaliané sukutere alatamota, mo doasi bete mole nisiyóló sya furaalu, Kótóné fo aluróló du wisiyóló ulu-timipó.

23 Kale hae wisi bolemó taae derepele ḡla wae kaaeta, ti wh̄i me de Kótóné fo wisiyóló wosóló, kisipa mutere so wh̄i ai ape. At̄étere wh̄iḡa, kale ḡla ḡlumétepa, mepaae 100 mepaae 60 mepaae 30 yorape deyóló f̄aanótu dere kaaepó,” yalepó.

Dowi neró wisi ḡlatamopaae dó faróló dere fo

24 At̄eró, Yesuné so wh̄iḡpaae fo sale fo me kae yóló duraalu, “Ó hepen bemó betere Kótóné t̄eteróló kaae tare aqmó mole alata, i ala dere kaaepó. Wh̄i betané ama kutómó ḡla wae wisi biliyalepó.

25 At̄eró biliyóló, so wh̄i fea noke firepaae ama b̄oe wh̄i wóló, kale ḡla wae ke biliyó mole tikimó dowi nené kekélé terepée daalóló, felepó.

26 Kale ḡla wae holóló du woleyaaire alimó, kale dowi netamo wusuró betamó hōpa kelalepó.

27 At̄épa, kale kutó diratere wh̄irapené ai kutó talepaae duraalu, ‘Doa wh̄i-ó, naao kutómó mo wisi ḡla wae ke maaté biliyaleitei, dowi nemo noayóló sokaleé?’ yalepó.

28 Ti fo depa kale kutó talené tokḡ mótu duraalu, ‘Aita, b̄oe wh̄iné du yalepó,’ depa ama kutó diratere wh̄irapené apaae duraalu, ‘Ḋa fóló ai dowi ne tokḡ farópé nearó?’ yalepó.

29 Ai fo depa ama duraalu, ‘Meipó. Diaaḡ kale dowi ne t̄eketuraalu *wh̄it*-tamotei tokḡ falaqsóropa, ama erópóló taalae.

30 Kale *wh̄it*-tamo wusuró enópóló kaae tawóló, ḡla ḡlumétepa sere sukamó yaasepólópó. At̄eró ḡla sere sukamóta, ti kale ḡla sere wh̄irapepaae siré kweyae depa, dowi nerapepi tokóló si biliraai betapaae eróló mullaalópó. T̄eró kale mo naaire *wh̄it* maaté siré kweyóló betapaae yóló, mulatere bepaae mullaalo ai ape,” yalepó.

Yesuné mastard ni keró yist-tamopaae dó faróló yale fo

(*Mak 4:30-32, Luk 13:18-19*)

31 At̄eró, ama atimapaae fo sale fo me yóló duraalu, “Ó hepen bemó betere Kótóné t̄eteróló kaae tare aqmó mole alata, ti bet̄a wh̄iné kale *mastard* niné ke ama kutómó biliyale kaaepó.

32 Ai kale *mastard* niné keta, mepaae i yó mole niné ke kaae meipó. I niné keta mo belek̄amaletei huturaalu, ti mepaae kutómó ere nirape fea t̄eteróló mo doakale ni ami daatua dapó. At̄épa, ai ni t̄eirapemó barape daaneta dua dapó,” yalepó.

33 At̄eró ama kale dere kaae, fo sale fo me yóló duraalu, “Hepen bemó betere Kótóné t̄eteróló kaae tare aqmó mole alata, bet̄a soné *flawa* o bula duraalu t̄opuópóló bu-latere sawa ḡlayist kaaepó. Ai sawa ḡlanéitei *flawa* o bula doasi t̄oputua dapó,” yalepó.

34 At̄eró, Yesuné so wh̄i feapaae yó matere dokḡ fo saletamo touróló yó du beta-lepó.

35 Ama ai ala du beta-teitei, ti Kótóné kóló wh̄irapené yóló muló betere fo dokonóturaalu, du beta-lepó. Kale fo i ape.

“Take i hae kwia fea kaaraaipatei, kinóló mulaté wóló, mió i alimókélé hāle kinóló mole forape fea, ti yało fo sale fonétóró yó melaalo ai ape,” yalepó.

Kale dowi nepaae dó faróló yale fo bete hākearale fo

³⁶ Téro, ai touró betere so whj fea betó mu-patei taaróló, ā be dolopaae felepó. Atétepa, ama yó matere whjrape ā beterepaae wóló duraalu, “Kutó tuámó dowi ne botokorapó dere fo salené bete dāpaae yó ālae,” yalepó.

³⁷ Ai fo depa, ama atimapaee tokó mótu duraalu, “Wisi ąla wae ke feseketé kotere whjta, ti kale Whjné Naalema ai ape.

³⁸ Kale kutóta, ti so whj fea betó mole hae tiki ai ape. Kale ąla wae ke wisita, ti Kótóné teteróló kaae tare aqmó betó mole so whj ai ape. Kale dowi neta, ti dowi Satan-né naale senaale ai ape.

³⁹ Kale dowi ne du biliyale bóe whjta, ti dowi Satan-pó. Kale kutómó ere ąla ąlumétepa saaitere sukata, ti kale kemeyaaitere be depó. Kutómó ere ąla ąlumétepa sere whjrapeta, ti kale *ensel*-rape ai ape.

⁴⁰ Kale dowi nerape tokóló sipaae taae fatu dere kaae, take kemeteré sukamó atéyaalo ai ape.

⁴¹ Atéro, kale Whjné Naalemané ama *ensel*-rape dotonóló, Kótóné teteróló kaae tare aqmó betó mole so whjro dowi ala dere so whjtamo hoseké yóló betaqsóró, ama *ensel*-rapené tokósu deté kwéyaalopó.

⁴² Atéro, me whj dowi ala yópóló dée nalatere so whjro dowi ala du betere so whjtamo si duku betere dolopaae taae de-raalopó. Aimó siné duku bitu, doasi wole yóló kaketuraalu, atima serekené atimatei tukó nuku betaalo ai ape.

⁴³ Atima atéro kļilpaae ti mo donoyóló betere so whj atimané Aya Kótóné teteróló kaae tare aqmó, suka wisi duraalu dę tekée fu dere kaae, dę tekée fi so whj betaalopó. Whj me de wosęli daapata, ti i dere fo wosóló bete mo wisiyóló kisipa muae,” yalepó.

Doasi moni sere wisi wisi ąlapaae dó faróló yale fo

⁴⁴ Atéro, Yesuné duraalu, “Hepen bemó betere Kótóné teteróló kaae tare aqmó mole alata, ti etei ala dere kaaepó. Whj betané ama hae kwiamó doasi *moni* sere wisi wisi ąla bupa kikiti koló salepó. Atéro kale ąla hyó muóló, ā bepaee hękesetamo felepó. Atéro fóló, ama bemó muó mole ąla ąla fea mepaae whjtamo dotonóló *moni* sóró, kale wisi wisi ąla mole hae tiki ama dupu yalepó.

⁴⁵ Atére kaae, hepen bemó betere Kótóné teteróló kaae tare aqmó mole alata, ti meleke kaae dui ąla ąla wisi kekóló

keletepa, dotonóló *moni* sere whjné dere kaaepó.

⁴⁶ Ai kale meleke kaae dui ąla wisi mupa koló sóró fóló, ama tare ąla ąla mo fea dotonóló, ai kale ąla wisinaale dupu yalepó.”

Ya sere hāleke wapaee dó faróló yale fo

⁴⁷ “Fo sale fo me i ape. Ó hepen bemó betere Tale Kótóné ama teteróló kaae tare aqmó mole alata, mepaae ya siré kotere whjrapené ya saairaalu, atimané hāleke wa węi kulupaae deróló, kae kae yarape sutere kaaepó.

⁴⁸ Atéro, kale hāleke wamó dere yarape taleyaairaalu, hāleke wa tukó sóró węi fókumó turukwę mulóló, taleyóló wisire ya yopaae derótua yóo, doretei ti taae fatua yóo, yalepó.

⁴⁹⁻⁵⁰ Atétu dere kaae, take kemeteré sukamókélé, ai ala yaalo ai ape. Kótóné ama *ensel*-rape wóló, wisi ala du betere so whj taleyóló kaepaae beteróo, dowi ala du betere so whj kaepaae beteróo, yaalopó. Atéro bukótamo yóló, dowi ala du betere so whjta, si duku beterepaae taae de-raalopó. Aimó siné duku bitu, atimanétei yale dowi alamópóló doasi wole yóló serekené tukó nuku betaalo ai ape,” yalepó.

⁵¹ Téro Yesuné atimapaee duraalu, “Ai yale forape fea diaaq wosóló bete wisiyóló kisipa yaleé?” depa, atimané duraalu, “Ēpó,” yalepó.

⁵² Tétepa Yesuné duraalu, “Moses-né aseýóló muló betere fo yó mótu betere whjrapepaae, Kótóné hepen bemó teteróló kaae tare aqmó mole ala i ape yóló, mené yó matepa kisipare whjta, ti be tale kaaepó. Betā be talené ama wisi wisi ąla muó mole tikimó mió sale kisi ąlakélé, mo take mole ąlatamo touróló, Talené ala erótu beteraapó,” yalepó.

Kótóné kļló whj ā ama turuku bemó doi munipóló yale fo

(Mak 6:1-6, Luk 4:16-30)

⁵³ Yesuné ai fo sale forape yó melóló kļilpaae ā ai be hulua taaróló felepó.

⁵⁴ Atéro, ama turuku bemó sókó fóló bitu-raalu, atimané fo wosetere bemó fo kaae sóró yó mótu betaalopó. Ama atéro yó matere fomó sirayóló duraalu, “Ai whjné kisipa tiki dotoróę fale alaró kae kae eratere kelemei alarapetamo-a, né yó matepa du bitutérópó,” yalepó.

⁵⁵ I naaleta, kale be teteré whjné naalema hji meié? Ama hamata Maria ai ape. Kale Jems, Josep, Saimon, Judas, ai whjrapeta, ti ama nomarape ai ape.

⁵⁶ Ama nemarapekélé, dātamo i betere ape. Ama doa ai du betere ala feata, momó sóró du bitu dérópóló, ātamo dei tué mualepó.

⁵⁷ Atéror, Yesuné ątamo dei kisipa mutere ala kolóló, ama atimapaee duraalu, “Be hulua feamóta Kótóné ama kóló whjné doi doasi moletei, ama turuku be hulua so whjro ama fake so whjtamo tuąmó, ti doasi doi muni ai ape,” yalepó.

⁵⁸ Atimané ama dere fo wosóló kisipa tiki tirénireteiné ai be hulua tuąmó, ama kae kae doasi fotokji kelemei alarape mo dekeró eréni, tóróti eralepó.

14

*Kale wej tópurale whj Jon dale ala
(Mak 6:14-29, Luk 3:19-20, 9:7-9)*

¹ Atéyale sukamó, kale Kaleli hae kwia tetéroló kaae tare whj Herot-né Yesuné i alarape du beterapó dere fo wosalepó.

² Ai fo wosóló ama kutó diratere whjrapepaae duraalu, “Aita, kale wej tópuratere whj Jon kepaayóló biturapó. Atéru, mo kae kae doasi kelemei alarape ai erótu betere ape,” yalepó.

³⁻⁴ Ai fota, ąale inipó. Herot-né Yesuné i alarape du beterapó dere fo wosaai bitutei, i ala yalepó. Jon-né Herot-paae duraalu, “Naao no Filip-né so Herodias-tei noatepa tokóló dokaleé?” yale fomótei, kale Herot-né Jon *dipula* beteralépó.

⁵ Ai fo deremó, kale Herot-né Jon *dipula* beteróló daai yaleteti so whj kolóló ą wituraalu, *dipula* bemó ąale beterópóló taaralepó. Ti noatepae, Jon-ta, Kótóné ama kóló whjipóló, so whj feané kisiparapó.

⁶⁻⁷ Kale doasi topo whj Herot-né ama hamané ą deyale be de wapa, doasi ąla deyóló nuku betalepó. Até du betepa, kale so Herodias-né senaalema wóló, ąla nuku betere so whjrapené keletómó kjlitu betalepó. Atéror kjlitu betepa, Herot ą mo doa ąheksené sukutepa kale so seimalepaae duraalu, “Naao epaae noa ąlakó kematepa, ti naao ai kematere ąlatóróti ąalo ąamó melaalopóló,” doasi dirii fo yóló mulalepó.

⁸ Ai fo depa, kale so Herotasiné senaalepaae ąa fóló, kale wej tópuratere whj Jon-né topo tukóló ąlae fo ene fae depa, kale senaale ą fóló Herot-paae duraalu, “Wej tópuratere whj Jon-né topo betą tukóló nuku tó mó beleróló ąlae,” yalepó.

⁹⁻¹⁰ Kale doasi topo whj Herot-né ai fo wosetu ą mo doasi fomoné sukąleteti, ama ąla naai wale so whjné keletómó i ala mo yaalopó yóló mulale fo tiki népa, ama diki tare whjrapepaae Jon-né depa tikaé yóló, dotonalepó. Atétepa atima fóló, Jon *dipula* bemó betepa, depa tukóló ama topo nuku mó beleróló sóró walepó.

¹¹ Atéror, kale whjné topo du nuku tó mó beleróló kale senaalepaae melatepa, ama sóró fóló, hamapaae melalepó.

¹² Atétepa, Jon-né ama yó matere whjrape wóló, kale sekéné ama tupuló tiki sóró fóló douralepó. Téró atima fóló, Yesupaae i alarape yalepóló ene felepó.

*Yesuné 5000 whjmó ąla melale fo
(Mak 6:31-44, Luk 9:10-17, Jon 6:1-13)*

¹³ Atei ala yalepó dere fo Yesuné wosetu, ai so whj betó mole tiki taaróló, ama yó matere whjrape atimanale maaté wej nuku sóró so whj bitinire tikipaae felepó. Aimó betó muale so whj feané Yesu upaae felepó dere fo wosóló, atima betere doasi be huluarape taaróló, ątamo hokolaa yaai dapóló atima hae tuámó felepó.

¹⁴ Atéror, Yesu ą hae tópaee taae fóló ke-lalemó, so whj mo ąale ąla kaae wóló betó mupa kolóló, ama hosaa tuámó mo doasi kólené sukutepa, atimané hepo beterape wisiralepó.

¹⁵ Atéror, be felekemó diki yaaiteretamo, ama yó matere whjrape ą beterepaae wóló duraalu, “Dą so whjkélé bitini ąale tuą tikimó betepatei be dikiyalepa, felekemó te mole be huluarapepaae atimané naaire ąlakó dupuyaai fópóló, dotonae,” yalepó.

¹⁶ Ai fo depa, Yesuné tokó mótu duraalu, “Imó ąané menané nipa, atima dupune fópóló de? Diaaąteji, atimané naaire ąla melótumié,” yalepó.

¹⁷⁻¹⁸ Ti fo depa, ama yó matere whj betąné duraalu, “Dąné imó moleteita, *bred* o bula aporó yóo, ya tamo yóo yóló betą i mole ape,” depa, ama duraalu, “Ai ąlarape epaae sóró ape,” yalepó.

¹⁹ Atéror, ama so whj feapaae ai ne tó mó betae yóló atima fea betó mupa, ama kale *bred* o bula aporó sóo, ya tamo sóo yóló taruraalu, hepen-paae kese horóló Tale Kótópaae mo kée yóló, terekéeraalu yalepó. Atéror ama yó matere whjrapepaae melatepa, atimamo so whjmó melaté kwęalepó.

²⁰ Atéror, so whj mo fea nóló sųtepa, buki muni feletei kale yó matere whjrapené betapaae yóló, 12 yorape deyóló ąanalepó.

²¹ Atéror, ai kale ąla nale so whjrapeta, soraperó naale senaaletamo dosąani, whjrape maaté dosąayóló touróturaalu, 5000 whjrapepó.

*Yesu wej tó mó daaté fele fo
(Mak 6:45-52, Jon 6:16-21)*

²² Atéror Yesuné ama yó matere whjrapepaae duraalu, “Ęta, i betó mole so whj atimané be séle sélepaae fópóló dotonóló walapa, wej te uteró betaai diąpi ai nukutamo fae,” yalepó.

²³ Téró, so whj fea fópóló dotonóló kjlipaae Yesu ą ama wotoró du sokore aqmó momayaairaaalu holalepó. ą aimó wotoró betepatei, be dikiyalepó.

²⁴ Aimó betepatei, kale weji nuku weji kulu tuamó hale fu betepa doasi weji asyaró besé tikitamo atima faaire tikiró waleteiné, kale nuku hapale feni, dua wóputé fu betalepó.

²⁵ Felekemó be deýó holaai deretamo, Yesu ama yó matere whirape beterepaae waairaalu, weji tómó daaté wou betalepó.

²⁶ A atéro daaté wou betepa atimané a kolóló, mo doasi witu diri furu furu yóló duraalu, “Kepe ai wale ape,” yalepó.

²⁷ Atéteretamo Yesuné atimapaee duraalu, “Ita epa diá wini, hosaa diriyóló mo dua betae,” yalepó.

²⁸ Tétepa Pitané Yesupaae duraalu, “Tale-ó yapata, ti ekéle ýatamo hokolaa yaai weji tómó daaté waaitapa, ape yae,” depa ama duraalu “Ape,” yalepó.

²⁹ Ti fo depa, Pita weji nuku taaróló weji tópaee taee doropóló, Yesu walepaae daaté felepó.

³⁰ Téyaletei, doakale besé tiki wale kolóló wituraalu, weji dolopaae buó deyaai depa ama fo fakeyóló duraalu, “Tale-ó, wejiné e felekemó aluraai dapa, tao sae,” yalepó.

³¹ Atéteretamotóró, Yesuné ama naasemó taosu duraalu, “Naao kisipa tiki mo ti tiró bitini airapó. Noatepa kisipa tiki tamo dekaaporóló mualeé?” yalepó.

³² Atéro, atimaamo weji nukupaae bití holaalémó, kale besé tiki tikalepó.

³³ Tétepa, kale ai nuku tuamó betó mole whirape Yesu aomó sukóló bitu, ama doi hale sóró horótu duraalu, “Yata so whi fea teteróló kaae tare Tale Kótóné Naalematóró mo hitipó,” yalepó.

³⁴ Atéro, atima ai weji dala teýóló, Kene-saret hae utéro sókó felepó.

³⁵ Ai be huluamó betó mole so whiné a kolóló ita, kale Yesu airapó yóló kisipa mutu ai hae kwiamó betó mole be hulua so whipaae Yesu wóló i betere ape, yó faralepó. Atétepa, kale kisi daae mole so whirape atimané a beterepaae dapesó wua yalepó.

³⁶ Atéro wóló betó mulu, whirapené apaae woseturaalu, i kisi daae mole so whiné naao kuti salemómaaté wolaa yópóló yae yalemó, téyae depa a wolaatua yale so whiné kisi beterepa fea wisitua yalepó.

15

Farisi whirape atimané mara mole ala dorapóló yale fo
(Mak 7:1-13)

¹⁻² Téró, kale mepaae Farisi whiraperó Moses-né yóló muló betere fo yó matere whirapetamo, Jerusalem be huluamó bitu wóló, Yesu beterepaae fóló woseturaalu, “Naao yó matere whirapené dané ayarapené mara mole ala noatepa tikitua bitu de?

Atimané ɔla naairaalu, folosóro naase fukunipatei ɔla nuku betere-a, noatepa de?” yalepó.

³ Ti fo depa, Yesuné atimapaee tokó mótu duraalu, “Mo diaaqtóro diáne ayarapené mara mole ala sya fu bituraalu, Kótóné yae yóló muló betere fo noatepa tikitua betere?”

⁴ Ti noatepaae, Kótóné duraalu, ‘Naao hae aya wisi doi muópóló hale sóró horótu betae,’ fo erapó.

‘Mepaae whinétamo ama hama alimané doi doróló, dowi tekani fo depata, ti sinópóló,’ mo ti daae erapó,” yalepó.

⁵ “Ai fo aseýóló mupatei, diaaɔ etei fo dua dapó. Whi betané ama mole ɔla ó monikó alimaró hamatamo tao sóro melóluaŋatei, ita Kótópaae melaaiɔpó yaleteiné, diaamo melanénipó dua dapó.

⁶ Atéturaalu, hamaró alimatamo aomó bitu, atimaamoné doi hale sóro horaterere ala iniyóló alurótu beterepó. Diaaɔ ayarapené mara mole ala sya fóló du betereiteiné, Kótóné fo hale ɔla kaae aɔróló alurótu beterepó.

⁷ Diá tiki tuapaae dorutei, hale sikili du betere whirape-ó, diaaɔ ai du betere alamó Kótóné ama koló whi Aisiaiané asere fota, ti mo diappaetóro erapó.

⁸ Ai asere fo i ape.

‘I so whiné hale kolónemaaté yaalo doi hale sóro horótu bitu, atimané e hosaa tuamó muló bitini, kisipa keteróló mo sisópaae eró beterepó.

⁹ Atimané eppaae, “Aya Tale doa whi-ó,” du betereitei ti mo hale du beterepó. Atéro yó mótu betere fota, ti mo whiné tuéné kekeme nólo i ala yae yóló, yó matere fotei yó mótu beterepó,” erapó,” yalepó.

¹⁰ Yesuné aimó daae mole so whi feapaae ape yóló duraalu, “I dere fo bete diáne wisiyóló wosóló kisipa muae.

¹¹ Whi betere bete doratereteita, mo nokole ɔlané dorótimatei, whiné tiki tuamó kaayóló kolómó sókó wale foné betá Kótóné keletómó ai whiné betere bete mo dorótua dapó,” yalepó.

¹² Tétepa, ama yó matere whirape a beterepaae wóló duraalu, “Ai Farisi whirapené naao ai du betere fo woseturaalu, atima dei kisipa mutu betereitei naao kelere?” yalepó.

¹³ Ti fo depa ama duraalu, “Ó hepen bemó betere yaalo Ayané ama biliniyale ɔlarapeta, ti ama feleketamo turó tokó saalo ai ape.

¹⁴ Ti ai whirape atimata, kele dilikirutei mepaae whirape ai alisóro fu beterepa, atima atétóro du beterepóló taalae. Me kele dilikire whiné me kele dilikire whipaae

tụ i mole ape yóló ǎlísoró fupa, ti atimaamo wusurótóró dée nóló, kulu dolopaae derepaalo ai ape,” yalepó.

¹⁵ Ai fo depa Pitané duraalu, “Tale-ó, naao nokole ǎlané whị dorótumipó, yale fo salené bete dapaape haķearóló yó ǎlae,” yalepó.

¹⁶ Ti fo depa, Yesuné atimapaape duraalu, “Diǎkélé ǎlọ ai yale fo bete wisiyóló kisipa muni, diaaǎ kutirikélé hapólu ai ere ape.

¹⁷ Whịné ǎlólómó nóló, depapaae bitị doropole ǎlané whịné tiki dorótumipó. Ai ǎlata, depapaae bitị doropóló nalo, di alée fua deretei diaaǎ kisipanié?

¹⁸ Téretei hosaa tuámó kaayóló, whịné ǎlólómó sókó wale foné betạ ti whị dorótua dapó,” yalepó.

¹⁹ “Whịné hosaa tuámó kaayóló wouraaalu, whị doratere alarape ti i ape. Doi ala yaai mutere dei tuǎkélé, whị dele alakélé, whịné dokore so ó so dokore whítamo nópu nokole alakélé, kokopei ó seimalené kae kae nópu nokole alakélé, kikitị ǎla ǎlẹmi sere alakélé, whị me dilikóló ama ǎla ǎla sere alakélé, fo tokóló taleturaalu kapala fo dere alakélé, me whị eratere alakélé, ai alarape feané so whị dorótua dapó.

²⁰ Whị doratereteita, naase fukuni bólutamo ǎla nokole alané dorótumipó,” yalepó.

Kenan soné Talepaae tué tiki tirale fo (Mak 7:24-30)

²¹ Atéró Yesu ǎ ai kale Juda so whịné hae tiki taaróló, Tair-ró Saidon be huluatamo felekemó mole hae kwiapaae felepó.

²² Téyalemó, ai Juda meire be huluumó betere Kenan fake so betạ Yesu beterepaae wóló, fo fakeyóló duraalu, “Depit-né deté yale whịné Naalema Tale-ó, yálo senaale dowi kepe tepeyóló bitu, mo sanaané dowi ala eróló, ama tiki doasi susupu su beterapa, naao ẹ ǎletu tao sae,” yalepó.

²³ Ai fo deté wou betepatei, Yesuné kale sopaae me fo tokó menitepa, ama yó matere whịrapené ǎpaae duraalu, “Ai soné dạ sya wouraaalu dotopoi fo deté wou beterapa, fópóló hǎkó falótumié?” yóló seyalapó.

²⁴ Ai fo depa ama kale sopaae tokó mótu duraalu, “Eta, Israel fake so whị tuámó fokó fóló betó mole hupurape tao sópóló, dotonatepa wóló i betere ape,” yalepó.

²⁵ Tétepa, kale so Yesu daalemó bukutiri teǎró bitu duraalu, “Tale-ó, ẹ naao tao sae,” yalepó.

²⁶ Ti fo depa ama kale sopaae duraalu, “Kale naale senaalené nokole ǎlatei yuwirape nópóló melatere-ǎ wisire?” yalepó.

²⁷ Ai fo depa kale sókó duraalu, “Tale-ó, naao dere fota mo deretei, haǎrapenékélé ǎ whaatere whịné bemó, ǎla nokole ni

fake tómó beleróló nokole ǎla folope aǎmó sorokóta deretei nukua dapó,” yalepó.

²⁸ Tétepa, Yesuné kale sopaae tokó mótu duraalu, “Ti so-ó, ǎ betạ mo doasi kisipa tiki tiróló beterapa, naao ẹpaae erasepé dere ala mió i eratere ape,” yalepó. Ai fo deretamotóróti kale soné senaalemané kisi bete mo ti wisi ipakalepó.

Yesuné 4000 whirape ǎla melale fo

²⁹ Atéró Yesu ai hae kwia taaróló, Kaleli weị ǎla fókú seseķe fu beteró, du sorokó mole ǎpaae holóló beterepó.

³⁰ Atéró beterepó, hǎleke momaare so whịkélé, kele dilikire so whịkélé, tiki dore so whịkélé, ǎlóló nomone so whịkélé, mo hǎle ǎla kaae mepaae so whịné beleóló ǎ daalemó mulaleta depa, atimané kisi betereape ama wisirótua yalepó.

³¹ Kale ǎlóló nomóló betale so whịrapetei fo yóo, hǎleke momaayóló betale whịrapekélé wisi yóo, bukutiri doyóló betale whịrapekélé mo wisi yóo, kele dilikiyóló betale whịrapekélé kele wisiyóló kolóo, depa so whị feané sirayóló Israel so whịné Kótóné doi hale sóró horótu betalepó.

³² Atéró, Yesuné ama yó matere whịrape ǎ beterepaae ape yóló duraalu, “I so whị mo doa ǎlené sinitapó. Ti noatepae, atima ǎlakélé néni wote siri betepa be dẹ sore kemeyaleteiné atima tụ tuámó wotené sisirapae faǎsóró, dotonaalo meipó,” yalepó.

³³ Ti fo depa, ama yó matere whịrapené duraalu, “So whịkélé bitini, hǎle tuǎ tikimó beterapa, doai betó mole so whịné naaire ǎla momó mupa melaaloé?” yalepó.

³⁴ Ai fo depa Yesuné atimapaape woseturaalu, “Diané meteró bred o bularape tare?” depa atimané ǎpaae duraalu, “Weķero o bularape yóo, ǎ beleķaatiki sawa tẹti yóo yóló betạ i tare ape,” yalepó.

³⁵ Ti fo depa, ai betó mole so whị feapaae duraalu, “Ai hae tikimó betó muae,” yalepó.

³⁶ Téró, ama kale weķeró o bularaperó yarapetamo taruraalu, Tale Kótópaae mo kée yóló, terekée daalu yóló ama yó matere whịrapepaae melateta, atimanémo so whịmó ǎliralapó.

³⁷ Atéró, atima mo fea nóló sụtepa, buki muni feletei ama yó matere whịrapené betapaae daseté kweyóló 7 yorape deóló fǎanóló mulalepó.

³⁸ Ai kale ǎla nale so whịta, soraperó naale senaaleetamo dosǎni, whịrape maaté dosǎyóló touróturaalu, 4000 whịrapepó.

³⁹ Atéró, Yesuné so whị fea dotonóló nalo ǎ weị nukupaae bitị holóló, Makatan be hulua felekemó ere hae kwiapaae bitị felepó.

16

Yesupaae kelemei alakó kelaalopa erae yalefo

(Mak 8:11-13, Luk 12:54-56)

¹ Téro, kale Farisi wh̄iraperó Sadyusi wh̄irapetamo Yesu beterepaae wóló, a k̄aae kolóló s̄u saairaaalu i fo yalepó. “Kótóné ó hepen bemó mole ala kolóló, ita Tal-enétei eratapóló sira yaai dere kelemei alakó ðamaletamo kelaaitapa, erótumié?” yalepó.

² Ai fo depa ama atimapaee duraalu, “Be kuluka s̄ako sonaa dere ala kolóló, dóta suka wisi yaalo ai ape dua dapó.

³ H̄jka be suka sokoteretamokélé s̄ako dilikeyóló sonaatapa, diaaḡ i fo dua dapó. Mió doasi hali waai dapó, dua dapó. S̄ané dere ala bete diaaḡ wisiyóló kolóló kisipa irutei, mió i alimó me ala yaairemó dere alarape ðiané kolóló kisipa enénipó.

⁴ Diḡ mió i alimó, dowi ala du betere so wh̄iró n̄opu nuku betere so wh̄itamónétei Kótó mo beterapóló kisipa muópóló, mo doa yaai dere kelemei alakó eratepa, kelenée yóló ketekeḡ butu beteretei, kelemei ala me kae eraalomeipó. Jonapaae erale ala k̄aae bet̄a eratepa, diaaḡ kelaalo ai ape,” yalepó. Atéro, ai wh̄irape atima betó mupatei Yesu a felepó.

Farisi wh̄iraperó Sadyusi wh̄irapetamoné yó mótu betere ala

(Mak 8:14-21)

⁵ Atima nukutamo ai weḡi k̄ela t̄e fóló, ke-lalemó ama yó matere wh̄irapené bred o sini, keyó yóló weipakalepó.

⁶ Tétepa, Yesuné atimapaee duraalu, “Farisi wh̄iraperó Sadyusi wh̄irapetamoné bred o t̄opuratere ɔla yist-né diḡ doraḡsórópa, mo hotowayóló k̄aae tawae,” yalepó.

⁷ Yesuné ai fo depa, atimasisitei fo k̄elaaróló duraalu, “Ti ama ai dere fota, ðané bred o sóró anipa du dapó,” yalepó.

⁸ Atimasisi atéro k̄elaarótu betepa, Yesuné kisipa yóló, atimapaee duraalu, “Diḡ tó mó maaté kisipa tiró betere wh̄irape-ó, ðiḡsisitei noatepa fo k̄elaaróló, bred o sóró anipó du bitu de?”

⁹ Diaaḡ Yaḡo yale alarape kolóló, wisiyóló kisipa muni airapó. Kale 5000 wh̄irapemó aporó bred o bula terekeyóló melalet̄e-i, ðiané kisipa keteraleé? Kale buki muni fele bred o diaaḡ bet̄apaae yóló, metéró yorape f̄añanaleé?

¹⁰ Ó kale weḡikeró bred o bularape terekeyóló, 4000 wh̄irapemó melatepa, nólo buki muni feletei diaaḡ bet̄apaae yóló, meteró yorape f̄añanóló mulaleé?

¹¹ Yaḡo take yale fota, bred omó kisipa muóló iniyaletei, diaaḡ wosóló kisipa munié? Ti ai yale fota, kale Farisi

wh̄iraperó Sadyusi wh̄irapetamoné yist-né diḡ doraḡsóró, kisipa mutu yalepó.”

¹² Téro, atimané ai dere fo wosóló, ama yale fota, kale bred o t̄opuópóló bulatere ɔla yist-mó initei, Farisi wh̄iraperó Sadyusi wh̄irapetamoné yó matere foné ða atima doraḡsóró, hotowaró k̄aae tawae yóló irapóló kisipa salepó.

Pitané Yesupaae yaḡa mo Keriso ai ape yalefo

(Mak 8:27-30, Luk 9:18-21)

¹³ Atéro, Yesu Filipainé t̄eale be Sesaria Filipai doi mole hae kwiamó sókó fóló, ama yó matere wh̄irapepaae woseturaalu, “Mo so wh̄iné kale Wh̄iné Naalema-a, depó du bitu de?” yalepó.

¹⁴ Ai fo depa atimané ɔpaae duraalu, “Mepaae so wh̄inéta, ya kale weḡi t̄opuratere wh̄ikó Jon-pó du betrapó. Mepaae so wh̄inémo, ti Elaijapó du betrapó. Mepaae so wh̄inémo, Jeremaiapó du betrapó. Tétepa, mepaae so wh̄iné duraalu, Kótóné ama bet̄a k̄oló wh̄ikó duyalepó, du betrapapó,” yalepó.

¹⁵ Ti fo depa ama atimapaee woseturaalu, “Ti aita atimané mutere kisipapa, diaaḡ kisipané ɛ-a, depó du bitu de?” yalepó.

¹⁶ Ai fo depa Saimon Pitané duraalu, “Yaḡa, mo ḡale betótóró tare Kótóné Naalema so wh̄i fea t̄eteróló k̄aae tanópóló, sóró betéró betere wh̄i Keriso ai ape,” yalepó.

¹⁷ Tétepa Yesuné ɔpaae duraalu, “Jonané naalema Saimon-ó, ya bet̄a Kótóné wisiró betereteiné mo ḡainé sinitu betere wh̄i ai ape. Ti noatepae, naao ai yale fota, mo wh̄iné yaḡaae yó menitei, ó hepen bemó betere yaḡa Ayané yó matepa dapó.

¹⁸ Térapa, yaḡo yaḡaae i dere ape. Yaḡa Pitapó. I doasi kapo fake tó mó be t̄etu dere k̄aae, yaḡo so wh̄i doasi fake firaalo ai ape. Atéro t̄eyóló betepa, sukutere alané bole fotok̄oné bóe daalotei, yaḡo t̄etu betere be fisikóló mo doraalomeipó.

¹⁹ Téyaalomeitei, ó hepen bemó t̄eteróló k̄aae tare tuḡpaae faaire be t̄u tuk̄iyaaire kirape yaḡo ya melaalo ai ape. Diaaḡ i haemó dowi ala deretei dokóló mulatepa, ti Kótóné hepen bemókélé dokóló muló betrapó. I haemó diaaḡ t̄eraayóló ḡakeamó mulatepa, ti Kótóné ó hepen bemókélé, t̄eraayóló ḡakeamó muló betrapó,” yalepó.

²⁰ Téro, Yesuné ama yó matere wh̄irapepaae diri fo yóló mulótu duraalu, “Èta, Kótóné so wh̄i fea t̄eteróló k̄aae tanópóló sóró betéró betere wh̄i Kerisopó fo mepaae so wh̄ipaae momókó yaḡse,” yalepó.

Yesu Kerisoné a suk̄aalopóló yalefo
(Mak 8:31-9:1, Luk 9:22-27)

²¹ Mo ai be dẽmó kaae sóró, Yesuné ama yó matere whĩrapepaae duraalu, “E, Jerusalem be huluamó fóló betepa, kale whĩ disiraperó mo so whĩmó Talepaae momaratero topo whĩrapenékélé, Mosesné yóló muló betere fo yó matere whĩrapenékélé epaae kae kae susupui ala eróló, ẽ mo ti sukópóló daalopó. Atéro sukóló sore be dẽ kemetepa, ẽ momó kepaayóló betaalopó,” yalepó.

²² Ti fo depa, Pitané ą tu dẽpaae dapesó fóló duraalu, “Tale-ó, mené ąpaae atei kaae ala mo yaalomeipó,” yalepó.

²³ Ai fo depa Yesuné Pitapaae duraalu, “Satan-ó, ą taae fae! E faai dere tu wisi naao ai dere alané sesé dapó. Naao ai dere alata, Kótóné kisipa mole ala mei, mo whĩné kisipa mole ala ai dere ape,” yalepó.

²⁴ Téro Yesuné ama yó matere whĩrapepaae duraalu, “Whĩ me detamo ẽ sya waai kisipa mutepata, ti ama yaai kisipa mole ala taaróló, ą dóló oloraaire filipaa ni, amatei beleyóló wópóló yae.

²⁵ Ti noatepa meipó. Mepaae whĩ dené ama kisipané ą betere bete me ala ąąsórópóló, amatei hotowayóló kaae tapata, ti ai whĩné ama betere bete aluyaalo ai ape. Téyaalotei, mepaae whĩ dené ąalo erae dere ala sya fóló eróturaalu, ama betere bete me ąla meipóló ą sinitepata, ti atétere whĩné ama betere bete aluni, mo ti betó tawaalopó.

²⁶ I haemó yó mole wisi wisi ąla fea whĩ betané amatórótipóló tawóló beteralemó, ai whĩné ama betere bete alutepa, ti me noa ąlatamo dupu yóló ama betere bete momó saaló? Ama betere bete mo ti aluyaalo ai ape.

²⁷ Ti noatepae, kale Whĩné Naalema ama Alimané ere au wisinaaletamo ama *ensel-rapetamo* wouraalu, so whĩ dokó feané yale alarape sumótóróti dupu melaalopó.

²⁸ ąalo diąpaae mo i dere ape. Dią i betó mole whĩrape mepaae sukuni hałe betepatei, kale Whĩné Naalema ama teteróló kaae tare alatamo wapa, kelaalo ai ape,” yalepó.

17

*Yesuné ama tiki kae daane wale fo
(Mak 9:2-13, Luk 9:28-36)*

¹ Naase apomiró be dẽ kemetepa, Yesuné ątamo faairaalu, Pita, Jems-ró noma Jon-tamo atimanale mo doasi hasi fosópaae holalepó.

² Atéro holóló bituraalu, atimané kele tó mótei Yesuné tiki mo kae daane wóló, ama kelepaaekélé, sukané dẽ kaae yó felepó. Atéturaalu, ama deró betere kutikélé fea mo dẽ teké felepó.

³ Atima atéro daae mupa, Moses-ró Elai-jatamo sókó wóló Yesutamo fo du betepa kelalepó.

⁴ Atétu betepa, Pitané Yesupaae duraalu, “Tale-ó, dą fea imó betepa mo wisirapó. Naao kisipanétamo furu be sore epaae tẽyae depa, ti me ąa betóo, me Ilaija betóo, me Moses betóo yaairetei, ąalo tẽnaalopó,” yalepó.

⁵ Ama ai fo hałe du betepatei, mo dẽi ąakoné atima husurałe dorowóló ai ąako dolomó i fo depa atimané wosalepó. “I whĩta, ąalo mo doasi hosaa muóló yaala sókó fóló mole naalepó. Ama dere ala ąalo kilitu, ẽ mo doasi hẽkeserapó. Atẽrapa, di-aaą ama dere fotóró mo wisiyóló wosae,” yalepó.

⁶ Ama ai dere fo woseturaalu, atima mo doasi winé sinitu, haemó deraapisa fóló muó molepó.

⁷ Atẽpa, Yesu ą wóló, atima tikimó olaayóló duraalu, “Dią wiyaąse, turukó holóló betó muae,” yalepó.

⁸ Ai fo depa atimané kelalemó, whĩ me daale kilini, Yesu betą ama wotoró daapa kelalepó.

⁹ Atéro, atima hasi fosómó dorowou bitu, Yesuné kale whĩrapepaae fo mulótu duraalu, “Kale Whĩné Naalema mo ti dóló momó kepaayóló betaaire suka teópatei, i ala depa kelalepóló, mepaae so whĩpaae momókó ąąse,” yalepó.

¹⁰ Tẽtepa, ama yó matere whĩrapené ąpaae duraalu, “Ti Mosesné eré fo yó matere whĩrapené Elaijapi folosóro waalopó du betere-a, noa betené du bitu de?” yalepó.

¹¹ Ti fo depa, Yesuné atimapaee duraalu, “Ti aita mo dapó. Ilaija ą wouta, take folosóro wisiyóló mole ąla ąla fea dopa, ama momó wisiróló mulaalo ape.

¹² Ai alata mo yaalotei, ąalo diąpaae i dere ape. Elaijata, ti mo walepó. Téyaleteti, ita Elaijapóló kisipa muni, atimané ąpaae eraai kisipa mole ala fea mo erótua yalepó. Atéyale kaae, ai whĩrapené kale Whĩné Naalemapaaekélé kae kae sekęi alarape eraaló ai ape,” yalepó.

¹³ Ai fo depa, ama yó matere whĩrapené kale węi tópuratere whĩkó Jon-mó dapóló kisipa yalepó.

Yesuné dowi kepe tepeyóló betere naale wisirale fo

(Mak 9:14-29, Luk 9:37-42)

¹⁴⁻¹⁵ Atéro, atima so whĩ fea betó mole tuąpaae sókó walemó, whĩ betą Yesu daalepaae wóló, ą daalemó bukutiri teąró bitu duraalu, “Tale-ó, ąalo naale topo doturaalu, hó naase kotoką yó sóró, si dolopaae ó węi dolopaae biliary sua du

beterapa, naao kōlené sukuturaaalu tao saaloé?

¹⁶ Naao yó matere whīrape beterepaae dapesó waletēi, atimané wisiraireitei sunipó,” yalepó.

¹⁷ Ai fo depa, Yesuné tokó mótu duraalu, “Diā mió i alimó betó mole so whīta, Kótópaae kisipa tiki tiróló betaaire tū wisi mupatei, kisipa tiréni, dowāae fóló kōpaae ai fu betere ai ape. Diā tū wisipaae fōpóló kisipa mutu, ę diātamo betale sumó hōné sukutapa, ai naale ę beterepaae dapesó ape,” yalepó.

¹⁸ Atéró, kale naale Yesu beterepaae dapesó wapa, Yesuné foné seremó, dowi kepe sókó felepó. Mo ai be dēmótóróti kale naale topo doretei, mo ti wisiyalepó.

¹⁹ Téró, ama yó matere whīrape Yesu beterepaae wóló, atimasisi bitu ąpaae woseturaalu, “Dāné ai kale dowi kepe dóló hōkonalemó, sókó feniyaletēi, noa betené yalerópó,” yalepó.

²⁰ Ti fo depa, ama atimapaee duraalu, “Diaaą kisipa tiki tiró betere ala tómó ereteiné ai yale ape. Yālo diāpaae mo i dere ape. Diaaą kisipa tiki tiró betere alata, sawatamo *mastard* ni ke kaae bulu, diaaą i ulupaae duraalu, ‘Hiljki fóló tumó daayae,’ depa ai ulu mo hiljki fóló daane faalo ai ape. Diaaą kisipa tikitamo mo ti tiró betepa, ti fea ala fea sumó enérápó,” yalepó.

²² Téró, ama yó matere whīrape atima Kaleli haemó tourāle wóló bitu, ama atimapaee duraalu, “Kale Whīné Naalema dōpóló mené eleké deyóló, mepaae whīrapenē naase tuāpaae mulaalo ai ape.

²³ Atéró atimané ą mo ti doló sukunaalotei, tamo be dēmó maaté doumó muóló, sore be dené ti ą momó kepaayaalo ai ape,” depa, ama yó matere whīrape atima dekené sukutu betalepó.

Momatere be kaae tawaaire moni derale fo

²⁴ Atéró, naalo Yesuné ama yó matere whīrapetamo Kapeneam bemó sókó felemó, kale momatere bemó *takis moni* siré kotere whīrape Pita beterepaae wóló woseturaalu, “Diā yó matere whīné momatere bemó *takis moni* mótua dépé meié?” yalepó.

²⁵ Ai fo depa, ama tokó mótu duraalu, “Ēpó. Mótua dapó,” yalepó. Atéró, Pita ą be tuāpaae sókó holalemó, folosóro Yesunépi Pitapaae woseturaalu, “Saimon-ó, naao noa kisipa mute? Naao kisipané i haemó betó mole doasi topo whīrapenē kae kae ąla ąlamó *moni* suatere alaró *takis moni* siré kotere alatamo, mo atimané naalerapaaekélé ąlae dua dépé, mo whīrapepaae maaté ąlae yóló, sua de?” yalepó.

²⁶ Ti fo depa, Pitane ąpaae tokó móturaalu, “Mepaae mo whīrapepaae maaté ąlae yóló sua dapó,” depa, Yesuné duraalu, “Atétepa, ti doasi whīrapenē naalerapepaae ąlae yóló sinitu dapó.

²⁷ Tépatēi, dāmotamo atima dei tué muaąsórópa, yā naao kemei sóro weipaae derane fae. Atéró derālemó ya supa, ti ai folosóro sere yané kōló dāyóló kelenaalemótamo, 4 *drakima moni* ke bupa kelaalo ai ape. Ai *moni* sóro fóló, dāmo wusuróné *takis* mulae,” yalepó.

18

Kótóné tēteróló kaae tare hepen be tuąmó doasi doi mole whī dée yale fo
(Mak 9:33-37, Luk 9:46-48)

¹ Atéyale sukamó, Yesuné ama yó matere whīrape ą beterepaae wóló woseturaalu, “Hepen bemó Kótóné tēteróló kaae tare aąmó whī fea betó moletei, mo doasi topo betere whī-a, de?” yalepó.

²⁻³ Ai fo depa, ama betā naale belekāmale dape sóro atima betó mole tuąmó daaló bitu duraalu, “Yālo diāpaae mo i dere ape. Diā kisipa tiki feteyóló, etei naale ketei kaae bitinitepa, ti Kótóné tēteróló kaae tare ąpaae mo sókó faalomeipó.

⁴ Térapa, mepaae so whī detamo amatei deróló i naale male kaae mo dua betepa, ti ó hepen bemó betere Kótóné tēteróló kaae tare aąmó topo whī ai betere ape.

⁵ Mepaae whī dené etei kaae naale male yālo doimó, mo wisiyóló dape supa, ti ętei wisiyóló dape sirapó.

⁶ Téretei, mepaae whī denétamo mepaae doi muni, ępaae kisipa tiki tiróló betere belei sókó dei so whī dowi ala yópóló me ala eratepa, ti atétere whīné depamó mo doakale kane fake duwóló wej keła tuāpaae taae faluąsóró mo wisi wuąpó.

⁷ Mepaae i haemó betó mole so whīné mepaae so whī dowi ala yóló dée nōpóló, mepaae alarape mo eraalo ai ape. Atétere whī ątei mo dowi kwia saaireteimó, doasi wiyópóló yae! Ai alarape mo yaalotei, u kale whī dowi ala yóló, dée naaitere tū muaąsóró yae. Me whī atéró dowi ala yópóló, tē mulatere whī ti doakale dowi kwia saaireteimó wió yae!

⁸ Naao naase ó hōné yā dowi ala yópóló dée nalatēpa, ti atétere naase ó hó tukóló taae falae. Ti noatēpa, naao naase ó hó betā daayóló, mo ti betó tawaaire be tuāpaae sókó fupa wisirapó. Naao hó ó naase tamo daayóló betērale tikimó, Talené mo ti dó tare si dolopaae taae deratepa mo dorapó.

⁹ Naao kelenétamo yā dowi ala yópóló dée nalatēpa, ti atétere kele sokóló taae falae. Ti noatēpa, betā keletamó bitu, mo ti betere

be tuāpaae sókó fupa wisirapó. Naaó kele tamo daayóló betepa, mo ti dó tare dowi sipaae Talené yā taae deraqsóró dapó.”

Fokó fole sipsip hupupaae dó faróló yale fo

¹⁰ “Yālo diāpaae mo i dere ape. I betó mole naale momale mo doi muni belei sokótei betepa, diā teteirapépóló tēteraqse. Ti noatēpae, atima kaae tare *ensel*-rape ó hepen bemó betere yālo Aya Kótóné kelepaá koló tarapó.

¹² I dere fo wosóló, diaaq noa kisipa mute? Whī betané ama 100 *sipsip* hupurape whaanalemó, betā hupu alutepa, ama neté yaaloé? Kale 99 hupurape du sokoremó betó mupatei taaróló, kale betā aluyale hupu kekene faalo ai ape.

¹³ Yālo diāpaae mo i dere ape. Kale whīné ai aluyale hupu keletēpa, ti ā mo hāiné sinóló betaalo ai ape. Ti noatēpae, betó mole 99 *sipsip* hupurape kilitu hāitu betepatei, kale aluyale *sipsip* hupu keletēpa, dere hāiné mo teraae falapó.

¹⁴ Atére kaae, i kale doi muni belei sokótei so whī betakélé aluyaqsóró, ó hepen bemó betere diaaq Ayané doasi kisipa mutu betērapó,” yalepó.

Yāpaae eratere dowi ala donoraē yóló dere fo

¹⁵ “Naaó noné yāpaae me dowi ala eratepa, ti yā ā beterepaae fóló, diaamosisi betāmó bitu no-ó, naao ēpaae etei kaae dowi ala eralepóló yó melae. Ama naao dere fotamo wosóló, hapale donoratepa, ti diaamo tuāmó muale seké kemeyóló, betāmó wisiyóló ai betere ape.

¹⁶ Aténi, naao dere fotamo woseni hōróló dowāae fupa, ti kale ašemó yóló muló betere fo sya furaalu, fea ala fea mo yalepóló, kelale whī tamo ó sore dapesó fóló, diā fea bituraalu, teraayóló ai seké wisirae.

¹⁷ Amatamo diāné dere fokélé wosē-itepa, ti touró betere Keriso fake so whīné keletómó hākeamó yó melópóló yae. Atérālemókélé, Keriso so whīné dere ma fo woseni hōratepa, ti ā Keriso doi muni, hāle mo whī kaae ó *takis moni* sere whī kaae betērópóló yae.

¹⁸ Yālo diāpaae mo i dere ape. Naaó me whī hamopaae erale dowi ala, mo yalepóló teraayóló kemeréni hāle muó tapa, ti Kótóné ó hepen bemókélé dokóló ai muló betere ai ape. Naaotamo me whī hamomapaae erale dowi ala mo yalepóló teraatepa, ti Tale Kótóné ó hepen bemókélé, teraayóló muló betērapó.

¹⁹ Yālo diāpaae i dere ape. Atétere kaae, diākó whī tamo mo betā kisipa muóló ó hepen bemó betere yālo Aya Talepaae

momaturaalu, me qlakó wosetepa, ti ai wosetere qla ama mo melaalo ai ape.

²⁰ Ti noatēpae, yālo doi hale sóró hōraairaalu, whī tamo ó sorekélé touróló betepa, ti atima tuāmó ēkélé betērapó,” yalepó.

Mené erale dowi kwia hāle kemeratere fo sale fo

²¹ Tētepa, Pita Yesu beterepaae wóló āpaae woseturaalu, “Tale-ó, yālo noné ēpaae erale dowi ala hāle kemeraalópóló meteró fapo enére? Whī keró fapomó maaté yóló supóló taaranére?” yalepó.

²² Ai fo depa, Yesuné āpaae tokó mótu duraalu, “Yālo yāpaae mo i dere ape. Whīkeró félimó maaté deretei sūnīpa, deté fu betēró 77 félimó, ama dowi ala kemerāle wópóló yae.

²³ Atéró kale ó hepen bemó betere Talené tēteróló kaae tare aqmó mole alata, etei ala dere kaaepó. Betā doasi topo whīné ama *moni* kwia mulóló saletei, ama kutó diratere whīrapené meteró saleró taleyaai ā beterepaae ape yalepó.

²⁴ Atéró, kaae sóró taletu betaalemó, betā 10,000 *kold kapa* seké dāle sóró, kwia mulóló sale whī kale doasi topo whī beterepaae dapesó walepó.

²⁵ Ai whīné ama kwia mulóló sale *moni* tokó melaairetei sūmó tanīpa, ama doasiné mēpaae kutó diratere whīpaae duraalu, ai whīkélé, ama somakélé, naale senaalekélé, mené wae sóró dupu yópóló dotonóo, ama qla qlakélé mo fea me whīné dupu yópóló dotonóo, yae. Téró, ai *moniné* ti ama mole kwia kemeraairaalu, sóró ape yóló mulalepó.

²⁶ Ai ala yaaitēpa, kale whī ā ama doasi daale felekemó bukutiri tearó bitu dua naamei fo yóló duraalu, ‘Yālo yā betemó kwia mulóló sale qla qla fea tokó melaalopa, sawa kaae tawae,’ du betalepó.

²⁷ Kale kutó diratere whīné fo depa, ama doasiné ā kelalemó, ā koléné sukuturaalu, kwia mole *moni* me qla meipóló, kale whī ā hāle fópóló dotonalepó.

²⁸ Téyaletēi, ai kale whī āmo furaalu, ama 100 *denarias moni* kwia mulóló sale whī kēle felepó. Ti ai whīta, atimaamo betā kutó dītere whīpóló kisipa muni, ama depamó botokó sóró taru, mo dēteraayóló duraalu, ‘Yālo 100 *denarias moni* yāpaae kwia mulapa, mo miótīte, hapale tokó ālae’ yalepó.

²⁹ Ai fo depa, kale whī ā bukutiri teāne doropóló, mo dua naameiné āpaae duraalu, ‘Yālo tokó melaalopa, sawa kaae tawae,’ yalepó.

³⁰ Téyaletēi, kale whīné kaae tawaalomeipóló, *dipula* be kaae tare whīpaae duraalu, ‘Ama kale kwia sale *moni* tokó melatere sukamó

ti a sóko daalaasepólópa, hãle beterópóló yae,' depa, kale whi *dipula* beteralepó.

³¹ Atétepa, mepaae atima betã kutó ditere whirapené ai ala kolóló, atimakélé dei tué muóló sekétepa, atimané doasi topo whiãpaae i ala yalepóló ãpaae yalepó.

³² Atéro ene wale fo wosóló, kale doasiné ai ala yale whiãpaae ape yóló, ãpaae duraalu, 'Yãta mo dowi ala yó tare kutó diratere whi ai ape. Naaõ ãpaae mo dua naamei fo depa, yãlo yãpaae doasi kwia moletei, me ãla meipóló taaralepó.

³³ Térapa, yãlo yã kolené sukóló taalótu yale kaae, naakélé diaamo betã kutó ditere no hamoma kòleturaalu, ai ala iniyólóópó,' yalepó.

³⁴ Atéro, kale doasi topo whi a fopaae buólo, u kale *dipula* be kaae tare whiãpaae duraalu, 'Ama kwia mole *moni* momó tokó melópólópa, a *dipula* beteróló, susupuróló fokosói ala deté fu betae,' yalepó.

³⁵ Ai fo deté fóló kemetepa, Yesuné ama yó matere whirapepaae duraalu, 'Naaõ no hamomané yãpaae erale dowi ala me ãlameipóló, mo hosaa turóné kemerénitepa, ti ó hepen bemó betere yãlo Ayané diã dokó feapaaekélé ai kaae alatóro eraalo ai ape,' yalepó.

19

Soró whitamó dokoretei teketeremó yale fo

¹ Atéro, Yesuné ai forape yóló kemetepa, ai Kaleli hae taaróló Judia hae kwiamó fole Jordan wei teyóló uté fakeró felepó.

² Atéro fóló beteremó, so whi feané a sya wou betepa, atimané kisi beterape wisirótua yalepó.

³ Atéro, mepaae Farisi whirape Yesu beterepaae wóló a hãsóko fuléro kãae kelaai woseturaalu, 'Kale yóló muló betere foné betã whiné ama so sawa hãsóko fole ala, ó mepaae kae kae doasi dowi ala depakélé tokó falatepa Kótóné fo mulepé munié?' yalepó.

⁴ Ti fo depa, Yesuné ama tokó mótu duraalu, 'Asemó yóló muló betere fo dosãyóló diaaõ kisipa munié? Take keké nale alimó so whi aleturaalu, whi kae aleyóo, so kae aleyóo erapó.

⁵ Atére betené betã whi a so dokoturaalu, ama alimaró hamatamo taaróló, ama somatamo mo betã tikitóro daayóló betaalo ai ape,' yalepó.

⁶ 'Atimaamo tamotei, Kótóné dekaa-poróló mo betã tikitóro alée faló betereitei, mo whiné tekeyaqsóro yae,' yalepó.

⁷ Ai fo depa, kale Farisi whirapené ãpaae duraalu, 'Ti ai fo epateimo, Moses-né yóló muló betere foné duraalu, whi betãné ama soma tokó falaai depata, ti so tokó falatere

asẽ ai soné sóro fópóló, melae ere fomo, hãle noatepa yaleé?' yalepó.

⁸ Ai fo depa, Yesuné atimapaee tokó mótu duraalu, 'Moses-né ai ere fota, diaaõ dowãe fóló du betere alamó, so tokó falaai depa, hãle hõko tokó feni, asẽ sóro fópóló melae yóló ai ere ape. Ti atéro so tokó fatu betere alata, take keké nale alimó, Talené atei ala yae yóló inipó.

⁹ Yãlo diãpaae mo i dere ape. Mepaae whiné ama soma me nópu nénipatei, hãle tokó faróló, ai whi a me kae sotamo dokotepa, ti atétere whi a dowi ala yóló mo ti folokoleratapó,' yalepó.

¹⁰ Ti fo depa, ama yó matere whirapené ãpaae duraalu, 'So dokóló betere ala doasi hapólu ereteiné ãã so dokoni hãle betepakélé, mo wisirapóló kisipa mutapó,' yalepó.

¹¹ Tétepa, Yesuné atimapaee duraalu, 'Whi fea so dokoni, hãle betenénitei, atei ala yópóló Talené ama tukóló muló betere whiné betã mo sumó enérápó.

¹² Ti noatepaae, take mepaae whirape hamané deyale sukamótei, nóluke fopei deyóo, mepaae whirape ti mo whinéitei nóluke sokóo, mepaae whirape ti Kótóné ó hepen be tuãmó teteteróló kaae tare aqmó mole ala eraairaalu, so dokotere ala taaróló, Talené kutó betã diróo dua dapó. Mepaae whirapené i dere fo sya fóló, yã naaõ wotoró bitu Talené ala mo sumó eranérápóló kisipa mutepata, ti teyópóló yae,' yalepó.

Yesuró belekãtiki naale senaaletamó (Mak 10:13-16, Luk 18:15-17)

¹³ Téro, so whi atimané naale senaale Yesuné naase mulóló momarópóló dapesó walepó. Téyaleitei, ama yó matere whirapené ai kale naale senaale dapesó wale so whi foné sóro seséyalepó.

¹⁴ Atétepa, Yesuné duraalu, 'Mepaae so whitamó i naale senaale kaae betepa, ti Kótóné teteteróló kaae tare hepen bemó mole alarape saalo ai ape. Térapa, ai naale senaale atima e beterepaae wópólópa, sesé yaqse,' yalepó.

¹⁵ Atéro, ama atimané tikimó naase mulóló momayóló kemetepa, atima ai betere tiki taaróló felepó.

Yesuró betã kokopei néli whitamó (Mak 10:17-31, Luk 18:18-30)

¹⁶ Téro, whi betã Yesu beterepaae wóló woseturaalu, 'Yó matere whi-ó, mo ti betó tare bete saairaalu, noa wisi alakó yaaloé?' yalepó.

¹⁷ Ti fo depa, Yesuné ãpaae duraalu, 'Noa wisi alakó yaaloé? yóló, ãpaae wosetere-a, noatepa de? Ti wisi ala erótu betere Tale betã betera, ai ti betere bete saaitepa, ti ama yae yóló muló betere fo betã wisiyóló sya fóló eró tawae,' yalepó.

¹⁸ Ai fo depa, kale whjiné duraalu, “Noa ala maaté?” depa, Yesuné aḡaae tokó móturaalu, “Whj me ti dóló sukunaḡse, so nópu naḡse, ɔla ɔlémi saḡse, me whj dilikóló só deraairaalu, kapala fo yaḡse erapó.

¹⁹ Naao dere alaró dere fotamóné naao hae aya wisi doi muḡpóló hae aya aḡmó naameyóló mo dua betae. Téturaalu, naaotei ya yaala sókó fu dere kaae, naao be whj so whjpaekélé, atéro yaala sókó fu betae,” yalepó.

²⁰ Tétepa, kale kokopei whjiné duraalu, “Ai yae yóló muló betere alarape betákokélé yało tikini, betere dokó fea yało sya fóló eró tarapa, me noa alakómo ḡsókó fóló yało inire?” yalepó.

²¹ Ti fo depa, Yesuné aḡaae duraalu, “Naao kisipanétamo mo betá alakókélé ḡsókó feni, mo turó sya fóló eratere whj betaai kisipa mutepa, ti ya fóló, naao tare ɔla ɔlarape fea dotonóló *moni* sóró yoleale yóló betere whjrapemó ḡle melae. Atétepa, ti naao saaire ɔla ɔla ó hepen bemó mo doasi horóló mupa, saalo ai ape. Atéro melólóta, ya ɛ sya ape,” yalepó.

²² Téro, kale kokopei whjiné ai dere fo wosóló furaalu, a ɔla ɔla fea tare néli whj betereteiné, a fomoné sinité felepó.

²³ Téro, Yesuné ama yó matere whjrapepaae duraalu, “Yało diappaee mo i dere ape. Fea ɔla ɔla mole néli whj Kótóné teteróló kaae tare hepen be tuappaee sókó faairetei mo dirirapó.

²⁴ Yało diappaee momó i dapa wosae. *Kamel* hupuné ketéli dolomó sókó fenéretei, ɔla ɔla fea tare néli whj Kótóné teteróló kaae tare hepen be tuappaee sókó faairetei mo doasi dirirapó,” yalepó.

²⁵ Tétepa, ama yó matere whjrapené ai dere fo wosóló atima fomo depa, aḡaae woseturaalu, “Noa kaae whjmo aluyaḡsóró, tao saaloé?” yalepó.

²⁶ Ai fo depa, Yesu atima beterepaae fetée fóló duraalu, “Atai ala fea mo whjiné enénitei, Kótóné ama betá fea ala fea mo sumó enérápó,” yalepó.

²⁷ Ti fo depa, Pitané aḡaae duraalu, “Tale-ó, mióta dané tare ɔla ɔla fea taaróló, ya sya walapa, naao dappaee noa ɔlakó melaaloé?” yalepó.

²⁸ Ai fo depa, Yesuné atimappaee duraalu, “Yało diappaee mo i dere ape. Take i haeró sḡtamo ó ɔla ɔla fea momó kae kisi aleyóló mulatere sukamóta, kale Whjiné Naalema teteróló kaae tare doasi betere tikimó ama mo kae ere au wisinaale yóló betepa, ke-laalopó. Téro, diḡ ɛ sya wale whjrapekélé ai kale 12 doasi topo whj betere tikimó bituraalu, 12 Israel fakerape taleyaalo ai ape.

²⁹ Mepaae whj dené ama be ó noma ó noma ó hama alima ó ama naale senaale ó ama kutó ó hae tikikélé fea taaróló, yało ala

eraairaalu fupa, ti ai taaróló wale ɔla ɔlamó Talené beleróló, 100 félimó melaalo ai ape. Téturaalu, ai tómó mo ti betó tare betekélé matepa saalo ai ape.

³⁰ Téyaalotei, mepaae mió mo doasi doi mole so whjrape take nalo atima doi munire whj kaae betaalopó. Mió mepaae doasi doi muni, ḡle ḡko sókó deyóló betere so whj, ti take nalo mo doasi doi mole topo whj kaae betaalo ai ape,” yalepó.

20

Kutó diróló dupu serepaae dó faróló yale fo

¹ “Ó hepen bemó Kótóné teteróló kaae tare alata, etei ala kaaepó. Betá hae tale mo ḡkati ama *wain* kutó dirópóló, whjrape sóró beteraai dapóló felepó.

² Atéro, kale kutó talené mepaae whjrape sóró atimappaee duraalu, ‘Betá be demó ditere kutómó *denarias moni* betá melaalopa, yało *wain* kutó dirane faaloé?’ yóló wosalemó, téyaalopó depa, dini fópóló dotonalepó.

³ Atéro, ḡka 9 kilok sukakelemó, kale kutó tale a momó fóló kelalemó, mepaae whjrape so whj fea touratere tikimó ḡle daae mupa kelalepó.

⁴⁻⁵ Atépa, ama atimappaee duraalu, ‘Diaḡ ditere kutó sḡtóróti diakélé yało dupu yaalopa, yało *wain* kutó dirane fae,’ depa, atima felepó. Atéro, 12 kilok sukakelemókélé, mepaae whjrape ḡle daae mupa kale dere fo kaae yóló dotonóo, kuluka 3 *kilok*-mókélé, atéro dotonóo yalepó.

⁶ Mo kuluka 5 *kilok*-mó a momó fóló kelalemó, kale dere kaae mepaae whjrape ḡle daae mupa kolóló, duraalu, ‘Diḡ imó ḡle noatepa daae mulu de?’ yalepó.

⁷ Ai fo depa, atimané duraalu, ‘Me whjiné dḡ ama kutó dirópóló sinitepa ḡle i daae mole ape,’ depa, kale whjiné duraalu, ‘Diakélé, yało kutó dirane fae,’ yalepó.

⁸ Atéro, be diki deretamo kale kutó talené ama kutó diratere whjrape kaae tare whjpaee duraalu, ‘Ai kutó diratere whjrapepaae ape yóló, atimané dupu mótu, nalo ki dini wale whjrapemó kaae sóró melaté fóló, folosóró wale whjrapepaae kemerḡle fae,’ yalepó.

⁹ Téro, kuluka 5 *kilok*-mó kaae sóró kutó diyale whjrapekélé fea *denarias moni* betḡtóró matepa sua yalepó.

¹⁰ Atérótóró maté fóló kemetepa, kale folosóró ḡkati kutó dini fele whjrape atimané *moni* horóló melaalo nisi yalemó, kale nalo wale whj melale *denarias monitóró* atima fea betá betá yóló matepa, sua yalepó.

¹¹ Atéro *moni* sóró kemetepa, kale kutó taletamo dei tué muturaalu, *monimó* dokó dere ala kaae sóró du betalepó.

¹² Atima mo hĵkati kaae sóró kutó di-rاله whĵrapené kale kutó talepaae duraalu, 'Dāta, doasi suka sputamokélé, mo depe tukó wei kutó ditu betalepó. Téyaletei, kuluka mo betā sukakelemó kutó dirane wale whĵrapekélé, dā melale sūtóróti ai melale ape,' yóló, kale kutó taletamo fo tokóqtamo du betalepó.

¹³ Tétepa, ama atimakó whĵ betāpaae duraalu, 'No-ó, yālo naao *moni* tukóló menéni, mo donotóróti i matere ape. Take hĵkati dāmo fo dokoturaalu, yāpaae *denarias* *moni* betāqtóró melaalopó fo yāpaae iníe?

¹⁴ Térapa, mió naao *moni* sóró fae. Nalo yālo kutó dirane wale whĵrapekélé, diā melale kaaetóró, atimakélé melaai kisipa mutapó.

¹⁵ Yālo *moniné* me ala enépa, ti yālo mo sumó enérápó. Yālo hamokoturaalu me whĵpaae eraterere alamó naao etamo noatepa dei kisipa mutu de? yalepó.

¹⁶ Ai ala du dere kaae, nalo wale whĵ folosóró fōo, folosóró fele whĵ ti nalo wóo yaalo ai ape," yalepó.

Yesuné ą sukqalopóló sore dakoróló momó yale fo

(Mak 10:32-34, Luk 18:31-33)

¹⁷⁻¹⁸ Téró, Yesu ą Jerusalem be hulua-paae holaairaalu, ama yó matepa wosetere 12 whĵrape atimasisi fu bitu tų depaae dapesó fóló, atimapaae duraalu, "Mióta dā Jerusalem be hulua-paae holaai i fole ape. Téteretei, kale whĵiné Naalema mepaae whĵiné eleké deyóló, so whĵimó Talepaae momaraterere whĵraperó Moses-né asere fo yó matere whĵrapetamoné naase tuamó mulale faalopó. Ai whĵrapenémó qtamo fo tokóqtamo yóló, ą só deróló, mo ti sinópóló, daairaalu fo dokaalopó.

¹⁹ Atéro, ai whĵrapenémó ti Juda mei, kaae fakené naase tuāpaae mulatepa, atimané ą faleyóló doka doka yóo, fokosóí ala yóló susupuróo, filipaa ni tómó oleróló dōo yaalo ai ape. Atéro mo ti sukqalotei, sore be demó ti Talené ą momó kepaaróló beteraalo ai ape," yalepó.

Jems-ró Jon-tamomó hamané Yesupaae woserale fo

(Mak 10:35-45)

²⁰ Téró, kale Sebediné naalema tamo hamané Yesu beterepaae dapesó walepó. Atéro, wóló kale so ą buktiri tpane doropóló bitu duraalu, "Yālo i eraasépé yóló yāpaae wosetere ala wisinaalekó naao eraaloé?" yóló wosalepó.

²¹ Tétepa, ama āpaae duraalu, "Yālo yāmó noa alakó erópóló kisipa mute?" depa, kale soné duraalu, "Naao teteróló kaae tare be

tuamó, yālo i naale tamokó me naale naao turu naase demó beteróo, me naale naao fē naase demó beteróo, yaasepóló dapó" yalepó.

²² Ai fo depa, Yesuné kale whĵ tamopaae duraalu, "Diaamoné epaae ai wosetere fo beteta, diaamo kisipa inipó. Dowi ala kwia tokóló aluraairaalu, susupu sóró sinaaire ala, diaamonékélé sumó senére?" depa, atimaamoné duraalu, "Dāmonékélé sumó senérápó," yalepó.

²³ Ai fo depa, Yesuné atimaamopaae duraalu, "Yālo naaire wutimó belere wei diaamonékélé sumó naalotei, turu naase ó fē naase demó betaaire alata, ti yālo teteróló kaae tanipó. Ai alata, yālo Ayané ama teteróló kaae taru, aimó betaaire whĵ tamokélé, ama mo taketitei tukóló beteró beteraapó," yalepó.

²⁴ Tétepa, kale mepaae yó matepa wosetere naase tamo whĵrapené ai dere fo woseturaalu, u kale whĵiró nomatamopaae fopaae yóló dei tué mualepó.

²⁵ Atétepa, Yesuné atimapaae tourale ape yóló duraalu, "Juda mei, kaae fake teteróló kaae tare topo whĵrapené mo so whĵ teteróló kaae tawóo, atimané sóró beteró betere whĵrapenékélé mo so whĵ teteróló kaae taru, i ala erae du betereitei diaaą ai kisipare ape.

²⁶ Atétere kaae, diā tuamókélé ai ala momókó yaqse. Aténi, diā tuamótamo doasi topo whĵ betaai kisipa mutepa, ti so whĵ feané kutó diraterere whĵ beterópóló yae.

²⁷ Whĵ me de doasi doi mole whĵ betaai kisipa mutepa, ti diāné wae sóró kutó diraterere whĵ kaae betae.

²⁸ Kale Whĵiné Naalema waleteita, ama kutó dirópóló mepaae whĵrape sóró beteraai wéni, mo whĵiné kutóteí ama diróo, so whĵiné betere bete aluyaqsóró, ama betere bete hāle melé, dupuróló tao sóo yaairaalu, walepó," yalepó.

Yesuné kele dowi whĵ tamo wisirale fo

(Mak 10:46-52, Luk 18:35-43)

²⁹ Atéro, Yesu ą ama yó matere whĵrapetamo ai Jeriko be hulua taaróló fu betalemó, so whĵ mo feané atima sya wu betalepó.

³⁰ Atétepa, kale kele dilikire whĵ tamo tų demó beteromó, Yesu fu beteraapó dere fo wosóló, fo fakeyóló duraalu, "Depit-né Naalema Tale doa whĵ-ó, dāmo kōlené sukuturaalu, tao sae," yalepó.

³¹ Ai fo depa, so whĵ feané kale whĵtamopaae taalae yóló foné supatei, woseni nisiyóló, mo ti fo fakeyóló duraalu, "Depit-né Naalema doa Tale-ó, dāmo kōlené sukuturaalu tao sae," yalepó.

³² Atétepa, Yesu ą aimó keĵyóló daalu, kale whĵ tamopaae ape yóló, atimaamopaae

woseturaalu, “Yało diaamopaae noa alakó erópóló de?” yalepó.

³³ Ai fo depa, atimaamoné duraalu, “Tale-ó, naao dāmoné kele wisiraasepóló dapó,” yalepó.

³⁴ Tētepa, Yesuné mo kōlené sukuturaalu, atimaamoné kelemó olaa yalepó. Atéró olaa yaletamotóró atimaamoné kele wisitepa, Yesu sya felepó.

21

Yesu doasi topo whi aqyóló Jerusalem be huluapaae sókó fele fo

(Mak 11:1-11, Luk 19:28-40, Jon 12:12-19)

¹⁻² Atéró, atima Jerusalem be huluapaae felekemó sókó faai, kale *Olip* du sorokó molemó tēne Betpas bemó sókó felepó. Aimó Yesuné ama yó matere whitamó dotonaa duraalu, “Diaamo u be huluapaae fóló kelenalemó, betā *donki* hupu ama maletamo halikané duló betaalo ai ape. Tēyaalopa, ai hupu ama maletamo wusuró ę beterepaae taayóló sóró ape.

³ Whi menétamo diaamopaae, ai hupu neyaai taayóló só fute? depa, i fo yae. ‘Talené ama kutó doasi moleite, diyóló kemete-pa, momó sóró waai, kapala asiri serāle fae yale tikimó sóró fulapó, yae,” yalepó.

⁴ Até yaletaita, take Kótóné ama kōló whiné yóló muló betere fo motóró dokonóturaalu yalepó. Ai fo i ape.

⁵ “Jerusalem be hulua so whi-ó, diaaq doasi topo whi ai walapa, kelae.

Āta fopaae buni, mo naamei whi teó utū *donki* hupuné sisó tó mó betóló ai walapa, kelere?” erapó.

⁶ Atéró, Yesuné ama yó matere whitamó fóló, atimaamopaae yae yale alatóró yalepó.

⁷ Téró, kale whi tamóné *donki* hupu ama maletamo wusuró dapesó wóló, atima feané kuti sokóló, ai hupuné sisó tó mó whamenóló, ai tó mó Yesu beteralepó.

⁸ Atéró, so whi feané kutirape sokóló tū tó mó whamenaté fōo, mepaae so whiné ti ni tetejrape tukóló whamenaté fōo du be-talepó.

⁹ Atétepa, mepaae so whi ti ātamo folosóró fōo, mepaae so whi nalo wōo du bitu, fo fakeyóló ā dukiróturaalu,

“Hosana, Depit-né Naalema doa whi-ó, dā tao sae.”

“Talené doimó wale whi wisinaale Kótóné wisirópóló yae.”

“Mo ó taoró betere Tale Kótóné doi hale sóró horae,” deté fu betalepó.

¹⁰ Atéró, Yesu ā Jerusalem be huluapaae sókó felemó, so whi feané fo tiki whaatamo ā busuró wou betepa, ai be huluamó betó mole so whiné woseturaalu, “Ai wale whi-a de yaleé?” yalepó.

¹¹ Ti fo depa, ā busuró wale so whi feané atimapaee duraalu, “Āta, Kaleli haemó tēne Nasaret be hulua whikó Kótóné fo eratere kōló whi Yesupó,” yalepó.

Yesuné momatere be dolomó hōkó farale fo

¹² Atéró, Yesu ā momatere be dolopaae sókó holalemó, ai be dolomó whjrape ęla ęla dotonóló duputamó yóló su betepa, atima hōkóló taae faralepó. Téró, kae kae be hulua whi atimané kae kae *moni* duputamó du betere whjrape bitua dere ni faker-apekélé, kale ba hōkósere dotonóló dupu du betere whjrape bitua dere fōloi ni faker-apekélé fea fesekeyó mepaae whjrape dóló hōkó faróló, fetée deralepó.

¹³ Atéró, ama atimapaee duraalu, “I fo aseýóló muló betera pó. Yało i beta moma betā yaairaaalu tēnapó. Tēpatei, diaaq ai dere alané ęlémí nokole whjrape betere be aqrótu betera pó,” yalepó.

¹⁴ Téró, mepaae kele dilikire whjrapéro hó momaare whjrapetamo, ai momatere be tuāpaae wua depa, Yesuné atima wisirótu betalepó.

¹⁵ Tēyaletai, ama ai dere ala wisinaale kolóo, ai momatere be tuāmó betó mole naale senaalené fo fakeyóló, “Hosana, Depit-né Naalema-ó,” yóló du betere fo kale mo so whimó Talepaae momaratere topo whjrapéro Moses-né aseę fo yó matere whjrapetamoné wosóo, yóló, atima dei tué muturaalu fopaae bualepó.

¹⁶ Tētepa, atimané āpaae woseturaalu, “I naale senaalené du betere fo-a, naao wosere?” depa, Yesuné tokó mōtu duraalu, “Ēpó. Kale aseýóló muló betere fo diaaq dosāyóló kisipa muni airapó. Ketei naale senaaleró tēnemó teó belere naale senaale tamóné Kótóné doi hale sóró horópóló yóló, Talenétei tukóló muló betera pó,” yalepó.

¹⁷ Atéró, atima ai be huluamó betó mupa taaróló, ā u Betani be huluapaae fóló, diki betā fiyalepó.

Yesuné nose sélirale fo

(Mak 11:12-14, 11:20-24)

¹⁸ Atéró, ā mo hĳkati u kale be huluapaae momó fesaee yóló fu betaalemó, tūmó ā mo woténé sinalepó.

¹⁹ Atépatei, ā fu betaalemó, tūmó ni nose daapa, nose daale felekepaae fóló kelalemó, dukélé woloni, ĳale sókumaaté epa kelalepó. Atépa, ai nipaae duraalu, “Du momó kaae woleyaalo mei ai ape,” yalepó. Ai fo yaletamotóró kale ni mo ti séliyó deyaalepó.

²⁰ Atéró ama yó matere whjrapené ai kale ni sélitere ala kolóló siraturaalu, i ni hapale tétitei séliyale-a, neyóló yalerópóló, atimané āpaae wosalepó.

²¹ Ai fo depa, Yesuné atimapaee duraalu, “Yalo diappaee mo i dere ape. Diaaḡ kisipa tiki tamo muni, mo ti tiró bitutamo, yaḡo nipaee yale kaaee, diaaḡkélé ai ulupaae ya daale tiki taarólo, a weí kēla tómó daane derepae depa, mo téyaalo ai ape.

²² Diaaḡ kisipa tikitamo Talepaae mo ti tiró bitu, moma duraalu, noa ḡlakó wosetepa, ti diaaḡ ai wosetere ḡla mo saalopó,” yalepó.

Yesupaae ya né sóró beteraleeé yóló wosale fo

(Mak 11:27-33, Luk 20:1-8)

²³ Atéro, Yesu a momatere be tipiné bopéro daaló beterepaae fóló, yó móro betepa, mo so whímó Talepaae momatere whiraperó mepaae whí disirapetamo wóló ḡpaae woseturaalu, “Naao ai alarape du beterḡpóló, ya né sóró beteraleeé?” yalepó.

²⁴ Ti fo depa, Yesuné atimapaee tokó mótu duraalu, “Yalokélé diappaee betā wosetere fo yaalopó. Yalo wosetere fotamo diaaḡ ḡpaae tokó matepa, ti ḡpaae ya né sóró beteratepa de? yóló wosale fokélé yaḡo diappaee tokó melaalo ai ape.

²⁵ Take Jon-né so whí weí tópurale ala momó kaayóló waleé? Ó hepen bemó betere Talené yae depa yalepé, haḡe mo whíné yae depa, yaleé?” yalepó. Ai fo depa, atimasisitei fo kēlaarólo duraalu, “ḡanétamo ó hepen bemó Talené yae depa yalepó enalemó, ti ḡpaae diaaḡ ama dere fo wosóló, ḡpaae kisipa tiki tiréni dere ala noatapa yale? fo yaalopó.

²⁶ Ti mo whíné yae depa yalepó fo uḡtei, Jon a Kótóné ama fo eratere kóló whípóló so whí mo feané kisipareteiné, atima ḡa ḡaḡsóro wirapó,” yalepó.

²⁷ Atétepa, atimané Yesupaae duraalu, “ḡa kisipanipó,” yalepó. Ti fo depa, ama atimapaee duraalu, “Mené ḡpaae i alarape yae depa dapóló, yaḡokélé diappaee yó melaalomeipó,” yalepó.

Betā whíné naale tamopaae dó faróló yale fo

²⁸⁻²⁹ Atéro atimapaee duraalu, “I dere fo wosóló, diaaḡ noa kisipa muaaloé? Whí betāné ama naale tamo beterepó. Tépa, kale whí a ama me naale beterepaae fóló duraalu, ‘Ti naale-ó, ya yaḡo wain kutó dirane faasepólópó,’ yalepó. Téyaletēi, kale naalené alimapaee naao kutó dirane fole a hḡrapó yaletēi, nalomo ama kisipa feteyóló wisirapóló dirane felepó.

³⁰ Tétepa, kale whí ama me naale beterepaae fóló, me naalepaae yale fo kaaetóro yalemó, ai naalené duraalu, ‘Aya-ó, wisirapó téyaalopó,’ yalepó. Téyaletēi a feni, hḡyalepó.

³¹ I kale naale tamokó mé naalené ama alimané kisipa mole ala eraleé?” depa,

atimané tokó mótu duraalu, “Folosóro yale naalenépó,” yalepó. Tétepa, Yesuné atimapaee duraalu, “Yalo diappaee mo i dere ape. Kale *takis moni* siré kotere whiraperó nópu nokole sorapetamo Tale Kótóné teteteróló kaae tare be tuḡpaae sókó furaalu, folosóro atimapi faalo ai ape.

³² Ti noatepae, kale weí tópuratere whíkó Jon waleiteia, mo donoi alamaaté yó melaai waletei, diané ama dere fo wosóló, kisipa tirénipó. Téyaletēi, *takis moni* siré kotere whiraperó nópu nokole sorapetamoné ti ama dere fo wosóló, mo dapóló kisipa tiralepó. Atéro, atimané du betere alakélé diaaḡ kolólótei, mo dapóló diané dowi ala taarólo, kisipa feteyóló, tirénipó,” yalepó.

Wain képi kutópaae dó faróló yale fo
(Mak 12:1-12, Luk 20:9-19)

³³ Atéro, Yesuné duraalu, “Fo sale fo me kae i dapa wosae. Betā whíné ama haemó wain kutó diyóló, tipiné bolaayóló atimané wain képi du ḡwóló weí tepeyaairaaalu, kutḡ diri dukjyó, kale kutópaae ḡlémi whí wale kelaai kaae tawóló betaaire be fḡlo mo sikipaae horóló teyóo yalepó. Atéro kale whí a mepaae uké faairaaalu, mepaae kutó diratere whirapepaae ama kutó kaae tawae yóló, atima sóro beteróló a felepó.

³⁴ Atéro, kale wain du teketerē ali wapa, ama mepaae kutó diratere whirape u kale kutó kaae tare whirape beterepaae ḡlumétepa sóro muló betere ḡlakó senaale fae yóló, dotonalepó.

³⁵ Téyalemó, ai kale kutó kaae tare whirapené u kutó diratere whirape me whí haḡe fokosé ala yóló susupuróo, me whí mo ti dóló sukunóo, whí me kapo duné siriyóló dóo, yalepó.

³⁶ Até itikimó, momómó kale whíné ama mepaae kutó diratere whirape dotonalepó, ai whirapekélé take folosóro doteyale whirapepaae erale ala kaaetóro ipakalepó.

³⁷ Atéro, nalo mo ti kemeróturaalu, kale whíné ama naale so whíné mo wisiyóló dape saalopóló kisipa muóló, dotonalepó.

³⁸ Téyaletēi, kale kutó kaae tare whirapené kale whíné naalema wale kolóló, atimasisi fo kēlaarólo duraalu, ‘Ai naalené, ama alima sinitēpa, ḡla ḡla fea ama saai du betere-apa, ai ḡla ḡla fea ḡané saai ḡkélé daalopa, siēpe,’ yalepó.

³⁹ Atéro, atimané kale naale ai kutó alépaee tao sóro taee deróló mo ti dalepó.

⁴⁰ Atépa, ai kale wain kutó tale wouraaalu ai kutó kaae tare whirapepaae noa alakó eraaloé?” yalepó.

⁴¹ Ti fo depa, atimané ḡpaae tokó mótu duraalu, “Mo sonaalei dowi ala du betere whirape atima mo ti sinḡpóló ama daalo ai ape. Atéro, ama kale wain du ḡlumétepa sóro wisiyóló bukoló atima sóo, kale kutó

tale melóo, yǒpóló mepaae wh̄irapepaae kaae tawae yaalópó,” yalepó.

⁴² Ai fo depa, Yesuné atimapaee duraalu, “Kótóné asemó yóló muló betere fo diaaq dosayóló kisipani airapó.

‘Kale doakale kane fake be tētere wh̄irapené dopa taee farale kapotei, be hulua deyaare doasi eleké alée felepó.

Ai kelaalo kokoi ala, Talenétei eró betepa dané kilituraalu, sira du beterapó; erapó.

⁴³ Térapa, yalo diapaee i dere ape. Kótóné ama tēteróló kaae tare ala wisi diā tuamó moletei, ama tokó sóró du wisinaale woler-aaire so wh̄ipaae melaalo ai ape.

⁴⁴ Wh̄i me de ai kane fake tómó dé nukupa, ti ai wh̄iné ama diri derakó faalotei, wh̄i me detamo ai kane fake dorowouraaalu tēiyaratepa, ai wh̄i mo ti derakó fóló muaalo ai ape,” yalepó.

⁴⁵ Atéró, mo so wh̄imó Talepaae momaratero topo wh̄iraperó Farisi wh̄irapetamoné ai yale fo sale forape woseturaalu, Yesuné ai yale fota, atimapaatéró yalepóló kisipa mualepó

⁴⁶ Atétepa, atimané a daaire tū kikitū betaletei, so wh̄i feané kisipané aṭa hāle mo wh̄i meī, Kótóné ama fo eratere kóló wh̄ipóló kisipareteiné, atima daqsóró witepa taaralepó.

22

So dokotere be demó ɔla deyóló nokolepaae dó faróló yale fo
(Luk 14:16-24)

¹⁻² Atéró, Yesuné atimapaee fo sale me kae yóló duraalu, “Kótóné ó hepen bemó tēteróló kaae tare aqmó mole alata, betā doasi topo wh̄iné ama naalemané so dokotere be demó ɔla deraairaalu, donoróló mulatere kaaepó.

³ Kale wh̄iné atéró detere ɔla naai ape yóló ali male so wh̄i dape sene fae yóló, ama kutó diratere wh̄irape dotonaleitei, atima h̄oyóló waalomeipó yalepó.

⁴ Tétepa, ama mepaae kutó diratere wh̄irapemo dotonótu duraalu, ‘I detere ɔla naai ape yóló ali male so wh̄ipaae i fo yae. Yalo ɔlata taleyóló mulóló, *bulmakau* hupuró mepaae seraai huputamo dóló turukiyóló mulóo, mepaae ɔla ɔlakélé fea mo sumó taleyóló mulóo erapa, yalo naalené so dokotere be demó detere ɔla naai ape yae,’ yalepó.

⁵ Téyaleitei, atima ai dere fo woseni nisiyóló, dapo dapo yóló, me wh̄i ama kutópaae fóo, me wh̄i ti ama yaai tué mole alapaee fóo, yalepó.

⁶ Mepaae feni hāle betere wh̄irapené ti ama kutó diratere wh̄irape fokosoi ala yóo, mepaae mo ti dóló sukunóo yalepó.

⁷ Atétepa, kale doasi topo wh̄i a fopaae buóló ama diki tare wh̄irape u kale wh̄irape dale wh̄irape dóló kemeróo, atimané doasi be huluakélé si biliyóló, torokó fale fae depa atima fóló, si biliyóo yalepó.

⁸⁻⁹ Téró, ama kutó diratere wh̄irapepaae duraalu, ‘Kale so dokoteremó detere ɔla sumó taleyóló muló betepatei, ai ɔla naai ape yale wh̄irape atima i detere ɔla naaire mo sunipa taaróló, diā fóló, doasi bepaae fole tū demó ó sawatamo tumó mepaae so wh̄ikó keletepa, ti i detere ɔla naai faalopóló dape siré kweāe,’ yalepó.

¹⁰ Atétepa, ama kutó diratere wh̄irape doasi be huluapaae fóló, tūtu so wh̄i keketé kweyóló, wisi so wh̄iró dowi so wh̄itamo h̄oko dape siré kweyóló, tourale tikimó, be mo ti faae felepó.

¹¹ Téyaleitei, kale doasi topo wh̄i ai ɔla naai wóló betó mole so wh̄i kuapaae fóló ke-lalemó, wh̄i betā kale so dokotere be demó ɔla naairaalu, derótua dere kuti deró bitinipa kelalepó.

¹² Atépa, kale doasi topo wh̄iné apaae woseturaalu, ‘No-ó, ya so dokotere be demó detere ɔla naai derótua dere kuti derénire noatēpa yaleé” yóló foné salemó, kale wh̄i haleturaalu, fokélé tekeni, hokomó sókó fi beterepó.

¹³ Tétepa, kale doasi topo wh̄iné ama kutó diratere wh̄ipaae duraalu, ‘Ai wh̄i belamó diliki dolomó wole du bitu ama serekenétei, a turukóló nuku heterópólópa, hó naase dokóló taee derae,’ yalepó.

¹⁴ Ti noatēpae, so wh̄i mo turó ape yaleitei, tóróti sokósu yale so wh̄imaaté wóló heterapó,” yalepó.

Sisapaae takis moni melae yale fo
(Mak 12:13-17, Luk 20:20-26)

¹⁵ Téró, kale Farisi wh̄irape fóló, Yesuné ama dere fomó a só deraai dapóló, fo dokóló mulalepó.

¹⁶ Atéró, atimané yó matere wh̄iraperó Herot-né fo eratere wh̄irapetamo Yesu beterepaae dotonóló, atimané apaae duraalu, “Yó matere wh̄i-ó, ya betā mo fomaaté yó mótu bituraalu, Kótóné ama kisipa mole ala ó yóló muló betere fo mo sya fóló erótu betereitei, dané kisiparapó. Ti noatēpae, naao fo yó móturaalu doasi doi mole so wh̄i kolóló ya wini, doasi doi mole so wh̄ipaaekélé, doi muni belei sókó deóló betere so wh̄ipaaekélé, mo betā kaae alatóró erótu beterepó.

¹⁷ Sisapaae *takis moni* matere ala wisirépé, dore? Ti naao noa kisipa mute?” yalepó.

¹⁸ Ai fo yaletei, atima dowi kisipa mutu-raalu, Yesuné a só deraai tū kikitū betere ala kolóló, atimapaee duraalu, “Dorutei tó tik-iné hāle sikili du betere whirape-ó, noatepa diaaḡ ę só deraai tū kikitū bitu de?”

¹⁹⁻²⁰ Térapa diāné *takis* melótua dere *moni* yaḡo kelaalopa sóro ape,” yalepó. Tétepa, atimané a beterepaee betā *denarias moni* sóro wapa, ama atimapaee woseturaalu, “I asoró i mole doitamo-a, né?” yalepó.

²¹ Ai fo depa, atimané aḡaae tokó mótu duraalu, “Aita Sisanépo,” yalepó. Tétepa, ama atimapaee duraalu, “Sisané ḡlapa ti Sisapaetóro melae. Kótóné ḡlapa, ti Kótópaetóro melae,” yalepó.

²² Yesuné atéro dere fo woseturaalu, “Haió!” yóló sirayóló, atima a taaróló felepó.

Kepaayóló betere whirape so doko-timipóló yale fo

(Mak 12:18-27, Luk 20:27-40)

²³ Atéyale be deḡtamotóro ti mepaae Sadyusi whirape Yesupaae betā fo wosaai dapóló walepó. Ti ai Sadyusi whirape atima kisipanéta, sukāle so whi momó kae kepaayaalo meipó dua dapó.

²⁴ Atétere whirapené Yesupaae woseturaalu, “Yó matere whi-ó, Moses-né dāpaae etei fo yóló muló beteraḡo. ‘Whi betā naale senaale deni, hāle betero sukutepa, ti so wulia nomané dokóló naalekó detepa, ti noma betale sirimó, ai naale beteraḡopóló,’ erapó.

²⁵ Téro, weikeró nomarape dātamo betalepó. Téru, topo whi a betā so dokaletēi, naale senaale dini, hāle betero kale whi sinitepa, kale so wulia ama noma me whinémo dokalepó.

²⁶ Téyaletei, ai kale whikélé naale senaale dini, noma yale kaetóro hāle sukālepó. Atétepa, kale so wulia me whinémo dokalemó, ai whinékélé naale senaale dini, hāle sukālepó. Mepaae doḡro nomarapekélé atérotóro sisiraae felepó.

²⁷ Nalo mo kemerótu, kale sokélé sinalepó.

²⁸ Téyalepa, mió kale sinale whirape kepaayóló betaaire sukamó, kale weikeró nomarapekó mé whiné ai kale so dokaaloé? Ti noatepae, aita nomarape dokḡ feané dokoté wale sopó,” yalepó.

²⁹ Ti fo depa, Yesuné duraalu, “Diaaḡ ai mutu betere kisipata, kale ašemó yóló muló betere foró Kótóné doasi bole fotokḡtamo wisiyóló kisipani, hāsókó furaalu du beteraḡo.

³⁰ Kale sinale whirape momó kepaayóló betaaire sukamó whikélé so dokóo, sokélé whitamó fōo ini, ó hepen bemó betere *ensel*-rape kae betaalo ai ape.

³¹⁻³² Kale sinale whirape atéro kepaayóló betaalopóló, Kótóné diāpaae ašemó ere fo dosāyóló kisipanié? Téro ama duraalu,

‘Ēta, Abraham, Aisak, Jekop-sépi atimané Kótópó,’ yalepó. Ti ai sukāle so whi mo ti alu wuāsoóro ti i dosāyale so whirape teḡeteróló kaae tare Kótópó fo wuameipó. Ti aḡa, mió i betó mole so whiró take sukóló kepaayóló betó mole so whitamó teḡeteróló kaae tare Kótópó,” yalepó.

³³ Tétepa, so whi feané ai dere fo woseturaalu, haió! yóló sirayalepó.

Tale a waaire be de ó suka kele mené tuēnipóló yale fo

(Mak 12:28-31, Luk 10:25-28)

³⁴ Téro etéyalepó. Yesuné kale Sadyusi whirapené wosetere fo mo donotóro tokó matepa, kale Farisi whirape, atima betāpaae touróló atimasisi fo kelaaralepó.

³⁵⁻³⁶ Atéro, Moses-né asere fo yó matere kisipa tiki fosó fosóre whi betané a kaae kelaai sū sóro woseturaalu, “Yó matere whi-ó, kale yóló muló betere foné i ala yae ere doasi topo fo-a, mé foé?” yalepó.

³⁷ Ai fo depa, Yesuné tokó mótu duraalu, “Naoa Talepaae yaala sókó fóló, hekesené sinitere alata, naao hosaa bete turónékélé, naao kepe bete turónékélé, naao kisipa tiki bete turónékélé, yaala sókó fu betae.

³⁸ Ti ai alata, ama fólósoó yae yóló muló betere mo doa topo ala ai ape.

³⁹ Ai kilipaae me tamo dakoróló yae yóló muló betere mo doasi topo fo i ape. Naaotei ya yaala sókó fóló hekesené sukutu dere kaae, naao be whi so whiḡpaaekélé atéro yaala sókó fu betae.

⁴⁰ Kale yae yóló muló betere forape fearó Kótóné ama fo eratere kóló whirapetamoné ere fota, ti i doasi topo fo tamo tómó belero beteraḡo,” yalepó.

Keriso a né naalemaé yóló yale fo

(Mak 12:35-37, Luk 20:41-44)

⁴¹⁻⁴² Atéro, kale Farisi whirape betāpaae tourāle wóló betó mupa, Yesuné atimapaee woseturaalu, “Kótóné so whi teḡeteróló kaae tanópóló, sóro betero betere whi Keriso-a, né naalemaé?” yóló wosetepa, atimané tokó mótu duraalu, “Depit-né deté wale whiné deale naalepó,” yalepó.

⁴³⁻⁴⁴ Ai fo depa, ama atimapaee duraalu, “Kale Deḡ Kepe Wisiné Depit fotokḡratepa, Depit-né aḡaae Tale-ó ere fo-a, me whiné ama deale naalené deté fele naalepaaetei Tale-ó fo dua de? Té dumitei, Deḡ Kepe Wisiné fotokḡratepa Depit-né aḡaae Tale-ó fo aseýóló i muló betere ape. Ai fota i ape.

‘Talené ę teḡeteróló kaae tare Talepaae duraalu,

“Naoa bóe whirape atima yaḡo teteirape aleróló, naao hó aḡmó beteraalopa, ya yaḡo turu naase deḡmó bitu kaae tawae,” erapó.

⁴⁵ Ti Depit-né aapaee Tale-ó fo du bitipa, momómo ama naale-ó, dere fomo neyóló yaleé?" yalepó.

⁴⁶ Ti fo depa, wh̄i betanékélé Yesuné ai yale fo mené tokókélé menénipó. Ai be demó kaae sóró fóló, mepaae wh̄irapené wosetere fo me kae ini, taaróló felepó.

23

*Dowi kwia saalopa kaae tawae yale fo
(Mak 12:38-39, Luk 11:43, 11:46, 20:45-46)*

¹⁻² Téro, Yesuné aimó touróló betó mole so wh̄iró ama yó matere wh̄irapetamopaae duraalu, "Moses-né asere fo yó mótu betere wh̄iraperó Farisi wh̄irapetamota, kale doasi wh̄i Moses betale sirimó bituraalu, ama yó matere ala yó tarapó.

³ Atimané yó matere fo diaaó wosóló, sya fóló erótua yae. Téptei, atimané ai du betere ala momókó sya fóló yaqse. Ti noatepae, atimané doasi yó mótu betere fota wisiyóló yó mótu bitutei, sya fóló eratere alamo dumpó.

⁴ Atimané doasi sekei qlarape wh̄irapené beleyópóló, dokóló atimané hulúmó bel-erótua dapó. Téteretei, atimanémo ai kale sekei qla belere wh̄irape fasóló mo sawa tao sere alakélé dumpó.

⁵ Atimané du betere ala feata, ti so wh̄iné kolóló dukirópóló, dua dapó. Téturaalu, Kótóné fo atimané kutiri tuámó bulapóló, so wh̄iné kolóló aunópóló, aseyóló atimané kutirimó meleke kaae beleyóo, naasemó h̄o kaae sóo, Kótópaae moma yaaikélé, atima mo ekele rapó yópóló, deratere f̄oloi kuti mo ti f̄oloróló kwiamó, mepaae auratere qla olerótua yóo dapó.

⁶ Téturaalu, qla detere be demó mo doasi doi mole wh̄irape bitua dere tikimótóró betaai ekele yóo, moma dere bemó doasi topo wh̄irape bitua detere tikimó maaté betaai ekele yóo dua dapó.

⁷ So wh̄i fea touratere tikimó betó mole so wh̄iné atimapaee doasi doi mole yó matere wh̄i wisi k̄leó yóló, dukiratere kokómó dua dapó.

⁸ Atétu dere kaae, mepaae wh̄irapené diapaee *Rabai*, yó matere wh̄i-ó, yaqsóro yae. Ti noatepae, diá tuámó doasi topo wh̄i betatóró betepa, diá fea ti mo norapetóró ai betere ape.

⁹ Mepaae i haemó betó mole mo wh̄ipaaetei diané aya-ó, du betaqse. Ti noatepae, diané Aya mo betá ó hepen bemó beterapó.

¹⁰ Mepaae wh̄iné diá kilituraalu, diapaee yó matere wh̄i-ó, yaqsóro yae. Ti noatepae, diá yó matere wh̄ita, so wh̄i fea t̄eteróló kaae tanópóló, Kótóné sóró beteró betere doasi wh̄i Keriso á betá beterapó.

¹¹ I haemó diá tuámó doasi doi mole topo wh̄i betepa, ti ai wh̄i á diané kutó diratere wh̄i betaalo ai ape.

¹² Ti noatepae, mepaae wh̄i dené ama doitei hale sóró horótu betepa, ti atétere wh̄iné doi haepaae só deraalopó. Téretei, mepaae wh̄i dené amatei á deróló dua betepa, ti atétere wh̄iné ama doi doasi muaalo ai ape.

¹³ Diá Moses-né asere fo yó mótu betere wh̄iraperó Farisi wh̄irapetamo-ó, tiki tuapaee dorutei h̄ale sik̄ili du betepa, Kótóné diá dowi kwia melaalopa, mo doasi witu betae. So wh̄i fea Kótóné t̄eteróló kaae tare bepaae sókó faai fu betepatei, faqsóro ai t̄u diaaó dere alanétei seséyóló kinótu beterapó. Ti diata, ai tumó sókó fumitei, aipaae sókó faai fole so wh̄i ai sesétu betere ape.

¹⁵ Diá Moses-né asere fo yó mótu betere wh̄iraperó Farisi wh̄irapetamo-ó, tiki tuapaee dorutei, tóné h̄ale sik̄ili du betepa, Kótóné doasi dowi kwia melairetei wió yae. Mepaae wh̄irape diatamo touróló doasi fake firaai dapóló, wēi tómkélé, hae tómkélé, kutu beterapó. Ateró, me wh̄ikó diaaó dere fo wosóló diá fake alene wapa, diaaó dere ala yó melóló, ai yó matere alanétei diaaó du betere dowi ala bosenóló, mo dowi si duku beterepaae faai betere wh̄irape kaae beterótua dapó.

¹⁶ Diakélé kele dilikire wh̄irape bitutei, me wh̄ipaae t̄u i mole ape yóló yó matere wh̄i kaae betepa, mo doa dowi kwia saalopa, wió yae. Ti noatepae, diané etei fo dua dapó. Wh̄i me dené Tale Kótóné momatere be doi yóló mo dirii malo depa, ti me bete muni, Tale Kótóné momatere be tuámó mole *kold kapa* doi yóló, Kótópaae mo dirii malo yóló mulatere fo tikitepa, ti mo doasi kwia saalopó dua dapó.

¹⁷ Diá kele dilikiyóló tuékélé okokore wh̄irape-ó, doasi topo qla-a, noae? Momatere beta, doasi topo qla ai ape. Ai *kold kapanéta*, ti momatere be wisiróló kae mulótumipó. Tétumitei, Momatere be tuámó Kótóné ala eratereteiné, ai be tuámó mole *kold kapatei* wisiróló, kae mulótua dapó.

¹⁸ Meta, diaaó i fokélé dua dapó. Me wh̄iné ama dere fo diriróturaalu, Talepaae h̄ale matere qla belerótua dere kapo doi yóló, malo depa, ti ai bete munipó. Kale ai kapo tómó sukulaae dalaai beleratere qla doi yóló, dirii malo depa, ti mo dirirapó dua dapó. Ai fotamo tikitepa, mo doasi dowi kwia saalopó du beterapó. Diá kele dilikire wh̄irape-ó, mé qla doasi bete mule? Talepaae h̄ale matere qlapé ai qla beleratere tiki doasi bete mule? Ti ai h̄ale matere qla beleratere tikiné Talepaae h̄ale matere qla wisiróló, kae mulótua dapó.

¹⁹ Diã kisipa tiki okoko yóló, kekekélé dilikere whirape-ó, mé ɔla-a, doasi topo ɔlaé? Kótópaae hãle matere ɔlapé, ai ɔla mulatere tikié?

²⁰ Térapa, whi me dené ama fo diriróturaalu, hupu ó mepaae ɔla beleraterere tiki doi yóló malo depata, ti kale sukɔlaa dalaai beleraterere ɔlakélé wusuró doi yóló malo ai dere ape.

²¹ Whi me dené Kótóné momatere be doi yóló dirii malo depa, ti ai momatere beró ai bemó betere sekétamo wusuróné doi yóló malo ai dere ape.

²² Whi me dené dirii malo duraalu, hepen be doi depa, ti kale doasiné teterólo kaae tare tikiró aimó betere sekétamoné doi yólókélé, du beterao.

²³ Moses-né asere fo yó mótu betere whiraperó Farisi whirapetamo-ó, diã tiki tuapaae dorutei, hãle sikili du betereiteiné, doasi dowi kwia saalopa, mo wió yae. Ti noatepaae, diaao kutómó ere ɔla naase tamo epa, betã ti naao Kótópaae hãle matapó. Tereitei, mo doasi bete mole ala diaao kisipa muni, sisópaae erólo, mo keteró beterao. Ai doasi bete mole ala i ape. Fo tokótamo yóló mo donoyóló taletere alakélé, kolené sinóló tao sere alakélé, Kótópaae kisipa tiki tiróló, ama ala hãle eró tareiteikélé, fea diaao kisipa keteró beterao. Ti mepaae yóló muló betere doasi bete alarape fea wisiyóló eróturaalu, mepaae sawa alarapekélé kisipa keteréni, fea touróló erólusóró mo wisi uapó.

²⁴ Diã kele dilikirutei, mepaae whipaae tu i mole ape yóló yó mótu beterao. Diãné ɔla nukuraalu, mo sawa dokóletamo hoko naósóró, mepaae ɔla ɔla sorokóló nuku beterao. Tétu bitutei, doasi *kamel* hupumo, ti diãné kiliniyóló ɔlatamo touróló hoko ai nuku betere ape.

²⁵ Moses-né yóló muló betere fo yó mótu betere whiraperó Farisi whirapetamo-ó, diã tiki tuapaae doruraalutei, hãle sikili du betereiteiné mo dowi kwia saalo ai ape. Diãné wei nokole wutiró nukutamo tómaaté fukuturaalu, tuapaae fukutumipó. Ti ai tómó maaté fukutu betere so whjta, ɔlémé nokole alakélé, ukusi yóló ekele dere alakélé mo faanapó.

²⁶ Kele dilikere Farisi whi-ó, folosóró ti kale wei nokole wutiró ɔla nokole nukutamo tuapaae hotowayóló fokae. Atétepa, ti tóta ama hãletei fokó faalo ai ape.

²⁷ Moses-né asere fo yó mótu betere whiraperó Farisi whirapetamo-ó, tiki tuapaae doruraalutei tóné hãle sikili du betereiteiné mo doasi dowi kwia saalo ai ape. Diãta, kale whi dou tómó kale dei ni féné aurale tikimó kelaalo mo kokore kaae erapó. Ti whi dou tóta kelaalo kokoreitei,

whi mole dou tuã dolopaaeta, sukãle whiné diriró kae kae kelaamilitamo faanapó.

²⁸ Diãkélé u tuapaae atei kaae ala epatei, so whi feané diaao tó tiki maaté kilituraalu, mo donoi ala du betere whirape nisi du beterao. Diaao tiki tuapaaeta, whi dilikitere alaró kae kae mo sonaalei dowi alatamoné ai faane ape.

²⁹ Moses-né asere fo yó matere whiraperó Farisi whirapetamo-ó, diã u tuapaae dorutei, tómó hãle sikili du betepa, mo dowi kwia saaireiteimó wió yae. Diãta, Kótóné ama fo erale kóló whirape dourale tikiró, mo take donoi ala yóló sinale whirape dourale tikitamo hotowa yóló be tenóló aurótu beterao.

³⁰ Atéturaalu, diaao etei kaae fokélé du beterao. Daãamo, noutererape betale alimó bituasóró, ti Kótóné ama kóló whirape dóló samea sókó fatua wua meipó dua dapó.

³¹⁻³² Diãta kae whirape meipó. Diaao ai du betere fonéitei diã só deróturaalu, Tale Kótóné ama kóló whirape dilé wale whirapené deté wale naalerapeta, diãtóró ai ape. Térapa, atimané deté wale dowi ala diaao kélé mo ti fakeróló du betae.

³³ Diã whi sinópóló tukó nokole mo dowi wulirape-ó, diãtamo fo tokótamo yóló dowi si duku beterepaae só deraaireitei noa yóló haşókó faaloé?

³⁴ Térapa, yaalo diã beterepaae Kótóné ama kóló whirapekélé, kisipa tiki fosó fosóre whirapekélé, Kótóné yóló muló betere fo yó matere whirapekélé, dotonótu beterao. Tétu betepatei, mepaae whirape ti diaao dóo, mepaae whirape filipaare ni tómó oleróló dóo, mepaae whirape diaao fo wosetere be tuãmó fokosó ala yóo, mepaae whirape atima me be huluapaae botokó fupa, diaao daai sya kweyéo yaalo ai ape.

³⁵ Atéyaleiteiné, donoi ala du betale whi Abel-né samea sókó feleteimó, kaae sóro dilé wóló, kale Barakayané naalema Sekaraiakélé momatere beró Talepaae hãle matere ɔla sukɔlaa dalatere tikitamo tuãmó diãné dalepó. Ai dilé wale whirapené samea sókó feletei fea touróturaalu, diã mió i alimó betó mole whirapepaae doa kwia melaalopó.

³⁶ Yaalo mo i dere ape. Take atéró whi dilé walemó dowi ala kwia fea touróturaalu, mió i betó mole so whiné saalopó.

³⁷⁻³⁸ Jerusalem be huluamó, betó mole so whi naao teyae! Kótóné ama kóló whirape diã beterepaae dotonótua depatei, kapo duné siróló dua yale so whi-ó, kale bané ama malerape baase aopaae buó su dere kaae, yaalo diãkélé atéró dape saalopóló dua yaleitei, diaaoitei hóyóló dowãae fua yalepó. Téyaleiteiné mo doasi kóleó, Talené diã taalatepa, mió diaao be hulua ai wópu mutapa, kelere?

³⁹ Térapa, yało diąpaae mo i dere ape. Diaaq ę kilini bitiré fóló, ‘Talené doimó wale whj Kótóné wisiratepa ą hajné sinóló beterópóló yae’ dere sukamó, ti diaaq ę momó kelaalopó,” yalepó.

24

*Take kemetere sukamó yaaire ala
(Mak 13:1-2, Luk 21:5-6)*

¹ Téró, Yesu momatere be taaróló fu betepa, ama yó matere whjrape ątamo hokolaane fóló duraalu, “Momatere be wisinaale ai tęyóló muló beterapa, kelere?” deté fu betalepó.

² Tétepa, Yesuné atimapaae duraalu, “Ai tę mole berape diaaq kelere? Yało diąpaae mo i dere ape. Ai berape fea fisikó furaalu, kapo fake betąkókélé me kapotamo olokopa kelaalomeitei, mo fea kolokó fóló mupa ke-laalo ai ape,” yalepó.

³ Atéró, Yesu ą *Olip* du sorokó molepaae fóló betepa, ama yó matere whjrape ą beterepaae wóló atimasisi bitu ąpaae wose-turaalu, “Dą mokłeyaa yóló betepa, yą walemó kilita sókó faqsórópa, folosóró noa alapi eratepa kolóló, dąné tuę yaaloé? Keme yaaire be dęró yą waaire be dętamo, dąné kisipa yópóló noa alapi eraaloé?” yalepó.

⁴ Ai fo depa, Yesuné atimapaae duraalu, “Me whjné dią dilikóló kópaae ąlisóró falaqsóró, mo hotowayóló kaae tawae.

⁵ Ti noatepae, whjrape mo feané dią dilikituraalu yało doi yóló, ‘Ęta, so whj fea tęteróló kaae tanópóló, Kótóné sóró beteró betere whj Kerisopó; depa, so whj feané mo nisi yóló sya faalo ai ape.

⁶ Me tikipaae bóe du beterapó dere fokélé wosóo, mo felekemó bóe du betere alakélé kolóo duraalu, dią tuę sekeýóló wiyaqse. Ti noatepae, ai alarapeta mo yaalopóló tukóló muló betereiteiné ąsókó feni, mo yaalotei, kemeyaaire be dę ti teórapó,” yalepó.

⁷ “Me hae kwiamó betere be hulua whjró me hae kwiamó betere be hulua whjtamo bóe doasi daalo ai ape. Me hae kwia tęteróló kaae tare topo whjró me hae kwia tęteróló kaae tare topo whjtamokélé bóe daalo ai ape. Atéturaalu, doasi wote aliró doasi bao dere alatamo hae kwia feapaae wou betaalo ai ape.

⁸ Ai alarape feata, ti kale sorape naale saai sisó kaae sóró nuku dere kaae dapó.

⁹ Téturaalu, dią ę sya wóló, yało ala erótu betere, i hae kwia feamó betó mole so whjné dią hóróló fokosoi ala yóló, mo ti sinópóló daalo ai ape.

¹⁰ Atétere sukamó, so whj mo fea kisipa tiki tiró betere ala taaróló, me whj hóróló atimasisitei bóe daairaalu, eleké deyóló u só derąne, i só derąle, du betaalopó.

¹¹ Atétu betepa, mepaae whjrape mo fea Kótóné ama mo kłó whj aqyóló wóló, so whj dilikóló kópaae faraalo ai ape.

¹² Ti noatepa meipó. I hae kwia feamó betó mole so whjné dowi ala mo ti faketé furaalu, so whj feané yaala sókó fóló ęekesené sukutu betere ala siri buóló, mo ti haepaae derepaalopó.

¹³ Tétepaitei, mepaae whj de kisipa tiki tiró betere ala mo ti yó taté fóló, kemene fole sukamó sókó fupa, ti ai whj aluni, Tale Kótóné ama mo tao saalopó.

¹⁴ Atéturaalu, Kótóné tęteróló kaae tare aqmó, mió wosetere kisi fo wisi i hae kwia feamó betó mole so whjpaae yó maté koteremó, ita Talenéitei eratapóló kisipa yaalopó. Ai ala yale kłipaae, ti mo kemetere be dę sókó waaalo ia ape.

¹⁵⁻¹⁶ Atétepa, Kótóné ama kłó whj Danielné mo taketi ašemó yóló muló betere foné duraalu, be wópu mullaai, kelaalo mo sonaalei ąla Talené ama kae tukóló muló betere tikimó daapa kilitu, ai ašęre fo dosąterere whj diąné wisiyóló kisipa muae. Ai ala kilituraalu, Judia hae kwiamó betó mole so whj du sorokó mole tikipaae botokó fópóló yae.

¹⁷ Mo betą whjókélé siki be kemó biti até aqró bemó mole ąlakélé sene derepéni, mulópóló taaróló, botokó fae.

¹⁸ Whj me kutómó daapatamo ai ala depa, ti momó fesaayóló ama bukaaire kuti sene feni, mulópóló taaróló botokó fae.

¹⁹ Atétere sukamó kale naale ere soraperó teó naale tare sorapetamo mo doa kłerapó.

²⁰ Dią botokó faaireitei doasi sosóli aliró sąa nóló beterópóló, tukóló muló betere be dętamo tuąmó eraqsóró, Talepaae momatu betae.

²¹ Ti noatepa meipó. Ai waaire doasi sekei alata, i hae keké nale alimó kaae sóró wóló, mió i betere alimókélé, take nalo betaaire alimókélé ai kaae sekei ala mo kelaalomeipó.

²² Atétere be dęmó, waaire sekei alarapetamo Kótóné ąlekeróló tukóló mulólųameisóró, ti mo betą whjókélé ąsókó fóló bitųameipó. Até yaqsóró, Kótóné sorokó suyóló sóró beteró betere so whjmó kisipa mutu, ai be dęrape ąlekeróló tukóló mullaalo ai ape.

²³ Atétere sukamó, mepaae whjné duraalu, Kótóné so whj fea tęteróló kaae tanópóló, sóró beteró betere whj Keriso i wóló beterapa kelae depa, ó u wóló betere ape depa, mo dere nisiyóló wosóló kisipa tiraqse.

²⁴ Ti noatepae meipó. Mepaae dilikitere Kerisoró Kótóné ama kłó whjópóló, kapala fo yó matere whjrapetamo waaalo ai ape. Atétu, kae kae ala yaairemó eratere doasi alaró kae kae kelemei alarapetamo eróturaalu, Kótóné sorokó suyóló beteró

betere so whikélé kópaae falaai, kaae kolóló su saalopó.

²⁵ Ai alarape yaai teópatei yálo diáppaae ai yale ape.

²⁶ Téyaalopa, mepaae whjiné diáppaae duraalu, 'Kale seké á whikélé bitinire tikimó wóló i betere ape,' depa, wosóló mo dapóló kelaai faqse. Ó, 'Be dolomó i betere ape,' depa, mo dere nisiyóló kisipa tiraqse.

²⁷ Ti noatepa meipó. Suka hotereró dere epeenétei suka doropolepaaekélé deyo fu dere kaae, kale Whjiné Naalema atéro mo haqeamó wapa so whj feané kelaalo ai ape.

²⁸ Diqné ó sáppaae kese honalemótamo, kale ba dukaarape sé kweyóló bopétu betepa kilitu, sinale na ó hupu mupa dapó kisipa muae.

²⁹ Ai sekéi alarape yale qilpaatéro 'Suka kekélé dilikiróló, wéliékélé mo de yaalomeipó.

Hqerapekélé torokó dorowóló, ó sámó ere ọla ọlakélé fea wore yaalo ai ape,' erapó.

³⁰ Atétere sukamó, kale Whjiné Naalema mo felekemó waaí dapóló kisipa yópóló, ó sámó doasi ala eratepa kelaalopó. Atéro ama doasi ere au wisinaaletamo ó sákomó haqeamó sókó wapa i hae kwiamó betóló fale so whj feané kilitu, doasi moló-u yaalopó. Kale Whjiné Naalema ó sámó atéro wouraalu, ama bole doasi fotokoró Kótóné ama kae ere ala wisinaaletamo ó sáko dolomó sókó wapa, kelaalo ai ape.

³¹ Atéturaalu, ama *ensel*-rapené ukulumó wuti mo doasi fakeyóló hale deté kuturaalu, hae kwia de dokó feamó ama sorokó suyóló kae betero betere so whj dape siré kweyópóló dotonaalopó.

³² Térapa, mió kale ni nosené dere ala kolóló, wisiyóló kisipa muae. Sóku fóló momó hylu depa kilituraalu, kale ba fo mo felekemó ai sókó wale ape fo dua dapó.

³³ Até dere kaae, ai bopeyale alarape diá betere tuáppaae wapa kilituraalu, mióta á mo felekemó waaíraalu tş sókó walemó daapa, ai dere ape kisipa muae.

³⁴ Yálo diáppaae mo i dere ape. Mió i alimó betó mole so whj fea sukuni hale betó mupatei, ai alarape mo fea yaalo ai ape.

³⁵ Ó şaró i haetamota, mo kemeyaalotei, yálo fo betá kemekélé ini, hale muó tawaalopó," yalepó.

Whjiné Naalema waaire be deşó suka keletamo mené tuşnipó

(Mak 13:32-37, Luk 17:26-30, 17:34-36)

³⁶ "Até yaaire be deşó sukakeletamota, mo whj betánakélé, hepen bemó betó mole *ensel*-rapekélé, ama Naalemanékélé mo tuşnitei, Alimané ama betá tuşrapó.

³⁷ Kale whj Noa betale alimó yale ala kisipa muae. Kale Whjiné Naalema woukélé, mo ai ala kaaetóro yaalo ai ape.

³⁸ Ti noatepa, atéyale sukamó kale weí doasi ọlaai teópa, atima mo wisiyóló bitu, ọlaró weítamo nóló, whj so dokotere alakélé, so whjtamo dokotere alakélé deté fu betero, Noasépi nuku tuáppaae bitş holale sukamó sókó walepó.

³⁹ Atima betere tuáppaae ai ala sókó waairetei kisipani, hale mo kọleaa yóló bitiré wóló, weí doasi anóló, so whj fea aluralopó. Kale Whjiné Naalema wale sukamókélé, atétu yale kaaetóro yaalo ai ape.

⁴⁰ Whj tamo kutómó daayaalotei, me whj dapesó furaalu, me whj daalópóló taaróló faalopó.

⁴¹ So tamo *whit* o derakóló detu betaalotei, me so dapesó furaalu, me so betepa taaróló faalopó.

⁴² Ti noatepa meipó. Diá teşeróló kaae tare Tale waaire suka, diá kisipanipa, mo hotowayóló kaae tawae.

⁴³ I alarapeta mo yaalopa, i dere fo bete wisiyóló wosóló kisipa muae. Betá be talené dilikitamo etei kaae sukakelemó qlémi nokole whjiné ama be fulukene waaalopóló, kisipa muóló bituşsóro, ti ama be fulukóló ọla ọla sóro fópóló, á noke fió muni, siki siki yóló bituapó.

⁴⁴ Térapa, diákélé donoróló mo siki siki yóló betae. Ti noatepa meipó. Kale Whjiné Naalema waaalomei nisiyóló, kisipa keteróló betere sukamó, á sókó waaalo ai ape.

⁴⁵ Ti i dere fo wosóló, diákó me whj etei kaae kekemeyóló kutó diratere whj betereómóló, diaaqtei kaae kela. Betá be tale á mepaae uké faairaalu, ama dere fo sya fóló, mo eró tare fosó fosó yóló kekemere whjppaae mepaae kutó diratere so whj nao teşeróló kaae taru, ọlakélé mo wisiyóló melae yóló á fulapó.

⁴⁶ Ai kale kutó tale doasi topo whj á momó fesaee wouraalu keleralemó, á faai bituraalu diyae yale kutórape fea ama şumó dıpa, ti ai kutó diratere whj á mo hajné sinaalo ai ape.

⁴⁷ Yálo diáppaae mo i dere ape. Kale be talené ama ọla ọla mo fea ai seképpaae naao mo hotowayóló kaae tawae yóló, ama naase tuamó mulaalopó.

⁴⁸⁻⁵⁰ Téppatei, ai kutó diratere whjtamo dowi tué mole whj betepa, ti i ala dere kaaepó. Kale kutó diratere whjiné kisipané ama doasi hapale waaalomei nisiyóló, átamó kutó ditere whjrapetei fokusóí ala yóo, topo dotere weí nokole whjrapetamo fulumu yóló hşko bitu, ọlaró weítamo mo dekeró nóo du betaalopó. Téturaalu, ama doasi waaalomei nisiyóló mokqleyaaró betere

tuamó, kale wh̄i sókó wapa kilita sókó faalopó.

⁵¹ Atéró, kale wh̄i ama doasiné fokosoi ala yóló, ama tiki mo turukée fi kale tó tikiné wisire nisiyóló sik̄ili du betere wh̄irapetamo betamó beteraalopó. Tétépa, aimó doasi susupu sóró kaketu bitu naao téyae yóló, atima sereke fisikó sóró doasi wole du betaalopó,” yalepó.

25

Naase tamo so seimalépaae dó faróló yale fo

¹ Téro Yesuné duraalu, “Atéyaaire sukamó, ó hepen bemó Kótóné teteróló kaae tare aomó mole alata, i ala kaae yaalopó. Kale naasetamo so seimalerape atimané *lamp* s̄a dirirape sóró so dokotere be demó detere ɔla naai kale so dokaaire wh̄itamó hokolaa yaai felepó.

² Atéró mepaae aporó fele seimale senaalerapeta, ti kisipa fosó fosó yóo, mepaae aporó so seimale ti kisipa tiki fosó fosó ini yóo erepó.

³ Kale kisipa tiki fosó fosó inire seimale sorape atimané *lamp* s̄a dirimó wēi belepa sóró feletei, kemetepa saaitapóló mepaae *wel* wēi wutimó tepeóló sóró fenipó.

⁴ Téyaleteiné, kale kisipa tiki fosó fosó yóló kekemere seimale sorape atimané *lamp* s̄akélé wēi belepa sóró fóo, kemetepa saaire *wel* wēikélé wutimó tepeyóló sóró fóo yalepó.

⁵ Atéró, kale so dokaaire wh̄i hapale wéni, diki deté fu betepa, atima fea noke k̄eletepa noke foposaa yó molepó.

⁶ Atima atéró noke foposaapa, diliki s̄u tuatamo wh̄i betané fo fakeyóló duraalu, ‘Kale so dokaaire wh̄i i walapa, ɔtamo hokolaayaa faalopa ape,’ yalepó.

⁷ Atétépa, kale so seimalerape turukó holóló, atimané *lamp* s̄a dirirape wisiyóló d̄ópóló donoralepó.

⁸ Atéró, kale kisipa tiki fosó fosó inire so seimalerapené kale kisipa tiki fosó fosó yóló, kekemere so seimalerapepaae duraalu, ‘Dané *lamp* s̄a dirirape *wel* wēi kemeturaaalu, felekemó sukó faai dapa, diané tare *wel* wēikó d̄amaletamo ɔlae,’ yalepó.

⁹ Ti fo depa, atimané duraalu, ‘Meipó. Dané tare *wel* wēi diá melatepa, ti dané s̄a dirimó tepeyaaire mei yaosóropa, mepaae *wel* wēi dotonaterer wh̄irapetamo dupune fae,’ yalepó.

¹⁰ Ai fo depa, atima *wel* wēi dupune fi tikimó, kale so dokaaire wh̄i sókó walepó. Atétépa, kale donoróló betere so seimalerape kale so dokaaire wh̄itamó so dokoteremó detere ɔla naairaaalu, be dolopaae horóló t̄u kinalopó.

¹¹⁻¹² Atéró betere mó, nalomo mepaae kale fele so seimalerape wóló, atimané fo f̄otokó yóló duraalu, ‘Doa wh̄i-ó, doa wh̄i-ó, d̄a holaaitapa t̄u tuk̄jae,’ depa, ama atimapaee duraalu, ‘Yalo diápaee mo i dere ape, diá ɛ kisipanipa diá deé?’ yalepó.

¹³ Atérapa, diaaɔ doasi waaire be deró suka keletamo diá kisipanipa, mo hotowaró kaae tawae,” yalepó.

Doasi monipaae dó faróló yale fo

(Luk 19:11-27)

¹⁴ ‘Fo me i ape. Talené teteróló kaae tare alata, wh̄i betá ɔ me bepaae faairaaalu, ama kutó diraterer wh̄irape ɔ beterepaee ape yóló, ama ɔla ɔlarape kaae tawópóló, sóró betaterer kaaepó.

¹⁵ Téro, ama kutó diraterer wh̄irapepaee *moni* melaairaaalu, folosóro me wh̄iné dere ala k̄aae kolóló, 5000 melóo, wh̄i mené ama dere alakélé k̄aae kolóló, 2000 melóo, me wh̄iné ama dere alakélé k̄aae kolóló 1000 melóo, yóló duraalu, ‘Yalo i *moniné* mepaae kutó dirótu betae,’ yóló, ɔ felepó.

¹⁶ Atétépa, kale 5000 *moni* sale wh̄iné ai *moniné* mepaae kutó diyóló, ama kale sale 5000 tó mó 5000 me beleróló salepó.

¹⁷ Atéró, me kale 2000 *moni* sale wh̄iné kélé mepaae kutó dité fóló, 2000 me beleróló salepó.

¹⁸ Téyaletei, kale 1000 *moni* sale wh̄i ɔpaee melale *moniné* me kutó dini sóró fóló, hae duk̄iyóló kikiti hyó mulalepó.

¹⁹ Atéró, kale doasi ɔ hapale wéni, bitiré fóló me sukamó momó fesaae wóló, ama kutó diraterer wh̄irapepaee kale melale *moni* taleyaalopa, ape yalepó.

²⁰ Atétépa, kale 5000 *moni* melale wh̄i wóló duraalu, ‘Doa wh̄i-ó, naao ɛpaee 5000 melaletei, kutó dité fóló, tó mó beleróló saletei me 5000 i ape,’ yalepó.

²¹ Ti fo depa, ama doasiné ɔpaee duraalu, ‘Yalo kutó diraterer wh̄i wisinaale-ó, naao fosó fosóre alané yalo ɔpaee yae yale ala naao wisiyóló ereteiné, mepaae ɔla ɔlakélé fea naaotóro teteróló kaae tawaasepólópa, ɔkélé naao doasitamó hekesere dere ala tuamó betaalopa ape,’ yalepó.

²² Atétépa, kale 2000 *moni* melale wh̄i wóló duraalu, ‘Doa wh̄i-ó, naao ɛpaee 2000 melaletei, kutó dité fóló, tó mó beleróló 2000 me saletei i ape,’ yalepó.

²³ Ti fo depa, ama doasiné ɔpaee duraalu, ‘Yalo kutó diraterer wh̄i wisinaale-ó, naao fosó fosóre alané yalo ɔpaee yae yale ala naao mo wisiyóló ereteiné mepaae ɔla ɔlakélé fea naaotóro teteróló kaae tawaasepólópa, ɔkélé naao doasitamó hekesere dere ala tuamó betaalopa ape,’ yalepó.

²⁴ Téro, kale 1000 *moni* melale wh̄ikélé wóló duraalu, ‘Doa wh̄i-ó, naao dere alata,

yało tuérápó. Yaťa mo deteraai wh̄i bituraalu, ɔla wae bilitere alakélé, ɔla wae ke terepetere alakélé dumitei, hałe hɔko tikimókélé naao ɔla wisi sua dapó.

²⁵ Atérené ę wituraalu, naao ępaae melale *moni* yało hae dukjyóló hyó mulaletei, i tarapa sae, yalepó.

²⁶ Ti fo depa, ama doasiné ępaae duraalu, 'Yaťa, kutókélé diyaalo mo dekané sini, kutó diratere wh̄i dowi ai ape. Ti yało naasené ɔla wae bilini yóo, ɔla kekélé terepeni yóo, dere tikimóteı ɔla sua dapó fota, naaoteı ai yale ape.

²⁷ Atétere ala naao tuéruteı, yało ępaae melale *moni* tómó beleróló sɔpóló, *moni* kaae tare wh̄irapetamo muléliyólópó. Até uasóro ti ę fesaae wouraalu, yało melale *moni* tómó mepaae beleróló suapó, yalepó.

²⁸ Térapa, ama ai tare 1000 *moni* tokó sóro kale 10,000 *moni* tare wh̄ipaae melae.

²⁹ Ti noatepae, mepaae wh̄i dené me ɔla tapa, ti Talené tómó beleróló móturaalu, ai wh̄iné mo dekeró tawaalópó. Mepaae wh̄iné mo sawa tapa, ti ai sawa tareteikélé ama fasó saalo ai ape.

³⁰ Téró, ai kale deka kutó diratere wh̄i mo dilikire tikipaae taae deratepa aimó kaketu bituraalu, amateı yale alamópóló doasi wole du betaalópó," yalepó.

Sipsip-ró meme huputamopaae dó faróló dere fo

³¹ "Kale Wh̄iné Naalema ę waaire sukamó, ama mo kae ere de wisinaaletamo wouraalu, ama *ensel*-rapekélé, mo fea betámó waalópó. Atéroró wóló, ama teteróló kaae tare doasi topo wh̄i betere tikimó bituraalu, ó hepen bemó mo ama kae ere au wisitamó bitu, taleyaaalo ai ape.

³² Atéroró bituraalu, i hae kwiamó betó mole so wh̄i mo fea ę betere tikipaae tourałe wóló betepa, kale *sipsip* hupuró *meme* huputamó kaae tare wh̄iné taleyóló, *sipsip* hupurape kaepaae daaló, *meme* hupu kaepaae daaló, du dere kaae, so wh̄ikélé atéroró taleyaaalo ai ape.

³³ Atéroró taleyóló, kale *sipsip* hupu ti ama turu naaseró beteróo, *meme* hupurape ti ama fé naaseró beteróo, yaalópó.

³⁴ Téró, kale doasi topo wh̄iné kale turu naaseró betere so wh̄ipaae etei fo yaalópó. 'Yało Ayané wisiró betepa hajiné sukutu betere so wh̄i-ó, Kótóné teteróló kaae tare aqmó mole ala take sáró haetamo aleyaaipateı, diámó melaai dapóló, taleróló muló betere ɔla saai ape.

³⁵⁻³⁶ Ti noatepae, ę wotené sinóló mupa, ɔla melóo, ę weı nokoletepa, weı nópóló melóo, ę uké wh̄i kaae betepa, diaaę bepaae wisiyóló dapesóo yalepó. ę bukaaıre kutikélé meıpa, diaaę melóo, ę kisiné sukóló mupa, diaaę mo hotowayóló kaae tawóo, ę

dipula betepa, wisi kisipa muqópóló diané ę kełe wua yóo yalepó.'

³⁷ Térépa, kale mo donoi ala du betere so wh̄iné ępaae i fo yaalópó. 'Tale-ó, ya wotené sinóló mupa, ó weı nokole du betepa, dané yamó metéli melaleé?

³⁸ Tale-ó, ya uké wh̄i kaae betepa, dané dape sóo, ya bukaaıre kuti meıpa kuti melóo, yalepó dere-a, dané yamó metéli melaleé?

³⁹⁻⁴⁰ Ya kisiné sinóló mupa, ó *dipula* betepa kisipa tiki feléyópóló, dané ya metéli kełe waleé? depa, kale topo wh̄iné i fo tokó melaalópó. 'Yało diąpaae mo i dere ape. Diaaę mepaae wisi ala i doasi doi mole yało norapepaae eróturaalu, mo belei sokóteı betere so wh̄ipaaekélé erélipa, ti ępaаетóroró eró beterapó, yaalópó.

⁴¹ Téró kale fé naaseró betere so wh̄ipaae i fo yaalópó. 'Talené só deró betere so wh̄irape-ó, dią ę betere tiki taaróló mo sukókélé feni, hałe dó tare sipaae bitı fae. Ai sita, mo dowi Satan-ró ama kutó dirópóló doteyale keperapetamo dópóló, tukóló muló betere sipó.

⁴²⁻⁴³ Ti noa betené meıpó. ę wote betepa, me ɔlakókélé meni yóo, weı nokole depa weıkélé meni yóo, uké wh̄i kaae betepa, diaaę dape sini yóo, bukaaıre kuti meıtepa kutikó meni yóo, ę hepo daróló betepa, ó *dipula* betepa wisiyóló tao sini yóo yalepó, yaalópó.

⁴⁴ Ti fo depa, atimané ępaae etei fo yaalópó. 'Ya wotené sinóló betepa, ó ya weı nokole depa, ó uké wh̄i kaae betepa, ó bukaaıre kuti meıtepa, ó ya kisiné sukóló mupa, ó ya *dipula* betepa, dané ya wisiyóló tao sinıpó dere-a, metéli tao sinıpóló de? yaalópó.

⁴⁵ Ti fo depa, ama atimapaee i fo yaalópó. 'Yało diąpaae mo i dere ape. Diaaę mepaae wisi alakó i doi mole wh̄irapepaae erénituraalu, i betó mole belei sókóteıpaekélé erénipa, ti ępaaeıteı erénıpó, yaalópó.

⁴⁶ Ai ala du betale so wh̄ıta kemekélé ini, mo ti sótoró tawaaire dupu saalópó. Téyaaloteı, mo donoi ala du betale so wh̄ıta, ti mo titóroró betó tawaaire bete saalo ai ape," yalepó.

26

*Yesu daairaalu fo dokale ala
(Mak 14:1-2, Luk 22:1-2, Jon 11:45-53)*

¹⁻² Atéroró, Yesuné ai forape yóló kemetepa, ama yó matere wh̄irapepaae duraalu, "Kale boseneyóló fele be demó ɔla deyóló naaire be de sókó waai be de tamo betá hałe moleteı diaaę ai kisipare ape. Ai be demó kale Wh̄iné Naalema mepaae wh̄irapené filipaa ni tómó oleróló dópóló, atimané naase tuámó mullaalo ai ape," yalepó.

3-4 Téro, kale so whimó Talepaae momaratero topo whiraperó mepaae whi disirapetamo, momaratero doasi topo whi Kaiapas-né be wisinaalepaae tourale walepó. Atima atéro wóló touró bitu, Yesu a tawóló daai kikití fo dokalepó.

5 Atima atéro fo dokóló mulótu duraalu, "I alata, kale ɔla detere sukamó yaalomeipó. Ti noatepaae, so whi feané keletómó ai ala depa doasi foya yaqsóro, me be demó yaalopó," yalepó.

Betɔ soné Yesuné topomó felé kɔlaa wale wel weɔ suniyale fo

(Mak 14:3-9, Jon 12:1-8)

6 Téro etɔyalepó. Yesu a Betani be hulua-paae fóló, kale dowi humu fuluné tiki dopa ama wisirale whi Saimon-né bemó ɔla nuku betalepó.

7 Atéro beterepómó, so betané doasi moniné duputere felé kɔlaa wale *wel weɔ alabasta* kane fakené aleale wutimó belepá tawóló walepó. Téro, kale soné ai *wel weɔ* wisinaale wuti faayóló Yesu a tiróló firu ɔla nuku betepa, ama topomó suniyalepó.

8 Atétere ala, ama yó matere whirapené kolóló, dei kisipa muóló duraalu, "Ai *wel weɔ* wisinaale-a, hɔko noatepa besekeróló suniyaleé?"

9 I felé kɔlaa wale *wel weɔ* wisinaale, mepaae whitamó dotonóló doasi *moni* sóro, hale yoleale yóló betó mole so whimó móluaşsóro mo wisuapó," yalepó.

10 Atimasisi atéro du betere fo Yesuné tuéyóló, atimapaee duraalu, "Ai soné ama epaae mo kokɔi ala wisinaale eralepa, diaaq ama kisipa tiki dorakesé."

11 Kale hale yoleale yóló betó mole so whita, ti betere dokó diatamo betó tawaalotei, ɔta diatamo betó tawaalomei ai ape.

12 Ai soné kale felé kɔlaa wale *wel weɔ* yalo tikimó suniyaleiteita hale meipó. E sukutepa douratero sukamó felé kɔlaa wópóló ai dilale ape.

13 Yalo diapaae mo i dere ape. I hae kwiamó betó mole so whipaae kale mió i wosetere kisi fo wisi yó maté kuturaalu, i soné ama i yale alakélé yó melaalo ai ape. Téturaalu, i kale soné i ala yalepóló kisipatoró hale yó tawaalopó," yalepó.

Judas-né Yesu eleké deale fo

(Mak 14:10-11, Luk 22:3-6)

14-15 Téro, kale yó matepa wosetere 12 whirapekó betá Iskariot be whikó Judas so whimó Talepaae momaratero topo whirape beterepaae fóló woseturaalu, "Yalo i seké diaaq naase tuapaae mulatepa, diaaq emó noa ɔlakó melaaló?" yalepó. Ai fo depa, atimané 30 *silpa moni* dosayóló amó melalepó.

16 Ai sukamó kaae sóro, Judas-né Yesu a mepaae whiné naase tuamó mulaaire tu kikitú betalepó.

Yesuró ama yó matere whirapetamo ɔla nale ala

(Mak 14:12-21, Luk 22:7-14, 22:21-23, Jon 13:21-30)

17 Téro, yist buni fopei *bred* o deóló nukuatero be de kaae suraalu i ala yalepó. Yesuné ama yó matere whirape a beterepaae wóló woseturaalu, "Kale bosenyóló fele be demó deyóló naaire ɔla-a, mé bemó dané taleróló mularóé?" yalepó.

18 Ti fo depa, ama atimapaee duraalu, "Diɔ u doasi be hulua-paae fóló, ai bemó me whikótamo betepa, apaae i fo yae. 'Kale yó matere whiné duraalu, 'Apaae me ala eraai tukóló mulale be de felekemó sóko wai depa, kale bosenóló fele be demó, yalo yó matere whirapetamo naao bemó ɔla deyóló naai dapó,' ene fae," yalepó.

19 Atétepa, ama yó matere whirape fóló, Yesuné atimapaee yae yale alatoróti yóló, kale bosenyóló fele be demó deyóló naaire ɔlarape taleróló mulalepó.

20 Atéroló, be dikiteretamo Yesu a ama yó matepa wosetere 12 whirapetamo ɔla nukuatero ni fake tómó tiróló firu ɔla nuku beterepó.

21 Atéro ɔla nuku bitu, ama atimapaee duraalu, "Yalo diapaae mo i dere ape. Diakó betá whiné e mepaae whiné dópóló eleké deyaalo ai ape," yalepó.

22 Ai fo depa, atima kisipa tiki fomaake yóló, dekené sukutu duraalu, "Tale-ó, ai ala dané mo yaalopóló de?" yóló, atima feané betá kaae fotóro deté felepó.

23 Ti fo depa, Yesuné atimapaee duraalu, "Aita ɔtamo betámó ɔla nuku betere whinéte mepaae whiné e dópóló eleké deyaalo ai ape."

24 Ti noatepaae, whiné Naalemata, kale asémó yóló muló betere fo motóroti dokonóturaalu sinaalopó. Téyaalotei, Whiné Naalema mepaae whiné dópóló eleké deyaaire whi ya betá doasi kwia saaireteimó mo wió yae. Ai whi a hamané dewuameisóro, ti mo wisuapó," yalepó.

25 Tétepa, a dópóló eleké deyaaire whi Judas-né duraalu, "Yó matere whi-ó, ai ala yalo yaalopóló de?" depa, Yesuné apaae duraalu, "Épó mo naaotóroti yaalo ai ape," yalepó.

26 Atima atéro ɔla nuku bituraalu, Yesuné *bred* o bula tao sóro Tale Kótópaae mo kée yóló, terekée daalu yóló ama yó matere whirape alirótu duraalu, "Ita, yalo tikipa diɔ feané sóro nae," yalepó.

27 Téro, kale dere kaae weɔ belere wuti tao sóro Kótópaae mo kée yóló, atima melóló duraalu, "Diɔ feané i weɔ nae."

²⁸ Ti i weita, so whi mo feané yale dowi ala kwia waurai, Kótóné diā tao saalopóló tukóló muló betere fo diriróturaalu, sókó far-ale yało sameapa diā feané nae.

²⁹ Yało diāpaae mo i dere ape. I nokole képi du weí momó kae néni hāle bitiré fóló, yało Ayané tēteróló kaae tare aomó dā fea betāmó bitu, kisi *wain* weí naalopó. Ai be dē sókó waai teópa, ai weí me kaae néni hāle bitiré faalopó,” yalepó.

³⁰ Atéró, atima wole fo betā yóló, *Olip* du sorokó mole tikipaae felepó.

Pitané Yesu q tuénipóló yale fo
(*Mak 14:27-31, Luk 22:31-34, Jon 13:36-*

38)
³¹ Téró, Yesuné atimapaee duraalu, “Mo mió i dikitamotóró atimané epaae eratere ala kilituraalu, diā fea ē taaróló botokó faalopó. Ti noatēpaee, atē yaaire alata, asemó i yóló muló betere fo mo dokonóturaalu yaalo ai ape.

‘Kale *sipsip* hupurape kaae tare whi yało dupa, *sipsip* hupurape dapo dapo yó faalopó,’ erapó.

³² Téyaalotei, ē momó kepaayóló u Kaleli haepaae ēpi folosóro fimó diā nalo waalopó,” yalepó.

³³ Ai fo depa, Pitané apaae duraalu, “Yapaetamo mené noa kaae ala eratēpa, ti mēpaee whirape atima ya taaróló fupa, yało betā ya mo taaróló faalomeipó,” yalepó.

³⁴ Ti fo depa, Yesuné apaae tokó mótu duraalu, “Yało yāpaee mo i dere ape. Mo mió i dikitamotóró wā *kakaruk* bané hale yaaipatei, naao ē tuénipó fo sore félimó yaalopó,” yalepó.

³⁵ Ai fo yalemó, Pitané apaae duraalu, “Ē yaŕtamo betāmó sukutēpa ti mo wisirapó. Yało ya tuénipó fo mo yókélé yaalomeipó,” depa, mēpaee ama yó matere whirapēnekélé ama dere fo kaaetóró yalepó.

Kelaalo kokōi tiki Ketsemanimó yale ala
(*Mak 14:32-42, Luk 22:39-46*)

³⁶ Téró, Yesu ā ama yó matere whirape fea kelaalo kokōi tiki Ketsemanipaae fóló, ama atimapaee duraalu, “Ē upaae momane fulapa diā imó betae,” yalepó.

³⁷ Atima atéró beteróló, Pita kale Sebedinē naalema tamo atima fu bitu, ama hosaa tuāmó mo doasi dekené sukutere ala kaae sóró, sekei kisipa muté felepó.

³⁸ Atéró ama atimapaee duraalu, “Yało hosaa tuāmó dekené sukuturaalu, ē felekemó sukāai depa upaae momane fulapa, diā imó ē kaae tawóló bitu noke fini, etamo momatu betae,” yalepó.

³⁹ Téró ama yó matere whirape aimó betó mupa taaróló, ā sawa tūpaee fóló,

haemó deraapisa fóló fió mulu momatu duraalu, “Yało Aya-ó, i sekei ala epaae waqsóro seséyaaire tū mupa, ti naao sesé yae. Tépatēi yało kisipa mole ala eréni, naao kisipa mole ala betā erópóló yae,” yalepó.

⁴⁰ Téró, ā ama yó matere whirape beterepaee momó fesaae wóló kelalemó, atima fea noke foposaa yó molepó. Atēpa, ama Pitapaae duraalu, “Sukakele betāmó ē kaae taruraalu, momatu bitinié?

⁴¹ Diā me dowi ala yópóló sū sere alané só deraqsóro, hotowayóló kaae taru, momatere ala yó tawae. Kepe betenéta wisi ala eraai mo doasi ketekē bupatei, tó tiki fotokō bunipó,” yalepó.

⁴² Kale yale kaae, ā momó fesaae fóló momatu duraalu, “Yało Aya-ó, epaae i eraaire sekei ala waqsóro seséyaaire tū mupa, ti seséyae. Seséyaaire tū munipa, ti naao kisipa mole alatóró epaae erópóló yae,” yalepó.

⁴³ Atéró, ā momó fesaae wouraaalu kelalemó, atima fea kale dere kaae, noke foposaa yó molepó.

⁴⁴ Atima atéró foposaa taaróló, ā momó sore dakoróló fesaae fóló momaturaalu, kale yale moma kaaetóróti momó yalepó.

⁴⁵ Téró, ā momayóló fesaae wóló, ama yó matere whirapepaee duraalu, “Diā sāa nóló bitu noke foposaa yó mole-a, mió dā hāle betaaire be dē dekéró mupa de? Kale Whinē Naalema dowi ala dere whirapēnē dópóló eleké ai deyale ape.

⁴⁶ Ē dópóló eleké deyale whi ai walapa, diā turukó horóló dā faalopa fiēpe,” yalepó.

Yesu q tawale fo
(*Mak 14:43-50, Luk 22:47-53, Jon 18:3-12*)

⁴⁷ Yesuné ai fo du betepatei, ama yó matepa wosetere 12 whirapekó Judas sókó walepó. Āta, kale momatere be tēteróló kaae tare whiraperó so whi tēteróló kaae tare whi disirapetamoné dononale whirapetamo walepó. Atima atéró wouraaalu, nópuluró bóe dele sepaketamo tao diliki yóló walepó.

⁴⁸ Téró, Yesu mēpaee whinē dópóló eleké deyale whinē atamo wale whirapetamo fo dokóló duraalu, “Yałotamo kóló tukó nukupa, ti atóró hjitpa, tawae,” ipakalepó.

⁴⁹ Atéró, kale Judas ā folosóro Yesu daalepaee sókówóló duraalu, “Yó matere whi, kōleó,” yóló, apuóló kóló tukó nalepó.

⁵⁰ Ti fo depa, Yesuné apaae duraalu, “No-ó, naao yaairaalu, wale ala tēti yae,” yalepó. Tétepa, kale whirape atima hapale sókó woutóró Yesu botokó sóro tawalepó.

⁵¹ Atētepa, Yesuné ama fulumu whirapekó whi betānē bóe dele sepake sókó sóro, so whimó Talepaee momaratere doasi topo whinē kutó diratere whinē woséli sāae deralepó.

⁵² Tétepa, Yesuné aḡaae duraalu, “Naao ai sepake bulatere be dolomó momó bulae. Ti noatepae, mepaae wh̄i denétamo sepakené wh̄i dupa, ti ai sepakenétei ʒ mo ti dóló sukunaalo ai ape.

⁵³ Naao kisipané-a, ʒalo Ayapaae 72,000 *ensel*-rapené ʒ tao sene wópóló dotonae depa, ama dotonaalomeipóló de?

⁵⁴ ʒalotamo ai ala depa, ti kale ašémó yaalopóló muló betere fo netéré dokon-aaló?” yalepó.

⁵⁵ Atéyale sukamó, Yesuné ai so wh̄ipaae duraalu, “Diaaʒ kisipané ʒta, *Gavman* wh̄irapetamo bóe dóló atimané teteróló kaae tare ala fasó saai, wh̄irape fea ʒlisóró fole wh̄i beteparaalu, ʒ tawóló daai sepakeraperó nópulurapetamo tao diliki yóló wou de? Betere dokó fea diʒné momatere be tipiné bopéro daaló betere tikimó ʒ fo yó mótu betepa, diaaʒ ʒ tanipó.

⁵⁶ Ténitei ai yale alarape feata, ti Kótóné ama kóló wh̄irapené ašémó yóló muló betere fo motóró dokonóturaalu dapó,” yalepó. Atétepa, ama yó matere wh̄irapené ʒ taaróló, atima fea botokó felepó.

Juda fakené Yesu só deraai fo tokótamo yale fo

(*Mak 14:53-65, Luk 22:54-55, 22:63-71, Jon 18:13-14, 18:19-24*)

⁵⁷ Atétepa, mo so wh̄imó Talepaae momaratere doasi topo wh̄i Kaiapas-né bemó touróló betó mupa, Yesu tawale wh̄irapené ʒ dapesó felepó. Aimó kale Moses-né asere fo yó matere wh̄iraperó so wh̄i teteróló kaae tare wh̄i disirapetamo touróló betó molepó.

⁵⁸ Téyaleteti, Pita ʒ Yesu fi tikimó nalo taaeta deté furaalu, so wh̄imó Talepaae momaratere doasi topo wh̄iné be bopéro betere tipi tuʒpaae doropóló, aimó betó mole diki tare wh̄irapetamo bituraalu, Yesupaae noa alakó eratéro kelaai, kaae tawóló beterepó.

⁵⁹ Atéro, so wh̄imó Talepaae momaratere wh̄iraperó fo tokótamo yóló talerete wh̄irapetamoné kapala so wh̄i dilikóló Yesu sukópóló, só deróló daaire bete kikitu betalepó.

⁶⁰⁻⁶¹ Atéro, atimané ʒ só deraai dapóló kapala fo yaleteti, ai foné ʒ só deraaire s̄unipa, nalo wh̄i tamo wóló duraalu, “Ai sekénéta, Kótóné ai momatere be fisikóló sore be demó ama momó teyaalopó; depa damoné wosalopó,” yalepó.

⁶² Tétepa, mo so wh̄imó Talepaae momaratere doasi topo wh̄i turukó holóló Yesupaae duraalu, “Ai wh̄irapené ʒa só deratere fo dapa, naao atimapaae fo mekó tokó menitere-a, noatepa de?” yalepó.

⁶³ Téyaleteti, Yesu fo tekeni haʒe daalepó. Atépa, kale momatere be kaae tare topo wh̄iné aḡaae duraalu, “Mo titoró betó tare

Kótóné keletómó ʒalo ʒapaae mo dirii fo i dere ape. ʒata mo so wh̄i fea teteróló kaae tanópóló, sóró betero betere wh̄i Kótóné Naalema Kerisopata, ti mió d̄apaetóro yó ʒlae,” depa Yesuné duraalu, “Épó. Naao mo dono ai dere ape.

⁶⁴ Térétei, ʒalo diʒ feapaae i dere ape. Take nalo waaire be demó, kale Wh̄iné Naalema mo doasi fotokó bole Kótóné turu naasemó betepa kolóo, ó hepen be taaróló s̄ako dolomó sókó wapa kolóo, yaalo ai ape,” yalepó.

⁶⁵ Ai fo depa, so wh̄imó Talepaae momaratere doasi topo wh̄iné ama deró betere kuti bis̄ayóló duraalu, “Kótó faleyóló doka doka ai du betere ape. Ti ama hašókó fole ala depa kelalepó yaaire meipapakó kek̄aaloé? Ti Kótó faleyóló doka doka dere fota, amatei depa diʒ feané ai wosale ape.”

⁶⁶ Térapa, diaaʒ noa kisipa mute?” depa, atimané duraalu, “A sinaaitere fo amatei ai dapa sinópóló yae,” yalepó.

⁶⁷⁻⁶⁸ Téro, atimané ama kele dolomó fes̄a apuróló, naase duné dóo, mepaae wh̄iné ʒ okolope deké sóo yóló duraalu, “Kótóné so wh̄i teteróló kaae tare wh̄i Keriso-ó, ʒa Kótóné ama kóló wh̄ipata, ti ʒa dale wh̄i d̄apaae yó ʒlae,” yalepó.

Pitané Yesu ʒ tuénipó yale fo

(*Mak 14:66-72, Luk 22:56-62, Jon 18:15-18, 18:25-27*)

⁶⁹ Atéro Pita, ai be bopéro daaló betere tipi bolaa dolomó betepa, kale kutó diratere so seimale bet̄a ʒ beterepaae wóló duraalu, “ʒakélé u Kaleli wh̄ikó Yesutamo bet̄amó kweale wh̄i ai ape,” yalepó.

⁷⁰ Ti fo depa, so wh̄i feané keletómó Pitané kale so seimalepaae duraalu, “Naao ai dere fota, noa fo yóló deró ʒ kisipanipó,” yalepó.

⁷¹ Atéro, kale wh̄i ʒ ai be bolaare dopóku t̄u serekepaae sókó durupupa, mé so seimalené ʒ kolóló ai betó mole so wh̄i feapaae duraalu, “I wh̄i ʒkélé, Nasaret wh̄ikó Yesutamo bet̄amó kutu betale wh̄i ai ape,” yalepó.

⁷² Ti fo depa, Pitané kale dere fo kaae Talené keletómó dirii malo yóló duraalu, “Naao ai bopetere wh̄ita ʒ tuénipó,” yalepó.

⁷³ Atéro sawa betale kilipaae, aimó daae mole mepaae wh̄irape Pita beterepaae wóló duraalu, “ʒata atimatamo kutu betale wh̄i mo h̄iti ai ape. Ti noatepae, naao dere fo nakomené ʒa mo h̄itipóló haʒeamó yó matapó,” yalepó.

⁷⁴ Ai fo depa Pitané duraalu, “ʒalo diʒpaae mo i dere ape. Ai wh̄i ʒ mo tuénipó. ʒalo kapala fo depata, ti Talené ʒ mo doasi kwia melópólópó,” yalepó. Ai fo deretamotóro w̄a *kakaruk* bané hale yalepó.

⁷⁵ Tétepa, Pitané Yesuné aḗaae kale *kakaruk* bané hale yaaipatei, naao e tuénipó fo sore félimó yaalopó yale fo kisipa muni walepó. Atétepa, Pita a belapaae sókó doropóló bituraalu, mo doasi dekené sini wole du betalepó.

27

Judas képi weí nale fo

(Mak 15:1, Luk 23:1-2, Jon 18:28-32)

¹ Atéro, so whímó Talepaae momaraterere topo whírapéro so whí teterólo kaae tare whí disirapetamo, mo híkatitei Yesu sukópóló daairaalu, fo taleyóló mulalepó.

² Atimané a halika tikiné naase tamo dokóló, kale doasi *Gavman* topo whí Pailat beterepaae dapesó fóló, ama naase tuámó mulalepó.

³⁻⁴ Atéro, Yesu mepaae whiné dópóló eleké deale whí Judas-né Yesutamo fo tokótamo yóló só deraterere ala kolóló, amatei yale alamó dapóló, mo dowi fomaake kisipa mualepó. Atéro duraalu, mo so whímó Talepaae momaraterere whírapéro so whí teterólo kaae tare whí disirapetamoné a melale 30 *silpa kapa moni* u kale whírapepaae momó melaai felepó. Atéro atimapaae duraalu, “Me ḥasókó fele alakéle inipatei, a dópóló yaalo ḥaletei eleké deale alané e doasi dowi ala yalepó,” yalepó. Ai fo depa, atimané aḗaae duraalu, “Dḗpaae noa yaró de? Ai alata, naaotei ai yale ape,” yalepó.

⁵ Atétepa, Judas-né ama sale *moni* ai kale momaterere bepaae fesekéé faróló, amatei a képi weí nalepó.

⁶ Atétepa, so whímó Talepaae momaraterere topo whírapené whí whiné teraae farale *moni* sóró taru duraalu, “I *monita*, whí daai dupuyaletai, Kótópaae matere *monitamó* touraḗse yóló fo mulapó,” yalepó.

⁷ Téró, atima fo taleyóló duraalu, i *monita* mepaae wale whírape sukutepa दौरaaire tiki, kale doka haené wuti aletua dere whírapené hae dupu yaai dapóló mulalepó.

⁸ Ai hae tikita, whí dópóló eleké deyalémó, melale *moniné* dupuyaletainé ai haené doi whiné samea sókó fele haepó, miókéle ḥale du beteraḗpó.

⁹⁻¹⁰ Atéyale ala Kótóné kóló whí Jeremaia-paae yó matepa, ama aseyóló muló betere fo motóroti dokonóturaalu yalepó.

“Talené eḗaae i ala yae yóló muló betere fo sya furaalu, Israel so whí atimané a dupu yóló melale 30 *silpa moniné* doka haené wuti aletu betere whírapené hae tiki atimanétei dupu yópóló yae,” fo eraḗpó.

Doasi topo whí Pailat-né Yesutamo fo tokótamo yale fo

(Mak 15:2-5, Luk 23:3-5, Jon 18:33-38)

¹¹ Ai ala ḥale du betepa, atimané Yesukéle doasi *Gavman* whiné sóró betero betere topo whí Pailat-né keletómó daapa, aḗaae woseturaalu, “Ya Juda so whí teterólo kaae tare doasi topo whí?” depa, Yesuné aḗaae duraalu, “Naaotóro mo dono ai dere ape,” yalepó.

¹² Ai fo depa, so whímó Talepaae momaraterere topo whírapéro so whí teterólo kaae tare whí disirapetamoné kae kae só deraterere fo aḗaae depatei, ama me fo tokó menipó.

¹³ Tétepa Pailat-né aḗaae duraalu, “Atima kae kae forapené ya só derótu betepatei, ya fo tekeni dere-a noatepa de?” yalepó.

¹⁴ Ai fo depatei, Yesuné kale Pailat-né dere fo mo sawa tokó matere alakéle inipó. Ai ala kale doasi *Gavman* topo whiné kilituraalu, i whíta atimané dere fo tokó matere alakéle mo dumipóló sira yalepó.

¹⁵ Téró, *Gavman* doasi topo whiné ba fo dokó fea atimané dua dere ala sya furaalu, ḗla detere sukamó so whí touróló, atimané kisipa mole *dipula* betero betere whíkó betá ḥale fópóló doteyae depa, ti ai whítóro dotonótua dapó.

¹⁶ Atéyale sukamó, dowi ala du betere doi mole whí Barabas *dipula* betero beterepó.

¹⁷ So whí fea atéro wóló touró betepa, Pailat-né atimapaae woseturaalu, “Diaaḗ kisipané-a, mé whí *dipula* sokóló ḥale fópóló kisipa mute? Barabas doteyarópé, so whí feané Kerisópó du betere whí Yesu doteyaró de?” yalepó.

¹⁸ Ti noatepa meipó. Kale Juda so whí teterólo kaae tare whírapené so whí feané Yesuné doi hale sóró horóló, dukirateremó atima dowi kisipa muturaalu, atimané a daai kale Pailat-né a beterepaae dapesó weirapóló kisipa mualepó.

¹⁹ Atéro, kale Pailat a so whítamo fo tokótamo yaai bituaterere tikimó betepa, ama somané fo yó fótu duraalu, “Yaalo mió mo dowi noke yaletainé e doasi seḗe yalepa, ai dowi ala mo betakéle munire whípaee me ala momókó eraḗse,” yalepó.

²⁰ Téyaletei, so whímó Talepaae momaraterere topo whírapéro whí disirapetamoné so whípaee duraalu, “Barabas ipaae wópóló dotonóturaalu, Yesu sinópóló oleróló dae yae,” yóló, so whí feapaae sesemeraterere fo du betalepó.

²¹ Tétepa, kale *Gavman* whiné sóró betero betere doasi topo whiné woseturaalu, “I whí tamokó mé whí diá beterepaae wópóló sokóló dotonaróé?” depa, atimané duraalu, “Barabas wópóló dtonae!” yalepó.

²² Tétepa, kale Pailat-né so whípaee woseturaalu, “So whí feané Kerisópó du betere

whi Yesu neyaroé?" yóló wosetepa, aimó daae mole so whi feané duraalu, "Aṭa, filipaa ni tómó olorae!" yalepó.

²³ Ai fo depa, Pailat-né atimapaee duraalu, "Ai whiṭa me dowi alakélé inipatei, haḷe noatepa daró de?" depa, atimané fo mo ti fakeyóló duraalu, "A filipaa ni tómó olorae!" yalepó.

²⁴ Tétepa, ai yó mole so whi atimané kisipa mutere ala eraṣóró, Pailat-né seséyalemókélé mo sūni, so whiné doasi foya yaaitere ala kolóló, so whi feané keletómó weṭiné ama naase fukutu duraalu, "I whi delemó Kótóné matere kwiata, yaḷo saalomeitei, diaaqtóró saalopó. Atéro sókó fatere samea yaḷo naasemó yaṣóró, i fokotapa kelere?" yalepó.

²⁵ Ai fo depa, so whi feané duraalu, "Ai whi dele kwiata, Kótóné ḷaró ḷané naale senaaletamopaae melópólópó," yalepó.

²⁶ Téró, so whi atimané Pailat-paae dotonae yale whi Barabas haḷe fópóló dotonóturaalu, mepaae diki tare whirapené Yesu fokosói alapí yóló, nalo filipaa ni tómó oleróló daai dapesó fae yóló melalepó.

*Diki tare whirapené Yesu faleyale fo
(Mak 15:16-20, Jon 19:2-3)*

²⁷ Atéro, kale *Gavman* whiné sóró beteroḷó betere topo whiné ama diki tare whirape betere tiki wisinaale Pretorium-paae Yesu duwóló sóró felepó. Téyalemó, diki tare whirape feané a boperóló daane walepó.

²⁸⁻²⁹ Téró, atimané ama deró betere kuti sokóló betá sonaa kuti deralepó. Atéro, mu daai képinétei doasi topo whiné deraterere topo taopóló bopeyóló, ama topomó deralepó. Téró, atimané betá dotó tiki ama turu naasemó taróló, a daalemó bukutiri ṭeane doropóló duraalu, "Juda so whiné topo whi-ó!" yóló faleyóló doka doka du betalepó.

³⁰ Atéro atimané a fesaa apuróló, kale dotó tiki momó fasó sóró, ama topomó momó du betalepó.

³¹ Atéro, atimané a doka doka du beteroḷó, sonaa kuti sókó sóró ama kuti momó deralepó. Téró, a filipaa ni tómó oloraa dapesó felepó.

*Yesu filipaa ni tómó sukḷe fo
(Mak 15:21-32, Luk 23:26-43, Jon 19:17-27)*

³² Atéro dapesó fu betereḷó, Sairin be hulua whikó Saimon a tumó hokolaa depa, a fasóló ai filipaa ni aḷaae naaomo beleyae! yóló seyalepó.

³³ Atéro, atima betá hae doi Kolkotamó sókó walepó. Ai fo feteyóló whiné topo diri mole tikipó.

³⁴ Aimó atimané Yesumó betá hakesai weṭiró mo *wain* weṭitamo hosekéróló tepeyaletei melalemó néni hóyalepó.

³⁵ Atéro atimané a filipaa ni tómó oleróló, kḷilipaae ama kuti saairaalu atimané ni kukwia teraae horóló mé whiné ni kukwia mo donotóró muni dorowapa, ti ai whinétóró sua yalepó.

³⁶ Atéro, a teó sukutu betepa, kale diki tare whirape atima kaae tawóló betó molepó.

³⁷ A oleró betere ni topomó i betené dalepóló aseýóló oleralepó. Ai aseýóló olerale fo i ape.

JUDA SO WHI TETERÓLÓ KAAE TARE TOPO WHI
YESU I APE

³⁸ Kale qlémi nuku betale whi tamokélé aṭamo betamó, me whi ama turu naase deró nimó oleróo, me whi fē naase deró me nimó oleróo yalepó.

³⁹⁻⁴⁰ Mepaae ai tumó fua wuaterere so whi atimané folópu kelepeýóló faleyóló doka doka duraalu, "Yaṭa kale momatere be fisikóló, sore be demó momó ṭeyaaloopó du betale whiḷa, naaotei ya tao sae. Yaṭamo Kótóné Naalemapata, ti ai filipaa ni taaróló dere ape," du betalepó.

⁴¹ Atéro kale dere kaae, mo so whimó Talepaae momaraterere topo whirapenekélé, Moses-né aseḷe fo yó matere whirapenekélé, mepaae whi disirapenekélé, faleyóló doka doka duraalu, ⁴² "Mepaae whirape sukaṣóró ama tao sua yaḷetei, a sinaṣóró amatei tao sinitupó. Ti aṭa, Israel fake so whiné doasi topo whi ereteiné filipaa ni taaróló dorowapa, ti aḷa aḷaae kisipa tiki tiraaloopó.

⁴³ Ama duraalutamo, a Kótóné Naalemapóló kisipa tiki tirateremó, Kótóné a tao saai kisipa mutepa, ti tao sópóló yae," yalepó.

⁴⁴ Yesutamo kale betamó olerale qlémi nuku betale whi tamonékélé u whirapené dere kaae, a faleyóló doka doka dere forape dekéroḷó du betalepó.

Yesu sukḷe ala

(Mak 15:33-41, Luk 23:44-49, Jon 19:28-30)

⁴⁵ Téró suka tuamó 12 kilok sukakelemó kaae sóró fóló, be kuluka derepaae 3-kilok-mó hae kwia mo fea dikiyalepó.

⁴⁶ Atéro be kuluka 3-kilok seretamo, Yesuné doasi fo fakeyóló duraalu, "*Eloi, Eloi, lama sabakataní,*" ai fo feteyóló, "Eṭeteróló kaae tare Kótó-ó, Eṭeteróló kaae tare Kótó-ó, e yaḷo wotoró beteroḷópóló noatepa taaróló feleé?" yalepó.

⁴⁷ Ti fo depa, mepaae aimó daae mole so whirapené ama ai dere fo wosóló duraalu, "Ama Elaijapaae ape yóló ai dere ape," yalepó.

⁴⁸ Tétepa, atimakó whi betá mo hapale sururu yóló fóló, kale wépi kaae qla sóró séli kḷeaa kaae ere moi *wain* weṭi kale wépi kaae

qlamó tópuró sóró, kapemó haka sóró Yesu nópóló melaai sóró felepó.

⁴⁹ Téyaletei, mepaae whjrapené duraalu, “Ilaaija wóló tao sene walémóló kelaalopa, atéro olerópóló taalae,” yalepó.

⁵⁰ Atéro, Yesuné ama kepe bete sókó furaalu, kale dere kaae doasi fo fake yóló ą sinalepó.

⁵¹ Atéteretamotóro kale momatere be sataleróló oleró betere kuti óté kaae sóró tereketé doropóló, a salepaae sókó deralepó. Téturaalu, doasi bao yale tikimó kaporapekélé terekeyóló felepó.

⁵² Atéturaalu, whj dourale tikikélé turukwę fóló, mo take Kótóné ama kae sóró beterale so whj sukutepa douraletei, dou taaróló momó kepaayóló fua yalepó.

⁵³ Yesu atéro kepaayóló fi kılıpaae, ai kale kepaayale so whjrape mepaae so whjiné kolóppóló, Kótóné ama kae tenó betere Jerusalem be huluapaae yó male felepó.

⁵⁴ Atétepa, kale diki tare whjrapené topo whjro Yesu me ala yaqsóro, kaae tare diki tare whjrapetamoné doasi bao dere alaró mepaae kae kae dere alarapetamo kolóló, atima fea winé sukóló diri furu furu yóló duraalu, “Haió! i whjta, Kótóné Naalematoró mo hıtipó,” yalepó.

⁵⁵ Téró, Yesu ą mepaae ąla ąla yaąatepa tao sóró mótua yale sorape, Kaleli hae kwia taaróló wóló, Yesupaae eratere ala kelaai mo tumó daae mulu, kese faló beterepó.

⁵⁶ Atima ai sorape kuamó Maktala be hulua sókó Mariakélé, Jems-ró Josis-tamoné hama Mariakélé, Sebediné naalema tamoné hamakélé, atima atéro daae molepó.

Yesu dourale ala

(Mak 15:42-47, Luk 23:50-55, Jon 19:38-42)

⁵⁷ Be mo felekemó dikiyaai deretamo, betą Arimatea be whjko néli whj Josep walepó. Ai whj ąkélé Yesuné yó matere whj betalepó.

⁵⁸ Kale sekéné Yesuné tiki saai dapóló, kale topo whj Pailat-paae wosene felemó, Pailat-né ama diki tare whjrapepaae duraalu, “I sekéné Yesuné tiki ama sóró faaipó dapa, sóró fópóló melaie,” yalepó.

⁵⁹⁻⁶⁰ Atéro matepa mo de tekée fi *linen* kuti wisinaalené Yesuné tiki bopeyóló só fóló, mepaae sukále whj dourénire kane dolomó Yesuné tiki mulalepó. Téró kale dou tų kinaai aleyóló mulale kane fake biliraté fóló kinóló ą felepó. Ti ai kane dolota, kale whj Josep ą sukutepa dourópóló, aleyóló muló betere tikipó.

⁶¹ Atétepa, kale Maktala be hulua sókó Mariaró ama yakoma Mariatamo ai kale whj douró betere tiki kese faróló beterepó.

Yesuné tiki me ala yaqsóro diki tare whjrapené kaae tare ala

⁶²⁻⁶³ Atéyale sisópaae dótóro ąa nóló be-taairaaalu, ąla ąla taleyóló mulóló, be dețepa i ala yalepó. Kale moma dere be kaae tare topo whjrapero Farisi whjrapetamo Pailat beterepaae fóló duraalu, “Doa whj-ó, ai kale so whj dilikite kutu betale whj ą sukąai bitu be de sore kemetepa, ą momó kepaayóló betaalopó depa, dané wosalepó.

⁶⁴ Atéro ai kale sukále whjiné ama yó matere whjrapené ama tiki qlémi sóró fóló, mo whjpaee ą momó kepaayóló beterepó deté kuturaalu, so whj dilikąalo ai ape. Atéro dilikitere alané ama take folosóro so whj dilikąaletei teraae faalopó. Téyaqsóropa, naao diki tare whjrapené ai kale whj dourale tiki be de soremó mo wisiyóló kaae tawópóló yae,” yalepó.

⁶⁵ Ai fo depa, Pailat-né so whj tetérolo kaae tare whjrapepaae duraalu, “Whj douró betere tiki mo wisiyóló kaae tawópóló, mepaae diki tare whjrape dapesó fóló, etéro kaae tawae yóló yó melaie,” yalepó.

⁶⁶ Atétepa atima fóló, kale whj dou mené tukjyalemóló kelaai tų kinale kane fakero hąle daale kane kwiatamo meke eróló, tuąmó siri mulóló diki tare whjrapepaae kaae tawae yóló sóró daalalepó.

28

Yesu kepaayóló fele fo

(Mak 16:1-10, Luk 24:1-10, Jon 20:1-18)

¹ Téró kale ąa naai tukóló mulale suka kemeyóló *fula* kaae sere be demó mo hikitei, Maktala be hulua so Mariaró yakoma Mariatamo kale whj dou kelaai felepó.

² Atéro, kale so tamo dou tópaee sókó faai teó fu betepatei, betą *ensel* hepen bemó dorowóló, dou kinó betere kane fake tukwę faróló ą tómó beterepó. Ai kane fake tukwę falateremó, mo doakale bao yalepó.

³ Ama tiki mo epée de kaae iruraalu, ama deró betere kutikélé mo de tekée fapa kelaalepó.

⁴ Ai dou kaae tawóló betó mole diki tare whjrapené ą kolóló, winé sukóló diri furu furu duraalu, sukóló mole whjrape ayyóló haemó deraapisa fóló molepó.

⁵ Téró kale so tamo sókó wapa, kale *ensel*-né atimaamopaae duraalu, “Diaamo wiyaąse. Diaamota, filipaa nimó dale whj Yesu keųe waletei yało tuęrapó.

⁶ Ti ąta imó muni, ą mulale tiki hąlerapa kelaai ape. Ti take ama yale fotóro dokonóló, ą kepaayóló falapó.

⁷ Atétepa, diaamo hapale fóló, ama yó matere whjrapepaae i fo yae. ą mo ti sukąaletei kepaayóló, dią nalo wópóló ąpi Kaleli haepaae furaalu, ątamo aimó hokola yóló kelaalopa, ape yale fo yało diaamopaae i dere ape,” yalepó.

⁸ Atétepa, kale so tamo wirutei mo hajtamo whi dou taarólo, ama yó matere whirapepaae yaai dapólo sururuyólo felepó.

⁹ Atéro fu betepa, Yesu hapale sóko wólo daalu kóleó yalepó. Atétepa, atimaamo a daalepaae fóló, ama hómó apuó taru Tale-ó du betalepó.

¹⁰ Atétu betepa, Yesuné atimaamopaae duraalu, “Wiyaqse! Diaamo fóló, yalo norapepaae diaaq e u Kaleli haemó ke-laasepólo ape yalepó, yaai fae,” yalepó.

Diki tare whirapené i ala kelalepólo yale

fo

¹¹ Téró ai kale so tamo fu betepatei, kale mepaae dou kaae tawólo betale diki tare whirape atima momatere be kaae tare topo whirape beterepaae fóló, atimané kelale alarape fea yó melalepó.

¹² Ti fo depa, mo so whimó Talepaae momatere topo whiraperó mepaae so whi teteterólo kaae tare whi disirapetamo betapaae tourólo bitu, i ala yaalopólo taleyólo mulalepó.

¹³ Atéro fo deyólo, kale diki tare whirape atimané kelale ala mo so whipaae yaqsóro fo mulótu duraalu, “Mené diapaae noa ala yaleé depa i fo yae, ‘Da firepaae Yesuné ama yó matere whirape wólo, ama tiki qlémi sóro falapó yae,’” yólo doasi *moniné* dupuyalepó.

¹⁴ Atéro duraalu, “*Gavman* topo whiné i dere fo wosetepa, diatamo doasi fopaae buólo me ala eraqsóro diá seséturaalu, danétei ama kisipa tiki feléaalopó,” yalepó.

¹⁵ Téró, kale diki tare whirape doasi *moni* sóro furaalu, atimapaee yae yale fotóroti deté kweyalepó. Atéro dere fo so whi feané wosólo, fakerale fo mió i alimó betó mole Juda so whinékelé wosólo mo kisiparapó.

Yesuné ama yó matere whirapepaae yale

fo

(Mak 16:14-18, Luk 24:36-49, Jon 20:19-23)

¹⁶ Téró Yesu a sukāai bitu, ama yó matepa wosetere 11 whirapepaae, atamo Kaleli haemó daale hasi fosómó hokolaa yaalopó, yale fo tuéru atima felepó.

¹⁷ Atéro fóló, aimó atimané a kolólo, hemée deyólo betó mulu Tale-ó du betalepó. Tétu betaletéi, mepaae whirapené Yesu a híti yale molópoló, kisipa tamo mutu beterepó.

¹⁸⁻¹⁹ Tétepa, Yesu a atima betere felekepaae fóló duraalu, “Ó hepen bemókélé i haemókélé ere ala fea yalo teteterólo kaae tanópoló, Kótóné e sóro betero beterapó. Térapa, diá i hae kwiamó betólo fale so whi beterepaae fóló, atimakélé yalo yó matepa wosetere so whi beterópoló, yó maté kweyae. Atéturaalu Alima, Naalema,

Dei Kepe Wisi, dané betá doimó wéi tópurótua yae.

²⁰ Tétu, yalo diapaae yae yólo mulale ala fea, atimanékélé wosólo sya fópólo yó mótu betae. Yalo diá taarólo feni, da fea betamó bitiré fóló, kemene fole alimó sóko faalopólo i yólo mulatere ape,” yalepó.

Mark

Jon-né Yesu waaire tų alerale fo
(*Mat 3:1-12, Luk 3:1-9, 3:15-17, Jon 1:19-28*)

¹ Kótóné Naalema Yesu Kerisoné kisi fo wisi etéro kaae sirapó.

² Mo take Kótóné ama fo eratere kóló whi Aisaiané aseýóló muló betere fo i ape.

“Yálo fo erále fae yóló dotonateré whi yá waaire tumó api folosóro fópóló, yálo dotęyaalo ai ape.

Ai sekénéta, yá waaire tų aleóló donoraalopó.

³ I whi áta, so whikélé bitinire kópu kaae fi tikimó sókó wóló daalu, fo fake yóló i fo yaalo ai ape.

‘Tale waaire tų donoróló aleyae,’ ” erapó.

⁴ Atéyale fo dokonóturaalu, betá whi Jon walepó. Áta so whikélé bitini kópu kaae fi tikimó sókó wóló duraalu, “Mepaae so whi de atimané yale dowi ala taaróló, tué tiki feteyóló walemó weí tópuratępa, ti Kótóné diaaę dowi ala kwia tokóló aluraalopó,” du betalepó.

⁵ Atétere fo woseturaalu, Judia hae kwiamó betó mole so whiró Jerusalem bemó betó mole so whítamo á beterepaae wóló, atimané yale dowi alarape fea hákeamó yó matepa, Jon-né atima Jordan weímó tópurótua yalepó.

⁶ Jon-né ama bukutua yale kutita, ti kale *kamel* hupu nikiné dokóló moletei bukutua yóo, ama tokélé hupu sekaęné aleyaletei sua yóo, yalepó. Ama nukua yale ęla ti ero nusuró meke weítamopó.

⁷ Atéro ama atimapaape duraalu, “Ęta folosóro wale whi i ape. Nalo yálo kęlipaae, ti mo doa fotokę bole seké whi waalo ai ape. Ai seké áta ę kaae meí, mo doasi seké whi betępa, ę á aomó belekąamale naale kaae betęrapó. Tęru, ama hó bené kępi yálo teraayaairetei mo şunipó.

⁸ Yálotá, diá hále weí maaté tópurótu betęretei, amata diá Deį Kepe Wisitamó tópuráalo ai ape,” yalepó.

Yesu weí tópurale alaró sų sale alatamo
(*Mat 3:13-17, Luk 3:21-22*)

⁹ Atéyale sukamó, Yesu á Kaleli hae kwiamó tęne Nasaret be taaróló wapa, Jon-né á Jordan weímó tópuralepó.

¹⁰ Téro, Yesu á weí tópuróló hae taopaae hutu betępa, Jon-né ó şapaae kese horalemó hepen, be tų kuti teké fu dere kaae yóló, Deį Kepe Wisi ba hókóserę kaae Yesuné ama tikimó bitį dorowapa kelalepó.

¹¹ Atéro betępa ó şamó fo tękerótu duraalu, “Yáta, yálo mo yaala sókó fóló, hosaa

mole Naalepó. Naao dere ala fea mo wisi alatóro dereteiné ę mo doasi hájné sukturapó,” yalepó.

¹² Tęyalemó mo ai fapotóroti, kale Deį Kepe Wisiné Yesu so whikélé bitini, kópu kaae fi tikipaae seýóló falalepó.

¹³ Yesu á atéro fóló betępa, be de whi siki tamo kemeyalepó. Atępa, Yesu á dée nópóló Satan-né apaae kae kae sų sere alarape erótu betalepó. Á aimó sýaae ęlatamo betępa, me ala yaqsóro Kótóné ama *enselrape* dorowóló, Yesu tao salepó.

Yesuné ama yó matere whįrape á sýa ape yale fo

(*Mat 4:12-22, Luk 5:1-11*)

¹⁴ Jon *dipula* betęrale kęlipaae, Yesu á Kaleli hae kwipaae sókó wóló, Kótóné ama kisi fo wisi so whi feapaae yó mótu betalepó.

¹⁵ Atéro yó mótu duraalu, “Talené eraaire ala ama kóló whįrapené deté wale fo mió i dokonatere ape. Tęturaalu, Kótóné tęteróló kaae tare alakélé mió sókó wóló i mole ape. Tęrapa diaaę du betere dowi ala taaróló, tué tiki feteyóló kale kisi fo wisi wosóló, kisipa tiró betae,” du betalepó.

¹⁶ Atéro, Yesu á ai Kaleli weí fóku sesekę hutu bituraalu kelalemó, Saimon-ró noma Andrutamo háleke wané ya su betęrepó. Atimaamota, suka fea ya siré kotere whi tamopó.

¹⁷ Atętu betępa, Yesuné atimaamopaae duraalu, “Diaamo ai ya siré koteretei taaróló, ę sýa ape. Ti noatępa meí diaamoné ai ya su dere kaae so whikélé siré kwęyaasepóló, yálo diaamo sóro betęraalopa ape,” yalepó.

¹⁸ Ama ai fo deretamotóro atimaamoné kale ya siré kotere háleke wa taaróló, Yesu sýa felepó.

¹⁹ Atéro á sawa fóló, kale dere kaae Sebedi naalema Jems-ró noma Jon-tamo nukumó bituraalu, háleke warape turukó feletei wisi wisiyóló nomotu betępa kelalepó.

²⁰ Atętu betępa, mo ai fapotóroti Yesuné atimaamopaae duraalu, “Diaamo ę sýa ape,” yalepó. Tętepa, atimaamoné alima Sebediró ama kutó diratere whįrapetamo nukumó betępatei taaróló, atimaamo Yesu sýa felepó.

Yesuné dowi kepe hąkonale fo
(*Luk 4:31-37*)

²¹ Atéro, atima fea touyóló Kapeneam bemó sókó fóló, ai bemó kale şa nópóló tukóló muló betere sukamó atimané fo wosetere be dolopaae fóló, Yesuné fo yó melaai kaae salepó.

²² Téro, ai kale so whįné ama yó matere fo wosóló duraalu, “I sekéné yó matere fota, doasi kisipare whįrapené dere fo kaae dapóló, siratu betalepó. Kale Moses-né

asere fo yó matere wh̄irapené dapaee atéro yó mótumipó,” du betalepó.

²³⁻²⁴ Atétu betalemó, mo ai fapotoróti kale ai fo wosetere be dolomó betá dowi kepe tepeyóló betere wh̄iné fo fakeyóló duraalu, “Nasaret be wh̄ikó Yesu-ó, naao damopaae noa alakó eraai waleé? Dámo noatepa dóló aluraai waleé? Yáta, dowi ala mo betákélé munire wh̄i wisinaale betepa, Kótóné sóró kae beteró betteretei, yálo mo kisiparapó,” yalepó.

²⁵ Tétepa, Yesuné kale dowi kepe foné sóró duraalu, “Fo taaróló, wh̄i tuámó betteretei sókó fae,” yalepó.

²⁶ Ai fo deremó, kale dowi kepe sókó faairaalu, kale wh̄i tao sóró feseróló fo fakeyóló keterétamo sókó felepó.

²⁷ Atéteremó, kale so wh̄i atimasisitei u wosene i wosene yóló duraalu, “Ita, noa ala yalerópó. Ama i yó matere kisi fota, mo doasi topo wh̄irapené dere fo kaae dapó. Dowi keperapénékélé, mo wh̄iné dere kaae, ʔ aqmó sukóló bituraalu, ama yae dere ala motóró dapóló,” siratu betalepó.

²⁸ Atétere ala so wh̄i mo feané kolóló, Yesuné i ala du beterapóló kulu kulu só kotepa, Kaleli hae kwiamó betó mole so wh̄i feané wosalepó.

Yesuné kisi daae mole so wh̄i wisirale fo (Mat 8:14-17, Luk 4:38-41)

²⁹ Atima fo wosetere be taaróló furaalu, Jems-ró Jon-tamokélé dape sóró Saimon-ró noma Andru-tamoné bepaee felepó.

³⁰ Atéro fóló betteremó, kale Saimon sonané hamasere tiki supu kisiné sukóló mupa, Yesupaae yalepó.

³¹ Tétepa, Yesu kale so kisi dalóló molepaae fóló, ama naasemó tao sóró turukó horalemó, kale soné tiki supu du betaleteti tukóló, atimamó ʔ la kaae sóró biliralepó.

³² Atéyale sukamó, suka doropóló be hoteretamo, mepaae kisi daae mole so wh̄iró dowi kepe tepeyóló betó mole so wh̄itamó, Yesu betterepaae dapesó wóló betteraleta dua yalepó.

³³ Ai be hulua feamó betó mole so wh̄i wóló, Yesu betere be tʔ sókó walemó touróló betó molepó.

³⁴ Atéro betó mupa, mepaae kae kae hepo daae mole so wh̄ikélé wisirótua yó, so wh̄i tuámó tepeyóló betere dowi keperapekélé h̄konóló sókó fatua yó, yalepó. Kale dowi keperapéné Yesu ʔ atei kaae wh̄ipóló tuéreteiné mo so wh̄ipaae fo yaqsóró Yesuné ama seséyalepó.

Yesu ama wotoró bitu momayale fo (Luk 4:42-44)

³⁵ Téró, Yesu ʔ be deyaai du betteretamotei turukó holóló ai be taaróló, so wh̄ikélé mei tikipaae fóló, momatu betalepó.

³⁶ Yesu atéro momatu betepa, Saimon-ró ama fulumu wh̄irapetamoné ʔ kikitu betalepó.

³⁷ Téró, atimané ʔ kekóló keletepa ʔ paae duraalu, “Tale-ó, so wh̄i feané yá mopaae felerópóló kikitu beterapó,” yalepó.

³⁸ Ai fo depa ama atimapaae tokó mótú duraalu, “Dá i be taaróló, felekemó tʔ mole berapepaae kale fo wisi yó melaai faalopa fiépe. Ti noatepae, ʔ ta ai kutó diyaairaalu i wóló betere ape,” yalepó.

³⁹ Téró, ʔ ai Kaleli hae kwia tuámó tʔ mole fo wosetere berapemó, kale fo wisi yó melaté kuturaalu dowi keperapekélé dóló h̄konótua yalepó.

Dowi humu fuluné tiki dore wh̄i wisirale fo

(Mat 8:1-4, Luk 5:12-16)

⁴⁰ Atéro dowi humu fuluné tiki dore wh̄i betá Yesu betterepaae wóló, bukutiri tearó bitu i fo yalepó. “Yesu-ó, naaotamo ʔ wisiraaí kisispa mutepa, ti wisiraasepólópó,” yalepó.

⁴¹ Ai fo depa Yesuné kale wh̄i kelalemó, kolené sukutu ama tikimó naase mulóló duraalu, “Yálo yá wisiraaí kisispa mutapa, wisi yae,” yalepó.

⁴² Ai fapotoró kale wh̄i dowi humu fuluné tiki doretei mo ti wisiyalepó.

⁴³⁻⁴⁴ Atéro, Yesuné kale wh̄i dotonaaí mo dirii fo yóló duraalu, “Yálo naao tiki wisiralepó fo mo so wh̄ipaae momókó deté kweyaqose. Yá fóló, Kótópaae momatere be kaae tare wh̄irapepaae maaté naao tiki wisiraletei yó melae. Téró, wh̄iné tiki wisirateremó, mo take Moses-né melae yóló ere ʔ la male fae. Ti noatepae, ai wh̄irapené naao tiki kilituraalu, ita Tal-ené erapó yópóló, yó melaai fae,” yóló dotonalepó.

⁴⁵ Yesuné kale seképaee ai fo yaletei taaróló, ama tiki wisirale fo so wh̄i feapaae h̄akeamó yó melaté kweyalepó. Atéyale tikimó, Yesu ʔ so wh̄i betó mole kuamó konénipa, so wh̄i bitinire tikipaae bitʔ fua yalepó. Atétua yalemókélé, kae kae tikimó betó mole so wh̄i mo h̄ale ʔ la kaae ʔ betterepaae wuatóró yó tarepó.

2

Yesuné tiki sukóló dquamui wh̄i wisirale fo

(Mat 9:1-8, Luk 5:17-26)

¹ Téró nalo me sukamó, Yesu ʔ momó Kapeneam bepaee wóló betteremó, so wh̄i mo feané Yesu ama bemó wóló betterapó dere fo wosalepó.

² Ai fo woseturaalu so wh̄i dekéro wale tikimó, be dolokélé, tʔ sókó walekélé, so wh̄i daayaaire tʔ munipó. Atépa, atimapaae ama kale fo wisi h̄akeamó yó mótú betalepó.

³ Yesu ą atéro yó mótu betepa, mepaae doúrō wh̄irapené betą tiki dąamui wh̄i Yesu beterepaae beleyólo walepó.

⁴ Téyaletei, so wh̄i mo ąanuraalu kale wh̄irape atima wh̄i sóró faaire tẹ mu-nipa, siki bepaae holólo, Yesu daale mo donotóróti kale siki be keya dolo sokólo tiki dąamui wh̄i besekętamo turó deralepó.

⁵ Atétepa, Yesuné ai kale doúrō wh̄irapené kisipa tiki tiratere ala kolólo, kale tiki dąamui wh̄ipaae duraalu, “Ti naale-ó, naao yale dowi ala kwia fea mió ąalo tokólo aluratapó,” yalepó.

⁶ Yesuné ai fo depa, kale Moses-né asęre fo yó melatere wh̄irape atima tuę tekitu betalepó.

⁷ “I wh̄i ąta, Kótó kaaepó du betere foné Kótó faletu beterapó. Ti dowi ala kwiaata, Kótóné betą sumó aluranęrapó,” du betalepó.

⁸ Atima atéro mutu betere tuę tiki Yesuné kisipanętei mo hapale kolólo, atimapaee duraalu, “I kale yale fomó dią noatepa atei kaae tuę mutu bitu de?”

⁹ Ti diąsisitei taleyae. Mepaae wh̄inę duraalu, naao dowi ala kwia ąalo aluratapó fo so wh̄i feanę enęrepę, ąą turukó holólo naao besekę sóró fae, fo enęre?

¹⁰⁻¹¹ Téretei, i haemó betólo fale so wh̄inę dere dowi ala tokólo aluraaire fotokó Wh̄inę Naalemanę sumó bulapólo, so wh̄i feanę tuę yópoló i dapa, ąą turukó holólo naao besekę sóró bepaae fae,” yalepó.

¹² Mo ai fapotóróti, kale wh̄i atima feanę keletómó turukó holólo, ama besekę sóró felepó. Atétere ala kolólo, so wh̄i feanę sir-ayólo, atima Kótóné doi hale sóró horótu duraalu, “Mo take bitirę wale alimókélę, danę etei kaae ala mo kolókelę inipó,” yalepó.

*Lipaipaae ą sya ape yale fo
(Mat 9:9-13, Luk 5:27-32)*

¹³ Téró etęyalepó. Yesu ą momó węi fókumó fóló beterepó, so wh̄i mo dekéró ą beterepaae wóló betó molepó. Atępa, fo kaae sóró yó melalepó.

¹⁴ Atętu beteró, tumó furaalu kelalemó, Alpias-né naalema Lipai ą *takis moni* saairaalu kapala tęne furu bemó betepa, ąpaae duraalu, “Yą ę sya ape,” depa, kale wh̄i ą turukó holólo Yesu sya felepó.

¹⁵ Atéro Yesu ą Lipainę bemó ąla naai fóló beterepó, mepaae *takis moni* sere wh̄irapekélę, dowi ala dere wh̄irapekélę, Yesuné ama yó matere wh̄irapekélę, ama dere fo wosóló ą sya fu betere so wh̄ikélę, fere ąla nuku betalepó.

¹⁶ Atępa, Farisi wh̄iraperó mepaae Moses-nę asęre fo yó melatere wh̄irapetamonę Yesu ą dowi ala dere wh̄iraperó *takis moni* sere wh̄irapetamo betámó ąla nuku betepa kelalepó. Atępa, Yesuné yó matere

wh̄irapepaae woseturaalu, “A *takis moni* sirę kotere wh̄iraperó dowi ala dere wh̄irapetamotei noatepa ąla betámó nuku bitu dęrópó,” yalepó.

¹⁷ Atéro dere fo Yesunę wosóló atimapaee duraalu, “Hepo daani hąle sesęre so wh̄i *dokta* beterepaae fumitei, hepo daale so wh̄iró tiki dore so wh̄itamo maaté fua dapó. Atétere kaae, ę wale alata wisi ala dere so wh̄ipaae ape yaai anitei, dowi ala dere so wh̄ipaae ape yaai walepó,” yalepó.

*Ọla weteremó Yesupaae wosale fo
(Mat 9:14-17, Luk 5:33-39)*

¹⁸ Téró, Jon-nę yó matere wh̄iraperó Farisi wh̄irapetamo atima ai sukamó ąla weyóló hąle beterepó. Tépa, mepaae so wh̄i Yesu beterepaae wóló ąpaae woseturaalu, “Jon-nę yó matere wh̄iraperó Farisi wh̄inę yó matere wh̄irapetamo ąla weyóló bitu dere kaae, Naao yó matere wh̄irapekélę ąla weóló bitini dere noatepa de?” yalepó.

¹⁹ Tétepa, Yesunę atimapaee tokó mótu duraalu, “Kale nomarape atima so dokore wh̄itamo betámó bituraalu, ąla weyóló hąle betaalóę? So dokore wh̄ikélę atima fea betámó beterepó ąla weyóló hąle betenęnipó.

²⁰ Téretei, me sukamó kale so dokore wh̄i atima betámó betepatei, menę ą tawóló só fole sukamó, atima ąla weyóló hąle betó muaalopó.

²¹ Mepaae wh̄inę kisi kuti kwia sóró derąakele kuti dakoróló nomotumipó. Atętepa, ti kale kisi kuti fę sókó fóló kóputuraalu, derąakele kuti dotouyó sóró, mo ti bisąere faalopó.

²² Atétere kaae, mepaae wh̄irapenę kale kęlaa wale kisi *wain* węi hupu sekaenę aleyale arói wutimó tepetumipó. Atę enalemó, kale węi mómu sókó faai tóputuraalu, ai kale hupu sekaenę aleyale arói wutikélę fulukó fóló, węikélę hąle besekęraalopó. Atę yaosóró, atimanę kisi *wain* węi tepeturaalu, ti hupu sekaenę aleyale kisi wutimótóró tepetua dapó,” yalepó.

*Yesu ąta sąa nokole be dę Talepó
(Mat 12:1-14, Luk 6:1-11)*

²³ Téró etęyalepó. Sąa nópóló tukóló muló betere sukamó, ą ama yó matere wh̄irapetamo *whit* kutu tuámó kutu betalepó. Atéro kutu bituraalu, ama yó matere wh̄irapenę ai kutómó ere *whit* bokóló nukulé fu betalepó.

²⁴ Atétere ala Farisi wh̄irapenę kolólo, ąpaae duraalu, “Sąa nokole sukamótei, naao yó matere wh̄irapenę atei kaae ala noatepa yópoló kaae tare? Sąa nokole sukamó kutó ditepa, mo doasi fo mulapó,” yalepó.

²⁵ Ai fo depa, ama atimapaee tokó mótu duraalu, “Depit-ró ama fulumu wh̄irapetamo wotetepa yale ala asemó yóló muló betereitei, diaaq dosaqayóló tué muni airapó.

²⁶ Kótópaee momaraterere be Abiatané teteróló kaae tawale sukamó, Depit a Kótóné be dolopaae sókó fóló, Kótóné keletómó melaairaaalu muló betere *bred* otei, a wotetepa sóró nalepó. Téturaalu, ama fulumu wh̄irape atimakélé matepa nalepó. Ti ai qlata, mo h̄ale wh̄iné nukupa, fo moleteiné kale momaraterere be kaae tare wh̄irapené maaté nukua dapó,” yalepó.

²⁷ Téró, Yesuné atimapaee duraalu, “Kótóné wh̄i aleyaletaite, s̄aa naai tukóló muló betere be de doi sóró horópóló ini, wh̄i tao saai kisipa mutu, ai s̄aa nokole be de tukóló muló beterepó.

²⁸ Atéreteiné Wh̄iné Naalema āta, ai s̄aa nópóló tukóló muló betere be de teteróló kaae tare Talepó,” yalepó.

3

¹ Téró me sukamó Yesu a fo wosetere bepaae sókó walemó, naase dowi wh̄i bet̄a betepa kelalepó.

² Kale S̄aa naai tukóló muló betere sukamótei, naase dowi wh̄i Yesuné wisiratémóló kelaai, mepaae wh̄irapené kele mulóló betó molepó. Aita h̄ale mei, kale tukóló muló betere be demótei wh̄i wisirarepa, a só deraai kisipa mutu yalepó.

³ Tépaitei, Yesuné naase dowi wh̄ipaae duraalu, “So wh̄i feané kolópólópa, ȳa turukó holóló daayae,” yalepó.

⁴ Atéró ama atimapaee woseturaalu, “S̄aa nokole sukamó so wh̄i tao sere ala depa fo mulepé, dowi ala depa fo mule? Wh̄i sukaqsóró tao sere ala depa fo mulepé, wh̄i dele ala depa fo mule?” yóló wosalemó, atimané āpaee me fokélé tokó menipó.

⁵ Ai wh̄irapené aitei kaae dore wh̄ipaae koletere ala ini, dow̄aae fu betepa Yesu a doasi sekei kisipa mutu, atimatamo fopaae buóló kale wh̄ipaae duraalu, “Naao naase teré̄e falae,” depa, ama naase teré̄e faralemó, kale dore naase mo wisiyó felepó.

⁶ Atéteremó, kale Farisi wh̄iraperó Herotné dere ala s̄ya fu betere wh̄irapetamo belapaae tó̄e fóló daalu, Yesu netéró daaló? yóló atimasasi k̄elaaróló, fo dokotu betalepó.

*Mo turó so wh̄iné Yesu s̄ya fele fo
(Luk 6:17-19)*

⁷ Téró Yesuró ama yóló matere wh̄irapetamo ai be taaróló, wēi k̄ela molepaae fóló beterepó, Kaleli haemó betó mole so wh̄i mo fea a s̄ya wou betalepó.

⁸ Yesuné ai alarape du beterepó dere fo woseturaalu, mepaae Judia hae kwiamó betó mole so wh̄ikélé, Jerusalem be hulua

so wh̄ikélé, Idomia hae kwiamó betó mole so wh̄ikélé, Jordan wēi fóku uté teró betó mole so wh̄ikélé, Tair be huluaró Saidon be huluatamo felekemó betó mole so wh̄ikélé, mo fea Yesu beterepaae wou betalepó.

⁹ So wh̄i mo dekeró wóló touró betepa, ama yó matere wh̄irapepaae duraalu, “So wh̄i touró betereiteiné a daayaaire t̄e munipa, wēi nuku belek̄aamalekó taleyóló mulae,” yalepó.

¹⁰ Ti noatepae, mepaae folosóro hepo dalóló betó mole so wh̄i wisirale ala kolóló, atima mepaae hepo daale so wh̄ikélé wisirópóló kisipa mutu, Yesuné tikimó wolaa yaai dapóló, araletamo t̄et̄e t̄et̄e wou betalepó.

¹¹ Téró, mepaae dowi keperapené Yesu keletere dokó a daale aqmó deraapisa fóló fió mulu, fo fakeyóló duraalu, “Ȳata, Kótóné Naalemapó,” dua yalepó.

¹² Ai fo depa, Yesuné kale dowi keperapepaae duraalu, “Ēta, Kótóné Naalemapóló, mo so wh̄ipaae h̄akeamó momókó deté kw̄eyaqs̄e,” yóló doasi fo mulalepó.

*12 aposel wh̄irape sóró beterele fo
(Mat 10:1-4, Luk 6:12-16)*

¹³ Téró, Yesu a du sorokó mole āpaee horóló bituraalu, ama tué mole wh̄irape maaté dosaqayóló ape depa, atima a beterepaae walepó.

¹⁴⁻¹⁵ Atéró wóló, ātamo fulumuyóló bet̄amó betóo, ama fo wisi yó melaté kw̄eyóo, dowi keperape doló h̄okonoo yópóló, 12 aposel wh̄irape sóró beterele p̄e.

¹⁶ Atima atéró sóró beterele 12 wh̄irapené doi etérópó. Saimon-tei, me doi Yesuné Pita mulalepó.

¹⁷ Sebedi naalema tamo Jems-ró noma Jon-tamokélé, Yesuné kisi doi Boanersis mulalepó. Ai doi beteta, Be Sapalaané naalema tamopó.

¹⁸ Andru, Filip, Batolomiu, Matyu, Tomas, Alpias naalema Jems, Tadeus, k̄alo k̄alo wh̄i Saimon, Iskariot wh̄ikó Judas atima atéró wh̄i sóró beterele p̄e.

¹⁹ Kale Iskariot be wh̄ikó Judas-ta, Yesu daai eleké deyale wh̄ipó.

*Yesu Belsebul-pó yale fo
(Mat 12:24-32, Luk 11:14-23, 12:10)*

²⁰ Téró, Yesu a bet̄a be dolopaae wóló beterepó, so wh̄i mo fea momómó tourale tikimó, Yesuró ama yó matere wh̄irapetamo qla naaitere t̄ekélé munipó.

²¹ Atétu beterepó, dere fo Yesuné hamaró nomarapetamoné wosetu a keyaa fole wh̄i kaae beterepóló, atima Yesu dape saai wóló betó molepó.

²² Atépa, mepaae Jerusalem be hulua amó wale Moses-né as̄ere fo yó matere wh̄irapené duraalu, “Dowi keperapené

topo kepe Belsebul Yesu tuámó bitu ʔa fotokoratepa, dowi keperape hqkonótua du beteraþó,” yaleþó.

²³ Ai fo du betepa, Yesuné ai kale so whjpaae ʔa beterepaae ape yóló atimapaae fo sale forape yóló duraalu, “Satan ʔtamo betʔa kutó ditere hamoma netéro doló hqkonaaloé? Ai kaae ala mo enénipó.

²⁴ Betʔa doasi topo whjiné teteró betere be hulua so whj atimasisitei bóe dupa, atétere be huluarape fotokq buóló betaaloé? Meipó.

²⁵ Betʔa faketamotei bóe dupa, ti atétere fake fotokq buóló betaaloé? Mo aténipó.

²⁶ Atétere kaae, Satan-né ama fulumu whjrapetamotei bóe dupa, ti ʔtei tuámó teketapó. Atéturaalu, fotokq buóló betaaire suni, ʔtei kemeyaalo ai ape.

²⁷ Mepaae whjiné doasi fotokq bole whj dokóló munéni, hʔle betepatei ama be fulukóló, ʔla ʔla senénipó. Folosóro kale whj ʔpi mo dirii képiné dokó mulóló, nalo ti ama be fulukóló ʔla ʔla fea sumó sóro fenérapó.

²⁸ ʔalo diʔpaae mo i dere ape. Kae kae dowi alaró Kótó faletere fotamota, ti Kótóné mo sumó tokóló aluraaloþó.

²⁹ Téyaalotei, mepaae whjiné kale Dej Kepe Wisi faletepa, atétere so whjiné dowi ala kwia mo alukélé eraalomeipó. Ai dowi ala kwia, mo hʔle muó tawaalo ai ape,” yaleþó.

³⁰ Ai fota Yesuné hʔle inipó. Atimané duraalu, “Yesu ʔa tuámó dowi keperape tepeyóló bituraalu dapó,” depa, ai fo yaleþó.

*Yesuné hamaró nomarapetamo
(Mat 12:46-50, Luk 8:19-21)*

³¹ Ai fo du betepa, Yesuné ama hamaró nomarapetamo wóló be belamó daae mulu, Yesupaae belapaae dere ape yae! yóló yó horaleþó.

³² Tétepa, ʔa boperóló betó mole so whjiné ʔpaae duraalu, “Naao haeró nonaaorapetamoné yʔa keþe wóló belamó ó daae mole ape,” yaleþó.

³³ Ai fo depa Yesuné atimapaae tokó mótu duraalu, “Ti ʔalo hae ó norape-a, de maaté?” yaleþó.

³⁴ Ai fo yóló, ʔa boperóló betó mole so whj kelené dokqyóló duraalu, “ʔalo hae ó norapeta, ti diʔtóróti i betere ape.

³⁵ Ti noatepae, mepaae so whj de Kótóné ama kisipa mole ala erótu betepa, ti ʔalo no ó ne ó haetóróti ai betere ape,” yaleþó.

4

*ʔla wae terepetere fo sale
(Mat 13:1-23, Luk 8:4-15)*

¹ Téró me sukamó ʔa wej fókupaae momó fóló bitu, kale fo wisi kaae sóro yó melótu betaleþó. Atéro, yó melótu betepa so whj mo dekéro waletikimó, ʔa betekþepa ai so whj

wej fókumó betó mupatei, ʔa wej nukupaae daane holaleþó.

² Ama atéro yó matere kae kae forape fea, fo salenétóro du betaleþó.

³ Ama atéro yó mótu duraalu, “ʔalo i dere fo wosae. Whj betané ama kutópaae ʔla wae ke terepeyaairaaalu sóro feleþó.

⁴ Atéro só furaalu, mepaae ke tʔ tuámó sókó deóló muó mupa barapené dósu yóló nukua yaleþó.

⁵ Téró, kale whjiné kutómó terepeté kuraalu, mepaae ke kapo tómó bole haemó terepée durupua yaleþó. Até yaleteti, ai hae mo apaae dereþéni, kane tómó bole hae ereteiné kale ʔla wae mo hapale holaleþó. Téyaleteti, feleke hae tuʔpaae doaló dereþénipó.

⁶ Atéro, kale ʔla wae holóta yaleteti, mo doasi diri sika wouraalu, kale ʔla kapo supuné tukó sóro séli yaairaaalu yaleþó. Ti aita, kale ʔlané feleke haepaae diriyóló dereþénireiteinépó.

⁷ Mepaae keta, dowi mu daai ne dolomó terepée durupua yaleþó. Atéyale ʔla wae holaletei, dowi nené bopée sóro muluraalu, du wisiyóló wolenipó.

⁸ Mepaae ke ti hae wisimó terepée durupua yaleþó. Atéyale ʔlata mo wisiyóló holóló, du woleyaleþó. Atéro, betʔa yo sóro fóló biliyaleteti ʔlumétepa suraalumo, 30-yorape ó mepaae 60-yorape ó 100-yorape fʔanótua dapó,” yaleþó.

⁹ Ai fo sale kemetepa, ama atimapaae duraalu, “Diʔ so whj detamo woséli daapa, ti i dere fo sale bete mo wisiyóló wosóló tué munérapó,” yaleþó.

¹⁰ Ai fo du betéro, nalo so whj mo fea fi tikimó, ʔa ama wotoró be dolopaae fóló betepa, ama yó matere 12 whjrapéro mepaae ʔtamo fuluyóló betó mole whjrapetamoné ʔpaae woseturaalu, “Naao ti yale fo sale da ʔlóló ʔlólórapa noa betené yaleé?” yóló wosaleþó.

¹¹ Ai fo depa, Yesuné atimapaae tokó mótu duraalu, “Tale Kótóné so whj mo fea ama teteró kaae tare ala hiróló moletei, diʔpaae betʔa hʔkearóló i yó melatere ape. Téteretei, mepaae hʔle mo so whjpaeta, ti fo sale foné maaté du beteraþó.

¹² Ti aita, i fo betené erapó.

‘Mió atimané kelené kilitu bitutei, ai ʔla mo diriyóló tué mutumipó.

Atimané woséliné wosetu bitutei, mo diriyóló wosóló, bete kisipa mutumipó.

Ai alatamo ini, atimané dowi ala taaróló, kisipa feteyóló Kótó beterepaae wapa,

ti atimané yale dowi ala kwia me ʔla meipóló, hʔle kemeranérapó,” erapó.

¹³ Téró Yesuné atimapaee duraalu, “I fo sale bete diá tuéni kóló kóló depa, ti mepaae fo sale forapekélé netérómo tué yaaloé?”

¹⁴ Kale ɔla ke terepeté kutu dere kaae, Kótóné ama fo wisi yó mótu beteraóp.

¹⁵ Kale ɔla wae ke tumó sorokó doropole kaaeta, mepaae whiné Talené fo yó matepa so whiné wosóló, tué tuámó mulateretei, Satan-né mo hapale tokósu beteraóp.

¹⁶ Téró, kale kapo tómó bole haemó terepée derepele ɔla wae kaaeta, kale fo wisi wosóló hēkesetamo sua dapó.

¹⁷ Téretei, ɔla wae feleke haepaae mo ti derepéniru ere kaae, kale fo wisi hāleke sukamó maaté wosóló taalatapó. Ai kale fo wisi woseteremó, mepaae sekei ala ó doasi delei ala eratepa, atima téti hapaletóro dée nukua dapó.

¹⁸ Kale dowi mu daai ne dolomó terepée derale ɔla wae kaaeta, kale fo wisi mo wisiyóló wosóló hēkesené sukutere whípó.

¹⁹ Téretei, mió i haemó bitu doasi whaalia du betere alakélé, doasi néli whi betenée yóló, mutere kisipané kópaee faróló dilikitu betere alakélé, mepaae wisi wisi ɔla senée yóló mutere tuékélé a tuámó kaayóló sókó wouraalu, kale fo wisi botokó sóro alurótu betereiteiné du wisi oletimipó.

²⁰ Hae wisimó terepée derepele ɔla wae kaaeta, ti kale fo wisi mo wisiyóló wosóló, ama tué tiki tuámó sóro mulótua dapó. Atétere whiá, ɔla wae yo betá sóro fóló biliyaleiteinétei, ɔlumétere alimó suraalu mepaae 30 yorape ó 60 yorape mepaae 100 yorape faanótua dere kaae, mepaae so whi tuámó Kótóné fo atéro du oletua dapó,” yalepó.

*Sá dalóló hākeamó mulatere fo
(Luk 8:16-18)*

²¹ Téró ama atimapaee duraalu, “Sá deróló nuku aqmó ó me ni fake aqmó kinóló mulótimipó. Tēni, ai sá de so whi feané kolóppóló, sá daalaterē ni fake tómó fopa hākeamó mulótua dapó.

²² Ti mió kikití hiró betere ɔla feata, take nalo hākeamó mulatēpa so whiné tué yóppóló erapó. Mió kinóló muló betere ɔla fea take nalo hākeamó mupa, so whi feané kolóppóló erapó.

²³ Diá mepaae so whi woséli daapa, ti i dere fo sale bete mo wisiyóló wosóló tué yóppóló yae,” yalepó.

²⁴ Atéro, ama yale fo kaae atimapaee momómo duraalu, “Yalo diápaee i dere fota mo wisiyóló wosóló tué muae. Naao meteró ɔla atimamó matepa, ti Kótóné yamókélé naao ai matere sūtóróti móturaalu, mepaae tómó belerólókélé melaalo ai ape.

²⁵ Whi me dené ama tare ɔlatamo tawóló betēpa, ti atétere whiápaee ama ai tare tómó, Kótóné me kae beleróló melaalóp. Whi me

denétamo me ɔlakó tanipa, ti ai sekéné ama mo sawa tareteikélé, Kótóné momó tokó saalo ai ape,” yalepó.

ɔla wae hoterepaee dó faróló yale fo

²⁶ Téró ama kale yale fo kaae momó duraalu, “Kótóné teteróló kaae tare aqmó betere alata, ti betá whiné kutómó ɔla wae ke hilitu dere kaaepó.

²⁷ Atéro biliyale kɔlɔpaee deŕtamo ó dilikitamo fipa, ó turukó horóló betepakélé, kale biliyale ɔla wae tumu haemó noaró sokotéropóló, kale whiné ama tué mutumipó.

²⁸ Ere ɔla feata, haenétei fotokoróló sókó hotapó. Tumupi sókó horóló, sóku woleyóló, nalo ti fua dua dapó. Atéro fua yóló, tuá dolomó ti whiné naaire ke butapó.

²⁹ Ai kale ɔla ɔlumétere alimó, ti kale kutó tale a sepaketamo fóló, ɔlumére ɔla siré kotapó,” yalepó.

*Mastard kepaee dó faróló yale fo sale
(Mat 13:31-35, Luk 13:18-19)*

³⁰ Téró, atimapaee kale fo kaae momó duraalu, “Kótóné teteróló kaae tare aqmó mole ala diaaó kɔlɔpa yóppóló, yalo noa ala sūróló yó melaaloé? Me noa fo salepaee dó faróló yaaloé?”

³¹⁻³² Kótóné teteróló kaae tare aqmó mole alata, *mastard* ni ke kaaepó. Ti *mastard* ni keta, mo sawa belekaamaletēi, haemó bilitepa huturaalu, ti kutómó mepaae yó mole ɔla fea teteróló, tetejrape fola fua dapó. Atéro, doasi tei fale sirimó barape daaneta dapó,” yalepó.

³³ Yesuné so whiápaee fo yó móturaalu, atei kaae fo salenétóro dekéro yó mótu betalepó. Téturaalu, atima so whiné wosóló kɔlɔpa yaaitere sūtóro yó melaté fu betalepó.

³⁴ Ama fo yó matere dokó hāle mo so whiápaeta, ti fo sale fonémaaté yó mótua yalepó. Téyaletei, ama yó matere whiárape atimasisi bituraalu, ti ama yó matere forape fea bete tokóló yó mótua yalepó.

*Yesuné weí asya bérale fo
(Mat 8:23-27, Luk 8:22-25)*

³⁵ Atétu betéro, be dikiteretamo ama yó matere whiárepaee duraalu, “Dá nukutamo uté tē faalopa fiépe,” yalepó.

³⁶ Ai so whi atima weí fókumó betó mupatei taaróló, Yesu a nukumó hāle betēpa, ama yó matere whiárape atima maaté felepó. Atéro fupa, mepaae nukurapekélé, atima fea betámó felepó.

³⁷ Téró ai weí tuámó fu betalemó, doakale besé tikiró weí asyatamo hapale sókó wouraalu, weí nuku dolopaae bosene dorowóló, kale nuku mo felekemó buó deyaai yalepó.

³⁸ Até depatei, Yesu a nuku sisóratere salemó toró mulóló noke fipa, ama yó

matere wh̄irapené ą turukuróló duraalu, “Yó matere wh̄i-ó, ą weíné mió mo felekemó sóró i aluratapa, naao ą ą kolenié?” yalepó.

³⁹ Atétepa, Yesu ą turukó holóló, kale wēi asyaró besé tikitamo foné sóró duraalu, “Ai wh̄aau yóló hoteretei taaróló, béyóló dono fae,” yalepó. Téyalemó, kale wēi asyaró besé tikitamo tukóló béyóló dono felepó.

⁴⁰ Ai fo yóló, ama yó matere wh̄irapepaae duraalu, “Dią noatepa wiyóló diri furu furu dute? Dią tuę tiki tiróló bitini airapó,” yalepó.

⁴¹ Ai fo deremó, winé sukóló atimasisitei duraalu, “Haiól! ą noa wh̄iné dérópó. Kale wēi asyaró besé tikitamonékélé, ama dere fo wosóló, ą aqmó sukóló bitupó,” yalepó

5

Dowi kepe betere wh̄i wisirale fo

(Mat 8:28-34, Luk 8:26-39)

¹ Téró, atima ai wēi ąela teyóló Kadarin wh̄irapené hae kwiamó sókó felepó.

² Atéró fóló, ą nuku taaróló hae taopaae taae felemó, betą dowi keperape tepeyóló betere wh̄i, wh̄i douratere tikimó bitu Yesu-tamo hokolaayaaai walepó.

³ Ai wh̄i ą mo bemó bitini, wh̄i dou tómó bitua yalepó. Atére wh̄i mené mo képiné ó dirii *sein* képinékélé ą dokonénipó.

⁴ Take suka fea *sein* képiné ama hóró naasetamo dokotua yalemó, ama fokónétei hąle turukó falatua yalepó. Atéreteiné wh̄inékéle ą tawóló dokóló béranénipó.

⁵ Ai wh̄i ąta, sukutamokélé, dikitamokélé, be ątere dokó fea wh̄i dou tómó bituraalukélé, du sorokó mole tikimó bituraalukélé, doasi keterę yóló, amatei ama tiki kapo fosóné tikitua yalepó.

⁶ Atétu betere sekéné Yesu mo umó daapa ą sururu yóló wóló kelalemó, Yesu doa wh̄ipa kilituraalu, ama hó aqmó bukutiri teyąró bitu derepelepó.

⁷ Atéró bitu, fo fake yóló Yesupaae duraalu, “Yąta, ó są taoró teteró betere Tale Kótóné Naalemapa, naao ępaae noa alakó eraai waleé? Naaó ę dele seróló susupu eraalomeipóló, Kótóné doi yóló dirii malo dumié?” yalepó.

⁸ Ai fo depa, Yesuné kale wh̄ipaae duraalu, “Dowi kepe-ó, yą ai wh̄i tuąmó betereitei taaróló sókó fae,” yalepó.

⁹ Ti fo fóló, Yesuné ąpaae woseturaalu, “Naaó doi deé?” depa, ama tokó mótu duraalu, “Yąlo doita Lisanipó. ą mo hąle ąla kaae i betó mole ape,” yalepó.

¹⁰ Atéró Yesupaae atima betere tiki taaróló fópóló hąkonaąse fo momó du, momó du, du betalepó.

¹¹ Ai du sokore aqmó, hupurape mo hąle ąla kaae kimimó daae molepó.

¹² Atépa, kale dowi keperapené Yesupaae duraalu, “ą ai hupurape tuąpaae bitu derepaaí dapa, naao ą dotonaasepe,” yalepó.

¹³ Ti fo deremó, Yesuné atimapaae téyae, depa atima kale wh̄i tuąmó betaleteti taaróló sorokó furaalu, hupurape tuąpaae bituą yalepó. Atétepa, kale hupurape atima botokó feletikimó, kulamó doropóló weíné sorokó fóló, mo fea sisiraae felepó. Ai hupurape dokó sóró touróturaalu, 2000-rópó.

¹⁴ Atétere ala kolóló, kale ai hupurape kaae tare wh̄irape atima botokó fóló, ipu bemó betó mole wh̄iraperó doasi be huluumó betó mole wh̄irapetamopaae i ala yalepóló ene felepó. Tétepa, kale so wh̄i atima doasi be hulua tuąmó noa alakó du bitu dérópóló, kelaai felepó.

¹⁵ Atéró, atima Yesu betere tikimó sókó wóló kelalemó, dowi keperape mo hąle ąla kaae tepeyóló betale wh̄itei kuti wisi deróló mo kisipa wisi mole wh̄i kaae betepa kilitu, atima wiyalepó.

¹⁶ Téró, ai ala depa kelale so wh̄iné mepaae wale so wh̄ipaae i kale wh̄i tuąmó betale dowi keperape hąkonale alaró hupurapepaae erale alatamo fea yalepó.

¹⁷ Atei fo woseturaalu, so wh̄iné Yesupaae, “Yą atima betere hae kwia taaróló fae,” yóló, ętu betalepó.

¹⁸ Ai fo deremó, Yesu ą nukupaae bitu derepaaí depa, kale dowi kepe tepeyóló betale wh̄iné Yesupaae, “Ąkélé yątamo fenére?” yóló wosalepó.

¹⁹ Tétepa, ai wh̄i ątamo faai waąsóró seséyóló duraalu, “Talené kolené suntu yąpaae erale ala naao hae aya, no nerapepaae yó melaai fae,” yalepó.

²⁰ Ai fo depa, kale wh̄i ą atéyale tiki taaróló, Dekapolis be huluarapepaae fóló, Yesuné ąpaae erale ala so wh̄i feapaae yó melalepó. Téyalemó, kale so wh̄i mo feané ai dere fo woseturaalu, hai-ó! yóló siratu betalepó.

Sukąle senaaléro betą kisi daale sotamo wisirale fo

(Mat 9:18-26, Luk 8:40-56)

²¹ Téró, Yesu ą nukumó kale wēi momó ipaae tę wóló daapa, so wh̄i mo dekeró ą beterepaae boperąle wóló betó molepó.

²² Yesu ą atéró beteremó, Kótóné fo wosetere be kaae tare topo wh̄i Jairus wóló Yesu kelalemó doasi wh̄ipa kilitu, ą daale aqmó deraapisa fóló muluraalu, i fo yalepó.

²³ “Doa wh̄i-ó, yąlo senaale felekemó sukąai depa ę yą ąle walepa, kisi bete wisi yópóló, ama tikimó naao naase

mulaasepóló mo miótóró dāmo wusuró faalopó,” du betalepó.

²⁴ Ai fo depa, Yesu a kale wh̄tamo wusuró fupa, so wh̄i mo feané atimaamo busuró felepó.

²⁵ Atima atéró fu betepa, 12 ba fo tuāmó hepo daalu samea fu betere so betā walepó.

²⁶ Dokta wh̄irape feané kale so wisiraai dapóló, fea ala fea yalemó wisini, atimané ai yale alané kale soné kisi betetei mo ti fake yalepó. Téturaalu, ama *monikélé* h̄ale kemeralepó.

²⁷ Yesuné mepaae so wh̄i wisiraté kutu beterapó dere fo kale soné wosóló, a so wh̄i kuamó buté buté wóló, Yesuné kuti salemó wolaayó salepó.

²⁸ Ti noatepaae, kale soné ama tuéné Yesuné kutimó maaté wolaa depa, ama tiki tuāmó daale kisi bete wisiyaalopó kisipa mutu wolaayalepó.

²⁹ Atéró, wolaa deretamotóró kale so a samea fu betaletei tikituraalu tiki felétepa ama kisi bete mo ti kemeyalepó kisipa mualepó.

³⁰ Até yale tikimó, Yesuné ama fotokó sókó foletai kisiparu, a so wh̄i kua dolométi fetée fóló duraalu, “Yālo kutimó né wolaa yalé?” yalepó.

³¹ Tétépa, ama yó matere wh̄irapené āpaae tokó mótu duraalu, “Mo turó so wh̄iné yā ai betekini betekini du betepa, e né wolaa yalé? fo-a, noatepa de?” yalepó.

³² Tétépa, Yesuné a wolaayale wh̄i kelai kelené dokó du betalepó.

³³ Atétepa, kale soné āpaae erale alamó tué muturaalu, a witamo diri furu furu du bitu Yesu daale aqomó deraapisa fóló mulu, ama mo yale alatóró fea Yesupaae h̄akearóló yó melalepó.

³⁴ Tétépa Yesuné kale sopaae duraalu, “Ti senaale-ó, naao tué tiki tiró betale alané yā dele su betale kisi bete ai wisiyalepa, naao hosaa muni deóló dua fae,” yalepó.

³⁵ Kale sotamo ai fo du betepatei, Kótóné fo wosetere be kaae tare wh̄i Jairus-né ama be wh̄irape wóló āpaae duraalu, “Naao senaaleta mo ti sukālepa, ai yó matere wh̄ipaae naao me fo kae ini, ama teǒpóló taalae,” yalepó.

³⁶ Ti fo depa Yesuné atimané ai dere fo sisópaae eróló, kale fo wosetere be kaae tare wh̄ipaae duraalu, “Yā wh̄aalaa yóló dei tué muni, tué tiki betā tiraae,” yalepó.

³⁷ Mepaae wh̄irape ātamo faaitapóló waǒsóró seseyóló, Pita, Jems, ama noma Jon atima betā ātamo faai dape salepó.

³⁸ Atima atéró fóló, kale fo wosetere be kaae tare wh̄iné bemó sókó felemó, so wh̄i mo h̄ale ǒla kaae kale senaale bopé tómó betó muluraalu, mo dekené suk̄i moló yóo, mepaae so wh̄i ti atima hosaa tuāmó dekené sukuturaalu, wole kaape maaté

dorowóo, mepaae so wh̄i ti h̄ale fo tiki wh̄aae yóo, du betepa kelalepó.

³⁹ Atéró, Yesu a be tuāpaae fóló, aimó betó mole so wh̄ipaae duraalu, “Diā fo tiki wh̄aaró wole-utamo noatepa du bitute? Ai senaaleta mo ti sukuni, kapala noke ai fire ape,” yalepó.

⁴⁰ Ama ai fo deremó, kale so wh̄iné a dō nalalepó. Tétépa, Yesuné mo so wh̄i fea belapaae h̄okó faróló, ātamo wale wh̄iraperó kale senaalené hamaró alimatamo betā kale senaale mole be dolopaae felepó.

⁴¹ Téró, Yesuné kale senaale naasemó tao sóró duraalu, “*Talita kum*” i fo feteyóló “Ti senaale-ó, yālo yāpaae dapa turukó holae,” yalepó.

⁴² Ai fo deretamotóró kale senaale turukó horóló kweyalepó. Ai senaale a betale ba fota, 12-rópó. Ai be dolomó ātamo daae mole so wh̄iné atétere ala kilituraalu, hai-ó! yóló siratu betalepó.

⁴³ Atéró, Yesuné atimapaee i ala yalepóló mepaae so wh̄ipaae momókó deté kweyaǒse yóló fo mulóló, kale senaalemó ǒlakó melae yalepó.

6

Kótóné kǒló wh̄i ama bemó doi munire fo (Mat 13:53-58, Luk 4:16-30)

¹ Téró Yesu a atéyale be taaróló, ama yó matere wh̄irape atima ama turuku be huluaapaae felepó.

² Atima atéró fóló bituraalu, kale s̄aa nóló beterǒpóló tukóló muló betere sukamó a fo wosetere be dolopaae fóló, fo kaae sóró yó melalepó. Atéró yó melalemó, so wh̄i feané ama yó matere fo wosóló sirayóló duraalu, “I wh̄iné ama tué tiki dotoróe fóló du betere doasi kelemei alarape-a, momó salerǒpó?”

³ Ti āta wh̄i me kae mei, kale Mariané naalema be tētere wh̄i meí? Ama nomarapeta, Jems, Joses, Saimon, Judas-sépi atima imó bitiníe? Ama nemarapekélé, dātamo i betó mole ape,” yóló atimané a h̄ale mo wh̄i nisiyóló dei tué muturaalu faletu betalepó.

⁴ Ai fo depa Yesuné atimapaee duraalu, “Kótóné ama kǒló wh̄i kae be huluaapaae fupa ti ai so wh̄iné a dukiróló, ama doi sóró horótu betereitei, ama kekelé so wh̄iró ama turuku be hulua so wh̄itamóné a dukiróló, ama doi mulatere ala dumipó,” yalepó.

⁵ Atéró a ai bemó bituraalu, mepaae kelemei alarape erénitei, betā betā hepo daae mole so wh̄i maaté ama naase mulóló, wisirótua yalepó.

⁶ Atéró, so wh̄i feané āpaae tué tiki tirénitere noatepa dérǒpó kisipa mualepó. Téró, felekemó tēté fale be hulua dokó Yesuné kale fo wisi yó melaté fu betalepó.

Yesuné 12 wh̄irape doteyale fo (Mat 10:5-15, Luk 9:1-6)

⁷ Ama soro betero betere 12 whirape a beterepaae ape yolo, so whi tuamo betere dowi keperape dolol hokonopolol, atima fokok bulolol soro beterelep.

⁸ Atayale kilipaae atima tamo yolo dotonaairaa, etei ma fo yalepo. "Dia furaalu mepaae nokole olakel, monikelé to dolomol bulolol fae.

⁹ Tetu, bukaaire kutikelé me dekaaporolol soro feni, hokele be betah horolol, dotol tiki tawolol fae.

¹⁰ Dia me be huluumol sokol furaalu, betah whine bemol fitepa, ti ai bemotorol bitire folol, me bepaae furaalu, ai be taala.

¹¹ Kale dere kaa, dia me be huluumol sokol felalemol, dia wisiyolol dape seni yoo, diaoq dere fokelé woseni yoo depa, dia faairaa i ala yae. Ai be hulua so whi diaoq atimapaee wisi ala eraai yalemol, atimanetei hotepa taarolol felepokol kiswa yopolol, diaoq hokele bemol dakere hae terepee derolol fae," yalepo.

¹² Atima aterol folol, kale fo wisi yoo motu duraalu, "Diaoq dowi ala taarolol tué tiki feteyolol betenrapolol," yoo melaté kutu betalepo.

¹³ Atima aterol kuturaalu, mepaae so whi tuamo betere dowi keperape dolol hokonotua yoo, mepaae kisi dalolol mole so whi wel wei dilolol wisirotua yoo, yalepo.

Jon depa tikale fo

(Mat 14:1-12, Luk 3:19-20, 9:7-9)

¹⁴ Yesuné erotu betere kelemei ala so whi feané kololol duraalu, "Aita, wei topurater whikol Jon mo sukopolol daletei, momol kepaayolol beterepo. Atere fotokone ama mepaae doasi kelemei alarape erotu beterepolol," so whine ama dolol sokotere fo kale topo whi Herot-né wosalepo.

¹⁵ Atépa mepaae so whine duraalu, "Aita Iaija kepaayolol beterepo," depa, mepaae so whine mo duraalu, "Aita, Kotoné kolol whikol du yalepo," du betalepo.

¹⁶ Aterol kulu kulu sokotere fo topo whi Herot-né wosolol duraalu, "Ai whita me kae mei, yalo depa tukolol dale whi Jon momol kepaatu yalepo," yalepo.

¹⁷⁻²⁰ Ai alata haje ini, Filip-né so Herodias noma Herot-né tokolol dokalepo. Ateteremol, Jon-né kale topo whi Herot-paae, "Naoo noné sotei tokolol dokotere ala fo mulapol," yalemotei, Herot-né ama diki tare whirapepaae Jon dapesol folol, dirii keline dokolol, "Dipula beterae," yalepo. Ateteremol, kale so Herodias a doasi fopaae buturaalu, Jon daaitere tu kikitua betalepo. Teyaletei, Herot-né Jon a mo donoi alamaate yoo tapa, Kotoné mo kae betero betere whi wisipolol kiswa mutu, ama somané yaai dere ala seseyalepo. Ti noatepaae, Herot-né Jon-né

du betere fo ekele yolo wosetu betaletei, ai foné bete ama kiswa seni, kolol kolol yalepo.

²¹ Tero, Herodias-né Jon daaire tu keketé folol, nalo ti etei kaa tu kelalepo. Herot a deale be de wapa, ama soro betero betere doasi whirapemokel, ama diki tare whirapene topo whirapemokel, Kaleli haemo betol mole doi mole whi disirapemokel, mo doasi ola deralepo.

²² Atima aterol ola deyoal nuku betaalemol, kale so Herodias-né senaalema sokol wolol, kiliyaleteine Herot-ro ama ola naai wolol betol mole so whitamo doasi hekeserotu betalepo. Ateteremol a hekeseturaalu, kale topo whine kale so seimalepaae duraalu, "Ya noa olakol saai tué mute? Naoo saai tué mutere ola yalo melaalopa, epaae yae," yalepo.

²³ Aterol, Herot-né kale so seimaletamo mo dirii fo yolo mulotu duraalu, "Yalo tetorolol kaa tare haekelé tuamol tekeyolol, o mepaae ola ola kwipaee ya saai tué mutepa, yalo ya melaalop," yalepo.

²⁴ Ai fo depa kale so seimale a folol, hamapaae woseturaalu, "Emol noa olakol melopolol apaae yaroe?" depa, hamané duraalu, "Kale wei topurater whi Jon depa tukolol, ama topo du betah alae yae," yalepo.

²⁵ Ti fo depa, kale senaale hamané dere fo wosolol, a kale doasi topo whi Herot beterepaae folol duraalu, "Kale wei topurater whi Jon-né topo mo miotoroti tukolol, nuku tomol belerolol alae," yalepo.

²⁶ Kale senaalené ai fo deremol, Herot a fomo duraalu, kutiri humula yalepo. Teyaletei, ama ola naai wolol betol mole so whi feané keletomol, ama yolo mulale dirii fo tikepa, teyaalop yalepo.

²⁷⁻²⁸ Aterol, Herot-né hapale tetitorol kale whi du betere whipaae duraalu, "Ya dipula bepaae folol, Jon depa tukolol ama topo du soro ape," yolo doteyalepo. Tetepe kale whi folol, Jon depa tukolol topo nuku tomol belerolol soro wolol, kale so seimalepaae melatepa, amamo hamapaae male felep.

²⁹ Jon aterol depa tikalepo dere fo woseturaalu, ama yoo matere whirape wolol, ama tupulol tiki betol soro whi bulatere kane dolomol douralepo.

Yesuné 5000 whi ola melale fo

(Mat 14:13-21, Luk 9:10-17, Jon 6:1-13)

³⁰ Tero Yesuné doteyale, aposel whirape atima a beterepaae fesaae wolol Yesu bop-erolol daalu, atimané yoo male forol yale alatamo apaae yalepo.

³¹ Aterol yoo motu betepa, so whi mo fea fua wua du bituraalu atima ola naaire tekélé munipa, Yesuné atimapaee duraalu, "Da i betere tiki taarolol, so whi bitinire tikipaae saha nolol bitu faalopa ape," yalepo.

³² Atéró, atimasisi so whi bitinire tikipaae betaai weí nukumó felepó.

³³ Téyalemó so whi feané atima foletei kolóló, atimatamo hokolaa yaairaaalu, Yesusépi faai dere tikipaae hae tumó so whi atimapi hapale sókó fóló betó molepó.

³⁴ Atéró, Yesusépi atima nuku taaróló, haepaae taae doropóló kelalemó, so whi mo hāle ɔla kaae wóló betó molepó. Ai so whi ta kaae tare whi meiyóló, atima kōleaané betó mole *sipsip* hupurape kaae betepa kilitu, Yesuné atima kōlené sukālepó. Téturaalu, Yesuné atimapaee bete mole forape fea yó melaaí kaae salepó.

³⁵ Atéró yó melaté fu betepatei, be mo ti dikiyalepó. Atétepa, ama yó matere whirape a daalepaae wóló duraalu, “Doai so whi-a, whikélé bitinire tikimó betepatei, be ai diki yale ape.

³⁶ Térapa, ti felekemó tē mole beraperó ipu berapetamopaae ɔlakó atimanétei dupuyóló naleta yópóló, dotēyaasepe,” yalepó.

³⁷ Ai fo depa ama atimapaee duraalu, “Atimané naaire ɔla diaaɔtei melae,” depa, atimané ɔpaae duraalu, “Atima naaire ɔla 200 *denarias moniné* šumó dupunére?” yalepó.

³⁸ Ai fo depa ama atimapaee duraalu, “Ti wisirapa, *bred* o bulakó meteró muléró keke fae,” yalepó. Ai fo depa, atimané keke fóló ɔpaae duraalu, “*Bred* o bula aporó yóo, ya tamo yóo yóló betā mulapó,” yalepó.

³⁹ Atépa ama atimapaee duraalu, “Bukóló kae kae beterae,” yalepó.

⁴⁰ Ai fo depa, ama yó matere whirapené kale so whirape dosɔayóló, 100 whirape betɔpaae yóló kae beteróo, mepaae 50 whirape betɔpaae yóló, kae beteróo, yalepó.

⁴¹ Atéró beteróló, kale *bred* o bula aporó yóo, ya tamo yóo yóló, taru hepen-paae kese horóló momaturaalu, Talepaae mo kēe yóló kemetepa, kolokóraalu yóló, ama yó matere whirapepaae melalepó. Tétépa atimanémo mo so whimó ɔliralepó.

⁴² Atéró, ai ɔla atima mepaae so whi hɔsókó diní, mo fea šumó nalepó.

⁴³ Atéró nóló muni fele *bred* oró ya bukitamo ama yó matepa, wosetere whirapené siré kweyóló, 12 yorape deyóló faanalepó.

⁴⁴ Soraperó naale senaetamo dosɔani, ai ɔla nale whirape maaté dosɔayóló touróturaalu, 5000 whirapepó.

Yesu weí tómó daaté fele fo
(*Mat 14:22-33, Jon 6:16-21*)

⁴⁵ Atétu beteró, mo ai fapotóróti Yesu a ai touró betere so whipi fópóló kaae taru, ama yó matere whirape atimapi weí nuku sóró Betsaida bepaae fópóló, dotonalepó.

⁴⁶ Atéró, nalo Yesu a ama wotoró bituraalu, so whipaae kōle-ó yóló fópóló

dotonóló, a du sorokó mole ɔpaae moma yaairaaalu felepó.

⁴⁷ Atéró be dikité dorowaletamo, Yesuné ama yó matere whirape atima nukutamo weí kulu tuamó fu betepa, a ama wotoró weí fókumó beterepó.

⁴⁸ Atéró bituraalu kelalemó, ama yó matere whirape atima nuku bisiki fotokoyóló itu betepa kelalepó. Ti noatepae, atima faai fole tikiró besé tiki wouraaalu, fotokōné bisiki tētepa, mo fotokoyóló itu betalepó. Atétu betepa, be mo deyaai du beteretamo Yesu a atima dekeróló faai, weí tómó daaté walepó.

⁴⁹ A weí tómó atéró daaté waleteti atima feané kolóló, kepe wale nisiyóló wituraalu atima keteré yalepó.

⁵⁰ Até deretamo Yesu sókó wóló atimapaee duraalu, “Ita ɛpa, wiyaɔse. Diaaɔ hosaa diriyóló dua betae,” yalepó.

⁵¹ Yesu atéró weí tómó daaté wóló, nuku tuɔpaae taae holalemó, kale wou betale besé tiki tikalepó. Atétere ala kolóló, kale whirape atima siratu betalepó.

⁵² Atéró ɔla kolokó daalu yóló nale bete atima wisiyóló kisipa muni, atimané tué tiki hapólu ipakalepó.

⁵³ Atéró, atima weí tē Kenesaret haeró fóló, kale nuku ai dulalepó.

⁵⁴ Atima atéró, nuku dulóló haepaae taae feletamotóró so whi mo feané Yesu kilitu, a Yesupóló kisipa yalepó.

⁵⁵ Atéró, Yesu kelale so whi mo hapale fóló, ai hae kwiamó tē mole be hulua feamó hepo daróló betó mole so whi beleyóló, Yesuné wisirópóló, a kotere tiki dokosó fua yalepó.

⁵⁶ Atéró Yesu a sawa be huluarapepaaekélé, doasi be huluarapepaaekélé, ipu berapepaaekélé, kotopa so whiné ai ala deté kutu betalepó. Atéturaalu, mepaae ai be huluamó hepo dalóló betó mole so whi ɔla dupuneta dere tikimó beteraleta yalepó. Atéró betó mulu, Yesupaae woseturaalu, “Naao kuti salemó maaté dané wolaa yó su yaaitapóló,” dotopoi fo du betalepó. Atéró, Yesuné kuti salemó maaté wolaa yale so whi fea wisitua yalepó.

7

Bólu inipatei fokotere fo
(*Mat 15:1-20*)

¹ Atéró, kale mepaae Farisi whiraperó Moses-né yóló muló betere fo yó melatere whirapekó mepaae whirapetamo atima Jerusalem be taaróló, Yesu beterepaae wóló a hopéróló betó molepó.

² Atima atéró wóló betó mulu, Yesuné yó matere whirape atima naase fokoni, ɔla nuku betepa kelalepó. Atétepa, kale whirapené duraalu, “Da ɔla naai naase

fokutu dere kaae atimakélé fokotere noatepa dérópó,” du betalepó.

³ Ti noatepae, kale Farisi wh̄iraperó Juda wh̄irapetamo atima alimrapené mara mole ala sya furaalu, naase bólu epa, ó bólu inipatei naase fokonitepa, ti atima ɔla naalomeipó.

⁴ Atéturaalu, atima ɔla dupuneta dere tikipaae fi wóló, atimané tiki bólu inipakélé w̄ei tópunipa, ti atima ɔla nukua dumipó. Téturaalu, atimané alimrapené kae kae mara mole alarapekélé hotowa yóló sya fu dere kaae, atimané ɔla detere wutirape ó w̄ei nokole wutirapekélé fea fokóló nukua dapó.

⁵ Atéreteiné kale Farisi wh̄iraperó Mosesné as̄ere fo yó matepa wh̄irapetamoné Yesupaae duraalu, “Naao yó matere wh̄irapené d̄ané ayarapené mara mole ala sya fóló, atimané naase fokonipatei ɔla nukua dere-a, noatepa de?” yalepó.

⁶ Ai fo depa Yesuné atimapaee tokó mótu duraalu, “Kótóné ama kóló wh̄i Aisiaiané dīa tó tikiné sik̄ilire wh̄irapemó tué muturaalu, i fo mo donotóro aseyóló muló beterepó.

⁷ I so wh̄i atimané hosaa tuamó ɛ sóro betereñirutei, h̄ale kólóné maaté yālo doi hale sóro horótu beterepó.

⁷ Atimané yó mótu betere fota, bete munipatei mo wh̄iné kisipané kekeme nóló i ala yae ó yāose du beterepó.

Atima ɛ aomó bitinirutei, h̄ale foné maaté Tale-ó du beterepó, erapó.

⁸ Ti diaaɔ ayarapené mara mole alatóro h̄ale sya fu bituraalu, Kótóné yae yóló muló betere fo eréni, taaló ai betere ape,” yalepó.

⁹ Téró ama atimapaee duraalu, “Kótóné yae yóló muló betere fo sisópaae eróló, dīané ayarapené mara mole ala wisirapóló ai sya fu betere ape.

¹⁰ Ti noatepae, Moses-né i fo aseyóló muló beterepó.

‘Naao ayaró haetamo aomó sukóló bituraalu, atimaamoné doi hale sóro horótu betae,’ erapó. Me fo i ape. ‘Mepaae wh̄iné ama hamaró alimatamo tekeratere fo depa, atétere wh̄i mo ti sukópóló dae.’ fo aseyóló muló beterepó.

¹¹ Ai fo epatei, diaaɔ i fo du beterepó. ‘Mepaae wh̄iné ama hamaró alimatamopaae duraalu, “Yālo mole ɔla ɔla diaamo tao sóro mólūatei, Kótópaae melaletéiné dīaamo werapó. Yālo mole ɔla feata, Koropani, ai fo feteyóló Kótó melale ɔlapóló mo so wh̄iné supa, ti fo mulapó,”’ dua dapó.

¹² Kale mepaae wh̄iné ama hamaró alimatamo tao saairetei diaaɔ atétere alané sesétu beterepó.

¹³ Ti dīata, diaaɔ ayarapené mo deté wale mara mole ala sya furaalu, Kótóné fo h̄ale ɔla kaae aqrótu beterepó. Take ai ala deté

wale kaae, mió diaaɔkélé atei kaae alarape h̄oko ai du betere ape,” yalepó.

¹⁴ Téró, Yesuné kale mo so wh̄i ɔ beterepaae momó ape yóló duraalu, “Dīa feané yālo i dere fo mo diriyóló wosóló tué muae.

¹⁵ Mo nokole ɔla wh̄iné tiki tuapaae durupuraalu wh̄i dorótimpó. Tényi, wh̄iné tiki tuamó kaayóló sóko wale alané bet̄a wh̄i doratapó,” yalepó.

¹⁷ Atéró, Yesu ɔ ai so wh̄i betepa taaróló, fóló bemó beterepó, ama yó matere wh̄irape ɔ beterepaae wóló, ama kale yale fo sale fo noa betené yalerópóló apaae wosalepó.

¹⁸ Ai fo depa ama atimapaee duraalu, “Dīakélé, diaaɔ kisipa tiki hapólu eruraalu, yālo ai yale fo bete tuéni airapó. Mo nokole ɔla wh̄iné tiki tuapaae doropóló wh̄i doréni deretei, dīa kisipanié?

¹⁹ Ti mo nokole ɔlata, wh̄iné hosaa tuapaae sóko fumitei, depapaae doropóló, di alée fulapó,” yalepó. Yesuné ai fo ereteiné nokole ɔla fea naaitepa fo munipa, nae erapó.

²⁰ Ai fo tómó olekeyóló atimapaee duraalu, “Wh̄iné tiki tuamó kaayóló belapaae sóko wale alané bet̄a wh̄i doratapó.

²¹⁻²³ Ti wh̄iné hosaa tuamó kaayóló wale alarape i ape. Dei tué mutere alakélé, aq̄ni kae kae h̄oko nópu nokole alakélé, mené ɔla ɔlémi sere alakélé, wh̄i dele alakélé, nópu nokole alakélé, fea ɔlamó ekele dere alakélé, me wh̄itamó dei tué mutere alakélé, kapala dilikitere alakélé, mo enénire dowi alakélé, mené ɔla senée yóló dei tué mutere alakélé, me wh̄i eratere fokélé, seké wh̄ipóló bopé faketera alakélé, wisi tué muniru, sonaalei h̄oko du betere dowi alakélé, ai dos̄ayale alarape fea wh̄i tuamó kaayóló wouraaalu, wh̄i dorótua dapó,” yalepó.

Juda meire soné kisipa tiki tirale fo (Mat 15:21-28)

²⁴ Téró Yesu ɔ ai be taaróló, doasi Tair be hulua bopéróló t̄e mole berapepaae felepó. Atéró, ɔ bet̄a wh̄iné be dolomó fóló betepa, mepaae wh̄irapené ɔ kelaqsóro bope yāose yalet̄e, ɔ kinóló betenenipó.

²⁵ A atéró beterepó dere fo be b̄eta dowi kepe tepeyóló betere senaale hamané wosóló, ɔ Yesu beterepaae hapale sóko walepó. Atéró, ɔ Yesu daale aomó deraapisa fóló fió mualepó.

²⁶ Āta Juda fake mei, Krik so ɔ hamané Siria haemó t̄ene be Fonisiamu dealepó. Ai so Yesu daale aomó fió mulu duraalu, “Yālo senaale tuamó betere dowi kepe naao h̄okonaasepé,” du betalepó.

²⁷ Ai fo depa, Yesuné kale sopaae duraalu, “Folosóro naale senaalené nokole ɔla atimapi nópóló melae. Ti noatepae, atima

sumó nénipatei, yuwirape nópóló matere ala dorapó,” yalepó.

²⁸ Ti fo depa, kale soné ʔpaae tokó mótu duraalu, “Tale-ó, aita mo deretei, kale keteirapené ʔla ni fake tómo bel-eróló nokole folope sorokóta deretei haɠrapenekélé nukua dapó,” yalepó.

²⁹ Ai fo depa, Yesuné kale sopaae duraalu, “Naao ai dere foné naao senaale tuámó betere dowi kepe sókó felepa, dua fae,” yalepó.

³⁰ Ai fo depa, kale so ʔ ama bepaee sókó fóló senaalema kelalemó, ama tiki tuámó betere dowi kepe sókó fóló, beseke tómo ʔ feléyóló fió molepó.

Kólóro wosélitamo kine whi wisirale fo

³¹ Atéro Yesu ʔ ai Tair hae kwia taaróló, Saidon hae kwia tuámó tɛyóló fóló, Kaleli wɛi fókumó tɛ mole be Dekapolis hae kwiamó sókó felepó.

³² Yesu atéro sókó fóló beterepó, betá woséli kiyóló fokélé alure whi Yesuné wolaa yópóló, atimané dapesó wóló beterepó.

³³ Atéro betepa, kale so whi daae mole tiki taaróló, Yesuné depaae dapesó fóló daalu, ama naase dou tamo kale whiné woséli dolopaae kesekée faróló sókó salepó. Atéro, ama naase doumó fesʔa fe eróló, kale whiné hapemó wolaayalepó.

³⁴ Atéro, Yesu ʔ hepen-paae kese horóló fomo sókó faróló duraalu, “Epapeta” i fo feteyóló, “Kineteti tukwe fae,” yalepó.

³⁵ Ai fo deremó, kale whiné kine woséli tukwe fío, ama kólókélé tukwe fío duraalu, fo du betere whi kaae, fo kaae sóro yalepó.

³⁶ Atéro, Yesuné atimapaee erale alarape mepaae whipaae, “Yaʔse,” yóló fo mualaleti, Yesuné yale ala so whi feapaae deté kweyóló fakeralepó.

³⁷ So whi feané atétere fo wosetu, sirayóló duraalu, “I whiné du betere ala feata, mo kokoi ala alamaate erótua dapó. Woséli kine whitei tukwe falóo, kóló nomone whikélé fo yóo, dapó,” du betalepó.

8

*Yesuné 4000 whi ʔla male fo
(Mat 15:32-39)*

¹⁻² Atéro kale yale kaae, mepaae so whi mo dekéro ʔ beterepaae tourale wóló betó molepó. Atéro betó mole so whi atima naaire ʔla meipa, ama yó matere whirapepaae ape yóló duraalu, “I so whi sore sukamó ɛtamó bituraalu, ʔlakélé néni, hɛle betaleteiné atima ɛ mo doasi kolené sukutapó.

³ Ti atima mepaae so whi, saletómó waleteiné wote siri hɛle fópóló dotonatepa, tɛ tuámó wotené sisiraae faʔsóro dapó,” yalepó.

⁴ Ti fo depa, ama yó matere whirapené ʔpaae duraalu, “Aita mo deretei, so whikélé meitikimó atimané naaire ʔla-a, momó mupa melaaloé?” yalepó.

⁵ Ai fo depa, Yesuné atimapaee woseturaalu, “Ti diʔné bred o bulakó meteró mule?” depa, atimané ʔpaae duraalu, “Weikeró o bularape betá mulapó,” yalepó.

⁶ Tétepa, Yesuné ai betó mole so whi fea hae tikimó betae yóló, kale bred o bularape ama sóro taru, Talepaae mo kée yóló, momayalepó. Atéro momayóló kemetepa, Yesuné kolokó daalu yóló, ama yó matere whirapepaae melae depa, atimanémo, kale so whimó ʔliróló melaté kweyalepó.

⁷ Téro, ama yó matere whirape atimané toróti mole ya belekʔatikikélé melatepa, Talepaae mo kée yóló, atimapaee duraalu, “I yarapekélé nópóló, melaté kweyae,” yalepó.

⁸ Atéro, atima nóló sɛturaalu buki muni feletei, ama yó matere whirapené daseté kweyóló, weikeró yorape faʔanalepó.

⁹ Atima ai ʔla nale whirape dokó sóro touróturaalu, felekemó 4000-whirapepó.

¹⁰ Atéro kemetepa, ai betó mole so whi fópóló doteyóló, Yesu ʔ ama yó matere whirape atima Dalmanuta hae kwipaae nukutamó felepó.

¹¹ Atima atéro fóló betepa, mepaae Farisi whirape Yesu beterepaae wóló, ʔpaae kae kae wosetere fo du betalepó. Aita, ʔ kʔae kólóló sɛ suraalu, naao hepen bemó mole kelemei alakó ɛmaletamo kelaai dapa, eranénié? du betalepó.

¹² Atéteremó, Yesu ʔ fomo sókó faróló atimapaee duraalu, “Diʔ mió i alimó betere so whiné me kelemei alakó kelaaipe erae du betere-a, noatepa de? Talené diʔpaae kelemei ala me kae eraalo meipóló yalo diʔpaae mo i dere ape,” yalepó.

¹³ Ai fo du betéro kemetepa, kale so whi betó mupatei taaróló, atima nukutamó wɛi foku utéro momó tɛ felepó.

*Yist-paae dó faróló yale fo
(Mat 16:5-12)*

¹⁴ Atima atéro furaalu, mepaae ʔla uté tɛró mupatei kɛró bred o bula betá maaté atima nukumó mupa kalelepó.

¹⁵ Téro, Yesuné ama yó matere whirape kisipa mulóló ma duraalu, “Kale Farisi whiraperó Herot-tamoné bred o tópuratere ʔla yist-ta mo doropa, wisiyóló kaae tawae,” yalepó.

¹⁶ Ai fo deremó, ama yó matere whirape atimasisitei duraalu, “I dere fota, ɛné kale bred o bularape keyó yóló weimó ai dere ape,” yalepó.

¹⁷ Atimasisitei atéro kɛlaarótu betere fo Yesuné ama tué yóló atimapaee duraalu, “Bred o meipóló, diʔsisitei noatepa fo

tiki kelaarótu bitu de? Diaaŋ tué tiki hapóluraalu, ai yale alarape diané kilitu bitutei, diaaŋ tuéni airapó.

¹⁸ Diaaŋ kelenékélé mo kolólo, wosélinékélé mo wosóo yaletéi, yaŋlo erale alarape diaaŋ kisipani, ai keteréirapó.

¹⁹ Yaŋlo aporó *bred* o bula kolokó daalu yóló 5000-whirape atima nalemó sŋtepa, buki daseté kweyóló meteró yorape deyaleé?" depa, atimané duraalu, "12 yorape deyóló faanalepó," yalepó.

²⁰ "Yaŋlo me 4000 whirapemó, weikeró *bred* o bularape kolokó daalu yóló melóló, atima nalemó sŋtepa, buki daseté kweyóló meteró yorape deyaleé?" depa, "Weikeró yorape faanalepó," yalepó.

²¹ Ai fo depa, Yesuné atimapaee duraalu, "Ti ai yale alarape fea diaaŋ kolólóte, bete diriyóló tué muni airapó," yalepó.

Betsaida bemó kele dilikire whi wisirale fo

²² Atétu betero, atima Betsaida bemó sókó walemó, mepaae whirapené betá kele dilikire whi Yesupaae a wolaa yae yaairaaalu dapesó walepó.

²³ Atéro wapa, ai be hulua taaróló, depaae Yesuné kale kele dilikire whi naasemó tawóló felepó. Atéro fóló, kale whiné kelemó fesaa apuróló, Yesuné ama tikimó naase mulóló duraalu, "Mió naao kelené me qlakó wisiyóló kelete?" yalepó.

²⁴ Ai fo depa, kale sekéné ama kele fisaae faróló duraalu, "Whirape kotereteita, ni kaae tokóló só kotapó," yalepó.

²⁵ Ti fo depa, kale dere kaae momó Yesuné naasené kale whiné kelemó wolaayaalemó, ama kele mo ti wisituraalu, qla qla diriyóló kelalepó.

²⁶ Atéro, Yesuné kale whi a ama bepaee fópóló dotonótu duraalu, "Ya doasi be hu-luapaae feni, mo naao bepaetóro fae," yalepó.

*Pitané yaŋta Kerisopó yale fo
(Mat 16:13-20, Luk 9:18-21)*

²⁷ Atéro, Yesu a ama yó matere whirapetamo ai be taaróló Sesaria-Filipai be hulua hopéroló tē mole be huluarape tuamó fu bitu atimapaee wosuturaalu, "Mo so whiné e-a, depó du bitute?" yalepó.

²⁸ Ai fo depa, atimané apaae tokó mótu duraalu, "Mepaae so whinéta, ya kale wei tópuratere whi Jon-pó. Mepaae so whiné duraalu, yaŋta Elaijapó, mepaae so whiné duraalu, yaŋta, Kótóné ama qlóló whipó du beteraŋpó," yalepó.

²⁹ Ai fo depa Yesuné duraalu, "Diaaŋ tuéné-a, e depó du bitu de?" depa, Pitané apaae tokó mótu duraalu, "Yaŋta, so whi fea teteróló kaae tanópóló, Kótóné sóro betero betere whi Kerisopó," yalepó.

³⁰ Ai fo depa, Yesuné atimapaee duraalu, "Éta, Kerisopóló, mepaae so whipaae momókó bope yaqse," yalepó.

*Yesuné a sukqaalopó yale fo
(Mat 16:21-28, Luk 9:22-27)*

³¹ Ai fo yóló, Yesuné apaae eraaire ala atimapaee kaae sóro yó mótu duraalu, "Whiné Naalema kae kae sekei ala mo saalopó. Mepaae whi disirapenékélé, kale mo so whimó Talepaae momaratere doasi topo whirapenékélé, Moses-né asere fo yó matere whirapenékélé éta Whiné Naalema meipóló, mo ti só deraalopó. Atétepa, mepaae whirapené a mo ti daalotei, be de sore kemetepa, ti a momó kepaayóló be-taalo ai ape," yalepó.

³² Yesu apaae eraaire ala amatei hakearóló depa, Pitané a tu depaae dapesó fóló, afei fo ekesé yóló, foné salepó.

³³ Ti fo depatei, Yesu a ama yó matere whirape beterepaae fetée anóló Pita foné sóro duraalu, "Satan-ó, ya yaŋlo sisópaae fae. Naa ai mole tuéta, ti Kótóné yaaire alamó kisipa muni, mo whiné yaaire ala maaté kisipa mutu ai dere ape," yalepó.

³⁴ Atéro, ama yó matere whiraperó ai betó mole so whi featamopaae a beterepaae ape yóló duraalu, "Diā mepaae so whitamó e sya waai kisipa mutupa, ti naao yaaire ala taaróló, sisópaae mulóló, ya sukqaaire filipaa ni naaotei beleyóló e sya ape.

³⁵ Whi me dené ama betere bete me ala yaqsóropóló, amatei wisiyóló kaae tapa, ti atétere whi a ama betere betetamo turó aluyaalo ai ape. Téretei, whi me de yaŋlo ala eróturaalu, i kale fo wisi erótu betere tuamó ama betere bete kameratepa, ti ai whiné betere bete aluni, mo ti muó tawaalo ai ape.

³⁶ Mepaae whi de i haemó muó mole wisi wisi qla dekeró betapaae du betere tuamó, ama betere bete mo ti alutepa, ti ai wisir-apóló kisipa mute? Mo meipó.

³⁷ Ama betere bete alutepa, momó saairaalu, noa qlatamo dupu yaalóe?

³⁸ Mió i alimó dowi alaró nópu nokole alatamo du betere tuamó me whiné duraalu, 'Yaŋta, Yesu tuéru, ama ala erótu betere whié?' yóló wosetepa a witu halemó, ai whiró ama fotamo a tuénipó depa, apaae i fo yaalo ai ape. Kale Whiné Naalema Alimané doasi doi mole de wisinaaleró ama mo kae betere *ensel*-rapetamo wale sukamó folosóro halemó a tuénipó yale whipaae, Whiné Naalemanékélé ai whi a tuénipó yaalo ai ape," yalepó.

9

*Yesu kae tiki daane wale fo
(Mat 17:1-13, Luk 9:28-36)*

¹ Téro, Yesuné atimapaee duraalu, "Yaŋlo diapaae mo i dere ape. Diā mió i betó

mole so whi mepaae sukuni hāle betepatei, Kótóné ama tēteróló betere aqmo mole ala mo doasi fotokotamo wapa kelaalopó,” yalepó.

² Atéro pomiró be de kemetepa, Yesuné Pita, Jems, Jon-sépi atima dape sóro doasi sokore hasi fosópaae holalepó. Atéro horóló betere, atimané kele tómotēi, Yesuné ama daale tiki taaróló, kae tiki daane walepó.

³ Atéturaalu, ama deró betere kutikélé, mo yako kaae de tekée fi deró betepa kelalepó. I haemó betó mole so whinē deró betere kuti de kaae aleraai fokotepakélé, ai kutiné de kaae alée fenénipó.

⁴ Téró aimó, atimané keletómó kale Moses-ró Elaijatamokélé mo betere whinē tiki kaae daayóló sókó wóló, Yesutamo fo du betalepó.

⁵ Atétere ala kolóló, Pitané Yesupaae duraalu, “Yó matere whi-ó, da fea etéro betamó betereitei mo wisirapó. Térapa, me ya betóo, me Moses betóo, me Ilaija betóo, yaaire furu be sore dané tēnaalopa, wisire?” yalepó.

⁶ Ai fota hāle ini, atima wituraalu, yaaire fo ketetepa, hōko fotei erapó.

⁷ Atéro daae molemó, kitikinē atima husurāle dorowóló, ai kitiki dolomóte i fo fakeyóló duraalu, “Ita, yaalo mo hosaa mole naalepa, ama dere fo mo wisiyóló wosae,” yalepó.

⁸ Ai fo deretamotóro atimané kele kele yalemó, kale whi tamo daani, Yesu ama wotoró daapa kelalepó.

⁹ Atétu betero, atima ai hasi fosó taaróló durupu bitu, Yesuné atimapaee duraalu, “I yale alarape mepaae so whipaae diāné mió folo hapale momókó yaqse. Kale Whinē Naalema a dóló mo ti sukunaletei, momó kepaayóló fi tikimó ti yaasepóló, mió hapale bope yaqse,” yalepó.

¹⁰ Ama ai yale fo wosóló, atimané mepaae whipaae ini, atimasisitei kēlaaróló duraalu, “Mo ti doló sukunóló momó kepaayóló betaalopó dere fo-a, noa fo betenē yalerópó,” du betalepó.

¹¹ Atéro, atimané āpaae woseturaalu, “Kale Moses-né asere fo yó matere whirapenē Tale waai teōpatei, Elaijapi waalopó du betere-a, noa fo betenē du bitute?” yalepó.

¹² Ai fo depa, Yesuné atimapaee tokó mótu duraalu, “Ti mo dapó. Elaijapi wóló, ɔla ɔla fea ama momó donoróló mulaalopó. Térēte, Kótóné fo asere tuamó i fo erapó. Whinē Naalema, a mo doasi dele su betepa, atimané a faleyóló só deraalopó ere fo-a, metéli yaaireteimó ere?”

¹³ Térēte, yaalo diāpaae mo i dere ape. Ilaija āta, mo walepó. Tétepa mepaae so whinē kale yóló muló betere fo mo

dokonóturaalu, atimané āpaae mo erané yale alarape fea motóroti ai erale ape,” yalepó.

*Dowi kepe betere naale wisirale fo
(Mat 17:14-21, Luk 9:37-43)*

¹⁴ Téró Yesu ātamo fele whirape fesaae walemó, mepaae beteróló fele yó matere whirape mo so whinē bopéróló daae mupa kelalepó. Aita hāle mei, ai whiraperó Moses-né asere fo yó matere whirapetamo foné u só derótu, i só derótu du betepa, kaae tawóló daae molepó.

¹⁵ Atétu betere, Yesu sókó wapa kilitu, so whi feanē doasi sirayóló, ātamo hokolaa yóló kōleó yaairaaalu felepó.

¹⁶ Téró, Yesuné ama yó matere whirapepaae woseturaalu, “Noa fo betemó diā fo tokótamo du bitu de?” yalepó.

¹⁷ Ai fo du betepa, ai wóló daae mole so whi kuamó betā whinē duraalu, “Yó matere whi-ó, yaalo naale dowi kepe bituraalu, ama koló nomunu fo initeretei naao wisiraasepóló, yāpaae dapesó walepó.

¹⁸ Ti noatepaae, dowi kepené haepaae taae deróló haeratepa, ama sereke hatua yósóro kōlómó dako sókó wua dapó. Téturaalu, ama hó naase, tikikélé fea sosoro falótua depa, naao yó matere whirapepaae hōkonaasepé yalemó, atimané hōkonaaitere sunipó,” yalepó.

¹⁹ Ai fo depa Yesuné atimapaee duraalu, “Mió i alimó tué tiki tirēni hōko betó mole so whirape-ó, diā tué tiki tirópóló meteró sukamó e diātamo betaalóe? Diaaɔ hapólure kisipa taaróló, wisi kisipa sópóló e diātamo meteró sukamó betaalóe? Térapa, ai naale ēpaae dapesó ape,” yalepó.

²⁰ Ai fo depa kale naale a beterepaae dapesó walemó, dowi kepené Yesu killituraalu, tēti kale naale mo fotokoiné tao sóro feseróló haemó haeratepa bilirate feletikimó, kōlómó dako sókó walepó.

²¹ Atétere ala kolóló, Yesuné kale naalené alimapaee woseturaalu, “Naao naale ai ala du betepa, ba fo meteró kemeyalé?” depa alimané duraalu, “Mo ketemó kaae sóro deté waletēi, miókélé hāle ai yó tare ape.

²² Yaalo naale doló sukunaairaaalu, ai dowi kepené sipaaekélé ó weipaaekélé, tao sóro taae falatua yalepó. Térapa, naao dāmo kōleturaalu sumó tao senēpa ti tao saasepólópó,” yalepó.

²³ Ai fo depa, Yesuné āpaae duraalu, “Naao ēpaae sumó tao saaloé? dere-a, mepaae whi dené Talepaae tué tiki tiratepa, ti ai whipaae fea ala fea Talenē ama sumó eranérápó,” yalepó.

²⁴ Ai fo depa kale naale alimané ama ere ala hākearóló duraalu, “Yaalo tué tiki tiró betepatei doa meipa, me kwiapaae hālekeretei naao e tao saasepé,” yalepó.

²⁵ Yesu  ai ala du beterepaae so whi fea sururu yóló wapa kolóló, dowi kepe foné sóró duraalu, “Whjiné kólóró wosëlitamó kinó betere dowi kepe-ó, ya ai whi tuamó betereitei, yalo i hokonatapa, momó kae bitj weni, mo ti fae,” yalepó.

²⁶ Yesuné ai fo deremó, kale naalené tiki tao sóró fesoróló kale dowi kepe keterétamo sókó felepó. Atépa, kale naalené tiki mo sukj whi aqpa, kolóló so whi feané duraalu, “A mo ti ai sukale ape,” du betalepó.

²⁷ Atépa, Yesuné kale naale naasemó tao salemó turukó horóló daane holalepó.

²⁸ Atétu beteró, nalo Yesu  be dolopaae doropóló betepa, ama yó matere whirape atimanaamaaté bitu paae duraalu, “I dowi keperape dané doló hokonatapa, sókó fenitere-a, noatapa dérópó,” yalepó.

²⁹ Ai fo depa, ama atimapaee duraalu, “Moma dere alané betá atei kaae dowi keperape sumó hokonanérápó,” yalepó.

³⁰ Téró atima ai be taaróló, Kaleli hae tuamó tseyóló felepó. Ti atéró feleteita, Yesuné ama yó matere whirapepaae maaté kale fo wisi yó melaai kisipa mutu, mo so whjiné atima betere tiki tué yaqsóró yalepó.

³¹ Atima atéró fóló bitu, ama atimapaee duraalu, “Hale mo whjiné kale Whjiné Naalema dópóló, whj mené eleké deyaalopó. Atéró, mo ti dóló sukunaalotei, sore be de kemetepa, ti  momó kepaayóló betaalo ai ape,” du betalepó.

³² Ama atéró yale fo bete atima tuénitepa, noa betené yalerópóló, wosaai yaletei, atima wituraalu, taaralepó.

*Doasi topo whj dée? yale fo
(Mat 18:1-5, Luk 9:46-48)*

³³ Téró, atima Kapeneam bepaae fóló, atima fiyaaire bemó bitu, ama yó matere whirapepaae woseturaalu, “Di tu tuamó alale siré wou betale-a, noa fokó deté wou betaleé?” yalepó.

³⁴ Yesuné ai fo depa tumó wou bituraalu, topo whj-a de betere yóló atimasisi alale siré waleiteiné haletu, Yesupaae tokó matere fokélé inipó.

³⁵ Téró Yesu  bitj deyóló ama yó matere 12 whirape  beterepaae ape yóló duraalu, “Whj me detamo topo whj betaii kisipa mutupa, ti belei ayyóló so whj feané kutó diratere whj betae,” yalepó.

³⁶ Atéró, ama betá naale belekamale dape sóró atima tuamó daalóló, ama apuó taru duraalu,

³⁷ “Mepaae whj denétamo yalo doimó etei kaae naale mo wisiyóló dape supata, ti etei mo wisiyóló dape sirapó. Atétere whjiné maaté dape sumitei,  doteyale sekékélé dape sirapó,” yalepó.

Dtamo bóe dinitere whjta dané be whipó

(Luk 9:49-50)

³⁸ Téró, Jon-né Yesupaae duraalu, “Yó matere whj-ó, whj betané naao doimó dowi kepe hokutu betepa, ta dtamo betámó kotere whj meipóló, dané seséyalepó,” yalepó.

³⁹ Ai fo depa Yesuné atimapaee duraalu, “Atei kaae whjiné ama yaaire ala yópóló sesékese. Ti noatepae, mepaae whjiné yalo doimó mepaae kelemei ala erale klipaaemo, yalo doi doróló faleyaalo meipó.

⁴⁰ Mepaae dtamo bóe dini dere whirapeta, ti dtamo mole whj ai ape.

⁴¹ Yalo dipaae mo i dere ape. Di Keriso whj bitu, yalo ala erótu betereimó, mepaae whjiné w melatapa, atétere whj dupu hsókó feni, mo saalo ai ape,” yalepó.

*Me whj dowi ala yópóló dée nalatere ala
(Mat 18:6-9, Luk 17:1-2)*

⁴² “Mepaae whj denétamo paae tué tiki tiró betere doi muni, sókótei sókó dei so whj dowi ala yópóló dée nalatapa, atétere whj mo doasi dowi dupu saalo ai ape. Atei ala dere whj ama depamó mené doasi kane fake dulóló w klapaae taae falusóró wisi uapó.

⁴³ Nao naasenétamo ya dowi ala yópóló dée nalatapa, atétere naase tukóló taae falae. Ya betá naasetamo bituraalu, mo ti betaaire tikipaae sókó faasepólópó. Naase tamo daayóló betereletikimó, me naasené naao tiki turó doasi surukkélé feni, hale dó tare sipaae lisóró faqsóró dapó.

⁴⁴ Nao hóné ya dowi ala yópóló dée nalatapa, atétere hó tukóló taae falae. Ya betá hótamo bituraalu, mo ti betaaire tikipaae sókó faasepólópó dapó. Ti noatepae, ya hó tamo daayóló betereletikimó, me hóné naao tiki turó si duku beterepaae lisóró faqsóró dapó.

⁴⁷ Nao kelené ya dowi ala yópóló dée nalatapa, ti atétere kele sokóló taae falae. Betá keletamo bituraalu, ya mo ti betaaire tikipaae sókó faasepólópó. Ti noatepae, naao kele tamo wusuró buóló betepa, naao tiki turó hale dó tare sipaae faqsóró dapó. Ti Kótóné tetéróló kaae tare tikimó mole alata, betá keletóró daayóló bituraalu, sene fupa mo wisirapó.

⁴⁸ Ti dowi dele su betaaire tikimó kisipa mutu, asemó i fo erapó. Aimó betere whirapeta, mokené turukóló nokoleteti mo kemekélé ini yóo, sikélé surukó feni hale dótóró tawóo yaalopó.

⁴⁹ Na ó hupu mi klaayaqsóró kó terepetu dere kaae, so whj fea tuamó mole dore alaró wisire alatamo sinétei biliyóló taleyaalo ai ape.

⁵⁰ Ti kóta, ɔla feléroló nokole ɔla wisipó. Térerei, kale kóné felé kemetepa, momó kae noayóló felé bulaaloé? Mo meipó. Térapa, ai kó wisinaale diaaɔ hosaa tuámó mulóló, so whítamo hosaa muni deyóló wisi kisi-patamo mo dua betó muae,” yalepó.

10

*So ó whi tokó fateremó dere fo
(Mat 19:1-12, Luk 16:18)*

¹ Téró, Yesu ɔ ai be taaróló Judia hae kwia tuámó kutu beteró Jordan weí uté fak-erókélé felepó. Aimó sókó felemó, so whi mo fea kale duatere kaae tourale wóló betó mupa, ama dua dere alatóró yóló yó mótu betalepó.

² Atétu betepa, mepaae Farisi whirape wóló, ɔ súsóro ɔpaee woseturaalu, “Mepaae whiné ama soma tokó fatepa fo mulepé meié?” yalepó.

³ Ai fo depa ama atimapaee tokó mótu duraalu, “Diaaɔ dosɔyáyoú tué yópóló, Moses-né diaapaee noa ala yae yóló, asere?” yalepó.

⁴ Ti fo depa atimané ɔpaee tokó mótu duraalu, “Mepaae whiné so tokó falaai depa, ti soné asé sóro fópóló melae yóló Moses-né aserapó,” yalepó.

⁵ Ai fo depa Yesuné atimapaee duraalu, “Ti aita, diaaɔ hosaa ɔruraalu dowaae fu betepa, Moses-né ai fo aseýóló muló beterapó.

⁶ Térerei mo take kaarale alimó, ‘Kótóné whiró sotamo alipakalepó.’

⁷ ‘Atéyale betené whiné ama hamaró alimamato taaróló, sotamo dokóló atimaamo mo betá tikitóró daayaalópó.’

⁸ Atéreteiné atimaamo tamo mei, mo betá tikitóróti ai daale ape.

⁹ Kótóné atimaamo atéro betá tiki daaróló beteró betereteimó, mo so whiné tekeróló whi kae beteróo, so kae beteróo, yaqsóro yae,” yalepó.

¹⁰ Ai fo yóló Yesu ɔ ama yó matere whirape atima fea bemó betó mulu, Yesupaae woseturaalu, “Naao ti yale fo ɔkélé kisipa yaai dapa, bete mo ti hakearóló yae,” yalepó.

¹¹ Ai fo depa ama atimapaee duraalu, “Whi me dené ama topo so tokó daalóló so me dokotepa, ai whiné Kótóné fo tukóló topo sotamo betere ala mo ti doratapó.

¹² Atétere kaae sonékélé, oma whi tokó daalóló, whi metamo dokotepa, atétere soné Kótóné fotei tukóló, ama omatamo betere ala mo ti doratapó,” yalepó.

*Naale senaale Yesupaae dapesó wale fo
(Mat 19:13-15, Luk 18:15-17)*

¹³ Téró etéyalepó. So whiné kale keteirape Yesuné wolaa yópóló, ɔ beterepaae dapesó wua yalepó. Atétepa, ama yó matere

whirapené kale so whi foné sóro sesétu betalepó.

¹⁴ Yesuné atétere ala kolóló, ama yó matere whirapetamo fopaae buóló duraalu, “Ai naale senaale ɔ beterepaae wópólópa sesékese. Ti noatepae, atei naale senaale kaae betere so whita, ti Kótóné ɔteróló betere aqmó sókó fóló beterapó.

¹⁵⁻¹⁶ So whi i naale senaale kaae aqyóló bitinitepa, ti Kótóné ɔteróló betere aqmó sókó fenénipó,” yalepó. Ai fo yóló, Yesuné kale naale senaale dokó apuósu yóló, naase mulóló atima wisiraterere fo dua yalepó.

*Doasi néli teó whipaae yale fo
(Mat 19:16-30, Luk 18:18-30)*

¹⁷ Téró etéyalepó. Yesu ɔ ama kisipa mole tikipaae faai fu betalemó, whi betá sururu yóló wóló, Yesu daalemó bukutiri tearó bitu, ɔpaee duraalu, “Yó matere whi wisi-ó, ɔ mo ti betó tawaairaaalu, noa alakó yaaloé?” yóló wosalepó.

¹⁸ Ti fo depa, ama kale whipaae duraalu, “Naao ɔpaee noatepa whi wisi-ó fo du de? Whi betákokélé wisi whi bitini, Kótó ɔ betá mo wisirapó.

¹⁹ Ti Kótóné yae yóló muló betere alarape i ape.

‘Whi ɔaɔse, so nópu naɔse, ɔlémi naɔse, kapala fo yóló me whi só deraɔse, me whi dilikóló ɔla ɔla ɔlémi saɔse.

Naao hae aya wisi doi mulópóló, atimaamo aqmó bitu, wisi ala betá erótu betae yóló, ere fo fea ti naao ai tuéere ape,” yalepó.

²⁰ Ai fo depa kale whiné ɔpaee duraalu, “Yó matere whi-ó, ai alarape feata, ɔ mo naale belekqamalemó bitutei deté wóló, miókélé hale yó tarapó,” yalepó.

²¹ Ai fo depa Yesuné kale whi yaala sókó fóló kelené ɔ kaae taru duraalu, “Mo betá ala betá ya mei ai ere ape. Térapa ya fóló, naao mole ɔla ɔla fea dotonóló *moni* sae. Atéro sere *moni* ti ɔla ɔla meiyóló yolealere so whimó ɔliróló melae. Atéro melóló yaɔa, ti ó hepen bemó taleróló muló betere wisi wisi ɔla saasepóló ɔamo faalopa ɔ sya ape,” yalepó.

²² Ai fo depa, kale seké ɔ fea ɔla ɔla mole néli whi ereteiné, ama kelepaa humula yóló fomoné sukuté felepó.

²³ Téró Yesuné ama yó matere whirape kaae taru duraalu, “Doasi néli whirape Kótóné ɔteróló betere aqmó sókó faairetei mo doasi hapólorapó,” yalepó.

²⁴ Ama yó matere whirapené ai dere fo woseturaalu, atima siratu betalepó. Tétepa, ama atimapaee momó duraalu, “Ti naalerape-ó, Kótóné ɔteróló betere tikimó sókó faairetei, béni mo doasi hapólorapó.

²⁵ Doasi *kamel* hupu kuti nomotere ketéli dolomó sókó fenénipó. Atére kaae, fea ɔla

qla tare néli whj Kótóné teterólo betere aqmó sókó faairetei mo doasi hapólorapó," yalepó.

²⁶ Yesuné ai fo deremó, ama yó matere whjrape atimasisitei doasi sirayólo duraalu, "Atéro hapólupa, ti noa kaae so whjmo mo ti aluyaqsóro tao saaloé?" yalepó.

²⁷ Ti fo depa, Yesuné atima kaae taru duraalu, "Mo whjné atei kaae ala fea sumó enénipó. Mo whj ere kaae Kótó a aténi, fea ala fea ama mo sumó eranérapó," yalepó.

²⁸ Ai fo depa, Pitané apane duraalu, "Dá yataamo kwéyaairaalu, dāné qla qla fea mo ti taarólo i wale ape," yalepó.

²⁹ Ai fo depa, Yesuné atimapaee duraalu, "Yalo diapaae mo i dere ape. Whj me detamo yalo ala eróturaalu, kale fo wisi yó maté kwéyaai, ama be ó no nemarape ó hama alima ó naalemaraape ó hae tiki fea taarólo wapa, ti atétere whjímó i ala eraalo ai ape.

³⁰ Ama betā qla taarólo walemótei, nomarapekélé kutórape, nemarapekélé, hamarapekélé, alimaraapekélé, naalemaraapekélé, berapekélé 100 tómó belerólo saalo ai ape. Téturaalu, dowi susupui alakélé saalotei, nalo waaire alimó mo ti betó tawaaire bete saalopó.

³¹ Téyaalotei, mió i alimó mepaae doasi doi mole whjrape take nalo doi munire whj kaae betaalopó. Mió mepaae doasi doi muni, sókó deyólo betere so whjta, take nalo mo doasi doi mole topo whj kaae betaalo ai ape," yalepó.

*Yesu a sukqairemó yale fo
(Mat 20:17-19, Luk 18:31-34)*

³² Atéro, atima Jerusalem bepaae furaalu, Yesu api fi tikimó, ama yó matere whjrape nalo haió! yólo sirá deté fu betaalopó. Tétépa, mepaae atima sya wou betere so whjkélé wiyalepó. Atéro, Yesuné ama yó matere 12 whjrape tū depaae dapesó fóló daae mulu, apane eraaire ala fea atimapaee momó yó melalepó.

³³ Atéro, atimapaee duraalu, "Mió dá Jerusalem bepaae i fole ape. Téteretei, kale Whjné Naalema me whjné eleké deyólo mo so whjímó Talepaae momaraterere whjrapéro Moses-né asere fo yó matere whjrapetamoné naase tuamó mulaalopó. Téro fo tokólo só derólo, Juda mei kae fakené a dópólo, melaalo ai ape.

³⁴ Atéro, atimané a faleterere alakélé, fesāa apuraterere alakélé, halika tikiné fokosó sere alakélé, faleyólo haleraterere alakélé erótu betero, nalo atimané a mo ti sukópólo daalopó. Téyaalotei, be de soremó dou dolomó muólo a momó kepaayólo betaalopó," yalepó.

*Jems-ró Jon-tamoné Yesupaae wosale fo
(Mat 20:20-28)*

³⁵ Téro, kale Sebedi naalema tamo Jems-ró Jon-tamo Yesu beterepaae wólo duraalu, "Yó matere whj-ó, dāmoné yāpaae wosetere ala naao eraaloé?" yalepó.

³⁶ Ai fo depa, Yesuné atimaamopaae duraalu, "Yalo diaamomó noa alakó eraró de?" yalepó.

³⁷ Tétépa, atimaamoné apane duraalu, "Take naao mo kae ere de wisinaale hakearaterere sukamó dāmo me whjkó naao turu naase demó betero, me whj fē naase demó betero, yaasepólo dapó," yalepó.

³⁸ Ti fo depa, Yesuné kale whj tamopaae duraalu, "Diaamoné epaae ai wosale fota, Talené teterólo kaae tare tikimó ere ala diaamo tuéni keteruraalu dapó. Dowi ala kwia tokólo aluraai susupu sóro sinaaitere ala, diaamonékélé sumó senére? Ó e wēi tópuraterere kaae, diaamokélé tópurópólo kisipa mute?" yalepó.

³⁹⁻⁴⁰ Ai fo depa, atimaamoné duraalu, "Dāmokélé ai ala sumó enérapó," yalepó. Ai fo depa, Yesuné atimaamopaae duraalu, "Yalo tikimó doasi susupu sóro sinaaire alaró e wēi tópuraitere alatamo diaamopaaekélé sumó eraalotei, turu naase ó fē naase demó beteraaire alata, ti yalo teterólo kaae tanipó. Ai alata, yalo Ayané ama teterólo kaae taru, aimó betaaire whj tamokélé, ama mo taketitei tukólo betero beteraipó," yalepó.

⁴¹ Tétépa, mepaae ama yó matere naase tamo whjrapené ai fo woseturaalu, Jon-ró noma Jems-tamopaae doakale fopaae bualepó.

⁴² Atétépa, Yesuné atimapaee tourale ape yólo duraalu, "Juda mei kaae fake teterólo kaae tare topo whjrapené mo so whj teterólo kaae tawóo, atimané sóro betero betere whjrapenékélé mo so whj teterólo kaae taru, i ala erae du betereitei diaao ai kisipare ape.

⁴³ Atétere kaae, diā tuamókélé ai ala momókó yaose. Diā tuamótamo betā whjkó doasi topo whj betaai kisipa mutepa, ti so whj feané kutó diraterere whj betenérápó.

⁴⁴ Whj me de doasi doi mole topo whj betaai depa, ti diāné wae sóro kutó diraterere whj kaae betae.

⁴⁵ Ti noatepae, kale Whjné Naalema waletaita, a topo whj bitu mepaae whjrapepaae ama kutó dirae yaairaalu wéni, a mo so whjné kutó diraterere whj bitu, atima aluyaqsóro ama betere bete hale melóló, dupuraai walepó," yalepó.

*Kele dilikire whj Batimeus wisirale fo
(Mat 20:29-34, Luk 18:35-43)*

⁴⁶ Atéro atima Jeriko bepaae walepó. Atéro, nalo ama yó matere whjrapéro mo so whj featamo ai doasi be taarólo fu betaalemó, betā kele dilikere whj Timeus

naalema Batimeus tų demó bituraalu, monikó ąlae yóló kematu du beterepó.

⁴⁷ Atétua dere whj ą tų demó berteremó, kale Nasaret whikó Yesu walapó dere fo wosóló, fo fakeyóló duraalu, “Depit-né deté fele whjiné Naalema Yesu-ó, ę kólené sukuturaalu, tao sae,” du betalepó.

⁴⁸ Ai fo du betepa, mepaae so whjiné taalae yóló, foné salepó. Tétepatei, kale whjiné woseni nisyóló, fo mo ti fakeyóló duraalu, “Depit-né deté fele whjiné Naalema Yesu-ó, naao ę kólené sukuturaalu, tao sumié?” yalepó.

⁴⁹ Ai fo deremó, Yesu ą kejjyóló daalu, “Apaae ape yae,” yalepó. Tétepa, kale whjrapené kale kele dilikire whjpaee duraalu, “Mió ąpaape ape dapa, whaaliani, hajtamo turukó horóló fae,” yalepó.

⁵⁰ Tétepa, kale whjiné ama bukóló betere kuti daae faróló, ą Yesu beterepaee hapale tųwó felepó.

⁵¹ Atéró daapa, Yesuné ąpaape duraalu, “Yalo ąąmó noa alakó eraró de?” yalepó. Ai fo depa, kale kele dilikire whjiné duraalu, “Yó matere whj-ó, ąalo kelené ąla ąla kelené du beterepa, naao wisiraasepé,” yalepó.

⁵² Ti fo depa, Yesuné ąpaape duraalu, “Naao tuę tiki tiratere alané ąa wisiralepa dua fae,” yalepó. Ai fo deretamotóró kale whjiné ama kele wisitepa, Yesu sya felepó.

11

Yesu doasi topo whj aąyóló fele fo

(Mat 21:1-11, Luk 19:28-40, Jon 12:12-19)

¹ Atéró atima Jerusalem be huluapaae felekemó sókó faairaalu, Olip du sorokó mole aąmó tene Betpas beró Betani betamomó sókó felepó. Aimó Yesuné ama yó matere whjrapekó tamo whj dotonaa du-raalu,

² “Diaamo fole be huluamó sókó fenalemó, whj betóló konire utų donki hupu duló betepa kelaalo ai ape. Téraapa, ai hupu taayóló ipaae dapesó ape.

³ Atéró taanalemó me whjiné duraalu, ‘Ai hupu neai só fute?’ depa, ąpaape i fo yae. ‘Momó hapale sóró waaiti, Talené ama me kutó diyaai, kapala asiri sene fae yale tikimó sóró fulapó, yae,’ yóló dotonalepó.

⁴⁻⁵ Atétepa atimaamo fóló kelalemó, be bela tų demó tene be tų sókó walemó, kale bopeyale hupu duló beterepó. Atépa, kale hupu taatu betalemó mepaae aimó daae mole so whjiné atimaamopaae duraalu, “Diaamoné ai hupu neyaai taatu de?” yalepó.

⁶ Ai fo depa Yesuné atimaamopaae yae yale fotóró yalemó, atimané “Wisirapa sóró fae,” yalepó.

⁷ Atéró, kale hupu dape sóró Yesu berteremó sókó felemó, ama yó matere

whjrapené deró betere kuti sókósu yóló, ai kale donki hupuné sisó tómó whamenatepa Yesu ą bitj holalepó.

⁸ Atéró betóló fupa, mo turó so whjiné atima kuti sorokóló tųmó whamenaté fóo, mepaae so whjiné sapo daa ó wolou daarape turukóló whamenaté fóo, deté fu betalepó.

⁹ Yesu ą tuąmó fupa, mepaae so whj folosóró fóo, mepaae so whj nalo wóo du bitu fo fakeyóló duraalu,

“Hosana! Talené doimó wale whj wisinaale-ó! Talené ąa mo wisiróló beterepó.

¹⁰ Mo take dané ayarape deté wale whj Depit-né teteteróló kaae tawale ala mió da tuąmókélé sókó walapó.

Téraapa, Talené ąa wisirópóló yae!

Hosana, ama doi doasi ó sikipaae sóró horópóló, yae!” deté fu betalepó.

¹¹ Téró Yesu ą Jerusalem bepaee sókó fóló, momatere be dolopaae felepó. Atéró, ai be dolomó muó mole ąla ąla fea kelené dokó du betalepó. Atétu betalemó, be dikitepa ama yó matere 12 whjrape atima fea Betani bepaape felepó.

Yesuné momatere bemó hokale fo

(Mat 21:12-17, Luk 19:45-48, Jon 2:13-22)

¹² Atéró fiyóló be deętepa, hjka ai Betani be taaróló fu betalemó, tų tuąmó Yesu ą wote yalepó.

¹³ Atétepa, ą tųmó fu bitu kese falalemó betą nose mo umó daapa kelalepó. Atépa betepaae fóló, dukó olerémóló kelalemó, oleni hale sókumaaté erepó.

¹⁴ Atépa kale nipaae duraalu, “Me sukamó wouraaalu whj betąnékéle naao du momó kae tokóló naalomeipó,” depa ama yó matere whjrapené wosalepó.

¹⁵ Atéró, atima momó Jerusalem bepaee sókó wóló bituraalu, kale momatere be dolopaae fóló kelalemó, whjrape ai be dolomó ąla ąla dotonóló dupu du betepa hokó faralepó. Atéró, be kaepaae wale whjrape atimané moni ai be talené monitamo duputamó du betere ni fakeraperó ba hokósere beleróló dotonótu betere fóló ni fakerapetamo fesekeyóló taae faralepó.

¹⁶ Téró, mepaae whjiné momatere be tuą dolomótei dotonaaire ąla ąla beleyóló sóró fua wua du betepa, Yesuné ama seséyóló kaae sóró hokonalepó.

¹⁷ Atéró ama atimapaape yó mótu duraalu, “I aseýóló muló betere fo diaaq dosąyóló tuę munié?

Yalo beta, i hae kwia feamó betó mole kae kae tiki daae mole so whjiné Talepaae betą moma ąpóló tenó betere bepó, erapó.”

Ai fo epatei, diaaq du betere alané qlémi nokole whĩrape touróló betere be aqrótu beterapó,” yalepó.

¹⁸ Yesuné atéró yó mótu betere fo mo so whĩné wosóló siratu betere ala, mo so whĩmó Talepaae momaratero topo whĩrapero Moses-né asere fo yó matere whĩrapetamoné wosóló atima dei kisipa muturaalu, Yesu daaire tũ kikitu betalepó.

¹⁹ Atétu beteró be dikitepa, atima ai doasi be hulua taaróló felepó.

*Yesuné nose sélirale fo
(Mat 21:20-22)*

²⁰ Atéró, atima mo hĩkati tũmó fu bituraalu kelalemó, kale ni nose betekélé mo turó sélipa kelalepó.

²¹ Atépa, Yesuné take kale yale fo Pitane tué muni wapa apaae duraalu, “Yó matere whĩ-ó, naao foné dorale ni nose ai sélirapa kelere!” yalepó.

²² Ti fo depa Yesuné apaae duraalu, “Kótópaae tué tiki tiróló betae.

²³ Yalo diappaee mo i dere ape. Mepaae whĩ de kisipa tamo muni, Talepaae tué tiki tiróló i ulupaae ya ai daale tiki taaróló weĩ kęla tó mó daane derepae depa, mo téyaalo ai ape.

²⁴ Térapa, yalo diappaee i dere fo wosae. Diqané moma duraalu me noa qlakó wosetepa, ti ai wosetere ęla naao mo serapóló tué tiki tiratepa, ti diaaq mo saalo ai ape.

²⁵ Diqané moma duraalu, hepen bemó betere Aya Kótóné diaaq yale dowi ala kwia hęle kemerópóló, mené diappaee me dowi ala erélipa, ti apaaemo kwia tokó melaai dapóló tao tani, me ęla meipóló kisipa keterae,” yalepó.

*Yesupaae ya né sóró beterale éyale fo
(Mat 21:23-27, Luk 20:1-8)*

²⁷ Téró atima momó Jerusalem bepaee wóló bituraalu, ę momatere be tipiné bopéro daaló betere tuqmó kutu betalemó, mo so whĩmó Talepaae momaratero topo whĩrapekélé, Moses-né asere fo yó matere whĩrapekélé, mepaae whĩ disirapekélé, fea ę beterepaae walepó.

²⁸ Atéró wóló apaae woseturaalu, “Ai alarape du beterópóló ya né sóró beteralé?” yalepó.

²⁹ Ai fo depa Yesuné atimapaee tokó mótu duraalu, “Yalokélé diappaee betę wosetere fo yaalopó. Yalo wosetere fotamo diaaq epaae tokó matepa, ti diaaq wosetere fokélé yalo tokó melaalopó.

³⁰ Ti take Jon-né so whĩ weĩ tópurale ala, momó kaayóló waleé? Ó hepen bemó betere Talené yae depa yalepé, mo whĩné yae depa yaleé?” yalepó.

³¹ Ai fo depa, kale whĩrape atimasisitei fo kęlaaróló duraalu, “Dané hepen bemó

Talené yae depa yalepó enalemó, ti dępaae ama dere fo wosóló apaae tué tiki tirénitere noatepae? yaalopó.

³² Atéyaqsóró, mo whĩné yae depa yalepó fo uętei, Jon ę Kótóné fo eratere kóló whĩpóló so whĩ feané kisipareteiné atima kapo duné dę siróló daqsóró ai fo yaalo meipó,” yalepó.

³³ Atétepa atimané Yesupaae duraalu, “Dę tuęnipó,” yalepó. Ti fo depa ama atimapaee duraalu, “Mené epaae i alarape yae depa dapóló, yalokélé diappaee yó melaalomeipó,” yalepó.

12

*Kutó tale faai yale fo sale
(Mat 21:33-46, Luk 20:9-19)*

¹ Téró, Yesuné ama kale fo sale forape momó kaae sóró yó melótu duraalu, “Whĩ betané wain képi wae biliyaa i kutó diyóló tipi bopé yalepó. Atéró, kale képi du ęlumétepa tokóló fe dowęaire tiki kaponétei aleyóló mulalepó. Atéró kemetepa, kutó kaae tawóló betaaire be mo sikimó deróló ęalepó. Téró ai kutó tale ę me bepaee faai kutó kaae tawópóló, mepaae whĩrape sóró beteróló duraalu, ęla ęlumétepa sere sukamó dę bukaalopa, kutó wisiyóló kaae tawae yóló ę felepó.

² Atéró fóló bitu, ama biliale képi du ęlumétepa sere alimó bukóló, ama saaire sũ ti ama kutó diratere whĩ betané sene fępóló, kale kutó kaae tare whĩrape beterepaae dotonalepó.

³ Atéró dotonalemó, atimané ę tawóló fokosoi ala du beteró me qlakélé meneni, hęle fępóló dotonalepó.

⁴ Tétepa, kale whĩné ama me kutó diratere whĩmo dotonalemó, ai whĩkélé kale dere kaae topomó kapóró dóló haleróló faralepó.

⁵ Atétepa kale dere kaae, me whĩmo dotonalemó ai whĩkélé mo ti dalepó. Tétepa, mepaae whĩrape mo dekéro dotonótua yalepó. Téyalepó, mepaae whĩrape dóló hęle susupuróo, mepaae whĩrape mo ti dóló sukunóo dua yalepó.

⁶ Whĩrape fea atétu beteró kemeróturaalu, ama hosaa mole naale betę bitĩ felepó. Ai naale dotonaai duraalu, mió atima yalo i naale aqmó bituraalu, apaae mo wisi ala betę eraalopóló kisipa mutu doteyalepó.

⁷ Téyaletei, kale naale wale kilitu, kale kutó kaae tare whĩrape atimasisi duraalu, ‘I kutó tale sukutepa ę betale sirimó betaaire whĩ ai wale ape. Tétu ai kutó ama saqsóró dę saairaalu, ę daalopa siępe,’ yalepó.

⁸ Atéró, atimané kale sekękélé mo ti dóló sukunóló, ai kutó tipi aqpaee taae deralepó.

⁹ Atétepa, ai kutó talené ama noa ala yaaloé? Kale kutó tale ę wouraalu ai kutó kaae tare whĩrape fea mo ti dóló

aluraalopó. Ateró ai kutó kaae tawópóló, mepaae whjrape sóró beteraalopó.

¹⁰ Ti i aseýóló muló betere fo diaao dosayóló tué munié?

'Kale be tetere whjrapené dopa taae farale kapo faketei, doasi be hulua deyaaire eleké wisinaale alée felepó.

¹¹ Ai ere ala wisinaale dané kilituraalu, Talen éró beteraalopó dukiróló siratu beteraalopó," yalepó.

¹² Yesuné ai yale fo sale beteta, Juda topo whjrape atima só deratapóló kisipa mutu, a daaire tu kikitu betalepó. Aimó a tawaai yalemó, ai touró betere so whjiné atimapaee me ala eraşóró witepa taaróló felepó.

Sisapaae takis moni matere fo
(Mat 22:15-22, Luk 20:20-26)

¹³ Ateró, nalo mepaae Farisi whjrapéro Herot-né ama kisipa mole ala erótu betere whjrapetamo Yesuné dere fo bete wosóló a só deraairaalu, kaae tawóló beteraalopó dotonale whjrape walepó.

¹⁴ Atima wóló Yesupaae duraalu, "Yó matere whj-ó, yaða mo fomaaté dere whj betereitei dané tuérápó. Téruraalu, doasi doi mole so whjro wisi so whjtamo maaté tao sóró wisi ala eróturaalu, mepaae beleí sókó deyóló betó mole so whj taalitimipó. Téní, kale mo fo bete sya furaalu, Kótóné ama ere ala i ape yóló yó mótu betereitei dané kisiparapó. Térapa, dané topo whj Sisapaae *takis moni* matere ala wisirépé dore?"

¹⁵ Naao kisipané melarópé melaşeróe?" yalepó.

Ti fo depa, Yesuné tiki tuapaae dorutei tó tikiné wisire nisi du betere whjrapené kapala dilikitu betere ala beta ama tuépatei duraalu, "Dişané e dópóló só deraai noatapa dilikitu bitu de? Ti ai *denarias moni* yaða kelaalopa ipaae sóró ape," yalepó.

¹⁶ Tétepa, atimané kale *denarias moni* kolópóló sóró wóló matapa, atimapaee woseturaalu, "I ere aşeró mole asotamo-a, né?" yóló wosetepa, atimané apaae duraalu, "Aita Sisané aşeró asotamopó," yalepó.

¹⁷ Ai fo depa Yesuné atimapaee duraalu, "Sisané ęlata, ti Sisapaae melae. Kótóné ęla ęla ti Kótópaae melae," yalepó. Ama ai dere fo woseturaalu, atimané haió! yóló siratu betalepó.

Kepaayóló bitu so ó whj dokaalomeipóló dere fo

(Mat 22:23-33, Luk 20:27-40)

¹⁸ Atéyale kilipaae etéyalepó. Sukutere so whj momó kae kepaayaalomei, mo ti alutapó du betere Sadyusi whjrape Yesu beterepaae wóló i fo wosalepó.

¹⁹ "Yó matere whj-ó, Moses-né i fo aseýóló muló beteraalopó. 'Mepaae whjiné so dokaleteti

naale dini hałe betero sukutepa, ti nomanémo ai so wulia dokóló naale detepa, ti sukale whj sirimó bituraalu, ama ęla ęla tetéroóló kaae tanópóló yae,' fo erapó.

²⁰ Take weikeró nomarape beterepó. Ateró kale topo whj so dokaleteti, naale senaalekélé dini hałe sukalepó.

²¹ Ateró sukutepa, ai so wulia noma me whjinémo dokalepó. Téyalemó, ai whjkélé naale dini hałe sukalepó. Atétepa, noma me whjinémo dokalepó. Téyalemó, ai whj akélé hałe sukalepó.

²² Atétepa, kale so wulia weikeró nomarapéné dokoté waleteti, kale weikeró whjrape fea naale betakélé dinipó. Téró nalo kemeróturaalu, kale sokélé sukalepó.

²³ Atéyale so take kepaayóló wale sukamó, mé whjiné a dokaalóe? Ti noatepae, betá sotei take nomarape feané dokoté waleteinépó," yalepó.

²⁴ Ai fo depa Yesuné atimapaee duraalu, "Kótóné aseýóló muló betere foró ama fótokotamo wisiyóló tué munireteiné diş fea kópaae falapó.

²⁵ Ti sukale so whj momó kepaayóló betere sukamó, so dokotere ala yaalomeipó. Sokélé, whjtamo dokotere ala mo yaalo meipó. Hepen bemó betere *ensel*-rape ere kaae, haletóro betó tawaalo ai ape.

²⁶ Sukale whj momó kepaayóló betaalopóló, Moses-né aseýóló muló betereitei, diaao dosayóló tué muni airapó. Hasi fosómó ni sesaape dolomó Kótóné Moses-paae duraalu, 'Ęta Abraham, Aisak, Jekop-sépi, tetéroóló kaae tare Kótó i betere ape,' erapó.

²⁷ Ti aða, mo take sukóló aluyale so whj tetéroóló kaae tare Kótó mei, mió i alimó betó mole so whjkélé tetéroóló kaae tare Kótópó, erapó. Atépatei diş tuéniru, hoko fo du beteraalopó," yalepó.

Kótóné yóló muló betere doasi topo fo
(Mat 22:34-40, Luk 10:25-28)

²⁸ Ateró, Sadyusi whjrapené Yesupaae wosetere fo fea ama wisiyóló tokó mótu betepa, Moses-né aşeró yó matere whjrapekó betané Yesupaae woseturaalu, "Kótóné yae yóló muló betere forape tuamó mo doasi bete mole fo-a, méé?" yalepó.

²⁹ Ti fo depa Yesuné duraalu, "Mo doasi bete mole topo fo i ape.

'Israel fake so whj-ó, wosae! Da tetéroóló kaae tare Tale Kótóta me kae bitini, mo betatóro beteraalopó.

³⁰ Térapa, Tale Kótópaae yaala sókó fole alata, tué tiki turónékélé, naao hosaa turónékélé, naao kepe bete turónékélé, naao fótokó turónékélé yaala sókó fu betae.'

³¹ Tamo dakoróló dere fo me i ape.

'Naaotei ya yaala sóko fu dere kaae, naao be whj so whjpaakélé atéro yaala sóko fu betae.'

I fo tamoné mepaae yae yólo muló betere forape fea teteró beterao," yalepo.

³² Ai fo depa kale whjné tokó mótu duraalu, "Yó matere whj-ó, Kótó tekeyólo tamo bitini, mo betatéro beterao dere fota, naao mo dono ai dere ape.

³³ Ti naao hosaa turónékélé, naao tué tiki turónékélé, naao fotokó turónékélé, Talepaae yaala sóko fu betae. Téturaalu, naaotei ya yaala sóko fu dere kaae, naao be whj so whjpaakélé atéro yaala sóko fu betae. Ai doasi bete mole fo tamota hupu dóló Talepaae simó sukúlaa dalatere alaró mepaae ɔla ɔla hale matere alatamo mo téro beterao," yalepo.

³⁴ Téro, Yesuné ama ai yale fo bete kale whjné mo wisiyólo tokó matepa ɔpaae duraalu, "Yata, Kótóné teterólo kaae tare tikipaae mo felekemó sóko faai dapó," yalepo. Ai fo deremó, me whjnékélé ɔpaae wosetere fo kae ini, atima witepa taaralepo.

Keriso né naaleé yale fo
(Mat 22:41-46, Luk 20:41-44)

³⁵ Atéro, Yesu ɔ momatere be bolaare tuamó daalu so whjpaae fo yó móturaalu, i fo wosalepo. "Kale Moses-né asere fo yó matere whjrapené duraalu, Kótóné sóro betero betere whj Kerisota Depit-né naalemapó du betere fo-a, noa betené du bitute?"

³⁶ Mo take Dej Kepe Wisiné Depit ɔ fotokoratepa, ama hakearólo i fo ipakalepo.

'Talené ɔ teterólo kaae tare Talepaae duraalu,

"Naao bóe whjrape ya aomó betero, yalo dóló teteraalopa, ya yalo turu naase demótóro beto tawae," erapo.

³⁷ Depit-né ama deyale naalené deyaaire naalepaaetei, ɔ teterólo kaae tare Tale-ó du betale-a, neyólo yaleé?" yalepo. Ama atéro dere fo aimó touró betere mo so whjné hekesetamo wosetu betalepo.

³⁸ Téro, Yesuné so whjpaae fo yó mótu duraalu, "Moses-né asere fo yó matere whjrapené dere alané diá doraqósóro, mo hotowa yólo kaae tawae. Ti atimata, so whj feané whj wisipó yólo dukirateré kokomó, so whj touraleta dere tikipaae faairaaalu, fóló kuti wisinaale maaté derólo fua dapó.

³⁹ Téro, Kótóné fo wosetere berapepaae furaalukélé, mo doasi topo whjrape bitu-ateré tikimótóro betaai ekele yóo, kale ɔla detere sukamókélé, doasi doi mole topo whjrape bituateré tikimótóro ekele yólo betóo, dua dapó.

⁴⁰ Atéturaalu, kale wulia sorapekélé dilikólo atimané muó mole ɔla ɔlakélé ɔlémi

sóo, atima dukirópólo momatere alakélé mo fóló sjyólo yóo, dua dapó. Atétere whjrapeta take taletere sukamó, mo doakale dowi kwia saalo ai ape," yalepo.

Wulia soné Talepaae male moni ke
(Luk 21:1-4)

⁴¹ Atéro, me etéyalepo. Momatere bemó so whj atimané tare moni sutóro Talepaae hale deraleta duraalu mepaae néli so whjné ti doasi moni derótu yalepo. Atétu betepa, Yesu ɔ kaae tawólo daalepo.

⁴² Téyaletei, betá yolealere wulia soné ama sonaai moni ke tamo sóro wólo deralepo. Ai moni keta, kale sonaai moni ketamo sunipó.

⁴³ Yesuné ai kale wulia soné derale wale moni ke kolólo, ama yó matere whjrapepaae ape yólo duraalu, "Yalo diapaae mo i dere ape. I yolealere wulia soné derale wale moni kené so whj feané deraleta yale moni fea teraae falapo.

⁴⁴ Ti noatepae, mepaae so whjnéta doasi moni mupatei, tomó moletei maaté sóro wólo deraleta yalepo. Téyaletei, i wulia sonéta ama depe dolo sesé taretei mo ti kemerólo derale walepo," yalepo.

13

Mió betere ali kemeteremó yaaire ala
(Mat 24:1-35, Luk 21:5-33)

¹ Téro, atima ai momatere be taarólo fu bitu, ama yó matere whjrapeko betané ɔpaae duraalu, "Yó matere whj-ó, doakale kapo fakené be wisinaale ai tenapa kelere?" yalepo.

² Ai fo depa Yesuné duraalu, "Ai te mole doasi be wisinaalerape take fisikó furaalu, mió i ere kaae betá kane fakekélé metamo olekapa kelaalomeipo. Mo featóro kolokó fóló muaalo ai ape," yalepo.

³⁻⁴ Atéro, Yesu ai momatere be ɔpaae tene fapa, *Olip* du sokoremó Pita, Jems, Jon, Andru atimasisi bitu ɔpaae woseturaalu, "Naao mió ti bope yale alarape-a metéli yaaloé? Ai yale fo mo dokonaairaaalu noa alapi depa, kolólo dané kisipa yaaloé?" yalepo.

⁵ Ai fo depa Yesuné duraalu, "Mepaae whjné kapala fo yólo diá dilikaqósóro, mo wisiyólo kaae tawae.

⁶ Mepaae dilikitere whjrape wólo, yalo doi yólo duraalu, 'Eta diané wópólo kaae tare whj Keriso i ape,' yólo, so whj fea kópaae fópólo dilikaqalo ai ape.

⁷ Bóe mo du betepa kolólo dere foró, me bemó bóe du beterao deté kotere fotamo wosólo, diri furu furu duraalu miyaqse. Ti ai alarapeta, mo yaalotei kemeyaaire be de sóko waai teorapo.

⁸ Me hae kwiamó betere whjro me hae kwiamó betere whjtao bóe daalo ai ape. Me hae kwia teterólo kaae tare topo

whīraperó me hae kwia tēteróló kaae tare topo whīrapetamo bōe daalopó. Kaae hae kwiapaae doakale baotere alaró, ɔla sóku alutere alitamó waalo ai ape. Ai alarapeta, sorapené naale saai sisó kaae sóró nukutere kaae dapó. Ai alarape yóló kemetepa, nalo mo doasi sekei ala waalopó.

⁹ Ai sekei alarapeta haşókó feni, diɔpaae mo eraalopa siki sikiyóló betó muae. Ti noatepae, mepaae mo whīrapené diɔ be kaae tare whīrapené fo tokóló só derópoló, atima naase tuamó mulóo, mepaae whīrapené diɔ fo wosetere bepaae dapesó fóló fokosói ala yóo, yaalopó. Diɔ ɔalo ala erateremó, tēteróló kaae tare *Gavman* doasi topo whīraperó atimané sóró beteró betere topo whīrapetamoné keletómó sóró daalaalo ai ape. Atétere be demó, Talené diɔpaae erale alarape atimané wosópoló, diaao yaaire tɛ amatei mulaalo ai ape.

¹⁰ Atéró, kemeyaaire be dɛ sókó waai teópa, folosóro i hae kwia feamó betó mole so whīpaae mió wosetere fo wisi yó maté kweyóló sūraalopó.

¹¹ Atétepa, mepaae whīné diɔtamo fo tokótamo yaai dapesó fupa, noa fo yaalorópoló whaalaa ɔaɔse. Diɔné fo yaai kaae seretamo, diaaɔ yaaire fo Talené yó melaalo ai ape. Diaaɔ kisipané yaalomeitei, Kótóné ama Deɔi Kepe Wisiné yae dere fotóro yaalo ai ape.

¹² Me whīné ama nomatei mené dópóló eleké deyóo, me whīné ama naaletei me whīné dópóló eleké deyóo, naale senaalenékélé hama alima aɔmó betere hóróló, mepaae whīné dópóló eleké deyóo, yaalopó.

¹³ Diɔ ɔalo ala erótu betere, so whī mo feané diɔtamo dei tuɛ muturaalu, diɔ hóróló bōe daalo ai ape. Téyaalotei, mepaae so whī de epaae kisipa tiki tiróló, diriyóló bitiré fóló kemetere kwiamó sókó fupa, ti atétere so whī aluyaşósó ɔalo tao saalopó.

¹⁴ Diaaɔ keleralemó, Kótóné ama kae bemótei, mo kelaalo sonalei dowi ala du betepa, Talené doi folokoleróló, be mo wópu mulaalopó. Ai ala enénaire tikimótei epa kilitu, i asere fo dosɔatere so whī diɔné mo wisiyóló kisipa muae. Ai ala depa, Judia hae kwiamó betó mole so whī hasi fosópaee botokó fópóló yae.

¹⁵ Diɔ siki be kemó beterealemó i sekei ala wapa kilitu, siki bemó betereitei taaróló, aɔró be kemó mole ɔla ɔla sene derepéni taaróló botokó fae.

¹⁶ Mepaae whī kutómó daaralemó ai ala depa, ama dɔae mulale bukutere kuti momó sene feni, mulópoló taaróló botokó fae.

¹⁷ Atétere sukamó, mepaae naale ere soraperó naale senaale tare sorapetamo

botokó faaire sūni bipi ereteiné mo doa kɔlerapó.

¹⁸ Térapa, ai alarape sosóli alimó yaşósóro, moma betɔ du betae.

¹⁹ Ti noatepae, Atétere alimó mo doakale dowi seke waalo ai ape. Mo take Kótóné keké nale alimó kaae sóró bitiré wóló, mió i alimókélé atei kaae dowi sekei ala mo kolókélé inipó. Téró bitiré fóló, nalopaaekélé atei kaae dowi sekei ala momó kae kelaalomeipó.

²⁰ Ai be dɛrape Talené haɔlekeróló tukóló mulóluɔ meisóro, ti so whī mo betɔkókélé haşókó fuɔ meipó. Talené ama sorokósu yóló kae beteró betere so whīmó kisipa mutu, be dɛrape haɔlekeróló tukóló muló beterepó.

²¹ Ai sukamó whī mené diɔpaae duraalu, 'Kale sóró beteró betere whī Keriso ai walapa kelae!' Ó u wóló betere ape depa wosóló, mo dapóló momókó tuɛ tiki tiraɔse.

²² Ti noatepae, mepaae Keriso aɔyóló dilikitu betere whīraperó Kótóné kóló whīpóló kapala fo yó matere whīrapetamo waalo ai ape. Atétu, kaae ala yaairemó eratere doasi alaró kaae kae kelemei alarapetamo eróturaalu, Kótóné sorokósu yóló kae beteró betere so whīkélé kópaae fenérmóló kaae kolóló sū saalopó.

²³ Téyaalopa, diɔ dilikóló kópaae falaşósóro, siki siki yóló bituraalu mo wisiyóló kaae tawae. Ai alarape fea yaai teópatei, ɔalo diɔpaae i dere ape.

²⁴⁻²⁵ Ai sekei alarape wale kīlipaae ti i asere fo dokonóturaalu, i alarapepi yaalo ai ape.

'Suka ke aluróló dilikiróo, Wéliékélé dɛ iniyóo, hɔrerapekélé i haepaae torokó dorowóo, yaalopó.

Téturaalu, Kótóné ama bole fotokónétei ó sɔ woreróturaalu, şamó ere ɔla ɔlakélé fea wore yaalo ai ape,' erapó.

²⁶ Atétere sukamó, kale Whīné Naalema ɔ ama fotokóró mo kaae ere dɛ wisinaaletamo şako tuamó sókó wapa, so whī feané kelaalo ai ape.

²⁷ Atéró wóló daalu, ama sorokósu yóló kae beteró betere so whī dape siré kweyópoló, ama *ensel*-rape dotonaalopó. Haeró sɔ kwiatamo dene fale dokó feamó, betóló fale so whī dape siré kweyópoló dotonaalopó.

²⁸ Téró fo me i ape. Ni nosepaae dó faróló dere fo diaaɔ wisiyóló tuɛ yaasepóló, i dapa wosae. Nose sóku fóló, totokó momó beletepa kilituraalu, kaae ba fo ali mió felekemó sókó walapó dua dapó.

²⁹ ɔalo i bopeyale alarape eratepa kilituraalu, kale Whīné Naalema felekemó waai, tɔ serekemó daapa dapóló tuɛ muae.

³⁰ ʔālo diāpaae mo i dere ape. Mió i alimó betó mole so wh̄i fea sukuni h̄ale betepatei, i alarape mo eratepa kelaalo ai ape.

³¹ Ó s̄aró i haetamo kemeyaalotei, ʔālo fo betā mo kemekélé ini, h̄ale muótóro tawaalopó.

ʔa waaire be d̄eró suka keletamo tuénipó yale fo

(Mat 24:36-44)

³² Mo wh̄i betānekélé, hepen bemó betere *ensel*-rapekélé, Naalemanékélé, ai be d̄eró suka keletamo tuénitei, i be demó i alarape yaalopóló, Alimané betā tuérápó.

³³ Térāpa, ʔa waaire be d̄e diā tué inireteine ali ali ʔaqsóro, betere dokó siki siki du betae.

³⁴ Kale Wh̄iné Naalema waaireteita, i ala dere kaaepó. Betā wh̄i metikipaae faairaalu, ama kutó diraterē wh̄irapepaae kutó betā tué ʔālo dokoratapó. Atéró, be t̄u sókó walemó daayaaire wh̄ipaaekélé, mo wisiyóló kaae tawae yóló ʔa fulapó.

³⁵⁻³⁶ Ti be tale fesaae waaire suka diā tuénipa, ai be d̄e kaae tawóló betae. Ti noatepae, suka doropolepaae ó dilikitamo ó be d̄eyaai bané hale deretamo ó diā noke firepaae ó suka sokoterepaae ʔa hapale sókó walemó, diā ali ali eraqsóro kele diriyóló betaasepóló dapó.

³⁷ ʔālo i dere fota, diāpaae maaté dumitei, so wh̄i feapaae ʔa mo waalopa, hotowayóló kaae tawae, yóló i dere ape,” yalepó.

14

Betani bemó Yesu wel weī dilale fo

(Mat 26:1-13, Jon 12:1-8)

¹ Atéró, kale boseneýóló fele be d̄eró fopei *bred* o deýóló nokole be d̄etamo sókó waai, tamo be d̄e h̄ale mupa etéyalepó. Kale so wh̄imó momaraterē wh̄iraperó Moses-né as̄ere fo yó matere wh̄irapetamoné Yesu tawóló daaire t̄u kikitu duraalu, “D̄ané ʔa neýóló tawóló daalóé?” yalepó.

² Térēpa, mepaae wh̄iné duraalu, “Itei kaae ʔla detere be demó d̄ané ai ala enalemó, ti so wh̄iné h̄ole sóro doasi foya enérápó,” yalepó.

³ Téró, Yesu ʔa Betani bemó dowi humu fuluné tiki dopa, take ama wisirale wh̄i Saimon-né bemó ʔla nuku beterepó. Atétepa, so betāné *alabasta* kanené aleale wutimó felé k̄ēlaa wale *nadi wel* weī maapa tawóló walepó. Ai weīta, doasi *moni*-né duputeretei kale soné ai wuti topo dopó faróló, Yesuné topomó suniyalepó.

⁴ Atétere ala mepaae wh̄irapené kilitu, ai sotamo dei tué muóló atimasisitei duraalu, “Ai weī wisinaale noatepa h̄ale besekéroló suniyalerópó?”

⁵ I weīta, dotonóló 300 *denarias moni* sóro mepaae h̄ale yolealere so wh̄imó móluasóro

wisiuapóló,” deteraayóló tamo foné su betalepó.

⁶ Atétu betepa, Yesuné atimapaee duraalu, “Ama ʔpaae mo kokó ala wisinaale eralepa, diaaó ʔa foné sere ala taalae.

⁷ Ai yolealere so wh̄ita, suka fea diātamo bitu, diaaó tao saai kisipa mutere sukamó tao sua enérápó. Téyaalotei, ʔta suka fea diātamo betó tawaalo meipó.

⁸ Téyaaireteine ai soné ama enére ala ai yale ape. Ama ai yale alata, ʔālo tiki douratere sukamó felé k̄ēlaa wisi wópóló yaaire ala s̄uralēpó.

⁹ ʔālo diāpaae mo i dere ape. Hae kwia feapaae kale fo wisi yó maté kuturaalu, i soné ʔpaae erale alakélé tuétóro h̄ale yó taru, yó melaté kwēyaalopó,” yalepó.

¹⁰ Téró Yesuné ama yó matere 12 wh̄irapekó Iskariot be wh̄ikó Judas ʔa Talepaae momaraterē topo wh̄irape beterepaae Yesu daaire t̄u aleyópóló eleké dene felepó.

¹¹ Atéteremó, kale wh̄irape atima h̄ekesené sukuturaalu, Judas-mó *moni* melai taleyóló mulalepó. Térēpa Judas ʔa bituraalu, Yesu eleké deyaaire t̄u kekitu betalepó.

Talepaae erale ala tué muóló nokole ʔla
(Mat 26:17-30, Luk 22:7-23, Jon 13:21-30, 1Korin 11:23-25)

¹² Téró, kale fopei *bred* o deýóló nokole *fula* kaae sere be demó i ala yalepó. Atimané mara mole ala sya furaalu, kale boseneýóló fele be demó ʔla deyaai *sipsip* hupu male dóló simó biliyóló nukua dapó. Ai ala yaai, Yesuné ama yó matere wh̄irapené ʔpaae woseturaalu, “Kale boseneýóló fele be demó deýóló naaire ʔla d̄ané mé bemó taleyóló mularóé?” yalepó.

¹³ Ai fo depa, ama yó matere wh̄irapekó tamo dotonaai duraalu, “Diaamo ai doasi be huluapaae fóló kelenalemó, t̄u tuámó betā wh̄i ʔa weī wuti beleyóló wou betepa hokolaayaalo ai ape. Téyaalopa, diaamokélé ʔtamo fae.

¹⁴ Atéró, ʔa fole be dolopaae diaamokélé fóló, ai be talepaae i fo yae. ‘Yó matere wh̄i ʔa ama yó matere wh̄irapetamo, kale boseneýóló fele be demó detere ʔla naairaalu wale wh̄irape betaaire be ke mé eré?’ yóló wosae.

¹⁵ Ténalemó, ʔla ʔla fea s̄umótóro sisóló muló betere siki be ke doasi ama diaamopaae yó melaalo ai ape. Ai be dolomó d̄ané naaire ʔlakélé taleyóló mulale fae,” yóló dotēyalepó.

¹⁶ Térēpa, ama yó matere wh̄i tamo fóló kelalemó, Yesuné atimaamopaae epa kelaalo ai ape yale alatóróti, mo epa kelalepó. Atēpa, ai be ke dolomó kale boseneýóló fele be demó deýóló naaire ʔla taleyóló mulalepó.

17 Téro, be dikiteretamo Yesu a ama yó matere 12 whirapetamo sóko walepó.

18 Atéro, atima be dolomó ɔla nuku bitu, Yesuné ama yó matere whirapepaae duraalu, “Yalo diapaae mo i dere ape. Mió ɛtamo i ɔla nuku betere whirapekó betané ɛ dópóló me whipaae eleké deyaalo ai ape,” yalepó.

19 Ai fo deremó, atima tué seketepa apaae duraalu, “Ya yalo eleké deyaalopóló de?” yóló, atima feané betá kaae fotóro deté felepó.

20 Tétepa, Yesuné atimapaee duraalu, “Ai ala yaaire whita, diá 12 whirapekó mió i nuku dolomó *bred* o weimó tópuró su yóló nuku betere whinéte i ɛ dópóló eleké deyaalo ai ape.

21 Atéro, kale Whiné Naalemapaae eraaire alata, kale asemó ere fo mo dokonaalo ai ape. Téyaalotei, kale Whiné Naalema dópóló eleké deyaaire whi a betá doasi dowi kwia saairemó wió yae! Ai whi a hamané dewuá meisóro, mo wisi wuapó,” yalepó.

22 Atéro atima ɔla nuku bitu, Yesuné kale *bred* o bula betá tao sóro taru, Talepaae mo kée yóló kolokó daalu yóló, ama yó matere whirape dokóroló mótu duraalu, “Ita yalo tikipa, sóro nae,” yalepó.

23 Téro kale dere kaae, *wain* weí wutikélé sóro taru Talepaae mo kée yóló, ama yó matere whirapemó matepa, atima feané betá wutimóte i nukulé felepó.

24 Atéro melóló duraalu, “I wutimó maane weita, Kótóné ama so whi fea aluyaqsóro tao saalopóló, diriróturaalu sunée farale yalo sameapó.

25 Yalo diapaae mo i dere ape. ɛ diatamo etéro bitu, *wain* weí momó kae néli hale bitiré fóló, Kótóné tetéroló kaae tare aqmó bituraalu, kisi *wain* weí naalopó,” yalepó.

26 Atéro, atima wole fo betá yóló keme-tepa, Olip du sorokó mole apaae holaai felepó.

Yesuné Pitapaae naao a kisipanipó yaalopóló yale fo

(*Mat 26:31-35, Luk 22:31-34, Jon 13:36-38*)

27 Atéro fóló, Yesuné atimapaee duraalu, “Mió diá ɛtamo betámó titiyóló betereitei, ɛ taaróló botokó dapo dapo yaalo ai ape. Ti asemó i fo erapó.

‘Kale *sipsip* hupu kaae tare whi yalo dupa, hupurape atima botokó dapo dapo yaalopó,’ erapó.

28 Téyaalotei, ɛ momó kepaayóló Kaleli haepaae epi fimó, diá nalo waalo ai ape,” yalepó.

29 Ai fo depa Pitané Yesupaae duraalu, “Mepaae whirapené ya taaróló fupa, ɛ betá mo até yaalomeipó,” yalepó.

30 Ai fo depa Yesuné apaae tokó mótu duraalu, “Yalo yapaae mo i dere ape. Mo mió dilikitamo wá *kakaruk* bané hale tamo dakoróló yaaipatei, naao ɛ tuénipó fo sore félimó yaalo ai ape,” yalepó.

31 Ti fo depa, Pitané fo diriné momó duraalu, “Atimané ɛkélé yátamo wusuró dópóló, yalo ya tuénipó fo mo yaalomeipó,” yalepó. Mepaae yó matere whirape feanékelé, ama ai dere fo kaaetóro yalepó.

Ketsemanimó yale ala

(*Mat 26:36-46, Luk 22:39-46*)

32 Atéro, atima kelaalo kokoi tiki Ketsemanimó sóko felepó. Aimó ama yó matere whirapepaae duraalu, “ɛta momane fulapa diá imó betó muae,” yalepó.

33 Atéro Pita, Jems, noma Jon, atima maaté Yesutamo felepó. Atéro, Yesuné ama hosaa tuámó mo doasi dele duraalu, sekené sukóló dei fomaake kisipa kaae sóro muté fu betalepó.

34 Atétepa, ama atimapaee duraalu, “Yalo hosaa tuámó dekené sukutu ɛ mo felekemó sukúai dapa, diá imó kaae tawóló betó muae,” yalepó.

35-36 Ai fo yóló, a atima betere tiki sawa taaróló fóló, apaae waaire seke hásoké fópóló, haemó deraapisa fóló mulu momaturaaalu, “Apa-ó, ɛpaae i eraaire sekei ala waqsóro seséyaire tu mupa, ti naao seséyae.

Tépatei, yalo kisipa mole ala sya fóló ini, naao kisipa mole ala betá erópóló yae,” yalepó.

37 Téro a ama yó matere whirape beterepaae momó fesaae walemó, atima noke fopesaapa kelalepó. Atépa, Pita turukuróló duraalu, “Saímon-ó, suka kele betámó ɛ kaae tawóló bitini, ya noke ai firerapó.

38 Kae kae su sere alané diá me dowi ala yóló dée nalaqsóro, mo hotowayóló kaae taruraalu momatu betae. Ti noatepae, kepe betenéta mo wisi alamaaté yaai keteke bu-patei, tó tikiné dowi ala waqsóro sesé yaaire fotokó buni, bérápó,” yalepó.

39 Atéro a fesaae fóló, ama kale yale moma kaaetóro momó yalepó.

40 Atéro, a kale dere kaae momó fesaae wou kelalemó, atima noke keke depa, fopesaapa yó molepó. Atima atéro noke mo fiyaleteiné, apaae noa fo yaalorópóló kóló kóló yalepó.

41 Atéro, a sore dakeróló momane fi wouraaalu kelalemó, noke fire alatóro yó tapa atimapaee duraalu, “Diá sáa nóló noke fitere ala hale ai yó tare? Sýmó fiyalepa mióta, kale tukóló muló betere sukakele i sóko wale ape. Kelae! mió dowi ala dere whirapené kale Whiné Naalema dópóló, mené eleké ai deyale ape.

42 Mió ẹ dópóló eleké deyaaire whi ai walapa, turukó hóróló dą faalopa fiépe,” yalepó.

Yesu tawale fo

(Mat 26:47-56, Luk 22:47-53, Jon 18:3:12)

43 Ai fo deretamótóró, ama yó matere 12 whirapekó betą Judas sókó walepó. Ama kijimó, whirape mo fea sepakeró nópulutamo tao diliki yóló wó tarepó. Ai whirapeta, mo so whimó Talepaae momaraterere topo whirapekélé, Moses-né asere fo yó matere whirapekélé, whi disirapekélé, atima fea betamó fo deyóló dotonatepa walepó.

44 Téró, Yesu dópóló eleké deyaaire whiné ą tawaaire whirape atima kóló kóló duraalu, “Họko whitei tawaqsóró ẹ fóló, yalotamo kóló tukó nukupa, ti ątóró hiti ai ape. Térapa, tawóló dokóló só furaalu, ą botokó faqsóró mo wisiyóló kaae tawae,” yóló mulélipakalepó.

45 Téró, kale Judas ą Yesu daalepaae mo hapale sókó fóló duraalu, “Yó matere whi-ó,” yóló kóló tukó nalepó.

46 Atétepa, ai wóló daae mole whirape sókó furaalu, Yesu naasemó etẹe sóró fo-tokoyóló tawalepó.

47 Atétere ala kolóló, Yesutamo daale whi betané ama sepake sókó sóró, so whimó Talepaae momaraterere topo whiné kutó diraterere whiné woséli saae deralepó.

48 Tétepa, Yesuné atimapaee duraalu, “Eta, Gavman-tamo bóe dóló so whi yaló ąlisóró fulapóló ẹ daai nópuluró sepaketamo tao dilikiyóló woute?”

49 Ti ẹ suka fea momatere be belamó daalu diapaae fo yó mótu betepa, fo tokótamo yaairaalu, diané ẹ aimó tanipó. Tépateti, kale asemó yóló muló betere fo dokonaairaalu dapa, mo erópóló yae,” yalepó.

50 Yesu atéro tateremó, ama yó matere whirape atima wimó ą taaróló, botokó dapo dapo yalepó.

51 Tétepa, betą kokopei whi kutikélé deréni, ama bukatere deji kuti maaté bukóló Yesu sya fu betalepó.

52 Atéro fu betalemó, atimané ąkélé ama bukure kutitamo touróló tawalemó, ai kutitei atimapaee dąae melóló, ą tiki daapi hąle botokó felepó.

Juda topo whirapené Yesu só derale fo

(Mat 26:57-68, Luk 22:54-55, 63-71, Jon 18:13-14, 19-24)

53 Téró, atimané Yesu ą Talepaae momaraterere doasi topo whi beterepaae dapesó walepó. Atéro betepa, ai doasi topo whi aqmó betere momaraterere whirapekélé, Moses-né asere fo yó matere whirapekélé, whi disirapekélé, fea wóló touralepó.

54 Téró Yesu tawóló só fupa, Pita ą nalo dua tokó su deté fu betalepó. Atéro fóló, momaraterere whirapené topo whiné be bopéro daaló betere dopóku tų serekemó sókó felepó. Atéro ą ai be kaae tare diki tare whirape betó mole kua dolomó, sosólitepa simó beterepó.

55 Atépa, kale momaraterere topo whiraperó fo tokóló taletere whirapetamoné Yesu sukópóló daaire bete kikitu betaleteti, bete mekélé kilinipó.

56 Atimané ą dópóló kapala fo yóló só deraaitere fo whi feané yaleteti betą fotóró ini, mené fo kae, mené fo kae, du betalepó.

57 Atéro, ą só deraai mepaae whi turukó holóló daalu i fo yalepó.

58 “Mo whiné naasené teale be ama fisikóló, whiné tenénere momatere be ama sore sukamótóró momó teyaalopó depa, dąné wosalepó,” yalepó.

59 Téyaleteti, atima feané betą fotóró ini, mepaae whiné dere fo kae, mepaae whiné dere fo kae du betalepó.

60 Atétu betepa, momaraterere topo whi kale fo tokóló taleraterere whirapené keletómó turukó horóló daalu, Yesupaae woseturaalu, “Yą só deratere whirapené doa i dere fo-a, naao atimapaee tokó menitere noatepa de?” yalepó.

61 Ti fo depa, Yesuné atimapaee fo me tokó menipó. Atétepa, kale momaraterere topo whiné apaae momó woseturaalu, “Yąta, wisi alamaaté erótu betere Talené naalema so whi tetéróló kaae tanópóló, sóró betéro betere whi Kerisoé?” yalepó.

62 Ai fo depa, Yesuné duraalu, “Ai whita, ętóróti i ape. Whiné Naalema mo doasi fotokó bole Talené turu naase demó betóo, ó sąko dolomó wóo depa, diaaq kelaalo ai ape,” yalepó.

63-64 Kale momaraterere topo whiné ama deró betere kuti bisąayóló duraalu, “A só deraaire bete kilinipakó, ama dere ala kelale whi me kae keąąaló? Ti Kótó faleterere fota, amatei deremó dąné wosalepa, diané noa kisipa mute?” depa, atimané duraalu, ą só deraaire fota amatei ai yalepa, ą sukópóló daalopó yóló mulalepó.

65 Atéro, mepaae whirapené ą fesą apuróo, mepaae whirapené ti kuti kwiané ama kele husiróló dokóló, naase duné dđo yóló, apaae duraalu, “Yątamo Kótóné ama whipata, ti yą dale whi dąpaae yó ąlae,” yalepó. Atéro, diki tare whirapenekélé, ą tao taru du betalepó.

Pitané Yesu ą tuénipó yale fo

(Mat 26:69-75, Luk 22:56-62, Jon 18:15-18, 25-27)

66 Atétu betepa, Pita ą momaraterere topo whiné be bopéro betere dopóku aqmó kese

horóló betepa, kale topo whjné kutó di-ratero so seimalerapekó betá ą beterepaae walepó.

⁶⁷ Atéró, Pita ą sosóli depa simó beteremó, kale so seimalené ą kelené kikéro kaae taru duraalu, “Yákélé Nasaret be whjko Yesu-tamo betámó kutua yale whjpo,” yalepó.

⁶⁸ Ti fo depa, Pitané kale senaalepaae duraalu, “Naao ai dere fo beteta ę tuęni, kóló kólórapóló,” ą witepa dopóku tų sereke felekemó bitj felepó.

⁶⁹ Atétepa, kale so seimalené Pita kolóló, aimó daae mole so whjpaee momó du-raalu, “I whjkélé Yesutamo betámó kwęale whjkópó,” yalepó.

⁷⁰ Tétepa, Pitané ama kale dere fo kaae momó duraalu, “Ę mo meipó,” yalepó. Atéró sawa betóló, kale dere kaae mepaae felekemó daae mole whjrapekó betané ąpaae duraalu, “Ti yąta, ątamo betámó kwęyale whj mo hjti ai ape. Ti noatepae, naao dere fota, Kaleli be fo nakome wosetapó,” yalepó.

⁷¹ Ti fo depa, Pitané atimapaee duraalu, “Diaaę ai bopetere whjta, ę tuęnipó. Yalotamo diąpaae kapala fo depa, ti Talené ę dópóló yae,” yóló, mo dirii ąle dere fo kaae yalepó.

⁷² Ai fo deretamotóró, kale wą *kakaruk* bané hale tamo dakoróló yalepó. Tétepa, take Yesuné Pita ąpaae du, wą *kakaruk* bané hale tamo dakoróló yaaiptei, naao ę tuęnipó fo sore félimó yaalopó yaletei, kisipa muni walepó. Atétepa, ą dekené sukuturaalu, doasi wole du betalepó.

15

Pailat-né Yesu dae yale fo

(Mat 27:1-2, 11-26, Luk 23:1-5, 13-25, Jon 18:28-19:16)

¹ Atéró, mo hjkati so whjmó momaratero topo whjrapekélé, whj disirapekélé, Moses-né asęre fo yó matere whjrapekélé, fo tokóló taleratero whjrapekélé, atima fea fo dokóló, mo betá tuętóró muóló, Yesu naase tamo dokóló dapesó Pailat-né naase tuámó mulalepó.

² Atéró wóló daapa, Pailat-né ąpaae woseturaalu, “Yąta, kale Juda fake so whj tęteróló kaae tare doasi topo whjé?” depa, Yesuné ąpaae tokó mótu duraalu, “Ępo. Naao ai dere fota, mo dono dapó,” yalepó.

³ Ai fo deremó, Talepaae momaratero topo whjrapené dei tuę mutu, i sekęné kae kae hęko alarape yalepóló, só deratero fo du betalepó.

⁴ Atétu betepa, Pailat-né ąpaae momó woseturaalu, “Atima kae kae forapené yą só derótu betere fo fea naao woserutei, tokó menitere-a, noatepa de?” yalepó.

⁵ Ai fo depatei, Yesuné kale topo whj Pailat-paae me fo tokó menitere ala kilitu, ama sirayalepó.

⁶ Atimané ąla detere alimó, mara mole ala ipó. *Dipula* betero betere whj betákó ba fo dokómó so whjné sokae dere whjtoró Pailat-né sókó daalótua dapó. Atéró dotęyaaí so whjpaee wosóló, atimané doi dere whjtoró dotonótua dapó.

⁷ *Gavman*-tamo bóe dóló whj dupa, *dipula* betero betere whjrapetamo Barabas-kélé beterepó.

⁸ Atépa, so whj mo fea Pailat beterepaae wóló woseturaalu, “Naao kale duatero kaae yaaloé?” yalepó.

⁹ Ti fo depa, Pailat-né atimapaee woseturaalu, “Diaaę kisipané Juda so whj tęteróló kaae tare topo whj dotonaró de?” yalepó.

¹⁰ Fo yaleteita, momaratero topo whjrape Yesutamo dei tuę muturaalu, ą daai dapesó wale bete Pailat-né ama kisipa yalepó.

¹¹ Tétepa, kale momaratero topo whjrapené mo so whjpaee Barabas sokópóló, yae yóló sesemeratero fo deté kotepa, atimané ai fo yalepó.

¹² Ti fo depa, Pailat-né atimapaee momó duraalu, “Juda so whj tęteróló kaae tare topo whjpaee yalo noa alakó eraró de?” yalepó.

¹³ Tétepa, kale so whjné fo fakeyóló duraalu, “Ai whj filipaa ni tómó oleróló dae,” yalepó.

¹⁴ Ai fo depa Pailat-né atimapaee duraalu, “A me dowi ala initepatei, hale noatepa daró de?” yalepó. Tétepa, kale so whj feané mo ti fo fakeyóló duraalu, “Filipaa ni tómó sukópóló olerae,” yalepó.

¹⁵ Atétepa, ai so whjné Pailat ąpaae wisi tuę muópóló, Barabas atima beterepaae fópóló sokóló daalóló, Yesu mo dirii halika tikinépi fokosoi ala du betero, filipaa ni tómó sukópóló olerae yóló, diki tare whjrapené naase tuámó mulalepó.

Diki tare whjné Yesu doka doka yale fo
(Mat 27:27-31, Jon 19:2-3)

¹⁶ Téro, kale diki tare whjrapené Yesu dape sóró kale topo whj Pailat-né be bela wisinaalené doi Pretorium-paae dapesó felepó. Ai dopóku bolaa dolopaae mepaae diki tare whjrapekélé mo fea ape depa, atima touralepó.

¹⁷ Atéró daaló bitu, sonaai kuti deróo, mu daai kępítei topo whjrapené deratero topotao sųróló bopeyóló, ama topomó deróo yóló, ą faletu betalepó.

¹⁸ Atéró, atimané duraalu, “Juda so whj tęteróló kaae tare doasi topo whj-ó,” yóló, fesą apuróló dotó tikiné du betalepó.

¹⁹ Atéró, dotó tikiné ama topomó momó du momó du yóló fesą apurótu betalepó. Atéró atima Yesu aęmó bukutiri tearó bitu,

doa whi-ó yóló doi sóró horóló faletu be-talepó.

²⁰ Atétu beteró, atimané a derale sonaai kuti sókóló, ama kuti momó deralepó. Atéró a filipaa ni tómó sukópóló, oleraairaaalu dapesó felepó.

Yesu filipaa ni tómó olerale fo
(Mat 27:32-44, Luk 23:26-43, Jon 19:17-27)

²¹ Atéró dapesó fu betepa, Sairin be whikó Aleksandaró Rufus-tamoné alima Saimon a ipu bemó biti, doasi be huluapaae faai wapa, kale diki tare whirapené apaae Yesu dóló oleraaire filipaa ni a fasóló naao bel-erale yóló seyalepó.

²² Atéró, atimané Yesu dapesó fóló, betá hae Kolkotamó sókó felepó. Ai doiné beteta, topo diripó.

²³ Téró, aimó wain weiró kale mur ni fetamo hosekéróló tepeyóló nópóló melaletei, ama nénipó.

²⁴ Atéró, atimané a filipaa ni tómó sinópóló oleralepó. Atéró oleróló, ama kuti atima saairaalu, betá melaa yalepó. Kale diki tare whirape atima betá betá yóló kapo fakemó siri eróló, sikipaae fesekée horótua yalemó, mé whiné siri moletei wisiyóló muni doro wapa, ti ai whiné ama kuti sua yalepó.

²⁵ Téró hika 9 kilok sukakelemó, Yesu dóló oleralepó.

²⁶ I betené dalepóló, a wolerale ni topomó aséyóló olerale fo i ape.

JUDA SO WHI TETERÓLÓ KAAE TARE TOPO WHI

²⁷ Atéró, qlémi nuku betale whi tamo me whi Yesuné fê naase deró oleróo, me whi turu naase deró oleróo, yalepó.

²⁹⁻³⁰ Atéró oloró betepa, mepaae fua wua du betere whirapené kili fépo yóló duraalu, “Yáta, momatere be fisikóló sore sukamótóro momó teyaalopó du betale whiapa, mió naautei ya tao sóró, ai filipaa ni taaróló dere ape,” dua yalepó.

³¹ Kale yale fo kaae, momaratere topo whiraperó Moses-né asere fo yó matere whirapetamo atimasisitei duraalu, “Mepaae so whi sukaqsóró tao sua yale kaae, amatei a tao sinitupó,” du betalepó.

³² “Yátamo Israel fake so whi teteróló kaae tare doasi topo whi Kerisopata, ti da tué tiki tiraai dapa, ai filipaa ni taaróló dere ape,” du betalepó. Téró, átamo oleró betere whi tamonékélé, u whirapené dere kaae, faletu betalepó.

Yesu sukale fo
(Mat 27:45-56, Luk 23:44-49, Jon 19:28-30)

³³ Atéró, suka tuámó 12 kilok kaae sóró be dikiraletei, kuluka 3 kilok-mó momó deralepó.

³⁴ Atéró, ai sukakelemó, Yesuné fo fakeyóló duraalu, “Eloi, Eloi, lama sabakatani,” ai fo bete feteyóló “E teteróló kaae tare Kótóo, e teteróló kaae tare Kótóo, e wotoró beterópóló, noatapa taaróló feleé?” yalepó.

³⁵ Ama ai dere fo felekemó daae mole whirapené wosóló duraalu, “Elaijapaae ape yóló, ai dere wosere?” yalepó.

³⁶ Tétepa, betá whi hapale fóló, wépi kaae qla kape sikimó haka sóró, séli kēlaa kaae ere wain wēi tópuróló melaai yalemó, mepaae whiné duraalu, “Iaija wóló a tokóló só fulémóló kelaalopa, kaayae,” yalepó.

³⁷ Atéró, Yesuné fo fakeyóló, a mo ti sukalepó.

³⁸ Atéteretamo, kale momatere be tuámó satāle yóló oleró betere kuti, haletai ó kwiamó kaae sóró tuámó teketé doropóló, salepaae sókó deralepó.

³⁹ Téró, kale 100 diki tare whirape kaae tare doasi topo whi a Yesu oleró betere tiki felekemó daalemó, a sukaairaalu, dere fo fake wosóo, sukutere alakélé kolóo duraalu, “Haió! Áta, Kótóné Naalematei ai dirapó,” yalepó.

⁴⁰ Mepaae sorapekélé mo tumó kese anóló daae molepó. Ai sorape kuamó, Mak-tala sókó Mariakélé, Jems-ró Joses-tamoné hama Mariakélé, Salomekélé, atima atéró daalepó.

⁴¹ Ai sorapeta Yesu sya fóló, take Kale-limó átamo kuturaalu, a ya yātere qla melóló kaae tawale sorapepó. Mepaae átamo Jerusalem bepaee wale sorapekélé fea atima daae molepó.

Yesu dourale fo

(Mat 27:57-61, Luk 23:50-55, Jon 19:38-42)

⁴² Kale Juda whirape atima sãa nóló betere be dē dótóróti sókó waaipa, miótóró kulukapaae qla qla sisóló mulatere be dēmó ai ala yalepó.

⁴³ Tétepa, kuluka deretamo Israel fake so whiné fo tokóló taleratere whirape tuámó doasi doi mole Arimatea be whikó Josep walepó. Ai sekéta, Kótóné teteróló kaae tare ala wópóló kaae tare whipó. Atéreteiné a witere alakélé ini, halaainé Yesuné tiki melaaloe? yóló, Pailat-paae wosene felepó.

⁴⁴⁻⁴⁵ Atéró, Yesu mo sukalepó dere fo kale Pailat-né wosóló, a kilita sókó fu sira yalepó. Tétu, diki tare whirapené doasi topo whirapaae woseturaalu, “Yesu mo ti sukaleé?” depa, kale sekéné duraalu, “Epó. A mo ti sukalepó,” yalepó. Ti fo depa, kale Palaitiné Josep-paae wisirapa tokóló sóró fae yalepó.

⁴⁶ Tétepa, Josep-né ama betá dei linen kuti wisinaale dupuyóló, Yesu tokóló haemó mulóló, ama tiki bopeyóló dokalepó. Atéró só fóló, mené aleyóló muló betere kane

dolomó douralepó. Atéroró, Josep-né ai dou tu kinaaire kane fake biliraté fóló kinalépó.

⁴⁷ Atéroró, Yesu dourótu betepa, Maktala sokó Mariaró Joses-né hama Mariatamo mo tumó daalu, kese faló beterepó.

16

Yesu kepaayale fo

(Mat 28:1-8, Luk 24:1-12, Jon 20:1-10)

¹ Téró, kale sãa nokole be de kemene fupa, Maktala so Mariakélé, Jems-né hama Mariakélé Salomekélé, atima felé kɛlaa wale wisi wisi ɔla Yesuné tikimó dilãle faai dupuyalepó.

² Atéroró, fula kaae sere be demó, hika suka hoteretamo kale sorape atima Yesu mole dou tópaae felepó.

³ Atéroró atimasisi fu bituraalu, “Kale dou dolo kinó betere doasi kane fake betã né tukwɛyó biliraté faalorópó?” deté fu be-talepó.

⁴ Atima atéroró mo umó wou bitu kese faralemó, kale dou dolo kinó betere doasi kane fake biliraté fóló, demó muló betepa kelalepó.

⁵ Atépa, atima dou dolopaae felemó, betã kokopei whi deɛ kuti wisinaale deróló, turu naase deró betepa kólóló, atima witu kilita sókó felepó.

⁶ Atétepa kale whiné atimapaae duraalu, “Diã wiyóló kilita sókó faqse. Diãta, atimané filipaa ni tómó oleróló dale Nasaret whi Yesu kekitu beterapó. Ata imó muni, kepaayóló ai fele ape. A mulale tikikélé hãle ai erapa kelae.

⁷ Térapa diã fóló, ama yó matere whi Pitaró mepaae yó matere whirapetamopaae i fo ene fae. Take a sukãai bituraalu, yale fo motóróti dokonóturaalu, diã wópóló, folosóró api Kaleli haepaae ai fale ape. Térapa, diã aipaae fupa, a aimó kelaalópó,” yalepó.

⁸ Ai fo deremó, kale sorape atima diri furu furu yóló kilita sókó furaalu, doutó taaróló botokó felepó. Atéroró, kale sorape atima aso sókó feleteiné witepa, atimané kelale alarape me whjpaae inipó.

⁹ Fula kaae sere be demó Yesu a kepaayóló mo hikati Maktala be sokó Maria daalemópi sókó walepó. Ata, take Yesuné wɛikeró dowi keperape betepa, hɔkonale sopó.

¹⁰ Téró, Maria a fóló, Yesutamo kweyale whirape dekené sukuturaalu, molómó betó mupa, ama kelale ala fea atimapaae yalepó.

¹¹ Téyalemó, atimané kale soné Yesu kepaayóló betepa kelalepóló ene wale fo wosóló, mopóló tué tiki tirénipó.

¹² Téró nalomo, ama yó matere whirapekó tamo whi, doasi be hulua taaróló, me tikipaae faai fu betaalemó,

Yesuné ama tiki mo kae daayóló, atimaamo fu betere tuãmó sókó wóló, daapa kelalepó.

¹³ Atétepa, kelale whi tamoné mepaae yó matere whjrapepaae a mo kepaayóló beterepó fo ene walemókélé, mo dapóló atima tué tiki tirénipó.

¹⁴ Atéroró, nalo Yesu a ama yó matere 11 whirape ɔla nuku beterepó sókó walepó. Atéroró wóló, atimané a mo kepaayóló beterepó dere fo wosóló, tué tiki tiréni deremó, atima foné sóró duraalu, “Diaaɔ kutiri hapóluru dowãae fóló, e kepaayóló beterepóló ene wale fo wosóló, mopóló tué tiki tirénitere noatepa de?” yalepó.

¹⁵ Atéroró, atimapaae duraalu, “Kótóné kaaróló beterepó betere kae kae tiki daae mole so whi feapaae i kale kisi fo wisi yó melaté kweyae.

¹⁶ Mepaae so whi detamo tué tiki tiróló bitu wɛi tóputepa, ti atétere so whi aluyaɔsóró Kótóné tao saalotei, mepaae tué tiki tirénire so whi ti ama só deróló, dowi dupu melaalópó.

¹⁷⁻¹⁸ Atéroró, tué tiki tiró betere so whiné etei kelemei alarape eraalo ai ape. So whi tuãmó betó mole dowi keperape yãlo doimó hɔkonótua yóo, kae kae be fo tuénirutei tuére whiné dere fo kaae yóo, whi dele dowi wulirape naasené tatua yóo, hereikélé naalotei sukuni yóo, hepo daróló mole so whiné tikimó naase mulatepa wisi yóo, yaalo ai ape,” yalepó.

¹⁹ Atéroró, Tale Yesuné atimapaae ai forape yóló kemetepa, Kótóné a hepen-paae dapesó holóló, Talené ama turu naase demó beterepó.

²⁰ Atéroró, ama yó matere whirape atima hae kwia feapaae kale kisi fo wisi yó maté kweyaae felepó.

Atima atéroró yó maté kotere fo so whiné mo dapóló tué muópóló, mepaae kelemei alarape eraaire fotokó Talené atima tuãpaae mo sɔralepó.

Luk

Wei tópuratere whi Jon deyaalopóló yale fo

¹ Kótóné eraalopóló muló betere fo dā tuāpaae mo eró betepa, mepaae whinē kolóló aseyaalopó.

² Ai whirape atima kōleaané ašeni, yale alarape mo kelale whirapené deté wale fotóró yó maté wou betalepó. Ai whirapeta, kale fo wisi kae fotamo hoseké eraqsóró hotowayóló kaae taru, yó mótu betalepó.

³⁻⁴ Mepaae whirapené deté wale fo aseyaale kaae, mió yalokélé ai fo wisiyóló taleyóló betemó kaae sóró, mo donotóró aseyaai kisipa mutapó. Doa whi Tiopilusó, take mepaae whirapené yāpaae yó melale fota, mo erapóló naao diriyóló tué yaasepóló, yālo i ašetere ape.

⁵ Kale Judia hae kwia tēteróló kaae tare topo whi Herot betale alimó etéyalepó. So whimó Talepaae momaratere whi betā beterepó. Ai whiāta, Lipai faketei, Abaijané deté wale whi Sekaraiapó. Ama soma Elisabet-ta, momaratere topo whi Eron-né deté wale sopó.

⁶ Kótóné keletómó atimaamo mo donoi soró whitamó bitu, Kótóné yóló muló betere fo aqmó sukóló, ama erae dere ala betā eraté fu betalepó.

⁷ Atēretei, kale so Elisabet atimaamo naale senaalekélé mei, ni daayóló betepa, sokélé sere yóo, whikélé otere yóo yalepó.

⁸ Atéro betere tuāmó Abaija fake whirapené so whimó momarópóló, tukóló muló betere be demó Sekaraiaró ama fake whitamóné momatere be kaae tarepó. Atēru, Sekaraia ā so whimó momarótu betalemó etéyalepó.

⁹ So whimó momaratere whirape atima mara mole ala sya furaalu, atimané doi mole ni fakerape fesekée deralemó, Sekaraijané doi mole ni fake dono fetée horóló muni dorowalepó. Atétepa, ā kale momatere be tuāpaae fóló, felé kēlaa wale fetera kaae q̄la si keletómó biliyópóló, atimané ā sóró beteralepó.

¹⁰ Atéro, kale felé kēlaa wale fetera kaae q̄la simó sukūlaa dalatere sukamó ā momatere be dolopaae fóló, simó terepetu betalepó. Atētu betepa, mepaae momayaai wale so whi atima belamó kaae taru momatu betalepó.

¹¹ Até du betepa, Talené dotonale *ensel* wóló, kale felé kēlaa wale q̄la bilitere tiki turu naase deró daapa kalalepó.

¹² Ai *ensel* sókó walemó, Sekaraia kilita sókó furaalu, mo winé sukutu betalepó.

¹³ Tétepa, kale *ensel*-né āpaae duraalu, “Sekaraia-ó, yā wiyāqse, naao du betale moma Talené wosalepó. Naao so Elisabet

naale deyaalo ai ape. Téyaalopa, ama doi Jon mulae.

¹⁴ Ai naale detere kilituraalu, yā doasi hainé sukó, mo so whikélé ai naale kilituraalu, hainé sukó yóló Talepaae mo kée du betaalo ai ape.

¹⁵ Ti noatepae, Talené keletómó ā mo doasi whi betaalopó. Ā doayóló bitukélé, *wain* weiró topo doayóló keyaa fole weitamó naalomeipó. Ā hamané depemó betepatei, kale Deji Kepe Wisi ā tuāmó fāyayóló mo suró betaalopó.

¹⁶ Atēru, take kōpaae fu betere Israel fake so whi atima tēteróló kaae tare Kótó aqmó beterópóló, ai naalené momó dapesó waalo ai ape.

¹⁷ Tale wópóló folosóro āpi wouraalu, ama yaaire alata, take betale whi Iaija ā keperó fotokótamo fānuraalu du betale ala kaae, ai seké ā tuāmókélé até yaalopó. Ai naale doayóló bitu, alimaraperó naale senaaletamopaae momó hosaa muópóló, atima tué tiki feteraalo ai ape. Atéturaalu, mepaae Kótóné fo woseni dowāae fu betere so whi Kótóné donoi ala tuāmó wisi kisipatamo beterópóló eraalopó. Atéturaalu, so whi fea Tale beterepaae faaire ala amatei, donoróló beteraalo ai ape,” yalepó.

¹⁸ Atéro Sekaraijané *ensel*-paae duraalu, “Atei ala mo eraalopóló yālo noayóló kisipa yaaló? Ti ē otere yóo, yālo sokélé sere yóo, erapó,” yalepó.

¹⁹ Tétepa, kale *ensel*-né āpaae duraalu, “Ēta Kótóné keletómó daalu i ala yae depa du betere *ensel* Kebriel-pó. Mió i dere fo wisi yālo yāpaae yó melópóló, ama ē yā beterepaae dotonatepa wóló yātamó fo i du betere ape.

²⁰ Mió yālo i dere fo wosóló kisipa tiki tiréni depa, ti naao fo aluyaalo ai ape. Yā atēpatei bitiré fóló, mió i dere fo dokonóló eratere sukamó ti naao fo momó yaalo ai ape,” yalepó.

²¹ Téro, Sekaraia momatere be dolopaae holóló betepa, belamó ā kaae tawóló betó mole so whiné duraalu, “Ā mo taketi holaletei, diki du betere-a, noakó su bitu déropóló,” du betalepó.

²² Téro kale whi ā belapaae dorowóló atimapaee fo yaairetei sūni, ama fo alureteini naasené maaté du betepa, so whiné etei kisipa mualepó. Be tuāmó Talené me alakó āpaae nokené dere ala kaae eratepa kilitu yalepó du betalepó.

²³ Atéro, momatere be tuāmó kutó diyópóló dāle mulale be dē kemetepa, ama bepaae felepó.

²⁴ Ai alarape yale kīlipaae ama soma Elisabet naale yalepó. Atétepa, kale so ā kēlaqsóró ama bemó kinóló betepatei, wélié aporó kemeyalepó.

²⁵ ʔ atéro bitu duraalu “Take ɛ ni daapa so whi feané faletu betaleteti, mió i be demó Talené ɛpaae erale wisi alané so whi feané keletómó ɣalo hale kemeralepó,” yalepó.

Yesu deyaalopóló yale fo

²⁶ Téró, kale so ʔ naale yóló betepa, apomi wélié tuámó Kótóné ama *ensel* Kebriel, Kaleli haemó tene Nasaret be hulua-paae dotɣyalepó.

²⁷ Atéro, kale *ensel* Kebriel betá so seimale Maria beterepaae felepó. Ai sota, Depit fake whikó Josep-né dokaairaalu tukóló betero beterepó.

²⁸ Téró, kale *ensel* ʔ beterepaae fóló duraalu, “Talené hekesere so seimale-ó, Tale ɣatamo ai betere ape,” yalepó.

²⁹ Atei fo Mariané woseturaalu, etei kaae kóléó dere fo-a, noa betené dérópóló ʔ kisipa teketu betalepó.

³⁰ Até du betepa, kale *ensel*-né ʔpaae duraalu, “Maria-ó, Kótóné ama ʔ mo wisiyóló kolóló hosaa mutu, ɣapaae wisi ala eraai dapa, wiyaqse.

³¹ ʔata, naale yaalo ai ape. Ai naale detepa, ama doi Yesu mulae.

³² ʔ doasi topo whi betepa kilituraalu, so whi feané mo ó taoró betere Kótóné Naalemapó du betaalo ai ape. Ai naaleta, take ama noumatere Depit bitu yale kaae, so whi fea teteróló kaae tanópóló, Kótóné amatei ʔ doasi whi sóró beteraalo ai ape.

³³ ʔata topo whi bituraalu, Jekop-né firale fakerape teteróló kaae tare ala kemekélé ini, hale yótóró tawaalopó,” yalepó.

³⁴ Tétepa, Mariané *ensel*-paae duraalu, “ʔta, whitamokélé konipa, ai ala neyóló yaaloé?” yalepó.

³⁵ Ai fo depa, *ensel*-né ʔpaae tokó mótu duraalu, “Kale Deji Kepe Wisi ɣa tuapaae bití waalopó. Téturaalu, mo ó taoró betere Kótóné fotokóné ɣa teteróló husuró betaalo ai ape. Ai deyaaire naaleta, me dowi alakélé muni, mo kae naale detepa so whi feané kilitu, ita Kótóné Naalemapó fo yaalo ai ape.

³⁶ Aita ɣa maatei mei, naao kekelé so Elisabet-kélé seretei naale erapó. Upulé ʔ ni daapa mepaae so whiné atei serené naale deyaalomeipó dua yaleteti, mió ʔ naale epa, apomiró wélié kemeyalepó.

³⁷ Ti fea ala fea Kótóné sýmó enénipóló de?” yalepó.

³⁸ Ai fo depa, Mariané ʔpaae duraalu, “Ti ɛta Kótóné ama kutó diratere so beterepa, naao yale fotóró ama ɛpaae erópóló yae,” yalepó. Téró, kale *ensel* felepó.

Maria ʔ Elisabet kepe fele fo

³⁹ Atéyale be demótóró, Maria ʔ ɣla ɣla hapale sisóló ai be hulua taaróló, Judia du sorokó mole haemó tene be hulua-paae felepó.

⁴⁰ Atéro, kale so ʔ Sekariaiaró somatamo betere be dolopaae fóló, Elisabet-paae duraalu, “Fapa kóléó,” yóló apualepó.

⁴¹ Mariané Elisabet-paae ai dere fo woseturaalu, Elisabet-né depemó betere naale toróyó holalepó. Atéturaalu, Deji Kepe Wisi ʔ tuámó faayóló sɣralepó.

⁴² Atéru Elisabet-né fo fakeyóló duraalu, “Sorape fea betó mupatei, ɣa betá Tale Kótóné mo wisiró beterepó. Atéturaalu, naao deyaaire naalekélé ama mo wisiró beterepó.

⁴³ ʔ mé so wisi betepa, ɛ teteróló kaae tare Talené hama naao ɛ kepe waleé?

⁴⁴ Naao kóléó dere fo woseturaalu, ɣalo depemó betere naalekélé hekesené sukutu toróyó holalepó.

⁴⁵ Kótóné ɣapaae eraalopó yale fo wosóló, naao kisipa tiki tiralemó ɣa wisiró beterepa, mióta ɣa hekesené suká,” yalepó.

Mariané Kótóné doi hale horótu yale wole fo

⁴⁶ Téró, Mariané duraalu, “ʔalo hosaa tuámó Talené doi hale sóró horatapó.

⁴⁷ ʔalo hosaa turónékélé ɛ aluyaqsóro tao sale Kótópaae mo kée yóló hajiné sukutapó.

⁴⁸ Ti ɛta, kutó diratere doi muni sókótei so betepatei, ama ɛ wisiyóló tao salepó. Mió i be demó kaae sóró bitiré faaire so whi feané ɛ kilituraalu, ita Kótóné wisiró betere sopó yaalo ai ape.

⁴⁹ Ti noatepae, mo doa fotokó bole Tale Kótóné ɛmó mo doakale ala eralepó. Ama doi mo kae muluraalu, dowi ala mo betakélé munire Talepó.

⁵⁰ Mepaae so whi de Kótópaae winé sukóló ʔ aomó dua betepa, ama kólené sukutere ala mió i alimó betere so whi paaekélé, take bitiré faaire so whi paaekélé, hale yó tarapó.

⁵¹ Ama doasi bole fotokóné mepaae doasi alarape eralepó.

Atéturaalu, mepaae whi de atima kisi-paneitei duraalu, ‘ʔta mo doasi seké whi beterepóló,’ bopé faketu betale whirape dapo dapo yóló fópóló, hókó faralepó.

⁵² Mepaae teteróló kaae tare doasi topo whirapené kaae tare alarape ama kemeróló, haepaae só deróo, mepaae naameyóló sókótei betere so whi ama sikipaae horóo, yalepó.

⁵³ Mepaae wotené sukutere whirape ama ɣla wisi melóló hairóo, mepaae ɣla ɣla dekeró mole néli so whi hale fópóló dotonóo, dua yalepó.

⁵⁴ Ama kutó diratere Israel fake whirape kisipa keteréni, kólené sukuturaalu, atima tao sere ala hale yó tarapó.

55 Talené Abraham-ró ama deté faaire naaletamopaae wisi ala eraalopó yóló mulále fo keteréni, dāné ayarapepaaekélé eralepó.

Atéyale kaae, mió i alimó dāpaaekélé ama kōlené sukutere ala hāle yó tarapó,” yalepó.

56 Téró, wélié soremó Maria ą Elisabet-tamo beteró, nalo ama bepaee fesaae felepó.

Wēi tōpuratere whi Jon deyale fo

57 Téró etéyalepó. Kale so Elisabet ą naale saaitere be dēmó ama naale dealepó.

58 Tale Kótóné doasi kōlené sukuturaalu, ąpaae erale alamó Talepaae mo kēe yóló doasi hēkese yalepó. Atétepa, ama be whi so whiró kekelé so whitamokélé ama dere hēkese kaaetóro du betalepó.

59 Atéro kale so naale sóro beteró, bokó wale be dēmó ama tiki sekaę tukóló siriró, kale naalené doikélé alima Sekaraiané doi yakoróo yaai, ama fake so whi walepó.

60 Até yaaitépa, ama hama Elisabet-né duraalu, “Meipó. Ama doita, Jon mulaai dapó,” yalepó.

61 Ai fo depa, atimané ąpaae duraalu, “Yą fake whikó mo betąkélé atei doi munipó,” yalepó.

62 Ti fo depa, atimané alimapaee naasené maaté yóló duraalu, “Nao kisipané ą de doi mulaalóe?” yalepó.

63 Tétepa, ama atimapaee naasené maaté yóló duraalu, asetere sóku sóro ape depa, sóro walepó. Atéro, ai kale sóro wale ąla tómó Jon doi aseýalepó. Ai doi aseýtere kilituraalu, so whi feané haió yóló, sirayalepó.

64 Até yaletamotóro Sekaraia ą fo aluretei momó duraalu, Kótóné doi hale sóro horalepó.

65 Atimaamoné be felekemó betó mole so whiné atétere ala kilitu, me ala kae dapóló winé sinalepó. Du sorokó mole Judia hae kwiamó betó mole so whi feapaae i ala yalepóló deté kweýóló fakeralepó.

66 Mepaae i fo wosale so whiné “I naaleta, Tale Kótóné mo doasi fotokó bete ą tuąmó mupa kilitu, take doayóló ą noa kaae whi betaalórópó,” du betalepó.

Sekaraiané yale wole fo

67-68 Kale naale Jon-né alima Sekaraia Dęi Kepe Wisiné fotokóratepa, Kótóné ąpaae yae depa mo so whi paae duraalu,

“Dāné Talené doi hale sóro horaalopó. Israel fake so whi teteróló kaae tare Kótópaae mo kēe du betae.

Ti noatepaae, dą ama so whi póló dupuró beterapó.

69 Ama kutó diratere whi Depit-né firale fake tuąmó Kótóné whi betą sóro beteró beterapó.

Ai sekéné ama fotokōné dą i hae so whi aluyaąsóró tao saalopó.

70 Ti mo take Kótóné ama kae beteró betere kōló whi rapené yale fo mo dokonóturaalu yalepó.

71 Dą bóe whi kuamó betepa, ama tao saalopó. Téturaalu, mepaae whiné dowi kisipa muóló dątamo bóe dupa, ama fotokōné sesé yaalopó.

72 Dāné ayarape ama kisipa keteréni, kōlené sukuturaalu mió dą tao saaire whi dotonaalopó.

73 Ti aita hāle mei, Kótóné dāné aya Abraham-paae i ala eraalopóló mo dirii fo yóló muló betere teinépó.

74 Take ai yóló muló betere fo dokonóturaalu, bóe whi rapené dą dóló teteraąsóró, tao sóro beteró beterapó.

Atérené mió dą wikélé ini, halaainé Kótóné kutó betą dirótu betenérápó.

75 Ti betere dokó fea dą ama keletómó ama kae ere alaró mo donoi alatamo tuąmótóro betó tawaalopó.

76 Yąta, yąlo naalepó. Take nalopaae so whi feané yą kilituraalu, mo taoró betere Kótóné ama kōló whi pó yaalopó.

Ti Tale waaipa yapi folosóró wouraalu, ą waaire tu donoraee yaaire whi betaalopó.

77 Téturaalu, Kótóné ama so whiné dowi alamó melaaire kwia aluróló tao saaire ala naao atimapaee yó melaalo ai ape.

78 Ti Kótóné kōle dere ala ama hosaa tuąmó ąaneteiné ai ala eraalopó.

Ti atéyaaire alata, hįka teó sokotere suka dāné tikimó felétu dere kaae, Kótóné ama hepen-mó ere dę dą betere tuąpaae eraalopó.

79 Ti aita, noa yaai mei, mepaae diliki tuąmó betó mole so whiró mo felekemó sukąai du betere so whi tamó Kótóné hosaa muni deýóló dua betere ala tuąpaae bių fópóló, ai dēné yó melaalopó,” yalepó.

80 Atéro, kale naale ą doaturaalu, ama kepe tuąpaaekélé doasi fotokó bualepó. Atéru, ą Israel so whi beterepaae hąkearóló sókó waairaalu, so whi bitini hāle wópu tikimó bitiré felepó.

2

Yesu deale fo

(Mat 1:18-25)

¹ Ai alarape du betale tuąmó etéyalepó. Rom Gavman topo whi Sisa Akastus-né i hae kwiamó betó mole so whi doi siré kweýae yóló mulalepó.

² Atéro so whi doi saleteita, Siria hae kwia Kwirinius-né teteróló kaae tapa, folosóró kaae sutóro yalepó.

³ Atétepa, kale so wh̄i mo fea doi sópóló, atimané turuku be séle sélepaee felepó.

⁴ Atétepa, Josep a Depit-né deté wale wh̄i ereteiné Kaleli hae kwiamó tene Nasaret be taaróló, Judia haemó tene Depit-né be hulua Betelehem-paae felepó.

⁵ Ama dokaai tukóló betero betere so Maria naale epa, atimaamoné doikélé mu-lai felepó.

⁶ Atéro fóló, atimaamo ai bemó betepa, kale so naale saaire be de sókó walepó.

⁷ Ai be demó kale soné ama topo naale deyalepó. Atéro, kale naale kutiné bope yóló hupurape ɔla melótua dere ni fak-ené aleyale nuku tómó beleró beterepó. Ti noatepae, uké wale so wh̄iné fitere be faaneteiné yalepó.

Ensel-rapené sipsip hupu kaae tare wh̄irapepaae yale fo

⁸ Téro étéyalepó. Ai hae kwiamó mepaae sipsip hupu kaae tare wh̄irape ai be hulua taaróló, ne yó molepaae fóló, dikitamó atima hupurape kaae tawóló betó molepó.

⁹ Atéro betere, Talené *ensel* betá atima betere tikimó sókó wouraalu, Talené ama ere doasi dené atima betere tikikélé deyó felepó. Atéteremó atima fea winé sukutu betalepó.

¹⁰ Atétepa, kale *ensel*-né atimapaee duraalu, “Diá wiyaqse, ɛta i hae kwia feamó betó mole so wh̄iné wosóló doasi hainé sukaire fo wisinaale ene walepó.

¹¹ Diá i haemó betó mole so wh̄i aluyaqsóro, tao saaire wh̄i mió i be demó Depit-né be huluamó ai deyale ape. Ata, Kótóné so wh̄i fea teteróló kaae tanópoló, sóro betero betere Kerisopó.

¹² Diá fóló kelenalemó, miótóro deale naale kutiné bopeyóló hupurape ɔla melótua dere ni fakené aleale ɔla tómó beleró betepa kilituraalu, ita kale bope yale naale hitipó yaalo ai ape,” yalepó.

¹³⁻¹⁴ Atéro, mo títitóro kale *ensel* betá daalepaae ó hepen bemó betó mole *ensel*-rape mo h̄ale ɔla kaae dorowóló daae mulu, Kótóné doi hale sóro horótu duraalu, “Mo taoro betere Kótóné doasi mole doi hale sóro horae.

Kótóné ama tuéné wisi ala eraaitere so wh̄ipaae hosaa muni deyóló mo dua betere ala erópóló yae,” yalepó.

¹⁵ Kale *sipsip* hupu kaae tare wh̄irape betó mupatei taaróló, *ensel*-rape hepen-paae fesaee holalepó. Atétepa, kale wh̄irape atimasisi duraalu, “Talené d̄apaae yó melale ala kelaai, Betelehem be huluapaae faalopa fiépe,” yalepó.

¹⁶ Atéro, atima hapale fóló Mariaró Josep-tamo betóo, kale naalekélé hupurape ɔla melótua dere ɔla tómó firóo, epa kelalepó.

¹⁷ Atimané kale naale kolóló *ensel*-rapené atimapaee yale fo so wh̄i feapaae deté kweyóló fakeralépó.

¹⁸ Ai fo depa wosale so wh̄i feané ita, noa kaae fo yalerópóló, sirayóló tué teketu betalepó.

¹⁹ Até du betepatei, Mariané ai dere fo wosóló, ama hosaamó muló bitu kisipa h̄ale yó tarepó.

²⁰ Téro, kale *sipsip* hupurape kaae tare wh̄irape atima bepaae fesaee furaalu, kale *ensel*-rapené atimapaee i ala epa kelaalo ai ape, yale ala motóro epa kelaletiné Kótóné doi hale sóro horaté fu betalepó.

Yesu momatere bepaae yó male fele fo

²¹ Atéro kale naale sóro bitiré fóló, bokó wale be demó ama tiki siriróló Yesu doi mulalepó. Aita kale so naale yaaipatei, *ensel*-né mulae yale doipó.

²² Moses-né asemó soné naale sale tiki Talené keletómó wisiyópoló, kaae tawae ere be de kemetepa, Josep-ró Mariatamo kale naale Talepaae melaai dapóló, Jerusalem bepaae dapesó felepó.

²³ Aita h̄ale meipó. Talené fo tuamó “Topo naale Talepaae melae,” ere fo sya furaalu yalepó.

²⁴ Téro, me ere fo i ape. “Betá soné naale senaale detepa, kale soné naale ditu yale ala Talené wisirópóló, ba h̄okósere tamo ó sukusi tamo Talemó melae,” ere fo sya furaalu atéyalepó.

²⁵ Até yale sukamó, Jerusalem bemó wh̄i betané doi Simeon beterepó. Ata, mo donoyóló bituraalu, Kótóné ala betá erótu betale wh̄ipó. Atéro, kale Israel fake so wh̄i dowi sekei ala tuamó betepa, tao saaire wh̄i wópóló, kale Deji Kepe Wisi ɔtamo betámó beterepó.

²⁶ Apaae kale Deji Kepe Wisiné etei fo yóló munélipakalepó. Yá hapale sukuni, Talené sóro betero betere wh̄i Keriso kolóló sukáalo ai ape.

²⁷ Atéyale sukamó, Simeon otere Deji Kepe Wisiné fotokoratepa, momatere be tuapaae fóló beterepó. Atéro betere, kale yóló muló betere foné yae ere ala yaairaaalu, hamaró alimatamoné Yesu apuóló momatere bepaae sókó walepó.

²⁸ Atéro wapa, kale Simeon oterené kale naale tao sóro ama naase tómó beleróló, Kótóné doi hale sóro horótu duraalu,

²⁹ “ɔla ɔla fea teteróló kaae tare Tale-ó, naao kale yóló mulale fo mió mo dokonatereteiné naao kutó diratere wh̄i sukutepa, hosaa muni deyóló dua fópóló yae.

³⁰⁻³¹ Ti noatepae, naao so wh̄i aluyaqsóro, tao saaire ala so wh̄i feané keletómó donoróló muló betepa mió yalo i keletere ape.

³² Ai dené Juda mei, kae fake so whi tuapaae Kótóné ere ala hakearatepa kolólo tué yóo, Israel fake so whikélé doasi doi sóo, yaalopó,” yalepó.

³³ Téró, kale naale hamaró alimatamoné Simeon oterené yale fo wosóló, haió i yale fo-a, noa betené yalerópóló siratu betalepó.

³⁴ Kale Simeon oterené atima wisiraterere fo yóló, hama Mariapaae duraalu, “I naalenéta, Israel fake so whi fea haepaae só deróo, mepaae so whi tao sóró sikipaae horóo, yaalopó. Atétere ala kilituraalu, Kótóné hiróló mole ala so whi feapaae hakearóló yó matepa, mepaae so whiné ai dere fo wosaalomeipóló, a só deraalo ai ape.

³⁵ Atétere alané mepaae so whiné hosaa tuámó mole tué tiki hakeamó mulaalopó. Atéteremó, sepake kwia kaaené naao hosaamó deyaalo ai ape,” yalepó.

³⁶⁻³⁷ Aimó Kótóné ama betá kóló so wulia Aser fakekó Fanuel-né senaalema Anakélé beterepó. Ama whítamo dokóló betepa weikeró ba fo kemeyóló, oma sukutepa wulia bitu kemeyale ba fotamo touróturaalu 84 ba fo biti serepó. Atéró Kótópaae kisipa tiró bitu, momatere be taaréni, dikitamokélé, detamokélé, moma dere ala hale yó tarepó. Atéru, a ọla weyóló bitu, moma dere ala betá dua yalepó.

³⁸ Téró ai fapotóró kale so Ana atima beterepaae sókó wóló Kótópaae mo kée yóló, Jerusalem bemó betó mole so whi aluyaosóró dupuróló tao saaire whi wópóló kaae tare so whipaae kale naale i ape yóló yó mótu betalepó.

³⁹ Atéró, Josep-ró Mariatamoné Talené yae yóló muló betere alarape yóló kemetere, Kaleli haemó tene atimané diri Nasaret be huluapaae momó fesaae felepó.

⁴⁰ Kale naale a doaturaaalu, mo doasi fokó buóo, tué tiki dotoróé fóló fosó fosó yóo, Kótóné apaae hosaa muóló yaala sókó fóo erapó.

Yesu a teó naale belekqamale, momatere bemó betere fo

⁴¹ Téró etéyalepó. Kale bosenée fele be de sókó wapa ọla deteremó, ama hamaró alimatamo ba fo dokó fea Jerusalem be huluapaae fua yalepó.

⁴² Kale naale doayóló 12 ba fomó betepa, atima dua dere kaae, ọla detere sukamó atimaamo Jerusalem be huluapaae holalepó.

⁴³ Kale bosenée fele be demó ọla detere ali kemetepa, ama hamaró alimatamo bepaae fesaae furaalu, kale naale Yesu Jerusalem bemó betepatei, fole so whítamo fele nisyóló atimaamo felepó.

⁴⁴ Téró kale soró whítamoné kispáné so whítamo fole nisyóló atimaamokélé fu betepa, be de betá kemeyalepó. Atéró fóló

kale naale atimaamoné fake so whiró fulumu whirapetamo betere tikimó kekalepó.

⁴⁵ Até yalemó bitinipa, kekai Jerusalem be huluapaae momó fesaae felepó.

⁴⁶ Atéró kekitu betepa, be de sore hale kemeyóló nalo kale momatere be bopere tipi tuámó betepa kelalepó. Atéru, mepaae Juda yó matere whirapené dere fo wosóo, mepaae wosetere forapekélé yóo du betalepó.

⁴⁷ Kale naale atéró kisipa fosó fosóru atimané apaae wosetere fo mo donotóró tokó matepa woseturaalu, whirape feané siratu betalepó.

⁴⁸ Atétere ala hamaró alimatamoné kilitu, atimaamo kilita sókó fóló hamané apaae duraalu, “Ti naale-ó, ayanaao damo ya whaalía depa kekale supa, noatempa atei kaae ala yaleé?” yalepó.

⁴⁹ Ti fo depa, atimaamopaae duraalu, “Yalo ayané e beterepóló ere bemó fóló betereitei diaamo tué iniru e kekenapó,” yalepó.

⁵⁰ Ama ai yale fo bete atimaamoné diri yóló wosóló kisipa sinipó.

⁵¹ Téró, kale naale ama hama alimatamo Nasaret be huluapaae fóló, atimaamoné dere fo betá wosóló aqmó sukóló beterepó. Téruraalu, Yesuné ama yale fo fea hamané kisipa keteréni, ama hosaamó muló beterepó.

⁵² Téró, Yesu a teó doatutei kisipa tiki dotoróé fóló, fosó fosóí naale wisi doatempa Kótónékélé, mo so whiné kélé, hesekeyóló apaae hosaa mualepó.

3

Wei tópuratere whi Jon-né yó male fo (Mat 3:1-12, Mak 1:2-8, Jon 1:19-28)

¹ Taiperius Sisa 15 ba fo tuámó a topo whi bituraalu, Rom hae kwia mo fea ama tetéroló kaae tarepó. Atéyale sukamó, Pontias Pailat akélé doasi *Gavman* topo whi bitu, Judia hae kwia tetéroló kaae tawóo, Herot akélé doasi topo whi bituraalu, Kaleli hae kwia tetéroló kaae tawóo, ama noma Filip-né Ituraea hae kwiaró Trakonaitis hae kwiatamo tetéroló kaae tawóo, Lisantias a doasi topo whi bitu, Abilene hae kwia tetéroló kaae tawóo, erapó.

² Anas-ró Kaiapas-tamo Kótópaae momaratere doasi topo whi betere sukamó, Sekaraiáné naalema Jon whi bitini wópu mole tikimó betepa, Kótóné fo a tuapaae sókó walepó.

³ Atéró, Jon a Jordan wei fole hae kwiamó tē mole be hulua dokópaae fóló, fo yó mótu betalepó. Atéró, Kótóné fo yó mótu duraalu, “Diaa du betere dowi ala taaróló, Kótópaae kisipa tiki feteyóló ape. Atétepa, yalo dia wei tópuraaalo ai ape. Diaa du dowi alamó

saaire kwia Kótóné me ɔla meipóló, haɓe kemeraalo ai ape,” deté kutu betalepó.

⁴ Mo take betale Kótóné ama kóló whi Aisaiané aseýóló muló betere fo mo donotóróti yalepó. Ai fo i ape.

“Whi betá haɓe wópu mole tikimó bitu fo fakeýóló duraalu,

‘Tale waaire tɔ aleyae, ɔ waaire tɔ donorae.

⁵ Tukwe derepale tiki, hae mulólo wisirae.

Doasi hasi uluró du sokoreitamó dukýóló mulurae.

Wé wére tɔkélé, mo donoyóló aleyae.

Kapo ó hapisaɔ muóló dore tɔ dukýóló taae farólo wisirae.

⁶ Até depa, ti Kótóné so whi fea aluyaɔsóró tao saaire ala wisi so whi mo feané kelaalo ai ape,” yalepó.

⁷ So whi mo fea Jon-né wéi tópurópóló ɔ beterepaae wua depa, atimapaee duraalu, “Diaaɔ dere alata, wuliné tɔ kotere kaae dapó. Kótóné diɔtamó fopaae butu taleyaɔsóró, mopaee botokó faai de?

⁸ Diɔ dowi ala taarólo kisipa feteyóló tɔ wisipaae fulapó du betere fo, haɓeamó motóro du betae. Ti noatepae, Abraham-ta diaaɔ ayapó du betere fomó yaɓo diɔpaae i dere ape. I muó mole kapo fakerape Kótóné whi aleyóló, Abraham-né naale senaale beteranérápó.

⁹ Talené kawe ni bete dokó taketi muló beterapó. Mepaae ninétamo du wisi olenitepa, ti ai nirape fea diyóló sipaae taae deraai Talené ama tɔ ai ni betemó bukó tarapó.” yalepó.

¹⁰ Ai fo depa so whi feané ɔpaae duraalu, “Ti dané noa alakó yaaloé?” yalepó.

¹¹ Ti fo depa Jon-né atimapaee duraalu, “Me whi dené kuti tamo deró betepa, me kuti sokóló yaɔare whi melae. Whi me dené ɔla huyóló mupa, ti aikélé betá kaae alatóro yae,” yalepó.

¹² Mepaae *takis moni* siré kotere whirape atimakélé wéi tópuuai dapóló wóló ɔpaae woseturaalu, “Yó matere whi-ó, ɔa noa alakó yaaloé?” yalepó.

¹³ Tétepa, ama atimapaee duraalu, “Diaaɔ *takis moni* siré kutu, bosenóló sini, sae yale sutoró sae,” yalepó.

¹⁴ Ti fo depa, mepaae diki tare whirape wóló ɔpaae woseturaalu, “Dá noa ala yaaloé?” depa ama duraalu whiné *moni* saai, so whi teteréli fo yóló ó dilikóló saɔse. Naa *Gavman*-né diɔ matere *moni*-tóró tawóló betae. I sɔ meipóló, dokó dokó yaɔpó,” yalepó.

¹⁵ So whi feané Jon kilituraalu, i seké Kótóné sóro betero betere whi Keriso du yalepóló, tué tekitu betalepó. Ti noatepae, atima Keriso mo kelaai kisipa mutu betaletéinépó.

¹⁶ Até du betepa, Jon-né atimapaee tokó mótu duraalu, “Yaɓota, diɔ wéi maaté tópuratapó. Téteretei, mo doa seké whi betá waalo ai ape. Ata ɔ kaae meipó. E ɔ aqmó naale belekaɔmala kaae betereiteiné yaɓo ama hó be dokore képi teraayaairetei mo sunipó. Amata, kale Deɔ Kepe Wisiró sitamoné diɔ wéi tópuuraalo ai ape.

¹⁷ Ama naaséné *whit* betapaae eróló kane fake kaae ɔla tómó mulóló, fumi beséné só fópóló epeýóló horatere ɔla tarapó. Tétu, mo *whit*-ta betapaae eróló mulótu beterapó. *Whit* fumita, mo sukókélé feni haɓe dó tare sipaae taae deraalopó,” yalepó.

¹⁸ Atéro, Jon-né kale mió wosetere kisi fo wisi so whi feapaae yó melóturaalu, so whiné kisipa tiki feteraaire forapekélé, yó melótu betalepó.

¹⁹ Tétu betaleteti, kale doasi *Gavman* topo whi Herot-né noma Filip-né sotei ɔ dokó, mepaae kae kae dowi alarape yó, du betaletépó. Até du betepa, Jon-né Herot-paae atei alarape taalae yóló, foné salepó.

²⁰ Herot-né take yale alarape tómó, me i alakélé yalepó. Kale Jon *dipula* beteralépó.

Jon-né Yesu wéi tópurele foró Yesu deté yale whirapené doirape

(*Mat 3:13-17, Mak 1:9-11*)

²¹ Atéyale sukamó, Jon-né so whi fea wéi tópuróturaalu, Yesukélé wéi tópurelepó. Atéro ɔ momatu beteremó, ó hepen be tɔ tukwé fóló molepó.

²² Atépa, kale Deɔ Kepe Wisi ba hoɓósere kaae Yesuné tikimó biɔi dorowalepó. Até deretamo, hepen beró fo fakeýóló duraalu, “Yaɓa, yaɓo Naalepó. Naa dere ala wisi kilituraalu, ɔ mo doa hekesené sinitapó. Ti yaɓa yaɓo mo yaala sókó fóló mole Naalepó,” yalepó.

²³ Téro etéyalepó. Yesu ɔ kutó kaae saai betale sukamó, 30 ba fo beterepó. A atéro betepa so whiné ɔta, Josep-né naalema nisi yalepó.

Josep-ta, Heli-né naalemapó.

²⁴ Heli-ta, Matata-né naalemapó.

Matata-ta, Lipai-né naalemapó.

Lipai-ta, Melki-né naalemapó.

Melki-ta, Janai-né naalemapó.

Janai-ta, Josep-né naalemapó.

²⁵ Josep-ta, Matatias-né naalemapó.

Matatias-ta, Amos-né naalemapó.

Amos-ta, Naham-né naalemapó.

Naham-ta, Esli-né naalemapó.

Esli-ta, Nakai-né naalemapó.

²⁶ Nakai-ta, Mat-né naalemapó.

Mat-ta, Matataias-né naalemapó.

Matataias-ta, Semen-né naalemapó.

Semen-ta, Josek-né naalemapó.

Josek-ta, Joda-né naalemapó.

²⁷ Joda-ta, Joana-né naalemapó.

Joana-ta, Resa-né naalemapó.

Resa-ta, Serubabel-né naalemapó.
 Serubabel-ta, Sealtiel-né naalemapó.
 Sealtiel-ta, Neri-né naalemapó.
²⁸ Neri-ta, Melki-né naalemapó.
 Melki-ta, Adi-né naalemapó.
 Adi-ta, Kosam-né naalemapó.
 Kosam-ta, Elmadam-né naalemapó.
 Elmadam-ta, Er-né naalemapó.
²⁹ Er-ta, Josua-né naalemapó.
 Josua-ta, Elieser-né naalemapó.
 Elieser-ta, Jorim-né naalemapó.
 Jorim-ta, Matata-né naalemapó.
 Matata-ta, Lipai-né naalemapó.
³⁰ Lipai-ta, Simeon-né naalemapó.
 Simeon-ta, Juda-né naalemapó.
 Juda-ta, Josep-né naalemapó.
 Josep-ta, Jonam-né naalemapó.
 Jonam-ta, Eliakim-né naalemapó.
³¹ Eliakim-ta, Melea-né naalemapó.
 Melea-ta, Mena-né naalemapó.
 Mena-ta, Matata-né naalemapó.
 Matata-ta, Natan-né naalemapó.
 Natan-ta, Depit-né naalemapó.
³² Depit-ta, Jesi-né naalemapó.
 Jesi-ta, Obed-né naalemapó.
 Obed-ta, Boas-né naalemapó.
 Boas-ta, Salmon-né naalemapó.
 Salmon-ta, Nason-né naalemapó.
³³ Nason-ta, Aminadab-né naalemapó.
 Aminadab-ta, Atimin-né naalemapó.
 Atimin-ta, Arni-né naalemapó.
 Arni-ta, Hesron-né naalemapó.
 Hesron-ta, Peres-né naalemapó.
 Peres-ta, Juda-né naalemapó.
³⁴ Juda-ta, Jekop-né naalemapó.
 Jekop-ta, Aisak-né naalemapó.
 Aisak-ta, Abraham-né naalemapó.
 Abraham-ta, Tera-né naalemapó.
 Tera-ta, Nahor-né naalemapó.
³⁵ Nahor-ta, Seruk-né naalemapó.
 Seruk-ta, Reu naalemapó.
 Reu-ta, Pelek-né naalemapó.
 Pelek-ta, Eber-né naalemapó.
 Eber-ta, Sela-né naalemapó.
³⁶ Sela-ta, Kainan-né naalemapó.
 Kainan-ta, Arpaksat-né naalemapó.
 Arpaksat-ta, Sem-né naalemapó.
 Sem-ta, Noa-né naalemapó.
 Noa-ta, Lamek-né naalemapó.
³⁷ Lamek-ta, Metusela-né naalemapó.
 Metusela-ta, Enok-né naalemapó.
 Enok-ta, Jared-né naalemapó.
 Jared-ta, Mahalalel-né naalemapó.
 Mahalalel-ta, Kainan-né naalemapó.
³⁸ Kainan-ta, Enos-né naalemapó.
 Enos-ta, Set-né naalemapó.
 Set-ta, Adam-né naalemapó.
 Adam-ta, ti Kótóné naalemapó.

4

Satan-né Yesu dée nópóló sụ sale fo
(Mat 4:1-11, Mak 1:12-13)

¹ Yesu ả Đeı Kepe Wisi faayóló sụruuralu, Jordan weı taaróló wapa, Đeı Kepe Wisiné ả whı bitini, hãle wópu mole tikipaae ảlısóró felephó.

² ả aimó betepa, dowi Satan-né ả dée nópóló, sụ sere alarape deté fu betepa 40 be đerape kemeyalephó. Atéyale be đemó ả ảlakélé néni wote siri bitiré fóló, kemene folepaae ả wote yalephó.

³ Atéró betepa, dowi Satan-né ảpaae duraalu, “Yatamo Kótóné Naalemapata, ti i kapopaae bred o alée fae yae,” yalephó.

⁴ Ai fo depa Yesuné ảpaae duraalu, “Tale Kótóné asemó i fo eraphó. ‘So whı betereteita, mo ảla maaté nukuraalu bitiniphó eraphó,’ ” yalephó.

⁵ Atéró, kale dowi Satan-né ả mo ópaae hore dupaae dapesó holóló daalu, i hae kwia dokó tetéróló kaae tare alarape fea ảpaae tetítóró hapale yó melalephó.

⁶ Téró, ảpaae duraalu, “Yalo yamó doasi doi muaaire alaró i haemó muó mole wisi wisi alatamo naao tetéróló kaae tawaasephóló melaalophó. Ti noatepaae, take ảpaae matepa taretei, mepaae yalo kisipa mole whırape melaai depa, ti sụmó manéraphó.

⁷ Yalo i dere fotamo naao betạ wosóló ả aomó bitu, doa Tale-ó depa, ti i ảla ảla fea naaotóró tetéróló kaae tawaasephóló melaalophó,” yalephó.

⁸ Ti fo depa, Yesuné ảpaae duraalu, “Kótóné asemó ere fo i ape. ‘Tale Kótó mo betạtóró betepa, ả aomó sinóló bitu, Aya doa Tale-ó, yóló ama ala betạ erótu betae eraphó,’ ” yalephó.

⁹ Téró, kale dowi Satan-né Jerusalem bemó tene momatere be hulua tómó dapesó holóló daaló bitu duraalu, “Yatamo Kótóné Naalemapata, ti haepaae tuó derepaae.

¹⁰ Ti noatepaae, asemó i fo eraphó. ‘Kótóné ama ensel-rapepaae yạ me ảlané doalé yaqsóró, wisiyóló kaae tawae yaalophó.’

¹¹ Me fo i ape. ‘Yạ atimané naase tómó muni durupuraalu, me ảlané yạ kotóo sóró doalé yaalomeiphó,’ ” yalephó.

¹² Ai fo depa, Yesuné kale dowi Satanaepaae duraalu, “Asemó i fokélé eraphó. ‘Naao Tale Kótóné yạ tao sirémóló kạae kolóló sụ saqse,’ eraphó,” yalephó.

¹³ Atéró, kale dowi Satan-né Yesu dée nópóló sụ sale kılıpaae me te mutere sukamó momó sụ saai dapóló taaróló felephó.

Nasaret so whı Yesuné dere fo wosaalomeiphó yale fo
(Mat 13:53-58, Mak 6:1-6)

14 Atéroró, Yesu kale Deji Kepe Wisiné fotokoratepa, a Kaleli hae kwiafaae momó fesaae felepó. A atéroró wóló beterafó dere fo ai hae kwiamó betó mole so whi feapaae deté kweyalepó.

15 Atéroró, a ai hae kwiamó bituraalu, atimané fo wosetere be dokó fo yó maté kotopa, so whi feané ama doi hale sóroró horótu betalepó.

16 Take a doayóló betale Nasaret be hu-luapaae fóló bituraalu, kale sãa nokole be demó ama dua dere kaae, fo wosetere be dolopaae holalepó. Atéroró, Kótóné asémó ere fo dosãayairaaalu turukó holalepó.

17 Kótóné ama kóló whi Aisaiané asere buku bopeyóló moletei, ama dosãayópóló, whi mené apaae melalepó. Tétepa, ai buku sóroró daae faróló, ama tué mole fo kekãlemó keletepa dosãayale fo ipó.

18 "Talené ama Deji Kepe Wisi e tuamó betero beterafó. Ti aita hãle mei, ama kale fo wisi so whi paae yó melópóló e sóroró beterafó. Atéru, dipula kaae betere so whi hãle fópóló dotonóo, kele dilikire so whiné kele fisãae falóo, mepaae wae sóroró son-aalei ala tuamó betero betere so whi sokóló hãle betero yópóló, e dotonalepó.

19 Talené so whi wisiyóló betero fópóló, ama kolené sukutu hamokoróló hãle tao sere ali i wale ape fo so whi paae yópóló, e dotonalepó," yalepó.

20 Téró, Yesuné kale fólói buku momó bopeyóló kaae tare whi paae melóló, a bití deyalepó. Atéroró betepa, ai fo wosetere be dolomó betó mole so whi feané apaaetóroró kele fopolaale yalepó.

21 Téró, ama atimapaee momó duraalu, "Mió diaaq wosale asémó yóló muló betere fota, motóroró dokonalepó," yalepó.

22 Ama yó matere fo wosale so whi feané i whiné kólómó mo kokoi fo wisinaale dapóló, siratu betalepó. Tétu atimasisitei duraalu, "Ita, Josep-né naalema meié?" yalepó.

23 Ai fo depa, Yesuné atimapaee duraalu, "I mara mole fo diaaq epaae mo enérafó. 'Dokta whi-ó, naotei ya tikimó daale kisi bete wisirótimié? Ti Kapeneam be hu-luamó du betere alarape dané wosalepa, umó erótu betale ala kaae naao i turuku bemókélé erótumié?" yalepó.

24 Atéroró ama atimapaee momó duraalu, "Yãlo diaapaae mo i dere ape. Kótóné kóló whiné ama be whi so whi paae Kótóné fo i ape yóló yó matepa, atimané mo dapóló wosetimpó.

25 Yãlo diaapaae mo i dapa wosae. Mo take Israel haemó Ilaija betale alimó mepaae sorape atimané whi sukóló wulia betó molepó. Ai sukamó ba fo sorené welié apo

mirómó hali kinó betepa, hae kwia feamó ãla sóku aluyóló, wote ali walepó.

26 Téyaletei, Kótóné Ilaija dotonaleiteita, mo betã Israel fake sorapekó tao sópóló dotonénipó. Ténitei, Saidon hae kwiamó tene Sarepat be huluamó betere betã wulia so tao sene fópóló doteyalepó.

27 Téró, Kótóné ama kóló whi Elaisané Israel hae kwiamó dowi humu fuluné tiki doyóló betó mole so whi mo betakélé wisirénipó. Israel hae kwiamó atei kaae whirape betó mupatei, mo betakélé wisiréni, Siria hae kwiamó betere whikó Naaman maaté wisiralepó," yalepó.

28 Ai kale fo wosetere be dolomó betó mole so whi mo feané ama ai dere fo wosóló, atima doasi fopaae bualepó.

29 Atéroró atima hapale turukó huturaalu, a belapaae hókó deralepó. Téró, ai be hulua felekemó ere kulapaae taae deraai dapóló dapesó felepó.

30 Téyaaí depa, ai touró betere so whi kua dolomótei sókótamo yóló, ama faai yale tikipaae felepó.

Yesuné dowi kepe hõkonale fo (Mak 1:21-28)

31 Téró, Yesu a Kaleli hae kwiamó tene Kapeneam be huluapaae derepelepó. Aimó bituraalu, kale sãa naai tukóló muló betere be demó so whi feapaae ama fo momó kaae sóroró yó mótu betalepó.

32 Ama ai yó matere fo so whi feané woseturaalu, sóroró betero betere topo whiné fo kaae dapóló, siratu betalepó.

33 Ai fo wosetere be dolomó dowi keperape tepeyóló betere whi betã beterepó.

34 Ai sekéné fo fakeyóló duraalu, "He! Nasaret be hulua whikó Yesu-ó, naao dapaae noa alakó eraai waleé? Naao da doraai waleé? Yãta, me dowi alakélé muni, Kótóné mo kae betero betere whipóló, yãlo kisiparapó," yalepó.

35 Ai fo depa, Yesuné kale dowi kepe foné sóroró duraalu, "Fo taaróló ya ai whi tuamó betereitei, sókó ape," yalepó. Ti fo depa, dowi kepe kale whi tuamó betaleteti, so whi feané keletómó ama tiki haepaae taae deróló a sókó felepó. Atéyaletei, kale whi a doalékélé inipó.

36 Atétere ala so whi feané kolóló, sirayóló atimasisitei duraalu, "I whiné yó mótu betere fota, mo kaepó. Ti ama fota, doasi fotokótamo yó matepa, dowi keperapenekélé ama dere fo mo betã wosóló, ai sókó fulapa, kelae!" yalepó.

37 Yesuné i ala du beterafó fo, ai hae kwiamó betó mole so whi mo feapaae deté kweyalepó.

Yesuné so whi feané kisi wisirale fo (Mat 8:14-17, Mak 1:29-39)

³⁸ Yesu ʔ ai fo wosetere be taaróló, Saimon-né bepaee felepó. Ai bemó kale Saimon-né auma sere tiki suputere kisiné sinóló mupa, atimané Yesupaae, “Naao wisiraaloé?” yóló wosalepó.

³⁹ Atétepa, ʔ kale so molepaee fóló hemene doropóló, kale soné tiki supu dere kisi bete foné salemó, kemeyalepó. Atéteretamotóró kale so ʔ turukó holóló, atimamó ʔla kaae sóró biliyóló melalepó.

⁴⁰ Be dikiyaaairaaalu, suka doropoletamo mepaae haʔe betere wh̄irapené kae kae hepo daale so wh̄i Yesu beterepaae dapesó walepó. Atéro wóló betó mupa, so wh̄i dokó feané tikimó ama naase mulótua yalemó, atimané kisi beterape wisiyalepó.

⁴¹ So wh̄i feané tiki tuʔamó tepeyóló betere dowi keperape fo fakeyóló sókó furaalu, yaʔa Kótóné naalemapó dua yalepó. Ai fo depa, atimané ʔta haʔe wh̄i mei, Kótóné so wh̄i t̄eteróló kaae tan̄ópóló sóró betero betere wh̄i Kerisopó yaʔsóró, kale dowi keperape foné sua yalepó.

⁴² Mo h̄ikati Yesu ama wotoró so wh̄ikélé bitinire tikipaae felepó. Atétepa, kale so wh̄i feané keketé kw̄eyóló, ʔ betere tikimó sókó walepó. Atéro wóló bituraalu ʔa metikipaae faʔsóró, atimatamo betaai dapóló, sesé du betalepó.

⁴³ Tétepatei, ama atimapaee duraalu, “Kótóné t̄eteróló kaae tare aʔmó mole fo wisi i ape yóló yó maté kw̄eyópóló, Kótóné ʔ dot̄eyalepó. Atéreteiné ʔ diʔtamo betenéni, mepaae be huluapaae faai dapó,” yalepó.

⁴⁴ Téro, ʔ Judia hae kwiamó t̄e mole fo wosetere be dokó fea fo yó matétóró kutu betalepó.

5

Yesuné mepaae ama yó melaaire wh̄irape ape yale fo

(Mat 4:18-22, Mak 1:16-20)

¹ Téro et̄eyalepó. Me be d̄emó Yesu ʔ Kenasaret w̄ei fókumó daalepó. So wh̄i mo fea haʔe ʔla kaae wóló tourale tikimó, hae tiki fae fóló mulu, Kótóné fo wosetu betalepó.

² Até du betepa, w̄ei nuku tamo ai w̄ei fókumó duló betepa kelalepó. Ai nuku tamota, ya siré kotere wh̄irapené nukupó. Atimané nuku aimó dupa teraae fóló, w̄ei fókumó haʔeke warape fukutu betalepó.

³ Atétu betepa, ʔ nukumó bit̄i holalepó. Ai nuku tale, Saimon-paae duraalu, “Naao nuku ai w̄ei kulu tuʔapaae sawa h̄ikili falae,” yalepó. Téro, ʔ nuku tómó bituraalu so wh̄i feapaae fo yó mótu betalepó.

⁴ ʔ fo yó melóló kemetepa, Saimon-paae duraalu, “Yakó detémóló kelaalopa, nuku w̄ei kulu tuʔapaae fóló, diaaʔ haʔeke warape w̄ei dolopaae derae,” yalepó.

⁵ Ai fo depa, Saimon-né ʔpaae duraalu, “Doa wh̄i-ó, mió dikitamó yakó saalo nisiyóló ʔa depe tukó w̄ei ala yóló deraté kw̄eyalemó, mo betakókélé denipó. Téyaletei, naao derae depa ti haʔeke warape ʔané deraalopó,” yalepó.

⁶ Atéro, atimané haʔeke warape deralemó mo doakale yarape deale tikimó, atimané haʔeke warape tukó faairaaalu yalepó.

⁷ Atéteremó, atimané fulumu wh̄irapepaae atima tao sene ape depa wóló, mepaae yarape nuku dolopaae bulóló fu betaalemó, kale nuku tamo wusuró mo felekemó w̄ei dolopaae buó deyaai yalepó.

⁸⁻¹⁰ Atétepa, Saimon-ró ʔtamo kutó ditere wh̄irapetamokélé, atima betámó ya siré kotere Sebedi naalema tamo Jems-ró Jontamokélé, ya mo dekéro sóró muló betere kilituraalu, haió yóló siratu betalepó. Atétepa, Saimon Pita ʔ Yesuné hó aʔmó bukitiri teʔró bitu duraalu, “Tale-ó, ʔta dowi ala du betere wh̄ipa, taaróló ʔa fumié?,” yalepó.

Tétepa, Yesuné Saimon-paae duraalu, “Ya w̄iyaʔse, naao ya su dere kaae, mió kaae sóró so wh̄i siré kw̄eyaaesepóló,” yalepó.

¹¹ Atétepa, atimané nukurape w̄ei fókupaae tao sóró mulóló, atimané ʔla ʔlakélé mupatei taaróló ʔ sya felepó.

Dowi humu fuluné tiki dore wh̄i Yesuné wisirale fo

(Mat 8:1-4, Mak 1:40-45)

¹² Téro et̄eyalepó. Yesu ʔ bet̄a be huluamó beterepó, dowi humu fuluné tiki dore wh̄i walepó. Atéro, Yesu betere felekemó ama kelepa haepaae deróló bukitiri teʔró bitu ʔpaae woseturaalu, “Tale-ó, ʔalo tiki doretei naao kisipané wisiraai depa, ti wisiraasepóló,” yalepó.

¹³ Atétepa, Yesuné ama naase teréʔ faróló kale wh̄iné tikimó wolaayóló duraalu, “Naao tiki ʔalo wisiraai kisipa mutapa wisiyae,” yalepó. Téyalemó, mo ai fapotóró kale wh̄iné dore tiki mo ti wisiyó felepó.

¹⁴ Atéro, Yesuné kale wh̄i dtonaai ʔpaae mo diri ma fo yóló duraalu, “ʔalo naao tiki wisiralepóló, mo wh̄ipaae momókó yaʔse. Ya fóló, Kótópaae momaratere wh̄iné naao tiki fope yópóló, yó male fae. Atéro fopeyóló naao tiki wisipa kilitu, Moses-né ere fo sya furaalu, Talepaae haʔe melaie ere ʔla melaie. So wh̄i feané ai ala kilituraalu, ita Talené erapó kisipa mualopó,” yalepó.

¹⁵ Yesuné mo so wh̄ipaae yaʔse yalet̄ei, i ala yalepóló deté kw̄eyóló fakeratepa, so wh̄i feané woseturaalu, atimané kae kae kisi beterape wisiró, ama dere fo wosó yaairaaalu, wua yalepó.

¹⁶ Atétepa, Yesu ʔ so wh̄itamó betere tiki taaróló so wh̄ikélé bitinire tikipaae suka fea moma eneta dua yalepó.

*Yesuné tiki momaare whi wisirale fo
(Mat 9:1-8, Mak 2:1-12)*

¹⁷ Atéro, me sukamó etéyalepó. Ama fo yó mótu betepa, mepaae Farisi whiraperó Moses-né asere fo yó matere whirapetamo Kaleli haeró Judia haetamomó betó mole so whikélé, Jerusalem be hulua so whikélé, wóló betó molepó. Ai sukamó, so whi feané kisi bete wisiraaire Talené fotokó sumó bolepó.

¹⁸ Atéro, mepaae whirapené betá tiki momaare whi besekené dokopatei, beleyóló wóló be tuapaae holóló Yesu beterepaae sóró holaai kisipa mualepó.

¹⁹ Téró, kale whi sóró faaire tumó so whi mo fea daayale tikimó fenénipa, siki bepaae sóró holóló kea sokóló, kale whi dokopatei, beseketamo Yesu daale donotóro deralepó.

²⁰ Atéro, atimané kisipa tiki tiratere ala Yesuné kolóló, kale tiki momaare whipaae duraalu, “Ti naale-ó, naao dowi alamó kwia melaai yaletai mió i kemeratere ape,” yalepó.

²¹ Yesuné ai fo depa, Farisi whiraperó Moses-né asere fo yó matere whirapetamo atimasisi fo yaai tué teketu betalepó. “Ti whiné áta, Kótó kaaepó du betere foné Kótó faletu beterapó. Mo whi betanékélé dowi alamó melaaire kwia kemeranénitei, Kótóné betá sumó enérápó,” du betalepó.

²² Atéro mutere kisipa Yesuné kolóló, atimapaee duraalu, “Noatepa diá atei tué mutu bitu de?

²³ Ti mé fo so whi feané enére? Naao yale dowi alamó saaire kwia aluratapó enérepe, ya turukó holóló naao beseke sóró fae fo enére?

²⁴ I haemó betó mole so whiné dowi ala bete tokóló aluraaire fotokó Whiné Naalemané sumó bulapóló, kisipa yaasepóló i whipaae eratere ala kelae. Yálo yáppaae mo i dere ape, ya turukó holóló naao beseke sóró bepaae fae,” yalepó.

²⁵ Ai fapotóro kale be whi so whi feané keletómó turukó horóló ama beseke sóró bepaae furaalu, Kótóné doi hale sóró horaté felepó.

²⁶ Atéremó, so whi fea winé sukutu sirayóló duraalu, “Mo take etei kaae ala depa, dané kolókéle ini, mió kisi ala keletapóló,” Kótóné doi hale sóró horótu betalepó.

*Takis moni sere whi Lipaipaae Yesuné q
sya ape yale fo*

(Mat 9:9-13, Mak 2:13-17)

²⁷ Ai ala yóló kemetepa, Yesu á betá takis moni siré kotere whikó ama doi Lipai moni su betepa kolóló, Yesuné apaae duraalu, “Ya é sya ape,” yalepó.

²⁸ Ti fo depa, á turukó holóló ama óla ólakélé mupatei, taaróló á sya felepó.

²⁹ Téró, Lipainé Yesu ama bepaae dapesó fóló, amó doasi óla deralepó. *Taks moni* siré kotere whiraperó mepaae so whitamó fea touró bitu, óla nuku beterepó.

³⁰ Tétu betepa, mepaae Farisi whiraperó atima betá kisipa mulu Moses-né asere fo yó matere whirapetamoné Yesuné yó matere whirapepaae duraalu, “*Taks moni* siré kotere whiraperó dowi ala du betere whirapetamo weíró ólatamo betámó noatepa óla nuku bitu dérópó,” yalepó.

³¹ Ti fo depa, Yesuné atimapaee duraalu, “Hepo daanire so whi *dokta* whi beterepaae fumi, hepo daale so whi maaté fua dapó.

³² É waleteita, donoi ala du betere whipaae ape yaai ani, dowi ala du betere so whi atimané dowi ala taaróló ape yaairaalu walepó,” yalepó.

*Yesuné yó matere whirape óla woteremó
yale fo*

(Mat 9:14-17, Mak 2:18-22)

³³ Atimané apaae duraalu, “Jon-né yó matere whirapeta, Kótópaee kisipa muóló, me féli óla weyóló bitu, momatua dapó. Atétere kaae, Farisi whirapené yó matere whirapekéle atétua dapó. Tétepatei, naao yó matere whirape ai ala ini, atima ólaró weítamo nokole ala suka fea hále yó tarapó,” yalepó.

³⁴ Tétepa, Yesuné atimapaee duraalu, “Betá whi á so dokotere sukamó ama nomarape óla weyóló hále bitua de? Meipó.

³⁵ Téyaalo meitei, me sukamó kale so dokaaire whi atima betámó bituraalu, óla nuku beteralemó, á tawóló só fole sukamó atima óla weyóló hále betaalópó,” yalepó.

³⁶ Ama atimapaee yale fo kisipa sópóló, me fo sale etéro yalepó. “Mepaae whiné kisi kuti bisáyóló deráakele kuti bisáae faletei nomotua de? Atétepa, ti deráakele kutiné kisi kuti hukulu yóló doróo, nomaletiekélé kokó ini yóo, yaalópó.

³⁷ Atétere kaae, mepaae whirapené *wain* weí hupu sekaené aleyale deráakele wutimó tepetumipó. Até enalemó, kale weí fotokóné kale hupu sekaené aleyale deráakele wuti fulukó furaalu, weikélé sunée faalópó.

³⁸ Até yaqsóro, atimané kisi *wain* weí tepeturaalu, ti hupu sekaené aleyale kisi wutimó tepetua dapó.

³⁹ Folo moi *wain* weí nokole whirape atima kisi *wain* weí naai hékese dumipó. Ti noatepae, folo moi *wain* weí nóló toureteiné mo wisirapó, du beterapó,” yalepó.

6

*Yesu qta, sqa nokole be de tetéroio kaae
tare Talepó yale fo*

(Mat 12:1-14, Mak 2:23-28, 3:1-6)

¹ Téró, s̄a naai tukóló muló betere be demó, Yesu ̄a ama yó matere wh̄irapetamo *whit* kutó tuamó t̄eyóló felepó. Atéró furaalu, ama yó matere wh̄irapené ai kutómó ere *whit* du k̄aae s̄oró fumi hotokóló nukulé fu betalepó.

² Mepaae Farisi wh̄irapené até dere ala kolóló, ̄apaae duraalu, “S̄a nokole sukamó naao yó matere wh̄irapené atei ala yópóló, noatepa kaae tare?” yalepó.

³ Ai fo depa, Yesuné atimapaee tokó mótu duraalu, “Depit-ró ama fulumu wh̄irapetamo wotetepa yale ala asemó moletei, diaā dos̄ayóló kisipa muni airapó.

⁴ Depit ̄a Kótóné be dolopaae holóló bituraalu, Kótópaae melale mo kae muló betere *bred* otei ama s̄oró nalepó. ̄A nóló, kwia-paae ama fulumu wh̄irapekélé matepa, atimané s̄oró nalepó. Ai ota, h̄ale mo wh̄iné nukumi, Talepaae momaratere wh̄irapené maaté nukua dapó,” yalepó.

⁵ Téró, Yesuné atimapaee duraalu, “S̄a nópóló tukóló muló betere be dē t̄eteróló kaae tare Taleta, ti kale wh̄iné Naalemapó,” yalepó.

⁶ Téró, s̄a nokole me be demó, Yesu ̄a Kótóné fo wosetere be dolopaae fóló, fo yó mótu betalepó. Atéró yó mótu betalemó, bet̄a wh̄i ama turu naase sinóló dopa ke-lalepó.

⁷ Atétepa, mepaae Farisi wh̄iraperó Moses-né asere fo yó matere wh̄irapetamoné Yesu só deraaire bete kikitu, kale s̄a nokole be demó naase dowi wh̄i wisiratéró kelaairaaalu, kaae tawóló beterepó.

⁸ Atimané atéró mutere kisipa ama kolóló, kale naase dowi wh̄ipaae duraalu, “Ȳa so wh̄i kuamó turukó holóló, daayae,” yalepó. Atétepa, kale wh̄i ̄a so wh̄i feané keletómó daane holalepó.

⁹ Tétepa, Yesuné atimapaee duraalu, “Ȳalo diapaae bet̄a fo wosetapó. S̄a nokole sukamó noa ala yāe yóló mule? Wh̄i tao s̄oró wisiratere alapé, dowi ala deretei? Ó wh̄i sukās̄oró tao sere alapé ó wh̄i betere bete doratere alaé?” yalepó.

¹⁰ Ai so wh̄i beterepaae kele keleyóló kale wh̄ipaae duraalu, “Naao naase teré̄ falae,” depa, kale wh̄iné naase teré̄ faralemó, wisiyalepó.

¹¹ Atéteremó, doasi fopaae buóló atimasisitei fo k̄elaaróló duraalu, “D̄ané ̄apaae noa alakó eraalóé,” du betalepó.

Yesuné 12 wh̄irape sókó s̄oró beterale fo (Mat 10:1-4, Mak 3:13-19)

¹² Téró bet̄a sukamó Yesu ̄a moma yaairaaalu, du sorokó mole apaae felepó. Atéró, aimó Kótópaae moma deté fu betepatei, be d̄eralepó.

¹³⁻¹⁴ Atéró be dēyó hotepa, h̄ika ama yó matere wh̄irapepaae ape yóló, fea betó mupatei, 12 wh̄irape maaté sorokó s̄oró, *apose*l doi mulalepó.

¹⁵ Saimon doi mupatei, ama me doi Pita mulalepó.

¹⁶ Ama noma Andru, Jems, Jon, Filip, Batolomiu, Matyu, Tomas, Alpias-né naalema Jems-kélé, k̄alo k̄alore wh̄i Saimon, Jems-né naalema Judas-kélé, Yesu dópóló eleké deyaaire wh̄i Judas Iskariot, atima atéró wh̄irape s̄oró beterepó.

¹⁷ Atéró, Yesu ̄a kale du sorokó mole tiki taaróló, ai aqmó sawa mulure tikipaae ama s̄oró beterele wh̄irapetamo derepelepó. Kale mepaae yó matere wh̄irapekélé, Judia hae kwiamó wale so wh̄ikélé, Jerusalem be huluumó wale so wh̄ikélé, w̄ei fóku felekemó t̄ene Tair beró Saidon betamomó wale so wh̄ikélé, mo h̄ale ̄la kaae wóló touró beterepó.

¹⁸ Atéró waleitea, ama dere fo wosóo, atimané kisi bete kemeróo, mepaae so wh̄ikélé dowi kepe tepeyóló betereitei dóló h̄okonóo, yópóló walepó.

¹⁹ Ama fotokóné aimó betó mole so wh̄i atimané kisi bete wisirótua yaleteiné, ama tikimó wolaayaai dapóló walepó.

Yesuné ama yó matere wh̄irapepaae dere fo

(Mat 5:1-12)

²⁰ Atétepa, Yesuné ama yó matere wh̄irape kaae taru duraalu,

“Dīa yoleale betere wh̄irapeta, ti Kótóné t̄eteró betere ala sereteiné dīa h̄ainé sukutu beterepó.

²¹ Dīa mió wotené sukóló mole so wh̄irapeta, take ̄la sumó naalopóló kisipa mutu, h̄ainé ai sukutu betere ape.

Mió dīa dekené sukóló moló du betere so wh̄ita, take h̄ainé sinóló betaaireiteimó, Talené wisiró beterepa, wisi kisipa muóló betae.

²² Atéró, dīa Wh̄iné Naalema sya fu beterepó, mepaae wh̄irapené dīa h̄oróo, kae beterepóló h̄okó falóo, dowi ala dere wh̄ipóló diaāo doi doróló fale yóo du betepa, ti Talené dīa wisiró beterepa, h̄ainé sukutu betae.

²³ Atétere sukamó h̄ekesené sukutu, t̄uwó holae. Ti noatepae, diaāo take saaire doasi dupu wisi hepen-mó muló beterepó. Ti take atima alimarapenékélé Kótóné ama kóló wh̄irapepaae bet̄a kaae ala erótua yalepó.

²⁴ Téretei, néli wh̄irape dīa mo doa wió yae! Ti noatepae, diaāo tiki feléyóló mo dua betaaire ala taketi s̄oró tareteiné,

nalopaae atei wisi wisi ɔla momó kae saalomeipó.

²⁵ Mió diá mepaae whi de ɔla sumó nólo betere so whi diá mo wió yae! Ti noatepae, take diá wotené sukɔalo ai ape.

Mió diá mepaae whi de dɔ nólo hekesetu betepa, take diá dekené sukuturaalu doasi wole yaaireteiné mo doasi kɔlerapó.

²⁶ So whi feané yapaee whi wisi-ó, yólo dukiraterere fo du betepa, kɔlerapa mo doasi wió yae. Ti noatepae, mió diá dukiraterere so whi atima alimrapenekélé take betale kapala kɔlo whirape atéro dukirótua erapó,” yalepó.

Bóe whipaae yaala sóko fu betae yale fo (Mat 5:38-48)

²⁷ “Téretei, mepaae yalo fo wosetere so whi diapaee i dere ape. Diá hóróló bóe duraalu, dowi ala erótu betere so whipaae yaala sóko fólo hekesené sukutu, wisi ala betae erae.

²⁸ Mepaae whi dené diá doróló sekeraterere fo depa, Kótóné atima wisirópóló, fo wisitei yae. Mepaae whi dené diapaee sekei ala eratepa, Kótópaae atima wisirae yólo momarae.

²⁹ Mepaae whi dené naao faamumó deké supa, metikirókélé dópóló yó melae. Mepaae whi dené naao tómó deró betere kuti sokotepa ti naao tuamó deró betere kutikélé seséni, sokópóló yae.

³⁰ Mepaae whi dené yapaee me ɔlakó ɔlae depa, ama kematere ɔla melae. Mepaae whi dené naao tare ɔla fasetepa, momó ɔlae fo yaqse.

³¹ Mepaae so whiné yapaee eranée dere ala kaae, naao mepaae so whipaaekélé erótua yae.

³² Diapaee yaala sóko fu betere whipaae maaté yaala sóko fu betere-a, ai doasi alaé? Mepaae dowi ala dere whirapenekélé atimané fulumu whirapepaae atéro yaala sóko fole ala du betepapó.

³³ Mepaae whi dené diapaee wisi ala erótu betepa, diaaɔkélé atimapaee wisi ala eratepa, aita doasi ala meipó. Ti aita, dowi ala du betere so whinékélé dere alapó.

³⁴ Diaaɔtamo mepaae whiné diapaee momó tokó melópóló me ɔla melatepa, ai-a hapóluere? Ti mepaae dowi ala dere whirapenekélé momó tokóló saai ai ala dua dapó.

³⁵ Tépateti diaaɔta, bóe whipaae yaala sóko fólo wisi ala betá erótua yae. Atéturaalu, naao me ɔla mótu, momó tokó melópóló kisipa muóló meni, hɔle meló betá yae. Atétepa, ti diá mo taoró betere Kótóné dupu wisi menóló, ama naalerape betaalo ai

ape. Ti noatepae, ama kɔlené sukutere alaró hɔle tao sere alatamota, dowi ala du betere whiraperó ɔpaae mo kée initere whirapetamopaae erótu betepapó.

³⁶ Diaaɔ Ayané mo so whi feapaae kɔlené sukutu dere kaaetóro diaaɔkélé me whipaae atéro kɔlené sukutu betae,” yalepó.

Me whi hɔletei foné só deraqse yale fo (Mat 7:1-5)

³⁷ “Diaaɔ me whi taleyóló só deratere ala yaqse. Naotamo me whi só deratere ala initepa, ti mené diákelé taleyóló só deraalomeipó. Diáne mepaae whitamo foné só deréni depa, ti yakélé mené só deraalo meipó. Mené yapaee erale dowi ala me ɔla meipóló hɔle kemaatepa, ti diaaɔ yale dowi alakélé me ɔla meipóló hɔle kemaalopó.

³⁸ Mepaae ɔla ɔla yayare so whimó hɔle matepa, menékélé diámó hɔle melaalo ai ape. Naao me ɔla melaai depa, ti deyóló mo ti faanóló melae. Ti noatepae, naao mepaae whimó mo dekeró mótu dere kaae, menékélé yamó naao male sɔtóró melaalo ai ape,” yalepó.

³⁹ Atéro, ama i yale fo tómó atimapaee i fo sale yalepó. “Betá kele dilikire whiné me kele dilikire whipaae tu i mole ape yólo ɔlisóro fenére? Atétepa, ti á dée nukuraalu, atimamo wusuró dée nólo dolopaae derepaalopó.

⁴⁰ Betá skul naalené á yó matere whi teteraalo meipó. Téyaalo meitei, kisipa siré fólo sɔtepa, ti á yó melale whi kaae betaalopó.

⁴¹ Naao kele dolomó doakale bole ni fake kilini, naao noné kelemó sawatamo bole mometei noatepa sokaai du betere?

⁴² Naao nopaae duraalu, ‘No-ó, naao kele dolomó bole mome sawa sokotapa maé,’ dere noatepa de? Naao kele dolomó bole doasi ni fake sokóló naao kele felérruraalu, ti naao noné kelemó bole mome sokotepa mo wisirapó,” yalepó.

Wisi niné dowi du oletimipó yale fo (Mat 7:16-20, 12:33-35)

⁴³ “Ni wisiné dowi du oletimipó. Dowi ninékélé wisi du ulutimipó.

⁴⁴ Mo nirape fea du oletepa kolóló, ita du wisi oletere nipó, ita, kokola oletere nipó dua dapó. Whirape feané nose du teketuraalu, mu daai képi tikimó ó hɔle hɔko ni tikimó olepa teketumipó. Mo besaae teketukélé hɔle képimó olepa teketé? Meipó.

⁴⁵ Whi wisiné hosaa tuamó wisi alatóro faayóló muluraalu, ama dere fokélé, wisi fotóro dua dapó. Dowi whiné ama hosaa tuamó faayóló mole alatóro dowi fo hɔkeamó depa wosetua dapó.

Be hoko tētere alaró wisiyóló tētere alatomómó yale fo
(Mat 7:24-27)

⁴⁶ Yalo diapaae yae dere alamo diaaq iniyóló, epaae doasi Tale-ó fo noatepa du betere?

⁴⁷ Mepaae whiné yalo dere fo wosóló, yalo yae dere alakélé wisiyóló erótu betere so whj ti etei kaae alané kelerapó.

⁴⁸ Whj betané ama be tēyaairaaalu, tó hae fea dukuté doropóló, hae dirimó kapo fake mulóló, ai tómó be tētua dapó. Atéro tēne be doakale hali tikiró wēi asyatamo waalotei, ai be mo wisiyóló tēneteiné tokó fenipó.

⁴⁹ Tēyaalotei, whj me dené yalo fo wose-tutei, yalo erae dere ala erénitepa, ti etei ala kaaené kelerapó. Whj betané ama be tēyaairaaalu, tó hae kqayóló taae faréni, hāle hoko tēnapó. Atépa, doakale hali tikiró wēi ayatamo waletikimó, kale be tokó taae faróló, mo ti doralepó,” yalepó.

7

Topo diki tare whiné kutó diratere whi wisirale fo

(Mat 8:5-13)

¹ Téró, Yesuné so whjapaae fo yó melóló kemetepa, q Kapeneam bepaae felepó.

² Ai bemó betá topo diki tare whiné ama hosaa mole kutó diratere whj betá heponé mo felekemó sukāai du betalepó. Ai topo whiné 100 Rom diki tare whjrape tēteróló kaae tarepó.

³ Atépa, kale topo whiné Yesu wóló betera-pó dere fo woseturaalu, ama kutó diratere whj Yesuné tao sene wópóló, mepaae Juda topo whjrapené apaae ene fópóló dotēyalepó.

⁴ Atima Yesu beterepaae wóló apaae duraalu, “U whj wisinaale mo felekemó sukutapa, naao q wisiraasepóló yā dā faalopó.

⁵ Ti noatepae, dā Juda fake so whjtamo hēkesené sukóló yaala sókó fole ala muluraalu, dāné fo wosetere bekélé ama tēnalepó,” yalepó.

⁶ Atépa, Yesu q atimatamo fóló, kale whiné be felekepaae sókó waairaaalu wou betepa, kale diki tare whjrapené doasi topo whiné ama fulumu whjrape Yesutamo tumó hokolaatu, i fo yae yóló dotonalepó.

⁷ Atépa, atima fóló, kale topo whiné Yesupaae yae yale fo yalepó. “Tale doa whj-ó, q whj wisi betepapakó yā ama be tuapaae ape yaalomeipa, yā tika tumó daalu kisi bete wisi yae fo betā yae.

⁸ Ti noatepae, ekélé q tēteróló kaae tare whj aqmó betera-pó. Yalo diki tare whjrape atimakélé q aqmó betera-pó. Ai whjrapepaae yalo ‘Fae,’ depa fóo, ‘Yā ape,’ depa wóo, dua dapó. Yalo kutó diratere

whjapaae i ala yae depa, ai alatóró ama dua dapó,” yalepó.

⁹ Yesuné i kale whiné ene wale fo wosóló sirayalepó. Téró, Yesu fetée fóló q sya wou betere so whjapaae duraalu, “Israel hae kwiamó etei kaae kisipa tiki tiró betere whj mo betakélé betepa kilinipó,” yalepó.

¹⁰ Téró, kale doasi topo whiné doteyale whjrape bepaae momó fesaae wóló ke-lalemó, kale kutó diratere whiné hepo bete wisiyóló, mo betepa kelalepó.

Yesuné wulia soné naale kepaarale fo

¹¹ Atéro, Yesu q Kapeneam be hulua-mó sawa betero, ama yó matere whjrapekélé, mo so whjkélé, fea qtamó Nain be hulua-paae sókó faai fu betalepó.

¹² Atéro fu betalemó, ai be hulua tipiné bopéro daaló betere tikimó sókó felemó, betā sukāle whj beleyóló walepó. Ai naalené hamata, oma sukóló wulia bituraalu, ai naale betatóró kaae tarepó. Ama tiki sini beleyóló fupa, ai be hulua-mó betó mole so whjkélé fea qtamó fu betalepó.

¹³ Atépa, Talené kale so kelalemó, kqlené hosaamó supa, q daalepaae fóló duraalu, “Yā wole ekesé,” yalepó.

¹⁴ Téró, Yesu q wóló kale sukāle whj dokore beseq olaatepa, beleyóló fu betere whjrape feni, keyjóló daayalepó. Atépa ama duraalu, “Ti naale-ó, yalo yapaae dapa turukó holae,” yalepó.

¹⁵ Tépa, kale sukāle whjitei turukó holóló bituraalu, fo kaae sóró yalepó. Téró, Yesuné kale sukāle naalené hamapaae naao naale ai ape yóló melalepó.

¹⁶ Ai ala kolóló, so whj fea winé sukutepa, Kótóné doi hale sóró holóló duraalu, “Kótóné mo doasi kqló whj betā ama so whj tao saai i wóló betere ape,” yalepó.

¹⁷ Yesuné ai ala du betera-pó fo Judia hae kwiaró ai hae kwia tuamó betóló fale so whjtamo feapaae deté fóló fakeralepó.

Jon-né ama yó matere whj tamo Yesu beterepaae donale fo

(Mat 11:2-19)

¹⁸ Atéro, kale Jon-né ama yó matere whjrapené Yesuné i alarape du betera-póló, Jon-paae ene walepó.

¹⁹ Jon-né ama yó matere whj tamopaae ape yóló, Tale beterepaae fópóló dotēyalepó. Atépa, atimaamo fóló apaae woseturaalu, “Waalopóló hope du betale whj yapé? Whj me kae wópóló kaae tawaróe?” fo ene fópóló dotonalepó.

²⁰ Atéro, kale whj tamo Yesu beterepaae wóló apaae duraalu, “Dāmota, wēi tōpuratere whjkó Jon-né yapaae wosene fae depa walepa, yaā kale waalopóló bopetu betale whjé, whj me kae wópóló kaae tawaalóe?” yalepó.

²¹ Atéyale sukamótóro Yesuné mepaae hepo daale so whíkélé, depe dolomó dowi kepe betere so whíkélé, kele dilikire so whíkélé, wisirótu beterapó.

²² Atéró, ama atimaamopaae duraalu, “Diaamo fesaae fóló diaamoné wosale foró kelale alatamo Jon-paae ene fae. Mepaae kele dilikiyóló betale so whíné kele fisaae fóló ɔla ɔla kolóo, hɔleke dore so whí mo sesere whí kaae kweyóo, dowi humu fuluné tiki dore whírape sesé mo betere whíné tiki kaae daayóo, mepaae woséli kinu fokélé wosenire so whí woséli tukwé falóo, mepaae sukutepa दौरaaí yale so whítei kepaaróo, mepaae yoleale betere whírapepaaekélé, kale mió wosetere fo wisi yó matepa wosetu beterapó fo ene fae.

²³ Mepaae so whí de yalo du betere alamó dée néni, suka fea eró tare so whíta, hainé sukópóló yae fo ɔpaae ene fae,” yalepó.

²⁴ Atéró, kale Jon-né doteyale whí tamo fimó, Yesuné Jon-mó kisipa mutu, ai betó mole so whípaae duraalu, “Upulé diá so whíkélé bitini kópu kaae fitikipaae fua yale-a, beséné kape fépo eratere kelaai felepé, whí kuti wisinaale deróló auretei kelaai feleé? Meipó.

²⁵⁻²⁶ Ti mepaae wisi wisi kuti maaté deratere whíta, topo whí betere be wisimótóro bitua dapó. Ata atei ala inipa, diá noa ɔlakó kelaai feleé? Atépatei, diatamo Kótóné ama kóló whí mo kelaai fitikimó, ti ɔta ai kutó maaté mei, mepaae kutókélé dirópóló sóro beteró beterapó.

²⁷ Ašemó yóló muló betere fota, i whímó kisipa mutu erapó.

‘Whí betá ɔpi folosóro furaalu, yá waaire tɔ donoraé fo ene fópóló yalo doteyaaló ai ape.’

²⁸ Yalo diapaae i dere ape. I haemó betó mole soné deale whírapekélé fea betó moletei, kale wéi tópuratere whí Jon-né teteró beterapó. Tépatei, whí me detamo Kótóné teteróló kaae tare aqmó, belei sókó deóló betepa, ti kale wéi tópuratere whí Jon bosenéé falapó,” yalepó.

²⁹ Mo so whí fearó *takis moni* siré kotere whírapetamo Jon-né dere fo wosóló sya fupa, atima wéi tópualeiteiné Yesuné yale fo wosóló, Kótó ɔta, mo donotóro taletere Talepó du betalepó.

³⁰ Téyaletei, mepaae Farisi whírapéro Moses-né asere fo yó mótu betere whírapetamo Kótóné tao sóro eraai yale wisi ala atimanétei hórlepó. Ti noatepae, atima Jon beterepaae wéi tópuaaeraalu feni yaleiteinépó.

³¹ Téró, Yesuné duraalu, “Mió i alimó betere so whírapené du betere ala yalo noapaae dó faróló yaalóé?

³² Atimata, so whí mo fea touróló betere tikimó, kale keteirape atimasisitei melaa

duraalu, etei kaae ala dere naale senaale kaaené kelerapó.

‘Diá klijiyópóló dané fó wuti haleróló mepaae wole forape yaletei, diá hekeseyóló sama klijinipó.

Diá deke duraalu moló yópóló, mepaae wole forape yaletei, diá wolekélé inipó,’ yalepó.

³³ Atére kaae, kale wéi tópuratere whíkó Jon ɔlakélé, weikélé, néni, weyóló hɔle betepa, diaaɔ duraalu, ‘A tuamó dowi kepe tepeyóló beterapó,’ dua yalepó.

³⁴ Kale whíné Naalema ɔlaró *wain* wéitamo nokole ala kolóló diaaɔ duraalu, ‘Kelere? i whíta, ɔla mo dekéro nóo, *takis moni* siré kotere whírapéro dowi ala dere whírapetamo fulumu yóo, du beterapó,’ fo diaaɔ ai dere ape,” yalepó.

³⁵ Atei fo diaaɔ du betereitei, mepaae so whí de Kótóné mo fo wisi wosóló sya fupa, so whí feané hakeamó kilitu, ita Kótóné mole fosó fosóre tué sya feleteiné erapó, yalepó.

Dowi ala du betale soné Yesuné hó fokale fo

³⁶ Téró etéyalepó. Farisi whírapekó betané Yesupaae ɔtamo ɔla naai faalopó depa, fóló beterepó.

³⁷ A atéró wóló Farisi whíné bemó ɔla nuku beterapó dere fo ai be huluaamó dowi ala du betere soné wosóló, *alapasita* kanené aleyale wutimó felé kɔlaa wale *wel* wéi sóro walepó.

³⁸ Atéró wóló, ɔ Yesuné sisópaae fóló, ama hó aqmó hemé deyóló bitu, wale du betalepó. Atéró du betale wole kaae Yesuné hɔleke tópaee durupu beterepó. Tétepa, kale soné ama topo nikinétei, helekóló kópurótu betalepó. Atéró, kale soné Yesuné hɔleke tamo kóló tukó nóló, kale felé kɔlaa wale *wel* wéi ama hómó suniyalepó.

³⁹ Atétere ala betá Farisi whíné kolóló, ama kispánétei duraalu, “I whíta, Kótóné kóló whí uɔsóró, ti ama hómó olaa deremó, dowi ala dere sonétei ɔ olaa dapó, kisipa muapó,” yalepó.

⁴⁰ Tétepa, Yesuné ɔpaae duraalu, “Saimonó, yalo ɔpaae yaaitere fo betá mulapó,” yalepó. Ti fo depa, ama duraalu, “Yó matere whí-ó, naa ɔpaae yaaitere fo yae,” yalepó.

⁴¹ Ti fo depa, Yesuné ɔpaae duraalu, “Betá whíné *moni* momó tokó melaaí dapóló, tamo whíné kwia mulóló me whíné 500 *denarias moni* sóo, me whíné 50 *denarias moni* sóo, yalepó.

⁴² Kale whí tamoné sale *moni* talepaae tokó melaairetei sunipa, kale whíné me ɔla meipóló, taaralepó. Atéró taalatepa, atimaamokó mé whíné kale *moni* talepaae doasi hosaa muóló yaala sókó fole ala enére?” yalepó.

⁴³ Ti fo depa, Saimon-né ʔapaae duraalu, “Yalo kisipanéta, kale doasi *moni* sale whi ʔ hēkese yaalo ai ape,” Tétepa, Yesuné duraalu, “Naao dere fota, mo dono dapó,” yalepó.

⁴⁴ Téró, ʔ kale so daalepaae fetée fóló, Saimon-paae duraalu, “I so naao kelere? ʔ naao bepaee waletei, ʔalo hōleke fokópóló, naao weikó ʔ menipó. Ténitei, i soné betʔ ama wale kaape fe ʔalo hómó epa, ama topo nikinétei helekóló kópuralepó.

⁴⁵ ʔ naao bepaee wale sukamó, ʔalo faamumó naao kóló tukó néni, i soné betʔ ʔalo hó kóló tukó nuku betalepó.

⁴⁶ Naao ʔalo topomó *wel* weí dilénitei, i soné betʔ ʔalo hōlekemó felé kēlaa wale *wel* weí dilalepó.

⁴⁷ Atéyale kaae, ʔalo ʔapaae i dere ape. I soné ama mo doasi du betale dowi alamó saai yale kwia ʔalo hāle kemeraleteiné ama ʔpaae hosaa muóló doasi yaala sókó fu beterapó. Tépateti, whi me dené ama dowi ala hāle tómó maaté kemeratepa, ti ama yaala sókó fóló hēkesené sukutere alakélé hāle tómó erapó,” yalepó.

⁴⁸ Téró, Yesuné kale sopaae duraalu, “Naao yale dowi alamó saaire kwia hāle kemeró beterapó,” yalepó.

⁴⁹ Ai fo depa, ʔatamo betámó ʔla nuku betere whirape atimasisitei, fo kēlaaróló duraalu, “I whiṭa, Tale kaae bitu, dowi alamó saaire kwia ama hāle kemeraalopóló dérópó,” yalepó.

⁵⁰ Tétepa, Yesuné kale sopaae duraalu, “Naao kisipa tiki tiró betere alané ʔ tao sóró wisiralepa, naao hosaa muni deyóló mo dua fae,” yalepó.

8

ʔla wae biliterepaae dó faróló yale fo sale

(Mat 13:1-23, Mak 4:1-20)

¹ Ai ala yóló kemetepa, Yesu ʔ doasi be huluaró sawa be huluatamopaae fóló kale fo wisi yó móturaalu, Kótóné tēteróló kaae tare aqmó mole ala etérápóló yó maté kweyalepó. ʔ atéró kotere alata, ama yó matepa wosetere 12 whirapekélé feapó.

² Téró, take depe tuámó dowi keperape betepa wisirale sorapekélé, mepaae hepo daapa wisirale sorapekélé, fea ʔatamo felepó. So whiné Maktala be hulua sókó Mariapó du betere so felepó. Ai sota, take weikeró dowi keperape tepeyóló betepa, dóló hōkonale sopó.

³ Kale topo whi Herot-né ama be ó ʔla ʔla fea kaae tanópóló, sóró beteró betere whi Kusané soma Joanakélé, so me Susanakélé, mepaae sorapekélé, mo fea ʔatamo felepó. Ai sorape atima *moninétei*, Yesuró ama yó matere whirapetamo tao sua yalepó.

⁴ Atéró so whi fea betapaae tourótu betepa, mepaae kae kae doasi be huluaró betó mole so whikélé wóló tourótu betalepó. Atépa, Yesuné ama i fo sale yalepó.

⁵ “Whi betʔné ʔla wae ke ama kutómó terepeté kweyairaaalu, sóró felepó. Atéró furaalu, mepaae kerape tūmó sorokóta yóló mupa, so whiné hōlekené tēiya tēiya yalepó. Atépa, sikimó kotere barape dorowóló, kale kerape dósu yóló nalepó.

⁶ Téró, kale whiné kutómó kerape terepeté kweyaletei, mepaae ti kane tómó dakere haemó taae doróló hapale holalepó. Téyaletei, kapo tómó dakere hae fe meiru, kale ʔla wae feleke doaló derepeniyóló, hapale séliyalepó.

⁷ Mepaae ke ti dowi ne eremó taae derepelepó. Atéyaletei, dowi netamo betámó holóló kale ke ʔla wae wisi dowi nené bopeyóló aluralepó.

⁸ Mepaae hae wisimó terepée derepele ʔla wae wisiyóló holóló, du oleyalepó. Ai ʔla ʔlumétepa sóró, 100 yorape fʔanalepó,” yalepó.

Ama i fo sale yóló kemetepa, fo fotokóiné duraalu, “Whi de woséli daapata, i dere fo wisiyóló wosóló tué muea,” yalepó.

⁹ Tétepa, ama yó matere whirapené ʔpaae woseturaalu, “Naao ti yale fo sale noa betené yaleé?” yalepó.

¹⁰ Ai fo depa, ama atimapaee duraalu, “Tale Kótóné tēteróló kaae tare aqmó kinóló mole ala diaaó tué ʔópóló, mené diʔ sóró beteró beterapó. Téretei, mepaae hāle mo so whirapaaeta, ti fo salené maaté du beterapó. Ti noatepae,

“Take atima kelené kelaalotei, mo diriyóló koló faalomeipó.

Take atimané fo wosaalotei, bete mo diriyóló kisipa yaalomeipó; erapó.

¹¹ I yale fo sale bete i ape. Kale ʔla wae keta, ti Kótóné fo wisipó.

¹² Kale ʔla wae ke tūmó taae doropóló mupa, barape dorowóló dósu yóló nale kaaeta, mepaae whi de Kótóné fo wisi wosóló, atimané hosaa tuámó mulatepatei, dowi Satan wóló, kale fo wisi tokó sua du beterapó. Aita hāle mei, kale fo wisi wosóló kisipa tiratepa, Kótóné atima tao saqsóro du beterapó.

¹³ Téró, mepaae kane tómó dakere haemó taae derepele ʔla waeta, i ala dere kaaepó. Kótóné fo hēkesetamo wisiyóló woseteretei, atimané tué tuámó mulótimipó. Sawa sukamó kisipa tiki tiró bitu, woseté fu betaalotei, sekēi ala wale be demó hapale dée nukua dapó.

¹⁴ Kale dowi ne dolomó taae doropóló ʔla wae botokó sóró honiyale kaaeta, i ape. Mepaae whi de Kótóné fo wosólóte, tūmó furaalu, atima betere alamó doasi whaalía dere alakélé, tó tikiné felé yaaire alakélé,

atimané kisipa tiki tuámó muló bitu, kale fo wisi botokó sóró aluróló, du wisi oletimipó.

¹⁵ Tépatéi, hae wisimó taae derepele ɔla waeta, i ala dere kaaepó. Mepaae so whiné kale fo wisi kisipa wisitamó wosóló keteréni, atimané hosaa tuámó mulóló eró tareteiné, ɔla wae kaae holóló, kale fo wisi du oletua dapó,” yalepó.

Mo whi betanékélé lamp sa kinóló munanéni pó yale fo

(Mak 4:21-25)

¹⁶ “So whiné lamp sa ɔeróló haené aleale nuku aɔmó ó fitere kea aɔmó kinóló munéni, so whi feané kolópoló ɔeróló haekamó mulótua dapó.

¹⁷ Ti so whiné kelaɔsóró mió hiróló muló betere ala fea take fopa haekamó mulatepa, so whi feané kelaalópó.

¹⁸ Téyaalopa, mió diaaɔ wosetere fo wisi mo wisiyóló sya fóló, erótóró tawae. Ti noatepae, mepaae so whi dené Kótóné fo wisi mo bete mulapóló tao tapa, atétere so whipaae Talené tómó beleróló mo dekéró melaalópó. Mepaae so whi dené wosale fo wisi ama kisipané tare nisi du betereiteikélé Kótóné fasó saalópó,” yalepó.

Yesuné hamaró nomarapetamo wóló belamó daalópó yale fo

(Mat 12:46-50, Mak 3:31-35)

¹⁹ Téró etéyalepó. Yesuné ama hamaró nomarapetamo a kelaai waletéi, so whi fea touraletikimó, a daale felekepaae fenénipa, atima belamó kaae tawóló daae molepó.

²⁰ Atépa, mepaae whiné ɔpaae duraalu, “Naao haeró nonaorapetamo ya kelaai wóló belamó daae mulapó,” yalepó.

²¹ Ai fo depa, ama atimapaee duraalu, “Mepaae so whi de Kótóné fo wosóló erótu betepa, ti yało haeró norapetamo ai ape,” yalepó.

Yesuné hali tikiró besé tikitamo foné sale fo

(Mat 8:23-27, Mak 4:35-41)

²² Téró me be demó Yesuné ama yó matere whirapepaae duraalu, “I weí kɛla uté teró faalopa fiépe,” yalepó. Atétepa, atima nuku tuapaae bití holóló, tɛ felepó.

²³ Atéró, atima nukutamo weí tómó fu bituraalu, a nuku salemó toró mulóló, noke firepó. Atéró weí tómó fu betalemó, doakale besé tikiró weí asyatamo wale tikimó, nuku dolopaae weí bɔ dorowóló ɔatuturaalu, weíne atima mo felekemó aluratapó, du betalepó.

²⁴ Tétepa, ama yó matere whirape fóló, a turukuróló duraalu, “Doa whi-ó, mió weíne ɔa mo felekemó i alurateré ape,” yalepó.

Atétepa, a turukó holóló kale besé tikiró weí asyatampaae taalae yóló foné salemó, béyóló dono felepó.

²⁵ Atéró, ama yó matere whirapepaae duraalu, “Diá kisipa tiki tiró bitini airapó,” yalepó.

Ai fo deremó atima witepa, sirayóló atimasisitei duraalu, “I sekénéta, noa whirópó. Weí asyará besé tikitamokélé, a aɔmó bitu, ama dere fo mo betá wosetapó,” yalepó.

Dowi kepe tepeyóló betale whi wisirale fo

(Mat 8:28-34, Mak 5:1-20)

²⁶ Atéró, atima ai Kaleli weí kɛla tɛyóló, Kadarin hae kwiamó sókó felepó.

²⁷ Atéró, Yesu a nuku taaróló hae tópaee taae felemó, ai be huluaamó betá dowi kepe tepeyóló betere whi ɔtamo hokolaa yaai walepó. A mo take bitiré woutéi, kutikélé deréni, tiki hałe whi dou tómótóró bitua yalepó.

²⁸ Atéyale whiné Yesu daale kolóló, keteré yóló ama hó aɔmó deraapisa fóló fió mulu fo fakeyóló duraalu, “Mo taoró betere Tale Kótóné Naalema-ó, yało yapaae dapa, naao ɛ momó kae susupuraɔse,” yalepó.

²⁹ Ti noatepae, Yesuné kale dowi kepepaae duraalu, ai whi tuámó betereitei taaróló sókó fae dere fomó yalepó. Ti ɔta, take mepaae whiné sein képiné dokóló mulótua yaleteí, kale dowi kepené a whi bitinire tikipaae fópóló, hɔkó fatua yalepó.

³⁰ Yesuné ɔpaae woseturaalu, “Naao doi deé?” depa ama duraalu, “Yało doita Lisaniópó,” yalepó. Ti noatepae, a tuámó keperape mo hałe ɔla kaae wóló, betó moleteinepó.

³¹ Téró, kale dowi keperape atima betere tiki taaróló, mo apaae derepale dolopaae hɔkó deraɔse yóló momó du, momó du, yalepó.

³² Ai du sorokó mole aɔmó hupurape kimimó daae mupa, dowi keperapéné Yesupaae woseturaalu, “Dá ai hupurape tuapaae bití faai dapa, naao ɔapaae fae yaaloé? depa, Yesuné wisirapa téyae,” yalepó.

³³ Atétepa, kale dowi keperape kale whi tuámó betaletéi taaróló, kale hupurape tuapaae tepeyóló bití felepó. Tétepa, kale hupurape botokó fele tikimó weíne saane kulamó doropóló, weíne sorokó fóló, fea sisiraae felepó.

³⁴ Atétepa, kale hupu kaae tare whirape wituraalu botokó fóló, doasi be huluaró ipu berapetampaae fóló atimané kelale ala deté kwéyalepó.

³⁵ Ai fo wosale so whi feané noa ala yalerópóló kelaai felepó. Atéró, Yesu betereimó sókó felemó, dowi keperape tepeyóló betale whítei tué wisi muóló, mo whi kaae kúti wisitamó betepa kilitu, atima wiyalepó.

³⁶ Téró, mepaae ai ala depa, kelale so whiné ai wale so whipaae duraalu, “I whíta, dowi keperape tepeyóló betale whítei, mió

ā wisiyóló mo sesere whi kaae, ai betepa kaleae,” yalepó.

³⁷ Téró, ai kale Kadarin hae kwiamó betó mole so whi doasi wituraalu, Yesupaae atima taarólo fae yóló, setu betalepó. Atétepa, ā faairaaalu, wēi nukupaae bitī holalepó.

³⁸ Tétepa, dowi keperape tepeyóló betale whinē Yesupaae ākélé yātamo fēnére? yóló wosalepó.

³⁹ Tétepa, Yesuné ā dotēyaai duraalu, “Yā etamo faalomeipa, Kótóné yāpaae erale ala yó melaai naao bepaae fesaee fae,” yalepó. Atétepa, kale whi ā fóló, Yesuné āpaae erale alarape ai be huluaámó betó mole so whi feapaae yó melaté kwēyalepó.

Yesuné betā senaaleró sotamo wisirale fo

(Mat 9:18-26, Mak 5:21-43)

⁴⁰ Atéró, Yesu ā momó wēi kēla teyóló uté tēró sókó fóló betereómó, ā wópóló kaae tawóló betó mole so whi fea hēkesetamo ā boperāle walepó.

⁴¹ Yesu atéró betepa, Kótóné fo wosetere be kaae tare whi Jairus wóló, Yesu kelalemó, mo doasi whiā, ama hó aqmó der-aapisa fóló fió mulu, āpaae mo miótóro ama bepaae faalopóló, wosetu betalepó.

⁴² Aita hāle mei, 12 ba fo kemere senaale mo betātoró betereitei mo felekemó sukāai depa yalepó.

Téró, Yesu tūmó fu betepa, so whi feané betekī betekī deté fu betalepó.

⁴³ Ā atéró sókó felemó, fāke fu betepa 12 ba fo kemere so betā walepó. Tétu betepatei, mo whi betānékélé ama ai kisi bete wisir-aaire mo sunipó.

⁴⁴ Atére so ā so whi kuamó Yesuné sisóro kikitī sókó wóló, ama tómó deró betere kuti salemó olaa yaletamótóro, ama samea fu betaletēi tikalepó.

⁴⁵ Atétepa Yesuné atimapaee duraalu, “Ē né olaa yaleé?” yalepó. Tēyalemó, ai so whi feané atima meipó depa Pitáné duraalu, “Doa whi-ó, so whi feané yā tē alu yóló ai daae mole ape,” yalepó.

⁴⁶ Tétepa Yesuné duraalu, “Diākó whi betāné ē olaa yaletikimó, yālo fotokó sókó felepa, ē né olaa yaleé?” yalepó.

⁴⁷ Téró, so whinē keletómó kale soné ama yale ala hiranénipa, ā Yesuné hó aqmó der-aapisa fóló fió molepó. Atéru, ama kisi bete wisi yópóló kisipa mutu olaa yalemó, kisi bete mo hapale tétitóro wisiyalepó.

⁴⁸ Téró, kale sopaae duraalu, “Ti senaale-ó, naao kisipa tiki tiraletiné yā ai wisiyalepa, hosaa muni deyóló dua fae,” yalepó.

⁴⁹ Kale sotamo ai fo du betepatei, fo wosetere be kaae tare topo whi Jairus-né ama be whi wóló āpaae duraalu, “Naao

senaale mo ti ai sukāle ape. Tétepa, yó matere whiāpaae fo me kae ini taalae,” yalepó.

⁵⁰ Ai dere fo wosóló, Yesuné kale whi Jairus-paae duraalu, “Naao senaaleta wisiyaalopa, yā fomoyóló whaaliani, kisipa tiki betā tirae,” yalepó.

⁵¹ Atéró etéyalepó. Ā kale fo wosetere be kaae tare topo whi Jairus-né bemó sókó fóló duraalu, “Mepaae whiārape etamo faai dapóló waqse. Pita, Jon, Jems, kale senaalené alimaró hamatamo betā wópóló yae,” yalepó.

⁵² Atéró, sókó fóló kelalemó, kale senaale sukóló mupa molóro fo tiki whaatamo du betepa, Yesuné atimapaee duraalu, “Ai senaaleta, sukuni noke firapa, diaaō fo tiki whaaró moló-utamo taalae,” yalepó.

⁵³ Ai fo depa, atima mo so whinē kisi-pané i senaaleta, mo ti sukunapóló, ā dō nanalepó.

⁵⁴ Tetepa, kale senaalené naasemó tao sóro duraalu, “Ti senaale-ó, yā turukó holae,” yalepó.

⁵⁵ Atétepa, ama kepe bete ā tuāpaae momó bitī wouraaalu, mo hapale tétitóro turukó holóló daayalepó. Tétepa, Yesuné atimapaee duraalu, “Me olakó nópóló melae,” yalepó.

⁵⁶ Atétere ala kolóló, kale senaalené ama alimaró hamatamo hokomó sókó furaalu, sirayalepó. Tétepa, Yesuné atimaamopaae fo mulótu duraalu, “I ala yalepóló, mepaae so whiāpaae momókó yaqse,” yalepó.

9

Yesuné sóro beterale 12 whiārape dotonale fo

(Mat 10:5-15, Mak 6:7-16)

¹ Atéró etéyalepó. Yesuné ama dosāyóló sóro betero betere 12 whiārape betāpaae tourāle ape depa, walepó. Atéró wóló betó mupa, ama doasi fotokó bulóo, so whi tuāmó dowi keperape betereitei, dóló hōkonótua yóo, mepaae kae kae kisi daale so whiārape wisirótua yóo, yópóló sóro beterealepó.

² Atéró atima dotēyaai duraalu, “Diā be hulua dokó feapaae fóló, Kótóné tēteróló kaae tare aqmó mole ala yó melóo, mepaae hepo daale so whikélé wisiróo yaasepóló fae,” yalepó.

³ Atéró ama atimapaee duraalu, “Diā furaalu dotó tikikélé, waró yotamokélé, mo nokole olakélé, monikélé, kutikélé me dekaaporóló momókó sóro faqse.

⁴ Diā me be huluaámó sókó fēnaalemó, betā whinē diā dape supra, ti ai whiātamótóro fitua yóló, fole sukamó ai be taalae.

⁵ Mepaae so whinē diātamo dape sini depa, ti atimané yale alamó dapóló kisipa muópólópa, ai be hulua taaróló faairaaalu,

diaaꝓ hómó dakere hae terepée deróló fae,” yalepó.

⁶ Atéro atima fóló, be hulua dokꝓ feamó kale fo wisi yó maté kweyóo, atima kotere be huluamó kisi muó mole so whíkélé, fea wisiraté kweyóo, yalepó.

⁷ Atima ai ala deté kutu beteraꝓ dere fo Kaleli hae kwia teteróló kaae tare whi Herot-né wosalepó. Mepaae so whiné kale sukále whi Jon momó kepaayóló beteraꝓóló deté fele fo wosetu, Herot-né ama kisipa tiki kóló kóló du betalepó.

⁸ Atétepa mepaae so whiné duraalu, “Mo take betale whi Ilaija wóló biturapó. Tétepa, mepaae so whiné du, mo take betóló sukále Kótóné ama kóló whirapekó, momó kepaayóló wou yalepó,” du betalepó.

⁹ Tétepa kale topo whi Herot-né duraalu, “Jon-ta, yálo diki tare whirapené depa tikalepa, aita demó dérópóló,” ama keḷe faai kisipa mualepó.

*Yesuné 5,000 whirape ɔla melale fo
(Mat 14:13-21, Mak 6:30-44, Jon 6:1-13)*

¹⁰ Téró, ama doteyale whirape atima momó fesaae wóló, atimané yale alarape Yesupaae yó melalepó. Téró, ama atima maaté dape sóró, Betsaida be huluapaae felepó.

¹¹ Atima atéro felepó dere fo so whi mo turóné woseturaalu, a sya felepó. Atima atéro a beterepaae wapa, wisirapóló dape sóró, Kótóné teteróló kaae tare aꝓmó mole ala atimapaae yó meléo, mepaae hepo daapa wale so whíkélé wisiróo, yalepó.

¹² Atéro, suka doropoletamo ama yó matepa wosetere 12 whirape a beterepaae wóló duraalu, “Ḍata ɔlakélé meire tikimó beteraꝓ, i so whi felekemó tē molar berapepaae fóló atimané naaire ɔlaró fiyaaire betamo atimanétei kekaai fópólópa, dotonae,” yalepó.

¹³ Ti fo depa, ama atimapaae duraalu, “Diaaꝓtei, atima naaire ɔla melae,” depa atimané aꝓaae duraalu, “Ḍanéta, *bred* o bula aporó yóo, ya tamo yóo, yóló betá i mole ape. Tétepa, naao kisipané i betó mole so whiné naaire ɔlakó Ḍanétei dupune fópóló kisipa mute?” yalepó.

¹⁴ Atéro, aimó betó muale soró naale senaaletamo dosꝓani, whi maaté dosꝓayóló touróturaalu, 5,000-rópó.

Tétepa, ama yó matepa whirapepaae duraalu, “Dosꝓayóló 50 whirape kae kae yóló beteraꝓ kweyaae,” yalepó.

¹⁵ Tétepa, ama yó matepa whirapené so whi fea taleróló beteraꝓ felepó.

¹⁶ Atépa, Yesuné *bred* o bula aporó yóo, ya tamo yóo yóló taruraalu, hepen-paae kese holóló Kótópaae mo kée yóló terekée daalu yalepó. Téró, ama yó matepa whirapepaae

melatepa, atimanémo so whi feamó ɔliraté kweyalepó.

¹⁷ Atéro, atima fea nalemo sꝓtepa, buki muni feletei, ama yó matepa whirapené siré kweyóló, 12 yorape deyóló faanalepó.

*Pitané Yesupaae Kótóné sóró betero
betere whi Kerisopó yale fo
(Mat 16:13-28, Mak 8:27-9:1)*

¹⁸ Téró, me sukamó etéyalepó. Ama yó matepa whirape atimasisi maaté moma du bitu, ama atimapaae duraalu, “Ai so whi feané e-a, depó du bitu de?” yalepó.

¹⁹ Ti fo depa, atimané duraalu, “Mepaae so whiné yaḷa, wei tópuratere whi Jonpó, mepaae so whiné ti Elaijapó, mepaae so whiné ti mo take betale Kótóné kóló whirapekó kepaayóló bituraalu, du beteraꝓ,” yalepó.

²⁰ Ai fo depa, ama atimapaae duraalu, “Ḍiáneḷa e depóló kisipa mute?” yalepó. Atétepa Pitané duraalu, “Yaḷa, Kótóné so whi fea teteróló kaae tanɔpóló, sóró betero betere whi Kerisopó,” yalepó.

²¹ Ti fo depa, Yesuné atimapaae fo fotokɔiné duraalu, “Pitané ai yale fota, so whipaae momókó yaqse,” yalepó.

²² Téró ama duraalu, “Kale Whiné Naalema kae kae sekei ala saalo ai ape. Doasi whi disirapenékélé, mo so whimó Talepaae momaratere topo whirapenékélé, Moses-né asere fo yó matepa whirapenékélé, a mené dópóló, só deraalo ai ape. Téyaalotei, a momó kepaayóló betaalopó,” yalepó.

²³ Téró ama yó matepa whirapepaae duraalu, “Whi me de e fole tumó waai kisipa mutepa, ti naao yaaire ala teteróló ya dóló oleraaire filipaa ni naaotei beleyóló, betere dokꝓ e sya ape.

²⁴ Mepaae so whi dené ama betere bete me ala yaqsórópóló amatei hotowaró kaae tapa, atétere so whiné betere bete aluyaalo ai ape. Téyaalotei, whi me dené yaḷo ala eróturaalu, Talepaae naaopóló taalatepa, atétere whiné betere bete aluni, mo ti betó tawaalopó.

²⁵ Betá whiné i haemó muó mole wisi wisi ɔla dekeró sóró betapaae du betere tuamó ama betere bete alutepa, ti me noa dupu wisikó saaloé?

²⁶ Mepaae whi de witu halemó, ekelé, yaḷo fokélé tuénipó depa, kale Whiné Naalemakélé, Alimakélé, mo kae betere *enselrapekélé* ama mo kae ere deḷtamo wale sukamó, Whiné Naalemanékélé ai whi a tuénipó, yaalopó.

²⁷ Téyaalopa, yaḷo diapaae mo i dere ape. Diá i daae mole so whi mepaae sukaiapatei, Kótóné teteróló kaae tare ala mo kelaalopó,” yalepó.

*Yesuné ama tiki kae daane wale fo
(Mat 17:1-13, Mak 9:2-13)*

²⁸ Yesuné i forape yóló bitiré fóló, bokó waleró be de kemetepa, etéyalepó. Pita, Jon, Jems, atima Yesuné dape sóró du sorokó molepaee moma yaairaa lu felepó.

²⁹ Até ró holóló momatu betalemó, ama kelepaa kae daane wóo, ama deró betere kutikélé mo epée de kaae yó fóo, yalepó.

³⁰⁻³¹ Atére tuámó, whi tamo Moses-ró Elai-jatamo mo kae ere detamo sókó wóló, Yesu-tamo fo du betepa kelalepó. Atima até ró du betale fota, Yesu a i hae taaróló hepen-paae momó fesaae faaire ala dokonóló, Jerusalem bemó eraalopó du betalepó.

³² Pitaró ama fulumu whirapetamo noke fi turukó horóló kelalemó, kale whi tamo mo doasi ere de tuámó daalu, Yesutamo fo du betalepó.

³³ Até ró, kale whi tamo Yesu taaróló faai depa Pitané duraalu, “Yó matere doa whi-ó, da fea etéro betere ala mo wisirapó. Dáne diámó furu be sore tenaai kisipa mutapó. Me yámó tenóo, me Moses-mó tenóo, me Elaijamó tenóo, yaalopó,” yalepó. Aita, Pita a noa fo enénitepa, kóló kóló duraalu yalepó.

³⁴ Pitané até ró fo du betepatei, sako dorowóló atima husuratepa, doasi winé sukutu betalepó.

³⁵ Ai sako dolomó i fo yalepó. “Ita, yalo Naalepó. A sókó sóró, yalo kae beteró beter-apa, ama dere fo wosae,” yalepó.

³⁶ Ai fo yóló kemetepa kelalemó, Yesu a betá daapa kelalepó. Ama yó matere whirape atimané ai kelale alarape mo so whi-paae ini, hiróló bitiré felepó.

Yesuné dowi kepe tepeyóló betere naale wisirale fo

(Mat 17:14-21, Mak 9:14-29)

³⁷ Até ró be deyó hotepa, atima ai du sorokó mole tiki taaróló dorowou betalemó, so whi mo hale ɔla kaae atamo tumó hokola yaai walepó.

³⁸ Ai so whi betó mole kua dolomó betá whi turukó holóló daalu, fo tokoróló duraalu, “Yó matere whi-ó, yalo mo betá naale naao wisirale waalóe?”

³⁹ Suka fea dowi kepené a taneta depa, keteré yóló ama kóló dako sókó wua dapó. Até duraalu, dowi kepené a taaróló feni, fotokóné ama tiki feseróló, hó naasekélé sosoro faróló mo dorótua dapó.

⁴⁰ Até du betepa, naao yó matere whirapepaae hokonaalóe? yóló wosalemó, atima sunipó,” yalepó.

⁴¹ Ai fo depa, Yesuné atimapaee duraalu, “Mió i alimó kisipa tiki tiréni, dowaae fóló kópaee fu betere so whi-ó, diá tu wisipaae fópóló e diatamo betale supa, ai naale ipaae dapesó ape,” yalepó.

⁴² Kale naale dapesó wou betepatei, dowi kepené haepaae taae deralepó. Até ró haemó mulu, feserótu betepa, Yesuné kale keperape foné sóró duraalu, ai naale tuámó betereitei hókó faróló, alimapaee malepó.

⁴³⁻⁴⁴ Kótóné doasi fotokóné eralepóló, so whi feané kilituraalu, siratu betalepó. Yesuné até ró yale alamó so whi feané haió, i-a noa ala yalerópóló, siratu betepa, ama yó matere whirapepaae duraalu, “Yalo diapaee i yaaitere fo mo wisiyóló wosóló kisipa muae. Kale Whiné Naalema mo whirapené dópóló, mené eleké deyaalo ai ape,” yalepó.

⁴⁵ Ama até ró yale fo kinóló moleteiné bete atima wisiyóló kisipa initepa wosaai yalemó, atima wituraalu taaralepó.

*Doasi topo whi de betaalóe yale fo
(Mat 18:1-5, Mak 9:33-40)*

⁴⁶ Téro, Yesuné ama yó matere whirape atimasisitei de doasi topo whi beteré yóló, u só derólu i só derólu dere ala kaae salepó.

⁴⁷ Atimané até ró mutere kisipa Yesuné kolóló, naale betá tao sóró turukó horóló a daale demó daalalepó.

⁴⁸ Téro, ama atimapaee duraalu, “Whi me dené yalo doimó etei kaae naale wisiyóló dape supa, ti etei dape sirapó. Whi me dené e wisiyóló dape supa, ti e doteyale sekétei dape sirapó. Whi me de diá tuámó naale belekaamale aleyóló belei betepa, ti a doasi whi ai betere ape,” yalepó.

⁴⁹ Ai fo depa wosóló, Jon-né duraalu, “Tale doa whi-ó, betá whiné naao doi yóló dowi kepe hókónótu betepa, a ta dakó meipóló kisipa mutu, dáne apaee atékese yóló, sesé du betalepó,” yalepó.

⁵⁰ Ai fo depa, Yesuné apaee duraalu, “Diaa a sesé yaose. Ti noatepae, mepaae diatamo bóe dinitere whi ta, ti diatamo mole whi ai ape,” yalepó.

Yesu wisiyóló dape sini yale fo

⁵¹ Téro, Yesu i hae taaróló hepen-paae dapesó holaai feleke deremó, a me tikipaae faai kisipa muni, Jerusalem be huluapaee maaté faai fotokó yalepó.

⁵² Téro, Yesu a nalo faairaalu, mepaae whirape beró naaire ɔlatamo donoróló mullaai atimapi fópóló dotonatepa, atima Samaria hae tuámó tene bemó sókó felepó.

⁵³ Téyaletei, ai be hulua so whi feané a Jerusalem bepaee faai wale kilitu, dape sinipó.

⁵⁴ Até tere ala kilitu, ama yó matere whitamo Jems-ró Jon-tamoné apaee duraalu, “Tale-ó, i be huluamó betó mole so whi fea hepen-mó mole si dorowópóló yaé yóló kisipa mute?” yalepó.

⁵⁵⁻⁵⁶ Ai fo depa, Yesu a fetéé fóló atimaamo foné sóró, atima me be huluapaee felepó.

Betq whiné Yesupaae ya sya walapó yale fo

(Mat 8:19-22)

⁵⁷ Atéro atima fu betalemó, tų tuamó whi betané apaae duraalu, “Ya mopaae fupa, ti ekélé yatóro sya waalopó,” yalepó.

⁵⁸ Ai fo depa, Yesuné duraalu, “Haonarapeta, atima fitere tiki yóo, barapekélé fiyaaire dépi daayóo eretei, Whiné Naalema betq toró mulólo fiyaaire tiki inipó,” yalepó.

⁵⁹ Atéro, whi mepaae duraalu, “Ya ę sya ape,” yalepó. Ai fo depa, kale whiné duraalu, “Tale-ó, folosóro ę yalo ayapi dourale fulapa, wisire?” yalepó.

⁶⁰ Ai fo depa, Yesuné apaae duraalu, “Sukune aore whiné ti sukune whi dourópóló, ya ti Kótóné tetéroló kaae tare aqmó mole ala yó maté kweyae,” yalepó.

⁶¹ Atéro, me whínékélé duraalu, “Tale-ó, ę ya sya waaitei, yalo hae ayapaae kóleó fo ene faai kisipa mutapó,” yalepó.

⁶² Ti fo depa, Yesuné apaae duraalu, “Whi me de ama kutó ditu bitutei, depaae kele mulatere whiné Kótóné tetéroló kaae tare aqmó mole kutó diraaire sunipó,” yalepó.

10

Yesuné 72 whirape dotęyale fo

¹ Atęyale kılıpaae. Talené mepaae 72 whirape sóro beteróló, ą faai dere be hulua dokopaae atimapi fópóló, tamo tamoyóló dotęyalepó.

² Atéro dotęyaai atimapaae duraalu, “Kutómó ęla mó dekeró ęlumępatei, ai ęla saaire whi betq doaló meipó. Térapa, ai ęla sere ala tetéroló kaae tare Talené mepaae whirapekó ai kutópaae dotonópóló, Talepaae kemayae.

³ Dią bete haorape betere tuapaae *sipsip* hupu malerape kaae, yalo i dotonaterere ape.

⁴ Dią furaalu *moni* detere bekélé, mó yokélé, hó bekélé, sóro faęse. Tųmó furaalu, só whįpaae kóleó fokélé ini, fó betq yae.

⁵ Dią betq whiné bemó sókó furaalu, Kótóné hosaa muni deyóló dua betere ala dią tuamó mulópóló yae, fo betq yae.

⁶ Ai be tuamó hosaa muni deyóló dua betere whįtamo betepa, ti Kótóné hosaa muni deyóló dua betere ala ai whi tuamó munaalópó. Meipa, ti ai ala diątamo momó fesaae waalo ai ape.

⁷ Ai fitere bemótóro bitu, atimané diąmó matere ęlaró weįtamotóro nuku betae. Ti aita, diaaq diteremó kutómó dupu dono ai sere ape. Térapa, dią be dokq hokó fité kuni, fitere bemótóro fitua yae.

⁸ Téro, dią betq be huluamó sókó fenalemó, ai be hulua só whiné dią wisiyóló dape sóro ęla matepa, ti ai ęlatóro nae.

⁹ Atéro bitu, ai be huluamó kisi daae mole só whi wisirótua yae. Diaaq atimapaae yó mótu, ‘Kótóné tetéroló kaae tare alakélé dią beterepaae mó felekemó wale ape,’ fo yae.

¹⁰ Téyaalotei, dią betq be huluamó sókó fenalemó, atimané dią wisiyóló dape sinitepa, ti ai be bela tuamó daalu, atimapaae i fo yae.

¹¹ ‘Diaaq yale alamó, diąné be hae ęané hómó dakeretei diaaq keletómó i heleketerere ape,’ fo yae. Diąné dowaae fu betepa, Kótóné tetéroló kaae tare aqmó mole ala mó felekemó waalopa, dią diriyóló kisipa muae yae,” yalepó.

¹² Atéro, Yesuné ama yó matere whįrapepaae duraalu, “Yalo diąpaae mó i dere ape. Kótóné i haemó betó mole só whi taletere sukamó, Sodom be huluamó betó mole só whįpaae doasi sekei ala eraalotei, dią wisiyóló dape sinitere be hulua só whįpaae eraaire sekei alata, mó doasi bosenóló eraalo ai ape.

¹³ Korasin beró Betsaida be huluatamómó betó mole só whi dią tuapaae doasi sekei ala waalopa, dią mó wióló yae. Ti noatepae, i be hulua tamómó erale kelemei kaae, Tair-ró Saidon be huluatamómó eróluaşóro, ti atima mó taketitei yei kuti bukóo, kili diyóo, yóló kisipa feteyóló bituapó.

¹⁴ Téyaalotei, Kótóné fo tokóló tale dere sukamó Taia-ró Saidon be hulua só whįtamopaae sekei ala eraalotei, diąpaaeta, ai bosenóló mó doasi sekei ala eraalo ai ape.

¹⁵ Dią Kapeneam be hulua só whi-ó, diaaq kisipané dią Talené ó şapaae dapesó horaalópóló de? Meipa, doa kóleó. Whi mó ti sukóló aluyaaire dolopaaetei derepaalo ai ape,” yalepó.

¹⁶ Tétepa, Yesuné ama yó matere whįrapepaae duraalu, “Mepaae diaaq dere fo wosetere só whiné ti yalo dere fokélé wosetapó. Mepaae só whi dené dią hęratepa, ti ekélé hęratapó. Téretei, mepaae whi dené yalo dere fo woseni nisiyóló hęratepa, ti ę dotęyale whikélé hęratapó,” yalepó.

¹⁷ Téro, kale dotęyale 72 whįrape hękesetamo momó fesaae wóló duraalu, “Tale-ó, ęané naao doi yóló dowi keperape doló hękonatepa, ęané dere fo mó betq wosóló fua dapó,” yalepó.

¹⁸ Ti fo depa, ama atimapaae duraalu, “Hepon bemó dowi Satan epe de kaae fitaa deté i haepaae dorowapa kelalepó.

¹⁹ Dowi wuliró tųrapetamo diąné tęya depa, ęané bóe whi Satan-né bole fotokóné dią doraalomeipó.

²⁰ Ti ai alata motei, kale dowi keperape dią aqmó sukóló betteremó hękeseni, hepon bemó diaaq doi aseýóló moleteimó betq dią hękesetu betae,” yalepó.

²¹ Atéyale sukamó, Yesu a Deji Kepe Wisiné fotokorátepa, doasi hajné sukutu duraalu, “Hepen beró haetamo aleóló muló betere Aya Tale-ó, *skul* yóló doasi kisipa sere whiraperó fea ala tuére whirapetamoné kelaqsóro kinó, ketei aqre whirapené kolópoló, hakearóo dere kilitu, yalo yapaae mo kée yóló, naao doi sóro horatapó. Aya-ó, aita mo naao kisipa mole alatóró erapó,” yalepó.

²² Téró, Yesuné atimapaee duraalu, “Ai ala feata, yalo teterólo kaae tanópoló, Ayané epaae meló beterepó. Whi betanékelé Naalema tuéni, Alimané betá tuérapó. Atére kaae, Alimakélé whi betané tuéni, Naalemané betá tuérapó. Atérené Naalemané ama Aya i ape yóló yó melaai tué mole so whipaae yó matepa, ai so whiné maaté Alima tuénérapó,” yalepó.

²³ Téró, Yesu a ama yó matere whirape atimanale bitu, a atima beterepaae fetée fóló duraalu, “Mió diaaq kelené i kilitu betere ala tué sere so whi Kótóné wisiró beterepóló, hajné sukutu beterepóló yae.

²⁴ Ti noatepae, yalo diapaee mo i dere ape. Mió keletere ala take betale koló whiraperó topo whirapetamoné kelené deté waletei kilini yóo, diaaq wosetu betere fokélé wosené deté waletei woseni yóo ipakalepó,” yalepó.

Samaria whiné Juda whi tao sale fo

²⁵ Téró, Moses-né asere fo yó matere whi betá turukó holóló Yesu súsóro duraalu, “Yó matere whi-ó, e mo ti betó tawaairaa, noa alakó yaaloé?” yalepó.

²⁶ Ti fo depa ama duraalu, “Ai asemó noa fo ere? Ai yóló muló betere fo dosqatu, naao noa kisipa mute?” yalepó.

²⁷ Ai fo depa, kale whiné apaae tokó mótu duraalu, “Tale Kótópaee hekesené sinóló yaala sókó fole alata, naao hosaa turónékélé, kepe turónékélé, fotokó turónékélé, kisipa tiki turónékélé, du betae. Tétu, naaotei ya hekesené sukutu dere kaae, naao be whi so whipaaekélé, atéro hekesené sukóló yaala sókó fu betae,” yalepó.

²⁸ Ti fo depa, Yesuné kale whipaae duraalu, “Aita, naao mo dono tokó matapa, ya mo ti betaasepóló, ai alatóró hqle yó tawae,” yalepó.

²⁹ Téró kale whiné ama yale fonétei a só deranépa, a donore whi aqyóló Yesupaae woseturaalu, “Naao epaae be whipó dere fo-a, demó de?” yalepó.

³⁰ Ai fo depa, Yesuné duraalu, “Whi betá i Jerusalem be taaróló, Jeriko bepaee durupu betalepó. Téyalemó, qlémi nokole whirape tu tuamó melaa muóló, ama kuti sorokóló taae faróló a susupuróló felekemó sukai du betepa atíma felepó.

³¹ Atéro, Talepaae momarateré whi betá ai kale whi derepele tumó durupuraalu kelalemó, kale whi tumó mupa, dekeróló a demó derepelepó.

³² Atétepa, betá Lipai fake whi akélé sókó walemó, kale whi sinóló mupa kolóló, dekeróló akélé demó felepó.

³³ Téyaletei, betá Samaria whi akélé kale whi mole tikimó sókó wouraaalu kelalemó, kqlei ala epa kilitu, ama tao saai kisipa mualepó.

³⁴ Atéturaalu, a kale whi mole felekepaae fóló, kale whiné doalére tikimó *wel* weiró *wain* weítamo dilóló dokalepó. Téró, kale whi ama *donki* hupu tómó beteróló fóló, uké whirape fitua dere bemó beteróló, kale whi ama mo wisiyóló kaae tarepó.

³⁵ Téró, be detepa hika kale whiné ama *silpa moni* tamo sóro, kale uké whirape fitere be kaae tare whipaae duraalu, “Yalo i matere *moniné* a kaae taté felalemó, ai *moni* tamo kemetepa, ti e wóló naao *moni* yalo tokó melaalopa, a mo wisiyóló kaae tawae,” yalepó.

³⁶ Téró, Yesuné kale Moses-né asere fo yó matere whipaae duraalu, “Naao kisipané i whirape sorekó mé whi kale dale whiné ama be whi kaae aqyaleé?” yalepó.

³⁷ Ti fo depa, kale whiné momó tokó mótu duraalu, “Kqlené sukutu tao sale whipó,” yalepó. Ai fo depa, Yesuné apaae duraalu, “Ama yale ala kaae, naakélé yaai fae,” yalepó.

Yesu Mataró Meriatamo betere be huluaamo betale fo

³⁸ Téró, Yesu a ama yó matere whirapetamo tumó fité woló, Mata betere be huluaamo sókó wapa, Matané atamo betaai dape salepó.

³⁹ Matané kema Mariakélé Yesuné hó aqmó bituraalu, ama dere fo wosetu betalepó.

⁴⁰ Atétu betepatei, Marta a atima naaire qlamó bipi du bituraalu, ama yó matere fo wisiyóló wosenipó. Atétepa, kale so Yesu beterepaae wóló apaae duraalu, “Tale-ó, e yalo wotoró depe tukó wei ala du betepa, ama e tao sene wópoló, naao apaae dumieé?” yalepó.

⁴¹ Ti fo depa, Talené apaae duraalu, “Ti senaale Mata-ó, yaqta mepaae ala noa yaaloé yóló, doasi whaalía du betereiné ya ai só deró betere ape.

⁴² Téretei, mo doasi topo qla betá ya seni, yaqya ai ere ape. Mariané ama betá mo doasi topo qlapóló kisipa muóló sóro taretei dané fasó saalomeipó,” yalepó.

11

Yesuné Talepaae moma dere ala yó melalefo

(Mat 6:9-15, 7:7-11)

¹ Téró me sukamó. Yesu a me tikimó bitu, moma du beterepó. Atéró, moma yóló kemetepa, ama yó matere whi betané aḡaae duraalu, “Tale-ó, Jon-né ama yó matere whirapepaae Kótópaae momatere ala yó melalé kaae, naao ḡakélé yó melaasepé,” yalepó.

² Ai fo depa, ama atimapaae duraalu, “Diaaḡ Talepaae moma dere ala etéro yae.

‘Aya-ó, yaḡa dowi ala mo betakélé munire Kótó betereiteiné so whi feané naao doi wisinaale doasi mulópóló yae.

Naao teteróló kaae tare aḡmó mole ala wisi wópóló yae.

³ Be de dokó betá betámó ḡané naaire ḡla naao sumó ḡlae.

⁴ Mepaae so whiné ḡapaae erale dowi ala kwia tani, me ḡla meipóló ḡale kemeratapa, ḡané dowi ala kwiakélé naao ḡale kemerae.

Téturaalu, sḡ sere alané ḡa deé nalaḡsóró, naao ḡa ḡlisóró fae.’”

⁵⁻⁶ Téró, ama atimapaae duraalu, “Diḡkó betá whiné ama fulumu whi saletómó wóló betepa, a diliki sḡ tuḡatamo ama noma beterepaae fóló duraalu, ‘No-ó, yaḡo fulumu whi mióti sókó waleteteiné naaire ḡla meitepa, yaḡaae bred o bula sorekó a maletammo melaasepé fo dekeró yó tapa, noa ala yaaloé?’

⁷ Ai be dolomó betere whiné i fo yaalopó. ‘Be tu kinóló yaḡo naale senaaletammo fireiteiné turukó holóló, naao kematere ḡla menanénipa, eḡaae dotopoi fo ekese’, dua dapó.

⁸ Yaḡo diḡapaae i dere ape. Kale whi a halaaíné kematóró ḡale yó tapa, ama fulumu whi turukó horóló kematere ḡla manénipatei, mo sumótóró melaalo ai ape.

⁹ Atérapa, yaḡo diḡapaae i dere ape. Talepaae me ḡlakó kematepa, ai kematere ḡla melóo, keketepa ti ai ḡla mo kolóo, tu tukiyae yóló tu dupa, ti tukij yóo yaalopó.

¹⁰ Ti noatepae, mepaae kematere so whiné ti mo sua dapó. Mepaae so whiné keketepa ti ai ḡla mo kilitua dapó. Mepaae so whiné tu tukiyae yóló tu dupa, atétere so whi wópóló tu tukitua dapó.

¹¹ Diḡkó me whiné diaaḡ naale senaalené yakópóló kematepa, ya taaróló, dowi wuli male melaaloé?

¹² Ó naao senaale naalené ba kekó ‘ḡlae’ depa, ai kematere ḡla taaróló, whi tukó nokole tḡ melaaloé? Meipó.

¹³ Diḡ dowi ala du betere whirape bitutei, diaaḡ naale senaalemó wisi wisi ḡla matere ala diaaḡ ai kisipare ape. Atére kaae,

mepaae so whi dené ḡe Kepe Wisi kematepa, ó hepen-mó betere diaaḡ Aya Tal-ené mo melaalo ai ape,” yalepó.

Yesupaae Belsebul-né fotokḡratepa dapó yalefo

(Mat 12:22-30, Mak 3:20-27)

¹⁴ Téró me sukamó etéyalepó. Dowi kepené whi betá ḡlóló nomonó betepa, Yesuné dóló ḡokonalepó. Atétepa, kale dowi kepe sókó furaalu, ama fo kaae sóró deremó, ai touró betere so whi feané sirayalepó.

¹⁵ Atétepa, mepaae so whiné duraalu, “Aita, dowi keperapené topo kepe Belsebul-né fotokḡratepa, dóló ḡokonótu beterapó,” yalepó.

¹⁶ Ai fo depa, mepaae whirapené ama noa ala deró a sḡ sóró kaae kilituraalu, aḡaae hepen bemó mole betá fareyópu eratapóló ḡané kisipa yaaipa, erae yalepó.

¹⁷ Atéró mutere tué tiki Yesuné kisipa yóló atimapaae duraalu, “Mepaae doasi topo whirape atimané teteróló kaae tare tuḡamó atimasisitei bóe dupa, ti teteróló kaae tare ala mo haepaae doropóló doyoó, betá be huluamó betó mole so whikélé atimasisitei bóe dupa, ti ai be haepaae doropóló mo doyoó yaalopó.

¹⁸ Satan ama fake atimasisitei bóe dupa, ti ama teteróló kaae tare ala netéro fotokḡ buaalóe? Yaḡo i dere fota, diaaḡ eḡaae ya dowi keperapené topo kepe Belsebul-né fotokḡratepa, ḡokonótu beterapó depa i dere ape.

¹⁹ Ti diaaḡ eḡaae topo kepe Belsebul-né fotokḡratepa, dóló ḡokonalepó dere-a, diḡ fakenékélé dóló ḡokonótu betere ala né fotokḡratepa de? Motamo Kótóné fotokḡ bulatepa dapó depa, ti fo tokóló taletere sukamó atimanéitei diḡ só deraalopó.

²⁰ Téretei, yaḡlotamo Kótóné fotokḡné dowi keperape dóló ḡokonélipa, ti Tale Kótóné teteróló kaae tare aḡmó mole ala diḡ tuḡapaae wóló i mole ape.

²¹ Fotokḡ bole whiné be ó ḡla ḡla mepaae whiné doraḡsóró, sesé duraalu, kale whiné ama tḡró dikitamo tawóló, siki siki yóló kaae tapa, whi mené doraalomeipó.

²² Téretei, mepaae doasi fotokḡ bole whiné bóe sókó wouraalu, kale doasi fotokḡ bole whi dóló teteróló, bóe dele ḡla ḡlakélé fea fasóló, ama bemó muó mole wisi wisi ḡlakélé fea sóró ama be whítamo ḡli yaai sóró fulapó.

²³ Whi me de eḡamo betámó bitinipa, ti eḡamo bóe dilapó. Whi me de eḡamo bitu, e fasóló ḡla ḡla betapaaeróló munénitepa, ai whiné yaḡo ḡla ḡla ḡoko besekératapó.

²⁴ Atéró, kale dowi kepe whiné depe tuḡamó betereitei, sókó furaalu kópuai hae tikipaae a feleyóló betaaire tiki kekḡairaaluu

fua dapó. Atéroró fóló, kelenalemó betaaire tiki kilinitepa, ą take betale be kelaai momó fesaae faai dapó dua dapó.

²⁵ Atéroró ą sókó wóló kelenalemó, kale be wisiyóló fuóló taae faróló, wisiró betepa keletapó.

²⁶ Téró, kale dowi kepe ą momó fóló, mepaae dowi ala mo turó ąane węikeró keperape dape sóroró, kale bepaae momó bitį walapó. Atétepa, kale whį ą take bitu sawa doyaleteti, mió mo ti doyo faalopó," yalepó.

²⁷ Atéroró Yesuné ai forape du betepa, so whį fea betó mole kuamó so betané fo fakeyóló duraalu, "Yą deyóló awą male so naao hae Tale Kótóné wisiró beterapa, ą hajné sinóló beterópóló yae," yalepó.

²⁸ Ti fo depa, Yesuné atimapaee duraalu, "Ai dukiraterere fota mepaae whį de Kótóné fo wosóló, sya fóló erótu betere so whįta, Tale Kótóné wisiró betereiteiné hajné sukutu beterapó," yalepó.

Yesupaae me ala yaairemó dere fareyópukó erae yale fo

(Mat 12:38-42, Mak 8:12)

²⁹ Téró, so whį fea hóuró touró betepa Yesuné duraalu, "Mió i alimó betere so whį dowi alané ąanutei, ępaae doasi sira yaaire me fareyópukó erae du beterapó. Tépateti, me kae eraalomeipa, mo take Jonapaae erale ala kaae betą eratepa kelaalo ai ape.

³⁰ Ti noatepae, Ninipa so whįné Jonapaae erale fareyópu kilituraalu, ita Kótóné dotonale whįpóló kisipa moipakalepó. Atéyale kaae, mió i alimó betere so whįnékélé Whįné Naalemapaae eraterere ala kilituraalu, ita Tale Kótóné dotonó betere whįpó kisipa muaalo ai ape.

³¹ Betą Saoti hae kwia teteróló betere doasi topo *kwın* soné mió i alimó betó mole so whįtamo fo tokóló taletere be demó, dią só deraalo ai ape. Ti noatepae, ai sota hae kwia dene falepaae bitu wóló, Solomon-né fosó fosó kisipa muóló yó matere fo wosaai walepó. Téyaletei, Solomon-né mole kisipa bosenóló whį betą i betere ape.

³² Téretei, Ninipa be hulua so whįró dią mió i alimó betó mole so whįtamo só deraai fo tokóló taletere be demó atimanétei dią só deraalopó. Ti noatepae, atima Jonané yó mótu betale fo wosóló, kisipa tiki feteyalepó. Tépateti, Jonakélé teteróló bosené fale mo doasi sekę whį betą wóló i betere ape.

Keleta tiki fea dęró betere są supó yale fo
(Mat 5:15, 6:22-23)

³³ Mo whį betanékelé, *lamp* są dęróló kinéli tikipaae ó nukuné husiróló mulótimpó. Dęróló daalótua dere tikimótóró mulótua dapó. Mepaae so whį be dolopaae wapa, ai demó beterópóló, dęró beterapó.

³⁴ Naao keleta, ti tiki turó dęró betere *lamp* są sų ai ape. Naao kele tamo wusuró wisipa, ti naao tikikélé turó dęrapó. Téretei, naao kele tamo wusuró dilikipa, ti naao tikikélé turó dilikirapó.

³⁵ Naao tiki tuámó dó tare dę diliki yaqsóroró, mo hotowa yóló kaae tawae.

³⁶ Térapa, naao tiki turótamo dępa, ti tiki me kwiapaae sawa dilikikélé ini, tiki featóró dęyó furaalu, belapaakélé sókó faalo ai ape," yalepó.

Yesuné Farisi whįrapepaae wiyó yae yale fo

(Mat 23:1-36, Mak 12:38-40, Luk 20:45-47)

³⁷ Yesuné ai fo yóló kemetepa, Farisi whį betané ątamo ąla naairaaalu ama bepaae dapesó fóló, ąla nukuaterere ni fake tó mó tiróló beterepó.

³⁸ Atéru, Yesu ąla naairaaalu, atimané mara mole ala sya furaalu, folosóroró ama naase fokunitepa, kale Farisi whį ą hokomó sókó fu sirayalepó.

³⁹ Atétepa Talené ąpaae duraalu, "Aita motei, dią Farisi whįné ąla nokole nukuró wutitamo hąle tó mó ere bólu maaté fuku-tua dapó. Téturaalu, diaaq tiki tuąpaaeta, ti fea ąla senée yóló ekeleterere alaró ukusitere alatamoné ai ąane ape.

⁴⁰ Dią okokoi tuę mole whįrape-ó, Kótóné diaaq tó tikimó ere ala fea taleturaalu, u tuąpaaekélé tale dumipóló de?

⁴¹ Diaaq nuku tuámó mole ąla sóroró yoleal-ere so whį tao sóroró melae. Atétepa, ti diaaq tiki tuámó ere ala fea Kótóné kilitu, mo kokęrapó fo yaalo ai ape.

⁴² Farisi whįrape-ó, diąné kutómó ere sawa ąlakélé naase tamo supa, dekeyóló betą Kótópaae hąle móturaalutei, mo donotóroró taletere alaró Kótópaae yaala sókó fole alatamo sisópaae erótu beterapó. Atére alamó doasi sekę ala dią tuąpaae waalopa, wiyó yae. Donoyóló taletere alaró Kótópaae yaala sókó fole alatamo touróló, Kótópaae hąle matere alakélé uąsóroró mo wisi uąpó.

⁴³ Farisi whįrape-ó, dią fo wosetere bepaae furaalu, doasi doi mole whįrape bitua dere tikimótóroró betaai ekele yóo, ąla dotonaterere tikimó daalukélé, so whįné doasi whį wisi-ó yóo, yóló dukiraterere kokómó ai ala dua dapó. Atétere alamó diąpaae doasi sekę ala waalopa wiyó yae.

⁴⁴ Farisi whįrape-ó, diąta u tuąpaae whį dou epatei hąle tiki aąpa, ai tó mó so whį fua wua du beterapó. Ti diąta, douró betere whį kaae aąrapa, wiyó yae," yalepó.

⁴⁵ Tétepa, Moses-né asęre fo yó matere kisipa fosóre whįné ąpaae duraalu, "Yó matere whį-ó, naao ai dere forapené dą mo ti só deratapó," yalepó.

⁴⁶ Ti fo depa Yesuné duraalu, “ Moses-né asere fo yó matere whirape-ó, diaaq so whippaae i ala yae, i ala yaqse, du betere alata, doa sekei ɔla so whiné hulúmó bel-erótu dere kaae du beterapó. Ai sekei ɔla diaaq belerótu bitutei, atima fasóló tao sere alamo dumipó. Atérapa, diappaee waaire sekei alamó wiyó yae.

⁴⁷⁻⁴⁸ Take diaaq noutererapené dale Kótóné kɔló whirape dourale tiki be wisiyóló tenótu beterapó. Mió atétu betere alané diaaq ayarapené whi dale ala wisirapóló, hakeamó yó matapó. Atéteremó diappaee doasi sekei ala eraalopa, wiyó yae.

⁴⁹ Atéró betale alamó Kótóné ama fosó fosóre kisipa sya furaalu, i fo erapó.

‘Yalo kɔló whiraperó *aposel* whirapetamo atima beterepaae dotonaalotei, mepaae whi mo ti dóo, mepaae hale susupuróo yaalopó,’ erapó.

⁵⁰ Atérapa, mo take kaae sóró dilé wale kɔló whirapené samearó mió diaaq du betere whirapené sameatamomó kwia turó mió i alimó betere so whi diaaq saalo ai ape.

⁵¹ Ita, mo dapó. Atéyaaire alata, Abel-mó kaae sóró dilé wóló, kale momatere bemó Kótópaee simó sukɔlɔaa dalatere tikiró kae tukóló muló betere be ke tuamó dale whi Sekaraiamó dale yóló kwia feata, mió i alimó betó mole so whiné saalopó.

⁵² Moses-né asere fo yó mótu betere whirape-ó, Kótóné mo bete mole alapaae sókó faaire so whi faqsóro tɔ tukitere *ki* diaaq fasó salepó. Ti diata, ai tumó fumitei, atima faai du betere so whi diaaq sesétu beterapó. Atétere alamó diá doasi sekei ala saalopa, mo wiyó yae!” yalepó.

⁵³ Ai fo yóló kemetepa, Yesu ɔ felemó, kale Farisi whiraperó Moses-né ere fo yó matere whirapetamoné ɔ só deraairaalu, deteraai fo du betalepó.

⁵⁴ Aita hale mei, ɔ hasókó fuléró kelaai kae kae wosetere fo du betalepó.

12

Farisi whirape wisiyóló kaae tawae yóló yale fo

(Mat 10:26-33)

¹ Atéró, so whi mo dekeró wale tikimó hae tiki faapa, folosóro Yesuné ama yó matere whirapepaae duraalu, “Farisi whirape tuamó bole *yist* diappaee tekaqsóro hotowaró kaae tawae. Atimata tiki tuappaee dopatei, tó tikimó hale wisire nisi du beterapó,” yalepó.

² “Mió kilini hiró betere ala fea, take hakearatepa so whi feané kolóló tué yaalopó.

³ Diaaq diliki tuamó du betere fo demó depa wosóo, be dolomó dua kikiti dere fo

be huluamó daalu fakeyóló depa so feané wosóo, yaalopó.

⁴ Norape-ó, diappaee i dere fo wosae. Mepaae whirapené diaaq tó tikita dóló sukunaalotei, take diappaee me ala eraalomeipa, ai alapaae wiyaqse.

⁵ Wiyaaai depata, ti naao mo tikikélé, kepe betekélé, doróló mo ti dó tare sipaae deraaire fotokó bole Kótó beterapa, ɔpaae betá mo doasi wiyae.

⁶ Sonaai *moni* ke tamoné aporó ba belekaatikiki dupunerapó. Atére barape betakélé Kótóné kisipa keterótimipó.

⁷ Diata, ai ba belekaatikitamo suni, Kótóné ama hosaa mole doasi ɔla ai ape. Diaaq topo nikikélé Kótóné ama sumó dosayóló kisipareteiné diá wiyaqse.

⁸ Yalo diappaee mo i dere ape. So whi feané kele tómo mepaae whiné duraalu, Yesuta ɔ tetéroló kaae tare Talepó depa, Whiné Naalemanékélé Kótóné *ensel*-rapené keletómó ɔ yalo fo eratere whipó yaalopó.

⁹ Téyaaalotei, whi me dené so whi feané keletómó ɔ Keriso fake meipó depa, ti Whiné Naalemanékélé, Kótóné *ensel*-rapené keletómó ai whi ɔ kisipanipó yaalopó.

¹⁰ Mepaae whi dené Whiné Naalema eróló foné só deratempa, ai dowi ala kwia keméroló aluranérápó. Tépateti, kale Dɛi Kepe Wisiné ditere kutó faleyóló só deratempa, ai kwia mo aluranénipó.

¹¹⁻¹² Bóe whirapené fo wosetere bepaae ó so whi tetéroló kaae tare whirapepaae ó *Gavman*-né sóró betéro betere topo whi beterepaae fo tekaai dapesó fupa, diá noa fo yaaló yóló, whaalaa yaqse. Ti noatepae, atétere sukamó diaaq yaaitere fo fea Dɛi Kepe Wisiné yó melaalo ai ape,” yalepó.

Néli whiné hɔko alayaleteti fo salepaae dó faróló yale fo

¹³ Tétepa so whi fea touró betere kuamó, whi betané Yesupaae duraalu, “Yó matere whi-ó, yalo no damoné ayané mómu ɔla ɔla bukóló, emale melópolópa, naao yalo nopaae yae,” yalepó.

¹⁴ Ti fo depa Yesuné duraalu, “Ti whi-ó, diaamomó ɔla bukóló melópoló né ɔ sóró beteralee?” yalepó.

¹⁵ Téró ama atimappaee duraalu, “Kae kae ɔla fea sené yóló au nokole alané diá doraqsóro, mo hotowaró kaae tawae. Ti noatepae, ɔla ɔla mo dekeró sóró tare alané whi betéro bitinipó,” yalepó.

¹⁶ Téró, ama atimappaee fo sale fo etéro yalepó. “Betá néli whiné ama diyale ke kutómó ɔla dekeró salepó.

¹⁷ Ai ala kilitu, ama etei kisipa mualepó. ‘Ama kutómó yó mole ɔla mullaire tiki meipóló,’ ɔ fomo du betalepó.

¹⁸ Téró ama duraalu, ‘Yalo ɔla ɔla mu-laaɪ tɛale be fisikóló mo doakale be tɛyóló yalo kutómó sere ɔlaró mepaae wisi wisi ɔlatamo mualaalópó.

¹⁹ Atéróló yalotei etei fo enérápó. E ɔla ɔla mo sumó moleteiné mió me kutó dini doasi ba fomó sɔa nóló hɔle bitu, mole ɔlaró wɛitamó maaté hɔitamó nukulé fu betaalópó, ere fo kisipa muni airápó.

²⁰ Tɛpatei Kótóné apaae duraalu, ‘Kisipa okokore whj-ó, naao betere bete mió dili-kitamo yalo tokó sirapa, naao donoróló mulale ɔla né saalóé?’ yalepó.

²¹ Whj me dené mepaae ɔla ɔla whj tao sóró hɔle móturaalu, ita Kótópaee mat-apóló kisipa muóló meni, ɔtóró néli whj betaai dapóló fea ɔla ekeleyóló betápaee du betepa, ti i ere fo ai whjpaatéró eraalo ai ape,” yalepó.

Naaire ɔla ó yayqre ɔlamó whaaliala yayseyale fo
(Mat 6:25-34)

²² Téró, Yesuné ama yó matere whjrapepaae duraalu, “Yalo diápaee i dere ape. Diá naaire ɔla meitepa, noa naalóé yóló whaaliala du betaqse. Naao tikimó kisipa mutu, kutikélé noa saalóé yóló whaaliala du betaqse.

²³ Nokole ɔlata, wisi ɔlatei whjiné betere beteta, mo doasi ɔlapó. Kutikélé wisi ɔlatei, whjiné tikita mo doasi ɔlapó.

²⁴ Barapéné dere ala kolóló kisipa muae. Atimané naaire ɔla wae biliyóo, ɔlumé depa sóró bepaae mulatere alakélé yóo, dumipó. Tɛpatei, Kótóné atima kaae taru, betere dokó fea atimané naaire ɔla mótua dapó. Hepen bemó betere diaaɔ Ayané barape kolósu, diá kolósu depa, diá so whjpaee ama hosaa mo turó mulapó.

²⁵ Diáɔkó betá whjiné ama betaaire alamó kisipa muóló whaaliala duraalu, ɔ betaaire ba fo sumó ɔloranére?

²⁶ Ai sawatamo ala diáné enénipa, ti mepaae doasi alarapémó noatapa whaaliala du betere?

²⁷ Hɔle yó mole nerape fuatere ala kolóló, kisipa muae. Ai ne fua kémi bisikóló kuti nomotumitei, ama ere au wisi kelaalo mo kokorápó. Atére auné Solomon-né derótua yale kokoi kutiné au bosene falapó.

²⁸ Diá kisipa tiki sawa tiró betere so whjrape-ó, haemó hɔle yó mole nerapeta mió maaté yóló dó simó biliraaire ɔlatei, Kótóné wisiyóló aurótua dapó. Ai nerapepaae erótua betere alakélé mo bosenóló, diaaɔ deraire kuti Kótóné sumó melaalomeipóló de?

²⁹ Diáné naaire ɔla ó wɛimó hosaa turó muóló noa naalóé yóló doasi whaaliala du betaqse.

³⁰ Ti noatepae, hɔle hoko betere so whj feané ai ɔla saai dapóló keteké buóló wóputu beterapó. Ti diáné yayqtere ɔla hepen bemó betere diaaɔ Ayané ama mo tuérápó.

³¹ Térapa, Kótóné tɛteróló kaae tare aɔmó betaai dapóló, keteké buóló kikitu betepa, ti yayq du betere ɔla ɔla ama sumó melaalo ai ape.

³² Yalo *sipsip* hupu malerape-ó, diaaɔ Ayané ama tɛteróló kaae tare ala ɔ wisi kisipa muóló hɔitamó diámó hɔle melaalopa, whaaliala yayqse.

³³ Térapa, diaaɔ muó mole ɔla dotonóló *moni* sóró mepaae yolealere so whjimó hɔle mela. Atétere alané hɔle muó wawópóló, *moni* detere be wisi aletapó. Atétepa, ti wisi wisi ɔla hepen bemó hɔle muó taru, kemekélé yaalomeipó. Aimó ɔlémi nokole whjikélé, hoséli ó ero sinékélé, turukóló do-raalomeipó.

³⁴ Mé tikimó naao wisi wisi ɔla mupa, ti naao hosaakélé aimótóró mulapó,” yalepó.

Kutó mo wisiyóló kaae tawale fo
(Mat 24:42-51)

³⁵ “Diá kutó dine faairaalu kuti deróló bitu, sɔrapekélé duku betérópóló, deróló mulae.

³⁶ Ti atétere alata, mepaae kutó diratere whjrape atimané doasi whj betá so dokotere be demó detere ɔla nale feletei fesaae wópóló, kaae tatu dere kaaepó. Atépa, kale whj wouraaalu be tɔ dupa, ɔ be dolopaae holópóló, hapale atimané be tɔ tukiyaaalo ai ape.

³⁷ Atéró, atima tɛteróló kaae tare whj wouraaalu kelerɔlemó, ama ɔla ɔla mo wisiyóló kaae tapa, ɔ hɛkeseturaalu atimapaee mo wisi ala eraalópó. Yalo diápaee mo i dere ape. Kale topo whj ɔ kuti wisi deróló, ama kutó diratere whjrape wópóló ɔpi fóló, ɔla nokole ni fake tó mó kaae tawóló betaalópó.

³⁸ Kale doasi whj ɔ be diliki tuámó ó be teó dɛterepaae sókó wouraaalu ama kutó diratere whjrape kelerɔlemó, fea ɔla ɔla sumó donoró betepa, ɔ hɛkeseturaalu atimapaee mo wisi alatóró eraalo ai ape.

³⁹ Tɛpatei, i dere fo mo diriyóló wosóló tué muae. Betá be talené ama be fulukóló ɔla ɔla ɔlémi saaire whj i sukakelemó waalópóló kisipa uasóró ti ama be fulukóló ɔla ɔla sóró fópóló kaae tawuɔ meipó.

⁴⁰ Térapa, diákélé hotowaró donoróló betae. Ti noatepae, kale Whjiné Naalema waalomei wisiyóló mokqleyaa yóló betere tuámó waalo ai ape,” yalepó.

⁴¹ Tɛtepa Pitané duraalu, “Tale-ó, naao ai fo salepaae dó faróló dere fo-a, ɔpaee maaté dépé, so whj feapaaekélé de?” yalepó.

⁴² Ai fo depa Talene duraalu, “Betā fosó fosóre kutó diratere whi ama doasiné dere fotóro wosóló eró tapa, mepaae kutó diratere so whi apaae tetéroló kaae tawae enérápó. Tétu, tukóló muló betere sukamótóro atimané naaire ɔla maté fópóló, ama naase tuámó mulóló ɔ fulapó.

⁴³ Téró kale doasi whi ɔ momó fesaae wouraaalu keleralemó, ama diyae yóló fele kutó mo wisiyóló dipa kilitu, ai whi paae mo doa hekesené sinóló mo wisi ala eraalo ai ape.

⁴⁴ Yálo diá paae mo i dere ape. Kale topo whiné ama ɔla ɔla fea ai whi paae naao mo wisiyóló kaae tawae yóló ama naase tuámó mullaapó.

⁴⁵ Té patee, kale kutó diratere whiné ama etei kisipa munérápó. ‘Yálo doasi ɔ foloti feletei hapale wómipó, dua dapó. Atéreteiné, ɔ bitu mepaae kutó diratere whi raperó sorapetamo fokosói ala yóló, du betéró ɔ ɔlaró weítamo dekeró nóló topo doyóló keyaa faalopó.

⁴⁶ Atéru kale doasi whi waalopóló kisipani, mokɔleyaa yóló betere tuámó ɔ sókó wouraaalu, kale whi diyóló turukópi sóró kisipa tirénire so whítamo touyóló betérópóló, hókó faraalopó.

⁴⁷ Ai whiné ama doasiné mole ama kisipa tué irutei, ɔ donoróló bitu doasiné dirae yale kutó diréniyalemó, fokosói ala yóló mo doasi susupuraalo ai ape.

⁴⁸ Té yaalotei, mepaae kutó diratere whiné atima doasiné mole kisipa bete wisiyóló sinipa, ti ai whi paae kwia mótukélé sawa tétitóro melóo, dele alakélé dekeró ini, tétitóro dóo yaalopó. Nalo kale doasi wóló, ama doasi alarape tetéroló kaae tawae yale whi paae duraalu, yálo wapaape melóló fele kutórape fea maé yóló wosaalopó. Mepaae so whiné me whi paae duraalu, ‘Dané ɔla ɔla kaae tawae, yóló huyóló mélipa, ti atima momó fesaae wou ama male súróló maé yóló wosaalopó,” yalepó.

Fake tekeyóló, betaalopóló yale fo
(Mat 10:34-36)

⁴⁹ ‘Éta i haepaae waletaita si sóró walepó. Ai si i haemó mo hapale dó holópóló, mo taketi noke uapóló kisipa mutapó.

⁵⁰ Tépa, ɔ mo kae wéi tópuaire ala betā molei kemeraai kaae taru, mo doasi sekéne sukutu betérápó.

⁵¹ É i haepaae waletaita, diaaɔ kisipané diá i haemó betó mole so whítamo hosaa muni deyóló dua betaaire ala sóró walepóló de? Meipó. Yálo diá paae mo i dere ape. Éta, diá fake tekeyóló betérópóló, tekenale walepó.

⁵² Atérené mió i betere alimó kaae sóró, betā bemó aporó so whi betepa, atimasisitei

bóe dóló tekeyóló, sore whi kae betóo, tamo whi kae betóo, yaalo ai ape.

⁵³ Atimasisi atéro fake tekeyóló kae bitu, alimané naaletamo bóe dóo, naalené alimamato bóe dóo, hamané senaaletamo bóe dóo, senaalené hamatamo bóe dóo, whiné hama hyama sotamo bóe dóo, hyama soné ama whi hama sotamo bóe dóo, yaalopó,” yalepó.

Dere ala kilituraalu i ala yaalopóló kisipa yaaire fo
(Mat 16:2-3)

⁵⁴ Téró, Yesuné aimó touró betere so whi paae duraalu, “Suka doropolepaae sáko hókolo depa kilitu, etei fo dua dapó. Mió hali waairaaalu ai dere ape deretei, motóro wua dapó.

⁵⁵ Besékélé *Saut* depaae wapa kilitu, mió mo dirii suka yaai dapó deretei motóro dua dapó.

⁵⁶ Diá tó tikiné wisire nisi du betere so whi rape-ó, i haemó dere alaró sámo dere alatamo ti diaaɔ mo diriyóló kisiparapó. Mió i alimó diá tuámó erótu betere ala diané kilitu betere nalo waaire alimó yaaire ala bete diriyóló tué initere noatepa de?

⁵⁷ Diané dere ala diaaɔtei taleyóló, ita mo dono ala dapóló kisipatere noatepa de?

⁵⁸ Whi mené yátamo fo tokóló só deraai taletere whi beterepaae dapesó fupa, diaamosisi tumó furaalu donoratepa wisirapó. Ti noa yaqsóro meipó. Ama ya dapesó fóló, taletere whiné naase tuámó mulatepa, ai whinémo diki tare whi rapené topo whiné naase tuá paae mulatepa, ya *dipula* betere yaqsóro dapó.

⁵⁹ Yálo wapaape mo i dere ape. Naao melópóló dále mulale *moni* fea melaleteti, kale sonaai *moni* ke mo ti kemeróló menitepa, ti ya sókó feni, hále bitiré faalo ai ape,” yalepó.

13

Kisipa fetenitepa aluyaalopóló yale fo

¹ Ai forape yóló kemeteretamo Paillatné dale mepaae Kaleli whi rapené samea Kótópaae sukúlaa dalóló hále matere ɔlatamo touróló mótu betérápó fo mepaae whi rapené Yesupaae ene walepó.

² Ai fo depa Yesuné atimapaape duraalu, “Diaaɔ kisipané ai dale Kaleli whi rapeta, mepaae hále betó mole Kaleli so whiné yale dowi ala bosenóló, atima mo doasi dowi ala ereteiné dalepóló kisipa mute?

³ Ténipa, yálo diá paae i dere fo wosae. Diaaɔ dowi ala taaróló kisipa fetenitepa, ti diákélé ai whi rape yale kaae yaalo ai ape.

⁴ Ai fo kaae, me i ape. Sailoam be hu-luamó tene fóló be kolókó dorowouraaalu, mepaae 18 whi rape dalepó. Diaaɔ kisipané ai whi rapené yale dowi alané mepaae

Jerusalem be huluamó betó mole so whjné dowi ala bosenée faleteiné erapólo kisipa mute?

⁵ Aténipa, yalo diappaee i dere fo wosae. Diakélé diaaq du betere dowi ala taarólo kisipa fetenitepa, ti atima yale kaae diakélé fea dóló aluraalo ai ape,” yalepó.

⁶ Téró, ama atimappaee i fo sale yalepó. “Whj betané ama képi du kutómó betá nose biliyaletei oloréro kéle felemó, du betakélé olenipa kelalepó.

⁷ Atépa, ai kutó talené ama kutó kaae tare whjpaee duraalu, ‘Ai nose du oloréro ba fo sore tuamó kéleta yaletei, du mo betakélé olere kilinipa, diyó mulae. Ti ai dowi wása daale niné hae fe hále kemerópólo, noatepa kaae tawaaloé?’ yalepó.

⁸ Ai fo depa, kale whjné appaae duraalu, ‘Doa whj-ó, ba fo betá tuamó yalo mepaae kélaai ɔla ɔla sóró ai ni betemó munaalopa, daalópólo taalae.

⁹ Waaire ba fo tuamó kaae taralemó, olotepa ti wisirapó. Olenitepa ti diyó mu-laalópó,’ yalepó.

Sqa naai dale muló betere sukamó sisó fulukó tare so wisirale fo

¹⁰ Sqa nokole be demó Yesu ɔ fo wosaai te mole berapekó betá bemó Talené ala etérópólo yó mótu betalepó.

¹¹ Tétu beteremó, aimó dowi kepené sisó fulukuró betepatei, 18 ba fo kemere so beterepó. Atérruraalu, ɔ donoyóló betere alakélé ini, mo heméetóro tarepó.

¹² Atépa Yesuné kolóló appaae ape yóló duraalu, “Ti so-ó, ya dokóló muló betere kisi bete mió ai kemeratere ape,” yalepó.

¹³ Atéró, kale soné tikimó naase mulale-tamatóro, ama sisó fulukó taretei donone hotepa, Kótóné doi sóró holalepó.

¹⁴ Sqa nokole sukamótei Yesuné ai so wisiratere ala kilitu, ai fo wosetere be kaae tare topo whj ɔ foppaae butu, aimó betó mole so whjpaee duraalu, “Kutó diyaaire be derapeta apo miró mulapó. Térapa, diaaq kisi bete wisirópólo depa ti Sqa nokole be demó wéni, hále be derapemó wua yae,” yalepó.

¹⁵ Ai fo depa, Talené appaae duraalu, “Diá tó tikiné hále wisire nisi du betere whjrape-ó, Sqa nokole sukamótei diaaq *bulmakau ó donki* hupurape duló betereitei wéi nópólo dapesó fua dumié?

¹⁶ Atére kaae, Abraham-né deté yale i betere so dowi Satan-né képiné dokóló muló betepa, 18 ba fo hále kemeyalepó. Atépa ɔ fópólo, Sqa nokole be demótei, yalo teraaya-alepa ai ala dore?” yalepó.

¹⁷ Ama ai fo deremó, ɔtamo dei kisipa muóló só deraaire whjrape atimatei hale duraalu, wiyalepó. Téyaletei, so whj feané

ama ai dere ala kilituraalu, kokoi ala dapóló doasi hekesené sukutu betalepó.

Mastard niró yist-tamoppaae dó faróló yale fo sale

(Mat 13:31-33, Mak 4:30-32)

¹⁸ Téró Yesuné duraalu, “Kótóné tetéroló kaae tare aqmó mole ala etérópólo noa alappaee dó faróló yaaloé?

¹⁹ Ti aita, i ala kaaené kelerapó. Betá whjné *mastard* ni ke sawatamo só fóló, kutómó biliyalepó. Atéró kale ni holóló, doasi ami daapa, tejemó sikimó kotere barape sirimó daaneta dua dapó,” yalepó.

²⁰ Atéró, ama kale yale kaae momó duraalu, “Kótóné tetéroló kaae tare aqmó mole ala noatamo suróló enére?

²¹ Aita, i ala dere kaaepó. Betá soné *flawa* o bula duraalu, *yist* mo sawatamo bulatereteiné doasi o bula alerótua dapó,” yalepó.

Betekene sawa tumó fae yale fo

(Mat 7:13-14, 21-23)

²² Ai alarape yóló kemetepa, Jerusalem-paae fole tumó te mole doasi be huluaró sawa be huluarapemó Yesu faai furaalu, Talené fo yó maté fu betalepó.

²³ Atéró, mepaae whjné Yesupaae duraalu, “Tale doasi-ó, betá betá so whj maaté aluyaqsóro tao saaloé?” yalepó.

²⁴ Ai fo depa ama atimappaee duraalu, “Diá mo sawa betekene tumó sókó faairaalu, keteké buóló fae. Yalo diappaee mo i dere ape. So whj fea ai sawa tumó faai dapóló faalotei fenénipó.

²⁵ Ai be talené ama be tų kinó betepa diá wóló belamó daalu tumó haluróló fo fakeyóló duraalu, ‘Tale doa whj-ó, ɔ holaai dapa tų tukjyae,’ yaalópó. Ai fo depa ama diappaee duraalu, ‘Diá maae so whjrapeé?’ yaalópó.

²⁶ Tétépa, diaaq i fo yaalópó. ‘Dá fea betámó bitu, ɔlaró weitamó nóo, ya ɔané tųrapemó daalu yó matere fo wosóo, du betale so whjpo,’ yaalópó.

²⁷ Ai fo yaalotei, ama atimappaee i fo yaalópó. ‘Dowi ala yó tare so whjrape-ó, diá maae wale so whjro ɔ kisipanipa, taae fae,’ yaalópó.

²⁸ Atétepa, diaaq Abraham, Aisak, Jekop, mepaae Kótóné whjrapekélé fea ama tetéroló kaae tare be tuamó betó mupa kelaalópó. Téyaalotei, diá ai be tuappaee honi, belamó dele doasi sóró wole du bitu, diaaq serekenétei diá tukóló nuku betaalo ai ape.

²⁹ Atétere be demótóro suka hoteréro wale so whjkélé, suka doropoleró wale so whjkélé, u depaae wale so whjkélé, i depaae wale so whjkélé, mo fea Kótóné tetéroló kaae tare be tuamó detere ɔla naairaalu, atima betaaire tiki séle séle sóró betaalópó.

³⁰ Mió i alimó mepaae nalo wale so whj folosene fío, mepaae folosóro fole so whjrape nalone fío yaalo ai ape. Yalo i dere fota, haşókó feni, mo yaalopó,” yalepó.

*Yesuné Jerusalem so whj hosaamó sir-
apóló yale fo*

(Mat 23:37-39)

³¹ Atéyale sukamótóro, mepaae Farisi whjrape Yesu beterepaae wóló duraalu, “Herot-né ya daai du betetapa, i be taaróló, metikipaae fae,” yalepó.

³² Ai fo depa, atimapaee duraalu, “Diá fóló, ai whj dóló nokole dowi haopaae i fo yae. Mióro dótamota, e mepaae kisi daae mole so whjro dowi kepe tepeyóló betere so whjtamó wisiróló, sore be dené ti yalo diyaai yale kutó fea kemeróló dalemó sókó fatapó yae.

³³ Téyaalotei, mió ó dó ó duakélé, atimané epaae me ala eratepa taaréni, hale fó maaté yaalopó. Ti noatepae, Kótóné kóló whj kae tikimó sukutepa aoni, Jerusalem bemótóro sukutepa ti mo donorapó.

³⁴ Jerusalem, bemó betó molé so whjrape-o, Kótóné ama fo eratepe kóló whjrape dóo, mepaae ama diá beterepaae doteyale whjrapekélé kapo duné siróló dóo, dua yalepó. Kale bané malerape ama baase aopaae buósu dere kaae, diaaq naale senaale yalo atéro buó saalopóló dua yalemó, diqané hórarepó.

³⁵ Térapa, mió diaaq be mo wópu maalo ai ape! Yalo diappaee mo i dere ape. E diaaq kilini hale bitiré fóló, Talené doimó wale whj-ó, Kótóné hamokoróló tao sere alané wisirópóló yae dere sukamó ti e momó ke-laalopó,” yalepó.

14

Yesu Farisi whjiné bemó qla naai betere fo

¹⁻² Téró, Şaa nokole sukamó Yesu a Farisi whjrapekó doi mole whjiné bemó qla naai fóló beterepó. Atépa, betá hó naase tópure whj Yesu betere felekemó betepa, me alakó déro kelaai kaae tawóló betó molepó.

³ Atépa, Yesuné Farisi whjrapetamopaae duraalu, “Şaa nokole sukamótei whj wisir-atepa fo mulepé, meié?” yalepó.

⁴ Ai fo depa, atimané me fokélé tokó menipó. Atétepa, Yesuné kale whj wisirópóló tikimó tawóló, turukó hóróló fópóló doteyalepó.

⁵ Atéro, Yesuné atimapaee duraalu, “Diakó whj betané ama naale ó *bulmakau* hupu şaa nokole be demótei nóku dolopaae doropóló mupa, téti hapale tao saalo meié?” yalepó.

⁶ Ai fo depa, atimané apaae me fo tokó menipó.

⁷ Téró, atima qla naai wale so whjrape doasi doi mole whj betere tikimó betaai dapóló fole ala kilitu, atimapaee etei fo sale yalepó.

⁸ “Whj mené ama so dokoturaalu detere qla naai ape depa furaalu, doasi doi mole whjrape bitua dere ni fake wisimó betaai ekéle yaqse. Ti noatepae, ya tetéro betere doasi doi mole whjrapepaae ape eretei, ya kisipani ai ape.

⁹ Atéro wóló betepa, diaamopaae ape yale whjiné duraalu, ya betaai yale tikimó i seké beterepóló, ya hale tikimó betae depa, ya doasi hale saalopó.

¹⁰ Atéyaşósóro, yappaee qla naai ape depa furaalu, doasi doi mole whjrape betere ni fake aomó hoko betae. Atépa, yappaee qla naalopa ape yale whjiné kilituraalu, ‘No-ó, ya i wisi tikimó bitj holae yaalo ai ape.’ Atétepa, yatamo betámó qla nuku betere so whjiné keletómó naao doi hale sóro horaalopó.

¹¹ Ti noatepae, mepaae whj dené amatei a doi sóro horatepa, atétere whj ti Kótóné haepaae só deróo, whj me de amatei deróló dua betepa, ti Kótóné a sóro horóló doasi doi mulóo, yaalo ai ape,” yalepó.

¹² Téró, Yesuné apaae qla naai ape yale whjpaee duraalu, “Naao suka tuamó ó dikitamó qla naairaalu, naao fulumu whjrape ó naao norape ó fake so whjrape ó yatamo felekemó betere néli so whjrapepaae maaté qla naai ape yóló dape saqse. Naaotamo ai ala depa, atimapaee erale ala kaae, yappaekélé eraalo ai ape.

¹³ Téni, ai detere qla naairaalu, hale yolealere so whj ó tiki dore so whj ó hó dore so whj ó kele dilikire so whj fea ape yóló dape supa, ti Kótóné ya wisiróló hale horaalopó.

¹⁴ Ti atei kaae so whjrapené naao erale alamó yappaee momó tokó menanénipó. Naao ai dere alamó saaire dupu wisata, take wisi ala yóló sukále so whjrape kepaayóló wale sukamó senérapó,” yalepó.

*So dokoteremó detere doasi qlapaae dó
faróló yale fo sale*

(Mat 22:1-10)

¹⁵ Atéro, Yesuné ai dere fo wosóló, aimó qla nuku betere whjrapekó betané apaae duraalu, “Kótóné tetereóló kaae tare aomó bitu, detere qla naalopóló kisipa mutu betere so whjta ti Kótóné wisiró betetapa, doasi hainé sukutu betetapó,” yalepó.

¹⁶ Ai fo depa, Yesuné apaae tokó mótu duraalu, “Whj betané ama doasi qla deyaairaalu, taleyóló mulóló so whj feapaae naai ape yalepó.

¹⁷ Atéro kale whjiné qla deyaaire be de wapa, qla naai ape yale so whj dapesene fópóló, ama kutó diratere whj dotonalepó.

Atétepa, a fóló atimapaee duraalu, 'Mió ọla taleróló muló betepa faalopa ape,' yalepó.

¹⁸ Atéró deté kweyaletéi, atima fole hómó kutórapené bipi epa fenénipó dua yalepó. Folosóró whi betané duraalu, 'No-ó, ọlọ dótí dupuyóló diyaairé kutó kele faaireteiné, ẹ ọtamo faalomeipó,' yalepó.

¹⁹ Kale dere fo kaae whi menékélé duraalu, 'No-ó, ẹta ọlọ dótí dupuyale naasetamo *bulmakau* hupurapené dere ala kele faaireteiné ọtamo fenénipó,' yalepó.

²⁰ Whi menékélé kale dere fo kaaetóró yóló duraalu, 'No-ó, ẹ so mo dótóró dokóló betereiteiné ọtamo fenénipó,' yalepó.

²¹ Atétepa, kale kutó diratere whi momó fesaae wóló, whirapené yale fo ama doasipaae yalepó. Tétepa, kale be tale a fopaae buóló ama kutó diratere whipaae duraalu, 'Yá mo hapale fóló ai doasi be huluaró sawatamo be huluatamopaae fole tumó yolealere so whikélé, tiki momaare so whikélé, kele dilikire so whikélé, hó naase dore so whikélé, fea wópóló dapesene fae,' yalepó.

²² Ti fo depa, ama yae yale alarape yóló kilipaae kale kutó diratere whiné duraalu, 'Doa whi-ó, naao epaae yae yale alarape fea ọlọ sumó yalete, mepaae whi beteraaire de hale ai mune fale ape,' yalepó.

²³ Tétepa kale doasi whiné apaae duraalu, 'Yá doasi tırapemó fóló, tı demó betó mole so whikélé fea dape siré kweyóló wapa, ti be kerape fea sunérapó.

²⁴ Ọlọ ọpaae i dere ape. Mepaae whi de ọla naalopa ape yalemó wéni yale so whirapeta, ọlọ doasi detere ọla mo sawakélé hoteyaalomeipó," yalepó.

Filipaa ni beleyóló fenitepa Yesuné yó matere whi betenénipó ere fo (Mat 10:37-38)

²⁵ Téro, so whi mo hale ọla kaae Yesutamo fu betepatei, Yesu fetée wóló i fo yalepó.

²⁶ "Mepaae so whi detamo ẹ beterepaae wouraalu, ti ama aya ó hae ó ama so, naale senaale ó ama noraperó nerapetamopaaekélé ó ama betere betekélé hóróló bóe dinitépa, ti a ọlọ dere fo wosóló yó matere whi betenénipó.

²⁷ Mepaae whi dené a oleraaire filipaa ni amatei beleyóló ẹ sya anitepa, ti atétere whikélé, ọlọ yó matere whi betenénipó.

²⁸ Diakó betá whi ama kisipanétamo, doasi fóló be olekeyóló teyaairaalú, ama tare *moniné* sumó tenéréro kisipanépi talenérápó.

²⁹⁻³⁰ Ti noatepaae, be teyaai folosóró bete kaaturaalu, dirii eleké bilitapó. Téteretei, kale be kemerénipa kilitu, mepaae so whiné dọ nanóló doka doka duraalu, i sekéné mo folo teale betei kemerénipóló dọ nanaalopó," yalepó.

³¹ Fo sale me i ape. Me hae kwia tetéroló kaae tare topo whiné me hae kwia tetéroló kaae tare topo whıtamo bóe dele faairaalú, 10,000 diki tare whıraperó me topo whiné 20,000 diki tare whırapetamo bóe dupa, 20,000 diki tare whırape dóló kemeraalopé neté yaalorópóló kale topo whi a kisipapi tekenérápó.

³² Atéró bóe whırape mo umó wou betepatei, ama kisipanétamo atimatei betapaae delépa, ti bóe dele ala taarópó. Mió da bóe fiyóló dua betaalopó fo ene fae yaalopó.

³³ Atétere kaae, diakó whi me dené ama muó mole ọla ọla fea me ọla meipóló taarénitepa, ti ọlọ fo eratere whi betenénipó.

³⁴ "Kóta, mo feléi ọla wisitei ama felé kemetepa, ti momó kae neyóló felé bu-laaloé?

³⁵ Atéró felé initere kóta, ọla betepaaekélé munéni, hale tikipaae taae fatua dapó. Mepaae whi detamo woséli dapa, ti i dere fo wisiyóló wosópóló yae," yalepó.

15

Aluyale sipsip hupupaae dó faróló yale fo (Mat 18:12-14)

¹ Téro, mepaae *takis moni* sere whıraperó so whiné dowi ala dere whırapépó du betere whırapetamo Yesuné dere fo wosaai a beterepaae tourale wóló betó molepó.

² Atétepa, mepaae Farisi whıraperó Mosesné asere fo yó matere whırapetamoné Yesu kikití eratere fo yóló duraalu, "I whinéta dowi ala du betere whırapetei, touróló ọla betámó nuku beterapó," yalepó.

³ Ti fo depa, Yesuné atimapaee etei fo sale yalepó.

⁴ "Diakó whi betané 100 *sipsip* hupurapékó betá hupu alupa, 99 hupurape hale tuá tikimó beteróló, alure hupu keketé kweyóló dape sumié?

⁵ Atéró, dape supa, a hekesené sukóló bepaae dapesó wua dapó.

⁶ Atéró, bepaae só fóló, ama fulumu so whıró be whi so whıtamopaae tourale ape yóló duraalu, 'Ọlọ kale aluyale hupu kekítu beteró dape salepa, diakélé fea ẹ dere kaae hekesé yae,' yaalopó.

⁷ Ọlọ diapaae i dere ape. Atétere kaae, betá dowi ala du betere whi kisipa tiki feteyóló Kótó beterepaae wapa, ti hepen bemó mo doasi hekesé dere alané i haemó dere hekesé tetéroló bosene falapó. Téteretei, mepaae 99 so whiné duraalu, da me dowi alakélé dumipa, kisipa tiki hale neyóló feteyaaloé dere so whıpaae hekesé doaló dumipó," yalepó.

Aluyale moni kepaee dó faróló yale fo

⁸ Ai ala kaae me i ape. “So betané *silpa kapané* aleyale naasetamo *moni* kekó betá alutepa, ama noa ala yaaloé? Kekáairaalu sa ðeyóló be tuámó muó mole mome wisiyóló fuóló kekóló mupa sumié?

⁹ Atéro su, ama fulumu so whíró be whí so whítamopaae kale aluyale *moni* ke saleteiné ða hékese yaalopa, ða fea betápaee tourale ape enérápó.

¹⁰ Yálo ðiápaee i dere ape. Ai ala dere kaae, mepaae whí de ama dowi ala taaróló, kisipa feteyóló Kótópaee wapa, ti ó hepen bemó betere *ensel*-rape mo doasi hékese sináalo ai ape,” yalepó.

Aluyale naalepaee dó faróló yale fo sale

¹¹ Atéro, Yesuné ama deté wou betere fo tómó me i fo yalepó. “Whí betané naale tamo beterepó.

¹² Térú, me deke naalené alimapaee duraalu, ‘Apa-ó, naao yálo no ðámomó melaai muló betere òla òla bukóló émaletamo álae,’ depa, alimané naalema tamo tuámó buku-rálepó.

¹³ Atéro kale deke naale alimané melale òla òla fea sóró, mo saletó tikipaae felepó. Atéro bitu, mepaae kae kae ala hòko deté fu beteró, ama kale sóró fele òla òla fea kemeralépó.

¹⁴⁻¹⁵ Atéro beterepó, ai hae kwiamó doasi wote ali wóló a naaitere òlakélé meitepa, a fóló whí betápaee duraalu, ‘Naao me kutókó mupa yálo ðiraalopó yóló wosalépó.’ Ti fo depa, kale whíné ama hupurape kaae tawaaire kutó betá mulapa ðirane fae yóló doteyalepó.

¹⁶ Atéro fóló, kale hupurape kaae tapa mené ámo nokole òlakélé menipó. Tétepa, a wotemó kale hupurape matere besáae bolo naai kisipa mutu betalepó.

¹⁷ Atétu ama take muale kisipa feteyóló, momó wisi kisipa muóló duraalu, ‘Yálo ayané ama kutó ðiraterere whírapeta, òla dekéro mupa nuku betereitei, e imó wotené sukutapó.

¹⁸ Tétereiteiné, mió e momó yálo aya beterepaee fesaee fóló i fo yaalopó. Apa-ó, ó hepen-mó betere Kótópaekélé, yapaekélé yálo wisi ala eréni, mo doasi dowi ala eralepó.

¹⁹ Atéyaleiteiné, mió e naao naale aqréni, kutó ðiraterere whírape kaae beterae,’ yaairaalu faai kisipa mualepó.

²⁰ Atéro tué teketu beteró, kale naale a betere tiki taaróló, alima beterepaee momó fesaee felepó. Atéro kale naale mo umó wou betepa alimané kolóló, ama hosaamó suraalu, a mo hapale sururu yóló fóló, apuó taru koló tukó nalepó.

²¹ Atétepa kale naalené alimapaee duraalu, ‘Aya-ó, naao kele tómókélé, hepen bemó betere Aya Kótóné kele tómókélé, mo

doasi dowi ala yalepó. Téyalepa, mió e naao naale aqraqse,’ yalepó.

²² Téyaleitei, kale naale alimané ama kutó ðiraterere whírapepaee duraalu, ‘Ðiá mo hapale fóló, ámo deraaire kuti wisi sóo, naasemó bulaaire bi sóo, hómó horaaire hòleke be sóo, yóló derae,’ yalepó.

²³ Atéro, ama kutó ðiraterere whírapepaee duraalu, ‘Ðané a hékeseeróló òla deraalopa, betá seraai *bulmakau* hupu male sene fae.

²⁴ Ti noatepae, yálo i naaleta sukáletei momó kepaayóló biture kaae erapó. Mo ti aluyale whítei momó ðape sóró biture kaae epa, mió ðané ámo ðla deróló hékese yaairaalu i dere ape,’ yalepó.

²⁵ Até du betepa, kale whíné topo naale kutómó daai be bela felekemó sóko walemó, *kitatamo* wole fo yóló, kílitu betere fo wosalépó.

²⁶ Até du betepa, ama kutó ðiraterere whírapekó betápaee ape yóló duraalu, ‘Doa ai-a, noa alamaaté ða bitu de?’ yalepó.

²⁷ Ti fo depa ama apaae duraalu, ‘Naao no me alakélé ini, mo wisiyóló sóko waleiteiné, ayanaaoné seraai *bulmakau* hupu male dóló òla i derótu betere ape,’ yalepó.

²⁸ Ai du betere ala kilitu, kale topo naalené alimatamo doasi fopaae buóló, bepaae hotere hýyóló belamó dalepó. Atépa, alima doropóló naalema be dolopaae holópóló, bératere fo yalepó.

²⁹ Téyaleitei, ama alimapaee duraalu, ‘Kelere! Ba fo dokó fea e naao wae sóró kutó ðiraterere whí kaae bitu, hòkélé ini naao erae dere ala yálo eró tawalépó. Téyaleitei, yálo fulumu whírapetamo dóló nópóló, naao *meme* hupu male betákokélé menipó.

³⁰ Até yaleitei, naao ai naale hòko nópumó kutu beteró naao melale wisi wisi òla fea aluróló wapatei, naao ámo seraai *bulmakau* hupu male dóló òla ai deratere ape,’ yalepó.

³¹ Ai fo depa alimané duraalu, ‘Ti naale-ó yáta, suka fea étamo betereiteiné yálo mole òla òla feata, ti naaotóro ai ape.

³² Tétereiteiné ða fea hékese duraalu, ámo òla deralepa, ya ðepe sekeni hékese yae. Ti noatepae, naao no a mo ti sukále whí momó kepaayóló wóló biture kaae epa òla deratere ala taaréni, mo enérápó. Áta, aluyale whítei, momó sóko wapa ðape sóro i betere ape,” yalepó.

16

Òla òla teteróló kaae tawae yale fo sale

¹ Téró, Yesuné ama yó matere whírapepaee i fo yalepó. “Whí mené betá néli whípaee duraalu, naao òla òla kaae tare whíné wisiyóló kaae tani, hòko besekérótu beterepó depa wosalépó.

² Atei fo depa, ama sóro beterele whípaee ape yóló apaae woseturaalu, ‘Naao du

betere ala mené eḗpaae ene walepa, naao yaḷo ɔla ɔla netéró kaae tare? Mió naao ditu betere kutó kemeraai dapa, naao teteróló kaae taru deté wale ala fea eḗpaae yae,' yalepó.

³ Ai fo depa kale whjné ama kisipanétei duraalu, 'Yaḷo doasiné e melale kutó kemeratepa, mió e noa kutókó diyaaloé? Hae dukjyaaire fotokókélé buni yóo, me whjpaae ɔla kema dere alakélé, hale yóo ereteiné, e noa ala yaalorópó.

⁴ Tépatei, e i kutó taaróló fupa, mepaae so whjné e mo wisiyóló dape sópóló, i ala betá yaai kisipa mutapó,' yalepó.

⁵⁻⁶ Atétepa, kale whjné ama doasiné ɔla ɔla kwia mulóló sale whjrape betá betá ape depa, walepó. Atéró kale folosóro kwia mulóló sale whjpaae woseturaalu, 'Yaḷo doasiné ɔla naao meteró saleé? depa, ama duraalu, ɔḷe 4000 *lita olip wel* wēi salepó,' depa, kale whjpaae duraalu, 'Ya hapale fóló sawa beteró, naao sale 4000 *lita wel* wēi ɔḷe helekóló, 2000 *lita aseya*,' yalepó.

⁷ Téró, kale dere kaae me whjpaae woseturaalu, 'Naao yaḷo doasiné ɔla meteró saleé?' depa, kale whjné duraalu, 'Whiti yorape 1000 salepó,' yalepó. Ti fo depa, kale whjné aḗpaae duraalu, 'Naao melaai sale kwia aseḗretei helekóló 800 aseya,' yalepó.

⁸ Atéró, kale ɔla ɔla talené ama sóro beterale whj wisipa meitei a dukiróló duraalu, 'I whjta ɔlémi nuku bitutei, topo daalu fosó fosói ala maaté du beterapó. Ti i haemó betere so whj atimasisi u tao su i tao su dere ala mepaae so whjné kilitu, mo fosó fosóre so whjópóló dukirateré alané, kale ɔḷe tuamó betó mole so whj teteróló ketēi aḗratapó,' yalepó.

⁹ Yaḷo diḗpaae i dere ape. I haemó bituraalu, naao sere *moni* mepaae yaḗḗre so whj tao sóro ḡle mela. Atéró fea melóló kemeratepa, atimané ya mo ti tē tare bepaae holae yóló dape saalo ai ape.

¹⁰ Mepaae whj dené sawa kutó mo wisiyóló kaae taru dirótu betepa, so whjné kilitu i sekéné kutó mo dono ditapóló kisipa tirateré whjnéta ti doasi kutókélémo wisiyóló diranérapó. Mepaae so whj denétamo sawa ɔla mekó ɔlémi supa, ti doasi ɔlakélé ɔlémi senérapó.

¹¹ Atétepa, i haemó muó mole ɔla ɔla diaaḡ wisiyóló kaae tawaaire sūnupa, mo ti muó tare wisi wisi ɔla diḗpaae kaae tawae yóló né melaaloé?

¹² Me whjné diḗpaae kaae tawae dere ɔla ɔlatamo diaaḡ mo wisiyóló kaae tanítepa, naao mo ti muó tawaaire ɔla yaḡmó né melaaloé?

¹³ Betá kutó dirateré whjnétei, doasi topo whj tamoné kutó diranéripó. Atétepa, ti me whjpaae yaala sókó fóló mulu, ama kutó diróo, me whj ḡróróló ama erae dere

alakélé eréni yóo, yaalopó. Ai ala dere kaae, betá whjnétei Kótóné kutóro mepaae *moni* saaitere kutótamo touróló diranéripó,' yalepó.

¹⁴ Ai fo depa, mepaae *monimó* hosaa muóló ekeḗlere Farisi whjrapené Yesuné ai dere fo woseturaalu, faleyóló doka doka du betalepó.

¹⁵ Tí fo depa, ama atimapaee duraalu, "Diḗné ai du betere ala so whjné kilitu, mo wisirapó du betepatei, diaaḡ hosaa tuamó kinóló mole ala ti Kótóné kolóló mo kisi-parapó," yalepó. Atétepa, ama atimapaee duraalu, "Mo so whjnéta, diḗné mo doasi bete mole ala dapó du betepatei, Kótóné keletómó ti bete muni, mo sonaalérapó.

¹⁶ Kale Moses-né aseḗre foró Kótóné kóló whjrapetamoné yó maté waletei, Jon betale alimókélé taaréni, ḡle yó matétóro fu beterepó. Atétu betepa, Kótóné teteróló kaae tare aḡmó mole kisi fo wisi wosaai dapóló ḡainé sukuturaalu, so whj fea aipaae alaletamo fu beterapó.

¹⁷ Ti sḗró haetamota kemeyaalotei, Kótóné fo kwia mo sawakélé aluyaalomeipó.

¹⁸ Whj me dené ama topo so tokó daaróló so me kae dokotepa, ti Kótóné fo tukóló nópu nukulapó. Whj me dené me whjné tokó daalale so dokotepa, ti aikélé yóló muló betere fo tukóló nópu nukulapó,' yalepó.

Néli whjró Lasarus-tamoné yale ala

¹⁹ "Téró suka fea kelaalo mo kokóisonaai kuti maaté derótua yóo, mo feléi wisi ɔla maaté nóo du betere néli whj beterepó.

²⁰ Ai néli whjné ama be tḡ sókó walemó yoleale whj humu fulu daayóló bitu, suka fea ɔla kematu betere whjné doi Lasarus beterepó.

²¹ Atéró bitu, a wote depa kale néli whj ni fake tómó ɔla nukuraalu, folope sorokóta deretei naai kisipa mutu betepa haorapené ama humu aḗ nukua depakélé, dowḗae fóló beterepó.

²² Ai ala du betere tuamó kale whj Lasarus sukutepa, *ensel*-rapené a beleyóló fóló, Abraham betere uté tēró beterepó. Atéró a sukále kḡlipaae kale néli whj kélé sukutepa douralepó.

²³ Téró, kale néli whj mo ti dó tare simó duku bituraalu kese falalemó, kale Lasarus Abraham-tamo daapa kelalepó.

²⁴ A atépa kolóló duraalu, 'Aya Abraham-ó, naao e kḡle depata, ti kale Lasarus-né naase doḡmó wēi fē eróló yaḷo hape siri bulḗle wópóló dotḗyae. Ti noatepae, e siné dukuraalu doasi dele sereteiné dapó,' yalepó.

²⁵ Ai fo depa Abraham-né duraalu, 'Ti naale-ó, aita mo deretei, naao kisipa muae. Take yaḗ haemó betale sukamó wisi wisi ɔlamaaté su betalepó. Até du betepa,

Lasarus a dowi ɔla sua yaleteti, mió a imó hosasu muni deyólo hɛkesené sinitu betepa, ya doasi dele ai su betere ape.

²⁶ Tereitei, da imó betere whi aipaae wóo, atéro betere whi ipaae wóo yaqósóro, tuamó doasi fao muló bettereteiné da aipaae te wonénipó; yalepó.

²⁷ Ai fo depa, kale whiné Abraham-paae duraalu, 'Aya Abraham-ó, Lasarus yało ayané bepaee fóló norapepaae ene fópóló yae.

²⁸ Ti noatepaae, yało norape aporó beter-apa, e doasi dele su betere tikipaae atimakélé waqósóro, ene fópóló dapó; yalepó.

²⁹ Ti fo depa Abraham-né duraalu, 'Moses-ró Kótóné kóló whirapetamoné yó mótu betere fo wosóló, atima kisipa feteyólo tué tiki tiratepa, ti té yópólópo; yalepó.

³⁰ Ai fo depa, kale whiné Abraham-paae duraalu, 'Aita mo deretei, sukále so whi fólótamo depa, ti atimané du betere dowi ala taaróló, kisipa feteyólo waalopó; yalepó.

³¹ Ti fo depa ama duraalu, 'Moses-ró Kótóné kóló whirapetamoné yó mótu betere fo wosenitepa ti sinóló kepaayólo wale whiné dere fokélé wosóló kisipa tiki tiraalomeipó;' yalepó.

17

Dowi alamó dée nalatere whi sekei ala erópóló yae yale fo

(Mat 18:6-7, 21-22, Mak 9:42)

¹ Téró, Yesuné ama yó matere whirapepaae duraalu, "So whi fea dowi ala yólo dée nópóló kae kae sɛsere alarape waalo ai ape. Té yaalotei, whi me dené me whi dowi ala yópóló dée nalatepa, ti atétere whipaae doasi sekei ala eraalopó.

² Diakó mé whiné i betó mole naale senaale belekɛatikikó dowi alamó dée nalatepa, ti atétere whiné depamó képi dulóló, doasi kapo fake oleróló wei kelapaae taee deróluasóro mo wisi uapó.

³ Atérapa, diaaq dere alarape dianétei mo hotowa yólo kaae tawae. Naao notamo mepaae dowi ala depa, ti atékesé yólo a foné sae. Ténalemótamo, naao dere fo wosóló a kisipa feteyólo wapa, ti ama yale ala me ɔla meipóló hale kemerae.

⁴ Betá be demótei, naao noné weikeró félimó yapaee dowi ala eralepóló, ya betterepaae fesaae wóló, 'No-ó, yało yapaee weikeró félimó dowi ala eraleteiné doasi kóléó ene wapa,' ti naaomo kwia tani, me ɔla meipóló hale kemerae;" yalepó.

⁵ Téró, Kótóné ama fo erále fópóló doteyále whirapené duraalu, "Tale-ó, dané kisipa tiki doaló tiró bitinireteiné mo diriyólo tiraai dapa, naao da yó ɔlae!" yalepó.

⁶ Ti fo depa Yesuné atimapaee duraalu, "Diá kisipa tiki tiró betere alatamo mo sawa *mastard* niné ke kaae bupa, ti i daale *mal-beri* nipaae naao feleke turó tokóló, doasi wei kela tuamó daane derepae depa, naao dere fo wosóló mo téyalo ai ape.

⁷ Diakó betá whiné ama kutó diratere whi ɔla wae biliyaai hae dukjyólo mulale fóló, ó *sipsip* hupu kaae tane fi teó waletamotei kale doasiné ama kutó diratere whipaae, 'Ya ɔla naasepóló hapale ape,' fo dua de? Meipó.

⁸ Doasi whiné atei fo yaalomeitei, etei fota ti enérápó. 'Yało naaire ɔlaró weitamopi donoróló, e nuku betepa ti naao naaire ɔla donoraasepólópo dua dapó.'

⁹ Kale kutó diratere whiné ama doasiné apaae dirae dere kutó fea diyólo kemeratepa, ama doasiné apaae mo kée fo dua de? Meipó.

¹⁰ Atétere kaae, Kótóné diaapaae dirae dere kutó diyólo kemetepa, diaaqtei diá bopé fake enéere? 'Dáta, whi wisi meitei, dané ditere kutóro diyalepó fo enérápó;' yalepó.

Naase tamo whirape dowi humu fuluné tiki dopa wisirale fo

¹¹ Ai fo yólo kɛlipaae Yesu a Jerusalem be huluapaae sóko faairaalu, Samariaró Kaleli haetamo dałe tuamó fu betalepó.

¹² Atéro a betá be huluamó sóko felemó, dowi humu fuluné tiki dore naase tamo whirape atamo hokolaa yaai wóló, mo tumó dae molepó.

¹³ Atéro daalu fo fake yólo duraalu, "Doa whi Yesu-ó, naao da kolené sukutu tao sae!" yalepó.

¹⁴ Ai fo depa, Yesuné atima kelalemó kolené sukutepa duraalu, "Diá fóló, so whimó momaratere whirapepaae diaaq tiki yó melale fae," yalepó. Atétepa, atimané tiki yó melaai tu tuamó fu betepatei, atimané dowi humu fulu torokó fóló wisiyalepó.

¹⁵ Atétepa, atimakó betá whiné ama tiki fopeyalemó wisipa kilituraalu, momó fesaae fóló fo fakeyólo Kótóné doi sóro horaté fu betalepó.

¹⁶ Até deté wóló, Yesu daale felekemó draapisa fóló mulu, mo kée du betalepó. Aa, Samaria hae kwiamó wale whikópó.

¹⁷⁻¹⁸ Tétépa, Yesuné atimapaee wosetu-raalu, "Mepaae naase tamo whirape yało wisirénié? Ita, kae fake whitei Kótóné doi hale sóro horatapa, Naase aporó kemeyólo douro whirape-a, neyáleé?" yalepó.

¹⁹ Téró ama apaae duraalu, "Naao kisipa tiki tiró betale alané ya wisiralepa, turukó holóló mo dua fae," yalepó.

Kótóné tetéroló kaae tare ala wóló mulapóló yale fo

(Mat 24:23-28, 37-41)

²⁰ Atéró, me sukamó Farisi whīrapené Yesupaae duraalu, “Kótóné tēterólo kaae tare ala noa be demó wapa so whī feané kelaaloé?” yalepó. Ti fo depa Yesuné atimapaee duraalu, “Kótóné tēterólo kaae tare alata, whīné kelené kolólo tué yópólo me fareyópu kae yaalo meipó.

²¹ So whī feané imó ó umó wólo betera-pó fo enénipó. Ti noatepae, Kótóné tēterólo kaae tare alata, mió diá tuamó i wólo mole ape,” yalepó.

²² Téró, ama yó matere whīrapepaae duraalu, “Take waaire be derapekó betá tuamó kale Whīné Naalema kelené du be-taalotei mo kelaalo meipó.

²³ Atéró kekitu betepa, mepaae so whīné duraalu, ‘Kale Whīné Naalema umó wólo betera-pó,’ ó ‘Imó wólo betera-pó,’ depa, mo dere nisiyólo sya faqse.

²⁴ Ti noatepae, kale Whīné Naalema á wouta, epée duraalu hae kwia fea de-yó fu dere kaae yaalo ai ape.

²⁵ Ai alarape fea yaaipatei, folosóro api kae kae susupui ala supa, ti mió i alimó betó mole so whīné ama fo woseni, á hōraalo ai ape.

²⁶ Take Noa betale alimó yale kaae, mió Whīné Naalema waaire alimókélé atétóro yaalo ai ape.

²⁷ Take Noa betale alimó, so whī fea qlaró weítamo nokole alakélé, so whītamó betera-tere alakélé, whī so dokotere alakélé, deté fu betepatei, Noasépi nuku tuapaae bitī horalepó. Até deretamotóro, atima ai du be-tale ala kemene felepó. Atéturaalu, doasi weī dukulé horólo so whī fea sisiraae felepó.

²⁸ Ai yale kaae, take Lot betale alimókélé, so whī fea wisiyólo bitu qlaró weítamo nokole alakélé, qla qla dononólo duputere alakélé, qla wae bilitere alakélé, be tētere alakélé, fea deté fu bitipakalepó.

²⁹ Atétu betepatei, Lot á Sodom be hu-lua taarólo foletamotóro hepen bemó siró kapo whaa kaae ere *sulpa* sitamo hali kaae dorowólo, so whī fea doralepó.

³⁰ Atétu yale kaae, kale Whīné Naalema mió kinólo betereitei hakeamó wapa, so whī feané kelaalo ai ape.

³¹ Atétere sukamó, whī me ama siki bemó bitī hae bemó mole qla wisi saai dapólo derepaqse. Kutómó daale whī momó fesaee fóló, bemó mupa wale qla momókó sene faqse.

³² Ti noatepae, Lot-né soma yale ala kisipa muae.

³³ Mepaae whī de yaalo ala erótutei, ama betere bete me ala yaqsóropólo, amatei ho-towayólo kaae tapa, ti atétere whīné betere bete aluyaalopó. Tēpatei, whī me dené ama betere bete me qla meipólo taalatepa, ti ama betere bete aluni, mo ti muó tawaalopó.

³⁴ Yaalo diapaae i dere ape. Dilikitamo whī tamó betá besekemó fipatei, me whī dapesó furaalu, me whī fipa taarólo faalopó.

³⁵ So tamó *flawa* o bula yaai deraketu betepa, me so dapesó furaalu, me so taarólo faalo ai ape,” yalepó.

³⁷ Tētepa, kale yó matere whīrapené Yesu-paae woseturaalu, “Tale-ó, ai alarape-a momó eratepa kelaaloé?” depa, ama du-raalu, “Na ó hupu kelaai nokole barape sikimó sé kweyólo bopétu betepa, ti ama naaire qla kelaai mupa ai dere ape yólo kisipa yaalopó,” yalepó.

18

Tao sae yólo dotopo du betale wulia sopaae dó farólo yale fo

¹ Ai fo yólo kemetepa, Yesuné ama yó matere whīrapené Talepaae momatere ala hale yó tanópólo, etei fo sale yalepó.

² “Ai doasi be huluaamó fo tokólo taletere whī betá beterepó. Ai whīta, Kótó kolólo witere alakélé ini, dotoróe falepó.

³ Ai be huluaamó betá wulia so beterepó. Ai so ama bóe whīné átamó fo tokólo só deraqsóro á tao sópólo, suka fea fo taletere whī beterepaae eneta du betalepó.

⁴⁵ Kale soné betá fo maaté eneta du betepa, á hóturaalu i fo yalepó. ‘Ēta, Kótókélé mo so whīkélé, kolólo wi inire whīte, i wulia soné á tao sae yólo dotopoi fo maaté eneta yó taneteiné é hótēpa á tao saalopó,” yalepó.

⁶ Téró Talené duraalu, “Kale fo tokólo taletere dowi whīné i sopaae yale fo wosólo kisipa muae.

⁷ Kótóné ama sorokó so yólo betero betere so whīné dētamokélé, dikitamokélé, kematóro yó tapa, ai kematere qla ama melaalomeié?

⁸ Yaalo diapaae i dere ape. Kale fo tokólo só deraaire whīné diá só deraqsóro, ama mo hapale tao saalo ai ape. Téyaalotei, kale Whīné Naalema i haepaae wale sukamó so whī fea kisipa tiki tiró betepa kelaalorópó,” yalepó.

Farisi whīró takis moni siré kotere whītamóné yale ala

⁹ Yesuné i fo sale atimapaee yó mótu du-raalu, mepaae whī atimata mo donoi ala dapólo bopé faketuraalu, mepaae so whī tēteratere alamó Yesuné etei fo sale yalepó.

¹⁰ “*Takis moni* sere whīró Farisi whītamó moma yaairaalu, momatere be dolopaae holalepó.

¹¹ Téró, kale Farisi whī á turukó holólo daalu amatei, ámo etei kaae moma yalepó. ‘Tale Kótó-ó, éta mepaae whīrape dere kaae qla qlémi nokole alakélé, nópu nokole alakélé, mepaae dere dowi alakélé, ó i daale

takis moni sere whi kaae bitinipó. Tériu yało yapaae mo kée dapó.

¹² Ɛta, betá fulamótei be de tamomó ọla néni, weyólo ọle bitu, yało ọla ọla naase tamo moletei dekeyólo, betá Talepaae mótua dapó, yalepó.

¹³ Téyaletei, kale *takis moni* sere whi á mo tumó daalu, hepen bepaae kese horéni haepaae hemée deyólo daalu, “Tale Kótó-ó, ẹta dowi ala dere whi ọla naa ọléné sukutu, yało dowi ala kwia kemerae,” yalepó.

¹⁴ Yało diápaae i dere ape. Kale nalo momayale *takis moni* sere whiné ama dowi ala Talené kemeratepa, á haıtamo bepaae feletei, me whiné ama dowi ala ọle mupatei felepó. Mepaae whi de amatei á derólo dua betepa, ti Kótóné á sóro horaalo ai ape,” yalepó.

Naale belekqatiki Yesupaae dapesó wale fo

(*Mat 19:13-15, Mak 10:13-16*)

¹⁵ Téro so whi feané teó sóro betó mole naale senaale tikimó Yesuné naase mulópoló, á beterepaae dapesó wua dere ala kilitu, ama yó matere whi ọléné dapesó wakesé yólo, atima foné salepó.

¹⁶ Téyaletei, Yesuné kale naale senaale á beterepaae dapesó ape yólo duraalu, “Atei kaae naale belekqatiki ẹ beterepaae wópólópa, sesékese. Ti noatepae, Kótóné ọléné kaae tare aqmó betaaire alata, atei naale senaale belekqatiki kaae fóló betenérápó.

¹⁷ Yało diápaae mo i dere ape. Mepaae so whi detamo i betó mole naale senaale belekqatiki kaae betepa, ti Kótóné ọléné kaae tare aqmó sókó fóló betenérápó,” yalepó.

Néli whiné Yesupaae wosale fo

(*Mat 19:16-30, Mak 10:17-31*)

¹⁸ Atéro, betá Juda topo whi wóló Yesupaae woseturaalu, “Yó matere whi wisi-ó, mo ti betere bete saairaalu, yało noa alakó yaaloó?” yalepó.

¹⁹ Ai fo depa, Yesuné ápaae tokó mótu duraalu, “Betá whikéle whi wisi bitini, Kótó á betá wisirapa, naa ẹpaae noatepa whi wisi-ó fo de?”

²⁰ Ti noatepae, kale tukóló muló betere fota, naa dosayólo ai kisipare ape. So nópu naqse, whi daqse, ọlémi naqse, me whi dilikóló kapala fo yaqse, naa hae aya aqmó mo dua betae erapó,” yalepó.

²¹ Ai fo depa, kale whiné tokó mótu duraalu, “Ai alarape feata take ẹ ketemó bitu deté waletei, miókéle ọle yótóro tarapó,” yalepó.

²² Ai fo depa, Yesuné ápaae duraalu, “Mo betá ala betá ya yayarapó. Térapa, naa muó mole ọla ọla fea dotonóló, *moni* sóro

mepaae yolealere so whimó melae. Atéro yała, hepen-mó mole wisi wisi ọla saasepóló ẹ sya ape,” yalepó.

²³ Kale hamoko whiné ai fo woseturaalu, á doasi néli whi mo betenérápó kisipa mutu, kutiri hımula yólo fomotamo felepó.

²⁴ Atéteremó, Yesuné á kelené kikéyólo kaae taru duraalu, “Ọla ọla fea tare whi Kótóné ọléné kaae tare aqmó sókó fóló betaaire mo doasi dirirapó,” yalepó.

²⁵ “Ti noatepae, *kamel* hupu ketéle dolomó sókó faaire hapóluni, sumó fenérápó. Tépatéi, doasi ọla ọla mole néli whi ọléné kaae tare aqmó sókó faaire mo hapólurapó,” yalepó.

²⁶ Ai fo depa wosale so whiné Yesupaae woseturaalu, “Da feata alunérapa, Kótóné demaaté tao saaloó?” yalepó.

²⁷ Ai fo depa Yesuné duraalu, “Mo whiné enénire ala Kótóné mo sumó enérápó,” yalepó.

²⁸ Tétepa Pitané duraalu, “Dané be ó ọla ọla fea mupa taaróló, ya i sya wale ape,” yalepó.

²⁹ Ai fo depa Yesuné duraalu, “Yało diápaae mo i dere ape. Mepaae whi dené ama be ó soma ó nomarape ó hama alima ó naale senaale taaróló, Kótóné ọléné kaae tare aqmó betaai dapóló fupata, ti mió i alimó bitukéle ama taaróló wale ọla ọla tómo beleróló, Kótóné mo dekeró matepa saalo ai ape.

³⁰ Ai ọla maaté meitei, take waaire alimó mo ti betaaire betekéle saalo ai ape,” yalepó.

Yesu á sinaaire fo mó yaletei

(*Mat 20:17-19, Mak 10:32-34*)

³¹ Atéro, Yesuné yó matere 12 whi ọléné depaae dapesó fóló bitu duraalu, “Da ọla Jerusalem be huluapaae holai foletéi, Kótóné ama ọléné whi ọléné i ala yaalopóló asere fo mió mo dokonóló kale Whiné Naalemappaae eratepa kelaalo ai ape.

³² Ata, Juda meire fake whi ọléné dópóló eleké deyólo, atima naase tuapaae mulaalo ai ape. Atétepa, atimané á doka doka yóo, haleróo, fesaa apuróo, képi tikiné fokosoi ala yólo, á mo ti sukópóló dóo, yaalo ai ape yalepó.

³³ Téyaalotei, sore be demó á mo ti sukaletei momó kepaayólo betaalopó,” yalepó.

³⁴ Ama yó matere whi ọléné ai yale fo wosóta yaletei, bete hiróló moleteini diriyo lo kisipa sini, koló koló du betaalopó.

Kele dilikire whi wisirale fo

(*Mat 20:29-34, Mak 10:46-52*)

³⁵ Téro Yesu á Jeriko be huluapaae felekemó sókó faai tumó fu betaalemó, betá kele dilikire whi tu demó bituraalu, fua wuatero so whi ọléné *monikó* ọlae yólo, kema du betaalopó.

³⁶ Atéró wosalemó, so whi mo fea tumó fua wua du betepa, ai so whipaae woseturaalu, “Doa ai-a, noa ala maaté du bitu de?” yalepó.

³⁷ Ti fo depa, atimané apaae duraalu, “Nasaret be hulua whikó Yesu i fole ape,” yalepó.

³⁸ Ai fo depa, ama fo fakeyóló duraalu, “Depit-né Naalema Yesu-ó, naao ę kolené sukuturaalu tao sae,” yalepó.

³⁹ Atéró, mepaae folosóro fele so whiné kale whipaae momó yaai dée yóló foné salepó. Tétepetei, kale sekéné fo fakétóro dekeró yó taru duraalu, “Depit-né Naalema Yesu-ó, naao ę kolené sukæ,” yalepó.

⁴⁰⁻⁴¹ Atétepa Yesu ę keiyóló daalu, kale whirapepaae duraalu, “Ai whi ę beterepaae dapesó ape,” yalepó. Atétepa, kale whi dapesó wóló felekemó daapa, Yesuné apaae woseturaalu, “Yalo yamó noa alakó erópóló de?” depa, kale whiné duraalu, “Tale-ó, yalo kelené ęla ęla kelené yóló kisipa mutapó,” yalepó.

⁴² Tétepa, Yesuné apaae duraalu, “Naao kisipa tiki tirale alané naao kele ai wisiyalepa, mió kelaé,” yalepó.

⁴³ Yesuné ai fo deretamotóro kale whiné ama kele wisitepa, Yesu sya furaalu, Kótóné doi hale sóro horaté felepó. Ai ala depa kelale so whinékélé Kótóné doi hale sóro horalepó.

19

Takis moni siré kotere whi Sakius-né yale ala

¹ Atéró, Yesu ę Jeriko be huluamó sókó fóló, ai be belamó fu betalepó.

² Téyalemó, *takis moni* siré kotere whirapené doasi topo whi Sakius beterepó. Aa, fea ęla ęlané néli whipó.

³ Ama kispáné Yesu dereó kelaai dapóló felemó, aimó mo hale ęla kaae so whi touróló daae moleteiné, Sakius ę halekeruraalu Yesu wisiyóló kilinipó.

⁴ Atépa, kale whi api sururu yóló fóló, Yesu tumó wale kelaai, betá nose kaae ni siki doló holóló kaae tawóló beterepó.

⁵ Atépa, Yesu ę ni betemó sókó fóló ai ni skipaae kele horalemó Sakius daapa kolóló duraalu, “Sakius-ó, mió ę yátamo naao bemó betaai kisipa mutapa, ya mo hapale dere ape,” yalepó.

⁶ Atétepa, ę hapale tėti dorowóló, hekesetamo Yesu dape sóro ama bepaae felepó.

⁷ Atétepa, ai daae mole so whi feané Yesu Sakius-né bepaae fupa kolóló, atimasisi kiki-iti eróló duraalu, “Aa dowi ala du betere whitamatei, betaai ai fele ape,” yalepó.

⁸ Téyaletei, kale Sakius ę turukó holóló Talepaae duraalu, “Tale-ó, mióta, yalo i

mole ęla ęlarape bukóló, mepaae yolealere so whimó melóo, yalotamo so whi dilikóló mepaae *monikó* simó ti douró félimó tó mó beleróló tokó melóo, yaai dapó,” yalepó.

⁹ Ai fo depa Yesuné apaae duraalu, “Kótóné so whi aluyaqsóro tao sere ala mió i bepaae walepó. Ti noatepae, i whi ękélé Abraham-né naaletóro beterepó.

¹⁰ Ti Whiné Naalema ę waleteita, aluyale so whi kekóló tao saairaalu, walepó,” yalepó.

Naase tamo whirapené doasi whiné kutó diraii moni sale fo sale

(Mat 25:14-30)

¹¹ Atéró, ama ai du betere fo wosetu betepatei, ę Jerusalem be hulua felekepaae sókó waleteiné Kótóné teteteróló kaae tare aqmó mole ala so whiné kispáné mo felekemó sókó waaitere nisi du betalepó. Atétepa ama du betere fotamo touróló, atimapaee i fo salekélé yalepó.

¹² Atéró ama duraalu, “Hae kwia fea teteteróló kaae tare topo whirapené fake whi betá topo whi sóro beterepaae momó fesaee wóló, hae kwia ama teteteróló kaae tawaai dapóló, ę felepó.

¹³ A atéró faairaalu, ama kutó diratere naasetamo whirapepaae ape yóló duraalu, ‘Yalo i matere *moniné* mepaae kutó diraté fóló, tó mó beleróló sóro muló betepa, momó fesaee wou kelaalopóló,’ ę felepó.

¹⁴ Téyaletei, ama be whi so whiné ai sekéné atima teteteróló kaae tawaqsóro kisipa mutu, ‘Kale doasi topo whipaae ene fópóló, atimakó mepaae whirape ę fi kiliipaae doteyalepó.’

¹⁵ Até yaletei, doasiné kale whipaae naatóro teteteróló kaae tawaasepóló, ya sóro beteratapa fae depa, ę bepaae fesaee walepó. Téró, ama kutó diratere whirapepaae melale *moniné* mepaae kutó diróló, tó mó beleróló meteró saleró kelaai, dapesene fae yóló, whirape doteyalepó.

¹⁶ Atétepa, ama *moni* melale whirapekó betá whi folosóro wóló duraalu, ‘Doa whi-ó, take naao epaae betá melale *moni* bosenóló, mo dekeró sóro muló beterepó,’ yalepó.

¹⁷ Ti fo depa, kale topo whiné duraalu, ‘Yalo kutó diratere whi wisi-ó, naao ai ere ala mo wisirapó. Ti noatepae, yalo mo sawatamo melale ęla naao mo wisiyóló kaae tawirapa, naasetamo be huluakélé naatóro teteteróló kaae tawaasepe,’ yalepó.

¹⁸ Kale dere kaae whi me wóló duraalu, ‘Doa whi-ó, naaota epaae *moni* betá melaletei, yalo mepaae kutó dité fóló, naao melale *moni* tó mó beleróló aporó sóro muló beterepó,’ yalepó.

¹⁹ Ti fo depa, ama topo whiné tokó mótu duraalu, ‘Aporó be huluarape naao teteteróló

kaae tawaasepóló, yálo yá sóró beteratápó,' yalepó.

²⁰ Téro kale dere kaae, ama kutó dirale whj me wóló duraalu, 'Doa whj-ó, naao kale melale *monita*, yálo me kutókélé diní, kuti kwiané bopeyóló mulaletei, i sóró wale ape.

²¹ Ti noatepae, yáta mo kekepai whj bitu, mené qlatei naao sóo, me whjné biliyale qla naao bukóló, kwiapaee yá sóo dua dapó. Atétere ala yálo tuéruraalu, ę witepa naao yae yale ala inipó,' yalepó.

²² Ti fo depa ama topo whjné ąpaee duraalu, 'Yáta, kutó diratere whj dowipó. Yátamo fo tokóló yá só deraaitere ala ti naao dere fonétei yá ai só deretere ape.

²³ Ti naao atei kaae kisipa mulutei, ę fesaae wouraalu húróló sópóló *moni* mulatere tikipaae mulale fole noatapa yaleé?' yalepó.

²⁴ Téro, kale topo whjné aimó daae mole whjrapepaae duraalu, 'Ama ai tare *moni* fasóló naase tamo *moni* tare whjpaee melae,' yalepó.

²⁵ Ai fo depa, atimané kale topo whjpaee duraalu, 'Doa whj-ó, ai whjta naase tamo *moni* taketi sóró tarapó,' yalepó.

²⁶ Ti fo depa ama duraalu, 'Yálo diąpaee i dere ape. Mepaae qla qla húróló mole whjpaee ti mo dekéro beleróló melaalo ai ape. Téyaalotei, mepaae whj de qla qla sawa téti mupa, ti ai qla fasó saalo ai ape.

²⁷ Téyaalotei, mepaae yálo tşteróló kaae tare aqmó betere hóróló bóe dele whjrapeta, ipaae dapesó wóló, mo ti sinópóló dae,' " yalepó.

Yesu Jerusalem be huluapaee doasi topo whj aqyóló sókó wapa hale sóró horale fo (Mat 21:1-11, Mak 11:1-11, Jon 12:12-19)

²⁸ Téro Yesuné i fo yóló kemetepa, atima Jerusalem be huluapaee furaalu, ama ąlisó felepó.

²⁹ Atéro, ą Betpas beró Betani beta-mopaae sókó faai fu betalepó. Ai be hulua tamo felekemó *Olip* dupó du betere tiki erapó.

³⁰ Aimó ama yó matere whj tamo doton-aaí atimaamopaae duraalu, 'U bepaee di-aamopi fae. Ai bemó sókó fóló kelenalemó, whjkélé betóló kunire teó *donki* hupu duló betaalopó. Téyaalopa, ai hupu taayóló ipaae dapesó ape.

³¹ Atéro taanalemótamo, whj mené di-aamopaae woseturaalu, 'Ai neyaai de?' depa, ti i fo yae. 'Momó dapesó waaitei, Talené ama diyaaire kutó mupa sóró ape yale tikimó sóró fulapó yae,' " yalepó.

³² Atéro dotonatepa fóló kelalemó, atimaamopaae yale fotórómo epa kalalepó.

³³ Atépa, atimaamo kale *donki* hupu ha-lika teraatu betaalemó, hupu talerape wóló

atimaamopaae woseturaalu, "Ai hupu teraatu betere-a noayaai de?" yalepó.

³⁴ Ti fo depa atimaamoné duraalu, "Ita Talené ama diyaaire kutó mupa, serąle fae yale tikimó sóró fulapó," yalepó.

³⁵ Atéro, Yesu beterepaae dapesó wóló daaló bitu, atimaamoné deró betere fqlói kutirape sorokóló, Yesu ą hupuné sisó tómó beteróqpóló, whamenalepó.

³⁶ Atéro ą ai hupu tómó betóló wapa, so whj folosóro furaalu, atimané deró betere kutirape sorokóló tumó whamenaté felepó.

³⁷ Atéro, ą Jerusalem be huluapaee felekemó sókó faairaalu, *Olip* du sokore aąpaee doropole tumó sókó derepelepó. Aimó, ama yó matere so whj mo feané Kótóné kae kae kelemei alarape eratepa kelaleteiné atima hekesené sukuturaalu, fo fakeyóló Kótóné doi hale sóró horaai kaae salepó.

³⁸ "Mió Talené doimó wale doasi topo whj wisi-ó, Kótóné yá wisirópóló yae!"

"Kótóné hepen be tuamó mole hosaa muni deyóló dua betere ala so whj feapaee erópóló yae.

Téturaalu, mo taoró betere Kótóné kae mole doasi doi hale sóró horae!" deté fu betalepó.

³⁹ Tétepa, ai so whj kuamó betó mole Farisi whjrapené Yesupaae duraalu, "Naao yó matere whjrapepaae taalae yóló, foné sae," yalepó.

⁴⁰ Ti fo depa ama atimapaee duraalu, "Yálo diąpaee mo i dere ape. Atimatamo fo ini dua betepa, ti tumó ai daae mole kaporapenétei doasi fo fake yaalo ai ape," yalepó.

⁴¹ Atéro, Yesu ą Jerusalem be huluapaee felekemó sókó faai fu bitu, ai doasi be hulua tuąpaee kese deralemó, mo kqlai ala epa, ą doasi wole yalepó.

⁴² Atéro woleyóló duraalu, "Hosaa muni deyóló dua betaaire ala mió i be demótóro dią beterepaae walapóló, kisipa uąsóró ti mo wisi uąpó. Téuątei, ai ala yaaire be de kemeyaiteiné mió diaaq kelené kelaąsóró, kinó beteraapó.

⁴³ Téretei, nalo me be demó kale bóe whjrape atima naao bepaee dorowaairaalu, be bopéro betere tipimó hae kąayóló mulaté holóló, naao be bopéro betaalopó.

⁴⁴ Atére tómó atima daane holóló, diąkélé diaaq naale senaalekélé tao sóró haemó hairaalo ai ape. Kane fake me tómó bel-eretei, atéro mulópóló taalaalomeipó. Ti noatepae, Tale Kótóné dią tao saai wale be de diaaq kisipani, hqlaiteinépó," yalepó.

Momatere bemó ɔla dupu du betepa Yesuné hɔkonale fo

(Mat 21:12-17, Mak 11:15-19, Jon 2:13-22)

⁴⁵ Téró, ɔ momatere be bolaare tipi tuɔpaae sókó holalemó, wh̄irapené ɔla ɔla dotonóló dupu du betepa fɔpóló dóló hɔkonalepó.

⁴⁶ Atéró, ama atimapaee duraalu, “Yalo beta, moma maaté yaai tɛnapóló asemó epatei, diaaɔ ai du betere alané ɔlémi wh̄i betere be aɔrótu beterapó,” yalepó.

⁴⁷ Atéró momatere bemó, betere doko fea ama fo yó maleta du betalepó. Tétu betepatei, so wh̄imó momaratere topo wh̄irapekélé, Moses-né asere fo yó matere wh̄irapekélé, so wh̄i kaae tare mepaae wh̄i disirapekélé, fea touyóló, Yesu daaire tɔ kekitu betalepó.

⁴⁸ Téyaletei, atimané ɔ daaire tɔ me kilinipó. Ti noatepae, yó matere fo so wh̄iné wosóló, hosaamó su betaletéiné ɔ daaire tɔkélé kilinipó.

20

Yesupaae yɔ topo wh̄i né sóró beteraleeé yóló wosale fo

(Mat 21:23-37, Mak 11:27-33)

¹ Téró, me sukamó Yesu ɔ momatere be tuamó Kótóné ala etérópóló so wh̄i feapaae yó matere alaró, kale mió wosetere fo wisitamo yó mótu betalepó. Tétu betepa, mo so wh̄imó momaratere wh̄irapekélé, Moses-né asere fo yó matere wh̄irapekélé, mepaae wh̄i disirapekélé, fea touyóló ɔ beterepaae walepó.

² Atéró wóló ɔpaae duraalu, “Naao ai alarape yópóló, yɔ né sóró beteraleeé?” yalepó.

³ Ti fo depa, ama atimapaee duraalu, “Yalokélé diaapaae wosetere fo betɔ i dapa, ɛpaae tokó ɔlae.

⁴ Jon-né wei tópuratere ala ó hepen bemó yae depa yalepó, mo wh̄iné yae depa yaleé?” yalepó.

⁵ Ai fo deremó, wh̄irape atimasisitei fo ɔlaaróló duraalu, “Danétamo, hepen bemó yae depa yalepó depa, ti ɔpaae ama dere fo wosóló kisipa tiki tiratere noatepa deé enérápó.

⁶ Tɛpatei ɔané duraalu, mo wh̄iné yae depa yalepó depa, ti doai wóló betó mole so wh̄iné kapo duné ɔ siróló daalopó. Ti noatepae, jonta so wh̄ipaae yó matere Kótóné ɔlóló wh̄i betaletéi feané kisiparapó,” yalepó.

⁷ Atétepa, atimané ɔpaae duraalu, “Jon-né wei tópuratere ala ɔpaae né yae depa yaleró, ɔ kisipanipó,” yalepó.

⁸ Ai fo depa Yesuné duraalu, “Diaaɔ yalo wosale fo tokó menitepa, ti ɔané ɛpaae wosale fokélé tokó melaalo meipó,” yalepó.

Wh̄i betané ama kutó kaae tanópóló sóró beteratere alapaae dó faróló yale fo

(Mat 21:33-46, Mak 12:1-12)

⁹ Téró Yesuné so wh̄ipaae ai fo deté fóló, me i fo salekélé yalepó. “Wh̄i betané ama kutó diyóló wain képi wae biliyalepó. Atéró, ai kutó mepaae wh̄irapené kaae taru, ɔlumétere ɔla sóró dotonótu betae yóló, ɔ fóló sukamó me be huluapaae bití felepó.

¹⁰ Kale ɔla ɔlumétépa sere alimó, kale kutó talené ama kutó diratere wh̄jókó betɔpaae duraalu, yɔ kutó kaae tare wh̄i beterepaae mepaae ɔlumére ɔlakó serɔle fae yóló dotɛyalepó. Téyaletei, kutó kaae tare wh̄irapené ɔ du betéró, ɔle fɔpóló dotɛyalepó.

¹¹ Téró, kale dere kaae ama kutó diratere wh̄i me dotɛyalepó. Téyaletei, ai wh̄ikélé atimané dóló susupuróló, haletamo ɔle fɔpóló dotɛyalepó.

¹² Atéró, kale dere kaae sore dakoróló wh̄i memo dotɛyalepó. Téyaletei, ai wh̄ikélé atimané du betéró samea sókó faróló, belapaae sóró taae deralepó.

¹³ Téró, kale wain képi kutó talené duraalu, ‘Mió yalo noa alakó yaaloé? Yalo yaala sókó fóló hosaa turó mole naale betɔ atima beterepaae dotonatepa, atimané ɔ mo wisiyóló dape sóró, ama dere fo wosaalopóló kisipatu, dotɛyalepó,’ yalepó.

¹⁴ Téyaletei, kale kutó diratere wh̄irapené ɔ wale kolóló, atimasisitei fo dokóló duraalu, ‘Aita, i kutó talené ama naalepó. Alima sinitepa, i kutóró mepaae mómu ɔla ɔlatamo fea ama saɔsóró, ɔ saairɔalu, ɔ daalopa siépe,’ yalepó.

¹⁵ Atéró, atimané ɔ kale wain képi kutó tuamó sóró belapaae taae deróló mo ti dalepó. Atétepa, kutó tale wóló atimapaee noa alakó eraaloé?

¹⁶ Kale kutó diratere wh̄irape mo ti dóló sukunóló, ai kutó mepaae wh̄irapené kaae tawópóló melaalopó,” yalepó.

Tétepa, aimó betó mole mo so wh̄i feané ai dere fo wosóló duraalu, “Aita enénire alatei dapó,” yalepó.

¹⁷ Téró, Yesuné kelené kiké yóló kaae taru atimapaee wosuturaalu, “Kótóné fo tuamó, ‘Mepaae be tɛtere wh̄irapené taae farale kane faketei, sóró be hulua eleké wisinaale botokoróló deyaalo ai ape,’ yóló asemó ere fo-a, noa betené yaleé?

¹⁸ Téyaalotei, mepaae so wh̄i de ai kapo fake tómó kotóo sóró dée nukupa, ti ama tiki turukó fóló doalé maaté yaalo ai ape. Téyaalotei, ai kale kapo dokó dorowouraaalu

tejiya dere so wh̄ita, mo ti derakó fóló muualo ai ape,” yalepó.

¹⁹ Tétepa, Moses-né asere fo yó matere wh̄iraperó mo so wh̄imó momaraterere topo wh̄irapetamoné ama ai yale fo saleta, atimapaetóró dapóló aimótóró tawóló daai yaletei, ai touró betere so wh̄iné atimapaee me ala eraqsóró, witepa taaralepó.

Sisapaae takis moni melaróe yóló wosale fo

(Mat 22:15-22, Mak 12:13-17)

²⁰ Atétepa, atimané Yesuné me alakó h̄asókó fóló déró kelaai, mepaae wh̄irape mo ala dere wh̄i aoyóló kikití kaae tawóló beterópóló, mepaae wh̄irape doteyalepó. Aita h̄ale mei, ą h̄asókó fóló, ama i fo mo depa wosalepóló, Rom *Gavman* topo wh̄iné naase tuąmó mulale faai kisipa mutu yalepó.

²¹ Atétepa, kale wh̄irapené ąpaae wose-turaalu, “Yó matere wh̄i-ó, naao dere foró so wh̄ipaae yó matere alatamota, mo dono dapó. Naao fake so wh̄i maaté taosuraalu, mo so wh̄i sisópaae erótumipó. Naaota, Kótóné tuę mole alatóró mo dono yó mótu berteretei ąané kisiparapó.

²² Ti ąané *takis moni* Sisapaae materetei-a, donórepe meię?” yalepó.

²³⁻²⁴ Atimané ą só deraai dere ala ama kolóló, atimapaee duraalu, “Ai *denarias moni* ąllo kelaalopa ępaae yó ąlae yóló matepa tao sóró duraalu, *moni* tó mó i mole asoró doitamo-a né?” yalepó.

²⁵ Ti fo depa, atimané duraalu, “Sisanépó,” yalepó. Tétepa ama duraalu, “Sisané ąlpa, ti Sisapaae melae. Kótóné ąla ti Kótópaae melae,” yalepó.

²⁶ Atéroró, Yesu so wh̄i feané keletomé me alakó h̄asókó fuléro kelaai sų saletei, ą h̄asókókélé feni, ama atimapaee fesaayóló dere fomó, atima hokomó sókó furaalu fokélé tekini, siratei du betalepó.

Sinale wh̄i kepaayóló so dokaaloé yóló wosale fo

(Mat 22:23-33, Mak 12:18-27)

²⁷ Mepaae sukále so wh̄i kepaayaalo meipó, du betere Sadyusi fakekó mepaae wh̄irapetamo Yesupaae wosetere fo yaai walepó.

²⁸ Atéroró duraalu, “Yó matere wh̄i-ó, wh̄i betą so dokaletai, naale senaalekélé deni h̄ale sinitepa, noma me wh̄iné ai so wulia dokóló naale detepa, ti ai naale noma sukále wh̄i betale sirimó beterópóló yae fo Moses-né asemó ąpaae erapó,” yalepó.

²⁹ “Take weikeró nomarape berterepó. Atéroró bitu, topo wh̄i so dokaletai, ai sotamo naale deni, ą h̄ale sinalepó.

³⁰ Atéroró sukutepa, kale so wulia noma me wh̄inémo dokalemó, ai wh̄ikélé naale deni, h̄ale sukálepó.

³¹⁻³² Nomarape fea até deté fóló, nalo mo kemerótu noma awą taalu wh̄iné dokaletai, ąkélé h̄ale sukálepó. Atéroró mo ti kemeróturaalu, kale sokélé sukálepó.

³³ Atéroró, weikeró wh̄irapené dokale so take kepaayóló wale sukamó, mé wh̄iné dokaaloé?” yalepó.

³⁴ Ti fo depa Yesuné atimapaee duraalu, “Mió i alimó bitu, wh̄i so dokóo, so wh̄itamó fóo, du berterepó.

³⁵ Tétu betepatei, sukále so wh̄i momó kepaayóló betaaire alimó atéroró wh̄i so dokotere alakélé, so wh̄itamó berteratere alakélé, sinitere alakélé ini, hepen bemó betere *ensel* kaae betaalo ai ape.

³⁶ Téturaalu, atima kepaaró betere naale senaale ereteiné Kótóné ama naale senaaletóró betaalopó.

³⁷ Ni sesapemó duku betere si mi dolomó yale fo Moses-né aserapó. Ata, Abraham, Aisak, Jekop-sépi fea ąteróló kaae tare Kótó berterepó. Atéroró foné sukále so wh̄i aluni, kepaayóló berterapóló, h̄akeamó yó matapó.

³⁸ Ti ąta, sukále so wh̄i maaté ąteróló kaae tanitei, mo betere so wh̄ikélé ąteróló kaae tare Kótó berterepó. Ti noatepae, sukále so wh̄ikélé, betere so wh̄ikélé, fea amatóró berteró berterapó,” yalepó.

³⁹ Moses-né asere fo yó matere wh̄irape mepaaené ąpaae tokó mótu duraalu, “Yó matere wh̄i-ó! naao dere fota, mo dono dapó,” yalepó.

⁴⁰ Téyaletei, ama ai yale foné atima haleturaalu, wh̄i betąnékélé ąpaae me wosetere fo inipó.

So wh̄i ąteróló kaae tare wh̄i-a né naaleé yale fo

(Mat 22:41-46, Mak 12:35-37)

⁴¹ Téroró, Yesuné atimapaee duraalu, “Kótóné so wh̄i ąteróló kaae tare wh̄i Kerisota, Depit-né naalepó du betere-a noa fo betené de?

⁴²⁻⁴³ Ti ai fo bete Depit-né amatei, h̄akearóló *buk* Sam-mó aseýóló muló berterepó.

‘Talené ę ąteróló kaae tare Talepaae duraalu, “Yąlo naao bóe wh̄irape tétéi aleróló, naao hó aqmó beteraalopa, kaae tawóló ąllo turu naase ąemó betae,” erapó.

⁴⁴ Ti Depit-né ą ąteróló kaae tare Tale-ó du betaleteimo, ama naalepó, fo neteró yaleé?” yalepó.

⁴⁵ Téroró, aimó betó mole so wh̄i feané ama yó mótu betere fo wosetu betepatei, Yesu ą ama yó matere wh̄irape daalepaae fetée fóló duraalu, “Moses-né asere fo yó matere wh̄irapené dere alané dią doraqsóró mo wisiyóló kaae tawae.

⁴⁶ Ti atimata, so wh̄i feané doasi wh̄i-ó yóló, dukiraterere kokqmó so wh̄i fea

touraleta dere tikipaae faairaalu, mo fołoi kuti wisimaate deróló dua yóo, Kótóné fo wosetere be dolopaae fukélé, mo wisi tikimótóró betaai hekesse dua yóo, ɔla detere sukamókélé, topo whjrape bitua betere tikimó, betaai ekele yóo, dua dapó.

⁴⁷ Téturaalu, kale wulia sorapekélé di-liklóló atimané ɔla ɔla fea ɔlémi sóo, moma duraalukélé, so whjné dukiraterere kokomó foło sɔyóló yóo, dua dapó. Take kemetere sukamó atétere whjrapené saaire kwiata, mepaae so whjné saaire sekę bosenóló, mo doasi saalo ai ape,” yalepó.

21

*Wulia soné moni ke derale wale fo
(Mak 12:41-44)*

¹ Téro Yesu ą momatere bemó bitu kaae taremó, mepaae néli whjné Kótópaae hałe matere *moni* deratere dolopaae dekéro deraleta du betalepó.

² Atétepa kelalemó, betą yoleale wulia sonékélé sonaai *moni* ke belekąamale tamo derałe walepó.

³ Atétepa ama duraalu, “Yalo diąpaae mo i dere ape. I yolealere wulia soné derałe *moni* kené so whj feané derałe *moni* taaróló, mo bosene falapó.

⁴ Ti noatepae, so whj feanéta doakale *moni* mupatei, téti maate deraleta yalepó. Téyaletei i wulia sonéta, ama depe dolo sesé mole *moni* ketei, mo ti kemeróló derałe walepó,” yalepó.

*Sąró haetamo kemeyaa i deremó eratere
fareyópu*

(Mat 24:1-35, Mak 13:1-31)

⁵ Téro, mepaae ama yó matere whjrape atima furaalu, “Mepaae so whjné Kótópaae hałe matere ɔla ɔlaró kapo fake wisitamóné momatere be wisinaale teyale tikimó kokoné sininó beterała kela,” yalepó.

⁶ Tétepa, Yesuné atimapaee duraalu, “Diaaą mió i keleterere ɔla ɔla feata, take waaire sukamó me kapotamo atéro wolekapa kelaalomeitei, fea fisikó fóló, haemó kolokó doropóló mupa kelaalo ai ape,” yalepó.

⁷ Ti fo depa atimané ąpaae woseturaalu, “Yó matere whj-ó, ai alarape-a noa sukamó yaaloé? Noa kaae fareyópu eratepa, kolóló kisipa muaaloé?” yalepó.

⁸ Ai fo depa Yesuné duraalu, “ Mepaae whjné kapala fo yóló dią dilikaąsóró, mo hotowa yóló kaae tawae. Ti noatepae, mepaae dilikitere whjrape wouraalu yalo doi yóló, ‘Kale waalopó du betere whj ętórótipó. Ali mió felekemó walapó,’ depa mo nisyóló sya faąse.

⁹ Doasi bóe dele alaró mepaae whjrape atimané hae tiki atimatei tetéróló kaae tawaairaalu, *Gavman* whjtamó bóe du beterałó dere fo wosóló wiyaąse. Ti

noatepae, folosóró ai alarape mo yaalotei, kemeyaaire ali folo sókó waalomeipó,” yalepó.

¹⁰ Téro atimapaee duraalu, “Me hae kwiamó betó mole so whjro me hae kwiamó betó mole so whjtamó bóe dóo, me hae kwia tetéróló kaae tare topo whjrapero me hae kwia tetéróló kaae tare topo whjrapetamo bóe dóo, yaalo ai ape.

¹¹ Atéturaalu, hae kwia feamó doakale bao dere alakélé, doasi sekę alakélé, wotetere aliró hepo alitamokélé waalopó. Téturaalu, so whj mo doa winé sinóló diri furu furu yaaire alaró me ala yaairemó dere fareyóputamo sąmó eratepa, diaaą kelaalopó.

¹² Ai alarape yaaiter folosóró, mepaae whjné dią dóló susupuróló, fo wosetere berapepaae dapesó fóló, *dipula* beteraalo ai ape. Atéro, dią doasi topo whjrapero *Gavman* whjrapetamo beterepaae dapesó faalopó. Dią yalo ala erótú betere mó bóe duraalu ai alarape yaalopó.

¹³ Atétere alané yalo yó melale alarape atimané keletómó yó melóplóló, dią te ai mulatere ape.

¹⁴ Atimané dią só deraairaalu, fotokoiné depa dią noa fo yaaloé, yóló whaalaa yaąse.

¹⁵ Ti noatepae, ai ala deretamo yalo diąpaae kisipa tiki dotoróę fole alaró atimané dere fo tokó melaaire fotamo yó melaalo ai ape. Diąné ai fo depa woseturaalu, dią só deraaitere whjrape folópu kolokó fóló, mo betą whjnékélé me tokó matere alakélé yaalomeipó.

¹⁶ Diaaą hae aya ó norape ó fake whjrape ó fulumo whjrapenkélé, dią dóplóló eleké deyaalo ai ape. Téturaalu, dią mepaae whjrape atimané mo ti dóló sukunaalopó.

¹⁷ Atétu, so whj mo feané diątamó bóe dóló, dią hóraalo ai ape. Ti atétere alata, atimané ę hórótú diąkélé ai hóraterere ape.

¹⁸ Téyaalotei, diaaą topo niki mo betąkókélé aluyaalo meipó.

¹⁹ Dią mo ti betaaire bete saairaalu, mo diriyóló betae.

²⁰ Diaaą keleralemó, Jerusalem be hulua bóe whjrapené bopéro betepa kilituraalu, kale be hulua mió mo felekemó dóló wópu mullaai dapóló, kisipa muae.

²¹ Atétere sukamó, Judia hae kwiamó betó mole so whj dią ti du sorokó molepaae botokó fóo, mepaae doasi be hulua tuąmó betó mole so whj dią ai be hulua taaróló fóo, mepaae ai hae kwiamó betóló fale so whjnékélé ai doasi be hulua tuąpaae faąsóró yae.

²² Ti atétere alimó yaaire alata hałe meipó. I haemó betóló fale so whjné yale alamó Kótóné kwia móturaalu, doasi sekę ala eraalopóló, asemó ere fo dokonóturaalu, mo eraalo ape.

²³ Ti aita, Kótóné i hae kwia feamó betó mole so whítamo doasi fopaae buturaalu, só ai deratere ape. Atétere be demó mepaae naale ere soraperó, naale teó awá nuku betere sorapetamo betá kóléó, mo doasi sekej ala saalo ai ape.

²⁴ Téturaalu, atima mepaae ti bóe dele sep-akené dóló kemeróo, mepaae so whí ti hae kwia feapaae *dipula* sóró dapo dapo yóo, yaalopó. Tétu, Jerusaleme be mo ti doróló torokó faróló, Juda meire fake atimané teteróló kaae taté fóló, Kótóné ðale muló betere kwiamó sókó fupa, ti kemeyaalo ai ape.

²⁵ Atéturaalu, sámó daale sukanékélé, hq̄rerapenékélé, wéliénékélé, kae kae alarape depa kolóo, doasi wej kela whaaui yóló holóo yaalopó. Atétere ala i hae kwia feamó betó mole so whíné kilitu, noa ala du derópóló hosaa wej wej yóló wiyaalopó.

²⁶ I hae kwia feamó betó mole so whíné ó sá wore duraalu, hq̄rerape torokó dorowale kilitu, i haemó noa ala du derópóló, doasi winé sukāalopó. Tétu, diri furu furu yóló be fesaetamo du dere kaae yaalo ai ape.

²⁷ Ai alarape yóló kemetepa, kale Whíné Naalema ó sáko dolomó doasi bole fotokoró mo kae ere ðe wisinaaletamo hakeamó wapa kelaalopó.

²⁸ Ai alarape kaae sóró depa kilitu, aluyaqsóró Kótóné ama dupure so whí mo felekemó dapesene walapóló kisipa mutu, hajtamo turukó holóló daae muae.

²⁹ Atéroró, ama atimapaee i fo sale yalepó. Ti daale ni noseró mepaae nirapetamoné ere ala diaaq kolóló kisipa muae?

³⁰ Nirape sóku fóló, tokó momó beletepa kilituraalu, kale ba fo ali mió mo felekemó ai sókó wale ape dua dapó.

³¹ Atei alarape kaae depa diaaq kilitu, Kótóné teteróló kaae tare ala mió mo felekemó walapóló kisipa muae.

³² Yálo diāpaae mo i dere ape. Mió i alimó betó mole so whí sukuni hāle betepatei, i alarape folosóró yaalo ai ape.

³³ Sáró i haetamo kemeyaalotei, yálo fo betá mo kemekélé ini, hāle muó tawaalopó.

³⁴ Diā wej nóló topo dotere alané diaaq tiki ó naao dere ala hāle ɔla kaae taae fatereteikélé, ó i haemó whaaliatu betere alakélé, diāne hosaa tuamó sekené sinitere alakélé du betepa, i be ðe sókó wouraaui yá hemó duku dere kaae yaqsóró, mo hotowaró kaae tawae.

³⁵ Ti noatepae, ai yaaire alarapeta, i hae kwiamó betó mole so whí mo feapaae waalo ai ape.

³⁶ Kale Whíné Naalema betere tikimó diākéle betaalopó. Téyaalopa, ai alarapené diā só deraqsóró, betere dokó fea hotowayóló kaae taru, momatere ala yó tawae,” yalepó.

³⁷ Atéroró, Yesu á suka fea ai momatere bemó Talené ala etérapóló yó melóló, be kuluka deretamo á *Olip* du sorokó molepaae fini fi wuatu betalepó.

³⁸ Atei ala du betepa, so whí fea mo hĵkatitei turukó holóló Yesuné momatere bemó yó mótu betere fo wosaai wua yalepó.

22

Judas-né Yesu eleké deale fo

(*Mat 26:1-5, 14-16, Mak 14:1-2, 10-11, Jon 11:45-53*)

¹ Kale bosene fele be ðe kisipa mutu, fopei *bred* o deyóló nokole be ðe felekemó sókó waaui depa etéyalepó.

² So whímó momaratere topo whĵraperó Moses-né asere fo yó matere whĵrapetamo so whíné kapo duné siróló daqsóró witu-raalu, Yesu kikití daaire tĵ kekitu betalepó.

³ Téró, atima 12 yó matere whĵrapekó betá whíné doi Judas Iskariot tuāpaae dowi Sattan bitĵ walepó.

⁴ Tétepa kale Judas á fóló, mo so whímó momaratere topo whĵraperó momatere be kaae tare diki tare whĵrapené topo whĵrapetamo betó molepaae felepó. Téró Yesu dōpóló netéroró eleké deyaaloé? yóló, fo dokaai felepó.

⁵ Atéroró, fo dokóló kemetepa, hekesse duraalu *moni*-né á dupuyaalopó, yóló mulalepó.

⁶ Atéroró, Judas-né wisirapó depa, so whĵ touróló bitinitere sukamó Yesu dōpóló naase tuāpaae mulaaire tĵ kekitu betalepó.

Yesu ama yó matere whĵrapetamo siki bemó bitu ɔla nale fo

(*Mat 26:17-30, Mak 14:12-26, Jon 13:21-30, 1Korin 11:23-25*)

⁷ Kale bosene fele be ðe kisipa mutu, fopei *bred* o deyóló nokole be demó betá *sipsip* hupu male dóló, Talepaae simó sukūlaa daróló melaaire be ðe sókó walepó.

⁸ Téró, Yesuné Pitaro Jon-tamo dotonaai duraalu, “Diaamo fóló, kale bosene fele be demó deyóló naaire ɔlakó taleyóló mulaaui fae,” yalepó.

⁹ Ti fo depa atimaamoné apaae wose-turaalu, “Naao kisanané ai ɔla-a, ðamoné momó taleyóló mulōpóló de?” yalepó.

¹⁰ Ai fo depa ama duraalu, “Diaamo ai be hulua tuamó sókó feĵalemé, whĵ betá wej wuti beleyóló tumó diaamotamo hokolaa yaalo ai ape. Téyaalopa á sya fóló, fole be dolopaae diaamokélé buó deyae.

¹¹ Téró, ai be talepaae etei fo yae. Yó matere whíné yapaae duraalu, “Yálo yó matere whĵrapetamo bosene fele be demó, ɔla deyóló naaire be kekó momó donoróló muló betere?” yóló, wosaai yalepó,” yalepó.

¹² Aténalemó, ama diaamopaae oté taoró doasi be ke yó melaalo ai ape. Ai be

ke dolomó betaaire ni fake ó mepaae ɔla ɔlakélé fea sumó donoróló muló betepa ke-laalo ai ape.

¹³ Atétepa atimaamo fóló kelalemó, Yesuné yale fo motóró epa kelalepó. Atéró bituraalu, kale bosene fele be demó atimané deyóló naaire ɔla aimó donoróló mulalepó.

¹⁴ Atéró, kale ɔla naaire suka kele sókó wapa, Yesuné yale fotóró mo epa kelalepó. Atéró *apose*l whjrapetamo ɔla nokole ni fake tómó booperó bitu ɔla nuku beterepó.

¹⁵ Atéru, ama atimapaee duraalu, “E doasi seke saaire ala feleke depa, kale bosene fele be demó detere ɔla ɔ betámó nokoletéine é mo doasi hekesé dapó.

¹⁶ Ti yało diappaee i dere ape. I bosene fele be demó detere ɔla é néli hałe bitiré fóló, Kótóné teteróló kaae tare aqmó mió i ɔla detere ala bete dokonatepa, ti momó naalo ai ape,” yalepó.

¹⁷ Atéró, Yesuné *kap* wuti sóró taru, Tale Kótópaee mo kée yalepó. Atéró mótu, Yesuné atimapaee duraalu, “I matere weı tao sóró, dią fea nósú deté fóló, kemerae.

¹⁸ Ti yało diappaee mo i dere ape. Mió i nokole *wain* képi weı momó kaae néli hałe bitiré fóló, Tale Kótóné teteróló kaae tare ala sókó wale sukamó momó naalópó,” yalepó.

¹⁹ Téró, ama *bred* o bula tao sóró Kótópaee mo kée yóló, terekée daalu yóló anirótu duraalu, “Ita, yało tiki diámó i matere ape. Térapa, diąné é kisipa muóló nukulé fu be-tae,” yalepó.

²⁰ Atéró, atima ɔla nóló kemetepa, kale yale kaae weı wuti tao sóró taru duraalu, “I *wain* weıta, Kótóné ama so whj tao saalópóló, kisi yóló mulale fo diriróturaalu, dią tao saai sunée farale yało sameapó.

²¹ Téretei, i ni fake tómó ɔtamo betámó ɔla nuku betere whjnétei, é dópóló eleké deyaalópó.

²² Téyaalotei, Whjiné Naalema i ala yópólópó yóló, Kótóné tukóló muló betere fo mo dokonóturaalu eraalo ai ape. Téyaalotei, Whjiné Naalema dópóló eleké deyaaire whj betá mo doasi sekeı ala saaireteine kolerapó,” yalepó.

²³ Ti fo depa, ai ala-a né yaai dée yóló, atimasisitei u wosene i wosene du betalepó.

²⁴ Atéró kale dere kaae, ama yó matere whjrape atimasisi doasi topo whj-a, de be-taai dée yóló fonétei alale su betalepó.

²⁵ Tétepa Yesuné atimapaee duraalu, “Kale Juda meire fake teteróló kaae tare topo whjrapenémo so whj teteróló kaae tanópóló, sóró beteró betere whjrapeta doasi néli whj bitu, so whj fea tao sóró wisi ala erótu betere whjrapepó dua dapó.

²⁶ Tépatei, dią ateı kaae ala ini, dią tuqmótamo doasi topo whj betepa, ti mo

ketei kaae betóo, dią teteróló kaae tare topo whj ti kutó diratere whj kaae betóo yae.

²⁷ Ti noatepae, ɔla deyóló nokole sukamó doasi doi mole whjrapené noa ala dua de? Ti atima doasi whjrape ni fake tómó bitu, ɔla maaté nuku beterepé, kutó diratere whj kaae bitu, ɔla biliyóló maleta dua de? Meipó. Ai doasi doi mole whjrape atima ai ala dumi, ni fake tómó bituraalu, ɔla maaté nukua dapó. Tépatei, ɔta dią feané kutó diratere whj kaae beterepó.

²⁸ Diąta, ɔpaee sekeı ala wou betepatei é taaróló botokó feni, ɔtamo betámó bitiré walepó.

²⁹ So whj teteróló kaae tanópóló yało Ayané é sóró beterótu yale kaae, yałokélé dią so whj teteróló kaae tanópóló, sóró beterepó.

³⁰ Até dapa, yało teteróló kaae tare ala tuqmó ni fake tómó bitu, ɔla nóló, weı nóló du betaalópó. Atéturaalu, doasi topo whj betere tikimó bitu, 12 Israel fakerapetamo diaafo fo tokóló tale yaasepóló, sóró beterepó.

Pitané yaaire alamó Yesuné yale fo (Mat 26:31-35, Mak 14:27-31, Jon 13:36-38)

³¹ Saimon, Saimon-ó, yało yaapaee i dere fo wosae. Mepaae so whjiné *whit* ke buléró kelaai fumi sukutu dere kaae, ya tuqmó noa alakó muléró kaae kelaairaaalu, Satané yaapaee wosene walepó.

³² Téyaletei Saimon-ó, naao kisipa tiki tiró betere ala taaróló haepaee derepaasóro, yało yaámó momaralepó. Naao kisipa tiki feteyóló, ya é beterepaee momó wapata, ti naao norape tao sóró fotokó bulaasepé,” yalepó.

³³ Tétepa Pitané ɔpaee duraalu, “Tale-ó, ya *dipula* beterepata ti ɔkélé wusuró beteroó, sukutepakélé ti wusurótóro sukó enérápó,” yalepó.

³⁴ Ai fo depa Yesuné duraalu, “Pita-ó, yało yaapaee i dere ape. Mió i be demó wa *kakaruk* bané hale yaaipatei, naao é kisipani-pó fo sore félimó yaalo ai ape,” yalepó.

³⁵ Téró, Yesuné atimapaee woseturaalu, “Yało dią dotonale sukamó *moni* butere be ó hleke be ó me ɔlakélé sóró fae ini, hałe fópóló doteyalepó. Téyaletei, dią me ɔlakó mei yaleé?” depa atimané duraalu, “Meipó,” yalepó.

³⁶ Ai fo depa, ama atimapaee duraalu, “Mió diaafo *moni* detere be mupa sóo, yokélé sóo yae. Bóe dele sepakekótamo munipa, ti diaafo tómó deró betere kuti sokóló, me whjtaamo dotonóló sepake betákó dupuyae.

³⁷ Ti noatepae, i fo aseýóló muló beterepó. Dowi ala dere whjrape dosąaturaalu, ąkélé touróló dosąayalepó. Yało diappaee i dere

ape. Ai ere fo dokonóturaalu épaae mo eraalopó. Mo dapó. Émó kisipa muturaalu, Kótóné kóló wh̄irapené asemó ere forape fea dokonóló épaae motóró eraalo ai ape,” yalepó.

³⁸ Téro, ama yó matere wh̄irapené ápaae duraalu, “Tale-ó, dāné bōe dele sepake tamo i tarapa kelere?” depa, ama duraalu, “Ai supó,” yalepó.

*Yesu Olip dumó daalu moma yale fo
(Mat 26:36-46, Mak 14:32-42)*

³⁹ Atéro, Yesu á belapaae sókó doropóló ama dua dere kaae, *Olip* du sokorepaae fupa, ama yó matere wh̄irapekélé, á sya felepó.

⁴⁰ Atéro, aimó sókó fóló, ama atimapaae duraalu, “Sū sere alané diā dowi alamó dée nalaqsórópa, Talepaae momatu betae,” yalepó.

⁴¹ Atéro, á atima daale tiki sawa taaróló fóló, bukutiri teyaró bituraalu momayalepó.

⁴² Ama i moma yalepó. “Aya-ó, naao kisipané épaae i waaire sekei ala waqsóro sesé yaai depa ti té yae. Yało kisipané enére ala yaalomeipa, naao yaai kisipa mole ala betá erae,” yalepó.

⁴³ Atétepa, ó hepen bemó betere *ensel* betá dorowóló á tao sóró fotokó bulalepó.

⁴⁴ Atéro, Yesuné ama hosaa tuámó mo doa sekené sinitapa, Alimapaae mo fotokó moma yalepó. Atéturaalu, ama tikimó fosono doasi fáke kaae dorowóló, haepaae fu betalepó.

⁴⁵ Atéro momayóló kemetepa, á turukó holóló ama yó matere wh̄irape beterepaae momó fesaae fóló kelalemó, atima dekené sukuturaalu fotokókélé meiyóló, noke foposaa yó molepó.

⁴⁶ Atépa ama atimapaae duraalu, “Diā noatepa, noke foposaa yó mule? Sū sere alané diā álisóro fóló, dowi alapaae só de-raqsóro, turukó holóló Talepaae momatu betae,” yalepó.

Judas-né Yesu bōe wh̄iné naase tuapaae mulale fo

(Mat 26:47-56, Mak 14:43-50, Jon 18:3-11)

⁴⁷ Ama fo kemeni hále du betepatei, so wh̄i mo hále ọla kaae walepó. Kale yó matepa wosetere 12 wh̄irapekó betá wh̄i Judas-né Yesu kóló tukó naai, á daale felekepaae walepó.

⁴⁸ Téyaletei, Yesuné ápaae duraalu, “Judas-ó, kale Wh̄iné Naalema dǒpóló, eleké deyóló kóló tukó naai wou de?” yalepó.

⁴⁹ Até yaaire ala, Yesuné ama yó matere wh̄irapené kolóló ápaae duraalu, “Tale-ó, dāné i tare sepakerapené deyaróe?” yalepó.

⁵⁰ Téro, atimakó betá wh̄iné mo so wh̄imó momaratero doasi topo wh̄iné kutó diratero wh̄iné tururó woséli sáae deralepó.

⁵¹ Tétepa Yesuné duraalu, “Ai ala me momókó yaqse!” yalepó. Atéro, Yesuné kale wh̄iné woséli ama ere kaae eralepó.

⁵² Téro, Yesuné mo so wh̄imó momaratero doasi topo wh̄irapekélé, momatere be kaae tare wh̄irapené topo wh̄irapekélé, wh̄i disirapekélé fea woló, á tawaaai boperóló daae molepó. Atépa ama duraalu, “Diaaq éta, i hae kwia tetéroló kaae tare doasi topo wh̄irapené kaae tare alarape fasó saai, bōe daai álisóro fole wh̄ipóló, sepakeró nópulutamo tao diliki yóló, é tawaaai wou de?”

⁵³ Take é diātamo momatere be tuámó bitua yaletei, diaaq é daai tanípó. Ténitei, mióta, dilikire alané tetéroló kaae tapa, diaaq yaaitere ala yǒpóló, tukóló muló betere sukakelemó dapó,” yalepó.

Pitané Yesu tuénipó yale fo

(Mat 26:57-58, 69-75, Mak 14:53-54, 66-72, Jon 18:12-18, 25-27)

⁵⁴ Téro, atimané á tawóló so wh̄imó momaratero topo wh̄iné bepaae dapesó felepó. Atétepa, Pitakélé Yesu sya nalo taeta deté fu betalepó.

⁵⁵ Téyaletei, ai momatere be bolaare dopóku tuā dolomó si noke yóló, atima fea simó boperóló betó mupa, Pitakélé atimatamo beterepó.

⁵⁶ Atéro á simó beteremó, kutó diratero so seimale betané kolóló, mo ti kikéyóló kaae taru duraalu, “I sekéta, Yesutamo betámó kwéale wh̄ikópó,” yalepó.

⁵⁷ Ai fo depa Pitané duraalu, “Ti senaale-ó, naao ai bope dere wh̄ita é mo tuékélé inipó,” yalepó.

⁵⁸ Atéro sawa beteró, wh̄i me kaené á kolóló duraalu, “Yákélé atimatamo kwéale wh̄ikóe?” depa, Pitané duraalu, “Ai wh̄ita é meipó,” yalepó.

⁵⁹ Atéro, suka kele betá kemetepa kale dere kaae, wh̄i menémo duraalu, “I sekéta, Yesutamo betámó kwéale wh̄ikó irurapó. Ti ákélé Kaleli wh̄itóro mo h̄itipó,” yalepó.

⁶⁰ Ti fo depa, Pitané duraalu, “Diaaq ai bope dere wh̄ita, demó déro é tuénipó,” yalepó. Ai fo deretamotóró wá *kakaruk* bané hale deremó, ama du betale fo tukó felepó.

⁶¹ Tétepa, Tale á Pita daalepaae fetée wóló, kelené kikéyóló kaae tawalepó. Até deremó, take Talené Pita ápaae *kakaruk* bané hale sore félimó yaaipatei, naao é kisipanipó yaalopó yale fo kisipa muni walepó.

⁶² Atétepa, Pita á belapaae sókó doropóló, mo doa dekené sini wole du betalepó.

*Diki tare wh̄irapené Yesu faleyale fo
(Mat 26:67-68, Mak 14:65)*

⁶³ Atéroró, Yesu botokó faqsóroró, kaae tare whjrapené a doka doka duraalu faletere forape yóló deleta du betalepó.

⁶⁴ Atéroró, ama kelepa a atimané kutiné kinóló dokóló apaae woseturaalu, “Ya né daleé? Ya dale whj dapaee yó alae,” yalepó.

⁶⁵ Atéroró, atimané a faleyóló kae kae dowi forape du betalepó.

Pailat-ró Herot-tamoné Yesutamo fo tekale fo

(Mat 26:59-66, Mak 14:55-64, Jon 18:19-24)

⁶⁶ Atéroró, be teó dețeretamo fo tokóló tale yópóló betero betere whj disirapekélé, mo so whjmó momaraterere doasi topo whjrapekélé, Moses-né asere fo yó matere whjrapekélé, fea betapaae tourale walepó. Atéroró touró bitu, Yesu fo tokóló taleyópóló tale dere whjrape beterepaae dapesó felepó.

⁶⁷ Atéroró atimané duraalu, “Yața, Kótóné so whj tețeróló kaae tare whj Kerisopata, ti dapaee yó alae,” yalepó. Ai fo depa, Yesuné duraalu, “Yało diapaae depa diaaq epaae kisipa tiki tiraalomeipó.

⁶⁸ Yało diapaae mepaae fo wose-nalemókélé, diaaq tokó melaalomeipó.

⁶⁹ Téretei, mo miótóroró kaae sóroró kale Whjné Naalema mo doasi fotokó bole Kótóné turu naase tuamó betaalo ai ape,” yalepó.

⁷⁰ Ai fo depa, atima mo feané apaae woseturaalu, “Ti yața, Kótóné Naalemaé?” depa ama duraalu, “Me kae mei, diaaq mo dono ai dere ape,” yalepó.

⁷¹ Ti fo depa, atimané duraalu, “Me kae noa fokómo depa, wosaai de? Fo feata, ama kólómótóroró sóroró wapa dāné ai wosale ape,” yalepó.

23

Yesu Pailat-né keletómó fo tokóló, filipaa ni tómó olerae yale fo

(Mat 27:1-2, 11-26, Mak 15:1-15, Jon 18:28-19:16)

¹ Téró, atima aimó betó mole whj mo fea turukó horóló, Yesu Pailat beterepaae dapesó felepó.

² Atéroró, atimané a faleyóló só derótu duraalu, “Ai whjnéta, so whj feané Sisapaae *takis moni* melaqsóroró sesé yóló, so whj kópaee alisóroró fu beterapó. Tétu, amatei ața so whj tețeróló kae tare topo whj Kerisopó du betere alané dāné tețeróló kaae tare alarape fea dorótu beterapó,” yalepó.

³ Atétepa, Pailat-né Yesupaae woseturaalu, “Yața, Juda fake so whj tețeróló kaae tare topo whjé?” depa, Yesuné duraalu, “Épó. Naaotóroró dono ai dere ape,” yalepó.

⁴ Téró, Pailat-né Talepaae momaraterere topo whjrapero so whj featamopaae duraalu, “I whj yało kaae kelalemó, fo tokóló a só deraaire bete mekélé mupa kilinipó,” yalepó.

⁵ Tétepa, atimané fo fakeyóló deteraaíné duraalu, “Ai whjné Judia hae kwiamó betó mole so whjpaee yó matere fo wosetu, fo tiki whaa deté fu betalepó. Ama Kaleli hae kwiamó kaae sóroró yó maté wóló, mió ipaae ai sóroró wale ape,” yalepó.

⁶ Ai dere fo wosóló, Pailat-né atimapaee woseturaalu, “Ața, Kaleli whjé?” yalepó.

⁷ Ai fo depa, atimané duraalu, “Ai whjta, Herot-né tețeróló kaae tare hae kwiamó beterapó,” yalepó. Atéyale sukamó Herot akélé ai Jerusalem be huluamó betepa, Pailat-né Yesu Herot beterepaae doteyalepó.

⁸ Téró, Yesu atéroró sóroró wapa kilituraalu, a mo hajné sinalepó. Ti noatepaae, ama mepaae kelemei alarape erótu beterapó deté fole fo woseturaalu, Yesuné kelemei alakó eratepa kelené yóló, kisipa mutu betaletéinépó.

⁹ Atéroró, kale Herot-né apaae kae kae forape woseté feletei, Yesuné fo betakélé tokó menipó.

¹⁰ Atétepa, so whjmó momaraterere doasi topo whjrapero Moses-né asere fo yó matere whjrapetamoné a faleyóló só deratere fo du betalepó.

¹¹ Téró, kale Herot-ró ama diki tare whjrapetamoné a faleyóló duraalu, wisi wisi kuti deróló Pailat beterepaae momó fesaae fópóló dotonalepó.

¹² Upuléta, kale Herot-ró Pailat-tamo bóe dóló betaletéi, mió i ala yale sukamó fulumu whj aleyóló beterepó.

¹³ Atéroró, kale Pailat-né so whjmó momaraterere topo whjrapepaaekélé, so whj tețeróló kaae tare topo whjrapepaaekélé, so whj feapaaekélé ape yalepó.

¹⁴ Atéroró touró betepa, ama atimapaee duraalu, “Diaaq i whjta, take tețeróló kaae tare doasi topo whjrapetamo bóe daai alisóroró fole whjóló, e beterepaae dapesó wapa diaaq keletómó yało a tuamó daaló bitu, me hásókó fele alakó muléro kekalemó meipó.

¹⁵ Herot-nékélé taleyalemó, dowi ala mekélé munipa, ama dapaee ai dotonale ape. I whj mo ti sukópóló dele alata, me noa ala itikimó daai de?

¹⁶ Térapa, yało a fokosó sóroró hāle fópóló doteyaaí dapó,” yalepó.

¹⁸ Atimané mo betā kóló daae fóló fo fakeyóló duraalu, “Ai *dipula* betere whj Barabas dā beterepaae wópóló dotonóturaalu, i seké dóló aluraa,” yalepó.

¹⁹ Ti noatepaae, ai whj Barabas-ta *Gavman* whj betaai dapóló bóe dóló whj dupa, a *dipula* beterepó.

²⁰ Pailat-né ama kisipanéta, Yesu hãle fõpóló dotonaairaa, so whĩpaae momó yalepó.

²¹ Téyaletei, atimané mo doa fo fakeyóló duraalu, “A filipaa ni tómo dóló olerae, a filipaa ni tómo olerae,” du betalepó.

²² Téró, ama sore dakoróló atimapaae duraalu, “I whĩné noa dowi ala yalemó daaloé? I whĩ daaire bete me munipó. Téreteiné, yãlo a dóló susupuróló, hãle fõpóló dotonaai dapó,” yalepó.

²³ Téyaletei, atimané fo fake dekéró yó taru, doasi seyóló duraalu, “A sukõpóló filipaa ni tómo dóló olerae,” yóló, dere foné Pailat-né fokélé só deralepó.

²⁴ Atétepa, Pailat-né kisipanétei taleyóló wisirapa téyae yóló, dotopoi fo du betere so whĩpaae melalepó.

²⁵ Atéró, ama whĩ betã dóo, tẽteróló kaae tare alamó topo whĩrapetamo bóe dóo deremó, *dipula* beterales whĩ hãle fõpóló dotonae yalepó. Téró, Yesupaae atimané kispaa mole ala erõpóló, doasi diki tare whĩrapené naase tuãpaae melalepó.

*Yesu filipaa ni tómo olerale fo
(Mat 27:32-44, Mak 15:21-32, Jon 19:17-27)*

²⁶ Atéró atimané Yesu duóló sóró fu betalemó, Sairin be hulua whĩkó Saimon ipu bemó biti doasi be huluapaae derepaai wou betepa tũ tuãmó hokolaa yalepó. Atéró a tawóló Yesu oleraaire filipaa ni beleróló, Yesuné sisómó fõpóló yalepó.

²⁷ Atétepa, so whĩ mo feané a sya felepó. Atéró, sorape feané sya fu bitu kõlené sinituraalu, mo dekené sukĩ wole fo deté wou betalepó.

²⁸ Até deté wou betepa, Yesu fetée anóló duraalu, “Jerusalem senaalerape-ó, diaaq ẽ wolekesé, diãsisitei wole yóló, diaaq naale senaalekélé wole yae.

²⁹ Ti noatepae, take waaire sukamó diaaq etei fo yaalo ai ape. Mepaae sorape naale senaale deni, hãle ni daale sorapekélé, naale senaale meiyóló hãle betere sorapekélé, naale senaale awã menitere sorapekélé, hãjnë sinóló ai betere ape.

³⁰ “Ai sekeĩ ala wale sukamó atimané i fo yaalopó. “I daae mole ulupaae dukó dorowóló dã tẽirae,” yaalopó.

Du sorokó mole hae durapepaaekélé, kaae dorowóló dã husurãle dere ape yaalopó; erapó.

³¹ Ti kisi daale nipaae atei ala depa, ti selitere nipaae noa kaae sekeĩ ala eraaloé?” yalepó.

³² Kale Rom *Gavman*-né yóló muló betere fo tukóló dowi ala yale whĩ tamokélé aãmamo betãmó dóló oleraai dapesó walepó.

³³ Atéró, atima sókó wale tikiné doita, whĩné topo diripó doi mulapó. A sukõpóló aimó atimané filipaa ni deyóló oleralepó.

Atéró, me whĩ ama turu naase dẽrõ oleróo, me whĩ ama fẽ naase dẽrõ oleróo, yalepó.

³⁴ Atéró Yesuné duraalu, “Aya-ó, ẽ dele whĩrapené saaire dowi ala kwia naao hãle kemerae. Ti noatepae, atimané du betere alarape atima wisiyóló kispipanipó,” yalepó. Atéró, atimané ama kuti taleyóló saairaalu i ala yalepó. Ni fakerape tao sóró fesekée horótua yalemó, me whĩné doi ó siri moletei sókó dorowapa, ai whĩnétóró sua yalepó.

³⁵ Atéró kale so whĩ fea mo tumó kесе aļu yóló daae molepó. Kale tẽteróló kaae tare topo whĩrapené Yesu faletere fo yóló duraalu, “Mepaae whĩ aluyaqsóro ama mo wisiyóló tao sua yaletei, aãmamo Kótóné sókó sóró, betero betere whĩ Kerisopata, ti amatei a tao sõpóló yae,” yalepó.

³⁶ Atéró, kale doasi diki tare whĩrapekélé, a oleró betere tikipaae wóló daae muluraalu, faletu betalepó. Atéró, atimané aãmó betã kãlaa wale *finika wain wẽi* a nae yóló melalepó.

³⁷ Atéró aãpaae duraalu, “Yãtamo Juda so whĩné doasi topo whĩpata, ti yã sinaqsóro naaotei tao sae,” eneta du betalepó.

³⁸ Yesuné ama toporó betere mó oleró betere ašemó i fo erapó.

ITA, JUDA FAKE SO WHĨ TẽTERÓLÓ KAAE TARE DOASI TOPO WHIPÓ.

³⁹ Téró, kale dowi ala du betepa dóló olerale whĩ tamokó betãné a faleyóló duraalu, “Yã Kerisopata, ti naaotei yã taosu dãmokélé tao sae,” yalepó.

⁴⁰ Téyaletei, me fakeró oleró betere whĩné me whĩ foné sóró duraalu, “Dãmó sukutereteita, mo dãmóné yale dowi alamó kwia tokó mótu dereteiné mo donorapó. Téretei i whĩta, me dowi alakélé meipatei, dã fea betã ala yóló sinitapa, yã Kótópaae winié?

⁴¹ Ti noatepae, dãmota dãmóné yale alamó i sinitere ape. Téretei i whĩta, dowi ala mo betãkélé inipatei, hãle dóló oleró beterepó,” yalepó.

⁴² Téró ama duraalu, “Yesu-ó, yã naao tẽteróló kaae tare be tuãpaae furaalu, ẽ kispaae keteraqsẽ,” yalepó.

⁴³ Ti fo depa, Yesuné aãpaae tokó mótu duraalu, “Yãlo yãpaae mo i dere ape. Miótitei, yã ẽtamo mo kokõné sukĩ be wisinaalemó fóló betaalo ai ape,” yalepó.

*Yesu sinale fo
(Mat 27:45-56, Mak 15:33-41, Jon 19:28-30)*

⁴⁴ Atéró suka tuãmó daapatei, hae kwia fea diki yalepó. Atéró dikipatei bitiré fóló, 3 *kilok* suka tó daane folepaae kemeyalepó.

⁴⁵ Ti noatepae, sukané dẽ sukãleteiné, diki yó tawalepó. Talepaae momaraterere be satãleróló oleró betere kuti ama hãletei

tuamótóro teketé doropóló, haepaae sóko deralepó.

⁴⁶ Atétepa, Yesuné fo fakeyóló duraalu, “Aya-ó, yalo kepe bete naao kaae tawasepóló, ya tuapaae i mulatere ape,” yalepó. Atéro ama ai fo yóló kemetepa, ama fomo sóko fóló a sukalepó.

⁴⁷ Atétepa, kale diki tare whirapené topo whiné ai yale ala kolóló, Kótóné doi hale sóro horótu duraalu, “Mo dapó, ita mo whi wisinaale ai sukirapó,” yalepó.

⁴⁸ Atéro, betapaae touró betere so whiné kelale alarape atima bepaee momó fesaae furaalu, naao téyae yóló dekené sinité fu betalepó.

⁴⁹ Téyaletei, mepaae a kisipare whiraperó aatamo Kaleli haemó betamó betóló wale sorapetamo atima mo tumó daae mulu, ai dere alarape kaae dilikiyóló yó molepó.

Yesu dourale fo

(Mat 27:57-61, Mak 15:42-47, Jon 19:38-42)

⁵⁰ Atéro ai Judia hae tuamó tene Arimatea be whíko Josep beterepó. Aa, mo whi wisinaale naameyóló dua betepa, Judia hae kwiamó betó mole so whi hasóko fupa fo tokóló taleyópoló sóro beteró betere whípó.

⁵¹ Ai sekéneta, mo whiné dere alaró mo tikiné dere alatamomó ama mo wisirapó kisipa mutumipó. Aa, Judia hae kwiamó tene Arimatea be huluamó walepó. Téru, a Kótóné teteróló kaae tare aomó mole ala wópóló kaae tawóló beterepó.

⁵² Atéro, kale whi a Yesuné tiki saaitapóló Pailat-paae wosene felepó.

⁵³ Téro, kale whiné Yesuné tiki tokóló muló bituraalu, mo dei kutiné bopeyóló whi betakélé munénire kapo dolomó mulalepó.

⁵⁴ Atima sãa naai tukóló muló betere be de dótóro sóko waai depa, ɔla ɔla donoróló mulatere be demó ai alarape yalepó.

⁵⁵ Atéro, mepaae Kaleli hae kwiamó Yesutamo wale sorape Josep-né Yesuné tiki moolaai fupa, neyóló mulatéro kelaairaaalu, atima Josep sãa felepó.

⁵⁶ Téro, atimané bepaee fóló kale felé kɛlaa wale fetera kaae ɔlaró felé kɛlaa wale wel weitamó taleyóló munalepó. Téyaletei, kale yóló muló betere fo tikinépa, Talepaae moma yaai dapóló tukóló munale sukamó sãa nóló betalepó.

24

Yesu kepaayóló fele fo

¹ Fula kaae sere be demó, mo hikati kale sorapené felé kɛlaa wale ɔlarape sisóló whi mulale dou tópaee felepó.

² Atéro atima fóló kelalemó, whi dou tu kinale kane fake biliyó faló beterepó.

³ Atépa, atima kane dolopaae buó deóló kelalemó, Tale Yesuné tiki munipó.

⁴ Atépa, neyalerópóló atima kisipa teketu beterepó, mo kasa kasai kuti deró betere whi tamo atima daae mole uté deró sóko wóló daalepó.

⁵ Até deremó, kale sorape atima winé sinitu, kelepaa haepaae hemée deyóló betó molepó. Tépa, kale whi tamoné atimapaee duraalu, “Sukale whi दौरó betere tikimó, betere whiné noatempa keketé kutu bitu de?”

⁶ Ti noatepae, a aimó muni kepaayóló falapó. Take diã Kaleli haemó bitu ama diapaae yale fo diaaɔ kisipa munié?

⁷ Whiné Naalema mepaae dowi ala dere whirapené naase tuapaae mullaalopó. Atétepa, atimané a filipaa ni tómó oleróló sukutepa, sore be demó ti a momó kepaayóló betaalopó,” yalepó.

⁸ Téro, atimané ama yale fo mopóló kisipa yalepó.

⁹ Atéro, atima whi dou tópaee fi fesaae wóló atimané kelale alarape kale 11-whiraperó mepaae whirapetamopaae yalepó.

¹⁰ Ai sorapeta, Maktala sóko Mariakélé, Joanakélé, Jems-né hama Mariakélé, mepaae sorapekélé, atima fea betó mulu, kelale alarape ama aposel whirapepaae yalepó.

¹¹ Téyaletei, kale sorapené yale fo mo dapóló kisipa tirénipó. Ti noatepae, atimané kapala fo detere nisi yalepó.

¹² Téyaletei, Pita a mo hapale sururu yóló fóló, whi dou tómó sóko felepó. Atéro a dou dolopaae fóló kelalemó, ama tiki bopeyóló mulale dei linen kuti maaté demó mupa kelalepó. Atépa a momó bepaee fesaae furaalu, i noa ala yalerópóló kisipa teketé fu betalepó.

Emeas bepaee fole tu tuamó yale fo

¹³ Atéyale sukamótóro atimakó whi tamo Emeas bepaee faai tu tuamó fu betalepó. Ai Emeas be taaróló Jerusalem be huluapaae fole ɔleta, 11 kilomitapó.

¹⁴ Atimaamo tumó fu bituraalu, kale yale alarape fea sɔraté fu beterepó.

¹⁵ Atimaamo até deté fu betepa, Yesu tu tuamó sóko wóló, atima fea betamó fu betalepó.

¹⁶ Até yaletei, atimaamoné Yesupóló kisipa yaɔsóró, me ɔlané atimaamoné kele seraaralepó.

¹⁷ Atéro fu bitu, Yesuné atimaamopaae woseturaalu, “Diaamo ai-a noa fo deté fu bitu de?” yalepó. Ti fo depa, atimaamo fu betaletei, kelepaa humula yóló keiyóló daalepó.

¹⁸ Atimaamo fu betere me whi Kliopasné apaae duraalu, “I be demó yale alarape so whi feané kisiparapa, yaãa Jerusalem be huluapaae wale whié?” yalepó.

¹⁹ Ai fo depa ama aḗpaae woseturaalu, “Noa alamó de?” yalepó. Ti fo depa atimaamoné duraalu, “Nasaret be hulua whǐkó Yesupaae erale alamó dapó. Ti noatepae, aḗa Kótóné kǒló whǐ bitu, ama dere foró dere alatamo Kótóné kele tǒmókélé, so whǐ feané kele tǒmókélé, mo doasi fotokǒtamo do betalepó.

²⁰ Atéró so whǐmó momaratere topo whǐraperó da tǐteróló kaae tare whǐrapetamoné a sukǒpóló dae yóló, doasi *Gavman* whǐrapené naase tuḗpaae mulalepó. Atétepa, atimané a filipaa ni tǒmó sinǒpóló oleralepó.

²¹ Téyaletai, Israel fake so whǐ dupuróló tao saaire whǐpóló kisipa mualepó. Ai maaté mei, ai ala yóló betepa be deḗ tamo kemeyóló, soreratere be deḗ ti mió i ape.

²² Ai fotei me ipó. Da betamó kotere sorape sore mo hǐkati kale whǐ dou tǒpaae fóló, mepaae kelale alarape depa wosetu da kilita yalepó.

²³ Kale sorape fóló kelalemó ama tiki munipa, *ensel*-rapené Yesu kepaayóló beterpóló atimapaee yale fo fea ḗpaae ene walepó.

²⁴ Téró, ḗané fulumu whǐrape atimakélé fóló kelalemó, kale sorapené ene wale ala motóró epa kelalepó. Téyaletai, atimané a betá kilinipó,” yalepó.

²⁵ Ama atimapaee duraalu, “Diaamota, take Kótóné ama kǒló whǐrapené deté wale fo wosóló kisipani, ketei kaae kisipa tiki okokoru kutiri hapólu ai ererapó.

²⁶ Kótóné so whǐ tǐteróló kaae tanǒpóló, sóró beteró betere whǐ Keriso a doasi doi muaaire ala tuḗpaae sókó faairaaalu, folosóró ai sekei alarape salepó. Ai alata ḗasókó faalomei, mo yaalopó ere fo dokonóturaalu yalepó.

²⁷ Mo take Moses-né asǐere fomó kaae sóró wóló, Kótóné kǒló whǐrape feanékélé asǐere fo beteta, emótóró erapóló amatei ḗakearóló yó malepó,” yalepó.

²⁸ Atimaamo fole bepaae felekemó sókó faai, tuḗ aupalomó fu betalepó. Téyaletai Yesu aḗa, ai be hulua boseneyóló saletópaae faai fole aḗ yalepó.

²⁹ Atéró a fupatei, kale whǐ tamoné a kejróló duraalu, “Felekemó be diki yaai dapa, da imó fiyaalopa siépe,” Depa atima fea fiyaai felepó.

³⁰ Atéró, a atimaamotamo ǒla naairaaalu, ǒla nokole ni fake tǒmó beterepó. Atéró bitu, ama *bred* o bula betá tao sóró Alima Kótópaae mo kée yóló terekeyóló nǒpóló sóró malepó.

³¹ Téró, atimaamoné kele seraaretei fiḗaae furaalu, kale seké airapóló diriyóló kisipa yalepó. Téyaletamo atimaamoné kele aḗnameróló a ḗaluyó deyaalepó.

³² Tétepa, atimaamosisitei duraalu, “Da tumó wouraalu, asǐemó ere fo ḗamopaae yó matepa, wosóló hosaamó si kaae dukuraalu mo feléné sukǒlepó,” yalepó.

³³ Atétepa, mo ai fapotóró atimaamo Jerusalem be huluapaae momó fe-saae felepó. Téyaletámó, mepaae 11-*aposei* whǐraperó atimatamo betere so whǐrapetamo fea betapaae touró betepa kelalepó.

³⁴ Atéru, atimané kale whǐ tamopaae duraalu, “Ai mo dapó. Tale kepaayóló furaalu, Saimon beterepaae wapa ama mo kelalepó,” yalepó.

³⁵ Téró, kale whǐ tamo tuḗ tuamó wou bitu yale alaró *bred* o bula tekeyóló atimaamo matepa, a kisipa yale alatamo atimapaee yalepó.

Yesu a ama yó matere whǐrapepaae yó male wale fo

³⁶ Atéró, ai fo du betepa Yesu atima betó mole tuamó sókó wóló atimapaee duraalu, “Hosaa muni deyóló mo dua betere ala diḗ tuamó mulǒpóló yae,” yalepó.

³⁷ Atei fo deremó, atima kisipané kepené dere nisi yóló kilita sókó furaalu, winé sinalepó.

³⁸ Atétepa, ama atimapaee duraalu, “Diḗ wituraalu kisipa tamo muóló, hosaa noatepa weitu bitu de?”

³⁹ Eḗtóró mo hǐtipa, ḗalo naaseró hótamo diaaḗ kelae. Ti noatepae, kepeta miró diritamo bunipa, e ai ala erémóló olaa yae,” yalepó.

⁴⁰ Ama ai fo yóló kemetepa, atimapaee ama naaseró hótamo yó melalepó.

⁴¹ Téyaletai, atétere ala kilituraalu, ḗekesetere alaró, siratere alatamo atima tuamó mualetei, aḗa Yesupóló kisipa tirénipó. Atétepa atimapaee woseturaalu, “Diḗ imó bitu, naaitere ǒlakó mule?” yalepó.

⁴²⁻⁴³ Tétepa, atimané simó biliyale ya kwia a matepa tao sóró, atimané kaae tapa nalepó.

⁴⁴ Atéró ama atimapaee duraalu, “Moses-né asǐere fokélé, Kótóné kǒló whǐrapené ere fokélé, Sam *buk*-mókélé, emótóró kisipa mutu ere fo fea dokonóturaalu mo eraalopóló e diḗtamo betamó bitu ai yale ape,” yalepó.

⁴⁵ Kótóné asǐemó ere fo fea kisipa yǒpóló, ama atima kisipa wisi mulalepó.

⁴⁶ Atéró ama atimapaee duraalu, “Kale asǐemó ere fo i ape. Kótóné ama so whǐ fea tǐteróló kaae tanǒpóló, sóró beteró betere whǐ Kerisota, doakale sekei alaró susupui alatamo sóró mo ti sinaalotei, tamo be deḗ kemeyóló sore be demó a momó kepaayaalopó.

⁴⁷ Jerusalem be huluamó kaae sóró hae kwia feamó betó mole so whīpaae yało doimó i fo yó maté kweyaalopó. Diaaą dere dowi ala taaróló kisipa feteyóló wapa, ti diaaą dowi ala kwia yało hałe kemeraalopó.

⁴⁸ I alarape depa kelalepóló so whīpaae yó melaaire whīrapeta, ti diątóró ai ape.

⁴⁹ Take yało Ayané dią melaalopóló mulale ọla yało diąpaae dotonaai kisipa mutapó. Téyaalopa, dią ai be huluamó bitiré fóló, mo óté taoró mole doasi fotokóné dią kuti kaae bukurąle dorowópóló, kaae tawae," yalepó.

Yesu i hae taaróló ó sapaae dapesó holale fo

⁵⁰ Téró atima wópóló, ąpi folosóró Betani be huluapaae felepó. Téró, ama naase horóló fonétei atima wisiralepó.

⁵¹ Atéró, atima wisiraterere fo du betepatei taaróló, Alimané ą hepen-paae dapesó holalepó.

⁵² Téró, atima bukutiri teąró bitu, Doa Tale-ó, yóló ama doi sóró horaté hekesetamo Jerusalem be huluapaae momó fesaae felepó.

⁵³ Atéró, atima momatere bemó bitu, Kótóné doi hale sóró horatere ala suka fea deté fu betalepó.

Jon

Kale mo fo whi alée feletei

¹ Mo take ɔla ɔla fea keké nale alimó, kale fo hãle bitipakalepó. Ai fota, Kótó ɔtamo betámó bitipakalepó. Ai fo mo Kótó ɔtórótípó.

² Ai kale fota, mo take keké nale alimóte, Kótótamo betámó bitipakalepó.

³ Aleyóló muló betere ɔla ɔla mo fea Kótóné ɔpaae naao aleyae depa, amatóro kaarélipakalepó. Ere ó mole ɔla ɔla fea hãle kaani, amatóro kaaró beterepó.

⁴ A tuámó betere bete molepó. Ai betere betené so whi fea ɔmó beterepóló, ɔerótu betalepó.

⁵ Ai dené diliki tuɔpaae ɔerótu betereitei, dilikiné sukó faróló alurótimpó.

⁶ Kótóné betá whi dotonatepa walepó. Ai whiné ama doita, Jon-pó.

⁷ Jon ɔ waleteita, so whi feané ai ɔtere kilituraalu ɔpaae kisipa tiróló beterepóló, kale ɔtere bete i ape yóló hãkearóló yó melaai walepó.

⁸ Ai ɔterené beteta Jon ɔ meitei, so whi feapaae ɔtere bete ai ape yóló, yó melaai walepó.

⁹ I haemó betó mole so whi feapaae ɔerótu betere mo ɔe bete ɔ i haepaae sókó waairaaalu, teó wou betalepó.

¹⁰ A i haemó betóo, i haeró yó mole ɔla ɔlatamo Kótóné ɔpaae aleyae depa, amatóro kaaróo epatei i haemó betó mole so whiné kilitu, ɔ etei kaae Talepóló kisipanípó.

¹¹ Atéro, ɔ ama be whi so whi betere turuku bepaee waletei, atimané ɔ kale whípóló wisiyóló dape sere ala inípó.

¹² Tépeitei, mepaae so whi dené Yesu dape sóo, ɔ etei kaae whípóló ama yó matere fo wosóló, ɔpaae tué tiki tiróo, yale so whita, Kótóné mo ama naale senaaletóro beterepóló, sóro beteralepó.

¹³ Ai naale senaaleta, mo so whiné naale senaale ɔtere kaae ó whiné tó tiki fotokóné ó so omané ama hãkesere alanékélé mei, Kótónétóro atima deyóló beterepó.

¹⁴ Téró, kale fo mo whi alée fóló, ɔ tuámó kapala kuti be teyóló bitu dere kaae asiri betalepó. Atépa, ɔ tuámó ere ala wisinaale ɔané kelalepó. Ai ere ala wisinaaleta, Alima Kótóné dotonale mo betá betere naale tuámó ɔaanapó. Ai seké ɔ tuámóta, ɔletu hamokoróló hãle tao sere alaró mo fotamo turó bulapó.

¹⁵ Jon-né ai sekémó kisipa mutu fo fakeyóló duraalu, “Take ɔlota diɔpaae noa fo yalée? ‘Nalo ɔlota kɔlipaae waaire whita ɔ kaae mei, ɔ ɔlota haené deyaipa, ɔ mo taketi betóo, ɔkélé teeteróló bosene fóo, ere

doa seké whi waalopóló bope du betaleteti ɔtóró ai ape,’” yalepó.

¹⁶ Ama ɔklené sukutu, hamokoróló hãle tao sere ala wisi ɔ tuámó ɔaanu, wéi kaae feleyóló wapa ɔané mo dekeró su betalepó.

¹⁷ Ti noatepae, Kótóné kale tukóló muló betere forapeta, Moses-paae matepa, amamo so whípaae meló beterepó. Téyaletei, ɔklené sukutu hamokoróló hãle tao sere alaró mo alatamota, ti Kótóné Yesu Kerisopaae matepa, amamo ɔapaae malepó.

¹⁸ Whi mo betané Kótó kolókéle initei, alimané hosaa tuámó betóló wale Naalené amatóro, Alima etei kaae ala ere Tale beterepóló, ɔapaae hãkearóló yó malepó.

Jon-né ama hó makemó dokore képi ama teraanénipó yale fo

(Mat 3:1-12, Mak 1:7-8, Luk 3:15-17)

¹⁹ Atéro etéyalepó. Jerusalem bemó betó mole Juda topo whirapené dotonale momaratere whiraperó Lipai fake whirapetamo Jon beterepaae fóló ɔpaae, “Ya deé?” yóló wosalepó.

²⁰ Atétepa, Jon-né atimapaee tokó melaaire fo hiréni, ɔ etei kaae whípóló hãkearóló i fo yalepó. “Kótóné so whi fea teeteróló kaae tanópóló, sóro betere betere whi Keriso ɔ meipó,” yalepó.

²¹ Ai fo depa atimané ɔpaae woseturaalu, “Ti ya Elaijapé deé?” depa, ama du meipó. Tétepa atimané du, “Ti ɔata, take aseémó ere foné waalopóló bope du betale Kótóné koló whié?” depa, ama duraalu, “Ai whikélé ɔ meipó,” yalepó.

²² Tétepa, mo ti kemeróló atimané ɔpaae duraalu, “Naao ɔ depó dute? ɔa doteyale whirapepaae ene faaipa, ya etei kaae whípóló ɔapaae hãkearóló yae,” yalepó.

²³ Ai fo depa, ama atimapaee tokó matere alata, mo take betale Kótóné koló whi Aisaiané asere fo yó mótu duraalu, “Whikélé bitini, hãle kópu kaae fi tikimó wóló daalu fo fakeyóló,

‘Tale waaire tu donoyóló aleyae,’ fo maate ene wale whita, ti ɔ i ape,” yalepó.

²⁴⁻²⁵ Atétepa, kale mepaae dotonatepa wale Farisi whirapené ɔpaae duraalu, “Yaata, so whi fea teeteróló kaae tanópóló, Kótóné sóro betere betere whi Keriso ó Ilaija ó Kótóné koló whi betakélé meipa, ti so whi naao noatepa wéi tópurútu bitu de?” yalepó.

²⁶ Tétepa, Jon-né atimapaee tokó mótu duraalu, “Yalota, diɔ wéi maaté tópurótu betereitei, whi betá diɔ tuámó ai daaletei diaaɔ kisipanípó.

²⁷ Ti ai sekéta, ɔ wale kɔlipaae waalopóló bopetu betale whípó. Aata, mo doa seké whi betepa, ɔ naale ketei kaae, ɔ aomó betereiteiné ama holeke bené képi ɔlota teraanénipó,” yalepó.

²⁸ Ai alarape du betaletaite, kale Jordan weji te uteró tene Betani bemó du betalepó. Ai beta, Jon-né so whi fea weji tópurótu betaleta tikimó tenapó.

²⁹ Be deyo hotopa, ai alarape yale kilipaae eteyalepó. Yesu a Jon beterepaae wou betepa kolóló, Jon-né atimapaee duraalu, "I hae kwia feamó betó mole so whiné dowi ala tokóló aluraaire Kótóné ama *Sipsip* hupu male ai walapa kelae!

³⁰ Ekélé deyaai, mo taketi betere doa seké whi yalo kilipaae waalopóló diapaee bopetu betale whita, a ai ape.

³¹ Yalokélé a wisiyóló tuñitei, e wale beteta, ti Israel fake so whiné a tué yópóló hakearóturaalu, yalo weji tópuratere ala maaté yaai walepó," yalepó.

³² Atéró, Jon-né ama mo kelale ala so whipaee hakearóló yó mótu duraalu, "Kótóné ama Dei Kepe Wisi hepen be taaróló, dorowóló ba hokósere kaae ama tikimó betepa yalo kelené mo kelalepó.

³³ Yalokélé a tué wua meitei, so whi weji tópurale fae yóló e doteyale sekéné amatóro epaae etei fo yalepó. "Dei Kepe Wisi bití dorowale whiné amata, diá fea Dei Kepe Wisitamo weji tópuraa ai ape," yalepó.

³⁴ Atéró Jon-né duraalu, "Yalo kelené mo kelale alatóro diapaee i dapa wosae. Kótóné Naalemata me kaae mei, atóro ai ape," yalepó.

Yesuné whi tamopaae diaamo noa keketé yale fo

³⁵ Atéró, fiyóló be detepa Jon a ama yó matere whirapekó tamo whi atima fea a daatua dere tikimó momó fóló daalepó.

³⁶ Atéró daalemó, Yesu a metikipaae faai fupa kolóló Jon-né duraalu, "Kótóné ama kale *Sipsip* hupu male ai fulapa kelae!" yalepó.

³⁷ Jon-né ai fo depa wosóló, ama yó matere whi tamo Yesu fimó, nalo sya felepó.

³⁸ Atétepa, Yesu a fetée daaróló kelalemó, whi tamóné a sya wou betepa, atimaampaae woseturaalu, "Diaamo noa keketé?" depa atimaamoné duraalu, "*Rabai*," ai fo feteyóló "yó matere whi-ó, ya betere tiki momó ere?" yalepó.

³⁹ Atéró, ama atimaampaae duraalu, "Ape. Wapata, ti diaamoné kelaalopó," yalepó. Tétepa atimaamo fóló, a betere be kolóló, be de betá atamo aimó betalepó. Até dere alata, ti doú sukakelemó du betalepó.

⁴⁰ Atéró, kale Jon-né dere fo wosóló, Yesu sya fele whi tamo meta, Saimon Pitané noma Andrupó.

⁴¹ Andru a metikipaae feni, noma Saimon-pi kekalemó keletepa duraalu, "Mesaia dané kelalepó," yalepó. Ai fo bete feteyóló so whi fea tetéroló kaae tanópóló, sóro beteró betere whi Kerisopó.

⁴² Atéró, Andruné noma Saimon Yesu beterepaae dapesó wóló betepa, Yesuné Saimon kolóló apaae duraalu, "Yaá, Jon-né naalema Saimon-pó. Mió naao kisi doita, Sipas mulatapó," yalepó. (Sipas doi feteyóló Pitapó.)

⁴³ Ai ala du beteró hika be detepa, Yesu a betere tiki taaróló, Kalelipaae faai kisipa mualepó. Atéró fóló, Filip betepa kolóló apaae duraalu, "Filip-ó, ya e sya ape," yalepó.

⁴⁴ Filipta, Andruó noma Pitatamo betere Betsaida be hulua whikópó.

⁴⁵ Téró Filip-né Nataniel kekalemó, hokola depa apaae duraalu, "Mo take Mosesné asere Kótóné tukóló muló betere foró mepaae koló whirapené asere fotamoné waalopóló bopetu betale whi dané kelalepó. Aá, Nasaret be whikó Josep-né naalema Yesupó," yalepó.

Nataniel-né Filip-paae Nasaret bemó noa ɔla wisikó kelaalopóló de? yale fo

⁴⁶ Ai fo depa, Nataniel-né Filip-paae duraalu, "Ai Nasaret be huluumó noa ɔla wisikó sóko waalopóló de?" depa, Filip-né duraalu, "Wisirapa, naao kelaai ape," yalepó.

⁴⁷ Tétepa, kale whi Nataniel Yesu a beterepaae wou betepa kolóló, apaae duraalu, "Israel fake whikó whi wisinaale ai walapa kelae! A tuamóta, kapala ala mo sawakélé munipó," yalepó.

⁴⁸ Ai fo depa, Nataniel-né apaae duraalu, "Naao e netéro tué yaleé?" depa, Yesuné duraalu, "Filip-né ya ape yaipatei, nose sirimó betepa ya yalo kelalepó," yalepó.

⁴⁹ Tétepa, Nataniel-né apaae hakearóló duraalu, "Yó matere whi-ó, yaá mo Kótóné Naalemapó. Israel fake so whi tetéroló kaae tare doasi topo whita, me kae mei, yatóro ai ape," yalepó.

⁵⁰ Ti fo depa, Yesuné duraalu, "Mió naao epaae kisipa tiki tiratere beteta, ya nose soumó betepa yalo kelalepó dere fo woseturaalu dapó. Aita wisiretei, take nalopaae ti mió i keletere alakélé fea bosenóló, mo doasi alarape eratepa kelaalopó," yalepó.

⁵¹ Ai fotamo touróló, ama me i fo yalepó. "Yalo diapaee mo i dere ape. Hepen be tu tukwe fóló mupa, Kótóné ama *ensel*-rape kale Whiné Naalemané tikimó daayóló, ópaae hutua ipaae durua du betepa, diaao kelaalo ai ape," yalepó.

2

Mo weiné wain weji alée fele fo

¹⁻² Atéró ai alarape yóló kemetepa, be de tamo beteró, sore be demó, Kaleli hae kwiamó tene Kana be huluumó whi betá so dokoturaalu detere ɔla naai ape depa, Yesu akélé, hama Mariakélé, ama yó matere

whĩrapekélé, atima fea fóló so dokotere tuámó beterepó.

³ Atéro, ai ɔla detere sukamó naai donoróló mulale *wain* weĩ fea nóló kemetepa, hamané ɔpaae duraalu, “Atimané *wain* weĩ fea kemeyalepó,” yalepó.

⁴ Ai fo depa, Yesuné duraalu, “Ti so wisi-ó, aita atimané yaaire alapa, naao ɔpaae atima tao sae dere noatepa de? Yalo tukóló muló betere ala yaaire be deŕa teórapó,” yalepó.

⁵ Ai fo depa, ama hamané kale ɔla detere ala kaae tare doasiné kutó diratere whĩrapepaae duraalu, “Ama diaɔpaae noa alakó yae depa, ti sya fóló yae,” yalepó.

⁶ Kale Juda fake atimané mara mole ala sya furaalu, naase fokotua yaai dapóló, kenené aleale apo miró wutirape weĩ maanipa, felekemó daalótua erépó. Ai wutirapemó weĩ maatere daleta, mepaae 75 *lita*-rape, mepaae wuti ti 115 *lita*-rape supó.

⁷ Atéro, Yesuné ai kale kutó diratere whĩrapepaae duraalu, “Ai wutirape fea weĩ nóló fɔanae,” depa, mo ti bokóta eralepó.

⁸ Atéro, ama atimapaee duraalu, “Ai belere weĩrapekó mepaae tepeyóló ɔla detere ala teŕeróló kaae tare doasipaae male fae,” depa male felepó.

⁹ Tétepa, kale mo weĩnétei alée fele *wain* weĩ kale ɔla detere ala teŕeróló kaae tare whĩné nalemó, mo *wain* felétóro yalepó. Ai sekéné ai *wain* weĩ sale tiki ɔ tuénitei, kale kutó diratere whĩrapené maaté mo weĩ sóro tepeyale ala kisipa ipakalepó.

¹⁰ Téro, kale ɔla detere ala kaae tare doasiné so dokore whĩpaee ape yóló, tu deɔpaee dapesó fóló duraalu, “Whĩrape feané i ala dua dapó. Folosóro wisi *wain* weĩpi nópóló melóo, nalo mo sawa felétere *wain* weĩ melóo, dua dapó. Tépatei, wisi *wain* weĩ mulóló, nalo noatepa sóro waleé?” yalepó.

¹¹ Yesuné me ala yaairemó erale kelemei alata, Kaleli hae kwiamó teŕe Kana be huluamó folosóro kaae suraalu yalepó. Atéro yale alané ama ere ala wisinaale hakearatepa, ama yó matere whĩrapené kilituraalu, ɔpaae tué tiki tiralepó.

Moma dere bemó ɔla ɔla duputamó du betale fo

(Mat 21:12-13, Mak 11:15-17, Luk 19:45-46)

¹² Ai alarape fea kemetepa, Yesu ɔkélé, ama hamakélé, nomarapekélé, ama yó matere whĩrapekélé, atima fea ai Kana be taaróló, Kapeneam be huluapaae derepelepó. Aimó atima mepaae be deŕape betalepó.

¹³ Atéro, ai alarape yóló kemetepa, kale bosenóló fele be de felekemó sókó waai deremó, Yesu ɔ Jerusalem be huluapaae holalepó.

¹⁴ Atéro holóló bituraalu, ɔ moma dere be bopére tipi tuɔpaee sókó holalemó, whĩrape mo feané *bulmakau* hupurapekélé, *sipsip* hupurapekélé, ba sukusirapekélé, mepaae whĩrape atima ni fake tómo betó mulu, kae kae fakené sóro wale *moni*-kélé duputamó yóló, u mótu i mótu du betepa kelalepó.

¹⁵ Até du betepa, kale *bulmakau* hupuró *sipsip* hupurapetamo belapaae fópóló, Yesuné aimó mole halika tikiné fokosó sóro hɔkonóo, ni fake fetée deróló fesekée falóo yalepó.

¹⁶ Até du betero, kale ba sukusirape dotonóló *moni* su betere whĩrapepaae duraalu, “Yalo Ayapaae maaté moma yaai teŕe betei, diaaɔ noatepa ɔla ɔla dotonatere tiki aɔrótu bitu de? Até dere alané yalo Ayané be doratapa, diaaɔ ai ɔlarape fea sóro fae,” yalepó.

¹⁷ Ai ala ama yó matere whĩrapené kilitu, kale aseŕmó i ere fo tué mualepó. “Kótóné ama be doraɔsóro wisiyóló kaae tawaaire keteketa, e tuámó si kaae daalopó,” erapó.

¹⁸ Téro, kale Juda topo whĩrapené ɔpaae fo fotokɔiné duraalu, “Naao atei kaae ala yópóló, yɔ né sóro beteralé? Yɔ Talené sóro betero betere whĩpóló kisipa yópóló, naao daɔpaae noa kelemei alakó eraalóe?” yalepó.

¹⁹ Ai fo depa, Yesuné atimapaee tokó mótu duraalu. “I momatere be diaaɔ fisikó mulae. Tétepa, yalo sore be demótóro momó teyóló kemeraalopó,” yalepó.

²⁰ Ai fo depa, atimané ɔpaae duraalu, “Take ai be teŕu betepa, 46 ba forape kemeyalepó. Téyale betei, naao mió be de soremó momó teyaalopó dere fota, netéro teyaai de?” yalepó.

²¹ Yesuné ai yale fota, mo moma dere bemó initei, ama tikimó kisipa muturaalu yalepó.

²² Take ɔ sukóló momó kepaayóló betere kɔlipaae ama yó matere whĩrapené ama yale fo kisipa muni walepó. Yesuné i yale fokélé kale aseŕmó ere fotóro mo dokonalepóló, atimané ɔpaae tué tiki tiralepó.

²³ Téro, bosenyóló fele be de sókó wapa ɔla detere fulamó, Yesu ɔ Jerusalem bemó beterepó. Aimó bituraalu, Kótóné eratapó kisipa yópóló kelemei alarape eratepa so whĩ mo feané ɔpaae kisipa tiralepó.

²⁴ Téyaletei, so whĩ feané hosaa tuámó mole alarape ama kisiparuraalu, atimané du betere fo mo dapóló wosóló, aɔmó bitinipó.

²⁵ Ti noatepae, so whĩ feané mole tué tikiró dere alatamo kelaairetei kóló kólópakó, mené ɔ yó melaaié?

3

Yesuró Nikodimas-tamo yale fo

¹ Téró Farisi whǐkó Nikodimas beterepó. ʼAṭa, Juda fake so whǐ teṭerólo kaae tare topo whǐrapetamo betamó kutó ditere doasi doi mole whǐpó.

² Ai whǐ ʼa dilikitamo Yesu beterepaae wólo duraalu, “Yó matere whǐ-ó, ʼaṭa Kótóné dotonatepa wale yó matere whǐpólo dané kisiparapó. Ti noatepae, Kótó ʼaṭamo bituameisóro, ti mepaae whǐné enénire etei kaae doasi kelemei alarape erótu bituameipó,” yalepó.

³ Ai fo depa, Yesuné ʼapaae haṭearólo duraalu, “ʼaṭo ʼaṭapaae mo i dere ape. Whǐ mo betakélé hamané ʼa detu yale kaae momó denitepa, ti Kótóné teṭerólo kaae tare ala mo kelenénipó,” yalepó.

⁴ Yesuné ai fo depa, Nikodimas-né ʼapaae duraalu, “Disiyale whǐ haené depe tuapaae netéro bitǐ doropólo, momó deyaaloé?” yalepó.

⁵ Tétepa Yesuné ʼapaae duraalu, “ʼaṭo ʼaṭapaae mo i dapa wosae. Mo betǎ whǐkélé weíró Kepe Wisitamóné deyólo muló bitinipa, ti Kótóné teṭerólo kaae tare ala tuamó sókó fólo betenénipó.

⁶ Mo whǐné detereteita, ti whǐ tiki daaitóro deyóo, Deǐ Kepené deteretei, ti mo Kepe tiki daaitóro deyóo, dua dapó.

⁷ Take ʼaṭo ʼaṭapaae momó denérápó yale fomó ʼaṭa kilita sókó faqse.

⁸ Besé ʼa faaire tikipaae furaalu, haṭe hu dere maaté wosetua dapó. Téteretei, waleró foleteitamo diaaṭ kilitimipó. Kale Kepe Wisiné deyólo beteroṭu betere so whǐ feata, ai ala kaae du beterapó,” yalepó.

⁹ Ai fo depa, Nikodimas-né ʼapaae duraalu, “Ai ala netéro yaalorópó,” yalepó.

¹⁰ Tétepa Yesuné ʼapaae duraalu, “ʼaṭa Israel fake so whǐ yó matere doasi doi mole whǐtei, i dere alarape diriyólo tuéni airapó.

¹¹ ʼaṭo ʼaṭapaae mo i dere ape. Dané du betere fota, mo tuére fotóro yóo, mo kelale alatóro yó melóo, du betepatei diané mo dapólo wosólo, kisipa tirénitere noatepa de?

¹² ʼaṭo diapaae i haemó du betere alarape bope yólo yaleteti, diané tué tiki tirótimipó. ʼaṭotamo ó hepen bemó mole alarape bope yólo enalemó, ti diǎ mo kisipa tiraalomeipó.

¹³ Whǐ mo betakélé hepen bepaae fenitei, hepen be taarólo, i haepaae kapala asiri dorowale Whǐné Naalemané ama betǎ kisiparapó.

¹⁴ Mo take Moses-né haṭe kópu kaae fi tikimó kapa kwiané wuli aleyólo ni dée daarólo, sikipaae horólo oleralepó. Atéyale kaae, kale Whǐné Naalemakélé, mepaae whǐné atéro sikipaae só horólo oleraalo ai ape.

¹⁵ Ai fota haṭe ini, ʼapaae kisipa tiki tiraterere so whǐ fea mo ti betere bete saalopólo kisipa mutu yalepó.

¹⁶ Ti noatepae, Kótóné i haemó betó mole so whǐ kolené sinólo yaala sókó furaalu, ama mo betǎ betere Naaletei i haepaae wópólo dotonalepó. Mepaae so whǐ dené ai dotonó betere Naalepaae kisipa tiró betepa, ti atétere so whǐ aluni, mo ti betó tawaalo ai ape.

¹⁷ Ti noatepa meipó. Kótóné ama Naalema i haepaae wópólo doteyale beteta, i haemó betó mole so whǐtamo fo tokótamo yólo só derópólo initei, so whǐ fea aluyaqsóro, ama yale alané tao sópólo yalepó.

¹⁸ Mepaae so whǐ detamo ʼapaae kisipa tiró betepa, ti ai so whǐtamo Kótóné fo tokótamo yólo só deranénipó. Tétepa, Kótóné ama mo betǎ betere Naale atóro hǐtipólo ʼapaae kisipa tiki tirénire so whǐta, fo tokótamo yólo só deró beterapó. Ti noatepae, ai so whǐ atima Kótóné mo betǎ betere Naalepaae kisipa tiki tiró bitinireteinépo.

¹⁹ Kótóné i haemó betó mole so whǐtamo fo tokólo só deratere bete i ape. Kale deṭere i haepaae wólo betepatei, dilikipaae heṭese duraalu, atima dowi ala haṭe du betereiteiné witepa, ai deṭere heṭeseyólo wómipó.

²⁰ Mepaae so whǐ detamo diliki tuamó bituraalu, dowi ala haṭe yó tareiteiné de tuapaae waalo hórólo bóe du beterapó. Ti noatepae, atimané dowi ala dené haṭeamó mulatepa kelaqsóro wituraalupó.

²¹ Tétepa, kale mo fo wosólo, donoi ala du betere so whǐta, ti de tuapaae wou beterapó. Ti noatepae, atimané du betere alarape Kótóné fotokoratepa yalepólo so whǐ feané haṭeamó kolópólo du beterapó,” yalepó.

²² Téró, atima ai fo yólo kemetepa, Yesu ʼa ama yó matere whǐrapetamo ai Judia hae kwiamó te mole belekaatikiki berapemó mepaae be deṭape bitu, so whǐ weǐ tópurótu betalepó.

²³ Téró, Jon-nékélé Salim be hulua felekemó ere Aenon haemó beterepó. Aimó weǐ dekeró fu betereiteiné so whǐ fea weǐ tópurópólo, ʼa beterepaae wou betepa, ama atima tópurótu betalepó.

²⁴ Ai alarapeta Herot-né Jon ʼa *dipula* beteraaipó, haṭe bituraalu du betalepó.

²⁵ Atéyale sukamó, Kótóné keletómó wisirapó yópólo, naase fokotere alamó Juda fake whǐkó betané mepaae Jon-né yó matere whǐrapetamo foné u só derǎle i só derǎle du betalepó.

²⁶ Atéro, Jon-né yó matere whǐrape ʼa beterepaae wólo duraalu, “Yó matere whǐ-ó, Jordan weǐ uté teṭo ʼaṭamo bitu, naao dapaae kale whǐ ai ape yólo, yó male whǐné so whǐ fea weǐ tópurótu betepa, mo turó so whǐ ʼa beterepaae fu beterapó,” yalepó.

²⁷ Ai fo depa ama atimapaee duraalu, “Me whǐné me alakó yópólo ó hepen bemó

betere Kótóné menitepa, ti ama kōleaané me ala yaai dapóló, mo enénipó.

²⁸ Éta, so whi tēteróló kaae tanópóló, sóró beteró betere whi Keriso mei, a wópóló tū alerāle wale whípóló, take yało diāpaae yale fo diaaŕtei enérápó.

²⁹ Me whiné betā so hēkeseyóló dokotepa, ti ai ama sopó. Ai so dokaaire seké ama fulumu whiné a wópóló kaae tawóló beterepó. Térālemó, kale so dokaaire whi sókó wouraalu dere fo nakome wosetepa, a doasi hajné sukāalopó. Atére hajta, mió e tuamó mo fāayóló mulapó.

³⁰ Ai so dokaaire whiné ama doita, suka fea sóró horaté fu betaalotei, yało doi betā haepaae dua sókó deté doropópóló yae,” yalepó.

³¹ “Mo ó taoró dorowale whiné i haemó yó mole ɔla ɔlaró so whi featamota, amatóro tēteróló bosene falapó. I haemó betere whiné ti i haemó mole ɔla ɔlamó kisipa mutu, ama dere fokélé i haemó mole fotóro dua dapó. Tépatei, ó hepen bemó dorowale whinéta, fea ala ama tēteróló bosene falapó.

³² Ama kelae alaró wosale fotamo so whipaae yó mótu betereitei, betā whinékelé ama yó matere fo wosóló, mo dapóló āpaae tué tiki tirótimpó.

³³ Tépatei, mepaae so whi de Kótóné ama fo wosóló, mo dapóló kisipa tiratepa, ti ai so whiné Kótó a mo foné bete Talepó du beterepó.

³⁴ Kótóné ama dotonó betere whinéta, āpaae yae dere fotóro yó mótu beterepó. Ti noatepae, Kótóné Deĭ Kepe a tuamó mo turó fāaneteinépó.

³⁵ Alimané Naalemapaae yaala sókó fóló muluraalu, fea ala ama tēteróló kaae tanópóló, āpaae malepó.

³⁶ Mepaae so whi de Naalemapaae tué tiki tiró betepa, ti atére so whi aluni, mo ti betó tawaalo ai ape. Tépatei, mepaae a hórótu betere so whjta, mo ti betó tare bete kelaalo meipó. Ai so whjtaamo Kótóné doasi fopaae butere ala mulapó,” yalepó.

4

Samaria soné Yesutamo yale fo

¹ Yesuné ama yó matere so whi beteraairaalu, weĭ tópurótua dere so whiné Jonné weĭ tópurale so whi bosene falapó dere fo mepaae Farisi whjrapené wosalepó.

² Atéró, so whi weĭ tópuratere ala Yesuné initei, ama yó matere whjrapené tópurótua yalepó.

³ Ai dere fo mepaae whiné Yesu āpaae ene wapa woseturaalu, a Judia hae kwia taaróló, Kalelipaae momó fesaae felepó.

⁴ Téró, a ama yó matere whjrape atima fea Kaleli haepaae faairaalu, Samaria hae tuamó tēyóló fu betalepó.

⁵ Atéró, a ai Samaria hae kwiamó tēne Saika be huluamó sókó felepó. Ai Saika be hulua felekemó, Jekop-né naalema Josep-mó tekée male hae mulapó.

⁶ Ai haemó Jekop-né dukjyale weĭ naleta dere tiki erapó. Yesu a doasi tumó walené bé depa, ai weĭ belere tikimó ſāa nóló beterepó. Até dere alata, ɔla nokole topo suka kele 12 *kilok*-mó yalepó.

⁷ Yesu aimó beterepó, betā Samaria so a weĭ naairaalu wapa, āpaae duraalu, “Naao ai weĭkó e maletamo melaalóe?” yalepó.

⁸ Ai alata, Yesuné ama yó matere whjrape ai felekemó tēne be huluapaae atima naaire ɔla dupune fimó du betalepó.

⁹ Atéró, kale soné āpaae duraalu, “Yaŕta Juda fake whjpa, e Samaria sopaae weĭ netéró kema du de?” yalepó. Ama ai yale fota, Samaria fakeró Juda faketamo ɔla betāmó nokole ala ó, fo dere alakélé dumipóló kisipa mutu yalepó.

¹⁰ Ai fo depa Yesuné kale sopaae duraalu, “Kótóné yāpaae haĭle matere ɔla naao kisipa yóo, yaŕtamo i fo du betere whjkelé kisipa yóo irutamó, naao āpaae ai weĭ wosuāsró ti ama yāmó mo ti betó tare weĭ móluapó,” yalepó.

¹¹ Ai fo depa kale soné Yesupaae duraalu, “Doa whi-ó, i weĭta hae dolopaae maane doropóo, ya weĭ naaire wutikélé tawóo inipa, mo ti betó tawaaire weĭ melaalopó dere-a, momó wapa nóló melaai de?

¹² Dāné mió i nuku betere weĭta, mo take dāné noutere Jekop-né dukjyóló, amakélé nukulé wóló, naalemarapénékelé, ama *sipsip* hupuró *bulmakau* hupurapeta-monékélé, nuku bitipakalepó. Téyaletei naao ai dere fota, take Jekop-né yale ala naao tēteróló bosene falapóló de?” yalepó.

¹³ Ai fo deremó, Yesuné āpaae duraalu, “I weĭ nokole so ó whi feata, nokole depa momó nale waalo ai ape.

¹⁴ Tépatei, mepaae so whi de yało matere weĭ nukupa, momó nokole dere ala mo yaalo meipó. Ita, mo dapó. I haemó mo weĭ sókó horótu dere kaae, yało i matere mo ti betó tawaaire weĭ nokole so ó whiné tiki tuamó mo ti betere bete mulu, haĭle só tawaalo ai ape,” yalepó.

¹⁵ Tépatepa, kale soné āpaae duraalu, “Doa whi-ó, e weĭ nokole depa dekéro naleta dere hórāpa, naao ai melaalopó dere weĭ mo miótóro ālae!” yalepó.

¹⁶ Ai fo depa, Yesuné kale sopaae duraalu, “Ya momó waasepóló, naao whi dape sene fae,” yalepó.

¹⁷⁻¹⁸ Ai fo depa, kale soné āpaae duraalu, “Éta whiné dokonipó,” yalepó. Tépatepa, Yesuné duraalu, “Whiné ya dokonipó dere fota, mo dono deretei, naao ere ala yało yāpaae haĭkearóló i dere ape. Take aporó whjrapené ya dokorapó. Tépatei, mió

yątamó ai betere whįta, naao whį meipó," yalepó.

¹⁹ Tétepa kale soné duraalu, "Doa whį-ó, mió ąalo ąa kilitu, Kótóné ama fo eratere kóló whįpóló kisipa mutapó.

²⁰ Take ąané ayarape atimata, i daale hasi fosómó moma eneta du bitipakalepó. Téyaletéi, Juda fake ąiané ąapaae hoko tikimó moma ini, Jerusalem bemó touróló Tale aomó sukóló bitu, moma yae du beterepó," yalepó.

²¹ Ai fo depa Yesuné ąpaae duraalu, "Ti so-ó, ąalo i dere fo wisiyóló wosóló kisipa tirae. Take waaire alimó Aya aomó sukóló bitu, ama doi sóró horatere alata, i daale hasi fosómó ó Jerusalem bemó maaté yaalo meipó.

²² Samaria so whį ąiąta, diaaq tué inire ąla aomó sukóló bitu Talené doi sóró horótu beterepó. Tépatéi, Juda fake so whį ąata, mo ti betere Kótó tuęreteiné ą aomó sukóló bitu, mo kée du beterepó. Ti noatepae, so whį fea aluyaqsóró tao sere alata, Juda fake tuamó kaaró beterepó.

²³ Take waalopóló bope du betale be de mió sókó wóló i mole ape. Mepaae whį dené mo alaró ama Kepe betetamo ą tuamó ąanuraalu, Alima aomó sukóló bitu, ama doi sóró horótu betaalopó. Atei ala du betere so whįpaae Kótóné ama hękesetu beterepó.

²⁴ Ti Kótó ąta, mo whįné tiki kaae daani, kepetóró betereiteiné ama doi sóró horatere so whįné ti mo alaró kepe bete turótamoné sóró horótu betenérápó," yalepó.

²⁵ Tétepa, kale soné ąpaae duraalu, "I haemó betó mole so whį fea ąeteróló kaae tanóppóló, sóró beteró betere whį Mesaia, me doi Keriso waalopó fota, ąalo kisi-parapó. Ai seké ą wouraaluta, fea ala ama ąapaae hąkeamó yó melaalopó," yalepó.

²⁶ Tétepa, Yesuné kale sopaae hąkearóló duraalu, "Mió ąatamo i fo du betere whįta me kae mei, ętóró hįti i ape," yalepó.

²⁷ Atimaamo ai fo du betepa, ama yó matere whįrape ąla dupune fi fesaae wouraaalu kelalemó, Yesu Samaria sotamo fo du betepa, atima kilita sókó felepó. Atétepa, atimakó betą whįnékélé ąpaae ai sotamo noa ala yaai, ó noa fokó du bitu de? yóló, wosetere alakélé inipó.

²⁸⁻²⁹ Téró, kale soné ama weį wuti aimó mupatei taaróló, ą u be hulupaape felepó. Atéró fóló, ai be huluumó betó mole so whįpaae duraalu, "Take ąalo yale alarape fea ępaae hąkearóló yó matere whį tumó daalapa kelaai ape. ąta, Kótóné so whį ąeteróló kaae tanóppóló, sóró beteró betere whį Keriso du yalepó," yalepó.

³⁰⁻³¹ Tétepa, ai be hulua so whį atima Yesu beterepaae felepó. Atima ą beterepaae sókó waai teó wou betepa, ama yó matere

whįrapené ąpaae duraalu, "Yó matere whį-ó, ąlakó ąamaletamo nukumié?" yóló ętu betalepó.

³² Tétepa, Yesuné atimapaape duraalu, "Nokole ąlata ąalo i taretei, diaaq kisipanipó," yalepó.

³³ Ai fo depa, ama yó matere whįrape atimasisi duraalu, "Mepaae whįné ąlakó ąmó mótu yalepó," kisipa mualepó.

³⁴ Atétepa, Yesuné atimapaape duraalu, "Ę dotęyale whįné ama kisipa mole ala ąa furaalu, ama kutó ąalo ąiraté fóló kemeratepa, ti aita ąalo nokole ąlatórotipó.

³⁵ Diaaq etei fo dua dapó. Kutómó ere ąla fea ąlumé depa saaire wélié douró betą hąle mulapó du beterepó. Tépatéi, ąalo ąiapaae mo i dere ape. Diaaq kele fisąae horóló, kutópaae kele kele yae! Ténalemó ąla ąlumépa, ti saaire alimó ai betere ape.

³⁶ Mió ąlumére ąla su betere whįné ama diale kutómó dupu so-ó, mo ti betere bete saaire so whįkélé mió ąla kaae ąlumépa sóo, du beterepó. Ama ai du betere alata hąle mei, ąla wae biliyale whįró sere whįtamo wusuró hękese yaairaaalu dapó.

³⁷ Me whįné ąla wae biliyóo, me whįné ti ąlumétepa sóo dere ala, i dere foné mo hąkearatapó.

³⁸ Mené diyale kutómóteį ąlumére ąla sene fópóló, ąalo ąi i dononatere ape. Mepaae whįrape doasi depe tukówei ala yóló diyale kutómó ąiąta, ąla maaté sirapó," yalepó.

Samaria so whį turó kisipa tiki tirale fo

³⁹ Téró, kale soné ama take bitu yale alarape fea Yesuné hąkearóló yó malepó, dere fo woseturaalu, ai haemó ąene be huluumó betere Samaria so whį fea ąpaae kisipa tiki tiralepó.

⁴⁰ Atéró, ai Samaria so whį fea Yesu beterepaae wóló, ą ąatamo imó betaalopa sae yóló ętu betalepó. Atétepa, be de tamo ą atimatamo aimó betalepó.

⁴¹ Tépa, Yesuné ama yó matere fo woseturaalu, mepaae flosoró tué tiki tirale so whįtamo touróló mo turó so whįkélé ąpaae kisipa tiralepó.

⁴² Atéró, atimané kale sopaae duraalu, "ąané ąpaae tué tiki tirale alata, naao yale fo wosóló maaté mei, ama yó matere fo ąanétóró wosóló ąpaae tué tiki tiralepó. Ti noatepae, ąta i hae kwia feamó betó mole so whį aluyaqsóró, tao saaire whįpóló ąané mo ąiriyóló kisiparapó," yalepó.

Yesuné doasi whįné naale kepaarale fo

⁴³ Atéró, Yesu ą be de tamo ai Samaria so whįtamo betóló kįlipaae, ą Kaleli hae kwipaape felepó.

⁴⁴ Taketi Yesuné amateį ąmó kisipa mutu etei fo erapó. "Kótóné fo eratere kóló whį

ama turuku be hulua so whiné ama doi sóró horanéniþó,” yaleþó.

⁴⁵ Téró, Yesu  a Kaleli hae kwiamó sókó felemó, Kaleli so whiné  hekesetamo mo wisiyóló dape saleþó. Ti noatepae, take Jerusalem bemó kale bosenóló fele be demó, la deyióló naaire sukamó atimakélé fea bitu, ama mepaae alarape eratepa ke-laleiteiniþó.

⁴⁶ Atéró, take Yesuné mo weitei, *wain* weí aleale Kaleli hae kwiamó tene Kana be hu-luapaae  momó feleþó. Ai bemó beteremó, ai Kaleli hae kwia teteróló kaae tare topo whiné sóró beteró betere whiné naalema Kapeneam bemó kisiné sukóló mulapó dere fo wosaleþó.

⁴⁷ Yesu  Judia hae kwia taaróló, Kaleli hae kwiamó wóló beterapó dere fo kale whiné wosóló,  Yesu beterepaae wóló, ama naale mo felekemó sukai du beterepa, “Naao wisiraai faaloé?,” yóló wosetu be-taleþó.

⁴⁸ Ai fo depa, Yesuné paae duraalu, “Me ala yaairemó eraterere kelemei alaró mepaae sira yaaire alatamo eratepa maaté kolóló kisipa tiraai de? Di ai eraterere ke-lemei alarape kilini depa, ti di kisipa mo tiraalomeiþó,” yaleþó.

⁴⁹ Tétepa, kale sóró beteró betere doasi whiné duraalu, “Doa whí-ó, alo naale sukaþsóró miótitei dmo wusuró faalopó,” yaleþó.

⁵⁰ Ai fo depa, Yesuné paae duraalu, “Naao naale sinaalomei, beterepa fae,” yaleþó. Tétepa, kale whí Yesuné dere fo wosóló, wisirapóló  feleþó.

⁵¹ Atéró, fiyóló hka  t tumó fu be-talemó, ama kutó diraterere whírape tumó hokolaa yóló, paae duraalu, “Naao naale kisi wisiyóló beterapó,” yaleþó.

⁵² Ai fo depa, kale whiné atimapaee wose-turaalu, “Noa sukakelemó ama tiki supu tikaleé?” depa, atimané duraalu, “Mo dótóró 1 *kilok* sukakelemó tukóló mo betere-pó,” yaleþó.

⁵³ Ai fo depa, kale naale alimané wosetu, Yesuné paae naao naale sukalomeiþó, yale sukakelemótóró ai wisi irapóló kisipa mualeþó. Ai ala kilituraalu, ama soma atimaamokélé, ama naale senaalekélé fea Yesupaae kisipa tiraleþó.

⁵⁴ Yesu  Judia hae kwia taaróló, Kaleli hae kwiapaae wóló bitu, ai kelemei alata, tamo dakoróló eraleþó.

5

Yesuné bet tiki dmúi whí wisirale fo

¹ Atéró, mepaae be de beteró klipaae Juda fakené tukóló muló betere be demó la detepa, Yesu kélé Jerusalem be huluapaae holaleþó.

² Ai Jerusalem be hulua bopére tipi t sereketa, *sipsip* hupurape fua wua dere tpó doi mulapó. Ai t sereke felekemó, bet weí ke belerapó. Hibru whírapené du betere foné ai weí ke doi Betesatapó. Ai weí fókumó bitta dere so whí supu yaþsóró, be belekatiki aporó tóló bopéró beterepó.

³ Ai t mole bemó, mepaae kele dilikire so whíkélé, tiki dmure so whíkélé, hó naase dore so whíkélé, mepaae kae kae kisi bete daale so whíkélé, mo fea ai weí ke bopéróló betó moleþó.

⁵ Ai hó naase dore so whí betó mole kuamó, kisi hle daapatei, 38 ba fo kemere whí bet fiyó moleþó.

⁶ Atéró fiyó mupa kolóló, Yesuné du-raalu, “I whí-a, ere alaé?” depa, whí mené duraalu, “ta, taketitei ama ere ala ai ape,” yaleþó. Tétepa, Yesuné kale whípaee woseturaalu, “Y mo wisiyóló, beteneé yóló kisipa mute?” yaleþó.

⁷ Ai fo depa, kale tiki dmúi whiné du-raalu, “Doa whí-ó, ai weí asya hotereteiné  wisirpóló, né beleyóló ai weí felekemó beterele derepaaie? kélé dua fu betepatei, atima folosóró furaalu  taaróló fua dapó,” yaleþó.

⁸ Ai fo depa Yesuné duraalu, “Y turukó holóló, naao beseke sóró fae,” yaleþó.

⁹ Ai fo deretamótóró, kale whiné ama tiki dmuretei mo ti wisitepa, ama beseke tukóló sóró feleþó. Atétere alata, atima a naai tukóló muló betere be demó yaleþó.

¹⁰ Atétepa, Juda topo whírapené kale wisirale whípaee duraalu, “a naai tukóló muló betere be demó ai ala yaþsóró fo mulapó,” yaleþó.

¹¹ Ai fo depa kale whiné duraalu, “ wisirale whiné paae naao beseke sóró fae yaleiteiné sóró fulapó,” yaleþó.

¹² Ai fo depa atimané paae woseturaalu, “Mé whiné ypaae beseke sóró fae yaleé?” yaleþó.

¹³ Téyaletei, kale whí wisiróló Yesu  ai touró betere so whí kuamó, buté buté feleteiné  wisirale whí kisiapaniþó.

¹⁴ Atéró, nalo me sukamó Yesuné ama wisirale whí momatere bemó betepa kolóló, paae duraalu, “Mió naao tiki ai wisire kelere? Y take sale seke bosenóló, doasi sekené y só deraþsóró, mió naao ai du betere dowi ala mo ti taalae,” yaleþó.

¹⁵ Téró, kale whí  ai moma dere be taaróló, kale Juda topo whírapaae Yesuné  wisiralepóló ene feleþó.

Kale mo ti betere bete Naalema  tumó mulapó yale fo

¹⁶ Tétepa, kale a nokole sukamótei, Yesuné whí wisiraterere ala dapóló, Juda topo whírapené paae sekei ala eróló só deraai, doasi keteké butu betaleþó.

¹⁷ Atétepa, Yesuné atimapaee duraalu, “Yalo Aya a ama kutó ditera ala taaréni, betere dokó hãle diyótóro tarapó. A atére kaae, êkélê hãle bitini, yalo kutótóro i ditu betere ape,” yalepó.

¹⁸ Yesuné ai alarape deremó, Juda topo whirapené a só deróló mo ti daairaalu, doasi ketekê butu betalepó. Até yaleteita, sãa nokole be de tukóló whi wisirateremó maaté meipó. Ai alatamo touróló Kótóta, ama Ayapó dere foné a Kótótamo betã ala erapó du betepa a só deróló daai yalepó.

¹⁹ Téró, Yesuné atimapaee tokó mótu duraalu, “Yalo diãpaae mo i dere ape. Naalemané ama kisipanéitei, me ala yaai dapóló mo enénipó. Naalemané me kae kisi ala kaaróló dumi, Alimané du betere alatóro kolóló i du betere ape. Ti noatepae, Alimané du betere ala mo betãkélê taaréni, turó Naalemanékélê du beterapó.

²⁰ Ti noatepae, Alimané Naalemapaae yaala sókó furaalu, ama dere ala fea apaae yó mótu beterapó. Ita, mo fo dapó. Mió i dere ala bosenóló nalopaae mo doasi ala eratepa kilitu, diaaã sira yaalopó.

²¹ Ti noatepae, Alimané sukãle so whi kepaaróló beterótu yale kaae, Naalemanékélê ama melaai tuê mutere so whipaae mo ti betere bete mótu beterapó.

²² Ti ai ala maaté meipó. So whitamó fo tokóló taleyóló só deratere alakélê Alimané dumitei, Naalemané yóppóló, ama naase tuãmó muló beterapó.

²³ Ai ala ereteita, so whi feané Alimané doi sóro horótu dere kaae, Naalemané doikélê sóro horóppóló erapó. Mepaae so whi dené Naalemané doi sóro horénitepa, ti a doteyale seké Alimané doikélê sóro horótimpó.

²⁴ Yalo diãpaae mo i dere ape. Mepaae so whi dené yalo du betere fo wosóo, e doteyale seképaee kisipa tiki tiróo depa, atétere so whi mo ti betere bete sóro tarapó. Atére so whita, fo tokótamo yóló só deréni, sukutere ala tuãmó betereitei, tokó sóro mo ti betaaire ala tuãmó beteró beterapó.

²⁵ Yalo diãpaae mo dapó. Sukãle so whinéitei Kótó Naalemané dere fo wosaalopó. Mió ai fo wosetu betere so whita mo betaalopó. Take nalo ai ala yaaire be de hãle muóo, miókélê ai be de sókó wóló muóo i ere ape.

²⁶ Ti noatepae, mo ti betere bete Alima tuãmó moletéi, Naalema tuãmó mulóppóló mo taketi meló beterapó.

²⁷ Ti aãa, Whiné Naalema betereiteiné so whitamó fo tokóló tale dere ala yóppóló, Alimané a sóro beteró beterapó.

²⁸ Yalo i yale fo wosóló, diã kilita sókó furaalu sira yaqse. Ti noatepae, sukãle so whi mo feané ama fo nakome woseturaalu,

atima mole doumó turukó holaaire be de sókó waalopó.

²⁹ Atétere sukamó wisi ala yale so whi turukó holóló mo betaalopó. Téyaalotei, dowi ala yale so whi atima turukó holaalotei, taleyóló mo ti só deraalo ai ape.

³⁰ Yalo wotoró kisipané me ala yaai dapóló mo enénipó. Fo tokóló taleyóló só deraaire alakélê, yalo Ayané ama dere fo sãa fóló, mo donótóro taletu beterapó. Ti noatepae, yalo du betere alata e maaté hêkese yaai dumitei, e doteyale seké a hêkese yóppóló, ama kisipa mole alatóro sãa fu beterapó,” yalepó.

Yesuné amatei a etei kaae whipó enénipó yale fo

³¹ “Yaloteitamo e etei kaae whipó depa, ti yalo dere fo mo dapóló diaaã wosaalomeipó.

³² Mené yalo dere ala kilituraalu, a etei kaae ala ere whi wisipó du beterapó. Ama atéro dere fo wosetere whiné mo dapó enére ala yalo mo kisiparapó.

³³ Diãné e deé yóló wosaai dapóló, mepaae whirape Jon beterepaae dotonó beterapó. Atétepa Jon-né kale mo foné bete i ape yóló, diãpaae yó meló beterapó.

³⁴ Ti mo whiné a etei kaae whipó dere fo mo dapóló, yalo wosaai kisipa munipó. Atépatei, Jon-né yale ala yalo diãpaae i dere beteta, so whi fea aluyaqsóro, Kótóné tao sóppóló dapó.

³⁵ Jon aãa, sãa derótu dere kaae, so whi tuãmó deró beterepó. Ai sã hãle deyó tapa, diã ai demó kapala asiri hãitamo bitiré fu betalepó.

³⁶ Jon-né ama yó melale fota, ti e tuãmó ere alatóro mo dono yó mótu betalepó. Téyaalotei, yalo i ditu betere kutóta, e doteyale seké yalo Ayané ama epaae diyóló kemerae yale kutó dirótu beterapó. Mió yalo i du betere alarape kolósu, Jon-né e bope yóló du betale fo kolósu depa, yalo du betere alané ama du betale fo tetéroló bosene falapó.

³⁷⁻³⁸ E doteyale seké yalo Ayanékélê, e etei kaae whipóló hãkearóló yó mótu beterapó. Tétu betepatei, diaaã epaae kisipa tirénire betené ama dere fo diaaã wosóo, ama tikikélê diãné kolóo, ama fokélê diaaã hosaa tuãmó muóo inipó.

³⁹⁻⁴⁰ Diaaã kisipanéta, kale asemó yóló muló betere fo dosayóló kisipa sóro, mo ti betere bete saalopó du beterapó. Ti asemó i ere fo feanéta, e etei kaae whipóló yó matapó. Atépatei, diã e beterepaae mo ti betaaire bete sene wale hórótu beterapó.

⁴¹ Mo so whiné hãle foné maaté yalo doi sóro horótu betepa, mo dapóló yalo wosenénipó.

⁴² Tépatei, yalo diã diriyóló tuérpapó. Diaaã Kótópaae yaala sókó fóló, hêkesené sukutere

ala dijané hosaa tuamó muniretei, yało mo tuęrapó.

⁴³ Ɛta, yało Aya Kótó a etei sekę betere-apóló dijané kisipa yópóló, yó melaai ama ę dotonatepa waleteti, diaaą ę wisiyóló dape sinipó. Atępatei, mepaae whj detamo ama kęleaané wóló bitu, a etei kaae whjópó depa, ti dijané a mo wisiyóló dape senęrapó.

⁴⁴ Mo betę betere Kótónę diaaą du betere ala kolóló, dukiraterę fo wosaai ketekę buni yóo, diaaątei dią dukiraterę ala yóo, du betereiteinę ępaae netęró tuę tiki tiraaloé?

⁴⁵ Yało Ayané keletómó dijané i dowi yalepóló haękaróló só deraterę alata, yało yaaitere nisi yaąse. Dią tao saalopó du betale whj Moses-nętóró dią só deraalopó.

⁴⁶ Dijanętamo Moses-nę asęre fo wosóló, mopóló kisipa tiróluasóró, ti mió yało dere fokélé mo dapóló kisipa tiróluapó. Ti noatepae, ama ai asęre fota, ęmótóró kisipa muturaalu erapó.

⁴⁷ Tępatei, ama asęre fo diaaą dosąayóló mopóló tuę tiki tiręni depa, ti yało du betere fokélé netęró wosóló, kisipa tiraaloé?" yalepó.

6

*Yesuné 5000 whj ęla melale fo
(Mat 14:13-21, Mak 6:30-44, Luk 9:10-17)*

¹ Atęró mepaae be ęrape kemetepa, nalo Yesu a Kaleli węj utę fókuró tę felepó. Ai węj kęlané doi meta, Taiberius-pó.

² Yesu a atęró fóló betereóm, mepaae kisi daae mole so whj wisiraterę kelemei alarape kelaletęinę so whj mo feanę a sya wou betalepó.

³ Atęró, Yesu a betę du sokore aąpaae holóló, ama yó matere whjrape atima fea betamó beterepó.

⁴ Atęyale alata kale boseneyóló fele be dęmó, Juda fake whjrapenę ęla detere ala felekemó sókó waai deremó yalepó.

⁵ Atęró, Yesuné ama kelalemó, so whj mo hałe ęla kaae, a beterepaae wou betepa Filip-paae duraalu, "Doa i so whj naaire *bred* okó momó dupu yaaloé?" yalepó.

⁶ Yesuné Filip-paae atęró wosale fota, ama yaaire ala tuęrutei, Filip-nę noa fokó dęró a kaae kolóló sų suraalu yalepó.

⁷ Ai fo depa, Filip-nę Yesupaae duraalu, "200 *silpa moni*-né dupu dere *bred* o i betó mole so whj fea sųmó naalomei, sawa tęti nenęrapó," yalepó.

⁸⁻⁹ Tętepa, Yesuné ama yó matere whjıkó ama doi Saimon Pitanę noma Andrunę Yesupaae duraalu, "I betere naalenę betę *bali* o bula aporó yóo, ya belekąamale tamo yóo, yóló i tare ape. Tęreteinę doa i betó mole so whj fea anęli ęlanę sųnęre?" yalepó.

¹⁰ Atętepa, Yesuné atimapaee duraalu, "Ai so whj ne tómó beterepóló yae," depa,

atima betalepó. Ai tuamó betere naale senaaleró sorapetamo dosąani, whjrape maate dosąayóló touróturaalu, 5000-rópó.

¹¹ Atęró, Yesuné kale *bali* o bularape fea sóró taruraalu, Talepaae mo kęe yóló terekęe daalu yóló, so whjímó ęliralepó. Ya tamokélé *bred* o yale kaaetóró yóló ęliratepa, atima fea mo sųmó nalepó.

¹² Atęró sųtepa, ama yó matere whjrapepaae duraalu, "Muni fele buki ęla hałe besekę yaąsórópa, fea dasetę kweyae," yalepó.

¹³ Atęró nale aporó *bred* o bulanętei, buki muni fupa dasetę kweyóló, 12 yorape deyóló ęanalepó.

¹⁴ Ai betó mole so whjnę Yesuné atei kaae kelemei ala eratepa kolóló duraalu, "I whjta, i haepaae waalopóló take bopetu betale Kótónę kęló whj ątóró hjti irurapó," du betalepó.

¹⁵ Atęró, ai so whjnę Yesupaae woseni, atima kęleaanętei a doasi topo whj sóró beteraai kisipa mualepó. Atima atęró mutere kisipa tiki bete Yesuné kilitu atima taaróló, a ama wotoró betę du sorokore tikipaae momó biłi holalepó.

*Yesu węj tómó daate wale fo
(Mat 14:22-33, Mak 6:45-52)*

¹⁶ Tęró, atęyale sukamó kuluka be dikité dorowaletamo Yesuné yó matere whjrape atima maate Kaleli węj fókupaae derepelepó.

¹⁷ Atęró, aimó atima Yesu a kaae tawóló daapatei be diki yalepó. Atętepa, kale whjrape atima węj nukupaae biłi holóló, Kapeneam be huluapaae faairaalu, ai węj kęla tuamó tukóló fu betalepó.

¹⁸ Atęró fu betalemó, doakale besę tiki wouraalu, doasi węj asya walepó.

¹⁹ Atę depatei, atima 5 ó 6 *kilomita* dąlemó nuku jte fu bitu kelalemó, atima nukutamó wou betepa, Yesu a hokolaa yaairaalu, węj tómó daate wou betalepó. Atętepa kilitu, atima doasi winę sukalepó.

²⁰ Tętepa, Yesuné atimapaee duraalu, "Ita ępa, dią wiyaaąse," yalepó.

²¹ Tętepa, kale whjrape atima witere ala taaróló, halaaainę Yesu dape sóró, nuku tuąpaae beteraai kisipa mualepó. Atęró dape sóró, atima faaire węj fókú feleke inipatei, utęró hapale tętítóró sókó felepó.

²² Atęró, Yesuné ama yó matere whjrape atima fi tikimó, ai węj fókumó betó mupa fele so whj atima fiyóló, hjka turukó huturaalu etei kisipa mualepó. Imó mole betę nukumóta Yesu bitini, ama yó matere whjrape maate betóló felepó du betalepó.

²³ Atęró, Taiberius beró wale whjrape mepaae atimanę nukutamó, take Talenę mo kęe yóló, ęla ęliyóló nuku betale tikimó sókó walepó.

²⁴ Atéró, ai sukamótóróti mepaae wh̄irapekélé, kale nukutamó wale wh̄irapetamoné Yesuró ama yó matere wh̄irapetamo kekālemó kilinitepa, Kape-neam be huluapaae kekāai dapóló, atima nukupaae bit̄i holóló felepó.

Yesu aṭa, mo ti betere bred opó yale fo

²⁵ Atéró, kale so wh̄iné Yesu kekitu beteró, w̄ei fōku uté t̄eró betepa kolóló āpaae duraalu, “Yó matere wh̄i-ó, ya ipaae metéli waleé?” yalepó.

²⁶ Ai fo depa, Yesuné atimapaee duraalu, “Yalo diāpaae mo i dere ape. Diaaḡ e kekitu betere beteta, sira yaaire kelemei alarape eraleteimó kisipa mutu, e kekitu betere? Mo meipó. Kale *bred* o sumó naleteine diaaḡ e ai kekete kutu betere ape.

²⁷ I haemó nokole mo ḡlata, ti doyoóló aluyaalopó. Atéyaaire ḡlamóte, diā depe tukówei ala du betaḡse. Mo ti betaaire ḡlata, kale wh̄iné Naalemané diāmó melaalopa, ai ḡla mo ketekē buóló haġtamo sae. Atei ḡla melaaire wh̄ġta, Alima Kótóné fopeyóló ātóró wisirapóló siriróló, beteró beteraḡpó,” yalepó.

²⁸ Ai fo depa, atimané āpaae wosetu-raalu, “Kótóné ama dāpaae dirae dere kutó-ā, noaé?” yalepó.

²⁹ Tétepa, Yesuné duraalu, “Kótóné ama dirae dere kutóta i ape. Kótóné ama dotonó betere wh̄i betāpaae kisipa tiki tiróló betae,” yalepó.

³⁰ Ai fo depa, atimané āpaae duraalu, “Talené eratapóló dāné kisipa tiróḡpóló, naao noa kelemei alakó eraaloé?”

³¹ Mo take dāné noutererape atima haġe kōpu kaae fi haemó kuturaalu, *mana* o betā nōpóló ó hepen bemó derótua ipakalepóló, ašemó yóló muló beteraḡpó,” yalepó.

³² Tétepa, Yesuné atimapaee duraalu, “Diāpaae yalo mo i dere ape. Hepen bemó derótua yale *bred* ota Moses-né menitei, yalo Ayané betā ó hepen bemó deratere mo bete mole *bred* o diāmó mótu beteraḡpó.

³³ Ti Kótóné ai mótu betere mo bete mole ota ó hepen be taaróló dorowóló, i haemó betó mole so wh̄imó mo ti betere bete matere wh̄ġta, eṭórótípó,” yalepó.

³⁴ Ai fo depa, atimané āpaae duraalu, “Doa wh̄i-ó, naao ai bope dere ota, mo miótóró kaae sóró dāmó melaasepé,” yalepó.

³⁵ Ai fo depa, Yesuné atimapaee haġearóló duraalu, “Mo ti betere bete mole ota eṭórótípó. Mepaae so wh̄i de e beterepaae wapa, ai so wh̄i wotekélé mo yaalomeipó. Mepaae so wh̄i de ēpaae kisipa tiki tiratepa, ti ai so wh̄i w̄ei nokole dere ala mo sawakélé yaalomeipó.

³⁶ Take yalo diāpaae yale fo kaae, momó i dere ape. E wale ala diaaḡ kelaletei, ēpaae kisipa tiki tiratere ala dumipó.

³⁷ Yalo Ayané ēpaae matere so wh̄i feata, ti e beterepaae wou betaalopó. Mepaae so wh̄i detamo e beterepaae wapa, ti yalo atima fae yóló h̄okonatere alakélé mo yaalomeipó.

³⁸ Ti noatepaae, e ó hepen be taaróló i haepaae dorowaleiteita, yalo kisipa mole ala yaai dapóló anipó. Tēni, e doteyale wh̄iné ama kisipa mole alatóró eraairaalu woló i betere ape.

³⁹ Yalo Aya e doteyale sekéné ama kisipa mole ala ipó. Ama ēpaae melale so wh̄i mo betākélé yalo alurēni, take kemeterere sukamó atima fea kepaayóló mo ti beteróḡpóló kisipa mutu e dotonalepó.

⁴⁰ Ti yalo Ayané ama kisipa mole ala ipó. So wh̄i de ama Naalemané dere ala kolóló āpaae kisipa tiki tiratepa, ti atētere so wh̄i mo ti betótóró tawaalopó. Ai so wh̄ġta, take kemeterere sukamó yalo kepaaróló beteraalo ai ape,” yalepó.

⁴¹ Ai fo deremó kale Juda fake so wh̄iné duraalu, “Āta, ó hepen be taaróló dorowale *bred* opó du betere fo-ā, noa betené dérópóló,” atima dei tué mutu, a faletu betaalepó.

⁴² Kale dere kaae atimasisitei duraalu, “I sekēta, kale Josep-né naalema Yesu h̄ġti meié? Ama hamaró alimatamota, dāné tuérapó. Tépatei, a ó hepen beró dorowalepó du betere fota, noa betené dérópóló,” yalepó.

⁴³ Atétepa, Yesuné atimapaee duraalu, “Diāsisitei dei tué muóló k̄laarótu betere fo taalae.

⁴⁴ Wh̄i me de e beterepaae ama k̄leaané wonénipó. Yalo Aya e doteyale sekéné amatei e beterepaae alísóró wapa, ti wonérapó. Ai so wh̄ġta, take kemeterere sukamó yalo kepaaróló mo ti beteraalo ai ape.

⁴⁵ Mo take betale Kótóné k̄lóló wh̄irapené ašemó i fo erapó.

‘Kótóné ama so wh̄i yó mótu betepa, ti atima fea tué yaalo ai ape.’

Yalo Ayané dere fo wosóló, kisipa sere so wh̄ġta, ti e beterepaae wua du beteraḡpó.

⁴⁶ Mo wh̄i betānekélé Kótó kilinitei, kale Alimatamo betóló wale Naalené betā ti Alima kolóló kisiparapó.

⁴⁷ Yalo diāpaae mo i dere ape. Wh̄i me detamo ēpaae kisipa tiki tiró betepa, ti ai wh̄iné mo ti betó tare bete sóró tarapó.

⁴⁸⁻⁴⁹ Ti noatepaae, mo ti betere bete bole ota eṭórótípó. Mo take betale diaaḡ noutererape atima haġe kōpu kaae fi tikimó kuturaalu, Kótóné ó hepen bemó deratere *mana* o maaté nukua ipakalepó. Tétua yaletēi, atima bitini sukutua erapó.

⁵⁰ Atéyaletei, ó hepen bemó dorowale betere bete bole *bred* ota i mole ape. Ai o nokole so wh̄i sukókélé mo yaalomeipó.

⁵¹ Ó hepen bemó dorowale mo ti betere *bred* ota, ti étórótípó. Wh̄i me de i o sóró nukupa, ai so wh̄i mo ti betó tawaalopó. I ota, haemó betó mole so wh̄i mo ti beterópóló, matere yało tiki mipó,” yalepó.

⁵² Ai fo depa, kale Juda fake so wh̄i atimasisitei fo kęlaaróló duraalu, “Haió, i wh̄iné ama tikitei dąpaae naasépé dere fo- a, netéró nópóló melaai dérópó,” yalepó.

⁵³ Tétepa, Yesuné atimapaee duraalu, “Yało diąpaae mo i dere ape. Kale Wh̄iné Naalemané ama tiki miró fąketamo nęnitepa, ti atétere so wh̄i tuąmó mo ti betere bete muni ai ape.

⁵⁴ Mepaae so wh̄i dené yało tiki miró fąketamo nukupa, ti ai so wh̄iné mo ti betó tare bete sóró tarapó. Ai so wh̄ita, take kemetere sukamó yało kepaaróló beteraalopó.

⁵⁵ Ti noatepae, yało tikita ti nokole mo bete mole ęla yóo, yało fąkekélé nokole mo bete mole węi yóo erapó.

⁵⁶ Mepaae so wh̄i dené yało tiki miró fąketamo nukupa, ti atétere so wh̄i ę tuąmó betóo, ę ai so wh̄i tuąmó betóo, erapó.

⁵⁷ Mo ti betere seké yało Ayané ę dotonatepa walepó. Ę betere betekélé ti yało Aya ątórótípó. Atére kaae, mepaae so wh̄i dené ę nokole ęlapóló nuku betepa, ti betere bete ę ereteiné ai so wh̄i atimakélé hałe betó tawaalopó.

⁵⁸ Ó hepen bemó dorowale *bred* ota, ti ę i ape. Mo take betale diaaą noutererape atimata, ó hepen bemó derótua yale *mana* o nukua yaletei, atima fea sukąlepó. Téptei, mepaae i o nokole so wh̄ita, mo ti betó tawaalopó,” yalepó.

⁵⁹ I fota, Yesuné u Kapeneam-mó tęne fo wosetere be tuąmó yó mótu betalepó.

Mepaae wh̄irape Yesu taaróló fele fo

⁶⁰ Ama yó matere wh̄irape mepaaené ai yale fo wosóló, atimasisi kęlaaróló duraalu, “Ama ai yó matere wh̄i fota felékélé inipa, né wosaaloé?,” yalepó.

⁶¹ Yesuné ai yó matere fo ama yó matere wh̄irapené wosaalo meipóló kęlaarótu betepa, Yesuné ama kisipa yóló atimapaee duraalu, “Yało i yó matere fo diaaą wosóló felénipa, ętamo dei tuę mute?”

⁶² Kale Wh̄iné Naalema ą take betale tikipaae momó fesaee hotepa kilitu, diaaą noa kisipa maaaloé?”

⁶³ Wh̄iné mo tó tikita, doasi bete munitei, Deį Kepe Wisiné betą mo ti betaaire bete mótu beteraapó. Yało diąpaae yó matere fota, Deį Kepe fąanuraalu, mo ti betere bete mótu beteraapó.

⁶⁴ Téptei, dią mepaae kisipa tiki tirénire wh̄irapekélé ai betere ape,” yalepó. Yesuné atéró yale fota, ąpaae tuę tiki tirénire wh̄iraperó ą dópóló eleké deyaaire wh̄itamo take kaae sale sukamótei, ama kisipa yalepó.

⁶⁵ Téró, Yesuné ama yale fo kemeni, hałe yótóró taru duraalu, “Yało take diąpaae yale fo i ape. Mepaae so wh̄i de atima kęleaanétei, ę beterepaae waai dapóló wonénipó. Yało Ayané ę beterepaae ąlisóró wapa, ti wonérápó,” yalepó.

⁶⁶ Ai sukamó kaae sóró, Yesuné yó matere wh̄irape mepaae ą sya fole ala taaralepó.

⁶⁷⁻⁶⁸ Atétepa, ama yó matere 12 wh̄irapepaae duraalu, “Diaaąkélé ę taaróló faai kisipa mute?” depa, Saimon Pitané ąpaae duraalu, “Tale-ó, dą me de beterepaaemo faaloé? Mo ti betaaire fota, yą tuąmó ai mole ape.

⁶⁹ Yąta, Kótóné ama fopeyóló kae betéró betere wh̄i wisinaalepóló, dąnę yaąpaae tuę tiki tiró beteraapó,” yalepó.

⁷⁰ Ai fo depa, Yesuné atimapaee tokó mótu duraalu, “Dią 12 wh̄irapeta, yałotei sorokó sóró kae betéró beteraapó. Téptei, betą wh̄i tuąpaae dowi kepe doropóló ai betere ape!” yalepó.

⁷¹ Ama ai yale fota, Iskariot be wh̄ikó Saimon naalema Judas-mó kisipa muturaalu yalepó. Ti Judas ąkélé 12 wh̄irapekó ama yó matere wh̄itei, ą dópóló eleké deyaaire seképó.

7

Yesu ęla deterepaae fele fo

¹ Ai alarape yóló kemetepa, Yesu ą Judia hae kwiamó betó mole Juda fake wh̄irapené ą daai du betepa, Judia hae kwiaapae feni, Kaleli hae tuąmótei kutu betalepó.

²⁻³ Téptei, Juda fake wh̄irapené furu berapemó ęla deyaai tukóló muló betere be dę felekemó sókó waai depa, Yesuné ama nomarapené ąpaae duraalu, “Yą ai betere be hulua taaróló, naao yó matere wh̄irapené naao erótu betere kelemei alarape kolópóló, yą Judia hae kwiaapaae fumié yóló sętu betalepó.

⁴ Ti noatepae, betą doi mole wh̄i betaai depa, ti ama dere ala kikitiki kinóló inı, so wh̄i feané kolópóló haķeamó enérápó. Atępa, ti naao ai du betere alarape i haemó betó mole so wh̄i feané kolópóló haķearae,” yalepó.

⁵ Ti ama nomarapené ai yale fota, atimakélé ąpaae kisipa tiréni irutei yalepó.

⁶ Ai fo depa, Yesuné atimapaee duraalu, “Diaaą yaaitere alata, hałe hąko sukamó deté fenérápó. Téptei, ę ai ęla deterepaae faai tukóló muló betere mo dono be dę sókó waai teórapó.

⁷ I haemó betó mole so whi feané diá hōróló bóe dele ala enénipó. Tépaitei, ę hōróló bóe dele ala suka fea hāle yó tarapó. Ti noatepae, atimané du betere dowi ala bete yało hākearólo yó materemó, ętamo dei tué muturaalu dapó.

⁸ Ęta, ai ęla deterepaae faalomeipa, diá maaté holae. Ti noatepae, ę yało yaaire ala teóreiteiné beterapó," yalepó.

⁹ Ama atimapaee ai fo yólo, ę Kaleli hae kwiamó sawa kaae tawólo beterepó.

¹⁰ Téyaleteti, ama nomarape atima ęla deterepaae fitikimó, nalo akélé Jerusalem be huluapaae holaletei, so whiné ę kelaşósóro hękeamó feni, kikititi sókó fólo beterepó.

¹¹ Atéro, kale ęla detere tikimó atima Juda topo whirapené ę wólo beterémólo kekalemó bitinipa atimasisi duraalu, "Kale whi momó beterérópó?" yalepó.

¹² Ai ęla detere tikimó touró betere mepaae so whi atimasisi kikititi deté furaalu, "Aęa, mo whi wisipó," depa, mepaae so whiné duraalu, "Meipó. Aęa, so whi fea dilikólo kapala ala yó mótu betere whipó," yalepó.

¹³ Téyaleteti, atima Juda topo whirape kolólo wituraalu, mo whi betęnekélé mepaae forape hękeamó inipó.

Yesu ę atimané ęla detere tikimó daalu yó melale fo

¹⁴ Atéro, kale ęla detere be de sókó waai mepaae be de hāle mupa, Yesu ę momatere be tipi bolaa tuępaae holólo, kale fo kaae sóro yó mótu betalepó.

¹⁵ Ama atéro yó matere fomó, kale Juda topo whirape atima kilita sókó fu, sirayólo duraalu, "I whiné atei kaae fosó fosó yólo yó mótu betere fo-a, ę *skul*-paaekélé fenitei, momó kisipa sóro du bitu dérópó," yalepó.

¹⁶ Ai fo depa, Yesuné atimapaee duraalu, "Yało i yó matere fota, yałotei kekeme nóló dumi, ę dotęyale sekéné yae yale fotóro du beterapó.

¹⁷ Mepaae whinėtamo Kótóné kisipa mole ala sya fólo, ama ala eraai kisipa mutepa, ti yało i yó matere fo Kótóné ama kisipa mole ala sya fólo dépé, yałotei kekeme nóló déró, ai whiné amatei kęae kolólo talenérápó.

¹⁸ Me whiné ama tuęnétei kekeme nóló yó mótu betepa, ti ama doi doasi muópóló du beterapó. Tépaitei, me whinėtamo ę dotęyale sekéné doi doasi muópóló ama ala eratepa, ti atétere whi tuęmó mo alatóro mulu, kapala ala mo sawakélé munipó.

¹⁹ Take kale tukólo muló betere fo Mosesné diapaae menénié? Téyaleteti, diákó betę whinėkélé ai tukólo muló betere fo sya feni, tikítua dapó. Atęrapa, dięné ę noatepa daai du bitu de?" yalepó.

²⁰ Ai touró betere so whiné ępaae duraalu, "Ya tuęmóta, dowi kepe tepeyólo ai ęanapa, ya né daai du betepa de?" yalepó.

²¹ Ai fo depa Yesuné atimapaee duraalu, "Yało betę kelemei ala eraleteimó diaaę ai siratu betere ape.

²² Tétu beteretei, diaaę tiki sekaę tukólo sirirótu betere alata, Mosesné amatóro kaae sóro inipó. Ténitei, mo take diaaę nouterapené du betale ala sya furaalu, ęa naai tukólo mulale be de móte, mió dięné naalerapekélé tiki sekaę ai tikitu betere ape.

²³ Tépaitei, Mosesné yólo muló betere fo diaaę tikaalo meipólo kisipa mutu, ęa naai tukólo muló betere be de móte, diaaę naalerape tiki sekaę ai tikitu betere ape. Térapa, ai ęa nokole be de mótoró, whiné tiki turó yało wisirateremó, dięné ętamo noatepa fopaae butu de?

²⁴ Diaaę tómo mole ala kolólo ę só derótu betere fo mo taalae. Mo bete mole ala donotóro taleyae," yalepó.

²⁵ Ama ai fo depa wosólo, mepaae Jerusalem be huluamó betó mole so whiné duraalu, "Juda topo whirapené daai du betere whi atóro hęti meię?

²⁶ Mió ę so whi feané keletómó daalu, ama fo hękeamó yó mótu betepatei, atimané ępaae me fokélé dumipó. Ti Yesu aęa, so whi fea teęerólo kaae tanópóló, Kótóné sóro betero betere whi Kerisopóló, Juda topo whirapené kisiparu de mólóropó?

²⁷ Dęnéta, ai whi wale turuku be kisiparapó. Atępaitei, so whi teęerólo kaae tare whi Keriso ę wale sukamó, mo betę whinėkélé ama turuku be kisipa yaalo meipó," yalepó.

²⁸ Atéro Yesu ę moma dere be belamó daalu, fo hāle yótóro mótu bitu fo fakeyólo duraalu, "E wale turuku bekélé ękélé, diaaę kolólo kisiparapó dere fota, mo ai dere ape. Tépaitei ę i wólo beteretei yało kęleaané ani, Ayané ę dotonatepa walepó. Aęa, mo alatóro yó tare seké betepatei, dięné ę kolólo kisipanipó.

²⁹ Ténitei, ęta ętamo betęmó betóló ama ę dotonatepa waleiteiné yało ę mo kisiparapó," yalepó.

³⁰ Ama ai fo deremó, atimané ę tawólo *dipula* beteraai yaleteti, whi betęnekélé ę tane fenipó. Ti noatepae, ępaae ai ala eraaire be de sókó waai teópa yalepó.

³¹ Aimó touró betere so whi atima ai fo du betepatei, mepaae kisipa tiró betere so whiné duraalu, "So whi fea teęerólo kaae tanópóló, Kótóné dotonaalópó ere whi wale sukamó Kótóné dapó yópóló, i sekéné eraterer kelemei alarape fea bosenóló, me noa kaae doasi ala eraaloé?" yalepó.

³² Aimó touró betere so whiné Yesuné du betere alamó, atimasisi kikititi du

betepa, Farisi wh̄rapené wosalepó. Atétepa, so wh̄imó Talepaae momaratero topo wh̄raperó Farisi wh̄rapetamoné momatere be kaae tare diki tare wh̄rapené Yesu tawóló *dipula* beteropóló doteyalepó.

³³ Atétepa, Yesuné atimapaae duraalu, “Èta fòlo sukamó bitini, mo sawa sukamó maaté diqtamo betóló, è doteyale seké yało Aya beterepaae momó fesaee faalopó.

³⁴ È diaaq kekqalotei, kelaalo meipó. È fóló betere tikipaae diq wókélé mo yaalo meipó,” yalepó.

³⁵ Ama ai dere fo wosóló, kale Juda topo wh̄rape atimasisitei, fo kelaaróló duraalu, “Ai wh̄iné à kekqta yaalotei kelaalo meipó, à fole tikipaae diq wókélé yaalo meipó, du betere fota, mopaae faai dérópó? Dq Juda fake wh̄rape Krik fo bole be huluapaae dapo dapo yóló betere so wh̄paae fo yó male faairaalu démólópó.

³⁶ Ama du, ‘Diaaq à kekqalotei kelaalo meipó, à fóló betere tikipaae diq wókélé yaalo meipó,’ du betere-a, noa fo betené dérópó?” yalepó.

³⁷ Qla deté wóló kemerótu mo doasi qla deyale sukamó, Yesu à turukó holóló fo fakeyóló duraalu, “Mepaae so wh̄i detamo weí nokole depa, ti è beterepaae nale wópóló yae.

³⁸ Kale asere fo tuamó Kótóné i fo erapó. So wh̄i tuamó mo ti betó tare weí faaturaalu, feleyóló faalo ai ape ere fo mo dokonóló, mepaae wh̄i detamo epaae kisipa tiki tiratepa, ti ai so wh̄i tuapaae mo eraalópó,” yalepó.

³⁹ Yesuné ama ai yale fo beteta, take à hepen-paae furaalu, Dqi Kepe Wisi epaae kisipa tiratere so wh̄imó matepa saalopóló kisipa mutu ai fo yalepó. Aita, ama doasi doi saaire be dq teópa kaae taruraalu, ai fo yale sukamó kale Dqi Kepe hapale menipó.

⁴⁰ Ama ai dere fo wosóló mepaae so wh̄iné duraalu, “Kótóné kóló wh̄i waalopóló bopetu betaletei, me kae mei qtóró mo htípó,” du betalepó.

⁴¹ Ai fo depa, mepaae so wh̄iné duraalu, “Àta, so wh̄i fea teteróló kaae tanópóló, Kótóné sóró betero betere wh̄i Keriso htípó,” Tétepa mepaae so wh̄iné duraalu, “Meipó. Keriso à Kaleli haemó netéro waalopóló de?” du betalepó.

⁴² “So wh̄i teteróló kaae tare wh̄i Keriso ata, Take Depit-né ama turuku be Betelehem-mó ama deté fele naale tuamó sókó waalopóló asemó inié?” yalepó.

⁴³ Ai fo depa woseturaalu, Yesu à derópóló ai so wh̄i atima fea betq kisipa muni, kisipa kae kae mutu betalepó.

⁴⁴ Téturaalu, mepaae wh̄iné à tawóló *dipula* beteraai kisipa mualetei, wh̄i betanékélé à tane fenipó.

Juda topo wh̄rapené Yesupaae kisipa tiki tiréni yale fo

⁴⁵ Ai alarape yóló kemeróturaalu, kale momatere be kaae tare diki tare wh̄rape atima Yesu tawóló *dipula* beteraai dapóló feletei, momó fesaee walepó. Atétepa, mo so wh̄imó Talepaae momaratero doasi topo wh̄raperó Farisi wh̄rapetamoné atimapaae duraalu, “Ai wh̄i-a, dapesó wale noatepa taaróló waleé?” yalepó.

⁴⁶ Ai fo depa, kale diki tare wh̄rapené atimapaae teraae faróló duraalu, “Mo take betale alimó betq wh̄inékelé, mió i wh̄iné dere fo kaae depa mo wosenipó,” yalepó.

⁴⁷ Ai fo depa, kale Farisi wh̄rapené duraalu, “Aita, diqakélé dilikituraalu yalepa kelaie!

⁴⁸ Dqkó i betó mole momaratero topo wh̄raperó Farisi wh̄rapetamo mo betakélé epaae kisipa tiki tiró beterekó diaaq kelere? Mo meipó.

⁴⁹ Téptatei, i betó mole so wh̄i Mosesné asere fo dosqayóló tuéni, hale hqko betó mupa, ti Kótóné atima doróló moko-raalópó,” yalepó.

⁵⁰⁻⁵¹ Ai fo depa, take Yesu beterepaae fele Farisi wh̄jkó ama doi Nikodimas-né mepaae Farisi wh̄rapepaae duraalu, “Dané tukóló muló betere fo sya furaalu, me wh̄iné ama i alarape yalepó dere fo wosenipatei, hale hqko só derótua de?” yalepó.

⁵² Atétepa, atimané Nikodimas-paae duraalu, “Yakélé Kaleli wh̄jé? Kótóné kóló wh̄ita, Kaleli hae kwiamó waalopó fo inipó. Ai fokó asemó muléro kelaasepóló dosqayaae,” yalepó.

⁵³ Atéro, ai tourale so wh̄i atimané be séle sélepaae dapo dapo yóló felepó.

8

So betq wh̄i metamo daaneta du betepa, dapesó wale fo

¹⁻² Atéro fi tikimó, Yesu à Olip du sorokó molepaae fini holalepó. Atéro fiyóló, be dqtepa mo hjkati à momatere be típi bolaa tuapaae momó fóló daalemó, so wh̄i fea wóló à bopéro betepa, bitj doropóló atimapaae fo yó mótu betalepó.

³ Atéro yó mótu betalemó, kale tukóló muló betere fo yó matere wh̄raperó Farisi wh̄rapetamoné betq so nópu nuku betepa kolóló dapesó wóló, ai touró betere so wh̄i tuamó daalalepó.

⁴ Atéro daaló bitu Yesupaae duraalu, “Yó matere wh̄i-ó, i sota nópu nuku betepa kolóló dapesó walepó.

⁵ Atei ala dere sorapeta, kapo duné siróló dae yóló Moses-né asemó erapó. Atétepa, naao me fokó enére?” yalepó.

⁶ Atimané ʔapaae atéro wosale fota ʔale inipó. ʔa só deraairaalu, atimasisi fo deyóló ʔa sʔu ai fo yalepó.

Tétepa, ʔa hemée deyóló bitu, naase doune haemó aʔetu betalepó.

⁷⁻⁸ Atéro atimané ʔapaae wosetere fo dekeró yó tapa, ʔa hemée taretei donone holóló duraalu, “Diʔkó dowi ala mo betʔakélé initere whi betepata, ti ai whinépi ʔa kapo duné siróló dópóló yae,” yalepó. Ai fo yóló, ʔa momó hemée deyóló haemó aʔetu betalepó.

⁹ Ama ai dere fo wosetu, mepaae teó so whi nalo wópóló, otererape atimapi be séle séle fu betalepó. Atima fea atéro fi tikimó, Yesu ʔa betʔa bitu kelalemó, kale so ʔa daale tikimótóro ʔale daalepó.

¹⁰ Atépa Yesu hemée taretei donone holóló, kale sopaae duraalu, “Ti so-ó, ʔa só deróló daai du betale whirape-a, mopaae feleé? Me whinéko ʔa só deraléé?” yalepó.

¹¹ Ai fo depa kale soné duraalu, “Doa whi-ó, mo betʔa whikélé imó bitinipó,” yalepó. Tétepa Yesuné ʔapaae teraae faróló duraalu, “Yʔlo ʔa só derótumipa dua fae. Téturaalu, naao deté wou betere dowi ala momó kae ini, mo ti taalae,” yalepó.

Yesuné ʔeta etei kaae whipó yale fo

¹² Atéro Yesuné ama yale fo kaae, so whiʔapaae momó duraalu, “I haemó derótu betere deʔa ti mo ʔtórótipó. Mepaae ʔe sya wale so whiʔa, diliki tuʔamó kuni, de ʔuʔamótóro kweyóló, mo ti betere bete sóro betaalo ai ape,” yalepó.

¹³ Ai fo depa, kale Farisi whirape atima dei tué mutu Yesupaae duraalu, “Naaotei ʔa etei kaae whiʔóló dere fo mo dapóló, dané wosaalomeipó,” yalepó.

¹⁴ Ai fo depa, Yesuné atimapaee tokó mótu duraalu, “Yʔlotamo ʔe etei kaae whiʔó depa, so whiné mo dapó enérápó. Ti noatepae, ʔe betóló wale tikiró faaire tikitamo ʔʔlotóro tuérápó. Téretei, ʔe wale ala ó fole ala diʔ tuénipó.

¹⁵ Diʔané me whi hamoma taleyóló só der- atere alata, mo whiné dere ala sya fóló du beterápó. Tétepai, ʔalo taleyóló me whi só deratere ala mo dumipó.

¹⁶ Yʔlotamo ai ala depa, ti ʔe ʔalo wotoró bitini, ʔe doteyale seké ʔalo Ayatamo betʔa kisipa muóló, fea ala wusuró dereteiné mo donomó enérápó.

¹⁷ Téretei, diaaʔ sya fu betere aʔemó etei fo yóló muló beterápó. Whi mené fo kae ini, atimaamo wusuróné betʔa kaae fotóro depa, ti mo dapó du beterápó.

¹⁸ Atétu dere kaae, ʔʔlotei ʔe etei kaae whiʔóló yó melóo, ʔe doteyale seké ʔalo Ayanékélé, ʔe tuʔamó ere alatóro fea ama mo dono yó melóo, du beterápó,” yalepó.

¹⁹ Ai fo depa, atimané ʔapaae woseturaalu, “Naa Aya momó betere?” depa, Yesuné duraalu, “ʔkélé, ʔalo Ayakélé diaaʔ mo kisi- panipó. ʔtamo diʔané kisipa uʔsóro, ti ʔalo Ayakélé diaaʔ sumó kisipa uʔpó,” yalepó.

²⁰ Yesuné ama i forape du betaleteita, mo- matere be tipi bolaa tuʔamó Kótópaae *moni* ʔale maleta dere tikimó daalu, yó mótu be- talepó. Téyaletei, ʔapaae me ala eraaire be de ʔeóreteiné betʔa whinékelé ʔa tane fenipó.

²¹ Atéro, Yesuné ama yale fo kaae, atima- paae momó duraalu, “ʔta, diʔ taaróló fu- lapó. Atéro fi tikimó diʔané ʔe kekitsu be- taalotei, diaaʔ du betere dowi ala tuʔamó diʔ suʔʔalo ai ape. ʔe fole tikipaae diʔ mo wókélé yaalo meipó,” yalepó.

²² Ai fo depa, kale Juda topo whirape ati- masisi duraalu, “ʔe fole tikipaae diʔ waalo meipóló yale fo beteta, amatei ʔa daalopóló du yalepó,” yalepó.

²³ Tétepai, Yesuné atimapaee yótóro taru duraalu, “Diʔta, i haemó kaayóló beterápó. ʔta, ó taoró biti dorowale whiʔó. Diʔta hae whi betereiné haemó mole alatamo fulumu du beterápó. Tétepai, ʔta ó taoró dorowaleiné i haemó mole alatamo fu- lumu dumipó.

²⁴ Take ʔalo diʔapaae diaaʔ du betere dowi ala tuʔamó sinaalo ai ape yale fota, ti i betené yalepó. Diaaʔ ʔalo dere fo wosóló, ʔe etei kaae whiʔóló kisipa tikitamo tiréni depa, ti diaaʔ du betere dowi ala tuʔamó diʔ sinaalo ai ape,” yalepó.

²⁵ Ai fo depa, atimané ʔapaae duraalu, “Ti ʔa deé?” yóló wosetepa, Yesuné duraalu, “Mo take kaae sale sukamótei, etei kaae whiʔóló diʔapaae deté wou betaletei me kae mei ʔtóróti i ape.

²⁶ Diaaʔ du betere alamó ʔalo diʔtamo fo tokóló diʔ só deraaire fo mo dekeró mulapó. Tétepai, ʔe doteyale seké ʔta, mo alaró mo fotamoné betepó. Ama depa ʔalo wosale fotóro i haemó betó mole so whi feapaae yó mótu beterápó,” yalepó.

²⁷ Atimané ama ai dere fo wosóló, ita Al- ima tuʔamó ere alatóro yó matapóló kisipa munipó.

²⁸ Atétu betepa, Yesuné atimapaee du- raalu, “Kale Whiné Naalema diʔané sikipaae só horatere sukamó, ʔe etei kaae whiʔóló diaaʔ kisipa yaalopó. Míó diʔapaae i yó mótu betere fokélé, ʔalo kʔleaané kekeme nóló dumi, Aya ʔe doteyale sekéné yó matere fotóro dapó.

²⁹ Ai ala yópóló, ʔe doteyale sekéné ʔe wotoró beterópóló taaréni, ʔe ʔtamo betámó beterápó. Ti noatepae, suka fea ʔalo du betere alata, ʔe ʔekese yaaitere alatóro erótu beterápó,” yalepó.

³⁰ Ama atéro yó mótu betale fo wosóló, mepaae so whi ʔapaae kisipa tiralepó.

Atima Abraham-né naalerapepó yale fo

³¹ Atéró, Yesuné aṗaae kisipa tiró betere mepaae Juda fake so wh̄ṗaae duraalu, “Diaaṗtamo yaḷo yó matere fo wosóló eró tapa, ti diḷ mo yaḷo yó matere so wh̄ṗitóró beteraṗó.

³² Atéró, kale mo fo betekélé diaaṗ tué duraalu, diḷ dokóló moletei ai foné teraayóló haḷe fópóló eraalo ai ape,” yalepó.

³³ Ai fo depa atimané aṗaae tokó mótu duraalu, “Da Abraham-né deale naalené deté wale wh̄ṗarapeta, mo betḷ wh̄ṗiné wae sóró kutó diratere wh̄ṗikélé bitinipó. Tépaṗei, naao dḷaaṗae diḷ mené kutó diratere ala ini, haḷe fópóló yaalopó dere fo-a, noa betené de?” yalepó.

³⁴ Ai fo depa Yesuné duraalu, “Yaḷo diḷaaṗae mo i dere ape. Mepaae so wh̄ṗi detamo dowi ala haḷe yó tapa, ti ai alané wae sóró kutó diratere so wh̄ṗitóró beteraṗó.

³⁵ Ti ai so wh̄ṗita, betḷ wh̄ṗiné deale naale senaale aleóló mo ti betenénipó. Tépaṗei, betḷ wh̄ṗiné naalema ḷ betḷ ai wh̄ṗiné amatóró deyaletiné mo titóró betó tawaalopó.

³⁶ Atérené kale Wh̄ṗiné Naalemanétamo diḷ képiné kaae dokóló mole so wh̄ṗi teraayóló haḷe fópóló depa, ti diḷ mo fótóró yaalo ai ape.

³⁷ Diḷta, Abraham-né deale naalené deté wale wh̄ṗarape betere ala yaḷo tuérapó. Tépaṗei, yaḷo fo diḷ tuḷamó muniru, diaaṗ ḷ daai ai du betere ape.

³⁸ Yaḷo i du betere fota, yaḷo Ayatamo bitu kelale alatóró du beteraṗó. Atére kaae, diḷané du betere alakélé, diaaṗ ayané diḷaaṗae yó matere alatóró ai du betere ape,” yalepó.

³⁹ Ai fo depa, atimané aṗaae duraalu, “Dḷané ayata Abraham-pó,” depa Yesuné duraalu, “Diḷtamo Abraham-né naale senaale bituṗasóró, ti ama yale alatóró sya fóló uḷpó.

⁴⁰ Yaḷo diḷaaṗae yó mótu betalé fota, Kótóné eṗaae depa wosale fotóró du betepatei, diaaṗ ḷ daai keteké ai butu betere ape. Ti Abraham-néta, diḷané ai dere ala kaae inipó.

⁴¹ Diḷané ai du betere alarapeta, diaaṗ ayané yale alatóró sya fu beteraṗó,” yalepó. Téró atimané duraalu, “Dḷata, qlémi nólo hōko deyale naalerape meipó. Dḷané Ayata, Kótó atóró beteraṗó,” yalepó.

Satan-né naale senaale ai ape yale fo

⁴² Tépaṗe, Yesuné atimapaṗae duraalu, “Kótó ḷ diaaṗ Ayatamo uṗasóró, ti eṗaae ḷkesené sinóló yaala sóko fole ala uḷpó. Ti noatepaṗe, mió ḷ i haepaae wóló diḷtamo i betereṗeita, yaḷo kōleaané ani, Kótóné ama ḷ dotonatepa walepó.

⁴³ Yaḷo dere fo diaaṗ wosetutei, kisipa initere noa betené de? Ti aita yaḷo fo

wosóló, eraaire kisipa diḷ tuḷamó muniru dapó.

⁴⁴ Atérené diḷta, diaaṗ aya Satan-né ama fake so wh̄ṗi bitu, ama kisipa mole ala eraai du beteraṗó. Ti ḷta mo fo buniruraalu, mo take keké nale alimóṗei kaae sóró, wh̄ṗi dilé wou betere sekéṗó. Atétu, ai kale fo wisi mo sawakélé ḷ tuḷamó munipó. ḷta, kapala foné alima bitu, suka fea kapala fotóró dua dapó. Ti kapala fota, ama be fopó.

⁴⁵ Yaḷo diḷaaṗae mo fo du betepatei, diaaṗ yaḷo dere fo wosóló, mo dapóló kisipa tirótinipó.

⁴⁶ Yaḷo etei kaae dowi ala yalepóló, diḷkó betḷ wh̄ṗiné ḷakearóló enéré? Yaḷotamo diḷaaṗae mo fotóró yó mótu betepa, ti diḷané eṗaae kisipa tiki tiratere ala dumipó.

⁴⁷ Kótóné so wh̄ṗinéṗta, ti ama dere fo wosetu beteraṗó. Diḷta, Kótóné ama fake so wh̄ṗi bitinireteiné ama fo wosetumipó,” yalepó.

Yesuné amatei ḷ etei kaae wh̄ṗipó yale fo

⁴⁸ Tépaṗe, kale Juda wh̄ṗarapené aṗaae duraalu, “Dḷané yaṗta, Samaria wh̄ṗikó dowi kepe tepeyóló beteraṗó dere kapala fo de?” yalepó.

⁴⁹ Ai fo depa, Yesuné duraalu, “E tuḷamó dowi kepe tepeyóló bitinipó. Eṗta, yaḷo Ayané doi betḷ sóró horótu betepatei, diaaṗ yaḷo doi haepaae só derótu beteraṗó.

⁵⁰ Yaḷo du betere alata, eṗei doasi doi muaai dapóló kisipa muóló dumipó. E doasi doi mulatere alata, mené eraai keteké butu beteraṗó. Ti ḷta, fo tokóló taletere bete Talepó.

⁵¹ Yaḷo diḷaaṗae mo dapó. Mepaae so wh̄ṗi detamo yaḷo fo wosóló, sya fóló erótu betepa, ti ai so wh̄ṗi sukókéle mo yaalomeipó,” yalepó.

⁵² Ai fo depa, atimané aṗaae duraalu, “Ya tuḷamó dowi kepe faayóló mulu du betere alarape dḷané tuérapó. Ti noatepaṗe, Abraham-kélé sukó, mepaae take betale Kótóné kóló wh̄ṗarapekélé sukó yalepó. Téyaleteti, naao du, yaḷo fo sya fóló eratere so wh̄ṗita, sukḷalo meipó ai dere ape.

⁵³ Ai fota, dḷané aya Abraham naao teteró beteraṗóló de? Ti Abraham ḷkélé sukó, take betale Kótóné mepaae kóló wh̄ṗarapekélé sukó, erapó. Térapa, naao kisipané ya depóló de?” yalepó.

⁵⁴ Ai fo depa, Yesuné tokó mótu duraalu, “Yaḷotamo eṗei doasi doi muaaire ala depa, ti so wh̄ṗiné mo ala dapóló kisipa muaalomeipó. Tépaṗei, yaḷo Aya diḷ teteró kaae tare Kótópó, du betere sekéné ama betḷ yaḷo doi betale mulatere ala du beteraṗó.

⁵⁵ Diaaṗta, ai seké kisipanitei, yaḷo betḷ ḷ mo kisiparapó. Yaḷotamo ḷ kisipanipó uṗasóró, ti ḷ diḷ kaae kapala fo dere wh̄ṗi

bituapó. Téuátei, yálo a kisipa iruraalu, ama fokélé yálo eró tarapó.

⁵⁶ Diaaọ aya Abraham-né ẹ waaire be ẹ sọkó wópóló kaae taru, ẹ hekesené sukutu bitipakalepó. Téyaletei, ẹ wale ala ama kilitu, ẹ hajiné sukóló ama hosaa muni deyalepó," yalepó.

⁵⁷ Ai fo depa, atima Juda whịrapené ẹpaae duraalu, "Yáta, 50 ba fo kemenitei, Abraham naao ai kilirapó!" yalepó.

⁵⁸ Ai fo depa, Yesuné atimapaae duraalu, "Yálo diapaae mo i dere ape. Abraham akélé hamané deyaaipatei, ẹ mo taketi betere whípó," yalepó.

⁵⁹ Atétepa, atimané kapo durape soro ẹ siróló daai yaletei, ẹ kelaqsoro kikiti buté buté fóló, moma dere be bopere tipi taaroló, belapaae soko doropóló felepó.

9

Yesuné kele nomone whi wisirale fo

¹ Atéro, Yesu ẹ tumó fu betalemó, whi betá hamané depemótei kele dilikipa deale whi betepa kelalepó.

² Atépa, ama yó matere whịrapené ẹpaae duraalu, "Yó matere whi-ó, i whiné kele dilikiretei, ama yale dowi alané erépe, hamaró alimatamoné yale dowi alané erémólópó?" yalepó.

³ Ai fo depa, Yesuné duraalu, "I whiné ama kele dilikire alata, ama yale dowi alané ó hama alimané yale dowi alanékélé meipó. Aita, Kótóné fotokóné ama tiki tuámó ere ala wisiró betepa, nalo so whi feané kolópóló erapó.

⁴ Be depatei ẹ doteyale whiné ama kutó dāné hāle dirótu betenérápó. Mióta, be diki dere ala soko waai ai dere ape. Atétere sukamó, whi mo betanékélé me kutó dinénipó.

⁵ E i haemó hāle bituraalu, ti haemó betó mole so whipaae derótu betere deta, ti ẹtorótípó," yalepó.

⁶ Ai fo yóló, Yesuné fesą haepaae soko deróló, hae kaae soro basa basa eróló, kale whiné kelemó dilalepó.

⁷ Atéro ẹpaae duraalu, "Naao dore kele u Sailoam wei kemó fokone fae," yalepó. (Sailoam doiné bete feteyóló doteyalepó.) Ai fo depa, kale whi ẹ fóló fokalemó, mo ti wisitepa, ama bepaae momó fesaae wouraaalu, ọla ọla wisiyóló kelalepó.

⁸ Atépa, ama be whi so whiró ẹ kele doyóló bitu, ọla ọla kema du betepa ke-lale so whitamóné duraalu, "Ita, take kele doyóló bitu, ọla ọla kema du betale whi hti irurapó?" yalepó.

⁹ Tétepa mepaaené duraalu, "Me kae mei atoro htipó depa mepaaené meipó, betá kaae kelepaa daale whi kae irurapó," yalepó. Tétepa kale whiné amatei duraalu,

"Take kele dilikiyóló bitu, ọla ọla kema du betale whita me kae mei, ẹtoró hti i ape," yalepó.

¹⁰ Ai fo depa atimané ẹpaae duraalu, "Naao kele dilikiretei netéro wisiyaleé?" yalepó.

¹¹ Tétepa ama duraalu, "Atimané Yesupó du betere whiné hae soro basa basa eróló yálo kelemó dilóló, Sailoam wẹimó fokone fae depa, fokale tikimó yálo kele wisiyóló mió ọla ọla keletapó," yalepó.

¹² Ai fo depa atimané ẹpaae woseturaalu, "Ai whi ẹ momó betere?" depa kale whiné duraalu, "A momó beteréro ẹkélé kisipanipó," yalepó.

Farisi whịrapené betá whiné kele neyóló wisiraleé? yale fo

¹³ Téro, atima mepaae whịrapené kale kele dilikiyóló betale whi Farisi whirape beterepaae dapesó walepó.

¹⁴ Yesuné kale kele dilikire whi hae dilóló wisirale alata, ẹsa naai tukóló muló betere be demó yalepó.

¹⁵ Atépa kale Farisi whịrapenékélé ẹpaae woseturaalu, "Naao kele dilikiretei, netéro wisiyaleé?" depa, ama atimapaae duraalu, "Yálo kelemó hae dilóló Sailoam wei kepaee fokone fae depa, ẹ fóló fokalemó yálo kele wisiyóló, mió ọla ọla keletapó," yalepó.

¹⁶ Ai fo depa mepaae Farisi whịrapené duraalu, "I whita, Kótóné dotonale whi meipó. Ti noatepae, ẹsa naai tukóló muló betere be demótei, ama etei kaae kutó ditu beterapó," yalepó. Ai fo depa, mepaae whiné duraalu, "Dowi ala du betere whiné etei kaae kelemei ala netéro eraaloé?" yóló atimasisi tekeyóló fo kae kae du betalepó.

¹⁷ Téro atima ai fo yóló kemetepa, kale kele dilikiyale whi daalepaae feté fóló duraalu, "Ai whiné naao kele wisiró beter-apa, naao ẹ depóló kisipa mute?" depa, kale whiné duraalu, "Ata Kótóné ama kóló whikópó," yalepó.

¹⁸ Tétepa, ai kale Juda whịrapené ẹ take kele dilikiyóló betale whitei, wisiró beterapóló kisipa tiréni, ẹ kae whi nisiyóló ama hamaró alimatamo dapesene fópóló, mepaae whirape doteyalepó.

¹⁹ Atéro, kale whiné hamaró alimatamo wóló betepa, Farisi whịrapené atimaamopaae woseturaalu, "Ita diaamoné kele dilikipatei deyalepó yale naale htié? Atéyaletei, mió ama kele wisiretei netéro yaleé?" yalepó.

²⁰ Ai fo depa, hamaró alimatamoné duraalu, "Ata dāmoné naalepó. Ama kele atéro dilikipa deyaletei dāmoné kisiparapó.

²¹ Tétepa, ama kele wisirale whi ó netéro wisiraleró damokélé tuénipó. Ti akélé disire whipa, ẹ wisirale fo amatóro yópóló ẹpaae wosae," yalepó.

²² Kale whjné hamaró alimatamoné atéro yale fo hãle inipó. Yesu ʔata, Kótóné so whj teteróóló kaae tanóópóló, sóró betero betere whipó dere so whj fo wosetere bepaae holaqsóró, atima Juda whjrapené belapaae hókó deraalopó ere fo atimaamoné wusuróraalu, witepa yalepó.

²³ Atimaamoné ʔkélé disire whjpa, ʔpaaetóró wosae yale fota ai betené yalepó.

²⁴ Téro, Farisi whjrapené kale kele dilikiyale whjpaee momó ape yóóló duraalu, “Kótóné doi doasi muópóló yae. I sekéta, dowi ala du betere whjipóló ʔané tuʔrapó,” yalepó.

²⁵ Ai fo depa kale whjókó duraalu, “ʔata, dowi ala dere whj ó initere whjóró ʔkélé kisipa inipó. Téretei, take ʔ kele dilikiyóóló betaletai, mió ʔalo kele wisiyóóló keletere ala beta ʔalo kisiparapó,” yalepó.

²⁶ Atétepa atimané ʔpaae woseturaalu, “Naao kele wisiraaai noa ala maaté yaleé?” yalepó.

²⁷ Ti fo depa ama atimapaae duraalu, “Take ʔalo diãpaae yaletai, diaaʔ woseni hórãlepó. Téyaletai, diãné momó noatepa wosaai de? Diãkélé ama yó matere whjrape betaai kisipa mute?” yalepó.

²⁸ Ai fo depa atimané ʔ faleyóóló duraalu, “ʔata, i sekéné ama yó matere whj airapó! ʔata, ti Moses-né yó matere whjrape beterpó!

²⁹ Take Kótóné Moses-paae mo yalepóóló ʔané kisiparapó. Tétepai, ai whj wale tikikélé ʔa mo kisipanipa, ʔa deró kelae!” yalepó.

³⁰ Tétepa, kale whjné atimapaae tokó mótu duraalu, “Ama ʔalo kele wisirale alata, mo doasi alapó. Tétepai, ʔa wale tikikélé diã tuénipó depa, ʔalo doasi sira dapó.

³¹ Ti noatepae, dowi ala du betere whjrapené dere fo Kótóné wosenitere ala ʔané kisiparapó. Téretei, ama tué mole ala sya fóóló, erótu betere so whjné dere fota, ti ama wosetua dapó.

³² Mo take bitiré wale alimó, atéro kele dilikipatei detere whj mené fisãae farãlepó dere fo mo wosókélé inipó.

³³ Kótóné i whjtaamo dotonóluãmeisóró, ti ama beta ʔalakókélé eróluãmeipó,” yalepó.

³⁴ Ai fo depa atimané ʔpaae duraalu, “ʔata, naao haeró ayatamoné dowi ala tuãmó deyale whjnétei, ʔa ʔa yó matere whj betaai de?” yóóló, ʔa foné sóró hókó farãlepó.

Mo kelené kelepatei tiki tuãmó daale kele dilikire fo

³⁵ Kale Farisi whjrapené kele wisirale whj foné sóró hókó farãlepó, dere fo Yesuné wosóóló, kale whj kekãlepó. Atéro kekóóló, keletepa ʔpaae duraalu, “ʔata, Whjné Naalemãpaae kisipa tiró betere?” yalepó.

³⁶ Tétepa kale whjné ʔpaae duraalu, “Doa whj-ó, ʔ ʔpaae kisipa tiki tiraai dapa, ai whj naao ʔpaae yó ʔalae,” yalepó.

³⁷ Tétepa Yesuné ʔpaae duraalu, “ʔata, mió naao ai kelale ape. Mió ʔatamo i fo du betere seké ʔtóró i ape,” yalepó.

³⁸ Téro kale whjné duraalu, “Tale-ó, mió ʔ ʔpaae kisipa tiróóló i betere ape,” yóóló ʔ Yesu daale ʔomó buktiri teãró dua betaletapó.

³⁹ Téro Yesuné duraalu, “E i haepaae waletaita, mepaae kele dilikire so whj wisiróó, wisire so whjné kele diliki yóó yópóló, taleyóóló bukraai wãlepó,” yalepó.

⁴⁰ Yesu ʔtaamo felekemó daae mole Farisi whjrapené ama dere fo wosóóló, ʔpaae duraalu, “Naao ai dere fota, ʔãkélé kele dilikirapóóló de?” yalepó.

⁴¹ Tétepa Yesuné atimapaae duraalu, “Diãtamo diã kele dilikirapó ʔãsóró, ti diãné du betaletai dowi alamó diã só deróluãmeipó. Tétepai diaaʔ duraalu, diãné kele wisirapó dereteiní diaaʔ dowi ala hãle ai mole ape,” yalepó.

10

Sipsip hupu kaae tare topo whj wisita Yesuné ʔtórótípó yale fo

¹ Téro Yesuné duraalu, “ʔalo diãpaae mo i dapa wosae. Mepaae whj de kale *sipsip* hupurape betere típi tuómó sókó wéni, demó fulukóóló sókó hotepa, ti qlémi nokole whjóró hupu doraai wale whjtaamo ai ape.

² Téretei, whj me de kale *sipsip* hupurape betere tuómótóró sókó hotepa, ti hupu tale ai ape.

³ Kale *sipsip* hupurape me ala ʔãqsóró, tu sereke kaae tare whjné ai *sipsip* hupu tale típi tuãpaae wópóló tu tukjépa, ti ama fo nakome hupurapené wosetua dapó. Atéro, kale *sipsip* hupurape fea doi yósu enalemó, ama fo wosóóló wapa, ti belapaae olosó fua dapó.

⁴ Atéro, kale hupu talené ama hupurape fea belapaae dapesó doropóóló, ama klijimó woleyóóló fua dapó. Ti noatepae, kale hupurapené ama fo nakome wosóóló tuʔrapó.

⁵ Tétepai, mo whjné fo nakome woseturaalu sya feni, atima botokótei faalopó. Ti noatepae, ai hupurapené ʔa kae whjipóló tuʔrapó,” yalepó.

⁶ Yesuné atimapaae ai dó faróóló yale fo bete atima sini, kóló kóló du betaletapó.

⁷ Atétepa Yesuné atimapaae hãkearóóló duraalu, “ʔalo diãpaae mo i dere ape. *Sipsip* hupu fua wua dere tu sereketa, ti mo ʔtórótípó.

⁸ E waaipatei, take wua yale whjrapeta, ti qlémi nokole whjóró qla qla fasóóló sere whjrapetamo ai ape. Tétepai, kale *sipsip* hupurapené atima dere fo wosenipó.

⁹ Kale hupurape fua wua dere tų sereketa, ti mo ętórótípó. Mepaae whį de ę tuámó sókó fupa, ti me ęlané a doratere ala ini, tao saalópó. Atétere whįta, belapaae nerape nale fua, tipi tuąpaae hotua du betaalo ai ape.

¹⁰ Ti ęlémi nokole whįrapeta, haęe wómípó. Kale *sipsip* hupurape ęlémi dóló sóró fóo, hupurape dóló doróo, yaairaaalu wua dapó. Téretei, ę waleteita atima sukutere ala tuámó betereitei taaróló, ti betere bete mo turó sópóló kisipa mutu walepó.

¹¹ Kale *sipsip* hupu kaae tawóló asare whį wisinaaleta, ti mo ętórótípó. Hupurape me ala yaosóró, tao saai yało betere bete me ęla meipóló ę sukunérápó.

¹² Me dupu saai kisipa muóló hupu kaae tatere whįta, *sipsip* hupu tale meipó. Atétere whįta, hupu dóló nokole bete haę wale kilitu, hupurape dóló nópóló taaróló a botokó faalópó. Atétepa kale bete haę wouraaalu, *sipsip* hupurape dóló sesaape deremó, mepaae hupu botokó dapo dapo yaalópó.

¹³ Ti noatepae, ai kaae tare whį a *sipsip* hupurape kisipa muni, dupu saai kisipa muóló kaae tareiteiné hupurape taaróló, botokó fua dapó.

¹⁴ Ęta, *sipsip* hupurape kaae tawóló asare whį ereteiné, hupurape yało kisipa yóo, hupurapenekélé ę kisipa yóo erapó.

¹⁵ Até irure kaae, Ayané ama ę kisipa yóo, yało Aya a kisipa yóo, erapó. Yało betere bete me ęla meipóló sukąaireiteita, *sipsip* hupurape kisipa mutu, tao saairaaalu sukunérápó.

¹⁶ I tipi tuámó betere hupurape maaté tao saai mei, yało hupurape mepaae kae betó mulapó. Ai hupurapekélé fea yało dape sóró, i betó mole hupurapetamo touróló betámó beteraalópó. Tétepa, ai hupurapenekélé yało dere fo wosaalópó. Tétu, *sipsip* hupurapekélé mo betatóró betóo, kaae tare whįkélé betatóró betóo, yaalo ai ape.

¹⁷ Yało betere bete tokó sóró sukutepa, ę momó kepaayóló betaalópóló kisipa mutu, yało betere bete matereteiné yało Ayané ama ępaae yaala sókó fóló mulapó.

¹⁸ Whį betąnekélé yało betere bete tokó seni, yało kęleaanétei matapó. Ę sinitere alakélé, kepaayóló betaaire alakélé, naaotei teteróló kaae tawae yóló, yało Ayané ępaae maleiteiné yało teteróló kaae tarapó,” yalepó.

¹⁹ Kale Juda so whįné ai dere fo woseturaalu, atima fea betą kisipa muni, mepaaené fo kae yóo, mepaaené fo yóo, du betalepó.

²⁰ Atétu, mepaae turó so whįné duraalu, “Ai whį tuámó dowi kepe faanuraalu, topo

doyóló du betere fo diaaq noatepa wosetu bitu de?” yalepó.

²¹ Ai fo depa mepaae so whįné duraalu, “Dowi kepe tepeyóló betere whįné etei kaae fo dumipó. Dowi kepe tepeyóló betere whįné kele dilikire so whį sumó wisiranére?” yalepó.

Juda whįrapené Yesupaae kisipa tiki tiréni yalefo

²² Téro, Jerusalem be tuámó Juda fak-ené moma dere be mo take bóe whįné do-raalotei, momó wisiróló ęla deyaai tukóló muló betere be de sókó walepó. Atéro ęla detere alata, sosóli alimó yalepó.

²³ Atéyale sukamó, moma dere be belamó tene Solomon-né doi mole be tokweimó Yesu a kutu betalepó.

²⁴ Atétepa, Juda so whįné Yesu boperąle wóló, ępaae duraalu, “Naaո dąpaae yó melaai yale fo yó melaalo nisiyóló kaae tawale supa, yałtamo so whį teteróló kaae tanópóló Kótóné sóró betero betere whį Kerisopata, ti dąpaae haęearóló yae,” yalepó.

²⁵ Ai fo depa Yesuné atimapaee tokó mótu duraalu, “Take yało diąpaae yaletei, diąne tuę tiki tiréni. Ę etei kaae whįpóló diaaq kisipa tirópóló, Ayané doimó yało i kelemei alarape du beteraapó.

²⁶ Tépateti, dią yało *sipsip* hupu bitinireiteiné, ępaae kisipa tiró bitini ai ape.

²⁷ Yało *sipsip* hupurapené yało fo wosetua dapó. Ai hupurape atimakélé yało tuę yóo, atimakélé ę sya wóo, du beteraapó.

²⁸ Yało atimapaee mo ti betere bete matereteiné atima sukóló alukélé mo yaalo meipó. Ai so whį atima yało naase tuámó betepa, me whįné fasó sere alakélé mo enéniépó.

²⁹ Ai *sipsip* hupurape yało naase tuámó beterele sekę yało Aya ąta fotokę bole Tale bitu, fea whįraperó kae kae keperapetamo ama teteró beteraapó. Atéreteiné atima yało Ayané naase tuámó betepa, me whįnekélé mo fasó senéniépó.

³⁰ Yało Ayané ama ere ala ó mole tuękélé kae mei, dąmo wusuró mo betą alatóró erapó,” yalepó.

³¹ Ai fo depa wosetu, kale Juda whįrapené momó kapo du sóró, a siriyóló daai yalepó.

³² Atétepa, Yesuné atimapaee duraalu, “Yało Ayané ępaae erae depa, kae kae kelemei ala eralepó. Téyalepa, mé erale kelemei alarapemó, diaaq ę kapo duné siróló daai de?” yalepó.

³³ Ti fo depa Juda whįrapené ępaae tokó mótu duraalu, “Naaո ai eratere alamó ya kapo duné siriyóló daai dumipó. Yałtamo whįtei, Kótópó du betere foné Kótó faletu betepa, ya daai dapó,” yalepó.

³⁴ Tétepa, Yesuné atimapaee tokó mótu duraalu, “Diyané tukóló muló betere foné diąta, kótórapepóló take yało diąpaae inié?”

³⁵ Kótóné asemó ere fo tuąmó tekeyóló mepaae wosó, me kwiapaae woseni sisópaae eró, dere ala mo enéniépó. Ama fo wosale so whįpaae diąta, kótórapepó depa, ti i haepaae wópóló Alima Kótóné kae beteró betere naalepaae noa fo enére?

³⁶ Atépa, yało Ayané ę ama naalepóló sóró kae beteróló, i haepaae dotonalepó. Atérené yało duraalu, ‘Ęta Kótóné naalemapó’ dere fomó, Kótó faletapóló diaaq ę só deróló hałe ęla kaae aqrótu beterapó.

³⁷ Yałotamo, Ayané ama erae dere ala erénitepa, ti diyané yało dere fo wosóló, ępaae kisipa tiraąse.

³⁸ Tépatei, yało Ayané erae dere ala erateremó, diaaq ępaae kisipa tiratere hótépa, ti mepaae eratere kelemei alarape kisipa tirae. Atétepa, ti yało Aya ą ę tuąmó betó, ękélé ą tuąmó betó, ere ala bete diaaq wisiyóló kisipa yaalo ai ape,” yalepó.

³⁹ Ai fo depa, atimané take yale kaae Yesu tawóló *dipula* beteraai yalemó, ą ai tuąmótei sóró deyóló felepó.

⁴⁰ Atéró Yesu ą Jordan weį teyóló, ama yó mótu betere ala kaae sale tikipaae momó biń felepó. Aita, take Jon-né so whį fea weį tópurótu betale tikipó.

⁴¹ Atéró fóló beteremó, so whį mo dékéró ą beterepaae wóló duraalu, “Jon-néta, kelemei ala mo betąkélé eratepa kiliniépó. Ténitei, ama i whį kisipa muóló yale fo fea motóró erapó,” yalepó.

⁴² Atima ai betó mole tikimó, mepaae so whį fea Yesupaae kisipa tiralepó.

11

Lasarus sukąle fo

¹ Téró, Betani be whįkó ama doi Lasarus ą kisiné sukóló molepó. Ai be huluata, Maria ama kema Martasépi atimané turuku bepó.

² Ai so Mariata, kale kisiné sukóló mole whį Lasarus-né nemapó. Ata, Talené hęleke tómó felé kęlaa wale *wel* weį suniyóló, ama topo nikinétei helekóló kópurale sopó.

³ Kale whįné ama nema tamóné Yesupaae duraalu, “Tale-ó, naao hosaa mole fulumu whį kisiné sukóló mulapó,” fo yó faralepó.

⁴ Ai fo Yesuné wosóló duraalu, “Ata, ai daale kisiné ama betere ala mo ti kemeraalo meipó. Ai kisita, Kótó Naalemané Alimané ere ala wisi hękearatepa, so whį feané kolópóló erapó,” yalepó.

⁵ Martakélé, ama kema Mariakélé, atimaamoné nema Lasarus-kélé, Yesuné ama hosaa mulu, yaala sókó fóló molepó.

⁶ Atépatei, ama noma Lasarus kisiné sukóló mulapó dere fo wosóló, Yesu ą hapale feni, be de tamo hałe beterepó.

⁷ Téró ama yó matere whįrapepaae duraalu, “Dą Judia hae kwiapaae momó fesaae faalopa fiépe,” yalepó.

⁸ Ai fo depa, atimané ąpaae duraalu, “Yó matere whį-ó, dóti atima Juda whįrapené ya kapo duné firóló daai yale tikipaetei, momó fesaae faai de?” yalepó.

⁹ Tétepa Yesuné duraalu, “Betą be de tuąmó kutó diteré 12-ró suka kele munié? De tuąmó kotere whįta, me ęlané hó kotóo sóró déekélé naalomeipó. Ti noatepae, ai whį ąta i haemó ere deątamo kutu beterapó.

¹⁰ Térétei, diliki tuąmó kotere whįta, kotóo sóró dée nukua dapó. Ti noatepae, ą de tuąmó konitereteinépó,” yalepó.

¹¹ Yesuné ai fo yale kęlipaae ama atimapaee duraalu, “Dané fulumu whį Lasarus ą noke fiąa turukuraai ę fulapó,” yalepó.

¹² Ai fo depa, ama yó matere whįrapené duraalu, “Tale-ó, ątamo mo noke fiąa, ti ama hałe wisiyaalopó,” yalepó.

¹³ Yesuné amata, kale whį mo ti sukunapó yaletei, ama yó matere whįrapené ti mo noke fiąa dere nisiyalepó.

¹⁴ Atétepa, Yesuné atimapaee hękearóló duraalu, “Lasarus-ta, mo ti sukunapó.

¹⁵ Atei alata, dią kisipa tirópóló ę ątamo betąmó betepa iniyaleteiné yało mo kée dapó. Térapa, dą ą kelaai faalopa fiépe,” yalepó.

¹⁶ Tomas-tei ama doi Didimas-pó du betere whįné mepaae yó matere whįrapepaae duraalu, “Dąkélé ątamo betąmó sukąai faalopó,” yalepó.

Yesuné Mataró Mariatamo nema sukąlemó seķę yaąsóró tao sale fo

¹⁷ Téró, Yesu ą Betani bemó sókó fóló kelalemó, kale whį Lasarus दौरó betepa, दौरó be deąape kemeipakalepó.

¹⁸ Ai Betani bemó kaae sóró, Jerusalem bepaae foleiteita, saletó mei, 3 *kilomita* maatépó.

¹⁹ Atérené, Juda hae kwiamó betó mole so whį mo turó Mataró Mariatamoné nema Lasarus sukąleteiné atimaamo dekené sukaąsóró, kęleó yóló moló bemó fea betaai walepó.

²⁰ Atéró, Yesu ą tuąmó wou beterapó dere fo Matané wosóló, ątamo hokolaa yaai fupatei, Maria ą bemó hałe beterepó.

²¹ Atéró fóló, tuąmó hokolaa yóló, Martané Yesupaae duraalu, “Tale-ó, yaątamo imó bituąsóró, ti yało ne sukuąmeipó.

²² Tépatei, naao noa alakó Kótópaae wosetepa, ti ama mo miótóró eraalopóló kisipa mutapó,” yalepó.

²³ Ai fo depa, Yesuné kale sopaae duraalu, “Naao neta momó kepaayóló betaalo ai ape,” yalepó.

²⁴ Tétepa Martané duraalu, “Take kemetere sukamó so whi fea kepaaturaalu, akélé kepaayaalopóló yalo kisiparapó,” yalepó.

²⁵ Ai fo depa, Yesuné kale sopaae duraalu, “Kepaayaaireteiró betere betetamota, ti mo etórótípó. Whi me de epaae kisipa tiró betere tuamó a sukutepa ti aluni, hale betó tawaalopó.

²⁶ Mepaae so whi de mo bitutei, epaae kisipa tiratepa, ai so whi sukókélé mo yaalo meipó. Naao yalo i dere fo wosóló, mo dapóló kisipa tiki tirate?” yalepó.

²⁷ Tétepa kale soné duraalu, “Tale-ó, yaata so whi fea tetéróló kaae tanópóló, sóró beteró betere whi Kerisopó dere fo mo dapó. Yaata i haepaae waalopóló bopetu betale whi Kótóné Naalemapóló, kisipa tiratapó,” yalepó.

²⁸ Matané ai fo yóló kemetepa, a fesaee fóló kema Mariapaae ape yóló, depaae dapesó fóló duraalu, “Hama-ó, kale yó matere whi wóló daalu, ya-ó dapó,” yalepó.

²⁹ Ai fo depa, Mariané a hapale turukó holóló, Yesu daalepaae felepó.

³⁰ Atéyaletei, Yesu ai be huluapaae hapale sókó feni, Mata atimaamo hokolaa yóló, fo du betale tikimótóróti hale daalepó.

³¹ Atéró, Mariapaae kole-ó, yaai wale Juda fake so whi fea atamo be dolomó betó mualetei, a turukó daalóló fupa, nema molóne fole nisyóló atimakélé a sya felepó.

³² Atéró, Maria a Yesu daale tikimó sókó fóló a kelalepó. Atéró, ama hó aomó de-raapisa fóló fiyó mulu duraalu, “Tale-ó, ya imó bituásóró, yalo ne sakuameipó,” yalepó.

³³ Atéró, Yesuné Maria wole dere ala kolóo, atamo wale Juda so whikélé wole yóo, depa kilitu, ama hosaa tuamó doasi dekené sukutu betalepó.

³⁴⁻³⁵ Atétepa, ama atimapaee wosetu-raalu, “Diaa a momó douralee?” depa, atimané duraalu, “Tale-ó, kelaasepóló ape,” yalepó. Ai fo deremó, Yesu akélé wole yalepó.

³⁶ Yesuné atéró wole depa kale Juda so whiné duraalu, “Ama hosaa mole whi sukutepa wole ai dere kelere?” yalepó.

³⁷ Téyaletei atima mepaae so whiné duraalu, “I whiné take kele dilikire whi wisirótu yale kaae, i sukóló mole whi wisi erénitupó?” yalepó.

Yesuné Lasarus kepaarale fo

³⁸ Atéró Yesu a kale yale kaae, momó ama hosaa tuamó doasi dele duraalu, dou tópaee walepó. Téyalemó, a dourale kane dolo tu doakale kane fakené kinó betepa kelalepó.

³⁹ Atépa, Yesu sókó wóló duraalu, “Ai kinó betere kane fake sókó sóró mulae,” yalepó. Ai fo depa, kale sukóló mole whiné nema Matané duraalu, “Tale-ó, téyaalotei a douró

betepa, be de douro kemeyaletiné mió dowi kela sókó waalo ai ape,” yalepó.

⁴⁰ Ai fo depa Yesuné duraalu, “Naaotamo kisipa tiki tiratepa, ti Kótóné mo kae ere ala wisinaale kelaalo ai ape, fo yalo yapaae inié?” yalepó.

⁴¹ Atétepa, kale kinó betere kane fake atimané sókó sóró mulalepó. Téró, Yesu a ó sapaae kese holóló duraalu, “Aya-ó, yalo moma dere fo naao wosóló, eratereteiné yapaae mo kée dapó.

⁴² Ti noatepae, betere dokó fea yalo kematere fo naao wosóló, erótu betere ala yalo tuérápó. Téretei, yalo i dere fota, i daae mole so whiné etei ala kilituraalu, e naao dotonó beterapóló atima tué tiki tirópóló dapó,” yalepó.

⁴³ Atéró ai fo yóló kemetepa, ama fo fakeyóló duraalu, “Lasarus-ó, ya ipaae tóe ape!” yalepó.

⁴⁴ Tétepa, kale sinale whi belapaae tóe wouraaalu, ama hó naasekélé, kelepaakélé, boperóló mulale deji *linen* kutiné bope yóo, ama kelepaakélé kutiné husuróo, epatei sókó walepó. Atétepa, Yesuné atimapaee duraalu, “A kweyópólópa, ama tikimó ai bopere kuti teraae falae,” yalepó.

Topo whirapené Yesu daairaalu, fo deyaleteti

(Mat 26:1-5, Mak 14:1-2, Luk 22:1-2)

⁴⁵ Atétepa, Mariapaae kole-ó yóló, atamo betaai wale Juda fake so whi fea Yesuné ai yale ala kolóló, apaae kisipa tiki tiralepó.

⁴⁶ Téyaletei, Mariapaae kole-ó yaai wale whirape atimakó mepaae Farisi whirape beterepaae fóló, Yesuné yale alarape fea yó malepó.

⁴⁷ Atéró, mo so whimó momaraterere topo whiraperó Farisi whirapetamoné mepaae taleraterere whirapepaae ape yóló, touróló fo kelaaróló atimapaee duraalu, “I whiné ama du betere ala taalópóló depatei, ai whiné taalaaire mo suni, Talené dapó yópóló, eratere kelemei alarape fea du beterapó. Térapa, dané noa alakó yaaloró, tué tekeyaalopó.

⁴⁸ Danétamo ama i ala du beterópóló kaae tapa, ti so whi feané apaae tué tiki tiraalopó. Atéturaalu, Rom *Gavman* whirape wóló, da betere beró dané tetéróló kaae tare hae kwiatamo fasó saalopó,” yalepó.

⁴⁹ Atéró, ai ba fomó atimakó whi betá ama doi Kaiapas, a so whimó Talepaae momaraterere doasi topo whi beterepó. Ai sekéné atimapaee duraalu, “Diaa a dere fota, diá tué iniru whaalaa depa hoko fo dapó.

⁵⁰ Da Juda fake so whi fea aluyaasóró, betá whi sukutepa wisirapó kisipa muni airapó,” yalepó.

⁵¹ Ai fota, amatei kekeme nóló ini, ai ba fomó ą so whímó Talepaae momaratero topo whi bitu, Juda fake so whi tao saairaalu, Yesu sukąaire ala Kótóné kóló whiné dere fo kaae ama tikati yóló mulalepó.

⁵² Yesu ą sukąaire alata, ai Juda fake so whi maaté tao saai meitei, Kótóné ama naale senaale i hae kwiamó dapo dapo yóló, kae betó moletei, fea touróló mo betą faketéró aleróló beteraalopó.

⁵³ Atéyale be demótóró kaae sóró, kale Juda topo whįrapené Yesu daairaalu, kikiťi fo dokóló mulalepó.

⁵⁴ Atéreteiné Yesu ai Juda hae kwiamó momó kae hąkeamó kuni, ai hae taaróló, so whikélé bitinire hąle kópu kąae fi hae kwia felekemó tene Epraim be huluumó, ama yó matere whįrapetamo fea beterepó.

⁵⁵ Atéró, Juda fake so whiné kale bosenyóló fele be demó ąla detua dere be de felekemó sókó waai depa, kae kae be huluumó betó mole so whi fea atima betere tiki taaróló, Jerusalem bepaae holalepó. Aita hąle meipó. Talené keletómó atima wisirapó yópóló, momatere bemó kae kae fokotere ala yaai holalepó.

⁵⁶ Atéró fóló bitu kale so whiné Yesu momó betereópóló kikiťi betalepó. Atéró moma dere be belamó daae mulu atimasisi duraalu, “Diaąo kisispané ą i ąla deterepaae waalopé meię?” du betalepó.

⁵⁷ Aita, hąle inipó. So whímó momaratero topo whįraperó Farisi whįrapetamoné mepaae whįrapepaae duraalu, “Diąkó me whinėtamo ą keletepa, ti tawóló *dipula* beteraalopa, atimapaee ene ape yóló mulateiteiné,” ai fo yalepó.

12

Mariané felé kęlaa wale nard wel wei turó Yesuné hómó dilale fo
(Mat 26:6-13, Mak 14:3-9)

¹ Atéró, kale bosenyóló fele be demó ąla deyaairaalu, apo miró be de hąle mupatei, Yesu ą ama kepaarale whi Lasarus-né turuku be Betanipaae sókó walepó.

² Ai bemó atimané Yesu hękeseróturaalu, ąmó ąla deralepó. Ama nema Lasarus-kélé ąla nokole ni fake tómó Yesutamo betepa, ai deyale ąla Martané atimamó ąliróló malepó.

³ Téro, Mariané doasi *moniné* duputere felé kęlaa wale *nard wel wei* wuti fąpa sóró wóló, Yesuné hómó suniyalepó. Atéró ama topo nikinétei, kale *wel wei* fe hęlekelepó. Atéyale tikimó, atima betere be dolokélé, felé kęlaa feyó feyóró walepó.

⁴ Téyaletei, Yesuné ama yó matere whįrapekó Iskariot be whikó Judas-né kale so foné sóró duraalu, “Ai ąla hąle noatepa

besekéraleé?” yalepó. Ti ai sekęta, take nao Yesu dópóló eleké deyaaire whipó.

⁵ “Téro ama duraalu i felé kęlaa wale *wel wei* wisinaaleta, dotonóló 300 *silpa moni* sóró, mepaae yolealere so whímó meniyólópó,” yalepó.

⁶ Ai fo yaleteita, yolealere so whi mo tao saai kisipa muóló inipó. Ti noatepae, atimané betąpaae touróló mulótu betere *moni* ama tęteróló kaae taru, ątei ąlémi sua yalepó.

⁷ Ai fo depa, Yesuné duraalu, “Ai soné ama felé kęlaa wale *wel wei*ta, Kótóné mo taketitei i ala yópólópó yóló muló betepa, ama mo wisiyóló kaae taté wóló, mió ę दौरaaire suka felekemó ai ala dapa, seséni ama yópóló taalae.

⁸ Ti noatepae, ai yolealere so whiťa, diątamo suka fea betó tawaalopó. Téyaalotei, ęta, dekéro be demó diątamo betaalo meipó,” yalepó.

⁹ Atéró, kale Juda fake so whiné Yesu Betani bemó beterepó dere fo wosóló, ą kelaai dapóló touralepó. Atéró touraleteita, Yesu maaté kelaai mei, Lasarus mo ti sukąletei, Yesuné kepaaralepó depa, kelaairaalu walepó.

¹⁰ Atétepa, mó so whímó momaratero whįrapené Lasarus-kélé daai dapóló fo deyalepó.

¹¹ Ti noatepae, Lasarus kepaarale ala atima Juda fake whįrapené kilituraalu, mo so whímó momaratero whįrape taaróló, Yesupaae kisipa tiki tiraté fu betepapó.

Yesu Jerusalem bepaae fele ala
(Mat 21:1-11, Mak 11:1-11, Luk 19:28-40)

¹² Atéró, hįka be deęepa Yesu Jerusalem bepaae wou beterepó dere fo ai ąla naai touró betere so whiné wosalepó.

¹³ A fo wosetu, ątamo tumó hokolaa yaai sapo dąarape tao diliki yóló, i fo fakeyóló deté fu betalepó.

“*Hosana!* Talené doimó wale whi wisinaale Kótóné wisirópóló yae. Israel fake so whi tęteróló kaae tare doasi topo whi Talené wisirópóló yae,” deté fu betalepó.

¹⁴ Atéró Yesu ą faairaalu, betą utų *donki* hupu sóró ai hupuné sisó tómó betalepó. Ama ai yale alata, kale asemó i yóló muló betere fo motóró dokonalepó.

¹⁵ “Saion be huluumó betó mole senaalerape-ó, mió dią tęteróló kaae tare doasi topo whi utų *donki* hupuné sisó tómó betóló ai walapa kelere?” erapó.

¹⁶ Ai yale alarape fea ama yó matere whįrape atimanékélé kelaleteti, bete hapale sóró kisispanipó. Ténitei, Yesu ą kepaayóló hepen-paae fóló, ama ere ala wisinaale hąkearale kįlipaae ti atimané ąpaae erale

alarapeta, Kótóné ašemó ere fo dokonó beterpóló kisipa mualepó.

¹⁷ Téró, kale Lasarus dou dolomó mupa, Yesuné kepaaratepa kelale so whíné ai yale ala fea deté fóló fakeralepó.

¹⁸ Yesuné ai kelemei ala eralepó, depa wosale so whí mo turó ai be hulua taaróló, ątamo hokolaa yaai dapóló felepó.

¹⁹ Atétepa, kale Farisi whįrape atimasisitei duraalu, “Đané du betere alarape fea mo aąkélé inipó. Ti ama dere alamó, i haemó betó mole so whí mo feané ątóró ai sya fu betere kelere!” yalepó.

Yesu ą sinaalopóló yale fo

²⁰ Atéró, ąla deyaai tukóló muló betere be de sókó wapa, Kótóné doi sóró holóló moma yaai Jerusalem be hulupaape hotere so whıtamo, mepaae *Krik* fo bole so whı atimakélé fea touyóló holalepó.

²¹ Téró, kale *Krik* fo bole so whı atima Kaleli haemó ąene Betsaida be whıkó Filip beterepaae fóló, ąpaae woseturaalu, “Doa whı-ó, đąta Yesu kelaai walepa, naao đą ą beterepaae dapesó faalóé?” yalepó.

²² Ai fo depa Filip ą wóló Andrupaae depa, Andru atimaamo wusuró fóló, Yesupaae yalepó.

²³ Ai fo depa Yesuné atimapaape duraalu, “Kale Whíné Naalemané ere ala wisi ąkearaaire suka mió mo felekemó sókó waai dapó.

²⁴ Ҳalo đıapaae mo dapó. Kale *whıt* ke haepaae taae derepeletei kełaayóló alunitepa, ti ai ketóró ąale muó tawaalopó. Tėni, ai ke kełaayóló alutepa, ti ątumu sokóló, du mo dekéró woleyaalo ai ape.

²⁵ Mepaae whı de ama betere bete me ala yaąsóró, amatei hotowaró kaae tapa, ti ai whíné betere bete aluyaalopó. Tépatėi, mió i alimó mepaae whı dené ama betere bete doratepakélé me ąla meipó dere whıta, mo ti betó tawaalo ai ape.

²⁶ Mepaae ąalo ala erótu betere so whıta, ti mo ątóró sya wonérapó. Atétere so whı atimakélé ę betere tikimótóró betąmó be-taalopó. Mepaae so whı detamo ąalo kutó dirótu betepa, ti atétere so whíné doi ąalo Ayané sóró horóló, dukiraalopó.

²⁷ Mió ąalo hosaa tuąmó doasi sekené sukutapa, noa fokó yaalóé? Aya-ó, i be demó ępaae eraaitere ala seséyóló ę tao sae fo enére? Mió ępaae eraaire ala mo erópóló, ę wóló i betere ape. Aya-ó, naao ere ala wisi so whı feané kolópóló ąkearae,” yalepó.

²⁸ Yesuné ai fo depa, hepen bemó fo fakeyóló duraalu, “Ҳalo ere ala wisi ąkearó betereitei, mo turó kolóló tuę yópóló, ąalo momó ąkearaalopó,” yalepó.

²⁹ Ama atéró dere fo aimó touró betere so whíné wosóló, mepaaené duraalu, “Aita, be sapalaa dorowou yalepó,” depa, mepaae

so whíné duraalu, “Meipó. Aita, *ensel-né* ąpaae fo du yalepó,” yalepó.

³⁰ Ai fo depa Yesuné duraalu, “Aita, ę tao saai ini, đıą tao suraalu yalepó.

³¹ Ti noatepae, i hae so whıtamo fo tokóló dowi kwia melaaire be de mió mo felekemó sókó waai dapó. I hae ąeteróló kaae taru, doasi topo whı betaai dapóló wóputu betere seké mo felekemó ąkó faraalo ai ape.

³² Téyaalotei, ę ó sikipaae só horatere sukamó, ai so whı fea ę beterepaae wópóló, ąlısóró waaire ala eraalopó,” yalepó.

³³ Ama ai yale fota, ą sukuturaalu yaaire ala ąkearaalepó.

³⁴ Atei fo depa kale so whíné duraalu, “Kótóné ašemó ere foné i so whı fea ąeteróló kaae tanópóló, sóró betero betere whı mo ti betó tawaalopó erapó. Ai fo epatei, ‘Whíné Naalema sikipaae só horaalopó dere-a, netéró de?’ Whíné Naalemapó dere fo demó de?” yalepó.

³⁵ Ai fo depa Yesuné atimapaape duraalu, “I đetereta, sawa sukamó maatei đıątamo betaalopó. Atéyaalopa đıą mepaae furaalu, tu tuąmó be dikiyaąsóró depatei fae. Mepaae so whı de diliki tuąmótamo kutu betepa, ti ą fole tikikélé ama wisiyóló kisipa yaalomeipó.

³⁶ Mió kale de đıą tuąmó etéró đeró betere félitei đıą ai đeterené naale senaale be-taasepóló, ąpaae kisipa tirae,” yalepó. Ama ai fo yóló kemetepa, ai so whíné ą kelaąsóró, atima betó mupatei taaróló, Yesu ą kikiiti kinóló betalepó.

Juda whırapené Yesupaae kisipa tiki tirėni yale ala

³⁷ Téró, Kótóné dapó yópóló, Yesuné mepaae kelemei alarape eratepa so whı feané kelaletei, atimané ąpaae kisipa tiki tirėnipó.

³⁸ Atéyale alata, Kótóné fo eratere kóló whı Aisaiané i ašere fo dokonalepó.

“Tale-ó, đané yó matere fo némaaté wosóló kisipa tiki tiraleé? Talené ama fotokóné yale ala depaae maatei ąkearóló yó malee?” erapó.

³⁹ Ti noatepae, Yesupaae atimané tuę tiki tirėnire beteta, Aisaiané i ašere fotóró dokonóturaalu erapó.

⁴⁰ “Kótóné atima kele dilikiróo, hosaakélé ąaróo yale beteta, atima yale ala kilitu, tuę tiki feteyóló wapa, ama wisiraąsóró kisipa mutu yalepó,” erapó.

⁴¹ Yesuné ai ere ala wisinaale Aisaiané ama kelaleteiné ai fo ašep ipakalepó.

⁴² Atéró, kale Juda topo whırape mepaae Yesupaae kisipa tiki tiralepó. Téyaletei, mepaae Farisi whırape kolóló atima wituraalu, ąpaae kisipa tiki tirale ala ąkearóló yó menipó. Ti noatepae, fo wosetere be

tuɔpaae fenalemó, atima dóló hɔkonaqsóro kisipa mutu yalepó.

⁴³ Ti noatepae, atimané dere wisi alamó, mo so whiné dukiraterere fo wosaai ekele duraalu, Kótóné atima dukiraterere fo wosaaire ekele ini, sisópaae erótu beterepó.

⁴⁴ Téró, Yesuné fo fakeyóló duraalu, “Mepaae so whi de ɛpaae kisipa tiki tiratepa, ti ɛpaae maaté tirótimatei, ɛ dotɛyale seképaakélé, kisipa tiratapó.

⁴⁵ Mepaae so whi dené ɛ keletepa, ti ɛ dotɛyale sekétóro ai keletere ape.

⁴⁶ Até ereteiné ɛ i haepaae waleteita, ɛpaae kisipa tiki tiró betere so whi diliki tuamó betere ala taaróló, ɛ tuamó beteropóló, i haemó ɛeró betaai walepó.

⁴⁷ Ȳalo fo wosóló erénitere so whita, Ȳalotei fo tokóló só derótimpó. Ti ɛ waleteita, i haemó betó mole so whi taleyóló só deraai wéni, atima aluyaqsóro, tao saai walepó.

⁴⁸ Whi me de Ȳalo fo woseni, ɛ hórótu betepa, ti ai whitamó fo tokótamo yóló só deraaire ala mulapó. Ȳ i haemó bitu, Ȳalo yó male fonétóro take kemeterere sukamó so whi só deraalo ai ape.

⁴⁹ Ti noatepae, Ȳalo yale fota, Ȳalotei kekeme nóló ini, Ȳalo Aya ɛ dotɛyale sekéné ɛpaae yae yale fotóro yalepó.

⁵⁰ Ȳalo Ayané ama yae yóló muló betere fo Ȳalo sya fóló erótu betepa, ti so whi fea mo ti betaaire bete saalopóló, Ȳalo kisiparapó. Ti Ȳalo i du betere fota, Ayané ɛpaae yae yale fotóro sya fóló du beterepó,” yalepó.

13

Yesuné ama yó matere whirape hó fokale

fo

¹ Téró, kale bosenéne fele sukamó ɔla deyaaire be ɛ felekemó sókó waai depa etéyalepó. Yesu Ȳ i hae taaróló Alima beterepaae faalopóló tukóló mulale ali walapóló kisipa mualepó. I haemó betó mole so whiɔpaae yaala sókó fole ala deté wóló kemeróturaalu, atimapaee mió bete mo turó hakearóló yó melaai dapó.

² Be dikiteretamo, Yesu Ȳ ama yó matere whirapetamo ɔla naairaalu taletu betepa, Yesu eleké deyóló dópóló, Satan-né Iskar-iot be whikó Saimon naalema Judas-né tué tuamó sesemeróló ɛnenílapakalepó.

³ Yesuné fea ala ama ɛteróro kaae tanópóló, Alimané Ȳ sóro betero betere ala ama kisipa yoo, Ȳ Kótó betereró wale alakélé, momó fesaae faaire alakélé, ama kisipa yoo, erapó.

⁴ Ȳ atérapóló kisipa mutu, ɔla nuku betaletai turukó holóló, ama tómó ɛeró betere kuti sókó mulóló, betȲ tawel sóro kak-eralepó.

⁵ Atéro, betȲ nuku *dis* dolopaae wei deróló, atimané hɔleke kaae sóro fokalepó. Atéro, ama kakerale *tawel*-né atimané hó helekóló kópuralapó.

⁶ Até deté wóló, Ȳ Saimon Pita beterepó sókó wapa, ama Ȳpaee duraalu, “Tale-ó, naaotei Ȳalo hó fokaaí de?” yalepó.

⁷ Ai fo depa Yesuné Ȳpaee duraalu, “Diɔpaee i erótu betere ala bete mió naao kisipanitei, take nalopaae ti kisipa yaalo ai ape,” yalepó.

⁸ Tétepa Pitané Ȳpaee duraalu, “Ȳalo hó naao mo fokókélé yaalomeipó,” depa, Yesuné Ȳpaee tokó mótu duraalu, “Naao hótamo Ȳalo fokoni depa, ti Ȳ Ȳalo fake aleyóló ɛtamo betamó betenenípó,” yalepó.

⁹ Ai fo depa, Saimon Pitané duraalu, “Tale-ó, Ȳalo hó maaté fokoni, Ȳalo naaseró topotamokélé fokotepa wisirapó!” yalepó.

¹⁰ Ti fo depa, Yesuné Ȳpaee tokó mótu duraalu, “Whi me de ama tiki turó wei tópuóló betepa, ti hó maaté fokonerapó. Diɔ feata, wei tópuatei, betȲ whi meipó,” yalepó.

¹¹ Ti noatepae, take Ȳ dópóló eleké deyaaire whi ama kisipa iruraalu yalepó.

¹² Atéro, atimané hɔrape fokóló kemetepa, ama deró betere kuti momó deróló Ȳ betale tikimó bití felepó. Atéro bitu, ama atimapaee woseturaalu, “Ȳalo diɔpaee erale ala diɔ feané kisipare?”

¹³ DiaaȲ Ȳalo doi yóló, yó matere whi Tale-ó, du betere fota, ti ɛtóró ereteiné mo dono dapó.

¹⁴ Mió ɛta, diɔ ɛteróro kaae tare Talekélé, diɔ yó matere whikélé bitu, diaaȲ hɔrape Ȳalo fokalepó. Atéyale kaae, diɔsisikélé hó u fokone i fokone du betae.

¹⁵ Ȳalo diɔpaee i yale alata, diɔsisi bitukélé suróló deté fu betaasepóló, diɔ kisipa mótu yalepó.

¹⁶ Ȳalo diɔpaee mo i dere ape. Kale kutó diraterere whiné Ȳ kaae tare topo whi bosenóló, Ȳ topo whi betenenípó. Kutó dini fópóló dotɛyale whinékélé Ȳ dotɛyale whi ɛterananípó.

¹⁷ Mió i dere alarape diaaȲ kisipayóló taaréni, sya fólótamo du betepa, ti Kótóné diɔ wisiratapóló, hajné sukuu betaalopó,” yalepó.

Yesuné Ȳ dópóló eleké deyaalopóló yale fo

¹⁸ “Ȳalo i dere fota, diɔ feapaae dumitei, Ȳalo dosȲayóló sóro betero betere whirapemó kisipa mutu dapó. Tépatei, kale asemó ere fo mo dokonóturaalu, ɛtamo betamó ɔla nokole whinétei ɛ dópóló, eleké deyaai du beterepó.

¹⁹ Ai alarape depa diaaȲ kilituraalu, ɛta, Kótóné dotonó betere whipóló Ȳpaee kisipa tiki tirópóló, ai alarape yaaipatei Ȳalo diɔpaee i dere ape.

²⁰ Mepaae whi dené ɣalo doteyale whi wisiyóló dape supa, ti ɛtei dape sirapó. Até dere kaae, mepaae whi dené ɛ mo wisiyóló dape supa, ti ɛ doteyale sekétei, dape sirapó,” yalepó.

²¹ Yesuné ai fo yóló kemetepa, ama hosaa tuámó doasi sekéné sukalepó. Atétepa ama duraalu, “Yalo diappaee mo i dere ape. Diakó whi betané ɛ dópóló, eleké deyaalópó,” yalepó.

²² Ama yó matere whirape atima kóló kóló duraalu, né yaaire alamó dérópóló, atimasisi u kolósu i kolósu du betalepó.

²³ Yesuné ama yó matere whirapekó betá Yesuné ama hosaa mole whi ɛ betere felekemó titiyóló beterepó.

²⁴ Saimon Pitané u kale whipaae depané maaté yóló duraalu, “Ama ai yale fo-a, demó kisipa mutu yaleró, naao ɣpaae wosetimié?” yalepó.

²⁵ Ai fo depa, Yesutamó titiyóló betere whi ɛ fetée fóló ɣpaae woseturaalu, “Tale-ó, naao ai yale fo-a, demó yaleé?” yalepó.

²⁶ Tétepa, Yesuné ɣpaae tokó mótu duraalu, “Yalo *bred* o kwia tao sóró, nukumó belere weímó tópuróló melatepa naao kilitu, atóróti htipóló kisipa muaalópó,” yalepó. Téró, ama kale *bred* o kwia sóró weímó tópuróló, Iskariot be whikó Saimon naalema Judas melalepó.

²⁷ Atéró Judas-né *bred* o tao seretamotoró, dowi Satan ɛ tuappaee bitj walepó. Atétepa, Yesuné ɣpaae duraalu, “Naao ai yaai dere ala mo hapaletai yae,” yalepó.

²⁸ Atima ai ɣla nuku betere tikimó betere whirape betanékelé Yesuné ama ai yale fo wosóta yaletei, bete kisipa sinipó.

²⁹ Mepaae ama yó matere whirape atima kisipané Judas-ta, *moni* kaae tare whireteiné ɣla detere sukamó naaire ɣlakó dupune fae, ó mepaae yolealere so whímó melaaire ɣlakó dupurále fae dere nisi yalepó.

³⁰ Téró, kale Judas ɛ *bred* o tao sóró, téti belapaae sókó derepelemó, be mo ti dikipa kelalepó.

Yesuné Pitapaae yale fo

³¹ Atéró, kale Judas fele sisópaae Yesuné duraalu, “Mió kale Whiné Naalema tuámó ere ala wisi hakearatepa, so whiné kolóo, Kótó ɛ tuámó ere ala wisikélé Naalemapaae eratepa so whi feané kolóo duraalu, Kótó tuámó ere ala wisinaale kisipa yaalópó.

³² Ai alatamo mo depa, ti ama Naalema tuappaee eraterere ala wisinaale so whi feané kolópóló Kótóné kaae tani, mo miótitei ama hakearaalópó.

³³ Yalo naalerape-ó, mo sawa sukamó maaté ɛ diatamo betaalópó. Take yalo Juda topo whirapepaae yale fo kaae, mió diappaekélé i dere ape. Diaa ɛ kekaalotei,

mo kelaalomeipó. ɛ fole tikipaae diá wókélé mo yaalo meipó.

³⁴ Mió yalo diappaee yae yóló mulatere kisi fo i dapa wosae. Yalo diappaee yaala sókó fu yale kaae, diasisikélé atéro yaala sókó fu betae.

³⁵ Diasisitei, atéro yaala sókó fole ala so whi feané kilituraalu, diá yalo yó matere whirape beterepóló kisipa yaalópó,” yalepó.

³⁶ Ai fo depa, Saimon Pitané ɣpaae woseturaalu, “Tale-ó, ɣa mopaae faai de?” depa, Yesuné duraalu, “ɛ fole tikipaae diá mióti wonéniitei, take nalota, wonérapó,” yalepó.

³⁷ Kale dere kaae, Pitané ɣpaae woseturaalu, “Tale-ó, ɣa fole tikipaae ɛ mióti wapa, noa ɣaqsóro de? Ʉa tao suraalu, yalo betere betekélé melóló sukutepa wisirapó,” yalepó.

³⁸ Téró, Yesuné ɣpaae tokó mótu duraalu, “Naao ɣpaae ɣakélé sukutepa wisirapó fo du de? Yalo ɣapaae mo i dere ape. Wá *kakaruk* bané hale yaaipatei, naao ɛ tuénipó dere fo sore félimó yaalo ai ape,” yalepó.

14

Yesuné ama yó matere whirapené kisipa seké ɣaqsóro yale fo

¹ Téró Yesuné duraalu, “Diaa ɛ kisipa fomoyóló, hosaa tuámó doasi sekétu betaqsóro yae. Kótópaae kisipa tiki tiróturaalu, ɣpaaekélé kisipa tiróló betae.

² Ti noatepae, yalo Aya betere tikimó diá betaaire be mo surapó. Ai ala wuá meisóro, ti yalo diappaee hakearóló wuapó. Ʉta, diá bitj waaire tiki donoróló mulótu betaai fulapó.

³ Ʉ fólótamo diá betaaire tiki donoróló kemetepa, ti momó fesaae wouraalu, diakélé ɛ betere tikimótóro betámó betaai dapesó faalópó.

⁴ Ʉ i faaitu betere bepaae fole tuáta, ti diaa ɛ ai kisipare ape,” yalepó.

Aya beterepaae faaire tuáta ɛtórótipó yale fo

⁵ Tétepa Tomas-né ɣpaae duraalu, “Tale-ó, ɣa faaire tikita, dá kóló kólórapó. Atétepa, ɣa ai faaitere tikipaae sókó fole tu ɣané netéro kisipa yaaloé?” yalepó.

⁶ Ai fo depa Yesuné duraalu, “Ai bepaae faaire tukélé, mo foné betekélé, so whi betere betekélé, ti mo ɛtórótipó. Whi mo betakélé yalo Aya beterepaae faai depa, ti ɛ dekeróló feni, mo ɛ tuámótóro fenérapó.

⁷ Diaaqtamo ɛ diriyóló tuépa, ti yalo Ayakélé mo tuénérapó. Mió kaae suraalu, diaa ɣalo Aya kolóló, ai kisipare ape,” yalepó.

⁸ Tétepa Filip-né duraalu, “Tale-ó, Aya naao dappaee yó matepa, ti ɣané ɛ kolóló kisipanérapó,” yalepó.

⁹ Ai fo depa Yesuné duraalu, “Filip-ó, fofo sukamó ɛ diatamo bitiré waletei, diaa ɛ

kisipanié? Mepaae whi dené e kolóló kisipa epa, ti yalo Ayakélé kisiparapó. Tépatéi, diaa qpaee Aya yó aiae dere-a, noa fo yóló de?

¹⁰ E yalo Aya tuamó betóo, yalo Aya e tuamó betóo, eretei diaa kisipanié? Yalo diappaee yó mótu betere fota, yalo kekeme nóló dumipó. Yalo Aya e tuamó bitu, ama kisipa mole ala erótu betereitei, diaa q ai kelere ape.

¹¹ Yalo Aya e tuamó betóo, e yalo Aya tuamó betóo, erapó dere fo diaa q wosóló, mo dapóló kisipa tiki tirae. Ai alatamo ini depa, ti yalo erale kelemei alarape kolóló, kisipa tiki tirae.

¹² Yalo diappaee mo i dere ape. Whi me detamo epaee kisipa tiki tiratepa, ti ai whiné yalo yale ala kaaetóro yaalopó. Ti noatepae, e yalo Aya beterepaee foletéiné take nalo diaa q yalo du betere alarapekélé fea bosenóló, mo doasi ala yaalo ai ape.

¹³ Naalemané Alimané ere ala bete hakearaairaaluu, me noa olakó yalo doimó epaee wosetepa, ti ai whippaae yalo mo melaalopó.

¹⁴ Diá feané yalo doimó me noa olakó kematepa, ti ai ala yalo mo eraalo ai ape,”

Kale Deji Kepe Wisi diá beterepaee waalopó yóló mulale fo

¹⁵ “Diaaqtamo epaee hekesené sukóló yaala sókó fu betepa, ti yalo yae yóló muló betere fokélé diaa q mo wisiyóló sya fóló, erótu betaalopó.

¹⁶ E betale sirimó, suka fea diqtamo betó taru, diá tao sóro fotok bulútu betaaire seké mekó yalo Ayapaae dotonae depa, ama diá beterepaee mo dtonaaloo ai ape.

¹⁷ Ti ai sekéta, mo ala maaté du betere Deji Kepe Wisipó. I hae so whiné ama dere fo wosóló, mopóló a dape senénipó. Ti noatepae, atimané a kolóló kisipakélé inireteinépó. Tépatéi, mió a diqtamo betóo, take nalokélé diá tuamó betóo, yaaireitei diaa q ai kisipare ai ape.

¹⁸ Diá hae aya meiyóló, bokonaale naale senaale kaae beteropóló yalo diá taaróló fumitei, e diá beterepaee momó fesaae waalopó.

¹⁹ Mo sawa sukamó bituraalu, i hae so whiné e kelaalo meitei, diánéta e kelaalopó. Ti noatepae, e kepaayóló betereiteiné, diákélé mo betaalo ai ape.

²⁰ Atétere sukamóta, e yalo Aya tuamó betepa diá e tuamó betóo, e diá tuamó betóo, ere ala diaa q kisipa yaalopó.

²¹ Mepaae whi de yalo yae yóló muló betere fo aqmó sukóló bitu, sya fóló eró tapa, ti ai whiné epaee yaala sókó fu beterepó. Mepaae whi dené epaee yaala sókó fu betepa, ti yalo Ayanékélé ai whippaae yaala sókó fóo, yalokélé aphae yaala sókó fóo du

betaalopó. Téturaalu, e tuamó ere ala fea yalo aphae hakearóló yó melaalo ai ape,” yalepó.

²² Tétepa, kale Iskariot be whikó Judas-né ama yakoma Judas-né Yesupaae duraalu, “Tale-ó, i haemó betó mole so whi feané ya kolópoló yó meni, dhané maaté kolópoló, yó melaalopó dere-a, noatepae?” yalepó.

²³ Ti fo depa Yesuné duraalu, “Mepaae whi dené epaee yaala sókó fu betepa, ti yalo yó matere fo wisiyóló sóro erótu betaalo ai ape. Atétere whippaae yalo Ayané yaala sókó furaalu, dāmo wusuró a beterepaee wóló aqamo betamó mo ti betó tawaalopó.

²⁴ Mepaae whi dené epaee yaala sókó fenitepa, ti yalo i yó mótu betere fokélé diaa q sya fóló eraalomeipó. I kale wosetu betere fota, yalo kekeme nóló dumitei, e doteyale seké yalo Ayané ama fotóro yó mótu beterepó.

²⁵ I fo feata, e diqtamo betamó bitutei yó mótu betaalepó.

²⁶ Tétu betaaleitei, diqtamo betamó bitu, diá tao saaire seké kale Deji Kepe Wisi Ayané yalo doimó dotonaalopó. Ai sekéné amata, diappaee fea ala yó melaalo ai ape. Téturaalu, yalo diappaee yó mótu betale forape keteni, kisipa yó tanópoló, ama diá yó mótu betaalopó.

²⁷ E tuamó mole hosaa muni deyóló mo dua betere ala diqmó melóló e i fole ape. Yalo i matere hosaa muni deyóló dua betere alata, i haemó betó mole mo so whiné matere kaae meipó. Térapa, diaa q hosaa tuamó sekétere alaró witere alatamo muaqsóro yae.

²⁸ Éta, diá taaróló faalotei, diá beterepaee momó fesaae waalopó yale fota, diaa q ai wosale ape. Diaa q epaee yaala sókó fole ala mupata, ti e yalo Aya beterepaee fulapó dere fo woseturaalu, hainé sukuapó. Ti noatepae, yalo Aya a doasi fotokó bole seké bitu, ama e tetéro beterepó.

²⁹ Take i alarape mo depa kilitu, mo irapóló diaa q kisipa tiki tirópoló, i alarape yaaipatei, folosóro yalo diappaee ai yale ape.

³⁰ Yalo diappaee fo me kae dekeró yaalomeipó. Ti noatepae, i hae tetéro kaae tare topo whi Satan ipaae mo felekemó sókó waai dapó. Téyaalotei, ama e só deraaire bete mekélé mo munipó.

³¹ Tépatéi, yalo Ayapaae yaala sókó furaalu, ama erae dere alatóro yalo erótu betereitei, i haemó betó mole so whi feané kolóló taaréni, mo kisipa sópóló dapó. Térapa, mió dā faalopa fiépe,” yalepó.

15

Yesu qta wain képiné betepó yale fo

¹ “Mo wain képi beteta, ti étórotipó. Yalo Aya aqta, wain kutó Talepó.

² Mepaae du olenitere tetejrape ti ama tukólo taae falatu beteraþó. Mepaae du oletere tetejrape mo dekéro oleyaþólo, yaþo Ayané mepaae séli yó moletei turukólo taae falatu beteraþó.

³ Yaþo take diþapaae yó mótu betale foné diþ fea fokólo mo ti wisiró beteraþó.

⁴ Diþ e tuamó betepa, ti ekéle diþ tuamó betaalo ai ape. Kale képi tetejrape tikimó olekenipa, ti du oleyaalomeipó. Diþ e tikimó olekeyólo bitinipa, ti netéro du oleyaalóe?

⁵ Mo *wain* képita, ti etórotipó. Diþta tetejrape ai ape. Mepaae whítamo e tuamó betóo, ekéle ai whí tuamó betóo epa, ti du mo dekéro oleyaalopó. Téní, etamo tekée fólo kae betepa, ti ai whiné ama me alakéle mo enénipó.

⁶ Mepaae whítamo e tikimó olekeyólo bitinipa, ti ai whí sélitepa tukólo taae falatere ni tetej kaaepó. Ai taae falatere tetejrapeta, dasólo si bilirótua dapó.

⁷ Diþakó whí me detamo e tikimó olekeyólo betóo, yaþo fokéle naao hosaa tuamó muóo iruraalu, me olakó epaae kematepa, ti ai whíþaae yaþo mo melaalopó.

⁸ Diþ tuamó du mo dekéro olepa, ti yaþo Ayané ama ere ala wisinaale so whí feané kolóþólo hakearatapó. Atére ala so whiné kilitu, diþ mo yaþo yó matere whírapetóro beteraþólo kisipa yaalopó.

⁹ Yaþo Ayané epaae yaala sóko fu yale kaae, yaþokéle diþapaae yaala sóko fole ala du betaleþó. Térapa, yaþo yaala sóko fólo mole tuamótóro hále betó tawae.

¹⁰ Yaþo Ayané ama erae yólo muló betere fo sya fólo eró taruraalu, ama yaala sóko fólo mole tuamó betó tarapó. E ai ala ere kaae, yaþo erae dere fo diaaþ wosólo erótu betepa, ti diþ yaþo yaala sóko fole ala tuamó betó tawaalopó.

¹¹ Yaþo diþapaae i yale fo feata, e tuamó mole haþtere ala diþ tuamó faaturaalu, diaaþ haþtere ala mo ti suróþólo kisipa mutu yaleþó.

¹² Yaþo diþapaae yae dere fo ipó. Yaþo diþtamo yaala sóko fólo mulure kaae, naao ne no diþsisikéle ai ala du betae.

¹³ Whí mené ama yaala sóko fole whírape tao saai dapólo, ama betere bete hále melólo sukutepa, ti atéro yaala sóko fole alané mepaae yaala sóko fole ala fea tetéro beteraþó.

¹⁴ Diaaþ yaþo yae yólo muló betere fo erótu betepa, ti diþ yaþo fulumu whírape ai betere ape.

¹⁵ Betá kutó diratere whiné a tetérolo kaae tare whiné dere ala fea ama kisipa inipó. Atére betené take bitiré wouraaalu, yaþo diþapaae kutó diratere whírape-ó yaletei, ai fo momó kaae ini, mió diþapaae yaþo fulumu whírape-ó, dapó. Ti noatepae,

yaþo Ayané yó melale alarape fea diaaþ kisipa yóþólo, yaþo diþapaae hakearólo yó melaleþó.

¹⁶ Diaaþ e sóko sóro kae beterenitei, yaþo diþ sóko sóro kae betéro beteraþó. Ai alata hále inipó. Diþ fólo, mo ti muó tawaaire du oleróþólo kisipa mutu yaleþó. Atéturaalu, yaþo doimó diaaþ me noa olakó Ayapaae kematepa, ti ai kematere qla ama diámó mo melaalo ai ape.

¹⁷ Yaþo diþapaae yae yólo mulatere fo i ape. Diþisitei yaala sóko fole ala du betae.

Mo whiné Yesuné yó matere whírape hórólo bóe dale fo

¹⁸ I haemó betó mole so whiné tamo diþ hórólo bóe du betepa, ti folosóro atimané e hórólo, bóe dale ala kisipa muae.

¹⁹ Diþtamo i hae tale betepa wuaþóro, ti i hae so whiné faketóro beteraþólo kisipa mutu, diþapaae yaala sóko fole ala du bituaþó. I hae so whítamo touyólo betepa, yaþotei diþ sóko su yólo kae betereleþó. Atére betené diþtamo bóe du beteraþó.

²⁰ Yaþo diþapaae yó melale forape kisipa muae. Kutó diratere whiné a kaae tare whí ama tetérolo kaae tanénipó. Atimané etamo bóe dólo susupui ala erótu yale kaae, diþapaaekéle eraalo ai ape. Yaþo yó male fotamo atimané wisiyólo wosólo erótu betepa, ti diaaþ yó matere fokéle atimané wisiyólo wosaalo ai ape.

²¹ Ti noatepae, e doteyale seké, atima kisipa inireteiné diþ yaþo so whí bitu, yaþo ala erótu betereþó, atimané diþapaae kae kae susupui ala erótu betaalopó.

²² E i haepaae wólo, yaþo fo atimapaee yó móluþsóro, ti dowi alamó atima só deraaire kwia muameipó. Tépetei, atimané yale dowi alamó fo tokótamo depa, meipólo hepée falaaire tu mo munipó.

²³ Whí me dené e hórólo bóe du betepa, ti ai whiné yaþo Ayakéle hórólo bóe dilapó.

²⁴ Take mo betá whinékéle inire ala yaþo atima kuamó eróluameisóro, ti atimané yale dowi alamó só deraaire kwia muameipó. Mió i yale kelemei alarape atimané kolóloitei, etamokéle yaþo Ayatamokéle, bóe dólo hóráleþó.

²⁵ Atimané ai du betere alata, i asere fo dokonóturaalu yaleþó, 'Me bete munipatei, atimané etamo hále bóe daleþó.'

²⁶ Até du betaalotei, diþ tao sóro wisiraaire seké betá waaalo ai ape. Ai sekéta, e fólo yaþo Ayatamo bituraalu, diþ beterepaae dotonaalopó. Aþa, mo alané bete yaþo Ayatamo betámó biti wouraaalu, yaþo ere ala fea eteraþólo, diþ tao sóro fotokó bulólo, yó melaaire Deþ Kepe Wisipó.

²⁷ Mo take kaae sale alimóte, diþ etamo bitiré waleteiné diaaþkéle e etei kaae

whípóló hãkëaróló yó mótu betenérápó,” yalépó.

16

¹ “Yálo diãpaae i yale fo feata, diã ę sya fu betere ala taaróló, kóppaae faqsóró yalépó.

² Atimané diã fo wosetere bepaae waqsóró dóló hõkonaalo ai ape. Ai ala maaté mei, mepaae whi atima Kótóné ala eratere nisiyóló, diã mo ti sukópóló daalo ai ape. Ai ala yaaire be de mió mo felekemó sókó waai dapó.

³ Ẹró yálo Ayatamo atima kisipa inire betené diãpaae atei kaae alarape eraalo ai ape.

⁴ Atépatèi, yálo diãpaae i deté wou betere fo dokonóturaalu mo eratere sukamó, noa ala dutérópóló diã kilita yaqsóró, yálo i dere fo kisipa yaasepóló dapó. Ẹ diãtamo hãle betereiteiné take yálo diãpaae etei fo inipó.

Dei Kepe Wisi wóló yaaire alamó yale fo

⁵ Téretei mióta, ę doteyale seké beterepaae momó fesaae fulapó. Até yaai depa, diãkó betã whinékélé, ‘Yã maae faai de?’ yóló, ępaae wosetere fokélé dumipó.

⁶ Yálo diãpaae i forape yaletèiné mió diaaq hosaa tuãmó dekené ai sukutu betere ape.

⁷ Tépatèi, yálo diãpaae mo dapó. Diãpaae wisi ala eraaire tu mulóturaalu, ę diã taaróló fulapó. Ẹtamo fenitepa, ti diã tao sóró fotokó bulóló tu yó melaaire seké diã beterepaae waalo meipó. Ẹtamo fupa, ti yálo ą diã beterepaae dotonaalópó.

⁸ Ai Dei Kepe Wisi wouraaluta, i haemó betó mole so whiné du betere dowi alakélé, Kótóné donoi ala etérópóló yó mótu betere alakélé, taleyóló kwia matere alakélé, fea ai sekéné ama hãkëarateremó, hõko ala du beterepóló diã hosaamó saalópó.

⁹ Ti noatèpaae, i haemó betó mole so whiné ępaae kisipa tirénitere beteta, dowi alapóló ai Dei Kepe Wisiné atima hosaamó seraalópó.

¹⁰ Ẹ yálo Aya beterepaae fesaae foletèi, momó kae diaaq ę kelaalomeipó. Ẹ atéró foletèiné so whi feané Talené donoi ala kisipa yópóló, ai sekéné hãkëaróló yó melaalo ai ape.

¹¹ Mió i haemó teteróló kaae tare seké ama yale alamó, ą só deró betèrapó. Tétu, i haemó betó mole so whi tale dere alakélé hõko yalépóló, hosaamó sópóló, ai waaire Kepe Wisiné hãkëaraalo ai ape.

¹² Yálo diãpaae yaai dere fo dekeró mupatei, bete diaaq senénireiteiné fea fo enénipó.

¹³ Tépatèi, kale mo fo maaté bole Kepe Wisi ą wólóta, mo fo bete turó diaaq tué yópóló, hãkëaróló yó mótu betaalópó. Aita, ama kekeme nóló yaalomeitei, mo

ama wosale fotóro diãpaae yó melaalópó. Téturaalu, nalo waaire be demó yaaire alakélé yó melaalo ai ape.

¹⁴ Ai Dei Kepe Wisiné yálo mo bete mole fo diaaq kisipa yópóló, ama tao sóró diãpaae yó melaalópó. Téturaalu, yálo ere ala wisinaale so whi feané kolópóló, ama hãkëaraalo ai ape.

¹⁵ Yálo Ayané ama teteróló kaae tare ala fea, yalokélé teteróló kaae tarapó. Atère betené yálo fo diaaq kisipa yópóló, Dei Kepe Wisiné ama hãkëaróló yó melaalópóló, yálo diãpaae yalépó.

¹⁶ Mo sawa sukamó diaaq ę kelaalomeitei, sawa betèró, diaaq ę momó kelaalópó,” yalépó.

Yesuné diaaq hosaa seké yaalotei momó haiyaalópó yale fo

¹⁷ Ai fo depa, mepaae ama yó matere whirape atimasisitei duraalu, “Sawa sukamó ą kelaalomeipó. Téyaalotei, sawa sukamó betèró ą momó kelaalópó, dere foró ama Alima beterepaae foletèinépó yale fotamo-a, noa betené yalerópó,” yalépó.

¹⁸ Atimasisitei duraalu, “Mo sawa sukamópó yale fota, noa betené yaleró ðakélé kisipani, koló kolórapó,” yalépó.

¹⁹ Ama ai yale fomó, atimané ępaae wosaaí mutere kisipa ama kolóló, atimapaee duraalu, “Sawa sukamó diaaq ę kilini bitiré fóló, sawa sukamó momó kelaalópó yale fomó, diãsisitei noatèpa kelaarótu bitu de?”

²⁰ Yálo diãpaae mo i dere ape. Diãta, diaaq hosaa tuãmó dekené sukuturaalu, wole-u du betèpa, i haemó betó mole so whi atima hainé sukutu betaalópó. Diaaq hosaa tuãmó sekené sukutu betaalotei, momó kisipa felé yóló, hãjtu betaalo ai ape.

²¹ Sorapené naale saaire be de sókó wapa sisó nukuraalu, ama tikimó doasi dele sua dapó. Téretei, ama naale só mulóló, kãlipaae naalené tiki kolóló hãkeseturaalu, ą doasi dele sale ala kisipa keterótua dapó.

²² Atétere kaae, mió diã dekené ai sukutu betere ape. Tépatèi, ę momó diã beterepaae wale sukamó, diaaq ę kilitu dere hãj mené tokóló aluranénipó.

²³ Atétere sukamó, diaaq ępaae me wosetere fokélé mo yaalo meipó. Yálo diãpaae mo dapó. Diaaq yálo doimó Ayapaae me olákó kematepa, ti ai whiãpaae ama mo melaalópó.

²⁴ Take bitiré woukélé, diaaq yálo doimó me ọla kematere alakélé mo inipó. Térapa, mió bitutamó me olákó kematepa, ti ai ọla suraalu, diã tuãmó hãjtere ala mo turó fãyaalópó.

²⁵ Taketa, yálo diãpaae kinóló mole ala fo salepaae dó faróló deté waletèi, nalo waaire sukamó yaaitere alata, fo salené ini, yálo

Ayané ama ere ala etérápóló, mo hãkearóló yaalópó.

²⁶ Ai be demóta, diaaọ yálo doimó ẹpaae kema yaalópó. Yálo i du betere fota, diámó yálo Ayapaae woseraalópóló dumipó.

²⁷ Téyaalo meipa, diaaọtei ẹpaaeótóró wosae. Ti noatepae, diaaọ ẹpaae yaala sókó fóo, ẹta Kótótamo betóló wale whípóló ẹpaae kisipa tiki tiróo ereteiné, yálo Ayané ama diapaae hosaa muóló yaala sókó fu beterapó.

²⁸ Take ẹ yálo Ayatamo beteró, i haepaae walepó. Mió ẹ i hae taaróló, momó yálo Aya beterepaae fulapó," yalepó.

²⁹ Ai fo depa, ama yó matere whĩrapené ẹpaae duraalu, "Mióta naao ẹpaape fo salepaae dó faróló dumi, mo hãkearóló dapó.

³⁰ Mió ẹané kisipare ala betá ipó. Fea ala naao kisiparu hãkeamó yó mótu betereteiné, mené yapaape momó wosetere ala kae enénipó. Atérené yapta, Kótótamo betóló wale whípóló ẹané kisipa tiratapó," yalepó.

³¹ Ai fo depa, Yesuné atimapaape duraalu, "Diá tué tiki tirópóló kaae taté waleite, mióti ẹpaape diaaọ tué tiki ai tiratere ape!

³² Téretei, diaaọ be dokọ dapó dapó yóló furaalu, ẹ wotoró betepa taaróló faaire be de mió i sókó wale ape. Téyaalotei, ẹ wotoró bitini, yálo Ayatamo wusuró beterapó.

³³ Yálo diapaae i yale fota, diá ẹ tuámó hosaa muni deyóló dua beterópóló yalepó. Diá i haemó bituraalu, kae kae sekei ala siré fu betaalotei, i haemó mole alarape fea yálo mo ti doróló tetéeró beterapó. Atérapa diá furu furu ini, hosaa diriyóló dua betae," yalepó.

17

Yesuné Alimapaape momayale fo

¹ Yesuné ai forape yale kilipaae ó hepenpaae kese holóló momaturaalu,

"Aya-ó, mió kale tukóló muló betere be de i sókó walapa, naao Naalené ya tuámó ere ala wisinaale so whĩ feapaae hãkearópóló, naao ama ere ala wisi hãkearae.

² Ti noatepae, i haemó betó mole so whĩ fea tetéeróló kaae tanópóló, naao ẹ sóró beteralepó. Naao ẹpaape ai melale so whĩpaae mo ti betaaire bete melópóló, naao fotokọ ẹ sumó melalepó.

³ Mo ti betere bete i ape. So whĩné yapta, mo betá betere Kótópóló tué yóo, naao doteyale whĩ Yesu Kerisokélé tué yóo, dere alata, mo ti betere betepó.

⁴ Naao ẹpaape i haemó dirae yale kutó fea yálo diyóló kemeraleteiné, naao ere ala wisinaale i haemó betere so whĩné kolópóló, hãkearalepó.

⁵ Aya-ó, i haekélé kaaraaipa ẹdamo wusuró bitu, naao ere ala wisi hãkearótu yale kaae, mió ẹ i hae taaróló ya beterepaae fesaae wóló betepakélé, ai ala momó eraasepóló dapó," yalepó.

Yesuné ama yó matere whĩrapemó momaralefo

⁶ "Aya-ó, i haemó betó mole so whĩ kuamó, mepaae naao sóró ẹpaape melale so whĩpaae ti naao ere ala wisi yálo hãkeamó erótu betalepó. Atimata take naao so whĩ betaletei, naao sóró ẹpaape melalepó. Atéyale so whĩné naao fo mo betá wosóló, erótu betalepó.

⁷ Naao ẹpaape melale alarape feata, ya betemó kaayóló walepóló, mió atimané tuérapó.

⁸ Ti noatepae, naao ẹpaape yó melale fo fea yálo mo atimapaape yó matepa, atimané mopóló wosalepó. Atéturaalu, ẹ yaatamo betóló naao ẹ dotonatepa wale whípóló, atimané ẹpaape kisipa tiralepó.

⁹ Naao atima tao sópóló, yálo momarótu beterapó. Yálo i dere momata, i haemó hãle betó mole so whĩmó dumitei, naao sóró ẹpaape melale so whĩmó kisipa mutu i detere ape. Ti noatepae, atimata mo naao so whĩtórótípó.

¹⁰ Naao so whĩta, ti yálo so whĩtórótípó. Yálo so whĩ fea ti naaotórótípó. Atimapaape erale ala so whĩ feané kilitu, yálo ere ala wisinaale hãkearalepó.

¹¹ Mió ẹ i haemó doa fóló sukamó betaalomeitei, i whĩrape atimata i haemó hãle betepa, ẹ ya beterepaae walapó. Mo kae betere Aya-ó, i whĩrape atima me ala yaosóró, naao ere ala tuámó beterópóló kaae tawae. So whĩné naao ere ala wisinaale kisipa yópóló, naao doasi doi mole fotokóné ẹ tuapaae eralepó. Térapa, ẹdamo mo betátóró biture kaae, atimakélé atérótóró beterópóló, naao ẹ male doiné tetéeróló kaae tawae.

¹² Ẹ atimatamo betámó betale sukamó, naao ẹpaape melale doiné atima mo wisiyóló kaae tawalepó. Atéro, kaae tawale sukamó mo betá whĩkókélé alunipó. Kale ašemó ere fo dokonóturaalu, aluyaai yale whĩ ẹ betá mo ti aluyalepó.

¹³ Mió ẹ ya beterepaae wai, i haemó atimatamo betere féli, ẹ tuámó mole hãitere ala mo turó atima tuámókélé mulópóló, i forape atimapaape du beterapó.

¹⁴ Ẹ i hae tale bitiniru ere kaae, atimakélé i hae tale bitinipó. Naao ẹpaape erae yale fo yálo atimapaape yó melalemó, i haemó betó mole so whĩné atimatamo bóe dóló hõralepó.

¹⁵ Aya-ó, yálo i dere momata, atima i haemó beteretei tokó sóró, naao kae

tikipaae beterae yóló dumitei, dowi kepené atima doraqsóró, seséyae yóló dapó.

¹⁶ Ɛ i hae tale bitinirure kaae, atimakélé i hae tale bitinipó.

¹⁷ Atima me alatamo hoseké yóló betaqsóró, mo fonétei atima kae sóró beterae. Naaó fota me kae mei, mo bete mole fopó.

¹⁸ Ɛ i hae so whítamo beterópóló, naao ɛ i haepaae dotonótu yale kaae, i whírape atimakélé, i haemó betó mole so whítamo beterópóló, yálo dotonatapó.

¹⁹ Atimakélé me alatamo hosekéni, mo kae beterópóló, ɛ mo naao alatóró eraai kisipa mutu, yálolei ɛ kae sóró beteratapó,” yalepó.

Yesuné i haemó betó mole so whímó morarale fo

²⁰ “Yálo i dere momata, i whírape atima maaté tao sópóló dumitei, mepaae so whí de atima yó matere fo wosóló, ɛpaae kisipa tiraaire so whímókélé i dere ape.

²¹ Aya-ó, yálo i dere momata, ɛ yá tuámó betóo, yá ɛ tuámó betóo iru, mo betatóró biture kaae, atimakélé fea atérótóró beterópóló yae. I haemó betó mole so whíné ɛ naao doteyale whípóló kisipa tirópóló, atima dámo tuámó beterópóló yae.

²² Naaó ere ala wisinaale hãkearóló ɛpaae melaletai, yálo mo atimapaee melalepó. Até yaleiteia, dámo mo betá kisipa muóló biture kaae, atimakélé atéro beterópóló yalepó.

²³ Naaó ɛ doteyóo, ɛpaae yaala sókó fóo, ere ala atimapaee kélé eró beterapóló, i haemó betó mole so whíné kisipa yópóló, atima fea mo betá faketóró alerae.

²⁴ Aya-ó, naao ɛpaae melale so whí ɛ betere tikimótóro betámó bitu, ɛ tuámó ere ala wisinaale atimané kolópóló kisipa mutapó. Ti naao ai ere ala wisinaaleta, take sãró haetamo kaaraaipatei, yaala sókó furaalu, ɛpaae melalepó.

²⁵ Mo donoi ala maaté yó tare Aya-ó, i haemó betó mole so whíné yá tuénitei, yálo yá tuérápó. I whírape atimanéta, naao ɛ doteyalepóló kisiparapó.

²⁶ Naaó ɛpaae yaala sókó fole ala atima tuámó muóo, ɛkélé atima tuámó betóo erópóló, yálo yá etei kaae Tale beteraapóló, atimapaee hãkearóló yó maté wou betalepó. Ai ala taaréni, miókélé hãle detétóro fu betaalopó,” yalepó.

18

Yesu daai tawale fo

(Mat 26:47-56, Mak 14:43-50, Luk 22:47-

53)

¹ Atéro, Yesuné moma yóló kemetepa, ama yó matere whírape atima betere tiki taaróló, Kidron ho teyóló felepó. Ai ho uté fakeró *Olip* nirape daae mulapó. Yesuró ama yó matere whírapetamo ai ni daae mole tikimó sókó felepó.

² Ai hae tikita, Yesu dópóló eleké deyaaire whí Judas-né ama mo tuérápó. Ti aita, Yesuné ama yó matere whírapetamo suka fea tourãleta du betale tikipó.

³ Atéro, kale Judas ɛ ai ni daae mole tikimó sókó walepó. A atéro wale alata, ama wotoró mei, mepaae dikí tare whírapekélé, Farisi whíraperó so whímó momaratero topo whírapené sóró beteró betere whírapetamokélé, dapesó walepó. Ai whírape atima feané mo sãkélé, *lamp* sãkélé, bõe dele ɔla ɔlarapekélé, fea tawóló walepó.

⁴ Yesuné ɛpaae eraaire ala fea ama kisipa irutei, ɛ sókó fóló atimapaee duraalu, “Diaaó ai-a, de kekitu bitu de?” yalepó.

⁵ Ai fo depa atimané duraalu, “Dãta Nasaret be whíkó Yesu keketapó,” depa, ama duraalu, “Ai whíta ɛtóróti i ape,” yalepó. Ai wale whírapetamo Yesu dópóló, eleké deyaaire whí Judas-kélé daalepó.

⁶ Yesuné ai whíta, ɛtóróti i ape dere fo woseturaalu, atima sisóné fele tikimó, dée nalepó.

⁷ Atétepa, Yesuné atimapaee momó woseturaalu, “Diaaó ai kekitu betere whí-a, de?” depa, atimané duraalu, “Nasaret be whíkó Yesupó,” yalepó.

⁸ Yesuné kale whírapepaae duraalu, “Ai whíta, ɛtóró i ape yóló yálo taketi diãpaae inié? Diaaóta mo ɛ kikitu betepa, ti i whírape atima hãle fópóló yae,” yalepó.

⁹ Ti ai yale alata, take Yesuné “Naaó ɛpaae melale whírape mo betákélé alunipó,” yale fo mo dokonóturaalu yalepó.

¹⁰ Téró, Saimon Pitané fõloi sepake be dolomó deró betereitei sókó sóró, so whímó Talepaae momaratero topo whíné kutó diratero whíné tururó wosõli sãae deralepó. Ai whíné ama doita Malkus-pó.

¹¹ Yesuné Pitapaae duraalu, “Naaó ai sepake sóró momó be dolopaae bulae. Naaó kisané yálo Ayané ɛ melale wõi wutimó beleretei yálo naalomeipóló de?” yalepó.

Fo tekãai Yesu Anas beterepaae dapesó fele fo

¹² Téró, dikí tare whíraperó atimané topo whítamo yóo, mepaae Juda topo whírapekélé yóo yóló, Yesu tawóló halíka tikiné dokalepó.

¹³ Atéro, atimané ɛ folosóro Kaiapas-né nouma Anas beterepaae dapesó felepó. Kaiapas ɛta, ai ba fo tuámó so whímó Talepaae momaratero whírapené topo whí beterepó.

¹⁴ I seké Kaiapas-ta, take Juda so wh̄ipaae duraalu, “D̄a Juda so wh̄i me ala yaqsóró, bet̄a wh̄i sukutepa mo wisirapó,” yale wh̄ipó.

Pitané Yesu q kisipanipó yale fo
(*Mat 26:69-70, Mak 14:66-68, Luk 22:55-57*)

¹⁵ Atéró, Yesu dapesó fupa, Saimon Pitaró ama yó matere wh̄i metamo Yesu sya fu betalepó. Kale mo so wh̄imó Talepaae momaraterere topo wh̄iné Yesuné yó matere me wh̄i ama wisiyóló tuéreteiné ai bolaare tipi tuapaae doropópóló yalepó.

¹⁶ Téyaletei, Pita ̄ ai tipi t̄u serekemó daapa, kale me yó matere wh̄i momó fesaee wóló, t̄u kaae tare senaalepaae Pitakélé ipaae wópóló yae, yalepó.

¹⁷ Atéró, kale t̄u kaae tare senaalené Pitapaae woseturaalu, “Yakélé ai wh̄iné yó matere wh̄ikóe?” depa, Pitané kale senaalepaae tokó mótu duraalu, “Ēta, ai wh̄iné yó matere wh̄i meipó,” yalepó.

¹⁸ Atéró, kale mepaae kutó diraterere wh̄iraperó mepaae doasi diki tare wh̄irapetamo atima sosóli depa, si nokeyóló simó boperóló daae molepó. Atéró daae mupa, Pita ̄kélé sosóli depa, atimatamo simó daalepó.

Momaratere topo wh̄iné Yesutamo fo tek̄aletei
(*Mat 26:59-66, Mak 14:55-64, Luk 22:66-71*)

¹⁹ Atima atéró simó betó mupa, mo so wh̄imó Talepaae momaraterere topo wh̄iné Yesupaae woseturaalu, “Naao yó matere wh̄irape-a, deé? atimapaee naao noa fo yó maleé?” yalepó.

²⁰ Ai fo depa Yesuné duraalu, “Yalo fo mekó kinóló yó meni, so wh̄i feané wosópóló, h̄akeamótóró yó mótu betalepó. Yalo yó male fota, Kale Juda fake so wh̄i fea tour̄leta dere fo wosetere beraperó, moma dere betamo tuamótóró yó mótu betalepó.

²¹ Téyalepa, naao ̄paae noatepa wosete? Yalo yó matere fo wosale so wh̄iné tuérapa, atimapaee wosae,” yalepó.

²² Yesuné ai fo depa, Juda topo wh̄iné sóró beteró betere wh̄i bet̄a ̄ daale felekemó daai sókó wóló, ama kelepaae deké sóró duraalu, “So wh̄imó Talepaae momaraterere topo wh̄ipaae atei kaae fo dua de?” yalepó.

²³ Atétepa Yesuné duraalu, “Yalo me dowi alakótamo itikimó, ti i so wh̄i feané keletómó yalo yale ala h̄akearóló yae. Tēni, yalotamo ̄paae mo fo itikimó, ti naao ̄ h̄ale noatepa dile?” yalepó.

²⁴ Atéró, Yesuné ama naase h̄ale dokopatei, kale wh̄i Anas-né ̄ Talepaae momaraterere topo wh̄i Kaiapas beterepaae fópóló dot̄eyalepó.

²⁵ Atima ai ala du betepa, kale wh̄i Saimon Pita ̄ simótóró h̄ale daapa, mené ̄paae duraalu, “Yakélé ai wh̄iné ama yó male wh̄i meié?” depa, Pitané duraalu, “Ai wh̄ita ̄ meipó,” yalepó.

²⁶ Tétepa, momaraterere topo wh̄iné kutó diraterere wh̄i bet̄a beterepó. Āta, take Pitané wos̄gli tikale sekéné ama fake wh̄ipó. Ai sekéné Pitapaae woseturaalu, “Yata, u *Olip* ni daae mole tikimó daapa kelale wh̄i-a, kaeé?” yalepó.

²⁷ Ai fo depa Pitané momó meipó, dereta-motóró w̄a *kakaruk* bané hale yalepó.

Yesu topo wh̄i Pailat beterepaae dapesó fele fo
(*Mat 27:11-23, Mak 15:2-15, Luk 23:1-5, 18-25*)

²⁸ Dilikitamo ai ala deté wóló, h̄ika be d̄etamo Yesu ̄a kale topo wh̄i Kaiapas-tamo betepa, Juda topo wh̄irapené Rom *Gavman* topo wh̄iné bepaae dapesó felepó. Téyaletei, atima kale boseneýóló fele be demó detere ̄la naaireteiné ai be dolopaae feni, belamó daae molepó. Ti noatepae, atima Juda meire wh̄iné bepaae fupa, ai detere ̄la naalomeipó, yaqsóró yalepó.

²⁹ Atéró, kale Pailat ̄ belapaae t̄e doropóló, atimapaee duraalu, “I wh̄ita, noa dowi alakó itikimó fo tokótamo yóló diaaq ̄ só deraai de?” yalepó.

³⁰ Ai fo depa, atimané ̄paae duraalu, “Amatamo *Gavman* wh̄iné yóló muló betere fo tikiūameisóró, ti d̄ané yapaae dapesó ūameipó,” yalepó.

³¹ Tétepa Pailat-né atimapaee duraalu, “I wh̄itamo fo tek̄ai depa, ti diaaq yóló muló betere fo sya fóló, diaaq̄tei taleyaasepóló dapesó fae,” yalepó. Ai fo depa, atimané ̄paae duraalu, “Me wh̄i dowi ala depa, taleýóló sukópóló dae fo *Gavman* wh̄iné d̄apaae inipó,” yalepó.

³² Yesu h̄ale bitutei, ̄ itéró suk̄aalopóló taketi yóló mulale fo dokonópóló yalepó.

³³ Atéró, kale Pailat ̄ ama bepaae momó fesaee fóló, Yesu ̄a beterepaae dapesó ape, yóló woseturaalu, “Yata, Juda fake so wh̄i t̄eteróló kaae tare topo wh̄ié?” yalepó.

³⁴ Tétepa, Yesuné ̄paae duraalu, “Ēpaae ai wosetere fota, naao kisipanéi dépé, mené ̄ etei kaae wh̄ipóló yapaae depa de?” yalepó.

³⁵ Ti fo depa, Pailat-né ̄paae duraalu, “Naao kisipané ̄ta, Juda wh̄ikó betepa de? Naao so wh̄iró so wh̄imó Talepaae momaraterere topo wh̄irapetamoné ya só deraai, ̄ beterepaae dapesó walepó. Téyalepa, naao atimapaee noa dowi alakó eraleé?” yalepó.

³⁶ Ai fo depa, Yesuné duraalu, “Yalo t̄eteróló kaae tare alata, i haemó diaaq t̄eteróló kaae tare ala kaae mei, yalo t̄eteróló

kaae tare alata, mo kaepó. Ẹtamo diaaq tẹteróló kaae tare ala tuámó bituṣásóró, ti Juda whịrapené ẹ daai depa, yało kutó diraterere whịrapené bóe duápó. Tẹpatei, yało tẹteróló kaae tare alata, kae tikimó kaaróló walepó,” yalepó.

³⁷ Ai fo depa Pailat-né duraalu, “Tẹpata, ya tẹteróló kaae tare topo whị mo airapó!” depa, Yesuné ẹpaae tokó mótu duraalu, “Naao ẹpaae topo whịpó dere fota, mo dono dapó. Ẹ Talené so whị tẹteróló kaae tare whị topo whị betaai, i haepaae woó, ẹ i haemó mo soné deyóo, yalepó. Atẹpa, mepaae mo ala tuámó betaai ketekẹ butu betere so whinėta, yało dere fo mo dapóló wosetu beterapó,” yalepó.

³⁸ Ai fo depa, Pailat-né faleterere fo kaae yóló duraalu, “Mo fo betepó dere-a, noaé?” yalepó. Ai fo yóló, kale Pailat ẹ Juda so whị daae mole tikipaae tóẹ doropóló, atimapaee duraalu, “A só deraaire bete tale yalemó, me alakélé mupa kilinipó.

³⁹ Tẹretei, diaaq mara mole ala sya furaalu, kale boseneýóló fele be demó ọla detere sukamó *dipula* betere whịrapekó betá fópóló, sokotua dapó. Atétua dere kaae, diaaq kisipané mió i ọla detere be demó Juda so whị tẹteróló kaae tare topo whị sokaró de?” yalepó.

⁴⁰ Ai fo depa, atimané ẹpaae fo fakeýóló duraalu, “A meipó. Ẹnẹ kisipanéta, Barabas ẹa beterepaae wópólópa, dotẹyae,” du betalepó. Ti Barabas ẹta, *Gavman*-tamo alale sóró bóe du betale whịpó.

19

Yesu filipaa eró betere ni tó mó oleróló dae yale fo

(Mat 27:27-31, Mak 15:16-20)

¹ Téro Pailat-né Yesu dapesó fóló, ama diki tare whịrapepaae fokosói ala yae yóló mulapó.

² Atéro, diki tare whịrapené Yesu faleturaalu, mu daai képi topo whinė deraterere topo tao sūróló aleyalepó. Téro Yesuné topomó deróo, sonaai kutikélé deróo yalepó.

³ Atéro, atimané momó ẹle momó ẹle yóló duraalu, “Juda so whị tẹteróló kaae tare topo whị-ó, ẹnẹ naao doi i sóró horaterere ape,” yóló faletu betalepó.

⁴ Ai alarape yóló kemetepa, Pailat ẹ momó Juda so whị betó molepaae fóló duraalu, “Yało ama yale ala taleyalemó, ẹ só deraaire bete mekélé munipa, i dapesó walapa kelae!” yalepó.

⁵ Atéro Yesu faleturaalu, ẹ topo whípóló derale mu daai topo taoró sonaai kutitamo deró betepatei, belapaae dapesó dorowalepó. Atéro daapa, Pailat-né

atimapaee duraalu, “Mió kale whị i daalapa kelere?” yalepó.

⁶ Atéro, kale so whímó momaraterere topo whịraperó atimané sóró betero betere whịrapetamoné Yesu dapesó wale kilitu, fo fakeýóló duraalu, “Filipaa ni tó mó olerae!” yóló eneta du betalepó. Ai fo depa, Pailat-né atimapaee duraalu, “Yałota, ẹ só deraaire bete mekélé munipa, diaaqte i filipaa ni tó mó olerae,” yalepó.

⁷ Atẹtepa, kale Juda fake so whị feané ẹpaae seyóló duraalu, “Amatei ẹ Kótóné naalemapó du betepa, ẹnẹ yóló muló betere foné, etei kaae fo dere whị sukópóló dae fo erapó,” yalepó.

⁸ Pailat ẹ taketa sawa wiyaleteti, atéro dere fo woseturaalu, mo doasi winé sukálepó.

⁹ Atéro, ẹ kale *Gavman* topo whinė bepaae momó fesaae fóló, Yesupaae woseturaalu, “Ya mé be huluapaae wale whię?” yóló wosetepa, Yesuné ẹpaae me fokélé tokó menipó.

¹⁰ Atẹtepa Pailat-né ẹpaae duraalu, “Yało ẹpaae wosetere fo naao tokó menitere-a, ya fópóló dotẹyaaitere ala ó, filipaa ni tó mó oleraaitere ala yópóló, ẹ sóró betero betere ya kisipa iníe?” yalepó.

¹¹ Ai fo depa, Yesuné duraalu, “Ótẹ taoró betere Kótóné tẹteróló kaae tare fotokó ẹpaae móluameisóró, ti naao ẹpaae me alakélé eróluameipó. Tẹrapa, ẹ naao naase tuámó mulale whinė ama yale dowi alanéta, naao dowi ala mo teraae falapó,” yalepó.

¹² Atéro, kale Pailat-né ai dere fotóro woseturaalu, ẹ fópóló sokaaire tu kikitu betalepó. Tétu betepa, Juda fake so whinė fo faketóro hẹle yó taru duraalu, “Naaotamo ẹ fópóló dotonatepa, ti ya Sisatamo betá kutó diterere whię meipó. Whię me de amatei, ẹ topo whị betaai dapóló wóputu betepa, ti ai whinė Sisatamo bóe dilapó,” yalepó.

¹³ Atéro, Pailat-né ai dere forape wosetu, Yesu belapaae dapesó doropóló, Pailat ẹ fo tokótamo yóló taletere tikimó betalepó. Ai belané doita, kapo fake whamene tikipó. Hibru foné ti Kapata doi mulapó.

¹⁴ Ai alarape yaleteti, kale boseneýóló fele be ẹ ọla detere *fula*-mó, ọla dótóro deyaairaaalu, ọla ọla taleyóló mulaterere be demó 12 *kilo* sukakaalemó yalepó. Atéro, kale Pailat-né Juda so whịpaae duraalu, “Diẹ tẹteróló kaae tare topo whị i daalapa, kelae!” yalepó.

¹⁵ Ai fo depa, atimané duraalu, “Ẹnẹ ẹ keleterere hórapa filipaa ni tó mó oleraa dapesó fae yóló, dotopoi fo du betalepó. Tẹtepa, Pailat-né duraalu, diẹ tẹteróló kaae tare topo whị ẹ filipaa ni tó mó oleraróe?” yalepó. Ai fo depa, kale mo so whímó momaraterere topo whinė duraalu, “Da tẹteróló

kaae tare wh̄ita me kae mei, Sisa bet̄a bet̄er-apó," yalepó.

Yesu filipaa ni tómo olerale fo
(*Mat 27:32-44, Mak 15:21-32, Luk 23:26-43*)

¹⁶ Ai alarape yóló kemene furaalu, Yesu filipaa ni tómo olerale yóló, Pailat-né atimané naase tuámó mulalepó.

Atétepa, kale diki tare wh̄irapené ʔ dapesó felepó.

¹⁷ Atéró furaalu, ʔ oleraaire ni fake amatei beleyóló oleraaire tikimó sókó felepó. Ai hae tikiné doita, sukale wh̄iné topo diripó. Hibru wh̄irapené du betere foné ti Kolkotapó doi mulapó.

¹⁸ Aimó atimané ʔ filipaa ni tómo oleralepó. Atéró wh̄i tamokélé, me wh̄i ité deró oleróo, wh̄i me uté deró oleróo, yalepó.

¹⁹ Atéyale k̄lipaae Pailat-né kale filipaa ni topomó ʔ i betené dalepóló etei fo aseýóló oleralepó.

ITA, NASARET BE WH̄IKÓ JUDA SO WH̄I
TETERÓLÓ KAAE TARE TOPO WH̄I YESUPÓ

²⁰ Yesu dóló oleraale tikita, ai be hulua felekemó ereteiné Juda fake so wh̄iné ai aseýóló oleróo betere fo dos̄atu beterepó. Ai aseýale fota, Juda so wh̄i feané dos̄aayópóló, Hibru wh̄irapené du betere fonékélé, Rom fonékélé, Krik fonékélé, erépó.

²¹ Atéró, mo so wh̄imó momaratero Juda topo wh̄irapené Pailat-paae duraalu, "Juda fake so wh̄i teteróló kaae tare topo wh̄ipóló, aseýaose. I wh̄iné amatei duraalu ʔta, Juda fake so wh̄i teteróló kaae tare topo wh̄ipó, yale fo maaté aseýóló olerae," yalepó.

²² Ai fo depa, Pailat-né duraalu, "Yalo aseýale fo momó kae fisikini, ai fotóro atéró mulópólópó," yalepó.

²³ Atéró, mepaae diki tare wh̄irapené Yesu filipaa ni tómo olerale k̄lipaae douro diki tare wh̄irapené ama kutirape atima bet̄a bet̄a yóló salepó. Atéyaletei, Yesuné deróló sókó fatere boló kuti bet̄a h̄ale muni felepó. Ai kutita, me kwiatamo dekaa-poróló dokoni, mo bet̄anétóro dokorepó.

²⁴ Atéró, kale diki tare wh̄irape atimasisitei duraalu, "I kutita, terekeyóló kukwia saalomeipó. Bet̄a wh̄iné saairaalu, atima dok̄o fea ni kwia siri mulóló, melaa yóló saalopa siépe yae," yalepó. Ai alarape yaletaite, i asere fo dokonópóló yalepó. Ai fo i ape.

"Yalo kutirape atima sóro, bolómó deró betere f̄olo kuti bet̄a muni fupa, ni fakerape fesekée deróló salepó," erapó.

²⁵ Atéyale k̄lipaae, Yesuné ama hama Mariakélé, hamané kemakélé, Klopas-ne soma Mariakélé, Maktala sokó Mariakélé, Yesu oleróo betere felekemó daae molepó.

²⁶ Aimó Yesuné hamaró ama hosaa mole yó matere wh̄itamó daapa kolóló, hama-paae duraalu, "Yalo hosaa mole hae ti so-ó, ai daale wh̄ita, naao naale ai ape," yalepó.

²⁷ Téró, ama ai yó matere wh̄ipaae duraalu, "ʔta naao hae ai ape," yalepó. Ai sukamó kaae sóro, ama ai yó matere wh̄iné Maria ʔtamó betaairaalu, dape salepó.

Yesu sinale fo
(*Mat 27:45-56, Mak 15:33-41, Luk 23:44-49*)

²⁸ Nalo kale yaalopó yóló mulale ala fea kemeyalepóló kisipa mutu, kale aseýóló muló betere fo dokonópóló, Yesuné duraalu, "E ʔei nokolerapó," yalepó.

²⁹ Atéró, aimó bet̄a k̄laai wain wei wuti f̄anóló mupa tepeýóló, k̄laai wain wei w̄epi kaae ʔlamó t̄opuró sóro kape siki kaae ʔlamó haka sóro, ama k̄lómó hamunalepó. Ai kape siki kaae ʔlané doita, *hisop*-pó.

³⁰ Atéró, Yesu ai wei nóló duraalu, "Kale eraai yale ala fea mió sumó eróló kemeralépó," yalepó. Atéró, ama topo haepaae hemée deyóló ama kepe bete Talepaae melóló sukalepó.

³¹ Atéró kale filipaa ni tómo olerale wh̄irape h̄ale olepatei, ʔla deyaai d̄ale muló betere be de sókó waqsóro, i ala yalepó. Dótóro ʔla deyaaire be de sókó waaipa, ʔla ʔla taleýóló mulatero be demó, kale oleróo betere wh̄irape hó diri kolokóló tetekapóló, Juda topo wh̄irapené Pailat-paae wosene felepó.

³² Ai fo depa, kale diki tare wh̄irape fóló, kale folosóro ité oleraale wh̄iné hó diri kaýáo, uté oleraale wh̄iné hó dirikélé kaýáo, yalepó.

³³ Téyaletei, Yesu kelalemó, ʔ taketi suk̄itkimó atimané ama hó diri kañipó.

³⁴ Aténi, atimakó bet̄a diki tare wh̄iné ama fisinimó wuti deyalepó. Atéyale tikimó, ama f̄akeró w̄eitamo mo wei kaae suniyóló dorowalepó.

³⁵ Ai alarape depa kelale wh̄iné ama mo kelale alatóro h̄akearóló yó male fota, mopó. Ama ai du betere fo diaaokélé mopóló kisipa tirópóló, h̄akeamó yó mótu bet̄erapó.

³⁶ Ai yale alarape feata, kale asemó i ere fo dokonóturaalu, yalepó. Ai fo i ape. "Ama diri mo bet̄akélé kaýaalomeipó," erapó.

³⁷ Me asere fo i ape.

"Atimané ama tikimó wutiné deyale wh̄i kelené kikéýóló kaae tawaalopó," erapó.

Yesu kane dolomó mulale fo
(*Mat 27:57-61, Mak 15:42-47, Luk 23:50-56*)

³⁸ Atéró, ai ala kemetepa atéyalepó. Ari-matea be wh̄ikó Josep ʔkélé Yesuné yó

matere wh̄itei, Juda topo wh̄irape kolóló wituraalu, ama tué tiki tiró betere ala h̄akeamó yó menipó. A Pailat beterepaae fóló, Yesuné tiki tekaai dapóló, wosalepó. Téyalemó, kale Pailat-né apaae téyae depa, ama tiki tokóló só felepó.

³⁹ Mo take dilikitamo Yesu beterepaae fele wh̄i Nikodimas-ró Josep-tamo wusuróné Yesuné tiki tokóló só faai dere ala fea yalepó. Atéró, bet̄a ni fē mur-ró mepaae felé k̄elaa wale ɔlarape aloes-tamo hosekéró betereitei, Nikodimas-né sóró felepó. Ai ɔlané sek̄e ɔleta, 34 kilogram-rópó.

⁴⁰ Atéró, kale wh̄i tamoné Yesuné tiki sóró felepó. Atéró doumó mulairaalu, *linen* kutimó mepaae felé k̄elaa wale ɔlarape terepeté fóló, Yesuné tiki bopeyalepó. Aita, atima Juda wh̄irape douróturaalu dere ala sya fóló yalepó.

⁴¹ Yesu olerale tiki felekemó, bet̄a kutó erapó. Ai kutó tuamó wh̄i mo bet̄akélé dou erénire, kisi dou wisinaale aleyóló muló beterepó.

⁴² Ti dótóró kale Juda fake so wh̄i s̄aa nóló betaaire be ɔe ereteine kale doukélé mo felekemó epa, ɔla ɔla taleyóló mulatere be ɔemó ama tiki aimó douralepó.

20

Yesu mulale kane dolo h̄alepa kelale fo
(Mat 28:1-8, Mak 16:1-8, Luk 24:1-12)

¹ Atéró, fula kaae sere be ɔemó h̄ika be teó ɔeteretamo Maktala sokó Maria Yesu mulale dou tópaee felepó. Atéró kelalemó, ɔ mulóló fokonale kapo fake tukwé fóló, tumó mupa kelalepó.

² Atépa, kale so ɔ Saimon Pitaró Yesuné ama hosaa mole yó matere wh̄i metamo beterepaae sururuyóló fóló duraalu, “Tale atimané mopaee sóró fóló mulaleró ɔa tuénipó,” yalepó.

³ Tétepa, Pitaró kale me wh̄itamo atima betere tiki taaróló, sururu yóló wh̄i dou tópaee felepó.

⁴ Atimaamo wusuró sururuyóló feletei, Pita taaróló kale me wh̄i ɔpi fóló, kale dou tómó sókó felepó.

⁵ Atéró ɔpi fóló, hemée deyóló kelalemó, Yesu bopeyóló mulale ɔei *linen* kuti bet̄a mupa kelalepó. Téyaleteti, ɔ dou dolopaae fenipó.

⁶ Atépa, nalo Saimon Pita sókó woló, kale dou dolopaae fóló kelalemó, mepaae ɔei kutirape bet̄a molepó.

⁷ Yesuné ama tiki bopeyóló mulale ɔei *linen* kuti kae mulóo, ama topo boperóló mulale kuti kolokóló kae mulóo epa kelalepó.

⁸ Kale folosóró dou tópaee ɔpi sókó fóló, daale wh̄i ɔkélé nalo dou dolopaae dere-pelepó. Dou dolomó ai ere ala kilitu, ama tué tiki tiralepó.

⁹ Yesu ɔ sukóló momó kepaee yaalopóló, asemó ere fo mo dokɔnalérápóló, kispaa sinipó.

Yesu Maktala sokó Meripaae yó male wale fo

(Mat 28:9-10, Mak 16:9-11)

¹⁰ Téró, kale wh̄itamo momó bepaee fesaae felepó.

¹¹⁻¹² Téyaleteti, kale Maria ɔ dou até belaró daalu, woletu betalepó. Atétu bitu hemée deyóló, kale wh̄i mulale kapo dolopaae kopeyalemó, *enseltamo* mo ɔei kuti deróló, Yesu mulale tikimó beterepó. Me sek̄e topo mulalepaae betóo, me sek̄e hó eralepaae betóo, erepó.

¹³ Atéru, atimaamoné kale sopaae wose-turaalu, “Ti so-ó, ya noatepa wole du bitu de?” depa, ama duraalu, “Atimané ɔ t̄eteróló kaae tare Tale mopaee mulale fel-eró ɔ k̄óló k̄óló depa du bitupó,” yalepó.

¹⁴ Ai fo yóló, ɔ fetée furaalu kelalemó, Yesu aimó daapa kelaleteti, kale soné aita, Yesupóló kisipanipó.

¹⁵ Tépa Yesuné apaae duraalu, “Ti so-ó, ya noatepa wole du bitu de? Ya de keketé kutu bitu de?” yalepó. Ai fo depa, kale soné ama kispáné ai kutó kaae tare wh̄i nisyóló apaae duraalu, “Doa wh̄i-ó, naaotamo sóró fipata, ti ɔ sene faai dapa, mulale tiki bet̄a ɔpaee yó melaasepé,” yalepó.

¹⁶ Tétepa, Yesuné apaae “Maria-ó,” depa, ɔ daalepaae fete fóló, Ereimeiki foné fakeyóló duraalu, “Raboni-ó,” yalepó. Ai fo bete feteyóló yó matere wh̄ipó.

¹⁷ Ai fo depa, Yesuné apaae duraalu, “Ē yaalo Aya beterepaae fenipa, naao ɔ tateré ala taalae. Yātei fóló, ɔ yaalo Aya beterepaaekélé, diaaɔ Aya beterepaaekélé, ɔ t̄eteróló kaae tare Kótó beterepaaekélé, ɔ diā t̄eteróló kaae tare Kótó beterepaaekélé, momó fesaae fulapóló, yaalo norapepaae ene fae,” yalepó.

¹⁸ Atéró, ai kale Maktala be hulua sokó Maria ɔ fóló, ama yó matere wh̄irapepaae duraalu, “Tale yaalo mo kelalepó,” yóló ama apaae yae yale forapekélé fea atimapaee yalepó.

Yesu ama yó matere wh̄irape beterepaae wale fo

(Mat 28:16-20, Mak 16:14-18, Luk 24:36-49)

¹⁹ Téró, *fula* kaae sere be ɔemó be diki deretamo ama yó matere wh̄irape atima kale Juda topo wh̄irape kolóló wituraalu, atima touróló betó mole be t̄urape kinóló diróló betó molepó. Atéró betó mupa, Yesu atima betó mole tuamó sókó wóló duraalu,

“Hosaa muni deyóló dua betere ala diã tuãmó mulópoló yae,” yalepó.

²⁰ Ai fo yóló kemetepa, ama naasemó *ikoko* daleteiró fisinimó wuti deyale siritamo atimapaee yó malepó. Atéror, Tale kilituraalu, atima hosaa tuãmó doasi hajné sukutere ala mo fãayalepó.

²¹ Atéror, Yesuné atimapaee momó duraalu, “Diaaã hosaa muni deyóló mo dua betó muae. Yãlo Ayané ẽ i haepaae wópóló dotonótu yale kaae, ẽlokélé diã fópóló dotonatapó,” yalepó.

²² Atéror, ai fo yóló kemetepa, ama fomo atima tikipaae sókó faróló duraalu, “Dei Kepe Wisi sae.

²³ Diaaãtamo mepaae whiné dowi ala kwia me ɔla meipóló hãle kemeratepa, ti Kótónékélé atimané yale dowi ala kwia hãle kemeró beterapó. Diaaãtamo mené yale dowi ala kwia me ɔla meipóló kemeréni hãle tapa, ti Kótónékélé atimané dowi ala kwia kemeró bitinipó,” yalepó.

Yesu ɔ Tomas-paae yó male fo

²⁴ Yesuné ama yó matere 12 whjrapekó betã ama doi Tomas-tei, Didimas-pó, du betere whj Yesu atima beterepaae sókó wale sukamó, mepaae yó matere whjrapetamo betãmó bitinipó.

²⁵ Atéror, kale mepaae ama yó matere whjrapené ɔpaae duraalu, “Tale dãné mo kelalepó,” yalepó.

Ai fo depa, Tomas-né duraalu, “Yãlotamo ama naasemó *ikoko* dale siri kolóo, *ikoko* dale doloró fisinimó wuti deyale dolotamomó yãlo naase kesekée falóo initepa, ti diaaã dere fo wosóló, mo dapóló yãlo tuẽ tiki tiraalomeipó,” yalepó.

²⁶ Atéror, *fula* betã kemeyale kãlipaae ama yó matere whjrape atima momó touróló betale sukamó, Tomas ɔkélé atimatamo betãmó beterepó. Atéror, atima tũ kinóló betó mupa, Yesu ɔ sókó wóló atimapaee duraalu, “Diaaã hosaa muni deyóló mo dua betó muae,” yalepó.

²⁷ Téró Tomas-paae duraalu, “Yãlo naase ipa, naao kolóló, naase kesekée falóo, yãlo fisinimókélé naao naase doũ kesekée falóo ene ape. Téró, mió naao kisipa tamo mutere ala taaróló, tuẽ tiki tirae,” yalepó.

²⁸ Ai fo depa, Tomas-né ɔpaae duraalu, “E tẽteróló kaae tare Tale Kótóo,” yalepó.

²⁹ Ai fo depa, Yesuné ɔpaae duraalu, “Naao ẽ mo kelaleténi naao tuẽ tiki tiratapó. Mepaae whj de ẽ kilinirutei, kisipa tiki tiratepa, ti ai so whj atima Kótóné wisiró beterapóló hajné sukutu betaalo ai ape,” yalepó.

³⁰ Atéror, Yesuné ama yó matere whjrapetamo bitu, Kótóné eratapóló kisipa yópóló, kelemei alarape mo dekeró eraletei, fea i *buk*-mó asɛnipó.

³¹ Tépatéi, Yesu so whj tẽteróló kaae tare whj Kerisota, Kótóné Naalemapóló tuẽ tiki tirópóló, i alarape fea aseɣalepó. Ti ɔta, etei kaae Talepóló, ama doimó yó mótu betere fo fea dosãayóló tuẽ tiki tiróturaalu, diã mo ti betere bete sópóló yalepó.

21

Yesuné kelemei ala eróturaalu ya dekeró sale fo

¹ Atéror ai alarape kemetepa, Yesuné ama yó matere whjrape Taiberius weĩ fókumó betó mupa, ɔ momó kolópóló, yó male walepó.

² Aimó, Yesuné ama yó matere whj Saimon Pitakélé, Tomas-tei me doi Didimas-kélé, Kaleli hae kwiamó tẽne Kana be hulua whj kó Nataniel-kélé, Sebedi naalema tamokélé, ama yó matere whj me tamokélé, atima fea touróló betó molepó.

³ Atéror bitu, Saimon Pitané atimapaee duraalu, “Eta, ya sené fulapó,” depa, atimané duraalu, “Dãkélé fea faalopó,” yalepó.

Atéror, atima fea nukumó betóló felepó. Téyaletei, ai dilikitamo ya mo betãkókélé sinipó.

⁴ Atéror, Yesu ɔ mo hĩkati weĩ fókumó daapa kelaletéi, ama yó matere whjrapené Yesupóló kisipanipó.

⁵ Tétepa, Yesuné atima fo tekeróló duraalu, “Ti naalerape-ó, yakó saleé?” depa, atimané duraalu, “Meipó,” yalepó.

⁶ Tétepa, ama atimapaee duraalu, “Diaaã hãleke wa tao sóró, nuku mole turu naase fakeró derae. Até depa, ti mepaae ya saalo ai ape,” yalepó. Ama ai yae dere alatóró yalemó, hãleke wamó ya mo dekeró deyaletikimó sekené tukaaire mo sunipó.

⁷ Atéror, Yesuné ama hosaa mole yó matere whiné Pitapaae duraalu, “Aita Talepó,” dere fotóró wosóló, Saimon Pitané tómó deratere kuti take sokóló mulaletéi kakeróló, weĩpaae tũwó derepelepó.

⁸ Atéror, Pita ɔ weĩmó ɔlaate yó betepa, mepaae yó matere whjrape atima nukutamo ɔ sya fu betalepó. Atéror, atimané derale hãleke wamó, ya fãayóló mupatei, weĩ fókuru nuku fole tikitamo felekereteiné sɣyóló só fu betalepó. Ai weĩ fókuru nuku foletikitamo dãleta, 90 *mita* supó.

⁹ Atéror, atima i weĩ fókumó sókó walemó, aimó si duku betepa kelalepó. Ai duku betere si keletómó ya biliyó mupa kolóo, *bred* orapekélé mupa kolóo, yalepó.

¹⁰ Atépa, Yesuné atimapaee duraalu, “Diaaã mió sale yarape mepaaekó ipaae sóró ape,” yalepó.

¹¹ Atéror, Saimon Pita ɔ nukupaae bitĩ holóló kale hãleke wa weĩ fókupaae sɣyóló sóró walepó. Aimó dere doakale yarape dosãayalemó, 153-ró derepó. Hãleke wamó

doa atei yarape deyaletēi, hāleke wa mo sawa tukó fole alakélé inipó.

¹² Yesuné atimapaee duraalu, “Diā i ɔla naai ape,” yalepó. Téyaletēi, ama yó matere whīrapenē ʔ Talepóló kisipa irutei, atimakó whī betānekélé yā deé? yóló halaainé wosaaitere kisipa munipó.

¹³ Atéró Yesu ʔ wóló, *bred* o bularape terekeyóló atimamó malepó. Yarapekélé atétóró yalepó.

¹⁴ Aita, Yesu ʔ sukóló kepaayóló bituraalu, ama yó matere whīrapenē ʔ kolóppóló, tamo dakoróló yó melóló, mió ita, sore dakoróló yó male walepó.

Pitapaae Yesuné ʔpaae hosaa mulée yale fo

¹⁵ Atéró, atima ɔla nóló kemetepa, Yesuné Saimon Pitapaae duraalu, “Jon-né naalema Saimon-ó, naao ʔpaae yaala sókó fole alané i whīrapenē yaala sókó fole ala bosene fale?” depa, ama duraalu, “Tale-ó, ʔpó. Yālo yāpaae yaala sókó fole alata, naao ai tuére ape,” yalepó. Ti fo depa, Yesuné ʔpaae duraalu, “Tépa, ti yālo *sipsip* hupu maler-apemó, ɔla wisiyóló melae,” yalepó.

¹⁶ Yesuné kale fo kaae momó duraalu, “Jon-né naalema Saimon-ó, naao ʔpaae mo yaala sókó fule?” depa, ama duraalu, “Tale-ó, ʔpó. Yālo yāpaae yaala sókó fole ala naao ai tuére ape,” yalepó. Tétepa, Yesuné ʔpaae duraalu, “Yālo *sipsip* hupurape naao mo wisiyóló kaae tawae,” yalepó.

¹⁷ Atéró Yesuné ama kale dere fo kaae sore dakoróló duraalu, “Jon-né naalema Saimon-ó, naao ʔpaae mo yaala sókó fule?” fo sore dakoróló deremó, Pitané ama hosaa tuāmó sekę depa duraalu, “Tale-ó, fea ala naao kisipareteiné yālo yā yaala sókó fole ala naao tuérapó,” Ai fo depa, Yesuné ʔpaae duraalu, “Yālo *sipsip* hupurapemó ɔla mo wisiyóló melae.

¹⁸ Yālo yāpaae mo i dapa wosae. Take yā kokopei betale sukamóta, kuti naaotei deróló, naao faai kisipa mutere tikipaae fua yalepó. Téyaletēi, take nalopaae yā otere yóló betere sukamó, ti naao naase terée faló betepa, naao kuti me whīné deróló, yā hōre tikipaaetei dapesó faalo ai ape,” yalepó.

¹⁹ Yesuné etei kaae fo yaletēita, Pita ʔ atéró sukuturaalu, Kótóné ere ala wisinaale kolóppóló, hākearaalopóló kisipa mutu yalepó. Atéró Yesuné ʔpaae duraalu, “Yā ʔ sya ape,” yalepó.

²⁰ Atéró Pita ʔ fetée fóló kelalemó, Yesuné ama yaala sókó fale yó matere whī atimaamo sya wou betalepó. Ai whīta, take atima ɔla nale sukamó, Yesu tikimó tiróló bituraalu, “Tale-ó, yā dópóló eleké deyaaire whī-a, deé?” yóló wosale whīpó.

²¹ Atéró, Pitané ai wale whī kolóló Yesupaae woseturaalu, “Tale-ó, i wale seké ʔ neyaalóé?” yalepó.

²² Tétepa Yesuné duraalu, “Yālo kisipané ai whī ʔtamo bitiré fóló, ʔ momó fesaae wale sukamó sókó fópóló depa, aita naao yaaire ala meipa, yā ʔ sya wale ala beta yae,” yalepó.

²³ Yesuné ʔpaae atei fo yalemóte, mepaae Keriso no nerapenē ai yó matere whī ʔ sukāalo meipó yalepóló, feapaae deté kweyóló fakeralepó. Téyaletēi Yesuné ai whī ʔ sukāalo meipóló ini, ama kisipané ʔ hāle bitiré fóló ʔ momó fesaae wale sukamó sókó fópóló depa, aita Pitapaae naao yaaire ala meipóló yale fomóte yalepó.

²⁴ I yó matere whīta me kae mei, i alarape depa kelalepóló so whī feané tuę yópóló, hākearóló aseyaale whīpó. Ai sekéné ama kolóló ai yale fo feata, mo dapóló dāné tuérapó.

²⁵ Yesuné kae kae ala mo dekeró yaletēi, ai alarape fea imó asęnipó. Mo featamo mené asę depa, ti i hae kwia tuāmó, ai fo asęre *buk*-rape mullaire tiki syyaalomeipóló kisipa mutapó.

Aposel

Yesu hepen-paae dapesó horale fo

¹ Tiopilus-ó, take yało folosóro aseyaale buk-móta, Yesuné yale alaró yó male fotamo fea kaae sóro yó maté fóló, ą hepen bepaee fele sukamó sókó fele fo ase yalepó.

² Yesu ą hepen-paae faai hałe bitu, Deį Kepe Wisiné fotokoratepa, ama dosąae sóro beteroó betere *aposeł* whįrapepaae i alarape yae yóló yó maté felepó.

³ ą doasi dele sale kįlipaae, mo ti dóló sukunale whįtei kepaayóló mo whįtóroó beteraóló kisipa yópóló, whį siki tamo 40 be demó kale whįrape beterepaae sókó wua du betalepó. Atéturaalu, Kótóné teteteróló kaae tare aqmó mole ala etérópóló yó mótu betalepó.

⁴ Atéroó betą sukamó ą ama yó matere whįrapetamo ąla nuku bitu, etei dirii fo yóló duraalu, “Yało Ayané diańmó hałe hamokoróló melaalopó ere ąlamó kisipa mutu, yało diańpaae take yalepó. Ai ąla saasepóló, Jerusalem be taaróló feni, kaae tawóló hałe betae.

⁵ Ti noatepaae, Jon-né diań weį hałe maate tópurótua yaletei, mió mo felekemó diań Deį Kepe Wisitamo tópuraało ai ape,” yalepó.

⁶ Téroó, atima betamó touróló bitu, atimané ąpaae woseturaalu, “Tale-ó, take dań Israel fake so whįné dané hae kwia teteteróló kaae taru yale kaae, miókélé ai ala yópóló yaaloé?” yalepó.

⁷ Ai fo depa, Yesuné atimapaee duraalu, “Ai ala yaaire be deró alitamota, diańé kisipa yaaire ala mei, yało Ayané ama teteteróló kaae taru, noa kaae ala yaai depa, ti ai be demótóroó erótua dapó.

⁸ Téretei, yało ę etei kaae whįpóló yó matepa diaąq wosale fo Jerusalem be luapaaekélé, Judia hae kwia kwiapaaekélé, Samaria hae kwiapaaekélé, i hae kwia dene fale doką feapaaekélé, yó maté kweyóló mo surópóló, yało diań sóro i beteratepe ape.” yalepó.

⁹ Ai fo du beteroó kemetepa, kale whįrapené kele tómotóroó Kótóné ą hepen bepaee dapesó horalepó. Atéroó atima kese horótu yóló daae mupa, atimané keletómó kitiki dolomó buó deyaalepó.

¹⁰ Téroó, atima ó sapaee kese horólu yóló hałe daae mupatei, deį kuti deréli whį tamo sókó wóló atima daae mole demó daane walepó.

¹¹ Atéroó kale whįrapepaae duraalu, “Kaleli whįrape-ó, diań noatepa sapaee kese horótu yóló daae mulu de? Diańtamo betepa hepen-paae dapesó horale whį Yesuta, momó fesaae wouraalukélé, atérótóroó hepen be taaróló waalo ai ape,” yalepó.

Judas betale sirimó Matiasi sóro beteraale fo

¹² Ai fo yóló kįlipaae, kale whįrape atima *Olip* du sorokó mole tiki taaróló Jerusalem bepaee fesaayóló felepó. *Olip* du sorokó mole tikiró doasi be hulua Jerusalem betamota saletó mei, kapala asiri fua wua dere tiki kaaepó.

¹³ Atéroó fóló, atima betere siki be kepaee holalepó. Ai be kemó Pita, Jon, Jems, Andru, Filip, Tomas, Batolomiu, Matyu, Alpias naalema Jems, kało kałoi whį Saimon, Jems naalema Judas atima atéroó beterepó.

¹⁴ Atimatamo Yesuné ama mo nomarapekélé, ama hama Mariakélé, mepaae sorapekélé, touyóló Kótópaee moma dere ala yó tarepó.

¹⁵⁻¹⁶ Atéyale sukamó, 120 Talepaae kisipa tiki tiró betere so whį touró betere tuamó, Pita turukó horóló daalu i fo yalepó. “Yało norape-ó, mo take Deį kepe Wisiné Depitpaae yó matepa ama ere fota, Yesu daai dere whįrapepaae eleké deyaaire whį Judas-mó erapó. Atéroó asemó ere fo mió mo ai dokonale ape.

¹⁷ Judas-ta, dań 12 whįrapekó dańtamo kutó diyópóló, sóro beteraale whįpó.

¹⁸ Judas-né dowi ala yóló sale *moniné* ą sinaaire hae dupuralepó. Atéroó amatei yale alamó ą képi weį naale tikimó tukó furaalu, haepaae topo fesaayóló doropóló depe fulukó felepó. Até yale hae tiki mepaae whįrapené ą दौरaairaalu, ama dowi ala yóló sale *moniné* dupuralepó.

¹⁹ Jerusalem so whįné Judas atéroó sukąlepó dere fo wosóló, atimané be foné ai hae tiki doi Akeldama mulalepó. Ai fo feteyóló samea sókó fele hae tikipó.

²⁰ Atépa Pitané duraalu, “Ai ala yaalopóló take Sam *buk*-mó aseýóló muló betere fo i ape.

‘Ątei mo ti aluyóló ama bekélé wópu mulópóló yae.’ erapó.

Me fokélé i ape.

‘Ama diyale kutó whįné diyópóló, whį kae sóro beterae,’ erapó.

²¹ Ti fo ereteiné ai seké betale sirimó, whį mekó sóro beteraalopa siepe.

²² Take Jon-né weį tópurale alimó kaae sóro wóló, Tale Yesutamó dań fea betamó kutu beteroó, ą hepen-paae dapesó fele be demó sókó wale whįkó sóro beteranérápó. Atétepa, ti ai seké dańtamo touyóló Yesu kepaayóló fele fo wisi yó maté kweyaalopó,” yalepó.

²³ Téroó atimané tale yaairaalu, whį tamo Josep ama me doi Barsabas me doi Jastus-ró Matias-tamo doi mulalepó.

²⁴ Atéroó beteroó bitu, atima feané Kótópaee moma yóló duraalu, “Tale-ó, dań feané mole kisipa tiki naao mo kelerapa, i whį tamokó mé whįné naao kutó dirópóló depa, ti naao dańpaae sóro ąlae.

²⁵ Judas ą ama yale alamó dupu saaire tikipaae felepó. Téturaalu ama taarólo fele kutó mé *aposel* whíné diranépa, ti ą betale sirimó bitu dirópóló naao ąapaae yó ąlae,” yalepó.

²⁶ Atéró moma yale kílípaae, atimaamoné doi muló betere kapo fake wutimó derólo kelé kelérólo tukjyalemó, Matias-né doi moleteí sóko dorowalepó. Atétepa, ą 11 *aposel* whírapetamo tourólo sóro beteralépó.

2

Pentikos be ąemó ąeí Kepe Wisi dotonale fo

¹ Israel so whíné ąla deyólo nukua dere *Pentikos* be ąe wapa, atima fea betapaae tourale wólo betó molepó.

² Atéró betó molemó, hapale tétitóró ó samó doasi besé tikiné hu kaae deté dorowólo atima betere tikimó huyólo supa feané wosalepó.

³ Atéyale alanétei, so whí dokómó simi kaae ąaleta yalepó.

⁴ Tétu, kale ąeí Kepe Wisi atima tikipaae atéró bití wouraaalu, seratepa kae kae be fo yaairaalu kaae salepó.

⁵ Atéyale sukamó, mepaae kae kae hae kwiamó betó mole Kótó kolólo witu betere Juda fake whírape kapala asiri wólo Jerusalem be huluaámó betó molepó.

⁶ Atéró atima besé tikiné hu kaae woseturaalu, so whí mo fea betapaae tourale wólo betó mulu, noa ala dutérópóló sirayalepó. Ti noatepae, atimané wosalemó, kisipa tiki tíró betere fakerapené kae kae be fo atima dokó feané mo donotóró depa wosalepó.

⁷ Atéteremó doasi siratu duraalu, “I Kaleli whírapetei, ąané be fo netéró tué yalerópó?”

⁸ Atima ąané be fo mo donotóró dere-a, netéró derópó?

⁹ ąa Partia whírapekélé, Media whírapekélé, Elam whírapekélé, Mesopotemia whírapekélé, Judia whírapekélé, Kapadosia whírapekélé, Pontus whírapekélé, Esia whírapekélé, i betere ape.

¹⁰ Frisia-ró Pampilia whírapetamokélé, Isip-ró Sairin be hulua felekemó ąene be Libia whírapetamokélé, Rom bemó wale uké whírapekélé, fea i wólo betó mole ape.

¹¹ Ai wólo tourale so whí mepaae mo Juda fake yóo, mepaae kae faketei, Juda fakené dere ala sya fóo, dua ąapó. Ai fake tamokélé, Krit whírapekélé, Arabia whírapekélé, ąané be foné atimapaae Kótóné kae kae hapóluí alarape eralepóló yó mótu betepa, mió ąané i wosetere ape,” yalepó.

¹² Atétere alamó, i dosąayale be hulua so whíné sira yólo atimasisí duraalu, “I ala yólo kílípaae noa alakó sóko waai derópó,” du betalepó.

¹³ Até du betepatei, mepaae whírapené ai ala ąo nalólo duraalu, “Aita *wain* weí mo dekéro naletikimó topo doturaalu, ai dere ape,” yalepó.

Pitané so whípaae yale fo

¹⁴ Téró Pita ą mepaae 11 whírapetamo so whí betó mole kuamó turukó holólo fo fakeyólo duraalu, “Jerusalem be whíró ąa mepaae Juda whírapetamo-ó, i yale alarape bete ąapaae hąakerólo yaai ąapa, mo wisiyólo wosae.

¹⁵ Diaąo kisipané i whírape atima *wain* weí nale tikimó topo doturaalu ąapóló de? Diaąotamo atei kisipa mutepa, ti mió *wain* weí nokole suka kele mei, ita hįka 9 *kilok* i ape.

¹⁶ I whírapeta, *wain* weí nólo dumi, atima ai du betere ala take Kótóné ama kóló whí Joel-né asere fo dokonatapó.

¹⁷ Kótóné duraalu, ‘Kemeyaai dere alimó, yąlo ąeí Kepe Wisi so whí fea tuapaae weí kaae sunée deraalópó.

Téturaalu, diaąo naale senaalenékélé, Kótóné kóló so whíné dere fo kaae yaalópó. Mepaae teó whírapenékélé, nokené kilitu dere kaae yaalópó.

ąi mepaae otere serenékélé, noke yaalo ai ape.

¹⁸ Até dere sukamó, ąeí Kepe Wisi yąlo kutó diratere so whí fea tuapaae weí kaae sunée deratere atimanékélé, yąlo take eraai dere alaró mió dere alatamo hąakearólo yó melaalo ai ape.

¹⁹ Atétepa, ó samó so whíné kolólo sira yaaitere alarape yąlo eraalópó. Atéturaalu i haemókélé me ala yaairemó eratere ala eróo, i hae samea sóko farólo, siró sukulitamokélé anóo, yaalópó.

²⁰ Ai ala dereteita, Talené ama mo kae ere ąe doasi tukólo muló betere be ąe waai teópa, suka bete feteyólo dilikiróo, wéliékélé feteyólo samea alée falóo yaalópó.

²¹ So whí dené Talené doi yólo ę tao sae depa, atétere so whí aluyaąsóró mo tao saalópó, erapó.

²² Israel whírape-ó, i dere fo wosae. Nasaret be whíkó Yesuta, mo hąale whí nisiyąsóró, so whí feané kolólo sira yaaire alaró kelemei alatamokélé, me ala yaairemó eratere alakélé, fea erópóló, Kótóné ą sóro betero beterapó. Ai alarape feata, ama eratepa diaąo kolólo, ai kisipare ape.

²³ Betą whíné Yesu eleké deyólo ąiáne naase tuámó mulalepó. Atétepa mepaae Talené fo woseni, dowi ala dere whírapené ąi tao sóro ą filipaare ni tómó sinópóló oleralepó. Atéyale alata, Kótóné ama yaai kisipa mole ala dokonóturaalu erapó.

²⁴ Téyaletéi, ama tiki dou dolomó kẹ́laa yaq̄sóró sukutere alané fotok̄ Kótónétei aluróo, ą mo ti suką́letéi Kótóné momó kepaaróo, yalepó. Ti noatepae, sukutere alané ą s̄yíóló tawaaire mo s̄unipó.

²⁵ Mo take ai sekémó kisipa mutu, Depit-né i fo asęrapó.

‘Betere dok̄ fea Tale yało kelepaaamó daapa kilitua dapó.

Ą yało turu naase eró betere tikimó betereiné ę me wh̄iné woreróló só deranéniipó.

²⁶ Téreteiné yało hosaa betemó hękesené sukuturaalu, yało k̄lónékéké, wole fo yóló ama doi sóró horatapó.

Yało tikikéké, take me ala ini, mo wisiyóló betaalopóló kisipa mutu, hajtamo kaae tawóló i betere ape.

²⁷ Ti noatepae, take waaire alimó yało tiki dou dolomó mupa kẹ́laa yópóló naao taaraalo meipó.

Téturaalu, naao mo kae beteró betere wh̄i wisinaalené tiki kẹ́laa yópóló taaraalo meipó.

²⁸ Ę wisiyóló betaaire tikipaae fópóló, naao tų wisi alerapó. Ę yątamo betąmó betepa, naao haj dere ala mo faanótu berterapó, erapó.

²⁹ Norape-ó, yało diąpaae mo i dere ape. Dąné ayarape deté wale wh̄i Depit sukutepa dourale douta, mió i be dęmókéké hąle epa kilitu berterapó.

³⁰ Téretei Depit ąta, Kótóné k̄lóló wh̄i betepa ąpaae dirii fo yóló duraalu, ‘Naao deté faaire naalené detere naalekó betą ya betale sirimó teteróló kaae tanópóló yało sóró beteraalopó, erapó.

³¹ Take waaire alimó yaaire ala Depit-né ama kolóló i fo asęrapó. ‘Kótóné so wh̄i fea teteróló kaae tanópóló sóró betaaire wh̄i Keriso doumó kẹ́laa yópóló taaréni, kepaaró berterapó, erapó.

³² Yesu ą mo ti suką́letéi, Kótóné momó kepaaró berterapó. Atépa dąta, ai alarape mo depa dąné kelené kelalepóló hąkeamó yó maté kotere wh̄irape i ape.

³³ Yesuné ąla ąla fea ama teteróló kaae tanópóló ą Alima Kótóné turu naase dęmó beteralepó. Alimané yóló mulale ąla Dęi Kepe Wisi ama naase tuąmó mulalepó. Até depa, amamo dąpaae erale ala mió dąné kolóo, wosókéké yóo, yalepó.

³⁴ Depit ąta hepen-paae fenitei, take waaire alimó yaaire alamó kisipa mutu i fo yalepó.

‘Talené yało Talepaae duraalu, “Ya yało turu naase dęmó betae.

³⁵ Naao bóe wh̄irape ya aqmó bitu, atima belei aąraaire ala yałotei eraalopa, hąle kaae tawóló betae,” yalepó.

³⁶ Térapa, Israel fake so wh̄i-ó, dią i dere fo mo wosae. Dąné ai filipaa ni tó mó ol-eróló dale wh̄i Yesutóró Kótóné ą kepaaróló dą fea teteróló kaae tanópóló topo wh̄ikéké, Talekéké, ai sóró beteraale ape,” yalepó.

Mo dekéró so wh̄i kisipa feteyóló wej tópuale fo

³⁷ Pitané atéró dere foné ai wóló touró betere so wh̄iné hosaamó mo sepake kaaené tikalepó. Téturaalu, Pitaró mepaae aposel wh̄irapetamopaae woseturaalu, “Norape-ó, mió dąné noa alakó yaaloé?” yalepó.

³⁸ Ti fo depa, Pitané atimapaee duraalu, “Dią dok̄ feané dowi ala taaróló, tuę tiki feteyóló betepa, Yesu Kerisoné doimó wej tópurópóló yae. Atétepata, ti Tale Kótóné naao yale dowi kwia kemeróló, ama Dęi Kepe Wisi dią hąle melaalo ai ape.

³⁹ Kótóné ama eraalopóló ere fo mo dokonóturaalu, ‘Diąkéké, dąné naaler-apekéké, be saletómó wale so wh̄ikéké, mepaae Kótóné ą beterepaae apé dere fo wosóló wale so wh̄ikéké, fea ai ąla mo saalopó,” erapó.

⁴⁰ Pitané ai fotamo mepaae forape olekeyóló fotok̄iné duraalu, “Mió i alimó betere so wh̄iné du betere dowi alané dią felekemó, ai doratapa mo wisiyóló kaae tawae,” yalepó.

⁴¹ Atéyale sukamó Pitané yó matere fo wosóló 3000 so wh̄i dowi ala taaróló kisipa feteyóló wapa wej tópuralepó. Atima atéró wóló take betere Keriso faketamo touné walepó.

So wh̄i mo betą kisipa muóló betale fo

⁴² Téró, ai so wh̄i atima aposel wh̄irapené yó matere fo mo wisiyóló wosóo, atima hamomatamo mo betą tuę muóló u tao su i tao su dere ala yóo, ąlakéké betąmó nóo, Kótópaae moma dere alakéké betąmó yóo, du betalepó.

⁴³ Kale aposel wh̄irapené so wh̄iné kolóló sira yópóló eratere alarapekéké, kelemei alarapekéké, me ala yaairemó eratere alarapekéké depa, so wh̄iné kolóló duraalu, Ita, Kótónétei eratapóló, winé sukutu betalepó.

⁴⁴ Talepaae tuę tiki tiró betere so wh̄irape fea touróló betą kisipa mutu, atimané ąla ąla mepaae yaąare so wh̄i tao saalopóló fo dokalepó.

⁴⁵ Atéró, atimané mepaae ąla ąlaró haetamo dotonóló *moni* sóró mepaae yaąare so wh̄i malepó.

⁴⁶ Tétu, be dętere dok̄ atima mo fea momatere be belamó tourąletatóró yó tarepó. Atima hosaa tuąmó hajné sukutere ala mulu, hękesetamo atima fea me féli mené bemó ąla nuku, me féli mené bemó ąla nuku dua yalepó.

⁴⁷ Até duraalu, Talené doi sóró horaté fu betepa, mo so whjné kolóló, aita mo donoi ala dapóló dukirótu beterepó. Ai ala du betepa, so whj aluyaqsóró Talené tao sóró Keriso so whjtamo Kótónétei betere dokó touróló sóró beteraté fu betalepó.

3

Hqleke dore whj wisirale fo

¹ Betá sukamó, Pitaró Jon-tamo Talepaae moma yaairaalu tukóló muló betere sukakelemó, kuluka 3 kilok moma dere bepaae fu betalepó.

² Ateró felemó, take hamané depemótei hó naase dowi whj ai be bopéro betere tipi tų sókó walemó beteraai beleyóló fu betalepó. Ai sekéta, momatere bepaae fua wua dere so whjpaae *monikó* kema yópóló, suka fea whjrapené beleyóló mulaleta du betalepó. Ai whj beteraleta du betale tikita, mo kelaalo Kokoi tipi tųpóló doi mulapó.

³ Kale whj ateró sóró fóló beteró beterepó, Pitaró Jon-tamo moma ene faai fupa, atimaamopaae *moni* kema yalepó.

⁴ Atétepa, kale whj tamone á kelené kikéro kaae taru Pitané apaae duraalu, “Naao damo kelae,” yalepó.

⁵ Ti fo depa, kale whjné amó me qlakó melaaitere nisiyóló kelené atimaamo kaae tarepó.

⁶ Atépa, Pitané duraalu, “Naao ai kematere qla *silpa moni ó kold moni* é tanitei, yalo tare qla betá ya i matere ape. Nasaret whjko Yesu Kerisoné doimó i dapa, ya turukó holóló kweyaae,” yalepó.

⁷ Ai fo yóló, Pitané kale whjné turu naasemó taosóró turukó horóló daaraalpó. Até deretamotoró ama dore hóró hó kelepetamo fotokó buóló wisiyalepó.

⁸ Ateró, ai seké á tųó horóló kweyaae kaae sóró, Pitaró Jon-tamo atima fea moma dere be belamó kutu betalepó. Ateró aimó á tųó holóló taaeta deté kuturaalu, Talené doi hale sóró horaté kweyalepó.

⁹ Aimó touró betere so whj feané kale whjné Kótóné doi sóró horaté kotere ala kelalepó.

¹⁰ Atétepa, i whjta momatere be bopére tipi kelaalo kokore tų sókó walemó bitu *moni* kema dua yaletei, netéro wisiyalerópóló siratu betalepó.

Moma dere bemó Pitané Talené fo yó maletei

¹¹ Téró, kale whjné Pitaró Jon-tamo apuó tapa kelaai so whj mo fea, Solomon-né doi mole be belapaae tourale wóló daae muluraalu, siratu betalepó.

¹² Pitané ai ala kolóló, atimapaee duraalu, “Ti Israel so whj-ó, noatempa diá i ere alamó

siratu bitute? Diaaq tuéné ita, damoné fotokóné ó Kótóné ala damoné eró tareteini wisiralepóló de?

¹³ Abraham, Aisak, Jekop atimané Kótóta me kae mei, dané ayarapené Kótókélé mo betatórótipó. Ai Kótóné ama kutó diratere whj Yesu tao sóró doi mo doasi mulalepó. Ai ala ere whjtei, diané á mo ti dóló sukunaaire whjrapené naasepaae mulópóló Pailat-paae melale felepó. Tétepa, Pailat-né ai whj me dowi ala munipó depatei diaaq apaae duraalu, fópóló doteyaqse yalepó.

¹⁴ Mo kae beteró betere donoi ala dere whj wisinaaletei diaaq hóróó, whj dupa *dipula* beteró betere whj diappaee dotonaee yóó, yalepó.

¹⁵ Ata, mo ti betere bete kaarale whjtei, diané dóló sukunalepó. Téyaletei, Kótóné momó kepaaró beterepó. Ai alarape feata, dané keletómó mo yalepó.

¹⁶ Hó naase dopa diá feané kilitu betere whjta, damo Yesupaae tué tiki tiró betere alané á wisiralepó. Ai tué tiki tiratere alata, Yesuné damopaae matepa, ama doiné i whj mo ti wisiró betereitei mió diaaq ai kelere ape.

¹⁷ Norape-ó, yalo mo i dere ape. Dianékélé, diaaq topo whjrapené yale kaae, Yesu Tale Kótóné sóró beteró betere whjípóló tué muni yale ala dané tuérapó.

¹⁸ Tépatéi ai yale alata, mo take Kótóné ama kóló whjrape feané ama sóró beteró betere whj Keriso doasi dele saalópó ere fo Kótóné mo ai dokonó betere ape.

¹⁹ Térapa, du betere dowi ala taaróló, kisipa feteyóló Kótópaee ape. Atetepa, ti Kótóné ama feléyóló betere ala wisi diá tuappaee eraalo.

²⁰ Kótóné ama so whj fea tetéroló kaae tanópóló sóró beteró betere whj diá beterepaae dotonaalopa, kaae tawaa. Ti ai whjta, mo taketitei diá tao sópóló sóró beteró betere whj Yesu ai ape.

²¹ Ai sekéta, Kótóné kae beteró betere kóló whjrapepaae ere fo dokonóturaalu, Talené i haemó ere alarape momó wisiróló kisi aleraaire be de sókó wópóló kaae tarapó. Ai be de teopa, ti á hepen-mó hale kaae tawóló beterepó.

²² Moses-nékélé, i fo aserapó.

‘Tale Kótóné diámó kisipa mutu, diákótei ama fo eratere kóló whj sóró beteraalo ai ape. Téyaalopa, ai sekéné ama dere fo fea wosóló sya fae.

²³ Kótóné sóró beteraaire ama kóló whjné dere fo diá mepaae whjné wosóló sya fenitepa, ti atétere whj Talené ama so whjtamo touyóló betaqsóró sókó sóró kae beteraalópó, erapó.

²⁴ Samuel betale alimó kaae sóró bitiré wale kóló whjrapené deté wale fota, mió

i alimó du betere alarapemó kisipa mutu erapó.

²⁵ Kótóné ama kóló whjrapené ere foró Talené ama i ala eraalopóló ere dirii fotamo dokonóturaalu, diapaetóro mo eraalopó. Mo take Kótóné Abraham-paae i fo yalepó. 'Naao deté faaire naalerapekó betá whjpaee yało eratere wisi alané i haemó betó mole so whj mo fea wisiraalopó,' erapó.

²⁶ Ai ere fo mo dokonóturaalu, Kótóné ama kutó diratere whj Yesu Keriso sóró beteralapó. Atéror, a diá Israel fake so whjpi tao sóró wisiraai kisipa mutu, diá beterepaae dotonalepó. Diá dokó feané du betere dowi ala taaróló tų wisipaae fópóló, ai sekéné amatei diaaq kisipa tiki feteraalopó,' yalepó.

4

Jon-ró Pitamo dipula beterales fo

¹ Téró, Pitaró Jon-tamo kale fo wisi so whjpaee yó mótu betepa, mepaae momatere be kaae tare diki tare whjrapené topo whjkélé, Sadyusi whjrapekélé, so whjmó Talepaae momaratere whjrapekélé, fea atimaamo beterepaae walepó.

² Atima atéroró betó mupa, Pitaró Jon-tamoné fo yó mótu duraalu, Yesu mo ti sukaletei momó kepaayóló beteraapó. Térapa, Yesupaae tué tiki tiratere so whjkélé kepaayóló betaalopóló yó mótu beterepó. Atéroró yó mótu betepa, kale whjrape atima dei tué muóló fopaae bualepó.

³ Atéturaalu, ai kale whjrapené atimaamo tawóló fo tokóló só deraai yaleteti be diki depa, hika yaairaaalu dilikitamo atimaamo *dipula* sóró beteralapó.

⁴ Téyaleteti, atimaamoné yó male fo wosóló so whj fea Talepaae kisipa tiki tiralepó. Atéyale whjrape maaté dosayayóló touróturaalu, 5000-rópó.

⁵ Téró hika be detepa, topo whjraperó Moses-né asere fo yó matere whjrapetamokélé. Juda whj disirapekélé, fea Jerusalem bepaae tourale walepó.

⁶ Atétepa, atimatamo so whjmó momaratere whjrapené topo whj Anas-kélé, Kaiapas-kélé, Jon-kélé, Aleksandakélé, so whjmó momaratere mepaae whjrapekélé fea wóló touró beterepó.

⁷ Atéror, Pitaró Jon-tamo dape sóró ai whjrapené atimaamopaae woseturaalu. "Ai ala yópóló diaamo né sóró beteralesé? ó né doimó diaamoné ai ala du bitute?" yalepó.

⁸⁻⁹ Tétepa, Dej Kepe Pita tuamó fāyayóló seratepa atimapaee tokó mótu duraalu, "Diá so whj tetéroróló kaae tare whjraperó whj disirapetamo-ó, diané dāmpaae ai

wosetere fota, kale hó dore whj kolené sukuturaalu wisirale alamó de?

¹⁰ Tétamo depa, ti dianékelé, Israel so whj feanékelé, wosaasepóló hakearóló i dere ape. Diané Nasaret whjko Yesu Keriso filipaare ni tómo oleróló mo ti dóló sukunaleteti, Kótóné a momó kepaaralepó. Atéyale sekéné doimó, dāmoné wisi erale hó dore whj i daale ape.

¹¹ Yesuta, asemó ere foné duraalu,

'Diá be tetere whjrapené dopa taae falatere kapo faketei, be hulua eleké alée felepó,' erapó.

¹² Dā aluyaqsóró tao saaire whj me kae mo bitinipó. Yesuné doimó betá dā so whj fea mo wisiyóló betenérápó,' yalepó.

¹³ Atéror, kale whjrapené kelalemó, Pitaró Jon-tamo wikélé ini fo mo halaainé du beterepó. Atéroró dere fo woseturaalu, i whj tamota me *skul-kélé* iniretei, dere fo mo fosó fosó dapóló siratu betalepó. Tétu atimaamo Yesutamo kweyale whj tamopóló kisipa yalepó.

¹⁴ Téyaleteti, Pitaró Jon-tamoné hó dopa wisirale whjkélé atima touró betere tikimó daaleteiné u kale whjrape atimané me fo yaaire tų mei depa taaralepó.

¹⁵ Atétepa, Pitaró Jon-tamo kapala asiri belapaae hókó deróló, ai whjrape atima fo kełaaralepó.

¹⁶ Atéror, kełaaróló duraalu, "Atimaamopaae dāné noa alakó eraalóé? Jerusalem bemó betó mole so whj feané atimaamoné kelemei ala eraleteti, kolóló mo tuérápó. Téréteiné dāné ai ala hiróló kapala fo enénipó.

¹⁷ Tépatei, i fo so whjpaee deté fóló fakeraqsóró atimaamopaae dirii fo yóló mulaalopó. Ai Yesuné doimó so whjpaee fo yó melaqse yaalopa, siépe," yalepó.

¹⁸ Atimapi atéroró fo dokóló, kale whj tamo momó bepaae ape yóló duraalu, Yesuné doimó mepaae dere alaraperó ama fo yó maté kotere alatamo momó kae yaqse yóló fo mulalepó.

¹⁹ Ti fo depa, Pitaró Jon-tamoné duraalu, "Diané kisanané dāmo diaaq dere fo wosóló sya furaalu, Kótóné fo sya foleteti taalatepa, Kótóné keletómó wisiréró diāneteti tale yae.

²⁰ Ti dāné kelené kelale alaró wosale fotamo yó materetei, mo taaranénipó," yalepó.

²¹ Tétepa, kale whjrapené Pitaró Jon-tamopaae mepaae wiratere fo take yale tómo beleróló yóló, atimaamo fópóló doteyalepó. Atimaamopaae mepaae sekei ala eraai yaleteti, bete atima kóló kóló depa taaralepó. Ti noa betené mei, so whj feané atimaamoné erale alamó Talené doi sóró horatere kilituraalu, atima wi depa fópóló doteyalepó.

²² Ti noatepae, i kelemei ala eróló wisir-ale whjta, hó doyóló betepa ba fo whj siki tamokélé bosenée falapó.

Talepaae kisipa tiró betere whjiné moma dere fo

²³ Atéro Pitaró Jon-tamo fópóló sókó daalatepa, atimaamo mepaae Keriso so whj betere tikipaae felepó. Atéro fóló bitu, so whjmó momatere topo whjrapéro whj disirapetamoné atimaamopaae yale forape fea atimapaee du betalepó.

²⁴ Atétepa, Keriso so whjiné ai fo woseturaalu, atima fea touyóló fo fake yóló Kótópaae doa kée yóló moma yalepó. Atéro duraalu, “Kótó-ó, yata doasi Tale bitu, ɔla ɔla fea naaotóro kaaróló teteróló kaae tarapó. Tale-ó, i haekélé, ó sákélé, wej kɛlakélé, ai sore ɔla tuamó betere ɔlaró ere ɔlatamokélé fea naaotóro alerapó.

²⁵ Naaó Dej Kepe Wisiné naao kutó diratere whj dané aya Depit tuapaae suratepa, ama kɔlómó ere fo i ape.

‘Hae kwia dokómó betó mole so whj noatepa fopaae buóló dei kisipa mutu betere?

Juda fake so whjkélé me bete muni-patei noatepa atima kikití fo dokotu betéré?

²⁶ I hae kwia teteróló kaae tare topo whjrape atima bóe daai siki siki yóo, mepaae Juda fake teteróló kaae tare topo whjrapekélé fea betapaae tourale wóló, Taletamo bóe dóo, so whj teteróló kaae tanópóló, Talené sóró beteró betere whjtamokélé bóe daai donoróo, erapó, yalepó.

²⁷ Ti ai ere fo mo dokonalepó. Kale Herotró Pontias Pailat-tamonékélé, Juda meire fake so whjinékélé, Israel so whjinékélé, naao kutó dirópóló sóró beteró betere whj wisinaale Yesutamo bóe dóló só deraai, doasi Jerusalem bepaae tourale walepó.

²⁸ Atéyaleteita, atima tuéné kaayóló dere nisiyalemó, ai yale alarape fea Tale naao fotokné eraalopóló, take ere fo mo dokonóló ai yale ape.

²⁹ Térapa Tale-ó, mió atimané naao kutó diratere whjrape susupui ala eraairaalu wiréli fo du betepa, naao tué muae. Atétu betere tuamó da wikélé ini, mo halaaíné daalu, naao fo betá yó mótu beterópóló halaaí ala dapaae erae.

³⁰ Naaó mo kae beteró betere kutó diratere whj Yesuné doimó kisi daae mole so whj wisiróturaalu, kelemei alaraperó doasi sira yaaire alatamo eraaire fotokó naao dapaae erae,” yalepó.

³¹ Atima ai moma yóló kemerateretamo, atima betó mole be tao sóró woreralepó. Atéturaalu, Dej Kepe Wisiné atima mo

suratepa, so whjpaee Kótóné fo mo halaaíné diriyóló yó mótu betalepó.

Keriso so whj u taosu i taosu yale fo

³² Kale Keriso so whj atima fea ne no ayyóló bitu, mo wisi kisipa betatóro muóló beterepó. Atéru, atimané mole ɔla ɔla fea ekeleyóló sini, yayare so whjkélé tao sua yalepó.

³³ Kale aposel whjrapené Tale Yesu mo ti sukaletei, momó kepaayóló beterepóló yó matere fota, Kótóné ama fotokótamo yó melaté kutu betalepó. Atima atétu betepa, Kótóné kɔlené sukuturaalu, hale tao sere ala atima feapaae eraleteiné mo hajtamo dua beterepó.

³⁴⁻³⁵ Ai ala iru, atima tuamó me so ó whjkó ɔla ɔla yayá dere ala mo inipó. Atima tuamótei, hae tiki tare whjiné ama hae dotonóló *moni* sóo, be tene whjiné ama be dotonóló *moni* sóo, yóló ai *moni* kale aposel whjrapené naase tuamó mulótua yalepó. Ai *monita*, mepaae ɔla ɔla yayare so whjmó terekeyóló ɔliróló mótua yalepó.

³⁶ Lipai fake whjkó Saiprus be whj ama doi Josep beterepó. Ai sekéta, aposel whjrapené Banabas doi mulalepó. Ai doiné beteta, so whjiné hosaa dirirótu keteke bulóló fotokqratere whjpó doi mulalepó.

³⁷ Ai whj Banabas-nékélé, ama hae kwia dotonóló *moni* sóró, ai *moni* ti aposel whjrapené naase tuamó mulalepó.

5

Ananias-ró Sapairatamopaae erale ala

¹ Téró me etéyalepó. Whj betané ama doi Ananias beterepó. Ai sekéro soma Sapairatamo atimaamoné hae kwia dotonóló *moni* salepó.

² Atéro sale *moni* mepaae soma atimaamo saairaalu fo deyóló, bukó mulóló, mepaae ti kale aposel whjrapepaae male felepó.

³ Atétepa, Pitané apaae duraalu, “Ananias-ó, Satan ya tuamó bitu, Dej Kepe Wisipaae kapala fo noatepa yaleé? Naaó hae dupu yale *moni* mepaae ya saairaalu bukó mulóló, i sóró waleteti htjípó deretei, kapala fo ai dere ape.

⁴ Hae kwia dotonaai hale mupa, ti naao haetóro molepó. Dotonóló sale *moni*-kélé, ti naao *moni*-tórótípó. Tétu, *moni* mepaae diaamo saairaalu, dekée sóró mepaae maaté Talepaae male waletiekélé wisirapó. Tépateti, naao dowi kisipa sóró yale kapala fota, mo whjpaee ini, Kótópaaetei ai ere ape,” yalepó.

⁵ Atéro dere fo kale whj Ananias-né woseturaalu, Pita daalemó haepaae muni doropóló, mo ti sukalepó. Mepaae so whjiné até yalepó dere fo woseturaalu, atima whj du betalepó.

⁶ Tétepa, mepaae kokopei wh̄irape wóló kale wh̄iné tiki kutiné bopéyóló dourale felepó.

⁷ Atéró, sore sukakele kemeyóló ai k̄ilipaae soma Sapaira ama wh̄ipaae erale ala tuéni, mok̄leyaa yóló Pita beteremó sókó walepó.

⁸ Atéró daapa, Pitané kale sopaae wosetu-raalu, “Naao wh̄i diaamoné hae dupu yale moni i h̄itié?” yalepó. Tétepa, kale soné duraalu, “Épó. Saletei, aitóróti h̄itipó,” yalepó.

⁹ Ai fo depa, Pitané apaae duraalu, “Noatepa naao wh̄i diaamo fo dokóló, Talené Deji Kepe Wisipaae kapala fo yóló, k̄aae kelaai dilikaleé? Atei ala walemó, naao wh̄i dourale fele wh̄irape wóló t̄u sókó walemó ai daae mole ape. Atimané yākélé, atéró sóró fóló dourale faalopó,” yalepó.

¹⁰ Téyalemó, mo ai fapotóró kale so Pita daale tikimó haepaae muni doropóló sukalepó. Atétepa, kale wh̄irapené kelalemó mo ti sukupa sóró fóló, ama oma dourale tikimó ak̄élé titiróló bulalepó.

¹¹ Até yalepó dere fo, Keriso so wh̄iró ai fo wosale so wh̄itamo doasi winé sukutu betalepó.

Aposel wh̄irapené kelemei alarape erale fo

¹² Téro kale *aposel* wh̄irapené kae kae kelemei alaró so wh̄iné kolóló sira yaaire alatamo, so wh̄i betó mole tuamó erótu betalepó. Talepaae tué tiró betere so wh̄i Solomon-né aleyale be tokw̄emó touróló bitua yalepó.

¹³ Mepaae so wh̄iné Keriso so wh̄iné dere ala kolóló, atima dere ala mo kokorapó yóló dukirótu betaletei, atima ai so wh̄itamo touyóló betaalo witu betalepó.

¹⁴ Tépaitei, sokélé, wh̄ikélé, Talepaae tué tiki tiróló take betere Keriso faketamo touraleta yaletikimó Keriso so wh̄i fakeraté felepó.

¹⁵ Atétere alamó, mepaae hepo daae mole so wh̄irape sepelewa yóló wóló, Pita a fua wua dere tumó besek̄é tómo mulótua yalepó. Ti aita, Pita fua wua duraalu, ama suka asoné mepaae wh̄i wisirópóló kisipa muturaalu, dua yalepó.

¹⁶ Jerusalem be bopéróló t̄eje mole be hularapemó betó mole so wh̄i fea Jerusalem bepaee tourale walepó. Atéró wouraalu, mepaae hepo daale so wh̄ikélé, dowi keperapené doasi susupu mótu betere so wh̄ikélé, mo fea beleyóló wapa wisirótua yalepó.

Aposel wh̄irape susupuróló dipula betaletei

¹⁷ So wh̄imó momaraterere topo wh̄iró mepaae Sadyusi fakekó i sek̄éné ama fulumu wh̄irapetamoné *aposel* wh̄irapené dere alamó atimatamo dei fopaae bualepó.

¹⁸ Atéturaalu, kale *aposel* wh̄irape *dipula* sóró betaeralépó.

¹⁹ Téyalemó, dilikitamo Talené ama *ensel* wóló, ai *dipula* be t̄u tukiyóló kale *aposel* wh̄irape belapaae dapesó derepelepó.

²⁰ Atéró duraalu, “Diã fóló momatere be belamó daalu, so wh̄ipaae mió wosetere kisi fo wisi etérópóló yó melaai fae,” yalepó.

²¹ Téro h̄ika be d̄etepa, *ensel*-né yale fo wosóló, momatere be belamó daalu, so wh̄ipaae Talené fo kaae sóró yó malepó.

Atéyale k̄ilipaae so wh̄imó momaraterere topo wh̄iró, ama fulumu wh̄irapetamoné kale fo tokóló taletere wh̄irapeape ape yó faralepó. Ai wh̄irapeta, Israel wh̄i disirape atimatórótipó. Ai fakerape fea wóló, mepaae diki tare wh̄irapepaae *dipula* bepaee fóló, kale *aposel* wh̄irape dape sene fae yóló dotonalepó.

²² Tétepa, fóló kelalemó, kale *aposel* wh̄irape *dipula* bemó bitinipa kelalepó. Atépa yaai dapóló atima momó fesaee walepó.

²³ Atéró atimapaae duraalu, “*Dipula* be t̄uta, d̄ané kinale alatóró epa kelalepó. Téro, t̄u kaae tare diki tare wh̄irape atimakélé, kale tikimótóró daae molepó. Atépa, d̄a t̄u tukiyóló kelalemó, atima bitinipó,” yalepó.

²⁴ *Dipula* be kaae tare diki tare wh̄irapené topo wh̄iró so wh̄imó momaraterere wh̄irapené topo wh̄itamoné ai dere fo woseturaalu, ai *aposel* wh̄irape-a, noa yalerópóló atima tué teketu betalepó.

²⁵ Atétu beteremó, wh̄i bet̄a wóló duraalu, “Wosae, diãné *dipula* betaeralé wh̄irapeta, u momatere be belamó daalu, so wh̄ipaae fo yó mótu betere ape,” yalepó.

²⁶ Ai fo depa, diki tare wh̄irapené topo wh̄iró ama diki tare wh̄irapetamo fóló, kale *aposel* wh̄irape tawóló sóró walepó. Atéró, dapesó wouraalu, h̄oko s̄iyóló só ani, naamei alané dapesó walepó. Ti noatepaae, so wh̄iné kapo duné atima siriyóló daqsóró wi yalepó.

²⁷ Atéró kale wh̄irape dapesó fóló, fo tokóló taletere wh̄irape betó mole tikimó daalalepó. Atéyaleteita, moma dere topo wh̄iné wosetere fo yóló taleyópóló yalepó.

²⁸ Téro, kale so wh̄imó momaraterere topo wh̄iné *aposel* wh̄irapepaae duraalu, “D̄ané diãpaae ai wh̄i Yesuné doimó momó kae yó melaq̄se yóló fo mulalepó. Téyaleitei, diãné yó mótu betaale fo i Jerusalem be hulua so wh̄i mo feané wosalepó. Diaaq̄ ai dere alané Yesu sukópóló daleteimó, d̄apaae kwia tokó melópólópó yóló kisipa mutu du bitu de?” yalepó.

²⁹ Ti fo depa, Pitaró mepaae *aposel* wh̄irapetamoné tokó melótu duraalu, “Mo wh̄iné fo sya furaalu, Kótóné fo yó matere ala taar̄enipó. Kótóné ama yae dere ala bet̄a mo eranérápó.

³⁰ Diaaḡ ni tómq oleróló dale whj Yesu dou dolomó mupa, ḡané ayarapené Kótóné momó sóró ai kepaaró betere ape.

³¹ Tale Kótóné ḡ kepaaróló ama turu naase ḡemó doasi Topo whj beteró, ḡa aluyaḡsóró tao saaire whjékélé sóró beteró, erapó. Ti aita noa ala yópóló ini, Israel so whj dowi ala taaróló tuḡ tiki feteyóló wópóló erapó. Ai ala depa, ti ḡané yale dowi alamó saaire kwia Kótóné tokóló alu eranérápó.

³² Ai yale alarape fea ḡané kelené kolóló mepaae so whjpaae yó melótu beterapó. Ti atétere kaae Ḋeji Kepe Wisinékélé, ḡané dere fo kwia tao sóró erótu beterapó. Mepaae so whj Kótóné fo wosóló aḡmó sukóló betepa, atétere so whjpaae ama Ḋeji Kepe Wisi take meló beterapó,” yalepó.

³³ Kale fo tokóló taletere whjrapené i dere fo woseturaalu, atima mo doakale fopaae buóló kale *apospel* whjrape mo ti daai kisipa mualepó.

³⁴ Até du betepatei, ai tuamó Farisi whjko betḡ ama doi Kamaliel beterepó. Ai seké ḡta, Moses-né asere fo diriyóló tuḡru yó matepa, so whj feané ama dere fo mo wisiyóló wosetua dapó. ḡ atére alamó ama doi doasi mulapó. Ai whj kale fo taleraterer whjrape betó mole kuamó turukó holóló duraalu, “Ai whjrape belapaae kapala asiri doropópóló yae,” yalepó.

³⁵ Atéró, kale whjrapepaae duraalu, “Israel fake whjrape-ó, ḡiané ai whjrapepaae eraai kisipa mutu betere ala hapale kilitaróló ini, tuḡpi tekeyae.

³⁶ Ti noa betené dumitei, i ere alamó ḡa wisiyóló kisipa saalopó. Take bitiré wale alimó, whj betḡ Teudas-né duraalu, ḡta ḡale whj meipó. Tḡteróló kaae tanópóló sóró daaló betere whjpo depa, mepaae 400 whjrape ḡtamo touna walepó. Tḡyaletei, bóe dale sukamó atimané ḡtei dupa, ama bóe belerḡale fele whjrape dapó dapó yalepó. Tḡturaalu, ama yaai kisipa muale ala alu yalepó.

³⁷ Atéyale kḡlipaae *Gavman* whjrapené so whj doi siré kweyale sukamó Kaleli whjko Judas-né i ala yalepó. Mepaae whjrape judasaa diriróló ḡajraté kweyóló duraalu, “Ḋa *Gavman*-tamo bóe ḡele faalopó. Atéró atima dóló torokó faróló, atima betale sirimó ḡané tḡteróló kaae tawaalopó,” yalepó. Tḡyaletei, *Gavman* whjné kale seké ḡtei delemó, atima whjrape botokó dapó dapó yalepó.

³⁸ Atérapa, mió i du betere alamókélé ḡalo kisipa mole fo betḡ ḡiapaae i dapa, wosae. I whjrapepaae me ala eréni, ḡale fópóló dotḡyae. Atimané take nalopaae yaai dere alamó kisipa mutu, mió ai du betere alatamo mo whjné kisipa mole ala yaai depa, ti doyóló ḡaepaae derepaalopó.

³⁹ Téni, i dere alatamo Tale Kótó tuamó kaayóló wapa, ti diaaḡ atima dere ala sesé enénipó. Ai alatamo depa, ti Kótótamotei bóe du beterapóló ḡianétei kḡae kolóló kisipa yaalopó,” yalepó.

⁴⁰ Kale sekéné dere fo mepaae whjrapené wosóló, tḡyaaalopóló kisipa mualepó. Atima ai fo yóló kḡlipaae kale *apospel* whjrape momó bepaae holae yóló, halika tikiné fokosoi ala yalepó. Atétu beteró, atimapaee fo mulóló duraalu, “Yesuné doimó ḡiané fo momó kae yó melaḡse,” yóló fópóló dotonalepó.

⁴¹ Téro, kale *apospel* whjrape atima ai whjrape betere tiki taaróló felepó. Atéro atimasisi duraalu, “Yesuné doimó ḡa halika tikiné fokosó sóró susupu eratere alakélé, hale seratere alakélé, erópóló Kótóné amatei, ḡa dosḡae sóró beteralepó. Ama ai ala eró betereteita, seké alarape ḡané mo sumó belenépa erapóló,” atima ḡekesené sukuté felepó.

⁴² Atéró, atima betere dokḡ momatere be belamókélé, be dokḡ dokḡkélé, Yesu Keriso ḡa etei kaae whjpoóló so whjpaae ḡakeamó kale fo wisi ḡale yó maté fu betalepó.

6

Weikeró whjrape sóró beterale fo

¹ Atéyale sukamó, Talepaae tuḡ tiratere whjrape mo dekéro faketé felepó. Até duraalu, aimó betó mole Krik fo bole Juda whjrapené Hibru fo bole Juda whjrapepaae ḡla taleturaalu, wisiyóló ḡli dumipóló alale su betalepó. Atéro duraalu, ḡia Hibru fo bole wulia sorapemó betere dokḡ fea nokole ḡla sumó ḡliróló móturaalu, ḡa Krik be fo bole wulia sorapemó meni dere-a, noatepa de yalepó.

² Atétepa, kale 12 *apospel* whjrapené mepaae Keriso so whjrape feapaae tourḡale ape yóló touró betepa duraalu, “Nokole ḡla tale yóló ḡliraterer kutó diaai, Kótóné fo yó matere ala sisópaae erateretei wisinipó.

³ Térapa, norape-ó, ḡia tuamó betó mole whjrapekó fopeyóló, Ḋeji Kepe Wisi ḡānu fosó fosói kisipa mole weikeró whjrapekó sóró beterae. Atétepata, ti ai kutó atimané tḡteróló kaae tawópóló atimané naase tuamó mulaalopó.

⁴ Atéróló ḡané diyaaire kutóta, ti so whj tao suraalu moma dere ala yó, Tale Kótóné fo yó melatere ala yó, yaalo ai ape,” yalepó.

⁵ Atéró ai whjrapené dere fo so whj feané wosóló mo wisirapóló kisipa mualepó. Atéro so whj feané fopeyóló, Stipen sóró beteralepó. Ai sekḡta, Ḋeji Kepe Wisi ḡānu tuḡ tiki tiró betere whjpo. Atéro sóró beterale whjrape ti etérópó. Filip, Prokorus, Nikanor, Timon, Parmenas, Antiok be whjko Nikolas atima atéro sóró

beteralepó. Nikolas aṭa Juda wh̄i meitei, Juda wh̄irapené dere ala sya fu betere wh̄ipó.

⁶ Téro, kale so wh̄iné ai wh̄irape dapesó fóló *apose*l wh̄irapené naase tuamó mulalepó. Atétepa, ai wh̄irapené atima tikimó naase mulóló Talepaae moma eralepó.

⁷ Ai ala yale tikimó, Kótóné fo hae kwia feapaae yó melaté fóló fakeralepó. Jerusalem be hulua tuamó Talepaae tué tiki tiratere wh̄irape mo ti fake duraalu, so wh̄imó momaratere wh̄irape atimakélé, mo fea tué feteyóló tiróturaalu, kale fo wisi wosóló Yesupaae kisipa tiratere aqmó betalepó.

Stipen tawóló fo tekale fo

⁸ Téro, kale seké Stipen Kótóné ama kolené sukutu h̄ale ta sere alaró Talené fotokotamo a tuamó f̄anepó. Téturaalu, mo doasi kelemei alaró sira yaai dere alatamo so wh̄i fea kuamó erótu betalepó.

⁹ Atétu betepa, mepaae wh̄irape Stipen-tamo b̄oe dóló fopaae butu, a só deratere fo yalepó. Ai wh̄irape atimané fo wosetere be doita, wae sóró kutó diratere wh̄i betere ala taaróló atima k̄oleaané h̄ale betó mole wh̄irapené fo wosetere bepó doi mulapó. Ai wh̄irape atima wale tikita, Sairin be hulua wh̄ikélé, Aleksandria be hulua wh̄ikélé, Silisia hae kwiamó betó mole wh̄irapekélé, Esia hae kwiamó betó mole wh̄irapekélé, atérópó. Ai fakerape atimané be huluata kae kaetei, Juda fakepó.

¹⁰ Atéyaletei, Stipen-ta Deji Kepe Wisi f̄aanu fosó fosó yóló du betere fomó, u wh̄irapené dowi kisipa mutu du betere foné atimané a só deraairetei mo sunipó.

¹¹ Atéteremó, Stipen só deraaire tu kikituraalu, atimasisi kemei mepaae wh̄irapetamo fo dokóló etei kaae kapala fo yaalopa siépe yalepó. “Ai wh̄iné Kótókélé, Moses-né ere fokélé, doka doka yóló b̄oe duraalu, faletere fo depa, dané wosalepó yae,” yóló, s̄e yalepó.

¹² Atéro, so wh̄ipaaekélé, Moses-né as̄ere fo yó matere wh̄irapepaaekélé, wh̄i disirapepaaekélé, Stipen-tamo fopaae buópóló, sesemeratere fo deté kweyalepó. Atéro, kale wh̄i Stipen tawóló só fóló fo tokóló tale dere wh̄irapené naase tuamó mulalepó.

¹³ Atéro daaló bitu, kale kapala fo yóló só deraai kisipa mutu betere wh̄irapené duraalu, “I sek̄énéta suka fea kale yóló muló betere fokélé faleyoó, Kótóné ama kae tenó betere moma dere bekélé doróló doka doka yóo, deté kotapó.

¹⁴ Téturaalu, etei kaae fokélé depa dané wosalepó. Nasaret wh̄ikó Yesuné i be fisikóló doróo, Moses-né as̄ere mara mole fo d̄apaae matepa, dané sya fu betere

alakélé doróo, yaalopó depa, dané wosalepó,” yalepó.

¹⁵ Téro, ai wóló betó mole fo tokóló taletere wh̄irapené kale seké Stipen kikéyóló kaae tawalemó, ama kelepa *ensel*-rapené kelepa kaae daalepó.

7

Stipen-né fo tokóló taletere wh̄irapepaae yale fo

¹ Téro, so wh̄imó momaratere topo wh̄iné Stipen-paae woseturaalu, “Atimané ya só deraairaalu ai du betere fo-a mo de?” yalepó.

² Ti fo depa, Stipen-né atimapaee tokó mótu duraalu, “Noraperó ayarapetamo-ó, ai fo yaalo diapaae i dapa wosae. Mo take dané aya Abraham a Haran hae kwiapaae faai Mesopotemia hae kwiamó h̄ale betepa, kae d̄e f̄aane Kótó Abraham beteremó sókó weipakalepó.

³ Atéro, Abraham-paae duraalu, ‘Yaṭa, naao be wh̄i so wh̄iró naao turuku betamo taaróló, yaalo yaṭapaae yó melaaire hae kwiapaae fae,’ yalepó.

⁴ Ai fo depa, ama turuku be Kaldia wh̄irape betere hae taaróló, Haran be hu-luapaae torókó felepó. Atéro fóló betepa, aimó kale wh̄i Abraham-né alima sinalepó. Atéyale k̄ilipaae Kótóné Abraham a dapesó wóló mió dīa ai betó mole hae kwiamó beteralepó.

⁵ Kótóné Abraham-mó i hae kwia melaalopó yóló mulaleteti, ai alimó hae kwia mekó menipó. Kutó diyaaire s̄u mo sawakélé menipó. Atéyale alimó Abraham a naalekélé bitinipatei Kótóné apaae duraalu, yaṭó naao deté faaire naaletamoné i hae kwia saalopóló dirii fo yóló munélipakalepó.

⁶ Kótóné Abraham-paae duraalu, ‘Naao detere naalené deté fole naalerape atima fea kae fakené hae kwiamó wale wh̄i s̄u betaalo ai ape. Atéro betepa, ai hae talerapené atima wae sóró kutó diratere so wh̄i beteróló, doasi depe tukó wei alaró susupit alatamo deté fu betepa, 400 ba fo kemeyaaló ai ape.

⁷ Atépa, Israel fake wae sóró beterale be hulua wh̄iné topo wh̄irape yaalo dowi kwia melóló yaalo i so wh̄i momó dapesó wóló beteraalopó. Kótó aṭa, da t̄eteróló kaae tare Talepóló aqmó dua sukóló betaalopó.

⁸ Naao detere naalené detere naalerape tiki sekaṭ tukóló sirirae. Atétepa, ti yaalo diamó eraaire ala h̄asókó feni, mo eraalopóló dirii fo yóló mulótu eratere siripó,’ yalepó. Atéro, Abraham-né Aisak deyalepó. Aisak deyóló be d̄e 8-ró kemete-pa, ama naalemané tiki sekaṭ tukóló siriralepó. Téro, Aisak-né Jekop deyalepó.

Jekop-né ti dané ayarape deyóló fake firale 12 wh̄irape deyalépo.

⁹ Jekop naalemarapené noma deķe naale Josep-né dere alamó dei tué muturaalu, atimané ʔ Isip wh̄irapené wae sóró kutó diratere wh̄i beterópóló dotonóló *moni* salepó. Téyaletei, Josep-paae wuatere seķei ala fea Kótóné tao sua du betalepó.

¹⁰ Téró, Josep ʔ Isip hae kwia teteróló kaae tare topo wh̄i Fero beterepaae sókó fóló beterepó. Atéró betepa, Fero-né Josepené dere ala kilitu, ʔpaae hēķese yópóló, Kótóné mo donoi ala wisi erótu betalepó. Atépa kilituraalu, Fero-né Isip hae kwiaró doasi topo wh̄iné wisi wisi berapetamo Josep-né teteróló kaae tanópóló, sóró beteralepó,” yalepó.

¹¹ “Atéyale alimó ʔla sóku aluyóló doakale wote ali walepó. Atéturaalu Isip hae kwiamókélé, Kanan hae kwiamókélé, dané ayarape atima naaire ʔla mo meipó.

¹² Atéró betalemó, dané ayarape deyale wh̄i Jekop-né Isip bemó mepaae nokole ʔla muó mulapó dere fo wosóló, ama naalemarape dotonalepó. Ti aita, folosóró kaae suraalu felepó.

¹³ Atéró momó felemó ti Josep-né ama nomarapepaae ʔ i ape, yóló yó melalepó. Atétepa, kale teteróló kaae tare doasi topo wh̄i Fero-né Josep-né alimaró nomarapetamo tué yalepó.

¹⁴ Téró, Josep-né ama alimapaee yó fótu duraalu, ‘Yakélé naao fake so wh̄iķélé, diʔ fea ai hae kwia taaróló, ipaae torokóló ape,’ yalepó. Tétepa, 75 so wh̄i ai be torokóló walepó.

¹⁵ Jekop atéró bitiré fóló, ʔ Isip bemó sukālepó. Téró, ama naalemarapekélé, mo fea aimótóró sukālepó.

¹⁶ Atétepa, atimané tiki betā só fóló, Sekem hae kwiamó mole kapa dolomó दौरāleta, dua yalepó. Ai hae tikita take Abraham-né Hamor naalemarapetamo *moniné* dupuyale haepó,” yalepó.

¹⁷ “Até deté wóló, take Kótóné Abraham-tamo yóló mulale fo dokonaaire be de feleketepa, atimané deyale naale senaale Isip bemó mo hāle ʔla kaae fake yalepó.

¹⁸ Téró, take betale topo wh̄i Fero-ró Josep-tamo sukālepó. Atéyale kīlipaae ai sirimó betale topo wh̄i Fero-né Josep-né ʔ ai topo wh̄i beterale ala tué iniruraalu kale Israel fake so wh̄i wisiyóló kaae tanipó.

¹⁹ Atéturaalu, ai topo wh̄iné Israel fake so wh̄itamo doakale bóe duraalu, Israel sorapené naale detepa, sukópóló bela tómó wapelatamo mulaleta dua yaai, atima fo dokóló mulalepó.”

²⁰ “Atétu betere tuā dolomó, Moses deyalépo. Ai naaleta, Kótóné keletómó mo kae naale wisipó. Hamaró alimatamoné ai naale sóró betepa, wélié sore kemeyalepó.

²¹ Téró, hamaró alimatamoné wapela turó só fóló mulalepó. Atéró mupa, kale topo wh̄i Fero senaalemané whaayaai salepó.

²² Téró mepaae doasi tué mole Isip wh̄irapené Moses tué tiki fosó fosó yópóló, mepaae alarape yó melaté felepó. Téró, ama dere fokélé, mo fosó fosó yóo, dere alakélé mo fotokō buóló yóo, yaaire wh̄i doayalepó,” erapó.

²³ “Moses doayóló bitiré fóló, ba fo wh̄i siki tamo kemeyóló ʔ ama Israel so wh̄irape noa ala du betereró ķele felepó.

²⁴ Atéró fóló kelalemó, kale Isip wh̄i betāné Israel wh̄i betā doló susupurótu betepa, kelalepó. Atétu betepa, ama fake wh̄itamo até eķeséró seséturaalu, Isip wh̄i mo ti dalepó.

²⁵ Moses-né ama etei kisipa mualepó. Israel fake so wh̄i atimapaee doasi seķei ala erótu betepa, ama fake so wh̄i tao sópóló Kótóné ʔ dotonélirapóló kisipa yaalo nisi yalemó, Israel so wh̄iné atei kisipa sinipó.

²⁶ Téró, kale dere kaae mo hīķa momómo fóló kelalemó, Israel wh̄i atimaamosisitei hōle su betepa, ama filiyóló duraalu, ‘Di-aamo Israel faketa motei noatepa hōle su bitu de yalepó.’

²⁷ Ti fo yalemó, doasi fotokō buóló me wh̄i teterótu betere wh̄iné Moses tē daalótu duraalu, ‘Yā dātamo fo tokóló taleratere alaró teteróló kaae tare alatamo yópóló né sóró beteralee’?

²⁸ Naao dó kale Isip wh̄i du yale kaae, eķélé atéró daai walee’? yalepó.

²⁹ Ai fo woseturaalu, Moses ʔ ai Isip hae kwia taaróló, Midian haepaae botokó felepó. Téró, ʔ ai bemó wale wh̄i bitu, so dokóló naale tamo deyalépo.

³⁰ “Atéró ba fo wh̄i siki tamo kemeyóló betepa, wh̄iķélé bitire Sainai hasi fosó feleķemó *ensel* ʔ beterepaae ni sesaapemó si mi sokóló ai dolomó sókó walepó.

³¹ Atétere ala kolóló, Moses ʔ noa ala dutérópóló kisipa teteku betalepó. Atéró, mo ti diriyóló kelaairaaalu, kale ni sesaape ere feleķepaae taae felemó, ai si mi dolomótei, Talené ʔpaae i fo yalepó.

³² ‘Ēta, diqané ayarape Abraham, Aisak, Jekop atima teteróló kaae tare Kótóp’ yalepó.

Ti fo depa, ai fo dere tiki kelaai yaletēi, diri furu furu yóló wituraalu, kilini haepaae hemée deyalépo,” yalepó.

³³ “Atépa Talené ʔpaae duraalu, ‘I hae tikita, Kótóné ama tukóló kae muló betere haepa, naao horó betere hó be sokóló taae falae,’ yalepó.

³⁴ Térāpa Moses-ó, Isip wh̄irapené yālo so wh̄ipaae doakale seķei ala erótu betepa wosalepó. Até du betere ala kolóló yālo atima hāle fōpóló

dotonale waairaaalu, yāpi Isip be huluapaae fōpóló dotonaai dapó," yalepó.

³⁵ "Moses āta atimané hō yóló, āpaae yā fo tokóló talerateré alaró tēteróló kaae tare alatamo yōpóló, né sóró beteralee? yale whjipó. Ti fo yale whjitei, Israel fake so whj tēteróló kaae tanōpóló, Kótóné amatei sóró beteralepó. Atéro beteraai ama *ensel*-né erale fōpóló dotētepa, kale ni sesaapemó duku betere si mi dolomó fo sókó wóló Moses sóró beteralepó.

³⁶ Ama ai Israel so whj Isip be taaróló ālisóró wóló betero bituraalu, kelemei alaró so whjiné kilitu sira yaaire alatamo eraté kutu betalepó. Até dere alata, kale Isip hae kwia tuamókélé, sonaai wēi kēla tuamókélé, so whj bitinire tikimó kuturaalukélé, ai alarape eraté kutu betepa, ba fo whj siki tamó kemeyalepó," yalepó.

³⁷ "Ai Moses-nétóro Israel so whjipaae du-raalu, 'Kótóné kóló whj mo ē kaaetóro doton-aalopó. Āta diākóte, sóró beteraalo ai ape,' yalepó.

³⁸ Moses ā Israel so whj tamó whj mei tikimó dāné ayarape dapesó kutu betepa, *ensel*-né Sainai hasi fosómó mo ti betaaire fo bete āpaae matepa, amamo dāpaae maletai mió dāné i sya fu betere ape."

³⁹ "Téyaletei, dāné ayarapené ama dere fo wosóló ā aomó sinóló bitinipó. Atimané ā hōrapóló faai wale tiki taaróló, Isip bepaatei momó fesaae faai kisipa mutu betalepó.

⁴⁰ Atéro, kale so whjiné Eron-paae du-raalu, 'Dā Isip bemó betepa, ālisóró wale whj Moses ā neté yalerōpa, dā ālisóró faaire kótōrape kaekó alerae,' yalepó."

⁴¹ "Atéyale sukamó, *bulmakau* hupu male kaae sūróló kapala kótó aleyalepó. Atéro, atimané aleyóló mulale qlapaaetei, hupu dóló momaturaalu, ai qlané doi doasi mulóló qla deyóló kilitu betalepó.

⁴² Ai so whj ó samó daale wéliékélé, hōrerapekélé, sukakélé, atimané tale aleróló doi sóró horóló moma du beterópóló, Tale Kótóné ai so whj taaróló sisóralepó erapó. Ai fota, mo take Kótóné kóló whjrapené asere fo mo hjtjipó. 'Israel fake so whjrape-ó, diā so whj bitinire tikimó 40 ba fo tuamó bituraalu, *sip-sip* hupu dóló moma deté wou betaletei ēpaae inipó.

⁴³ Diāné kuti be dolomó kapala kótó Molek-ró whjiné aleyale kótó Repan hōretamo beteróló aomó sukóló bituraalu, tale-ó yóló moma deté kutu ai betale ape.

Atétu betaleteiné yalo diā Babilon hae kwia taoró wae sóró beterópóló hōkó faló ai betere ape," yalepó.

⁴⁴ "Téroró, dāné ayarape atima so whj bitinire tikimó bituraalu, Tale Kótó ā dātamo mo beteraipó kisipa muōpóló, kuti be tēpakalepó. Ai kuti beta, Kótóné Moses-paae etéro tēyae, yóló sūróló yó matepa, kolóló tēpakalepó.

⁴⁵ Atéro bitiré wóló, nalo dāné ayarape atimané ai kuti be beleyóló sóró waletēita, Josua-né tēteróló kaae tawóló betale alimó yalepó. Josua ā ama be whj so whj tamó betere hae kwia taaróló, me hae kwiamó betaai fupa, Kótóné ai hae talerape mo fea dóló torokó faralepó. Atéyale sukamó sóró wale momatere kuti be beleyóló só kutu betero, Depit betale alimó sókó walepó.

⁴⁶ Tētepa, Depit-né Kótóné ā hājtere ala eratepa, dāné aya Jekop-né Kótó mo ti moma dere bemó beterópóló kisipa mutu, āmó be tēnaai Kótōpaae wosalepó.

⁴⁷ Téyaletei, ama naalema Solomon-né Tale Kótóné be tēnalepó.

⁴⁸ Atéyaletei, ó sa taoró betere Tale ā mo whjiné tētere bemó bitimipó. Kale Kótóné kóló whjiné i asere fo kaaepó.

⁴⁹⁻⁵⁰ "Ó saṭa, yalo tēteróló doasi topo whj betere tikimó bitu, i haeta, ti yalo hó dée daaló betere tiki ai ape. Tērapa, diāné noa kaae be tēyóló ē beteraai du bitu de?

Talené duraalu, E sa nóló betere tiki mekó ere?

Qla qla feata, yalo aleyóló muló bitini nisi du betere?" fo asērapó,"

⁵¹ Stipen-né duraalu, "Diāta mo dowāae fole whjrapepó. Noatepa diaaq hosaa tuamó dowi ala faanu, Kótóné fo wosaaire wosēlikélé kinó bitute? Diāta, diaaq ayarape bitu yale kaaetóro iru, Dej Kepe Wisiné dere fo wosaai deretei hōyóló mo dowāae fu beteraipó.

⁵² Kótóné kóló whj me dekó diaaq ayarapené susupui ala erénipó, fo yaaloé? Mo fea diaaq ayarapené susupui ala erótua yalepó. Dowi alakélé inire Talené ama mo donoi Whj wisinaale waalo ai ape, yóló yó mótu betere whjrapekélé, diāné ayarapené dua ipakalepó. Atétua yale kaae, miókélé dowi ala inire whj wisinaale eleké deyóló dōpóló, diaaq sesemeralepó.

⁵³ Talené tukóló muló betere fo *ensel*-rapené diāpaae yó matepa wosaletēi, diaaq ai fo tukóló sisópaae eralepó," yalepó.

Stipen kapo duné siriyóló dale fo

⁵⁴ Ai fo dere woseturaalu, kale ai fo tokóló talerateré Juda whjrape atima mo dei fopaae buturaalu, sereke hale yalepó.

⁵⁵ Téyaletei, Stipen ā Dej Kepe Wisi fāturaalu, sapaee kese horalemó, Tale ā tuamó ere deró Yesutamo Kótóné turu naase demó daapa kalalepó.

⁵⁶ Atépa duraalu, “Kelae! Hepen be tu tukwe fóló, Whjné Naalema Kótóné turu naase demó daapa mió yálo kelerapó,” yalepó.

⁵⁷ Atétepa, atimané ai dere fo wosaalo meipóló, naasené woséli kinóló fo fake yóló ą daale tikipaae mo hapale tourąle walepó.

⁵⁸ Atéró, Stipen naasemó sej sóró be tipi aąpaae taee deróló kapo duné siróló daai kaae salepó. Até yaaipatei, ama i ala depa kelalepóló yale whjrape atimané fóló i kuirape sorokóló, betą kokopei whjné kaae tanąpóló, ama hó betemó mulaleta yalepó. Ai whjné ama doita, Sol-pó.

⁵⁹ Atimané Stipen ą kapo duné siritepa, ama Talepaae momatu duraalu, “Tale Yesu-ó, yálo kepe bete betą naao dape sae,” yalepó.

⁶⁰ Atéró, ą buktiri teyaró biłi doropóló fo fakeyóló duraalu, “Tale-ó, i dere alamó naao atimané dowi ala kwia aluróló kemerae,” yalepó. Ai fo yóló kale whj ą mo ti sinalepó. Atétere alata, Sol ąkélé aimó daalu, wisirapa téyae du betalepó.

8

Keriso so whj susupu sóró dapo dapo yale fo

¹ Atéyale sukamó, Jerusalem bemó betó mole Keriso so whjpaae doa susupu sere ala eralepó. Atei ala depa, Talepaae tué tiki tiró betere Keriso so whj Judia hae kwiaró Samaria hae kwiatamopaae dapo dapo yóló felepó. Atétepa, kale *aposeł* whjrape atima betą Jerusalem bemó betó molepó.

² Téró, mepaae Kótóné ala eró tare whjrapené Stipen दौरóló, doasi dekené sini moló-u du betalepó.

³ Téyaletei, Sol-né Keriso so whj doraté kweyaairaaalu, kaae salepó. Tétu, be doką ą kweyóló, Keriso so whj fea sįyóló *dipula* beteraleta du betalepó.

Filip Samaria haepaae fóló yale ala

⁴ Atéró dapo dapo yóló fele so whj fóló betó mole tikimó, mió wosetere kisi fo wisi so whjpaae yó mótu betalepó.

⁵ Filip Samaria hae kwiamó tęne be hulu-apaee doropóló, so whjpaae Yesu Kerisota, Kótóné i haemó betó mole so whj tęteróló kaae tanąpóló sóró betero betere whjpoló yó mótu betalepó.

⁶ Aimó wóló touró betere so whj feané Filip-né yale foró erale kemei alarapetamo kilitu, ama dere fo wisiyóló wosaairaaalu, atima fea woséli muló beterepó.

⁷ Atétu, so whj tuąmó tepeyóló betale dowi keperape sókó furaalu, keteré yóló sókó fua yalepó. Hó naase dore so whjró tiki dąamu yóló momaare so whjtamo wisirótua yalepó.

⁸ Atétere ala kilituraalu, ai be huluamó betó mole so whj atima mo hękesené sukutu betalepó.

Isi whj Saimon-paae yale fo

⁹ Téró, ai be huluamó whj betą Saimon beterepó. Ba fo doasimó ai seké ą isi whj bitu, du betere alamó Samaria so whj feané sira dua yalepó. Atéteremó ą mo doasi seké whjpoló bopé fake du beterepó.

¹⁰ Atétepa, mepaae doasi doi mole whjrapekélé, doi munire whjrapekélé, mo fea wóló ama dere fo wosóló ą dukirótu betalepó. Atétu duraalu, “I whjta, Kótóné doasi bole fotoką kaae bulapó,” du betalepó.

¹¹ Téró, mo take ą isi whj bitiré wouraaalu, du betale ala kolóló, siratu betaleteiné so whj fea ai alatei sya felepó.

¹² Téyaletei, Filip-né atimapaae Kótóné tęteróló betere aąmó mole alaró Yesu Kerisoné ere alatamo etéróló yó melótu betalepó. Ama atéró yó matere fo wosóló so whj fea kisipa feteyóló Talepaae wapa, Filip-né atima Yesuné doimó wej tópurótua yalepó.

¹³ Kale whj Saimon ąkélé, tué tiki feteyóló Talepaae wapa, Filip-né ą wej tópuralepó. Téró, Filip kotere tiki doką fea Saimon atimaamo wusuró kuturaalu, me ala yaairemó dere kelemei alaró sira yaaire alatamo Filip-né eratepa kilitu, Saimon-né sira dua yalepó.

¹⁴ Jerusalem bemó betere *aposeł* whjrapené Samaria so whj Talené fo wosalepó dere wosetu atimané Pitaró Jon-tamo dotęyalepó.

¹⁵ Téró, kale seké tamo fóló, ai Samaria hae kwiamó tęne be huluamó Talepaae kisipa tiki tiró betere so whj Dej Kepe Wisi sópóló momaralepó.

¹⁶ Ti noa betené meipó. Dej Kepe Wisi atima tuąpaae tepeyóló biłi waai teąpatei, Yesu Kerisoné doimó atima wej maate tópuralepó.

¹⁷ Atépa, Pitaró Jon-tamoné ai so whj tikimó naase mulalemó, Dej Kepe Wisi atima tiki tuąpaae biłi dorowalepó.

¹⁸ Saimon-né kale *aposeł* whj tamoné so whjné tikimó naase mulalemó, Dej Kepe Wisi biłi wale ala kolóló, atimaamomó *moni* melaai i fo yalepó.

¹⁹ “Diaamoné dere ala kaae yąlokélé, mepaae so whj Dej Kepe Wisi sópóló naase mlaai dapa, ępaae ai alakó eraasepóló dapo,” yalepó.

²⁰ Ti fo depa, Pitané ąpaae duraalu, “Naao *moni* yątamo wusuró kęlaa yóló alu yópoló, yae. Ti noatepae, naao kisiapané Kótóné kolené sukuturaalu, hąle matere ąla *moniné* dupu dere aąrapóló de? yalepó.

²¹ Yā dātamō Talenē ama kutō dirōpóló sóró beterō bitinireteinē. Kótónē keletómō naao hosaa tuāmō wisi kisipa munipó.

²² Tērapa, dowi ala taaróló Talepaae kisipa feteyae. Atētepa, ti Kótónē naao hosaa tuāmō muale dowi kisipamō kwia melaai yaletei, hāle aluraalopó.

²³ Ti naao hosaa tuāmō dowi kisipa fāyóló mupa, yało kelerapó. Atéruraalu, dowi alanétei yā dokóló wae sóró beterō beterapó,” yalepó.

²⁴ Ti fo depa Saimon-né āpaae duraalu, “Ti naao ēpaae ai yale fo mo yaqsórōpa, naaotei ēmō momarae,” yalepó.

²⁵ Atéró, Pitaró Jon-tamoné kelené mo ke-lale alaró Talenē fotamo yó mótu beteró, momó Jerusalem bepaae fesaae faai felepó. Atéró, furaalu, ai Samaria hae kwiamó tēne be hulua tū felekemó tē mole berapemó kale fo wisi yó melaté felepó.

Filip-ró Itiopia whītamóné yale fo

²⁶ Atéró eté yalepó. Talenē ama *ensel-né* Filip-paae duraalu, “Yāta, Jerusalem be taaróló Kasa be huluaapaae derepaai *saoti* fakeró kópu kaae fale hae tikimó fole tū sya fae,” yalepó.

²⁷ Téró, Filip ā ai tūmó fu betalemó, betā Etiopia whīkó nóluku soki whī mo umó wapa kelalepó. Ai whī āta, Etiopia hae kwia tēteróló kaae tare topo só Kandas-né *moniró* mepaae néli qlatamo kaae tanópóló sóró beterō betere doasi whīpó.

²⁸ Ai seké āta, Jerusalem bepaae Talepaae moma ene fi fesaae wou, ama *hos* hupuné sīyóló sóró kotere q̄la tómó beteró Kótónē kóló whī Aisaiané asēre fo dosāaté wou betalepó.

²⁹ Atéró dosāaté wou betepa, Talenē Deī Kepené Filip-paae duraalu, “Yā mo hapale fóló kale whī beteró wou betere *hos* hupuné sīyóló só fole q̄latamo hokolaa yóló betāmó faai fae,” yalepó.

³⁰ Ai fo depa, Filip ā mo hapale fóló, kale whītamō betāmó titi yóló fu betalepó. Atéró wosalemó, Aisaiané asēre fo kale whīné dosāaté fu betepa, Filip-né āpaae wosetu-raalu, “Naao ai dosāaté fu betere foné bete naao kisipare?” yalepó.

³¹ Ti depa kale whīné Filip-paae tokó mótu duraalu, “Mené ēpaae yó menitepa, ti netéró tué saaloé?” yalepó. Ti fo yóló kale whīné Filip-paae ātamō bitī holae depa, ā titiyóló bitī holalepó.

³² Kale Etiopiané whīné dosāaté wale kóló whī Aisaiané asēre fo i ape.

“Āta, *sipsip* hupu daai duóló ālisóró fu dere kaae yalepó. Téró, me kale *sipsip* hupu male niki tikitepa, keteré initere kaae ama kóló mo nomalepó.

³³ Apaae doakale hale seróló susupuratere alakélé fo tokóló taletere alakélé ini, hāle só deratere ala betā yalepó.

Ā naale senaale nalopaae yaai dere ala kolóló né yó melaaloé?

Ti atimané ā i haemó betaqsóró kisipa mutu, mo ti dalepó,” yalepó.

³⁴ Téró kale Etiopia whīné Filip-paae wosetu-raalu, “I asēre kóló whīné ere fo āmó erépé whī me kaemó ere?” yalepó.

³⁵ Tētepa, Filip-né Aisaiané ai asēre fomótóró kaae sóró Yesu Kerisoné mió wosetere kisi fo wisi yó maté felepó.

³⁶ Atéró, atimaamo fu beterepó tū tuāmó wēi ke belepa kolóló, kale sekéné Filip-paae duraalu, “Wēi ke wisinaale ti belerapa kelae. I wēi kemó ē tópuratere dore?” yalepó.

³⁸ Ai fo yóló, kale sekéné ama *hos* hupu néli tare whīpaae kejróló daayae yalepó. Atéró daapa, atimaamo wusuró ai kale wēi ke dolopaae doropóló daalu, Filip-né kale seké wēi tópuralepó.

³⁹ Atéró, atimaamo hae taopaae taae holalemó, mo ai fapotóró Talenē ama Deī Kepe Wisiné Filip tokó sóró felepó. Atéró, kale Etiopia whīné Filip momó kae kilinipó. Tētepa, kale seké ā tūmó fu bituraalu, hēkesené sukuté felepó.

⁴⁰ Tēyaletei, kale Filip akélé, kele ālinameróló dapesó wale ala kilinipatei, Asotas bemó sókó felepó. Atéró sókó fóló, ai tū demó tē mole be huluarapemó, so whīpaae mió wosetere kisi fo wisi yó melaté felepó. Atéró, yó melaté fóló, Sesaria be huluaamó sókó felepó.

9

Sol dowi ala deté kutu beterapó yale fo

¹ Ai ala du betere tuāmó, Sol-né Talenē ala eró tare whīrape atima daalopóló wiratere fo hāle yó tarepó. Damaskus be huluaapaae faai, so whīmó Talepaae momaratere topo whī beterepaae felepó.

² Atéró duraalu, “Ē Damaskus be hulua-paae faai dapa, diāné u bemó betere Juda fakené fo wosetere be kaae tare whīrapené ē mo whī nisiyaqsóró *fas* mekó aseýóló ālae. Ai *fas*-mó i kaae fo yae. Aimó Yesu Kerisoné ala sya fole so whīkó betepa, ti i Jerusalem-paae *dipula* sóró wópóló, ēpaae sóró fae yóló asē yae,” yalepó.

³ Atéró, Sol ā Damaskus be felekepaae sókó faai deremó, ó hepen-mó Talenē dē hapale sókó wóló ā daale tiki mo fea dēyó felepó.

⁴ Téteremó ā haepaae deraapisa fóló mupa, samó fo yóló duraalu, “Sol! Sol! Naao ē noatēpa doróló supuraté kutu bitu de?” yalepó.

⁵ Tētepa, Sol-né duraalu, “Tale-ó, yā né de?” depa Yesuné duraalu, “Ēta, naao

doróló susupuraté kutu betere wh̄i Yesupó,” yalepó.

⁶ “Térapa, yā turukó holóló Damaskus be huluapaae fae. Aimó betepa, ti wh̄i mené naao yaaire ala yāpaae yó melaalopa, ama dere fo naao sya fóló yae,” yalepó.

⁷ Ai ala deremó, Sol-tamo wale wh̄irape atima fokélé tekeni, hokomó sókó finé daae mulu, dere fomaaté wosalepó. Téyaletei, ai fo dere wh̄iné kelepa atima kilinipó.

⁸ Téró, Sol a turukó holóló kele fisāae horóló kele kele yalemó me qlakélé koló feni, kele dilikiyalepó. Atépa, atamo wale wh̄irapené a naasemó tawóló qlisóró fóló, Damaskus bemó sókó felepó.

⁹ Atéró, be de soremó kele dilikiyóló bitu, qlakélé, weikélé néni, hāle betalepó.

¹⁰ Atéró betepa, ai bemó Yesuné ala eró tare wh̄i betā Ananias beterepó. Ai wh̄iné noke naró dere kaaené Talené pāpaae duraalu, “Ananias-ó!” depa, ama duraalu, “Tale-ó maé, e i betere ape,” yalepó.

¹¹ Tétepa, Talené ai kale wh̄ipaae duraalu, “Mo donoi tūpóló doi mole tū seraa fóló, Judas-né bemó sókó fae. Atéró Tarsus wh̄i Sol momó betere? yóló wosae. A ai bemó bituraalu, epāae moma ai du betere ape.

¹² Atérapa, ama noke naró dere kaaené i ala depa, kelalepó. Betā wh̄i Ananias a beterepaae wóló ama tikimó naase mulale wapa, ama kele wisi yaairetei kolóló, ai betere ape,” yalepó.

¹³ Ti fo depa, Ananias-né duraalu, “Tale-ó, mepaae so wh̄iné epāae i fo ene wuatepa, wosalepó. Ai seké āta, Jerusalem bemó naao kae beteró betere so wh̄i doróló mo doakale dowi ala erótu betere wh̄ipó yalepó.

¹⁴ Mió ipaae wóló betereiteikélé hāle meipó. Jerusalem be huluamó du betere ala kaae, i be huluamókélé, naao doi yóló momatu betere so wh̄irape *dipula* soai so wh̄imó momaratero topo wh̄iné ai ala yaai fae yóló, *fas* matepa sóró walepó,” yalepó.

¹⁵ Tétepatei, Talené Ananias-paae duraalu, “Ai wh̄ita, ai ala du betale wh̄itei, mió yālo ala yó taruraalu, yālo kutó diraté fópóló sóró beteratapa, fae. Ti āta, take nalopaae Juda meire fake so wh̄ipaaekélé, doasi teteróló kaae tare topo wh̄irapepaaekélé, Israel so wh̄ipaaekélé, yālo doi eraté kutu betaaire wh̄i ai ape.

¹⁶ A até deté kutu betepa, yālo doimó a mo doasi dele sóró susupui ala saalopóló, yālo pāpaae yó melaalopó,” yalepó.

¹⁷ Ai fo depa, Ananias a fóló, Talené pāpaae yó male bepaae felepó. Atéró sókó fóló, kale seké betere be dolopaae holóló Sol-né tikimó naase mulóló duraalu, “Yālo no Sol-ó, Tale Yesu Keriso yā i Damaskus bepaae waai wapa, tū tuāmó sókó walepó. Atéyale sekéné naao ai dilikire kele momó

wisiróló q̄la q̄la kolóo, Dēi Kepe Wisi yā tiki tuāpaae bit̄i wóló fāanoó yópóló, ama e yā beterepaae dotonatepa wóló i daale ape,” yalepó.

¹⁸ Ai fo deteretamotóro, kale wh̄iné kele dolomó ya fumi kaae q̄la sókó dorowóló ama kele momó wisiyalepó. Atéró wisi depa, a wēi tópuralepó.

¹⁹ Atéró a q̄la nóló ama fotokó momó bune walepó. Sol a Yesuné ala erótu betere wh̄irapetamo ai Damaskus bemó mepaae be derape betalepó.

Sol-né Damaskus beró Jerusalem beta-momó yale ala

²⁰ Ai be demótóro kaae sóró, Juda wh̄irapené fo wosetere berapemó Yesu Keriso a mo Kótóné Naalemapó yóló, so wh̄ipaae hākeamó yó mótu betalepó.

²¹ Atétepa, so wh̄i feané ama yó matere fo wosóló sirayóló duraalu, “I wh̄ita, take ó Jerusalem bemó Yesupaae tué tiki tiróló betó mole so wh̄ipaae doakale susupui ala eraté kutu betale wh̄i mēi? A ipaae waleteita, i bemó betó mole Keriso so wh̄ipaae doasi dowi sekéi ala eróló, so wh̄imó momaratero topo wh̄ipaae *dipula* sóró male faai wale wh̄i mēi?” yalepó.

²² Téyaletei, Sol-né Talené fo eratere ala mo ti fake deté fóló mo fosó fosóre wh̄i betalepó. Atéru, Damaskus bemó betó mole Juda so wh̄ipaae Yesuta, so wh̄i teteróló kaae tanópóló sóró beteró betere Kerisopóló yó matepa, so wh̄iné mo dono dapóló kisipa yalepó.

²³ Atéró, yó melaté fóló mepaae be derape kemetepa, Juda wh̄irapené Sol daai kisipa mutu, atima betapaae tourale wóló atimasisi kikititi fo dukutu betalepó.

²⁴ Atéyaletei, atimané a daai du betere ala ama kisipa yalepó. Dilikitamokélé, detamokélé, ai be bopéro betere tipi tū sókó wale tiki dokó a daai, melaa yóló bit̄ita dua yalepó.

²⁵ Ai fo woseturaalu, kale mepaae Sol-né dere fo wosóló sya fu betere wh̄irapené a tao suraalu, ai be bopéro betere tipi dolo sokóló dilikitamo yomó deyóló halikané duwóló deralepó.

²⁶ Téró, Sol a Jerusalem bepaae holóló bituraalu, aimó mepaae Yesuné ala erótu betere wh̄irapetamo touyóló betaai yaletei, atima a kelaqsóro wiyalepó. Atima wi yaleteita, a Yesuné ala eratere wh̄ipóló kisipa tiréni yaleteinépó.

²⁷ Atétu betepa, Banabas-né kale wh̄i Pol *aposel* wh̄irape beterepaae dapesó fóló daaló bitu, i sekéta Damaskus bepaae faai fu betepa tū tuāmó, Tale wóló daapa, ama kelené mo kilipakalepó. Téró, aimó Talené pāpaae fo ipakalepó. Ai fo yóló Damaskus bemó bituraalu, a mo wikélé ini,

halaainé Yesu Kerisoné doimó fo yó mótu bitipakalepó.

²⁸ Atéró, Sol ʔ atimatamo betámó bituraalu, ai Jerusalem be huluamó so whǐpaae Talené fo wikélé ini, mo halaainé Yesuné doimó yó maté kutu betalepó. Atéteremó, whǐ mené ʔ sesékélé inipó.

²⁹ Téró, Sol-né Krik be fo bole Juda so whǐpaae Yesu ʔta, mo Kótóné Naalemápóló kisipa yópóló, fo tokótamo du betaletéi, mepaae Juda fake whǐrapené Sol daairaalu du betalepó.

³⁰ Ai fo woseturaalu, Keriso norapené Sol daqsóró tao suraalu, Sesaria bepaae dapesó dorowóló, Tarsus bepaae fópóló dotonalepó.

³¹ Atéró, Judia hae kwiamókélé, Kaleli hae kwiamókélé, Samaria hae kwiamókélé, Keriso so whǐtamó bóe dóló susupui ala erótu betaletéi, mió i alimó hǎjné sukóló dua betó molepó. Talené Deǐ Kepe Wisiné atima fotokóróló keteke bulatapa, Yesupaae tué tiki tiratere so whǐ mo ti fake deté felepó. Atéró, Kótó ʔta, mo doa fotokó bole Talepóló wi kisipa mutu, hemée deyóló mo dua betó molepó.

Pitané Enias-ró Dokas-tamo wisirale fo

³² Téró Pita ʔ mepaae Kótóné kae beteró betere so whǐ betó mole be hulua dokó fea keleté fóló Lida be huluamó betó mole Keriso so whǐtamokélé ekei fo yóló betaai felepó.

³³ ʔ atéró wóló, ai bemó betǔ whǐ ama doi Enias betepa kelalepó. Ai seké ʔta, tiki dǎmuyóló hǎle fiyótóró mupa, 8-ró ba fo kemeyale whǐpó.

³⁴ Atéró mupa, Pitané kale whǐpaae duraalu, “Enias-ó, Tale Yesu Kerisoné ʔa mió ai wisiratapa, turukó holae. Téró naao beseke tukóló bopeyóló tupaae mulae,” yalepó. Téyalemó, kale whǐ ʔ mo hapale téti turukó holóló daane holalepó.

³⁵ Atéró, ai kale Lida be huluamó betó mole so whǐró Saron be huluamó betó mole so whǐtamóné tiki sinóló dǎmure whǐ Enias wisiratere ala kilituraalu, Talepaae kisipa tiki tirótua yalepó.

³⁶ Téró, Jopa bemó Talené ala eratere sokó betǔ ama doi Tabitapó. Krik foné ai doi Dorkas doi mulapó. Ai so ʔta, betere dokó fea hǎkesené sinóló yaala sókó fóló wisi ala erótu, yolealere so whǐmó ʔla ʔla hǎle tao sóró matere ala fǎane so wisinaalepó.

³⁷ Atétu betale sukamó, kale so ʔ hepóné sukǎlepó. Atéró sukutepa, mepaae sorapené ama tiki fokóló kutiné bopeyóló siki be kepaae mulale holalepó.

³⁸ Ai be Jopata, Lida be felekemó erapó. Atéreteiné Talené ala eratere whǐrapené Pita Lida bemó beteraépó depa woseturaalu, atimakó whǐ tamo fópóló doteyalepó. Atéró

fóló Pitapaae duraalu, “No-ó ʔta, mió mo dǎmotamotóró hapale faai dapesene walepó,” yalepó.

³⁹ Tétepa, Pita ʔ atimaamotamo fóló, Jopa bemó sókó fóló, kale so sukóló mole siki be kepaae dapesó horalepó. Atéró aimó betó mole wulia sorape Pita daalepaae wóló moló-u yóló duraalu, “Ita, ai sukǎle so ʔ sukǎi bituraalu, male doasi deróló sókó fatere fǎloi kutiró mepaae deratere kutirapetamo i ape yóló,” yó malepó.

⁴⁰ Tétepa, Pitané ai sorape belapaae hǎkonóló ʔ bukutiri teyǎró bituraalu, moma yalepó. Atéró moma yóló ʔ kale so molepaae fetéé wóló duraalu, “Tapita-ó, ʔa turukó holae,” depa kale so kele fisǎae horóló, Pita kaae taru turukó holóló bitǐ holalepó.

⁴¹ Atéró betepa, Pitané kale soné naasemó tao sóró turukó horóló daalalepó. Atéró kale wulia soraperó Keriso so whǐtamopaae kepaayale so i ape yóló yó malepó.

⁴² Pitané kale mo ti sinóló mole sotei, momó kepaaróló beteralepó dere fo kulu kulu só kweyóló fakeratapa, Jopa be huluamó betó mole so whǐ mo feané wosalepó. Até yalepó dere fo woseturaalu, so whǐ mo fea Talepaae feteyóló kisipa tiki tirótua yalepó.

⁴³ Téró, Pita ʔ Saimon-tamo mepaae be dǎrape betalepó. Saimon-ta, hupu sekaené mepaae ʔla ʔla ale yaairaalu, bé bé yópóló weǐmó fokotu betere whǐpó.

10

Konilias-né Pitapaae ape yale fo

¹ Atéyale sukamó, Sesaria whǐkó ama doi Konilias beterepó. ʔta, ai be huluamó 100 Rom diki tare whǐrape kaae tare topo whǐpó. Ai diki tare whǐrapeta, Itali hae kwiaró walepó.

² Konilias-ró ama naale senaaletamokélé, somakélé, atima mo fea Talené ala yó taruraalu, Kótó aqmó sukóló beterepó. Atéru, yoleale yóló betó mole so whǐmó, betere dokó fea ʔla ʔla hǎle matere alaró, moma dere alatamo yó tarepó.

³ Atéró betǔ sukamó, kuluka 3 kilok ʔ ama be dolomó betepa, noke naró dere kaaené Kótóné *ensel* sókó wóló daane wapa, ama mo diriyóló kelalepó. Atéru ʔpaae duraalu, “Konilias-ó,” yalepó.

⁴ Atéró dere fo woseturaalu, kale whǐ ʔ witamo *ensel* daalepaae kese faróló duraalu, “Tale-ó, maé?” yalepó.

Tétepa, *ensel*-né ʔpaae duraalu, “Naao moma dere alaró yoleale yóló betó mole so whǐmó hamoko yóló hǎle matere alatamo Kótóné kilituraalu, kokóné sukunapó. Atei ala dereteiné ʔa tué keteréni, ama kisipa yó tarapó.

⁵ Térapa Konilias-ó, Jopa bemó whi betá ai betere ape. Ai whiné ama doita, Saimon-tei Pitapó du beterapó. Térapa, ai whi Jopa bepaee dape sene fópóló, diákó mepaae whi dotonae.

⁶ Áta ama yakoma Saimon-tamo ai betere ape. Ai Saimon-ta, hupu sekaené to ó mepaae la la aleyaairaalú bé yópóló, wéi fokotere whípó. Ama beta wéi fókumó ai tene ape,” yalepó.

⁷ Ápaae ai fo yóló, kale *ensel* fupa Konilias-né ama bemó kutó diratere whi tamo yóo, Kótóné ala eró tare ama diki tare whirapekó betá yóo, yóló ape yalepó.

⁸ Téro betepa, atimapaee kale *ensel*-né ápaae yale fo fea yóló, Jopa bepaee fópóló dotonalepó.

Pitané noke kaaené kelale ala

⁹ Atéro tumó fiyóló, hika be detepa, atima Jopa be hulupaee sókó faai feleke deretamo eté ipakalepó. Pita  Jopa bemó 12 *kilok* sukakelemó moma yaairaalú, kekelele dere siki bepaee holóló beterepó.

¹⁰ Atétepa, yakoma Saimon-ró somatamo aqró bemó naaire la donoróló muló betepa,  siki bepaee holóló moma du betalemó,  wote yalepó. Atépa, noke naró dere kaaené i ala depa kelalepó.

¹¹ Ó hepen be t tukwé fóló doasi dei kuti kaae la douro kwia dokó dorokó fóló amatei dorowou betepa kelalepó.

¹² Ai dorowale kuti kaae la dolomó i haemó niki daani ke detere laraperó barapatamokélé, hó naase daae mole larapekélé, mo fea ai kuti dolomó betó mupa kelalepó.

¹³ Atépa, ó samó fo yóló duraalu, “Pita-ó, a turukó holóló ai betó mole la dóló nae,” yalepó.

¹⁴ Ti fo depa Pitané duraalu, “Tale-ó, mo deretei mo take naao dápaae, ‘Ai la naqse,’ yóló muló betepa  werapó,” yalepó.

¹⁵ Ti fo depa, kale dere kaae momó ápaae duraalu, “Kótóné paae wisirapa nae dere la,  werapó ekesé. Sóró nó betá yae,” yalepó.

¹⁶ Ápaae ai fo dere alata, sore félimó yóló mo ai fapotóro kale kuti ó hepen-paae momó sóro holalepó.

¹⁷ Pitané ápaae i yó male ala noa betené yalerópóló kisipa teketu betalepó. Atétu betepa, Konilias-né dotonale whirape wóló, Saimon-né be momó tenérópóló keketé wóló, be bopéro betere tipi t sókó walemó daae molepó.

¹⁸ Atima atéro daalu, fo tekeróló duraalu, kale Saimon-tei Pitapó du betere whikó imó betere yóló wosalepó.

¹⁹ Pita ai yale alané bete kisipa hle teketu betepa, Dei Kepe Wisiné ápaae duraalu,

“Saimon-ó, whirape sorené a keketé ai kutu betere ape.

²⁰ Térapa, a turukó holóló aqró bepaee derepae. Ai whirapené paae atimatamo faalopó depa me kisipa muni, atima alo dotonalepa fó betá yae,” yalepó.

²¹ Téro, Pita  doropóló kale whirapepaae duraalu, “Diaao ai keketé kutu betere whita,  i ape. Térapa di noatepa waleé?” yalepó.

²² Ti fo depa atimané duraalu, “ata, kale diki tare whirapené topo whi Konilias-né dotonatepa walepó. Ai whi ta, dowi alakélé enei Kótóné ala erótu betepa, Juda so whi mo feané whi wisipóló doi sóro horótu beterapó. Tépa, mo kae betero betere *ensel*-né ápaae duraalu, a ama bepaee wóló, naao dere fokó wosaaipa dape sene fae depa, walepó,” yalepó.

²³ Ti fo depa, Pitané atima bepaee dapesó fóló fiyalepó. Atéro, hika be detepa, kale whirapetamo Pitakélé, mepaae Jopa bemó betó mole Keriso whirapekélé fea felepó.

²⁴ Atima atéro, t tuamó diki betá fiyóló, hika Sesaria bemó sókó felepó. Téyalemó Konilias-né fake whirapekélé, ama fulumu whirapekélé, mo fea touróló Pita dapesó wópóló kaae tawóló beterepó.

²⁵ Pita atéro sókó wapa, Konilias-né  doasi whia kilitu, ama hó aqmó bukutiri teyaró bit derepelepó.

²⁶ Atétepa, Pitané kale whi tao sóro turukó horóló duraalu, “Turukó holae. Dmo wusuróta mo whípó,” yalepó.

²⁷ Téro, Pitaró Konilias-tamo fo deté fóló be tuápaee kelalemó, so whi mo fea touró beterepó.

²⁸ Atéro betó mupa Pitané duraalu, “a Juda fake di Juda meire fake so whitamo betámó fo yóló ó la nokole ala aqse eretei di feané ai kisipa ere ape. Téretei, mió Kótóné épaee i ala yó malepó. a Juda fake so whine kae kae fake so whipaae i ala dorapó, i ala wisirapóló eratere fo aqse yóló épaee yalepó. Atéyaleteiné mió  ditamo betámó beaai ape dere fo wosóló hrapó enénipó.

²⁹ Kótóné épaee ai fo yaleteiné naao  dape sene wópóló dotonale whirapepaae faalomeipó ini, atima dere fo betá wosóló i daale ape. Térapa, naao  noatepa dape sene wópóló dotonaleé?” yalepó.

³⁰ Ti fo depa, Konilias-né ápaae duraalu, “Douro be de kemeyai hle bitu, kuluka 3 *kilok* suka kelemó  alo be dolomó moma du betalepó. Atétu betepa, mo dei kuti deréli *ensel* mo hapale sókó wóló alo hosaa tuamó daane walepó.

³¹ Atéro daalu épaee duraalu, ‘Konilias-ó, naao hamoko yóló, yolealere so whi tao sóro hle matere alaró moma dere alatomota, Kótóné ama keletómó mo donoi ala dapóló kisipa mutapó.

³² Térapa, Konilias-ó, whj betané ama doi Saimon-tei, Pitapó du betere whj Jopa bemó ama yakoma Saimon-tamo betetapa, dape sene fae. Ama yakoma Saimonta, hupu sekaené mepaae ɔla ɔlarape aleyaairaaalu, bé yópóló weimó fokotere whj ai ape. Ama beta, ti wej fókumó ai ɛne ape,' yalepó.

³³ Ensel-né ɛpaae ai fo depa, ai whjrapení ɔa dape sene wópóló, ɔalo atima hapale dotonalepó. Atétepa, ɔa atimatamo waleteiné mo kée dapó. Ti Talené keletómó ɔa fea wóló i betó moletei, Talené ɔpaae yae yale fo wisi naao ɔapaae depa wosaai dapó," yalepó.

³⁴ Tétepa, Pitané fo kaae sóró Konilias-paae duraalu, "É Jopa bemó betepa, Talené ɛpaae yó male alané bete mió ɔalo tué yalepó. Tale Kótó ɔta, mepaae whj tao sóró wisi kisipa mulótu, mepaae whjmo dowi kisipa mulatere Tale meipó. ɔta, ɔa mo feapaae betá alatóró erótua yaaire kisipa mulapó.

³⁵ I hae kwia dokó feamó betó mole so whj Kótó aqmó sukóló bitu, ama yae dere ala betá erópóló tu wisi donorótu betere so whjta, ti Kótóné ama dape saalopó.

³⁶ I fota, Kótóné ɔa Israel so whjpaee yalepó. Ama kale mió wosetere kisi fo wisi etéro yó melalepó. ɔa Kótótamo dua betetápóló Yesu Kerisoné ama yale alané ɔa hosaa muni deyóló betetó betetapó. Ti ɔta, i haemó betóló fale so whj mo feané Talepó.

³⁷ Jon-né so whj wej tóparaalopó, fo yó male kɔlipaae Kaleli haemó kaae sóró Yesu Kerisoné fo yó melaté fóló, Judia haemó sókó waletei ɔia feané kisiparapó.

³⁸ Kótóné ɔa Kepe Wisi Nasaret whjko Yesu tuamó betetóló, so whj fea ɛtetetóló kaae tawópóló ama doasi fotokókélé bulóló sóró betetalepó. Atéro, hae kwia dokó feamó kuturaalu wisi ala eró, dowi kepe tepeyóló betere so whjkelé wisiróo yópóló, Kótó ɔtamo betámó kutu betalepó.

³⁹ ɔata, Israel so whj betere tikiró Jerusalem betamomó bitu, ama erale alarape ɔané kelené kelaleteti yó maté kutu betetapó. ɔta, atimané filipaaró betere ni tómó oleróló dalepó.

⁴⁰ Téyaletei, ɔa sinóló dou dolomó sore sukamó mupa, Kótóné kepaaró betetapó. Atéro kepaayóló beteteteita, mepaae so whjné kolópóló yalepó.

⁴¹ Atéro bitu, sókó wua dere alata, so whj feané keletómó ini, Kótóné ama sorokó su yóló betetó betere so whjrape betetepaae maaté sókó wua yalepó. Ti ai sókó su yóló betetó betere whjrapetamo bituraalu, ɔlaró weitamó nukua yale whjrapeta, ti dapó.

⁴² Téró, take ama ɔapaae i fo ene fae yalepó. 'Kale mió wosetere kisi fo wisi yó móturaalu, ɛta Kótóné ɔia sukále so

whjtamokélé ó betó mole so whjtamokélé, fo tokóló talerópóló, sóró daaló betetapó yóló yó melale fae,' yalepó.

⁴³ Take Kótóné kóló whjrape dokó feané mepaae so whj de ɔpaae kisipa tiki tiró betepa, atétere so whjné dowi ala kwia ama kemeróló aluraalopó erapó," yalepó.

⁴⁴ Téró, Pitané ama fo hɔle du betetepatei, ɔa Kepe Wisi dorowóló ama dere fo wosetu betere so whjné tiki tuamó bitú dorowalepó.

⁴⁵ Até dere ala Jopa bemó Yesupaae tué tiki tiró bitu tiki sekaé tikire Juda whjrapení kelalepó. Tétu, Juda meire fakepaatei, ɔa Kepe Wisi matapóló sira du betalepó.

⁴⁶ Ti noa betené mei, atimané kae kae be fo yóló Kótóné doi hale sóró horótu betepa wosalepó.

Até dere ala kolóló, Pitané i fo yalepó.

⁴⁷ "Take ɔa Juda fake so whj ɔa Kepe Wisi su yale kaae, mió atimakélé ai sale ape. Atéro atima wej tóparaatapa né sesé yaalóé?" yalepó.

⁴⁸ Atéro, ai so whjpaee duraalu, "ɔia fea Yesu Kerisoné doimó wej tóparaalopa ape," yóló tópurótua yalepó. Atéyale kɔlipaae Pitapaae woseturaalu, "Mepaae be ɔkó ɔa ɔatamo betóló fenére?" yalepó.

11

Pitané ama du betere ala hɔkearale fo

¹ Juda meire fake so whjrapekelé, Kótóné fo wosóló kisipa tiralepó deté kotere fo Judia hae kwiamó betó mole aposel whjrapetó Keriso norapetamonné wosalepó.

² Atéro Pita ɔa Jerusalem bepaae holalemó, mepaae tiki sekaé tikiru Talepaae tué tetetóló betere whjrapení Pita foné sóró i fo yalepó.

³ "ɔata tiki sekaé tikinire fakené bemó bitu, ɔlaró weitamó nuku betalepó. Aita fo mole alatei naao erapó," yalepó.

⁴⁻⁵ Tétepa, Pitané atimapaee duraalu, "É Jopa bemó betepa erale ala mo fea deté wóló Sesaria bemó betepa yale alapaae sókó waalopa ɔia fea wosae. É doasi be hulua Jopamó momatu betalemó, noke naró dere kaaené i ala depa kelalepó. Doasi bukutere kuti kaae ó samó douró kwia dokó dorokó fóló amatei hɔle dorowóló ɛ betere tikimó muni dorowalepó.

⁶ Atétepa kelalemó, i haemó betó mole niki meire ke detere ɔlaraperó barapetamokélé, hó naase daae mole ɔlaraperó syaae ɔlarapetamokélé, mo fea betó mupa kelalepó.

⁷ Atépa, ó samó fo yóló duraalu, 'Pita-ó, ɔa turukó holóló ai ɔlarape fea dóló nae,' yalepó.

⁸ Ai fo depa ɔalo duraalu, 'Tale-ó, ai ɔlarape ɔalo nókélé inireteiné ai ala mo enénipó,' yalepó.

⁹ Ti fo yalemó, kale dere kaae momó fo yóló duraalu, 'Tale Kótóné nae dere qlatei, werapó ekese. Talené wisipa nópóló muló betere qla ti nae,' yalepó.

¹⁰ Atei kaae fo sore félimó yóló, kale qlarape fea momó ó hepen-paae sijóló sóró holalepó," yalepó.

¹¹ "Atéteretamo, Konilias-né Sesaria bemó ę beterepaae dotonale whjrape sore wóló, ę betere be belamó daaipakalepó.

¹² Atéparaalu, Dej Kepe Wisiné ępaae duraalu, 'Ya ai whjrapetamo faaloé yóló kisipa tekeni, atimatamo fae,' yalepó. Atétepa, i daae mole aporó norape ętamo fóló kale whj Konilias-né be dolopaae da fea holalepó.

¹³ Da atéró beterepó, Konilias-né dąpaae i fo yalepó. A ama be dolomó momatu beterepó, *ensel* ą beterepaae sókó wóló duraalu, 'Diąkó mepaae whjrape Jopa bepaae Saimon-tei Pitapó du betere whj ai beterepaae dape sene fae.

¹⁴ Ama diąpaae dere foné yaró naao naale senaaletamokélé, naao fake so whjkélé, naao be whj so whjkélé, dią aluyaqsóró tao saalopóló,' *ensel*-né ąpaae depa, ama ępaae yalepó.

¹⁵ Ai fo epa, ę wóló yalo fo kaae sóró du betalemó, Dej Kepe Wisi atima tuąpaae bią walepó. Aita, me kae kisi ala ini, mo take kaae suraalu, da Juda so whjpaae erótu yale kaaetóró atimapaakélé eralepó.

¹⁶ Ai ala kolóló, Yesuné yale fo kisipa mualepó. Yesuné dąpaae duraalu, 'Wej tópurate whjkó Jon-né amata, ti dią wej hale maaté tóपुरaletei nalota kale Dej Kepe Wisitamó tóपुरaalopó ere fo mopó.'

¹⁷ Térapa, i ala betą wisiyóló kisipa muae. Yesu Kerisopaae kisipa tiki tiratepa, Dej Kepe Wisi dąmó hale mótu yale kaae Kótóné atimapaakélé, ai melale ape. Tétepatei, ę Kótó kaae betepapakó atei ala ekese yóló sesé yaaloé? Atei ala mo enénipó," yalepó.

¹⁸ Téró, kale be whjiné Pitané dere fo wosetu, atimané ą foné saletei taaralepó. Atéró Talené doi hale horótu duraalu, "Kótóné Juda meire fake so whjkélé, hokó betere ala taaróló, kepaayóló mo ti betaaire bete sópóló ai menélirapó," yalepó.

Antioch so whj kisipa feteyale fo

¹⁹ Stipen dale sukamó su betale susupui alamó dapo dapo yóló fele whjrapekó mepaae Fonisia hae kwiaapaakélé, wejiné bopéró daaló betere Saiprus hae kwiaapaakélé, Antioch be huluapaakélé, Juda fake so whjpaakélé, kale fo wisi yó maté kutu betalepó.

²⁰ Téyaletei, mepaae dapo dapo yóló fele Saiprus be hulua whjro Sairin whjrapetamo Antioch be huluamó betó mole

Juda meire so whjpaae Yesu Kerisoné mó wosetere kisi fo wisi yó melaai kaae salepó.

²¹ Téró, kale whjrape Talené atima fotokratepa, so whj mo feané du betere dowi ala taaróló, Talepaae kisipa tiki feteyóló wou betalepó.

²² Atétu beterepó dere fo Jerusalem bemó betó mole Keriso so whjiné wosalepó. Atéró woseturaalu, ai so whjiné Banabas ą Antioch bepaae fópóló dotonalepó.

²³ Téró, ą Antioch bemó sókó fóló, aimó betó mole Keriso so whjpaae Kótóné ama kolené sukutu hale tao sere ala atima tuamó mupa kelalepó. Atépa, Banabas hajné sukuturaalu, Kótóné ere ala dią tuamó hale muó tanópóló yae yóló, fotokq bulóló ma fo yalepó.

²⁴ Banabas-ta, Dej Kepe Wisiró tué tiki tiratere alatamo ąane whj wisi naalepó. Téruraalu, mo turó so whj Yesu Kerisopaae tué tiki tiralepó.

²⁵ Atétu betéro, Banabas ą Tarsus bepaae Sol kekene faai felepó.

²⁶ Atéró, kale whj ą fóló Sol kekóló dape sóró atimaamo wusuró Antioch bepaae momó walepó. Wóló ba fo betą atimaamo ai Keriso so whjtaamo bituraalu, Kótóné fo so whj mo feapaae yó mótu betalepó.

²⁷ Atéyale sukamó, mepaae Kótóné koló whjrape atima Jerusalem be taaróló, Antioch bepaae dorowalepó.

²⁸ Ai whjrapekó betą whjiné doi Akabas-pó. Ai whj ą Dej Kepe Wisiné fotokratepa, turukó holóló duraalu, "Rom *Gavman*-né tetéroló kaae tare hae kwia feapaae doakale dowi wote ali waalo ai ape," du betalepó. Ai alata, kale Rom *Gavman* whj Kaladias-né tetéroló kaae tare alimó weipakalepó.

²⁹ Atéró, Yesuné yó matere whjrapené Judia hae kwiamó betó mole Keriso so whj tuąpaae wale doasi sekęi alamó kisipa mutu, ai so whj tao saai atima fo dokalepó. Atéró duraalu, dąné tare *moni* sutóroti deraalopóló, derąleta du betalepó.

³⁰ Atimané atétu betaleteita, Judia hae kwiamó betó mole Keriso norape hale tao sóró, Jerusalem be huluamó betó mole whj disirapepaae male fópóló, Banabas-ró Soltamo sóró beterepó.

12

Kin Herot-né Jems dóló Pita dipula beterele fo

¹ Atétu betere alimó *Kin Herot*-né mepaae Keriso whjpaae doakale susupui ala eróló ama diki tare whjrapepaae *dipula* beteraleta yae yóló mulalepó.

² Atéró, Jon-né noma Jems atima doakale boe dele sepakené depa tikalepó.

³ Kale *Kin Herot*-né Jems delemó Juda so whj hękesené sinitu betalepó. Atétere

ala kilituraalu, ama diki tare wh̄irapepaae Pitakélé, *dipula* beteraai, dape sene fae depa, fóló tawalepó. Atétere alata, kale fopei *bred* o bulayóló nokole alimó yalepó.

⁴ Atéro Pita tawóló sóró fóló, so wh̄j feané keletómó fo tokóló taleyaairaal, diki tare wh̄irapené naase tuḡpaae sóró beteralépó. Téró, ai diki tare wh̄irape atima fake douḡró aleyóló betéro beterepó. Téró, Herot-né yóló mulóturaalu, kale bosenée fele be ḡ kemetepa, ti ḡané Pita ḡ ḡpóló fo tokóló taleyaalópó yalepó.

⁵ Pita atéro *dipula* betéro betepa, Keriso so wh̄jné Kótóné Pita tao sópóló, momatere ala ḡale yótóro tarepó.

Pita dipula betepa, ensel-né sokale fo

⁶ Téró, kale *Kin* Herot-né ḡjka be ḡetepa, so wh̄j feané keletómó fo tokóló taleyaai diki tare wh̄j uté betóo, ité betóo, ere tuḡámó Pita *sein* képiné dokóló beteralépó. Atéro betepa, ai tuḡ sókó walemó diki tare wh̄jné kaae tawóló daalépó.

⁷ Tépa, Talené ama hepen bemó kutó diratere *ensel* wóló, ḡené Pita betéro betere *dipula* be dolo ḡeyó felepó. Atéro kale *ensel* sókó wóló, Pita-né ḡulúmó haróló duraalu, “Pita-ó, mo hapale turukó holae,” deremó Pitané naasemó sere *sein* képi whaalóyóló ḡaletei teraae derepelepó.

⁸ Atétepa, kale *ensel-né* Pitapaae duraalu, “Naao hó beró kutitamo hapale sae,” depa, salepó. Atéro, “Naao tómó bukutere kutikélé, bukóló ḡ sya ape,” yalepó.

⁹ Pita ḡ atéro, ai *dipula* be taaróló *ensel* fole tiki sya furaalu, ita ḡpaae *ensel-né* dapóló kisipa muni, noke naró dere nisi yalepó.

¹⁰ Atimaamo atéro furaalu, mo folosóro kaae tawóló daaló betere diki tare wh̄j dekeróló tuḡámó daale diki tare wh̄jkelé, kale dere kaae dekeróló sókó felepó. Atéro furaalu, kale be hulua bopéro betere tipi tuḡmó doakale *aiyon kapa* fakené aleyóló kinó betere tuḡkélé, ama ḡaletei, tukwe fóló mupa, atimaamo belapaae sókó felepó. Téró, atimaamo ai tuḡ dapo tópaae derepelemó, kale *ensel* Pita taaróló, aimótei alu yó deyalepó.

¹¹ Téró, Pitané *ensel-né* ḡpaae erale alarape fea kisipa yóló duraalu, “Mió ḡalo kisiparapó. Ita, noke naró dere nisi yalemó motei irapó. Kale *Kin* Herot-ró Juda so wh̄jtamo atima ḡekesené sukuturaalu, ḡpaae eraaire ala mo eraḡsórópóló, Talené ama *ensel-né* ḡ tao sene ai weirapó,” yalepó.

¹² Kale *ensel-né* ḡpaae erale ala mo diriyóló tuḡ muturaalu, Mariané bepaae felepó. Mariata, Jon-tei, me doi Mark-né hamapó. Téyalemó, so wh̄j mo fea betapaae touróló bitu, momatu beterepó sókó felepó.

¹³ Téró, Pita ḡ wóló bela tuḡ aḡró daalu kokopórótu betepa, ai bemó kutó diratere so seimale Roda tuḡ tukjyaaai walepó.

¹⁴ Téyalemó, kale senaalené Pitané fo nakome wosóló ḡajtu, tuḡ hapale tukuni, fe-saae folo bemó betó mole so wh̄jpaae kaae Pita wóló a belamó daalapó fo ene felepó.

¹⁵ Ai fo deremó, kale so wh̄jné Roda-paae duraalu, “Ti senaale ḡa topo doyóló keyaa fu de?” yalepó. Ai fo depa, kale senaalekó duraalu, “Meipó. Pita mo wóló até belaró daale ape,” yalepó. Tétepa, kale so wh̄jné duraalu, “Motamo epa, ti ḡ kaae tare *ensel-né* tao su yalepa kelae,” yalepó.

¹⁶ Atima ai fo du betepa, Pita daalu tu ḡale kokopórótu betalepó. Atétu betepa, nalo kale so wh̄j atima fóló tuḡ tukjóló kelalemó, Pita wóló daapa kilita sókó furaalu, siratu betalepó.

¹⁷ Tétepa, Pitané ama naaseneḡei yóló duraalu, atimapaee fo taalae yalepó. Téró atimapaee Talené ḡ *dipula* bemó betepa, tao sóró dape só wale ala fea yó melalepó. Atétu betéro, ai so wh̄jpaee duraalu, “I fota, Jems-ró mepaae Keriso norapetamopaae yó melae,” yóló ḡ metikipaae faai felepó.

¹⁸ Atéro ḡjka Pita ḡ kemei fi sisópaae eté yalepó. Kale diki tare wh̄irape atima wóló kelalemó, Pita bitinipa, ḡ neyóló sókó fel-erópóló, atima mo doakale fo tiki ḡlaaratu betalepó.

¹⁹ Atépa, kale doasi topo wh̄j Herot-né ama diki tare wh̄irapepaae duraalu, mo dekeró keketé kweyae depa, kekḡletei ḡ kilinipó. Tétepa, ama diki tare wh̄irapepaae Pita *dipula* betepa kaae tawóló daalae diki tare wh̄irapetamo fo tokóló kemetepa, mo ti sinópóló dae yóló mulalepó.

Kin Herot ama yale alamó ḡ dóló sukunale fo

²⁰ Até du betéro, suka memó Herot ḡ Judia hae kwia taaróló Sesaria hae kwiapaae doropóló, aimó mepaae be ḡerape betalepó.

Ti *Kin* Herot-né Tair be hulua so wh̄jro Saidon be hulua so wh̄jtamopaae doakale fopaae bualepó. Atépa, atima touróló betámó bituraalu, i fo du betalepó. “Doasi topo wh̄j *kin-ó*, ḡané ḡatamo fo sawa yaai dapa, naao be ḡ mekó tukóló mulaaloé?” depa kale sekḡné duraalu, “Ti wisirapa téyaalópó” yalepó. Ti fo depa, kale so wh̄jné *kin-né* kutó diratere wh̄jko betḡ Blastapaae woseturaalu, “Naao ḡa tao suraalu doasi wh̄j *kin-tamo* naamei fokó yaaloé?” depa kale sekḡné téyaalópó, yalepó. Atima atéro touróló betámó bituraalu, kale doasi topo wh̄j *kin-paae* duraalu, “Doasi topo wh̄j-ó, ḡatamo bóe dele ala taaróló dua wisiyóló betaalópó. Ti noatepae, kale *kin-né* ḡeteróló kaae tare hae kwiamó nokole

ola wó mupa, dupu du betereitei tikaqsóro kisipa muturaalu,” ai fo du betalepó.

²¹ Atéror, atimané kale tukólo mulale be de wapa, Herot a *Kin*-né kuti wisinaale derólo so whi tourólo betere tikimó sóko felepó. Atéror doasi topo whi betere *sea*-mó bituraalu, so whi paae fo du betalepó.

²² So whi feané ama dere fomó doi hale sóro horóturaalu, “Ama dere fota, kótóné fo kaae dapólo,” dukirótu betalepó.

²³ Téteremó, ai fapotoróti Talené *ensel* wólo kale sekéné Talené doi sóro horéniteremó a dóló ama tiki mokené turukó nóló mo ti sukunalepó.

²⁴ Atéturaalu, Tale Kótóné fo ai be felekemó betó mole so whi feané wosólo fakeraté felepó.

²⁵ Banabas-ró Sol-tamoné so whi tao saai sóro wale *moni* melólo Jerusalem taarólo momó furaalu, Jon-ró Mak-tamo dape sóro Antiok bepaae fesaae felepó.

13

Banabas-ró Pol-tamo Talené kutó dirópólo doteyale fo

¹ Atéror, Antiok bemó betere Keriso so whi kuamó Kótóné kóló whiraperó yó matere whirapetamo betó molepó. Ai whirape atimané doita Banabas, Simeon-tei, me doi Niser, Sairin be hulua whikó Lusias, kale *Kin* Herot-tamo betámó doayale whi Manain, Sol, atima atéroró betó molepó.

² Téro kale Keriso so whi Tale aqmó dua bitu, Talené doi sóro horótu betalepó. Atéturaalu, olakélé weyólo betepa, Deji Kepe Wisiné atimapaee duraalu, “Yalo tukólo muló betere kutó Banabas-ró Sol-tamoné dirópólopa, atimaamo sóro beterae,” yalepó.

³ Atima atéroró, ola weyólo hale bituraalu, moma deté fele kilipaae, kale whítamo tikimó naase mulólo, fópólo dotonalepó.

⁴ Sol-ró Banabas-tamo Deji Kepe Wisiné dotonatepa, Selusia bepaee doropólo, aimó atimaamo weji nukumó weiné bopélo daalo betere hae kwia Saiprus-paae felepó.

⁵ Atimaamo atéroró ai hae kwiamó tene be Salamis bemó sóko fóló bituraalu, Juda whirapené fo wosetere berapemó so whi paae Kótóné mió wosetere kisi fo wisi yó melótu betalepó. Téro, Jon me doi Mark-kélé, atimaamo tao sóro kutó diyaa ai atima fea fóló betalepó.

⁶ Atéroró, atima ai weiné bopéro daalo betere hae kwia tuamó kutu beteró Papos be huluumó sóko felepó. Aimó Juda whikó isi whitei, Kótóné kóló whipó du betere seké Bar-Jisas beterepó. Atimaamo ai kale sekétamo Papos bemó hokolaa yalepó.

⁷ Kale isi whi Ba-Jisas, *Gavman* whi Serias Polas sisó supurólo, átamo kutu betere

whipó. Ai *Gavman* whita, tué tiki wisi mulu, Banabas-ró Sol-tamopaae Kótóné fokó a wosaaipa, yó melaai ape yalepó.

⁸ Atéyaletéi, kale isi whiné Banabas-ró Sol-tamoné yó matere fo *Gavman* whiné wosólo kisipa tiki tiraqsóro, kae kae fotei du betalepó. Elimas doita, Krik be foné isi whipó.

⁹ Téro Sol akélé, ama take mole doi Sol taarólo, Pol doi mulalepó. Téro, Pol Deji Kepe Wisiné fotokoratae, Elimas kikéyólo kaae taaru duraalu, “Yata, mo dowi kepené naalemopó.

¹⁰ Naaota, donoi alaró wisi alatamo bóe ai du betere ape. Yata, mo dilikitere alaró kapala fotamo fānuraalu, Tale Kótóné donoi alaró donoi fotamo naao ai wérótu betere ape.

¹¹ Nao ai ala deremó, Talené ya deké supu, mió mepaae sawa be demó naao kele diliki yaalopó. Atéroró bituraalu, sukané dekéle, naao kelaalomeipó,” yalepó.

Téyaletamotóro, ó shamó diliki a tuapaae derólo kale sekéné kele dilikiralepó. Atétepa, a naase tawólo alísó faaire whikó daaléro sisité kwéyalepó.

¹² Kale ai *Gavman* whiné até dere ala kilituraalu, sirayólo a kisipa tiki tiralepó. Ti noatepae, Talené ama fo yó matere ala mopólo kisipa mutu yalepó.

¹³ Até du beteró, Pol-ró ama fulumu whirapetamo ai Papos be taarólo weji nukumó Pampilia hae kwia tuamó tene be hulua Perka-paae felepó. Atétepa, Jon-tei Mark-pó du betere whi a atimaamo taarólo Jerusalem bepaee fesaae felepó.

¹⁴ Atéroró, atimaamo ai Perka be taarólo Pisisidia hae kwiamó tene Antiok be huluumó sóko felepó. Atéroró fóló bituraalu, sha nóló betere sukamó atimaamo Juda whirapené fo wosetere be dolopaae holólo betalepó.

¹⁵ Atimaamo atéroró beteremó, kale Moses-né asere foró Kótóné kóló whirapetamoné asere fo dosātu betalepó. Atéyale kilipaae kale ai fo wosetere be kaae tare whirapené atimaamo faleyólo duraalu, “No tamo-ó, diaamoné so whi hairaterere fokó enére?” yalepó.

¹⁶ Ti fo depa, Pol a turukó holólo fo yaai kaae su naase horólo duraalu, “Israel whiraperó diā Juda meire fake so whitamonó, Kótópaae witu, naameyólo a aqmó betó mole so whi paae yalo i dere fo wosae.

¹⁷ Mo take de Israel fakené Kótóné dané ayarape deté faaire whirape amatei sóro beteraté walepó. Atima atéroró Isip bemó betepa, Talené atima so whi doasi fake firalepó. Ai ala epa, Kótóné mo Taoró mole fotokónétei ai Isip hae tale dóló ama so whi fasó sóro dapesó weipakalepó.

¹⁸ Atéroró, so whi bitinire tikimó kutu bitu, atimané kisipa mole ala yaairaaalu, dowaae fu betepa, Kótó apaae feteyólo wópólo

kaae tawóló bitiré felepó. Até yalemókélé, feteyóló wénitepa, hãle kaae tarepó. Atétepa, ba fo wh̄i siki tamo keme ipakalepó.

¹⁹ Téró, Tale Kótóné atima beteraaire Kanan hae kwia hãle muni, weikeró fakené terokó kaae tapa dóló tokó faaróló, ai hae kwia Israel fake so wh̄imó mo ti malepó.

²⁰ Isip hae kwiapaae fele ba fomó kaae sóró wóló, weikeró doasi be hulua dóló torokó fale ba fomó sókó wouraalu, 450 ba fo kemeyalepó. Ai alarape deté wóló k̄ilipaae Kótóné kale Israel wh̄iné bõe topo wh̄i sóró daalaté weipakalepó. Até deté wóló, Kótóné k̄óló wh̄i Samuel betale alimó sókó walepó.

²¹ Atéró, Kótópaae atima kaae tawaaire topo wh̄ikó sóró beterae yóló wosetu betalepó. Tétepa, Kótóné Benjamin fake wh̄ikó Kisya naalema Sol topo wh̄i *Kin* sóró beteraalepó. Ai wh̄i doasi *Kin* betepa, ba fo wh̄i siki tamo kemeyalepó.

²² Téyaletei, nalo Kótóné Sol taaróló ă betale sirimó Depit topo wh̄i *Kin* sóró beteraalepó. Kótóné Depit k̄aae kelalemó, ă wh̄i wisinaalepa, i fo yalepó. 'Jesi naalema Depit-ta, mo wh̄i wisinaalepó. ăta, yãlo kisipa kaae muluraalu, yãlo erae, dere ala mo fea ama erótu betaalopó,' yalepó.

²³ Yesuta, Depit-né deyale fake wh̄ikó betané deyalepó. Atéyale Yesu ă Kótóné Israel fake so wh̄i mo ti aluyaqsóró tao saaire wh̄i diã beterepaae dotonaalopóló muló betere fo mo eróturaalu, ai dotonó betere ape.

²⁴ Mo take Yesuné ama kutó kaae sóró diyaai epatei, folosóró Jon-pi wóló, Israel so wh̄i feapaae Kótóné fo tuę yópóló yó mótu betalepó. Atéró yó mótu duraalu, 'Diãné du betere dowi ala taaróló kisipa tiki fetepa, ti yãlo diã weĩ tópuraaalopó,' du betalepó.

²⁵ Téró, Jon-né ama diyale kutó kemeraairaalu, i fo yalepó. 'Diaağ tuęné ęta, kale waalopó du betale wh̄i nisi yağse. ęta, diaağ kaae tawóló betere wh̄i meipa, i fo betã wosae. ăta, yãlo k̄ilipaae waalo ai ape. Ti ęta, ă kaae wh̄i wisi bitinireteiné ama hó bené k̄épikélé yãlo teraayaaire mo sunipó.'

²⁶ Yãlo norape-ó, diãta Abraham-né deyóló fakerale naaleraperó Kótópaae wituraalu, ă aomó sukóló betere Juda meire fake so wh̄iné deyóló fakerale so wh̄itamo da fea aluyaqsóró dapesó faalopó, ere fo Kótóné mo ai eró betere ape.

²⁷ Jerusalem bemó betó mole so wh̄iró atimané topo wh̄irapetamoné Yesuta, dă aluyaqsóró tao saaire wh̄ipó tuę munipó. Téró, Kótóné k̄óló wh̄irapené ašemó ere fo *fula* dokó fea dosãtu bitutei wosóló kisipa munipó. Kale ašemó ere fotei dokonóturaalu, atimané ă mo ti sukópóló dae yóló só deralepó.

²⁸ Atimané Yesu daai kisipa mutu, ă tuãmó me dowi ala kwiakó muléró tale yaleteti, me ala mupa kilinipó. Atépatei, atimané Pailat-paae duraalu, 'Ă sinópóló dae,' yóló sētu betalepó.

²⁹ Ai alarape yóló kemetepa, kale ašemó ere fo mo dokonóturaalu, filipaa ni tómó olepa, tokóló dourãle felepó.

³⁰ Téyaletei, Kótóné ă dou dolomó mupa kepaaralepó.

³¹ Atéró kepaayóló bitu, take betale Kaleli be taaróló, Jerusalem bepaee ătamo wale wh̄irapené ă kepaayóló betere ala kelalepó. Atéyale ala kelale wh̄irapené dă Juda fake so wh̄ipaae yó mótu beteraapó.

³² Kótóné dãné ayarapepaae duraalu, yãlo diãmó take i ala eraalopóló mulale fo wisi dãné diãpaae mió i yó matapa wosae.

³³ Mo take Kótóné dãné noutererapepaae duraalu, 'Diãkélé diaağ deté faaire naale senaalekélé, atima aluyaqsóró tao saalopóló muló beterepó,' Ai fo dokonóturaalu, Kótóné Yesu ai kepaaró betere ape. Ti ai yóló muló betere fota, *buk Sam sapta* 2-mó asęrapó. Kótóné duraalu,

'Yãta, yãlo naalepó. Mió ę naao aya alée felepó,' erapó.

³⁴ Atéru, Yesuné tiki dou dolomó k̄elaa yópóló taaréni, kepaaró beteraapó. Atéyaalopóló, mo take ašemó erapó. Ai fo i ape.

'Yãlo Depit-paae hãle melaalopóló, kae muló betere ęla ama ere fo dokonóturaalu, yãmó mo melaalopóló,' erapó.

³⁵ Ai fo kaaetei, Sam-mó duraalu, 'Naaota, kale dowi alakélé, inire wh̄i wisiné tiki hãle dou dolomó k̄elaa yópóló kaae tawaalo meipó, fo aseyóló muló beteraapó,' erapó.

³⁶ Ti noatepaae, Depit doasi so wh̄i kuamó Talené kutó dité fu beteró sukãle wh̄itei, sinitepa atimané alimarapetamo betãmó douróló ama tiki ai k̄elaa yale ape.

³⁷ Depit-ta até yaletei, ama Naale wisinaale, ti Kótóné dou dolomó mupa k̄elaa yópóló kaae tani, ama kepaaralepó.

³⁸ Térapa norape-ó, dãné i yó matere fo wisi mo wisiyóló wosóló kisipa tiki tirae. Ai wh̄iné dãné dowi alamó saai yale kwia ama tokóló taae faralepó.

³⁹ Kale Moses-né asęre foné dãné dowi ala tokóló kemeróló, wh̄i wisi beteranipó. Téretei, Yesuné dă kepaayóló betaaire fo wisi yó materetei wosóló kisipa fetetepa, ti dãné dowi alamó kwia saairetei tokóló kemeraalopó.

⁴⁰ Kótóné k̄óló wh̄irapené i ala yaalo ai ape yale fo diãpaae eraqsóró, mo wisiyóló kaae tawae. Ai fo i ape.

⁴¹ 'Diã faletere wh̄irapené i dere fo wosae. Yãlo ai depa kolóló sira deté fu

beteró deté fu beteró, sinituraalu aluyae. Yalo doasi ala yaalopóló me whínékélé diápaae depa, wosóló tué tiki tiraalo meípó; fo aseýóló muló beterapó;” yalepó.

⁴² Ai fo du beteró Pol-ró Banabas-tamo ai fo wosetere be taaróló faaitepa, kale be whí so whíné duraalu, “Diaamo momó kale fo wisikó uté waaire *fula*-mó yó melale waasepólópó;” yalepó.

⁴³ Atima ai fo wosetere be taaróló, belapaae sókó felepó. Téró, Banabas-ró Pol-tamo fupa Juda so whíró Juda meire fake so whítei, Juda so whíné dere ala yó tare so whítamo kale whítamo sya wapa, atimaamoné duraalu, “Diá Kótóné kolené sukuturaalu, hãle matere ala tuámó betó tawópóló yae,” du betalepó.

⁴⁴ Téró, me *fula*-mó fo wosetere be demó ai be huluamó betó mole so whí Kótóné fo wisi wosaairaaalu, wóló betó molepó.

⁴⁵ Atétepa, atimaamoné yó mótu betere fo wosó tawóló betó mupa, mepaae Juda whírapené kolóló, atimané dere fo wosaai ai ala uşóró wisi uşpóló dei kisipa muturaalu, Pol-ró Banabas-tamoné dere fo teteróló, kae kae fo du betalepó.

⁴⁶ Atétepa, Pol-ró Banabas-tamo né halaainé duraalu, “Kótóné fo dāmoné diápaae yó melaai yalemó, diá wosetere hq yalepó. Tétepa, mió dāmoné diá sisó eróló, Juda meire fake so whí betó molepaae i kale fo wisi yó melaairaaalu fulapó. Ti aita hãle mei, diá Kótóné mo ti betere ala sere hqre aqrapó.

⁴⁷ Talené dāmpaae i ala yae yóló mulalepó.

Ihae kwia feamó betó mole Juda meire fake so whí diliki tuámó betepa derópóló yalo diá sóró beteralepó.

Ai dené hae kwia dokó feamó betó mole so whí aluyaşóró tao sene fae erapó;” yalepó.

⁴⁸ Kale ai Juda meire fake so whí atima ai fo woseturaalu, mo doakale hãjné sinóló, Talené fo hale sóró horótu betalepó. Talené ama taketi mo ti betere bete saalopóló muló betere so whí feané ai fo wosetu āpaae tué tiki tiralepó.

⁴⁹ Tétu, Talené fo wosóló hae kwia feapaae fakeralapó.

⁵⁰ Atétepa, Juda whírapené topo whírapaaekélé, mepaae Juda meire fake sorapekó Kótópaae winé sukóló betó mole doi mole sorapepaekélé, Pol-ró Banabas-tamo fopaae buópóló, sesemeraté kweyalepó. Até deté kweýóló atimaamo ai be hulua tuámó beteretei, taaróló hqkó faralepó.

⁵¹ Atétepa, faairaaalu diaaq dere dowi alamó dāmo i fole ape yóló, atimaamoné hó

bemó ere hae terepeýóló Ikoniam bepaae felepó.

⁵² Téró, furaalu Talené ala eró tare whí tamo tuámó Deí Kepe Wisi řanuraalu, mo doa hqkesené sukuté fu betalepó.

14

Pol-ró Banabas-tamo Ikoniam-mó Kótóné fo yó maletei

¹ Téró, Ikoniam bemó Pol-ró Banabas-tamo dua dere kaae, Juda whírapené fo wosetere be dolopaae holalepó. Téró, atimaamoné mo wisiyóló yó matere foné, Juda so whíró Juda meire fake so whítamo hosaamó suraalu, mo dekeró so whí kisipa tiralepó.

² Téyaletei, kisipa tiki tirénire Juda so whíné ai dere fo hq yóló, mepaae hãle betó mole Juda meire fake so whíné Keriso so whítamo fopaae buópóló sesemeralepó.

³ Atétepaitei, Pol-ró Banabas-tamoné woseni, faleýóló Talené fo betā halaainé daalu, řlo sukamó yó maté fu betalepó. Atéró, yó mótu betepa, Kótóné ama kolené sukuturaalu, hãle tao sere fo wisi kapala fo nisi yaşóró, kolóló sira yaaitere alaró kelemei alatamo erópóló, Talené atimaamopaae mo şurapó.

⁴ Ai be huluamó betó mole so whí bukótamo yóló, mepaae Juda whírapetamo muó, mepaae ti Yesuné fo yó matere *aposel* whírapetamo muó, yalepó.

⁵ Atéró řilipaae, Juda so whíkélé mepaae Juda meire so whíkélé, mepaae topo whírapekélé, betāpaae touró bitu, Pol-ró Banabas-tamo kane duné siriyóló daalopó yóló fo deyalepó.

⁶ Até yaai yaleteti, kale whí tamo daalopó dere fo woseturaalu, ai be taaróló Likonia hae kwiamó řene be Listra be huluaró Derbe be huluatamomó kutu betalepó.

⁷ Atéró, Kótóné ama mió wosetere kisi fo wisi yó maté kweyalepó.

Pol-ró Banabas-tamo Listra bemó fo yó maletei

⁸ Téró, Listra be huluamó betā whí hamané depemótei hqleke dowi beterepó. Atéru, ā mo sawa turukókélé feni, betere tikimótóró hãle betó tarepó.

⁹⁻¹⁰ Atéturaalu, Pol-né yó matere fo mopóló wosó tarepó.

Pol-né ai whí kikeró kaae tawalemó, ama kisipa tiki tiró betere alané ā şumó wisiranérapóló kisipa mutu āpaae duraalu, “Ya turukó holóló, naao dore hqleke donoyóló daayae,” yalepó. Tétepa, kale whí turukó holóló kweyaaai kaae salepó.

¹¹ Ai so whíné Pol-né yale ala kolóló Likonia be foné “Haió, ita, mo kótó tamotei dorowóló mo whí alée fóló dā tuámó i betere ape,” yalepó.

¹² Até ró atima kisipané Banabas-ta, ti atimané kótó Susi nisiyóló, ai doi mulóo, Pol-ta fo dere wh̄i betepa, atimané fo fosó fosó dere dere kótó Hermes nisiyóló, kótó Hermes doi mulóo, yalepó.

¹³ Até ró, atimané kótó Susipaae moma dere beta, doasi be t̄u aupalo d̄emó t̄enepó. Ai moma dere be kaae tare wh̄ikélé, mo so wh̄ikélé, atima mo fea wóló Pol-ró Banabas-tamopaae hupu dóló momaraairaalú, w̄a *bulmakau* hupuraperó ne fuané aleyóló depa dere meleketamo sóró, ai be hulua bopéró betere tipi t̄u serekemó sókó walepó.

¹⁴ Até du betere fo Pol-ró Banabas-tamoné wosóló ai ala yaqsóro sesé duraalu, atimaamoné deró betere kuti bis̄ayalepó. Até ró bis̄ayóló sururu yóló fóló, kale be wh̄i so wh̄i wó mole kua dolomó fo fake yóló duraalu, “Dīané aita noa ala du bitu de?”

¹⁵ D̄amo Kótó mei, d̄a fea bet̄a tiki daale wh̄i i ape. D̄amota, kale mió wosetere kisi fo wisi dīapaae yó melaaairaalú, sóró wale wh̄i tamo i ape. T̄erapa, ai betekélé munire kapala kótópaae hupu dóló moma dere ala taaróló, mo ti betere Kótó, haekélé, s̄akélé, w̄ei k̄elakélé, ere ̄la ̄lakélé, fea aleyóló muló betere Kótópaae bet̄a kisipa tiki tiróló betae.

¹⁶ Mo take bitiré wale ba fo dok̄o hae kwia feamó betó mole so wh̄iné kisipa mutere ala yaai dow̄aae fu betepa, Talené atimapaae até ekésé yóló sesé ini, atimané tué mole ala yópóló taalalepó.

¹⁷ Téyaletei, Kótóné amatei ̄a mo betere-apóló kisipa muópóló, dīa tao sóró wisi ala eróturaalu, d̄amó hali alikélé suka alikélé, ba fo alikélé, fea Talené alótu beterepó. Ti até dere alata, dīa Halné sukóló beterepóló Kótóné ama eratapó,” yalepó.

¹⁸ Atimaamoné ai be wh̄i so wh̄ipaae atei ala wisinipa ekésé yóló sesé yaleteti, mo dow̄aae felepó. T̄éturaalu, felekemó atimaamopaae hupu dóló momaraai yalepó.

¹⁹ Téró, mepaae Fisiria hae kwiamó t̄ene Antiok beró Ikoniam betamomó betó mole Juda wh̄irape atima fea Litra be hulua-paae tour̄ale walepó. Até ró touró bituraalu, Pol-ró Banabas-tamopaae fopaae buópóló sesemeratere fo yalepó. Até ró, kapo duné siriyóló daletikimó, Pol mo ti sinale nisiyóló kale sek̄erapené ama tiki s̄iyóló sóró, ai be hulua bopéró betere tipi t̄u aq̄paae taae de-ralapó.

²⁰ Até ró mupa, Talepaae kisipa tiró betere wh̄irape bopéróló daae mupa, kale seké ̄a turukó holalepó. Até ró, ̄a dale bepaaetei momó felepó. Téró, ai h̄ika ti Banabas atimaamo Derbe bepaae faai felepó.

Pol-ró Banabas-tamo Siria hae kwiamó t̄ene Antiok bepaae fesaee fele fo

²¹ Atimaamo ai be huluaamó Kótóné mió wosetere kisi fo wisi yó melale tikimó, so wh̄i mo dekéró Talepaae kisipa tiralapó.

²² Até du betere nalo atimaamo momó Litra be huluaamókélé, Ikoniam be huluaamókélé, Antiok be huluaamókélé, Talepaae kisipa tiró betere so wh̄i atima ere alatóró yó tanópóló, ketek̄eró fotok̄otamo bulatere fo yó melaté felepó. Até ró, yó mótu duraalu, “Dīané kisipa tiki diriyóló bitu, Tale Kótóné t̄eteróló daale aq̄paae sókó faaitepa, ti doasi sek̄ei ala tūamókélé bitiré fu betaalopó,” yalepó.

²³ Téró, Pol-ró Banabas-tamo mepaae be hulua dok̄o Keriso so wh̄i kaae tanópóló, Keriso dirire wh̄i disirape sóró betereótua deté kweyalepó. Até tua yóló, atima ̄la weyóló bituraalu, Talepaae kisipa tiró betere so wh̄imó atimané tué tiki tiratere alamó Talené atima wisiyóló kaae tanópóló momaralapó.

²⁴ Atimaamo ai so wh̄imó momaróló, Pisisidia hae kwia tūamó fóló, momó kale Pampilia haemó sókó walepó.

²⁵ Aimó atimaamo Perka be hulua so wh̄ipaae Talené mió wosetere kisi fo wisi yó melóló, Itali bepaae felepó.

²⁶ Ai w̄ei fókumó t̄ene Atelia bemó atimaamo w̄ei nukumó Antiok bepaae walepó. Ai bemóta, take atimaamo Talené kutó dirópóló Keriso so wh̄iné Kótópaae momaróló sóró beterelepó. Até ró, Kótóné ama k̄oleturaalu, tao sóró dirae yale kutó diyóló kemeróló, kale bepaae momó fesaee walepó.

²⁷ Atimaamo até ró fóló bituraalu, kale Keriso so wh̄i mo fea touróló betó mupa, Kótóné atimaamo fotok̄oratepa erale alarape fea yó melalepó. Até ró yó melótu duraalu, Juda meire fake so wh̄iné Kótópaae kisipa tirópóló, Kótóné amatei t̄u tuk̄yóló mulalepó yalepó.

²⁸ Ai forape yóló, Yesuné ala eró tare so wh̄itamó doa f̄lo sukamó bitiré felepó.

15

Jerusalem bemó tourale fo

¹ Mepaae Judia hae kwiamó betó mole wh̄irape Antiok bepaae dorowóló, ai bemó betere Keriso norapepaae etei fo yó mótu betalepó. “Dīa Moses-né as̄ere fo aq̄mó bituraalu, diaaó tiki sekaé tikini depa, ti Kótóné dīa mo ti aluyaqsóro tao saalo meipó,” du betalepó.

² Kale wh̄irapené ai fo du betepa, Pol-ró Banabas-tamoné ai wh̄irapetamo mo doasi fo tok̄otamo yóló atei kaae fo yó makesé yóló foné u só derótu i só derótu du betalepó. Até du betere, Antiok Keriso so wh̄iné Pol-ró Banabas-tamo yóo, mepaae tué tiki tiró betere Keriso wh̄irape yóo, yóló

Jerusalem bepaae doteyaai sóró beteralepó. Ti aita, Kótóné ama *apospel* whjrapero whj disirapetamopaae i du betere fo moé? yóló wosene fópóló yalepó.

³ Téro, Keriso so whjné atima dotonatepa furaalu, Fonia hae kwiaró Samaria hae kwiatamomó i fo yó melaté felepó. “Kale Juda meire fake so whj atimata, Talepaae tué tiki feteyóló betó mulapó,” deté fu be-talepó. Ai fo dere woseturaalu, ai be hulua-mó betó mole Keriso norape atima hajné sukutu betalepó.

⁴ Téro, atima Jerusalem be hulua-mó sókó felemó, kale *apospel* whjrapekélé whj disirapekélé, Keriso so whj kélé, atima mo wisiyóló dape salepó. Téro, Pol-ró Banabas-tamoné Kótóné atimaamo fotokoratepa erale alarape fea atimapaee yó melalepó.

⁵ Téyaletéi, mepaae Farisi fakekó Talepaae kisipa tiró betere Keriso whjrape turukó holóló duraalu, “Ti ai Juda meire fake so whj Moses-né asere fo aqomó sukóló betó, atimané tiki sekaé tukóo, yópóló yae,” yalepó.

⁶ Atétepa, kale *apospel* whjrapero whj disirapetamo fea ai fo donoraai betapaae tourale walepó.

⁷ Atima ai forape du betero kemetepa, Pita turukó holóló duraalu, “Norape-ó, kale Juda meire fake so whj Kótóné ama kisi fo wisi yalo kólóné eratepa, wosóló tué tiki tirópóló, mo taketi Kótóné dā tuamó ę sókó sóró beteraletei diaaq kisiparapó.

⁸ So whj feané tué tiki tuamó mole ala keletere Kótóné Juda meire fake so whj dape sere ala yó móturaalu, Deji Kepe Wisi dā melale kaaetóro atimakélé malepó.

⁹ Ama dāpaae kae ala eróo, atimapaee kae ala eróo, ini, atima tué tiki tiratere alanéte, atimané hosaa tuamó mole dowi ala tokóló taae faróló wisiralepó.

¹⁰ Térapa, diaaq Kótó sūrémóló kaae ke-laairaalu, ai Keriso so whjné huluma sekei ala noatepa belerótu de? Mo take dāné ayarapenékélé, dānékélé, atei kaae sekei ala beleyaaire mo sunipó.

¹¹ Dāné atei kaae fo mo enénipó. Tale Yesuné ama kōlené sukuturaalu, aluyaqsóro hāle tao sere alané dā tao su dere kaae, atimakélé atétóro dapó,” yalepó.

¹² Téro ai touró betere so whj fea fo tekeni, Banabas-ró Pol-tamoné dere fo wosaai, dua betó molepó. Atéro betó mupa, Kótóné atimaamopaae kae kae kelemei alaró me ala yaai deremó eratere alatamo Juda meire fake so whj kuamó eraté kweyale fo yó mótu betalepó.

¹³ Atimaamoné ai fo yóló kemetepa, Jems ą turukó holóló duraalu, “Norape-ó, yalo i dere fo wosae.

¹⁴ Folosóro kaae su, Kótóné ama kōlené sukuturaalu, Juda meire fake so whj ama

fake beteraai kisipa mutu, ere ala take Simeontei me doi Pitané dāpaae yalepó.

¹⁵ Take Kótóné ama kōló whjrapenékélé ai tué muturaalu, i fo aseýóló muló betera-pó.

¹⁶ I ala yóló kemetepa, Depit-né tēyale be fisikó fóló molete, ę wóló yalo momó tēyaalopó. Mepaae kelaa yóló doyale ęla ęlarapekélé fea yalo aleyóló mu-laalopó.

¹⁷⁻¹⁸ Fisikóló momó tēyaalopó dere fota, ti Juda meire fake so whjro mepaae dosāni tukó fale so whj tamo Talepaae wópóló tēyaalopóló erapó.

Ti noatepaae, ai ala eraalopóló ere Tal-ené ama fo dokonótu ai ere ape.

¹⁹ Térené yalo kisipané kale ai Juda meire fake so whj Kótópaae tué tiki tiratēpatei, dāné atimapaee doasi sekei ala eraalo meipó.

²⁰ Atei ala ini, atima etei kaae ma fotei aseýóló dotēyaalopa sae. ‘Kapala kótópaae moma yóló detere hupu ó na naqse. Mené so ó whj ęlémi nokole alakélé, hupu ó na depamó képi duwóló sukuteretei nokole alakélé, na ó hupu samea nokole alakélé, mo yaqse,’ yaalopó.

²¹ Ti noa betené dumipó. I fota, mo taketi Moses-né asere fo atima betere be hulua-arapemó yó melaté waletéi, feané tuęrapó,” yalepó.

²² Atéro, *apospel* whjrapero Keriso whj disirapetamokélé, mo Keriso so whj kélé, fea betapaae touróló, atimakó whj tamo Antiok bepaee dotonaai sóró beteraai tale yalepó. Téro, kale so whjné Pol-ró Banabas-tamo atima fea fópóló Judas me doi Barsabas-ró Sailas-tamo sóró beteralepó. Ai whj tamota, ai bemó betó mole Keriso so whj dapesó fu betere whj tamopó.

²³ Téro, ai dotēyaaire whjrapené só fópóló, i fo aseýalopó.

“Dā *apospel* whjro whj disirapetamota, diaaq norape i ape. Dā feané diā Antiok bemó Talepaae kisipa tiró betere Juda meire fake norapepaaekélé, Siria hae kwiamó betó mole norapepaaekélé, Silisia hae kwiamó betó mole norapepaaekélé, mo doa kōleó, dapó.

²⁴ I dere fota, dāko mepaae whjrape diā beterepaae wóló yale foné diaaq kisipa seke yalepó depa, dāné wosalepó. Ti ai whjrapeta, dā Keriso so whjné dotoréni, atima koleýaané diā beterepaae wóló, atimané kisipa mole fo ai ere ape.

²⁵ Norape-ó, até dere alamó dā fea betapaae touróló bitu, dākoitei, whj tamo sóró betero, dāné hosaa mole no Banabas-ró Pol-tamo yóo, yóló diā beterepaae ai dotonaterē ape.

²⁶ Ti ai whj tamota, dāné Tale Yesu Kerisoné fo yó melaté kotepa atimaamo

daqsóro wini, halaainé Kótóné kutó diraté kotere whi tamopó.

²⁷ Térapa norape-ó, dané aseýale fo kaaetóro Judas-ró Sailas-tamoné kolónékélé yó melaalopa wosae.

²⁸ Dané tuénékélé, Deji Kepe Wisinékélé, i ala kolólo mo wisirapólo kisipa moleteiné i fo betá dapa, wosae.

²⁹ Kapala kótópaae momatere hupu ó nakélé, Hupu ó na sameakélé, na ó hupu depamó képi duwólo sinitereteikélé, mené so nópu nokole alakélé, mo yaqse. Atei alarape initepa, mo wisirapó. Diá fea mo doa kóléó," dapó.

³⁰ Téró, kale doteyale whjrape Antiok bemó sóko fóló, ai kale Keriso so whi mo fea betápaae tourólo betó mupa, kale *fas* malepó.

³¹ Atéroró, ai bemó betó mole Keriso so whiné ai *fas*-mó aseýale foné atima hosaa diriralepó.

³² Judas-ró Sailas-tamokélé, Kótóné koló whi tamo ereteiné Keriso so whi fotokórolo keteké bulatere fo mo dekeró yalepó.

³³ Atétu betoró, atimaamo aimó betó mole Keriso so whitamó mepaae be derape betalepó. Atéroró, momó atimaamo dotonale Keriso so whi beterepaae fópólo dotonaaai duraalu, "Kótóné diaamo hosaa muni deyólo dua betere ala erópólo yae," yólo dotonalepó.

³⁵ Atétepa, Pol-ró Banabas-tamo Antiok bemó bitu, atimaamonékélé mepaae whjrapenékélé, so whjpaae Talené fo yó melóo, Keriso so whjpaae Yesuné dere ala etéropólo yó melóo du betalepó.

Pol-ró Banabas-tamo tekeyólo fele fo

³⁶ Atétu betoró, nalo me sukamó Pol-né Banabas-paae duraalu, "Damo take folosóro Talené fo yó maté kweýale be huluarapepaae dané no nerape netéroró betoró keleté kweýaai faalopó," yalepó.

³⁷⁻³⁸ Atéroró, Banabas-né Jon me doi Mark-kélé, atimaamotamo faai yaletei, Pol-né á faalo meipó yalepó. Ti noatepae, take folosóro Pampilia bemó Talené kutó di-raalopó yalemó, á hýyólo atimaamo taarólo fesaee feleteinépó.

³⁹ Atimaamo atéroró dóroi du betoró tekeyólo Banabas-né Jon-tei, me doi Mark dape sóro weiné bopéro daaló betere hae kwia Saiprus-paae whi nukumó faai felepó.

⁴⁰ Tétepa, Pol-né á tamo faaitere whi Sailas dape sóro atimaamo faaitepa, Keriso norapené duraalu, "Talené kólené sukutu, hále tao sere alané diaamo wisiyólo kaae tanópólo yae," yólo dotonalepó.

⁴¹ Téró, atimaamo Siria hae kwiaró Silisia hae kwiatamo tuámó Kótóné betápaae tourólo betó mole Keriso so whi fotokó bulaté felepó.

16

Timoti Pol-tamo fele fo

¹ Pol á Derbe be huluaapaae fóló nalo Lистра be huluaamó sóko felemó, ai bemó Yesuné ala eró tare whi betá ama doi Timoti beterepó. Ama hamata, Juda fakekó Talepaae kisipa tiró betere sotei, alimata Krik fake whjpo.

² Ai Lистра be huluaamó betó mole Keriso noraperó Ikoniam be huluaamó betó mole norapetamoné Timotita, Keriso whi wisinaalepólo dukirótu beterepó.

³ Pol-né Timotikélé á tamo kweýaai tué muturaalu, Timotiné tiki sekaş tukópólo yalepó. Ti aita hále mei, Timotiné alimata Krik fake whjpo ai be hulua so whi feané kisipareteiné Juda fake dée nalaqsóro yalepó.

⁴ Atima atéroró, ai be huluarape dokó kulturaalu, Jerusalem bemó betó mole whi disiraperó *aposel* whjrapetamoné Keriso so whiné wosólo, aqmó beterepólo aseýale fo dosáayólo yó melaté felepó.

⁵ Atéroró yó matere fo woseturaalu, ai be hulua dokómó betó mole Keriso so whi Talené alamó fotokó bualepó. Até dere kilituraalu, mepaae hále betó mole so whi atima Talepaae kisipa tiraleta yaleteiné be detere dokó Keriso so whi fakeraté fu betalepó.

Pol-né nokenaró dere kaaené Masedonia whi kelale fo

⁶ Pol-ró ama fulumu whjrapetamo Esia hae kwiaapaae kale fo wisi yó melaté faqsóro Deji Kepe Wisiné sesé depa taarólo, Frisia hae kwiaró Kalesia hae kwiatamomó maaté yó maté felepó.

⁷ Atéroró, atima Misia hae kwiaró Bitinia hae kwiatamo dalemó sóko wólo, Bitinia hae kwiaapaae faai yaletei, Yesuné ama dotonale Deji Kepe Wisiné aipaae faqse yólo sesé yalepó.

⁸ Atétepa, atima Misia hae kwia dekerólo Troas bepaae derepelepó.

⁹ Atéroró, dikitamo Pol-né nokenaró dere kaaené Masedonia whjko wólo kema yólo turaalu, "Dá Masedonia hae kwiamó betó mole so whi tao sene ape," yalepó.

¹⁰ Até dere ala kolólo, mo ai fapótóroti dá turukó horólo, kale Masedonia hae kwia-paae faairaalu, ọla ọla sisólo mulalepó. Ti noatepae, Kótóné mió wosetere kisi fo wisi Masedonia so whjpaae yó melale fópólo, dá dotetapólo kisipa mualepó.

Lidia Kótópaae kisipa tirale fo

¹¹ Atéroró, dá faairaalu Troas bemó weji nuku sóro Samotres bepaae fóló, aimó fiyalepó. Téró ai híka ti dá Neapolis bepaae felepó.

¹² Neapolis be hulua taarólo Filipai be huluaamó sóko felepó. Ai be huluaata, kale Rom

Gavman-né doasi topo be ereteiné Masedonia hae kwia tuámó doi mulapó. Dá ai bemó betepa, mepaae be derape kemeyalepó.

¹³ Sãa nóló fo wosetere be demó, dá ai be hulua bopéro betere tipi tupaae sókó fóló derefelepó. Atéro, tipi aqró fole weí fókumó, Juda fake so whiné momaneta dere tiki ke-laai felemó, mepaae sorapekélé, wóló betó mupa kelalepó. Atépa, dá doropóló, Kótóné fo yó melaairaaluu kaae salepó.

¹⁴ Téro, ai yó matere fo wosetu betere sókó betané doi Lidiapó. Ai so á Taiyatira be whí soné sonaai kuti mepaae so whítamo dotonóló *moni* su beterepó. Ai so Lidia áta, Kótó aqmó naameyóló dua bitu, Talené doi sóró horótu beterepó. Atére so Pol-né yó mótu betere fo wosópóló, Kótónétei ama hosaa feteralepó.

¹⁵ Atéro, kale sokélé, átamó betámó betere ama fake so whíkélé, atima fea weí tópuralepó. Atéyale kílipaae kale soné dápaae duraalu, “Diaa tuénétamo é Talepaae kisipa tiró beteraépó depa, ti diá sawa be demó étamó betaalopa ape,” yóló dirií fo depa dá ama dere fo wosóló felepó.

Pol-ró Sailas-tamo dipula beterafe fo

¹⁶ Me sukamó dá momaneta dere tikipaae felemó, tumó betá wae sóró kutó diratere so seimale hokolata yalepó. Ai sota, dowi kepené fotokoratepa nalopaae yaaire ala kolóló i ala mo yaalopó dere fo mo dokonateremó doasi *moni* sóró á tetéroló kaae tare whirapepaae maleta dua yalepó.

¹⁷ Ai so seimalené Pol-sépi dá sya wou fo fake yóló duraalu, “I whirape atimata, Mo ó Taoró daale Kótóné kutó diratere whirapepó. Atimata diá mo ti aluyaqsóro tao saaire ala wisi i ape, yóló diápaae yó matere whirapepó,” yalepó.

¹⁸ Be detere dokó kale soné kale fo kaaetóro du betepa, Pol á hótepa fetée wóló dowi kepe foné sóró duraalu, “Yesu Kerisoné doimó dapa, ya ai senaale tuámó betereite taaróló sókó fae,” yalepó. Mo ai fo deretamotóro dowi kepe kale senaale taaróló sókó felepó.

¹⁹ Até dere ala kale senaale talerapené kilitu, atima take du betale kaae *moni* saai dere tu tikalepó kisipa mualepó. Téturaalu, Pol-ró Sailas-tamopaae doasi fopaae buóló atimaamo naasemó etée sóró tawalepó.

²⁰ Atéro, atima sóró betéro betere whirapetamo fo tekáairaalu, so whí ọla dotonótua dere tikipaae felepó. Atéro Rom *Gavman*-né fo tokóló taleyópóló sóró betéro betere whirapené ketelómó daalóló duraalu, “Atimaamota, Juda whinéitei dané be hulua dorópóló disirótu beteraépó.

²¹ Atimaamonéta, dá Rom *Gavman*-né yaqse yóló fo muló betere fo tukóló i ala yae yóló yó mótu beteraépó,” yalepó.

²² Téro, kale senaale talerapené dere alamó so whí mo fea atimatamo muni folo, Pol-ró Sailas-tamo só deratere fo du betalepó. Até du betepa, kale fo tokóló tale dere whirapené susupuratere whirapepaae atimaamoné kuti sokóló biyané fokosói ala yae yalepó. Ti fo depa, atimaamoné deró betere kuti sorokóló taae faróló fokosoi ala yalepó.

²³ Ai ala du betéro, *dipula* be kaae tare whiné naase tuápaae mulóló, ápaae mo dirií fo yóló duraalu, “I whí tamo botokó faqsóro mo wisiyóló kaae tawae,” yalepó.

²⁴ Téro, kale sekéné yale fo wosóló, á wituraalu kale whí tamo mo be ke tuá dolopaae beterafe felepó. Atéro, atimaamo botokó faqsóro ni fake dolopaae hõleke tamo deróló dulalepó

²⁵ Atéro bitu, mo dikitamó 12 *kilok* Pol-ró Sailas-tamo Kótópaae wole fo dere alaró momatamo deté fu betalepó. Atétu betepa, mepaae *dipula* bemó betó mole whirapené wosó tarepó.

²⁶ Téyalemó, mo doakale wii bao wóló be tao sóró worerale tikimó, ai *dipula* be tukélé, hãletei turukwe fóló whirape dulótua yale *sein* képirapekélé, fea whaaló yóló hãle teraae felepó.

²⁷ Atépa, kale *dipula* be kaae tare diki tare whí turukó holóló kelalemó, *dipula* be tu mo fea turukwe fóló mupa kelalepó. Atépa kilitu, ai whirape mo fea dapo dapo yóló fele nisi yóló ama sepakené átei ama daai yalepó.

²⁸ Até depa, Pol-né fo fake yóló duraalu, “Naaotei ya doraai kisipa maaqse. Dãta, botokó fení, mo fea i betó mole ape,” yalepó.

²⁹ Ti fo depa, kale diki tare whiné mepaae whirapepaae sã sóró ape yóló *dipula* be dolopaae fóló kelalemó, u ere alamó á Pol-ró Sailas-tamo betere aqmó deraapisa fóló muni dere felepó.

³⁰ Atéro, kale whí tamo dapesó fóló belamó daalo bitu, “Doa whí tamo-ó, é aluyaqsóro tao sópóló, noa alakó yaaloé?” yalepó.

³¹ Ti fo depa kale whí tamoné ápaae tokó mótu duraalu, “Ya Tale Yesu Kerisopaae kisipa tiki feteyóló tiratepata, ti Kótóné yakélé, naao fake so whíkélé, mo fea aluyaqsóro tao saalo ai ape,” yalepó.

³² Atéro atimaamoné Talené fo ápaækélé, ama bemó betó mole so whí feapaaekélé, yó melalepó.

³³ Téro, mo ai dilikitamotóro kale whí atimaamo daale tikimó dowaléyale tiki weí fokoralepó. Atéro mo tétitóro kale whí ákélé, ama naale senaale sokélé, mo fea weí tópuralepó.

³⁴ Atéro, kale whiné Pol-ró Sailas-tamo ama bepaae dapesó fóló, ọla melalepó. Téturaalu, kale seké ákélé, ama naale

senaalekélé, somakélé, atima fea Tale Kótópaae kisipa tiki tiróló bituraalu, hajné sukóló hekesse du betalepó.

³⁵ Téró, hika be detepa, kale fo tokóló tale dere whirapené diki tare whirapepaae duraalu, “Kale *dipula* be kaae tare whipaae ai kale whi tamo fópólópa, doteyae,” fo ene fópóló dotonalepó.

³⁶ Atéró wóló ai fo depa, kale *dipula* be kaae tare whiné Pol-ró Sailas-tamopaae duraalu, “Kale fo tokóló tale dere whirapené diaamopaae dua wisiyóló fae yó aló betepa, diaamo fae,” yalepó.

³⁷ Ti fo yaletei Pol-né ai whirapepaae duraalu, “Damo kikiti sókó daaróló mo faalo meipó. Ti noa betené mei, damokélé Rom faketamo touróló doi betámó mole whitei, diaaq damotamo fo tokóló wisiyóló taleni, hakeamó so whiné keletómó damo hale hoko doló sameatamo *dipula* beteralépó. Até yaletei damopaae kikiti sókó daalóló fae dere wisirapóló de? Ai ala wisinipa, mo atimatóró wóló damo sokotepa wisirapó,” yalepó.

³⁸ Ai fo depa, kale diki tare whirape fóló, topo whirapepaae ene felepó. Ai fo woseturaalu, atima kisipané Pol-ró Sailas-tamo kae fake nisi yaletei, Rom faketamo touró betrapó depa, woseturaalu atima wiyalepó.

³⁹ Atéró atimané Pol-ró Sailas-tamopaae dua naamei fo yóló duraalu, “Diaamo hale fópóló *dipula* sokotapa, i be hulua taaróló dua faasepe,” yalepó.

⁴⁰ Atétepa, Pol-ró Salasitamo *dipula* be taaróló Lidiané bepaae felepó. Atéró fóló kelalemó, aimó Yesu Kerisopaae kisipa tiki tiró betere hamomarape touró betepa kelalepó. Atépa atimaamoné atimapaee Tal-ené ala tuamó diriyóló beteropóló, keteke bulatere fo du betero atimaamo felepó.

17

Pol-ró Sailas-tamo daai yale fo

¹ Pol-sépi atima Ampipolis be huluaró Apolonia be huluatamomó bosenóló, Tesalonaika be huluamó sókó felepó. Ai be huluamó juda fake so whiné fo wosetere be tēnepó.

²⁻³ Téró, ai fo wosetere bemó Pol-né ama dua dere kaae *fula* soremó maaté a fóló Kótóné fo dosayayóló duraalu, Keriso susupu sóró sukaletei momó kepaa yalepó fo asemó eretei mo dokonóturaalu, ai yale ape. Ai fo yóló duraalu, yalo diappaee du betere whi Yesuta, me kaae mei, Kótóné so whi teteróló kaae tanópóló sóró betero betere Kerisomó dapó du betalepó.

⁴ Mepaae mo turó Kótó aqmó sukóló betó mole Krik fo bole so whi Pol-ró Sailas-tamoné dere fo mopóló kisipa mutu, atimaamotamo muni felepó. Até yale kaae, mepaae doi mole sorapekélé, mepaae tóróti Juda so whikélé ai alatóró yalepó.

⁵ Tétepa, Juda whirape dei tué muturaalu, so whi ọla dotonóló duputua dere tikimó, mepaae dowi ala du betere whirape dosayayóló dape siré kweyóló bõe dóló hõle sópóló sesemeratere fo yalepó. Atéró ai whirapené kale whi tamo so whi feané keletómó sýjóló só faai, kisipa mutu Jeson-né be bopéróló duraalu, “Pol-ró Sailas-tamo aimó betepa ipaae tóç derae,” yalepó.

⁶⁻⁷ Ti fo yalemó, kale seké tamo kilinitepa, Jeson-ró mepaae Keriso norapetamo sýjóló só fóló ai be hulua kaae tare topo whirape beterebó beterafe felepó. Atéró betero betepa, so whiné fo fake yóló duraalu, “I hae kwia feamó kuturaalu, so whiné betere ala doraté kutu betere whirape mió imó wóló betepa, Jeson-né dape sóró firó betrapó. Téró, dané topo whi Sisané muló betere fo tukóló, teteróló daale topo whi me Yesupó du betrapó,” yalepó.

⁸ Ai fo dere woseturaalu, mo so whikélé, doasi topo whirapekélé, atima fea ai dere fo bete kóló kóló duraalu, kae kae sekéi kisipa mualepó.

⁹ Atéró, kale topo whirapené Jeson-sépipaae duraalu, diā doteyaalopa *moniné* dupu yae depa, atima fópóló dupu yalepó.

Beria bemó yale ala

¹⁰ Téró, até yale dikitamo kale Keriso norapené Pol-ró Sailas-tamo Beria bepaae fópóló dotonalepó. Atéró atimaamo ai bemó sókó fóló juda whirapené fo wosetere bepaae felepó.

¹¹ Beria whirape atimané dere alata, Tesalonaika whirapené dere ala kaae ini, atimata mo kisipa mulu wisi ala dua yalepó. Beria whirapeneta, Pol-ró Sailas-tamoné yó mótu betere fo wosóló mo doasi hekesetamo keteke buóló i ala dua yalepó. Atimaamoné yó mótu betere fo dono démoló kaae kelaai, betere dokó Kótóné fo mole ase keletétóró fu betalepó.

¹² Téró, kale Krik fo bole whiraperó juda so whirapetamo mo turó Talepaae tué tiralepó. Mepaae doi mole Krik sorapekélé, téyalepó.

¹³ Téró, Tesalonaika bemó betó mole juda whiné Pol-né Kótóné fo Beria bemó yó mótu betrapó dere fo woseturaalu, atima Beria bepaae felepó. Atéró, fóló Beria so whiné Pol-ró Sailas-tamopaae fopaae buópóló sesemeratere fo du betalepó.

¹⁴ Atei fo wosetu, mo ai fapótóró mepaae Keriso norapené Pol whi fóku seseké fópóló

dotonalepó. Téyaletei, Sailas-ró Timoti-tamo ai Beria bemó beterepó.

¹⁵ Atétepa, Beria whíné Pol dapesó fóló, Atenis bemó dotyóló atima momó fesaae faaiterepa, Pol-né Sailas-ró Timoti-tamopaae à beterepaae hapale ape yae yalepó.

Pol Atenis bemó betale fo

¹⁶ Téró, Pol ai Atenis bemó kale whítamo kaae taru, ai be huluamó whíné aleale kapala kótórape hāle ɔla kaae yó mupa kilitu, ama kisipa tiki mo doasi seké yalepó.

¹⁷ Até dere ala kilitu, à Juda whíné fo wosetere bepaee fóló bituraalu, mepaae Juda so whíró mepaae Kótópaae winé sukutu, dua betó mole Krik so whítamo atima ai alamó fo kelaaraleta du betalepó. Téturaalu, mepaae aimó touróló ɔla dotonótu betere so whítamonékélé be dē dere dokó fo kelaaraleta du betalepó.

¹⁸ Ai be huluamó, doasi kisipare fake tamo Epikurian fakeró Stoik faketamo beterepó. Atépa, Pol-né kale mió wosetere kisi foné Yesu à mo ti sukāletei momó kepaayóló beterepóló yó melóo, àpaae kisipa tiki tiratere so whí à kepaatu yale kaae kepaayaalopóló yó melóo, du betalepó. Atéró yó matepa, ai kale fake tamoné àtamo fo tokóló só deraai kaae salepó. Ai fakerapekó mepaaené duraalu, hōko fo du betere whíné noa fokó yaai du bitu derópó yalepó. Mepaaené duraalu i whínéta dā kisipa inire kótóné fo eraai derópó yalepó.

¹⁹ Tétu beteró, kale Areopakus fake touraleta dere tikipaae atimané Pol dapesó fóló beteró bitu, àpaae woseturaalu, naao so whípaae ai yó maté kutu betere kisi fo dāmale kisipa yaaipa yae.

²⁰ Naao dere fota mo wosókélé ini, kisi fo depa dapa, ai foné bete dāpaae hākearóló yó melaasepé yalepó.

²¹ Atenis be whíró mepaae be torókóló wóló betó mole whírpetamo atima suka fea mepaaekélé fení, mo hāle betó taru atimané kae kisi ala yaairaaalu dere fokélé yóo, wosókélé yóo, du beterepó.

²² Atépa kale Areopakus whírape touraleta dere tikimó, whírape betere kuamó Pol à disó holóló duraalu, “Ti Atenis be hulua whí-ó, diāta, betere dokó mo wisiyóló moma yó tare whí betepa, yālo kelalepó.

²³ Diā betó mole tuamó ę kuturaalu ke-lalemó, diaaq moma dere kapo fakemó etei kaae fo aseýóló muló beterepó. ‘Ita, dāné kisipa inire Kótópaae moma dere kane fakepó,’ erepó. Ti diaaq à derópóló kóló kóló irutei, à aqmó dua bitu, momatere Kótó diāpaae i yó matapa wosae.

²⁴ Ai Kótóta, i haeró haemó yó mole ɔla ɔlatamo fea ama alerapó. Àta ó saró i haeta-moné Tale bitu, ɔla ɔla fea ama tēteróló

kaae tarapó. Téréné àta, mo whíné naasené tētere moma dere bemó bitinipó.

²⁵ Kótóta Tale beterepa, à mepaae ɔla ɔla yāyātepa, dāné tao sóró manére? Dā so whí beteró betere foró fea ɔla ɔlatamo dāmó hāle mótu beterepó.

²⁶ Mo take betā whínétei, i hae kwia feamó betó mole so whí deteyóló fake firópóló Talené ai whí aleyalepó. Téturaalu, atima betaaire hae kwiarapekélé, atima betaaire ba fo alikélé, mo fea amatei tukóló muló beterepó.

²⁷ Kótóné atéretei hāle ini, so whíné à kekóló kolópóló kisipa muturaalu erapó. So whíné à kelaai ketekē butupa, ti mo kelaalo ai ape. Àta dā so whí betere tiki saletópaae bitini, dā fea betere felekemó ai betere ape.

²⁸ Ti noatepa, dā betere beteta à tuāmótóró muluraalu, ama dā fotokó eratepa beterepó. Diā mepaae fo dolāterere whírpené duraalu, ‘Dāta, ama naale senaale beterepó.’ fo aseýóló muló beterepó.

²⁹ Téreteiné, whíné naasené aleyóló muló betere *kold kapané ó silpa kapané ó kaporapené aleale ɔlapaaetei*, noatepa kótópó du bitu de? Ti Kótóta, whíné kisipa fosó fosóre alané aleyóló muló betere ɔla kaae aqñipó.

³⁰ Take betale alimó mokōleyaa yóló bitu du betale alamó, Kótóné kwia tokó menipó. Atétu betaletei mió Kótóné mo doakale fotokó fo yóló mulóturaalu, hae kwiamó beteró fale so whí mo feané du betere dowi ala taaróló, tué tiki feteyóló betae fo erapó.

³¹ Ti noatepa meipó. Betā sukamó Kótóné ama sóró daaló betere whíné so whí mo feané yale ala mo dono tale yópóló ai be dē ama tukóló kae muló beterepó. Até yaairaaalu, à hāle whí nisi yaqsóro so whí feané kisipa yópóló à mo ti sukāletei momó kepaaróló beterepó,” yalepó.

³² A kepaayóló beterepó dere fo woseturaalu, mepaae so whíné faleýóló kae kae fo yaletei, mepaae so whíné duraalu, “Naao ai dere fota, me be demó diriyóló wosaalopó,” yalepó.

³³ Ai fo depa, Pol à fo tale dere tiki taaróló felepó.

³⁴ Betā betā whí Pol-né yó matere fo mopóló wosóló tué tiki tiralepó. Atima kuamó kale Areopakus whíkó Dionisius-ró betā so Damaris-tamokélé, Pol sya wóló, Talepaae tué tiki tiralepó. Mepaae so whíkélé tué feteyóló tiralepó.

18

Korin bemó yale ala

¹ Atéró kīlipaae, Pol Atenis be hulua taaróló, Korin be huluapaae felepó.

²⁻³ Téró, aimó Juda whǐkó Pontus bemó deyale whǐ Akuila betepa kelalepó. Ai sekéta mo dóti Rom *Gavman*-né doasi whǐ Kaladias-né Juda fake terekenatepa ǵ ama soma Prisila-tamo, Itali hae kwia taarólo walepó. Atépa, Pol ǵ ai soró whǐtamo beterepaae felepó. Akuilaró soma Prisila-tamo be teterere kuti dokotere soró whǐtamo betepa, Pol ǵkélé ai kutó kisipa ereteiné atima fea betámó bitu, ai kutó diyaai yalepó.

⁴ Atéror, Pol ǵ fo wosaae tukólo muló betere be de dokó fea Juda whǐrapené fo wosetere bepaae fóló, Juda so whǐró Krik so whǐtamo fea betápaee tourólo bitua yalepó. Atéror bitu Talené alamó fo tiki kǐlaarólo, Pol-né ama dere ala sya wópólo kisipa muturaalu, Talené ala hǵkǐarótu betalepó.

⁵ Téró, Sailas-ró Timoti-tamo Masedonia hae kwia taarólo Korin bepaae wapa, Pol ǵ kae kae kutó taarólo, Kótóné fo yó matere ala betǵ yó tawalepó. Pol-né Juda fake so whǐpaae etei fo yó mótu betalepó. “Yesuta mo hǵle whǐ mei, Kótóné so whǐ fea teterólo kaae tanópoló, soró daaló betere whǐpó,” du betalepó.

⁶ Téyaletei, Juda whǐrapené Pol-né yó matere fo atima kae foné teterólo ǵ doka doka yólo eraterere fotei du betalepó. Atétepa, Pol ǵ turukó holólo ama kuti terepetu duraalu, “Diaaǵ dowi ala tokólo aluraaire fo wisi depatei, diǵ wosetere hó dapó. Take diǵ doasi sekǐ ala supa ti ai yǵlo mei, diaaǵ yale alanétei diǵ alu yaalo ai ape. Térené mió ǵ Juda meire fake so whǐ beterepaae kale fo wisi yó male fulapó” yalepó.

⁷ Téró, Pol ai fo wosetere be taarólo ai felekemó betere whǐ Titius Jastus-né bepaae felepó. Ai sekéta, Kótópaee doasi wituraalu, aǵmó dua sukólo betere whǐpó.

⁸ Téró, Juda fakené fo wosetere be kaae tare topo whǐ Krispas-kélé, ama somakélé, naale senaalekélé, atima fea Yesupaae tué tiki feteyólo tiralepó. Ai sekéné mepaae Korin bemó betere so whǐpaae Talené fo yó male tikimó atima mo fea tué tiki feteyólo tiratepa, weǐ tópurótu yalepó.

⁹ Betǵ dikitamo nokoné dere kaae Talené Pol-paae duraalu, “Yǵ wiyólo dua hǵle betaǵse. Halaainé daalu, kale fo wisi yó matere ala hǵle yó tawae.

¹⁰ Ti noatepae, ǵta yǵtamo betámó betereiné me whǐné yapaae me dowi ala erólo doraalo meipó. Ai be huluamóta, ǵpaae kisipa tiki feteyólo tiraaire so whǐ betereiné atima feata yǵlo so whǐpó,” yalepó.

¹¹ Talené ǵpaae ai fo depa, Pol ai bemó Kótóné fo yó mótu betepa, ba fo betǵ kemeyólo me ba foné wélié apo miró kemeyalepó.

¹² Kaliota Akaia hae kwia teterólo kaae tanópoló Rom *Gavman*-né soró daaló betere whǐpó. Ama atéror kaae tapa, kale Juda so whǐ mo fea tourólo Pol-tamo fopaae buturaalu fo tokólo só deraai dapesó wólo beterepalepó.

¹³ Atéror, daapa Pol só deraai Kaliopaae duraalu, “I whǐnéta so whǐpaae Kótópaee momaturaalu, atéror yae yó mótu, kale asemó ere fo tukólo kópaee fópólo dere fotei du beterepó,” yalepó.

¹⁴ Atei fo depa, Pol-né atimapaee tokó matere fo yaai yalemó, Kalioné Juda so whǐpaae duraalu, “Ti i whǐné *Gavman*-né muló betere fo tikitere ala ó mepaae sawa hǵsókó fole ala uǵsóró, ti diǵné dere fo wosólo fo tokólo tale uǵpó.

¹⁵ Téretei, diǵné ǵpaae wosene wouraalu, hǵle fomó ó doi deremó maatépó dereteita, diǵ Juda whǐrapené yólo muló betere fopa, diǵsisitei tale yae. Atei alamó yǵlo diǵné dere fo taleyólo eraalo meipó,” yalepó.

¹⁶ Ti fo yólo, atima ai fo teketerere bemó betereitei belapaae hǵkó faralepó.

¹⁷ Ai kale fo tokólo taletere be belamótei kale so whǐné fo wosetere be kaae tare whǐ Sostenes tawólo fokosói ala yalepó. Atétepa, kale kaae tare whǐ Kalioné ai dere alamó fo mekélé ini, hǵle ǵla nisyalepó.

Akuila, Prisila, Apolos-sépi atimané yale ala

¹⁸ Pol ǵ Akuila-sépi somapiti atima ai Korin bemó be derape dekéro betalepó. Take ama Tale Kótópaee yólo mulótu duraalu, yǵlo topo niki mió folo hapale tikaalo meipólo mulalepó. Atéror yólo mulale be de kemetepa, ama topo niki Kenkria bemó tikalepó. Atéror atima faai furaalu, Keriso no nerapepaae kǵleo yólo Akuila-ró Prisila-tamokélé atima fea weǐ nukumó Siria hae kwiapaae faai felepó.

¹⁹ Atéror, atima Efesus bemó sókó fóló, ai bemó Prisila-ró Akuila-tamo betepa taarólo, Pol ǵ maaté Juda fakené fo wosetere bepaae fóló, Juda whǐrapetamo Talené ala etéropólo du betalepó.

²⁰ Ai fo woseturaalu, kale so whǐné ǵpaae yǵ dǵtamo betaalopó depatei, ǵ fulapó yalepó.

²¹ Atéror, ǵ faai Juda so whǐpaae kǵleo yólo duraalu, “Me sukamó Kótóné ǵ diǵ beterepaae wópólo tǵ mulatepa, ti momó fesaee wonérapó,” yalepó. Ai fo yólo kale seké Efesus be taarólo weǐ nukumó felepó.

²² Téyólo, Sesaria bemó sókó fóló ai be taarólo, Jerusalem bepaae holólo Keriso so whǐpaae kǵleo deté Antiok bepaae derepelepó.

²³ Ai bemó mepaae be derape betéror, nalo Antiok be taarólo, Kalesia hae kwiaró Frisia hae kwiatamomó tǵ mole be hulua dokó

feapaae felelepó. Atéro kuturaalu, Yesuné ala du betere so whjrape diri yóló beterópóló ketekę bulatere fo deté kwęyalepó.

²⁴ Pol ą até deté kutu betepa, betą Juda whjıkó Aleksandria bemó deyale whj Apolos Efesus bemó sókó walepó. Ai sekęta, skul yóló kisipare whj betereteiné Talené asemó ere fo mo wisiyóló kisiparapó.

²⁵ Apolos take mené Talené ala etérópóló ąpaae yó matepa, kisipa iruraalu yó mótu betalepó. Ata, Jon-né wej tópuratere alamaaté kisipa epatei, Yesuné yale ala mo doakale ketekę buóló so whjapaae mo donotóro yó mótu betalepó.

²⁶ Téro, ą Juda whjrapené fo wosetere bepaae fóló mo halaainé kaae sóró yó matere fo Akuila-ró soma Prisila-tamoné wosalepó. Atétu, mepaae fo bete ąpaae mo wisiyóló yó melaairaalu, atimaamoné bepaae dape salepó. Atéro bituraalu, Kótóné fo bete tokóló yó mótu betalepó.

²⁷ Atétu beteró, nalo Apolos Akaia hae kwiapaae faai depa, Efesus Keriso so whjiné ą ketekę bulatere fo, Akaia Keriso so whjiné ą mo wisiyóló dape sópóló, fea fo asewalepó. Atéro, ai ase sóró wej nukumó fóló malemó, tuę tiki tiró betere so whjiné ą mo wisiyóló dape salepó. Aimó bituraalu, Kótóné kólené sukutu tao supa, ąpaae tuę tiki tiratere so whj Apolos-né doasi tao sere ala du betalepó.

²⁸ Apolos-né Yesuta hąle whj mei, Kótóné so whj teteróló kaae tare whjóló tuę yópóló, Juda so whj feané keletómó Kótóné asemó ere fo yó mótu betalepó. Atéro yó mótu duraalu, “Yesuta, dą fea teteróló kaae tanópóló, Kótóné sóró beteró betere whjípó,” yalepó. Atéro, yó male foné Juda whjrapené yó matere fo teteralepó.

19

Pol Efesus bemó Kótóné fo yó maleteti

¹ Atéro, Apolos ą Korin bemó betepa, Pol ą du sorokó mole haemó fu beteró Efesus bemó sókó felelepó. Aimó, mepaae Talené ala erótu betere whjrape betó mupa kelalepó.

² Atépa atimapaae duraalu, “Dią Yesupaae tuę tiki tirale sukamó, Dęi Kepe Wisi saleé?” yóló wosalepó. Tétépa ąpaae tokó mótu duraalu, “Meipó. Dą ai Dęi Kepe Wisi beterapó fokélé wosenipó,” yalepó.

³ Ai fo depa, Pol-né atimapaae momó woseturaalu, “Ti dią noa kaae ala yóló wej tópualeé?” depa atimané duraalu, “Dąta, Jon-né wej tópurale kaae yóló tópuralepó,” yalepó.

⁴ Ai fo depa, Pol-né duraalu, “Jon-né wej tópurale alata, dowi ala taaróló kisipa feteyóló wale so whj tópurótua erapó. Atéro, wej tópurótu duraalu, “Ę wale kılıpaae betą sekę whj waalopa, diaąq dowi ala taaróló, ai

whjapaae kisipa tirae. Ti ai whjiné doita, Yesu ai ape,” yalepó.

⁵ Atima fea ai fo wosóló, Tale Yesuné doimó wej tópualepó.

⁶⁻⁷ Atéro, Pol-né atima tikimó naase mulalemó, kale Dęi Kepe Wisi atima tuąpaae bitj wóló fotokąratepa, kae kae be foné yóo, Kótóné kóló whjrapené dere fo kaae yóo, du betalepó. Ai wej tópurale whjrape touróturaalu, 12-rópó.

⁸ Téro, Pol ą Juda fakené fo wosetere bepaae fóló mo halaainé daalu yó mótu betepa, wélié sore kemeyalepó. Atéro, ai be whj so whjapaae Kótóné teteróló daale aqmó mole ala mopóló kisipa muópóló, diriiné wisiyóló yó mótu betalepó.

⁹ Týealetei, mepaae so whj Pol-né yó matere fo wosaalomeipóló dowąae furaalu, hąkeamó Yesu Kerisoné ala eratere fotamo bóe dóló faletu betalepó. Até depa, ai fo wosetere be taaróló Yesuné ala eratere whjrape maaté dapesó fóló, Tiranus-né doasi be dolomó, betere dokę fea kale fo wisi bete tokóló kęlaarótu betalepó.

¹⁰ Atétere alata, ba fo tamo tuąmó bituraalu, du betalepó. Atéro, yó mótu betale tikimó Esia hae kwia tuąmó betó mole Juda so whjkélé, Juda meire fake so whjkélé, mo fea Tale Kótóné fo wosalepó.

¹¹ Kótóné Pol fotokąratepa, mo kae kae kelemei alarape erótu betalepó.

¹² Até dere ala kilituraalu, mepaae kisi daale so whjór dowi keperape tepeyóló betó mole so whjrapetamo wisirópóló kisipa mutu, kąnatere kutiró fosono helekętere kuti kwiatamo só fóló, Pol-né tikimó wolaa yó seneta yalepó. Atéro, ai kuti só fóló kale hepo daale so whjór dowi kepe betere so whjtamóné tikimó olaa dua depa, hepo wisi yóo, dowi keperapekélé sókó fóo, dua yalepó.

¹³ Atéro, mepaae Juda whjrape atimanékélé, kale dowi keperape tepeyóló betó mole whjrapepaae duraalu, “Pol-né yó mótu betere whj Yesuné doimó yalo yąpaae dapa, yą whj tuąmó beteretei, taaróló sókó fae,” dua yalepó.

¹⁴ Téro, Kale Juda whjıkó so whjimó Talepaae momaratere topo whj Skipané naalemarape wejkeró beterepó. Ai naalerape atimanékélé, atei kaae ala du betalepó.

¹⁵ Ai ala du betaalemó, betą sukamó i ala yalepó. Kale whjiné tiki tuąmó tepeyóló betere dowi kepené atimapaae tokó mótu duraalu, “Yesuró, Pol-tamota, yalo tuęrapa, dią deé?” yalepó.

¹⁶ Ai fo yóló, kale dowi kepe tepeyóló betere whj kale naalerape tikipaae tuąwó horóló, dekei ala yalepó. Atéro mo ti dóló sininóló, kale wejkeró whjrape atima kutikélé fea sorokóló taae fatepa, sameatamo

belapaae tiki daapi hale sókó fóló, botokó dapo dapo yalepó.

¹⁷ Até yalepó dere fo kale Efesus bemó betó mole Juda so whíró Krik so whítamoné wosetu, atima winé sukóló Tale Yesuné doi hale sóró horótu betalepó.

¹⁸ Até deremó, mepaae mo dekeró so whí Yesupaae kisipa tiki tiróturaalu, atimané take du betale dowi alarape so whí feané keletómó Talepaae yó mótu betalepó.

¹⁹ Téturaalu, atimané kale hupu sekaémó isi whírapené dere ala aseýóló muló betere buk-rapemó mole ala sya fu betere whírape atimakélé, mo fea wóló, ai buk-rape sóró wóló so whí feané keletómó si bilirāleta du betalepó. Ai buk-rape dupuyale *moni* dokó sóró, 50,000 *silpa kapa moni* né dupuyalepó.

²⁰ Ai alarape yóló, so whí fea Talené fo wosóló fakeróturaalu, hae kwia feapaae ama fo doasi fotokó mo suralepó.

²¹ Atéyale kílípaae Pol ą Masedonia hae kwiaró Akai hae kwiatamo tuámó teýóló Jerusalem bepaae faai yalepó. Atéro, fóló nalo ti ą u Rom be huluapaae faai kisipa mualepó.

²² Téró, Pol tao sóró kutó ditere whí tamo Timotíró Erastus-tamo Masedonia hae kwiapaae fópóló dotonalepó. Atéro Pol ama wotoró Esia hae kwia tuámó sawa sukamó kutu beterepó.

Efesus bemó Talené ala eratere whítamo bóe dale fo

²³ Atéyale sukamó, mepaae mo so whírapené Tale Yesu Kerisoné ala eratere so whítamo dei kisipa mutu, kae kae eratere fo yóló bóe daai kaae salepó.

²⁴ Ai be huluamó *silpa kapané* ọla ọla aletere whíné doi Demitrias beterepó. Ai Efesus be huluamó kapala kótó Atemispaae moma dere be doasi tēnapó. Kale whí Demitrias-ró mepaae mo betā kaae kutó ditere whírapetamoné *silpa kapa*-nétei, kapala kótó so Atemis suróló, belekātiki aleyóló mepaae mo so whítamo dotonóló doasi *moni* sua yalepó.

²⁵ Kale whí Demitrias-né ama dere ala kaae du betere whírapekélé, mepaae betā kutónétei, kae kae kutó ditere whírapekélé, tourāle ape yóló duraalu, “Norape-ó, dāné doasi *moni* sere alata, ti i Atemis kótó suróló aletere ọlané seretei diaaọ ai kisipa ere ape.

²⁶ Kale whí Pol-né i so whí mo fea kópaae fópóló kisipa mutu, mo dere nisiyóló wosópóló i fo yalepó. Whíné naasené aletere kótórapeta, mo kótó meipó yale fo diaaọ wosóo, dīāné kolóo, ai yale ape. Ai fota, dā Efesus be hulua so whípaee maaté ini, Esia hae kwia tuámó betó mole so whí feané ai wosalepó.

²⁷ Pol-né ai dere foné dā *moni* sere kutómó maaté dumitei dāné fo wosetere bekélé,

doasi kótó Atemis sokélé, so whí feané bete muni hale ọla aqróló dorópóló dapó. Take Esia hae kwiamó betó mole so whínékélé, i hae kwia feamó betóló fale so whínékélé, dāné kótó so Atemis aqmó sukóló bitu, ąpaae betā momatua yaletei, mió Pol-né dere foné dāné kótó soné doi doróló folokole eraai dapó,” yalepó.

²⁸ Atéro dere fo woseturaalu, so whí fea mo dowi fopaae buóló fo fakeyóló duraalu, “Dā Efesus be hulua whíné kótó so Atemista doasi fotokó bole kótó wisinaalepó,” yalepó.

²⁹ Téró ai be huluamó betó mole so whíné dei tué mutu mo doakale fo whaa du betalepó. Atéro Masedonia be hulua whí tamo Kaius-ró Aristarkus-tamo Talené fo eratere Pol-tamo wóló betepa, whírape fea fóló kale whítamo sýyóló só walepó.

³⁰ Atéro kale whí tamo tawóló daaló betere tikipaae Pol ąkélé faai yaletei, mepaae Yesuné ala eró tare norapené sesé yalepó.

³¹ Ai maaté mei, mepaae Esia hae kwiamó doasiné kuto derópóló sóró betero betere Pol-né ama fulumu whírapené ąpaae so whí touró betere tuąpaae faąse yalepó.

³² Atéro touró betere so whí atima ai wóló betere bete atima kisipa ini, kóló kólóiné betó molepó. Atéro betó muluraalu, mepaaené dere fo kae, mepaaené fo kae du betalepó.

³³ Atétu betepa, Juda whírapené Aleksanda-paae naao diriyóló fo ené fae yóló tēté fóló so whí touró betere tikimó daarāle felepó. Atéro fo yaairaaalu, ama naase horaletei so whíné kisiparutei ąta bóe dele ala kaaraterer whí nisi yalepó.

³⁴ Téyaletei, nalo atimané ą kelalemó Juda whípa kisipa kilitu, fo fakeyóló duraalu, “Dāné Efesus be hulua so whíné doasi fotokó bole topo kótó so Atemis-póló,” hale detétóró fu betepa, suka kele tamo kemeyalepó.

³⁵ Atétu betero, betā *Gavman*-né ašetere kutó dirópóló betero betere whí, so whí kuamó turukó holóló duraalu, “Ti Efesus so whí-ó, Efesus be hulua so whíné kótó so Atemis-ró ama momatere betamo tēteróló kaae taterer alata, ti i be hulua so whíné eretei, hae kwiamó betó mole so whí mo feané kisiparapó. Ai kótó Atemis so suróló aleale kane faketa, ó hepen-mó i bepaae dorowale ala kisipa ini?”

³⁶ Ti aita, mené kapalapóló doraaire ala meipa, dīā so whírape bóe dóló hęle sere ala hapale kilitaróló ini, dua betae.

³⁷ Dīāné ai dapesó wóló daaló betere whí tamota, dāné momatere bemó mole ọla ọla ọlémi sóró ó kótó so Atemis doratere fokélé inipatei, diaaọ hale dapesó wóló daaló ai betere ape.

³⁸ Demitrias-ró ama betá kutó ditere whirapetamoné mepaae whi só deraai kisipa mutepa, ti *Gavman*-né fo tokóló talerópóló sóró betero betere whirape ai betó mole ape. Ti *Gavman* whirapeta, ai ala yópóló sóró daaló betepapó.

³⁹ Motamo fo mekó yaai kisipa mutepa, ti dané tukóló muló betere be demó yaalopó. Ti noatepae, dané yóló mulale fo sya furaalu, ai ala yaalopó.

⁴⁰ Atei kaae doasi bóe dóló foya dere alamó *Gavman* whirapené dapaee doasi sekéi ala eraalopó. Atétere alamó *Gavman*-né mo doasi fo mupatei, dané tukóló ai du betere ape. Atimané dapaee ai fo noa betené du bitu de? depa, dané yaaire fo meipó," yalepó.

⁴¹ Kale ai *Gavman*-né kutó diratere whiné ai fo yóló kemetepa, atimapaee fae yalepó.

20

Pol Masedonia hae kwiaró Krik hae kwiatamopaae fele fo

¹ Téró, kale so whi fo tiki whaa du betaletéi kemetepa, Pol-né Yesuné ala erótu betere whirape tao sóró fotokq bulóló diri eratere fo yalepó. Atéro atimapaee kqleó yóló, a Masedonia hae kwiapaee felepó.

² A ai hae kwia tuamó Keriso so whi keteké bulóló fotokqraterere fo dekéro yó melaté fóló nalo kemene furaalu, Kirik hae kwiapaee sókó felepó.

³ A ai bemó betepa, wélié sore kemeyalepó. Atéyóló nalo ti a weí nukumó Siria haepaae faai yaletéi, kale Juda whirapené a daalopó dere fo woseturaalu, taaróló momó Masedonia hae kwiapaee hae tumó faai yalepó.

⁴ Atéro faairaalu, Beria whikó Pirus naalema Sopatakélé, Tesalonaika whi tamo Aristarkus-ró Sekundus-tamokélé, Derbe whikó Kaius-kélé, Timotikélé, Asia hae kwiaró wale whitamó Tikikas-ró Tropimus-tamokélé, atima atéro felepó.

⁵ Téró, ai kale whirape atimapi fóló, Troas bemó Pol-sépi da kaae tawóló beterepó.

⁶ Atéro da Juda whirape atimané mara mole ala sya furaalu, fopei *bred* o bula yóló qla detere be de kemetepa, weí nuku sóró Filipai be taaróló, Troas bemó mepaae whirapetamo hokolaa yaai furaalu, nuku tómó aporó diki fité felepó. Téró, da fea touyóló Troas bemó weikeró be de betalepó.

Troas bemó Yutikus kepaarale fo

⁷ Atéro *fula* kaae sere be demó, da so whi fea qla naairaalu betapaae touróló betó mupa, Pol-né ai so whipaae fo yó maté fu betepatei, be mo ti dikiralepó. Hika be detepa a ai be taaróló me bepaee faai kisipa muturaalu, dilikitamokélé haje yó maté fu betalepó.

⁸ Da touróló fo yó mótu betere siki be kemó, sa haje qla kaae wolée molepó.

⁹ Aimó betá kokopei whi ama doi Yutikus-ta, de sókó wópóló muló betere tumó bituraalu, Pol-né yó mótu betere fo wosó tarepó. Pol-né ama yó matere fo mo fóló sýyóló yó maté fu betepa, kale seké noke kelené sukutu betalepó. Atéturaalu, kale whi dukó fóló, biliyó salepó. Atéro biliyó saleteita, tamo be ke teraae horóló, sore be kemó yalepó. Téró kale whi biliyó sóró mupa da doropóló kelalemó, sukóló molepó.

¹⁰ Atépa, Pol a doropóló Yutikus-né bopé tómó deraapisa fóló mulu, ama naasené apuó sóró duraalu, "Turukó holaaitei kapala asiri ai firapa whaalaa ekése," yalepó.

¹¹ Téró, Pol ó siki be kepaee momó holóló atima *bred* o kolokóló alyóló nalepó. Atéro, kale sekéné fo momó yó maté fu betero, be detepa hika a felepó.

¹² Kale kokopei whi Yutikus momó kepaayóló betepa, whirapené bepaee dapesó fóló atima hosaa muni deyóló hajyóló betalepó.

Pol a faairaalu Efesus Keriso whi disirapepaae kqleó yale fo

¹³ Atéro mepaae whirape dapi folosóro weí nukumó Asosi bepaee faai felepó. Pol-né dapaee atéro fae yóló, dątamo Asosi bemó hokolaa yaairaalu, a hae tumó felepó.

¹⁴ Da ątamo ai Asosi bemó hokolaa yóló a nukupaae dape sóró, Mitilini bepaee felepó.

¹⁵ Téró da aimó fiyóló, hika ti weí nukumó weiné bopéro daaló betere hae Kios dekeróló felepó. Téró diki me nuku tómó fiyóló ai hika ti da tuamó tukóló fóló Samos hae felekemó epa deró dekeróló felepó. Téró, diki mekelé kale dere kaae nuku tómó fiyóló, ai hika ti da Miletus bemó sókó felepó.

¹⁶ Atéro Pol a Asia hae kwiamó kutu betepa suka kele kemeyaşóró, Jerusalem bemó *Pentikos* be demó dere ala kelaai a ai Efesus be bosenóló mo hapale faai kisipa mualepó.

¹⁷ Atéro da Miletus bemó sókó fóló bituraalu, Efesus Keriso whi disirapepaae a beterepaae tourale ape, yó faralepó.

¹⁸ Atima atéro dorowóló betó mupa, atimapaee duraalu, "Eta, Asia hae kwiamó folosóro sókó wale sukamó kaae sóró wóló, diątamo betamó bitu yale alarape feata, ti dią feané kisiparapó.

¹⁹ Eta, so whi aqmó dua sukóló bituraalu, Tale Kótóné ama kutó betá mo keteké bulóló, wole kaapetamo du betalepó. Atéteremó, Juda whirapené a daairaalu kemei fo dokotu betaletéita, ai alané e noa kaae whi beteréro sş sóró kaae kilitu yalepó.

²⁰ Atépatei, Kótóné dią tao saaire fo wisi yalo hiréni, e mo hakeamó daalukélé, diąné

be dokọ dokọkélé, Talené fo dià tué yópóló yó mótua yaletéi, dià feané kisipa ai ere ape.

²¹ Juda so whípaaekélé, Kirik so whípaaekélé, diané du betere dowi ala taaróló, Tale Yesupaae kisipa tiróló mo dua betae yóló hakearóló ai yó male ape.

²² Térapa, mió kale Dèi Kepe Wisiné Jerusalem bepaee seýóló dapesó fóló betepa, epaae noa alakó eraalaró ẹ tuénipó.

²³ Be hulua dokọ fea fo yó maté kotopa, kale Dèi Kepe Wisiné epaae duraalu, sekei alaró *dipula* beteratere alatamo yapaae eraaló ai ape yale fo betà yálo kisiparapó.

²⁴ Atérené, ẹ sukaşóró yálo tó tikimó wiyaalo meipó. Tale Yesuné epaae dirae yóló male kutó betà diróturaalu, so whípaae Kótóné dapaae yaala sókó furaalu, hałe tao sere fo wisi betà yó maté fóló tukóló muló betere ðalemó sókó faai dapó.

²⁵ Mió yálo kisipa fatepa, Kótóné teteróló daale aomó mole ala dià tué yópóló yálo yó matepa, wosetu betale whirape diaaọ yálo kelepa momó kae kelaalo meipó.

²⁶ Térené yálo diappaee hakearóló i dere ape. Mió i alimó dià tuámó whi me dené i fo wisi taaróló dowi ala ene fupa, ti aita, epaae kwia muni diaaọtei ai ape.

²⁷ Ti Kótóné ama yaai kisipa mole ala mekó hiréni, mo turó yálo diappaee ai yó melale ape.

²⁸ Diata, Kótóné ama Dèi Kepe Wisiné ama *sipsip* hupu wisiyóló kaae tanópóló sóró ai beteró beterapa, ai hupurape wisiyóló kaae taru, diákélé mo wisiyóló kaae tawae. Yesuné ama sameané dupure Kótóné so whi betà mo dua wisiyóló kaae tawae.

²⁹ I dere fota noa betené dumipó. Ẹ fole sisópaae dowi bete haqrape dià tuappaee wóló, Kótóné *sipsip* hupurape dóló nale waalo ai ape.

³⁰ Diákó mepaae whiné kale Yesuné ala eró tare whirape dei nópóló eratere alané, kale mo fo wisi kópaae wéróló, dià ąlisóró kae tupaee faraaló ai ape.

³¹ Até yaşóró, dià mo wisiyóló kaae tawae. Atei ala yairemó dià kisipa muló beterópóló ba fo sore ẹ diątamo bituraalu ai yale ape. Dętamokélé, diktamokélé, yó maté fu bitu woletamó du betalepó.

³² Téró mióta, dià Talené ama kolené sukuturaalu, hałe tao sere alané dià wisiyóló tao sópóló i dere ape. Ai fonétei, diaaọ kisipa tiratere ala fotokoróló, Kótóné ama wisi wisi ąla dià ama kae sóró beteró betere so whimó ai mótua betere ape.

³³ Yálo diané *silpa kapa ó kold kapa ó* kutikélé senéé yóló au nokole ala inipó.

³⁴ Yálo fotokonétei kutó diyóló, yálo yaýare ąla ąlakélé, ó yálo fulumu whirapemokélé mótua yaletéi diaaọ ai tuere ape.

³⁵ Yálo ai dua yale alata, ąla ąla fea ðané naasenétei depe tukó wei ala yóló sirapóló, diaaọ kolópóló ai yale ape. Até duraalu, mepaae atimanétei kutó diyóló nénire so whi tao sóró hałe melae. Ti noatepae, Tale Yesuné duraalu, ‘Ọla ąla hałe tao sóró matere whiné haı kisipatamo matere alané matepa sere whiné dere hękese teteró beterapó’ ere fo kisipa muae,” yalepó.

³⁶ Téró, Pol-né ai fo yóló kılipaae atima bukutiri teýaró bituraalu, ama moma yalepó.

³⁷ Atéró ą faaitepa, kale so whi feané Pol apuó taruraalu kóló tukó nóló wole du betalepó.

³⁸ Atétepa, kale sekéné duraalu, yálo kelepa diaaọ momó kae kelaalo meipó yale fo kisipa mutu, atima doasi dekené sinitu wole du betalepó. Atétu beteró, atimané ą dapesó fóló, wei nukumó beteralepó.

21

Pol Jerusalem-paae fele fo

¹ Téró, ða atimapaee kọleó yóló atima taaróló wei nukupaae bitı fóló weiné bopéróló daaló betere hae Kos felekemó seseke felepó. Téró furaalu, wei tómó diki betà fiyóló, hiıka Rodes hae weiné bopéróló daaló betere tiki felekemó seseke fóló, Patara bepaee sókó felepó.

² Aimó betà wei nuku Fonisia hae kwia-paae faai fupa, ða ai nukumó bitı holóló felepó.

³ Atéró ða furaalu, weiné bopéróló daaló betere hae kwia Saiprus hae fı naase fakeró epa kele falaté fóló, Siria hae kwiamó tene Tair bemó sókó felepó. Ai Tair beta, take ðané i nukuné sóró wale ąla ąla sorokóló mullaai yale be huluapó.

⁴ Téró, ai bemó mepaae Yesuné ala eró tare whirape betepa, ða atimatamo weikeró be ðe betalepó. Atéró betepa, ai bemó betó mole whirape atima Dèi Kepe Wisiné fotokoratepa, Pol-paae duraalu, ya Jerusalem bepaee faşe yóló seséyalepó.

⁵ Tétu beteró, aimó betaaı yale be ðerape kemetepa ða ai be taaróló faai felepó. Atéró faai fupa, kale Yesuné ala eratere whirape atimané somarape naale senaalekélé, mo fea ðatamo doropóló wei fóku atıąa tómó bukutiri teýaró bituraalu, Talepaae moma yalepó.

⁶ Atétu beteró ða faairaaluu kọleó yóló ða fea aputu beteró ða wei nukumó bitı hotopa, atima momó bepaee fesaae felepó.

⁷ Dą atéró ai Tair be taaróló fóló, Tolemais bemó sókó felepó. Ai bemó betó mole Keriso norapepaaekélé kọleó yóló, be ðe betà atimatamo betalepó.

⁸ Atéró, hika dā ai be taarólo Sesaria be hulúamó sókó felepó. Ai bemó, take atimané so whj ɔla talerólo melópólo betera le weikeró whj kó betā Filip beterepó. Ai sekéta, kale mió wosetere kisi fo wisikélé yó matere whj betepa, dā ɔtamo fiyalepó.

⁹ Ai sekéné ama douró senaale seimalerape fea Kótóné fo eratere kɔló sorape betó molepó.

¹⁰ Dā ai bemó mepaae be derape dekéró betepa, Kótóné ama kɔló whjné doi Akabas Judia hae kwiaró dorowalepó.

¹¹ Ai whj dā beterepaae wólo daalu Pol-né to tao sóro kale sekéné ama naaseró hótamo dokólo duraalu, “Talené Dēi Kepe Wisiné i fo dapó. ‘I to taleta, Jerusalem bemó betere Juda whjrapené tawólo i ala kaae yólo, Juda meire fakené naase tuámó mulaalo ai ape,’ ” yalepó.

¹² Ai fo depa woseturaalu, danékélé, mepaae ai be whj so whjnékélé, Pol-paae Jerusalem bepaee holaqse yólo sesé yalepó.

¹³ Téyalemó ama dāpaae duraalu, “Diāné noatepa atei kaae alamó wole-u yólo ɔalo hosaa supuréli ala dute? Ɛta, susupurólo *dipula* beteraatere alamaatē erópólo Talené ɛ sóro betenénipó. Ɛ sukutere alakélé ɔpólo sóro beteró betereiné ɔalo Tale Yesu Kerisoné doimó Jerusalem bemó sukāi dapó,” yalepó.

¹⁴ Dané ā Jerusalem-paae faqsóro sesé yalemó, ama dané dere fo woseni, fo kaae depa taarólo duraalu, “Tí wisirapa Talené ama yaai tué mole ala betā ɔpólo yae,” yalepó.

¹⁵ Atéyale kɔlipaae dané ɔla ɔla sisólo Jerusalem bepaee holalepó.

¹⁶ Tétepa, mepaae Yesuné ala eratere Sesaria whjrape dā fea touyólo atimané dā Nason-né bepaee dapesó felepó. Nason-ta, Saiprus be hulua whj kó mo taketi Talepaae kisi pa tiki tirólo betere whj pó.

Pol Jerusalem bemó sókó wale fo

¹⁷ Atéró dā Jerusalem bemó sókó holalemó, Keriso norapené dā hēkesetamo mo wisiyólo dape salepó.

¹⁸ Atéró, fiyólo hika Pol-kélé, dā mepaaekélé, Jerusalem bepaee Jems kēle felemó, ā mepaae Keriso whj disirapetamo beterepó.

¹⁹ Atépa, Pol-né atimapaee kɔleó fo yólo Kótóné ā fotokratepa, amamo Juda meire fake so whj paae erale ala mo fea yalepó.

²⁰ Tétepa, kale whjrapené Tale Kótóné doi hale sóro horótu āpaae duraalu, “No-ó, Yesu Kerisopaae kisi pa tiki tiró betere Juda so whjta, mo hāle ɔla kaae i betere ape. Ai so whjta, Moses-né asere fokélé eraai mo doakale ketekē bulapó.

²¹ Térapa, mepaae i betó mole Juda whjrapepaae metikipaae wale whjrapené

i fo du beterepó. ‘Pol-né Juda meire fake so whj kuamó betó mole Juda so whj paae Moses-né asere foné diaa q naalerape tiki seka q tika e ere taalae yó, ayarapené mara mole alakélé, sya faqse yó,’ deté kutu beterepó depa wosalepó.

²² Térapa, ai alarape mo dere ala nisi yaqsóro pa, dā noa ala yaaloé? Atimané ɔa ipaae wólo beterepó dere fo mo wosaalo ai ape.

²³ Atérapa, dané tué mole fo betā i dapa wosae. Dā i betere douró whjrape atima Tale Kótópaae dirii malo yólo atimané topo niki tikaalo meipólo muló beterepó.

²⁴ Ai whjrapetamo ɔakélé touyólo fóló atimané Juda so whjné keletómó, yaai dere ala ɔpólo naaotei atima dupu erae. Atéró atimané topo niki tukólo momatere be dolopaae fupa, ti wisirapó yaalopó. Ai ala depa atimané kilituraalu, i whjta, kale tukólo muló betere fo tikitere whj meipó yaalopó. Téturaalu, naao yalepó dere fomó atima fopaae butu betere ala kapala airapó kisi pa muaalopó. Tétu ɔta, Moses-né asere fo aqmó sukólo bituraalu, ai fo tikitere whj meipó yaalopó.

²⁵ Téretei me fo i ape. Yesupaae kisi pa tiki tiró betere Juda meire fake so whj dané fo muló betere ɔla naqsóro, i fo aseýólo faralepó. Kapala kótópaae moma yaai dele hupu ó na, ó sameakélé, depamó képi duwólo sukunatere hupu ó nakélé, mené so qlémi nokole alakélé mo ɔaqse yalepó. Ai forape feata, dā fo dokólo betā tué muólo atimapaee aseýólo faralepó,” yalepó.

²⁶ Téró, fiyólo hika Pol-sépi atima douró whjrape momatere be dolopaae faairaalu, folosóro dua dere alarape yalepó. Atéró fokotere alarape feata, kale tukólo mulale be dēqmótóro kemeyaalopólo ali male felepó. Atéró tukólo mulale be dē sókó wapa, atimamó kale momatere be kaae tare whjrapené *sipsip* hupu daalopó yólo mulalepó.

²⁷ Téró, kale weikeró be dē felekemó kemeyaa i deremó, Esia hae kwiamó betó mole Juda so whjné Pol momatere be belamó daapa kelalepó. Atépa, ai whjrapené Pol tao taru, mepaae so whj sesemeratere fo yalepó.

²⁸ Atétu, fo fake yólo duraalu, “Israel fake so whj-ó, dā tao sae. I whjnéta, hae kwia feamó betó mole so whj paae yó matere foné dā Israel so whjtamokélé, Moses-né asere fotamokélé, dané momatere betamokélé, fopaae buópólo bóe delat kotapó. Téturaalu, dané mo dowi alakélé, inire be wisi Kirik whjrapekélé, ai dapesó wólo daae mole ape. Até dere alané i be dorólo folokole ai eratere ape,” yalepó.

²⁹ Atimané ai fo yaletaita, Efesus whj kó Tropimus Pol-tamo ai be hulúamó daapa

kelaletiné Pol-né ai momatere bepaae dapesó fele nisiyólo yalepó.

³⁰ Atéró, fopaae fo doasi depa, Jerusalem so whiné woseturaalu, fea sururu yólo wólo betapaae touróló bóe duraalu, fo tiki whaa du betalepó. Atétu beteró, Pol a moma dere be dolomó betepa, sjiyólo só wólo ai be bopéro betere tipi belapaae hokó derólós tų kinalepó.

³¹ Atéró daapa, atimané Pol daai Jerusalem-mó doasi bóe duraalu, fo whaa du betereitei Rom *Gavman*-né diki tare whırapené topo whiné wosalepó.

³² Téturaalu, kale sekéné ama diki tare whırapéro mepaae topo whırapetamo atima sururu yólo, ai whaa du beterepaae dorowalepó. Téteremó, ai bóe du betale so whiné doasiró ama diki tare whırapetamo wale ala kilitu, Pol du betaleteti, taalalepó.

³³ Atétepa, kale diki tare whırapené topo whı Pol daale felekepaae fóló duraalu, *sein* képi tamoné ama naase tamo dokae yólo ai so whıpaae woseturaalu, i whı a deé? Ama noa alakó depa yaleé yólo wosalepó.

³⁴ Ai fo deremó, mepaae so whiné dere fo kae yóo, mepaae whırapené dere fo kae yóo yólo, doasi fo tiki whaa yalepó. Atétere foné diki tare whırapené toponé Pol só deratere fo bete wisiyólo wosenipó. Atétepa, kale topo whiné diki tare whırapepaae duraalu, Pol diki tare whırape touróló betere tikipaae dapesó fae yalepó.

³⁵ Téró, Pol diki tare whırapené be hola tó dóló hutu betepa, so whı feané a daairaalu keteke butu betalepó. Atétepa, diki tare whırapené topo whiné ama diki tare whırapepaae Pol beleyólo sóro holae yalepó.

³⁶ Atétepa, mo turó so whı sya fu bitu, doasi fo fake yólo duraalu, “A mo ti sukópóló dae,” deté fu betalepó.

Pol-né so whıpaae yale fo.

³⁷ Diki tare whırapené Pol atimané be dolopaae sóro faaitepa, ama diki tare whiné topo whıpaae duraalu, “Yalo yqtamo me fokó ené?” yalepó. Ti fo depa, kale whiné apaee woseturaalu, “Yq Krik fo bole whıé?”

³⁸ Yqta, mepaae kemeyale be demó 4,000 whırape alısó fóló, so whı bitinire tikimó *Gavman* whıtamo bóe daale Isip whı meié?” yalepó.

³⁹ Ti fo depa, Pol-né apaee duraalu, “Eta, Juda fake whı doasi doi mole be hulua Silisia hae kwiamó tepe Tarsus be whıképó. Térapa, ai so whıpaae yalo fo yaai dapa, naao noa kisipa mute?” yalepó.

⁴⁰ Ti fo depa, topo whiné Pol-paae yae yalepó. Tétepa, a disó horóló be hola tómó daalu, naase horóló Hibru whırapené du betere foné yalepó.

22

¹ Téró ama atimapaae duraalu, “Noraperó ayarapetamo-ó, diaaq kisipané eta dowi ala du betere whı nisi yaqsóro, yalo diapaae haqeamó i dapa wosae,” yalepó.

² Téró, Pol-né Hibru whırapené du betere be foné deremó, fo tekeni dua betó molepó. Tépa, kale sekéné atimapaae i fo yalepó.

³ “Eta, Juda whıteı e deyale beta, ti Silisia hae kwiamó tepe be hulua Tarsus-pó. Téyaleteı, e holóló i Jerusalem bemó doayalepó. Atéró betepa, kale doi mole yó matere whı Kamaliel-né e *skul* yó malepó. Ama e atéró yó móturaalu, kale Moses-né asere foró dané ayarapené mara mole alatamo mo wisiyólo yó matepa, yalo mo diriyólo kisipa salepó. Atéyale be demó, Kótóné ala eraai mió diaaq ai bole keteke kae yalokélé yalepó.

⁴ E até du bitu, Yesu Keriso sya fu betere sokélé whıkéle susupuróló mo ti sukópóló daairaalu doakale sekıe ala eróló *dıpulakéle* beteraleta du betalepó.

⁵ Yalo yale alata, ai so whımo maratere topo whıro fo tokóló taleratere whırapetamoné kisipareteine atima yalo dere fo woseturaalu, mo dapó enérapó. Ai whırapené e Damaskus bemó betó mole nomarapepaae asere sóro fae depa, yalo sóro felepó. Ti ai aseta, Damaskus bemó betó mole Keriso so whı tawóló Jerusalem bemó susupuróló *dıpula* beteraai sóro waaire tų mulópóló yalepó.

⁶ E atéró fu betaalemó, 12 *kilok* felekemó saai depa Damaskus bepaee sókó faai deremó, samó de doasi derowóló yalo tiki husiralepó.

⁷ Até dereteine e haepaae dóló taae deróló mupa, ai de tuamó fo fakeyóló duraalu, ‘Sol! Sol! Naao e noatepa, susupuraté kutu bitu de?’ yalepó.

⁸ Tétepa yalo duraalu, ‘Tale-ó, ya né de?’ yalemó, ama epaae duraalu, ‘Eta, Nasaret whıko naao susupurótu betere whı Yesu i ape,’ yalepó.

⁹ Tétepa, etamo wale yalo fulumu whırapené ai de kelaleteti, epaae dere fo bete atimané diriyólo wosenipó.

¹⁰ Atétepa yalo apaee woseturaalu, ‘Tale-ó, mió yalo noa alakó yaró de?’ depa, Talené epaae duraalu, ‘Turukó holóló Damaskus bepaee fae. Fóló, aimó naao yaaire ala yalo tukóló muló betereiteı, beta whıne yqpaee yó melaalo ai ape,’ yalepó.

¹¹ Ai dené yalo kele dilikiraletine tų fenitepa, yalo fulumu whırapené e naase tawóló alısóro Damaskus bepaee felepó.

¹² Ai be huluamó whı betané doi Ananias e beterepaae walepó. Ai sekéta, Moses-né asere fo mo wisiyólo tueru eró tare whı betepa, Damaskus bemó betó mole Juda so

whĭnĕ ą mo doasi kisipa dotoroę fale whĭ wisipó du beterepó.

¹³ Ai sekę ę fire felekemó daane wóló duraalu, 'No Sol-ó, naao kele fisąae horóló ke-lae,' yalemó, mo ai fapotoró ęalo kele momó wisiyalepó.

¹⁴ Téró, ama ępaae duraalu, 'Đanę ayara-penę Kótónę tuę mole ala naao tuę yópóló ęą sóró ai daalale ape. Dowi ala betąkélę, inire whĭ kolóo, ama kólómó sókó wale fokélę, wosóo, yópóló ęą ai sóró daalale ape.

¹⁵ Naaota, ama yó matepa kelale alaró wosale fotamo so whĭ feapaae yó matę kweyópóló erapó.

¹⁶ Térąpa, ęą noatepa haęe bitu de? Yesu Kerisonę doimó naao dowi ala kwia kemeroępóló weĭ tópuai turukó horóló ąpaae kema yae,' yalepó.

¹⁷⁻¹⁸ Atéro ę Jerusalem be huluapaae wale be đemó fo wosetere bepaae fóló moma du betałemó noke kaaenę Tale kelalepó. Atéro ama ępaae duraalu, 'ęą hapale turukó horóló Jerusalem be taaróló fae. Ti noatepae, i Jerusalem bemó atimapaae Yesunę ala etérópóló yó materetei atimananę wisiyóló wosaalo meipó,' yalepó.

¹⁹ Ai fo depa, ęąlo ąpaae duraalu, 'Tale-ó, ti mo deretei, ai be hulua so whĭ atima feanę ęąlo yale ala kolóló kisiparapó. ę atimanę fo wosetere be dokę feamó ęapaae kisipa tiki tiróló betó mole Keriso so whĭ susupuróló, *dipula* beteraleta yaletei atimanę mo kisiparapó.

²⁰ Naao ala etérópóló haęeamó yó mótu betere whĭ wisi Stipen dale sukamó, ekélę daalu ą dilapó depa ęąlo duraalu, 'Tęyae,' yalepó. Ai whĭrapenę Stipen duraalu, atimanę tó mó bukoló kotere kutirape ę daale tikimó sorokóló mulatepa kaae tawóló daayale whĭ ętórótípó,' yalepó.

²¹ Tęyalemó, Talenę ama ępaae duraalu, 'ęąlo ęą Juda meire fake so whĭ betó mole be huluarape saletópaae dotonatapa fae,' yalepó.

Pol ą Rom Gavman-tamo doi mole whĭpó yale fo

²² Kale so whĭ Pol-nę dere fo wosetę feletei, Juda meire fake so whĭpaaekélę, yó male fae dere fo woseturaalu, fo fake yóló i fo yalepó. "Atei kaae whĭ imó đatamo betaalo meipa, dóló alurae," yalepó.

²³ Atéturaalu, atimanę tó mó bukoló mole kutirape sókó mulóló dokómu buó sóró ópaae fesekęe horóló fo fake du betałepó.

²⁴ Atétepa, kale diki tare whĭrapenę topo whĭnę duraalu, "Doai so whĭnę fo tiki whaa du betere noatepa déro, ai sekę diki tare whĭrape beterepaae dapesó holóló, halika tikinę fokosoi ala yóló dae. Téturaalu, i dere fo bete noa betenę déro ąpaae wosae," yalepó.

²⁵ Tétepa, kale whĭrapenę Pol naasemó bu-laakó sóró daaló bitu, halika tikinę fokosoi ala yaai yalepó. Atétepa, Pol-nę ai diki tare whĭrapenę topo whĭpaae duraalu, "Rom *Gavman*-nę so whĭ tuąmó doi mole whĭ fo tokóló tale inipatei, fokosoi ala yóló dae fo ere?" yalepó.

²⁶ Ti fo depa, kale diki tare whĭrapenę topo whĭnę ą kaae tare topo whĭpaae i fo yalepóló ene felepó. Atéro duraalu, "Iwhĭta, Rom *Gavman*-nę fake so whĭtamo betąmó doi mole whĭpatei du beterepa, naao yaai dere ala kisipa faróló yae," yalepó.

²⁷ Tétepa kale doasi topo whĭ wóló Pol-paae woseturaalu, "ęą Rom whĭę," depa, ama tokó mótu duraalu, "ępó," yalepó.

²⁸ Ti fo depa kale topo whĭnę duraalu, "ęąlo doi Rom fake so whĭtamo touróló mullaairaału, doakale *moni*-nę dupu yalepó," yalepó. Ai fo depa Pol-nę tokó mótu duraalu, "ęąta atéretei, ę ti Tarsus bemó deyałeteinę Rom whĭ beterepó," yalepó.

²⁹ Ai fo depa, woseturaalu, ą daai yale whĭrape mo hapale hĭkili fóló tumó daane felepó. Kale doasi topo whĭnę Pol ąta, Rom fake so whĭ tuąmó doi mole whĭtei *sein* kępinę dokirapóló ą witu yalepó.

Juda whĭrapenę Pol-tamo fo tekąle fo

³⁰ Téró, hĭka be đętepa, kale diki tare whĭrapenę topo whĭnę Pol daai du betere fo tale yaairaału, ą *dipula* beteraletei sokóló so whĭmó momaraterę whĭrapenę topo whĭraperó, fo tokóló taletere whĭrapetamo tourąle ape yalepó. Atéro wóló betó mupa, Pol dapesó fóló atima betó mole tuąmó daalalepó.

23

¹ Atéro, Pol-nę kale fo tokóló taletere whĭrape kaae taru duraalu, "ęąlo norape-ó, ę take bitirę waletei ęąlo Kótónę keletómó wisiyóló bitirę wouraału, ama erae dere ala fea eraté walepó. Atéturaalu, mió ęąlo hosaamó me sekę muni, mo dua muni deyóló beterepó," yalepó.

² Pol-nę ai fo depa, so whĭmó Talepaae momaraterę topo whĭ Ananias-nę Pol-tamo felekemó daae mole whĭrapepaae duraalu, "Ai sekę folópu derąkae," yalepó.

³ Ti fo depa, Pol-nę ąpaae duraalu, "Ni bolópaae kęłaa epatei, tó sekaęnę wisire nisi dere whĭ naao dere alamó, Kótónę ęątei dekę saalopó. Kale ašemó yóló muló betere fo sya furaalu, ętamo fo tokóló taleyaai bitutei naao kolónętei mepaae whĭpaae ę daae dere fonę, kale yóló muló betere fo naaotei ai tikitere ape," yalepó.

⁴ Ai fo depa, mepaae ą felekemó daae mole whĭrapenę duraalu, "ęą winię? Naao ai dere fonę so whĭmó momaraterę topo whĭ faletapó," yalepó.

⁵ Ti fo depa Pol-né duraalu, “Yalo norape-ó, a so whjímó momaratero topo whj betere ę tuénipó. Ti noatepa mei, asemó i fo erapó. Dią kaae tare doasi topo whjpaee me dowi fo yaqse, yóló fo moletei yalo tuérápó,” yalepó.

⁶ Ai fo tokóló taletere whjrape mepaae Sadyusi fake yóo, mepaae Farisi fake yóo, yóló beteraóló ama kisiparu, Pol-né fo fake yóló duraalu, “Yalo norape-ó, yalo apata Farisi whj eru ękélé Farisi whjípó. Ę fo teketeremó sóró i daalo betereiteita, sukale whj momó kepaayaalópó ere fomó kisipa tiki tiróló ę hajné sukutu betepa, atimané ętamo fo tokóló só deraai ai du betere ape,” yalepó.

⁷ Ai fo depa woseturaalu, kale Farisi whjrapéro Sadyusi whjrapetamo arale sóró atima tuámó tekétamo yalepó.

⁸ Ti noa betené mei, kale Sadyusi whjrapenéta, sukutere whj momó kepaayaalo meipóló kisipa mulu, *ensel-raperó* keperapetamokélé bitinipóló kisipa mulapó. Tépatéi, Farisi whjrapenéta, sukutere whj momó kepaayaalópó dere fo mopóló kisipa yóo, *ensel-rapekélé* beteraóló kisipa yóo, keperapekélé beteraóló kisipa yóo, erapó.

⁹ Até du betepa, Moses-né asere fo yó matere Farisi whjrape atima turukó holóló fo fakeyóló duraalu, “I whj tikimó me dowi alakélé, munipatei, ęané a hale noatepa só deróló, daai du bitu de? Ama dere alaró dere fotamota, ti *ensel-né* ó kepené yae depa démólópó,” yalepó.

¹⁰ Ai fo du beteroó so whj tuámó bukótamo yóló bóe du bituraalu, Pol dóló sej sej yóló ama tiki turuké fóló munépa, kale topo whjné kilitu, Pol-mó whaalia doasi yalepó. Atéru, kale sekéné ama diki tare whjrapepaae diaaq fotokótamo doropóló, Pol dapesó atima betere bepaee beterale fae yalepó.

¹¹ Atéyale dikitamo, Tale Pol beterepaae wóló duraalu, “Pol-ó, até dere alamó ya wi ini, diri yólótei daayae. Atéró bitu, yalo ala etérópóló so whj feapaae Jerusalem be huluanó erótu yale kaae, Rom be huluanókéle, mo erale fae,” yalepó.

Pol daai deyatei fo

¹² Téró, ai hika mepaae Juda whjrape atima betapaae tourale wóló, Pol tawóló daairaalu kikitamo fo deyalepó. Atéró duraalu, ęané Pol a daai hale betepa, ęa ęlaró wętiamo naalo meipó. Motamo ęané a mo ti dóló aluratepata, ti ęla naalopóló mo dirii malo yóló mulalepó.

¹³ Atéró, Pol daai fo dokale whjrape touróturaalu, whj siki tamo tómó mepaae whjrapekélépó.

¹⁴ Ai whjrape atima fóló, so whjímó momaratero topo whjímó whj disi disirapetamopaae i fo yalepó. “Ęa fo deyóló dirii malo yóló duraalu, ęané Pol dupa ti ęlaró wętiamo naai, mió a hale betepa ti weyóló betaalópó fo yóló mulalepó.

¹⁵ Térapa mió ęanékéle, fo tokóló talerateré whjrape feanékéle, diki tare whjrapené topo whj dilikóló i fo yó falae. Pol-né yale fo bete ęa mo wisiyóló wosenireteiné ęa mo diri yóló wosaaipa, dapesó dere ape fo yó falae. Atéteremó a dorowapa, ti tu tuámó melaa yóló daaipó,” yalepó.

¹⁶ Ti fo du betepa, Pol-né ama nema naalemané wosóló diki tare whjrapené bepaee fóló Pol-paae duraalu, “Yęta, atimané tumó melaa muóló daaipó fo ai du betere ape,” yalepó.

¹⁷ Tétepa, Pol-né diki tare whjrape kaae tare whjko betapaae duraalu, “I naalené ęané topo whjímó fo yaai dapa, a dapesó fae,” yalepó.

¹⁸ Ti fo depa, kale whjné kale naale topo whj beterepaae dapesó fóló duraalu, “Kale *dipula* betere whj Pol-né i naale yętamo yaaire fo mulapa dapesó fae depa, i wale ape,” yalepó.

¹⁹ Tétepa, topo whjné kale naale naasemó tao sóró tu ęepaae dapesó fóló, kale naalepaae woseturaalu, “Naao ępaae noa fo yaai waleé?” yalepó.

²⁰ Ti fo depa kale naalené duraalu, “Juda whjrapené yapaae i fo yaalo ai ape. Pol-né dere fo bete mo diriyóló wosaaipi dapa, a fo tokóló taletere bepaee dó dapesó dere ape depa, aita mo mei, tumó melaa yóló Pol daai kapala fo ai dere ape.

²¹ Whj siki tamo kemeyóló mepaae tómó beleróló whjrapené a daai tumó melaa muai du beteraóló. Téyaairaalu, ai whjrape atima Pol dóló ti ęlaró wętiamo naairaalu, mió hale weyóló beteraóló yalepó. Atéyaairaalu, atimané yapaae wosetere fomó naao noa fokó deró kelaai wosó tawóló ai betere ape,” yalepó.

²² Ai fo depa kale topo whjné kale naale dotonaaipi, ępaae fo mulóló duraalu, “Naao ępaae etei fo yalepóló mepaae so whjpaee mo yaqse,” yalepó.

Pol Sisareapaae dipula só fele fo

²³ Ti fo depa, kale topo whjné ama aqmó bitu mepaae diki tare whjrape kaae tare whjrapekó tamopaae ape yóló duraalu, “Di-aamo fóló 200 diki tare whjrape tale yóló sóró beteroó, *hos* hupu tómó beteroó faaire 70 diki tare whjrape sóró beteroó, bóe dele wuti tawóló faaire 200 diki tare whjrape sóró beteroó, dilikitamo 9 *kilok* Sesaria bepaee faai donoróló fae.

²⁴ Atéro faairaal, Pol betóló faaire *hos* hupukókélé, tale yóló beterae. Atéro diá furaalu, tų tuámó Pol mo wisiyóló kaae taté fae. Atéro dapesó fóló, *Gavman* whı Feliks beteméro sókó fae,” yalepó.

²⁵ Atéro diki tare whıné topo whıné *fas-*mo i fo aseyalépó.

²⁶ “Éta, Kaladias Lisias-né doasi *Gavman* topo whıné Feliks yapaae i dere ape. Yá mo doa kóléó.

²⁷ Juda whırapené i whı tawóló daaitepa, ę yálo diki tare whırapetamo doropóló kelalemó, ą Rom fake so whıtamo doi mole whıpa kilituraalu, ąané atimané naase tuámó betepa fasó salepó.

²⁸ Atéro daai depa, noa betené déró yálo wosaairaal, Juda fake atimané fo tokóló talerater whırape beterepaae dapesó felepó.

²⁹ Téyaletei, Juda whırapené fo tokóló taletere tikimó ą sukópóló daaire betekélé, ó *dipula* beteraaire betekélé yálo kilinitepa dapesó felepó. Juda whırapené muló betere fo tikitu betepa dapó dere fo betá yálo wosalepó.

³⁰ Ai fomótei, atimané ą daairaal kiki fo deyóló tų tuámó melaa muaai dere fo yálo woseturaalu, yá beterepaae ai dotonater ape. Térapa, atimané ą só derater fo naao keletómókélé yópóló, yá beterepaae ai dotonater ape,” yalepó.

³¹ Kale topo whıné yale fotóro diki tare whırapené sya fóló dikanamotei Pol dapesó Antıpatris bemó sókó felepó.

³² Aimó fiyóló hıka, mepaae diki tare whırape ti bepaee momó fesaayóló wapa, kale *hos* hupurape tómó betero fele whırape betá ti Pol dapesó Sesaria bemó sókó felepó.

³³ Téro, kale diki tare whırape *Gavman* topo whı betere Sesaria be huluamó sókó felepó. Atéro, kale *fas-kélé*, melóo, Pol-kélé, kale topo whıné naase tuámó mulóo yalepó.

³⁴ Tétepa, kale whıné *fas* dosayayóló Pol-paae woseturaalu, “Yá mé hae kwiamó wale whıé?” yalepó. Ti fo depa Pol-né ąpaae tokó mótu duraalu, “Éta, Silisia hae kwiaró wale whıképó,” yalepó.

³⁵ Ai fo depa, kale whıné duraalu, “Ti wisirapa, yá só deraai dere whırapené keletómó naao fo bete wosaai atima ipaae wópólópó,” yalepó. Ai fo yóló ama diki tare whırapepaae duraalu “Pol kale Herotné doi mole doasi be wisinaalemó beteróló kaae tawae,” yalepó.

24

Pol Feliks-né keletómó fo tekale fo

¹ Téro aporó be de kemetepa, so whımó momarater whırapené topo whı Anianis-ró whı disirapetamo yóo, me atima tao sóro

fo tekenatere whı Tertulus yóo, yóló atima Sesaria bepaee derepelepó. Atima atéro, kale *Gavman* doasi whıpaae Pol só deraai dere fo yalepó.

² Atéro Pol-paae ape yóló wóló daapa, atimané fo erater whı Tertulus turukó holóló Feliks-né keletómó Pol só deróló dere fo etéro yalepó. “Doa whı-ó, naao tetéroló kaae tare aómó ą me ala ini, hosaa muni deyóló mo dua wisiyóló hajitótu beterapó. Ti noatepae, take ą i hae kwia feamó betó mole so whı hókó betaletéi, naao ąa betere ala wisi eraleiteiné mió ąa fea mo dua wisiyóló i betó mole ape.

³ Téro, be hulua feapaaekélé, atimané dere ala feakélé, naao ąa wisiyóló beterópóló tao sóro betero betereitei tuéru, yapaae mo dua kée yóló dukirótu beterapó.

⁴ Yá fóturu yaqsóro ąané yátamo doa fo yaai dumitei, i fo sawa betá dapa wosae.

⁵ Ai whınéta, i hae kwia feamó betó mole Juda so whı kuamó bóe dópóló fopaae bulaté kutu beterapó. Atétu, atima kae Nasaret fakepó. Téro Pol ąta, ai fake so whı kuamó doasi topo whı bituraalu, atima ąlısó fu beterapó.

⁶ Téturaalu, ama ąané moma dere be do-raairaal wapa, ąané ą tawalepó.

⁸ ąané ątamo fo tokóló taleyaai dere beteta, naao ai whıpaae mo wisiyóló wosetepa, ti fo fea amatei depa naao kisipa yaalo ai ape,” yalepó.

⁹ Até yóló, Pol só derater Juda so whıné Tertulus-né dere fo mopó yópóló duraalu, “Ai dere fo feata, mo dapó,” yalepó.

¹⁰ Ai fo depa, kale *Gavman* topo whıné Pol-paae naasené yóló ąpaae naao fo yae depa, Pol-né duraalu. “Naao i hae kwia feamó betó mole so whıtamo fo tokóló taletu betepa, doasi ba fo keme yaletéi, yálo kisiparapó. Térené, mió atimané ę só derater fo tokó móturaalu, naao keletómó ę feléi kisipatamo yaai dapó.

¹¹ ę Jerusalem bepaee Talepaae moma yaairaal fele be demó, kaae sóro mió imó sókó wouraal, 12 be de i kemetere ape. Yálo i dere fo mo dépé kapala dutéro naao mo hákemó kelenérápó.

¹² Mió ę só deraai du betere Juda so whıné ę me whıtamo moma dere bemó ó fo wosetere bemó ó bela tuámó ó metikimókélé, me whıtamo fopaae fo depa, kolóló dumpípó.

¹³ Mió atimané ętamo fopaae buló só deraai fo tokóló taleyaai deretei, i betené dapóló fo wisi mekó depa naao wosaalo meipó.

¹⁴ Atérené ęta, ąané ayarapené Kótó aómó dua bitu, Yesu Kerisoné ala sya i fu beterapó. Atérruraalu Moses-né asere foró Kótóné kóló whırapené ere fotamo aómó sukóló

bituraalu, mopóló kisipa tiróló sya fu betera-
apó.

¹⁵ Ai betó mole wh̄irapené take waaire alimó Kótóné atimapaee eraaire wisi alamó hajné sukóló biture kaae ékélé mo betá kaae alatóró yóló beteraapó. Ti noatepae, wisi ala dere so wh̄ikélé, dowi ala du betere so wh̄ikélé, Kótóné ama kepaaraalopó ereiteinépó.

¹⁶ Atéreteiné, suka fea mo wh̄iné kele tómókélé, Kótóné kele tómókélé, hosaa tuámó me seké muni, haqeamó mo donoyóló dua i fu betere ape.

¹⁷ Be hulua dokó fea é atéroró kutu betepa, mepaae ba forape keme deté felepó. Atéroró momó é Jerusalem bepaee wouta, *moni* sóroró yolealere so wh̄i tao sóroró melóo, Talepaae haqe melatere alakélé yóo, yaairaaalu walepó.

¹⁸ Yálo ai alarape yóló é moma dere be dolopaae faai yaleteita, kale momaratere be kaae tare wh̄iné é fopeyóló duraalu, ‘Yá me ala munipa fae,’ depa faai yalepó. É mepaae so wh̄irapetamo touyóló betere alakélé, so wh̄i bóe delatere alakélé depa, atimané kilinipó.

¹⁹ Téretei, Esia hae kwiaró wale Juda wh̄irapené é só deraai kisipa mutu yaleteiné, atima ipaae wóló naao keletómó é só derólúasóroró ti mo wisi wuapó.

²⁰ Esia hae kwiaró wale Juda wh̄irape étamo fo tokóló taleyóló só deraai wen-itepata, ti i daae mole wh̄irapené yálo yale dowi ala etérorópóló déroró kelaai atimapaee wosae.

²¹ Atéyale sukamó é turukó holóló daalu fo fakeyóló duraalu, Kótóné sukutere wh̄i momó kepaaraalopóló kisipa tirateremó atimané étamo fo tokóló só deraai ai du betere ape,” yalepó.

²² Yesuné tu wisipaae fole ala Feliks-né mo diriyóló kisipa eruraalu, Juda so wh̄ipaae duraalu “Doasi topo wh̄i Lisias á ipaae dorowapata, ti ákélé, dá fea betámó bituraalu taleyaalopó,” yalepó.

²³ Feliks-né betá diki tare wh̄irape kaae tare wh̄ipaae duraalu, “Pol wisiyóló kaae tarutei á bemó tu kinóló betéréni ama fulumu wh̄irapené mepaae ya yare ɔla ɔlakó male wapa téyópóló yae,” yalepó.

²⁴ Téró mepaae be derape kemetepa, Feliks ama soma Drusilatamo walepó. Drusilata Juda fake sokó ama omatamo atéroró wóló bituraalu, diki tare wh̄irapepaae Pol dape sene fae depa, dape sene felepó. Atéroró wóló bitu, Pol-né Yesu Kerisopaae tué tiki tiratere ala etérorópóló yó matepa, kale sekéroró somatamoné wosetu betalepó.

²⁵ Pol-né atimamopaae Yesuné alamó mo dono yóló fole ala wisiró, tó tikiné dere ala fea dua wisiyóló kaae tatere alatamokélé, take nalopaae betá sukamó Kótóné dané

dere ala fea taleyaaire be dé waalopóló dere fokélé du betalepó. Feliks-né ai dere fo woseturaalu, á witepa Pol-paae duraalu, “Mió sūpa fae. Take nalopaae me demó tē mutepa, ti yálo yápaee ape yaalopó,” yalepó.

²⁶ Feliks-né Pol-né dere fo wosaaí ekéle yóló hekesse yaleteita, haqe mei, Pol-né *monikó* melópóló kisipa muturaalu, ama dere fo wosetua, momómo *dipula* beteraleta dua du betalepó.

²⁷ Atéroró, ba fo tamo kemeyóló k̄ilipaae Porsius Festus Feliks betale sirimó sóroró beteralepó. Tétepa, Feliks-né Pol *dipula* haqe beteralepóló taaralepó. Aita noa betené ini, kale Juda so wh̄iné tué tiki felé eraai kisipa muturaalu, betepa taaralepó.

25

Pol Festus-né keletómó fo tekale fo

¹ Téró, kale wh̄i Festus-né ama teteróló kaae tawaaire hae kwia tuámó tene be Sesaria bemó sókó wóló, be dé sore kemetepa ai be taaróló Jerusalem bepaee holalepó.

² Á atéroró fóló betere, so wh̄imó Talepaae momaratere topo wh̄iraperó Juda topo wh̄irapetamoné Festus-paae Pol só deraai fo fea yalepó.

³ Ti fo yóló apaae woseturaalu “Naao dá feléi kisipa muaire alakó eróturaalu, ai wh̄i i Jerusalem bepaee wópóló, dotonaasepe,” yalepó. Atimané atéroró yale fota, Pol Jerusalem bepaee hotepa tumó melaa yóló daai kisipa mutu yalepó.

⁴ Tétepa kale topo wh̄i Festus-né atimapaee duraalu, “Pol á Sesaria *dipula* bemó me ala yaqsóroró kaae tawóló beteraapó. Ékélé, imó sawa betóló momó Sesaria bepaee faai asiri horalepó.

⁵ Térapa, diaaq kisipané ai wh̄i tuámó me dowi alakó mupa, ti diá be kaae tare wh̄irape étamo Sesaria bepaee fópóló dotonaasepe. Atétepa, ti atimané ama yale ala haqearatapa, ti aimó fo tokóló tale yaalopó,” yalepó.

⁶ Festus á Jerusalem bemó 8 ó 10-ró be derape kemetepa ti á Sesaria bepaee derepelepó. Atéroró h̄ika be derape, kale wh̄i fo tokóló taleraterere bemó bituraalu, Pol dape só ape, yóló fo tokóló tale yaai yalepó.

⁷ Tétepa, Pol dapesó wóló daapa, Jerusalem beró dorowale Juda wh̄irape atima Pol daalepaae bopérale wóló daae molepó. Atépa, atimané étamo fo tokóló taleraterere fo betekélé meipatei, kae kae só deróló dere dowi forape dekeró h̄oko du betalepó.

⁸ Tétepa, Pol-né atimapaee i fo yalepó. “Yálo atima Juda wh̄irapené muló betere fo tukóló, ó atimané moma dere bekélé, ó

teteróló kaae tare *Gavman* whi Sisané fo muló betere alakélé, doratere ala mo inipó," yalepó.

⁹ Ti fo depa, Festus-né Juda so whiné kisipa felé yópóló kisipa mutu, Pol-paae duraalu, "Fo tokóló taletere ala yálo ó Jerusalem bemó yaalopa, ya ópaae honére?" yalepó

¹⁰ Ai fo depa, Pol-né ápaae duraalu, "É i betere fo teketera beta, Sisané fo teketera bepó. Térené fo teketera ala imótóro depa ti surapó. Ai Juda fake whirapepaae yálo me dowi alakélé eréniretei naao mo kisiparapó.

¹¹ É tuamótamo me dowi ala kwia nupa, ti é yálo yale alamó kwia mótu, sinaaipa, dópóló yae. Téretei, mepaae Juda whiné bete meipatei hále é só deraai depata, ti mepaae whiné Juda fakené hékeseere ala eraai é mené naase tuamó mullairetei Rom *Gavman*-né ai tu munipó. Térené Rom *Gavman* Sisané yálo fo tokóló taleyópóló Sisa doi dapó," yalepó.

¹² Atétepa, kale whi Festus á tao su mepaae kisipa matere whirapetamopi fo betámó yóló duraalu, "Sisané naao fo wosópólópó yóló kisipa mutupata, ti Sisa beterepaae faasepóló doteyaalópó," yalepó.

Festus-né Agripapaae Pol-né yale fo du betaletei

¹³ Ai ala yóló mepaae be dę kemetepa, *Kin* Agriparó ama nema Bernais-tamo Sesaria bepaae wóló, Festus á doasi whi sóro betero betereiteiné ápaae mo kée yóló ekéi fo wisi yaai felepó.

¹⁴ Atimaamo Sesaria bemó be derape dekéro bituraalu, Festus-né Pol-né yale alarape fea yó mótu betalepó. Atéro duraalu, "I whita, mo take Feliks-né *dipula* beteraleteitóro hále betepa taaló beterapó.

¹⁵ Take é Jerusalem bemó betere sukamó so whimó momaratero topo whiró Juda whirape teteróló kaae tare whi disirapetamo é beterepaae wóló, Pol só deraaire fo ene walepó. Atéro duraalu, ama yale alamó kwia mótu só derae yalepó.

¹⁶ Ti fo depa, yálo atimapaae duraalu, dá Rom fakené fo tokóló tale inipatei, hále susupuratero ala hoko dumipó. Térapa, diá mepaae whiné átamó fo tokóló taleturaalu, dané keletómó diaaó só deratere fokélé, ama yale fokélé, depa wosaalópó," yalepó.

¹⁷ "Atéro kale whirape dá fea wóló, ai hikatóro fo teketera bepaae fóló, atimapaae Pol dapesó ape yalepó.

¹⁸ Téró, Pol só deraai wóló betó mole whirape wóló, i whi etei kaae dowi ala depa dapóló bete mole fokó yaalo nisi yalemó inipó.

¹⁹ Atétepa, atimané Kótópaae moma dere ala kae yóo, Pol-né kale sukále whi Yesu momó kepaayóló beterapó yóló dere fo kae

yóo, dere fomó dóroi yóló dere fomaate wosalepó.

²⁰ Atétepa, ai fo bete wisiyóló kekalemó, tu me munipa, yálo Pol-paae ya só deratere fo Jerusalem bemó fo tokóló wosaalopa, ya ópaae holaaloé? yóló wosalepó.

²¹ Téyalemó ama duraalu, Sisané fo tokóló tale erópóló depa, á Sisa beterepaae dotonaaairaalú weí nuku kaae tawóló i betero betere ape," yalepó.

²² Ai fo depa, kale *Kin* Agripané duraalu, "Ékélé ama dere fo betekó wosaai dapó," yalepó. Ti fo depa Festus-né duraalu, "Dó hika be dętepa ama dere fo bete naao wosaasepe," yalepó.

Pol Agripané keletómó daayale fo

²³ Atéro hika be dętepa, Agriparó Bernais-tamo *kin*-né kuti deróló walepó. Atéro wapa, kale *Gavman*-né sóro daaló betere topo whiraperó ai be hulua kaae tare doasi whirapetamo atima fea wóló touratere bepaae derepelepó. Atéro betepa, Festus-né diki tare whirapené doasipaae Pol dape sene fae depa, dapesó wóló daalepó.

²⁴ Téró, Festus-né duraalu, "Doa *Kin* Agriparó doasi whirapetamo-ó, diané i whi kelae. Juda so whi feanékélé, Jerusalem be hulua so whinékélé, i be whi so whinékélé, ai whitamó fopaae buturaalu, épaae fo tokóló taleyóló só deraai du betere whi ai ape. Tétu, atima fo fakeyóló épaae duraalu, ai whi momó beterópóló meipa mo ti dóló aluraa du betere whi ai ape.

²⁵ Yálo kisipa fatepa, i whi tuamó á sukópóló daaire betekélé, mo meipó. Téretei amatei, Sisané ama fo wosóló taleyópólópó yaleiteiné yálo á Rom *Gavman* Sisa beterepaae dotonaaai yalepó.

²⁶ Té yaairaalú, dané doasi topo whipaae etérápóló asę yaai dere dowi ala kwia mekó yálo kilinipó. Tépatéi, yálo hále noa fo asę yaaloé? Téreteiné, doa whi Agripa yata, ti doasi teteróló daale topo whipa, naaotei fo bete donoróló wisiratero fo wosaai dapó.

²⁷ Ti noatepae, ama yale alarape fea asemó eróló sóro fupata, ti wisirapó. Aténi, *dipula* whi *Gavman* whi beterepaae hále hoko dotonatero ala tu munipó," yalepó.

26

¹ Ai fo du betero kemetepa, Agripané Pol-paae duraalu, "Naaó yale alarape fea naaotei yae," depa, ama naase horóló atimané á só deratere mo nisi yaqsóro, kaae sóro yalepó.

² "Doasi *Kin* Agripa-ó, ai Juda whirapené é só deratere fo yálo me dowi alakó yalemó dere nisi yaqsóro, naao keletómó é hékeseetamo atima dere fo tokó melaai dapó.

³ Ti noatepae, yaṭa ḁa Juda so whinē mara mole alakélé, atimané dóroi du betere fokélé, naao mo wisiyóló kisi-parapó. Téreteiné, yaḁo i dere fo betā naao wosaasepóló dapó.

⁴ E mo take ketemó yaḁo turuku bemó bituraalu, yale alaró Jerusalem be hulua-mó bituraalu yale alarapetamokélé, mió i deté kutu betere alarapekélé, mo fea Juda whirape atima kisiparapó.

⁵ Ti ḁta mió kisi wale whj mei, take bituraalu yale alarape fea atimané tué ereteiné yaḁo noa alaké depa, atimané kilitikimó ti atimané enérapó. Kale Farisi whirapeta, Kótóné ala eraai mo doakale ketekeḁ bole fakerapetamo titiyóló betā kutó yale whj ḁ i ape.

⁶ Take Kótóné ḁané ayarapepaae etei ala mo eraalopóló ere fo yaḁo mopóló kisipa tirateré alamó atimané mió ḁtamo fo tokóló só deraai ai du betere ape.

⁷ Kale ḁa 12 Israel fakerape dokopaae, Tale Kótóné i ala eraalopó yóló mulale fo mo dokonatapa kelaai haítamó betera-pó. Tétu, ḁtamokélé, dikitamokélé, betere dokḁ fea Kótóné dirae ere kutó betā dirótu betera-pó. Agripa-ó, ai ala du betere-mó ai Juda so whinē ḁtamo haḁetei fopaae buló só deraai dapó yalepó.

⁸ Sukutere whj Kótóné ama momó kepaaróló betera-pó dere fomó, ḁi noatapa sira du bitu de?

⁹ Take yaḁokélé, ai Nasaret whj kó Yesu Kerisoné doimó du betere ala taalópóló sesé dere ala yaairaaalu, yaḁo tuḁné mo wisi ala nisiyóló ḁ mo doakale ketekeḁ buale whj-pó.

¹⁰ Yaḁokélé ai kaae kisipa mutu, Jerusalem bemó-kélé, atei alatóró yalepó. So whj-mó momarateré topo whjrapené Keriso so whj sóró *dipula* beteraḁeta yae depa, ai ala dua yalepó. Téturaalu, mepaae so whj mo ti daairaalu epaae wosetepa, yaḁo 'Téyaalopa sae,' dua yalepó.

¹¹ Be ḁe dere dokḁ ḁ Keriso so whj Juda whinē fo wosetere berape dokḁ yóló, betó mole so whj tawóló sóró susupu eraairaalu beteraḁeta dua yalepó. Atéturaalu, atimané Talepaae dowi fo yópóló, doakale dowi susupui ala erótua yóló, ḁ doasi fopaae butu, botokó fóló kae hae kwiamó betó mole so whj-kélé sya kweyóló susupurótua yalepó.

¹² Yaḁo até dere alamó so whj-mó momarateré topo whjrapené yaḁo dere ala wisirapóló atimané ḁ sóró daalóló Damaskus bepaae dotonalepó.

¹³ *Kin* Agripa-ó, atimané ḁ atéro dotonatapa fu betalemó, tuḁ tuḁamó 12 *kilok* sukakelemó samó mo ama kae ḁenē ḁkélé, yaḁo fulumu whjrapekélé, ḁa fea daale tiki ḁeralepó. Ti ai ḁeta, sukané ḁekélé ai kaae meipó.

¹⁴ Ai ḁenētei, ḁa fea dóló beseké yóló haemó muó molemó, betā foné Erameike fo yóló duraalu, 'Sol! Sol! naao noatapa ḁ susupuraté kutu bitu de? Naao ai dere alata, kale *bulmakao* hupu hokotere whj dósuyóló nuku dere kae, naao dere alané yaḁeti, susupu saalo ai ape,' yalepó.

¹⁵ Tétepa yaḁo apaae woseturaalu, 'Tale-ó, ya né de?' depa, Talené epaae duraalu, 'Eta, naao susupuraté kutu betere whj Yesupó.

¹⁶ Térapa yaḁo turukó holóló, naao hḁleke donoyóló daane holae. Mió ḁ yaḁo beterepaae wóló i daaleteita, yaḁo kutó dirateré whj bitu, naao keleteré ala yó maté kweyópóló sóró beteraḁe walepó. Téturaalu, nalo yaḁo yaḁpaae me ala yó melaalopó.

¹⁷ Atétu, yaḁo naao fake so whj-nékélé, Juda meire fake so whj-nékélé, yaḁo ḁaḁsóró ḁ yaḁtamo wusuró betaalopó.

¹⁸ Yaḁo yaḁpaae ai erateré alata, yaḁo fóló kale kele dikire so whj kele fisḁae faraalopó. Téturaalu, atima diliki tuamó betereitei taaróló ḁ tuapaae waalopó. Atima kale Satan-né ḁeteróló kaae taretei taaróló, Kótó beterepaae wapa, ti atimané dowi ala yaḁo tokóló kemeraalopó. Até depata, ti ai so whj epaae tué tiki tiróló betó mole so whj kuamó, betamó beteraalopó,' yalepó.

¹⁹ Térapa, *Kin* Agripa-ó, i dere forape feata, yaḁo ó hepen bemó noke naró dere kaaené depa kelale ala taaréni, haḁe tué yó tareteiné yaḁo i fo tukóló me ala enénipó.

²⁰ Ai alarape fea, mo folosóró Damaskus be hulua so whj-paaepi yó melóló nalota, ti i Jerusalem bemó betó mole so whj-paae yó melale walepó. Téturaalu, Judia hae kwia-paaekélé, Juda meire so whj betere hae kwia-paaekélé, mo fea Kótóné fo tué yópóló yó melaté kweyalepó. Dowi ala fea taaróló, tué tiki feteyóló Kótó beterepaae wapa ti tó tikimó dere nisi yaḁsóró, mo ala dapó yópóló, naao dere alané haḁearae.

²¹ Yaḁo ai fo yó matere betené Juda whjrape wóló moma dere be dolomó ḁ tawóló daai yalepó.

²² Téyaḁetei, Kótóné ḁ tao sere ala take kaae sale be ḁemó deté waletei, mió i daale tuamókélé ai alatóró haḁe yó tapa i daale ape. Atéreteiné, mió ḁi doasi doi mole whjrapéró doi munire whjrapetamo betó mole tuamó yaḁo kelale ala i yó mótu betereiteita, me kae kisi fo meipó. Mo take Moses-ró Kótóné kóló whjrapetamoné i ala yaalopó ere fo mo dokónótu erale ala i yó mótu betere ape.

²³ Ai whjrapené ere fo i ape. Tḁeteróló kaae tanópóló sóró daaló betere whj Keriso doakale dele sóró mo ti sukḁalotei, momó kepaayóló betaalopó. A atéro kepaayóló bitu, Kótóné ḁa tao saaire fota, diliki tuamó ḁe erótu betere kaae ama Juda so whj-ró Juda meire fake so whj-tamopaae yó mótu

betaalopóló erapó. Ai ere fota, mió i yó mótu betere ape,” yalepó.

²⁴ Pol-né ai fo deremó Festus-né ama du betere fo teteróló fo fake yóló duraalu, “Pol-ó, naao ai du betere fota, ya doakale *skul* du betale tikimó naao topo doturaalu ai dere ape,” yalepó.

²⁵ Ti fo depa, Pol-né apaae tokó mótu duraalu, “Doa whj Festus-ó, e topo doyóló dumi, mo bete mole fotóro yálo i dere ape.

²⁶ Kale *Kin* Agripané i du betere foraperó dere alatamo beté mo fea ama diriyóló kisi-parapó. Atérené wi yóló ini, mo halaainé apaae du beterapó. Ti noatepae, ai ala feata hiyóló yaaire ala meipóló kisipa mutu dapó.

²⁷ *Kin* Agripa-ó, kale Kótóné kóló whirapené ere fo naao dosayóló mopó yóló tué tiki tiróló beterapóló yálo mo diriyóló kisi-parapó,” yalepó.

²⁸ Ai fo depa, Agripané Pol-paae duraalu, “Naao ai dere foné miótítóro yálo tué tiki hapale feteyóló Keriso whj beteraaloé?” yalepó.

²⁹ Ti fo depa Pol-né apaae duraalu, “Miótítóro kisi-pa feteyóló Keriso whj betaai depakélé, me be demó betaai depakélé, ti me qla meipó. Téreteiné yálo i dere fota, yapaae maaté dumi, mepaae ai daai mole so whj feapaaekélé, e betere kaae beterópóló kisi-pa mutu, Talepaae moma du beterapó. Tépaté e i ere kaae *sein* képiné dokotere ala betá erópóló moma erótumipó,” yalepó.

³⁰ Pol-né ai fo deremó kale *Kin* Agri-paró ama nema Bernais-tamokélé, kale *Gavman* whjiné sóro beteró betere whjkélé, atimatamo betó mole so whjkélé, fea turukó holóló belapaae felepó.

³¹ Atima atéro belapaae tóe fóló daae muluraalu atimasisi fo tiki kelaaróló duraalu, “I whj sukópóló daaire ala ó *dipula* beteraaire ala betekélé munipó,” yalepó.

³² Téro, Agripané Festus-paae duraalu, “Ai whjiné amatamo Sisané doi yóló ama fo talerópóló uameisóro, ti mióti fópóló yálo dotonólupó,” yalepó.

27

Pol wej nukumó Rom bepaee fele fo

¹ Atimané da Itali hae kwiapaae wej nukumó fópóló, taleyóló tukóló muló betepa, Pol-tamo mepaae *dipula* whjrapekélé, diki tare whjrape kaae tare whjiné naase tuámó mulóló doteyaai yalepó. Ai kaae tare whj Julias-ta, Sisané ama kae beteró betere diki tare whj doi mole fakekópó.

² Téro, da fóló Adramitium be whjiné nukutei Esia hae kwiamó wej fóku seseke kotere nuku duló betepa, da sóro felepó. Ai nukumó Masedonia hae kwiamó tene

be Tesalonaika be hulua whjkó Aristarkuskélé, dątamo felepó.

³ Da atéro fóló wej tómó fiyóló hika Saidon bemó sókó felepó. Ai bemó nuku daaróló Julias tué wisi muturaalu, Pol ama fulumu whjrape betere tikipaae a yayare ąlakó melópóló kweyae yóló dotonalepó.

⁴ Téro, da ai Saidon be hulua taaróló felemó, da faaire tikiró doakale besé tiki wouraalu faai dere ąnipa, Saiprus hae kwia fakeró wej fanoko seseke besé wale tiki kinaté felepó.

⁵ Téro, da Silisia beró Pampilia betamomó mole wej kela tuámó tukóló fóló, Lisia hae kwiamó tene be Maira bemó sókó walepó.

⁶ Téro da ai bemó sókó fóló, kale diki tare whjrape kaae tare whjiné Aleksandria be huluaamó Itali be huluapaae faaire nuku duló betepa kelalepó. Atépa, da ai nukumó beteró felepó.

⁷ Téro, da beséne dere alamó dua wóputé fu betepatei, be ąrape dekeró kemeyalepó. Até deté furaalu, Nidus be kese faté felemó doasi besé tikiné fenénipa, ąpaae bolokó felepó. Atéro, wejiné bopéro daaló betere hae kwia Krit tuámó wej fókumó tene Salmone bemó sókó felepó.

⁸ Téro da mo doasi besé tikiné fenénipa, hae duné kinaté mo dua wóputé wej fanoko seseke fu betalepó. Téro Lasea be felekemó betá wej sukóló mulale fale tiki wisi-naale doi mole nuku dulótua dere tikimó sókó felepó.

⁹ Atéro, wóputé fu betepatei, be ąrape dekeró hąle kemeyalepó. Téro, kale Juda whirapené ąla weyóló betere be ą kemene folepaae, beséro sosóli alitamo felekemó wai yalepó. Atei kaae be demó wej tómó nukutamó kotere ala mo wisinipóló kisi-pa mutu, Pol-né nuku só kotere whjrapepaae i fo yalepó.

¹⁰ “Ti be whj-ó, da mió doai sosóliro besé alitamo tuámó fupata, ti ąkélé, i nukukélé ąla ąlakélé, mo fea tuą tikimó aluyaalopó,” yalepó.

¹¹ Ti fo yaletei, kale diki tare whjrape kaae tare whjiné nuku taleró nuku só kotere whjtamóné dere fo woseturaalu, Pol-né dere fo sisópaae eralepó.

¹² Kale ai wej sukóló mulale fale tikimó da sosóli ali kemeyópóló kaae tawóló betaai yaletei sosóliné betenénipa, fo tiki kelaaróló tale yalepó. Atéro mo turó whjrapené duraalu, ai hae tikimóte me be hulua Finiksmó betaai faalopó depa felepó. Ti ai wej nuku duraleta dere tiki Krit haeta, *saot-ró west*-tamo upaae ene fóo, *norti-ró west*-tamo ipaae ene wóo epa tuámó erapó.

Doasi besé tikiró hali tikitamo wale fo

¹³ Atima atéro uté *saot-ró* fakeró maaté sawa béi besé wapa, kale nuku duló betere

halika teraayóló atima Krit weí fóku seseké faairaalu felepó.

¹⁴ Téró atima mo tupaae fenipatei, hasi bosenóló weí tómpaae dorowale doakale fotokóí besé tikiné doi *norti-ist* besé sókó wouraalu kale nuku tao sóró feteraai yalepó.

¹⁵ Ai besé tikiné nuku tao sóró weí kulu tuapaae taae fatepa, besé walepaaetei, jalesumó hóné sukálepó. Atétepa, ama kọleaané sóró fópólópó nuku bisiki tao diliki yóló hale betó mupa, beséné amatei sóró fu betalepó.

¹⁶ Téró, besénétei sóró fóló weíné bopéróló daaló betere hae kwia Kaodamó sókó felepó. Atéró ai hae tikiné kale besé kinóló fanokomó seseké furaalu, kale belekşamale nuku doasi nukumó dulaairaalu wolopeté felepó.

¹⁷ Téyale tikimó beséró hali tikitamo wouraalu, fotokóné fenénipa kale nuku sóró doasi nuku tó mó beleralépó. Atéró halika tikiné atima betere doasi nuku tekée faqsóró, ó kwiaró a kwiatamomó sjiyóló dokóo, tuámókélé sjiyóló dokóo, yalepó. Aita nuku hapale hjo furaalu, atikámó dée tane fóló atima doraqsóró wituraalu yalepó. Kale weí tó mó ama kọleaané fópóló nuku kejráte fole kuti kwia weipaae derólo duralepó. Ai weí kulu tuámó tukure halepané doita, Sirtis-pó.

¹⁸ Téró, fiyóló hjkakélé doakale besé tikiró weí asyatamoné dá felekemó sóró deratepa, nuku fé yópóló ai muó mole ọla ọla sóró weipaae kaae sóró teraayalepó.

¹⁹ Sore erateré be demó dá mo felekemó alunépa, kale nuku kotere ọla ọlatei tao suyóló weipaae teraayalepó.

²⁰ Atéru, sukakekélé horekélé mo sawa keleni, besé tiki betá hale wómaaté tapatei be derape dekéro kemeyalepó. Atétepa, dá betaaire kisipa mei, mo sukáaire kisipa betá muóló betó molepó.

²¹ Atére alamó kale be whjrape atima bitiré wale dokó ọlakélé néni, wote siri betó molepó. Atéru, Pol turukó holóló duraalu “Ti be whj-ó, take yało Krit hae kwia taaróló faalo meipó yale fo diaaq wosuqsóró, ti dá etei kaae seké sóo, diaaq ọla ọlakélé weipaae teraa yóo, wua meipó.

²² Téretei mió yało diapaae mo dapó. Dá i betó mole whjko weimó aluyaalo meipa, betá kisipa muóló faalopa sae. I nuku betá weí tuámó doyaalopa dá wi dere ala ini, hosaa diriyóló betae.

²³ Ẹ Tale Kótóné ama kutó dirópóló sóró betéro betere whjreteiné, take dilikitamo hepen bemó kutó dirateré *ensel* ẹ felekemó daane walepó.

²⁴ Atéró, ẹpaae i fo yalepó. ‘Pol-ó, ya wi yaqse. Kótóné kọlené sukutere ala yaşamó mulu, Sisané keletómó daalu fo

tokóló tale inipatei, yařo ai nukumó betere whjrapetamo alu yaalo meipó; yalepó.

²⁵ Térapa, ti be whj-ó, diá i weíné dere alamó wiyóló diri furu furu yaqse. Tale Kótóné ama kutó dirateré *ensel*-né ẹpaae yale fo motóro eraalopóló kisipa mutu, yało hosaa muni deyóló hajné sukóló i betere ape.

²⁶ Téyaalotei, i nuku betá ti weíné bopéróló daaló betere hae kwia felekemó tukure halepamó dene fóló doyaalo ai ape,” yalepó.

Weí nuku doyale fo

²⁷ Téró, dá Adriatik doasi weí kẹla tuámó fu betepatei, 14 be derape kemeyalepó. Ai 14 be de dilikitamo 12 *kilok* kale nuku só kotere whjrapené tuéné mió kale weíné bopéróló daaló betere hae kwiapaae felekemó sókó faai dapó kisipa mualepó.

²⁸ Atei kisipa mutu, halepa feleke deró kelaai sawa sekei ọla deralepó. Téyalemó, weí dolopaae doropóló hae olaane derepele dále dokó salemó 37 *mita* epa kelalepó. Atéro sawa fóló tumó kale dere kaae momó deróló salemó 27 *mita* epa kelalepó.

²⁹ Atéteremó, kale nuku hapale furaalu, weí dolomó daae mole kapomó dene folo dá felekemó doranépa witu, sekei ọlarape nuku salemó douřó duwóló deralepó. Atéró, furaalu, be hapale deyiópóló moma deté fu betalepó.

³⁰ Kale nuku só kotere whjrapené weíné atima sóró aluraqsóró botokó faaire tu keketu i ala yalepó. Atimané mepaae whjrape dilikóló atima faai kale sekei ọlarape nuku topomó duróló deratapóló, belekşamale nukuné halika teraatu betalepó.

³¹ Téyaletei, Pol-né kale diki tare whjrapené topo whjřo ama diki tare whjrapetamopaae duraalu, “Ai whjrape atimatamo i nuku tuámó bitini depata, ti dá fea weíné dóló aluraalopó,” yalepó.

³² Atétepa, kale diki tare whjrapené nuku belekša tiki duló betere képi weí dolopaae turukóló taae deralepó.

³³ Téró be deřeretamo Pol-né ai whjrapepaae duraalu, “Diá *fula* tamó tuá weíné dere alamó aso sókó fóló bitu, ọla sawakélé olaa yóló bitinipó.

³⁴ Atéyaleteiné mió yało diapaae ọla nae yóló se dere fo i dere ape. Diá wotené sukaqsóró fotokó buópóló ọla dekéro nae. Diąta, weíné mo betá whjókélé aluréni, wisiyóló dua sókó fóló betaalo ai ape,” yalepó.

³⁵ Ai fo yóló křilipaae *bred* o bula sóró taru atimané keletómó Tale Kótópaae mo kée yóló kolokó daalu yóló, ą kaae sóró nalepó.

³⁶ Atétere ala kilitu, whjrape fea hosaa muni deyóló hajtamo atimakélé sóró nalepó.

³⁷ Dá ai nukumó betale whirape dokó suraalu, 276 whirapepó.

³⁸ Atima ɔla nóló kemeróló kelalemó, kale nuku seké epa fé yópóló *whit* o yorape weipaae sóró teraayalepó.

³⁹ Atéro folo, hika be detepa, betá hae kwia epa kelaletei ai hae tiki atima wisiyóló kisipa inipó. Atéro ai hae kwia ere tikipaae kese faralemó, weí sukóló mulale fale atiká wisinaale keletepa aimó nuku dakerale faalópó yalepó.

⁴⁰ Atéyaairaaalu, kale sekei ɔlarape duló betere halika tikirape turukóló weí dolopaae taae deralepó. Téro kale nuku só kotere ni fake dokore halika tikikélé teraayalepó. Kale nuku beséné sóró fópóló duló betere kuti kwiarapekélé, teraayóló mulaletei, momó ó nuku kwia fójró woloralepó. Atéro, atima weí fóku atiká tópaee sókó faai felepó.

⁴¹ Téyalemó, kale nuku furaalu, weí tuamó sokore halepamó deyóló kaae saletikimó tokóló faaitere mo sunipó. Atépa doasi weí asyané, kale nuku sale mo terekeyóló taae falepó.

⁴² Atétepa, kale diki tare whirapené *dipula* whirape botokó weí álaae faqsóró mo fea dóló aluraai tué mualepó.

⁴³ Té yaai yaleteti, atima kaae tare whiné Pol sinaqsóró kisipa mutu, diki tare whirapené yaai yale ala sesé yóló taalalepó. Atéro, kaae tare whiné duraalu, diá mepaae weí álaae fole kisipare whirapeta, ti weí álaae fae yalepó.

⁴⁴ Mepaae weí álaae fole ketere whirapeta, ti ai nuku terekée fele ni fake halake dolomó bulóló álaae fua yae depa, atima fea ai fotóró sya fóló, wisiyóló sókó felepó.

28

Pol Malta haemó betere fo

¹ Dá sókó fele weí fókuta, weiné bopéré daaló betere hae Maltaepó.

² Ai Malta so whiné dá mo wisiyóló dape sóró simó beteralepó. Aita, doasi sosóli ali tuá dolomó hali nale tikimó sosóliné dá sukutepa, simó tiki dirirótu betalepó.

³ Pol ai felekemó yó mole si detame betapaae yóló simó bilirótu beteremó, whi tukó nokole wuli male si detame dolomó buó si supumó sókó wóló Pol-né naasemó tukó naalepó.

⁴ Atétepa, kale ai be tale so whiné wuliné Pol-né naasemó fq yó tapa kolóló, atimasitei duraalu, “Ai whjta, whj dilé kotere whj erurapó. Atétereteiné dowi ala dere kwia tokó matere kótóné ɔ weiné dóló aluréni, taaróló mió imó wuliné ai dele ape,” yalepó.

⁵ Tépa, kale whiné ama naase fépo yalemó, kale wuli male si dolopaae taae dere felepó. Até yaleteti, Pol ɔ naase tópuóló dotopo dere alakélé inipó.

⁶ Téro, ai daae mole so whiné Pol-né naase dotopo yóló tóputere ala ó dukó fóló sukutere ala kelaai kaae tawóló daapatei, suka kele doasi keme yalepó. Kale seké me alakélé initere ala kilitu, atima kisipa tiki momó feteyóló duraalu, i whjta kótóteipó yalepó.

⁷ Téro, Malta hae tetéroló kaae tare topo whj Pupilas-né ama hae ai weí fóku felekemó erepó. Ai sekéné dá ama bepaae mo dua wisiyóló dape sóró kaae tawalepó. Atéro, atamo betepa be de sore kemeyalepó.

⁸ Dá atéro beteremó, kale sekéné alima topo supu dere kisiró diasatamoné sukóló mupa, Pol-né ɔ kele fóló momaróló naase mulalemó, kale whj wisiyalepó.

⁹ Até dere ala kilitu, ai bemó kisi daayóló muó mole so whj mo fea Pol beterepaae wóló betó mupa, ama wisirótu yalepó.

¹⁰ Atétere ala kilitu, ai so whiné dá dukiróló doasi whj aɔralepó. Téro, dá ai be taaróló faaitepa, dá yayare ɔla ɔla fea atima melalepó.

Pol Rom bemó sókó fele fo

¹¹ Dá ai bemó welíe sore beteró faairaaalu, nuku kekalepó. Téyalemó Aleksandria whirapené nuku sosóli ali ereteiné hale muló betepa, dá ai nukumó bití felepó. Ai nuku kwiamó, betá be demó deale kótó naale tamo Kastaró Poluks-tamo sýróló aleale aso dakeró beterepó.

¹² Téro dá Malta taaróló fóló, me weiné bopéré daalo betere haemó teñe Sirakus be huluumó sókó fóló, aimó be de sore daayalepó.

¹³ Atéro, dá ai be hulua taaróló fóló, Resium be huluumó sókó felepó. Aimó fiyóló hika ti dá u *saot* fakeró besé wapa, taaróló fóló tu tuamó fiyalepó. Atéro fóló, Puteoli be huluumó sókó felepó.

¹⁴ Téro weí nuku taaróló mepaae Keriso norapené dá dape sóró atimatamo be de weikeró betalepó. Dá atéro beteró, nalo ti mo hae tumó fóló Rom be huluumó sókó faai felepó.

¹⁵ Téyalemó, Rom bemó betó mole Keriso no nerapené dá wou beterapó dere fo wose-turaalu, mepaae so whj atima dátamo hokola yaai ɔla dotonóló dupu dere tiki Apius-paae walepó. Mepaae uké wale whirape fiyópóló be sore teñó betere tikimó hokolaane walepó. Atéyaai mo umó wapa Pol-né atima kilitu, Talepaae mo kée yóló haj yalepó.

¹⁶ Téro dá Rom bemó sókó fóló, *Gavman* whiné Pol ɔ ama wotoró kae bemó beteróló diki tare whj betá ɔ kaae tawóló beterepó.

Pol q diki tare whinė kaae tapatei Talené fo yó maletei

¹⁷ Téró be de sore kemetepa, Pol-né Juda topo whirapepaae tourale ape yóló betó mupa duraalu, "Norape-ó, yalo so whipaae dowi ala mekó eréni yóo, dané ayarapené mara mole alakélé, doréni yóo epatei, atimané e Jerusalem bemó hale tawóló *dipula* beterópóló, Rom *Gavman*-né naase tuámó i muló betere ape.

¹⁸ Téró, Rom *Gavman* whiné fo tokóló taleralemó, e doló sukunaai dere dowi ala kwia mekó munipa, fópóló dotonaaai yalepó.

¹⁹ Téyaletei, Juda whirapené meipa *dipula* beterae dere fomó, yalo ti wisirapa Sisané yalo fo tokóló taleyópóló Sisa doi yalepó. Yalo atéyale alata, yalo so whítamo fo tokóló atima só deraai kisipa mutu ini, atimané e haletei *dipula* beterae depa yalepó.

²⁰ Ai fo hakearóló diapaae yaairaalu, ape yalepó. E *sein* képiné i dokóló muló betereiteita, kale Israel fake so whi Kótóné tao saalópóló haítamo betere ala mo dokonale betené e *sein* képiné dokóló i betere ape," yalepó.

²¹ Ai fo depa, kale whirapené apaae duraalu, "Mepaae Judia hae kwiaró wale noraapené naao i dowi ala yalepó yóló, dapaae *fas* asé yóló alatare ala ó kólóné ene wale alakélé inipó.

²² Atépatei, dané mió naao kisipa mole fo betá wosaai dapó. Ti noa betené dumi, be hulua feamó betóló fale so whiné duraalu, da i fake tuámó bukótamo yóló kae bití fale so whi dorapó depa dané wosetu beterapó," yalepó.

²³ Ai fo kełaraai, atima momó touraaire be de tukóló mulalepó. Ai kale tukóló mulale be de sókó wapa, take folosóro wale whirapetamo mepaae kae wale tikimó, so whi mo fea hale ɔla kaae Pol betere bepaae wóló touralepó. Atéro betó mupa, Pol-né Kótóné tetéroló kaae tare aqmó mole ala etérapóló yó mótu, Moses-né asere foró Kótóné kóló whirapetamoné ere fotamo yó mótu betalepó. Téró ai fo mo dokonóturaalu, Yesu mo ai wale ape yóló hıkatı kaae soró yó maletei be dikiralepó.

²⁴ Ai fo woseturaalu, mepaae so whi Talepaae tué tiki feteyóló tiraleteti, mepaae tué fetenipó.

²⁵ Atéturaalu, atimasisitei kae kae kisipa muóló foné u só derótu i só derótu du betepa, Pol-né fo kemerótu i fo yalepó. "Dei Kepé Wisiné diané ayarapepaae Kótóné ama fo wisi yó móturaalu, Kótóné ama kóló whi Aisaiané kólómó mo fo erapó.

²⁶ Yá fóló, yalo so whipaae i fo yae.

Take diaaq yalo fo wosaalotei foné bete wisiyóló kisipa maaalomeipó.

Take diaaq yalo dere ala mo kelené kelaalotei, ai alané bete diaaq kisipa yaalomeipó.

²⁷ I so whiné hosaa hapólu eru, atimané woséliné wosaaireteikélé, mo hapólurapó.

Atima kelené bete wisiyóló kelaqsóro kele hukunó beterapó.

Atimané woséliné wosenaalemó, bete wisi wisiyóló wosóo, atimané tué tekeyóló bete kisipa duraalu, epaae feteyóló wapa, yalo wisiróo yaqsóro hapóluró beterapó,' erapó.

²⁸ Térapa, i ala betá diané tué muópóló dapa wosae. Kótóné ama mo doasi tao sere alata, kale Juda meire fake so whi beterepaae dotonó betereitei diaaq kisipa yae. Térené take ai so whiné wosóló tué muaalopó," yalepó. Atimané Pol-né ai dere fo woseturaalu, atima a taaróló faai yalepó.

³⁰ Ba fo tamo tuámó Pol a betere be amatei, dupu deté fóló beterepó. Atétu, a beterepaae wua dere so whi mo fea wisiyóló dape sóro ekei fo dua yalepó.

³¹ Téturaalu, Kótóné tetéroló daale aqmó mole alaró Tale Yesu Kerisotamoné ala etéropóló diriyóló halaainé daalu yó mótu beterepó. Ama atéro yó mótu betepa, whi mené sesé dere ala inipó.

Rom

¹ I asęta, Yesu Kerisonę kutó diratere whĳ Pol-nę dapó. Kótónę ama fo wisi yó matę kwęyópoló, ę beterepaae ape yóló, ę *aposel* whĳ sóró beteralepó.

² Yesu Keriso ę waai teópatęi, Kótónę koló whĳrapenę so whĳ tao saaire fo wisi waalopóló, yóló mulale fo ama kae muló betere *buk*-mó asęyóló mulęlipakalepó. Ai fota me kae mei, Kótónę ama naalemamó erapó.

³⁻⁴ ę mo tiki daaleiteita, ti Depit-nę detę wale whĳnę deyaiteinę erapó. Mo kae beteroťu betere Dęi Kepe Wisinę ę Kótónę Naalema mo doasi fotokę bole whĳpóló so whĳ feanę kisipa yópoló haķearaiteita, ę suķaleite momó kepaayale alanę eralepó. ę me kae mei, da teťeróló kaae tare whĳ Yesu Kerisotórotipó.

⁵ Yesunę ama doi doasi muópoló, Kótónę ępaae matepa amamo hamokoróló dąpaae *aposel* kutó melalepó. Atęyaiteita, Juda meire fake so whĳ fea Yesu Keriso beterepaae wóló, ępaae kisipa tiki tiróló ama fo aqomó sukóló beteroťpoló, ai fo yó matę kwęyae yóló, da sóró beteralepó.

⁶ Diąkélę Yesu Kerisonę ę beterepaae ape yóló, ama fake so whĳtamo touró betereiteinę mo ama so whĳtóró beteraľpó.

Pol Rom-paae faai yale fo

⁷ ęalo i dere asęta, Rom bemó betó mole Kótónę yaala sókó furaalu ę beterepaae ape yóló, sóró kae beteroť betere so whĳpaae dapó. Tęrapa, dąnę Aya Kótóró Tale Yesu Kerisotamonę hamokoróló tao sere alaró hosaa muni deyóló mo dua betere alatamo, dią feapaae erópoló yae.

⁸ ęalo folosóró dere fo i ape. Dią Talepaae tuę tiki tiró beteraľpóló, i hae kwiamó betó mole so whĳnę detę fupa ęalo wosalepó. Dią fea atéroť betępa, ę Yesu Keriso tuąmó bitu, ę teťeróló kaae tare Kótópaae mo kęe du beteraľpó.

⁹ Kótónę ala eróturaalu, ęalo hosaa tuąmó doasi ketekę buóló, ama naalemanę fo wisi so whĳ feanę wosópoló i yó mótu betere ape. Ai Kótónę keletómó, betere dokę ęalo dią kisipa keteręni, diąmó moma haķe eró taretei ama mo kisiparapó.

¹⁰ Atéroť moma detę wou betereitei, mió mo dokonóturaalu ę dią beterepaae wópoló, Kótónę ama tuę aleraai kisipa mupa, ti ai ala mo erópoló du beteraľpó.

¹¹ Dęi Kepe Wisinę ę tuąpaae hamokoróló erale ala wisi dią fotokę buóló beteroťpoló, ęalomo dią melaai ę dią beterepaae mo wonęe du beteraľpó.

¹² ę dią beterepaae wonęe du betereiteita, haķe meipó. Diaaq Talepaae kisipa tiki tiró

betere alanę ę ketekę buóló, ęalo kisipa tiki tiró betere alanę diąkélę ketekę buóló yaai kisipa mutu waai dapó.

¹³ Ne norape-ó, ęalo i dere fo diąnę kisipa yaasepóló diriýóló wosae. ę mępaae Juda meire fake tuąpaae fóló, Kótónę ala eróló du olerótu yale kaae, dią tuąpaaeakélę ai ala eraai kisipa mutu wonęe du betereitei mępaae alanę sesę detę wóló, miókélę ai alatóró haķe du beteraľpó.

¹⁴ ęta, Krik fo bole whĳró kae be fo bole whĳtamokélę, *skul* yóló doasi kisipa sere whĳró *skul* ini mo haķe betere whĳtamopaaekélę i fo wisi yó matere ala Talenę ępaae dirae yóló melale kutó ereteinę taaręni, feapaae mo eraai doasi ketekę bulapó.

¹⁵ Atęre betenę, dią Rom bemó betó mole so whĳpaaekélę kale fo wisi yó matere ala ę wini, halaainę yó melaai mo doasi ketekę bulapó.

¹⁶ Ti ai fo wisi tuąmóta, Kótónę ama fotokę boleteinę ai fo wosóló tuę tiki tiró betere so whĳ fea aluyaqsóró, tao saaire fopóló kisipa mutu, ę wini halaainę yó mótu beteraľpó. Ai fo wisi folosóró Juda fake so whĳpaae yó melóló, nalo ti Juda meire fake so whĳpaae i yó mótu betere ape.

¹⁷ I fo wisinęta, Kótónę keletómó mo donoi so whĳ beterate ala i ape yóló, haķearóló yó mótu beteraľpó. Ti ai donoi alata, kaae sóró detę fóló kemene folepaaekélę me alanę sumitei, kisipa tiki tiratere alanę betę sua dapó. Ti aita, asęmó ere fo kaaepó. “Mo donoi so whĳta, kisipa tiratere alanętóró bitirę faalopó,” erapó.

Kótó fopaae butu erótu betere ala

¹⁸ Tępatei, i haemó betó mole so whĳnę Kótó betere kisiparutei, bitini nisiýóló ama fo wosaalo hýróló, kae kae du betere dowi alanę kale bete mole mo fo wisi aluróló husirótu beteraľpó. Atętu betępa Kótó hepen bemó bitu, ai dowi alatamo fopaae boletei so whĳ feanę kolópoló, haķearótu beteraľpó.

¹⁹ Ti ama ai fopaae butere alata haķe mei, Kótó ę etei kaae Tale beteraľpóló so whĳnę kisipa yópoló, amatei ę haķearóló yó mótu betalepó.

²⁰ Mo take Kótónę i haeró yó mole ęla ęlatamo kaarale alimó kaae sóró bitirę wale so whĳnękélę, mió i alimó betó mole so whĳnękélę, Kótó ę tuąmó ere ala kelenę ke-lenęnipó. Tępatei, ama aleyóló muló betere ęla ęla kilituraalu, i ere ęla ęla feata, mo ti betere Kótónę doasi fotokęnę alerapóló kisiparapó. Atęre betenę fo tokóťtamo yóló taletere alimó, Kótópaae ęa betere kisipa iniru yalepóló, ama kisipa felęratere fokélę mo yaalomeipó.

²¹ Ti noatepae, Kótó atimané kisipa irutei, Talepólo ama doi doasi muópólo hale horaterere ala ó mo kée dere fokélé dua inipó. Téturaalu, atimané mole tué tikikélé okoko iru, hosaakélé mo tóru yólo diliki yó falepó.

²² Ti atimanétei ðata, tué tiki fosó fosó yólo dotoróe fale whjrape beteraþó du betepatei, atima okokoi whj alée fóló betereþó.

²³ Atéru, sukókélé ini, ama kae ere de wisi-naale faane Kótó betepatei, kelené kilinipólo taalóturaalu, kelené keletere ɔla ɔlatei, Kótó sūróló whjné naasené aletua yalepó. Ti ai aletua dere ɔlata, whj ó ba, na, hupu, wuli, aita sukutua dere ɔlarapetei sūróló aleóló aso daaróló, atimané Kótópólo motua yalepó.

²⁴ Atétu betale betené atima hosaa tuámó ekele yólo du betere dowi ala mo ti fakeyóló so ó whj hamomatamotei nópu nokole ala du betepa, Kótóné sesé ini, mo ti deté fu betereþólo taaralepó. Atétepa, hale deté fu betale mo sonaalei dowi alané atima tikitei folokoleróló, u dorale i dorale du betalepó.

²⁵ Atéturaalu, Kótóné mo fo wisi taaróló, kapala fotei tao tawalepó. ɔla ɔla fea aleyóló muló betere Tale betepatei ɔ aomó sukóló bitini, ama aleyóló muló betere ɔla suka, kósupó, hupu, na, hasi, ni atimané talepóló aomó sukóló bitu, ai ɔla ɔlané hekesere ala eróló momatu betalepó. Ai ɔla ɔla feata, Kótóné aleóló muló betereiteiné ama doi betá hale sóro horóló, mo kée fo du betenérápó.

²⁶ Atima atei ala hale du betepa, mepaae mo sonaalei dowi alakélé ekele yólo hale deté fu betereþólo, Kótóné seséni taaralepó. Sorape atima whjamo dere ala taaróló, so hamomatamotei dowi ala du betalepó.

²⁷ Soné ai dere ala kaae, whjrapenekélé sotamo dere ala taaróló, whj hamomatamotei yaaire dowi ala atimané hosaa tuámó si kaae dukuraalu, ekele yólo du betalepó. Whjné yópóló Kótóné muló betere donoi tu mupatei taaróló, whj hamomatamotei sonaalei ala du betaletimó, Kótóné matere dowi kwia atimané tikimótóro su betalepó.

²⁸ Ai ala tómó, Kótó ɔ etei kaae Tale beteraþó tué ini, hale ɔla nisiyóló taee faraletiné atima mo okokoi tué mulóló, ené iniire ala hoko deté fu betereþólo taaralepó.

²⁹ Atétepa, du betale dowi ala atima tuámó faayóló sūraletei i ape. Donoi ala ini, hoko dere alakélé, so nópu nokole alakélé, ɔla ɔla mo dekéro senée dere alakélé, mepaae dere sonaalei dowi alakélé, hale yó tarepó. Téturaalu, mepaae whjné mole wisi wisi ɔla ó du betere alakó enée yólo dei tué mutereteikélé, whj dele alakélé, hɔle sere alakélé, whj dilikitere alakélé, me whjpaee dei kisipa mutere alakélé, betere dokó hale yó tarepó.

³⁰ Tétu me whj kikiti eraterere fokélé, mo hakeamó yólo sininaterere fokélé, Kótó hóróló bóe dele alakélé, fo wosóló aomó bitini, dowaae fole alakélé, nene duraalu bopé faketerere alakélé, me whjné amatei ɔ doi sóro horaterere alakélé, hale du beteraþó. Aita atimané tuénétei kae kae dowi ala kaaróo, hama alimané dere fokélé woseni dowaae fóo, duraalu dapo.

³¹ Tétu, wisi tué mutere alakélé, kisipa tiki tiraterere alakélé, yaala sóko fole alakélé, klené sukutere alakélé, atima tuámó mo munipó.

³² Kótóné ama mo donotóro taleturaalu, atei kaae ala du betere so whjta, mo ti sukópóló dae ere fo atimané tué irutei, dowi ala hale yó tawóo, atei kaae ala du betepa mepaae whjné kilitu, ai alata mo wisirapa yae yóo du beteraþó.

2

Kótóné fo tokóló mo donotóro taletere ala

¹ Atérapa, diá mepaae so whjné du betere ala taleyóló só derótu betere so whj-ó, fo tokóló taletere sukamó diá haşóko faai kisipa muter, me fo tokó matere alakélé mo yaalomeipó. Ti noatepae, atima du betere ala kaae diaaokélé du betereiteiné, atima só deróturaalu diakélé ai só derótu betere ape.

² Ai ala du betere so whjta, Kótóné hale hoko taleyóló só deréni, atimané mo yale ala Kótóné mo donotóro taletu betereitei ðané kisiparapó.

³ Diá mo whjné mené dere ala taleyóló só derótu betere-a, atimané ai dere ala kaae diaaokélé du betepa, Kótóné mo donotóro taletere tuámó diakélé haşóko faalopóló de?

⁴ Meta, Tale ɔ mo wisi alatóro erótu betere Kótó bitu, diá haşóko fóló dowi ala depa kwia hapale tokó meni yóo, diá tu wisi-paae fópóló kaae taté fóo, du betere ala diá kisipani, hale ɔla kaae aqróló faletu betere? ɔta wisi alamaate erótu betere Tale ereteiné, diá dowi ala taaróló tu wisipaae fópóló, kaae taté fu betere ala diaaoké kisipa ini airapó?

⁵ Tépateti diaaoké hosaa taru, dowaae fóló dowi ala hale yó taremó Kótó ɔ fopaae butu, kwia melaaire ala diaaokéi betapaae yólo muté ai hutu betere ape. Atéro kwia matere alata, ama mo donoyóló taletere ala haakearaterere be demó yaalopó.

⁶ Kótóné asemó i fo erapó.

“Betá betá so whj atimané yale alamó Kótóné kwia mo donotóro melatepa saalopó,” erapó.

⁷ Mepaae so whjné wisi alatóro hale yó taru, Kótóné ama kae ere de wisinaalekélé, wisi doi muaaire alakélé, ɔtamo betámó betó tawaaire alakélé, senée yólo wóputu

betere so wh̄ipaae Kótóné mo ti betere bete melaalo ai ape.

⁸ Téretei, mepaae so wh̄j kale mo fo wisi wosóló aqmó bitini, atimatei h̄ekese yaaire dowi ala sya fóló, du betere so wh̄jtaamo Kótó ʔ fopaae butu, kwia melaalo ai ape.

⁹ Atéturaalu, dowi alatóró du betere so wh̄j fea dei fomaake kisipa muópóló, Kótóné sek̄ei ala folosóró Juda fake so wh̄jpaee eróo, nalo ti Juda meire fakepaae eróo, yaalopó.

¹⁰ Téyaalotei, wisi ala du betere so wh̄jpaee ti Kótóné ama kae ere ʔe wisinaalekélé, wisi doi muaaire alakélé, hosaa muni deyóló dua betere alakélé melaalopó. Ai alata, folosóró Juda fake so wh̄jpaee melóló, nalo ti Juda meire fakepaae melaalo ai ape.

¹¹ Ti noatepae, Kótó ʔta me fake so wh̄jpaee wisi ala eróo, me fakepaaemo dowi ala eróo dumi, mo bet̄a kaae alatóró erótua dapó.

¹² Mepaae so wh̄j Kótóné ama tukóló muló betere fo tué inipatei, dowi ala du betepa, ti ai tukóló muló betere fo h̄ale mupatei, Talené atima só deróló mo ti aluraalopó. Atétere kaae, mepaae so wh̄j fea Kótóné ama tukóló muló betere fo tué irutei, dowi ala du betepa, ti ai tukóló muló betere fonétei só deraalo ai ape.

¹³ Ti noatepae, Kótóné ama tukóló muló betere fo h̄ale wosetu betere so wh̄jpaee mo donoi so wh̄jopó yaalomeitei, sya fóló erótu betere so wh̄jpaee ti mo donoi so wh̄jopó enérápó.

¹⁴ ʔ dere fota mo dapó. Juda meire fake so wh̄jpaee kale tukóló muló betere fo mené dos̄ayóló yó meni, atima k̄leaanétei ita wisi alapó, ita dowi alapóló tuépa, ti Kótóné ama tukóló muló betere foné eraaire ala atimané hosaa tuámó as̄eretei h̄akearatapó.

¹⁵ Atéturaalu, atimané me dowi ala depa, ti hosaa tuámó atimatei só deróo, me sukamó yale ala tūenétei taler̄alemó, me ala yale kisipa munitepa, ti atima só der̄enipó kisipa muóo, dua dapó. Atétere alané Kótóné i ala yae, i ala yaq̄se ere fo atima hosaa tuámó as̄eretei h̄akearatapó.

¹⁶ Ti ai alata, Kótóné so wh̄j feané hosaa tuámó hiróló mole alarape taletere be demótóró Kótóné Yesu Kerisopaae tale yae depa, amamo tale yaalopó. Kale fo wisi yało yó móturaalu me fo kae dumi, ai fótóró yó mótu heterapó.

Kótóné tukóló muló betere fo Juda fake atimanékélé tikitua dapó

¹⁷ Térapa, dīa Juda fake so wh̄j-ó, yało i dere fo mo wosae. Diaāq kisipané dīata, Juda fake bitu, kale tukóló muló betere fopaae tué tiki tiróló, Kótótamo fulumu yóló betámó betere so wh̄jopóló bopé faketu bitu de?

¹⁸ Kale tukóló muló betere fo tuámó mo bete mole foró doasi kisipare alatamo diaāq diriyóló kisipa sóro, Kótóné ama yaai kisipa mole ala betekélé sumó tūeruraalu, kae kae ala fea taleyóló, mo bete alata i ape du betere?

¹⁹⁻²⁰ Ti dīa feata, Kótóné tukóló muló betere fo tuámó bete mole alarape fea bu-lapóló kisipa mutu, kele dilikire wh̄jrape ʔlisóró fóló tu yó melóo, diliki tuámó betere so wh̄j demó beterópóló ʔeróo, okokoi kisipa mole so wh̄j donoratere ala yóo, keteirape yó matere wh̄j betóo erapó du bitu de?

²¹ Ti dīané ai yó mótu betere fo-a, di-aaqkélé sya fóló du bituraalu de? Dīané mepaae so wh̄j ma duraalu, qlémi naq̄se du betere-a, dīakélé qlémi nukumié?

²² Diaāq mepaae so wh̄j ma fo duraalu, nópu naq̄se du betere-a, dīakélé nópu nuku-mipóló de? Dīa kapala kótópaae moma yaai aleale ʔla h̄órótu betere so wh̄j-ó du betere-a, dīa momatere bemó muó mole ʔla qlémi sinituraalu de?

²³ Dīa kale tukóló muló betere fo tuérápóló bopé faketu betere so wh̄j-ó, diaāq ai ere fotei tukóló, Kótóné doi folokoleróló dorótumié?

²⁴ Diaāq du betere alata, as̄emó i ere fo kaaepó.

“Diaāq du betere alané Juda meire fake so wh̄j tuámó Kótóné doi wisi mo ti doró beterapó,” erapó.

²⁵ Kale tukóló muló betere fo sya fóló erótu bitutamo, tiki sekā tukóló sirótu betepa, ti bete mulapó. Tēni, kale tukóló muló betere fo sya feni tikitu betepa, ti tiki sekā tikinire wh̄j aq̄rapó.

²⁶ Téretei, mepaae tiki sekā tikinire wh̄jiné kale tukóló muló betere fotamo sya fóló erótu betepa, ti tiki sekā tikire wh̄jiné dere ala kaae yaalo meipóló de?

²⁷ Atérapa, dīa tiki sekā tukóo, kale tukóló muló betere fokélé tué yóo irutei, ai fo tikitu betepa, ti tiki sekā tikinirutei kale tukóló muló betere fo sya fóló erótu betere wh̄jrapené dīa só deraalo ai ape.

²⁸ Mepaae Juda fake wh̄j h̄ale tó tikiné maaté ʔata, Juda fakepó du betepa, ti ai wh̄j ʔ mo Juda fake wh̄j meipó. Ti mo tó tiki sekā tikitu betere alata, me bete munipó.

²⁹ Mepaae wh̄j detamo ama hosaa tuámó Juda wh̄j betepa, ti ʔ mo Juda wh̄j ai ape. As̄emó ere fo maaté sya fóló mo siriró betepa, aita bete ala meipó. ʔei Kepe Wisiné hosaa tuámó siriró betere wh̄jta, mo siri eró beterapó. Atei kaae wh̄j doi sóro horatere alata mo wh̄jiné dumi, kótóné bet̄a ʔ sóro horótu beterapó. Kótóné bet̄a ʔ sóro horótu beterapó.

3

Mepaae alané Kótóné eró tare wisi ala aluranénipó

¹ Térapa, Juda fake kolósu, Juda meire fake kolósu depa, noa wisi alané Juda meire teraae fale? Ó atima tiki sekaę tikitere ala tuamó noa ke wisikó bule?

² Aita mo kae kae ala fea atimapaee meló betereiteiné teraae falapó. Ti folosóró meló betere topo ala i ape. Kótóné mo ama fotóró atimapaee wisiyóló kaae tawae yóló, melóló atima sóró beteralepó.

³ Ti mepaae Juda fake so whį apaae tuę tiki tirénitere betené noa ala yaaloé? Ai dere alané Kótóné ama so whįpaae eró tare wisi ala doróló aluranéne?

⁴ Mo meipó. So whį feané dere ala taletepa, kapala fo bupatei, Kótó ą betą mo fotóró bulapó. Aita, asemó i ere fo kaaepó.

“Naao dere fokélé mo donotóró yóo, fo tokóló taletere alakélé, naao kisipa mole ala sya furaalu mo donotóró dapó yóo, yópoló yae,” erapó.

⁵ Dąné hęko du betere dowi alané Kótóné mo donoi ala so whįné kolópoló hąkearatepa, dąné noa fo enére? Dąné du betere alamó Kótó ą fopaae buturaalu kwia matepa, hęko ala dapó yaaloé? Ti atei kaae mutere tuęta, mo whįné mole tuępóló i dere ape.

⁶ Kótó ąta, hęko ala dumipó. Atei kaae ala wuąsóró, ti i haemó betó mole so whį featamo netéró fo tokóló tale uąé?

⁷ Mepaae so ó whįné etei kaae fo enérápó. “Yąlo kapala ala du betepa, ti Kótóné ama bete mole alaró mo kae ere dę wisinaaletamo hąkearóló, mo ti fakerótu beterapó. Atétu betepatei, noatepamo Kótóné ę dowi ala dere whįpóló, só derótu betere?” enérápó.

⁸ I dere fotamo mopa, ti etei kaae fo enérápó. “Wisi ala sókó wópoló, dą dowi ala dekéró yaalopa sae!” Dąné atei kaae hęko fo du beterapóló, mepaae so whįné dą doi doróló erótu beterapó. Mepaae whįnékélé atei fo deté fupa wosalepó. Talené atei kaae so whį só derótu betere alata, mo donopó.

Donoi whį mo betąkélé bitinipó

⁹ Térapa, atei kaae dere forape wosetu-raalu, dą noa kisipa munére? Kótóné dą Juda fake wisiyóló kilituraalu, Juda meire fake siwiylóló tao sumipóló kisipa mute? Ai ala mo dumipó. Dą Juda fakekélé, Juda meire fakekélé, fea betą alatóró ereteiné dowi alané dokóló muló beterapó.

¹⁰ Aita, asemó ere fo kaaepó.

“Donoi ala dere whį mo betąkókéle bitinipó.
¹¹ Mo betą whįnékélé etei kaae Kótó beterapó kisipa muóo, mo betą whįnékélé Kótó kelaai dapóló keteę buóló kekóo, mo dumipó.

¹² So whį mo fea tu wisi taaróló kóppaae fóló, atima feané du betere ala bete muni, mo ti doyo falapó.

Wisi ala dere whį mo betąkókéle bitinipó. Mo meipó,”

¹³ “Atimané du betere fota, whį dou tukętepa dei kęlaa sókó woutere kaae yóo, atimané dere fokélé whį dilikóló kapala fotóró yóo, atimané kolómó du betere fokélé, whį tukó nóló sukunatere dowi fę bole wuliné whį dóló sukunótu dere kaae, yóo du beterapó,”

¹⁴ “Atimané me whį yóló sininóló só der- atere foró, whį hąkesąaratere fotamo atima tuamó fąanuraalu, hąle yótóro tarapó,”

¹⁵⁻¹⁷ “Atima whį daai keteę buóló kekepatamo furaalu, bekélé, ąla ąlakélé fea doróo, so whįkélé susupuróo yóló fi tikimó, nalo wale whįné atima kaketu betepa kelaalo ai ape. Atéturaalu, hosaa muni deyóló mo dua betere ala atima mo kisipanipó.”

¹⁸ “Ai so whį atimané du betere alamó, Kótóné kwia melaalopóló witere alakélé mo dumipó,” erapó.

¹⁹ Kale tukóló muló betere fota, hąle whįrapepaae dumitei, ai fo aqmó sukóló betere so whįpaae dapóló kisipa mutapó. Atére betené i haemó betó mole so whį feané yale ala betąkélé hąsókó feni, mo donotóró taletere sukamó, dąné yale dowi alamó dąpaae wosetepa, me fokó hiréni, mo dono dapó fo betą enérápó. Téturaalu, mo betą whįnékélé atei ala inipóló, Kótóppaae me tokó matere fokélé mo enénipó.

²⁰ Atéreteiné Kótóné mo betą whįpaaekélé, yąta kale tukóló muló betere fo wisiyóló erótu betaleteiné donoi ala du betale whįpó fo mo yaalomeipó. Ti ai tukóló muló betere fonéta, dą fea dowi ala dere so whýtóro beterapó kisipa muópoló, dąpaae hąkearóló yó mótu beterapó.

Tuę tiki tiratere alané donoi so whį betera- atapó

²¹ Tépateti, Kótóné tukóló muló betere fo mupatei, mió ama so whį donoratere ala hąkearó betepa kelerapó. Ai ala yaalopóló, kale tukóló muló betere foró kóló whįrapetamoné asemó erapó.

²²⁻²⁴ Ti Juda fake ó kae fakekélé me ala kae inipó. Dą fea dowi ala yó tareiteiné Kótóné ama ere dę wisinaale mo yąyąrapó. Atépateti, dą fea Kótóné hamokoróló hąle tao sere alané donoi so whį beteralepó. Ai tao sere alata, Yesu Kerisoné ama betere bete melóló, dą dupuró beterapó.

²⁵ Ti Kótóné Yesu sukópóló meló betere alata, so whıtamo fopaae bole ala kemeróturaalu erapó. A atéró sukale ala mopóló tué tiki tiratere so whıtamo Kótóné fopaae butere ala momó kae yaqsóro, mo ti kemeró beterapó. Ai ala ereteita hale mei, ama donoi ala so whı feané kolópóló, hakearóturaalu yalepó. Ti noatepae, take bitiré wale so whıné du betale dowi alamó, kwia hapale tokó meni, dua kaae taté fu betalepó.

²⁶ Ama ai ala yaleiteita, mió i alimó betere so whıné ama donoyóló taletere ala kilitu, a mo donoi Tale betóo, Yesupaae kisipa tiratere so whı donoratere Tale betóo ere ala kisipa yópóló hakearalepó.

²⁷ Térapa, so whı feané hale bopé fake dere alata, noa wisi ala yale tikimó bopé fake yaaloé? Noa ala sya feleteiné bopé faketerere ala hepée faraleé? Aita, Kótóné tukóló muló betere fo sya fele alané ini, Kótópaae betá tué tiki tiraletéiné yalepó.

²⁸ Ti noatepae, dané kutirimó muló bitu eró tare mo bete mole ala betá i ape. Kótóné mepaae so whıpaae diá donoi so whıpó dere fota, kale tukóló muló betere fo sya fóló erótu beteremó dumipó. Tétumitei, Kótó apaae kisipa tiki tiratere alamó betá dapaae mo donoi so whıpó enérápó.

²⁹ Ti Kótóta, Juda fake so whı maaté teteróló kaae taru, Juda meire fake so whı kaae tanipóló kisipa mute? Meipó. Ata, Juda meire fake so whıkéleé fea teteróló kaae tare Kótó beterapó.

³⁰ Ti noatepae, tiki sekaş tikire whıró tikinire whıtamo wusuró betá kaae tué tiki tiró betepa kilitu, atima fea ama so whı beterópóló, ai betá Kótónétóró donoróló, beterótu beterapó.

³¹ Tué tiki tirae yóló dané yó mótu betere foné Kótóné tukóló muló betere fo bete munire ıla aqrótu betere? Mo meipó. Ti ai tukóló muló betere fokélé mo bete mulapóló, dané du beterapó.

4

Abraham kisipa tiró betepa donoi whıpó erapó

¹ I yale fomó, da Juda fakené noutere Abraham-paae Kótóné noa ala eratepa ama kolóló kisipa salepóló dané noa fo yaaloé?

² Motamo Abraham-né du betale wisi ala kolóló, Kótóné apaae mo donoi whıpó uqsóro, ti a bopé faketerere ala uapó. Tépatéi, whı betanékelé Kótóné keletómó bopé fake dere ala mo enénipó.

³ Ti buk-mó noa fo aseyóló muló betere?

“Kótóné Abraham-paae i ala eraalopóló mulale fo wosóló, ama mopóló tué tiki tirale ala Kótóné kilituraalu, apaae

me alakélé muni, mo donoi whıpó” erapó.

⁴ Betá whı mené kutó dirateremó matere duputa, kşleyóló hale mótumitei, ama diale kutómó matapó.

⁵ Ti mo whınéta ai ala dua deretei, me whıné apaae mo donoi whıpó yópóló kisipa mutu, me wisi ala ini, dowi ala dere so whı donoratere Kótópaae tué tiki tiratere kilitu, ai whıné ama dowi ala kwia tokóló aluróló, mo donoi whıpó dua dapó.

⁶ I dere fo kaae, Depit-nékélé aşrapó. Me whıné ama ditere kutó kolóló dumi, Kótóné mo donoi whıpó dere fo wosetu, a hajné sukutu beterapó. Ai ere fo i ape.

⁷ “Mepaae whıné Kótóné fo tikitu beteremó, melaai yale kwia hale kemeróo, atimané mepaae dowi alakélé Talené ama husuróo, ere whırapeta, mo hajné sukutu beterapó.

⁸ Mepaae whıné ama yale dowi alamó Talené kwia mo melókelé yaalomeipó, dere fo wosetere whı a hajné sukutu beterapó,” erapó.

⁹ Mepaae whı Talené wisiralepóló hajné sukutere alata, tiki sekaş tikire whıpaae maaté eróturaalu, tikinire whıpaae eranénipóló kisipa mute? Mo meipó. Ai fake tamo wusurópaae betá kaae alatóro eraalo ai ape. Ti dané noa fo yó maté waleé? Abraham-né Talepaae tué tiki tiratepa kilituraalu, apaae me alakélé muni, mo donoi whıpó yalepó.

¹⁰ Apaae ai fo eretei-a, tiki sekaş tikire whı betepa yalepé, tikaai hale betepa yaleé? Aita, tiki sekaş tukóló betepa ini, tikaaiapa yalepó.

¹¹ Mo take Abraham a tiki sekaş tikaaiapatei, Kótópaae tué tiki tiró betere kilitu, apaae mo donoi whıpó erapó. Até itikimó, nalo ama tiki sekaş tukóló sirirélipakalepó. Aita, a mo donoi whıpó ere fo mo erapó yópóló, daşle muló beterapó. Abraham a ai ala ereteiné mepaae tiki sekaş tikinirutei Kótópaae tué tiki tiró betere so whıné aya beterapó. A atéreteita hale meipó. Atimané tué tiki tiró betere ala Kótóné kilitu, mo donoi so whıpó yópóló erapó.

¹² Ti Abraham ata, tiki sekaş tikire whırapené ayakélé beterapó. Ai ala maaté mei, a tiki sekaş tikaaiapatei, tué tiki tirale ala sya fu betere so whıné ayakélé beterapó.

¹³ Kótóné Abraham-paae duraalu, “Yáro naao naalené deté faaire naaletamomó i hae tiki mo turó melaalopóló,” yóló munélipakalepó. Ai alata, Kótóné tukóló mulale fo sya fóló eraletéiné sini, Talepaae tué tiki tiratepa donoi whıpó yale alané salepó.

¹⁴ Ti noatepae, tukóló muló betere fopaae kisipa tiratere so whıné ama eraalopó yóló mulale qlatamo supa, ti tué tiki tiratere ala

ke buni yóo, Talené ama eraalopó yóló muló betere fokélé bete muni yáoo, ere aqratapó.

¹⁵ Ti noatepae, mepaae so whiné kale tukóló muló betere fo sya fu bitutei, tukóló dowi ala depa, Kótó ʔ fopaae buturaalu, kwia mótua dapó. Ai tukóló muló betere fo kisipa inire whirapené ai fo tikitepa, ti kale fo tikitapó fo dumipó.

¹⁶ Atérapa, Kótóné ama eraalopó yóló mulale fo dokonóló eratere alata, Kótó ʔ paae kisipa tiratere so whiné ama hamokoróló hʔle tao sere ala sópóló mótua dapó. Ti ama eraalopó yóló mulale fo dokonóturaalu, Abraham-né deté faaire naale senaaepaae erópóló yalepó. Ti Abraham-né naale senaaleta de maaté? Aita, kale tukóló muló betere fo kaae tawae yóló, melale fakepaae maaté eraalomeitei, Abraham-né tué tiki tirale ala sya fu betere so whippaaekélé eraalopó. Ti ʔta, dʔ tué tiki tiró betere so whiné ayapó.

¹⁷ Aita, i asere fo kaaepó. “Yʔlo yʔ haemó betóló fale kae kae tiki daae mole so whi feané aya beteratapó.” Ti ʔta, ama kisipa tirale Kótóné keletómó dané aya beterapó. Ai Kótóta, sukʔle so whi momó kepaaróo, me ala yaai teópatei, mo erapó dere Tale betóo erapó.

¹⁸ Kótóné Abraham-paae eraalopó yale ala eraaire aqpa meitei, mo eraalopóló Talepaae kisipa tiki tiraletéiné, kae kae tiki daale so whiné aya alée felepó. Ti ai alata, Talené ʔpaae duraalu, “Ó sʔpaae kese horóló hʔre dosʔyaae. Naao deté faaire naale senaaleta, ai ere ala kaaetóró yaalopó,” yale fo mo dokonalepó.

¹⁹⁻²⁰ Abraham ʔ 100 ba fo betóló kemeyaletéiné mo ti otere yóo, soma Serakélé sere yóo erepó. Atéru, naale senaaale deyaaire fotokó mo buni, atimaamo otereró seretamo betere ala diriyóló tuépatei, Talené ʔpaae eraalopó yale fo mo eraalopé neyʔalorópóló béyóló haepaae derepéni, mo eraalopóló keteké buóló tué tiki mo ti tiró bitu, Kótóné doi hale horótu betalepó.

²¹ Aita hʔle mei, Kótóné eraalopó yóló mulale fo ama fotokóné mo sumó eranérapóló kisipa mutu, ama tué tiki tiratere ala mo ti fotokó bualepó.

²² Atéreteiné Kótóné ʔpaae “Yʔ mo donoi whi aleróló beteratapó,” erapó.

²³⁻²⁴ Atéro donoi whípó ere fota, Abraham ʔ maaté tao sóró wisirótu initei, dʔ nalo betaaire so whikélé wisirótu erapó. Dʔ teteróló kaae tare whi Yesu ʔ mo ti sukʔletei, momó kepaaróló beterales Kótópaae dʔ feané tué tiki tiratapa, ti dapaaekélé donoi so whípó yaalo ai ape.

²⁵ Ti dané dowi ala tokóló aluraai Kótóné naalema dópóló melóo, dʔ me dowi alakélé

muni, mo donoi so whípó yaairaalu, ʔ momó kepaaróló beteróo erapó.

5

Hosaa muni deyóló hajné sukʔaire ala

¹ Atéreteiné dʔ Yesu Kerisopaae tué tiki tiró betepa, Kótóné dʔpaae me alakélé muni, mo donoi so whípó erapó. Atérené mió dʔ teteróló kaae tare whi Yesu Kerisoné yale alané dʔró Kótótamo bóe du betaletei kemeróló, hosaa muni deyóló dʔa beterapó.

² Dʔ Yesupaae tué tiki tiró betepa, Kótóné hamokoróló hʔle tao sere ala dʔpaae erópóló, ama dʔ dapesó fóló, ai ala tuámó sóró beterei beterapó. Tépa, dʔ Kótóné ama kae ere dʔ wisinaale tuámó betaalopóló kisipa mutu, mo kée yóló hajtamo kaae tawóló i betere ape.

³ Nalo dʔpaae ai eraaitere ala maaté ke-laai dumi, mió dʔpaae i erótu betere sekei ala tuámó bitukélé, mo kée yóló hajtu beterapó. Ti ai sekei alané dʔ haepaae só deréni, hʔle beletétóró fu betere alanétei hajtere ala kaarótu beterapó.

⁴ Atétere alané Talené ala eratere whi wisi beterótu beterapó. Atéro whi wisi bitu, take nalopaae Kótóné wisi ala eratapa kelaalopóló, dere haj kaaratapó.

⁵ Take nalopaae wisi ala kelaalopóló hajtamo kaae taté fu betaletei, sinipóló fomo kisipa muaalo meipó. Ti noatepae, Kótóné ama yaala sókó fole ala dané hosaa tuʔpaae tepeyóló fʔanalepó. Kótóné ama ai yaala sókó fole ala dané tué dere teita, ama damó melale Dʔi Kepe Wisiné eralepó.

⁶ I dere fo wosae. Dʔ Kótó tuéniru, dowi ala du betere so whi me ala yaaire fotokó bunipa, dʔ tao saairaalu mo dono be demótóró Yesu Keriso sukʔlepó.

⁷ Mepaae whi de mo donoi whi tao saai dapóló sukutere ala suka fea yó tani, betʔ betʔ sukamó maaté depa keletapó. Atétere kaae, mo donoi whi wisinaale tao saai dapóló, mepaae whi sukʔairetei mo hapólurapó.

⁸ Tépatéi, Kótóné ama dʔpaae yaala sókó fole ala etéro hʔkээрóló yó matapó. Dané dowi ala hʔle yó tapa, ai yó tare dowi ala tokóló aluraairaalu, Yesu Keriso sukʔlepó.

⁹ ʔ sukuturaalu, sókó fele sameané dʔ donoi so whi beteró betereteiné take nalo Kótó ʔ fopaae butu matere kwia dané saqsóro, ama tao saaire ala yaalomeipóló de? Mo tao senérapó.

¹⁰ Take dʔta Kótóné ama bóe whi beteretei, ama naalema sukuturaalu bóe firóló, betámó beteró beterapó. Mió ʔ kepaayóló betereteiné dʔkélé mo ti beterópóló, ama ai eró betere alané mo yaalomeipóló de?

¹¹ I fota, take nalo yaaire alamó maaté dumitei, mió ða teterólo kaae tare whi Yesu Kerisoné yale alané ðaró Kótótamo bóe fiyólo, betámó bitu, mo kée yólo hajné sukutu beteraþó.

Adam-né ere ala tuámó sukó, Yesuné ere tuámó kepaayólo erapó

¹² Térapa, betá whiné yale alané i haepaae dowi ala wópólo tų tukjyaleþó. Atéyale dowi alané sukutere ala kaarólo, so whi fea sukuté fu betaleþó. Ti noatepae, so whi fea dowi alatóro du betaleiteinéþó.

¹³ Kale tukólo muló betere fo sóko waai teópa, ti dowi alapi i haemó moipakaleþó. Ai tukólo muló betere fo sóko waaipa, so whiné du betere dowi ala Kótóné fea taleyólo dosaanipó.

¹⁴ Atépatei, Adam betale alimó kaae sóro so whi sukuté wólo, Moses betale alimó betere so whikélé fea sukutere alané teterólo kaae taru, hále sukutétoó fu betaleþó. Ti Kótóné yólo mulale fo Adam-né tukólo ere dowi ala kaae, ai so whiné initei, atimakélé mepaae dowi ala hále deté fu betepa, sukutétoó fu betaleþó. Ti Adam-né yale alata, nalo waaire whi betané yaaire alatóro surólo erapó.

¹⁵ Tépatei, Talené hále matere ala kolósu, ama fo tukólo yale dowi ala kolósu depa, mo betá kaae meipó. Téyaletei, Kótóné hamokorólo tao sere alaró betá whi Yesu Kerisoné hamokorólo hále matere wisi alatamo, so whi feapaae mo turó suraleþó. Atéyale alané folosóro yale ala mo teraae falapó.

¹⁶ Kale yale fo momó dapó. Kótóné hále matepa sere alaró betá whiné yale dowi alamó sere sekéi alatamo betá kaae meipó. Betá whiné yale dowi alamótei, so whi fea taleyólo só deraleþó. Atépatei, so whi feané fo tukólo yale dowi ala mo dekeró yó tapa, Kótóné hále matere alané so whi feapaae ðiá me alakélé muni, mo donoi so whipólo beteró beteraþó.

¹⁷ Ti noatepae, betá whiné fo tukólo yale alamó sukutere ala ai whi tuámó sóko waleþó. Atéyaleiteiné so whi feapaae sukutere ala tokó melólo, ai alané so whi fea teterólo kaae tareþó. Kótóné hamokorólo tao sere alaró hále matere donoi doitamo sere so whiá, ti betá whi Yesu Keriso tuámó mo ti betere bete sóro teterólo kaae taté fu betaalopó. Atétu sukutere alané teterólo kaae taretei, mo ti bosené falapó.

¹⁸ Atére betené betá whiné fo tukólo yale dowi alamó kwia móturaalu, so whi fea só deró beteraþó. Atépatei, me whiné ti fo wosólo mo betá donoi ala wisinaale ereteiné so whi feapaae me ala muni, mo donoi so whipólo, mo ti betere bete mótu beteraþó.

¹⁹ Ti noatepae, kale yaqse yólo mulale fo betá whiné tukólo yale dowi alamó, so whi fea dowi ala yale whitóro alée feleþó. Atére kaae, betá whiné fo wosólo sya fele alané so whi fea me alakélé muni, mo donoi so whi beteraalopó.

²⁰ Kale fo tukólo du betale dowi ala mo ti fakeyópoló, Talené ama mepaae folosóro melale fotamo tourólo, kale tukólo muló betere fokélé melaleþó. Téyalemó, dowi ala mo ti faketeþa, ai ala aluraai Kótóné hále hamokorólo tao sere alakélé mo ti fakeraaleþó.

²¹ Aita hále meipó. So whi fea dowi alané teterólo kaae tapa sukuté fu yale kaae, mió ða teterólo kaae tare whi Yesu Keriso tuámó betepa, Kótóné hamokorólo hále tao sere alané teterólo kaae taru, ðapaae me alakélé muni, mo donoi so whipólo, mo ti betere bete mótu betaai erapó.

6

Ða dowi alamó sukólo, Yesu tuámó momó kepaayólo beteraþó

¹ Térapa, mió ðané noa fo yaaloé? Kótóné ama hamokorólo hále tao sere ala mo ti fake yópolópa, ða dowi ala hále yó tawae fo enére?

² Ai fo mo enénipó. Ti taketa ða dowi ala tuámó mo sukólo moleþó. Atéreteiné ai ala tuámó ða momó kae netéro bitiré faaloé?

³ Ti ða fea weí tópuale alata, Yesu Keriso tuáppaae doropólo, a sukále ala tuámó tópualepólo kisipa mutumié?

⁴ Ti ða atéro weí tópuale alata, átamo betámó sukólo a tuámó दौरaleþó. Ti hále meipó. Alimané mo kae ere ðe wisinaale tuámó bole fotokóné Yesu Keriso kepaarótu yale kaae, ðakélé kisi betere bete sóro átamo betámó bitiré faairaaalu yaleþó.

⁵ Ti Yesu sukutu yale kaae ðakélé, átamo sukutepa ti a momó kepaatu yale kaae, ða feakélé kepaayólo betaalopó.

⁶ Ti noatepae, ai upulé ala du betale whiá, átamo filipaa ni tómó olerólo ðaletei ðané kisiparapó. Atéyale beteta, dowi alané ða momó teterólo kaae tawaqsoóro, tó tikiné dowi ala yaai bole fotokó kemerópólo, átamo sukáleþó.

⁷ Ti noatepae, mepaae sukutere whi ti dowi alané momó kae dokólo muni, teraae fólo hále beteraþó.

⁸ Ti mió ða Yesu Kerisotamo betámó sukunapólo kisipa mutepa, ti átamo betámó betaalopólo kisipa tiki tiró beteraþó.

⁹ Ti noatepae, Yesu Keriso a sukólo kepaayólo betereitei, momó kae sukáalomeipó. Sukutere alané a teterólo kaae tawaaire sunire ala ðané kisiparapó.

¹⁰ A sukále beteta, dowi alamó ápaae erótu betale sekéi ala mo ti kemeraairaaalu,

betā fēlitoró sukāletei ā momó kae sukāalomeipó. Atéroró mió ā betereiteita, Kótóné ala eraairaalu, beteraipó.

¹¹ Ā atétu yale kaae, dowi alané diā tēterólo kaae tawaletei, mo ti kemerólo diākéle sukóo, Yesu Keriso tuāmó bituraalu, Kótótamo mo betamó betóo, erapólo kutirimó muló betae.

¹² Térapa, diaaō mo tó tikiné ekēleyólo yae dere ala sya furaalu, du betere dowi alané diā tēterólo kaae tawaqósóro yae.

¹³ Diaaō hó naase, ó tiki fea, tó tikiné ekēleyólo du betere dowi alapaae mulaqse. Ti diāta, mo sukāle whīte momó kepaayólo betera, betā whīné ama fosóo tō ó sepake me whīné kutó diyópoló mótu dere kaae, Kótóné ama eraai kisipa mole donoi ala wisinaale erópoló, diaaō hó naase, ó tikikélé mo turó Kótópaae melae.

¹⁴ Ti mióta, diā kale tukólo muló betere foné tēterólo kaae tare aqomó bitini, Kótóné hāle hamokorólo tao sere alané tēterólo kaae tare aqomó beteraipó. Tēreteiné dowi alané diā momó kae tēterólo kaae tanénipó.

Take dowi alané wae sóro betereitei, mió donoi alané kutó diratere whī beteraipó

¹⁵ Térapa, mió dané noa fo yaaloé? Dāta, kale tukólo muló betere foné kaae tare aqomó bitini, Kótóné hamokorólo hāle tao sere alané kaae tare aqomó betera, dowi alatoró deté fu betaalopó fo enéne? Mo meipó.

¹⁶ Yā me tēterólo kaae tare whī beterepaae fóló, ama dirae dere kutó nao dirótu betepa, ti yā ai whīné wae sóro kutó diratere whī beteraipólo kisipa muae. Yātam dowi alané wae sóro kutó diratere whī betepa, ti ai alatoró deté fóló, sukutere alapaae sóko faalopó. Yātam Talené fo aqomó bitu, ai mo ala wisi sya fóló erótu betepa, ti donoi ala dere whī betaalopó.

¹⁷ Take diā dowi alané tēterólo kaae tapa, ai dowi alané kutó deratere so whī betalepó. Atépa, diāpaae kale fo wisi yó móturaalu, i fonéta diā kaae tawaalopa, aqomó betae yólo yó maleteti diāné wosalepó. Ai fo wisi diaaō hosaa tuāmó muló bitu, ketekē buólo erótu betereiteimó yālo Kótópaae mo kée enérapó.

¹⁸ Taketa, diā dowi alané dokólo muló betereitei, teraae farólo mió donoi alané wae sóro kutó diratere so whī ai betere ape.

¹⁹ Diā mo i hae whī bituraalu, yālo i yó mótu betere mo bete mole fo wisi diā diriyólo tué yaaire sunireteiné kisipa yaasepólo, mo whīné dere alapaae dó farólo i dapa wosae. Taketa, diāné hó naase dowi alapaae mulólo, ai alané wae sóro kutó diratere so whī bitu, dowi alatoró mo ti fakeraté fu betalepó. Atétu yale kaae, mió diāné hó naase ó tiki fea Kótópaae hāle menólo, ama donoi alané wae sóro kutó diratere so

whī betae. Atétepa, ti Kótóné mo kae so whī beteraté fenérapó.

²⁰ Take diā dowi alané wae sóro kutó dirótu betale sukamó, donoi alané tēterólo kaae tare tuāmó bitipó.

²¹ Mió i betere alimó haleturaalu, take diāné du betale ala kisipa fatepa, take yale ala tuāmó me noa wisi alakó bupa kelere? Take ai deté wale alané duputa, ti sukutere ala kaaró ai betere ape.

²² Taketa, dowi alané diā dokólo muló betereitei teraae farólo, mió Kótóné ama kutó dirópoló wae sóro betero betere so whī beteraipó. Atéroró Kótóné ama kae ere wisi ala tuāmó bitiré fole duta, mo ti betó tawaaire bete sóro betaalopó.

²³ Ti noatēpa, dowi alané ama kutó diratere so whīpaae matere duputa, sukutere alapó. Tēpatei, dā tēterólo kaae tare whī Yesu Keriso tuāmó betepa, Kótóné mo ti betó tawaaire bete hamokorólo hāle mótu beteraipó.

7

So whītamó dokólo betere alapaae dó farólo dere fo

¹ Norape-ó, yālo i dere fota, Kótóné tukólo muló betere fo kisipare whīrapepaae dapó. Whī sukuni betepa, ti kale tukólo muló betere foné tēterólo kaae tare aqomó beteraipó ere fo diaaō kisiparapó.

² Betā sūrólo dere fo i ape. Whīné dokore so ama oma sukuni hāle betepa, me whītamó dokaairetei fo mulapó. Ama omatamo sukólo wulia betereimó, me whīné dokotepa ti fo munipó.

³ Whīné dokore sotamo oma betepatei taarólo whī me kaetamo fupa, so whī feané ai so nópu nukulapó dua dapó. Tēpatei, oma sukūtikimó wulia me whītamó dokotepa, ti nópu nokole sopó enénipó. Ti noatēpa, whīné dokore ala kemeyalepó.

⁴ Térapa norape-ó, soró whītamó dokoterepaae dó farólo yale fo bete i ape. Dā Yesu Keriso tuāmó betepa, ā mo ti dólo sukunóturaalu, dākéle ātamo sukālepó. Ti aita hāle meipó. Folosóro kale tukólo muló betere foné dokaletei mo ti kemerólo, sukólo momó kepaayólo betere whīné dā dokólo, ni du wisi oletu dere kaae, dā tuāmó wisi ala epa kilituraalu, Kótóné ama doi doasi mulópoló erapó.

⁵ Take dā tó tikiné tēterólo kaae tawale alimó, kale tukólo muló betere fonéitei tó tikiné ekēletere ala mo ti fakeyópoló, sesemeralepó. Atéroró sesemeratepa du betale alané dā tuāpaae olerale duta, ti sukutere alapó.

⁶ Take tukólo muló betere foné dā dokólo bitu, Talené ala eróturaalu, kale aseýólo

muló betere fo maaté sya fóló erótu betalepó. Take até dua yale alata, ða sukuturraalu mo ti kemeralépó. Mió kisi alata, ti Deĵ Kepe Wisiné ða fotokó bulatepa, Talené ama ala erótu beteraépó.

Dowi alané ða só deraai wóputu betere ala

⁷ Térapa, mió ðané noa fo yaaloé? Kale tukóló muló betere fo-a, dowi alapó enére? Mo meipó. Ai tukóló muló betere foné épaae dowi ala i ape yóló yó melóluameisóró, ti dowi ala kisipa uameipó. Ti tukóló muló betere foné mené ɔla senée yóló au naqse fo uameisóró, ti au nokoleteti dowi alapóló tué muameipó.

⁸ Ti ai tukóló muló betere foné te mulatepa, dowi ala e tuapaae sókó wóló, kae kae wisi wisi ɔla senée yóló au nokole ala kaaralépó. Ai fo sókó waaipa, ti dowi ala sukóló mulu, so whĵpaae me ala eraaire fotokó mo bunipó.

⁹ Kale tukóló muló betere fo sókó waaipa, e mo beterepó. Tépatei, kale yaqse yóló muló betere fo sókó wóló, dowi ala sukóló mupatei, kepaaróló beteraleteiné e dóló sukunalepó.

¹⁰ Kale yaqse yóló muló betere foné mo ti betere bete melaalo nisi yalemó, sukutere alatei épaae eralépó.

¹¹ Kale yaqse yóló muló betere foné mulale temó dowi ala e tuapaae sókó wóló, fotei dowi alané nópuulu kaae tao sóró e dilikóló dolóló sukunalepó.

¹² Atérené kale tukóló muló betere fota, me dowi alatamo hoseké ini yóo, kale yaqse ó yae ere fokélé doni, mo donoi ala wisipóló Kótóné ama kae tukóló mulóo erapó.

¹³ Ti kale tukóló muló betere fo wisi-a, sukutere ala alée fóló e dóló sukunaleé? Mo meipó. Ténitei, dowi ala yało tué yópóló, dowi alané kale wisi tao sóró, e tuamó sukutere ala kaaralépó. Atétu dowi alata, mo dowi ɔlapóló so whĵné kisipa yópóló, kale yaqse yóló muló betere foné hakearatapó.

¹⁴ Kale tukóló muló betere fota, Kótó a mo kepetóró bituraalu, amatei tukóló muló beteraépóló, ðané kisiparapó. Tépatei, e mo hae whĵ betereiteiné dowi alané wae sóró kutó diraterere whĵ i betero betere ape.

¹⁵ Yało du betere ala yałotei kisipanipó. Ti noatepae, enére wisi alamó yało dumi, yaalo hóre alatei hókó du beteraépó.

¹⁶ Ti yaalo hóre ala yało du betereiteiné kale tukóló muló betere fo kolósu, yało du betere ala kolósu depa, mo wisirapóló kisipa mutapó.

¹⁷ Ti ai alata, yałotei kekeme nóló dumi, dowi ala e tuamó moleiteiné du beteraépó.

¹⁸ Atéru, wisi ala mo betakélé e tuamó munipóló kisipa mutapó. Wisi ala e tuamó

munipó dere fota, yało mo tó tikimó wisi ala munipóló dapó. Ti noatepae, yało kisipané wisi ala enépateti, yaaire mo sunipó.

¹⁹ Yało yaai kisipa mole wisi alamó dumi, yaalo hóre dowi alatei yało hále yó tarapó.

²⁰ Téturaalu, yaalo hóre alatei du betepa, ti yało kekeme nóló dumi, e tuamó mole dowi alané du beteraépó.

²¹ Ti yało du betere ala tuamó i ala epa kolóló kisiparapó. Yało wisi ala yaai kisipa mutere sukamó, dowi alakélé e tuamó mupa kelerapó.

²² Ti noatepae, Kótóné tukóló muló betere fo kilituraalu, yało tué tiki tuamó mo kée yóló hekesetu beteraépó.

²³ Atépateti, yało hó naase, tiki tuamó dowi alané ama kisipa mole ala erótu betepa kelerapó. Ai alané yało tué tiki tuamó donoi alatamo bóe du beteraépó. Atéturaalu, yało hó naase, tiki tuamó yó tare dowi alané e dokóló *dipula* kaae, betero beteraépó.

²⁴ Yało tikita, dowi alané i turukée fole ape! Yało mo tó tikiné e sukutere alapaee sĵyóló só foleteti, né tao saaloé?

²⁵ Ti ða tetéroóló kaae tare whĵ Yesu Keriso tuamó bitu, Kótóné épaae erótu betere alamó mo kée du beteraépó.

Atétu betepatei, yało tué tiki tuamó ti e Kótóné tukóló muló betere foné wae sóró kutó diraterere whĵ betóo, tó tikita ti yało yó tare dowi alané wae sóró kutó diraterere whĵ betóo erapó.

8

Deĵ Kepe Wisiné mo ti betere bete mótu beteraépó

¹ Térapa, mió Yesu Keriso tuamó betere so whĵ Kótóné fo tokóló só deraterere ala mo yaalomeipó.

² Ti noatepae, dowi alaró sukutere alatamo fotokóné e dokó muló beterepó. Atéretei, Yesu Keriso tuamó betepa, mo ti betere bete matere Deĵ Kepe Wisi fotokóné e teraae faróló, hále beteralepó.

³ Ti noatepae, kale tukóló muló betere foné ða tao saai yaleteti, mo tó tikiné dere ala tuamó betereiteiné tao saaire sunipó. Atépa, Kótóné ama naalematóró dowi ala du betale whĵ aqyóló sukópóló doteyalepó. Aita hále mei, so whĵné yale dowi alamó melaai yale kwia tokóló aluraai yalepó. A atéró sukuturaalu, tó tikimó mole dowi ala ama só deróo, ai dowi alamó melaai yale kwiakélé ama tikimóte i sóró aluróo yalepó.

⁴ Atéró só deraleteti hále meipó. Tó tikiné yae dere ala sya feni, Deĵ Kepe Wisiné yae dere ala sya fu betere so whĵ ða tuapaae kale tukóló muló betere foné eraai du betale donoi ala eróló mo surópóló yalepó. Ai ala eró betere so whĵ ðata, ti ðané tó tikiné yae

dere ala dumi, Deji Kepe Wisiné yae dere alatóró du betepapó.

⁵ Tó tikiné yae dere alatóró sya fu betere so whi atimané kisipa tikikélé, ti tó tikiné hekesere alapaetóró muló betepapó. Tépatéi, Deji Kepe Wisiné yae dere ala du betere so whi atimané tué tikikélé, ti Deji Kepeiné yaai hekesere alapaetóró muló betepapó.

⁶ Tó tikiné yaaitere ala maaté kisipa mutu betere so whita, sukutere ala tuámó betepapó. Tépatéi, Deji Kepe Wisiné yae dere ala tué mutu betere so whi ti Kótótamo bóe fióló mo ti betere bete sóró hosaa muni deyólo mo dua betepapó.

⁷ Ti noatepae, tó tikiné ekelere ala yaai kisipa mutu betepa, ti Kótótamo bóe du betepapó. Atétere alané Kótóné tukólo muló betere fo aqmó bitini yóo, ai fo eraaire fotokkélé buni yóo, erapó.

⁸ Tó tikiné yae dere ala sya fu betere so whiné Kótó hekesere yaaire ala mo eranénipó.

⁹ Tépatéi, Kótóné Deji Kepe Wisi diá tuámó betepa, tó tikiné yae dere ala sya fóló ini, Deji Kepe Wisiné yae dere ala sya fóló du betepapó. Mepaae whi de tuámó Yesu Kerisoné Deji Kepe Wisi bitinipa, ti Yesu Kerisoné so whi meipó.

¹⁰ Naa mo tikita, dowi alané dóló sukunóo, naao kepe beteta, ti Kótóné donatere alané kepaarólo beteroo, erapó.

¹¹ Yesu Keriso kepaarólo beterae sekéné melale Deji Kepe Wisi diá tuámó betepa, Kótóné Naalema kepaarótu yale kaae, ai Kepepaae diá kepaarólo beterae depa, diaaq mo tó tikikélé kepaarólo, mo ti betepapó yaalopó.

¹² Térapa norape-ó, Kótóné dá tao sóró eró betere wisi alamó danémo apaae tokó melaaire kwia mulapó. Atéreteiné dané tó tikiné ekelere alané noa alakó dapaee eró betepa, danémo ama erae dere ala sya fóló eraaloé? Até mo enénipó.

¹³ Ti noatepae, tó tikiné yae dere ala sya fupa, ti diá mo sukaalopó. Tépatéi, Deji Kepe Wisi fotokóné diá tao supa, ti diané tó tikiné yaaire dowi ala diaaq dóló sukunatapa, ti diá mo betaalopó.

¹⁴ Ti noatepae, Kótóné Deji Kepe Wisiné alísóro fu betere so whita, ti Kótóné ama naale senaaletóro betepapó.

¹⁵ Ti diá matepa sale Kepeta, momó wae sóró kutó diratere whi beteroóló, wiratere Kepe meni, Kótóné ama naale senaaletóro alerólo beteroótu betere Kepe matepa salepó. Ai Kepe Wisiné dá tao sóró i fo yae depa, dané fo fakeyólo, "Apa-ó! Aya-ó!" du betepapó.

¹⁶ Ai Deji Kepe Wisi dané kepetamo tuyólo betámó bitu, dáta Kótóné ama naale senaaletóro betepapó du betepapó.

¹⁷ Mió dátamo ama naale senaale betepa, ti Kótóné ama eraalopó ere ala wisi dokonóturaalu, Yesu Kerisopaae materetei dakélé saalopó. Take Kótóné ama kae ere de wisinaale tuámó dakélé Yesu Kerisotamo betámó betepapólo, a sekeji ala su yale kaae, mió dakélé sekeji ala siré fu betepapó.

Kótóné ere de wisinaale tuámó betaalopólo haitsu betere ala

¹⁸ Kótóné mo kae ere ala wisinaale dá tuapaae hakearólo, eratere ala kelaai dapólo kisipa mutu, mió dapaee i erótu betere sekeji ala mo sawa óla alerótu betepapó.

¹⁹ Aleyólo muló betere óla óla feané Kótóné ama naale senaale i ape yólo hakearatere kelaai dapólo, hahtamo bitu, keke keke du betepapó.

²⁰ Kótóné aleóló muló betere óla óla fea fomaakei ala tuámó beteralepó. Ai alata, atima kisipanétei ini, ai ala tuámó beterae sekéné ama kisipa mole ala sya fóló erapó.

²¹ Atéru, Kótóné aleyólo muló betere óla óla fea dorólo aluraai mió dokólo mulapó. Atéretei, take Kótóné ama naale senaale dokoretei teraayólo ama kae ere de tuámó feléyólo betere ala atimakélé saalopólo kisipa mutu, hahtamo kaae tawólo betepapó.

²² Kótóné aleyólo muló betere óla óla fea tuyólo so naale saai sisó nóló kaketu dere kaae, take keké nale alimó kaae sóró deté waleitei, mió i betere alimókélé kaketere ala hale yó tareteí dané kisiparapó.

²³ Ama aleyólo muló betere mo óla maaté mei, dá tuámókélé, Deji Kepe Wisi betereiné dele doasi sóró kaketu betepapó. Ti aita hale mei, Deji Kepe Wisi folosóro ulumétere óla iki nukutere kaae erapó. Atéreteiné dá Kótóné naale senaale alerólo dape saaire be de hapale analé yólo kaae taté fu betepapó. Ai be demó Talené dá dupu yaleteiné i daale tiki taarólo, kae tiki wisi saalopólo haj tamo kaketu betepapó.

²⁴ Ti Kótóné ama dá tao sóró wisirólo beteroó betere beteta, take nalopaae eraaire wisi ala kelaalopólo kisipa mutu, hekesetamo kaae taté fu betepapólo tao salepó. Atépatéi, mepaae whiné wisi alatamo kelené kolólo tuépa, ti ai ala ama sóró tareteiné kelené dere fo momó kae enénipó.

²⁵ Tépatéi, mepaae ala mió dané sóró tani, take nalo saalopólo kisipa mutu, kaae taté fu betere ala hóni, hale bitiré fu betaalopó.

²⁶ Atétu betere kaae, moma yaaire fotokó buni béruraalu, dané hosaa tuámó ere ala kólóné enénipa Deji Kepe Wisiné dá tao suraalu, akélé deletamo keteké buóló, Kótópaae momarótu betepapó.

²⁷ Atétu betepa, dané hosaa tuámó ere ala taletu betere Kótóné Deji Kepe Wisiné mole

kisipakélé kolóló mo tuérápó. Ti noatepae, kale Dèi Kepe Wisiné Kótóné yaai kisipa mole alatóró sya furaalu, ama kae betéré betere so whì tao sóró Talepaae momarótu beterapó.

Kae kae sekei alané dā doraqsóró, Kótóné fotokóné teteró beterapó

²⁸ Ti noatepae, Kótópaae yaala sókó fu betere so whìpaae kae kae ala erótu betere tuámó Kótóné atima tao saai wisi ala erótu betereitei dāné kisiparapó. Ti ai so whìta, ama kisipa mole ala eraai ā beterepaae ape yalépó.

²⁹ Ti noatepae, mo taketitei ama kisipare so whìta, Naalema biture kaaetóró betérépóló, amatei atima wisiraté faai dapóló, tukóló mulélipakalépó. Atéreteita hāle mei, ama ne nomarape kuamó ā topo naale betérépóló erapó.

³⁰ Mo taketitei ama kisipané ā beterepaae wópólópó yóló sóró beterale so whìtóró ā beterepaae ape yalépó. Atéyale so whìpaae me alakélé muni, mo donoi so whìpóló beteralepó. Atéró sóró beterale so whì tuāpaae ti ama kae ere dē wisinaale eróló mo ti sūrú beterapó.

³¹ Atérapa, ama ai eró betere doasi alamó, mió dāné noa fo yaaloé? Ti Kótó āta, dāpaae me ala eraqsóró tao sere seké beterapa, né dātamo bóe dóló só deraaloé?

³² Kótóné ama naalema mepaae whìné daqsóró sesé dere ala ini, dā fea tao saairaalu, āpaae eraaire ala erópóló, atimané naase tuámó mulalépó. Dā tao suraalu ama naalema melale kaae, dāné mepaae yaātere alakélé ama hamokoróló tao sóró hāle melaalomeipóló kisipa mute? Meipó. Ama mo melaalópó.

³³ Kótóné ama so whìpóló sókó sóró kae betéré betereitei, né atimatamo fo tokóló só derané? Ti Kótónétóró mo donoi so whìpó du beterapó.

³⁴ Ti atimata, me alakélé muni, mo donoi so whìpóló Kótónéitei sóró betéré betereitei, né só deraaloé? Yesu Keriso ā mo ti sukāletei, Kótóné momó kepaaróló fea ala teteróló betere tiki, ama turu naase dēmó betereitei. Aimó bituraalu, dā só deratere ala yaqsóró, tao saaire fo Alima Kótópaae du beterapó.

³⁵ Yesu Kerisoné dāpaae yaala sókó furaalu, eratere wisi ala mo eraqsóró, né sesénére? Me sekei alané ó hosaa tuámó mole sekei alané ó Yesuné doimó betepa sere susupui alané ó ɔla sóku alutere alimó wote dere alané ó kuti meiyóló tiki hāle betere alané ó mepaae dā dóló sukunatere kae kae ɔla ɔlané ó whì mo ti dóló sukunatere alanékélé sesénénipó. Mo meipó.

³⁶ I fo kaae ašemókélé erapó.

“Tale-ó, dā naao ala erótu betereitei, dāpaae diā daalópó dere fo betere dokó fea hāle yó tarapó.

Ti dāta, *sipsip* hupurape daai halikané kaae duló betereitei,” erapó.

³⁷ Ai dosāyale alarapéné dā mo ti doratere ala enénipó. Mo bóe dóló be torokó falatu dere kaae, ai alarape dāné teteróló teraae faaire alata, dāpaae yaala sókó furaalu wisi ala erale whì Yesu Kerisoné yale ala tuámó bitu, ti mo sūmó enérápó.

³⁸⁻³⁹ Yało i dere fota, mo dapóló tué tiki tiraaire fopa wosae. Sukutere alané ó betere alanékélé, *ensel*-rapené ó dowi keperapénékélé, mió i betere alimó du betere alané ó take waaire alimó yaaire alanékélé, kae kae fotokó bole keperapéné ó sā taoró betere ɔlarapénékélé, mo apaae derepale dolomó betó mole ɔlaró Kótóné aleóló muló betere ɔla ɔla featamoné, Kótóné ama yaala sókó fale ala, dā teteróló kaae tare whì Yesu Keriso tuāpaae tepeyóló, amamo dāpaae yaala sókó furaalu, wisi ala mo eraqsóró, ai dosāyale alarapéné seséyaaire mo sūnipó.

9

Kótóné ama mole kisipatóró sya fóló dere ala

¹⁻² Yało i dere fota kapala mei, ē Yesu Keriso tuámó bitu, mo dapó. E dekené sukuteraalu, yało hosaa tuámó delei ala hāle yó tareitei, Dèi Kepe Wisiné kolóló mo dapó du beterapó.

³ Yało no nerape Israel fake so whì atima ē betere kaae wisiyóló betérépóló tao suraalu, ē Yesu Kerisotamo betámó betere ala tekeyóló kae beteratepa ti wisirapóló kisipa mutapó.

⁴ Ti ai Israel fake so whì Kótóné dape sóró ama naale senaale betéroo, ama kae ere ala wisinaale atimané kolópóló yó melóo, Kótóné ama so whìpóló atimatamo mo dirii fo dokóló mulaté wóo, ama tukóló muló betere fokélé atimapaae melóo, momatere bemó Talené doimó mepaae alarape erótu betae yóo, ama wisi ala atimapaae mo eraalópóló, yóló mulaté wóo erapó.

⁵ Ti atimata, Israel fake kaarale whìrapené deté wale so whìpó. Ai fake sonéta, so whì teteróló kaae tawaaire whì Yesu Keriso mo whì tiki daai dealepó. Ti Yesu āta, fea ala fea teteróló kaae tare Kótó betereitei, ama mole doi wisinaale mo ti muó tanópóló, sóró horótu betae. Mo kéel! Teyópóló yae.

⁶ Kótóné atimapaae i ala eraalópó ere fo hāsókó felepóló kisipa mute? Mo meipó. Ti noatepae, kale whì Israel-né deyale naalerape fea betó moleitei, atima Israel faketéroró bitinipó.

7 Abraham-né deale naale senaale betó moletei, fea ama doi mole naale senaale tóro bitini, mepaae ti ama doi munire naale senaale betera. Asemó i fo mulapó. Kótóné Abraham-paae duraalu,

“Aisak-né deyaaire naale senaale maaté ti mo naao naale senaale ai ape,” erapó.

8 Ai ere fo bete i ape. Abraham-né ama naale tamo dealetei, mo whiné naale senaale detere ala sya fóló deale naaleta, ti ama naale meipó. Kótóné Abraham-paae eraalopó yale fo dokonóturaalu deale naaleta, ti Kótóné ama doi mole naale senaalepó erapó.

9 Ti Kótóné ama mo eraalopó yóló mulale fo i ape.

“E momó fesaee wouraaluta, mió yálo i tukóló mulatere be demótóro Sera a naale mo sóro betepa kelaalopó,” fo ipakalepó.

10 Ai maaté mei, Rebekanékélé dané noutere Aisak-tamo betá be demó naale tamo deipakalepó.

11-12 Ai kale naale tamo betá be demó deyaaipatei, atimaamoné mo wisi ala ó dowi ala initei, Kótóné ama mole kisipa sya furaalu, sókó su yóló kae beteraaire ala mo ti muó tanópóló, kale sopaae i fo ipakalepó. “Naao topo naaleta, deke naalené kutó diratere whi betaalo ai ape,”

Ti Kótóné ama so whipóló sóro beteratere alata, whiné dere ala kolóló dumitei, Talené ama kisipa mole alatóro sya fóló dua dapó.

13 Ai fo kaaetóro asemókélé erapó.

“Yálo hosaa mo turó Jekop-paae muluraalu, Iso yálo hekeseni hōralepó.”

14 Atérapa, mió dané noa fo yaaloé? Kótó a, whiné du betere ala donoyóló tale dumi, hōko taletere Kótópóló kisipa mute? Mo meipó.

15 Ti Kótóné Moses-paae i fo erapó.

“Yálo tao saai kisipa mole whitóro kōleturaalu tao saalopó. Ti kōletere alata, yálo kisipa mole whipaaetóro dua dapó,”

16 Ti Kótóné tao sóro erótu betere alata, whiné mole kisipa ó keteké buóló ditere kutó kilituraalu dumitei, Kótó a tuamó ere kōletere alané tao sóro erótua dapó.

17 Kale aseýóló mole Kótóné fo tuamó topo whi Feropaae i fo erapó.

“Naao du betere ala tuamó yálo bole fotokó hākearatepa, i hae kwiamó betó mole so whi feané kolóló, yálo doi sóro horópóló, Isip hae naao tēteróló kaae tawae yóló yá topo whi sóro betero betera,” erapó.

18 Ti Kótóné ama kōleaané kōleturaalu tao sere whi tao sóo, mepaae so whi hosaa taróló dowāae fole ala eraai depa, ti mo dowāae falóo, du betera.

19 Diakó betá whiné epaae etei kaae fo enérapó. “Ai fotamo mo epa, Kótóné dané yale dowi alamó dā só deratere ala, noatēpa du betere? Ti atēpa ama kisipa mole ala yaqsóro, mené sesé yaairetei mo sunipó,”

20 Ti yá noa kaae whi bitu, Kótópaae bi kātere fo dute? Kale doka haenētei wuti aletu betere whipaae “Naao noatēpa e etéro hōko aleyaleé?” fo enére?

21 Kale wuti aletere whiné ama betá hae bula kāyóló mo ọla deyaaire wuti aleyóo, mepaae hāle hōko ọla deyaairetei aleyóo dua dapó. Ti ama ọla ereteiné ama kisipané alenere ọlatóro sumó alenérápó.

22 Atétere kaae, Kótó a fopaae buturaalu ama dorai taketi bukóló kae betera so whi kwia melaai kisipa mualepó. A atéro fopaae butu, kwia matere alaró fotokótamo so whi feané kolópóló hapale hākearóló ini, dua kaae taté fu betere alamó dané noa fo yaaloé?

23 Aita hāle mei, Kótóné ama kae ere de wisinaale tuamó fāane wisi wisi ala ama kōletu tao saaire so whiné tué yópóló ere alamó dané noa fo yaaloé? Ai so whi, Kótóné ama kae ere de tuamó betero, taketi tukóló muló betera.

24 Atére so whi me kae mei, dātórótípó. Ti dā Juda fake maaté a beterepaae ape ini, Juda meire fake so whikélé a beterepaae ape erapó.

25 Yálo i dere fo kaae, Hosea *buk-mókélé* Kótóné ama i fo erapó.

“Mepaae yálo so whi mei, kae fake so whipaae yálo so whipó yóo, take hosaa muni yale sopaaetei yálo hosaa mole sopó yóo, yaalo ai ape.”

26 Atére kaae,

“Atima yálo so whi meipó yale tikimótei diá mo ti betere Kótóné naale senaalepó yaalo ai ape.”

27 Aisaiané Israel so whimó kisipa mutu, fo fakeyóló i fo erapó.

“Israel fake so whi mo hāle ọla kaae betó mupatei, betá betá so whi ti aluyaqsóro tao saalo ai ape.

28 Ti noatēpaae, Talené i haemó betó mole so whiné yale dowi alamó kwia melaairetei hāsókó feni, hapale tētítóro mo turó melaalo ai ape.”

29 Ti i bope yale ala Israel so whipaae eraai teópatei, mo take Aisaianékélé aseýóló muló betera.

“Hepen bemó betó mole bóe dele *ensel-rape* tēteróló kaae tare Talené dā tao sóro, ama naale senaale betero luameisóro, ti dā Sodom beró Komora betamo doróló wópu mulótu yale kaae uapó,” erapó.

Isarael fake so whi Talepaae kisipa tirénire ala

³⁰ Atérapa, mió ðané noa fo yaaloé? Juda meire fake so whj atimapaee Kótóné mo donoi so whjópó yópóló, me wisi alakélé initei, Kótópaee betá kisipa tiki tiraterere ala kilituraalu, mo donoi so whjópó erapó.

³¹ Téyaletai, Israel fake so whjné kale tukóló muló betere foné erae dere ala eratepa kilitu, mo donoi so whjópó yópóló, keteké buóló du betaletai, donoi so whjópó yaaire ðalemó sókó fenipó.

³² Ti noatepaee, atima tué tiki tiraterere ala ini, kale tukóló muló betere fo sya fupa saalopóló kisipa mutu wóputu betaletéiné sini ipakalepó. Ti atimatei kale kotóó sóró dée nalatere kane fakemó kotóó sóró dée nukua yalepó.

³³ Ti atima ai ere alata, i asemó mole fo kaaetóro erapó.

“Kotóó sóró dée nalatere kane fake Saion haemó yalotei i mulatapa kelae. Ai kane fakemó so whj kotóó sóró dée nukua yaalopó.

Mepaae so whj dené ai seképaee kisipa tiki tiratepa, ti atétere so whj hale dere alakélé mo yaalomeipó,” erapó.

10

¹ No nerape-ó, Israel fake so whj aluyaqsóro yalo hosaamó suraalu, Kótóné tao sópóló momarótu beteraopó.

² Ti noatepaee, atima Kótóné ala eraai keteké boletei yalo kelené diriyóló kolóló mo kisiparapó. Tépaatei, ai bole keteketa, ama fo bete wosóló diriyóló tué iru meitei hale du beteraopó.

³ Ti noatepaee, Kótóné hale matere donoi ala atima tuéniru, atima dere wisi alamó Kótóné mo donoi so whjópó yópóló kisipa mutu, wóputu betaletépó. Téturaalu, Kótóné donoi so whjópóló beteroútu betere aqmó sukóló bitini, dowaae fu betaletépó.

⁴ Ti kale tukóló muló betere foné eraai yale ala fea mo dokonóló, Yesu Kerisoné amatóro eróló kemeralepó. Atére alata, mepaae so whj de apaee kisipa tiki tiratepa, Kótóné me alakélé muni, mo donoi so whjópó yópóló erapó.

⁵ Kótóné mo donoi ala dere so whjópó yópóló, kale tukóló muló betere fo erótu betereómó Moses-né i fo erapó.

“Me whjnétamó kale tukóló muló betere fo sya fu betepa, ti ai foné erae dere ala fea hotowaró sya fóló erótu beteroúpóló yae,” erapó.

⁶ Tépaatei, tué tiki tiraterere so whjpaee me alakélé muni, mo donoi so whjópó dere fo i ape. “Diaaq hosaa tuamó etei kaae kisipa muaqsé. ‘Demaaté hepen-paae faaloé?’” dere fota, Yesu Keriso i haemó beteroúpóló dapesó dorowonére?

⁷ Me fo i ape. “Demaaté mo apaee derepaaloé?” dere fota, Yesu Keriso sukóló

moletei i haemó beteroúpóló, mé whj hae dolopaae doropóló dapesó honére?

⁸ Até enénipa, Kótóné noa fo aseýóló muló betere? “Kale mo fo ya betere tikimó ai mole ape. Ai fota, naao kolómókélé buóo, naao hosaa tuamókélé muóo, ai ere ape.” Ti ai fota, me kae mei, ðané ðiappaee Yesu Kerisopaae kisipa tiki tiróló betae yóló yó mótu betere fotórotípó.

⁹ Ti ai bete mole fo i ape. Mepaae whjpaee naao kolónétei, “Yesu áta, ða teteróló kaae tare Talepó,” yóo, a mo ti sukáletei Kótóné momó kepaaró beteraopóló kisipa tiki tiróo depa, ti so whj aluyaqsóro ama tao saalopó.

¹⁰ Ti noatepaee, naao hosaa tuamó apaee kisipa tiki tiróo, me alakélé muni, mo donoi whjópó yóo, naao kolónékélé a etei kaae Tale beteraopó dere fo wosetu, ama ya aluyaqsóro tao sóo yaalo ai ape.

¹¹ Ai dere fo kaaetóro asemókélé erapó.

“Mepaae whj de apaee tué tiki tiró betepa, atére whj haleróló sóo deraalomeipó.”

¹² Ti noatepaee, Juda fake so whjkelé, Juda meire fake so whjkelé, teteróló kaae tare Tale mo betatóro bitu, me fake tao suraalu me fakemo sisópaae erótumpipó. Mepaae so whjné apaee Tale-ó, e tao sae depa, ti wisi ala faane Talené hamokoróló tao sóró wisi eraalo ai ape.

¹³ Ti noatapaee,

“Mepaae so whj dené áta, etei kaae Tale beteraopóló kisipa mutu, ‘Tale-ó, e tao sae,’ depa, ti atétere so whj mo fea aluyaqsóro ama tao saalopó.”

¹⁴ Mepaae so whj atima kisipa tiró bitinire Talepaee Tale-ó, e tao sae fo netéro yaaloé? Me whjné áta, etei kaae Tale beteraopóló yó matere fo wosenitepa, apaee netéro kisipa tiki tiraaloé? Ai fo wisi yó matere whj meitepa, ti atima netéro wosaaloé?

¹⁵ Kale fo wisi yó melae fópóló mené dotonéni depa, ti atimanémo ai fo netéro yó melaaloé? Ai fo kaaetóro asemó erapó.

“Kale fo wisi yó maté kotere whjrape dore tikikélé hñi, koteretei kilitu mo kokóné sukutapó.”

¹⁶ Tépaatei, mepaae Israel fake so whjné kale fo wisi wosóta dua yaletai, ai fo aqmó sukóló bitinipó. Ti Aisaiané i fo aseýóló muló beteraopó.

“Tale-ó, ðané yó male fo némaaté wosóló tué tiki tiraleé?” erapó.

¹⁷ Atépaatei, kale fo wisi yó matepa wosetere alané ti tué tiki tiraterere ala kaaratapó. Ai fo wisita, Yesu Kerisoné me whjpaee yó melae dere fotóro yó matepa so whj feané wosenérapó.

¹⁸ Tépaatei, yalo ðiappaee wosetere fo i ape. Ai yó male fo atimané wosenié? Mei, mo wosipakalepó. I ere fo kisipa muae.

“Ai kale fo hae kwiamó betó mole so whj feané wosópóló deté kwéalepó.

Ai fo wosóló, atimanémo i hae kwia feamó betere so whípaae yó maté kweóló mo sùralepó,” erapó.

¹⁹ Kale yale kaae diápaae momó wosetere fo i ape. Israel fake so whíné kale fo wisi wosóló kisipa iníé? Folosóro Moses-né asemó Kótóné i fo erapó.

“Mo doi munire so whípaaetei yálo wisi ala eratepa kilituraalu, dápaae eróluá alatei atimapaee eratapóló diaaó dei tué muaalo ai ape.

Diá fopaae buópóló, yálo fo tuénire so whípaae wisi ala eraalopó,” erapó.

²⁰ Aisaia á halaainé daalu i fo erapó.

“É kelaai kekenitere so whínétei é kolólo tué yalepó.

É kisipa yaaitapóló yó aláe fo ini yale so whípaaetei é etei kaae Kótó beterepóló yó malepó;”

²¹ Tépaitei, Kótóné Israel fake so whímó kisipa mutu, ama i fo erapó.

“Betere dokó fea atima yálo dere fo wosóló aqmó bitini, dowáae fu betere so whí yálo dape saairaalu, naase bukó tapatei, atimané yálo dere fo woseni, mo ti dowáae fu beterepó,” erapó.

11

Kótóné mepaae toróti Isarael fake so whí kqleyalepó

¹ Atérapa, yálo diápaae wosetere fo i ape. Kótóné ama so whí hóróló mo ti taaraleé? Mo meipó. Ti ékéle Israel fake i betere ape. Éta, Abraham-né deale naalené deté wale whí Benjamin fakené deale whípó.

² Atima teó deyaaipatei, mo taketi Kótóné ama kisipa yale so whí hóróló mo ti taarénipó. Ti Elaijané yale ala asemó moletei kisipa muae. Kótóné Israel fake só deróló kwia melópóló kisipa mutu, Elaijané i fo erapó.

³ “Tale-ó, naao fo eratere kóló whírape atimané dóo, yápaae moma yaai aleóló muló betere kane fakekéle fisikóló taae falóo yalepó.

Téturaalu, é betá hásókó fóló betepa, mió atimané ékéle dóló aluraai du beterepó;”

⁴ Ai fo depa, Kótóné Elaijapaee noa fo ipakaleé?

“Kapala kótó Baal-paae bukutiri tearó tale-ó yóló, moma initere 7000 whíkélé atimané daqsóro épaetóro moma yópóló, yálo atima tao sóro kae beterealepó,” erapó.

⁵ Take ai ala ere kaae, mió i alimókélé Kótóné ama kisipa mole ala sya furaalu, hamokoróló hále tao sere alané mepaae toróti so whí amatei sókó sóro kae beterepó.

⁶ Ti ama so whí atéro kae betereale alata, Kótóné ama hamokoróló hále tao sere alané erapó. Ti aita, whíné dere wisi ala kolóló inipó. Motamo wisi ala deremó uasóro, ti Kótóné ama hamokoróló tao sere ala hále óla aó uapó.

⁷ Atérapa, mió noa ala ere? Israel fake so whíné saai dapóló keteké buóló kekitsu betale óla sinipó. Téyaleteti, Kótóné ama so whípóló sókó suyóló kae betereale so whíné maaté salepó. Mepaae so whíné hosaa ti Talené amatei taralepó.

⁸ Atére ala asemó erapó.

“Atimané kisipa tikikélé, Kótóné mo ti keyórólo okokoróo, kelenékélé me óla kelaqsóro dilikiróo, wosélinékélé dere fo wosaqsóro mo ti kinóo yaleteti, mió i alimókélé ai alatóro hále erapó;”

⁹ Depit-nékélé i fo aserapó.

“Atimané óla nokole alata, atima daaitere he alée fóo, kotóo sóro dée nalatere kane fake alée fóo duraalu, atimatei só deróló kwia melópóló yae.

¹⁰ Atima kelenékélé me óla kelaqsóro kele mo ti dilikiróló, atimané seké beleyóló furaalu, sisó mo ti kaae wale nisi deretei hále yó tanópóló yae,” erapó.

Hále botokore ni, dálo nitamo olekeyale fo

¹¹ Térapa, yálo diápaae i dere fo wosae. Atima atéro dée naleteti mo ti muó tawaleé? Mo meipó. Téni, atima dowi ala maaté du betepa, Kótóné tao sere ala Juda meire fake so whípaae erótu beterepó. Israel fake so whíné ai ala kilituraalu, atimapaee eróluá alatei kae fake so whípaae eralepóló, atima kisipa sópóló Kótónétei eralepó.

¹² Juda fake so whí atima Talené fo wosetere hóyóló dowi ala du betaletéine, Kótóné ama wisi wisi ala i haemó betó mole so whípaae erótu beterepó. Ai erótu betere ala Juda fake so whípaae melaai yaleteti, Juda meire fake so whípaae malepó. Ai Juda fake so whí mo turó Talepaae momó fesaae waleteimó, i haemó betó mole so whípaae waaire wisi wisi alata, take folosóro erale wisi ala bosenóló, mo dekeró fáayóló saalo ai ape.

¹³ Diá Juda meire fake so whípaae i dere fo wosae. Éta, diá tuámó Talené fo erópóló aposel whí sóro beterepó betereiteiné, ama ala yálo diápaae eróló fakerótu beterepó.

¹⁴ Aita hále mei, yálo fake so whíné diá tuámó du betere wisi ala kaae, dákelé enée dere so whí mepaae Talené tao sópóló kisipa mutu, ketekétamo erótu beterepó.

¹⁵ Ti noatepae, Talené Juda fake so whí kapala hóróló sisópaae eraletéine, i haemó betó mole so whí Kótótamo bóe fiyóló betámó beterepó. Ai ala mo epa, ti atima

dape sere be ðemó sukóló mole so wh̄i kepaarótu dere kaae eraalomeipóló de?

¹⁶ Ti folosóro bulatere *flawa* o kaae sóro kwia Talepaae matepa, ai matere kwia Talené amapóló wisiróló kae mulóturaalu, mepaae hañe mulaleteikélé fea amapóló kae muló beteraþó. Atétu dere kaae, ni bete Talepaae matepa, Talené amapóló wisiróló kae mulóturaalu, ni tetejkélé kae ai muló betere ape.

¹⁷ Ti diãta, mo ðalo *Olip* ni tej mei, hañe botokore *Olip* ni tej tukó sóro mo ðalo *Olip* ni tetejrapetamo daalóþóló, mepaae tetejrape tukó faróló, ðalemó olekeyaleþó. Ti ai olekeyale ni tej horatere feña, kale bete daale *Olip* tikimó kaaróló mótua ðapó.

¹⁸ Atérapa, diã olekeyale tetejrapené mepaae hañe ere tetejrape teteróló bopé fakeyaqse. Diãtamo bopé faketeþa, ti yaño i dere fo wosóló kisipa muæ. Bete ðiriyóló daalóþóló diã tetejrapené fotokqró bitini, tetejrape daalóþóló, betené fotokqró beteraþó.

¹⁹ Ti me wh̄iné etei fo enérapó. “E etéró olekeyóló daalóþóló, mo tetejrape tukó faraleþó,”

²⁰ Aita mo deretei, atima tué tiki tiréni yaletéiné Kótóné tukó faróló, diaaq kisipa tiki tiró betere alané diã olekeyóló daalapó. Atérapa, me wh̄i teteróló bopé faketeþe ala ini, winé sukutu Kótó aqmó betæe.

²¹ Ti noatepæe, Kótóné ama ðalo ni tetejrape kqle duraalu bokó sóro taaréni, mo tukó faraleþó. Atéyale kaae, diãkélé tukó faraalomeipóló de?

²² Ti Kótó aña, kqleturaalu taosóro wisi ala eróo, dowi ala deremó deteraayóló kwia matere alakélé yóo ðapóló kisipa muæ. Yesupaae kisipa tiki tiréni, haepaae derepele so wh̄ipaae Kótóné dowi kwia melóo, diã apaæe kisipa tiró betepa ama kqlené sukutu tao sóo yaalopó. Atérapa, diã ama tao sere ala taaróló feni, ai wisi ala tuãmó hañe betó tawæe. Aténiteþa, ti Kótóné diãkélé tukóló taae faraalopó.

²³ Ti ai kale tukó farale tetejrape atima tué tiki tiréni, dowaae fu betere ala taaróló, momó kisipa feteyóló apaæe tué tiki tirateþa, ti kale tukó farale ðalemó Kótóné momó sumó olekenérapó.

²⁴ Ti noatepæe diãta, hañe botokore *Olip* ni tetej tukó sóro, ðalo *Olip* ni ðalemó olekeyaaitere ala mo hapólupatei olekerapó. Kale mo ðalo *Olip* ni tej tukó farale ðalemó momó olekeyaaitere hapólu ini, ama mo sumó olekenérapó.

Kótóné Isarael so wh̄i tao saalopóló yale fo

²⁵ Norape-ó, diã bopé faketuraaalu mepaae so wh̄i só deraqsóro, kinóló mole ala diaaq kisipa yaaseþóló, hañearóló i dapa wosæe.

Talené mepaae Israel fake so wh̄i atima hosaa mo ti ðaró betere ala hañe epa, ti mepaae Juda meire fake so wh̄i Talené ama ðale muló betereþei fea sumótóro a betereþaae wapa, atima hosaa ðareþei Talené momó feteraalopó.

²⁶ Atéturaalu, Israel fake mepaae turó aluyaqsóro tao saalo ai ape. Ai fo kaae asemó erapó.

“Tao saaire wh̄i Saion be taaróló wouraaalu, Jekop fake so wh̄iné Kótó sisóþaae erale ala kemeraalopó.

²⁷ Atima aluyaqsóro yaño tao saalopóló muló betere ðirii fo i ape.

Atimané dowi ala yaño tokóló aluraalopó,” erapó.

²⁸ Juda fake so wh̄i atima kale fo wisi hqróló sisóþaae eratereteiné diãtamo bóe du beteraþó. Atima Juda fake so wh̄iné kale wosetere fo wisitamo atéró bóe du betepatei, Kótóné ama so wh̄ipóló sorokó su yóló kae betero betereþeiné ama hosaa mole naale senaaleþóló, yaala sókó fu beteraþó. Ti aita, take noumatererapeþaae i ala mo eraalopó yóló mulale fo sya furaalu du beteraþó.

²⁹ Ti noatepæe, Kótóné ama so wh̄ipaae hañe matere ala ama tué feteyóló momó tokq sóo, ama kutó ðiraaï ape ðepa wale so wh̄ipaae, diã fae yóló hqkonatere alakélé yóo dumipó.

³⁰ Juda meire fake so wh̄i diã take betale alimó Kótóné fo aqmó sukóló bitini, ama fo tikitu betaleþó. Tétu betaleþei, mió Juda fake so wh̄i Kótóné fo aqmó sukóló bitini, dowaae fóló du betale alané Kótóné diã kqlené sukutu tao saaire tué mulaleþó.

³¹ Atére kaae, mió Kótóné diã kqlené sukutu tao sale alané take atimakélé kqletu tao sóþóló, mió Kótóné fo tukóló dowaae fu beteraþó.

³² Atéró dowaae fu betepa, Kótóné kqlené sukutu atima mo fea tao saairaalu, fo tukóló dowi ala du betere tuãmó beteraþó kisipa muqþóló, so wh̄i fea ai ala tuãmó sóro beteraþó.

Kótóné doi sóro horatere ala

³³ Kótóné dotoróq fóló mole tué tiki betero fea ala bete tuére alatamo ama kaepó.

Téruraalu qla qla fea tale dere alaró ama du betere alatamo né taleyóló kisipa yaaié?

³⁴ “Talené ama mole kisipa turó né kisipa ere?”

Kótóné ama du betere ala wisiyóló yqþóló né yó maleé?

³⁵ Mé wh̄iné Kótóné apaæe momó tokq melóþóló, me qlakó melaleé?” erapó.

³⁶ Ti noatepæe, Talené so wh̄ikélé, yó mole qla qlakélé mo fea amatóro kaaró

beterapó. Ai ɔla ɔla fea ama fotokɔné teteróló kaae tapa yó mulapó. Betere ɔlanékélé, ere ɔlanékélé ama kisipa mole alatóró erópóló erapó. Atérapa, ai sekéné ama doasi doi hãle muó tanópóló yae. Mo kée! táyópóló yae.

12

Dɔné betere bete turó Kótópaae hãle matere ala

¹ Térapa norape-ó, Kótóné dɔ kɔlené sukutu tao sóró erótu betere wisi ala kilitu, hupu ó na simó sukɔlaa daaróló Talepaae mótu dere kaae, diɔ mo bitutei, diaaɔ hó, naase, tué tikikélé, hosaakélé fea Talepaae hãle melaasepóló i dere ape. Atétepa, Talené ala erótu mo kae so whj beterepa, ama kolóló hɛkeseyóló senérapó. Ti aita, Talené diɔpaae hãle eró betere alamó kisipa mutu, ama doimó mo donotóro dirótu betere kutó ai ape.

² Tétu, i haemó betó mole so whjiné du betere ala diɔné tokoló ini, take muale dowi kisipa taaróló, mió wisi kisipa muóló betae. Atétepa, ti Talené kisi whj aleróló beteraalo ai ape. Atéro bitu, kae kae ala fea diɔnétei taleyóló ita, Talené ama yaai kisipa mole alapóló kaae kolóló, tué yaalopó. Kótóné kisipa mole alata, mo ala wisinaale, dɔ mo whjiné eratepa, ti ɔ mo hɛseke yaalo ai ape. Ama kisipa mole ala mepaae yaɔɔni, mo sumótóro mulapó.

³ Ti noatepaae, Talené hamokoróló ɛpaae melale kutó diróturaalu, diɔ feapaae i dere ma fo wosae. Kótóné ɔpaae kisipa tiki tiratere ala yópóló, diɔ feamó betɔ betɔ yóló ɔliró beteraapó. Atérapa, dere ala fea ɔlotóro sumó enérapóló, me whj só deróló bopé fakeni, Talené ya tuɔpaae suratepa i kutó sumó dinérapóló kisipa muae.

⁴ Dɔ so whj fea mo betɔ tikitóro daalapó. Ai betɔ tikimó hó naase, kae kae tiki fea daaletei, ai tikirape feané betɔ kaae alatóró dumi, kae kae ala dua dapó.

⁵ Atéru ere kaae, dɔ fea Yesu Keriso tuɔmó mo betɔ tikitóro daayóló beteraapó. Dɔ Keriso so whj fea olekeyóló betɔ tikitóro daaleteine no netóro beteraapó.

⁶ Dɔ feané Kótóné ala erópóló, amatei hãle hamokoróló kae kae kutórape dokɔralepó. Mepaae whj Kótóné kɔlóló whj bitu, Talené fo i ape yóló yó matepa, ama tué tiki tiró betere bete mole fo donotóro sya fóló erótu beteraapóló yae.

⁷ Talené kutó diratere so whjrape bipi yaɔsóró, tao sere kutó meló betepa, ti ai kutótóro dirótu betae. Mepaae so whjpaae Kótóné fo yó matere ala meló betepa, ti so whjpaae yó matere alatóró du betae.

⁸ Mepaae so whjpaetamo Talené ala erótu betereitei taaréni, yó tanópóló keteke

bulatere ala meló betepa, ti keteke bulatere fotóro du betae. Mepaae so whjpaae so whj tao sóró hãle matere ala yópóló meló betepa, ti nalo kwia saai dapóló kisipa muóló meni, hãle sae yóló meló betɔ yae. Mepaae so whjpaae so whj teteróló kaae taru ɔlisóró fole ala meló betepa, ti kisipa ai alapaetóro mulóló, mo hotowaró kaae tawae. Mepaae so whjpaetamo so whj kɔlené sukutu tao sere ala meló betepa, ti kutiri teraae fóló, hajtamo tao sere ala du beteraapóló yae.

Ne nepaae yaala sókó furaalu mo alatóró erótu betae

⁹ No nepaae hãle tó tikiné maaté yaala sókó feni, hosaa tuɔmó mo alatóró muluraalu, yaala sókó fu betae. Atétu, dowi ala mo ti sisópaae eróló, wisi ala betɔ botokó sóró tawae.

¹⁰ Diaaɔ no nepaae yaala sókó fóló, u tao su i tao su dere ala hãle yó tawae. Nao no hamomané wisi ala du betepa, nao doi haepaae deróló ama doi sóró horóló, ɔ dukirótu betae.

¹¹ Talené ala erateretei, dekaayóló hɔni, Deɔ Kepe Wisiné diaaɔ kepe bete tuɔmó keteke bulatepa, diaaɔ ama ala erótu betereitei si kaae hãle dó tanópóló yae.

¹² Take nalo Talené dɔpaae wisi ala mo eraalopóló kisipa mutu, sekei ala wapakélé me ɔla meipóló hãle belée taru, hainé sukóló momatere ala betɔ suka fea yó tawae.

¹³ Kótóné ama kae betero betere so whj mepaae ɔla ɔla yaɔɔtepa, nao moletei bukóló hãle melae. Mepaae uké wale so whj nao bepaae wisi kisipatamo dape sóró ɔla melóló firae.

¹⁴ Mepaae so whjiné diɔpaae kae kae sekei ala eratepa, Talepaae atima doraé fo ini, tao sae yóló wisiratere fotei yae.

¹⁵ Hainé sukutu, mo kée du betere so whjtamo diɔkélé hajtere ala yóo, dekené sukutu moló du betere so whjtamo diɔkélé moló yóo, du betae.

¹⁶ Diaaɔ no netamo betɔ kisipa muóló dua betóo, bopé fake dere ala ini, doi muni sókó deyóló betó mole so whjtamo fulumuyóló betɔmó betóo dere ala hó yaqse. Naaotei ya fea ala fea tuére whjipóló, naoo kisipanétei mepaae so whj só deratere ala mo yaqse.

¹⁷ Mepaae whjiné diɔpaae me dowi ala eratepa, ɔpaae momó tokó matere ala ini, so whj feané keletómó mo wisi ala maaté erótu betae.

¹⁸ So whj featamo mo betɔ kisipatóro muóló, naoo hosaa muni deyóló betere ala enépa, ti naoo dere ala mo dua bituraalu du betae.

¹⁹ Norape-ó, menétamo diɔpaae sekei ala eratepa, kwia tokó matere ala ini, Kótó ɔ

fopaae buturaalu, ai kwia ama melópoló taalae. Ti noatepae, Talené ašemó i fo erapó.

“Mepaae whínétamo dowi ala eratepa, ti kwia tokó matere kutóta yálopó,” erapó.

²⁰ Atérapa, kwia tokó meni,

“Naaó bóe whítamo wotetepa, ti ɔla melóo, wéi nokolepa, ti wéi melóo yae.

Ti naao ɔpaae ai eratere wisi alané ama hosaaámó saalopó.

Atéroló eratere ala ti ama topomó si kelerape hupó kaae horólo maaalopó,” erapó.

²¹ Dowi alané yá só deraqsóro hotowaró kaae taru, wisi alanétei dowi ala teterólo alurópólo yae.

13

Téterólo kaae tare whirape aqmó betae

¹ So whi fea teterólo kaae tare *Gavman* whirapené dere fo wosólo, diá fea atima aqmó sukóló betó muae. Ti noatepae, ai whirape fea atéroló so whi teterólo kaae tanópólo, mo whiné sóro beteréni, Kótónétei ai teterólo kaae tare kutó melóo, ai whirapekélé sóro beteróo erapó.

² Atépatei, mepaae whítamo ai teterólo kaae tare whirape aqmó bitini, bóe du betepa, ti ai whirapetamo maaté dumitei, Kótóné eró betere alatamokélé bóe dilapó. Atéroló bóe dele alamó atima só derólo dowi kwia melaalopó.

³ Ti noatepae, mepaae donoi ala du betere whirapeta, kale teterólo kaae tare whirape kolólo wi dumitei, fo tukólo dowi ala du betere whirape ti witua dapó. Kale teterólo kaae tare whirape kolólo diá wini, halaainé betaai kisipa mutepa, ti wisi ala du betae. Atépeta, ti atimané yá whi wisipólo dukiraalo ai ape.

⁴ Ti atima, Kótóné kutó diratere whi bitu, diá wisiyólo beterópólo, wisi ala erótu betere whirapepó. Tépatei, diá dowi ala du betepa, ti mo wi yae. Ti noatepae, ama ai tawólo kutu betere sepake hále tarapólo kisipa mute? Ti ɔta, Kótóné kutó diratere whi bitu, dowi ala dere so whítamo fopaae buóló kwia matere ala yópólo, Kótónétei ɔ sóro beteróo beterapó.

⁵ Térapa, dá so whi fea kale teterólo kaae tare *Gavman* whirape aqmó betae dereteita, i betené dapó. Naaó mo dere alamó kwia melóo, naao iniyale alamókélé hosaa tuamó mole kisipanétei diá só deróo yaqsóro, atima aqmó betenérápó.

⁶ Me i alamókélé diá wituraalu, *takis moni* mótua dapó. So whi teterólo kaae tare *Gavman* whirapeta, Kótóné kutó diratere whirape bitu, betere dokó fea so whi teterólo kaae tare alatóro deté fu beterapó.

⁷ Mepaae doasi doi mole whirapepaae eraaire ala mupa, ti feané mo erae. Ai alarape i ape. Atimané diáppaae *takis moni* etéroló ɔlae depa, ai sýtóro melóo, mepaae tómoló belerólo ɔlae depakélé melóo, mepaae ala teterólo kaae tare whi betepa, ti ai whi kolólo witu, ɔ aqmó betóo, mepaae teterólo kaae tare whi doasi doi mupa, ti ai whi mo doasi doi muópólo hale horóo du betae.

A waaire be de felekerapa, ne nopaae yaala sóko fu betae

⁸ Mepaae whiné nalo tokó melaai dapólo sale ɔla kwia mupa, ti ai kwia hále muó tawaqsóro hapale tokó melaie. Ti yaala sóko fole ala betá kwia tokó melólo kemeraaire ala meipa, ne notamo yaala sóko fole ala hále yó tawae. Ti noatepae, mepaae whiné ama be whi so whirape yaala sóko fole ala du betepa, ti kale tukólo muló betere foné yae dere ala mo ai dokonatere ape.

⁹ Kale tukólo muló betere forape i ape.

“Nópu nokole ala yaqse, Whi dóló sukunaqse, Qlémi naqse, Mené ɔla senéé yólo au naqse,” erapó.

Mepaae tukólo muló betere forape fea husiró betere mo topo ala i ape.

“Naaotei yá yaala sóko fu dere kaae, so whi feapaae atéroló yaala sóko fu betae.”

¹⁰ Mepaae whiné ama ne nopaae yaala sóko furaalu, wisi ala eratepa, ti atima doratere ala mo yaalomeipó. Atéroló yaala sóko fole ala du betepa, ti kale tukólo muló betere foné yae dere ala mo turó dokonatapó.

¹¹ Mió i bitu du betere ala bete diriýólo kisiparu, yaala sóko fole ala du betae. Ti noa betené dumi, dá Talepaae kisipa tirale be demó kaae sóro bitiré wólo, mió dá tao sóro dape saaire be de mo felekemó sóko walapó. Térapa, neke firetei turukó horólo kele diriýólo betae.

¹² Mió kale be de sóko wouraaalu, diliki mo felekemó kemeraai dapó. Térapa, diliki tuamó bitu du betere ala tu depaae mulólo, bóe daai wase dakorótu dere kaae, kale de tuamó mole ala wisi diáne bopémó dakeró betae.

¹³ Dá de tuamó kisipa wisi muóló betere so whiné dere ala kaaetóro du betae. Diá so whi fea fo dokólo dowi wéi nokole alaró so nópu nokole alatamokélé, so ó whi nópu nokole alaró kae kae sonaaiei alatamokélé, hóle sere alaró dei tué muóló alale sere alatamokélé momókó yaqse.

¹⁴ Ai dosɔayale dowi alarapekélé, mepaae naao tó tikiné ekelere alakélé netéroló yaaloe yólo tué teketu bitini, dá teterólo kaae tare whi Yesu Keriso betá kuti kaae derólo betae.

14

Kisipa tiró betere ala dirire whiró fotokó buni bére whítamo

¹ Kótóné i ala yae ó yaqse fo haķearóló inɪpa, me whíné ama kisipa tiró betere ala béruraalu, ama tuéné etei kaae ala dopa yaalomeipó dere kilitu, taleyóló só deraqse. Tényi, mo nopóló dape sae.

² Me whí ama kisipa tiki tiró betere alané fea ɔla sumó nenérapóló nóo, me whíné ama kisipa tiki tiratere ala fotokɔ buni béruraalu, kutómó bilitere mo ɔla maaté nóo, dua dapó.

³ Fea ɔla nokole whíné kutómó bilitere ɔla maaté nokole whítamo dei kisipa mutu, ɔ eróló belei aqraqse. Atétu dere kaae, fea ɔla nénitere whíné fea ɔla nokole whíkéle só deraqse. Ti noatepae, ai whíta, Kótóné ama naalepóló dape sóró betero beteraipó.

⁴ Yá noa kaae whí bitu, me whíné kutó diratere whí só deróló taletere ala du bitute? Ai whí ɔ teteróló kaae tare whínétóró taleyóló ɔ só deróo, só deréni yóo, enérapó. Ti noatepae, me whíné ɔ só deratere ala yaalomeitei, diriyóló beteroipóló Talené betá fotokɔ bulatere ala enérapó.

⁵ Mepaae whíné betá be de Talené ama ɔale muló beteraipóló kisipa muóo, me whíné mepaae be ɔkéle fea betá kaaepóló kisipa muóo du beteraipó. Diá betá betá so whíné noa kaae be de mo dono be depóló kisipa mutepa, ti ai kisipatóró sya fenérapó.

⁶ Me whíné betá be de mo doasi be depóló kisipa mutepa, ti ɔ teteróló kaae tare Talepaaetóró kisipa mutu dapó. Mepaae whí hupu, na, ba, nukupa, ti ɔ teteróló kaae tare Talepaaetóró kisipa mutu, mo kée yóló nukulapó. Mepaae néni were whíkéle Kótópaetóró kisipa mutu, mo kée yóló we dapó.

⁷ Ti noatepae, ɔakó mo betá whíkéle ama kisipa mole ala yaai dapóló ama kólenétei betóo, betá whí sukutepakélé, ama kólenétei sukóo dumipó.

⁸ ɔa betere alakélé, sukutere alakélé, ti Talené ama kele tómotóró erapó. Térapa, ɔa haķe betepa ó sukutepakélé, Talené ama so whítóró beteraipó.

⁹ Ti Yesu Keriso ɔ sukóló momó kepaayóló betereita, ti betere so whíró sukále so whítamo teteróló kaae tare Tale betaairaaalu, erapó.

¹⁰ Ata, atére Tale beteraipa, nao noné dere ala ó mole tué tiki taleyóló, dorapóló noatepa só derótu betere? Ó diá mepaae so whínékélé diaaɔ no nené ere ala kolóló, diáta, ɔ kaae mei beleipóló só derótu bitute? Ti noatepae, ɔané du betere ala Kótóné tale yópóló, ɔa fea ɔa beterepaae betá betá yóló fóló, daaneta yaalopó.

¹¹ I fo aseýóló muló beteraipó.

“Éta mo Tale bitu, yaalo i dere fo haşókó feni, mo yaaitere fotóró diapaape dapá

wosae.

So whí mo fea ɔ beterepaae wóló buku-tiri tearó bitu, yača etei kaae Tale beteraipó fo mo yaalo ai ape,” erapó.

¹² Atéturaalu, ɔa so whí dokɔ feané du betale ala Kótóné taletepa, ɔané yale alarape ama keletómó daalu, ɔanétei dosayóló eneta yaalopó.

¹³ Téyaalopa, ɔané ne noné dere ala taleyóló u só derále i só derále du betereitei mo taalae. Tényi, naao du betere alanétei naao no nené tué doróló dée nalaşsóro, naao dere ala ti tué tekeyóló yae.

¹⁴ Ti éta, Tale Yesu Keriso tuámó bitu, fea ɔla naaireitei fo muni, featóró nenérapóló yaalo mo diriyóló kisiparapó. Tépatei, mepaae whí ama kisipané mepaae ɔla doreteiné naalomeipó depa, ti ai whí ɔ were ɔla mo nenéniipó.

¹⁵ Yesu Keriso sukóló tao sale no hamoma naao ɔla nokole alané doraşsóro yae. Mepaae naao no ne were ɔla nokoletéiné atima tué tiki doróló sekeratapa, ti ya tuámó yaala sókó fole ala mo munipó.

¹⁶ Nao mo wisi ala depatei, me whíné naao dere ala kolóló ɔ dée nukupa, ti naao ɔ dée naalepóló ya eratere fo yaşsóro, naao dere ala kisipa tekeyóló yae.

¹⁷ Ti noatepae, Kótóné teteróló kaae tare tuámó, ɔla nokole alaró wain weí nokole alatamo doasi bete munipó. Tépatei, Deí Kepe Wisiné ɔa tuapaape erótu betere mo donoí alakélé, hosaa muni deyóló mo dua betere alakélé, hainé sukutere alakélé, i alarape feata, ti doasi bete mulapó.

¹⁸ Atéreteiné mepaae whí dené Yesu Kerisoné ala eróturaalu, i dosaaté wale alarapetamo du betepa, ti Kótókélé heķese yóo, mo so whínékélé wisi ala dapóló ya dukiróo yaalopó.

¹⁹ Térapa, diaaɔ mepaae du betere alané hosaa muni deyóló mo dua betere ala epa, ti ɔa feané Talené ala eraté fóló, mo dirii whí betaaire ala betá keteké buóló eróló fakeraalopa siépe.

²⁰ Kótóné so whí tuapaape erótu betere ala mepaae ɔla nokole alané doraşsóro yae. Nokole ɔla fea doni, nenérapó. Tépatei, naao ɔla nokole alané mepaae were whí dée nalatapa dorapó.

²¹ Hupu, na, ba, wain weí nokole ala ó mepaae dere alanékélé, naao no dée nenérapóló kisipa mutepa ti taalae.

²² Térapa, ɔla nokole ala, ó wetere ala, ó kae kae be ɔémó me ala yaşsóro ɔale mole alakélé, me noa kaae ala naao mopóló kisipa tiki tiró betepa, ti yaşó Kótótamo tuámó betá erópóló yae. Mepaae whíné wisirapóló kisipa muóló dere alanétei ɔ só deréniipó depa, Kótóné wisiró beteraipóló hainé sukutu beteraipó.

²³ Tépatéi, mepaae whi de tué tamo mulu, Talepaae tué tiki tiró betere ala sya furaalu, wisirapó kisipa muni hoko nukupa, ti ai whi dowi ala dapó. Ti dané du betere ala fea tué tiki tiró betere alatóro sya fóló initepa, ti dowi ala dapó.

15

¹ Dá tué tiki tiratere ala fotokó bole so whiné dá kisipa felé yaaire ala maaté ini, mepaae tué tiki tiró betere ala bére so whiné ené inire ala tao sóro eratepa mo wisirapó.

² Dá dokó feané ne no hamoma hékese yópóló, wisi ala eraté fu betenérápó. Atétepa, ti ama tué tiki tiró betere ala mo fotokó buturaalu, á dirii whi bitiré faalópó.

³ Ti noatepae, Yesu Kerisonékélé amatei á kisipa felé yaaire ala ini, dapaae wisi ala eróturaalu á sekei ala salepóló asemó erapó. “Mepaae so whiné ya faleyóló dowi fo du betaleteita, mo épaetóro eralepó,” erapó.

⁴ Ti noatepae, take aseýóló muló betere fo feata hále ini, dané dosáýóló kisipa sópóló erapó. Aita Talené ala eró taruraalu, ama asere foné matere keteke dá tuámó boleteiné take dapaae wisi ala eraalopóló hajné sukutu beteralópó.

⁵ Térapa, hále yó tare alaró keteke tamó matere Kótóné diá Yesu Keriso sya fu betepa, diá fea mo betá kisipatóro muóló betere ala erópóló yae.

⁶ Até iruraalu, diá feané hosaa tuámó betá kisipatóro muó, betá fotóro yóo deremó, dá teteróló kaae tare whi Yesu Kerisoné Alima Kótóné doi hale horaalópó.

⁷ Atérapa, Kótóné doi hale horaairaaalu, dá teteróló kaae tare whi Kerisoné diá dape su yale kaae, diaaqkélé mepaae no ne hamoma wisiyóló dape sae.

⁸ Ti noatepae yálo i dere fota, kale Juda fake kaarale noumatererapepaae yóló mulale fo mo dokonóturaalu, Kótóné ama ere fo so whiné mopóló diriyóló kisipa yópóló, Yesu Keriso á Juda fake so whiné kutó diratere whi alé felepó.

⁹ Ti Yesuné ai ere alata, Kótóné atima Juda meire fake so whi kolené sukutu tao salepóló, ama doi doasi mulópóló erapó. I dere fo kaae asemókélé erapó.

“Atéreteiné é Juda meire fake tuámó bitu, yálo naao doi doasi mulóo, naao doimó wole fo wisi wisi yóo, du be-taalo ai ape.”

¹⁰ Ai fo kaae me i ape.

“Juda meire fake so whi-ó, diakélé ama so whítamo touyóló hajné sukutu be-tae.”

¹¹ Kale fo kaae me i ape.

“Diá Juda meire fake so whi-ó, i haemó betó mole so whi featamo Talené doi hale sóro horatere wole forape du betae.”

¹² Ai fo kaae Aisaiánakélé erapó.

“Jesi betemó kaayóló sókó holaaitere whiné i hae kwia feamó betó mole so whi teteróló kaae tawaalópó.

Atépa, Juda meire fake so whi atimapaee take ama wisi ala eraalopóló haj kisipa mutu, ápaae tué tiki tiróló betaalópó,” erapó.

¹³ Take dapaae wisi ala eraalopó du betere Kótópaee diáné tué tiki tiró betepa, ti ama hosaa muni deýóló dua betere alaró hajné sukutere alatamo diápaee eróló mo surópóló yae. Atéturaalu, kale Deí Kepe Wisiné diá fotokoratepa, take nalopaae Kótóné dapaae wisi ala eratepa kelaalopóló dere haj mo ti fáyóló sýturaalu, feleyóló fópóló yae.

Pol Juda meire fakepaae Talené fo yó male feletei

¹⁴ Yálo norape-ó, diá tuámó wisi ala fáyóo, mo fo bete turó diaaq kisipa yóo, kisipa tikikélé mo fosó fosó yóo ere ala yálo kisiparapó. Téru, diásisi keteke bulóturaalu, ma fo u du, i du dere alakélé mo enérápóló kisipa mutapó.

¹⁵ Mepaae doasi bete mole forape diaaq kisipa epatei, mo ti diriyóló tué yaasépóló, é halaainé diápaee momó ai aseýale ape. Ti noatepa meipó. É Juda meire fake so whi kuamó, Yesu Kerisoné kutó diratere whi bitu, ama fo wisi yó maté kweýópóló ai kutó Kótóné hamokoróló épaee hále melóló é sóro beteralépó.

¹⁶ Até ereteita, mo so whimó Talepaae momarateré whirapené kélaa wisi wópóló simó sukúlaa dalótu dere kaae, Kótóné kale fo wisi Juda meire fake so whipaae yálo erótu beteralópó. Aita hále mei, ai fo wisi wosóló sya fupa, ti Deí Kepe Wisiné atima wisiróló kae beteratere ala Kótóné kilitu, ita hále matere óla wisipó yópóló kisipa mutu, du beteralópó.

¹⁷ É Yesu Keriso tuámó bitu, Kótóné ama so whipaae i erótu betere mo bete mole kutópóló dukiróló hale horótu beteralópó.

¹⁸ Mepaae yálo initere ala diápaee yaalomeitei, Juda meire fake so whi Kótóné fo aqmó sukóló heterópóló, teteróló kaae tare whi Kerisoné é fotokoratepa, yálo foró yale alatamo diápaee i dere ape.

¹⁹ Kale Deí Kepe Wisiné é fotokoratepa, kae kae kelemei alaró doasi sira yaaire alatamo eróturaalu, Jerusalem bemó kaae sóro yó maté fóló, Ilirikum hae kwiamó sókó felepó. Téturaalu, Kerisoné fo wisinaale mo turó yó maté kweýalépó.

²⁰ Mo take yálo ené yóló muté wale kisipa i ape. So whi teteróló kaae tare whi Keriso tué inire be huluapaae kale fo wisi yó maté kweýaai yalépó. Atéyaleitea, hále mei, me

whjné diyale kutó kwia kemeróló ditu dere kaae, yaaire hôtepa yalepó.

²¹ I dere fo kaae ašemókélé erapó.

“Áta etei kaae whjípóló mené yó matepa kilini yale so whjnétei a kolóo, etei kaae whjípó depa woseni yale so whjné ama fo wosóló a kisipa yóo yaalo ai ape.”

²² E taktetei diá beterepaae waai yalemó, ai alarapené bi bi duraalu wénipó.

Pol Rom-paae faai tale yaleteti

²³⁻²⁴ Tépatei, i hae kwiamó tē mole be hulua dokó fea Talené fo yó maté kweyóló sūreteiné mió me kutó diyaaire tē munipa, ba fo dokó fea yało diá kełe woné du betalepó. Téyaleteti, mió me kutó diyaaire tē munipa, Spen hae kwiapaae faai wouraalu, diá keleté waai kisipa mutapó. Ti e diá beterepaae sókó wóló, mepaae be de diátamo ekei yóló beteró, nalo e faaire tikipaae fupa, mepaae yağare ɔlarape diáné tao saasepóló dapó.

²⁵ Até yaai waairaaalu, mió Jerusalem bemó Kótóné kae beteró betere so whjipi tao sene fulapó.

²⁶ Ti noatepae, Jerusalem bemó Kótóné kae beteró betere so whj kuamó, mepaae yolealere so whj hałe tao suraalu, Masedonia hae kwiaró Akaia hae kwiatamomó Kótóné ama kaae beteró betere so whj atima kisipanétei hekesetamo *moni* deraleta yalepó.

²⁷ Atéró atima wisi kisipatamo deraleta yale *monita*, take folosóro Juda fakené atimapaee erale wisi ala kwia mulapó. Ti ai kwiata, folosóro Juda fakené Juda meire fake so whj atimáné kepe tuapaae Talené wisi ala eralepó. Atéyale alamó, Juda fakepaae momó tókó móturaalu, atimamo tao sóro yağare ɔla matepa, mo wisirapó.

²⁸ Aita, epaae diyae yale kutó ereiteiné atima haıtamo ai *moni* sere ala kolóló, e Spen hae kwiapaae faai wouraalu diá keleté waalopó. Ti ai *monita*, folosóro doteyale *aposel* whjrapené ditere kutómó oleyale du ai ape.

²⁹ E diá beterepaae wale sukamó, so whj teteróló kaae tare whj Kerisoné eratere wisi ala e tuámó faayóló mo suratepa, diapaae eraai waalopóló kisipa mutapó.

³⁰ Térapa, no nerape-ó, da teteróló kaae tare whj Yesu Keriso tuámó betere alaró Deı Kepe Wisiné matere yaala sókó fole alatamo e tuámó moleteiné diapaae setere fo dapó. Ti noatepae, yało yaaire ala yaqsóro sekeı alané sesétu beterepa, diakélé etamo ai sekeı tuámó bitu, Kótóné e tao sópóló momatu betae.

³¹⁻³² Ti emó momaraaitere ala i ape. Judia fake Kótóné fo woseni hałe betó mole whjrapené e daqsóro momaróo, Jerusalem

bemó kae beteró betere so whj tao sóro melaaire *moni* atima wisi tuétamo sópóló momaróo du betae. Téturaalu, Kótóné ama kisipané etamo diá beterepaae wópóló depa, ti wóló, da fea ekei yóló sa wisi nóló beterópóló, momatu betae.

³³ Térapa, hosaa muni deyóló mo dua betere ala mótu betere Kótó diá featamo beterópóló yae. Mo kée. Teyópóló yae!

16

Pol-né ama fulumu whjrapepaae kóleó yale fo

¹⁻² Kenkria be huluamó betó mole Keriso so whjné kutó diratere so dané ne Fibi-ta, mo so wisipó. Atérapa, Kótóné kae beteró betere so whjné mepaae so whj mo wisiyóló dape su dere kaae yóló, akélé Tale tuámó betere sopa, mo wisiyóló dape sae yóló i dere ape. Atéturaalu, a me ala ó me ɔlakó yağa depa, ti diaağ a tao sae. Ti noatepae, a tao so whj fea tao suraalu, ekekélé mo wisiyóló tao su betere sópó.

³ Yesu Kerisoné doimó etamo betámó kutó diratere so Pirisilaró oma Akuilata-mopaae kóleó yae.

⁴ Ti atimaamo mené dełépatei witere ala ini, halaaíné e tao su betalepó. Atéteremó, yałokélé mepaae Juda meire fake Keriso so whjnékélé, atimaamoné yale alamó Talepaae mo kée du beterepó.

⁵ Atimaamoné bemó touraleta du betere Keriso so whjpaakélé kóleó yae. Yało hosaa mole no Epainetus-paaekélé kóleó yae. Ti a tao, Esia hae kwiamó betó mole so whj Yesu Kerisoné doimó Keriso betaaipa, folosóro api Keriso betale whjípó.

⁶ Diá tao saai kisipa mutu, depe tukó wei kutó diale so Mariapaae kóleó yae.

⁷ E fake whj e yale kaae, *dipula* beterale seké Adronikus-ró ama soma Junias-tamopaae kóleó yae. Ti atimaamota, e Yesu Keriso tuámó betaaipa folosóro Keriso bitu, kale *aposel* whjrape betere tuámó mo doasi doi mole soró whjtamopó.

⁸ Tale tuámó bitu, yało mo hosaa mole no Ampliatius-paae kóleó yae.

⁹ Da Yesu Keriso tuámó bituraalu, betá kutó ditere whj Urabanus-ró yało mo hosaa mole no Stakis-tamopaae kóleó yae.

¹⁰ Yesu Keriso tuámó betepa, kaae kolóló whj wisipó du betale seké Apelesipaae kóleó yae. Aristobulus-né be whj so whjpaakélé kóleó yae.

¹¹ Yało fake whj Herodion-paae kóleó yae. Narsisus-né bemó betó mole mepaae Tale tuámó betere so whjpaee maaté kóleó yae.

¹² Tale tuámó bitu, mo depe tukó wei kutó ditu betale so tamo Tipaenaró Triposa-tamopaae kǒleó yae. Me yało mo hosaa mole ne Tale tuámó bitu, mo doasi depe tukó wei kutó ditu betale so Persis-paaekélé kǒleó yae.

¹³ Tale tuámó betepa, sókó sóró kae beró betere whǐ Rufus-ró hamatamopaae kǒleó yae. Ti ama hamata, yało hae kaae bitu, ę tao su betale sopó.

¹⁴ Asinkritus, Flekon, Hermes, Patrobas, Hermas-sépi, atimatamo betó mole mepaae norapepaaekélé kǒleó yae.

¹⁵ Filolokus, Julia, Nereus-ró ama nematamokélé, Olímpas-kélé, atimatamo betere Talené kae betero betere so whǐ feapaaekélé kǒleó yae.

¹⁶ Kótóné ama kae betero betere so whǐ bitu, kǒleó yóló apuóló, diąsisitei kǒló u tukó nuku, i tukó nuku du betae. I bemó betó mole Keriso fake so whǐnekélé dią feapaae kǒleó i dere ape.

¹⁷ No nerape-ó, diąpaae yó male mo bete mole fo wisi mupatei, mepaae kae kae hǒko fo yó matere whǐrapené dią betámó betereitei tekeróló, diaaq du betere wisi ala taaróló, dią dée nalaqsóró, tika kae bitu, ai whǐrape mo hotowaró kaae tawae.

¹⁸ Ti noatepae, atei ala du betere whǐrapeta, daą tetéroóló kaae tare whǐ Yesu Kerisoné kutó diréni, atimané yaaire ala maaté ekeleyóló du betera. Atéru, mo bete mole fo diriyóló tuénire so whǐ dilikóló hǎle mulóturaalu, mo felei foró dukiratere fotamo du betere whǐrapené dią kǒpaae falaqsóró wisiyóló kaae tawae.

¹⁹ Dią fea Kótóné fo wosóló aqmó sukóló betó mulapó dere fo, i bemó betó mole so whǐ feané wosalepó. Dią ai ala erapóló deté fole fo yało woseturaalu, ę mo doa hǎiné sukutu betera. Térapa, dowi ala mulapóló, só derané inire so whǐ bitu, wisi ala betą yaai, kisipa fosó fosóre so whǐtóró betae.

²⁰ Mo hosaa muni deyóló dua betere ala mótu betere Kótóné Satan tetéroóló, diaaq hó aqmó beteraatare ala mo felekemó yaai dapó. Daą tetéroóló kaae tare whǐ Yesu Kerisoné hamokoróló hǎle tao sere ala dią tuąpaae erǒpóló yae.

²¹ Ętamo betą kutó ditere whǐ Timot-inékélé, yało be whǐ Lusias, Jeson, Sosipata, atimanékélé diąpaae kǒleó dapó.

²² I fo asęrale whǐ ę Tertius daą tetéroóló kaae tare Tale tuámó bitu, yało diąpaae kǒleó dapó.

²³ Ękélé, mepaae imó betó mole Keriso so whǐkélé, daą fea touróló ọla nukua dere be tale Kaius-né diąpaae kǒleó dapó. I doasi be huluamó *moni* tetéroóló kaae tare whǐ Erastus-ró đané no Kuartus-tamoné diąpaae kǒleó dapó.

²⁵ Yesu Kerisoné yale ala i ape yóló, mió yało yó mótu betere fo wisi diaaq wosetu betepa, Talené ama ai fonétei dią diriyóló beteroóló, fotokó sǔmó bulalérapó. Atére alamó ama doi doasi muǒpóló yae.

²⁶ Ai ala wisita, mo take bitiré wale whǐrapené kilini, kinóló moletei mo ti betó tare Kótóné ama fo eratere kǒló whǐrapepaae i fo asę yae depa asę ipakalepó. Aita hǎle meipó. So whǐ feané i fo dosąayóló kisipa duraalu, kinóló muale ala i haemó betó mole so whǐ feané Yesu Kerisopaae tuę tiki tiróló ą aqmó bitu, ama ala eraté fu beteroóló hǎkearó betera.

²⁷ Atére Kótó betą fea ala fosó fosóre bete tale betera, ama doasi doi hǎle muó tanǒpóló, daą Yesu Keriso tuámó bitu, hae sóró horótu betae. Mo kée, téyǒpóló yae!

1 Korin

¹ Kótóné mole kisipa sya furaalu, Yesu Kerisoné ama fo yó male fópóló, ẹ *aposel* whị sóró beteraai, Talené ẹ beterepaae ape yale whị Pol-né dapó. Dáné no Sostenes dāmo wusuró bituraalu i dere ape.

² Yālo i dere așeta, Korin be huluamó Yesu Kerisoné sameané fokóló kae beteróló, Kótóné touró betere so whị diāpaae dapó. Diā atéró beteraleteita dowi ala ini, ama mo kae ala betā erótu beterópóló, ẹ beterepaae ape yalepó. Aita, diā maaté mei, hae kwia dokó feamó betó mole so whịkélé Yesu Kerisopaae tao sae du betere so whị diā ere kaaetóró erapó. Ti ai seké ẹta, dākélé atimakélé fea teteróló kaae tare Talepó.

³ Dáné Aya Kótóró dā teteróló kaae tare whị Yesu Kerisotamo tuāmó kaaróló wale hamokoróló hāle tao sere alaró hosaa muni deyóló mo dua betere alatamo, diā tuāpaae erópóló yae.

Talepaae mo kée dere fo

⁴ Ti diāta, dā teteróló kaae tare whị Yesu Keriso tuāmó betepa, Kótóné hamokoróló hāle tao su betereiteimó betere dokó Kótópaae yālo mo kée du beteraapó.

⁵ Ti noatepae, diā ẹ tuāmó bitu kaekae ala erópóló, ama fo yó matere alaró ai fo bete mo diriyóló kisipatere alatamo Kótóné diā mo sūró beteraapó.

⁶ Ti aita hāle meipó. Dáné diāpaae Yesu Kerisoné ama yale ala i ape yóló yó matere fo diaaą wosaletéiné, Talené diā tuāmó mo ala eró betepa kilituraalu, ita mo bete mole fópóló kisipa mualepó.

⁷ Atéreteiné, dā teteróló kaae tare whị Yesu Keriso hākeamó wale kelaai dapóló, diā keteke buóló kaae taté fu beteraapó. Téturaalu, Talené ala eraairetei yāyāni, kae kae ala fea erópóló Dẹi Kepe Wisiné hāle matere ala diā tuāpaae mo sūró beteraapó.

⁸ Atépa, dā teteróló kaae tare whị Yesu Keriso wale sukamó, diā me alakélé munire so whị beterópóló amatei diā fotokọ bulaté fóló kemene fole kwiapaae sókó faalo ai ape.

⁹ Kótóné diāró ama Naale Yesu Kerisotamo fulumu yóló betā kisipa muóló beterópóló, ẹ beterepaae ape yalepó. Atéyale Kótóné ama eraalopó dere ala fea hāsókó feni, motóró dokonóló erótua dapó.

Keriso so whị fake tekeyale ala

¹⁰ Norape-ó, yālo diāpaae i dere fota dā teteróló kaae tare whị Yesu Keriso tuāmó bitu, diā fake terekeni betā kisipa muóló mo betā alatóró du beterópóló, ama doimó yālo diā tao su ma fo i dere ape.

¹¹ Yālo no nerape-ó, diāšisi arale sóró fake teketu beteraapó dere fo mepaae Koloené be whịné ene wapa wosalepó.

¹² Yālo dere foné bete i ape. Diākó mené duraalu, ẹta Pol-né yó matere fo sya fulapó, mené du Apolos sya fulapó, mené du Sipas (Pita) sya fulapó, mené du so whị teteróló kaae tare whị Keriso sya fulapó, du betere fo yālo wosalepó.

¹³ Diaaą ai du betere ala-a, dā teteróló kaae tare whị Keriso terekeyóló kae kae fake betere? Diā tao saai Pol filipaa ni tómó olerale? Diā wẹi tóपुरaletei-a, Pol-né fake so whị beteraai yaleé? Mo mei ai ape!

¹⁴ Diā mepaae so whị wẹi tóपुरatere ala yālo ini, Krispas-ró Kaius-tamo betā tóपुरaleteiné mo kée fo du beteraapó.

¹⁵ Yālo mo kée dere fo bete i ape. Diā mepaae whịné duraalu, ẹta Pol-né doimó wẹi tóपुरalepó dere fo yaaire tų munéni yaletéiné dapó.

¹⁶ Kisipa tekeyale fo me i ape. Stepanas-ró ama fake so whítamo betā yālo wẹi tóपुरaletei, mepaae so whị yālo tóपुरénipóló kisipa mutapó.

¹⁷ Ti noatepae, dā teteróló kaae tare whị Kerisoné ẹ dotonaletéita, so whị wẹi tóपुरópóló ini, so whị feapaae ama fo wisi yó melópóló yalepó. Ai fota, mo whịné mole fosó fosói kisipané yó mótumipó. Ti noa ala yaąsóró meipó. Mo whịné kisipané fosó fosóyóló yó matere foné, dā teteróló kaae tare whị Keriso ẹ filipaa ni tómó sukóló dā tao sale foné bole doasi fotokọ aluraąsóró dapó.

Kerisota Kótóné fosó fosóre kisiparó fotokótamoné betepó

¹⁸ Ti noatepae, sukóló mo ti aluyaaire so whịrapené ni tómó sukálepó dere fo woseturaalu, bete muni hāle hōko fo nisi du beteraapó. Tépatéi, aluyaąsóró tao sere so whị dānéta, Kótóné ai fo doasi fotokọ bulapóló kisipa mutu beteraapó.

¹⁹ Ti noatepae, i fo așeyóló muló beteraapó. "Fosó fosóre so whịné kisipa tiki yālo doróo, mepaae so whịrapené doasi kisipare alakélé yālo okoko eróló mo ti doróo yaalopó," erapó.

²⁰ Dā tao saai fosó fosói kisipa mole whi-a, de betere? *Skul* yóló doasi kisipa sere whi-a, de betere? Mió i alimó bitu, du betere alané bete kisipare whi-a, de betere? Mo meipó. I haemó betere whịrapené mole fosó fosói kisipata, Kótóné ama yale alané keteirapené kisipa aąróló, mo ti okokoralepó.

²¹ Ti noatepae, so whịné i haemó mole fosó fosói kisipané Kótóné ala bete kelaai kikitú betereitei, kelaąsóró Kótóné ama fosó fosóre ala sya furaalu, atimané kisipa fo-maakeralepó. Atére Kótóné ama fo wisi

mepaae so whinė bete muni hãle hõko fopóló faletu betepatei, ai fo wosóló tué tiki tiratere so whı aluyaqsóró Kótó  wisi kisipatamo tao sua yalepó.

²² Juda fake so whinė dere fo mopóló kisipa tirópóló, kelemei alakó erae yóo, Juda mei Krik fo bole so whinė fosó fosói kisipa bete kekitua yóo du beteraépó.

²³ Tépateti ðanéta, ti so whı tetéróló kaae tare whı Keriso filipaa ni tómó sukãle fo betã yó mótu beteraépó. Atéró yó matere fo woseturaalu, Juda fake so whı atima dei tué mutu aita kelemei ala wisi mei, hõko alapóló atima dée nukua yóo, Krik fo bole so whinė bete munire fopóló faletua yóo, du beteraépó.

²⁴ Tépateti, Juda fake so whıkéleé, Krik fo bole so whıkéleé fea Kótóné  beterepaae ape yalepó. Atéyale so whinė ðã tetéróló kaae tare whı Keriso sukãlepó dere fo woseturaalu, ta Kótóné fotokqóro ama fosó fosói kisipatamo bole bete ai ape du beteraépó.

²⁵ Ti noatepae, whinė Kótóné dere ala kilituraalu, bete muni kapala hõko alapó du betepatei, ai alané mo whırapené fosó fosóre kisipa teraae falapó. Mepaae whırapené Kótóné du betere ala kilituraalu, keteirapené dere ala kaae aqrapó du betepatei, ai alané mo whinė bole doasi fotokqó teraae falapó.

²⁶ No nerape-ó, ðã Talené  beterepaae ape yaleteti, take ðã noa kaae so whı betepa yaleró, diaaqteı kisipa muae. Mo so whırapené ðã fea kãae kolóló, fosó fosói kisipa mole whırape ó néli whırape ó mo doasi topo whinė naale senaalerape bitinipó.

²⁷ Tépateti, i haemó mepaae doi munire alarape Kótóné tao suraalu i haemó betó mole fosó fosói kisipa mole whırapené kisipane ala sisópaae eráló haleralepó. Téturaalu, mepaae i haemó fotokqó buni bére ala tao suraalu, fotokqó bole ala só deróló haleralepó.

²⁸ I haemó doi munire alakélé, bete muni hãle hõko du betere alakélé, mo inire alakélé fea Kótóné sorokó suraalu, mo doasi doi mole ala só deróló hãle la aqralapó.

²⁹ Ti ai ere alata, noa ala yaqsóró meipó. So whı mo betãnékéleé, Kótóné ama keletómó bopé fakeyóló nene yaqsóró eraépó.

³⁰ Yesu Kerisota, ðámó fosó fosói ala melaai, Kótónéteı  ai alané bete alée faralepó.  tuãmó bole fosó fosói ala wisi i ape. ã  tuãmó betepa, Kótóné donoi so whıpó yóo, ama ala erópóló sóró mo kae beteroó, ðané dowi ala Yesuné sameané dupuróló ðã hãle beteroó eraépó.

³¹ Atéreteiné, i fo aseyóló muló beteraépó. “Mepaae so whı bopé fakeyóló nene yaai ðepa, ti Talené ama eró betere alamó

betã  dukiróló bopé faketu betae,” eraépó.

2

¹ Norape-ó,  ðã beterepaae wóló, Kótó  etei kaae Tale beteraépóló ðãpaae yó móturaalu, whinė wosóló feléyópóló yalo fosó fosói foné ó fosó fosóre kisipané inipó.

² Ti noatepae,  ðãtamo betale sukamó mepaae ala yalo kisipané enépateti, me ala kisipa inire whı aoyóló beterepó. Atéru, Yesu Keriso betã etei kaae whıpóló ere foró  filipaa ni tómó sukãle fotamo betãtóró, yó melaai kisipa mualepó.

³  ðãtamo wóló betale sukamó, béyóló otaalere alakélé, witere alakélé iruraalu, ðiri furu furutamo Talené fo yó mótu betalepó.

⁴ Talené fo wisi yó móturaalu, so whinė wosóló felérapó yópóló, yalo fosó fosói kisiparó fotamoné yó menipó. Tèni, ei Kepe Wisiné fotokqóné erótu betere ala diaaq hãkeamó kolópóló, yalo hãle yó betã mótu betalepó.

⁵ Ti aita, ðã mo whinė fosó fosóre alapaae tué tiki tirèni, Kótóné fotokqóné erótu betere alapaae betã kisipa tirópóló yalepó.

ei Kepe Wisiné matere fosó fosói kisipa

⁶ Tépateti, Kótóné ama bete mole mo fo wisi ðã ðiriı kisipa mole so whıpaae yó matepa woseturaalu, ita mo fosó fosói fo wisipó du beteraépó. ané ai yó mótu betere fota, mió i alimó betere whı ó atima tetéróló kaae tare topo whırapené dere fosó fosói fo kaae meipó. Ti ai whırapéró atimané du betere alatamota, mo hãle la kaae alée fu beteraépó.

⁷ ané atei kaae fo mo yó meni, Kótóné kinóló mole fosó fosói fo betã yó mótu beteraépó. Ti ai fota, ðã Kótóné ama kae ere ðe tuãmó beteraépóló, mo take qaró haetamo kaaraaipateı, mo so whinė kelaqsóró kinóló munélipakalepó. Tépateti ai ala ðãpaae mo eraalopó.

⁸ Mió i alimó betó mole so whı tetéróló kaae tare topo whırapené, ai kinóló mole fosó fosói ala mo kisipanipó. Ai alatamo atimané tué uqsóró, ti Kótóné ama kae ere ðe wisinaale fãane Tale  filipaa ni tómó oleróluãmeipó.

⁹ Tépateti, i fo aseyóló muló beteraépó. “Kótóné paae yaala sókó fu betere so whıpaae eraaire ala ama ta leróló muló betereı, betã whinė ke-lenékéleé kolóo, wosélinékéleé wosóo, hosaa tuãmókéleé muló mo inipó,” eraépó.

¹⁰ Atépateti, ai kinóló mole alarape ðané kolópóló, Kótóné ðã tuãmó beteroó betere ei Kepe Wisiné hãkearalepó.

Téturaalu, so whjiné hosaa tuámó mole ala taleyólo, Kótóné ama mo apaae derepale fo bete mo whjiné fosó fosóre alané tué enénipa, Dēi Kepe Wisinétei ai kinó betere alarape bete tokóló hakearótua dapó.

¹¹ Ti noatepae, me whjiné mole tué tiki né kelere? Ai whjiné ama kepené betā tuérápó. Atére kaaetóro, Kótóné mole kisipakélé me whjiné tuéni, ama Kepené betā kisiparapó.

¹² Talené dā matepa sale Kepeta, i haemó betere kepe mei, Kótóné hamokorólo hāle matere ala wisi dané kisipa yópóló, ama doteyale Kepetóro dané salepó.

¹³ Ti dané i du betere fota, mo whjiné yó male fosó fosóre kisipané dumitei, Kótóné Dēi Kepe Wisiné dāpaae yó matepa, danémo diāpaae i dere ape. Dēi Kepe Wisiné erótu betere ala yó móturaalu, ama dāpaae etéro yó melae dere fotóro sya fóló, i du betere ape.

¹⁴ Kale Dēi Kepe Wisi bitinire whjiné, ti Kótóné Kepené yó matere fo mo dapóló wosetumipó. Ti noatepae, ai fo bete Dēi Kepe Wisiné yó matepa, ti sumó kisipanérápó. Kepe Wisi bitinire whjiné ai fo wisi hāle hōko fo nisiyólo, bete wisiyólo kisipanénipó.

¹⁵ Kale Dēi Kepe Wisi betere whjiné ti fea ala ama sumó taleyólo kisipanérápó. Tépatēi, ai Kepe Wisi betere whjiné ama dere ala me whjiné ā taleyólo só deranénipó.

¹⁶ Etei kaae fo erapó.

“Mé whj Talené ama kisipa kaae muluraalu, āpaae naao kisipa mole alarape i ape yóló, ā yó manéré?” erapó.

Tépatēi, Talené soro betero betere whj Kerisoné mole kisipa dā tuámókélé mulapó.

3

Kerisoné ala diriyólo tuéniru alale seretei

¹ Norape-ó, yalo diāpaae Talené fo yó móturaalu, Dēi Kepe Wisi betere so whjapaae yó matere fo kaae yó manépatēi, diā tó tikiné ekēlere ala du betereiteiné, mo so whj kaae beterepó. Yesu Keriso tuámó keteirape kaae betepa, ai dālemótóro yó mótu be-talepó.

² Diā diri ȳla naaire suni, keteirape kaae betepa, mo dirire so whjinó matere ȳla kaae meni, ketei matere awā kaaetóro malepó. Miókélé diā diri ȳla naaire sunipó.

³ Ti diāta, tó tikiné ekēlere ala hāle yótóro tarapó. Ti noa betené yalo i fo de? Mepaae whjiné dere ala kolóló, diāsisu i tēterótu i tēterótu yóló dei tué mutere alaró arale sere alatamo hāle yó tarapó. Tétu, diaāq tó tikiné ekēlere ala sya fu betereitei mo hakearólo yó matapó. Diaāq ai du betere alata, hāle mo so whjiné dere ala kaaepó.

⁴ Ti noatepae, me whjiné duraalu, ē Pol-né dere fo sya fulapó, mené du, ē Apolos sya fulapó du betere-a, hāle mo whjiné dere ala kaae diaaokélé dumipóló de?

⁵ Ti Apolos-a, noa whjé? Ē Pol-kélé noa whjé? Dāmota, Talené kutó diratere whj maaté bitu, ama fo diāpaae maleiteiné diā āpaae tué tiki ai tiró betere ape. Talené amatei kutó terekeyólo whj dokó betā betā yóló matere kaae, dāmpaae malepó.

⁶ Atéreteiné, ȳla wae yalo biliyóo, Apolos ā ti ȳla wisiyólo holǵpóló wēi deróo yaletēi, ai ȳla wae wisiyólo horatere alata, ti Kótóné amatóro eratapó.

⁷ Ti ȳla wae bilitere whjro wēi derótu betere whjtamota, mo hāle ȳla ārapó. ȳla horótu betere Kótó betā mo doasi ai ape.

⁸ ȳla wae bilitere whjro wēi deratere whjtamóné betā alatóro eraai kisipa mutu, kutó ditu beterepó. Atétere kutó Talené taleyólo, me whjiné ama diyale kutó sūtóro dupu melóo, me whjiné diale kutómókélé atérótóro melóo, yaalopó.

⁹ Ti noatepae, dāmota Kótóné ama betā kutó diratere whj betepa, diāta Kótóné ama kutóro tētere betamo kaaepó.

¹⁰ Kótóné ama hamokorólo ē hāle tao saleteiné, fosó fosóre whjiné be tētu dere kaae teyaairaalu, kaae soro hae eleké yalo deyalepó. Atéro deyale eleké tómó me whjiné be tētu beterepó. Atéro be tētere whjrape dokó feané hōko tēni, mo hoto-waró kaae taru tēnérapó.

¹¹ Ti noatepae, ai tēne be eleké taaróló, me whjiné eleké kae denénipó. Ti ai be tētere elekéta me kae mei, Yesu Kerisopaae dó faróló erapó.

¹² Mepaae whjiné ai kale dere eleké tómó be tēturaalu, *kold kapa*, ó *silpa kapa* ó doasi moniné duputere kane ó ni fake ó hāta sóku ó kape ó we dako sórótamo tētu betepa, ti Talené ama taletere be demó, whjrape dokó feané diyale kutó kaae kolóló hakearaalo ai ape.

¹³ Ti ai be tētere whj dokó feané diyale kutó Talené ama taletere be demó, mé whjiné diri ȳla soro teyóo, mé whjiné bēi ȳla soro teyóo eréro siné dóló hakearatepa, kelaalopó.

¹⁴ Mé whjiné tēale betamo siné dénitepa, ti ama diyale kutómó dupu wisi saalo ai ape.

¹⁵ Mé whjiné ama teyale betamo siné dóló kemeró betepa, ti ama diyale kutómó me dupu saalomeipó. Ti ā aluyaosoro Talené tao saalotei, ama kuti ó mepaae ȳla ȳla fea siné dóló tiki hāle fu dere kaae yaalopó.

¹⁶ Diāta, Kótópaae moma dere be tēnuraalu, Kótóné Dēi Kepe Wisi diā tuámó ai betere kisipanié?

¹⁷ Kótópaae momatere betamo, mepaae so whjiné fisikóló dorótu betepa, ti Kótóné ai so whjékélé doraalopó. Ti noatepae, Kótópaae

moma yópoló tene beta, me dowi alatamo hosekéní, mo ama alatóro erópoló kae tenó betere momatere be ti diatóro ai ape.

¹⁸ Diaaotei diáta, fea ala bete kisipare so whí nisi yaose. Mió i alimó betó mole so whíné kisipané i sekéta mo fosó fosórapó depa, ti ai whí ą me ala tué inire whí kaae bitu, Talené ala betą sya fu beteroópoló yae. Atétepa, ti mo fosó fosóre whí betaalo ai ape.

¹⁹ Ti noatepae, i haemo betere whírapené mole fosó fosói kisipa Kótóné kilituraalu, ita bete muni hoko alapó du beteraó. Aita, i asemó mole fo kaaepó.

“I haemo fosó fosói kisipa mole whírapené so whí dilikitu betere alané denólótu betere alamó Kótóné atimatei daalopó,” erapó.

²⁰ Ai fo kaae me i ape.

“I haemo betó mole fosó fosóre whírapené tué tikita, me bete muni hąle ąla kaae aoretei Talené ama mo tuérapó,” erapó.

²¹ Térapa, mo i hae whíné diąmó meló betere ąla ąlakélé, take nalopaae yaaitere alakélé, fea dią Yesu Keriso tuąmó betepa meló beteraapa, mepaae whírape doiyóló bopé fake dere ala du betaose.

²² Diąpaae ai meló betere ąlata, Pol ó Apolos ó Sipas (Pita) ó mió i ere hae tiki ó betere alakélé, ó sukutere alakélé ó mió du betere alakélé, ó take nalopaae yaaitere alakélé fea Talené diąmó meló betereiteiné ai ąla ąla taleta, ti diatórotipó.

²³ Ti diąkélé, da teteróló kaae tare whí Kerisoné ama so whítóro betóo, Yesu ąkélé Kótó aqmó ama naalema betóo, erapó.

4

Dąta Kerisoné kutó diratere Aposel whí beteraó

¹ Térapa, diąné da noa kaae whí bitu déro, i dere fo wosóló kisipa muae. Dąta, so whí teteróló kaae tare whí Kerisoné kutó diratere whí bitu, Kótóné kinóló mole mo fo whí wisiyóló kaae taru, so whí feapaae hąkeamó yó mótu beteroópoló da sóro beteralepó.

² Téro mepaae whíné, me whípaee i kutó ó ąla wisi mo tawae depa, ti mo wisiyóló kaae tanérapó. Nalo ama diyale kutó talené kelerąlemó, hoko dini mo donotóro dipa, ti mo wisrapó yaalopó.

³ Yąlo hąsóó fóló yale ala diąné ó mepaae fo tokóló taletere whírapené taletepa, ę whaalaa inipó. I dere fota, mo dapó. Ę hąsóó fóló du betere ala yąlotei tale dumipó.

⁴ Kótóné keletómó ę hąsóó fóló yale ala yąlo hosaa tuąmó munipóló kisipa mutapó. Tétu, yąlotei ę taleyóló me hąsóó fele ala munipó depa, ti ę me ala initere whípóló

dumipó. Yąlo du betere alata, Talené ama betą taletu beteraó.

⁵ Atérapa, so whíné du betere ala taleyaa i Talené tukóló muló betere be ę teópatei, diaaą me whí taleyóló só deréni, Talenétóro yópoló kaae tawae. ą wale sukamó so whíné diliki tuąmó kinóló du betere ala hąkearóló ę tuąmó mulóo, so whíné me ala yaairaaalu hosaa tuąmó kikití mutu betere kisipa tikikélé hąkearóo, yaalopó. Atétere sukamó, so whí feané yale wisi alamó Kótóné atima dupu betą betą yóló matepa saalopó.

⁶ Atérapa ne norape-ó, Apolos dąmoné dią tao saai kisipa mutu, yale ala fea, diąpaae asemó ai deté wale fota, diaaą kisipa sópoló suróló yalepó. Ti noa betené mei, Juda fakené mara mole fo i ape.

“Talené aseýóló muló betere fota, mo whíné kisipa mole alatamo touróló yaose,” ere fo bete diaaą kisipa yaasepóló, du betere alapaae dó faróló dąmoné yó malepó. Atéyale ala diąné wisiyóló kisipa depa, ti me whíné doi sóro horóo, me whíné doimo só deratere alata, bopé faketera ala yaalomeipó.

⁷ Ti noatepae, ya kolósu me whí kolósu yóló, me whí kaepó du betere-a, né kae kae yóló beterale? Naao ai sóro tare ąlata, ya mené menipóló kisipa mute? Ai ąlatamo naao sóro tarapóló kisipa mutepa, ti naotei salepóló kisipa mutu noatepa bopé faketu betere? Téní, diąné ai mole ąla ąlata, mené diąmó meló beteraapa, bopé faketera ala mo taalae.

⁸ Diaaą senére ąla ó enére ala fea yąyare nisyalemó, dią mo sų ai ereraó! Diąta, ąla ąla fea yąyąni, mo néli whírape ai bitirapó! Dąné dią tao sini, dią teteróló kaae tare doasi topo whírape ai bitirapó! Dią teteróló kaae tare doasi topo whírape bituąsóró, ti ąkélé diątamo betámó teteróló kaae tare whí bitu, hękesetere ala du bituąpó!

⁹ Ti noatepae, yąlo kisipané *aposel* whírape dąta, Korin bemó betó mole so whíné keletómó Kótónétei da doi muni mo belei ąla kaae aąrapó. Ti dąta, bóéné be nóló so whí feané keletómó doasi hale seróló daairaaalu, dokóló muló betere aąrapó. Atére ala i haemo betó mole so whínékélé, hepen-mó betó mole *ensel*-rapenékélé, kolópoló hąkeamó hale seralepó.

¹⁰ Dąta, da teteróló kaae tare whí Kerisoné ala erótu, kisipa okoko whírape aąpa, diąta Keriso tuąmó bitu, ama ala erótu betere fosó fosóre whírape aąrapó! Da fotokó buni, bére whírape betepa, dią doasi fotokó bole whírape ai beteraó! Dią doasi doi mole whírape betepa, dąta belei sókótei i betó mole ape!

¹¹ Take bitiré wóló, mió i betere alimókélé, ąla meiyóló wotetama betere alakélé, węi

nokole dere alakélé, dowi bisinaai fi kuti derólo betere alakélé, mo doasi susupu sere alakélé, ɗa be meiyólo hɔko fité kotere alakélé, haɓe yó tarapó.

¹² ɗa naaire ɓa ó fitere bemó kisipa mutu, ɗané fotokónétei depe tukówei kutó ditu beterapó. Mepaae whjné ɗa só derólo faletere fo depa, atimapaee Talené ɗia wisirópólo yae fo betá yóo, ɗapaae doasi susupui ala eratepatei tokó meni, me ɓa meipólo haɓe bele yóo, du beterapó.

¹³ Mepaae whjrapené ɗa eratere fo depa, ɗané atimapaee mo naamei fo maate dua dapó. I haemó betó mole so whjné ɗa kil-itu, doi muni mo dowi taae fatere ɓa kaae aqraté waleteti, miokélé ai alatóro haɓe yó tarapó.

¹⁴ Yaɓo i ašetu betere fota, ɗia hale yópólo dumitei, ɗia yaɓo mo hosaa mole naale senaale kaae bettereteiné, ɗia kópaae faqsóro ma fo dapó.

¹⁵ ɗia Kerisoné ala erótu betere tuámó, kaae tare whjrape mo haɓe ɓa kaae betó mupatei, ɗiané ayata dekeró bitinipó. Ti noatepae ɗa, ɗa teteró kaae tare whj Yesu tuámó bitu, ama fo wisi yó maletéiné ɗa diaaɓ aya alée felepó.

¹⁶ Atéreteiné, ɗiané yaɓo dere ala kolólo surló yaasepólo, ɗia keteké bulólo ma fo i dere ape.

¹⁷ Ti noa ala yaai meipó. Yaɓo mo yaala sóko fu betere naale Timoti ɗa ɗia betterepaae ai dotonatere ape. Ti aita haɓe mei, Tale tuámó bitu, tué tiki tirólo Talené ala eró tare whj wisipó. So whj teterólo kaae tare whj Yesu Keriso tuámó bitu, yaɓo du betere ala diaaɓ kisipa kete yaqsóro, ama ɗapaae yaalopó. Ti be hulua dokó feamó betere Keriso so whjpaee yó maté kutu betere foró yaɓo yó matere fotamo wusuró mo betá alatóro erapó.

¹⁸ ɗa ɗia betterepaae waalomei nisiyólo, ɗia mepaae so whj doasi kisipare whj aoyólo bopé faketu beterapó.

¹⁹ Atétu betepatei, Talené ama kisi-panétamo ɗa ɗia betterepaae wópólo depa, ti mo felekemó waalo ai ape. Atéro wólo bitu, ai bopé faketu betere whjrapené dere fo maate wosaai mei, ai fo tuámókélé noa kaae fotokó buléro kaae kelaai dapó.

²⁰ Ti noatepae, so whjpaee Kótóné teterólo kaae tare aqmó mole ala eróturaalu, mo whjné foné maate ini, Kótóné ama fotokónétóro erótuaa dapó.

²¹ ɗa aipaae wouraalu, ɗia supuraai biyatamo waalopé, yaala sóko furaalu naameyólo mo dua apeloé? Diaaɓ kisipané mé alakó ɗapaae eraai ape yólo kisipa mute?

5

Nópu nokole whj keriso faketamo

touyólo bitini, kae beterópólo hokó falae

¹ ɗia tuámó, betá whjné ama alimané dokale sotei ɗa dokalepó dere fo wosalepó. Atéro ayané dokale sotei dokotere alata, mo nópu nokole alatóro ai dere ape. Ti Kótó tué inire whjnékélé atei kaae mo sonaalei ala dumipó.

² Aíta dowi ala du betepatei, diaaɓ kisi-pané wisi ala dapólo bopé faketu beterapó. Ai ala deremó, ɗia dekené sukuturaalu, atétere whj ɗiátamo touyólo betaqsóro, hokó faluqsóro mo wisi uapó.

³ Ti ɗa ɗiátamo bitini kae betepatei, ɗa fea tuámó mo betá kepetóro bettereteiné ɗa ɗiátamo beterapó. Ti ɗa kaae betóo, ɗia kae betóo epatei, ɗa aimó biture kaae, ai ala yale whj yaɓo mo só deró beterapó.

⁴⁻⁵ ɗia fea ɗa ɗa teterólo kaae tare whj Yesuné doimó tourólo betóo, yaɓo kepekélé diaaɓ kepetamo betámó betóo. Tale Yesuné ama matere fotokó sumó buóo epa, ti ai whj ɗa Satan-né naase tuámó mulae. Atétepa, ti ama tó tiki doraalotei, Tale waaire be demó, ama kepe bete tao saalo ai ape.

⁶ Ti ai whj hokó faréni, haɓe betepatei wisirópólo bopé faketera ala mo dorapó. Mo sawatamo ɓa *yist-nétei flawa* o bula doasi tópuratere ala diaaɓ kisipa inié?

⁷ ɗiaɗa, kisi *flawa* o kaae ai betere ape. Térapa, *yist* bunire kisi *flawa* o kaae alée fólo betaasepólo, upulé *flawa* omó bulótua yale moi *yist* sokólo tae falae. Ti noatepae, ɗané yale dowi alamó Kótóné ɗa kwia melaai yaleteti, haqsóko farólo, *sipsip* hupu male Kótópaee haɓe melólo sukunapó. Atéyale sekéta me kae mei, ɗa teterólo kaae tare whj Keriso ai ape.

⁸ Atéremó, Talepaae mo kée yólo ɓa deturaalu, take *flawa* omó bulale moi *yist* sokólo taae falae. Ai *yist-ta*, dowi tué mutere alaró du betale kae kae sonaalei dowi alata-mopó. Ai ala taarólo, *yist* bunire otóro deóló naalopó. Tétu, u dei tué mulutei tó tilkiné haɓe sikili dere ala ini, Talené mo alatóro erótu bettereteita, ti kale *yist* bunire o kaaepó.

⁹⁻¹⁰ Take yaɓo ɗapaae folosóro asemó, nópu nokole so whjɗamo fulumu yaqse yale fota, i haemó betó mole nópu nokole so whj ó ɓa ɓa mo dekeró senée yólo ekéle du betere so whj ó me whj dilikólo ɓa ɓa su betere so whj ó kapala kótópaee momatu betere so whjɗamo fulumu yaqse yólo inipó. Keriso so whjnétei ai dosaaayale alarapetamo du betepa, ti atétere so whjɗamo fulumu yaqse yólo yalepó. Ti i haemó betó mole mo so whj tué mutu yaɓo i fo uqsóro, ti mé tikikómo dowi ala munipa, aipaae bitj fae fo uqé?

¹¹ Yaɓo i dere ašetá, mepaae so whjné ɗapaae ɗa naao Keriso nopó du bitutei, nópu nokole ala ó ɓa ɓa senée yólo ekéle

dere ala ó kapala kótópaae momatu betere ala ó whiné doi dorólo eratere fo ó topo dotere wei mo dekeró nóló keyaa fole ala ó me whj dilikóló ɔla ɔla ɔlémi sere alakélé fea du betepa, ti ai so whítamo fulumu dere ala momókó yaqse. Tétu, betámó ɔla nokole alakélé mo yaqse.

¹² Keriso so whj mei, belapaae hãle betere so whiné dere ala taleyóló só derae fo Talené dápaae inipó. Ti taletere alata, Keriso so whj diãsisí maaté yae erapó.

¹³ Ti hãle belapaae betó mole mo so whj taletere alata, Kótóné betã enérápó. Térapa, “Diã tuãmó dowi ala hãle yó tare whj diãtamo touyóló betaqsóro kae beterópóló, hókó falae,” ere fo diaaq kisipa yaasepóló i dere ape.

6

Keriso no hamoma fo tokóló só deraqse

¹ Diãkó me whítamo mepaae ɔlamó arale supa, Kótóné kae beteró betere so whj diãsisí wisiranépatei taaróló Kótó tuénire whjrapené tale yópóló sóro fu betere ala wisire?

² Take nalopaae i haemó betó mole so whj feané dere ala, Kótóné kae beteró betere so whiné taleyaalopó ere fo diaaq kisipanié? Ti diãnéta mo i haemó betó mole so whiné dere ala diaaq taleyópóló, Talené yóló muló betepa, ti diã tuãmó ai du betere mo sawa alakélé tale enénipóló kisipa mute?

³ Take nalopaae *ensel*-rapené du betere ala dané taleyaalopó ere fo diã kisipanié? Ti atei kaae doasi hapólui ala dané sumó enérapa, i haemó mo sawa alatei diãsisí alale sóro bóe du betere ala sumó wisiranénipa de?

⁴ Térapa, Keriso so whj diã tuãmó atei kaae arale sóro bóe dupa, ti diãkó mepaae doi munire so whinékelé sumó taleyóló donoranérapa, atei kaae so whj sóro beterae.

⁵ Yãlo i dere fota, diã haleyópóló dápó. Talepaae tué tiki tiró betere so whj diãsisí alale su betere ala taleyóló wisiraaire fosó fosó kisipa mole whjko diã tuãmó bitinipa du betere?

⁶ Diãsisí atéró donoréni, Kótópaae tué tiki tirénire so whiné keletómó mepaae no ne hamoma só deraairaalu, fo tokóló taletere *Gavman* whjrapepaae taleyae du ai betere ape!

⁷ Diã me dupu saai kisipa mutu, mepaae ne notamo fo tokóló só derótu betereiné, Talené ala erateretei taaróló, mo ti haepaae derepale ala hãkearatapó. Mepaae whiné yapaae erale sekéi alaró kapala dilikóló naao ɔla ɔla sere alata, dupu saai dápóló fo tekéni, me ɔla meipóló taalatepa mo wisirapó.

⁸ Aténi, diãné mepaae so whj dilikóló atimané ɔla ɔla sóo, atimapaae sekéi ala eróo, du betereiteita, diaaq no nepaetei du betere-apó.

⁹⁻¹⁰ Dowi ala du betere so whj Kótóné teterólo kaae tare tuãmó betaalomeipó ere fo diã kisipa munié? Nópu nokole so whj ó kapala kótópaae momatere so whj ó whiné dokore so ó so dokore whj kae sotamo nópu nokole so whj ó whj hamomatamo ó so hamomatamotei nópu nokole so whj ó whiné tiki dotonóló *moni* sere whj ó ɔlémi nokole so whj ó néli whj betaai wisi wisi ɔla dekeró senéé dere so whj ó wei mo dekeró nóló keyaa fole so whj ó me whj eratere so whj ó so whj dilikóló ɔla ɔla su betere so whj fea, Kótóné teterólo kaae tare aqmó betaalopó dere fo mo nisiyóló wosaqse. Aita, kapala fo dápó.

¹¹ Ai dosãyale alarapeta, diã mepaae whiné mo du betaleteti, dã teterólo kaae tare whj Yesu Kerisoné doimó fokóló kae beteroó, ama so whjópóló sóro kae beteroó, me ala muni mo donoi so whj beteroó, ere alata, dã kaae tare Tale Kótóné Deji Kepe Wisiné erapó.

Nópu nokole dowi alamó ere fo

¹² Mepaae whiné duraalu, “Kae kae ala fea fo muni, yãlo mo sumó enérápó,” du betere-apó. Tépateti, mepaae alané dã tao sumipó. “Kae kae ala fea yaaire fo muni, yãlo mo sumó enérápó,” du betereitei, mepaae alané ɛ teterólo kaae tawaqsóro, ai ɔlané wae sóro kutó diratere whj momó kaae betaalo meipó.

¹³ Mara mole fo i ape. “Mo ɔlata, wotetepa nóo, depeta, ti ɔla naai daayóo erapó,” Tépateti, ɔlaró depetamo ti Kótóné dorólo mo ti aluraalopó. Talené dané tiki aleyaletaitea, nópu nópóló ini, ama kisipa mole ala betã erópóló erapó. Dané tikikélé Talené ama dupuyóló wisiró betereiteiné, amatórotipó.

¹⁴ Kótóné ama doasi bole fotokóné dã teterólo kaae tare Tale sukãletei momó kepaaróló beteralepó. A atétu yale kaae, dãkélé ama kepaaróló beteraalopó.

¹⁵ Whiné mo tikimó hó naase daalure kaae, diã touróló betere so whj feata, dã teterólo kaae tare whj Kerisoné tikitóro daalapóló kisipanié? Ti Kerisoné tikimó olekere so whjitei, nópu nokole sotamo olekeyóló betã tiki daatere ala wisire? Aita mo enéi ala meipó.

¹⁶ Mepaae whiné nópu nokole sotamo fitepa, ti atimaamo mo betã tikitóro aléé foletei diã kisipanié? Ti noatepae, i fo aserapó. “Atimaamo tiki betámó touratepa, ti betã tikitóro aléé faalopó.”

¹⁷ Tépateti, mepaae whj de Taletamo olekeyóló betámó betepa, ti ai whiné keperó Talené kepetamo mo betã alatóro erapó.

¹⁸ Diā nōpu nokole ala tuāmó bitini, ai ala sisópaae eróló botokó fae. Mepaae kae kae dowi alata, hāle tómó maaté deretei, nōpu nokole alata, mo naao tikitei doróló folokolerótu beterapó.

¹⁹⁻²⁰ Diāné tikita, Kótóné diā melale Deī Kepe Wisiné momatere be teṅapó. Talené diā melale Deī Kepe Wisi diā tuāmó beterapóló kisipa mutumié? Ti diaaō tiki taleta diā mei, Talené mo doasi olané dupurapó. Atérapa, me noa kaae ala yaaitepa, ti Kótóné doi doasi mulatere ala beṅa du betae.

7

Soró whītamo dokotere ala tuāmó ere ala

¹ Asemó diaaō epaae wosale fo mió diāpaae i tokó matapa, wosae. Mepaae whī so dokotere ala taaróló, hāle betepakélé mo wisirapó.

² Tépatēi, yaḷo diā keletepa diā betere tuāmó nōpu nokole ala mo turó faaneteiné, whīrape fea mo atimané sotamotóro betóo, sorapekélé atimané whītamotóro betóo depa, ti mo wisirapó.

³ Soró whītamo dokore tuāmó soné tikiné hekesere ala ama omanétóro eróo, whīné tikiné hekesere ala ti ama somanétóro eróo, du betae.

⁴ Ti soné tikita, amatóro mei, omané tiki yóo, whīné tikikélé amatóro mei, somané tiki yóo, erapó.

⁵ Soró whītamo dokore tuāmó, whī ó soné ama tikiné hekesere ala yaai wosetepa, hōyóló sesé yaose. Aténi, soró whītamo atimaamosisi beṅa kisipa muóló, Talepaae moma yaairaalu, fo dokóló be de tukóló mulae. Atéro beteró, tukóló mulale be de sókó wapa, kale dere kaae momó touyóló betae. Ti noatepae, diaaō tikiné hekesere ala teṅeróló kaae tawaaire fotokó buni bépa, Satan-né diā dée nalaqsóro dapó.

⁶ Yaḷo i dere fota, yae yóló ere fo meitei, diaaō kisipané wisirapó depa, ti sya fólo enérápó.

⁷ Whī fea so dokoni e ere kaae hāle betepa aikélé doni, wisirapóló kisipa mutapó. Tépatēi, whī dokó feapaae Talené kae kae ala meló beterapó. Me whīné dere ala kae yóo, me whīné dere ala kae yóo erapó.

⁸ Téró, whīné dokonire soraperó so dokonire whītamopaaekélé, wulia so whīpaaekélé, i dere ma fo wosae. E so dokoni hāle biture kaae, diākélé atéro betaai depa ti doni, mo wisirapó.

⁹ Tépatēi, wotoró bitu ama tikiné hekesere ala teṅeróló kaae tawaaire fotokó sunipa, ti so whītamo dokaai depa ó whī so dokaai depa ti dokonérápó. Ti noatepae, ama tikiné hekesetere ala yaai ama hosaa tuāmó si

duku dere kaae yaqsóro whī so dokotepa, ó so whītamo fenépa doni, mo wisirapó.

¹⁰ Dokó mole so whīpaae i dere fota yaḷo kisipané dumitei, Talené yae yóló muló betere fo i ape. Whīné dokore so naao whī tokó falaose.

¹¹ Sonétamo whī tokóló fupa, ai so whī kaetamo dokoni hāle beterópóló yae. Téru, ama omatamo dowi kisipa mutu taaróló faai yaleitei momó fesaae wóló, atimaamo yale ala fea wisiróló touyóló betae. Soné ai dere kaae, whīnékélé soma tekaqsóro yae.

¹² Diā mepaae so whīpaae iniyale fo i dereteita, Talené yae ere fo meitei, yaḷo kisipa mole fo dapó. Beṅa Keriso noné ama soma Talepaae tué tiki tiró bitinirutei, ama omatamo betere ala wisipa, ti ai so tokó falaose.

¹³ Sonékélé, ama whī Talepaae tué tiki tiró bitinirei sotamo betere ala wisipa, ti ai whī tokóló faai kisipa muaqsé.

¹⁴ Ti noatepae, tué tiki tiró betere soné oma kisipa tiki tiró bitinipatei Talené ai so kae beteró betereiteiné, ama omakélé kae beteratapó. Atére kaae, tué tiki tiró betere whīné somakélé Talepaae kisipa tiró bitinipatei, Talené ai whī kae beteró betereiteiné, sokélé kae beteró beterapó. Ai ala uameisóro, ti diāné naale senaalekélé Talené keletómó wisiyóló bitini, hāle hōko bituapó. Téuṅatei, atimaamo Talepaae kisipa tiró betereiteiné, naale senaalekélé kae beteratapó.

¹⁵ Tépatēi, soró whītamo dokore tuāmó Talepaae tué tiki tiró bitinire soné whī tokóló faai dowaae fupa, ti fópóló yae. Atétepa, tué tiki tiró betere so ó whī atimaamo dokonireiteiné, whī a so kae dokotepa ó sokélé whī kaetamo fupa wisirapó. Ti noatepae, ḷa soró whītamo dokóló bitu, hosaa muni deyóló mo dua beterópóló Kótóné ḷapaae ape yalepó.

¹⁶ Tué tiki tiró bitinire whīné dokore so-ó, naao whī mo ti aluyaqsóro tao senéretei ó tao senénireitei netéro kisipa yaaloé? Tué tiki tiró bitinire so dokore whī naakélé so mo ti aluyaqsóro tao senéretei ó tao sené inireitei netéro kisipa yaaloé?

¹⁷ Tépatēi, Kótóné a beterepaae ape yale whī fea me noa kaae ala epa, apaae ape itikimó, ai alatóro erópóló yae. Ai diri ma fota, diāpaae maaté dumitei, hae kwia dokó feamó betó mole Keriso so whīpaaekélé du beterapó.

¹⁸ Mepaae whī de tiki sekaē tikipa Talené a beterepaae ape itikimó, ti ai alatóro erópóló, tiki sekaē tikinire whī aqyóló betaose. Mepaae whī de tiki sekaē tikinipa, ti ai alatóro erópóló yae.

¹⁹ Tiki sekaē tikitere alaró tikinitere alatamo me bete muniapó. Kótóné tukóló

muló betere fo sya fóló erótu betere ala betá doasi bete mulapó.

²⁰ Diá so whí fea noa kaae ala du betere tuámó betepa, Kótóné á beterepaae ape itikimó, ti ai ala tuámótóro hále betó tawae.

²¹ Diá wae sóro kutó diratere so whí betepa, Talené á beterepaae ape itikimó, ti me ɔla meipa whaalía yaqse. Diá wae sóro kutó diratere so whí betere ala taaróló, mo hále betaaire tų mupa, ti wisirapa, atétóro betae.

²² Ti noatepae, mepaae so whí de wae sóro kutó diratere so whí bitipa, ti i kisipa muae. Talené á beterepaae ape yale sukamó, diá teraayóló hále ai betero betere ape. Atére kaae, mepaae so whí atima kólené hále betepa, Talené á beterepaae ape imó, ti Kerisoné wae sóro kutó diratere so whí beteraó.

²³ Diáta, Talené ama doasi ɔlané dupuyóló betero betepa, hále mo whíné wae sóro kutó diratere so whí alée fóló betaqse.

²⁴ No nerape-ó, diá dokó fea noa kaae ala du betepa, Talené á beterepaae ape tikimó, ti Kótóné ama keletómó ai ala tuámótóro hále betó tawae.

²⁵ Yálo i dere fota kokopei whírape ó so seimale whítamo dokoteremó dapó. I fota, Talené yae ere fo dumitei, ama ę ɔleturaalu tao sóro betero beteteiné yálo dere fo mopóló diáne wosenérapó.

²⁶ Noa betené i fo dumitei, mió i alimó kae kae wou betere sekei alamó kisipa mutu, diá mió ai betere kaaetóro hále betepa mo wisirapóló dapó.

²⁷ Diá so dokopa, ti tokó falaai kisipa muaqse. So dokonipa, ti so dokaai keketu betaqse.

²⁸ Tépatéi, diá kokopei whí so dokaai kisipa mupa, ai dowi ala dumipó. Diá seimale sorapekélé whítamo faai depa, ti aikélé dowi ala meipó. Tépatéi, mió i alimó soró whítamo dokore tuámó doasi sekei ala waalopóló kisipa mutu, diápaae ma fo i dere ape.

²⁹⁻³¹ Norape-ó, yálo i dere fota, Talené kutó diraaire be de ɔfólo inireteiné dapó. Mió kaae sóro so dokore whírape, so dokonire aoyóló betóo, dekené sukutu moló du betere so whí ti whí sukuni hále betere so whí aoyóló betóo, mepaae hekesené sukutu betere so whí hekesé initere so whí kaae betóo, mepaae ɔla ɔla duputu betere so whí ti ɔla ɔla dupu initere so whí aoyóo, mepaae so whí i haemó mole ɔla ɔla sóro taru, mepaae kutó ditutei ai ɔla ɔlapaae hosaa muóo, yaqsóro yae. Ti noatepae, mió dané kelené i kilitu betere haeró ɔla ɔlatamota, alu deté fu beteraó.

³² Yálo diápaae i dere fota, diá Talené ala eróturaalu, mepaae alatamo bipi yóló,

whaali yaqsóro dapó. So dokonire whíta, Talené kisipa feléyópoló ama alatóro eraai kisipa mutu beteraó.

³³ Téretei, so dokore whíta, ama soné kisipa feléyópoló i haemó mole alatóro eraaire kisipa mutu beteraó.

³⁴ Atéreteiné ama tué mo betatóro muni, tamo mulapó. Whíné dokoni hále biti sóro seimale sotamota, Talené ama kutó diraaire kisipa betá mulapó. Téturaalu, ama tikiró kepetamoné Talené ala betatóro eraaire keteke bulapó. Tépatéi, whíné dokore sota, omané kisipa feléyópoló i haemó mole ala eraaire kisipatóro mulapó.

³⁵ Yálo i dere fota, diá so dokaqsóro sesétu dumitei, Talené ala eróturaalu, mo betá tuétóro mulu, wisiyóló eraasepóló dapó.

³⁶ Mepaae whínétamo ama dokaai tukóló betero betere so seimale doasi ba fomó hále bitiré faqsóro, dokaai kisipa mutepa, ti wisirapa dokópoló yae. Ti so dokotereteita, dowi ala meipó.

³⁷ Tépatéi, me whíné ama tuéné hekesere so seimale mepaae whíné ɔpaae dokae yóló seni, amatei hále betaai dapóló kisipa mutepa, ti aikélé wisirapó.

³⁸ Térapa, whíné ama hekesere so seimale dokotepa, ti mo wisi ala dapó. Tépatéi, mepaae whíné ama hekesere so seimale dokoni hále betepa, ti ama ai dere alané so dokore whíné dere ala mo boseno beteraó.

³⁹ Whíné dokore so ama oma sukuni hále betepa, ti me whítamo fenéni omatamo hále dokorapó. Tépatéi ama oma sukutepa, ama tuéné á me whí kaetamo faaitepa, ti hále whítamo feni, Talepaae tué tiki tiró betere whítamotóro fupa wisirapó.

⁴⁰ Tépatéi, yálo kisipané hále wulia betere sorape kolósu, folosóro whí sukutepa kae whítamo dokore sorape kolósu depa, wulia betere ala mo wisiyóló hekesetamo beteraó. Yálo i dere fota, Kótóné Deį Kepe Wisiné yó matepa dapóló kisipa mutapó.

8

Kapala kótópaae momatere ɔla nokolemó dere fo

¹ Yálo i dere fota, kapala kótópaae momayóló hále matere ɔlamó dapó. Mepaae bete mole alarape dá feané kisipa siré waletéi, mió dané mo diriyóló kisiparapó. Fea ala fea atima tuérapó du betepatei, atima doasi whí aoyóló bopé faketu beteraó. Tépatéi, yaala sókó fole alané ti so whí wisiróló, kae beteraté fu beteraó.

² Mepaaené kisipané fea ala ama bete wisiyóló tuérapó du betere whíta, mepaae ala mo diriyóló kisipanipó. Atétere whí fea ala turó kisipa yaaire tedrapó.

³ Tépatéi, Kótópaae yaala sókó fu betere whíta, Kótóné mo wisiyóló kisiparapó.

⁴ Térapa, kapala kótópaae momatere alamó i dapa wosae. I haemó kae kae kapala kótó sūróló aleyale ɔla me bete muni yóo, Kótóta me kae bitini, mo betatóró betóo eretei, ɔané mo diriyóló kisiparapó.

⁵ Ti noatepae, so whjné mepaae i haemó ere ɔla ɔla ó sámó daae mole ɔla ɔla kilitu, kótórapekélé, talerapekélé, dekéro betó mulapó dua dapó.

⁶ Håle betó mole so whjné ai fo du betepatei, ɔa Keriso so whjnéta, Kótó me kaae mei, mo betatóró beteraapóló kisiparapó. Ai Kótóta, ɔané Aya bitu, i haemó yó mole ɔla ɔla fea amatóro kaaáo, ɔakélé ama kisipa mole ala erópóló aleyóló beteroó, erapó. Atére kaae, ɔa tetéroó kaae tare whj me kae bitini, Yesu Keriso mo betatóró beteraapó. Fea ɔla ɔlaró wisi wisi alatamo Kótóné ɔpaae aleyae depa, amatóro aleyóo, ɔané betere betekélé a tuámó muóo ereteiné, ama ala ɔané håle eraté fu beteraapó.

⁷ ɔanéta, ai alarape diriyóló kisiparetei, mepaae teó wale Keriso so whjné ti diriyóló kisipanipó. Atére so whj atima kapala kótópaae momatua yaletéi, ti dowi alapóló kisiparapó. Ti noatepae, atimané tué béruraalu kapala kótópaae matere ɔla nukupa, ti atimané tué tiki mo doraalopóló kisipa mulapó.

⁸ Atépatei, ai ɔla nokole alané ɔa Kótó betere felekepaae dapesó fumipó. ɔla néni wetere alanékélé ɔa doraalo meipó. Atére dere kaae, ɔla nokole alanékélé ɔa wisiyóló beteraalo meipó.

⁹ Tépatei, naao kisipanétamo taleyóló naaitépa ó we yaaitépa ti wisirapó. Tétutei, naao tué sya fóló du betere alané mepaae tué tiki dirini, bére so whj dée nalaqsóro mo hotowaró kaae tawae.

¹⁰ Ti noatepae, ai kapala kótópaae moma dere bemó ɔla nuku betépa, mepaae tué tiki dirinire so whjné ɔia kisipa dirire so whj sya wóló, kapala kótópaae matere ɔla naalo wini, halaaíné nukupa atima dée nalaalomeipóló kisipa mute?

¹¹ ɔia fea ala tuérápó du betereiteiné, kale kisipa dirinire notei dorótu beteraapó. Ti ai so whjta, ɔa tetéroó kaae tare whj Keriso sukuturaalu tao sale no nepó.

¹² Atéro du betere dowi alané, tué tiki bére no nepaae sekei ala eróló dorótu beteraapó. Atéturaalu, ɔa tetéroó kaae tare whj Kerisopaaekélé dowi ala erótu beteraapó.

¹³ ɔalo atéro, ɔla nokole alanétamo no nrape dée nanóló dowi ala depa, ti e hupu ó na momó kae naalomeipó. Ti noa yaqsóro mei, ɔalo dere alané atima dée nalaqsóroapó.

9

Mo keriso so whjné Aposel whjrape tao

senérápó

¹ Diaaɔ kisipané mepaae dere alarapéné e dokóló muni teraae fóló bituraalu, ɔalo enére ala fea sumó enénipóló de? ɔiané eɔa, Talené doteyale *aposel* whj bitinipóló kisipa mute? ɔa tetéroó kaae tare whj Yesu ɔalo kilinipó ere? E Tale tuámó bitu, diyale kutómó botokale ɔlata, ti ɔiaɔtóró ai betere kisipanié?

² Mepaae so whjné e kilituraalu, atima tao sópóló Kótóné doteyale *aposel* whjipóló kisipa mutumipó. Tépatéi, e ɔia tuámó bitu ɔalo diyale kutó kilitu, i sekéta *aposel* whj mo hjiipó enérápó. Ti noatepae, Talené ama fo ɔalo ɔiapaae mo wisiyóló yó maletéiné, ɔia tuámó ai oleré du wisinaale diaaɔtei kaae kolóló, ita, Talené *aposel*-né yale alané erale ɔalepóló kisipanérápó.

³ ɔalo dere ala taleyóló e só deraai du betere whjrapené dere fo mo nisi yaqsóro, ɔiapaae dapa wosae.

⁴ Ti ɔa *aposel* whjrapeta, Talené ama kutó dirane fae yóló doteyalepó. Atéreteiné ɔané naaire ɔlaró weítamo mené ɔa tao sóro matepa dore?

⁵ Mepaae *aposel* whjrape ó, Talené nomarape ó Sipas-sépi atimané dere kaae, ɔamokélé Talepaae tué tiki tiró betere so dokóló, sotamo wusuró Talené ala eraté kotere dore?

⁶ Mepaae *aposel* whjrape atima kutó dini håle betépa, Banabas ɔamo Talené kutó diróturaalu, mo naaitere ɔla kutókélé ɔamoné maaté sumó dinérápóló kisipa mute? Talené kutó diratere so whj feanétóro dinérápó.

⁷ Bóe dele *ami* whjrape atimané nokole ɔlaró bóe dele ɔla ɔlatamo atimanétei dupu dua de? Mepaae whjné ama kutómó biliyale *wain* képi du ɔlumétepa sóro nukumié? Mepaae whj atima waaitere *meme* hupuné awa tepeyóló nukumié?

⁸ ɔalo i deté wale fota, mo whjné mole kisipa sya fóló dapóló de? Ti ɔalo ai deté wale fo kaae, kale tukóló muló betere fonékélé, dumié?

⁹ Ti noatepae, Moses-né kale tukóló muló betere fo asere tuámókélé i fo kaaetóro erapó.

“Kale *bulmakau* hupuné *whit* o du tejiya deté kuturaalu, mepaae sorokóta deretei a nópóló, kulumu faaraɔse,”

Ti Kótóné ai ere fo-a, mo *bulmakau* hupumó kisipa mutu yaleé? Mo meipó.

¹⁰ Ai fota, ɔa tao saai kisipa mutu erapó. Ti noatepae, kutó sóro ɔla wae bilitere whjro ɔla ɔlumétepa sere whjtaamo nalo bukóló saai kisipa mutu, atimaamo wusuró depe tukó wei ala du beteraapó.

¹¹ Mepaae whjné ɔla wae bilitu dere kaae, ɔa ɔia tuámó bitu, diaaɔ kepe bete tao sóro wisiratere ala du betalepó. Atére kaae, mo

kutómó ɔla ɔlumétepa sóró me whítamo bukutu dere kaae, ɔa wote yaqsóró mo ɔla diaaɔ tao sóró matere ala dore?

¹² Talené kutó diratere whírape tao sóró ɔla matere alatamo donopa, ti ɔa tao sóró matere alakélé mo turó donorapóló kisipa mutapó. Atéro matere ɔla ɔané senépatéi taaralépó. Aita hãle mei, ɔa *moni* ó me ɔla saaire kutó ditere nisiyóló, Kerisoné ama fo wisi wosaaire tɔ seséyaqsóró yalépó.

¹³ Mepaae momatere be kaae tare whírapené momatere bepaae sóró wale ɔla buki atimané nukua deretei, diaaɔ kisipanié? Atétere kaae, Talepaae hãle melóló simó sukɔlãa dalatere tiki kaae tare whírapenékélé, atima nenére ɔla kwiapaae nukua erapó.

¹⁴ Atétere kaaetóró, kale fo wisi yó matepa wosetere so whírapené, ai fo yó matere whírape atimané yaɔare ɔla ó nokole ɔla tao sóró melae yóló Talené tukóló muló beteraþó.

¹⁵ Tépatéi, ɔ yaɔare ɔla diaaɔ tao sóró melaaire donopatei, saalo meipó yalépó. Yało i aseytu betere alata, ɔané ɔ yaɔare ɔla melóþpóló dumitei, ai fo wisi diaaɔ wisiyóló wosóþpóló kisipa mutu, ɔ hãjtamo yó mótu betalépó. Ai fo wisi yało ɔiapaae yó maletéimó dupu salepóló, mepaae whírapené ɔ eratere fo yaqsóró kisipa mutu yalépó. Ti mepaae whíné yało hãle yó mótu betere ala seséturaalu, ɔ tao sóró *moni* ó me ɔla melaqsóró ɔ mióitei sukutepa wisirapóló kisipa mutapó.

¹⁶ Tépatéi, Kótóné fo wisi yało yó materemó ɔ bopé faketeré ala enénipó. Ti noatepae, Talené ama erae dere fo taaréni, mo yó manérapó. Ai fo wisitamo yało yó menitepa, ti ɔpaae eraaire sekéi alamó mo doasi wirapó.

¹⁷ Mepaae whíné ai fo wisi ɔpaae yó melae yóló seni, yało kisipanéitei yó mótu betepa, ti yało saaire dupu wisi mulapó. Talené ɔpaae ɔrae yale kutó yało kisipané ɔréni, mené seþeremó ɔrótu betepa, ti me dupu muni, hãle erae ere fo maaté sya fu beteraþó.

¹⁸ Ti yało ai saalopó dere dupu-a, noa ɔlae? Aita Talené fo wisi hãle yó materemó, tao sóró matere ɔla saaire donopatei sinipó. Tétu, Talené fo wisi feléi kisipatamo hãle yó matere alata, ti yało dupu wisi ai ape.

¹⁹ ɔta, mené wae sóró kutó diratere whí bitinitei, yało kisipané enére ala betã du beteraþó. So whí mo turó Yesu Kerisoné fake beterróþpóló kisipa mutu, yałotei ɔ atimané wae sóró kutó diratere whí aoyóló i betere ape.

²⁰ Judã fake so whí Yesu Kerisoné fake beteraai kisipa mutu, ɔ Judã fake betere kaaetóró betalépó. ɔta, Moses-né aseyóló muló betere foné teþeróló kaae tare aqmó

bitini, ai fo sya fu betere so whí Yesu Kerisoné fake beteraai dapóló, ɔ ai fo sya fu betere so whí aoyóló betalépó.

²¹ Moses-né aseyóló muló betere fo tuénire fake so whí Yesu Kerisoné fo wosóló, ama fake beterróþpóló, ɔ ai fo tué inire whí aoyóló yó mótu betalépó. Yało i dere fota, Kótóné tukóló muló betere fo munipóló dumitei, ɔ Kerisoné tukóló muló betere foné teþeróló kaae tare aqmó beteraþóló dapó.

²² Tué tiki tiró bitutei, bére so whí atima tué tiki diriyóló tiró betere so whí kaae beteraai kisipa mutu, ɔ tué tiki bére so whí aoyalépó. ɔ so whí tuamó bitu, atimané hãle kaae du betere alatóró sya fóló du betaletéita, ti so whí mo turó aluni, Talené tao sóþpóló kisipa mutu yalépó.

²³ Yało i du betere alata, kale fo wisi so whí feané wosóló fakeróó, ai fo wisiné erótu betere wisi wisi ala ɔpaaekélé eratepa sóó, yaai kisipa mutu du beteraþó.

²⁴ Mepaae ɔla ɔla saai whí fea sururu yóló fotei, ɔale muló betere tikimó sókó fole whíné betã dupu sua deretei, diaaɔ kisipanié? Atétu dere kaae, ɔla ɔla saairaalu ketekétamo sururu yóló fu betae.

²⁵ Atei kaae kaae melaare dere whírape hãle bitini, atimané tiki fotokó buóþpóló ɔla nokole alakélé, kaae kaae dere alakélé, hapólupatei, betere dokó sɔ sɔyóló, mo wisiyóló sya fu beteraþó. Atétere whírapené su betere topo taota, sawa sukamó maaté muóló doyaalotei, ɔané saalopóló i bope du betere ɔlata, dokélé ini, mo ti muó tawaalopó.

²⁶ Atérapa, mepaae whí furaalu kisipa tekeyóló feni, hãle hõko teþamo yóló fu dere kaae, Talené ala yało hõko erótumipó. Naase dele whíné naasetamo duraalu, hãle hõko tikimó dini, mo kelepaamótóró du dere kaae, ɔ Talené ama ɔale muló betere tikimó sókó faai hãle fu beteraþó.

²⁷ Atétere kaae, yało dere alakélé tikiné hõkesere ala hõko yaqsóró, yało tiki yałotei hapólui ala tuapaae mulóturaalu, wae sóró kutó diratere whí kaae, teþeróló kaae tarapó. Aita, noa yaqsóró meipó. Mepaae whíné ɔpaae duraalu Talené fota, so whíapaae mo wisiyóló yó maletéi, ai tuamó ya hãsókó feleteiné naao doimó mulale dupu saalomeipó yaqsóró dapó.

10

Déa naqsóró Isarael fakené deté wale ala dosqayóló kisipa muae

¹ No nerape-ó, ita noa ala yaqsóró dumipó. ɔa Judã fake firale noutererapepaae erale ala diaaɔ kisipa yaasepóló i dapa wosae. Atima fea kitikiné ɔlisóró fu betepa, ai kitikitóró sya fóló, kale doasi weí kɔlakélé

tuamó tukóló mo hae tiki hālepa atima tēyóló fipakalepó.

² Atima Moses-tamo touyóló kitiki aomó fōo, wēi kēla tuamó tukóló fōo yaletēita, atima fea Moses tuamó wēi tōpapakalepó.

³⁻⁴ Atima fea Talenē Kepenē dere ala tuamó saró dorowale mo betā qlatóró nóo, wēikélé mo betatóró nóo, yalepó. Ti noatepae, mo whjné kelené kelenire Kepe atimatamo kwēalepó Ai Kepe tuamó ere kane fake dolomó sorokó wale wēi nukua yalepó. Ai betere bete matere wēi sorokó wale kane faketa, ti me kae mei, dā tēteróló kae tare whj Kerisotórótipó.

⁵ Tēyaletēi, atima mepaae turó so whjné dere ala Kótóné kolóló a hēkesenipó. Atéyale betenē atima sisiraae fupa, so whj bitini hāle kōpu kaae fi tikimó hōko dourótua yalepó.

⁶ Atima atéró sisiraae feleteita, tué tiki turóné dowi ala yaai ekēle du betale alané erapó. Mió dākélé atima yale kaae yaqsóró, tó tikinē ekēlere ala dāné hosaa tuamó mulāqsóró kisipa mulatere fo i dere ape.

⁷ Mepaae so whj atima kapala kótópaae momatu yale kaae, mió diaaokélé yaqse. Ti noatepae, asemó i fo erapó.

“Talené so whjta, Kótó tuēnire so whjtamo touyóló bitu, kapala kótó doi sóró horóturaalu, doasi q̄la deyóló nuku betalepó. Atéturaalu, atima fea sama sóró keyaa fole wēikélé mo dekéró nóo, sotamo nópu nokole alaró kae kae dowi alatamo hēkese yóló hōko yóo, du betalepó,”

⁸ Atima mepaae nópu nuku betale alané, betā be demótei 23,000 so whj sukālepó. Atima atétu betale kaae, dākélé yaqsóró i dere ape.

⁹ Atima mepaae so whjné Tale kaae kelaai sū saleteinē, Talené dowi wulirape dotonóló atima dóló sisiraae faralepó. Atérapa, dānekélé Tale sū sere ala yaqse yóló dapó.

¹⁰ Mepaae so whj atima ālisóró fole whjrapetamo dokó dokó depa, Talené whj dóló kemerótu betere *ensel* dotonóló, so whj mo turó dóló kemeralepó. Atérapa, dākélé atēyaqsóró me whjtamo dokó dokó dere ala yaqse.

¹¹ Take betale so whjpaae eraté wale alarape mepaae so whjné dosāyóló witu-raalu kisipa sōpóló, mené aseýóló muló betera. Kéké nale alimó kaae sóró i ala yaalopó deté wale forape mo dokonóló, mió i kemetere alimó dāpaae mo erótu betepa kelerapó.

¹² Térapa, mepaae so whj de me dowi alané dée néni diriyóló betera. dere so whj diā, dée naqsóró, mo wisiyóló kaae tawae yóló, dēla fo i dere ape.

¹³ Dowi ala yōpóló sū sere ala diāpaae maaté dumi, i haemó betó mole so whj fea-paaekélé wua dapó. Tépatei, Kótóné so whj tao su betere ala hāle yó taru, diāpaae ai erótu betere sū sere ala mo dekéró eréni, diaaā belenēre sūtóró erótu betera. Mepaae dowi ala yōpóló sū supa, diā dée néni fotokó buóló, ai sekē beleyōpóló, Kótóné ama so whj tao sere ala hāle yó tareteinē, diā wisi tikipaae sókó faaire tū munaalopó.

Yesuné tikiró faketamo nukuraalu, kapala kótópaae kisipa muóló detere qlatamo touróló naqse

¹⁴ Térapa, yaalo hosaa mole ne norape-ó, kapala kótópaae momatu betere ala tuamó bitini, mo tika kae betae.

¹⁵ Diā fosó fosói kisipa mole so whjtamo betepa, ti yaalo i dere fo taleyóló kisipa yae.

¹⁶ Talenē dā wisiróturaalu, sókó farale sameatóró dā fea touyóló bitu, mo kēe yóló nukua dumié? Mo betā *bred* o bulatóró terekeyóló nuku dere kaae, Kerisoné ama tikimó erale wisi wisi ala dā feané sumié?

¹⁷ Ti noatepae, dā fea mo betā o bulatóró terekeyóló nokoleteinē so whj fea mo betā tikitóró daale ala hākearóló yó matapó.

¹⁸ Israel so whjné du betale ala diāné kisipa muae. Talepaae momaturaalu, kapo tómó biliraterē q̄la mepaae so whjnékélé nukua yalepó. Atēyaletēita, ai momaratere ala Talenē wisirateretei atimakélé sirapóló hākearó betere ala diaaā kisipanié?

¹⁹ Mo whjné naasenē Kótó sūróló aletu betere qlaraperó ai kapala kótópaae hāle matere alatamo, mo bete mulapóló yaalo diāpaae du betere? Meipó.

²⁰ Tépatei, Kótó tuēnire so whjné kapala kótópaae hāle matere qlata, mo Kótópaae meni, dowi keperapepaae mótu betera. Atétere qlatamo diaaā nuku betepa, ti ai keperapenē du betere ala diāpaae tekaalopó.

²¹ Taletamo betā kisipa muóló, nokole wēi nukuraalu, dowi keperapetamo betā kisipa muóló nokole wēikélé touróló nenénipó. Talenē doi sóró horótu detere q̄la nóo, dowi keperapenē doi sóró horóturaalu detere qlakélé nóo dere alata, wisini mo dōrapó.

²² Ti dā ama so whj bitutei, dowi kepetamokélé fulumu du betere alata, Talenē dātamo doasi fopaae buōpóló sesemerótu betera. Ti aita, Talenē ama bole fotokóró dāné bole fotokótamo sūrapóló de?

Kisipa tiró betere so whjné yaaitere ala mené seséni, atima sūmó enérapó

²³ Fea kae kae ala yaaire fo muni sūmó enépatei, ai dere alarapenē so whj wisiyóló betera. tao senénipó. Kae kae yaaire ala feata, fo muni sūmó enépatei, mepaae

alané Tale tuámó bitu kisipa tiki tiratere ala wisiraté fumipó.

²⁴ Mepaae ala duraalu, diá maaté wisiyóló betaaire alamó kisipa muni, mepaae so whikélé wisiyóló beterópóló kisipa mutu, erótu betae.

²⁵ Hupu na dotonateretiki tímó duputeretei naairaaalu, netéyale qlaé yóló woseni, hoko nó betá yae.

²⁶ Ti noatepae, i fo aseýóló muló beterapó. “I haeró ere qla qlatamo feata, Talené amatórótípó.”

²⁷ Mepaae tué tiki tirénire so whiné diápaae qla naai ape depa, fóló naairaaalu neté yale qlaé yóló woseni, hoko nó betá yae.

²⁸ Tépaitei, mepaae whiné duraalu, “Ita kapala kótópaae momayale qlapó,” depa ti naqse. Ti ai whí ą haleturaalu, ama tué tiki doyaqsóro dapó.

²⁹ Yalo i dere fota, naao kisipa sekeyóló kópaae faqsóro dumitei, yapaee ai fo yale whiné naao dere ala kilitu, ą kisipa sekeyaqsóro dapó. Ti yalo kisipané yaaitere ala du betepatei, mepaae so whí atima tuéné yalo dere ala taleyóló ę noatepa só derótu betere?

³⁰ Mené ępaee qla naai ape depa ai qla naairaaalu, Talepaee mo kée yóló nuku beterapó. Atéro nukupatei, mepaae whiné yalo qla nokole alamó, ę noatepa só derótu betere?

³¹ Atérapa, diaaq qla nokole ala ó wej nokole ala ó mepaae dere alarape fea so whiné kilituraalu, Kótóné doi betá doasi muópóló yae.

³² Atéturaalu, Juda fake ó, Krik fo bole fake ó, Kótóné so whí fea dée nalaqsóro me noa kaae ala depa, ti tué tekeyóló yae.

³³ Ti yalo dere alakélé hoko dumi, so whí feané wisirapó yópóló, tué tekeyóló du beterapó. Ti noatepae, yalo du betere alata, ę maaté wisiyóló betaai kisipa muóló dumi, Kótóné so whí fea aluyaqsóro, wisiyóló beterópóló tao saaire ala betá du beterapó.

11

¹ Téturaalu, Yesu Kerisoné yale ala yalo suróló du bitu dere kaae, yalo dere alakélé diąné suróló yae.

Talepaee momaturaalu etéro yae yóló dere fo

² Diá Talené ala eróturaalu, dané diápaee yae yóló male alarape diaaq kutirimó muló, wisiyóló sya fóló erótu betereiteimó, mo kée yóló yalo diá dukirótu beterapó.

³ Dą whí feané topota, so whí tetéroló kaae tare whí Keriso betóo, soné topo ti whí betóo, Kerisoné ama topo ti Kótó betóo eretei, diaaq kisipa yaasepóló i dere ape.

⁴ Mepaae whí dené Talepaee momatere alaró Talené kóló whirapené ere fotamo yó matere sukamó, ama mo topo me qlané husiratapa, ti ą tetéroló kaae tare topotei haleratapó.

⁵ Mepaae so dené Talepaee momaturaalu, ó Talené kóló so bitu, ama fo yó matere sukamó, kutiné ó me qlané ama topo husirénitepa, ti ą tetéroló kaae tare topotei haleratapó. Ama topo husiréni hąlepatei, Talepaee moma depa, ti ama topo niki sakere aqrapó.

⁶ Mepaae so denétamo ama topo niki me qlané husiraalo hótapa, ti hąlekeróló tikinérápó. Ama topo niki turó saketepa, ó tikinalemó ą halenérápóló kisipa mutepa, ti me qlané husiranérápó.

⁷ Ti whíta, Kótóné ama kae ere deró asotamo suróló alereteiné, momatere ala ó fo yó matere ala yaai, ama topo me qlané husiranénipó. Tépaitei, so betere alata, whí tao sóro hale horaairaaalu erapó.

⁸ Ti noatepae, take soró whítamo kaarale sukamó, whí so tuámó kaani, sotei whí tuámó kaaró beterapó.

⁹ Atére kaae, Kótóné whí alereteita, so tao sópóló ini, soné whí tao sópóló, kisipa mutu erapó.

¹⁰ Atére alaró *ensel*-rape betere alata-momó kisipa mutu, sorape atima fea whí aqmó beterapóló kisipa yópóló, ama topo me qlané husiranérápó.

¹¹ Tépaitei, Tale tuámó bitu so whí meiyóló ama wotoró betóo, whikélé so meiyóló ama wotoró betóo, inipó.

¹² Ti noatepae, take sota whí tuámó sókó wóo, miómo soné deýóo whí deýóo du beterapó. Tépaitei, ai alarape feata, Tale tuámótóro kaarótu beterapó.

¹³ Yalo i dere fo wosóló diaaqte taleyae. Sorape atima topo me qlané husirénirutei, Kótópaee momatapa ai wisire? Mo meipó.

¹⁴⁻¹⁵ Whiné ama topo nikitamo fqloratepa, ti ą hale yóo, soné ama topo niki fqloratepa, ti ą dukiróo yópóló, erapó. Ti aita, ama ere alapóló kisipa yópóló, erapó. Ti noatepae, soné fqlói topo nikita, ama tiki husuróló eró beterapó.

¹⁶ Mepaae whinétamó i dere fo woseni, hóróló dowąae fu betepa, ti atei kaae so whípaee dané ó kae kae hae kwiamó betó mole Keriso fake so whínékélé me ala yaaire tų kae muni, dą feané mo betá alatóro yó tarapó.

Talené qla nokole alamó ere fo

¹⁷ Yalo diápaee i ala yae, i ala yaqse yóló i dere fota, diaaq du betere alamó wisirapóló yalo diá dukiróturaalu dumipó. Ti noatepae, diá touróló du betere alané so whí só deróló dorótu betereiteiné, mepaae dere wisi ala tetéroló beterapó.

¹⁸ Ƴalo diɔpaae folosóro dere fo i ape. Diɔ tourótua dere sukamó, fea betɔ kisipa muni, fake tekeyóló kae kae betó mulapó dere fo Ƴalo wosalepó. Diɔ tuɔmó ai ala mo du dapóló kisipa mutapó.

¹⁹ Diɔ fea betɔ kisipa muni, me fakené dere ala kae, me fakené dere ala kae du betereitei, Kótóné kɔae kolóló, i faketa mo donorapó deretei mo so whíné kolópóló hɔkearatapó.

²⁰ Diɔ fea betamó touróló bitu nokole ɔlata, Talené ama erale alamó, ama doasi doi mulóturaalu nokole aɔnipó.

²¹ Ti noatepae, diɔ atéro ɔla nukuraalu, so whi fea wópóló kaae tani, mepaae so whi hɔko hapale nukua dapó. Diɔ ɔla betamó bitu mepaae whi wotené sukó, mepaae whi wei dekéro nóló keyaa fôo, du beterafó.

²² Ti diɔ mo ɔlaró weitamó naaire mo be tenipa de? Atétu betere alané Kótóné touróló betero betere so whi hɔle ɔla aɔroo, mepaae ɔla ɔla meire so whi halerótua yóo, du beterafó. Diaaɔ ai du betere alamó, Ƴalo diɔpaae noa fo yaaloé? Aita, wisi ala dapóló Ƴalo diɔ dukiranére? Mo meipó.

²³⁻²⁴ Ti noatepae, Talené epaae yó matepa Ƴalo diɔpaae yó male fotei, momó i dere ape. Tale Yesu dópóló eleké deale dikitamo *bred* o tao sóro Talepaae mo kée yóló, kolokó daalu yóló mótu duraalu, "Ita, Ƴalo diɔ tao suraalu, matere tikipa diaaɔ nukuraalu, Ƴalo yale alamó ɛ kisipa keteréni, tué yó taru nae," yalepó.

²⁵ Atéro ɔla nóló kemetepa, ɔla nuku yale kaaetóro wei belere wuti tao sóro duraalu, "I weiɔa, Ƴalo sókó falaaire samea Kótóné ama so whi tao saalopóló ere kisi fo dirirótu beterafó. Térapa, diɔ i wei nukua dere dokɔ Ƴalo yale ala tué yó taruraalu, i ala hɔle deté fu betae," yalepó.

²⁶ Ti noatepae, betere dokɔ i *bred* oró weitamó nukulétóro fu betaalopó. Atétere alané, Tale sukɔle ala hɔkeamó yó maté fóló, ɔ wale sukamó sókó faalopó.

²⁷ Atérapa, mepaae so whi denétamo Talené *bred* o ó wei kisipa tekeyóló nénitepa, ti Talené ama tikiró sameatamo bete muni, hɔle ɔla aɔratereteiné, dowi ala dapó.

²⁸ Ai ɔlaró weitamó nokole alata, doasi bete mole ɔlapóló kisipa muóló, folosóro ɔ tuɔmó mole ala tuénéitei taleyóló nukupa, ti mo wisirapó.

²⁹ Ti noa Ƴaqsóro meipó. Mepaae whi dené ai weiró ɔlatamo nukuraalu, Talené tikipóló kisipa muóló néni hɔle hɔko nuku betepa, ti Talené ɔ só deraaire ala amatei eratapó.

³⁰ Atétu betere alané diɔ tuɔmó mepaae so whi turó fotokɔ buni, bé yóo, mepaae mo kisi daayóo, mepaae so whi mo ti sisiraae fôo du beterafó.

³¹ Tépatei, ɔané hɔsókó fóló du betere ala ɔanéitei taleyóló donoratepa, ti Talené ɔa só deraalomeipó.

³² ɔané du betere ala Talené ama taleyóló ɔa i haemó hɔle betó mole so whitamó touróló só deraqsóro, ɔané du betere dowi ala taaróló tu wisipaae fópóló donoróturaalu, ama ɔa deké su beterafó.

³³ Atérapa, Ƴalo ne norape-ó, Talené ɔlaró weitamó nokole sukamó, so whi fea betamó tourɔle wapa naasepóló, kaae tawae.

³⁴ Diɔ mepaae so whitamó wotetepa, ti mo ɔla diaaɔ bemó nóló wonérapó. Ti diɔ atéro fea touróló bitu, du betere ala Talené taleyóló diɔitei só deraqsóro dapó. Ɛ aipaae wale sukamó, Ƴalo i dere fo tómó mepaae diɔ donoratere fokélé yaalopó.

12

Mepaae so whi tao sópóló, Deɔ Kepe Wisiné hɔle matere ala

¹ No nerape-ó, Talené Deɔ Kepe Wisiné hɔle matere alarape diɔ tuéni, koló koló Ƴaqsóro i dapa wosae.

² Diɔ Keriso betaai hɔle betale alimó, fokélé initere kapala kótórapaae tué tiki tirópóló, netéro mepaae alané diɔ kópaae ɔlisóro felerópó.

³ Diɔ ai ala ereiteiné Ƴalo diɔpaae i dere fo wosae. Kótóné Deɔ Kepe Wisiné mepaae so whi fotokɔratepa, "Yesu mo ti dorópóló yae," fo mo enénipó. Mepaae so whi Deɔ Kepe Wisiné fotokɔrénitepa, ti "Yesuta, ɔa teteróló kaae tare Talepó," fo mo enénipó.

⁴ Talené ama ala erópóló, mo betɔ Deɔ Kepe Wisinéitei kae kae ala erópóló, so whi feapaae hɔle dokɔrótu beterafó.

⁵ Mepaae Keriso so whíné Talené ama so whi tao saaire ala kae kae mupatei, ai alarape fea teteróló kaae tare Tale mo betɔtóro beterafó.

⁶ Ai betɔ Kótónétóro so whi fea tuɔmó kae kae alarape fea erótu beterafó.

⁷ Talené so whi mo fea wisiyóló beterrópóló, Deɔ Kepe Wisiné ama erótu betere kae kae wisi ala hɔkearóturaalu, so whi feapaae betɔ betɔ yóló dokɔrótu beterafó.

⁸⁻¹⁰ Betɔ Deɔ Kepe Wisinéitei, me whipaae ti mepaae Keriso so whi fosó fosóre ala yó melópóló melóo, me whipaae ti Kótóné mo bete mole fo tué yópóló, yó melaaire ala melóo dere alata, mo betɔ Deɔ Kepe Wisinéitéro erótua dapó. Me whipaae ti Kótóné doasi kelemei ala mo eraalopóló, tué tiki tiratere ala melóo, me whipaae kae kae kisi bete wisiratere ala melóo, me whipaae kelemei ala erópóló doasi fotokɔ melóo, me whipaae Kótóné ama kóló whi beteroo, me whipaae ti fea dere ala taleyóló, ita dowi kepené dapó, ita Talené Kepe Wisinéitei dapóló

kaae kolólo tué dere ala melóo, me whjpaae ti kae kae be fo dere ala melóo, dua dapó.

¹¹ Ai dosáayale alarape feata, mo betá Kepenétóro eratapó. Tétu ama kisipané enére alatóro sya furaalu, so whj feapaae betá betá yólo dokorótu beterapó.

Betá tikimótei kae kae qlarape daale fo

¹² Mo whjné tikimó hó naase kele mepaae kae kae qla fea daae moletei, tikita ti mo betatóro daalapó. Atére kaae, dá teterólo kaae tare whj Keriso á tikimó dá fea olekeyólo mo betá tikitóro daalapó.

¹³ Ti noatepae, betá Deji Kepe Wisiné dá fea weí tópuróturaalu, Juda fake so whjkelé, Krik fo bole so whjkelé, wae sóro kutó di-ratero so whjkelé, atima klené betere so whjkelé, fea mo betá tikitóro alé faralepó. Até duraalu, so whj fea weí nokole depa betá weí nuku dere kaae, dá fea betá Deji Kepe Wisitóro sópólo malepó.

¹⁴ Whjné mo tikimó betá qla maate daani, kae kae qla fea daae mulapó.

¹⁵ Hóné duraalu, éta naase meireteiné ai tikitamo olekenipó depa, ti hó á feseké fóló kae daale? Téni, tikimótóro olekerapó.

¹⁶ Woséliné duraalu, éta kele meireteiné tikitamo olekenipó depa, ti woséli á daae fóló, kae daale? Téni, á tikimótóro olekerapó.

¹⁷ Tiki turótamo keletóro daauasóro, ti wosetere ala netéro wuaé? Tiki turótamo wosélitóro daauasóro, ti kélaa sere ala netéro wuaé?

¹⁸ Ti tikimó daale kele, naase, hó mepaae kae kae ere qla fea Kótóné ama kisipané éteró eraalopó yale alatóro eró beterapó.

¹⁹ Ai qlarape featamo betá qlatóro daauasóro, ti tikipó fo nétéro wuaé?

²⁰ Ti hó naase, kele, kae kae qlarape fea daae moletei, betá tikimótóro olekéé mulapó.

²¹ Kelené naasepaae duraalu, “Me ala yaairaaalu, é ya yáyanipó,” fo enénipó! Toponékélé hópaae duraalu, “Me ala yaairaaalu, é ya yáyanipó,” fo enénipó!

²² Atei fo ini, dané tikimó mepaae daae mole sawa doi munire qlarape meitepa, ti dané tiki mo wisiyólo betere ala enénipó.

²³ Dané tikimó daae mole mepaae kelaalo kokó inire qlarape kokó yópólo, dané aurótua dapó. Dané tikimó daae mole mepaae keletepa haletere qlarapeta, ti kutiné kinótua dapó.

²⁴⁻²⁵ Mepaae keletepa hale initere qlarape, ti dané mo hotowayólo kinótimpó. Tépatéi, Kótóné so whjné tiki aleturaalu, mepaae doi munire qlaraperó doi mole qlarapetamo dei kisipa mutu, bóe dóló fake tekeyasóro, doi munire qlarapekéle Talené tao sóro doi muuaire ala eralepó. Tétu, tikimó daae mole qlarape betá kisipa

muóló, u tao su i tao su du beterópólo, Kótóné atéro tourólo daalalepó.

²⁶ Ai qlarape betá kótamo seké supra, ti featóro seké sóo, me kó doasi doi mulatere ala depa, ti mepaae qlarapekéle fea touyólo, hekesetamo mo kée yólo haj yóo, du beterapó.

²⁷ Atétere kaae, diá fea dá teterólo kaae tare whj Kerisoné tikimótóro olekereteiné, diá fea ama tikitóro daalapó.

²⁸ Kótóné tourólo betero betere so whj tuamó folosóro Kótóné fo erópólo, doteyale aposel whjrape sóro betero, ai sisópaae Kótóné fo yó matere kóló whjrape sóro betero, ai sisópaae yó matere whjrape sóro betero, ai sisópaae doasi kelemei alarape eraaire so whj sóro betero, ai sisópaae kae kae kisi bete wisirópólo sóro betero, ai sisópaae mepaae kae kae ala dere tuamó bipi depa tao saaire so whj sóro betero, mepaae dere ala mo donotóro deté fu beterópólo sóro betero, ai sisópaae mepaae so whj kae kae be fo yópólo, sóro betero, erapó.

²⁹ Ti ai so whj featóro Kótóné doteyale aposel whjrape betere? Atima featóro Kótóné fo eratere kóló so whj betere? Meipó.

³⁰ Atima featóro Kótóné fo yó matere so whj betere? Atima feanétóro doasi kelemei alarape erótua de? Mepaae so whjné kisi bete wisiratere Kótóné atima feapaetóro melaleé? Kae kae be fo-a, atima feané du betere? Deji Kepené yó matere kae kae be fo fetere ala feané dua de? Mo meipó.

³¹ Ti so whj fea tao saaire ala betá sené yólo ekéle du betae. Talené kae kae ala eraaire tú wisi mió yálo diápaae i dere ape.

13

No nerapepaae hosaa muóló yaala sókó fole ala

¹ É tuamótamo so whjpaae yaala sókó fole ala munirutei, Talené ala eróturaalu, mo whjné bole kae kae be fo ó ensel-rapené be foné du betepa, ti hále fo whaayólo so whj wisinarótu beterapó.

² Deji Kepe Wisiné é fotokoratepa, Kótóné kóló whjrapené dere foró kinó betere fotamo fea yálo tué yóo, Kótóné bete mole fo so whjpaae yó melóo, mepaae hasi fosópaae ai daae mole tiki taarólo, kaepaae daane fae yaaire tué tiki tiratere alakélé sumó yóo epatei, yaala sókó fole alatamo é tuamó munipa, ti é mo hále qla kaaené kelerapó.

³ Yálo mole qla qla fea yolealere so whj tao sóro melóo, Talené ala eróturaalu mepaae so whj tao saai dapólo kisipa mutu, yálo tikikélé mené simó sukúlaa dalópólo melóo duraalutei, yaala sókó fole ala é tuamó munipa, ti Talené émo me dupu melaalomeipó.

⁴ Mepaae so whīpaae yaala sókó fu betere so whīta, kae kae sekēi ala wapakélé, me ɔla meipóló dua beleyóo, naameyóló mo dua bitu wisi ala betā eróo, du beteraḡó. Yaala sókó fole whīné me whīné dere ala kilitu, ɛkélé etei kaae ala enéé yóló dei kisipa muóo, nene yóló bopé fake yóo, doasi whīpóló kisipa mutu mepaae so whī só deróo, mo enénipó.

⁵ Yaala sókó fole so whīné, mepaae so whīné inire alamó hōko haleraterere ala ini yóo, atima kisipa felé yaaire ala maaté ini yóo, fopaae butere ala hapale ini yóo, mepaaené eraterere dowi ala kwia tokó melaaire kisipa muni yóo, erapó.

⁶ Mepaae yaala sókó fu betere so whīta, dowi ala tuamó hēkeseni, mo bete mole ala wisimó betā mo kée yóló hēkesetu beteraḡó.

⁷ Yaala sókó fu betere so whīné atima ne norapepaae sekēi ala eraqsóro sesé yóo, Talené tao saalopóló kisipa mutu, tué tiki tiraterere ala taaréni, betere dokó hāle yó tawóo, take nalopaae Talené dāpaae wisi ala eraalopóló kisipa tiróo, kae kae sekēi ala wapakélé haepaae derepéni, betere dokó hāle beléetóro tawóo, du beteraḡó.

⁸ Kótóné kóló whī bitu, ama fo erótu betere alakélé me sukamó taalóo, kae kae du betere be fokélé kemeyóo, doasi kisipa sere alakélé kemeyóo yaalotei, yaala sókó fole ala betā mo kemekélé ini, hāle muótóro tawaalopó.

⁹⁻¹⁰ Ti noatepae, mo bete mole fo dāné tuéḡatei, mo turó tuéni yóo, dā Kótóné kóló whī bitu, ama dāpaae yó male fo dānémo mepaae so whīpaae mo turó yó meni yóo du beteraḡó. Téḡatei, mepaae alarape Talené ama mo turó eraterere alimó, mepaae eréni hāle kwia mole alarapekélé fea aluraalopó.

¹¹ Ɛ ketēi kaae betale sukamó, yaalo dere fokélé ketēiné fo kaae yóo, tuéḡélé ketēiné tué kaae muóo, mepaae ala bete diriyóló tué deté fole alakélé, ketēiné dere ala kaae yóo, yalepó. Téyaletēi, ɛ doa yóló whī bitu, take ketemó deté wale ala mo ti taaralepó.

¹² Mió dāné i kilitu betere alata, bete diriyóló kilini, aso asore *klas*-mó kelepaa kilitu dere kaae erapó. Téḡatei, nalo kelepaa kḡaetamo duraalu, ti mo diriyóló kelaalopó. Mióta, mepaae ala dāné tuéḡatei, mepaae wisiyóló tuénipó. Talené ɛ mo turó diriyóló tuéru ere kaae, take yaalokélé tué yaalopó.

¹³ Mió i alimó mole doasi bete alarape i ape. Tué tiki tiraterere alakélé, take nalopaae Talené dāpaae wisi ala eraalopóló hātu betere alakélé, yaala sókó fole alakélé, ai alarape tuamó mo doasi bete mole alata, ti yaala sókó fole alapó.

14

Talené kóló whīné dere foró kae kae be

fotamo yópóló hāle matere ala

¹ Yaala sókó furaalu, Deḡ Kepe Wisiné hāle matere alarape mo ketekē buóló su betae. Tétu Kótóné kóló whī bitu, ama fo yó matere alata, mo doasi topo alapa, mo wisiyóló sae.

² Ti noatepae, mepaae so whī dené du betere kae kae be fota, mo so whīpaae dumitei, Kótópaatóro du beteraḡó. Atéro kinóló mole alarape ama kepe tuamó du betepatei, so whī feané ai dere fo wosóló bete tuéni kóló kólórapó.

³ Téḡatei, mepaae Kótóné kóló so whīné mo so whīpaae Talené fo i ape yóló yó móturaalu, so whī diriyóló beterópóló fotokó bulóo, halaaíné beterópóló ketekē bulóló ma fo yóo, whaalaa duraalu fomaake kisipa mutere so whī kisipa felératerere fo yóo, du beteraḡó.

⁴ Whī me dené kae kae be fo du betepa, ti atétere whī aḡatei wisiyóló beteraterere ala du beteraḡó. Téḡatei, Kótóné kóló so whīné, ti so whī feapaae Talené ere fo i ape yóló yó mótu betepa, ti Kótóné fake so whī fea diriyóló beterópóló tao su beteraḡó.

⁵ Diā so whī feané kae kae be fo depa, mo wisirapóló kisipa mutapó. Téḡatei, Talené kóló whīrapené dere fo diā feané depa, mo wisirapó. Kótóné kóló whīrapené yó mótu betere alané kae kae be fo du betereḡatei tḡeteró beteraḡó. Téḡatei, Kótóné touróló beteró betere so whī diriyóló beterópóló, kae kae be foné du betereḡatei bete mené feteyóló yó matepa wisirapó.

⁶ Térapa, no nerape-ó, ɛ aipaae wóló kae kae be foné du betepa, ti yaalo diā netéro tao saaloé? Téḡatei, Kótóné mepaae kinóló mole alarape diāpaae hākearóló yó matepa, ó Kótóné so whī mokḡeyaa yóló betaqsóro ere ala bete fea yó matepa, ó Kótóné kóló whī bitu ama fo yó matere ala ó Kótóné bete mole fo etérópóló yó mótu betepa, ti ai alarapené diā mo sūmó tao saalopó.

⁷ Wole fo duraalu, mo whīné aleale fó wuti ó *kita* kaae ɔla *harp* wisiyóló dupa, ti so whī feané wosóló felé yaalotei, hōko dupa, ai hale wosetere so whīné noa wole fo du dérópóló, kóló kóló yaalopó.

⁸ Atétere kaae, bóe daai haletua dere ukulumó wuti wisiyóló dini hōko depa, ti bóe dele whīrape atima bóe faairaaalu, netéro siki siki yaaloé?

⁹ Diaḡ dere alakélé ai ala kaaené kel-erapó. Diāné dere fo so whīné kisipare foné initepa, ti ai fo bete netéro kisipa yaaloé? Atéro dere fota, so whī bitinire tikimó wotoró bitu dere fo kaae aḡrapó.

¹⁰ I haemó kae kae be fo buó moletei, me fokó bete munire fo kae buni, mo fea bete mole fotóro bulapó. Ai be fo talerape atimané foné bete kisipareḡatei dā feané mo tuérapó.

¹¹ Mepaae whjné dere be fo ɣalo wosóló bete wisiyóló sinitepa, ti be fo kae bole whjné ɛ kae be fo bole whj nisi yóo, ɣalokélé ai whj ɛ kae be fo bole whj nisi yóo, du beterapó.

¹² Ti diɔ tuámókélé atei kaae alatóro du beterapó. Deji Kepe Wisiné hɔle matere ala saai dapóló, diɔ doasi ekéle ai du beterapa, Kótóné touróló betero betere so whj diriýóló beteratere alata, doasi bete mulapa, keteke buóló sae.

¹³ Atére betené, mepaae kae kae be fo du du betere whjné dere fo bete amatei feteyópóló Talepaae momarae.

¹⁴ Ti noatepae, ɣalo be fo kaené dere momata, kepené maaté du beterapó. Tépatéi, ɣalo tué tikita, ti kaepaae mole aɣrapó.

¹⁵ Térapa, ɣalo noa alakó yaaloé? ɣalo moma duraalu, kepetamo yóo, ɣalo tuénékélé yóo, wole fo duraalu, ɣalo kepetamo yóo, tuénékélé yóo enérápó.

¹⁶ Naaó kepetamo turóné Kótópaee mo kée yóló ɛ hale horótu betepa, ti naao du betere fo bete wosenireteiné, “Mo kée, téyópóló yae,” fo hɔle netéro yaaloé?

¹⁷ Ti naao mo kée fo du betepatei, ai foné u whj tao sóro diriýóló betero tumipó.

¹⁸ Ti diɔ feané kae kae be fo du betepatei, ɣalo kae kae be fo dere alané diɔ mo teraae faleteiné Kótópaee mo kée du beterapó.

¹⁹ Tépatéi, Kótóné touróló betero betere so whj tuámó, ɣalo ama fo yó móturaalu, so whjné wosóló bete kisipa yaairétóro aporó fo kwiatamo yó matepa, ti mo wisirapó. Téni, so whjné wosóló kisipa enénire 10,000 fo kukwia kae kae be foné depa, ti netéro wosóló kisipa yaaloé?

²⁰ No nerape-ó, diɔ keteirapéné tué kaae mutu betaose. Diɔ dowi ala yaaire kisipa muni, awá nokole naale sennaale kaae ayyóló betae. Tétu, diɔné mole tué tikikélé, mo dirire so whjné tué kaaetóro muóló betae.

²¹ Kale tukóló muló betere fo tuámó Talené i fo dapó.

“ɣalo so whjpaee kae kae be fonékélé, be kaemo wale whjrapéné kólónékélé i so whjpaee yaalotei, ɣalo dere fo bete atimané mo wosókélé yaaloéipó.”

²² Térapa, ai kae kae be fo du betere alata, tué tiki tiró betere so whjné kolóló tué yópóló dumitei, tué tiki tirénire so whjné kilitu, ita Talené me ala yaairemó dapóló kisipa yópóló dapó. Tépatéi, Kótóné kóló whjrapéné ere fo i ape yóló yó mótu betere alata, tué tiki tirénire so whj tao su dumitei, tué tiki tiró betere so whj tao suraalu dapó.

²³ Atéreteiné Kótóné fake so whj feané kae kae be fo du betere, mepaae ai be fo tuéni, kóló kólóre so whj ó tué tiki tirénire so whj diɔ beterepaae wóló, diaaɔ du betere

ala kilituraalu, diɔ keyaa fole so whj aɣrapó yaalomeié?

²⁴ Diɔ fea Kótóné kóló so whj bitu, ama fo i ape yóló yó mótu betepa, kale mo fo bete tué tiki tirénire so whj ó mepaae mo fo tuénire so whj wouraalu, so whjné dere alané ama hosaamó suraalu, ɛ dowi ala du betere whjóló mutere kisipané ɛ só deraalopó.

²⁵ Talené ai whjné du betere ala taleyóló, ama hosaa tuámó kinóló mole ala haķearaalopó. Atéteremó, ɛ deraapisa fóló fió mulu, so whj feané keletómó Kótóné doi hale horóturaalu, “Kótó diɔ tuámó mo ai betere ape!” yaalopó.

Talepaae mo dono tu sya fóló moma yae ere fo

²⁶ No nerape-ó, diaaɔ kisipa yópóló dané diɔpaae me noa fo yaaloé? Diɔ fea touróló bitu, mepaae so ó whjné ama kisipare wole fo yóo, mepaae so ó whjné so whj feané wosóló kisipa yópóló, Talené fo yó melóo, mepaae so ó whjné kinóló mole ala Kótóné apaae yó matepa, amamo so whjpaee yó melóo, mepaae so whjné kae kae be fo yóo, mepaae so ó whjné kae be foné deretei bete feteyóo, depa mo wisirapó. Ti ai dosɔayale alarapeta, Kótóné fake so whj fotokó buóló beteraaire alatamo epa, ti enérápó.

²⁷ Mepaae so whjné kae be foné yaaitepa, ti so whj feané dere fapo ini, sore ó tamo so whjné betá betá yóló enérápó. Atéro dere fo me so ó whjné bete feteyóló, so whjpaee haķearóló yó manérápó.

²⁸ Ai fo feteyaaire so ó whj bitinipa, ti Kótóné fake so whj tuámó kae kae be foné haķeamó ini, Kótópaee maaté ama kikitit depa, mo wisirapó.

²⁹ Kóló whjné Kótóné ama fo Keriso so whjpaee yó matepa, ti tamo ó sore whjnépi yó melópóló yae. Atéro kemetepa, ti wosale so whjné ai fo bete kaae kolóló hotowaró talenérápó.

³⁰ Me whjné yó matere fo wosetu betere so whj tuámó Deji Kepe Wisiné i fo yae yóló yó matepa, ti ai fo yó mótu betere ala kapala taaróló, ai so ó whjné fo yópóló te mela.

³¹ Ai so whj fea kisipa sóro fotokó buóló betero kóló, Kótóné kóló so whjrape atima dokó fea betá betá yóló Talené fo yó melanérápó.

³² Kótóné kóló so whj tuámó betere keperapéné yaai kisipa mole ala mo donotóro yópóló, ai kóló so whjnetóro tetéro kaae tarapó.

³³⁻³⁴ Ti noatepae, Kótóné so whj tuapaaee hōko ala kaaréni, hosaa muni deyóló mo dua beteratere ala kaaratere Tale beteraapó. Be hulua dokó feamó Kótóné ama kae betero betere so whjné du betere kaae, fo wosetere sukamó diɔ sorape fo tekeni,

mo dua betepa wisirapó. Kale tukóló muló betere foné sorape whi aqmó betae ere fo sya furaalu, mo dua betenérápó.

³⁵ Atima ai yó matere fo bete kóló kóló depa, ti bepaae fóló atima omarapepaae wosenérápó. Ti noatepae, so whi touró betere tuamó soné fo depa, ti aita donoi ala mei, mo hale dere alapó.

³⁶ Ti Kótóné fo-a, diá tuamó keké naleé? Ó ai fo wisi ai be huluumó betere so whi diapaee maaté yó maleé?

³⁷ Whi me dené diá tuamó ama kisipané a Kótóné fo erateré kóló whi ó Dèi Kepe Wisiné erateré kae kae ala sumó enérápó kisipa mutepa, ti yalo i aseteré fo ti Talené ama diapaee yae dere fo dapóló kisipa enérápó.

³⁸ Tèni, mepaae whinétamo i aseteré fo hale ɔla aqróló sisópaae eratepa, ti Talené ai whikélé sisópaae eróló, hale ɔla kaae aqraalópó.

³⁹ Térapa, no nerape-ó, mepaae so whipaae kae kae be foné ekese yóló sesé yaose. Tèni, Talené kóló so whiné yó mótu betere fota, ti mo doasi alapa, keteké buóló yó mótu beterópóló yae.

⁴⁰ Tétu, diané mepaae noa kaae ala yaai depa hoko ini, kisipa tekeyóló mo donotóró sya fóló enérápó.

15

Yesu momó kepaayale fo

¹ No nerape-ó, yalo diapaee take yó mótu betale fo wisi diaaq kisipa keteyaqsóró momó yaai dapó. Kótóné ama fo wisita, bete mulapóló diaaq mo wisiyóló wosaletéin, diá ai fo tómó daalu aphae tué tiki tiró beterapó.

² Ai fo wisiné diá alu yaqsóró tao su beterapó. Yalo diapaee yó male fo wisitamo hotowaró tao tapa, ti diá ai tao sere ape. Tèni depa, ti diaaq kisipa tiki tirateré ala bete munire aqratapó.

³ Talené ai fo wisi mené ephae yó matepa, aita mo doasi bete mole fopóló kisipa mutu, yalomo diapaee yó malepó. Ai fo i ape. Kótóné asemó ere fo dokonóturaalu, dané dowi ala tokóló aluraai so whi teteróló kaae tare whi Keriso a sukalepó.

⁴ Atéro a douróló, sore be de kemetepa, kale asemó ere fo dokonóturaalu, Talené a kepaaróló beteralepó.

⁵ Atéro kepaayóló, Pitané a kolópóló yó melóo, ai kilipaae ti kale 12 yó matepa woseteré whirapepaekélé yó melóo, yalepó.

⁶ Atéyale sisópaae 500 bosenóló mepaae tómó beleróló, betere no nerape fea touró betere tikimó, a haakeamó sókó walepó. Até yale so whi mepaae sisiraae feletei, mo turó so whi ti hale betó mulapó.

⁷ Ai sisópaae Jems-paae yó male wóló, nalo ti Kótóné doteyale *aposel* whirape feapaee yó male felepó.

⁸ Mo kemerale wouraaalu, soné naale deyaaire be de teópatei, hoko be demó detu dere kaae, Yesuné a i ape yóló, ephae yó male walepó.

⁹ Èkéle Talené doteyale *aposel* whitei, mepaae *aposel* whirape betere aqmó doi muni, mo belei sokótei beterapó. Ti noatepae, Kótóné fake so whi yalo susupuróló dowi ala erótu betaletéin, e *aposel* whi beteraaire sunipatei, Talené e sóró beteralepó.

¹⁰ Tépatéi, Kótóné hamokoróló hale tao saleteiné e etei kaae whi i betere ape. Ama e atéro tao sale ala haleni, e tuappaee mo doasi ala eró beterapó. Ai ala epa kisipa mutu, yalo diale kutóné mepaae *aposel* whirapéné diale kutó mo bosenéee felepó. Ti aita, yalo fotokóné initei, Kótóné hamokoróló hale tao sere ala e tuamó muluraalu, yalepó.

¹¹ Térapa, yalo ó atimané diapaee yó male fota, me kae meipó. Dá feané i yó mótu betere fo wisitóró mopóló diané wosóló kisipa tiralepó.

Sukutere whi momó kepaayaire fo

¹² Dané diapaee Talené fo yó móturaalu, so whi teteróló kaae tare whi Keriso mo ti sukaletei, Kótóné a kepaaró beterapóló yó male fo diané wosalepó. Atéyaletei, diákó mepaae so whiné duraalu, sukale whi momó kepaayóló betaalomeipó dere fo-a, diané mo fo dapóló de?

¹³ Sukutere whitamo kepaayaalomeipó kisipa mutepa, ti so whi teteróló kaae tare whi Kerisokélé kepaayóló bitinipóló kisipa muae.

¹⁴ Keriso atamo kepaayóló bitinipa, ti dané yó mótu betere foró diaaq kisipa tiró betere alatamo bete muni, hale ɔla kaae aqratapó.

¹⁵ Ai ala tómó, Kótó a etei kaae Tale beterapóló dané yó mótu betere fo, kapala fotei yó mótu bitirapó kisipa muae. Ti noatepae, so whi teteróló kaae tare whi Keriso mo ti sukaletei, Kótóné a momó kepaaró beterapóló, dané diapaee yó mótu betalepó. Ti sukale whi momó kepaayaalomeipó fotamo mo du betepa, ti Kerisokélé Talené kepaaró bitinipó enérápó.

¹⁶ Ti noatepae, sukale whitamo kepaayóló bitinipa, ti so whi teteróló kaae tare whi Kerisokélé kepaanipóló kisipa muae.

¹⁷ Kerisotamo kepaaró bitinipa, ti diaaq kisipa tiki tirateré alakélé bete muniru, diaaq du betere dowi ala tuamó diá hale betó tarapó.

¹⁸ Keriso atamo atépa, ti a tuamó betepa sukale so whikélé mo ti alurapó enérápó.

¹⁹ Nalo betaaire alimó dā kepaayóló betepa, Kerisoné dāpaae wisi ala eraalopóló hajtū betepapó. Atépatēi, mēpaae so whjné mió i alimó maaté wisi ala kelaalopó dere fotamo mo du betepa, ti dāpaae doasi sekēi ala eraaiteremó, mo doasi wirapó.

²⁰ Tēpatēi, so whj tēteróló kaae tare whj Keriso ā sukāletei Kótóné mo kepaaró betepapó. Atéreteita, sukutere so whj kélé kepaayóló betepapóló, kutómó ǵla folosóró ǵlumétēre kaae, āpi kepaayalepó.

²¹ Ti noatepae, betā whjné yale dowi alané sukutere ala dā so whj tuāpaae sókó walepó. Até yale kaaetóró, betā whjné yale alané ti kepaayóló betere ala kaaratapó.

²² Ti dāta, Adam-né kaarale fake ereteiné, dā fea sukutua dapó. Atétu dere kaae, Kerisoné ama fake so whj fea ti ā tuāmó betereiteiné kepaayóló betaalopó.

²³ Atéyaalotei, ai ala hāle hōko ini, ama mole tūtóró sya furaalu, yaalopó. Aita, kutómó ǵla folosóró ǵlumétu dere kaae, Keriso āpi kepaayóló betepapó. Atérené nalo ā fesaee walé sukamó, ti ama so whj kélé fea āre kaae kepaaróló betaalopó.

²⁴ Téró, Kerisotamo bóe du betere topo whjrapekélé, atimané tēteróló kaae tare alarapekélé, atima so whj kélé, atimané bole fotokókélé, fea doróló kǵlipaae, ti ama so whj tēteróló kaae tare ala Alima Kótóné naase tuāmó munaalopó. Atéteretamótóró, mo kemeyaaitere be dē sókó waalopó.

²⁵ Ti ama tēteróló kaae tare ala hāle deté fóló, ama bóe whj mo ti dóló kemeratere sukamó sókó faalopó.

²⁶ Atéró bóe dilé fóló, mo ti kemeróturaalu, daaire bóe whjta, ti sukutere alapó.

²⁷ Ti fea ala fea Kerisoné ama tēteróló kaae tanópóló, Kótóné ama naase tuāmó mulalepó. Ti ai fea alapó dereteita, ama Naalené naase tuāmó mulale seké Kótó ā Naalemané tēteróló kaae tare aomó bitinireti mo hākearapó.

²⁸ Ai ala yóló kemetepa, fea ala tēteróló kaae tawae yale Kótóné ama naalema ā aomó betepapóló yaalopó. Ai alata, fea ala Kótóné amatóró tēteróló kaae tawaa erapó.

²⁹ Sukutere whj kepaayaalomeipó dere fotamo mopa, ti sukutere so whj wisi bepaee fópóló kisipa mutu, mēpaae whjrape wēi tōpuratere ala noatepa du betere? Sukutere whj kepaayaalomeipó dere fotamo mopa, ti wēi tōpuratere ala hāle ǵla kaae aorapó.

³⁰ Sukāle so whjtamo kepaanitepa, ti dā i kutó diyaai kae kae bóe whj betó mole tikipaae betere dokó noatepa fua wua du betere?

³¹ Yālo no nerape-ó, diā dā tēteróló kaae tare whj Yesu Keriso tuāmó betepa, ama diā tuāmó erótu betere wisi ala kilituraalu,

Talepaae yālo mo kée yóló, ē bopé faketu betepapó. Yālo i dere fota, mo dapó. Diā tao saai kisipa mutu, Talené ama fo wisi eraté kotere dokó ē mo felekemó sukūitei hāsókó fua dapó.

³² E Epesus bemó whj dó nokole syaae kaae ǵla aore whjrapené yālo du betere ala seséturaalu, ētamo doasi bóe du betaalopó. Atéyaaloteita, i haemó mole wisi wisi ǵla saai kisipa mutu, imó ti noa ǵla wisikó senére? Sukutere whj kepaayaalomeipó dere fo mo depa, ti diāné yó tare mara mole fo sya furaalu,

“Dóta dā sukāireiteiné, mió betā ǵlaró wēitamó mo dekéró naalopa sae!” enérápó.

³³ Mené diā kōpaae ālisóró faqsóró yae. Du betere mara mole fo betā i ape.

“Wisi ala dere whjrape dowi ala dere whjrapetamo tamoyóló betāmó kotepa, ti atimané dowi ala yāpaae tokó melaalopó.”

³⁴ Diā topo doayóló keyaa furaalu, hōko du betere dowi ala mo ti taaróló, kisipa wisi muóló, take yale ala momó fesaee fóló yae. Ti noatepae, Kótó tuéni hāle betere so whj diā tuāmó betó moletei kilitu diā haleyae.

Kepaayóló kae tiki daayóló betaaire fo

³⁵ Atépatēi, mené i kaae fo enérápó. “Kale sukāle so whj momó netéró kepaayaaloé? Atéró noa kaae tiki daayóló waaloé?” yóló wosenérápó.

³⁶ Aita, kisipa okokoi whjné dere fo kaae aorapó. Ti noatepae, kutómó mo ǵla wae bilitereteimó kisipa muae. Whjné bilitere ǵla waeta, haemó kēlaayóló u tuāmó bole kené ti tūmu sókó hotua dapó. Haemó biliteretei kēlaa initepa, ti tūmu horaalomeipó.

³⁷ Diaaǵ ǵla wae bilituraalu, ǵla nokoletēi mo turó bilini, *whit* ó bupi ó besāae ke maaté bilitua dapó.

³⁸ Atéteretei ai ǵlarape huturaalu, Kótóné kisipané daalópóló yale tikitóró daatua dapó. Ai biliyale ǵlarape fea mo ama tiki daaitóró hutua dapó.

³⁹ Fea ǵlarapené daae mole tikita betā kaae mei, so whjné tiki ama kae daayóo, hupu ó na mēpaae betó mole ǵlarapené tiki ti ama kae daayóo, bané tiki ama kae, yané tiki ama kae, yóo erapó.

⁴⁰ Šamó daae mole ǵlarapené tiki ama kae, haemó ere ǵlarapené tiki ama kae yóo erapó. Šamó daae mole ǵlarapené tiki mo kokǵi dē wisinaale yóo, haemó yó mole ǵlarape kelaalo kokǵre ala ama kae yóo, erapó.

⁴¹ Sukané dē wisinaale ama kae, wéliéné dē wisinaale ama kae, hōrerapené dē wisinaale ama kae, mēpaae hōrené dē mo doasi yóo, mēpaae hōrené dē mo sawa yóo, erapó.

⁴² Sukutere whi momó kepaatukélé, atei kaae alatóró yaalopó. Mo tiki sukóló douratepa kēlaa yaalotei, kepaaraterē tiki momó kae doyóló alu yaalo meipó.

⁴³ Sukuturaalu, tiki tuamó hale dere alaró doasi doi munire alatamo mupa sukóló dourateretei, momó kepaaróló beterate ala ti mo de wisinaale tuamó beteraalopó. Sukuturaalu fotokó buni, bére ala tuamó sukutepa dourateretei, mo doasi fotokó ala tuamó kepaaraalopó.

⁴⁴ Sukutepa douraterē mo tó tikita, hae tiki ereteiné kēlaa dua dapó.

Téretei, momó kepaatere tikita, kepené dere ala tuamó daaleteiné mo ama kaepó. I haemó mo tiki daalure kaae, take nalo kepaayóló betaaire sukamókélé, kepené ere ala tuamó mo kae tiki daayóló betaalopó.

⁴⁵ Atéreteiné ašemó i fo erapó.

“Folosóró wale whi Adam a mo whi tiki daayóló sókó walepó.”

Nalo kemerótu wale whi Adam a, sukóló kepaaturaalu, ti so whi betere bete matere kepené tiki daale whi alée felepó.

⁴⁶ Kepe tiki daale whi folosóró sókó wéni, mo tiki daai whi folosóró wóló, ai kinipaae ti kepe tiki daale whi sókó walepó.

⁴⁷ Folosóró wale whi, i haené aleale whi betaletei nalo ti hepen-mó betere whi walepó.

⁴⁸ Haené aleale whiné ama deyóló fake firale so whi, ti ama tikitóró daayóo, hepen bemó wale whiné ama deyóló fake firale so whi ti ama hepen tikitóró daayóo erapó.

⁴⁹ Dā haené aleale whiné tiki daalure kaae, hepen bemó wale whiné tiki kaae dākélé daayaalopó.

⁵⁰ No nerape-ó, yalo diappaee i dere fo wosae. Dā sukutepa, ti i daale tikitamo Kótóné tēteróló kaae tare tuamó bití faalomeipó. Atére kaae, dā sukóló kepaayóló furaalu, dané i dorótu betere tikitamo turó feni, mo dokélé iniyaaire tiki daayóló betaalopó.

⁵¹ Kinóló mole ala yalo diappaee hākearóló i dapa wosae. Dā Keriso so whi mo fea sukāalomeitei, betere whikélé sukāle whikélé, mo fea take daale tiki taaróló, mo kae tiki daayaalopó.

⁵² Kemeróturaalu ukulumó wuti haletere-tamo, dané mió i daale mo tiki taaróló, dā mo fea kae tiki daane wale alata, epée fitā du dere kaae yaalo ai ape. Ti noatepae, kale ukulumó wuti hale deretamo, sukāle whi kepaayóló do initere tiki daayóo, dā fea i daale tiki taaróló, kae tiki daayóo yaalopó.

⁵³ Ti noatepae, doyóló sukutu betere tiki tó mó dokélé ini, mo ti betere tiki kuti derótu dere kaae yóo, sukutere ala sukunitere alané husuróló aluróo, yaalopó.

⁵⁴ Doyóló sukutere tiki tó mó mo betere tiki kuti kaae deróo, sukutere ala sukunitere alané husuróo deretamo, ašemó i ere fo mo dokonaalopó.

“Talené ama bōe whi dóló tēteraleteiné, kale sukutere alakélé ȳa kaae nó deróló aluralepó,” erapó.

⁵⁵ Me asēre fo i ape.

“Sukutere ala-ó, so whitamó naao bōe dóló atima tēterale ala momó mule? Sukutere ala-ó, Wuliné whi detu dere kaae yóló sukunale ala-a, momó mule?” erapó.

⁵⁶ Wuliné whi tukó nóló sukunótu dere kaae, dowi alané dā sukópóló dua dapó. Dowi alané dā mo ti só derópóló, Kótóné tukóló, muló betere foné dowi ala fotokó bulótu beteraapó.

⁵⁷ Atépatei, dowi alaró sukutere alatamoné dā só deróló tēteréni, dā Tale Yesu Keriso tuamó betepa, ai ala tēterópóló, Kótóné ama dā fotokó mo šumó mótu beteraapó. Atéreteimó, Talepaae mo kée du betenērapó.

⁵⁸ Térapa, yalo hosaa mole no nerape-ó, diā Talené ala tuamó betepa, mepaae sekei ala ó dilikitere alané diā só derašóró, mo diriyóló betae. Ti noatepae, diā Tale tuamó bitu ditere kutóta hāle alu yaalomei, dupu saalopóló kisipa mutu, betere dokó mo ketekē buóló ditu betae.

16

Kótóné so whi tao saai moni derateremó ere fo

¹ Mió i dere fota, Jerusalem bemó betó mole so whi tao saaire moni-mó dapó. Kalesia hae kwiamó tē mole be huluamó betó mole Keriso fake so whi paae yae yale alarape kaae, diaaokélé yaasepóló i dere ape.

² Fula dokó kaae sere be demó, diā feané meteró moni supa, ti kwiappaee naao sere sū dālemótóró sokósu yóló, kae mulótua yae. Ti noa yaai meipó. E aipaae wale sukamó, moni derae yašóró kisipa mutu i dere ape.

³ E aipaae wóló diātamo bitu, diaašóró beteratei whi rapē Jerusalem bemó betó mole so whiné tuē yópóló, atimané sóró faaitere ašē yalo eróló melaalopó. Diāné atéró hāle tao sóró matere moni Jerusalem be paae sóró fópóló dotēyaalopó.

⁴ Dā talerālemó, epaae ya kélé atimatamo faalopó depa, ti yalo atima dapesó fenērapó.

Pol-sépiné i ala yaai kisipa mutapóló yale fo

⁵ Folosóró e Masedonia hae kwiappaee fóló, nalo ti diā beterepaae waalopó. Ti e momó fesaee wale alata, Masedonia hae kwia tuamó tēyóló diā beterepaae waalo ai ape.

⁶ E diã beterepaae wóló hãleke sukamó ó sosóli ali turó aimó diãtamo betaai kisipa mutepa, ti betenérápó. Atéró diã taaróló e mepaae fupa, ti e yãyãre ɔla diãné melaasepólópó.

⁷ Ti noa betené meipó. Mió dã diã beterepaae wóló, mo sawa be demó maaté betero fole hõrapó. Téreteiné, Talené ama kisipané fõlo be demó diãtamo betero póló depa, ti e diãtamo betaai hẽkese dapó.

⁸ Téretei, kale *Pentikos* be demó ɔla deyaaire ali sókó waai teõpa, ti e Epesus bemó kaae tawóló betaalopó.

⁹ Ti noatepae, Talené ama doasi ke bole kutó diyaaire te moleteiné, aimó bitu ama kutó diraalopó. Týyaalotei, ai kutó diyaqsóró sesétere whirapekélé, dekeró betó mulapó.

¹⁰ Timoti aipaae wapa, diaaɔ apaae me sekei ala eratepa e wiyaqsóró hotowayóló kaae tawae. Ti aãta, e dere kaae Talené kutó dirótu betere whi ai ape.

¹¹ Térapa, me whiné e dape sóró kaae tatere ala hõni, diã feané wisiyóló dape sae. Téró, e momó fesaae waai depa, ti diaaɔ apaae hosaa muni deyóló haãtamo dua fae yóló, e beterepaae wópóló doteyae. Timoti e ipaae momó fesaae wouraalu, ama wotoró wéni, e beterepaae wale Keriso norapetamo wópóló kisipa mutapó.

¹² Mió dãné no Apolos-né dere alamó i dere ape. Yãlo apaae ai wale norapetamo diã beterepaae fae yaleteti, te mutere sukamó waai dapóló taralepó.

¹³ Mené diã dilikóló kõpaae falaqsóró, hotowayóló kaae tawae. Téturaalu, kale mo fo wisi wosóló, Talepaae kisipa tiratere ala tuãmó diriyóló betae. Atéru, mené diãtamo bóe dupa wini, halaainé fotokõ buóló betae.

¹⁴ Fea ala duraalu, yaala sókó fole ala tuãmó bitu yae.

¹⁵ Akaia hae kwiamó betó mole so whi kuamó Stepanas-ró ama be whi so whitamota, folosóró kisipa feteyóló Keriso betaleteti, diaaɔ ai kisipare ape. Ai so whiãta, Kótóné kae betero betere so whi tao saairaalu, mo doa ketekẽ bulapó.

¹⁶ No nerape-ó, diã atei kaae ala dere so whiró mepaae dãtamo touné wóló, wisi kisipa mulu Talené kutó diratere so whitamó aqmó dua betae yóló ma fo i dere ape.

¹⁷ Diaaɔ mole ɔla kwiapaae e tao sóró melaai yaleteti, Stepanas, Fotunatas, Akaikus, atimané mole ɔla e tao sóró male waleteimó, mo hẽkese yalepó.

¹⁸ Ti noatepae, atimané e tao sale alané yãlo kepe hẽkese duraalu, diaaɔ kepekélé hẽkese yalepó. Atei kaae wisi ala dere whirapeta, so whi feané dukiranérápó.

¹⁹ Esia hae kwiamó betó mole Keriso fak-erapené diapaae kõleó i dere ape. Akuilaró ama soma Prisila-tamonékélé, atimaamoné bepaae tourótua dere Keriso no nerapekélé Tale tuãmó bitu, diapaae hosaa mo turó muóló kõleó dapó.

²⁰ Imó betó mole no nerapenékélé, diapaae kõleó dapó. Kótóné ama kae betero betere so whiné dere ala sya fóló, diãsisitei apuóló kõló tukó nuku betae.

²¹ Diapaae kõleó yóló i dere asẽta, e Pol-né mo yãlo naasenétóró dapó.

²² Mepaae whi dené Talepaae yaala sókó fole ala initepa, ti ai whi Talené mokorópóló yae. Tale-ó, yã dã beterepaae ape!

²³ Dã tẽteróló kaae tare whi Yesuné hamokoróló hãle tao sere ala diapaae erópóló yae.

²⁴ E dã tẽteróló kaae tare whi Yesu tuãmó bitu, yãlo diã feapaae yaala sókó furaalu i dere ape. Mo kée, týyópóló yae.

2 Korin

¹ Èta, Kótóné ama kisipa mole ala sya furaalu, so wh̄i t̄eteróló kaae tare wh̄i Yesu Kerisoné kutó dirópóló dot̄eyale *aposel* wh̄i Pol-né dapó.

I dere ašeta dané no Timoti d̄amo wusuró bituraalu, dīa Akaia hae kwiamó Kótóné kae beteró betere so wh̄iró, ai hae kwiamó t̄ene Korin bemó betere Kótóné fake so wh̄itamopaae dapó.

² Dané Aya Kótóró d̄a t̄eteróló kaae tare Tale Yesu Kerisotamoné hamokoróló h̄ale tao sere alaró, hosaa muni deyóló dua betere alatamo dīapaae erópóló yae.

Kótóta k̄oleturaalu tao sóró h̄qi kisipa mulatere Talepó

³ D̄a t̄eteróló kaae tare Tale Yesu Kerisoné Alima Kótóné doi hale sóró horópóló yae. Ti ̄ata, k̄olené sukutere ala kaaratere Aya bitu, sek̄ei ala wapakélé kisipa feléróló tao su betere Kótó beterapó.

⁴ Dané sek̄ei alarape feata, ama tao sóró d̄a kisipa felérótua dapó. Kótóné d̄apaae ai ala erótua dereteita, mepaae so wh̄i kae kae sek̄e tuamó betepa, Kótóné d̄apaae ai male kisipa felélateere alané atimamo tao sópóló erapó.

⁵ Ti noatepae, Yesupaae erale doasi susupui ala feleyóló furaalu, d̄apaaekélé mo dekéro wou beterapó. Atétu, dané sek̄ei alakélé Yesu Kerisoné tao sóró, d̄a kisipa felératere ala mo dekéro erateretei f̄atuturaalu, feleyóló mepaae so wh̄ipaaekélé fu beterapó.

⁶ D̄a sek̄ei ala su betereteita h̄ale mei, dīa feléyóló betóo, aluyaqsóró tao sóo, yópóló dapó. Atétu, Talené d̄a tao sóró kisipa felératepa, ti dīakélé feléyóló betaalopó. D̄atamo Kótóné kisipa felératere ala depa, ti aita, dīa feléyóló beterópóló dapó. D̄apaae wou betere susupui ala kaae, dīapaaekélé wapa, ti ai eratere feléi alané ai susupui ala h̄ale beléee tanópóló, dīa fotokó wulatapó.

⁷ Dīa take mo wisiyóló betaalopóló, dané mo diriyóló kisiparapó. Ti noatepae, d̄apaae wou betere susupui ala kaae, dīakélé ai su betere ape. Atétere kaaetóró, d̄apaae erótu betere kisipa felératere ala dīakélé saalopó.

⁸ No nerape-ó, d̄a Esia hae kwiamó betepa, erale sek̄ei alarape diaaó kisipa yaasepóló dapó. Mo doasi sek̄ei alané d̄a só deró betaleteiné, beleyaaire mo s̄unipó. Atéru d̄a mo sukutere d̄alemó beterapóló kisipa mualepó.

⁹ Ita mo dapó. Dané hosaa tuamó mo turó muale kisipata, d̄a mo sukóló mole nisi yalepó. Téyaletei, d̄apaae ai erale ala dané s̄umó belenére nisi yaqsóró, suk̄ale so wh̄i

kepaarótu betere Kótópaae kisipa tirópóló yalepó.

¹⁰ D̄a felekemó mo ti dóló aluraletei, ama d̄a tao su yale kaae, nalopaaekélé atérótóró tao saalopó. Tétu diaaókéle d̄a tao sóró momarótu betepa, ti Talené d̄a aluyaqsóró tao sere ala h̄ale yó tareteiné d̄a h̄ajtamó ̄apaae kisipa tiró beterapó.

¹¹ So wh̄i feané d̄a tao sóró momatu betere ala mo dokonóturaalu, Talené d̄a hamokoróló h̄ale tao sereteimó d̄a so wh̄i feané ̄apaae mo kée yaalopó.

Poló-né folosóro yaai kisipa muale ala fisikóló taarale fo

¹² D̄a i haemó betó mole so wh̄i kuamó kutukélé, dīa Keriso so wh̄i kuamó kutukélé, Kótó tuamó wale mo kae ere alaró tó tik-iné ini, kisipa mo turóné dere alatamo d̄a tuamó mupa, so wh̄i feané kelalepó. Atéro kutu yale ala dané kisipa faróló taletepa h̄oko ala ini, feané keletómó mo donoi ala yalepóló d̄a h̄ajturaalu, bopé fake dapó. Atétu betaletei i haemó mole kisipa sya fóló ini, Kótóné hamokoróló h̄ale tao sere ala sya furaalu yalepó.

¹³⁻¹⁴ Ti noatepae, dané dīapaae i as̄ dere fota, hapóluni, diaaó dos̄ayayóló s̄umó kisipanérápó. Dané du betere ala mepaae diaaó kisiparetei, mepaae dīa kisipanipó, Téretei, take nalopaae ti diaaó mo turó tué yaalopóló kisipa mutapó. Take d̄a t̄eteróló kaae tare wh̄i Yesu wale sukamó dané dīa kilitu, h̄ayyóló bopé fake yaaire kaae, diaaókéle d̄a kilituraalu, h̄ayyóló bopé fake yaalopóló, kisipa mutu i dere ape.

¹⁵ Ai betené, ̄e mepaae faai folosóro dīa betereró waairaaalu, ̄ala ̄ala taleyóló mulalepó. Até yaleteita, yało yó matere fo tuamó bole wisi ala dīa tamo félimó sópóló yalepó.

¹⁶ ̄E Masedonia hae kwiapaae furaalu, dīa keleté wóo ̄e momó fesaee woukéle dīa keleté wóo, yaai yalepó. Atéro ̄e aipaae wapa, ti diaaó ̄e tao sóró Judia hae kwiapaae dotonaasepóló kisipa mualepó.

¹⁷ Yało ai muale kisipata, bete munipa h̄oko yaléé? Ó i haemó mo wh̄iné kisipa kaae mulu, épó téyaalopó dutei, momómó meipó du dere kaae yaléé?

¹⁸ Téní, Kótóné ama yaalopó dere ala motóró du dere kaae, dané dīapaae yó mótu betere fota, épó, dutei meipó, fo kae dumipó.

¹⁹ Ti noatepae, dīa kuamó ̄e Pol, Sailas, Timoti, d̄a sore wh̄irapené Kótó Naalema Yesu Keriso i kaae wh̄ipóló, dīa tuamó yó móturaalu, ama épó dutei meipó, dere fokélé erapóló dīapaae yaléé? Ai fo ini, Kótóné ama eraalopó deté wale fo fea Yesu tuamó dokonóturaalu, épó, téyaalopó fo betá deté konapó.

²⁰ Ti noatepae, Kótóné ama mo er-aalopó yóló muló betere forape fea, da teteróló kaae tare whi Keriso tuámó mo dokonóturaalu, epó, fotóro mulapó. Atéreteiné, Kótóné doi doasi mulóló, da Yesu tuámó bitu mo kée, téyópóló yae, fo dua dapó.

²¹⁻²² Dakélé, diakélé, da teteróló kaae tare whi Keriso tuámó diriyóló beterate alata, Kótóné amatóro dua dapó. Da Kótóné ama so whipóló sóro betéroto, topomó *wel* wēi sūni yóo, da mo amapóló siriróo, take dapaee wisi ala eraalopó kisipa muópóló, ama Dēi Kepe Wisi dané hosaa tuámó betéroo, erapó.

²³ Kótóné keletómó yálo mo fo i dere ape. E fesaee wou ai Korin beró diá foné siré waai yaalei, dei kisipa muaqsóro taaralepó.

²⁴ Dáta, diaaq kisipa tiki tiratere ala teteróló kaae tare doasi aqyóló bitu dumipó. Tépatēi, diá haiyóló beteropóló kisipa mutu, da diátamo kutó betámó ditu beterapó. Ti noatepae, diaaq kisipa tiki tiratere alané betá diá mo diriyóló beteranérápó.

2

¹ E diá beterepaae waai kisipa mualetēi, take yálo diá deteraayóló foné supa, diaaq hosaa tuámó seke su yale kaae, momó yaqsóro taaralepó.

² Ti noatepae, yalotamo diá foné sóro só deróló sekei kisipa mulatēpa, ti e hēkese yaaitere alamo, né eraalóe?

³ Yálo diápaee aseyaale fota, e diá beterepaae wale sukamó hēkesei ala eraai yale so whinētei, epaae doasi sekei ala eraqsóro yalepó. E tuámó mole hai diaaqkélé saai kisipa mutu, yálo dere fo mo wosóló sya fenérápóló kisipa tiralepó.

⁴ Ti noatepae, yálo diápaee ašeturaalu, hosaa tuámó doasi dekeyóló wole dua yalepó. Ita, diá dele sóro hosaa supu yópóló dumitei, yálo diápaee mo turó yaala sókó fole ala kisipa yópóló dapó.

Dowi ala yale whiné ama dowi ala kwia hāle kemerae yale fo

⁵ Whi me dené me whi hosaa tuámó sekei ala erélipa, ti e maaté hosaamó sópóló ini, diá feapaaekélé eralepó. Aita dowi alatei, mo ti doróló aluratere ala meipó.

⁶ So whi feané ai whi foné sóro haleraletei supa, mió momó ini taalae.

⁷ Ai whi a seke duraalu mo ti haepaae derepaqsóro ama yale dowi ala kwia tani, me ɔla meipóló kisipa keteróló, a tao sóro keteke bulóló fo wisitei yae.

⁸ Atéro diané yaala sókó fole ala ama kisipa yópóló, apaae hākeamó yae yóló diápaee i dere ape.

⁹ Yálo diápaee yae yale fo fea diaaq wisiyóló wosóló sya fuléro kaae kelaai kisipa mutu aseyaalepó.

¹⁰ Diánétamo me whiné dowi ala kwia tani kisipa keteratēpa, ti yalokélé ai whiné yale dowi ala kwia tani, hāle kemeratapó. Ai whiné me dowi alatamo itikimó, ti diá wisiyóló beteropóló tao saairaalu, yalokélé Kerisoné keletómó kemeralepó.

¹¹ I dere fota hāle mei, Satan-né dilikóló dané dere ala doraqsóro dapó. Ti dáta, hāle mokɔleyaayóló bitini, Satan-né so whi doraa dilikitu betere ala dané mo kisiparapó.

Talené ama yóló muló betere fo wisi tuámó ama kae ere de faanapó

¹² E Troas bemó betere so whipaae da teteróló kaae tare whi Kerisoné fo wisi yó melaai felemó, ai fo yó melópóló Talené te doasi muló betēpa kelalepó.

¹³ Aimó kutó diyaai yaletēi, yálo no Taitus bitinire betené yálo hosaa muni derepēni kisipa seketēpa, ai so whipaae kɔleó fo-maaté yóló e Masedonia hae kwipaee felepó.

¹⁴ Tépatēi da Keriso tuámó betēpa, Kótóné ama bóe whi dóló teteróló sale ɔlapóló betere dokó hākeamó hēkesetamo dapesó fu beterapó. Atétere alané me ɔla felé kɔlaa wisi woutere kaae, Kótó a etei kaae Tale beterapóló so whi feapaae yó mótu beterapó. Atéreteimó, Kótópaae mo kée du betenérápó.

¹⁵ Kerisoné Kótópaae hāle matere ɔla tuámó sókó wale kɔlaata ti dapó. Ti ai kɔlaata, aluyaqsóro tao sere so whipaaekélé, sukóló mo ti aluyaaire so whipaaekélé wou beterapó.

¹⁶ Da i fo yó matere whirapeta, mo ti alu du betere so whiné kulumumó ti sini ɔla kɔlaa kaae wóo, aluyaqsóro Kótóné tao su betere so whiné kulumumó, ti mo betere felé kɔlaa wóo, du beterapó. Atei kaae hapólui ala mé whiné sumó enére?

¹⁷ So whi feané *moni* saai kisipa mutu, Kótóné fo yó mótu dere kaae, dané dumipó. Ai ala ini, Kótóné keletómó ama doteyale whi aqyóló Keriso tuámó bitu, mo wisi kisi-patamo mo fotóro yó mótu beterapó.

3

¹ Danétei da yó matere whipóló dukiratere fo momó yaai dapóló de? Ó dáta etei kaae so whipó kisipa yópóló aseýóló matepa só fole whirapené dere kaae dané de? Mepaae whirapené dere kaae, da etei kaae whipó yópóló, aseko eróló diápaee yó melaai, ó diaaq da melópóló wosetere nisi de?

² Aita ti diátóro iru, dané hosaa tuámó ašetereiné so whi feané kolóló dosaanérápó.

³ Diãta, ða teteróló kaae tare whì Kerisoné asęreteiné diaaọ du betere ala so whìné kilituraalu, ita Pol-sépiné diale kutómó oleyale dupóló hãkearatapó. Aita mo asętere weıné ini, mo ti betó tare Kótóné Kepe Wisiné eró beterapó. Ai asęta, mo kane fake tómó ini, so whìné hosaa tuãmótóró erapó.

⁴ Ai ala erémólópóló tuę tamo muluraalu dumi, Kótóné keletómó ða teteróló kaae tare whì Kerisoné ða fotokoratepa, mo ere alatóró halaainé dapó.

⁵ Ai alata, ðanétei kaayóló ipakó, ðané yalepó fo enénipó. Aita, Kótó ą tuãmó ere alané ða sųratepa du beterapó.

⁶ Ti Kótóné ama kutó diratore whì bitu, ama so whì tao saalópóló mulale diri kisi fo erópóló, ama fotokọ ðapaae mo sųralepó. Ai fota, asęné ini, Deį Kepe Wisiné eró beterapó. Ti noatepae, asęre foné ða dóló suku-nateretei, Deį Kepenéta, ðamó mo ti betere bete mótu beterapó.

Kale kisi fo tuãmó ama mo kae ere ðe wisinaale fãanapóló ere fo

⁷ Take Moses-né Kótóné ala eróturaalu, kane fake tómó asęyale fo yó malepó. Ai foné so whìpaae sukutere alatei eralepó. Ai alata, ðe wisinaaletamo weipakalepó. Ai ðeta, alu deté faaipatei Moses-né keleppaa ðeýó faleteiné, kele detęliru Israel fake so whìné ama keleppaa diriýóló kilini ipakalepó.

⁸ Mió Deį Kepe Wisiné erótu betere alatamo wale ðené take ai alatamo wale ðe mo ti bosenó bitinipóló ðe?

⁹ Kale tukóló muló betere fo sya furaalu du betale alané, so whì fea taleýóló só ðeró beterepó. Ti ai alata, Talené ðe wisinaaletamo weipakalepó. Téyaleteti, mo donoi so whìpó ðere ala tuãmó wale ðené kale folosóró wale ðe mo ti bosenó beterapó.

¹⁰ Ti take alatamo wale ðe kolósu ðepa, mió ere alané ðe mo doasi ereteiné take wale ðe hãle ọla kaae aęró beterapó.

¹¹ Take mo hãleke sukamó maaté yóló alu deté fele alata, ðetamo walepó. Téyaleteti, mo ti deté fu betaaire alatamo wale ðeta, mo doasipó.

¹² Take nalopaae ða atei wisi ala tuãmó betaalópóló kisipa mutu ða wini, halaainé Talené ala i erótu betere ape.

¹³ Moses-né kelepaamó ere ðe alu deté foleteti, Israel so whìné kelaęsóró, kutiné husurótu ipakalepó. Mió ðané ai yale kaae enénipó.

¹⁴ Tépatei, take atimané kutiri hapólu ipakalepó. Atére kaae, take atimané kutiri husirale kuti miókélé hãle iru, take tukóló mulale fo dosęatepakélé, atima tuę

hapólutóró yó tarapó. Ai husiró betere kutita, mené ðaae faranénitei, Keriso tuãmó betere alané betą ðaae faranérapó.

¹⁵ Mió i alimókélé, Moses-né asęre fo dosęatu betepatei, atima kisipa tiki hapóluru, hosaakélé hãle täre alata, kutiné keleppaa husuró betere kaae erapó.

¹⁶ Tépatei, mepaae so whì ðe Talepaae kisipa feteyóló wapa, ti ai husiró betere ala kuti kaae ðaae fótu beterapó.

¹⁷ Tale ąta, mo Kepetóró beterapó. Talené ama Kepe betere tikimó me alané dokoni, teraae fóló hãle beterapó.

¹⁸ Mió kutiné keleppaa husirénire so whì ðapaae Talené ama ere ðe wisinaale erótu beterapó. Ai ðe ðané kaae tapa, ti mepaae so whìné ða tuãmó ai ere ala kelenérapó. Tétu, ðakélé Talené ama aso kaae beterópóló, ama wisiraté fu beterapó. Ti ai ðe wisi erótu betere Kepeta, Tale ątórótipó.

4

Mo haené aleale wutimó doasi ke bole ọlarape ðerapóló ere fo

¹ Atérené, Kótóné ama ða ọleturaalu, tao sóró melale kutó hýyóló taaréni, hãle dirótu beterapó.

² Atéturaalu, kikiti kinóló ðere alakélé, enénire halei alakélé, kapala dilikitere alakélé, Kótóné fo doróló węratere alakélé, ðané mo dumipó. Ai ala ini, Talené ama mo fo yó mótu beterapóló, so whìné hosaamó sópóló, Kótóné keletómó mo hãkeamó erótu beterapó.

³ ðané i yó mótu betere fo wisitamo mepaae so whìné wosaairetei hapóluyóló husuró betepa, ti aita mo ti aluyaaire so whì ai ape.

⁴ Ti mió i alimó teteróló kaae tare kapala kótóné Talepaae kisipa tiki tirénire so whìné ai fo wisi tuãmó ere ðe wisinaale kelaęsóró, atimané kisipa hapóluróló husiralepó. Ti aita hãle meį, kale fo tuãmó Kótóné aso kaae betere whì Kerisoné ere ðe wisinaale kelaęsóró erapó.

⁵ Ti noatepae, ðané i yó mótu betere fota, ðatei ðoi sóró horótu dumi, Yesu Keriso ą Talepóló ama ðoi sóró horótu beterapó. Atérené ða Yesuné ala eróturaalu, ðia tao sóró diaaọ kutó diratore whįrape i betere ape.

⁶ Ti noatepae, “Diliki tuãmó ðeýó fae,” yale Kótónétóró ðané hosaa tuąpaae ðeralepó. Ai ðeta, ða teteróló kaae tare whì Keriso ątóró ereteiné ðané ą kaae tapa, ti Kótóné ama ere ðe wisinaale kisipa enérapó.

⁷ Tépatei, ai bope deté wale ke bole ọlarapeta, mo haené aleyale wutirapemó ðeró beterapó. Ti fea ala ða tuãmó kaayóló dumi, Kótóné ama fotokọ ða tuąpaae

suratepa dapóló, so whíné kisipa yópóló erapó.

⁸ Kotere tiki dokó sekei ala dápaae erótu betepatei, ai alarapené dā haepaae deróló, mo ti só derótimpó. Dā noa ala yaalorópóló koló koló epatei, dāné kisipa mo ti fomaake inipó.

⁹ Talené ala erateremó, dápaae susupui ala erótu betepatei, Talené dā taaló bitini, tao su betepapó. Mepaae so whíné dā só deróló dorótu betepatei, mo ti dorótimpó.

¹⁰ Yesu ā kepaaróló beteraale fotokó dā tuámó mupa so whí feané hākeamó kolópóló, ā sukāle ala dāné tikimó mupa kutu betepapó.

¹¹ Ti noatepae, sukuni dā betere whirape Yesuné ala erateremó dā dóló aluranépatei, ama betere bete dāné mo tó tikimó mupa so whíné hākeamó kolópóló, yó maté kutu betepapó.

¹² Ti Talené ala erótu betereiteiné sukutere ala dā tuámó mupatei, diā tuámóta, mo ti betere bete moleteiné diā mo betepapó.

¹³ Ašemó i fo erapó.
“Talepaae kisipa tirale betené yālo ai fo yalepó.”

Ai fo yale whí ā kisipa tiki tirótu yale kaae, dākéle atéru, diāpaae i yó mótu betere ape.

¹⁴ Tale Yesu kepaarale sekéné ā kepaarótu yale kaae, dākéle kepaaróló ā betere tikimó ātamo touróló betámó beteraalopóló kisipa mutapó.

¹⁵ Dāné diā tao su betere alata, diā mo wisiyóló beterópóló kisipa mutu du betepapó. Até dereteiné, Talené so whí hamokoróló hāle tao siré fóló, mo ti fakeraalopó. Atéturaalu, ai so whí atimanémo, Kótópaae mo kée dere fo dekéro yó tapa, ti mo kae dē fāane Kótóné doi doasi saalopó.

¹⁶ Atéyaalopóló kisipa mutu, dāné ditere kutó fomo duraalu taaraalomeipó. Dāné mo tó tikita, do deté fu betereitei, dāné kepe tuāpaae ti betere dokó kisi whí aleraté fu betepapó.

¹⁷ Ti noatepae, dápaae erótu betere sekei alarapeta, hāleke sukamó maaté muaaireiteiné dāné sumó belenérápó. Ai sekei alarapenétei, take nalo mo ti muó tawaaire dē wisinaale dápaae eraalopó. Ai eraaire ala wisi kolósu, mió su betere seke kolósu depa, mo hāle ọla aqrapó.

¹⁸ Atéreteiné dāta, dāné kelené kelere ọla kaae tani, kelenire ọla kaae tarapó. Ti noatepae, kelené keletere ọlata, mo hāleke sukamó maaté muaalotei, kilinitere ọlata, ti mo hāle muótóró tawaalopó.

5

Dā mo ti betaaire be hepen-mó erapóló ere fo

¹ I haemó dā betere kapala furu be fisikó fupa, ti me ọla meipó. Ti noatepae, mo ti be Kótóné dāmó hepen-mó tēno betepapó. Ti ai beta, mo whíné naasené tēnipó.

² Ai bepaae faai dā i haemó hāle bitu, mo kuti derótu dere kaae, hepen bemó tēne be atéro derāné yóló doasi kisipa mutu betepapó.

³ Ti atei kuti deratere be dēmó, mepaae whíné dā tiki daapi hālepa kelaalomeipó.

⁴ Dā i haemó kapala furu bemó bitu, sekei ala beleté furaalu, i be taaróló fenée yóló doasi kisipa mutu betepapó. Ti dā daapi hāle betaai kisipa muni, dā betaaire hepen beta, kuti derótu dere kaae derané du betepapó. Téturaalu, mo ti betere alané sukutere ala ọla kaae nó deróló, ama tik-itoró alée faalopó.

⁵ Kótóné dā atéro aleyóló betero betereiteita, ti i bope yale mo ti betaaire tiki wisi saalopóló kisipa mutu erapó. Ti aita, nalopaae eraaire ala mo turó saalopóló kisipa muópóló, Kótóné dápaae Deji Kepe Wisi melalepó.

⁶ Ténéné, dā i haemó mo tó tikitamo hāle bitu, Taletamo betámó bitinipó. Atépatei, take nalo Taletamo betámó betaaire ala dāné diriyóló kisiparu whaaliani, betere dokó dāné kisipa tiró betepapó.

⁷ Dā mió i betereiteita, kelené keletere ala sya furaalu ini, tué tiki tiratere ala sya fo-leteiné betepapó.

⁸ Dā i daale tiki taaróló, Taletamo betámó betaaire kisipa mupatei, ai ali sókó waii teópa, dā wisi kisipatamo kaae taté fu betepapó. Ti nalopaae ai ala mo eraalopóló kisipa mutu, dā halaaíné betepapóló i dere ape.

⁹ Térapa, dā i betere tikimó ó kae tikimó betepakélé, me ọla meipó. Ti Tale ā kisipa felé yaaire ala betā dāné doasi keteké buóló du betenérápó.

¹⁰ Ti noatepae, dā tēteróló kaae tare whí Keriso so whí taleyaai betere tikimó betepa, dā so whí fea taleyópóló, betā betā yóló daaneta yaalopó. Atépa, dāné yale ala fea hākeamó taleyaalopó. Atéturaalu, dā mo i tiki daayóló bitu yale wisi alamó, ti wisi dupu melóo, hōko yale alamó ti dowi dupu melóo, yaalopó.

So whiró Kótótamo bóe fióló betámó betere-aterere ala

¹¹ Térapa, so whí feané du betere alamó Talené kwia melaaireitei hāsókó feni, mo yaalopóló dā wituraalu, so whípaae dowi ala taaróló, tué tiki feteyae yóló, dotopo du betepapó. Ti dā betere alata, Kótóné mo hākeamó kelerapó. Atére kaae, diaaqkélé dā etei kaae whí betepapóló diriyóló kisipa erané du betepapó.

¹² Dāné diāpaae i dere fota, diaaḡ ḡ dukirópóló dumitei, ḡané ḡu betere ala kil-itu, diā ḡai yópóló dapó. Tētu, hosaa tuāmó ere ala kilini, tó tikimó ere ala kilitu betere whīrapené ḡa erateremó, atimapaee tokó melaaire fo i dere ape.

¹³ Dātamó topo doyóló keyaa fole whīrape aḡpa, ti Kótóné ala eróturaalu dapó. Motamo wisi kisipa mole whīrape aḡpa, ti diā tao sairaalu dapó.

¹⁴ Dāné i du betere ala feata, Kerisoné ama yaala sókó fole ala wisiné ḡa ketekḡ bulatepa dapó. Ti noatepae, so whī mo fea tao saai betā whītoró sukālepó. Téturaalu, ama so whīkélé fea ātamó betāmó sukālepó.

¹⁵ Ti so whī fea tao saai ā sukāle alata, betere so whī maaté wisiyóló betaaire ala ini, atima tao saai sukóló kepaayale sekéné ama kisipa mole ala betā erópóló yalepó.

¹⁶ Atérené ḡa mió i alimó kaae sóró bitiré furaalu, mepaae so ó whī i haemó mole kisipa sya fóló, etei kaae so whī beteraḡóló ḡané tale dumipó. Ti taketa, ḡané i haemó mole kisipa sya fóló, ḡa teteróló kaae tare whī Keriso atéro tale yaletai, mió ḡané momó kae dumipó.

¹⁷ Térapa, mepaae so whī Keriso tuāmó betepa, ti ai so whī Kótóné kisi kaaróló beteroḡ beteraḡóló. Atétere alata, take betale ala mo ti kemeróló, mió kisi ala tuāmó ai betere ape.

¹⁸ Atéro beterate ala feata, ti Kótó berteremó kaayóló walepó. Dāḡ Kótótamo bóe du betaletai, Kótóné Keriso sukópóló maleteiné bóe firóló touralepó. Atére kaae, mepaae so whīkélé Kótótamo bóe fiyóló dua betere ala ḡapaae malepó.

¹⁹ Aita ḡale mei, i haemó betó mole so whīné Kótótamo bóe du betepa, Kerisopaae erale alané atima yale dowi alamó Kótóné kwia melaai yaletai taaróló, bóe firalepó. Tētu, Kótóné so whītamó bóe fiyóló betāmó beterate fo yó maté kweyópóló, ḡa sóró beteraḡóló.

²⁰ Atérené, mió ḡa Kerisoné ama fo er-aterer whīrape i betere ape. Diā so whī Kótónétamo bóe fiyóló touyóló betaaire fo ama diāpaae yaalopó yale kaae, “Kótótamo bóe fiyóló betae,” yóló Kerisoné doimó ḡané diāpaae diri ma fo i dere ape.

²¹ Yesu dowi ala inire whītei, Kótóné ā dowi ala dere whī aḡralepó. Ti aita ḡale ini, ḡa Yesu Keriso tuāmó betepa, Kótóné ama so whī donoraire ala dokonótu, ḡa mo donoi so whī aleróló beteraḡóló.

6

¹ Dā Kótótamo betāmó ama kutó diraterer whī bitu, diāpaae Kótóné hamokoróló ḡale tao sere ala eratepa, ai ala ḡale ḡla kaae ḡepaae mulaḡsóró, diāpaae ma fo i dere ape.

² Ti noatepae, ama i fo dapó.

“So whī ḡale ḡale hamokoróló tao sere al-ímó diaaḡ epaae tao sae dere fo ḡale mo wosóo, diā aluyaḡsóró tao saai tukóló mulale be ḡemótóró ḡale diā tao sóo yalepó,” erapó.

ḡale diāpaae mo i dere ape. Mió i sukamóta, so whī aluyaḡsóró Kótóné hamokoróló ḡale tao su beteraḡóló. Ai ala yaaire be ḡe me kae mei, mo miótóró i ape.

Pol doasi seke sale fo

³ Dāné so whī tao saai erótu betere ala mepaae whīrapené bete muni, ḡoko ala nisiyóló faletu só deraḡsóró, mepaae so whī Kótópaae waaire tḡ sesé yóló dée nalaterer ala ḡané mo dumipó.

⁴ Aténi, ḡa Kótóné kutó diraterer whī bituraalu ditu betere kutó diaaḡ kolóló, i whīrapené mo donoi ala dapóló kisipa yaasepóló i dapa wosae. Ita doasi depe tukó wei kutópatei ḡale diyó taruraalu, sekei alakélé, ḡla ḡla ḡayḡterer alakélé, whaalaa dere alakélé, wou betepatei ḡané ḡale belée tarapó.

⁵ Dā kotere tiki dokḡ fea doasi foya dere alakélé, dóló susupuraterer alakélé, *dip-ula* beterateer alakélé, erótu dapó. Dā nokekélé wisiyóló fini, wotetamotei doasi depe tukó wei kutó ḡale ditu beteraḡóló.

⁶ Atétu, ḡa me dere dowi alatamo hoseké ini, mo donoi kisipatóró muóo, bete mole ala mo wisiyóló kisipa yóo, me whīpaae seḡterer ala ini, wisi kisipatamo naameiné mo dua kaae taté fóo, du beteraḡóló. Tētu, hosaa turóné yaala sókó fole ala yópóló, Dḡi Kepe Wisiné ḡa fotokḡ eratepa, ai ala diā so whī feapaae erótu dapó.

⁷ Kótóné fotokḡtamó mo fotóró duraalu, fo wisi yó mótuā dapó. Tētu, Kótóné so whī donorateer alata, bóe dele whīné turu naasené tḡ tawóo, fḡ naasené wuti tawóo dere kaae iruraalu, ai donoi ala ḡané tarapó.

⁸ Mepaae whīné ḡané ditere kutó kilitu ḡa dukiróo, mepaae whīné ti eraterer fo yóo, dua dapó. Mepaae whīné ḡané ditere kutó dorapóló mepaae so whīpaae yóo, mepaae whīné ti mo wisi kutó ditu beteraḡóló yóo, dua dapó. Dā mo ala dere whī betepatei, mepaae whīné ti ḡa kapala atima dilikitere whīrape aḡrótu beteraḡóló.

⁹ So whī feané ḡa kisi epatei, ḡa teó kisi wale whīrapepaae eraterer ala kaae dua dapó. Dā mo felekemó sukunépatei, ḡale bitiré fu beteraḡóló. Dā fokosói ala yóló susupu eraletei, mo ti dóló sukunénipó.

¹⁰ Dā dekené sukutu betepatei, betere dokḡ ḡekese yó tarapó. Dā fea ḡla ḡla munire whīrape betepatei, ḡané du betere alané so whī fea néli whī beteroḡtu beteraḡóló.

Dā ọ́lā ọ́lā munipatei, fea ọ́lā mole wh̄jrape beteraṗó.

¹¹ Korin bemó betó mole no nerape-ó, diṗtamo ḡané hosaa mo turó muluraalu, ḡané mole kisipa mo fea diṗpaae haḡeamó ai yale ape.

¹² ḡané diṗpaae yaala sókó fole ala ḡané tao tani, mó turó erótu betepatei, diaaḡ ḡapaae yaala sókó fole ala ti kinóló tao tarapó.

¹³ Diṗ yaḡo naale senaale kaae betereiteiné, diaaḡkélé ḡapaae hosaa mo turó muóló, yaala sókó fole ala u mótu i mótu yaasepóló, yaḡo diṗpaae i dere ape.

Kisipa tiró betere so wh̄j tirénire wh̄jtamo touyaḡse ere fo

¹⁴ Diṗ Talepaae kisipa tiró betere so wh̄jrape kisipa tirénire so wh̄jtamo touyóló, dere ala fea betámó yaḡse. Ti noatepae, donoi ala kolósu, dowi ala kolósu depa, betá ala ere? Ti demó kotere so wh̄jró dilikitamó kotere so wh̄jtamo netéró fulumu enére?

¹⁵ Dā ṗeteróló kaae tare wh̄j Kerisoró dowi keperape ṗeteróló kaae tare kepe Belialtamo touyóló betá kisipa muaaloé? Tuḡ tiki tiró betere so wh̄jró, tuḡ tiki tirénire so wh̄jtamo betá ala ere?

¹⁶ Kótóné doi hale horóló moma dere beró kapala kótó suróló aleale ọ́larapetamo mo betá ala erapóló kisipa mute? Ti noatepae, ḡa Keriso so wh̄jta, mo ti betere Kótóné momatere be ṗenapó. Ai yale fo kaae asemó Kótóné i fo erapó.

“Ḓ atimatamo betámó bitu, atima fole tikipaae ekélé faalopó. Tétu, ẹ atima ṗeteróló kaae tare Kótó betóo, atima ti yaḡo so wh̄j betóo, yaalopó.”

¹⁷⁻¹⁸ Mo doasi fotokọ bole Talené i fo dapó.

“Ai so wh̄jtamo hosekéro betereitei taaróló diṗ kaae betae. Atéru, mepaae naḡse yóló fo mulale ọ́lā mo olaayaḡse. I dere fotamo diaaḡ sya fupa, ti yaḡo diṗ dape saalopó.”

Mo doasi fotokọ bole Talené i fo dapó.

“Ḓ ti diaaḡ Aya betóo, diṗ yaḡo naale senaale betóo yaalopó,” erapó.

7

¹ Hosaa mole no nerape-ó, Talené ḡapaae ai wisi alarape eraalopóló muló betere fo haḡe mulapa, kae kae dowi alané diaaḡ tiki ó kepe doraḡsóró, ai kaae dowi ala tuḡmó hosekéro bitini, tika kae betaalopa sae. Atéró Kótó kolóló wituraalu, ą aḡmó sukóló bitiré fóló, Talené ama mo kae ere wisi ala maaté eróló, mo ti fakeraté fu betae.

Pol haḡné sukḡle fo

² No nerape-ó, ḡapaae diaaḡ hosaa munire aḡrapa, mióta ḡiḡné ḡapaae hosaa mutere ala yaasepóló i dere ape. Ti noatepae, ḡané mepaae so ó wh̄jpaee me

dowi ala eréni yóo, ḡané du betere alané atima mepaae so wh̄j dée naaire ṗu munéni yóo, ḡané dere ala diaaḡ tokóló yópóló, ó ḡiḡné mepaae wisi wisi ọ́lā saai diṗ dilikini yóo, yalepó.

³ Yaḡo i dere fo diṗ só deraai kisipa mutu dumipó. Yaḡo take yale fo kaae diṗpaae ḡané hosaa mo turó moleteiné ḡa tekeni diṗ sukutepa ó betepa, ti ḡa fea betá alatóró du betenérápó.

⁴ Diaaḡ yaḡo i dere fo wosóló, mo sya faalopóló kisipa mutu ẹ whaalia ini, bopé fake yóló haḡtu beteraṗó. Kae kae seké ḡapaae wou betepatei, diṗ Talepaae tuḡ tiróló wisi ala haḡe yó tareiteimó, ẹ haḡ yóló wisi kisipatamo Talepaae yaḡo mo kée du beteraṗó.

⁵ Dā Masedonia hae kwiapaae wóló bitu, Talené ala eratepa mepaae wh̄jné ḡané dere ala yaḡsóró ṗu fea mo seséyalepó. Atétu, mepaae wh̄jrapené ḡatamo bóe dóló hḡle sóo, ḡané kepe tuḡpaaekélé, wituraalu whaalia yóo, yaleteiné ḡané tiki sa nalóló bitinipó.

⁶ Tényaletei, Taitus ḡa beterepaae wale alané, fomoyóló haepaae doropole so wh̄j tao sóró keteké bulótu betere Kótónétei ḡa tao sóró haḡ dere ala eralepó.

⁷ Ai alané maaté mei, diaaḡ ą tao sóró haḡ dere ala eratepa, amamo ḡapaae ene waleteiné ḡa tao sóró haḡ eralepó. Diaaḡ ẹ kelenée du betereiteikélé, diaaḡ haḡsókó fóló yale alamó ḡiḡné hosaamó su dekené sukuu betereiteikélé, ẹpaae erótu betere alamó diaaḡ whaalia du betereiteikélé, fea ḡapaae ene walepó. Ai fo wosetu, ẹ tuḡmó haḡ dere ala mo turó faayaḡepó.

⁸ Yaḡo diṗpaae anale asemó ere fonétamo diṗ dekei kisipa moipa, yaḡo atei kaae fo noatepa yaleé? yóló kisipa mutumipó. Taketa atei kisipa mo muatelei, mió ẹ haḡ kisipa mutapó.

⁹ Ti ai haḡta diṗ deketere alamó ini, ai fo dosḡaturaalu diṗ sawa sukamó maaté hosaamó sóró dekeyaleteiné yalepó. Atéteremó diṗ donoi ṗupaae fole kilitu, ẹ haḡ du beteraṗó. Ti noatepae, ḡiḡné deke yale alata, ḡané yale foné diṗ mo ti doréni, Kótóné ama kisipa mole ala eraleteiné ṗu wisipaae feletei kisipa muae.

¹⁰ Kótó tuḡmó kaaróló wale deke dere alané dowi ala taaróló, Talepaae kisipa fetetere ala eratapó. Atéturaalu, kisipa fetetere alané, ti aluyaḡsóró tao sere ala kaaratapó. Take dekei kisipa muatelei, yaḡo mió kisipa fatepa, mo donoi ala ereiteiné Talepaae mo kée du beteraṗó. Tépateti, i haemó kaarale dekei alané ti sukutere ala kaaratapó.

¹¹ Kótó tuḡmó wale dekei alané diṗ tuḡpaae erale alarape i ape. Kótóné ala eraai butere ketekékélé, me dowi ala

inipatei, hãle só deratere kapala fo so whĩné mo nisi yaosóró, ketekẽ buóló hãkearótu betere alakélé, dowi alatamo fopaae butereteikélé, mené diã doraosóró wisiyóló kele muló betere alakélé, diã ðãtamo betenée du betale alakélé, so whĩ wisiyóló beteroópóló ketekẽ bulótu betere alakélé, mené dowi ala deretei hãkeamó kemerópóló, donoraai bole ketekẽkélé, kale dekẽ dere alané eralepó. Yãlo asẽmó yale forape diaaã dosãayóló ai fo mo wosóló sya feleteiné mió diã tuãmó yãlo foné saai dere ala muniretei hãkearalepó.

¹² Take yãlo diãpaae asẽmó yale fota, dowi ala dere whĩmó kisipa mutu, ó ai dowi ala eratere whĩmó kisipa mutu inipó. Téni, Kótóné keletómó ðané dere fo mopóló wosóló eraaire ketekẽ diaaãtei kisipa yópóló yalepó.

¹³ Ai alarapené ðã mo tao sóró ketekẽ bulalepó.

Ai ketekẽ tómó diã feané Taitus-né ama kepe tuãpaae felératere ala eraleteiné ẽ mo hãjtamo fesaae wale ala kilitu, ðãkélé mo doa hajyalepó.

¹⁴ Yãlo diã dukirótu ẽpaae yale fo motóró dokonótu, ẽ wisiyóló dape saleteiné ẽ hale ini, feléi kisipa mutapó. ðané diãpaae yó matere fo fea motóró du dere kaae, ðané diã dukirótu Taitus-paae yale fo ama mo irapóló kisipa yalepó.

¹⁵ Taitus aipaae wapa diã winé sukutu diri furu furu yóló, naameiné diaaã ẽ mo wisiyóló dape salepó. Take ama atéro ene wale fo diaaã mopóló kisipa mutu wosóló, sya fele ala mió ama kisipa duraalu, diãpaae yaala sókó fole ala mo ti fãatapó.

¹⁶ Yãlo i dere fo fea diaaã wosóló mo eraalopóló, yãlo kisipa tiróturaalu, ẽ mo doa hãjné sukutapó.

8

Hãjtamo hãle matere ala yópóló ketekẽ bulatere fo

¹ Ne norape-ó, Masedonia hae kwiamó tẽ mole be huluamó betó mole Keriso fakerape Kótóné hamokoróló hãle tao sóró male ala diaaã kisipa yaasepóló i dere ape.

² Ti ai so whĩ atima kãae kelaai mepaae sekẽ wou betaletei, hẽkesetere ala mo turó fãayóo, mepaae ẽla ẽla ó *moni* meiyóló yoleale betóo epatei, atimamo hamokoyóló *moni* mo dekéro deralepó.

³⁻⁴ Atéro mo dekéro derãleta yaleteiné sókó faai yale ðãle mo ti bosene felepó. Aita, atima kãleaanétei Judia hae kwiamó Kótóné kae betero betere so whĩ tao saai kisipa mutu, mepaae so whĩné hamokoróló hãle derale *monitamo* touróló, atima mole ẽlakélé hãjtamo deraai kisipa mutu, melaaire tẽ mulae yóló ðãpaae dotopoi fo

yalepó. Ti aita, so whĩ hamokoyóló hãle tao suraalu yale alapóló, yãlo diãpaae i dere ape.

⁵ ðané kisipané atima sumó enérápóló kisipa muale ala mo ti bosenóló, atimané yaai dere alakélé, ẽla ẽlakélé, betere betekélé, fea Talené naase tuãmó mulalepó. Atéro nalo ti atimakélé ðãtamo touyóló Kótóné kisipa mole ala eraai yalepó.

⁶ Aténé, Korin bemó betó mole so whĩ ðiané ai ala yópóló, Taitus ẽ diã beterepaae fae yóló seãyalepó. Ti aita, Taitus-né ama taketi kãae sóró diale kutó ereteiné, mió ẽ diã beterepaae wapa, Talené hamokoróló tao sere ala diaaã eróló mo ti kemerópóló yalepó.

⁷ Térapa, diaaã tué tiki tiratere alakélé, fo wisi yó matere alakélé, mo bete mole ala kisipa dereteikélé, mepaae ala eróturaalu, doasi ketekẽ bole alakélé, ðãpaae yaala sókó fu betere ala alakélé mo wisirapó. Atétere kaaetóro hamokoróló tao suraalu, atéro hãle matere alakélé mo wisiyóló yae.

⁸ Yãlo i dere fota, diãpaae i ala yae yóló dumi, Masedonia whĩrapené mepaae whĩ tao saai butere ketekẽ kolósu, diaaã butere ketekẽ kolósu yóló, diã tuãmó mo yaala sókó fole ala muluraalu, déro kãae kelaai ðapó.

⁹ Ti noatepae, ðã tẽteróló kaae tare whĩ Yesu Kerisoné hamokoróló tao sere ala diaaã ai kisipare ape. Ti ẽ doasi néli whĩ betereitei, diã tao saai kisipa mutu, yoleale whĩ alé feleteiné diã néli whĩ beteralepó.

¹⁰ Diãné yaaitere alamó kisipa mutu, diãpaae yãlo kisipa matere fo i dere ape. U kemeyale ba fomó mepaae kae kae be hulua Keriso fake so whĩné *moni* deraaipa, diaaãpi folosóro deróo yalepó.

¹¹ Diaaã atéro diale kutó ketekẽtamo kaae su yale kaae, miókélé ai alatóro deté fóló kemerae. Atéro melaai kisipa mutepa, ti diaaã mole sũtóro melae.

¹² Diaaã mole sũtóro wisi kisipatamo matepa, ti Tale ẽ hẽkese duraalu, ama kisipa feléyaalopó. Mepaae whĩné melaaitere ẽla munipa, ti Talené me ẽlakó menipóló dei kisipa muaalo meipó.

¹³ ðané kisipané mepaae whĩrape atima ẽla ẽla mo dekéro muluraalu, diã sawa tėti moleteiné sekẽ tuãmó beteraai dumi, fea betã alatóro yóló betaai i dere ape.

¹⁴ Mió diã ẽla ẽla mo dekéro moleteiné, atima yaããtere ẽla ðiané melóo, nalo diãmo yaããtepa atimané dekéro molete diã melóo yópóló ðapó. Atéro u tao su, i tao su depa, ti mo fea betã ala yólótóro betaalopó.

¹⁵ Atétere alata, asẽmó i ere fo kaaepó.

“Mepaae mo dekéro sale whĩné ẽla buki muni feni, mo sumótóro nóo, mepaae mo tóroti sale whĩ wote ini, mo sumó nóo, yalepó,” erapó.

Taitus Korin bepaae doteyale fo

¹⁶ Ƴalo diɔ tao sópóló, ɛ ketekɛ bulale Kótóné Taitus-paaekélé ai kaae ala eró betepa, Kótópaae Ƴalo mo kée du beteraþó.

¹⁷ Atéreteiné, ɔ ðané fae depa waalo meitei, mo taketi diɔ beterepaae waai du betaleteiné waaloþó.

¹⁸ Ðané no whi betɔ Taitus-tamo wópóló dotonataþó. Ai whiɔa, mió wosetere fo wisi erateremó, Kótóné kae betero betere so whiné dukirótu beteraþó.

¹⁹ Ai ala maaté mei, kale haɓe melale *moni* sóró, ðatamo Judia hae kwiamó betó mole so whímó male fópóló, Kótóné kae betero betere Keriso so whiné ɔ sóró beteraþó. Atéro haɓe matere *monita*, Talené doi sóró horóturaalu, ai so whi tao saaire ketekɛ kolópóló kisipa mutu, ðané hotowayóló teþeróló kaae tawaai dapó.

²⁰ So whi tao suraalu, haɓe melale doasi *moni* ðapaae diaaɔ hotowaró kaae tani, olémi serapóló mepaae whiné ða eratere fo Ƴaqsóró kisipa mutu dapó.

²¹ Ti noa betené dumipó. Talené kele tómókélé, mo so whiné kele tómókélé, ðané du betere ala mepaae whirapené kilitu, mo donoi ala dapó yópóló kisi mutu, hotowayóló kaae tarapó.

²² Ðané no me whikélé atimaamotamo dotonaai dapó. A kaae kalalemó, mepaae ðané yae dere ala fea ai sekéné mo ketekɛtamo dua yaleþó. Diaaɔ mo wisi ala yaalopóló kisipa mutu, ama take bole ketekɛ tómó miókélé ɔ Talené ala eraai mo doasi ketekɛ bulapó.

²³ Taitus ɔta, ɛtamo titiyóló kutó betámó diyóo, diɔ kuamó bitu betɔ kutó diyóo, dere whi beteraþó. Ðané no me whi tamota, ti Kótóné kae betero betere so whiné sóró betero beteraþó. Mepaae so whiné ai seké tamoné ditere kutó kilitu, ða teþeróló kaae tare whi Kerisoné doi doasi hale sóró horat- apó.

²⁴ Térapa, Keriso fake so whi feané diaaɔ yaala sókó fole ala haɓeamó kolópóló, ai sore whirapepaae mo erae. Atétepa, ti diaaɔ dere alamó ðané dukurótu betere fo mopó enérapó.

9

¹ Kótóné kae betero betere so whi tao sae yóló, deté wale fo wosóló, yaaire ketekɛ diɔ bunipakó, Ƴalo ðiapaae momó yaaloé.

² Ti so whi tao saai diaaɔ bole ketekɛ Ƴalo mo wisiyóló kisiparapó. Diɔ ai ala yaai doasi ketekɛ boleteiné take kemeyale ba fomó kaae sóró, diɔ dukiróturaalu, Masedonia hae kwiamó betó mole so whipaae diɔ Akaia hae kwiamó betó mole so whímó haɓe melaaire *moni* deraai du beteraþó fo Ƴalo deté kwéaleþó. Ai fo woseturaalu, ai

be huluamó betó mole so whi atimanékélé *moni* deraai hosaa tukaleþó.

³ Diaaɔ haɓe matere alamó ðané diɔ dukirótu betere fo bete muni nisiƳaqsóró, kale bope yale sore norapepi aipaae dotonataþó. Ƴalo atimapee, diɔ donoróló betepa kelaaalopó yale fo diɔ tuámó motóro epa kolópóló yae.

⁴ Ti noa Ƴaqsóró dumipó. Mepaae Masedonia whirape ɛtamo wouraalu, diɔ donoróló bitinipa kilitu, ðané diɔ dukirale fo kapala irapó deremó, ðakélé ðiakélé mo doasi hale Ƴaqsóró dapó.

⁵ TéƳaqsóró, kale norape atimapi folosóro diɔ beterepaae dotonatepa wisirapóló kisipa mutapó. Ti noatepae, diaaɔ hamokoróló haɓe melaalopó yale *moni* deróló kemerópóló kisipa mutu i dere ape. Ai ala depa, ti seþeremó dei kisipatamo meni, wisi kisipatamo hamokoróló haɓe melaalopó.

Haɓe matere alata, kutómó ɔla wae dekéro bilitu dere kaae dapó

⁶ I dere fo wosóló kisipa muae. Mepaae whiné ɔla wae sawa tóroti bilitepa, ti ɔla sere alimókélé sawatóro saalopó. Mepaae whiné ɔla wae dekéro bilitepa, ti ɔla sere alimókélé mo dekéro saalopó.

⁷ So whi dokó betɔ betɔ seþepa dei kisipatamo meni, atima kisipané meteró melaai depa, ti ai sýtóro melópóló yae. Ti noatepae, hosaa tuámó hekesetamo matere whi Kótóné mo hekeserapó.

⁸ Atétu, Kótóné hamokoróló haɓe tao sere ala ðiapaae sɔratepa, betere dokó fea diɔ mepaae noa kaae wisi ala yaai depa, ti me ɔla ƳaƳani, mo sɔmó enérapó.

⁹ Asemókélé i fo kaae erapó. “Ama wisi wisi ɔla yoleale yóló betó mole so whímó ɔliraleþó.

Ama so whi tao sóró donoratere alakélé kemeni, haɓe yótóro tarapó,” erapó.

¹⁰ ɔla waeró mo nokole *bred* otamo matere Kótóné diaaɔ biliyaaire ɔla wae fakeróo, ɔla ulumétepa dekéro sóo dere kaae, Kótóné so whi tao sóró donoratere alané du wisikélé diaaɔ mo ti fakeróo yaalo ai ape.

¹¹ Téturaalu, diaaɔ kae kae ala duraalu, mepaae so whi hamokoróló tao sópóló, Talené diɔ mo suraalo ai ape. Ðiɔné atéro haɓe matere ɔla ðanémo sóró kale yoleale so whímó matepa, Kótópaae atimané fo yaalopó.

¹² Kótóné so whi tao sóró diaaɔ ai eratere alata, atima ƳaƳatere ɔla móta dapó. Ai maaté mei, Kótópaae doasi kée dere fokélé wei kaae ƳaƳayóló felée fu beteraþó.

¹³ Diaaɔ atéro Talené ala eróturaalu, mepaae so whi tao sóró erótu betere ala mepaaené kilitu, ita Kerisoné fo wisi sɔla

fóló aq̄mó bituraalu, hamokoróló tao sere ala dapaækélé, mepaae so wh̄ipaaekélé, eratepa kelae yóló, Kótóné doi hale horaalopó.

¹⁴ Kótóné hamokoróló tao sere ala dī tūapaae f̄anó betereteiné Talepaae motamuraalu, atimané hosaa mo turó dīapaae muóló yaalopó.

¹⁵ Kótóné hamokoróló h̄ale meló betere ala wisinaale mo wh̄iné etérapóló bete turó tokóló enénipó. Atéreteimó, apaae mo kée fo du betae!

10

Pol Talené kutó dirateremó kae kae eratefo yaletéi

¹ Ē dīatamo betamó betale sukamó, ē fo kóló kóló yóló wire wh̄i aq̄retei, kae tikimó bitu ti wini, halaainé aq̄etu beterapóló ē erateré fo ai du betere ape. Tépatéi, Talené fo aq̄mó sukóló betere alaró witamo naameiné dua betere alatamo Kerisoné epaae eratepa, ē ai ala tūamó bitu, ē Pol-né dīapaae i yae dere fo wosóló, mo yaasepóló dapó.

² Ti ē dīa beterepaae wale sukamó, mepaae so wh̄iné kisipané d̄a i haemó mole ala sya furaalu, Talené ala erateré nisiyóló, d̄a erateré so wh̄i ē halaainé foné saqsóró, dīa miótitei donoróló betae yóló i dere ape.

³ Ti noatepae, d̄a i haemó h̄ale bituraalu dele bóeta, i haemó mo wh̄iné dele bóe kae meipó.

⁴ D̄ané bóe dele ɔla ɔlakélé, mo bóe dele ɔla ɔla kaae meipó. D̄ané bóe dele ɔla ɔlata, Kótóné doasi fotokó f̄aneteiné Kótótamo bóe duraalu, ere dirii sa fisikóló doranérapó.

⁵ Mepaae so wh̄iné Kótó ʔ ētei kaae Tale beterapóló kisipa yaqsóró sesé duraalu, kae kae fosó fosói foró, bete mole ɔla aq̄ratere alatamoné sa kaae depa, d̄ané fisikóló dorótu beterapó. Téturaalu, d̄a t̄eteróló kaae tare wh̄i Kerisoné ala eraa i mole kisipa k̄paae faqsóró, d̄ané tūé tiki turó Yesuné t̄eteróló kaae tare aq̄mó mulópóló, mo hotowaró kaae tarapó.

⁶ Dīa Talené fo wosóló, aq̄mó sukóló bitu sya fóló erótu betepa, ti mepaae ai fo wosetere h̄oyóló dowaae fu betere so wh̄i fea d̄ané só deróló kwia melaai d̄a siki siki yóló betenérápó.

⁷ Dīata, mo tómó ere ala maaté kilitu beterapó. Mepaae wh̄iné ʔta, Kerisoné wh̄i beterapó depa, ti d̄akélé ʔre kaae Kerisoné wh̄itóró beteretei ama kisipa yópóló yae.

⁸ Ita, dīa só deróló doraai dumitei, Keriso tūamó diriyóló beterateré ala d̄ané t̄eteróló kaae tanópóló, Talené d̄apaae melalepó. Atérené ē haleni, halaainé dīapaae h̄akeamó i du betere ape.

⁹ Ȳalo dīapaae aq̄mó i dere fota, dīa wirateré nisi yaq̄se.

¹⁰ Ti noatepae, mepaae wh̄irapené duraalu, “Ama aq̄mó deteraai fo du betepatei, ʔ woló betamó bitu dere fota, ti kisipa inire wh̄iné fo kaae h̄oko du beterapóló,” erótu dapó.

¹¹ Atei kaae erateré fo dere so wh̄iné, d̄a kae tikimó bitu aq̄mó dere fo kolósu, d̄a aipaae wóló mo dere ala kolósu depa, me ala kae mei, mo bet̄a alatóró epa kelaalopó.

¹² Mepaae wh̄irape atimané ditere kutómó atimatei doi sóró horótu dere kaae d̄ané dumipó. Ti atimané du betere ala atimatei taleyóló atimata, ētei kaae wh̄irape beterapó du beterapó. Tétu, atimané dere ala k̄aae kolóló u kolósu, i kolósu du betere alata, wisi tūé muluraalu dumipó.

¹³ Atima atépatéi, d̄ata mo d̄ané diale kutómótóró bopé faketu beterapó. Ti d̄ané i ditu betere kutóta, Kótóné d̄apaae diyae yale d̄alemótóró dituraalu, d̄a bopé faketu beterapó. Ai d̄ale muló betere kutó tūamó dīakélé ai bole ape.

¹⁴ D̄a d̄a wisi yó maté kuturaalu, dīa beterepaae ūameisóró, ti ētei kaae bopé fake dere ala ūameipó. Tépatéi, Kerisoné fo wisi dīapaaekélé yó male waletéiné d̄a mo donomó bopé fake dapó.

¹⁵ D̄ané diyale kutó mupatei, kae wh̄iné diyale kutómó d̄a bopé fake dumi, mo d̄ané ditere kutómótóró bopé faketu beterapó. Ti dīané kisipa tiró betere ala faketé fupa, d̄a dīa tūamó bitu ditere kutókélé mo ti fakeraai kisipa mutu, Talepaae tūé tiróló h̄ajtamo i betere ape.

¹⁶ Talené mió i wosetere fo wisi d̄ané erateretei dīa tūamó faketepe, ti dīa betere tiki mo uteró betó mole so wh̄ipaaekélé yó maaté kw̄eyaa i kisipa mutapó. Mené diyale kutómóte, d̄ané yalepóló h̄ale bopé fake yaqsóró, mepaae wh̄irapené yó menire tikipaae yó maté kw̄eyaa i dapó.

¹⁷ Tépatéi, “Mepaae wh̄i bopé fakeyaa i depa, ti Talené fotokó ʔ tūapaae s̄uraletéiné diyalepóló,” enérápó.

¹⁸ Ti me wh̄iné ama diale kutó amatei fopeyóló, ʔtei dukiratepa, bete munipó. Tépatéi, Talené me wh̄iné diyale kutó taleyóló wisirapó depa, ti ai wh̄iné kutó wisi diremó dapó.

11

Aposel aq̄re wh̄irapené dere alata, Pol-né dere alatamo s̄unipóló yale fo

¹ Ȳalo du betere fota bete muni, h̄oko du betere fotei wosaasepóló i dere ape. Tépatéi, ai h̄oko fo mo taketi ȳalo deté wou betepa, diaaq̄ woseté walepó.

² Ȳalo bole ketek̄eta, dīa dokaai tukóló betéró betere wh̄i mo ʔtamotóró fulumu

yǒpóló, Kótóné matere ketekéné yálo diá mo wisi yóló kaae taru, ma fo i dere ape. Me whíné folokole erénire so seimale kaae betepa, Kerisoné amatóro dokópóló kisipa mutu, yálo diá tukóló beteralepó.

³ Tépatei, wuliné fosó fosó kisipané Ipi dilikóló dée nalatu yale kaae, diáné tué tilikélé mené kǒpaae álisó faqsóro yálo doasi whaalía du beteralepó. Ti noa betené mei, diá Keriso átamotóro dokaai, betá kisipa muóló beterópóló dapó.

⁴ Ti yálo whaalía dereteita, hále meipó. Dáné diápaae Yesu á etei kaae whípóló yó maletéi, mepaae whí diá beterepaae wóló Yesuta, etei kaae whí beteralepó hǒko fo yó matepa, diaaǒ mopóló wosetu beteralepó. Atétere kaae, take diaaǒ sale Deí Kepe Wisi betepatei, me kepe kae saalopóló de? Take dáné diápaae yó male fo wisi mupatei taaróló, kisipa tilí okokore whíné dere kaae, mió diá kae yó matere kisi fo wosaai ekéletu beteralepó.

⁵ Ti ai whírape atimata, doasi doi mole *aposel* whírapepó du betepatei, atimané é teteró bitinipó.

⁶ Ti so whí feapaae Talené fo yálo fosó fosó yóló yó melópóló mené é yó menitei, bete mole fo yálo mo kisiparapó. Ai ala diánékélé kisipa yópóló, kae kae ala fea hákeama erótu betalepó.

⁷ Kótóné fo wisi yó móturaalu yáloitei é deróo, diá tao sóro horóo, du betalepó. Tétu, yálo diápaae *monikó* álae yóló kema ini, hále yó mótu betaleitei-a, diápaae dowi alakó erótu betaleé?

⁸ Aita, diá seké yaqsóro kisipa mutu, kae be hulua Keriso fake so whíné matere *monitei* yálo qlémi kaae sóro, é betaaire be ó ǒla dupu yóló nukuraalu, diá tao saaire kutó betá dité fu betalepó.

⁹ É diátamo betale sukamó diá seké yaqsóro, é yáyatere ǒla diápaae álae yóló wosetere fokélé inipó. É yáyatere ǒlata, Masedonia hae kwia taaróló, étamo wale norapéné tao sóro mótua yalepó. É me ǒla yáyatepatei, diá seké yaqsóro woseni, Talené kutó hále dirótóro tawalepó. Nalopaakélé ai alatóro enérapó.

¹⁰ Ti Kerisoné bete mole mo fo é tuámó moleiteiné diápaae diriyóló i dere ape. É me dupu sini, ai fo wisi hále yó materemó, yálo i bopé faketera ala Akaia hae kwiamó betere whírapekó betánékélé bete munire ala aqraalomeipó.

¹¹ Yálo diápaae etei kaae dere fo-a, noa betené dapóló kisipa mute? Yálo diápaae yaala sóko fole ala initepa de? Meipó. Diápaae yaala sóko fole ala é tuámó moleitei, Kótóné ama mo kisiparapó.

¹² Kae fo yó matere whírapéné du betere alata, so whíné atima dukirópóló dapó. Aita, dáné dere alaró atimané dere alatamo

betá ala erapó yópóló, bopé fake du beteralepó. Atei ala yaaire tu mulaqsóro dá *moni* sini, kutó hále diró tawaalopó.

¹³ Ti ai whírapeta, Kerisoné doteyale mo *aposel* whírape mei, so whí dilikóló kapala kutó diratere *aposel* whírape bitutei, Kerisoné kutó diratere nisi yópóló, aqtu beteralepó.

¹⁴ Ai kaae alamó dá kilita sóko fenénipó. Ti noatepae, Satan á de tuámó betere *ensel* aqtu betereitei, dáné kisiparapó.

¹⁵ Atétere kaae, ama kutó diratere whírapekélé mo donoi kutó diratere whírape aqtu betere ala kilitu, dá kilita sóko fumipó. Ti atimané ai du betere alamó saaire dowi dupu hásozó feni, mo donotóro melaalopó.

Pol apaae sekéi ala erateremó bopé fakeyale fo

¹⁶ Yálo yale fo kaae momó dapa i wosae. Diá mepaae whíné é kisipa okokoi whí betere nisi yaqse. Diaaqtamo é kisipa okokoi whí beteralepó kisipa mutupa, ti é bopé faketuraaalu, okokoi whíné dere fo kaae, sawa i dapa wosae.

¹⁷ Fea ala yálo sumó enérapóló bopé fake-turaalu dere fota, Talené dere fo kaae meitei, kisipa okokoi whíné dere fo kaae dapó.

¹⁸ I haemó betó mole whírapéné nene yóló bopé faketera ala feané sya fóló du betepa, ti ékélé nene yóló bopé fakeyaalopó.

¹⁹ Ti fosó fosóre whí diáta, mepaae kisipa okokoi whíné du betere ala yaqsóro seséni, hékesereteiné yópóló, kaae tarapó.

²⁰ Ti diáné mo du betere alatóro i ape. Mepaae whíné diá wae sóro kutó diratere whí beteroó, diáné wisi wisi ǒla atima saai diá dilikóo, diá me ala tuénire whí aqróló, atimané tué mole ala eróo, atima doasi doi saai dapóló diá hepée faróló atimapi folosene fóo, atimané diá okolope deké sóo, dua dapó. Ai alarape eratepa, atimapaee atékese yóló foné sini, diá hále betó mulapó.

²¹ Ti dá béreteiné atei kaae ala diápaae eranénipóló, é haletu i dere ape.

Kisipa okokoi whíné dere fo kaae i dapa wosae. Mepaae whí dené ama du betere alamó á bopé fake yaaitapa, ti ékélé bopé fakenérapó.

²² Atima Hibru fake so whíné dere ala sya fu betere so whí betere? Atima atépa, ti ékélé Hibru whítóro beteralepó. Atima Israel hae tale betepa, ti ékélé Israel hae taletóro beteralepó. Atima Abraham-né deté wale whírape betepa, ti ékélé Abraham-né deté wale whítóro beteralepó. Atima Kerisoné ala eratere whí betere? Atépa, ti é keyaa furaaalu hǒko dere fo i ape. Yálo ai kutó ditere alané atima fea mo teraae falapó.

²³ Ƴalo i dere fota, topo doyoóló keyaa fole whjné fo kaae hoko dapó. Atima Kerisoné kutó diratere whj betere? Atépa, ti Ƴalo ditere kutó kolósu, atimané ditere kutó kolósu depa, atima Ƴalo mo bosenó betere-apó. Ti Ƴalo dité wale kutó atimané diyale kutótamo sùni, e mo doasi depe tukó wei kutó ditu betalepó. Ti eƳa, mo dekéro félimó *dipula* beteroótua yóo, fokosoi ala yale tikimó Ƴalo tiki mo turukée fóo, e mo felekemó sinitei kepaayóo dua yalepó. Epaae ai erótu betale hapólui ala kaae, atimapaee erénipó.

²⁴ Juda fakené e aporó félimó halika kaae olané Ƴalo tikimó daletei dokó sóro touróturaalu, 39-rópó.

²⁵ Sore fapo atimané e biyané fokosói ala yóo, betá be demó ti kapo duné siriyóo, sore félimó ti e betere wei nuku fetée fóló do yóo yalepó. Tétu e doasi wei kela tómo aláae kutu betepa, be de betaró diki betatamo kemeyalepó.

²⁶ E betá bemótóro bitini, be hulua doko fiyósu deté kutu betalepó. Atéturaalu, doasi fole wei tiki e aluranépatéi, teyólo fua yóo, olémi whjrapenékélé e denépatéi, atima betere tuamó fóo, mo Ƴalo be whjnékélé e denépatéi fua yóo, Juda meire fake whjnékélé e denépatéi atima tuamó bitiré fóo, doasi be huluaamó bitukélé, ipumó bitukélé, doasi wei kela tómo fukélé, Keriso norape aqre whjrapetamo bitukélé, e mo dóló aluranépatéi, bitiré fóo yalepó.

²⁷ E kutó dituraalukélé depe tukó wei ala yóo, kutó ditétóro wj betereine nokekélé fini yóo, woteró wei nokoletamo epatei, hale fitua yóo, kutikélé ó sikélé meiyólo sosóliné sukóo dua yalepó.

²⁸ Ai alarape tómo, Kótóné kae betero betere Keriso fake so whj noa tumó wisi yólo betaaloé yólo, doasi whaalaa duraalu, e doasi seke beleté fu beterepó.

²⁹ Diakó me whj Talené ala eraaire fotokó meiyólo bétépa, ti ekelé bératapó. Diakó me whj dowi alapaae alísóro fóló dée nukupa, ti ekelé dei kisipa mutu haletapó.

³⁰ E bopé fake yaaitamo kisipa mutepa, ti e tuamó fotokó mei, bére ala so whj feané kolópoló, bopé faketeré ala mo hakeamó yóo manérápó.

³¹ Ƴalo i dere fota, mo kapala dumipó. Betere dokó so whj feané doi sóro hurótu betere Tale Yesuné Alima Kótóné Ƴalo i du betere fo mo dapóló ama tuérápó.

³² E Damaskus bemó betepa, botokó faqsóro topo whj Aretasiné be kaae tanópoló, sóro betero betere whjné e tawópoló, ama diki tare whjrape kale be bolaare dopóku tų dokó sóro beterepó.

³³ Téyaletei, mepaae norapené e yomó deyoóló halika duóló deralepó. Atéyaleteita, ai be hulua bopére dopóku sikimó, de saai

muló betere dolomó sóko fareleteiné atimané e tani, haqsóko felepó.

12

Pol-né ama nokené kaae kelale ala

¹ E i bopé faketu betere ala taaréni, hale deté fu betenérápó. Ti bopé faketeré ala tuamó me ke bunitei, Talené epaee nokené kaae yó melale alaró kinó betere alatamo hakeareletei betá diapaee i dapa wosae.

² Ita mió yale ala dumitei, i ala yólo betepa, 14-ró ba fo kemeyalepó. Ai ala kelale whj a ama tiki turó fele ó, kepe maaté feleró e tuéni, Kótóné betá kisiparapó. Ai whj a Keriso tuamó betepa, mené ó hepen bepaee dapesó huturaalu, sákélé sa taoró ere tikikélé taarólo, mo hepen bepaetóro dapesó holale whj Ƴalo tuérápó.

³⁻⁴ Ti ai sekéta, mo kelaalo kokoi bepaee dapesó horólo betereletei Ƴalo kisiparapó. A atéro huturaalu, ama mo tiki turó felepé kepe maaté feleró e tuéni, Kótóné betá kisiparapó. Mené fo depa ai sekéné ama wosalemó, bete etérápólo mo hae whjné yókelé enénipó. Ai fo hae so whjpaee uatei, yaqsóro Talené doasi fo mulapó.

⁵ Atei ala ere whjpoló kisipa mutu, e bopé fake uatei, Ƴalotei e bopé fakenépa taarólo, e hae whj bitu, Ƴalo bére alarape betá diané kisipa yaasepóló i dere ape.

⁶ Ƴalo kisipanétamo bopé faketeré ala yaaitépa, ti Ƴalo mo yale alatóro dereteiné e topo doyoóló okokoi whjné dere fo kaae uameipó. Ti Ƴalo yó mótu betale mo foró du betale alatamo diané kaae kolólo tué yópoló, bopé faketeré ala enépatéi, e doasi doi mole whj nisi yaqsóro taalatapó.

⁷ Talené doasi kinó betere ala epaee hakerólo yó maleteiné e topo whj bitu bopé fake yaqsóro, Satan-né doteyale kepené dowi mu képiné kaae, e susupurópoló Kótónétei ai te mulalepó.

⁸ Até yaleteiné Ƴalo tikimó doasi dele supa, Talepaee ai ala tokóló taae falae yólo sore félimó yalepó.

⁹ Téyaletei ama epaee duraalu, “Ai sekei ala naao sumó beleyópoló, Ƴalo hamokorólo hale tao sere ala Ƴa tuapaee mo sraalópó. Ti noatepae, mo whjné enéni bére ala tuamó Ƴalo fotokó so whj feané kolópoló, mo hakeamó erótua dapó,” yalepó. Atétereteiné Kerisoné fotokó e tuamó hale muó tanópoló, Ƴalo enéni bére alapóló tué muturaalu, e hajyólo bopé faketeré ala taaréni, hale yó tawaalópó.

¹⁰ Atétereteiné Kerisoné ala mo ti fakeraairaalu, bére ala tuamó bitukélé, mepaaené e eratere fo du betepakélé, doasi sekei ala tuamó bitukélé, Talené ala erótu betepa sere seke tuamókelé, doasi hapólui ala tuamó bitukélé haitamo beterepó. Tétu,

mepaae bei ala tuámó bitukélé fotokó hãle bulapó.

Pol-né Korin so whi doasi whaaliatu yale fo

¹¹ Ti yãlotei e kisipa okokoi whiné dere fo kaae yaleteita hãle mei, diaaó du betere alanéite e ai ala dere whi aóratepa yalepó. Yãlo du betere alamó diaaó e dukiraterere fo uşóró ti mo wisi uapó. Ti noatepae, e belei sokóte kolósu, ai doasi doi mole *aposel* whirape kolósu depa, atimané e teteró bitinipó.

¹² Ti e diã tuámó bitu, me ala yaairemó dere alarapekélé, sira yópóló eraterere alarapekélé, mo whiné enénire doasi kelemei alarapekélé, fea eró taté fu betalepó. Ai alarape kilitu, ita mo *aposel* whiné dapó enérápó.

¹³ Ti e mepaae be huluaámó Kótóné touróló betéro betere so whipaae erale ala kolósu, diãpaae erale ala kolósu depa, me noa alakómo diãpaae erénie? Atimapaekélé, diãpaaekélé, betã kaae alatoró erótua yalepó. Ti e yãyãtere ɔla tao sae yaai yaletei, diã seke yaşóró ini, taaralepó. Kae kae Keriso so whipaaeta dua yaletei, diãpaae inire ala dorapó kisipa mutepa, ti diãne kwia tani, hãle kemerae.

¹⁴ E mió sore dakeróló diã kele waai i du betere ape. E aimó wóló bitu, be ó nokole ɔla diã seke melaalomeipó. Ti noatepae, diaaó me ɔlakó melópóló waai dumitei, diã mo no apu aleyóló betámó betaai kisipa mutu, walapó. Ti naale senaalené hama alima tao saai dapóló mepaae ɔla ɔla betãpaae yóló mutumitei, hama alimané naale senaalemó ɔla ɔla mulatere dua dapó.

¹⁵ Atétere kaae, e mo hëkesetamo diã tao saairaalu yãlo ɔla ɔlakélé, yãlo betere betekélé melaalopó. Yãlo diãpaae mo turó yaala sókó fu betepatei, diãnémo epaae yaala sókó fole ala sawa tómó maaté dere-a, wisire?

¹⁶ Diaaó e hëkese inire aopatei, yãlo diãpaae me sekei ala erénipó. Tépatei, ba ó nané nale wópóló, ɔla wisi mulótu dere kaae, diãné *monikó* e melópóló kisipa mutu, yãlo diã dilikãle aorapó.

¹⁷ Diã tao sópóló yãlo doteyale whirapené ó yãlokélé diã dilikóló, diaaó noa wisi wisi ɔlakó saleé?

¹⁸ Taitus a ðané no me whitamó diã beterepaae wópóló, yãlo seýóló doteyalepó. Até yale be ðemó, Taitus-né diã dilikóló mepaae ɔlakó saleé? Talené ala eróturaalu, ðamo wusuró betã tué muóló, betã alatoró erótua inié?

¹⁹ Ti yãlo diãpaae aşetu betere fo diaaó dosãaté waletai-a, mené ðã só deraşóró seséturaalu dapóló kisipa mute? Meipó. Ðané i du betere fota Keriso tuámó bitu,

Kótóné keletómó mo i dere ape. Ðané hosaa mole no nerape-ó, ðané i du betere ala feata, diã fotokó buóló beteropóló dapó.

²⁰ Ti noatepae, e aipaae wale sukamó, diã mo wisiyóló betepa kelenée dere ala diã tuámó ini yóo, diãnekélé e tuámó epa kelenée dere ala e tuámó inipa kelaalomólópóló, e doasi witu beterapó. E diã beterepaae wóló kelenalemó, diã tuámó hõle fokélé, me whiné dere alamó dei tué mutere alakélé, fopaae buóló hõle sere alakélé, fake teketerere alakélé, dowi fopaae butu me whi yóló sininatere alakélé, kikiti eraterere fokélé, dowãae fóló dowi faketerere alakélé, wisiyóló bitini, hõko betere alakélé, ai alarape fea diã tuámó epa kelaşóró, e doasi whaaliatu beterapó.

²¹ E diã beterepaae wale sukamó diaaó ai dere ala kilitu, e teteróló kaae tare Kótóné keletómó, e momó halenérápóló wi dapó. Mo take dowi ala du betale so whiné mepaae hosekéýóló du betale dowi alakélé, nópu nokole alakélé, enénire sonaalei dowi alakélé taaréni, hãle yótóró tapa kilitu, e ðeke yaşóró whaaliala duraalu dapó.

13

Diã Yesu Kerisopaae kisipa mo tiró betereómóló diaaótei kãae kelae

¹ Mió yãlo diã sore dakeróló kele waai i dere ape.

“Mepaae so whiné hãsókó fóló dere alarape taleturaalu, betã whiné dere fo maaté woseni, tamo ó sore whiné i ala mo depa kelalepó dere fo wosóló, ti taleýóló donoranérápó,” erapó.

²⁻³ E tamo dakeróló diã kele wale sukamó, dowi ala dere so whipaae etei kaae sekei ala eraalopóló diãpaae yalepó. Mió e kae tikimó bitukélé betã kaae fotóró momó i dapa wosae. Kerisoné du betere fo yãlo mo dapóló diaaó kisipa yaasepóló, e wouraalu take dowi ala deté wale so whiró mepaae dowi ala du betere so whitamó kwia matere ala koleturaalu taaréni, mo melaalopó. Ti Keriso aãa, diã tuámó mole dowi alarape donoraaitere ala a béni, fotokó mo turó bulapó.

⁴ Ti i dere fota, mo dapó. Keriso a fotokó buni bére whi aoyóló, atimané a fili-paare ni tómó ðaletei, Kótóné fotokóné a mo beterapó. Atére kaae, ðã fotokó buni bére whirapetei Kótó aãamo betámó betereiteini ama fotokó ðã tuãpaae şurãtepa, diã tao saai Talené kutó hãle diraté fu beterapó.

⁵ Diã Yesu Kerisopaae tué tiki tiró betere ala diaaótei kãae kólóló taleyae. Aténalemó, Yesu Kerisopaae kisipa tirãtere ala inipa, ti yã a tuámó bitinipóló kisipa muae.

⁶ Ti diaaó ðã kãae kolóló talenalemó, Yesu Kerisopaae tué tiki tiró betere ala epa, ti

diaaḡ mo haḡeamó kelenérapóló kisipa mutapó.

⁷ Diḡ me dowi ala yaḡsóró, Kótópaae suka fea ḡané momarótu beteraḡpó. I dere fota, Talené ḡa kaae kolóló, whḡ wisipó deremó so whḡné ḡa dukiróḡpóló dumitei, ḡané hoḡo dere alamó só deró betere whḡrape aḡpa, diḡta mo donoi ala wisi du betere whḡ be-taasepóló ḡapó.

⁸ Kale bete mole mo fotamo ḡané bóe dóló me ala enéni, ai fo wisi fakeratere ala betḡ enérapó.

⁹ ḡa fotokḡ buni bépatei, diḡ mo doasi fotokḡ buóló betepa, ti ḡa mo hajrapó. ḡané diḡmó momarótu betere alata, diḡ haepaae derepeletei, momó Talené ala eraté furaalu, diḡ mo ti diriyóló beteraḡpóló ḡapó.

¹⁰ Atére betené, ḡ diḡ beterepaae waai teópatei, yaḡo i aḡetere fo kolóló diḡsisi bitu, mepaae diḡ tuḡmó ere alarape dono-raasepóló i dere ape. Ti noa yaḡsóró mei, Talené epaae ama so whḡ teḡeteróló kaae tawae ere fo sya furaalu, ḡ aipaae wale sukamó diḡ deteraayóló foné saḡsóró ḡapó. Ti Talené ḡ diḡ teḡeteróló kaae tawóḡpóló sóró beteraleteita, diḡ doróló só deróḡpóló ini, tao sóró wisiraté fópóló yalepó.

Kemeróturaalu kḡleó yale fo

¹¹ No nerape-ó, mo kemeróturaalu diḡpaae kḡleó i dere ape. Me haḡsóko fole ala diḡ tuḡmó muni, Talené ama ala mo donoyóló erae ere ḡaḡemótóró sóko faasepóló, hoto-waró erótu betae. Aḡemó yaḡo diḡpaae i yae dere fotóró mo wosóló, diḡ fea mo betḡ kisipatóró mulu, hosaa muni deyóló mo dua betó muae. Atétepa, ti yaala sóko fole alaró hosaa muni deyóló dua betere alatamo, matere Kótó ḡ diḡtamó betaalopó.

¹² Diḡ Kótóné mo kae beteroḡ betere so whḡ bitu, diḡsisi yaala sóko fóló, aputu betae.

¹³ Imó etamo Talené kae beteroḡ betere so whḡ feané diḡpaae kḡleó ḡapó.

¹⁴ ḡa teḡeteróló kaae tare whḡ Yesu Kerisoné hamokoróló haḡe tao sere alakélé, Kótóné yaala sóko fole alakélé, Ḋei Kepe Wisiné eratere u yó mótu i yó mótu dere alakélé, diḡ feapaae eró tanóḡpóló yae.

Kalesia

¹ Ẽta, Kótóné ama fo yó male fópóló doteyale *aposel* wh̄i Pol-né diã Kalesia hae kwiamó tẹ mole be huluamó betó mole Keriso fake so wh̄ipaae așę i dere ape. Ẽta, mepaae wh̄irapené dotonatepa ó mo wh̄iné kisipané kekeme nóló i kutó dine fae yóló dotonatepa wéni, Yesu Kerisoró ą kepaarale Alima Kótótamoné i kutó dine fae yóló dotonalepó.

² Ẽalo i dere așęta, ę wotoró bitu dumi, mepaae Keriso norape ętamo betámó betó mole wh̄irape dą feané diã Kalesia hae kwia dokómó betó mole Keriso fake so wh̄ipaae dapó.

³ Dąné Aya Kótóró Tale Yesu Kerisotamoné hąle hamokoróló tao sere alaró hosaa muni deyóló mo dua betere alatamo diã tuąpaae erópóló yae.

⁴ Mió i alimó mole dowi alané doasi fotokóné dą so wh̄i dokoló mulașsóró, Yesuné ama betere bete melóló dupuraletiné dą hąle fópóló eralepó. Aita, dąné Aya Kótóné kisipa mole ala sya furaalu eró betarópó.

⁵ Kótóné ama doi betą hale sóró horóló, doasi doi mo ti muó tanópóló yae. Mo kée. Teyópóló yae!

Talené kisi fo wisita, me kaae mei mo betatóró mulapóló ere fo

⁶ Yesu Kerisoné hąle hamokoróló tao sere alané Kótó ą beterepaae ape yalepó. Atéyale sekę taaróló, kae kisi fo wisi wosaai hapale kisipa feteyóló fole kilituraalu, aita enei ala meitei dapóló ę kilita sókó fulapó.

⁷ Mepaae wh̄irapené diąpaae mió wosetere kisi fo wisi i ape yóló yó matepa, ti aita kale wosetere fo wisi mei ai ape. Aita, Yesu Kerisoné mió wosetu betere kisi fo wisi me kae fotamo hosekéróló doróo, diaaq kisipakélé kópaae falóo, yaalopóló kisipa mutapó.

⁸ Dąnékélé, ó hepen bemó betere *ensel-nékélé*, Kótóné mió wosetere fo wisi take dąné diąpaae yó male kaae ini, kae fotei fo wisipóló yó matepa, ti ai wh̄i mo ti só deróló alu yaaire tikipaae fópóló yae.

⁹ Take dąné diąpaae yale fotei momó i dapa wosae. Wh̄i me dené diaaq woseté wou betere kisi fo wisi kaaetóró yó meni, fo me kae yó matepa, ti atétere wh̄i só deróló mo ti alu yaaire tikipaae fópóló yae.

¹⁰ Ẽalo i du betere fo ó du betere ala mo wh̄irapené kolóló, i wh̄iné mo wisi ala dapóló dukirópóló dépé? Kótóné kilitu mo wisi ala dapó yópóló du betere? Mo wh̄irapené kisipa tiki felé yaaire alatamo Ẽalo du bituąsóró, ti ę Yesu Kerisoné kutó diratere wh̄i bituą meipó.

Pol aposel wh̄i sóró beteraai Kótóné ą beterepaae ape yale fo

¹¹ Norape-ó, diaaq mo wisiyóló kisipa yaasepóló Ẽalo i dere fo wosae. Ẽalo diąpaae yó mótu betale mió wosetere kisi fo wisita, mo wh̄iné kisipanétei kaarale fo meipó.

¹² Ai fo wisita, me wh̄iné depa Ẽalo wosóló ó me wh̄iné ę yó matepa kisipa sóró dumitei, Yesu Kerisoné amatóró ępaae hąkearóló yó matepa kisipa yalepó.

¹³ Ẽ take Keriso wh̄i betaairu, Juda fakené Talepaae momatu betere ala sya fóló du betalepó, dere fo diaaq wosóló ai kisipare ape. Atétu, Ẽalo mo doa ketekę buóló du betale alata, Kótóné so wh̄ipaaekélé susupui ala eróo, Yesu Kerisoné ala wisikélé mo ti doróo du betalepó.

¹⁴ Ẽalo ayarapené mara mole ala sya furaalu, Juda fakené Talepaae moma dere ala etéró yae yóló, doasi kisipare yó matere wh̄irapené dą teó wh̄irape yó malepó. Atétu, betere tuąmó ętamo betámó doayale Juda wh̄irape fea betepatei, Ẽalo kisipa sale alané atima mo teraae felepó. Atéru, Ẽalo ayarapené mara mole ala mo doa ketekę buóló sya fu betale wh̄i ę i ape.

¹⁵ Atétu betaletei, ę teó deyaai pa sóró kae beterale Kótóné, ama hąle hamokoróló tao suraalu ą beterepaae ape yalepó. Tétu, Kótó ą wisi kisipatamo ama naale ę tuąmó hąkearóló yó malepó. Atéyale sukamó, ępaae etei ala eralepóló me wh̄itamo inipó.

¹⁶ Atéró betepa, Kótóné ama Naalema noa kaae wh̄irópóló kóló kóló yaqsóró, amatei ą ę tuąpaae yó malepó. Até yaleteita, Juda meire fake so wh̄ipaae Yesu Kerisota, etei kaae wh̄ipóló yó maté kweyópóló kisipa mutu, eralepó.

¹⁷ Ai ala yale be dęmó, i kaae ala yaletei noa betené yalerópóló, ę betaai pa folo sóró beterale *aposel* wh̄irape Jerusalem bemó betó mupa kełe fenipó. Aténi, ępaae ai ala erale be dęmótóróti Arabia hae kwiaapaaepi fóló, nalomo ti Damaskus bepaae fesaayóló felepó.

¹⁸ Atéró bitiré fóló, ba fo sore kemetepa, ę Pita wisiyóló kisipa inireteiné kisipa yaai, Jerusalem bepaae horóló ątamo betepa, 15-ró be dę kemeyalepó.

¹⁹ Aimó ątamo mepaae *aposel* wh̄irape betepa kilinitei Talené noma Jems betą betepa kelalepó.

²⁰ Ẽalo i așętu betere fota kapala mei, Kótóné keletómó mo i dere ape.

²¹ Atéró betale kłlipaae ti ę Siria hae kwiaró Silisia hae kwiatamopaae felepó.

²² Até yale sukamó Judia hae kwia dokómó betó mole Keriso fake so wh̄iné ę kolóló kisipanipó.

²³⁻²⁴ Ténitei, Ẽalo i ala du betera pó dere fo maaté atimané wosipakalepó. Téturaalu

ąta, take dą Keriso fake so whįtamo bóe dóló susupui ala eróo, Yesu Kerisopaae kisipa tiki tiratere alakélé doróo du betale whįtei, miómo Yesupaae kisipa tiki tiraaire fo wisi so whį feapaae yó maté kutu beterapó dere fo woseturaalu, Kótóné doi hale sóro horótu beterepó.

2

Mepaae aposel whįrapené Pol wisiyóló dape sale fo

¹ Ẽ ba fo 14-ró beteró kemetepa, Jerusalem be huluapaae momó horalepó. Até yale sukamó Banabas dąmo wusuró huturaalu, Taitus-kélé dapesóro dą fea horalepó.

² Ẽ atéro feleteita, ąalo kọleaané feni, Kótóné ąalo kisipa tiki tuapaae i ala ene fae depa felepó. Juda meire fake so whįpaae ąalo yó maté kutu betere mió wosetere kisi fo wisi etéro i ape yóló, yó melaai horalepó. Téyaletei, ai fo so whį feapaae yó meni, Keriso so whį betó mole tuąmó doi mole whįrapepaae maaté yó malepó. Atéro doi mole topo whįrapepaae yó melaiteita, ąale meipó. ąalo take ditu betale kutókéle, mió i ditu betere kutókéle, me bete muni nisiyóló, mepaae whįrapené eratere fo ąąsóro yalepó.

³ Ẽtamo betere whį Taitus ąta Juda meire fake whį betereiteiné ąpaae ąą tiki sekae tikae yóló seńipó.

⁴ Ti aita ąale meipó. Mepaae whįrape kapalatei, norape aąyóló dątamo bitu, Yesu Kerisoné yale alané dą teraayóló feleyóló betere ala kikiti kelaai walepó. Aita, dą wae sóro kutó diratere whį beteraai kisipa mutu, yalepó.

⁵ Até yaletei, atimané i ala yae yóló se du betere fo wosóló, téyaalopó dere fokélé inipó. Ti aita, noa ala yópóló kisipa mutu yalee? Mió kale wosetere kisi fo wisi diaaą wosóló ita, mo doa bete mole fopóló dią tuąmó muó tanópóló yalepó.

⁶ Jerusalem bemó doasi doi mulapó du betere whįrape-ó doi munire whįta, ąalo me ąla meipóló kisipa mualepó. Ti noa betené meipó. Kótóné ama dąné tó tikimó ere ala kolóló, ita doasi doi mole whįpóló doi mulatere ala dumipó. Ai whįrapené ąalo yó male fo wosetu mo dono dapóló, atimané me fo kae beleróló inipó.

⁷ Aténi, Juda so whįpaae mió wosetere kisi fo wisi Pitane sumó yó maté konérapóló Kótónétei ą sóro beteratepa, kale doasi doi mole whįrapené kolóló kisipa yalepó. Até yale kaaetóro, Juda meire fake so whįpaae yó maté kweyópóló, Talené ę sóro beteraleteikélé atimané kolóló kisipa yalepó.

⁸ Ti Pita Juda fake so whį tuąmó *aposel* whį bitu, Talené fo yó mótu betepa, ai ala tuąpaae Kótóné ama fotokọ bulalepó. Atétu yale kaae, Juda meire fake so tuąmó *aposel* whį bitu, ama fo yó mótu betepa Kótóné ę fotokọ bulalepó.

⁹ Jerusalem bemó betó mole so whįrapené Keriso alamó be belerapó du betere whįrape Jems, Pita, Jon-sépi atimané Kótóné ama ępaae melale hamokoróló ąale tao sale ala kilituraalu, Banabas dąmoné mo donoi ala dapóló kisipa mutu wisiyóló dape salepó. Atéro dąmo Juda meire fake so whį tuąpaae fóo, atima ti Juda fake so whį tuąpaae fóo, yaairaalu dą fea fo kęlaaróló, wisirapóló mo betą kisipatóro mualepó.

¹⁰ Atéro, dąmopaae i fo betą yalepó. “Di-aamo fo yó maté kuturaalu, ai be huluarapemó yoleale yóló betó mole so whį tao sere alakélé ąale yó tawae,” yalepó. Ti aita, ąalo keteke buóló mo taketi ąale yó tare alapó.

Pol-né Pita foné sale fo

¹¹ Téro Pita Antiok be huluapaae wóló betere sukamó, ama ąsókó fele ala ąalo ąpaae teraae faróló, ą foné salepó.

¹² Ti noa betené meipó. Mepaae Jems-né dotonatepa wale Juda whįrape waai teąpa, ą Juda meire fake whįrapetamo bitu, ąla nukua yalepó. Até yaletei, kale whįrape Antiok bepaae wale sukamó, Pita ą Juda meire faketamo ąla betąmó naletei taaróló, kae biń felepó. Até yaleiteita, kale tiki sekae tukóló siriro betere whįrapené keletómó Juda meire fake whįrapetamo ąla betąmó nukupa noa kisipa maaalorópóló wituraalu yalepó.

¹³ Pitane dą fea Keriso fake so whį mo betą alatóro erapó du bitutei, ama yale alané fake tekeyóló Juda fake kae aąróo Juda meire fake kae aąróo eralepó. Ai ąoko ala mepaae Juda fakenékélé sya felepó. Ai ąoko ala fakeyóló Banabas-nékélé yalepó.

¹⁴ Mió wosetu betere bete mole fo wisi mupatei, atimané dere ala kae depa kilitu, atima feané keletómó ąalo Pitapaae duraaalu, “Yąta Juda whįtei, Juda whįné dere alatóro ini, Juda meire fake whįné dere ala kaae du beterapó. Atéyaleiteimo, Juda meire fake so whįpaae dą Juda whįné mara mole ala sya fópóló noatepa seńu betere?”

¹⁵ Dąta dowi ala dere Juda meire fake whį bitini, mo Juda fake whįné mara mole ala tuąmó deyale whįrape bitu, i fo dąné mo kisiparapó.

¹⁶ Whį me dené kale yóló muló betere fo mo wisiyóló sya fóló erótu betepa, Kótóné ai whįpaae ąą mo donoi whįpó fo yaalo meipó. Téyaalo meitei, Yesu Kerisopaae kisipa tiki tiratere ala betą kilitu, Kótóné mo donoi whįpó fo enérapó. Atére betené Kótóné dąpaaekélé whį wisipó yópóló kisipa mutu,

Yesu Kerisopaae betā kisipa tiki tiró betere-apó. Kale yólo muló betere fopaae dané kisipa tirólo sya fumipó. Ti noatepaae, kale yólo muló betere fo sya fóló erótu betere whípaae Kótóné me alakélé muni, mo donoi ala dere whípó fo yaalo meipó.

¹⁷ Dā Keriso tuamó betereiteiné ama dapaae mo donoi so whípó yópóló wóputé fu betere tuamó dané du betere dowi ala hakearatepa, dané noa fo yaaloé? Kerisoné dowi ala wisirapa, deté fae fo enére? Mo meipó.

¹⁸ Kale tukóló muló betere fo aomó sukóló betere alané Kótóné keletómó, wisi ala dere whi beteraairetei mo diripa kisipa mutu, yalotei ai tū mo taaralepó. Até yaletei, yalo momómo duraalu, kale tukóló muló betere foné dā wisi ala dere whi beteraalopó depata, ti Kótóné tukóló muló betere fo yalotei tikitapóló hakearatapó.

¹⁹ Ti noatepaae, kale tukóló muló betere fo mo turó yalo kisipa yaleiteiné ē sukāle whi aoralepó. Atéreteiné, kale sukāle whi ai fo aomó momó kae netéró betaaloé? Meipó. Kótóné ama ala eróturaalu, ātamo mo ti beterópóló, kale tukóló muló betere foné ē dóló sukunalepó.

²⁰ Ēta, Yesu Kerisotamo filipaa ni tómó taketi sukóló i mole ape. Atéyaleiteiné ē momó kae bitini, Keriso ā ē tuamó beteraipó. Mió haemó i betere yalo mo tikita, ti ēpaae yaala sókó fóló, tao suraalu ama betere bete hāle melale whi Kótóné naalemapaae kisipa tiki tiró betereiteiné i betere ape.

²¹ Ti Kótóné ama hāle hamokoróló tao sere ala, yalo me bete munire ǵala aleróló, depaae mulanénipó. Ti noa betené i fo du meipó. Kale tukóló muló betere fonétamo dā mo donoi so whi beterólūasóró, ti Yesu Kerisoné ama betere bete besekéróló, ā hāle sukālepó fo uapó,”

3

Yesu Kerisopaae ó tukóló muló betere fopaae diaaǵ tué tiki tiró betereómóló kǵaae kelae

¹ Kalesia hae kwiamó betó mole kisipa okokoi so whi-ó! Mé whiné hosó foné diaaǵ kisipa tiki feteróló, diā mo ti okokoraleé? Yalo diāpaae kale fo wisi yó móturaalu, Yesu Keriso filipaa ni tómó oleralepóló yó male fo diaaǵ wosóló diāné kelené mo kilitu yale kaae, ai kisipare ape.

² Yalo diāpaae wosetere fo betā i ape. Kale Dēi Kepe Wisi saletei-a, tukóló muló betere fo sya fele tikimó salepé, mo fo wisi wosóló kisipa tiki tiraiteiné saleé?

³ Diāné kisipa tiki-a, noané mo ti okokoró betere? Kaae suta, ti kale Dēi Kepe Wisiné fotokratepa kaae saletei, kemene fole

kwiapaae sókó faairaalu, mo whiné bole fotokóné sókó fenérapóló kisipa mute?

⁴ Diā Yesu Kerisopaae tué tiki tirólo ama ala eró taremó sekēi ala wapatei, me ǵala meipóló hāle beletei fu betaiteimó saaire dupu hāle ǵala kaae taalaai kisipa mute? Ti ai doasi sekēi ala beletu betaitei bete munipa hāle yaleé?

⁵ Kótóné ama diā melale Dēi Kepe Wisiró kelemei ala eraiteitamo-a, kale yólo muló betere fo diaaǵ sya fele betemó melalepé, kale wosetere kisi fo wisi wosóló kisipa tiratere alamó melaleé?

⁶ Kale whi Abraham-paae erale ala mo wisiyóló kisipa muae. I fo aseýóló muló beteraipó.

“Kótóné āpaae yale fo mo eraalopóló kisipa tiki tirale ala kolóló, i whiāta me dowi ala ini, mo donoi whípó,” erapó.

⁷ Tērapa, mepaae so whi de Kótóné fo wosóló āpaae kisipa tiki tiratēpa, ti atétere so whi Abraham-né naale senaaletóro beteraipóló kisipa muae.

⁸ Juda meire fake so whiné Talepaae kisipa tiki tirateremó, Kótóné mo donoi so whípó yaairetei, taketi asemó erapó. Dané mió i wosetu betere fo wisitóró mo take Abraham-paae itéró ipakalepó.

“I hae kwia dokómó betó mole so whi fea yāpaae eraaitere alané wisiraalopó,” erapó.

⁹ Atére betené mepaae so whi de Talepaae kisipa tiki tiratēpa, ti kisipa tiki tiratere seké Abraham wisirótu yale kaae, atéro kisipa tirale so whikélé Kótóné wisirótu beteraipó.

¹⁰ Kótóné ama tukóló muló betere fo erótu betere alapaae kisipa tiki tiró bitinire so whi fea, ti Kótóné doratere ala aomó ai betere ape. Ti noatepa mei, Kótóné i fo aseýóló muló beteraipó.

“Mepaae so whi detamo Kótóné *buk*-mó tukóló muló betere fo mo fea sya fóló eró tanitepa, ti Kótóné atima mo doraaalopó,” erapó.

¹¹ Ti noatepaae, kale asemó yólo muló betere fo i ape.

“Kótóné keletómó mo donoi so whiāta, ti kisipa tiki tiratere alané betā bitiré fu betenérápóló,” fo erapó.

Kótóné tokóló muló betere fo eraté fu betaiteimó, mo betā whiāpaaekélé Talené mo donoi so whípó enéniretei mo hakearatepó.

¹² Ti Kótóné tukóló muló betere fo sya fóló erótu betere alata, ti kisipa tiki tiratere tuamó kaatumipó. Tétumitei, kale asemó i ere fo kisipa muae.

“Mepaae whiātamo tukóló muló betere fo sya fóló erótu betēpa, ti ama ai du betere ala tuamótóro ā beterate faalopó,” erapó.

¹³ Kale tukóló muló betere foné doratere ala dapaae eraqsóró, Keriso ā filipaa ni

tómó sukuturaaalu, dā tao sóró dupuralepó. Atéturaaalu, doratere ala mo turó ʔapaa eralepó. Ti noatēpae, ašémó i fo erapó.

“Mēpaae wh̄i de ni tó mó oloratēpa, ti ai wh̄i Talené mo ti mokoróloró doró betērapó,” erapó.

¹⁴ Abraham-paae eraalopóloró mulale fo mo dokonóturaaalu, eratere wisi ala Juda meire fake so wh̄inékélé sópóloró kisipa mutu, Yesu Kerisoné ama dā tao sóró dupuró betērapó. Atéreteita, dāné ʔapaae kisipa tiki tiratēpa, ama melaalopóloró mulale Dēi Kepe Wisi sópóloró erapó.

Kótóné folosóroró i ala eraalopó ere fo melóloró, nalo ti tukóloró muló betere fo male ala

¹⁵ Norape-ó, ʔalo diʔapaae i du betere fo bete diriyóloró kisipa yaaséporó, dāné suka fea du betere alapaae dó faróloró i dapa wosae. Mo wh̄iné dirii fo dokóloró muló betēpa, nalo me wh̄iné ai fo tokóloró aluratere ala ó me kae fotamo olokeratere ala mo enénipó. ʔalo diʔapaae i yaai dere fokélé atēre kaaetórorótipó.

¹⁶ Kótóné Abraham-ró ama deyaaire naaletamopaae i ala mo eraalopóloró ašémó yóloró muló betērapó. Kótóné ama buk-mó, “Naao deté faaire naalerapepó,” fo inipó. Ai fo uʔasóroró ti wh̄irape feapaae erapó fo uʔapó. Ai fo ini, “Naao deyaaire naalené deté faaire naalepó,” ere fota, mo betā wh̄imó kisipa mutu erapó. Ai wh̄iʔa, Yesu Keriso ʔtórótipó.

¹⁷ ʔalo du betere foné bete i ape. Abraham-paae mo eraalopóloró dirii fo dokóloró muló betēpa, 430 ba fo kemeyalepó. Atéʔyale k̄lipaae kale tukóloró muló betere fo sókó walepó. Nalo ai sókó wale foné Kótóné folosóroró yale dirii fo tokóloró alurótimipó. Ai fotamo aluratēpa, ti ai fo tuʔamó so wh̄ipaae eraalopó ere wisi alakélé aluranérápó.

¹⁸ I dere fota noa betené dumipó. Kótóné nalopaae eraalopó yóloró muló betere wisi ala kale tukóloró mulale fo tuʔamó sókó wuʔasóroró, ti Kótóné ama eraalopó yale fo tuʔamó sókó wuʔameipó. Até yaletēi, Kótóné Abraham-paae eraalopóloró ere fo mo dokonóturaaalu, hamokoróloró h̄ale melalepó.

¹⁹ Térēpa, kale tukóloró muló betere fo-a, noa betené melalé? Ai fota, so wh̄iné du betale dowi alamó kale folosóroró yale dirii fotamo touró betērapó. Ai alata, mo ti eréni, Abraham-paae eraalopó ere fo dokonóloró ama deté waaire naale wópóloró kaae taru erapó. Ai tukóloró muló betere fota, so wh̄i feané kisipa yópóloró enšel-rapené Kótóroró so wh̄iʔamoné tuʔ wh̄ipaae melalepó.

²⁰ Fake tamoné tuʔ wh̄iné betā fake maaté tao su me fakemo taalatimipó. Tépatēi Kótó ʔata, mo betāʔtóróti betērapó.

²¹ Kale tukóloró muló betere foné Kótóné i ala mo eraalopó yóloró muló betere fotamo bóe dóloró sesétu betere? Mei, ai ala mo

dumipó. Kale tukóloró muló betere fonétamo mo ti betaaire bete melóluʔasóroró, ai foné me dowi ala munire so wh̄i betēróluʔapó.

²² Téuʔatēi, Kótóné buk-mó aseʔyóloró muló betere foné i fo erapó. I haemó betóloró fale so wh̄i mo fea dowi alané dokóloró, *dipula* bemó kaae betēroró betērepó. Aita, h̄ale mei, Kótóné ama so wh̄ipaae eraalopó yale ala mo dokonóturaaalu, Yesu Kerisopaae kisipa tiró betere so wh̄ipaae melóporóloró erapó.

²³ Kisipa tiki tiratere ala h̄akearóloró sókó waaipa, kale tukóloró muló betere foné dā *dipula* kaae sóró betēroró betērepó.

²⁴ Betā wh̄i me tikipaae fimó ama naale senaaire mo wh̄iné kapala kaae tatu dere kaae, Kótóné kale tukóloró muló betere foné ama so wh̄i dā Yesu Keriso betērepaae ʔlisóroró fópóloró, kapala asiri kaae tawae yóloró sóró betēralepó. Ti aita h̄ale meitei, dāné Yesu Kerisopaae kisipa tiróloró betēpa, Kótóné dā mo donoi so wh̄i betēróporóloró yalepó.

²⁵ Mióta, kale kisipa tiki tiratere ala sókó wóloró, take kale tukóloró muló betere foné dā tēteróloró kaae taretei, momó kae kaae tani, mo kemeró betērapó.

Kótóné naale senaaletóroró betērapóloró ere fo

²⁶ Diʔ fea Yesu Kerisopaae kisipa tiki tiró betēreteiné Kótóné ama mo naale senaaletóroró ai betere ape.

²⁷ Ti noa betené mei, so wh̄i wēi kemó buó ditu dere kaae, diʔ fea Yesu Keriso tuʔamó wēi tópuró betērapó. Atēreteiné kuti derótu dere kaae, Yesu Keriso diaaʔ ai deró betere ape.

²⁸ Atéru, Juda fake ó Juda meire fake, wae sóró kutó diratere so wh̄i ó diʔ mo h̄ale betere so wh̄i ó diʔ fea fake teketu betēretei me ʔla meipó. Mió diʔ fea Yesu Keriso tuʔamó bitu, mo betā alatóroró erapó.

²⁹ Diʔ Yesu Kerisoné ama so wh̄iʔamo betēpa, ti diʔ Abraham-né deale naale senaaletóroró betēreteiné Kótóné Abraham-paae eraalopó yóloró mulélipakale fo motóroró dokonóturaaalu, eraaire wisi ala diʔapaaekélé eraalopó.

4

¹ ʔalo i du betere fo bete mo wh̄iné dere alapaae dó faróloró dapa wosae. Betā néli wh̄iné naalema alimané teraae fele mómu ʔla ʔla fea muó mupatei, kale naale ʔ ketēpa, ʔ kaae tare wh̄irape aʔmó bitu, ama kutó diratere wh̄i s̄u betērapó.

² Kale naale alimané teraae fele ʔla ʔla amatei tēteróloró kaae tawópóloró tukóloró mulale be dē sókó waaipa, ti alimané sóró betērale wh̄irapené kale ʔla ʔla fea kaae tawaalopó. Mēpaae wh̄iné kale naalekélé kaae tapa, ʔ ai wh̄i aʔmó bitiré fu betaalopó.

³ Take dā atéro ketei naale senaale kaae betale alimó, i haemó ayarapené yó maté wale mara mole alané dā tēteróló kaae taru, wae sóró kutó diratere whī beteraté wou betalepó.

⁴⁻⁵ Tēyaletei, Talené ama tukóló muló betere be dē sókó wapa, ama naale i haemó betere soné deyópóló dotēyalepó. Ai naale ā kale tukóló muló betere fo aqomó betere so whī dupuraairaalū, ā ai fo aqomó sukóló betalepó. Atēyale alata, dā Kótóné ama naalerapetóro bitu, ama wisi wisi ǵla sópóló kisipa mutu erapó.

⁶ Ti noa betené meipó. Diā fea Kótóné naale senaaletóro betepa, ama naalema Yesu betale sirimó beteraaire Dēi Kepe Wisi dāné hosaa tuamó beteropóló dotēyalepó. Ai Dēi Kepe Wisi dā tuamó betereiteiné dāné kǵlómó Alima Kótópaae “Apa, Aya-ó” du beteraipó.

⁷ Atēreteiné, mió diā wae sóró kutó diratere whī momó kae bitini, mo ama naale senaaletóro betereiteiné Kótóné Yesupaae eratere wisi wisi ala, diāpaaekélé eraalo ai ape.

Pol-né Kalasia so whīmó kisipa mutu yale fo

⁸ Kótóné ama aleyóló muló betere ǵla ǵlatei Kótópóló aqomó sukóló betepa, ai ǵlarapené diā wae sóró kutó diratere so whī betalepó. Atétu betale alata kapala kótó ai ape.

⁹ Taketa atēyaletei, mió diā mo Kótó tuérápó. Tépatei, Kótóné ama diā mo tuérápó. Atérapa, diā ai bete munire hǵko alarape aqomó betaai momó fesaae fute? Diā atimané wae sóró kutó diratere so whī momó betaai de?

¹⁰ Ti ǵalo i dere fota hǵle dumipó. Di-aaǵtei mepaae be dē mo doasi bete mulapóló, be dērapekélé, wéliérapekélé, alirapekélé, ba forapekélé, kae tukóló mulótua dapó.

¹¹ Ǵalo diā tao saai dapóló doasi keteǵ buóló du betale ala bete munire nisi erótu betepa, ǵalo diāmó kisipa mutu, ē mo doasi whaaliatu beteraipó.

¹² Norape-ó, i dere fo wisiyóló wosae. Take diāné du betere ala ǵalo sǵróló du betepa, diāné ēpaae me seǵei ala erénipó. Atēyalepa, mió diāmó ǵalo du betere ala sǵróló du betae.

¹³ Ē me tikipaae faai yaletei hepo daayóló bitu, folosóró sukamó kale mió wosetere fo wisi ǵalo diāpaae yó maletei diāné ai kisipare ape.

¹⁴ Ē tikimó daayale heponé diāpaae seǵei ala eraletei, diāné ē dei kelené kólóló faletere fokélé inipó. Ai ala ini, diāné ē Kótóné ensel aǵróló mo wisiyóló dape

salepó. Ó kale Yesu Keriso ā wisiyóló dapesu dere kaae, ē mo wisiyóló dape salepó.

¹⁵ Diaaǵ take du betale doasi hēǵesei ala mió netēyaleé? Diāné ēpaae doasi kǵletere ala mulu, kele sokóló me whī matere ǵla uasóró, ǵalo kele kisi daaleiteiné diāné kele sokóló ē bulóluǵapó. Mepaae whīné wosetepa, ti diāné ēpaae erale ala fea ǵalo enérápó.

¹⁶ Mió ǵalo diāpaae mo bete mole fo yó matereteiné ē diāné bóe whī aǵrótu betere?

¹⁷ Ai whīrapenéta, diā atimatamo touróló beteraai dapóló, doasi keteǵ buóló atima mara mole alarape yae yóló sētu beteraipó. Tépatei, atimané diāpaae ai eraai du betere alata, mo wisinipó. Ti aita, diā dātamó betamó betereitei tekeróló, atimané dere ala sya wópóló, du beteraipó.

¹⁸ Mepaae wisi ala yaai, kisipa mutu butere keteǵeta, ti doni mo wisirapó. Diā ētamó betere sukamó maaté wisi ala eraai keteǵ buni, ē alupa diāsisu bitukélé keteǵ buóló, ai alatóro yó tapa, mo wisirapó.

¹⁹ Ǵalo hosaa mole naale senaale-ó, Yesu Keriso diaaǵ betere bete tuamó sóró beteranée yóló mutere kisipané ǵalo hosaa betemó dere suputa, sorape naale sisó nukuraalu dere dele kaae momómó dapó.

²⁰ Diaaǵ du betere ala ǵalo wosaletéiné ē seǵei kisipa muóló fomo duraalu, diā neyóló tao saaloé du beteraipó. Tēreteiné ǵalo i dere hapólui fo taaróló, ē diātamó betamó bitu, naameiné dua uǵpóló, kisipa mutapó.

Hekaró Seratamopaae dó faróló dere fo

²¹ Kale tukóló muló betere fo aqomó betaai kisipa mutu betere whīrape-ó, ai fo tuamó mole fo diā wisiyóló kisipanié?

²² Ti noatepae, i fo aseýóló muló beteraipó. Abraham-né ama naale tamo deipakalepó. Me naale ti ama kutó dirópóló wae sale soné deyóo, me naale ti ama mo soné deyóo, ipakalepó.

²³ Kale kutó diratere soné naaleta, ti mo sorapené naale detere kaae yólótóro dealepó. Tēyaletei, ama mo soné naaleta, ti mo eraalopó yóló muló betere fo dokonóturaalu deipakalepó.

²⁴ I fota take mo yale alatei, mió ǵalo fo sale fopaae dó faróló i dapa wosae. Ai so tamota, kale dokóló mulale dirii fo tamo sǵ sóró dapó. Me dokóló muló betere dirii fo, ti Sainai hasi fosómó kaaróló sókó walapó. Ai dirii fo so kaae bitu, wae sóró kutó diratere naale senaale ditu beteraipó. Ai sǵratere sota, Hekar-pó.

²⁵ Hekar-ta, ti Arabia hae kwiamó daale Sainai hasipaae dó falatapó. Mió tēne be hulua Jerusalem-ta, ti kale Sainai hasi fosó kaae bitu, ama naale senaale tamo wae sóró kutó diratere so whítóro beteraipó.

²⁶ Tépatēi, me kae taoró tēne Jerusalem be huluata, wae sóró kutó diratere so whī kaae mei, mo be huluapó. Aita, dā deale so dānē haetórótípó.

²⁷ Ti noatepae, i fo aseýóló muló betērapó. “Naale senaale deni, ni daale so-ó, fo fakeýóló hēkesei fo du betae.

Naale sisó nēlitere so hajné sukutu be-tae.

Ti noatepa meipó. Ni daapa sisópaae eró betere soné deale naale mo dekéro betóo, whītamo betere soné detere naale senaale mo teraae fōo erapó,”

²⁸ Norape-ó, diāta, kale Aisak detu yale kaae, ama eraalopó yóló mulale fo mo dokonóturaalu deyale naale senaale ai betere ape.

²⁹ Até yale sukamó mo whīné detere kaae yóló deyale naalené Deī Kepe Wisiné fotokōné deyale naalepaae susupui ala eralepó. Até yale kaae, miókélé betā alatóró du betērapó.

³⁰ Térétei, Kótóné buk-mó noa fo aseýóló muló betere?

“Kale wae sóró kutó diratere soró ama naaletamo hōkó falae,” fo erapó.

Ti noatepae,

“Kale kutó diratere soné naaleró mo soné naaletamo alimané ǫla ǫla tuamó bukuraqsóropa, hōkó falae,” fo aseýóló muló betērapó.

³¹ Atérapa, norape-ó, dāta kale wae sóró kutó diratere soné deale naale senaale kaae bitini, mo soné deale naale senaaletóró ai betere ape.

5

Keriso tuamó me alané dokoni, feléýóló betere ala

¹ Dā mené wae sóró kutó diratere whī kaae, dokóló muló betēpa, Yesu Kerisoné teraayóló hāle beteraleteita, ama kisipa mole ala erópóló erapó. Térapa, mēpaae whīrapenē diā wae sóró kutó diratere whī beteraitepa, ai ala tuāpaae momó kae bitī feni, fotokǫ buóló diri yóló betae.

² Ǽta Pol-né dapa, yaǫ i dere fo diāné mo wisiyóló wosae! Mēpaae whīné diāpaae tiki sekaē tikae yóló setere fo diaaǫ wosólótamo tikitepa, ti Yesu Kerisoné diā tao saaire wisi ala diaaǫ ai tikitere ape.

³ Kale yale fo momó i dere ape. Whī me dené ama tiki sekaē tukópóló kisipa mutēpa, ti mēpaae tukóló muló betere forape fea mo turó sya fóló enérápó. Mēpaae ala maaté eróturaalu, mēpaae alamo erénitepa, ti tū muni, ai mo dorapó.

⁴ Diā mēpaae whīné kale tukóló muló betere fo sya fu betēpa, Kótóné me dowi ala munire so whīpó yópóló kisipa mutēpa, ti Yesu Kerisotamo tekeyóló ai betere ape.

Atéturaalu, Kótóné ama hamokoróló hāle tao sere ala wisikélé diaaǫ ai taaló betere ape.

⁵ Tépatēi dāta, kale Deī Kepe Wisiné fotokoratepa, kisipa tiki tiratē fu betereiteinē take nalopaae Kótóné mo donoi so whīpó yópóló kisipa mutu, hēkesetamo i betere ape.

⁶ Ti noatepae, Yesu Keriso tuamó bitu, tiki sekaē tukóló siriratere ala ó siri erénitere ala me bete munipó. Kótópaae kisipa tiki tiratere ala dā tuamó moletei hākearóturaalu, mēpaae no nerapepaae yaala sókó fole ala betā mo doasi bete mole ala ai ape.

⁷ Diā me ǫla saai sururu yóló fóló, dāle muló betere tikimó sókó faai yaletēi némo sesé yaleé? Atéro sesétu betere alata, mo bete mole fo diāné wosóló sya faqsóró, ai du betere ape.

⁸ Ti diāpaae ai dotopoi fo du betere fota, diā ā beterepaae ape yale sekē meipó.

⁹ Wuliné apita, sawa ǫlatei fulukó furaalu, mo wuli tiki dorótu dere kaae, ai whīrapenē diāpaae yó matere foné ai du betere ape.

¹⁰ Diā me kae fo woseni, yaǫ i dere fo betā wosóló sya faalopóló ē Tale tuamó bitu kisipa tiratapó. Mēpaae whī de doasi doi mole whī ó doi munire whīné diaaǫ tué tiki kǫló kǫlóratepa, atétere whī doasi dowi kwia saalo ai ape.

¹¹ Norape-ó, yaǫtamo tiki sekaē tikae fo depa, ti atimané ēpaae susupui ala noatepa hāle erótu betere? Yaǫ atei kaae fo yó meluāqsóró, Yesu ni tómó sukālepóló yó matere fo wosetere hóróló sisópaae eratere ala uāmeipó.

¹² Diā kópaae falaai du betere whīrapeta, atimané tiki sekaē tukóló siriratere ala maaté ini, mo turó tukóló taae fatepa ti mo wisirapó.

¹³ Yaǫlo no nerape-ó, me ǫlané diā dokóló muló betaqsóró, teraae fóló hāle betērópóló, Kótóné ā beterepaae ape yalepó. Atéro teraayóló hāle betéro betērapa, diaaǫ tó tikiné ekēlere dowi ala yaaire tē mēlaǫse. Atēni, diā tuamó yaala sókó fole ala duraalu, u taosu i taosu dere ala betā yó tawae.

¹⁴ Kale tukóló muló betere forape mo fea i doasi fo tuamó bulapó. Ai fota i ape.

“Naaotei ya yaala sókó fu dere kaae, naao be whī no nepaaekélé atéro yaala sókó fu betae,” erapó.

¹⁵ Ai ala ini, yuwitamó hōle suraalu u tukósu i tukósu dere kaae depata, ti atétere alané diaaǫtei diā dóló kemeraqsóró, mo hotowa yóló kaae tawae.

Deī Kepe Wisiné fotokoró betēpa dā betērapó ere fo

¹⁶ Térapa, yaǫlo i dere fo wosae. Kale Deī Kepe Wisiné yae dere ala sya fóló erótu

betæe. Atétepa, ti diané tó tikiné ekële yóló yaai du betere dowi ala mo yaalomeipó.

¹⁷ Ti noatepæe, ðané tó tikiné ekële yóló du betere alané kale Ðei Kepe Wisiné eraai dere alatamo bóe du beteraþó. Kale Ðei Kepe Wisinékéle ama ala eraairaalu tó tikiné eraaire alatamo bóe du beteraþó. Ai ala tamo atimaamotei bóe ðupa, ti diané tó tikiné ekële yóló yaaitere ala mo enénipó.

¹⁸ Téþatei, Ðei Kepe Wisiné ama erae dere alatamo naao sya fóló du betepa, ti kale tukóló muló betere foné teteróló kaae tare aqmó yá betenipó.

¹⁹⁻²¹ Tó tikiné ekële yóló du betere alarape so whj feané kisiparetei dosþatapa wosæe. Nópu nokole alakélé, me dowi alatamo hoseké dere alakélé, enénire mo sonaalei dowi alakélé, kapala kótó ó mepæae alarapepæae kisipa tirótu betere alakélé, isi whjné du betere alakélé, mepæae so whjtamo dei kisipa mutu, hamoma hþratere alakélé, hþle sere alakélé, me whjné dere ala kilitu, ekélé até enée yóló dei kisipa mutere alakélé, mo dowi fopæae butere alakélé, doasi doi mole so whjþó yóþóló du betere alakélé, mo turó so whj betepatei mepæae tóróti so whj fake tekeyóló betere alakélé, fake tuþmó teketerere alakélé, mepæae whjné dere wisi ala kilitu, ekélé até uþóló dei kisipa mutere alakélé, dowi wej nóló topo dotere alakélé, so whj fea touróló bitu dowi wej nóló du betere dowi alakélé, ai dosþayale alarapekéle, mepæae dosþani yale dowi alarapekéle, tó tikiné ekële yóló du betere ala ai ape. Ðiá dowi tuþæe faþsóró, yalo ðiþpæe take yale ma fo kaae momó i dapa wosæe. I dosþayale dowi ala du betere so whj Kótóné teteróló betere ala tuþmó beterenipó.

²²⁻²³ Téþatei, niné du wisi oletu dere kaae, Ðei Kepe Wisi so whj tuþmó bitu, i alarape erótu betepa kelaalo ai ape. Ne nopæe yaala sókó fole alakélé, hosaa tuþmó hajtu betere alakélé, hosaa muni deyóló mo dua betere alakélé, mené sekþi ala erateþatei me ¼la meipóló, Kótóné ama kisipa mole ala eróþóló, kaae tawóló dua betere alakélé, wisi kisipa muóló kþlené sukutere alakélé, mepæae so whjþæe wisi ala eratereteikélé, mepæae whjné ama eraalopó dere ala þasókó feni, motóró eratereteikélé, naameyóló mo dua betere alakélé, whjné tó tikiné enée dere ala yaþsóró amatei þ teteróló kaae tareteikélé, i dosþayale alarape mo betþkókéle Kótóné ama tukóló muló betere foné yaþse yóló fo muló bi-tinipó.

²⁴ Yesu Kerisoné ama dape sóró beteró betere so whjné tó tikimó bole ekþleró kisipanétei senée dere alatamo aluróþóló, þtamo filipaa ni tó mó oleró beteraþó.

²⁵ Ða betere beteta, kale Ðei Kepe Wisitóró ai ape. Térapa, þtamo betamó titiyóló furaalu, ama dere ala sya fóló yaalopa siépe.

²⁶ Ðanétei ¼ta, doasi doi mole whjþóló bopé fake dere alakélé, me whj dowi kisipa muóþóló sesemeratere alakélé, mepæae whjné mole wisi wisi ¼la kilituraalu, ekélé ai ala enée yóló, u só derótu i só derótu dere alakélé, i dosþayale alarape fea ðané yaþse yóló i dere ape.

6

Dowi ala dere whj tu wisipæe fóþóló tao sae ere fo

¹ No nerape-ó, mepæae whjné du betere dowi ala diané kelené keletepa, Ðei Kepe Wisiné yae dere ala sya fu betere so whjné ai whjné ama dere dowi ala taaróló, wisi ala momó mo yóþóló dua naamei ma fo yae. Tétutei, ai alané ðiakélé ðee nalaaairaalu su sere ala eraþsóró, hotowa yóló kaae tawæe.

² Yesu Kerisoné yae yóló muló betere fo eróturaalu, ðiá tuþpæe wou betere sekþi ala ðiasisi u taosu i taosu du betæe.

³ Me whj þ me bete munipatei, ama kisipané þ doasi doi mole whjþó du betepa, ti þ amatei dilikitu beteraþó.

⁴ No nerape-ó, ðané ai du betere alata wisi ala ðépé, dowi ala ðeró ðiaaþtei kþæe kolóló taleyæe. Mepæae whjrapené du betere ala kolósu naao dere ala kolósu yóló kþæe kelaþse. Aténi, naao ditere kutó betþ kþæe kolóló wisirapóló kisipa mutupa, ti yá þkeseturaalu hajyóló beteneraþó.

⁵ Ti noatepæe, Talené ða betþ betþ so whjné diyóþóló tukóló muló betere kutó ðekani, ai kutó amatóró ðité fu beteróþóló yae.

⁶ Mepæae Talené fo yó matere whjné yó matere fo wosetu betere so whjné wisi wisi ¼la, mepæae bukóló kale fo yó matere whj amó tao sóró matepa mo wisirapó.

⁷ Mené ðiá dilikitere ala yaþsóró yae. Mo betþnékéle Kótó faletere ala mo enénipó. Ti noatepæe, mepæae whjné noa ¼la wæe bilitepa, ti ama ai bilitere ¼latóró ¼lumétepa sua ðapó.

⁸ Mepæae whjné tó tikiné felé yaaitere ala sya foletéine ¼la wæe kaae bilipa, ti tó tikimó kaaróló mo ti doróló aluyaaitere ala saalo ai ape. Mepæae whjné Ðei Kepe Wisiné ama du betere ala wisi kolóþóló erótu betepa, ti Ðei Kepe wisiné ai whjmó mo ti betó tawaaire bete melaalopó.

⁹ Ðané du betere wisi ala hýyóló taaréni, hþle ðetétóró fu betæe. Ti noatepæe, ðané du betere alatamo hþle yó tapa, ti ¼la ¼lumétere alimó ¼la wisi su dere kaae yaalopó.

¹⁰ Térapa, so whj mo feapæe ðané wisi ala erótu tao saaire tu mupa, ti tao saalopa

siépe. Téturaalu, Talepaae kisipa tiki tiróló betere so wh̄ita, ti d̄ané ne no mo bet̄a faketéró betereiné atima wisiyóló tao senérápó.

Tiki sek̄e tikitere alata doasi bete muni, Keriso suk̄le ala bet̄a ti doasi alapó

¹¹ Dīapaae i alateré aš̄eta, yālo naasenétei mo doasi yóló ai erapa kelae.

¹² Tó tikimó ere ala kilitu, wh̄i wisipóló dukirateré fo wosaai ek̄ele du betere wh̄irapené dīapaae tiki sek̄e tikae yóló dotopo du betérápó. Ti ai du betere alata, h̄ale mei, Yesu Keriso filipaaró betere ni tómó suk̄lepóló yó mótu betereimó, atima susupui ala eraš̄oró kisipa mutu ai du betere ape.

¹³ Ai kale tiki sek̄e tikire wh̄irape atima Kótóné tukóló muló betere fo feamo betere dok̄o sya fóló erótumipó. Téretei, atima ere kaae, dīakélé tikimó siriratepa, atimané dere fo bet̄a wosetapóló, atima bopé fake yaai kisipa mutu š̄etu betérápó.

¹⁴ Yālo dere alamó ̄ bopé fakéturaalu, yālotei yālo doi hale sóró horateré ala yaalomeipó. Aténi, d̄a t̄eteróló kaae tare wh̄i Yesu Keriso oleró betere filipaa ni bet̄a kisipa muóló, ita mo doasi bete mole alapóló bopé fake yaalopó. Ti i haemó yó mole ̄la ̄la fea ni tómó oleróo, yālo ai ̄la ̄larape saai ek̄ele yaš̄oró ̄kélé ai ni tómó oleróo yalepó.

¹⁵ Tiki sek̄e tikitere ala, ó tikinire alata, me bete munipó. Mo bete mole alata, ti Kótóné ama kae kisi kaaró betere ala bet̄a mo bete mulapó.

¹⁶ Ai ala wisi sya fu betere so wh̄i feapaae Kótóné hosaa muni deóló mo dua betere alaró k̄olené suk̄óló tao sere alatamo erópóló yae. Atére so wh̄ita, Kótóné ama naale senaale Israel fake ai ape.

¹⁷ Yālo mo kemerótu dere fo i ape. Yesuné ama ala erateremó erale sirirape bet̄a yālo tikimó mulapa, mepaae wh̄iné ̄ eróturaalu, dere kae kae sek̄e ala mo š̄upa taalae.

¹⁸ No nerape-ó, d̄a t̄eteróló kaae tare wh̄i Yesu Kerisoné hamokoróló h̄ale tao sere ala dīané kepe bete tūapaae erópóló yae. Mo kée. Téryópóló yae!

Efesus

¹ Ɛta, Kótóné ama kisipa mole ala sya furaalu, Yesu Kerisoné fo erale fae yóló doteyale whi *aposel* Pol-né dapó. Yálo i dere ašeta, diá Efesus be huluamó Talené kae sóró betero betere so whi Yesu Keriso tuamó bitu, ama ala eró tare so whipaae dapó.

² Dáné Aya Kótóró dā teteróló kaae tare whi Yesu Kerisotamoné hāle hamokoróló tao sere alaró hosaa muni deyóló mo dua betere alatamo diā tuāpaae erópóló yae.

Keriso tuamó betepa Deji Kepe Wisiné hāle mótu betere ala

³ Dā teteróló kaae tare whi Yesu Kerisoné Alima Kótóné dā hepen bemó naalema tuamó betepa kilitu, ama hepen be tuamó muó mole wisi wisi ala dáné kepe bete tuāpaae eró betepapó. Atérapa, Kótóné ama doi betā hale sóró horótu betae.

⁴ Ti noatepae, i haeró yó mole qlatamo aleyaai teópatei, dā ama keletómó me dowi alakélé ini, mo kae so whi betero pópoló, dā ama so whipóló sókó sóró Yesu Keriso tuamó beteralépó.

⁵ Atéreteita hāle meipó. Dā betaipatei dāpaae yaala sókó furaalu, ama kisi-pané yaaire ala hāsókó feni, motóró dokonóturaalu, Yesu Kerisoné yale alanétei, dā Kótóné ama naale senaaletóró aleróló beteraaire ala ama taketitei tukóló munlípakalépó.

⁶ Dā atéro ama yaala sókó fale naale tuamó betepa, ama mo kae ere dē fāane hamokoróló tao sere ala dāpaae hāle meló betereiteiné, ama doi betā hale sóró horótu betae.

⁷⁻⁸ Dā ą tuamó betepa, Kótóné ama hāle hamokoróló tao sere ala mo ti fāaneteiné, dáné yale dowi alamó melaai yale kwia ama tokóló aluróturaalu, ama fākené dā dupuróló beteralépó. Ai ala tímó tué tiki fosó fosóre alaró fo bete diriyóló tué dere alatamo mo turó melalépó.

⁹ Atéro, ama eraai kisipa mole ala kinóló moletei, dáné kolóló tué yópóló hākeamó yó melalépó. Ai yó melale alarape mené āpaae yae yóló šeni, mo ama kisipa mole alatóró naalema Yesu Kerisoné erópóló yalépó.

¹⁰ Ai alarape teó erótu bitutei, ama eraaire ala fea eraté fóló kemerale furaalu, ama tukóló mulale sukamótóró ó hepen bemó betó mole so whiró i haemó betó mole so whitamo fea betāpaae touróló, betā topo whinétóró teteróló kaae tapa, ą aqmó betero pópoló eraalópó. Ai sekéta, ti Yesu Kerisotórótípó.

¹¹ Dā ą tuamó betepa, ama sókó sóró kae betero betereiteita, hāle meipó. Mo taketi fea ala ama mo eraalópó yóló mulaletei

motóró dokonóturaalu, dā mo ama naale senaaletóró beteraai tukóló mulalépó.

¹² Atéyaleiteita hāle mei, Yesu Kerisoné dāpaae wisi ala eraalópóló, folosóró āpaae kisipa tiró betere so whi dā mepaae so whiné kilitu, Kótóné ama kae ere dē wisi-naale erapa kelae, yóló ą dukirópóló erótu betepapó.

¹³ Diā aluyaqsóró tao saaire mo bete mole fo wisi wosetepa, Kótóné diākéle dātamo touróló Yesu Keriso tuamó beteralépó. Ti āpaae kisipa tiki tiratepa ama so whipóló, diaā tikimó mo dirii siri mulóturaalu, ama melaalópóló tukóló mulale Deji Kepe Wisi mo melalépó.

¹⁴ Ai Deji Kepe Wisi melaleiteita, take Kótóné dāpaae wisi ala mo eraalópóló kisipa muópóló melalépó. Kótóné ama dupuyale so whi mo wisiyóló betaaire tikipaae dapesó faai hāle betepa, kale Deji Kepe Wisi dātamo hāle betótóró tawaalópó. Tépa, so whiné ai ere ala fea kilitu, ita Kótóné mo kae ere dē wisinaale erapóló, ama doi doasi mulaalópó.

Pol-né Talepaae mo kée yóló moma yale ala

¹⁵ Atére betené diā Yesu Kerisopaae kisipa tiki tiró bitu, Kótóné ama kae betero betere so whipaae yaala sókó furaalu, wisi ala erótu betepapó depa yālo wosalépó.

¹⁶ Atéyale sukamó kaae sóró, Talepaae mo kée yóló, yālo diāmó momaráté wou betere ala kisipa keteréni, miókélé hāle yó tarapó.

¹⁷ Yālo diāmó momarótu betere ala i ape. Dā teteróló kaae tare whi Yesu Kerisoné alimata, mo kae ere dē fāane Kótó betepapó. Atére Kótóné diaāq kepe tuāpaae fosó fosói ala eró, kinó betere ala hākearó, yópóló momatu betepapó. Aita hāle mei, ą etei kaae Talepóló diāné kisipa deté fópóló dapó.

¹⁸⁻¹⁹ Yālo momarótu betere ala me i ape. Kótóné ama ere dē diaāq hosaa tuamó daale kelené kolópóló dapó. Take diāpaae eraalopa ape yóló bope yale ala wisi diaāq kelené diriyóló kolóló tué yó, take ama dē tuamó betaai dape saalópóló kisipa mutu, kae betero betere so whiā, Kótóné ama ke bole ąla wisipóló tué yó, dā āpaae tué tiki tiró betere so whi tao sóró eratero mo kae bole fotokókélé kisipa yó, yópóló momarótu betepapó.

²⁰ Ti ai fotokqta, Yesu Keriso mo ti sukaletéi Kótóné ama momó kepaaróló beteraale doasi fotokq kaae ai ape. ą atéro kepaaróló, hepen be ere tikimó ama turu naase demó beteralépó.

²¹ ą beteraale tikita, teteróló kaae tare alakélé, ama teteróló kaae tare tuamó me whipaae teteróló kaae tawae yóló, sóró beteraale alakélé, doasi fotokq bole alakélé, doasi hae kwia teteróló kaae tare

alakélé, mió i alimókélé, take betaaire alimókélé, doasi doi matere alarape fea Yesu Kerisoné ama doi mole alané teterólo mo ti teraae falapó.

²² Fea ala feata, Kótóné Yesu Kerisoné teterólo kaae tare aqmo beteropólo eró, ama so whjro atima tao sóro eratere alatamo fea amatóro teterólo kaae tanópólo topo whj sóro beteroo yalepó.

²³ Ai so whjta, mo ama tikitóro daaleiteiné fea ala du betere tuapaaekélé, kae kae ere ala tuapaaekélé, ama tikimó ere alatóro faayólo suró beteropó.

2

Dá Yesu Kerisotamo kepaarólo betemale fo

¹ Ti take Kótóné yólo muló betere fo diaa q tukólo du betale dowi ala tuamó sukólo molepó.

² Take diata, i haemó mole kae kae du betere ala sya fóló yó, tó sa tuamó tē mole tiki teterólo kaae tare kepené dere ala sya fóo du betalepó. Ai kepeta, miókélé Kótóné fo tikitu betere so whj tuamó bitu, ama kisipa mole alatóro erópólo du beteropó.

³ Take dakélé fea ai ala du betere so whjta mo bitu, tó tikiné ekeleyólo dowi ala yó tarepó. Atéturaalu, tó tikiné yaai hēkesetere alaró mo hae whjné mole tuétamo maaté sya fu betalepó. Atétu, so whj mo whjné detu dere kaae, dakélé atéreteiné Kótó a fopaae butu melaaire kwia senére so whj beterepó.

⁴⁻⁵ Dāné yale dowi alané dá sukólo mupatei, Kótó a tuamó koléné sukutere ala mo faanuraalu, ama dāpaae mo doasi yaala sóko faleiteiné, Kótóné so whj teterólo kaae tare whj Kerisotamo dakélé kepaarólo beterealepó. Até yale alata, amatei diā hāle hamokorólo tao salepó.

⁶ Dā atéro, Yesu Keriso tuamó betereiteiné Kótóné a kepaaróturaalu, dakélé atamo betamó kepaarólo, Kótóné ama teterólo kaae tare tiki hepen-mó Yesu Keriso sóro beteroturaalu, dakélé atamo betamó beterealepó.

⁷ Ti aita hāle mei, dá fea Yesu Keriso tuamó betereiteiné nalo bitiré faaire alimó Kótóné dāpaae yaala sóko furaalu, ama hāle hamokorólo tao salepó. Ai ala tuamó mo doasi ke boletei yó maté fu betepa dāné kolólo kisipa yópólo erapó.

⁸ Ti noatepae, diaa q tuē tiki tiró betere ala kilituraalu, Kótóné ama hāle hamokorólo diā tao salepó. Ti diānétei diā tao sere ala ini, Kótóné ama tao sere ala diāmó hāle malepó.

⁹ Ti aita, noa betené meipó. Me whjné ama erale wisi alané yalepólo, bopé fake yaqsóro yalepó.

¹⁰ Dā Yesu Keriso tuamó betepa, Kótóné ama fosó fosó kisipané dá kisi whj alerólo beterealepó. Atére beteta, Kótóné ama yaai kisipa mole ala wisi dāné erópólo, mo taketitei talerólo munélipakalepó.

Keriso tuamó mo betā faketéro aleró beteropó

¹¹ Tērapa, take diā Juda meire fake deólo betepa, tiki sekaē tukólo siriró beteropó du betere whjrapené duraalu, dáta tiki sekaē tikipatei, diā tikinipólo só derólo erótu betere fo diaa q ai i kisipare ape. Ti tiki sekaē tukólo sirirótu betere alata, mo whjné naasenétei erótu beteropó.

¹² Diā atéro betale sukamó Yesu Kerisotamo betamó bitini, kae betale ala kisipa muae. Israel hae talerapené diā atimatamo toune waqsóro sesétepa, diā wale so whjtóro bitu, Kótóné ama so whj tao suraalu, eraalopó ere ala wisi senére so whj bitinipó. Diā atéro bitu, take waaire be dēmó dāpaae i ala wisi mo eraalopólo tuékélé muni yó, i haemó bituraalu Kótóné dá teterólo kaae tarapó tuékélé muni yó, eretei diaa q kisipa muae.

¹³ Ti taketa, diā mo tika kae betaleteti, ama fākené dupuyólo dapesó wólo, Kótó betere felekemó Yesu Kerisotamo betamó beterealepó.

¹⁴ Ti Yesu Keriso ata, hosaa muni deyólo dua betere bete Tale ereteiné so whj tekeyólo fake tamo betepa, bōe amatei firólo mo betā faketéro beterealepó. Téturaalu, ai fake tamo tuamó ere satāle fisikólo taae faralepó.

¹⁵ Atéro fisikaleteti, ama tikimó erale alané kale tukólo muló betere fokélé, ai fo tuamó mole forapekélé, etéro yae dere forapekélé fea tokólo aluralapó. Ama yaai kisipa mole alata ai tamo fake a tuamó mo betā whjtóro alerólo, bōe mo ti firaii yalepó.

¹⁶ Ai kale betā tiki tuamó fake tamo wusuró betepa, ama filipaa ni tómo erale alané Kótótamo bōe du betaleteti, tourólo betamó beteroo, kale fake tamo du betale bóekélé kemeróo yalepó.

¹⁷ Atéro a wólo, diā saletómó betó mole so whjro, felekemó betó mole so whjta mopaee bōe dele ala taarólo, dua betae yalepó.

¹⁸ Ti noatepae, dá fakeró diā faketa mo fea tuyólo Yesu Keriso tuamótóro bitu, Alima beterepaae sóko faaire alata, Dēi Kepe Wisiné betā fotokoratepa fenerapó.

¹⁹ Ti taketa diā kelepaa kilini, wale so whj betaleteti, mió diā Kótóné so whjta mo tuyólo be taletóro alée fóló, mo ama naale senaale beteropó.

²⁰ Kótóné ama naale senaale betere beta, hāle hae tómo tēnipó. Ai be diriyólo daalópólo, mo diri eleké biliyólo, ai tómo be tētu dere kaae, aposel whjraperó Kótóné

ama fo eratere kóló wh̄irapetamo ti be iru eleké kaae deyóo, Yesu Keriso ʔta, mo doasi hulua yapo eleké kaae deyóo, erapó.

²¹ Be t̄etere ʔla ʔla fea hulua elekémó bel-eróló be diriyóló daalatu dere kaae, Talená ama yale alané d̄a fea ʔ tuámó touróló bitu, ama mo kae t̄ene momatere be daalǎpóló t̄et̄é hutu beterapó.

²² At̄étu dere kaae, diǎkélé fea ʔ tuámó betereteiné Kótó ʔ betaaire be wisi daalǎpóló t̄et̄é hutu beterapó. At̄eró t̄etere bemó D̄ei Kepe Wisi betereteiné Kótó ʔ beterapó.

3

Pol Juda meire fake tuámó kale fo wisi yó mótu betale ala

¹ At̄ereiné ʔta, diǎ Juda meire fake so wh̄ipaae Yesu Kerisoné fo wosǎpóló, erótu betepa *d̄ipula* sóró beteró betere wh̄i Pol-né dapó.

² Kótóné ama h̄ale hamokoróló tao sere ala diǎ feané tué yǎpóló, ʔpaae t̄eteróló kaae tawae depa, kaae tarapó dere fo diǎné wosetu yalepó.

³ Kótóné ama diǎ feapaae mo eraalopó yóló mulale ala take so wh̄i feané kolóló tuéni, kinóló moletei Kótóné ʔpaae h̄akearóló yó matepa, diǎpaae sawa h̄alekeróló ai aseypalépó.

⁴ At̄éyalepa, yǎlo i dere fo diǎné dos̄aturaaalu, Kótóné ama so wh̄i t̄eteróló kaae tare wh̄i Kerisoné yale ala kinóló mole bete yǎlo tuéne kaae, diǎnékélé tué yaasepóló dapó.

⁵ Ti ai beteta, mió D̄ei Kepe Wisiné Kótóné ama kae beteró betere *aposel* wh̄iraperó Kótóné ama fo eratere kóló wh̄irapetamopaae yó male kaae, mo take bitiré wale wh̄irapepaae h̄akearóló yó menipó.

⁶ Ti ai kinóló mole ala i ape. Juda meire fake so wh̄iné kale mió wosetere kisi fo wisi wosóló, Yesu Keriso tuámó betepa, Kótóné ama Israel so wh̄ipaae melaalopóló tukóló muló betere ʔla, Juda meire fake so wh̄inékélé sóo, diǎ ai Juda faketamo betǎ tikitoró daayóló betóo ereteiné, atimapaae eraalopóló muló betere ala diǎpaaekélé eratepa sóo yaalo ai ape.

⁷ Kótóné ama bole fotokǎ h̄akearóturaalu, ama hamokoróló tao sere ala ʔpaae h̄ale melalepó. At̄ereiné mió kale wosetere kisi fo wisi yǎlo yó melǎpóló, ʔ ama kutó diratere wh̄i sóró beteralepó.

⁸ Mepaae Kótóné so wh̄i betó mupatei ʔ betǎ doi muni, mo belei sókótei betepa, Kótóné ama h̄ale hamokoróló tao sere ala eróturaalu, ʔpaae i kutó dirae yóló melalepó. Ai melale kutóta, Juda meire fake so wh̄ipaae Yesu Keriso tuámó mole

mo doasi ke bole ala wisi turó yó melǎpóló ʔ sóró beteralepó.

⁹ T̄étu, i haeró yó mole ʔla ʔlatamo kaarale Kótó tuámó, take bitiré wale alimó kilini kinó betere ala bete mió so wh̄i feané tué yǎpóló, ʔpaae kaae tawae yóló ʔ sóró beteralepó.

¹⁰ Ama yaai kisipa mole alata et̄erópó. Mió ama fake so wh̄i tuámó erótu betere alané hepen ere tikimó betó mole t̄eteróló kaae tare keperó fea ala t̄eteróló kaae tanǎpóló male fotokǎtamóné Kótóné ama kae kae ere fosó fosói ala h̄akearatepa tué yǎpóló erapó.

¹¹ At̄éyaleteita, mo taketi Kótóné ama eraalopóló tukóló mun̄elipakale ala d̄a t̄eteróló kaae tare wh̄i Yesu Keriso tuǎpaae erale alané dokonó beterapó.

¹² At̄eró ʔ tuámó bituraalu, ʔpaae kisipa tiki tiró betereteiné Kótó beterepaae faaíre t̄u mené sesénipa, halaainé f̄o betǎ yae.

¹³ T̄érapa, diǎ tao su betere alamó ʔpaae i erótu betteré sekei alarape kilituraalu, diǎ fomo yóló haepaae derepaose. Ti noatepae, ama kae ere d̄e wisinaale diǎné mo saairetéiné ai sekei alarape erótu beterapó.

Efesus so wh̄imó mamarale fo

¹⁴⁻¹⁵ Aya Kótóné ama ai doasi wisi ala eró betereteiné ʔ bukutiri teǎró bitu, diǎmó momarótu i betere ape. Ti ó hepen bemó betere naale senaaleró, i haemó betere naale senaaltetamo feané Aya ʔ betǎ beterapó.

¹⁶ At̄ere Aya betere felekémó bukutiri teǎró bitu, momatu betteretei i ape. Mo kae ere ala wisinaale ʔ tuámó ʔanuraalu, diǎné kepe bete tuǎpaae ama D̄ei Kepe Wisiné fotokǎ bulǎpóló momarótu beterapó.

¹⁷ At̄ereiteita h̄ale meipó. Diǎ ʔpaae tué tiki tiró betepa, Yesu Keriso ʔ diǎné hosaa tuámó betterǎpóló kisipa mutu dapó. ʔ at̄eró betepa, ni feleke haepaae doropóló diriyóló daatu dere kaae, diǎ Kótóné ama yaala sókó fole ala tuámó betterǎpóló dapó.

¹⁸ Diǎró Kótóné wisiróló kae beteró betere so wh̄itamo fea ama bulatere fotokǎné Kerisoné d̄apaae doasi yaala sókó fole ala mo turó diriyóló tué yǎpóló dapó.

¹⁹ Ti ai yaala sókó fole bete turó d̄a mo wh̄iné tuénite diaaǎ tuénekélé, hosaa tuámókélé mo diriyóló tué duraalu asa yǎpóló dapó. At̄e duraalu, Kótó ʔ tuámó ʔayáóló sure kaae, diǎ tuámókélé ʔayáóló surǎpóló momarótu beterapó.

²⁰ Ti d̄a tuámó ama erótu betere fotokǎnéte, d̄ané kisipané erané dere alaró moma duraalu wosetere alatamo ama sumó eranérapó.

²¹ ʔ at̄ei kaae wh̄i betereteiné, d̄a Yesu Keriso tuámó ama fake so wh̄i bitu, ama doi wisinaale mió i alimókélé, take betaaire

alimókélé, hale sóró horaté fu beteépóló yae. Mo kée! Tépópóló yae!

4

Yesutamo olekeyóló mo betá tikitóro daale ala

¹ Èta, Talené ala erótu beteémó *dipula* beteatepa bitu, yálo díppaae ma fo i dapa wosae. Díaaq du betale ala taaróló, Talené a beterepaape ape depa wóló, ama so whítóro betetapa wisi ala betá erótu betae.

² Talené ama teteróló kaae tare aqóm bitu bopé faketera ala ini, ama eraai kisipa mole ala erópóló, naaotei ya teteróló mo dua betae. Téturaalu, naao no netamo naameyóló dua bitu, me hásókó fole ala ó me sekei ala eratepa hapale tokó meni, mo dua kaae taté fu betae.

³ Téturaalu, kale Deji Kepe Wisiné díá Keriso so whi fea mo betá kisipatóro mulóló beteó betereitei, díané doróló fake tekeyaqse. Aténi, hosaa muni deyóló mo dua betere alané díá fea dokóló mo betá faketóro beteépóló yae.

⁴ Díppaae eraalopó yale wisi ala saai ape depa yale hájta, mo betá hájtóro mulure kaae, dá fea mo betá tikitóro daayó, Deji Kepe wisikélé betátóro betóo erapó.

⁵ Atéru, dá teteróló kaae tare Tale betátóro betepa, áppaae tué tiki tiraterer alakélé, ama doimó wéi tóputere alakélé, mo betátóro erapó.

⁶ Dá teteróló kaae tare Kótóta, betátóro betepa dá fea ama naale senaale betetapó. Atéru, fea ala amatóro teteróló kaae tawóo, mo take bitiré wale alimókélé, mió i alimókélé, take nalo waaire alimókélé, deté fu betere ala fea a tuamótóro yóo, mepaae ere ala tuamókélé átóro betóo, erapó.

⁷ Atépatei, Yesu Kerisoné ama kisipa mole ala sya furaalu, ama hamokoróló hále tao sere ala dá feamó dokoróló melalepó.

⁸ Atére betené Kótóné i fo aseýóló muló betetapó.

“A kepaayóló mo óppaae huturaalu, wae sóró ama kutó diraterer whjrape naase tamo dokóló dapesó furaalu, mepaae wisi wisi qla ama fake whjrape aliróló melalepó,” erapó.

⁹ Ti a “Óppaae holalepó” dere fo noa betené dérópóló, díá kóló kóló yaqsóro i dapa wosae. “Óppaae holalepó” dere fota, folosóro a mo haepaae derepelepó.

¹⁰ Atéroró, kepaayóló momó óppaae huturaalu, fea tiki átóro suróló, hepen berapekélé teteróló, mo ó taoró betetere sekeíta me kae mei, kale hae aqppaae derepele whi átórotípó.

¹¹ Atéturaalu, ai sekéné amatóro i kutórape taleróló malepó. Mepaae whjrape ama fo erále fópóló *aposel* doi melóló sóró beteóo,

mepaae so whi Kótóné ama fo eraterer kóló whi sóró beteóo, mepaae so whi ti Kótóné fo wosenire so whi yó melópóló sóró beteóo, mepaae ti Kótóné so whi teteróló kaae tare *pasta* whi sóró beteóo, mepaae ti kale fo wisi yó matere whi sóró beteóo, erapó.

¹² Atéyaletaita, Kótóné ama so whiné mepaae so whjppaae eraaire wisi ala etéroró yae yóló yó maté fu beteépóló, yalepó. Atétere alané ama so whi Kerisoné tikitóro daayóló mo dirii so whi betetate fenérapó.

¹³ Atéru, dá fea Taleppaae tué tiki tiró betóo, Kótóné naalema etei kaae whjópóló bete mole fo diriyóló kisipa yóo duraalu, mo betá fake alée fóló mo dirii so whi betaalopó. Atéroró bitiré furaalu, Keriso a me ala yayani mo turó fpane whi wisinaale biture kaae, dákelé até yaalopó.

¹⁴ Atéroró dirire whi betereiteimó, keteirapené dere ala kaae dá momó kae yaalo meipó. Beséroró wéi asyatamoné ni tiki upaae só fu, ipaae só wou dere kaae, u fo wosene i fo wosene yaalomeipó. Ti mepaae whjrapené dowi ala yaai mole kisipa u tuappaae hiró bitu, hále tómmó so whi dilikóló, kae kae yó matere fomó kisipa tiraalo meipó.

¹⁵ Aténi, yaala sókó fóló mo bete mole fotóro duraalu, dá teteróló kaae tare Topo whi Yesu Keriso tuamó doate horóló, dáné kae kae dere alakélé, fea ama dere alatamotóro suyaalopó.

¹⁶ A atéroró betereiteiné, a tuamó bole fotóroné whiné tiki feleke diritamo olekere kaae, dá fea mo betá tikitóro daayóló betetapó. Atéru, Talené dáppaae diyae yale kutó dirótu betepa, ti dá yaala sókó fole tuamó doa deté faalopó.

Taléné dené deyóló beteóro betere naale senaale kaae betere ala

¹⁷ Térapa, dá fea Tale tuamó bituraalu, yálo i dere ma fo sya fóló mo erae. Kótóné fo wosene hále betere so whi atima wisi ala yaaire kisipa muniru hoko betere kaae, díakélé ai ala momó kae yaqse.

¹⁸ Atima hosaa taruraalu, wisi tuékélé munireiteiné tikikélé dilikiyóló Kótóné mo ti betere ala tuamó bitini, tika kae betetapó.

¹⁹ Atéroró, dowi alané hosaa tóruuró betereiteiné, atima dere dowi ala taalaire kisipa muni, tó tikiné feléyóló yaaire ala betá hále yó tarapó. Ai ala tómmó mepaae kae kae sonalei alakélé hále yó taté fu betetapó.

²⁰ Téppatei, díá Yesu Keriso kisipa deté waletaita, atimané du betale ala sya fóló yale tikimó inipó.

²¹ Yesu Kerisoné mo bete mole fotóro mené depa díaaq wosóo, a tuamó betepa mené díppaae yó melóo, yale fo díané wosetu yalepó.

²² Take diñané du betale alamó tué mutu-raalu, atimané diappaee yó malepó. Tó tik-iné diá dilikitepa ekeleyóló du betale alané diaaq kélaaretei tiki deráakele kuti kaae sokóló taee falaae.

²³⁻²⁴ Téturaalu, diaaq tué tiki kae muóló, kisi kuti derótu dere kaae, kisi whí deraae. Ti ai kisi whíta, Kótó tuámó mo donoi alaró kae ere de wisinaaletamo fãanure kaae yóló beteroópóló, kaaró beteraópó.

²⁵ Atérapa, ai du betere kapala alarape mo ti taaróló, diaaq be whí so whíppaae diá doko feané mo alatóró erótu betaae. Ti noatepaae, hóró naasetamo tikimó botokó wóló, betá tikitóró daalure kaae, dá Keriso so whí fea touróturaalu, mo betá tikitóró beteraópó.

²⁶ “Yá fopaae buturaalu, dowi ala yaqse,” Naao me whítamo atéro butere fopaae hãle bupatei, be de hãle kemeyaqsóró yae.

²⁷ Téturaalu, diaaq betere ala tuappaee Satan-né ama tué mole ala eraqsóró te mu-laqse.

²⁸ Mepaae qlémi nuku betale whírape ai ala mo taaróló, atima naasenétóró kutó kae dióló qla nópólo yae. Atéro ditere kutómó botokotere qla mepaae yaqá dere so whímó melóppóló yae.

²⁹ Diñané dere foné mepaae whí doraqsóró naao dere fo woseturaalu, á tuámó mole seké ó yaqare ala wisiraaire fo betatóró yae. Diñátamo ai ala depa, ti ai fo wosetere so whíkélé tao senérapó.

³⁰ Take Kótóné diá dupuróló beteroó betereiteita, ópaae dapesó holaalopóló tué muóppóló, me qla seperótu dere kaae, Kótóné diá ama so whípóló dále mulóturaalu, ama Deí Kepe Wisi diá tuámó beteroó beteraópó. Atérapa, diñané du betere alané Deí Kepe Wisi dekené sukutu seké yaqsóró yae.

³¹ Téni, dei fomaake kisipa mutere alakélé, hapale fopaae buturaalu dere alakélé, mo hãle fopaae butere alakélé, hõle suraalu fo faketere alakélé, eratere fokélé, mepaae so whíppaae kae kae dei kisipa mutere alakélé, fea taalaae.

³² Téturaalu, wisi tué betá muóló, wisi alatóró eró, koléné sukutu u tao su i tao su yó, du betaae. Atéturaalu, diá Yesu Keriso tuámó betepa, Kótóné diaaq yale dowi ala kwia kemerótu yale kaae, diappaee dowi ala eratere whíné kwiakélé hãle kemerae.

5

¹ Dãta, Aya Kótóné ama hosaa turó muóló, yaala sókó fale naale senaale betereiteiné ama dere alatóró ðané suróló enérapó.

² Ti noatepaae, felé kélaa wisi Kótó beterepaae fópóló simó sukúlaa dalatu dere kaae, Yesu Kerisoné ðappaee yaala furaalu, ama betere bete hãle melóló sukãlepó. Atéreteiné ðã yaala sókó fole ala tuámó bitu,

ðané ne nopaaekélé atéro yaala sókó fu betenérapó.

³ Tétu, diá Keriso fake so whí tuámó nópó nokole ala ó, mepaae hõko alatamo hosekéróló du betere ala ó me qla wisi dekéro sené yóló, ekele dere ala mo yaqse. Ti noatepaae, ai alarapeta, Kótóné ama kae beteroó betere so whíné yaaire ala meipó.

⁴ Ai dosãayale alarape mepaae i ape. Nópó naai kisipa mutú, hãle mulatere alakélé, tué tekeyóló ini, hãle hõko dere fokélé, so whí tekanóló dq nalatere fokélé, momókó yaqse. Ti noatepaae, aita ðané enénire alapa, Kótópaae mo kée fo betá du betaae.

⁵ I fota, mo dapa diriyóló wosae. Nópó nokole so whíkélé, kae kae dowi ala hosekéro du betere so whíkélé, néli whí betaairaalu wisi wisi qla dekéro sené dere so whíkélé, Yesu Kerisoró Kótótamoné teteróló kaae tare aqmó mole wisi wisi ala mo saalomeipó. Ai dosãayale alarape yó tare so whíta, Kótó aqmó sukóló bitu, ama doi hale sóró horéni, ai alarape aqmó betó moleteiné, ai qla qlarape ti atimané Kótó aleró beteraópó.

⁶ Térapa, mepaae whíné bete muni hãle fo duraalu, diá dilikaqsóró yae. Ti noatepaae, atei kaae ala deremó, Kótó á fopaae buturaalu, ama fo tukóló ai ala du betere so whíppaae kwia mótu beteraópó.

⁷ Térapa, diakélé atimané ai du betere ala yaqsóró betámó touyóló bitu, mepaae dere ala momókó yaqse.

⁸ Ti taketa, diá diliki tuámó betaleteti, taaróló mió Talené ama ere de tuámó ai beteraopa, ai ðené deyóló beteroó betere naale senaaletóró betaae.

⁹ Ti noatepaae, wisi niné du wisi oletu dere kaae, dá de tuámó betepa, ti ai ðené du olerótu betaalo ai ape. Kae kae wisi ala eratereteikélé, me ala muni, mo donotóro dere alakélé, kapala fo mei motóro dere fokélé, fea ti ðené dutóro ai ape.

¹⁰ Téturaalu, diñané dere alamó Kótó á hẽkese yaaire ala démóló, diaaqtei kãae kolóló tué yae.

¹¹ Tétu, diliki tuámó betere so whírapené du betere alata, du wisi oletumipa atima beterepaae feni, atimané kikití hiróló du betere alatei so whí feané kolóló tué yópóló hãkearae.

¹² Ti noatepaae, Kótóné fo tikitú betere so whí tuámó kikití hiróló du betere ala mené teraatepa haletóro yaalopó.

¹³ Tétu betepatei, ai hiróló du betere ala fea ðené hãkearatepa, so whíné kelenérapó.

¹⁴ Ti ðenéta, fea qla fea kolóppóló derótu beteraópó. Atére betené i fo dapó.

“Diá noke fire so whírape-ó, diá sukóló moletei kepaayóló betepa, ti Yesu Kerisoné diappaee ðeraalo ai ape,” dua dapó.

¹⁵ Térapa, diá kisipa okokore whi kaae hōko bitini, kisipa dotorōē fóló mole whi biture kaae, mo hotowaró betae.

¹⁶ Mió ɗata, dowi ala du betere alimó i betera, Kótóné ama wisi ala eraaire tē mupa, ti ai be de dokō fea eraté fu betae.

¹⁷ Atéturaalu, kisipa tiki okoko yóló hōko bitini, Talené ama kisipa mole ala betā kaae kolóló tué muae.

¹⁸ Topo doyaai kisipa mutu *wain* wēi mo dekéro naqse. Atéro topo doturaalu, so whi feané keletómó kae kae sonaalei dowi ala kaaratapó. Atei ala ini, Deī Kepe Wisi diá tuámó faanópóló yae.

¹⁹ Atéro bituraalu, Kótóné *buk*-mó aseýóló muló betere wole fokélé yóo, mió betere so whi feané tuére wole fokélé yóo, mepaae so whi paae Deī Kepe Wisiné yó matere wole fokélé yóo duraalu, u yó mótu i mótu du betae. Atéro, dere wole fo diaaq kólónékélé, mo hosaa tuámókélé hajtamo Talepaae feléi wole fo du betae.

²⁰ Betere dokō fea du betere alamó, ɗa teteróló kaae tare whi Yesu Kerisoné doimó Alima Kótópaae mo kée! du betae.

²¹ Ti Yesu Keriso ɗta, doasi doi mole whi beteraóló wituraalu, diásisi me whi aqmó bitu dere fo u wosetu i wosetu du betae.

Dokore so whi paae dere ma fo

²² Térapa, whiné dokore sorape-ó, diá ɗa teteróló kaae tare Tale aqmó sukóló biture kaae, diaaq whi aqmó betae.

²³ Ti noatepae, Yesu Kerisoné ama fake so whi ta, ama tikitóro betepa, ɗa topo bituraalu, atima aluyaqsóro tao su betere whi biture kaae, whi ama soné topo beteraóló.

²⁴ Atéra, Yesu Kerisoné ama fake so whi ɗa aqmó sukóló biture kaae, whiné dokore sorape diá fea ala duraalu, diaaq whi aqmó bitu depa mo wisirapó.

²⁵ Diá so dokore whi rapé-ó, Yesu Kerisoné ama fake so whi paae yaala sóko furaalu, ama betere beté mótu yale kaae, diané sopaae yaala sóko fóló, wisi ala erótu betae.

²⁶ A atéro sukaleiteia hāle mei, ama dokaaire so ama fonéte i wēi tópuróló fokale tikimó me dowi alakélé muni, mo kae so beteralepó.

²⁷ Atétu, ama so me dowi alakélé muni, ama ere ɗenē kelaalo mo kokore so beteraóló du beteraóló.

²⁸ Atére kaae, so dokore whi rapé diané tiki wisiyóló kaae taru dere kaae, diané so wisiyóló kaae taruraalu, yaala sóko fu betae. Mepaae whiné somapaae yaala sóko fóló, wisi alatamo erótu betepa, ti amatei ɗa yaala sóko fu beteraóló.

²⁹ Whi betanékélé ama tiki hóróló bóe dele ala dumí, wotetepa ɗla nóo, me ala yaqsóro amatei hotowayóló kaae tawóo dere ala so whi feané du beteraóló. Atétu dere kaae,

Yesu Kerisoné fake so whi amatóro mo wisiyóló kaae tarapó.

³⁰ Ti noatepae, ɗata ama tikitóro betereiteiné ama wisiyóló kaae tarapó.

³¹ Atére betené i fo aseýóló muló beteraóló. “Whiné ama hama alima taaróló sotamo dokotepa, ti atimaamo mo betā tikitóro daayóló betaalopó,” erapó.

³² I dere fo beteta tómo muni, mo apaae derepalapó. Tépatéi, yaalo i dere fo Yesu Kerisoró ama fake so whi tamamo tué mutu-raalu dapó.

³³ Ti mo deretei, diá so dokore whi fea diaaqte i diané tiki yaala sóko fu dere kaae, diané sokélé wisiyóló kaae taru yaala sóko fóo, sorape diákélé diaaq whi aqmó bitu, wisi ala eróo du betae.

6

Hae ayaró naale senaale tamapaae dere ma fo

¹ Naale senaale-ó, diá Talené ere fo sya fóló diaaq hae ayané dere fo mo betā wosóló erótu betae. Ti aita mo dono ala dapó.

² Diaaq hae aya wisi doi mulópóló, diané wisi alatóro du betae. Ai tukóló muló betere forape kaae sóro dosaqaté wapa, Talené diá paae wisi ala eraalopó ere foró tukóló muló betere fotamo sūru folosóro mulapó.

³ Diané hae aya aqmó betae yóló muló betere fotamo sya fóló erótu betepa, “Ti diá i haemó fóló sukamó bitiré fóló, mo wisi alatóro deté fu betaalopó,” erapó.

⁴ Diá naale senaale ali-ó, diaaq naale senaale atima fopaae buópóló hasekai ala eraqse. Aténi, atima Talené fo tuámó doayóló naale senaale wisi beteraóló, ama fo atéro eraalopóló, ma fotamo dua yó maté fu betae.

Teteróló kaae tare whi rapé wae sóro kutó diratere whi rapetamapaae ere fo

⁵ Diá wae sóro kutó diratere whi rapé-ó, diá Yesu Kerisoné dere fo wosóló, ɗa aqmó biture kaae, i haemó diá teteróló kaae tare whi rapé kilitu wiyóló aqmó betae. Atétu, atimané yae dere fo wosóló wisi kisipatamo erótu betae.

⁶ Atétu, diá wae sóro kaae tare whi rapené diá whi wisipóló dukirópóló, atimané keletómó maaté kutó hatepaae yóló dini, atima alupakélé ó betepakélé, betā alatóro yae. Ti Yesu Kerisoné wae sóro kutó diratere whi kaae bitu, Kótóné ama kisipa mole ala eróturaalu, diaaq hosaa tuámó keteke buóló dirótu betae.

⁷ Atéturaalu, ita mo whiné kutópóló tué muni, Talené kutópóló tué mutu, diaaq hosaa turóné keteke tamamo dirótu betae.

⁸ Ti noatepae, wae sóro kutó diratere whi ó hāle mo betere whi noa kaae wisi ala ó

wisi kutó dirélimó, ti alamó Talené dupu melaalopó ere fo diaaq wosóló ai kisipare ape.

⁹ Tęteróló kaae tare whırape diąkélé, atimapaae i yae dere ala kaaetóró duraalu, diaaq kutó diratere whırapepaae mo wisi ala erae. Atimapaae dią i kutó wisiyóló dirénitepa, diąpaae i kaae sekęi ala eraalopó wiréli fo yaqse. Atimakélé diąkélé, fea tęteróló kaae tare Tale ó hepen bemó betereitei, diaaq ai kisipare ape. Ti ai sekęta, mepaae so whıpaae wisi ala eróo, mepaae so whıpaemo hõko ala eróo dere Tale bitini, mo betą kaae alatóró eratere Talepó.

Kótóné dqmó matere boé dele ęla waseró sepaketamo tawae

¹⁰ Yąlo mo kemeróturaalu dere fo i ape. Dią Tale tuąmó bitu, ama bole fotokq sóró betae.

¹¹ Satan-né ama yaai kisipa mole dowi ala eraqsóró seséturaalu, bóe dópóló Kótóné matere ęla ęla taaréni, mo fea deróló siki siki yóló daayae.

¹² Ti ai bóe dele alata, mo wutiró dikitamo sóró mo so whıtamo bóe dae yóló dumipó. Dąné bóe dele alata, i haemó diliki tuąmó dere ala tęteróló kaae tare topo keperapeta-mokélé, atima doasiné i ala yae yóló, sóró beteró betere keperapetamokélé, kae kae fotokq bole keperapetamokélé bóe dóo, tó są tuąmó hepen kaae ere tikimó betó mulu, dowi ala eraai doasi fotokq butu betere keperapetamokélé, bóe dóo du beteraóló dapó.

¹³ Tęrapa, bóe whinė dowi ala eraaire be de wapa, dią daale tiki taaróló botokó feni, bóe whiné yale dią tikimó sene waqsóró sesé yaaire ęla ęla fea, Kótóné diąmó melaletei deróló betae. Atéru, bóe whı wópóló siki siki yóló, kaae tawóló daayae.

¹⁴ Atéró fotokq buóló daalu, mo fo ti to kaae sóo, bóe whiné yale bopémó saqsóró, bóe wase dakerótu dere kaae, Kótóné dą melale donoi ala bopémó dakeróo, Talené ala erąle faairaalu, kale kisi fo wisi hõleke be kaae horóo, mo so whıró Kótótamo bóe firóló, hosaa muni deyóló mo dua betere-atero fo wisi dąné hosaa tuąmó mulóo epa, dią siki siki yóló betenérápó.

¹⁵⁻¹⁶ Ai alarapetamo touróturaalu i alakélé yae. Dowi kepené dą siritu betere si dokole yalené dą tikimó saqsóró sesé dere bóe waseta, tuę tiki tiratere alapa, ai ala wase kaae fosókó tawóló daayae.

¹⁷ Kótóné dą aluyaqsóró tao sere alata, bóe daai derótua dere topo tao kaae deróo, kale Dęi Kepe Wisiné fosóratere sepake tawóló daayóo yae. Ai sepaketa, ti Kótóné ama fo wisipó.

¹⁸ Atéruraalu, kale Dęi Kepe Wisiné dią fotokqratepa, betere dokq fea kae kae dere alapaekélé, kae kae wale sekęi alamókélé,

Kótópaae i ala erae yóló momakélé yó tawae. Atei kaae dere moma kutirimó mulóló tuę yó taru, dią noke keęe ini, kele diriyóló bitu-raalu, Kótóné kae beteró betere so whıkélé fea tao sópóló momaratere ala hąle yó tawae.

¹⁹ Atétu, kale fo wisi yąlo yó melaaire sukamó Talené ama fo bete ępaae yó melópóló ęmókélé momarae. Atétepa, ti ę halaainé daalu, kale fo wisi yó matereteiné Kótóné ama hiróló mole ala hąkearaalopó.

²⁰ Ai fo wisi yó melópóló sóró beteró betere whıtei, atima ę sein képiné dokóló dipula beteró beteraóló. Ti aita, ępaae dirae yóló melale kutó ereteiné ę wikélé ini, halaainé daalu yó melaai dapa, ęmó m-marótu betae.

Kemeróturaalu kqleó dere fo

²¹ Yąlo mo hosaa mole no Tikikasta, Talené ala erótu betere whı wisipó. Amata, yąlo du betere alaró ę betere alatamo etérapóló, diąpaae depa wosóló tuę yaasepóló, ą dią beterepaae ai dotonatere ape.

²² Ti ą dotęyaai dere beteta, dą betere ala diąné kisipa yóo, dią ketekę buýpóló, ama fotokqratere fo yóo, yópóló dotonaai dapó.

²³ Dią ai be huluamó betó mole no nerapeó, dą tęteróló kaae tare whı Yesu Kerisoró Alima Kótótamo tuąmó kaayóló wale hosaa muni deyóló mo dua betere alakélé, tuę tiki tiratere tuąmó kaayóló wale yaala sókó fole alakélé, dią feapaae erópóló yae.

²⁴ Dą tęteróló kaae tare whı Yesu Kerisopaae yaala sókó fole ala yó tare so whı feapaae Kótóné hąle hamokoróló tao sere ala erópóló yae.

Filipai

¹ I dere aseta, Yesuné kutó dirateré whi Pol-ró Timotitamóné diá Filipai be hululamó Tale Yesu Kerisoné kae beteró betere so whirapepaaekélé, Keriso so whi teteteróló kaae tare whirapepaaekélé, mepaae Keriso fake so whi sekei ala depa taosu betere whirapepaaekélé, dapa wosae.

² Dané Aya Kótóro Tale Yesu Kerisotamo tuamó kaaróló wou betere hãle hamokoróló tao sere alaró hosaa muni deyóló mo dua betere alatamo diãpaae erótu beterópóló yae.

Mo kée yóló Talepaae momayale fo

³⁻⁴ Ȳalo diã tué yó taruraalu, e teteteróló kaae tare Kótópaee mo kée yóló moma yó tare dokó e hãkesené sukutu, diã feamó momarótu beterapó.

⁵ Ti noatepae, take e diã beterepaae sókó wóló Yesuné mió wosetere kisi fo wisi diãtamo fea betamó titiyóló bitu, yó maté fu betepa diaaq e tao siré wóló miókélé ai alatóró yó tapa, mo kée yóló hajné sukutu beterapó.

⁶ Diã tuãpaae ai erótu betere wisi ala kaarale sekênéti mo ti eraté fóló tuamó taaréni, Yesu Keriso wale sukamó sókó fóló kemeraalopóló, Ȳalo mo diriyóló tuérápó.

⁷ Diã fea Ȳalo hosaa tuamó muluraalu, diaaq du betere ala kolóló e hãkesené sukutu betere alata doni, mo wisirapóló kisipa mutapó. Ti noa betené meipó. E sein kèpiné dokóló *dipula* bitukélé ó belapaae mo kulturaalukélé, Kótóné mió wosetere fo wisi hãle fo nisiyóló só deróló aluyaqsóró, mo diriyóló tué muópóló momó du momó du yó tapakélé, Kótóné ama hãle hamokoróló tao sere ala diã feané epaaekélé eróo, Ȳalokélé diãpaae eróo, du betere ala hãle yó tarapó. Ti atéro titiyóló bitu du betere ala kilituraalu, e hãkesené sukutapó.

⁸ Yesu Kerisoné yaala sókó fu betere ala e tuamó muluraalu, diãtamo betenée yóló hosaamó su beterapó. Até enée yóló mutere kisa Kótóné kolóló ama mopó enérápó.

⁹ Ȳalo diãmó momatu betere bete i ape. Kótóné ama ere alata, tómó mole nisi yaqsóró, a betemó kaaróló wale ala wisinaale mo turó kisipa duraalu, diaaq yaala sókó fu betere ala mo ti fakeraté fópóló momarótu beterapó.

¹⁰ Diã até deté fu bituraalu, kae kae yaaire alarape mupatei, mo bete mole ala tué yópóló momarótu beterapó. Ai du betere alata, me alatamo hosekèni, mo wisi alamaaté yó taté fóló, Yesu Keriso wale sukamó me alakélé muni, mo donore so whi beterapó yópóló, momarótu beterapó.

¹¹ Yesu Keriso tuamó kaaróló sókó wale ala wisi nokole Ȳala ke bulure kaae, diã tuamó mo donoi ala wisi atéro buóló fãapa so whi feané kilitu, Kótóné ama kae ere de wisinaale mulapóló ama doi hale horaalopó.

Pol dipula beterales alané Talené fo yó melaairetei fakeralespó

¹² Térapa norape-ó, epaae erale alané Kótóné mió wosetere fo wisi kejrèni, mo ti fakeraté fu betaletei diaaq tué yaasepóló i dapa wosae.

¹³ E Yesu Kerisoné fo erótu betere alamó, atimané e sein kèpiné dokóló *dipula* betalettei, topo whi bitua dere be wisimó betó mole diké tare whiraperó mo whirape featamoné kolóló kisipa yalepó.

¹⁴ Talené ala tuamó betó mole mepaae norapené e sein kèpiné dokóló *dipula* beterales ala kolóló, atima wiyóló taarèni, halaainé bituraalu, Kótóné fo eraai doasi keteké butu beterapó.

¹⁵ Tétu betepatei, mepaae whirapené dei tué muóló alale suraalu, Yesu Kerisoné dere ala i ape yóló yó mótu betóo, mepaaené ti mo wisi tuétóró muóló yó meléo du betereitea, mo dapó.

¹⁶ Ai wisi tué mulu yó mótu betere whirapené kale mió wosetere fo wisi eraairaalu, e *dipula* beteró beterapóló tuéru, yaala sókó fóló yó mótu beterapó.

¹⁷ Tétu betepatei, kale dei tué mutere whirapené hosaa tuamó atima doi sóro horaaire kisipa mulu, Yesu Kerisoné ala erateré aqyóló yó mótu beterapó. Ti aita hãle mei, e sein kèpiné dokóló *dipula* betepa, epaae sekei ala eraalo nisiyóló, du beterapó.

¹⁸ Tèpatei kapala ala depakélé, ó mo dere alakélé ó kae kae ala depakélé, aita me Ȳameipa, mo doasi topo ala betã i ape. Yesu Kerisoné dere ala i ape yóló so whi feapaae yó mótu betere alata, mo doasi bete mulapó. Atétu betere alamó e hajné sukutu betereitei taarèni, mo hãle yótóró tawaalopó.

¹⁹ Ti noatepae, diãné moma yó tare alaró Yesu Kerisoné doteyale Deji Kepe wisitamóné tao sóro erótu betereiteimó, epaae erale ala fea deté wóló kemene wouraaalu, ti e *dipula* betereitei taaróló, hãle fópóló sokaalopóló kisipa mutapó.

²⁰ E betepa ó sukutepakélé Talené hãlaaratapaa halenipó. Atèni, take bitiré wou yale kaae, mió Ȳalo tikimó erótu betere ala so whijné kilitu, Yesu Kerisoné doi hale sóro horateretei kelenée kisipa mutu beterapó.

²¹ Ti noatepae, Ȳalo kisipané e betere beteta, ti Yesu Keriso atórótipó. E sukutepakélé me Ȳameipóló mo kée yaalopó. Mió i hãtu betere ala bosenóló mo doa hajné sukutu betaalopóló kisipa mutu, mo kée du beterapó.

²² Ɛ etéro høle bitirétamo fu betepa, ti yało i ditu betere kutó mo du oleraalo ai ape. Ti etei kisipa motei, tu tamo moleteiné mé tupaae faaloró ę mo diriyóló tuęnipó.

²³ Atéro mutere kisipané yało tiki tuamó tekéetamo dapó. Tépatēi, yało kisipané mo doasi alata, ę sukóló fóló Yesu Kerisotamo betepa, ti mo wisirapó kisipa mutapó.

²⁴ Ténepatei, yało dią yaýare ala tao saairaalu, ę diątamo betere ala doni, mo wisirapó.

²⁵ Ɛ sukuni, dią featamo betamó bitiré faaireteiné dią hajné sukuturaalu, diaaą tuę tiki tiratere alakélé mo diri deté faalopóló kisipa mutapó.

²⁶ Atéturaalu, ę diątamo betamó betereiteiné, ę kilitu Yesu Kerisoné yale ala wisimó ą dukiróturaalu hajtere ala dią tuamó mo ti faayaalopó.

²⁷ Me noa alakó ępaae eratepakélé diaaą ai du betere ala taarēni Yesu Kerisoné mió wosetere fo wisi sya fóló eratere whítóro betae. Atépa, diaaą ę alupa yale ala ó ę dią beterepaae wapakélé keleralemó me ala kae ini, mo betą alatóró epa kelaalopó. Dią fea betą kisipa muóló diriyóló betóo, dią mo betą whį kaaetóro bitu, Talepaae tuę tiki tiratere ala etérópóló yó melóo, du betereitei yało kisipa yaalopó.

²⁸ Atéru, diątamo hóe du betere whįrapené diąpaae kae kae sekei alarape eratepakélé wiyaalomeipó. Atétere ala atimané kilitu, Kótóné dą mo ti doróo, atima aluyaqsóro tao sóo, yaairemó dere fareyórupóló atima kisipa yaalopó.

²⁹ Ti noatepae, Kerisoné ala eróturaalu, ąpaae tuę tiki tiratere ala maaté yópóló ini, ama doimó doasi sekei alakélé sópóló melalepó.

³⁰ Ti ę Kótóné ala erótu betere mótei, ępaae kae kae sekei ala eraletei diaaą kelalepó. Miókélé betą kaae sekétóro su beteraapó dere fo diaaą ai wosetere ape. Diąpaae kélé atei alatóró erótu beteraapó.

2

Kerisoné ama yale ala sųróló enérápóló ere fo

¹⁻² Dią Yesu Kerisotamo touyóló betamó betereiteiné ketekę bulatere ala eróo, ama yaala sókó fole alané dą haj kisipa mulóo, Deį Kepe Wisi dą fea tuamó betereiteiné mo betą alatóró eróo, kólené sukutu naameyóló mo dua betóo epa, ti ę mo doa haj yópóló, i ala yaasepóló dapó. Dią fea Talené ala eróturaalu kae kae tuę muni, dere alakélé yaala sókó fole alakélé, ketekę bole alakélé, mo betą alatóró yaasepóló dapó.

³ Diaaą me ala duraalu, ętóróti doasi whį betaai dapóló kisipa mutu, u tetérotu i tetérotu dere ala ó me bete munipatei ę

betą mo whį wisi beteraapóló kisipa muaqsé. Tēni, naaotei ya tetérolo dua bitu, mepaae so whį dukiróló atima aqmó beteraapó kisipa muae.

⁴ Diaaą séle séle dere alamaaté kisipa muóló kaae tani, diąné dere ala wisiyóló kaae taru dere kaae, mepaae so whįkélé tao sóro atima kisipa mole alakélé wisiyóló kaae tawae.

⁵ Diaaą hosaa tuamó mole kisipata, Yesu Kerisoné kisipa kaaetóro muóló betae.

⁶⁻⁷ Ti ąta, ama ere ala kae mei mo take betere Kótó bitu, ama ere alakélé Kótótamo betą ala eretei, atéro bitirétóro fu betaaitapóló kisipa muni, amatei ą belei alée fóló, mo kutó diratere whį su betaalepó.

Atéro betepa, mo so whįné ą kilituraalu, mo whįpóló kisipa mualepó. Atéro ama dere ala fea amatei ą haepaae deróló beterepó.

⁸ Atéru, Kótóné fo aqmó sukóló bitiré fóló sukutere alapaae sókó felepó.

Ą atéro sukuturaalukélé mo whį sukutu dere kaae ini, atimané ąpaae kisipa tiki mo fomaakei ala eróló, filipaaro betere ni tómó sukąlepó.

⁹ Amatei ą atéro derale betené, Kótóné ą tao sóro fea ala fea ama tetérolo kaae tanópóló beteróturaalu, kae kae doasi doirape mupatei, ama doi doasi Tale mulalepó.

¹⁰⁻¹¹ Até yale betené mené Yesuné doi depa, hepen bemó betó mole *ensel*-nékélé i haemó betó mole so whįnékélé, i hae aqró betó mole so whįnékélé, ama doi woseturaalu, bukutiri teąro bitu, Yesu Keriso ąta Talepó yaalopó.

Téturaalu, Alima Kótóné ama ere ala wisinaale hąkeamó mulaalo ai ape.

Dią tuamó hørené de kaae deýó falópóló yae

¹² Térapa, yało mo hosaa mole no nerapeó, Kótóné ama dią tuąpaae eraai kisipa mole ala wisi ai erótu betere ape. Dią ętamo betamó bitu, diaaą yało dere fo wosóló erate wale kaae, mió ę alupa diąsisi bitukélé, Kótópaae wiyóló ą aqmó sukóló bitu, dią aluyaqsóro tao sere ala du wisi oleyópóló eraté fu betae.

¹³ Ti noatepae, Kótóné kisipa mole ala sya furaalu, ama fo wosóló eraaie kisipa wisiró ketekętamo amatei dią tuąpaae mo sųrótu beteraapó.

¹⁴ Dią Talené ala eróturaalu, mené dere ala kilitu hoko dapóló eratere foró fonétei u só derótu i só derótu dere alatamo momókó yaqsé.

¹⁵⁻¹⁶ Ti aita høle mei, me alatamo hosekēni mo wisi ala maaté du betere so whį betepa kilitu, Kótóné naale senaale beteraapó

yópóló i dere ape. Dià atéró betepa, mió i alimó betó mole so whì wuliné tų kaae kotereteiné atima dere alakélé mo sonaalérápó. Dià atei kaae so whì tuámó bitu, mo ti betaaire fo wisi so whì feané wosópóló hakeamó yó mótu betepa, ti dià ó sãmó daae mole hore đeru ere kaae, atima tuámó đerótu betenérápó. Atépa, ti Yesu Keriso wale sukamó, ę hópé fakeyóló halaa yaaire beteta, ti dià tuámó yálo diale kutó hále ini, du wisi olerápó yópóló kisipa mutu dapó.

¹⁷ Atépaitei, diaağ tué tiki mo ti tiró bitu Kótóné ala eraté fópóló, Talené fo diapaee eraté felepó. Atéyale alata, *wain* węi felé kęlaa Talené kulumupaae fópóló sipaae sunée falótu dere kaae, yálo betere bete dià tao suraalu sukutepa ti me ęla mei, diątamo hainé sukóló mo kée yaalo ai ape.

¹⁸ Atérapa, diąkélé ę dere kaae hainé sukutu mo kée du betenérápó.

Timotiró Epararataitas-tamo dotonaai yale fo

¹⁹ Tépaitei, đa teteróló kaae tare whì Yesuné kisipanétamo Timoti dià beterepaae wópóló epa, ti ą hapale wópóló dotęyaa kisipa mutapó. Ti ąta, diaağ du betere ala kolóló ępaae ene wapa wosetu, ę hainé sukąai dapó.

²⁰ Ti Timoti ąta, dià mo wisiyóló beterópóló kisipa mutu betere whípó. Ama kisipa kaae mole whì mekókélé ętamo imó bitinípó.

²¹ Ti noatepae, i betó mole so whì feata, Yesu Kerisoné ala eraai kisipa muni, mo atimané yaaitere alamaaté kisipa mutu beterepápó.

²² Téretei, Timotiné ama du betere ala diaağ kaae kolóló kisiparapó. Ti ąta, betą naale ama alimatamo kutó betámó ditu betere kaae, đamo wusuró Talené mió wosetere fo wisi ketekę buóló erótu beterepápó.

²³ Atérené ępaae eraaire alapi kolóló, kılpaaeata ti ą dià beterepaae hapale téti dotęyaa kisipa mutapó.

²⁴ Téró, ękélé Talepaae tué tiki tiróló bitu, dià beterepaae mo hapale waai kisipa mutapó.

²⁵ Atéyaaitei, yálo no Epararataitas dià beterepaae fesaee wópóló, mo dotonaai kisipa mutapó. Ti ąta mo whì mei, đamo betą kutó ditere whì bitu, Talené alamó bóe daai ętamo titi du betere seképó. Ti ąta, ę sekę yaqsóro, mepaae yąyare alarape tao sene wópóló diaağ ę beterepaae doteyale whì wisinaale ai ape.

²⁶ Ti ama dià fea kelenée kisipa mupatei, diaağ Epararataitas ą kisiné sukóló mulapó yale fo wosaleteiné ama tué sekeýalepó.

²⁷ Ti aita mopó. ą mo felekemó sukąai yaitei, Kótóné kolené sukuturaalu tao sale alata, ąpaae maaté erénitei, ę dekené sukutere ala dekaaporóló muaqsóro Kótóné ękélé kolené sukutu, ą tao sóro kepaaraleiteiné mo kée dapó.

²⁸ Atéreteiné, ą mo miótitei dià beterepaae wópóló dotęyaaираalu, kisipa mutapó. Ti hále mei, diaağ ą kolóló hainé sukóğ, ękélé whaalía du betereitei sawa feléyóló betóo, yaai dapó.

²⁹ ą wapata, dià Talené ala tuámó hainé sukutu bitu, kęleó yóló ą mo wisiyóló dape sae. Atéturaalu, atei kaae whì doasi doi muópóló hale sóro horae.

³⁰ Ti noatepae, Yesu Kerisoné ala eraai wóputu bituraalu, ą mo felekemó sukąai yalepó. Ti noa betené meipó. Diaağ ę tao senépaitei, tao saaire tų meipa, ama ę tao sene wóló, ama betere betemó kisipa muni, sukutepakélé me ęla meipóló ę tao sere ala betą du betalepó.

3

Tó tikiné dere alamó đané kisipa tirótumipó ere fo

¹ Yálo norape-ó, kemeróturaalu dere fo i ape. Tale tuámó bituraalu, hainé sukutu betae. Take yálo aseýale fo kaae momó i dereteita, sekenípó. Me alané dià só deraqsóro seséturaalu i dere ape. Ai hağrapené dià tukó naqsóro mo hotowayóló kaae tawae.

² Ti atimata, dowi alamaaté hále yó taruraalu, whiné tikimótei siri eróló, tiki dorótu betere whįrapepó.

³ Ti noatepae, take Kótóné ama so whípóló tiki sekaę tukóló sirirótu yale kaae, mió đakélé ama so whípóló siriró beterepápó. Đa atéró betere so whì Kótóné Đei Kepe Wisiné fotokğratepa, ą aqmó sukóló bituraalu, doa Tale-ó yóló hale sóro horótu beterepápó. Ti đata, me ala ó me whì kolóló hópé fake dumitei, đa teteróló kaae tare whì Yesu Kerisoné doi hale sóro horóturaalu, ama ere alamó đa hópé faketu beterepápó. Atétu, i haemó ayarapené kae kae mara mole alaró tó tikimó du betere alatamo mupatei, ai alarape mo bete mulapóló đané tué tiki tirótumipó.

⁴ ę atei kaae tó tikimó hópé fake yaaire bete doasi mulapó. Mepaae whì dené ama du betere alarape bete mulapóló kisipa tiki tiratepa, ti yálo i haemó dere alanéitei atimané du betere ala fea mo teraae felénérápó.

⁵ Ti ęta, hğko deale whì mei, yálo haené deóló bitiré wóló, bokó wale be đe sókó wapa, ti yálo tikimó siriralepó. ęta, be kae whì mei, mo Hibru be fo bole Israel whįkó Benjamin fakepó. ęta, đa Hibru so

whíné ayarapéné mara mole ala taaréni, mo wisiyóló sya fu beterepó. Atéroró bitu, Kótóné yóló muló betere fo dosayóló bete mo wisiyóló sya fu betaletéiné ę betę Farisi whj heterapó.

⁶ Atéturaalu, me kae kisi alané ęané ayarapéné du betale ala aluraqsóró, mo ketekę buóló Keriso fake so whıtamo bóe dóló susupurótu betalepó. Atéturaalu, Kótóné tukóló muló betere fo ęalo eraté fu betepa so whíné kilitu, me ala ęasóko fele whjpo fu ępaae mo inipó.

⁷ Atétu betale whjte, take ęalo doi muale alarape taaróló mió Yesu Kerisoné ala sya fóló eróturaalu, ai alarape fea ęale ęla aęralepó.

⁸ Ai alamaaté meitei, ę tetéroló kaae tare whj Tale Yesu Keriso ęta, mo bete mole alané Talepóló, ę tuę yaaitere ala doasi ketekę buóló deté furaalu, mepaae ęla ęla fea bete muni, mo ęale taee fatere ęla kaaené kelerapó. Ti Yesu Keriso ę ęalo Talepóló sóró betéroturaalu, ęalo tare ęla ęla fea taaróló, mo ti kisipa keteralepó.

⁹ Kale tukóló muló betere fo sya fóló ęalo erótú betaletéimó, Talené ępaae donoi whjpo yópoló kisipa tirótumipó. Tényi, Yesu Keriso tuámó bitu ępaae tuę tiki tiratere kilitu, Kótóné ępaae donoi whjpo eranée yóló doasi kisipa mutapó. Ti ai donoi alata, Yesu Kerisopaae tuę tiki tiratere betené Kótó tuámó wou heterapó.

¹⁰ ęalo hosaa tuámó Yesu Keriso mo diriyóló kisipa yaai dapó. Atéru, ę sukóló momó kepaayale fotokę kisipa yóo, ama tikimó sale kae kae sekęi ala ępaae kélé eratepa sóo, ę mo dowi hale sóró sukuu yale kaae, ękélé atéroró sukęai tuę mutereiné Talené ę mo surópoló kisipa mutapó.

¹¹ Téro, ę momó kepaayóló mo ti betere bete su yale kaae, ękélé atéroró momó kepaayóló mo ti betaaire bete saalopóló kisipa mutu dapó.

Dęle molemó sóko faai sururu yóló fole ala

¹² Ti Talené ama ępaae eraai tukóló mulale alarape fea mió sóró tani, teórapó. Kótóné ęalo du betere alakélé wisirótu betereitei mo ti wisirényi, teópó. Yesu Kerisoné ę tuępaae eraaire ala mupa, ama ę tawóló dape salepó. Até yaletéiné, ama ai eraaire ala ęale muaqsóró ę dekeyóló ęale bitini, ai ala saairaalu doasi ketekę butu heterapó.

¹³⁻¹⁴ Norape-ó, ęalo ai saai du betere alata, mo turó sóró tanipóló kisipa mutapó. Tépaitei, ęalo du betere ala betę i ape. Take deté wale alarape kisipa keteróló, tukóló muló betere ęalemó sóko faairaalu, ketekętamó folepaatéroró fu heterapó. Aita ęale mei, ę Yesu Keriso tuámó betepa,

Kótóné ępaae hepen bemó mole ala wisi saai ape eretei saairaalu, muló betere ęalemó sóko faai ketekę buóló fu heterapó.

¹⁵ Talené ala mo diriyóló tuęre so whj ę fea, atei kisipatóró muóló betaae. Diąko mepaae whíné ęalo i du betere fo tuámó me fokó ęasóko falapóló kisipa mutepa, ti atére alakélé diaę kisipa yópoló, Kótóné ękearaalopó.

¹⁶ Atéyaaiapa kaae taru, ęané kisipa sere ęalemótóroró erótu betaalopa sae.

¹⁷ Norape-ó, mepaae whjrapené ęalo du betere ala kolóló sya wou betere kaae, diąkélé atéroró yae. ęané yó matere fo wosóló sya fu betere so whíné dere ala kolóló tuę muae.

¹⁸ Ti noatepae, take ęalo diępaae yó maté wou betale fo kaae, miókélé diępaae momó woletamó i dere ape. Mepaae so whíné dere alané Yesu Keriso dóló olerale nitamo bóe du heterapó.

¹⁹ Ti ai whjrape atima ai ala deté fóló, mo ti aluyaaire tikipaae sóko faalopó. Atima tetéroló kaae tare kótóta, ti ęla naai eęęlere ala ai ape. Atima halení, mo sonaaiei alatei, bete mulapóló bopé faketu heterapó. Atimané kisipa tikikélé haemó mole alapaee mutu heterapó.

²⁰ Tétu betepatei, ęané turuku beta hepen ereteiné so whj aluyaqsóroró tao saaire Tale Yesu Keriso ę hepen be taaróló i haepaae wópoló, ę faairaalu ketekę buóló kaae tawóló heterapó.

²¹ Ti ai seké tuámóta, fea ala ama tetéroló kaae tawaaire fotokę mo turó bulapó. ęa i haemó mo whíné daale tiki taaróló, ama mo kae daale deę tiki wisinaale kaae daalópoló eraalopó.

4

¹ ęalo hosaa mole no nerape-ó, diępaae yaala sóko fóló mulu ęalo dię mo kelenée du heterapó. Ti dięta, sururu yóló fóló, folosóroró fole whíné topo tao suraalu, ęainé sukuu dere kaae, diaę du betere ala kolóló ę mo ęainé skutapó. Atéyaalopa, ęalo diępaae ai yale fotóroró sya furaalu, Tale tuámó mo diriyóló atérorótóroró betaae.

Alale sere alamó yale mafo

² ęalo ne Yuodiaró Sinteketamo-ó, diaamosisitei u tetérotú i tetérotú dere ala taaróló, Tale tuámó mo betę kisipatóró muóló betaeyóló diaamopaae mo dirii ma fo i dere ape.

³ Atimaamota atérapa, sekęi ala ętamo wusuró beletu betere whj no kamale-ó, ęalo ępaae ai so tamó mo wisiyóló tao sae yóló i dere ape. Atimaamota, Klemen-kélé, mepaae ętamo betę kutó diterere so whj kélé, ę fea Talené mió wosetere fo wisi eraairaalu, betámó bóe beleręle fu dere kaae

yale so tamopó. Ai so whjné doita, mo ti betó tare *buk*-mó aserapó.

⁴ Betere dokó fea diá Tale tuámó bitu-raalu, hajné sukutu betae. Momó dapa wosae, hajné sukutere ala hãle yó tawae.

⁵ Tale felekemó ai betepa, so whj feapaae diaaq mo dua naameyóló du betere ala erótu betae.

⁶ Diá mepaae ɔla ó alarape netéro yaaloé? yóló whaalía du betaqse. Téni, diaaq ɔyaytu betere ala fea Kótóné erópóló, apaae yó móturaalu mo kée yóló, moma dere ala betá yó tawae.

⁷ Atétere betené diá Yesu Keriso tuámó betepa, me alané diaaq hosaaró tué tiki-tamo doraqsóro Kótóné hosaa muni deyóló dua betere alanétei, diá tipi yóló kaae tawaalopó. Ai hosaa muni deyóló dua betere ala wisinaale mo doasi sikipaae horeteiné fea so whjné tué yaaire mo sunipó.

⁸ Norape-ó, mo kemerótu i dere fo wosae. Mo ala dereteikélé, wisi kisipa maaté mole so whjné dere alakélé, mo donoi alakélé, me alatamo hoseké inire alakélé, kelaalo mo kokóti alakélé, so whjné kolóló dukiraaire alakélé, ai dosayayale alarape taleralemó, naao yaai dere alatamo betá kaae epa, ti kelaalo mo kokóreteiné dukiraaire alapóló kisipa mutepa, ai ala erótu betae.

⁹ ɔllo diappaee yó matepa wosale fo ó asemó yale fo ó ɔllo hãle ekei depa wosaletei, ó ɔllo mo du betere ala kelené kelaiteikélé fea sya fóló erótu betae. Até depa, ti hosaa muni deóló mo dua betere ala matere Kótó diqtamo betaalo ai ape.

Hãle tao sóro matere alamó mo kée dere fo

¹⁰ Take diaaq ɔ kɔleturaalu, tao sere ala deté waleteti sawa taaróló bitiré wóló, momó tao sereteiné mo kée yóló ɔ Tale tuámó bitu, hajné sukutapó. Ti ita mo dapó. Take diaaq ɔ tao suqtei, tao saaire tɔ me munipa tao sinipó.

¹¹ I dere fota, ɔ me ɔla ɔyaytepa dumitei, mepaae kae kae sekei alarape wapakélé me ɔla meipóló, hepée taee faróló bitiré wou betaletéiné mió ɔ kisipa sóro asarapóló dapó.

¹² Atéro ɔla ɔla sumó mupa betere alakélé ɔllo kisipa yóo, ɔyayare tuámó betere alakélé, kisipa yóo erapó. ɔla sumó nukulé fóo, munipa hãle bitiré fóo, kae kae felei ala ó sekei ala wapakélé, faleyóló betaaire kisipa saletéiné mo sumó hãle betenérápó.

¹³ Ti ɔ fotokó mótu betere seké tuámó bituraalu, ai dosayayale alarape fea ɔllo mo sumó enérápó.

¹⁴ Tépateti, epaae wou betale sekei alarape diaaq kolóló hosaamó suraalu, dã feané

tikimó eratapóló kisipa muóló ɔ tao su betale alata, mo wisirapó.

¹⁵ Ti ai alamaaté mei, ɔ Masedonia hae kwia taaróló diá Filipai bemó betó mole so whj beterepaae wua yóló, kale mió wosetere kisi fo wisi yó melaai kaae salepó. Atéyale sukamó, mepaae be hulua Keriso fake so whjné ɔ tao sóro u mótu i mótu dere ala ini, diané maaté ɔ tao su betale ala diaaq ai kisipare ape.

¹⁶ Ti noatepae, ɔ Tesalonaika bemó betepa ɔyay du betale ɔla ɔla diaaq ɔ tao sóro dotonótua yó tarepó.

¹⁷ Ti i dere fota, diané emó me ɔlakó melópóló dumitei, diaaq take saaire dupumó kisipa mutu dapó.

¹⁸ Diaaq Eparataitais-paae emó melale fae yale ɔla ɔla fea ɔllo sumó saletéiné mió mo dekéro mulapó. Aita emó maleteti, Talepaae hãle móturaalu simó bilitepa felé kɔlaa hotere kaae depa, Kótó ɔ felé kisipa mutu betepapó.

¹⁹ Yesu Keriso tuámó Kótóné ama kae ere dɔ wisinaale faane wisi wisi ɔla mo turó mulapó. Atére wisi ɔla ɔ tetéroló kaae tare Kótóné diá ɔyayaretei fea mo sumó melaalopó.

²⁰ Dãné Aya Kótó ɔta, ama kae ere dɔ wisinaale tuámó betereiteiné ama doi doasi mulatere ala kemekélé ini, mo ti muó tanópóló yae. Mo kée.

Mo kemeróturaalu kɔleó yale fo

²¹ Yesu Keriso tuámó kae betéro betere so whjpaee kɔleó yae. ɔtamo betámó betó mole Keriso ne norapenekélé diappaee kɔleó dapó.

²² Kótóné ala erópóló ama kae betéro betere so whjné diappaee kɔleó deretei, so whj fea tetéroló kaae tare doasi topo whj Sisané bemó betere so whjnéta, mo doa kɔleó dapó.

²³ Térapa, Tale Yesu Kerisoné hãle hamokoróló tao sere ala diané kepe bete tuappaee erópóló yae. Mo kée.

Kolosi

¹⁻² Ẹ Pol-ta, Yesu Kerisoné ala eraḗ fǫpóló, Kótóné ama tuéńétei, *aposel* whǫ sǫró beteralepó. I dere asęta, ęané no Timoti ęamo wusuró bitu, ęi ęa Kolosi bemó betó mole no nerapepaae ęapó. ęi ęa Yesu Keriso tuamó betepa, Kótóné ama so whǫpóló kae betero betereiné diaaę ama ala haḗ eró tarapó. ęané Aya Kótóné hamokoróló haḗ tare sere alaró hosaa muni deýóló mo ęua betere alatamo ęi ęapaae erǫpóló yae.

Talepaae mo kęe yóló moma yaletai

³ ęa ęeteróló kaae tare whǫ Yesu Kerisoné Alima Kótópaee momaturaalu, ęi ęa keteréni kisipa haḗ yó taru, Kótópaee mo kęe du beteralepó.

⁴ Ti noatepaae, ęi ęa Yesu Kerisopaae kisipa tiki tiró bitu, Kótóné kae betero betere so whǫpaae yaala sǫkó fu beteralepó dere fo ęané wosalelepó.

⁵ Diaaę tué tiki tiratere alaró yaala sǫkó fole alatamo haḗ dumitei, take nalopaae eraaire wisi ala hepen bemó mulapóló kisipa mutu du beteralepó. Ti ai eraalopó dere alata, mené ęi ęapaae bete mole fo i ape yóló yó male fo wisi wosale betené kisipa yalelepó.

⁶ Take mené kale fo wisi ęi ęapaae yó matepa wosaleteiné, Kótóné bete mole mo fo tuamó bole ama haḗ hamokoróló tao sere ala mo turó diaaę kisipa yalelepó. Atéyale sukamó kaae sǫró, ai fo ęi ęa tuamó fakeraté fóló du wisi oleté walelepó. Atére kaae i hae kwia feamó betó mole so whǫ tuamókélé ai fo wisi du oleyóló fakerótu beteralepó.

⁷ Ai fo wisita, Epapras-né ęi ęapaae yó matepa wosalelepó. Ai seké ęta, ęa ęa kutó diratere hosaa mole no bitu, ęané ęi ęa tao saalopó yale kaae, Kerisoné ala wisiyóló eró taru, ama ęi ęa taosu beteralepó.

⁸ Tėru, kale ęe Kepe Wisiné ęi ęa tuapaae eratere yaala sǫkó fole ala ęianémo mepaae so whǫpaae erótu beteralepó fo ęapaae ene walelepó.

⁹ Atére betené, diaaę du betere ala ęané wosale bere ęémó kaae saletei, miókélé ęiamó moma dere ala haḗ eró tarapó. Kótóné ęe Kepe Wisiné diaaę kepe bete tuapaae mo bete mole fo diriýóló kisipa dere alaró ama kisipa mole ala eraaire fosó fosói kisipatamo ęi ęa tuapaae mo ti surǫpóló, momarótu beteralepó.

¹⁰ Ti ęané momatu betere alata, ęi ęa Tal-ené ama so whǫ sutóro beterǫpóló du beteralepó. ęi ęa atei so whǫ bitu, diaaę du betere alakélé fea ama kisipa feléyaaire ala eraalopó. Tėtu, kae kae wisi ala deremó du wisi oleyóo, Tale ęa etei kaae Kótópóló kisipa deté fǫo yaalopó.

¹¹ ęi ęa Tal-ené ala eraai hǫni, haḗ eraté fóló wisi kisipatamo ęua kaae taté fǫpóló, Tal-ené ama kae ere ala tuamó bole fotokęné ęi ęa suraalopó.

¹² ęi ęa Ayané ęeteróló kaae tare aęmó mole ęe wisinaale tuamó, Kótóné kae betero betere so whǫmó ama muló betere ęa wisi ęiakélé atimatamo betamó bitu sǫpóló, Ayané ęi ęa suratepa haıtamo ęapaae mo kęe yaalopó.

¹³ Dowi kisipatamo hǫko ęeteróló kaae tare diliki tuamó ęa betepa, Kótóné tao sǫró ama hosaa mole naalené ęeteróló kaae tare aęmó beterǫpóló ęape walelepó.

¹⁴ ęa ęa tuamó atéro betereiné dowi alané ęa dokóló mupa, ama dupuróló haḗ fǫpóló eralelepó. Atėtu, ęané dowi alamó saai yale kwia fea ama haḗ kemeró beteralepó.

Yesu Kerisoné ama ere alané mepaae whǫ ó ere ala fea bosené falapó

¹⁵ Yesu Kerisota, mo whǫné kelené kilinire Kótóné ęa ere ala kolǫpóló haķearó betere asotóro beteralepó. Tėru, ęa ęa fea aleyaaipatei, ęa mo taketi haḗ bitu, fea ala ama ęeteróló ęa topo whǫ beteralepó.

¹⁶ I haemókélé, ó hepen bemókélé yó mole ęa ęa mo fea Kótóné Yesu Keriso tuamótóro kaarėlipakalelepó. ęané kelené kelere ęa ęlakélé, kelenire ęa ęlakélé, ęeteróló kaae tare doasi topo keperapekélé, atimané ęeteróló kaae tare alarapekélé, atima aęmó bitu, mepaae ala ęeteróló kaae tare keperapekélé mepaae kutó ęeteróló kaae tare whǫrapekélé fea amatóro alipakalelepó. Aleyóló muló betere ęa ęa fea Kótóné ęapaae aleyae yóló ama naase tuamó mulatepa alipakalelepó. Ti ai ęa ęa fea aleyóló muló betereiteita, Yesu Kerisoné ama kisipa mole alatóro erǫpóló erapó.

¹⁷ Fea ęa fea aleyaaipatei, ęa mo taketi haḗ bitipakalelepó. Aleyóló muló betere ęlakélé, betó mole ęlakélé fea ęa tuamó yó moletai, atima dokę feané yaai dere ala du beteralepó.

¹⁸ Yesu Keriso ęa topo bitu, ęa Keriso fake so whǫ ama tikítóro betepa, ama ęeteróló kaae tarapó. Ti folosóro ęa sukǫló momó kepaareteiné ęakélé ęa yale kaaetóro yaalo ai ape. Atėreteiné mió ęa fea ala fea ęeteróló folosóro fale topo whǫ beteralepó.

¹⁹ Ti noatepaae, Kótóné ama ere ala mo turó ęa tuamó ęanǫpóló wisi kisipatamo eralelepó.

²⁰ Atėturaalu, Kótóné Yesu Keriso tuamó erale alané hepen bemókélé ó i haemókélé fea alatamo touyóló betamó wisiyóló beterǫpóló, ama naalema filipaa ni tómó sǫkó fararale sameané bóe firalelepó.

²¹ Take ęi ęa Kótótamo betamó bitini kae bitu, diaaę du betale dowi alané tué tuamótei Kótótamo bóe du betalelepó.

²² Tépeatei, mió Keriso a mo whi tiki daayóló sukaleiteiné bõe firóló diá Kótóné keletómó betámó beteralepó. Ti aita, Kótóné keletómó me alakélé muni, mo kae so whi betóo, haşókó felepóló só deraaire bete munire so whi betóo, yópóló yalepó.

²³ Ti Take diaağ woseté wou betale fo wisi-paae kisipa tiró betereitei taaréni, miókélé ai fo tuámó diriyóló bitu, nalopaae mo wisi ala kelaalopóló haıtamo kaae taté bu betepa, ti Talené keletómó ama kae betero betere so whi ai ape. Ai fo wisita, mepaaené diapaee yó matepa wosóo, Kótóné i hae kwia dokómó betero betere so whi feapaae yó maté kweyóo, E Pol-kélé ai fo yó melóppóló kutó diratere whi sóró beteroó yalepó.

Pol a so whi tao saaire kutó dirótu betale ala

²⁴ Yesu Kerisoné so whita ama tikitóro betepa, atima tao saairaalu, ama tikimó doasi seke salepó. Ama tikimó ai sale sekei ala kwia daaletei, mo ti kemeraairaalu, mió yałokélé diapaee kale fo wisi yó mótu betere mó, mepaae whırapené epaae sekei ala eraleiteimó mo kée du beteraıpó.

²⁵ Eta, Kótóné ama so whi tao sóró kutó diratere whi bitu, ama bete mole fo mo turó diapaee yó melóppóló, Talené e sóró beteralepó.

²⁶ Ai fota, mo taketi bitiré wale so whiné kelaşsóro kinóló moletei, mió Kótóné kae betero betere so whiné kolóppóló haıkearó beteraıpó.

²⁷ Juda meire fake so whi tuámó kae betero betere so whıpaee ai kinóló mole ala, de faanu ke wisi bulapóló tué yópóló Kótóné ama kisipanéitei haıkearalepó. Ai ke bole wisi olata, diá tuámó betere whi Yesu Keriso ai ape. Ai seke diá tuámó betereiteiné, take nalopaae wisi de tuámó betaalopóló haıtamo beteraıpó.

²⁸ Diá fea Yesu Keriso tuámó me ala haşókó feni, mo donore so whi betepa, Kótóné keletómó yó melaai kisipa mutu, Yesu a etei kaae whıpóló dané yó mótu beteraıpó. Tétu, diaağ du betere hoıo ala taaróló wisi tuıpaee fae yóló ma fo yóo, Kótóné matere fosó fosói kisipatamo ama bete mole fo etéroppóló yó melóo, du beteraıpó.

²⁹ Ai ala yaalopóló kisipa mutu, Yesu Kerisoné ama kutó keteketaımo depe tukówei ala i du betere ape.

2

¹ Diá Kolosi bemó betó mole Keriso so whıkélé, Laodisia bemó betó mole so whıkélé, yało kelepaa kilinire no nerapekélé, Talené tao sóppóló kisipa mutu, e depe tukówei ala du betereitei diaağ kisipa yaasepóló i dere ape.

²⁻³ Yało yaai kisipa mutere ala i ape. Atima haepaae derepéni, yaala sókó fole alané atima fea dokóló, mo betá tuétóro mulu, ketekę buóló beteroıppóló dapó. Aita haıe mei, mo bete mole fo sóro taru, Kótóné ama hiró betere ala wisi mo turó tué yópóló du beteraıpó. Ai hiró betere ala haıkearale whita, me kae mei, Keriso atórotıpó. Kótóné fosó fosói kisiparó bete mole ala wisitamo a tuámó kinóló mulapó.

⁴ Yało diapaee i dere fota, mepaae whiné diá dilikituraalu, kisipa tiki tiranére fo depa mo nisiyóló sya faşsóro dapó.

⁵ Ti noatepae, eta diatamo betámó bitini, tika kae bitutei diá kisipa keteréni, yało hosaa tuámó tué haıe yó tarapó. Yesu Kerisopaae diaağ tué tiki mo ti diriyóló tiratere alakélé, mepaae du betere alakélé hoıo ini, donotóro du beteraıpó dere fo yało woseturaalu, mo kée yóló e haıné sukuıtu beteraıpó.

Data mo hae whiné dere ala sya fumi, Yesu Kerisotamo betámó beteraıpó

⁶ Take diaağ Yesu Keriso diá tetéroıo kaae tare Tale beteroıtu yale kaae, mió ama fo wosóló a tuámó bitu, ama erae dere alatóro sya fóló erótu betae.

⁷ Atétepa, ti diaağ betere bete mo turó Yesu Keriso tuıpaee muló betereitei ni feleke haepaae durupu dere kaae yaalopó. Diá a tuámó atéro bitu, take mepaae whırapené diapaee yó melale mo fo bete tué yó taru, apaee tué tiki tiratere ala mo ti faketé fóló, mo dirii whi betenéraıo. Talené diapaee ai erale alarapémó kisipa mutu, mo kée dere fo dekeró yó tawae.

⁸ I haemó doasi kisipa mole whırapené mepaae bete munire fotei, bete mole fo aqróló diá dilikóló mo fo wisi taaróló, kapala fo du betere tuámó atimatamo beteraıai wae saşsóro hotowaró kaae tawae. Ti atei kaae fota, Yesu Keriso tuámó kaayóló dumitei, mo whiné tuere alaró i haemó tetéroıo kaae tare fotokó bole kepetamoné kaarótu beteraıpó.

⁹ Ti noatepae, Yesu Keriso a mo whi tikitóro daalutei, mo Kótótóro betereiteiné, Kótóné ere ala a tuámó mo suró beteraıpó.

¹⁰ Atépa, diakélé Yesu Keriso tuámó betereiteiné mepaae ala yaıanı, ama ere ala diá tuámó faanıóló mo suró beteraıpó. Ateru, ó şaró i haetamo tuámó betere mepaae tetéroıo kaae tare keperaperó doasi doi mole keperapetamokélé, fea ama tetéroıo kaae taru, a topo whi beteraıpó.

¹¹ Mo take bitiré wale Juda fake whiné mo tiki sekae tukóló sirirótu yale kaae, diá Yesu Keriso tuıpaee bitı wale sukamó ama so whıpóló siriró beteraıpó. Ti ai sirita, mo whiné naasené eréni, Keriso a filipaa

ni tó mó sukáleiteiné dāné tó tikimó bole ekèlere ala tukóló taae faralepó.

¹² Diā wēi tópualeiteita, Yesu Kerisotamo betāmó douralepó. Yesu Keriso ą mo ti sukáleitei momó kepaaróló beterele Kótópaae diāné tuę tiki tiró betereiteiné, diąkélé kisi betere bete sópóló ątamó betāmó kepaaróló betero betera.

¹³ Diāné tó tikié ekèlere ala tukóló taae falaai hałe muóo, take dowi ala du betóo, yale betené dią sukóló molepó. Tépa, Kótóné diąkélé Yesu Kerisotamo betāmó kepaaróló betero túraalu, dāné dowi alamó saai yale kwia mo fea ama tokóló aluralepó.

¹⁴ Dāné yale dowi alamó dą só deraai dapóló kwia betapaeróló muté huturaalu deąle dukų Kótóné Yesu Keriso filipaa ni tó mó oleróturaalu mo ti doróló aluralepó.

¹⁵ Atéyaleiteiné kale tęteróló kaae tare keperaperó doasi doi mole topo keperapetamoné tare bóe dele ąla ąla Kótóné fasó salepó. Atéro Yesu Keriso filipaa ni tó mó sukuturaalu so whį feané keletómó atima só deróló mo doasi haleralepó.

¹⁶ Atérapa, mepaae whįné dią só deraaairaaalu, nokole ąla ó wēi ó tukóló mole be de ó kisi wélié sókó wapa ąla deteremó ó kutó diyaqsóró tukóló muló betere be dekéle, wisiyóló sya fumipóló só deratere fo momókó wosaąse.

¹⁷ Ti ai dosąayale alarapeta mo ala mei, Kótóné dąpaae eraaire wisi alané aso maaté erélipakalepó. Mo bete mole ąlata, ti Yesu Kerisópóló.

¹⁸ Mepaae so whį tuāmó bopé faketera ala bulutei, naameyóló dua betere aą yóo, *en-sel-rape* aqmó bitu, atima doi sóró horóo, du betera. Térapa, dią Talené muló betere ąla wisi saasepóló, atei ala ekęle yóló du betere so whį momókó sya faąse. Atei kaae so whį atima i doasi ala kelalepóló, fọlo sįyóló deté fu betera. Atima tuękélé Deį Kepe Wisiné meni, hąko bete munire kae kae dowi kisipa maaté ąaturaalu, bopé faketu betera.

¹⁹ Yesu Keriso ąta, tikié topo betepatei, atima atétu betere alané ątamó betāmó olekenipó. Dąta ama tiki bitu, ai topomó bole fotokąné tiki turó diriyóló daalópóló olekeratere feleke diriró betera. Atépa, ai tiki doatere alata Kótóné amatei erótu betera.

²⁰⁻²¹ Dią i haemó mara mole alarape tęteróló kaae tare keperapené dere fo sya fóló du betaleitei, Yesu Kerisotamo betāmó sukále alané mo ti kemeró betera. Téreteiné mió dią ai ala tuāmó betepapakó, “I ąla naąse! ó I ąla tawaąse! ó i ąla olaa yaąse!” yóló ere fo aqmó bitu, sya fóló eraaloé? Mo meipó.

²² Ti noatepae, mo whįné tuęnéitei i ala yaąse ó i ąla naąse yóló yó mótu betere fota, bete muni mo aluyaalopó.

²³ Atei kaae ala du betere so whį atima kisipa mole ala sya fóló, Tale aqmó etéro betaalopóló yó melóo, bopé fake du bitutei naameyóló dua betere aąyóo, atima tikimó felé dere ala ini, mo hapólui ala maaté yóo, du betera. Atére alata, fosó fosó ere fo aąpatei, dą hae whįné dowi ala yaai ekèlere ala sesé yaaire fotoką mo bunipó.

3

Kerisotamo kepaayóló betereiteiné tu wisi sya fae ere fo

¹ Diąta, Yesu Kerisotamo betāmó kepaayóló betera, diaaą hosaa mo turó ó hepen be tuāmó mole alapaetóró muló bitu, kisipa yó tawae. Ti aimóta, Yesu Keriso ą Kótóné turu naase eró betere fakeró betera.

² I haemó mole alapaee kisipa muni, ó hepen bemó mole alapaee maaté kisipa mutu betae.

³ Ti noatepae, Yesu Keriso sukále sukamó diąkélé ątamó sukóló, mió diaaą betere bete Yesu Kerisotamo Kótó betere tuāmó kinóló mulapó.

⁴ Dią betere bete Yesu Keriso ama ere de wisinaaletamo sókó wale sukamó, diąkélé ai de tuāmó betepa so whį feané kelaalo ai ape.

⁵ Térapa, dą so whįné tó tikié i haemó mole alarape yaai ekèlere ala mo ti dóló alurae. Aita, so nópu nokole alakélé, sonaaleti dowi alatamo hosekétere alakélé, me ąla senée yóló au nokole alakélé, dowi kisipa mutere alakélé momókó yaąse. I haemó mole wisi wisi ąla senée yóló ekęletere alata, kapala kótópaee moma dere aąrapó.

⁶ So whįné ai alatamo hałe du betepa, ti Kótóné fopaae buturaalu dowi kwia melaalopó.

⁷ Take dią mo hae whį doi muóló betale sukamóta, ai dosąayale alarape sya fóló du betalepó.

⁸ Téyaleitei mióta, ai du betale dowi alarape derąakele kuti sokóló taae fótu dere kaae, mo ti taae falae. Ai alarape i ape. Fopaae butere alakélé, fopaae buturaalu me whįpaae eratere dowi alakélé, dei kisipa mutu me whįpaae eratere sekeį alakélé, me whį eróló doi doratere alakélé, dowi teka fokélé, mo taalae.

⁹⁻¹⁰ Téturaalu, dią take daayóló betale tikiró yale alatamo sókóló taae faróló, mo bete mole fo tuę siré furaalu, kisi whį aler-até fu betera. Ai kisi whį kaarale sekéné asotóró betera, diąsisi kapala fo yaąse.

¹¹ Dą mió i betere kisi ala tuāmó mepaae whį Juda fake betepa ó Juda meire fake betepakélé, me ąla meipó. Mepaae whį tiki sekaę tukóló siriró betepa ó siriró bitinipakélé, me ąla meipó. Krik be fo buni, kae

hae wiamó wale whi ó me la kisipani, mo belei sókó deyóló betere whikélé, kutó diróppóló wae sóró betero betere whikélé, ó wae sini mo hale betere whikélé, me la meipó. Mo doasi bete mole alata me kae mei, a fea tuamó betere whi Yesu Keriso tóró ai ape.

¹² Atépa, Kótóné i yaala sókó furaalu, mo kae so whi betero póló sókó su erapó. Térapa, mepaae so whipaae yaala sókó fu olené sukutere alakélé, mo wisi ala maaté eratereteikélé, deróló mo dua betere alakélé, ama enére ala taaróló, naame yóló mo dua betere alakélé, fopaae butere ala hapale ini, sekei ala hale beleyóló kaae taté fu betereiteikélé, ai dosayale alarape feata, kuti derótu dere kaae yóló betae.

¹³ Mepaae whi asókó fóló dere alamó seke kisipa muóló, foné hapale só deratere ala ini, me la meipóló kisipa keteróló, sekeitei beleté fu betae. i noatepae, Talené iaa dowi ala fea me la meipóló kemerótu yale kaae, mepaae whiné iapaae me kwia muló betepa, me la meipóló hale kemerae.

¹⁴ Ai alarape fea teferó betere doasi bete mole ala i ape. Kutiné tiki turó husirótu dere kaae, ne nopaae olené sukóló yaala sókó fole ala betá hale yó tawae. Ti ai yaala sókó fole alanéta, kale dosaté wale wisi alarape fea touróló dokorapó. Atére alané a fea wisi kisipa muóló betero póló, mo ti suró betepapó.

¹⁵ Atéru, Yesu Kerisoné mótu betere hosaa muni deyóló mo dua betere alané iaa hosaa tuamó mole kae kae ala fea taleyóló teferóló kaae tanóppóló yae. Ti noatepae, Talené i fea a beterepaae ape yóló, mo betá tikitoró daaróló betero betepapó. Atére alata, iaa mole kisipakélé mo betatóró muóló betero póló erapó. Térapa, iaa hosaa tuamó Talepaae mo kée dere ala suka fea hale yó tawae.

¹⁶ So whi bemó suka fea bitu dere kaae, Yesu Kerisoné ama fo iaa hosaa tuamó mo ti muóló suróppóló yae. Atéru, Talené ala eraairaaalu, mo wisi kisipatóró muóló, u yó mótu i yó mótu dere alakélé, t wisi sya foleteti asókó fóló dée naaitere tupaae faqsóró, ma fo u du i du dere alakélé hale yó tawae. Tétu, Kótópaae wole fo duraalu, ama buk-mó aseýóló muló betere wole fokélé yóo, mió i alimó du betere wole fokélé yóo, mepaae so whipaae De Kepe Wisiné yó matere wole fokélé yóo duraalu, haitamo iaa hosaa turóné Kótópaae mo kée du betae.

¹⁷ Atétu, iaa mepaae dere ala ó dere fokélé fea a teferóló kaae tare whi Yesu Kerisoné doi doasi mulóturaalu, ai sekéné ama doimó Aya Kótópaae mo kée du betae.

Keriso so whi atima naale senaale tamawo wisiyóló betae yóló dere ma fo

¹⁸ i whiné dokore sorape-ó, iaa dere ala mo Talené so whiné dere ala kaaetóró yaasepóló, iaa whirapené dere fo wosóló aqmó betae.

¹⁹ i so dokore whirape-ó, iaa sorapepaae hapólui ala ó deteraai fo ini, yaala sókó fole alatóró yó tawae.

²⁰ i naale senaale-ó, iaa hae ayané dere fo wosóló aqmó betae. Atétere ala Talené kilituraalu, a hekesetu betepapó.

²¹ Naale senaale alimarape-ó, iaa naale senaale atima fomaake kisipa muaqsóró haseai ala erase.

²² Kutó diróppóló wae sere whirape-ó, i haemó i teferóló kaae tare whirape aqmó bitu, atimané erae dere ala fea erótu betae. Atimané kisipa tiki felé yóppóló, atima keletómó maaté kutó hatepaa yóló ini, betepa ó alupakélé, betá alatóró yó tawae. Atimané iapaae dirae dere kutó diróturaalu, wisi kisipa betatóró muóló, Talepaae witamo dirótu betae.

²³⁻²⁴ i teferóló kaae tare whi ita mo whitei, alo i ditu betere kutómó Talené dupu wisi melaalopóló, wisi kisipatamo keteke buóló dirótu betae. Ti naao ai ditere kutóta, a teferóló kaae tare whi Yesu Kerisoné kutóppóló kisipa muae.

²⁵ Téretei, Talené keletómó iaa me dowi alatamo depa, ti ai alamó mo dowi duputoró tokó melaalo ai ape. Ti noatepae, Kótóné taleturaalu, mepaae whirape tao sóo, mepaae whirapemo só deróo ini, mo betá kaae alatóró eraalopó.

4

¹ Wae sóró kutó diratere whi teferóló kaae tare whirape-ó, iakélé teferóló kaae tare doasi hepen bemó betepapóló kisipa mutu, Kótóné donoi ala eróturaalu, iaa wae sóró kutó diratere whirape atimakélé, i kaae mo whítóró betepapa, wisi alatóró erótu yae.

Mepaae dere alarape hotowaró duraalu moma yae dere fo

² iaa momaturaalu, noke keleiné ini, kele diriyóló bitu, hosaa tuamó Talepaae mo kée yóló betere dok fea moma dere ala hale yó tawae.

³ Téturaalu, Tale Kótóné ama kinóló mole fo so whi feapaae yó melaaire t tukiyóppóló, apaaekélé moma dere ala hale yó tawae. Ti ai kinóló mole foné, Yesu Kerisoné i juda meire fake so whikélé tao saalopó. Atéyaaire fo wisi yó maté kutu betepa, atimané  dipula sóró i betero betere ape.

⁴ Talené fo alo yó matepa, so whi feané wosóló bete mo wisiyóló kisipa yaaire fotóró yó melóppóló momarótu betae.

⁵ Keriso meiyóló, hale belapaae betere so whitamó iaa mepaae ala duraalu, Talené

matere wisi kisipatamo ama ala eraaire be de mepaae hãle kemeraqsóro, ama alatóro erótu betae.

⁶Atéturaalu, mepaae mo so whítamo diaaq dere fokélé, Talené hamokoróló tao sere ala mo faayóló suru, naao ai dere fo atima feané wosetepa, kó felé kaae dapó yóppóló yae. Atéturaalu, mepaae so whíné diãpaae kae kae wosetere fo depa, tokó melaaire fo kóló kóló ini, mo donotóro tokó melaalopó.

Mo kemeróturaalu kôleó dere fo

⁷Yalo mo hosaa mole no Tikikas-né e betere ala etérapóló diãpaae yaalo ai ape. Ti ata, etamo Talené kutó diratere whi wisinaale betepa, diã beterepaae wópóló doteyaai dapó.

⁸A atéro wouraalu, dané du betere alakélé diãpaae yóo, diã fotokó bulatere alakélé yóo, yóppóló dotonatapó.

⁹Diaaq be whíkó dané mo hosaa mole no Onesimas-kélé, Talené kutó diratere whi wisinaale Tikikas-tamo wópóló doteyaai dapó. Dané imó du betere ala fea ti atimaa-moné diãpaae yaalo ai ape.

¹⁰Etamo betamó *dipula* betere whi Aristarkus-né diãpaae kôleó dapó. Banabas-né belema Mark-nékélé diãpaae kôleó dapó. Ai sekemó kisipa mutu yalo take diãpaae yale fo diaaq kisiparapa, a wisiyóló dape sae.

¹¹Da tetéroló kaae tare whi Yesuné yakoma Yesu doi mupatei, Jastus-pó du betere whínékélé diãpaae kôleó dapó. Talené tetéroló kaae tare tuamó mole ala erótu betere whirape kuamó etamo kutó ditere Juda fake whirapekó sore betã beterapó. Aita Mark, Jastus, Aristarkus atimané yalo kisipa felérotu betalepó.

¹²Diã be whíkó Yesu Kerisoné kutó diratere whi Epapras-né diãpaae kôleó dapó. Betere dokó ama diãmó momatu beteretei i ape. Kótóné diã fotokó bulóo, ama diãpaae eraaire ala turó eróló suróo, Kótóné ama kisipa mole ala mo turó diaaq tué yóo yóppóló, keteké buóló momarótu beterapó.

¹³Yalo diãpaae mo i dere ape. Ai sekéné diãmókélé, Laodisia beró Hierapolis be huluatamomó betó mole Keriso so whipaaekélé, me sekéi ala eraqsóro, ama hosaamó suraalu kutó ditu beterapó.

¹⁴Dané hosaa mole no *Dokta* whi Luk-ró Demas-tamoné diãpaae kôleó dapó.

¹⁵Laodisia bemó betó mole dané Keriso ne nopaaekélé, kale so Nimparó ama bemó touróló bitua dere Keriso so whitamopaaekélé, yalo kôleó dapó yae.

¹⁶Yalo i dotonatere asé diaaq dosayayóló kemetepa, ti Laodisia Keriso so whínékélé dosayayóppóló melaé. Yalo atimapaee dotonale asé diaaqkélé dosayayae.

¹⁷Artipus-paae Talené yãpaae dirae yale kutó diróló, mo ti kemerae yae.

¹⁸Eta, Pol-né dapó. Yalo diãpaae kôleó yóló i asetere fota, mo yalo naasenétóro ai erapa kelae. E *sein* képiné dokóló *dipula* beteretei kisipa keteréni, kisipatóro hãle yó tawae. Kótóné hãle hamokoróló tao sere ala diã tuamó mulóppóló yae.

1 Tesalonaika

¹ I dere așeta, ę Pol-né dapó. Sailas-ró, Timotitamokélé dą fea betámó bituraalu, dią Tesalonaika be huluamó betó mole Keriso so whįpaae i dapa wosae. Dią Keriso fake Aya Kótóró Tale Yesu Kerisotamoné ala tuámó betepa, Kótóné ama hamokoróló tao sere ala wisinaaleró hosaa muni deyóló mo dua betere alatamo dią tuámó mulóppóló yae.

Tesalonaika so whį Talepaae tuę tiki tiró betepa, Pol-né mo kée yale fo

² Dią fea dąné kutiri tuámó muó taru, mo kée yóló Talepaae moma dere ala hąle yó tarapó.

³ Atéró, Aya Kótóné keletómó moma yó tare alata, diaaę kisipa tiki tiró betere alané kaarale kutórapekélé, kólené sukóló yaala sókó fole alané kaarale depe tukó wei alakélé, take nalo waaire sukamó, Tale Yesu Keriso tuámó wisi ala mupa kelaalopóló kisipa mutu, hókélé ini, hąle eró tare alamókélé, mo kée yóló Talepaae moma du beteraépó.

⁴⁻⁵ Kótóné yaala sókó fu betere norape-ó, Talené dią fopeyóló sókó suyóló beteró betereitei, dąné tuęrapó. Ti noatepae, mió wosetere kisi fo wisi dąné diąpaae Kótóné fotokótamo yó matepa diąné woseturaalu, hąle tó tikiné maaté wosetere ala inipó. Mo bete mole fopóló Dęi Kepe Wisi dią tuámó fąayóló sųreteiné diaaę hosaa betemó salepó. Dią wisiyóló beteróppóló kisipa mutu, dą diątamo betaleteti diąné ai kisipare ape.

⁶ Atéturaalu, dąpaaeakélé, Talepaaeakélé, dua yale dowi sekęi ala kaae, diąpaaeakélé erótua yalepó. Atétepaitei, me ęla meipóló hepéee taae faróló, Dęi Kepe Wisiné matere hąjtere ala mulu, kale fo wisi mo wisiyóló wosetu betalepó.

⁷ Atére ala Masedonia hae kwiaró Akaia hae kwiatamomó Yesupaae kisipa tiróló beteraépó dere fo wosetu, atimakélé, atéró betaai dapóló kisipa mualepó.

⁸ Talené ama fo wisi, dią betere tikimó kaayóló, Masedonia hae kwiaró Akaia hae kwiatamopaaekélé yó melaté fóló fakeralepó. Atéturaalu, dią Tale Kótópaae kisipa tiki tiró beteraépó dere fo hae kwia feamó betó mole so whįné wosalepó. Atéyaleiteiné dąné me kae enénipó.

⁹ Ti noatepae, ai be huluamó betó mole so whį diaaę dą wisiyóló dape sale ala atimanéitei mepaae so whįpaae yalepó. Dią kapala kótóné ala erótu betaleteti taaróló, ti betere Kótóné ala eraai walepó.

¹⁰ Atéru, ama kepaaróló hepen-mó beteró betere Naale wóppóló kaae tawóló beteraépó

dere fokélé so whį feané wosalepó. Ti ai sekęé Ata, Kótóné fopaae buturaalu kwia melaaire ala dąpaae eraşsóró, tao su betere whį Yesupó.

2

Pol Tesalonaika be huluamó fo yó maté kweęale fo

¹ Norape-ó, take dą diątamo sawa hąleke sukamó bitu, eraai wale ala hąsókó feni, mo eraletei diaaę ai kisipare ape.

² Take diaaę bepaee wai, Filipai be huluamó betepa erale sekęi alaró, halerale alatamo diąné kisiparapó. Tépaitei, dąné Aya Kótóné dą tao su betepa, halaainé diąpaee ama fo wisi yó mótu betalepó. Ai ala du betereóm, mepaae whįrapené dą daai keteke butepaitei, wiyóló taaréni, hąle yó matere ala betą du betalepó.

³ Ti noatepae, dąné diąpaee du betere bete mole fota, hęko ala tuámó kaayóló ini, mopóló diaaę sya faasepóló dapó. I foné dią dilikóló me ęla saai ó dią doraaire kisipa muluraalu dumi, motóró i dere ape.

⁴ Tény, Kótóné ama fo wisi yó melóppóló, dą ama fopeyóló sóró beteró betepa, ama fo wisi dąné diąpaee i yó mótu betere ape. Dąné i du betere ala, mo whįrapené kilitu, wisi ala dapóló dą dukiróppóló dumitei, dąné hosaa tuámó mole ala kaae keletere Kótóné kolóló, wisirapó yóppóló du beteraépó.

⁵ Dąné diąpaee Kótóné fo yó móturaalu, diąné me ęla ęla saai dapóló fonéitei dią hąle mulóló, dilikiniyale ala diaaękélé kisipa yóo, Kótónékélé kisipa yóo erapó. Ti noatepae, dąné du betere ala feata, Kótóné ama kele tómotóró du beteraépó.

⁶ Ti dąné i du betere alata, diaaę ó mepaae whįrapenekélé wosóló dą dukiróppóló dumipó. Ti dąta, Kerisoné ama sóró beteró betere yó matere whįrape bituraalu, dą fiyaaire be ó naaitere ęla diąpaee tao sae yaalopóló yaleitei, dią sekę yaşsóró kisipa mutu taaralepó.

⁷ Téturaalu, betą soné ama naale senaale awą nóppóló dua bitu dere kaae, dą diątamo naameiné dua beterepó.

⁸ Dąné dią yaala sókó fole ala mo turó mulu, Kótóné kisi fo wisi yó matere ala maaté ini, dią tao saai wisi kisipatamo dąné betere betekélé malepó. Ti noatepae, dią dąné hosaa mo turó mole ne no alée feleteinépó.

⁹ Norape-ó, dą diątamo bituraalu yale alarape fea kisipa muae. Kótóné fo wisi yó mótu bitu, mepaae dąné naaire ęla ó be diąpaee maaté sekę eraalomeipóló kisipa mutu, dętamokélé, dikitamokélé, dąnéitei doasi depe tukó wei ala du betaleteti diaaę ai kisipare ape.

¹⁰ Tétu, diá kisipa tiki tiró betere so whi tuámó dā betale ala diánékélé Kótónékélé, kolóló ai kisipare ape. Kótóné ama sóró kae betero betere whirapené dere ala yóo, mo donoi ala maaté dere whirape betóo, me dowi alakélé munire whi betóo, erepó.

¹¹ Ti noatepae, whi betané ama naale senaale kaae tatu dere kaae, dāné diá dokó fea atéro kaae taté fu betalepó.

¹² Até yaletei diá Kótóné ama teterólo kaae tare alaró ama kae ere ala wisitamo tuámó betaai ape yalepó. Atéru, ai sekéné mo ama so whi sū betero póló kisipa mutu, dāné diá fotokoróló keteké bulatere fo yóo, sekei alané só deraqsóro hajratere fo yóo, duraalu, sētere ala du betalepó.

¹³ Téturaalu, miókélé Kótópaee mo kée yó tare alata, noa betené meipó. Dāné diāpaee yó matepa, wosetu betale fota, mo whiné fo yó matapóló kisipa muni, Kótóné ama fotóro yó matapóló hosaamó salepó. Ai fota, diá tué tiki tiró betere so whi tuámó muluraalu, ai fonétei Kótóné ama kisipa mole erótu beteraipó.

¹⁴ Norape-ó, Judia haemó Yesu Keriso tuámó betere Kótóné fake so whi paee erale sekei alamó kisipa muae. Ti atimapaee ai erale susupui alata, atima Juda fakenétei eralepó. Atétu yale kaae, diaaō be whinétei, diāpaekélé ai alatóro eralepó.

¹⁵ Ti ai Juda whirapenéta, Tale Yesu Keriso dóo, Kótóné ama koló whirapekélé dóló kemerós, dākéle i fo wisi atimapaee yó melaqsóro hōkó falóo yalepó. Juda fake mei, kae fake so whi mo ti aluyaqsóro Kótóné tao sōpóló dāné atimapaee kale fo wisi yó mótu betepatei, atimané sesétu betalepó. Atétere alané so whi featamo bóe dóo, Kótókélé fopaae bulóo, yalepó.

¹⁶ Atéturaalu, atimané ai du betere dowi ala mo ti muté hutu betepa, Kótóné fopaae buóló kwia melaai doasi keteké butu betale ala kemaŕale wouraalo mo ai melale ape.

Pol q Tesalonaika so whi keŕe fenée du betaletei

¹⁷ Térapa norape-ó, dāta diātamo betámó betaai yalemó, bóe dóló foya yaleteiné dā kae betóo, diá kae betóo, ai ere ape. Térētei, dāné diá kisipa keteró bitini, haŕe kisipa yó tarapó. Téruraalu, dāné diá kelenée yóló kisipa mutu, diá beterepaee waaire tū kikitū betale supó.

¹⁸ Ti noatepae, dā diá beterepaee waai dapóló ę Pol-né tū dekéro kikitu betaletei, Satan-né dā waaire tū seséyalepó.

¹⁹⁻²⁰ Ti noatepae, take waaire alimó wisi ala kelaai dapóló hajné sukutere beteta, me ęla kae mei, diātórótípó. Tale Yesu ę waaire sukamó dā fea ętamo betámó betó muluraalu, noa ala epa kilitu dā hajné sukóló bopé fake yaaloé? Ti atéro hajné

sukóló bopé fake yaaitere alata, diātóro kilitu, doasi doi sóro hajné sukāalopó. Atéro, mepaae ęla wisi saairaalu whi fea sururu yóló foŕetei, betā folosóro sókó fole whiné topo tao sóro hekesené sinitu bopé faketu dere kaae, dānekélé diá kilitu atei kaae ala yóló, mo kée yaalo ai ape.

3

¹ Téró dā Atenis be huluamó betó mulu, diá netéro betere rópóló, dā whaaliatu betalepó. Tétu, dāsisitaleyóló dāmo i Atenis bemó bituraalu, Timoti diá beterepaee ai dotēyale ape.

² Dāné mo Timoti ęta, Yesu Kerisoné mió i wosetere kisi fo wisi so whi paee eróló fakeraté fōpóló, dātamo betámó bituraalu, Kótóné kutó diratere whipó. Ti ai seke diá beterepaee dotonatereteita, haŕe meipó. Diaaō kisipa tiki tiróló betereitei, mió ai wou betere sekei alarapené haepaae só deraqsóro ę diātamo bitu, diá fotokó bulatere ala yōpóló ai dononale ape.

³ Mió dā feapaee i erótu betere sekei alarape, mené dāpaee eratepa, beleyōpóló Talenētei tukóló muló betereitei diaaō mo kisiparapó.

⁴ Ti i dere fota kapala mei, dā take diātamo bituraalu, doasi sekei ala mo waalopóló diāpaee inié? Ai yale fo motóro dokonóturaalu yale alata, diaaō mo wisiyóló tuērapó.

⁵ Atétere betemó, diāné kisipa tiki tiró betere ala neteréro, ai sekéné keŕe wōpóló ai dononale ape. Ti noatepae, kōpaee fōpóló dée nalatere sekéné diá dée nanóló, dāné diāpaee erale alarape haŕe besekeróló doralemóló whaaliatepa keŕe wōpóló kale sekei ai dononale ape.

Timotiné ene wale fo wosetu, Talepaee mo yaletei

⁶ Téyaletei, Timoti momó dā beterepaee fesaee wóló i betere ape. Atéro ama diá betere alaró, diāné tué tiki tiróló yaala sókó fole alatamo du beteraipó ene wale fo wosetu, dāné mo kée du beteraipó. Ai seke ę mo miótóro dā beterepaee sókó wóló i fo yalepó. Betere dokó fea diāné dā tué yó taru, wisi kisipa muóló betóo, dāné diá keŕe wolée du betere kaae, diaaōkélé dā keŕe fenée du beteraipóló dāpaee ene wóo, yalepó.

⁷ Norape-ó, diá atétu beteraipó dere fo wosaŕeitiné dā imó bituraalu, kae kae susupui alaró, sekei alatamo wou betepatei, diaaō kisipa tiki tiró beteraipó, dere fo woseturaalu, dāné hosaa muni deyóló, mo kée fo du beteraipó.

⁸ Ti noatepae, diá Talené ala tuámó mo diriyóló bitiré waletei, miókélé haŕe betótóro tarapó, dere fo woseturaalu, mo kée yóló dākéle hajné sukutu beteraipó.

⁹ Dá Kótóné keletómó bituraalu, diané du betere ala kolóló hajné sukutere ala mo turó faanapó. Atére alamó, Kótópaae mo kée dere fo yaairetei sunipó. Ti noatepae, hajné sukutere ala dá tuámó mo súró beteraipó.

¹⁰ Diaaḡ tué tiki tiró betere tuámó, mepaae yaḡare alarape diḡ tao sóró yó male waai, dikitamokélé ḡtamokélé ḡané mo dirii moma yó tarapó.

¹¹ Térapa, mió dá diḡ beterepaae waaire tuḡa, ḡané Aya Kótóró Tale Yesutamoné alerópóló yae.

¹² ḡané diḡpaae yaala sókó fu dere kaae, diaaḡ yaala sókó fole alakélé, mo ti faayóló wei feleyóló futere kaae yópóló, diḡsisitei u yó mótu i yó mótu du betae. Téturaalu, mepaae so whḡpaae yaala sókó fole alakélé Talené amatóró erópóló yae.

¹³ Tale Yesuró ama kae betero betere whḡrapetamo wale sukamó, ḡané Aya Kótóné keletómó me ala munipa kilitu, mo ama kae betere so whḡpóló, Kótóné amatei diaaḡ hosaa dirirópóló yae.

4

Kótóné dá betere ala kilitu, a hekeseyópóló etéro betae yóló dere ma fo

¹ Norape-ó, ḡané diḡpaae kemeróturaalu dere fo i ape. Kótóné keletómó wisirapó yópóló, etéro betae yóló take ḡané diḡpaae yó mótu betalepó. Ai yale fo mo dapóló diaaḡ wosóló eraté ai wou betere ape. Dá fea Tale Yesu tuámó bitu, ai du betere alatóró fakerae yóló, mió ḡané diḡ ketekḡ bulatere fo i dere ape.

² Ti noa betené meipó. Tale Yesuné fea ala amatóró sumó teḡeróló kaae taru, ḡapaae erae depa, ḡanémo diḡpaae i ala yae yóló, yó mótu betale forape diaaḡ ai tuére ape.

³ Atéreteiné, diḡ fea dowi ala mo betakélé muni, mo kae so whḡ beteroópóló Kótóné ama kisipa mutu beteraipó. Térené, whḡné so qlémi nokole alakélé, soné whḡ qlémi nokole alakélé, diḡpaae yaḡse yóló dapó.

⁴ Térapa, diḡné kisipa tiki séle wisiyóló teḡeróló kaae tare ala mo so whḡnékélé, Kótónékélé kilituraalu, mo kae betero betere so whḡ beteraipóló dukirópóló diḡné tó tiki diaaḡtei wisiyóló kaae tawae.

⁵ Kótó tuéni, mo hale betere so whḡné, au nóló qlémi naairaaalu ekḡle dere ala kaae yaḡse.

⁶ Ti atéro qlémi nuku betere alata, me whḡné kelaalomeipóló kinóló naao no qlémi nó matere ala mo yaḡse. Atei dowi ala deremó, Talené doasi kwia melaalopó. Téyaḡsóró, atei kaae ala momókó yaḡse yóló, take ḡané diḡ kisipa mulóló ma fo ai yale ape.

⁷ Ti noatepae, wisi alaró dowi alatamo hosekéyóló beteroópóló Kótóné dá ḡ

beterepaae ape fo ini, mo ama kae so whḡ beteroópóló ape yalepó.

⁸ Térapa, whḡ me denétamo i du betere ma fo woseni nisiyóló hórótu betepa, ti mo whḡné dere fo hórótumitei, diḡ ḡei Kepe Wisi mótu betere Kótóné fotei hórótu beteraipó.

⁹ Téroró, diaaḡ mo notamo dere kaae hekesené sinóló yaala sókó fu betere ala yópóló, Kótónétei yó male ala diḡné kisiparapó. Atérené ḡané diḡpaae me noa fo kae aḡ yaalomeipó.

¹⁰ Ti aita, mo dapó. Masedonia hae kwiamó betó mole Keriso norapepaae diaaḡ yaala sókó fu beteraipó. Tépateti, ai ala mo ti fakerae yóló ḡané diḡ ketekḡ bulatere fo i dere ape.

¹¹⁻¹² Diaaḡ betere dokḡ du betere ala fea mo hale betere whḡrapené kilituraalu, atimané i du betere alata, mo wisirapó fo yópóló yae. Diaaḡ yaḡatu betere ḡla me whḡné melópólópó yóló dekaýóló hale bitini, diḡ mo dua bitu kae depe tukó wei ala du betae. ḡané diḡpaae yae yóló, yó male alatóróti sya fóló mené yaaire alamó kisipa muni, diaaḡ yaaire ala betḡ kisipa muóló du betae.

Tale wouraalu yaaire alamó ere fo

¹³ Norape-ó, sukale so whḡ atima neté yaalorópó yóló, kḡló kḡló du betaḡsóró, diḡpaae i dapa wosae. Take waaire alimó mo wisi ala kelaalopó yóló kisipa muóló, hajné sukutu betae. Mo so whḡ ai ala kisipa muniru, doa deḡené sini molótu dere kaae, diaaḡkélé yaḡsóró kisipa mutu dapó. Ti atimané wole dere alata, ama kaepó.

¹⁴ Yesu mo ti sukaletei, momó kepaayóló beteraipó dere fo ḡané woseturaalu, tué tiki tiró beteraipó. Atéreteiné, mepaae Yesuné ala tuámó betepa, sukutere so whḡkélé, Yesutamo betámó Kótóné dapesó waalopó ere fomó dá kisipa tiki tiró beteraipó.

¹⁵ Talené ḡapaae i ala eraalopóló ere fo ḡanémo diḡpaae i dapa wosae. Tale waaire be ḡe teḡopatei, sinale so whḡ taaróló, dá sukuni hale betó mole so whḡrapepi folosóró faalomeipó.

¹⁶ Ti noatepae, Tale atóróti ó hepen be taaróló dorowouraalu, i ala yae yóló fo fakeyóló yóo, doasi topo *ensel*-né fo yóo, Kótóné ukulumó wuti haletere ala yóo, yaalopó. Ai ala deremó, Keriso betero sinale so whḡpi turukó holaalo ai ape.

¹⁷ Atéyale sisópaae ti dá sukuni hale betó mole so whḡ tokḡ sóró, saḡo tuámó atima sinale so whḡtamo hokolaayóló, fea touyóló huturaalu, hale tó tuámómo Taletamo hokola yaalopó. Atéro holóló, suka fea dá Taletamo betámó mo titóró betó tawaalopó.

¹⁸ Atéyaalopa, i dere foné, diḡ fotokḡ butere ala yópóló diḡsisitei u yó mótu i yó mótu du betae.

5

¹⁻²Térapa, norape-ó, waaire ali ó be derape diané kisipa inipapakó, ðané ðiappaee asęyaalomeipó. Ti noatepae, Tale waaire be ðeta, dikitamo qlémi nokole whj woutere kaae yóló waairetei, diaaq mo diriyóló ai tuéire ape.

³ Mo so whjné duraalu, “Dappaee me ala eraalomei, mo dua betepapó,” fo du betepatei, betá soné naale saai, sisó nukutere kaae, atimapaeeakélé eraalopó. Téturaalu, be ęla ęla doratere ala mo hapale tétitóró sókó wóló, kilita eraalo ai ape. Atéyaaire alata, mo haşókó faalomeipó.

⁴ Téyaaalotei, norape-ó, diá diliki dolomó mokęleyaayóló betepapakó, qlémi nokole whj sókó walemó me whj kilita sókó fu dere kaae, diá atéró kilita sókó faalomeipó.

⁵ Diá feata, ðeró sukutamo tuamó betó mole so whj ai betere ape. Dąta, dikitamo ó diliki dolomó betere so whj meipó.

⁶ Térapa, dą mepaae noke fire whj kaae fió muni, kele diriyóló betere so whjtóró bitu, ðanétei dą betere bete mo hotowaró kaae tanérápó.

⁷ Ti noatepae, atima dikitamo noke fitere so whjta, ti fitua yóo, topo dotere wej nokole so whjkélé dilikitamo nóló topo doyóló hęko bitua yóo, dapó.

⁸ Dąta, ðetamo betere so whjpa, dą betere bete ðanétei hotowayóló kaae tawóló bitiépe. Téturaalu, bóe daai kuti wase su dere kaae, kisipa tiki tiró betere alaró yaala sókó fole alatamo atéró sóró betaalopó. Talené dą aluyaęsóró tao saaire alamó tué muturaalu hajné sukutere alata, bóe daai deratere dirii topo tao kaae deróló betenérápó.

⁹ Ti noatepae, dą so whjta, Kótó ą fopaae buturaalu, kwia melóló susupu eraai dapóló, sóró betereńitei, Tale Yesu Keriso tuamó betepa, tao sóró wisiraai kisipa mutu sóró beteralepó.

¹⁰ Dą tao saai ą sukąleteita, dą mo betere so whj ó sukąle so whjkélé fea ątamo betamó beterópoló kisipa mutu, yalepó.

¹¹ Térapa, mió ðiané ai du betere alatóró hajle yó taruraalu, diá Talené ala tuamó mo dirii Keriso so whj betaasepóló, diąsisi u tao su i tao su yóló, ketekę bulatere alakélé mo ti deté fu betae.

Mo kemeróturaalu i alarape yae yóló dere mafo

¹² Norape-ó, Talené ala tuamó bitu, diá teteróló kaae taruraalu, depe tukó wej kutó ditu betere whjrapené dere ma fo wosóló, atima aqmó sukóló betae yóló i dere ape.

¹³ Térapa, atima ai kutó ditu betereiteimó, diá yaala sókó furaalu, atimané doi sóró horótu betae. Atéru, diaaq no netamo hosaa muni deyóló dua betó muae.

¹⁴ Norape-ó, mepaae kutó dini, dekeyóló hajle betere so whjpaee dirii ma fo yóo, haşókó fole ala yaęsóró witu, fo tekeni kekóló fi betere so whj tao sóró ketekę bulóo, fotokę buni, bére so whj tao sóo, yae. Tétu, mepaae so whj haşókó fole ala depa, hapale foné só deréni, dua kaae taté fóo, mepaae dere ala so whj feapaae eróo dua yae.

¹⁵ Téturaalu, mepaae so whjné yapaee me dowi ala eratepa, naaomo ąpaee tokó matere ala momókó yaęse. Téni, suka fea diąsisitei wisi ala yó taru, u tao su i tao su dere ala, mepaae hajle betó mole so whjpaeeakélé eraté fu betae.

¹⁶⁻¹⁸ Kae kae noa kaae ala diá tuapaee eratepakélé taaréni, hajné sukutere alakélé, momatere alakélé, Talepaae mo kée dere fokélé hajle yó tawae. Ti noatepae, Kótóné ama kisipané diá fea Yesu Keriso tuamó bitu, ai alarape yópoló kisipa mulapó.

¹⁹⁻²⁰ Kale Dęj Kepe Wisiné dó tare si surukó faréni yóo, Kótóné kęló whjrapené so whjpaee yó matere fo bete munire ęla aęróló faleyoó du betaęse.

²¹ Ai dere fo fea wisirémóló kaae kolóló, taleyóló mo bete mole fo maaté wosóló eró tawae.

²² Ai du betere kae kae dowi alané diá só deraęsórópa, hotowayóló kaae taruraalu, woleyóló betae.

²³ Tétu, hosaa muni deyóló dua betere ala eratere Tale Kótóné amatei, diaaq betere ala mo turó wisiróló, mo kae betere so whj beterópoló yae. Ti atétere alata, diaaq kepekélé, asoró mo tikitamokélé, mo turó me dowi alatamo hosekényi, mo donoii so whj bitiré fóló, dą teteróló kaae tare whj Yesu Keriso wale alimó sókó fęppóló yae.

²⁴ Diąpaae ape du betere sekényi ama diąmó eraalopó du betere ala haşókó feni, mo eraalo ai ape.

²⁵⁻²⁶ No nerape-ó, Talené dą tao sópóló, momatere ala du betae. Aimó betó mole no nerapepaae kęleó duraalu, dowi ala mo betakélé munire so whjné apuóló kęló tukó nokole ala du betae.

²⁷ I asęta, ai be huluamó betó mole Keriso no nerape feané wosópoló, dosąayae yóló Talené keletómó, yalo diąpaae i dere ape.

²⁸ Dą teteróló kaae tare whj Yesu Kerisoné hamokoróló hajle tao sere ala wisi diá tuamó mulópoló yae.

2 Tesalonaika

¹ I dere așeta, ę Pol, Sailas, Timotikélé dā fea betamó bituraalu, dāné aya Kótóro Tale Yesu Kerisotamoné yó tare ala tuamó betere Tesalonaika Keriso so whġpaae dapó.

² Dāné Aya Kótóro Tale Yesu Kerisotamo tuamó kaarólo wou betere hāle hamokorólo tao sere ala wisiró, hosaa muni deyólo mo dua betere alatamo diā tuamó muó tawóppólo yae.

Talené eratere alamó Kótópaae mo kée yólo moma dere fo

³ Norape-ó, dāné diāmó tuę muturaalu Kótópaae betere dokó fea mo kée du betere fota, mo donopó. Ti noatepae, diaaq kisipa tiki tirólo betere alaró diāsisī yaala sókó fóló hēkesené sukutere alatamo mo ti fakeraté fu betereinepó.

⁴ Térapa, diā tuāpaae kae kae susupui alaró sekei alarapetamo erótu betepatei, diā hōyólo dekani, Kótóné ala hāle eró taru kisipa tiki tiraté fu betere ala kilitu, dā Kótóné Keriso fake so whġ betó mole tuamó kuturaalu, diaaq du betere ala atimapaee yó melólo dukirótu beteraopó.

⁵ Diā tuamó ai erótu betere ala Kótóné taleyólo dowi alamókélé, wisi alamókélé, kwia materetei mo donorapólo kisipa mutapó. Atéro, talaralemó diā Kótóné ama teterólo kaae tare aqmó mo sumó betenére so whġpólo kisipa muaalopó. Ti Kótóné ama teterólo kaae tare aqmó betaaireteimó diā doasi sekei ala su beteraopó.

⁶ Kótó ęta, fo tokótamo yólo taletere ala hāsókókélé feni, mo donotóróti taleyólo dupu mótu betere Talepó. Mepaae whġrapené diāpaae me sekei ala eratepa, ti diāpaae ai eratere ala kaae, Kótóné amamo atimapaekélé tokó melaalopó.

⁷ Téyaalotei, diāpaae mió ai erótu betere sekei ala siré fu betaqsóro, Kótóné seseyólo feléi ala eraalopó. Dāpaaekélé ai kaae alatóróti eraalopó. Ti ai alata, Tale Yesu hepen be taarólo dorowouraalu, hāle duku betere simiró ama doakale fotokó bole *en-sel*-rapetamo hākeamó dorowale sukamó so whġ feané kelaalo ai ape.

⁸ Kótó ę mo beteraopólo tuę muni, dā teterólo kaae tare Tale Yesuné mió wosetere fo wisi wosólo sya fóló erénitere so whġta, ti Kótóné dowi dupu melaalo ai ape.

⁹ Atétere so whġné saaitere duputa, kemekélé ini mo sótoró tawaaire dupu suraalu, mo ti doraalo ai ape. Ti ai so whġta, Tale betere felekemó bitu, ama ere dę wisinaale tuamó bole fotokó doasi kelaqsóro, atima kae beteraopólo hqkó faraalopó.

¹⁰ Ti ai alata, metéli yaaloé? A waaire be demótóro yaalopó. Ai be demó ama kae betero betere so whġ tuamó ama ere ala wisinaale hākearaalopó. Téturaalu, āpaae kisipa tiki tiraté wou betale so whġné Tale kilitu, ę dukirólo sira yaalo ai ape. Dāné diāpaae yó male bete mole fo wosólo, tuę tiraté waletéiné diākéle ai so whġtamo touyólo betaalopó.

¹¹ Ai alarape mo yaalopólo kisipa mutu, diā Kótóné ę beterepaae ape ere so whġ sūtóro beteraopólo, betere dokó dāné moma yó tarapó. Téturaalu, diaaq tuę tiki tiró betere betené kaarale mo du betere alaró, yaai kisipa mole ala wisitamo Kótóné ama fotokné diā suratepa, diāné mo eróppólo momarótu beteraopó.

¹² I du betere momata, dā teterólo kaae tare Kótóro Tale Yesu Kerisotamoné hamokorólo tao sere ala sya furaalu, ama diā tuamó erótu betere ala kilitu, dā kaae tare whġ Yesuné doi hale horóo, diākéle ę tuamó bitu, ama ere ala wisi hākearóo, yóppólo dapó.

2

Kótótamo bōe du betere whġ waalopólo ere fo

¹ Norape-ó, dā teterólo kaae tare Tale Yesu Keriso wólo betepa, dā ę betere mó tourólo betaaire alamó kisipa mutu i dapa, wosae.

² Mepaae whġné diāpaae duraalu, “Pol sépiné asemó Tale waaire be dę take ai wale ape,” dere fo wosólo mo dere nisiyólo tuę tiki tiraęse. Atei kaae fo dāné asemókélé ó mo kolónékélé inipó. Aita, Kótóné ama qló whġpólo kapala dilikitere whġrapené dere fopa, whaalía yólo, diri furu furu yaęse.

³ Mepaae whġné kae kae dere alaró kapala dilikóló dere fotamo wosólo mo dapólo sya faęse. Ti noatepae, atéyaaire be dę waai teópatei, i haemó betó mole so whġné Tale aqmó betereitei hōróló, bōe dele ala du betaalopó. Kótóné ama yólo muló betere fo aqmó bitini, tikitu betere whġta, mió kinólo betereitei, take mo hākeamó betepa kelaalopó. Atétere whġ doraai tukóló muló betere alata, mo hāsókó feni, motóróti eraalo ai ape.

⁴ Ai whġné, i haemó betó mole so whġné Kótó-ó yólo momatu betere alatamo bōe dóló, ama doitei sóro horaalopó. Téturaalu, ę Kótóné momatere bemó amatei ę sóro betero mó duraalu, ęta Kótótóro hġtipó yaalopó.

⁵ ę diātamo betamó bituraalu, i alarape eraalo ai ape yólo du betere fo diaaq kisipanié?

⁶ Ti ai kale whġ so whġ feané keletómó sókó waqsóro, mené ę sesétu betereiteita, diaaq ai tuęre ape. Ti atétu betereitei hāle mei,

take ama tukóló muló betere be demótóróti hakearatepa kolóppóló du beterepó.

⁷ Ti noatepae, kale yóló muló betere fo tikitu betere fotokqta, mió hãle yó taretei hakeamó ini, kinóló du beterepó. Até deté fu betepatei, a waosóró mené sesétere ala yó tarapó. Ai sesétu betere sekéta, take nalo mené a tokq saalopó. A tokq saai teópa, ti ama ai sesétu betere alatóró hãle yó tawaalopó.

⁸ Atétu betepa, Kótóné kale yóló muló betere fo faletu betere seké hakearóló sókó wapa, Tale Yesu wouraalu koló momunétei, dóló hepéee taae faló, ama tikimó yóló wale kokqi alané a mo ti doróo yaalopó.

⁹ Téturaalu, kale yóló muló betere fo faletu betere seké wouraalu, Satan-né du betere ala kaaetóróti yóló waalopó. Kapala dilikóló dere alamótei so whjné mo dapóló kisipa tiróppóló, kae kae kelemei alarapekélé eróo, Kótónétei eratapóló kisipa muqóppóló eratere alakélé eróo, so whj feané kolóló sira yaaitere alakélé eróo, yaalo ai ape.

¹⁰ Téturaalu, ai sekéné ama kae kae dowi alané, sukóló mo ti aluyaaire so whj, dilikóló kóppae faraalopó. Atéró aluyaai dereteita, atima aluyaqsóró tao saaire mo bete mole fo woseni hõraleteinépó.

¹¹ Atétere betené atima kale kapala fotei mo nisyóppóló, Kótóné doasi fotokqi dilikitere ala dotonaalopó.

¹² Atétepa, dowi ala mo ekele yóló duraalu, mo bete mole fo wosóló tué tiki tirénire so whj fea só deraalopó.

Talené ala tuqmó diriyóló betae yóló dere fo

¹³ Tépateti, Talené ama hosaa mole norape-ó, betere dokq fea dané diámó kisipa muturaalu, Kótóppae mo kée du betere fota doni, mo wisirapóló kisipa mutapó. Ti noatepae, take kaae sale sukamótei diã Kótóné ama so whjppóló sókó sóró kae beteró beterepó. Téturaalu, me dowi alatamo hoseké yaqsóró kale Deji Kepe Wisinétei, diã tao sóró kae beteróo, diaaq mo fo bete wosóló kisipa tiróo, du betereiteiné Kótóné diã aluyaqsóró tao su beterepó.

¹⁴ Diã ai ala tuqmó beterepóló, mió i wosetu betere fo wisinétei a betereppae ape yalepó. Atéró yale fota, hãle mei, dã teteteróló kaae tare Tale Yesu Kerisoné ama doasi ere de tuqmó beterepóló yalepó.

¹⁵ Térapa norape-ó, tué tiki diriyóló bituraalu, dané diãppae yó male fo kolóné ó asemó yaleteti kisipa keteréni, mo wisiyóló wosóló tuérraalu erótu betae.

¹⁶ Dã teteteróló kaae tare Tale Yesu Kerisoró Aya Kótótamoné dãppae yaala sókó fu beterepó. Téturaalu, ama hamokoróló hãle tao sere alanétei, dã fomoné sukóló haepae derepaqsóró, tué tiki diriraterere ala mo ti

eró tawóo, take nalo waaire alimó wisi ala tuqmó betaalopóló kisipa mutu, hosaa muni deyóló hãjne sukóló beterepóló eróo dere alata, Talené amatei eróppóló yae.

¹⁷ Ti ai seké tamoné diã keteké bulóló fotokqratepa, wisi alaró wisi fotamo betere dokq fea yó tanóppóló yae.

3

Pol-sépi atimamó momarae yale fo

¹ Norape-ó, yalo kemeróturaalu dere fo diãppae i dapa wosae. Dã diãtamo bitu, Talené fo mo bete mulapóló, hãle betere so whjné wosóló mo hapale fakeraté fu yale kaae, dã i betere bemókéle ai alatóró du beterepóló, dãppae momarótu betae.

² Téturaalu, dei tué mulu dowi ala du betere whjrapené dãppae me sekéi ala eraqsóró momatu betae. Ti noatepae, mepaae so whj tué tiki tiró bitinipó.

³ Tépateti, Talené ama du betere wisi ala hãle yó taru, dowi ala erótu betere sekéné diã doraqsóró, diã ama seséyóló fotokq bu-laalopó.

⁴ Dã Taleppae tué tiki tiró bitu, diãppae erae dere fo diaaq wosóló mió erótu betere kaae, nalokélé hãle deté fu betenérappóló kisipa mutapó.

⁵ Diaaq hosaa ó kisipa kae alappaee muaqsóró, Kótóné ama yaala sókó fóló mole tuqmótóro muluraalu, Yesu Kerisopaae wou betale sekéi ala ama beleté fu betale kaae, diaaqkélé ai alatóró deté fu betepa, Talenétei bete mole ala i ape yóló, yó mótu beterepóló yae.

Dekayóló hãle betaqse yóló dere ma fo

⁶ Norape-ó, Tale Yesu Kerisoné doimó dané diãppae i ala yae yóló i mulatere ape. Dané diãppae yó mótu betale fotamo, mepaae Keriso norapené wosóló sya fóló eréni, deka yóló hãle betó mole whjrapetamo touyóló bitini, atima kae beterepóló diã kae betae.

⁷ Ti noatepae, dané i du betere ala diaaq kolóló suróló du betepa, ti ai ala doni, donorapóló diaaqte i tuére ape. Ti dã diãtamo betale sukamó deokayóló hãle bitu, mepaae whjrapené qla hãle nukuani, dupuyóló nukua du betalepó.

⁸ Até yaleteita, dané naaitere qlamó diã sekeyaqsóró, dikitamokélé detamokélé, dané naaitere qlamó kisipa mutu depe tukó wei ala du betalepó.

⁹ Dané até dua yaleteita, diaaq dã taosóro matere qla nenépateti, dané dere ala diaaq kolóló sya fópóló kisipa mutu yalepó.

¹⁰ Ti dã diãtamo betale sukamó, diãppae i ala yae yóló, etei dirii ma fo yalepó. "Mepaae whjtamo kutó dini, deokayóló hãle betepa, ti atétere whjmó naaitere qlakó melaqse," fo ai yale ape.

¹¹ Diakó mepaae whīpaae kutó dini hāle bitutei, kutó ditu betere nisyópóló dakeró beterapó dere fo dané wosalepó.

¹² Atei kaae so whīpaae dā Tale Yesu Keriso tuāmó bitu, i ala yae yóló seī fo i dere ape. Hāle hōko betere ala taaróló, tamoyóló bitu, diaaō ọla nokole sūtóró kutókélé atéró diyae.

¹³ Térapa, mió diā depe tukó wei kutó ditu betere norape-ó, diaaō ai du betere ala wisi taaréni, ai alatóró yó tawae.

¹⁴ Mepaae whī denétamo dané i asemó ere fo sya fóló erénitepata, ti atétere whīné noa alakó déró kelaasepóló mo wisiyóló kaae tawae. Ti noatepae, ama dere alamó ątóró hale yópólópa, ątamo betāmó betere ala ó kotere alakélé ini, ą ama kae beterópóló diā kae betae.

¹⁵ Tétutei, ąpaae diaaō bóe whīpaae er- atere ala kaae ini, diaaō notóró beterópóló, atei ala ekese yóló ąpaae dirii ma fotei yae.

Mo kemerótu kọléo yale fo

¹⁶ Téró yālo kemeróturaalu dere fo i ape. Betere dokọ fea diaaō noa alakó yaaitepa, ti hosaa muni deyóló dua betere bete Talené diąpaae eróturaalu, Tale diā featamo betāmó betó tawópóló yae.

¹⁷ Ita, Yālo naasenétei aseýóló diąpaae kọléo dere fota, ẹ Pol-né dapó. Yālo be hulua dokọ feapaae faletua dere ase diaaō kilituraalu, ita Pol-né naasené erapóló tuẹ muópóló dapó. Itei kaae naase daapa kilitu, ẹtóró hįtipóló kisipa yae.

¹⁸ Térapa, dané Tale Yesu Kerisoné ama hāle hamokoróló tao sere ala wisinaale diā featamo mulópóló yae.

1 Timoti

¹ Ɛta da aluyaqsóro tao sale Kótóro da take mo wisiyólo betaaire bete Tale Yesu Kerisotamoné kale fo wisi erale fae yólo doteyale whi Pol-né i asé dere ape.

² Ti i dere fota, Yesu Kerisoné ala tuámó beteroópóló, yálo deyólo betero betere naale Timotipaae dapa, dané Aya Kótóro Tale Yesu Kerisotamo tuámó kaarólo wó tare hále hamokorólo eratere alakélé, kólené sukólo tao sere alakélé, hosaa muni deyólo mo dua betere alakélé, yápaae erópóló yae.

Tukólo muló betere fo yó matere whirapené dere fo wosaqse yale fo

³ Ɛ Masedonia hae kwiaapaae faairaalu, yápaae i ala yae yólo sétu betale fo kaae momó dapa wosae. Mepaae whirapené kapala fotei Kótóné fo i ape yólo yó mótu betereitei foné sóro sesé du betaasepóló, ya Epesus be taarólo feni, aimótóro betae dere fota hále meipó.

⁴ Mepaae dolaa fo ó noutererapené doi mole alarape wosaairaalu keteké butu betaqsóro sesé du betaasepóló, dapó. Ai alarapenéta, Kótóné so whi mo betá kispá muóló betereni, kae kae kispá muóló betere ala kaarótu beterapó. Atétere alané Kótóné erae dere ala erótumitei, mo kispá tiki tiratere alané betá Kótóné kutó dirótu beterapó.

⁵ Yálo yápaae i alarape yae yólo sé dere fota, noa ala yaasepóló dumipó. Ɛ fea yaala sóko fole alatóro ti betaaí dapó. Ti ai yaala sóko fole ala kaaratere beterape i ape. Hosaa tuámó me alatamo hosekényi, mo wisi alatóro ti muó, mepaae yale dowi alarape hákeamó yó melólo mo wisi kispá betá muó, tué tiki tiratere alakélé tómo ini, mo ti tiró, du betereiteiné yaala sóko fole ala kaarótu beterapó.

⁶ Mepaae whirapeta bete muleire fo wosaairaalu, i bete mole fo wisi taarólo ai fele ape.

⁷ Ti ai whirape atimata, Kótóné kale yólo muló betere fo yó matere whi betaaitapó du betereitei, atimané yó mótu betere foró ai fo betetamo atima wisiyólo tué irumeitei, hále foné maaté mo diriyólo kispárapó du beterapó.

⁸ Ti Kótóné yae yólo tukólo muló betere fo mepaae whiné mo donoyólo erótu betepa, ti doni mo wisirapó.

⁹⁻¹¹ Ti Kótóné ama i ala yae yólo muló betere fota, mo donoyólo fole whirapené dosáyópóló tukólo muló bitinitei, Kótóné yólo muló betere fo tukólo dowi alarape du betere whirapené dosáyópóló tukólo muló betereitei dané kispárapó. Ti ai whirapené du betere alarape i ape. Yaqse yólo muló betere fo tikitere alakélé, tetérolo kaae tare

whirape aqmo bitini hóraterere alakélé kótó bitinipóló ama ala eraalo hórateretikélé, mo sonaalei dowi ala du betereiteikélé, wisi ala ini, dowi alatóro hále yó tareiteikélé, kótóné fo wosetere alaró apaae momatere alatamo initeretikélé, hae aya ó mo so whi dóló sukunatere alakélé sotamo, nópu nokole alakélé, so ó whi hamomatamotei nópu nokele alakélé, kutó diratere whi beteraai dotonóló duputere alakélé, kapala fo dere alakélé, me whi paee i ala eraalopó yóloitei mo erényi, dilikitere alakélé, mepaae kae kae dere alarapenékélé, Kótóné fo wisitamo bõe dóló só derótu betere ala mo dorapó. Mepaae whirapené yó mótu betere foró kale mió wosetu betere fo wisitamo betá alatóro epa mo wisirapó. Ti ai fota, mo wisi alamaaté erótu betere Kótóné epaae naao wisiyólo kaae taru, so whi paee yó melale fae yalepó.

Talené Pol hamokorólo tao suraalu erale ala

¹² Ɛ fotokó bulale seké dané Tale Yesu Kerisoné ama kutó dirótóro tawaalopóló kispá mutu, Ɛ fopeyólo sóro betero betereiteiné, yálo mo kée du beterapó.

¹³ Take Ɛta, Kótóné doi dorólo falatere whi betó, ama so whi dóló susupuratere alakélé yó, hapale fopaae buóló hyle fo dere whi betóo epatei, Talené kólené sukuturáalu Ɛ tao salepó. Ti noatepaae, Ɛ apaae kispá tiki tirényi yaletiné kólo kólo iru, ai alarape hoko du betalepó.

¹⁴ Da tetérolo kaae tare Talené hále hamokorólo tao sere ala wisinaale epaae mo dekéro eró tawóo, ai alatamo touróturáalu Yesu Keriso tuámó kaayólo wou betere kispá tiki tiratere alaró yaala sóko fu betere alatamokélé, epaae eró du betalepó.

¹⁵ I fota, so whi feané wosólo mo bete mole fo dapólo tué tiki tiraaire fopa, wosae. Yesu Keriso i haepaae waletaita, dowi ala du betere so whi aluyaqsóro tao saai walepó. Yálo du betale dowi alané mepaae so whiné du betale dowi ala tetérolo mo doasi dowi ala du betalepó.

¹⁶ Atéyale betené take yálo du betale dowi alamó Yesu Kerisoné ama Ɛ kwia matere ala folo hapale ini, kólené sukuturáalu kaae taté fóló, nalo tao salepó. Ti até yale beteta, hále meipó. Take nalo Talepaee tué tiki tirólo, mo ti betó tawaaire bete saaire so whiné epaae erale ala tué muturáalu Taleta, atei kaae Tale beterapóló tué muópóló eralepó.

¹⁷ Térapa, da tetérolo kaae tare mo doasi topo whi ta sukókélé ini yó, whi betanékélé mo kilini yó, iruraalu, mo ti hále betó tare Kótó betátóro beterapa, mo ama kae ere ala

wisinaale eraté furaalu, ama doi doasi doi mulópoló yae. Mo kéé! Tényópoló yae.

¹⁸ Ҳало hosaa mole naale Timoti-ó, Kótóné mepaae whjrapepaae yó matepa atimanémo, Ҳа туэ муóло yale fo kaae mió Ҳалакéлэ yó тawóо, naao tiki tuapaae me Ҳасóкó fole alakéлэ muni yóо, yaalo ai ape.

¹⁹ Mepaae whjrapeta, ai alarape sya fóló eréni, h́ratereteiné kale wéi nuku fetéе fóló dotu dere kaae, atimané туэ tiki tiraté fu betale alakéлэ haepaae derepelepó.

²⁰ Atéyale whjrapekó whj tamo Haime-neasiró Aleksandatamo beteraпó. Ai sekétamoné du betere alané Kótóné doi wisinaale doratere ala Һале deté fu betaqsóró, yalotei Satan-né naase tuapaae mulalepó. Ti atéyaleiteita Һале meipó. Atimaamo sekei ala suraalu, atimaamonéti yale alamó dapóло kisispa feteyóло, Kótópaae wópoló eralepó.

2

Talené doi sóró horatere ala etéro yae yóло yó male fo

¹⁻² I haemó betó mole so whj feamó momaróturaalu, tetéroló betere topo whjrapemókéлэ, atimané mepaae alarape tetéroló kaae tanópoló sóró betéro betere whjrapemókéлэ momarótu betae. Atéro momaróturaalu, Kótópaae me alakó erae yóло wosetere fokéлэ yóо, mepaae so whj Kótóné tao sópoló momaraterе alakéлэ yóо, Talepaae mo kéе dere fokéлэ yóо, du betaasepóло dapó. Ti noa ala yópoló dumipó. Да Kótóné mo ama kae betéro betere so whj bituraalu, ama ala erótu betepa mepaae whjrapené бóе dóló sesétere ala Ҳаqsóró, mo dua beterópoló momatu betae.

³ Ti atéró momatu betere alata doni, mo wisipa да aluyaqsóró tao su betere Kótóné kolóло, donoi ala du beteraпó kisispa mutapó.

⁴⁻⁶ Ti Kótóné amata, so whj feané mo fo bete wisiyóло туэpa, aluyaqsóró tao saai du betere ape. Ti noatepae, Kótóta betátóró bituraalu, Kótóró so whjtamo tuamó betere whj Yesu Keriso Һа, mo whjtóró beteraпó. So whj feané kilituraalu ita Kótónéпó yópoló, kale tukóло mulale be demótóró so whj fea sukóло aluyaqsóró tao suraalu, ama betere betené duputamoróло sukálepó.

⁷ Atére ala bete yó melópoló, Kótóné Һ sóró betéro beteraпó. I du betere fota, kapala mei mo fo dapó. Juda fake mei, kae fake so whjpaae kale doasi topo whjiné fo i ape yóло yó matere aposolo whj betóо, Kótóné

kutó dirane fae yóло dotonatepa ama kutó diratere whj betóо, kale mo fo betekéлэ so whj feané wosóло kisispa tiki tirópoló yó matere whj betóо erópoló, Kótónéti Һ sóró beteralepó.

⁸⁻¹⁰ Ҳало i dere ma fota, diә whjrapené Talepaae momaturaalu, momatere bemómaaté ini, kae kae Һқо tikimókéлэ du betae. Atéturaalu, fopaae buóло Һқе sere ala ini, mo ama kae betéro betere so whj bitu, naase horóло Talepaae momatu beterópoló dapó. I dere ma fo kaae diә sorapepaaekéлэ dapa wosae. Diә Tale aqmó sukóло bitu, ama doi hale sóró horóло momatu ai beteraпa, diaaq tó tikimó deraai doasi moniné duputere kuti ó meleke ó au yaaire *kold kapané* aleale Һа óла ó mepaae topo niki dokotere Һа Һlapaae doasi kisispa muaqsé. Diә Kótóné fo wosetere sukamó ó momayaairaaalu, whjiné au nópoló deratere kuti deréni, Talené ala sya fu betere sorapené kuti derótu dere kaae yóло deratepata, ti mo so whj feané kolóло mo donoi kuti deró beteraпóло kisispa muaalopó. Diaaq tó tiki maaté auraaи kisispa muni, tó tikiné dere wisi alané tiki tuapaaekéлэ aurótu betae. Ai ala epa Kótóné kilitu, kelaalo mo kokrapó yópoló yae.

¹¹⁻¹² Diјtamo betó mole Keriso sorapené Talené ala tué yaai dere alata, ti kaae tare whj aqmó sukóло hipa fi dua beterópoló yae. Mepaae sorapené whj yó matere ala ó whj tetéroló kaae tatere ala ini yóо, whjiné dere fokéлэ tikini yóо yóло, whjrape aqmó sukóло mo dua beterópoló yae.

¹³ Ti noa betené meipó. Folosóró Kótóné Adam-pi aleyóло nalo so Ipi alipakalepó.

¹⁴ Wuliné soró whjtamo dilikale sukamó whj Adam dilikinitei, kale so Ipi dilikipakalepó. Tétepa kale soné mo dere nisiyóло, wosóло sya feleteiné dowi ala ipakalepó.

¹⁵ Atépatei, sorape atimata mo kisispa tiki tiratere ala yóо, yaala sóкó fole alakéлэ yóо, ama mo kae betéro betere sorape bituraalu, mo donoi alakéлэ deté fu betóо iru, naale senaale deté fu betepakéлэ Talené atima aluyaqsóró tao saalopó.

3

Téteróло kaae tare whj disiró dikon whjrapetamomó dere fo

¹ I dere fota, mo туэ tiki tiróло betaaire fopa wosae. Mepaae whj detamo Kótóné so whj tetéroló kaae tawaaire whj betaai kisispa mutupata, ti ai whjiné mo kutó wisinaalepóло diyaai туэ mutu dapó.

²⁻³ Kótóné so whj tetéroló kaae tawaaire whj sóró beteraaitepata, ti i alarape sya fóló du betere whj sóró beteraneraпó. So whj feané keletóm me alakéлэ ini, mo wisiyóло

dua betóo, betá sotóro dokóló betóo, topo doyóló keyaa fópóló, *wain* wéi mo dekéro nélitere whí betóo, mepaae ala yaairaaalu hapale ini, teteróló mo dua kisipa tekeyóló yóo, so whí feané kolóló wisi ala dere whí beterapó yópóló dua betóo, uké wale so whí wisiyóló dape sóro firatere whí betóo, Kótóné fo yó melaai fosó fosóre whí betóo, topo dotere wéi nóló keyaa fenitere whí betóo, fopaae buóló hqle sere ala hapale ini, mo dua naame yóló betere whí betóo, me whitamo fonétei u só derótu i só derótu yóló dokó dokó ini, mo dua betóo, *monimó* ekéle yóló hosaa fake initere whí betóo epa, ti atére whí sóro beterae.

⁴⁻⁵ Atéro bituraalu, ama so naale senaale mo wisiyóló teteróló kaae tapa, naale senaalenékélé alimané dere fo wosóló mo dua bitu, ama alimané doi sóro horaaitere alamaaté du betepa, ti atei kaae whí mo sumó sóro beteranérapó. Mepaae whinétamó ama so naale senaale wisiyóló teteróló kaae tawaaire kisipa initepa, ti Kótóné so whíkélé netéro wisiyóló kaae tawaaloé?

⁶ Teó wale Keriso whítei so whí kaae tanópóló sóro beteraqse. Ti noatepa meipó. Atei kaae whiné kaae taru á so whí teteróló kaae tare doasi whípóló, bopé faketu betepa, Kótóné fo tokótamo yóló Satan só deróló kwia materetei atétere whí akélé saqsóro dapó. Téyaqsóro, belapaae hqle betere so whítamokélé mo dua bitu, wisi ala du betepa, ti ai whiné so whí kaae tanópóló sóro beterae. Ti noa ala yaqsóro dumipó. Ama yale dowi alamó, á haleturaalu Satan-né hemó daqsóro dapó.

⁷⁻⁹ *Dikon* whírape sóro beteraai depata, ti u kale whírape du betere kaae, atimané dere ala so whí feané kolóló i whíta mo wisirapó depa, ti ai whí *dikon* sóro beteranérapó. Kapala fo dekaaporóló ini yóo, topo dotere *wain* wéi dekéro nokole alakélé ini yóo, kapala mepaae whírape dilikóló *moni* sere ala ini yóo, hosaa tuamó me ala muni tué tiki tiróló bitu, take kinóló muale bete mole fo diriyóló yó tare whí sumó sóro beteranérapó.

¹⁰ Atéro sóro beteraai, ama dere alapi kaae keleralemótamo, ama ditere kutó ó dere ala hasóko fóló me dowi ala initepa, ti Kótóné ki diyópóló sóro beterae.

¹¹ Atére kaae, kale *dikon* whírapené somarapekélé mo so whiné kilituraalu ita, mo so wisipó yópóló yae. Atimané mepaae so whí eratere fo ini yóo, *wain* wéi mo dekéro néni mo tóróti nóo, fea ala duraalukélé hqo ini, mo wisiyóló yó tawóo, du betere so beterópóló yae.

¹²⁻¹³ Diqanétamo whí betakó *dikon* sóro beteraai depa, ti so betatóro dokóo, ama naale senaalekélé, átamó betamó betere so

whíkélé, mo wisiyóló teteróló kaae tawóo epa, ti atei kaae whí sumó sóro beteranérapó. Ai sóro beteraere whírapené kutó mo wisiyóló dité fu betere kilituraalu, i whírapeta mo wisi ala du beterapóló doi sóro horateremó wikélé ini, halaaitere ala mo ti fakeraté fóló asane furaalu, Yesu Kerisopaae kisipa tiró betere whírape be-taalo ai ape.

¹⁴⁻¹⁵ Éta felekemó diá beterepaae wai kisipa mutupatei, é waaire tu mepaae alané sesépa, diá fea hqo bitini, mo wisiyóló Kótóné naale senaaletóro beterópóló i asetu betere ape. Kótóné so whí fea ti betá bemó betere sá ai betere ape. Atéro touróló betere so whíta, mo ti betó tare Kótóné kale mo fo wisi hqle muaqsóro, be mo diriyóló daalópóló hulua elekéro iru elekétamo kaae, ai dere ape.

¹⁶ I dere bete mole fota, so whí feané mo diriyóló tuére fopa wosae. Kótóné ama mo doa ere ala wisinaale hqle tómo mole kwia maaté dāné kisiparetei, kinóló mole beteturó netéro kisipa yaaloé?

Ti á mo so whiné kolópóló mo whí tiki daayóló wóo,

so whiné á kilitu mo whímaaté nisi yaqsóro, Kótótóro beterapó yópóló Dēi Kepe Wisinétei eróo,

ensel-rapenékélé á mo kolóo,

kae kae tiki daae mole so whinéékélé á kisipa yópóló yó maté kwéyoó,

hae kwia feamó betóló fale so whiné ama dere fo wosóló kisipa tiki tiróo,

Kótóné ama kae ere dē tuamó beteraai dapesó holóo, erapó.

4

Timotipaae i ala yaeró yale ma fo

¹ Kale Dēi Kepe Wisiné hqeamó yó mótu betere fo i dapa wosae. Kemeyaaire sukamó mepaae so whírape Kótópaae tué tiki tiró betereitei taaróló, kapala dilikitere keperapené i fo yae yóló yó mótu betere whírapené dere fo wosóló sya faalo ai ape.

² Ai fo yó mótu betere whírapeta, kapala fo bole whírapetei, Talené fo yó matere whírape aqrapó. Atéro yó mótu betere whírapeta, atimané deté fu betere dowi alané haletere ala ó witere ala ini, atima hosaa mo tóruyóló hqle qla nisiro beterapó.

³ Atimané mo so whípaee so dokotere alakélé yaqse yóo, mepaae nokole qlakélé naqse yóo du beterapó. Ti ai naqse yóló sesétu betere qlata, mo fo bete tuéruaalu Kótópaae tué tiki tiróló betere so whiné mo kée yóló núpóló Kótónéitei ai qla qla aleyóló muló beterapó.

⁴ Ti noatepa meipó. Kótóné aleyóló muló betere qla feata, dorapóló taae faréni, mo wisirapóló Talepaae mo kée yóló nenérapó.

⁵ Ti noatepa meipó. Kótóné fo dosąayóló tuęřuraalu moma yó tareteiné fea ęla Talené wisiróló, ama kae tukóló muló betere-apó.

⁶ Ti yaęta, tuę tiki tiraaire fo wisi mepaae whįrapené yó matepa wosóló, ai fo wisi tuąmó doayalepó. Téyaletuiné yało yaępaae kale yale forape Kereso no nerapené wosópóló yó mótu betepa, ti ya Yesu Kerisoné Kutó diratere whį wisi betaalo ai ape.

⁷ Térapa, Kótóné ala aluraairaalu, mepaae bete munire kae kae dolęa foró, so disirapené bete munire fotamo du betepa, mo nisiyóló sya faęse. Téni, Kótóné ala wisinaale betę ya tuępaae erópóló, naaotei fotokę bulatere alatóró yó tawae.

⁸ Ti noatepae, ęale tó tiki fotokę buópóló deté fu betere alata, ti sawa ęaleke sukamómaaté yóló kemeyaalotei, Kótóné ama ere ala wisi ya tuąmó moleteuiné kae kae ala ya tuępaae eratepa, ai eratere ala tuępaaekélé, wisi alatóró erótu betereapó. Ti mió dę i haemó betere alimó mo ti betere bete sóró tawó, take nalo waaire alimókélé wisi alatóró mupa koló yaalópó.

⁹ Yało yaępaae i dere fota, so whį feané wosóló mopóló tuę tiki tirópóló dapó. Take waaire alimó dęné mo wisi ala wisi ke-laalópóló kisipa mutu, mo ti betó tare Kótópaae kisipa tiratapó.

¹⁰ Ti ęta, so whį fea aluyaęsóró tao saaire Kótó betereuiné mo ępaae tuę tiki tiró betere so whįrape betę tao su betere-apó. Atétu betere alamó tuę muturaalu, dę ketekę buóló depe tukó wei ala i du betere ape.

¹¹ Yało i yó melale forape so whį feané wosóló deté fu beterepóló yó mótu betae.

¹² Mepaae whįrapené ya teó kokopei whįpóló kisipa mutu, naao yó mótu betere fo wosaalomeipóló faleyaęsóró, naao du betere fokélé, betere alakélé, yaala sókó fu betere alakélé, kisipa tiki tiró betere alakélé, me dowi alatamo hosekény, mo kae betere ala Keriso so whį feané kolóló, mo wisirapóló naao du betere ala sya wóló du beterepóló yae.

¹³ Ę ya beterepaae waai teópatei, mepaae kae kae alarape fea naao taaróló, Kótóné ašemó yóló muló betere fo betę so whį feané wosópóló ęakeamó dosąayó, so whį dekaýóló haepaae derepaęsóró ketekę bulatere fokélé yó meló. Kótóné bete mole fo i ape yóló, yó matere alakélé taarény mo yó tawae.

¹⁴ Atétu bitu, kale Keriso so whį tetéróló kaae tanópóló sóró beteró betere whįrapené naao tikimó naase mulóló momarótu betepa, Kótóné me whįpaae i fo yae depa yale sukamó, Dęi Kepe Wisiné wisi ęla wisi yańó ęale melalepó.

¹⁵ So whį feané naao ai du betere wisi ala wisi fakeraté fu betereui kolóló, mo wisirapó yópóló kisipa keterény, ai alapaetóró ketekę buóló erótu betae.

¹⁶ Téturaalu, naao betere alaró yó mótu betere fotamo mo hotowayóló kaae taru, naao ai yó tare ala dekaýóló taarény, ęale yótóró tawae. Ai alatamo yó tapa, ti yaękélé, naao yó mótu betere so whįkélé aluyaęsóró, tao saalópó.

5

Whį disiraperó wulia sorapetamo, waę sóró kutó diratere whįrapekélé feapaae i ala yae yale fo

¹ Yaęta teó whįpa, ma fo duraalu mepaae whį disirape foné sóró deteraainé ini, mo naao ayapaae dere ma fo kaae dua yae.

² Teó kokopei whįrapepaaekélé, naao no apupaae eratere ala kaaetóró eró, mepaae so disipaaekélé mo naao haepaae dere ala kaae eró, teó seimale sorapepaaekélé, mo naao ne apupaae dere ala kaaetóró eró duraalu, mo wisi kisipa betę muóló erótu betae.

³ Naale senaale mei, mo doasi yaęętu betere wulia sorape keterény mo wisiyóló tao sua yae.

⁴ Tétu betę wulia soné ama naale senaale ó ama naale senaalené deale naale senaale betepata, ti ai naale senaalené Kótóné ala eróturaalu, atimané hama alima kaae tatu yale kaae, atimané auma serekélé atéró kaae tapa, ti Kótóné mo wisirapó kisipa maaalópó.

⁵ Téretei, mepaae wulia so tao saaire so whį bitini, mo yaęętu bitutei Kótópaae tuę tiki tiróló, take nalo betaaire alimó wisi ala wisi kelaalópóló kaae tawóló bitu, dilikita-mokélé, dętamokélé, Kótópaae tao sae yóló moma yó tarapó.

⁶ Tétu betepatei, mepaae wulia so ama tó tikiné eęęlere alamaaté du betepata, ti ai so ę mo betepatei sukune whį aęrapó.

⁷ I ala yae yóló du betere forapekélé, mo so whį feané wosóló sya fópóló yae. Ti noa yópóló dumipó. Mepaae Keriso so whįné wisi ala dumipóló eratere fo yaęsóró dapó.

⁸ Mepaae whįrapenétamo ama kilii whį so tao sóró kaae tani yó, ama soró naale senaaletamokélé wisiyóló kaae tani yó depa, ti atétere whįné Kótópaae tuę tiki tiró betere ala amatei faleýóló, i wisi ala inipóló dere fo yaęsóró, mo whįrapené du betere alakélé teteraasepóló dapó.

⁹ Dię Keriso so whįné mepaae wulia betere sorape ęla ęla yaęętepa, tao saaire fo i dapa wosae. Diaaę mepaae wulia sorape tao saairaalu, doi mole tikimó betę wulia so 60 ba fotamo kemenipa, ti kale sorapené doi mole tikimó touróló mulaęse.

¹⁰ Motamo ama oma aqómótóro bitu, wisi ala erótu betale doi mole so betepa, ti ai soné doi asenérápó. Ti ai erótu betale wisi alarapeta etérópó. Naale senaale wisiyóló kaae taté fu betale alakélé, uké wale whirape wisiyóló dape su betale alakélé, mepaae sorapené naale senaalené di dasutu dere kaae, Kótóné so whi tao sóro erótu betale wisi alakélé, mepaae kae kae sekétere so whi tao suayale alakélé, kae kae du betere wisi alatamo touróló du betepata, ti atei kaae wulia soné doi asenérápó.

¹¹ Tétu, mepaae wulia betere teó sorapené doi mepaae doi mole wulia sorapetamo touróló mulaqse. Ti noa yaqsóro dumipó. Atima Yesu Kerisoné kutó diraalopóló yóló mulale fo teteróló, nalomo whi kaetamo furaalu, tikaqsóro dapó.

¹² Atéro whítamo furaalu, folosóro yóló mulale fo tikale betené dowi dupu saqsórópó.

¹³ Ti ai alamaaté meitei, wulia kutókélé dini, deokayóló hale bitu, mené bepe bitiré kotere alamaaté dua dapó. Atéro hoko bitiré kuturaalu, kutó ditere nisi yópóló dere alakélé, mepaae so whi erateré fokélé, mo enénire fokélé hoko deté kutu beterapó.

¹⁴ Mepaae wulia betere teó sorapepaekélé, ma fo i dapa wosae. Me whiné diá dokóló naale senaale deyóló diqané be ó nokole qla ó mepaae qarapekélé wisiyóló kaae tapa, dqané bóe whi Satan-né da Keriso fake so whi faleyóló só deraaire tų maaqsóro yae.

¹⁵ Mepaae wulia sorapeta, ti kale tų wisi taaróló Satan-né ala eraairaalu, ai tų ai sya fele ape.

¹⁶ Mepaae kisipa tiki tiró betere soné ama kekelé sotamo atima tuámó betepa, ti ai soné atei wulia so mo wisiyóló kaae tanérápó. Ti noayaqsóro meipó. Kale Keriso so whirape atima mepaae kekelé meire wulia sorape tao suraalu, kekelé betere wulia sorapetamo bipi yaqsóro, kekelé betó mole wulia sorapeta, ti atima kekelénétóro tao sua yópóló yae.

¹⁷ Fo meta i ape. Kale Keriso so whi teteróló kaae tanqópóló, sóro betero betere whirape atima Kótóné so whi mo wisiyóló dapesó fu betepata, ti atima doi mulatere ala mo ti tómó beleróló mo doa doi mulqópóló yae. Atépatei, mepaae teteróló kaae tare whirape atimané diyópóló tukóló muló betere kutóta, ti Kótóné fo yó mótu betere alaró Keriso whi keteqé bulatere fotamo eró tare whirape, ti mo doa doi mulqópóló hale sóro horótu betae.

¹⁸ Ti noatepae, i aseýóló muló betere fo tué muae. Kale *bulmakau* hupurapené whiti ne ó *bali* ne ke whiné naairetei sókó fópóló, teiya teiya duraalu mepaae ke naqsórópóló kulumu faaraqse. Ai dere fo

kaae me i ape. Kutó diratere whiné ama diale kutómó dupu sqpóló melae fo aseýóló muló beterapó.

¹⁹ Téraqa, me fo i ape. Betá whiné duraalu, kale teteróló kaae tare whiné i dowi ala depa kelalépó, dere fo wosaqse. Motamo, tamo ó sore whiné kelalépó depa, ti ai kale dowi ala yale whi so whi feané keletómó foné sae.

²⁰ Ti noa yópóló meipó. Mepaae whirapekélé ai dere ala kolóló wiyópólópó.

²¹ Yalo i dosayayale alarape yae yóló yapaee du betere fo hasókó feni, mo eró taruraalu naao hosaa mole so whiapaemo wisi ala eróo, mepaae so whiapaee kae ala eróo yaqse. Tétu, mené dere fo bete wisinipatei taleturaalu, atimané take du betale alamó kisipa mutu, miókélé i ala mo du yalepóló tao sere ala ó só deratere ala momókó yaqse. Ti i dere fota, Kótóné kele tómkélé, Yesu Kerisoné kele tómkélé, ama kae sóro betero betere *ensel*-rapené kele tómkélé, yalo yapaee i ala mo yae yóló i mulatere ape.

²² Mepaae whi Kótóné so whi teteróló kaae tanqópóló sóro beteraai depata, ti hapale hoko sóro betereni, ama betere alapi kqae kolóló, sawa kaae taté fae. Téralemó, ama dere alatamo mo wisipa, ti ama tikimó naase mulóló sóro beterae. Mepaae whirape dowi ala du betepa, naaotamo ai ala ekese yóló sesétere fo initepata, ti yaqélé ai dowi ala kwia ai sere ape. Téyaqsóro, naao du betere wisi ala me dowi alatamo hosekényi, mo wisi alamaaté du betere whi betae.

²³ Téruraalu, ya suka fea daló tare kae kae kisiró depe tuámó daale kisi betetamo wisiyópóló, mo wejimaaté néni *wain* wejikélé sawa téti nukua yae.

²⁴ Mepaae so whi atimané haqeamó du betere dowi alata, so whi feané kolóló tuérápó. Atéreteiné ai du betere dowi alamó fo tokqótamo yóló kwia saaire be dq teópatei, atima só deró beterapóló, so whi feané kolóló tuérápó. Mepaae so whi atimané kinóló deté fu betere dowi ala take fo tokqótamo yóló taletere sukamó haqearatapa kelaalópó.

²⁵ Atétere kaae, mepaae haqeamó deté fu betere wisi alakélé, ti so whi feané kelerapó. Mepaae kikiti deté fu betere wisi alarapekélé ti so whi feané keletómó hiranénipó.

6

¹ Kutó dirqópóló wae sóro betero betere whirape feapaee dere fo i ape. Kótóné doiró dqané yó mótu betere fotamo mepaae so whiné faleyóló doka doka yaqsóro, ai whirape atima wae sóro dupuyale whi aqmó sukóló bitu, kutó mo wisióló diraté fu beterqópóló yae.

² Mepaae wae sale wh̄j talerapeta, ti Keriso wh̄irapepó. Ai wh̄irapeta, kale wae sale wh̄irape atimané nopóló kisipa muóló, atima aqmó betere h̄yóló deka kutó dini, mo doa ketek̄e buóló dir̄póló yae. Ti noatepa meipó. Atima ai ditu betere kutómó botokotere ɔlata, ti Kótópaae kisipa tiki tiróló betere Keriso no apunétóró naalo ai ape. Térapa, i yae yóló du betere fo yó móturaalu, mo dirii ma fo du betae.

Moni-mó hosaa muaqse yóló ere fo

³ Mepaae wh̄irapenétamo kapala fotei Kótóné fo i ape yóló yó mótu betepata, ti ai wh̄jiné Tale Yesu Kerisoné yó matere fo wisiró Kótóné ala i ape yóló yó matere fotamo sya fumipó. Ti ai wh̄jiné ama dere alata, wisirapóló bopé faketu betereinein bet̄a alakókélé mo kisipanipó. Ama nomarapetamo bet̄a tué muóló bitini, mo sawa fomótei doasi fo nisyóló dóroi du betere alaró u t̄eterótu i t̄eterótu dere alatamo du betereinein ama kisipa tiki wisini, mo dorapó.

⁴ Atéturaalu, mepaae wh̄jiné dere ala kolóló ɛkélé até ené yóló dei kisipa mutereikekélé, kae kae ɔlamó alale suraalu h̄le sere alakélé, me wh̄j dei tué muǒpóló kae kae eraterer fokélé, me wh̄jiné me dowi ala depa kilinitei, yalemolópóló h̄letei eraterer fokélé, dua dapó.

⁵ Ti ai alarape du betere wh̄irapeta, mo foné bete sawakélé atima tuámó muni, mo dowi kisipatoró muluraalu atimasisitei h̄le fomaaté yó tarapó. Téturaalu, Kótóné ala erateretei doasi *moni* sere t̄j mole nisyóló du betrapó.

⁶ T̄epatei, Kótóné ala erótu bitu mepaae ɔla ɔla mo dekeró saaitapóló kisipa muni, t̄eti suraalu, ita Talené matere ɔla supóló supata, ti mo doasi ala ai ape.

⁷ Ti noatepae, d̄a haené depemó beteró i haepaae wouraalu mo bet̄a ɔlakélé tawóló wénitu dere kaae, d̄a i hae taaróló fukélé me ɔla tawóló faalomeipó.

⁸ T̄éyaaalopa, d̄a mió bituraalukélé nokole ɔlaró deraaire kutitamo t̄eti mupata, ti mo k̄ee yóló wisi tué muóló betenérápó.

⁹ Mepaae so wh̄jinétamo ɛ doasi *moni* sóró néli wh̄j betenée yóló kisipa mutupata, ti dowi alamó dée n̄póló s̄y sere alané kisipa okokoróló ɔlisóró fulapó. Téturaalu, na hemó duku dere kaae dowi alané atima dóló sukunótua dapó. Atéró doasi *monimó* ekele yóló néli wh̄j betenée du betere alanétei kae kae h̄ko alaró dowi alatamo kaaróló, so wh̄j doakale hapis̄a s̄elimó durupu dere kaae, dowi alané atima betere bete mo ti doróló só derótu betrapó.

¹⁰ Ti noatepae, kae kae du betere dowi alata, ti doasi *monikó* senée yóló ekele du betere alané kaarótu betrapó. Mepaae

so wh̄j doasi *moni* saaitapóló ketek̄e bu-turaalu, Kótópaae kisipa tiki tiraterer ala taaróló k̄opaae ai fu betere ape. Ti aita, atimané yale alanétei betere bete mo doróló dei fomaake kisipa mutu betrapó.

Pol-né Timoti fotok̄a bulóturaalu yale fo

¹¹ Kótóné ala erótu betere wh̄j wisi-ó, ai du betere alarapené ȳa doraqsóró botokó fóló i alarape sya fu betae. Me dowi alakélé muni, mo donoyóló fole alakélé, Kótóné ala wisitóró eraté fu betere alakélé, tué tiki tiróló bitu naao no netamo yaala sókó fu betere alakélé, me sek̄e ala wapatei me ɔla meipóló fotok̄a buóló Kótóné alatoró eró taru, naameyóló mo dua betae.

¹² Atéró Kótópaae kisipa tiki tiróló bitu, ama ala erótu betereimó b̄oe wh̄jiné ai wisi alatamo b̄oe dupata, ti fotok̄a buóló du betae. So wh̄j feané keletómó naao du-raalu, Kótópaae tué tiki tiróló betrapó yale sukamó Kótóné, ȳa mo ti betere bete tūapaae bit̄j ape, yalepó. T̄éyalepa, ai ti betere bete mo diriyóló tao tapatei fóló, kemene fole kwiamó sókó faasepóló dapó.

¹³⁻¹⁴ Fea kae kae betere ɔlaró ere alatamo betere bete mótu betere Kótóné kele tómkélé, Pontias Pailat betere felekemó halaainé daalu, mo donoi fomaaté yale sek̄e Yesu Kerisoné kele tómkélé, i ala yae yóló mulatere fo h̄asókó fole ala ó dowi ala yalepóló só deraterer alakélé ini, mo hotowayóló eraté fu beteró, d̄a t̄eteróló kaae tare Tale Yesu Keriso wale sukamó sókó faasepóló, ȳalo ȳapaae mo dirii ma fo i yóló mulatere ape.

¹⁵ Tale waaire be d̄eta, mené ali tanitei, Kótóné ama tukóló muló betere be demótóró waalopó. Fea ala feata, ti amatóró t̄eteróló kaae taru, mo wisi alamaaté f̄anuraalu i haemó betó mole doasi topo wh̄iraperó mepaae ɔla ɔla t̄eteróló kaae tare talerapetamo t̄eteró betere Taleta ɔtórótipó.

¹⁶ A bet̄a mo kaayólókélé ó kemekélé ini, mo ti betó tare Kótó betrapó. A ama kae ere d̄e tuámó betepa, mo wh̄j bet̄akélé, a betere felekepaae fen̄enipó. Mo wh̄j betané kolókélé iniretainé miókélé a kelen̄enipó. Ai sek̄e ɔtóró dukiróló, mo doasi fotok̄a bole doi kemekélé ini, mo h̄ale muó taté fu beterópóló yae. Mo k̄ee! T̄érpóló yae.

¹⁷ I haemó doasi *moni* tare néli wh̄irapené i ala yǒpóló, ma fo i yóló mulatere ape. Atimané ai tare doasi *monimó* bopé faketuraalu, take nalo ai *moniné* atima tao saalopóló kisipa mutu betaqsóró yae. Ti noatepae, ai *monita*, ti muó tawaaire ɔlapakó kisipa tiki tiraalomeipó. ɔla ɔla fea mótu betere beteta, ti Kótótóró betrapó. Ai Kótóné hamokoróló damó ɔla ɔla fea sumó mótu betrapó. Atéró matere ɔla ɔla

suraalu, mo kée yóló dā hajné sukóló só tarapó. Tétu betera, take nalo waaire alimó dāpaae mo wisi ala eraalopóló kisipa mutu, āpaae betā kisipa tiki tiróló beterópóló yae.

¹⁸ Atimapaee diā doasi *moni* tare néli whī biture kaae, diaaō du betere wisi alamaaté diā tuāmó fāanu néli whī beterópóló yae. Atéró bitu, diaaō tare ọla ọla bukóló mepaae yāyāre so whīmó hamokoróló hāle mótua yae.

¹⁹ Atétu betere alanétei, take waaire alimó mo diriyóló beterópóló, doasi bete muaaire wisi wisi ọla muté muté horaalo ai ape. Téyaalopa, atima mo ti betere bete mo diriyóló taru du beterópóló, i ala yae yóló yó mótu betae.

²⁰ Timoti-ó, yā melale ọla wisi me alané ó me whīné doraqsórópa, hotowayóló kaae tawae. Me bete munire hāle hōko fotei, so whīné mo bete mole fo nisyópóló kisipa tiraaire fo depa, aita Kótóné bete mole fotamo bóe dilapa, kisipa keteróló sisópaae erae.

²¹ Mepaae whīrapené ai fo mo dere nisyóló Kótópaae tuē tiki tiróló betereitei taaróló ai fele ape. Térapa, yālo mo hosaa mole no-ó, Talené hāle hamokoróló tao sere ala yā tuāmó muó tanópóló yae.

2 Timoti

¹⁻² I dere așeta, Kótóné ama tuêre ala sya furaalu, dotonale *aposel* whi Pol-né dapó. Yalo hosaa mole naale Timoti ya paae Aya Kótóró Tale Yesu Kerisotamo tuámó kaaróló wou betere kolené sukuturaalu hãle tao sere alakélé, hosaa muni deyóló mo dua betere alakélé, ya tuámó muó tanópóló yae.

Talené fo aqmó sukóló bitu erótu betae ere fo

³ Yalo ayarape deale whirape me dowi ala ini, tuê wisi muluraalu, Kótóné ama ala eraté wale kaae, mió yałokélé Yesu Keriso tuámó mo ti betere bete mulapóló kisipa mutu, ę ama kutó i dirótu betere ape.

Tétu ętamokélé, dikitamokélé, ya kisipa keteréni, momatóró yó taruraalu, Talepaae mo kée dapó.

⁴ Naaó kelemó dorowou betere wole kaapemó kisipa mutu, ę hajné sukãai ya keke wolée i du betere ape.

⁵ Yalo tuê mutupa naao tuê tiki tiratere alata, tómó ini, folosóró naao ausere Lois-ró naao hae Yunis-tamo tuámó iru yale kaae, mió ya tuámókélé mo atérapóló kisipa mutapó.

⁶ Atérapa, naao tikimó yalo naase mulale sukamó Kótóné yapaee melale ala mo hãle muaqsórópa, si mi holópóló flitu dere kaae, mo doa keteké buóló erótu betaasepóló, ma fo i dapa wosae.

⁷ Ti noatepae, Kótóné ę melale kepe beteta, wiratere kepe ménitei, ę mo ha-laaiyóló, yaala sókó fole ala yóo, ę tuámó kae kae mole kisipa tiki hãsókó fóló dowi ala yaqsóró, mo wisiyóló teteróló kaae tawó yópóló, fotokó bole kepe wisi melalepó.

⁸ Térapa, so whi feané keletómó ę teteróló kaae tare Talené ala etérópóló yó móturaalu, halaainé erótu betae. Ama ala erótu betepa, *dipula* bemó beteró betere whi ę kilitukélé hale yaqse. Téni, kale mió i wosetu betere fo wisi yó mótu betepa, ę su betere sekę kaae mené yapaekélé eratepa, belée tawae. Ti ai sere sekęta, Kótóné ętamopaae mótu betere fotokó tuámó betepa, ti sumó belenérápó.

⁹ Ti ai sekęné amatei ę aluyaqsóró tao sóró ama kae beteró betere so whi beterópóló ę beterepaae ape yaletaita, ti ęané me wisi ala dere kolóló initei, Kótóné ama mo eraalopó yóló muló betere ala sya furaalu, hãle hamokoróló tao salepó. ę atéró Yesu Keriso tuámó betepa melale hãle hamokoróló tao sere alata, i haeró sãtamo aleyaãpatei meló beterapó.

¹⁰ Ai alata, ę tao sere whi Yesu Keriso wale sukamó hãkeamó eratepa, so whi feané kelalepó. Ti ai sekęnéta, sukutere ala ama sóró mo ti aluróo, mo ti betó

tawaaire ala ę tuámó mupa so whiné kolóo yópóló, mió i wosetere kisi fo wisi yó mótu betereiteiné hãkearalepó.

¹¹ Mió i wosetu betere kisi fo wisi kae kae be huluamó betó mole so whiné wosópóló Kótóné fo i ape yóló yó melóo, bete mole fokélé yó melóo yópóló, amatei ę doteyaairaalú sóró beteralepó.

¹² Atétu betere alamó ę sekę su betepatei, wiyóló haletere alakélé dumipó. Ti noatepae, ę tuê tiki tiróló betere sekęta, yalo mo diriyóló tuérápó. Atéru, mo hotowayóló kaae tawae yale ala mió i betere alimókélé amatei kaae taté fóló, take kemene fole sukamókélé ama mo sumó kaae tanérápóló kisipa mutapó.

¹³ Yalo yó matepa wosale fo mo diriyóló tuê mulu, naao yó mótukélé ai fo kaaetóróti yó mótu betae. Atéró yó móturaalu, Yesu Keriso tuámó bitu, kisipa tiki tiratere alakélé, yaala sókó fole alakélé, yó tawae.

¹⁴ Mené yapaee wisiyóló kaae tawae yóló melale ęla wisi me ala yaqsóró ę tuámó betere ęti Kepe Wisiné ya fotokratepa, mo hotowayóló kaae tawae.

¹⁵ Esia hae kwiamó betó mole whirape feané ę taaróló fupa, Fikelus-ró Hermosenes-tamokélé ę taaróló feletei naao ai tuêre ape.

¹⁶ Onesiporus-ró ama be whitamopaae Talené kolené sukóló tao sere ala erópóló yae. Ti noatepae, ę *sein* képiné dokóló *dipula* bemó betepa kilitu, atima wiyóló hale ini, wisi ala eraté fu betepa, ę kisipa feléyóló betalepó.

¹⁷ ę Rom be huluapaae wóló, ę momó beterérópóló kelaai kikitu wikélé ó hókélé ini, mo keteké buóló keketé kutu beteró nalo ę kelalepó.

¹⁸ Take Tale waaire be ęémó ama kolené sukóló tao saaire ala wisinaale ępaae erópóló yae. ęamo Epesus bemó betepa, ama ę tao suraalú, kae kae ala eraletei naao ai tuêre ape.

2

¹⁻² Térapa, Yalo naale-ó, Yesu Kerisoné hãle hamokoróló tao sere ala tuámó fotokó buóló betae. Atéró bitu, so whi feané keletómó yalo yó mótu betepa wosale fo naao mepaae mo wisi ala yó tare whirapepaae i kale fo wisi mo wisiyóló kaae tawae yóló sóró beterae. Ti ai whirapeta, hãle whirape meitei, mo so whipaae Kótóné fo yó melaai mo sũre whirapetóró sóró beterae.

³ ęata, Yesu Kerisoné sóró beteró betere diki tare whi wisirape sũ betepa, sekęi ala wapakélé me ęla meipa, ęamo betámó titiyóló bitu, hãle belée tawae. I haemó betó mole diki tare whirapená dere ala tuê muae.

⁴ Atima teteróló kaae tare whjné kisipa tiki feléraaire alatóró yó taru, mo so whjné kae kae du betere alatamo hosekéyóló dupipó.

⁵ Atétu dere kaae, mepaae whjrape sururu yóló furaalu, i yae yóló muló betere fo wisiyóló sya fenitepata, ti kale folosóró fole whjrapené derótua dere topo tao saalomeipó.

⁶ Kutó dituraalu, depe tukó wei ala du betere whjnéta, folosóró ulumé dere ɔla amapi senérápó.

⁷ Yalo i dere fo bete wosóló, noa fo betené dérópóló kisipa tekeyae. Atétepata, ti ai forapené bete Talené yapaae yó melaalopó.

⁸ Yalo i yó mótu betere kisi fo wisita, kale Depit-né deté wale whj Yesu Keriso sukóló momó kepaayóló beterapóló du betere fo mo diriyóló wosóló, kisipa muae.

⁹ Ai fo erótu beteremó, ɛ mo dowi ala yale whj kaae *sein* képiné dokóló *dipula* bitu, mo seké su beterapó. Téretei Kótóné fota *sein* képiné dokóló munipó.

¹⁰ Atérapa, Kótóné sorokó su yóló kae beteró betere so whjrapeta, Yesu Kerisoné tao sóró mo ti betó tawaaire dɛ tuamó beterópóló kisipa mutu, ɛ kae kae seké ala sótoró tarapó.

¹¹ I dere fota, mopóló kisipa tiraaire fopa wosae.

Dá ɔtamo sukutepa, ti dá momó kepaayóló ɔtamo betamó betaalopó.

¹² Mió i betere alimó dɔpaae seké ala wapakélé, hepée taae faróló fupa, ti take nalo waaire alimókélé, fea ala fea ama kaae tare kaae, dɔkélé ɔtamo betamó bitu, teteróló kaae tawaalopó.

Danétamo ɔ tuénipó depa, ti amakélé dɔpaae diákélé ɔ tuénipó fo yaalo ai ape.

¹³ Danétamo ama ala erótu beteretei hýyóló taalatepa, ti ama dané dere kaae yaalomeitei, ama yó tare ala hɔle yótóró tawaalopó.

Ti noatepae, ama ere ala amatei doróló me kae ala enénipó. Ama du betere ala wisitóró hɔle yó tarapó.

Kótóné ama kutó diratere whj wisipó yópóló kutó wisiyóló dirae ere fo

¹⁴ Kótóné fo wisi erótu betere so whjrapené kisipa keteraqsóró yó maté fu betae. Tétu, hɔle mo sawa fomótei doasi bete mole fo nisiyóló alale sóró u só derótu i só derótu yaqsóró, Kótóné keletómó mo dirii ma fo du betae. Ti noatepae, atei bete munire fo wosetere whjrapené kisipa tiki dorótu beterapó.

¹⁵ Naa Kótóné kutó ditu beteretei, hɔko dirateremó haleyaqsóró, mo bete mole fo wisi donotóró yó mótu betae. Atétepa,

Kótóné naao ai ditu betere kutó wisiyóló kɔae kolóló mo whj wisipóló dukiratero fo yópóló, mo doa ketekɛ buóló erótu betae.

¹⁶ Kótó sisópaae eróló, hɔle hɔko forape wosaaitapóló faqse. Ti noatepa meipó. Atei fo du betere so whjta Kótó kisipa keteróló sisópaae mulóló mo ti aluraté faalo ai ape.

¹⁷ Ai whjrapené yó matere fota, dowi humu fakeyóló kɔlaaté furaalu, whjné tiki turó dorótu dere kaae, so whj feané kisipa tiki mo ti doraalo ai ape.

¹⁸ Ai fo yó mótu betere whjrapekó Haimeniasisró Piletus-tamo kale mo fo wisi taaróló ai fele ape. Ti atimaamoné etei fo du beterapó. Dá Keriso so whjta, take kepaayóló beteretei, momómo kae kepaayaalomeipó du beterapó. Atétere foné mepaae so whjné tuɛ tiki tiró betere ala mo dorótu beterapó.

¹⁹ Tétepetei, Kótóné mo ti muó tawaaire bete tukóló muló betere kapo fake tó mótei i fo aseýóló muló beterapó.

“Talené ama naale senaaleta, ti amatóró tuɛrapó.”

Fo me i ape.

“Talené ama ala erótu betere so whj feata, ti ama so whjpa, dowi ala mo taaróló kae betae.”

²⁰⁻²¹ Betá néli whjné ama doakale tɛne be dolomó, *kold kaparó silpa kapatamoné* aleale wisi wisi ɔla muóo, mepaae mo ni fakeró haetamoné aleale ɔla ɔlakélé muóo, erapó. Atére ɔla ɔla mepaae mo wisi kutó maaté diyaairaaalu bukóló kae mulóo, mepaae ɔla ɔla, ti hɔle hɔko kutó diyaai saaitapóló kae mulóo, dua dapó. Mepaae whj dené hɔle bete munire ala sisópaae mulóló, me alakélé munipa, ti mepaae kae kae wisi ala ai whjné sumó eranérápóló kisipa mutu, Talené taleyóló kae beteró beteratapó.

²² Teó so whjné ekɛle yóló du betere dowi ala yapaaekélé eraqsóró, mo hotowayóló kaae tawae. Atéró, Kótóné so whj atima hosaa tuamó mo wisi kisipa betá mulu, Talepaae momatu betere so whjtaamo yɔkélé betamó bitu, mo donoi alamaaté yó tawóo, tuɛ tiki tiratere alakélé yóo, yaala sókó fóló hosaa muni deýóló dua betóo iru, ketekɛ buóló eraté fu betae.

²³ Topo doýóló okokoi kisipa mole whjrapené u só derótu i só derótu dere kaae momókó yaqse. Ti noatepae, atétere alané hɔle sere ala kaarótu beteretei naao ai tuɛre ape.

²⁴ Ti atei kaae ala Talené kutó diratere whjné dere ala meipa, mo yaqse. Téní, so whj featamo mo dua naameyóló bitu, Kótóné fo wisi betá yó melatere fosó fosóre whj betae. Menétamo yapaae dowi ala eratepa, ɔpaae kwia tokó melaai kisipa muni, mo donoi ala betá erótu betae.

²⁵ Kótóné kutó diratere wh̄rapetamo b́oe du betere wh̄rapepaae Kótóné fo wisi mo dua naameyóló ýo mótu betae. Ti ai b́oe du betere alata, h̄ale meipó. Satan-né ama kisipa mole ala erópóló, atima ama hemó ai daló betere ape. Atérapa, ai ýo matere fo wisi woseté furaalu, Kótóné atima kisipa tiki feterópóló dua ýo mótu betae.

²⁶ Atéró feteratepa, mo foné bete diriyóló tuéturaalu momómo kisipa wisi muóló, Satan-né hemó doló mualetei sokóló h̄ale f́ópóló eraalopó.

3

Kemetere be demó Kótó h̄róló b́oe daaitere ala

¹⁻⁵ I dere fo mo diriyóló wosae. Kemeyaaitere alimó mo dowi sekei ala wapa so wh̄ feané i alarape du betaalo ai ape. Atimatei atima yaala sókó fole ala ýo, *monimó* ekele dere ala ýo, bopé fake dere ala ýo, amatei a h̄ale horatere ala ýo, dowi teka fo ýo, atimané hae aya aqmó sukóló bitini ýo, mené wisi ala eratepatei mo kée dere fo ini ýo, Kótóné ama kae beteró betere so wh̄ bitini ýo, mepaae so wh̄paae yaala sókó fole ala ini ýo, me wh̄tamo h̄ale saletei hapale kemeraaire tué muni, dowaae fole ala ýo, eratere fo ýo, atimané ekele ala teteréni ýo, kole dere alakélé ini, susupuratere alamaaté eróo, me wh̄paae wisi ala eraai tué muni ýo, mo no apu nisirutei eleké deyóló dóo, yaaitere ala kisipa tekeyóló ini h̄oko ýo, mené kolóló dukirópóló nene dere ala ýo, tó tikiné yaaitere ala ekele yóló duraalu, Kótópaae yaala sókó fole ala ini ýo, atima Kótóné ala eratere wh̄rape aqrutei ai ala eraaire fotokó meitepa, atimanétei h̄oyóló taaralepó. Atei ala du betere so wh̄tamo fulumu yóló bitini tika kae betae.

⁶ Ai ala du betere wh̄rapené wisi ala yaai tué munire sorapené bepaae kikití dua sókó yóló kale sorapéné kisipa tiki doróló i ala yae yóló ýo mótu beterapó. Ti ai sorape atima du betere dowi alané atima só deróló atimané kisipa tikikélé beséni ni upaae só fua ipaae só wua dere kaae, kae kae dowi ala yaai ekele yóló du beterapó.

⁷ Atimané kale fo wisi saalopóló su betepatei mo foné bete wisiyóló kisipa mutumipó.

⁸ Take Moses-né Kótóné fo i ape yóló ýo mótu betepatei, Janes-ró Jamperestamoné ai fotamo b́oe du bitu yale kaae, ai wh̄rapenékélé mo fotamo b́oe du bitu, dowi ala yaaire kisipatóró f̄anuraalu, Talepaae tué tiki tiró betaaire ala sunipa, Kótóné atima taaralepó.

⁹ Kale u wh̄ tamopaae yale kaae, ai wh̄rapené h̄oko ala du betere bete so wh̄

feané kolópóló h̄akearatepa f̄olo sukamó deté fu betaalomeipó.

Pol-né Timotipaae i ala yae yóló keteké bulale fo

¹⁰⁻¹¹ Tépatéi, yalo ýo mótu betere fokélé, e betere alakélé, yalo yaai tué mutere alakélé, kisipa tiki tiró betere alakélé, seke beleté fu betere alakélé, yaala sókó fole alakélé, sekei ala wapatei hepée taae faróló h̄ale ýo tare alakélé, susupui ala erótu betepakélé, kae kae su betere sekei alakélé, e Antiok beró Ikoniam betamomó betepakélé, Listra bemó betepakélé, epaae kae kae susupui ala erótu betaletei, fea naao ai tuére ape. Ai alarapené e só deraqsóro Talené e tao salepó.

¹² I fota mo dapó. Mepaae wh̄ detamo Yesu Keriso tuamó bitu, Kótóné ala eraai kisipa muóló erótu betepatei mo wh̄rapené atimapaee sekei ala erótu betaalopó.

¹³ Ai ala erótu betere wh̄raperó mepaae wisi ala du betere nisi dere wh̄rapetamo atimatei dilikitu yale kaae, atimané mo so wh̄ikélé dilikitu beterapó. Atimané atéró du betere dowi ala mo ti faketuraalu, atima mo doraalopó.

¹⁴⁻¹⁵ Atimata ai ala du betepatei, yata kaepa, yapaae ai fo ýo melale so wh̄rape naao tuéru atimané ýo melale fo tuétóro ýo tawae. Kótóné mo ama kae aseýóló muló betere fota, ya mo ketemó bitu woseté waletei naao mo tuérápó. Ti ya Yesu Kerisopaae kisipa tiki tiraté fu betereteiné aluyaqsóro ai fonétei mo tao saaire bete wisiyóló tué ýópóló, ýo melanérapó.

¹⁶ Kótóné asemó yóló muló betere fo feata, ama bole fomo sókó faraleteiné eró beterapó. Ti aita noa ala ýópóló meipó. Kótóné ala eratere wh̄jné kae kae wisi ala erótu beterópóló kisipa mutu, yóló muló beterapó.

¹⁷ Tétu, ai fonétei mo so wh̄paae ýo matere ala ýo, dowi ala depa foné sere ala ýo, me h̄oko ala depa donoratere ala ýo, Kótóné ama donoi alamaaté mo sumó wisiyóló eraté f́oo enérápó.

4

¹ Kótóné kele tómkélé, d̄a betere so wh̄ŕo sukale so wh̄tamo fo tokótamo yóló tale yaaire wh̄ Yesu Kerisoné kele tómkélé, a waaire be deró ama teteróló betere alata-momó tué muturaalu, yalo yapaae i ala yae yóló dirii fo i dere ape. Kale fo wisinaaleta so wh̄ feané wosópóló i ape yóló ýo mótu betae.

² Ai fo ýo melaai tukóló muló betere be demókélé, ó mo h̄ale be demókélé, naao ýo melaaire fo ali ali yaqsóro taleyóló kisipa muóló betae. Atétu, mepaae wh̄rapené h̄asókó fupa donoratere alakélé ýo, me

dowi ala depa taalae yóló, foné sóró keteke bulatere fotei yóo du betae. Atéroró yóo matere fo wisiyóló sya fenitepa, foné sóró hapale só deréni, dua kaae taté fu bitu, kale bete mole fo betá mo hotowayóló yó mótu betae.

³Ti noatepae, mepaae whíné kale mo bete mole fo wisi yó mótu betepatei, so whíné wosetere hóraraire ali waalo ai ape. Ai fo wisi wosetere hóróló, atimané yaai kisipa mole ala sya furaalu, diané yó mótu betere fo wosaalo hóróló atima woséliné ekéle yóló wosetu betere fo wosaaitapóló, atei kaae fo yó matere whirapepaae ape depa, atima fea wóló touraalópó.

⁴Ti mo bete mole fo wisi atima wosetere hóróló sisópaae eróló, bete munire doláa fo wosaairaalú ekéle yaalópó.

⁵Ai alata mo du betaalotei, yapaae kae kae ala wapa, furu furu ini, kisipa diri iruraalu halaaiyóló betae. Mepaae sekei ala wapakélé belé taruraalu, kale mió wosetere fo wisi betá yó mótu bitu, Kótóné yapaae erae yóló muló betere ala fea taaréni eró tawae.

⁶Ti noatepae, mo so whíné Talepaae maturaalu, kale *wain* wéi momatere kapo fake tómó sunéé derótu dere kaae, yálo betere bete mió i kemeratere ape. Ti é i hae taaróló faaire be de mió i sókó waaitere ape. Kale bóe dale alakélé yálo mo wisiyóló dóo, sururu yóló fóló sókó fópóló muló betere dalemó sókó fóo, Yesu Kerisopaae tué tiki tiratere alakélé hále yó tawóo yalépó.

⁷⁻⁸Téyaleiteiné mió yálo doimó muló betere topo tao mulapó. Ti aita hále topo tao meitei, dá feané yale alamó fo tokótamo yóló mo donotóró taletere Talené ita, mo donoí ala du betere whí i ape yóló melaaire topo taopó. Ti aita, yáloomaaté saalomeitei, Tale waaire be de sókó wópóló kaae taté fu betale so whí feané saalópó.

Pol-né Timotipaae hapale ape yale fo

⁹⁻¹²Fo me i ape. Yá é beterepaae hapale waasepólópó. Ti noatepae, Demas á i haemó du betere alamó hosaa muturaalu, é taaróló Tesalonaika bepaee ai fele ape. Tétu, Kresens-kélé Kalesia bepaee fóo, Taitus-kélé Dalmesia bepaee fóo depa, Luk betá étamo i betere ape. Ti Mark áta, é Talené kutó diratapa tao su betere whí wisipa, yá wou á dapesó ape. Tikikas áta Epesus bepaee fópóló, yálo doteyalépó.

¹³Tétu, yálo bukatere kuti Troas bemó yálo no Karpus-tamo mupa walepa, yá wou sóró ape. Yálo bopeyóló mulale asétere sókurape sóró wou, kale hupu sekaené aleale asétere sókurapekélé ai mulapa, taaróló wéni, mo sóró ape.

¹⁴Kapa diriné ọla ọla aletu betere whí Aleksandané doasi bóe dóló épaae sekei ala

eralepó. Atéyale kwiata, épaae Talenéitei tokó melaalópó.

¹⁵Ai sekéné dāné yó mótu betere fo-tamo doasi bóe dalepa, yátamokélé bóe dóló me doai ala eraqsóro mo hotowayóló kae tawae.

¹⁶Étamo fo tokótamo yóló só deraai kaae sóró taleyale sukamó me whíné é tao sere fo yaai ani, atima feané é taaróló felepó. Atimané atei ala yale kwia Talené alurópóló yae.

¹⁷Tépatei, Tale étamo betámó daalu fo-tokó sumó bulaleteita, kale fo wisi yálo mo diriýóló eratepa Juda fake mei, kae fake so whí feané wosópóló eralepó. Téteremó, atimané é mo felekemó dóló aluraletéi, Talené tao salepó.

¹⁸Mepaae whirapené kae kae dowi ala épaae eraqsóro, Talené é tao sóró ama teteróló betere hepen bemó ere ala wisi tuámó beterópóló, mo wisiyóló dapesó fóló beteraalópó. Ama doi betá mo doasi doi muó taté fópóló yae. Mo kée! Téyópóló yae.

Mo kemerótu kólé yale fo

¹⁹Prisila-ró oma Akuila-tamopaekélé, Onesiporus-ró ama kekelé so whítamopaekélé kólé yae.

²⁰Erastus Korin bemó betóo, Tropimus á Miletus bemó heponé sukóló muó epa taaróló walepó.

²¹Yáta, sosóló ali waaipatei, ipaae hapale waasepóló dapó. Yupulus-nékélé, Pudens-nékélé, Linus-nékélé, Klodianékélé, mepaae Keriso norape feané kélé, yapaae kólé dapó.

²²Térapa, Tale naao kepe bete tuámó bitu, ama hále hamokoróló tao sere ala yá tuámó súpóló yae.

Taitus

¹ Ẹ Kótóné kutó diratere whi bitu, Yesu Kerisoné dotẹyale *aposei* whi Pol-né dapó. Atéró dotẹyaleiteita hãle mei, Kótóné ama sorokó su yóló betero betere so whiné Talepaae tuẹ tiki tiróo, kale bete mole fo tuẹ yóo, yópóló ẹ dotẹyalepó. Ai bete mole mo fo wisi diriyóló kisiparu, tuẹ tiki tiróló Talené ala eraté fu beteraépó.

² Ti tuẹ tiki tiratere alaró mo bete mole fo diriyóló kisipare alatomota, take nalopaae mo wisi ala tuámó betaalopóló, mutere tuẹ tó mó belerapó. Ti ai alata, kapala fo mo sawakélé eneitere Kótóné sãrò haetamo kaaraai teópaa, mo taketitei yóló munélipakalepó.

³ Dã aluyaqsóró tao su betere Kótóné ama fo wisi ẹpaae mo wisiyóló kaae taru, so whipaae yó male fae depa, yãlo yó maletéiné Kótóné ama mo eraalopóló tukóló muló betere be demótóró ama yóló mulale fo hãkearalepó.

⁴ Taitus-ó, yãlo i dere asẹta, dãmó wusuró mo betã fotóró wosóló Talepaae tuẹ tiki tiró betere alakélé betã ala ereteiné yã yãlo hosaa mo turó mole naalepa i dere ape. Dãné aya Kótóró dã tao sóró wisiró betere whi Yesu Kerisotamoné hamokoróló tao sere alaró hosaa muni deóló dua betere alatamo yã tuapaae erópóló yae.

Atimané diyaai yale kutórape kemerópóló Tatus Krit-mó beterafe fo

⁵ Ẹ faairaalu, yã weiné bopéro daaló betere hae Krit-mó beteróló fele bete i ape. Mepaae diyóló kemeréni, kwia mupa taarale kutórape naao donoróló diyóló kemeróo, ai hae kwiamó tẹ mole be huluamó betere Keriso so whi tẹteróló kaae tawaaire whi disirape sóró beteraté kweyóo, yópóló taaróló felepó.

⁶ So whi tẹteróló kaae tawaaire whi disi sóró beteratepa, i ala ere whi sóró beterae. Me dowi ala yalepóló só derénitere whi betóo, sokélé mo betãtóró dokóo, ama naale senaalekélé Talepaae tuẹ tiki tiró betóo, mepaae so whiné ama naale senaale hama alima aqmó bitini dowãae fóló, atimané tó tiki felé yaaire ala du betepa, só deratere fo ini yóo, dere whi sóró beterae.

⁷ Atéró beteratere whiãta, Kótóné ama diraae yale kutó tẹteróló kaae tareteiné mepaae whiné me dowi ala yalepóló só deratere fo ó mepaae whiné dere fo woseni dowãae furaalu, ama kisipa mole alatóró sya fole whi ó hapale fopaae butere whi ó *wain* wei mo dekéro nokole whi ó hapale fopaae buturaalu hõle sere whi ó doasi *moni* saai ekeleru, kapala ala du betepa, ti atétere whi beteranénipó.

⁸ Ai dosãyale alarape ini, uké whi wisiyóló dape sóo, wisi ala maaté yaai ekẹle yóo, ama tikiné ekẹlere ala ini, ą amatei tẹteróló kaae tawóo, ama dere ala fea mo donotóró yóo, Talené ama ala erópóló, kae betero betere whi betóo, yaaitere alarape taleyóló mo bete mole alatóró yó tare whi betóo epa, ti so whi tẹteróló kaae tanópóló, sóró beterae.

⁹ Térapa, kale bete mole mo fo mené yãpaae yó melaletéi diriyóló tuẹru, mepaae so whi ketekẹ bulóo, ai fotamo bóe du betere so whi donoróo, enére whítóró sóró beterae.

¹⁰ Ti hãle hõko whi sóró beteraqse dere fota, ti i betené dapó. Kale mo fo wisitamo bóe du betere whirapekélé, bete muni hãle hõko fo du betere whirapekélé, kapala fo yóló so whi dilikitu betere whirapekélé fea betó mole tuámó tiki sekaẹ tikae du betere whirape mo dekéro betó moleteiné dapó.

¹¹ Atimané du betere alata, enénire fotei ai yó mótu betere ape. Aita hãle dumí, kapala so whi dilikóló *moni* saai du beteraépó. Atéró yó mótu betere foné betã whiné ama soró naale senaaletamokélé, ama fake whikélé, atima fea betã be dolomó betó moletei ai dorótu betere ape. Atétu betere ala momó kae yaqsóró, mo taalae yóló foné sae.

¹² Ti ai Krit haemó betó mole whirape atimané fo eratere kóló whi betané i fo erapó. “Weiné bopéro daaló betere Kiriti haemó betó mole so whi fea kapala fo buóo, hupu haqné dere kaae, dowi ala hãkeamó hõko yóo, dekaýóló bitu ọla maaté dekéro naai ekẹle yóo, du beteraépó.”

¹³⁻¹⁴ Atimané fo eratere kóló whiné i alarape du betepa kelalepó dere fota ti mo dapó. Térapa, Taitus-ó, naao tẹteróló kaae tare so whi atimané tuẹ tiki mo diriyóló tirópóló, Juda fake so whiné dolãa foró kale mo bete mole fo hõrale whirapené i ala yae dere fotamo wosaqsóró, mo deteraa yóló atima foné sóró ma yae.

¹⁵ Mepaae wisi tuétóró mole whi atimané dere alaró dere fotamokélé, mo wisiyóló du beteraépó. Térétei, mepaae whi tuẹ tiki tiró bitiniru, atimané hosaa tuámó dowi kisipa mupa, ti ama dere foró dere alatomokélé wisini, mo turó dorapó. Ti i dere fota, mo dapó. Atimané tuẹ tikiró hosaa tuámó mole alatomota, wuliné api fulukó fóló ọla wisi dorótu dere kaae, dowi alané atima mo ti doró beteraépó.

¹⁶ Ti Kótó tuérapó du betepatei, atimané dere alané ti Kótó tuénipóló hãkeamó yó matapó. Atima mo sonaalei ala du betere so whi betóo, dere fokélé woseni, tikóo du bitu, wisi ala yaaire mo sunipó.

2

Sere otere ó teó so whipaae Talené bete

mole fo etéro yó manérapólo ere fo

¹ Naa fo yó móturaalu, kae kae fotamo touróló yó meni, Kótóné mo bete mole fotóro erótu betae.

² Atéro yó móturaalu, mepaae hãle Keriso maaté betere whi disirape atimané dere ala sawa tétitóro yóo, nokole òlakélé kisipa tekeyóló tétitóro nóo, so whiné atima dere ala kilituraalu, mo donoi ala dapóló doi mulóo, atimané mepaae ala yaai fopaae hapale buni, hotowaró kaae taru, tué tekeyóló yóo, Talepaae tué tiki tiratere alakélé, yaala sóko fole alakélé, Talené ala taaréni, hãle yó tare alakélé mo diriyóló kisiparu, erótu betere whítóro beteóópóló, ma fo yae.

³ Até dere kaae, so disirapeaaekélé, atimané dere ala Talené so whiné dere alatóro du beteóópóló yae. Téturaalu, so whi eratere fo ó *wain* weji dekeró naai ekèle ini, mo wisi fo maaté yó mótu beteóópóló ma yae.

⁴ Téturaalu, ai so disirapenémo mepaae teó sorape atimané whíró naale senaaleta-mopaae yaala sóko fole ala du beteóópóló, etéro yae yóló yó manérapó.

⁵ Atimané me ala yaai fopaae butere ala hapale ini, hotowaró kaae taru, tué tekeyóló mo wisi alatóro yóo, bemó òla bilitere alakélé, naale senaale kaae tatere alakélé, be kaae tatere alakélé, mo kelaalo kokòj alaró hosaa tuamó me kisipa muni, mo wisi kisipa betã muóló, atimané whi aomó beteóópóló ma fo yae. Ama fo yae deretei hãle meipó. Atimané du betere ala mepaae so whiné kilituraalu, Kótóné fo bete muni nisiyóló doka doka yóló faleyaqsóro dapó.

⁶ Whi disiró so disitamopaae yale fo kaae, teó whijpaaekélé atimané mepaae ala yaai tué tekeyóló hotowaró yóópóló, ma fo yae.

⁷ Naa du betere wisi ala so whiné kolóló, atimané tokóló yóópóló, yó mótu folosóro naaopi yae. Atéro, naao yó matere fomo kae yóo, dere alakélé kae yóo ini, mo betã alatóro eróópóló yae. Téturaalu, i ala tómó mole ala kaae aqréni, mo bete mole alapóló tué muóló yó mótu betae.

⁸ Atétepa, ti naao yó matere fo atimané wosaalomeipóló, mené só deratere ala enénipó. Ti noa yaqsóro du meipó. Yátamo bóe du betere whirapené dã hãsóko fole ala initepa kilitu, atimané yale fomó atimatei hale yóópóló dapó.

⁹⁻¹⁰ Atéturaalu, wae sóro kutó diratere so whirapepaaekélé atima teterólo kaae tare whi aomó bitu, atimané tué tiki felé yóópóló kutó wisiyóló dirae yóló ma fo du betae. Kutó diratere whirapené atima teterólo kaae tare whiné dere fo woseni dowãae fóo, atimané mepaae òla òlakélé qlémi sóo yaqsóro yae. Aténi, atima teterólo kaae tare whirapené me òla qlémi nokole ala ini yóo, erae dere alakélé mo wisiyóló eróo depa

kilituraalu, kutó diratere whi wisipóló tué muaalopó. Atéro atimané mepaae alarape duraalu, i dere ma fo sya fóló eratepa, ama fo woseturaalu, ama fo wisita mo bete mulapóló, Tale dukiróópóló dapó.

¹¹ Ti noatepae, so whi aluyaqsóro Kótóné ama hamokoróló tao sere ala mió i alimó betere so whi feané kolóópóló hãkearó beteóópóló.

¹² Kótó bitini nisi yóló du betere alaró i haemó ekèleyóló du betere alatamo yae yóló setepa, ai ala mo yaalo meipó yóo, mió i betere alimó mepaae ala yaai kisipa tekeyóló yóo, mepaae dere alakélé mo donotóro yóo, Kótóné ama ala hãle eró tawóo yóópóló, ai fo wisinétei dapaae yó mótu beteóópóló.

¹³ Dã noa wisi ala kelaai hãkesetamo kaae tawóló betere? Dã tao sere whi Yesu Keriso áta, dã teterólo kaae tare doasi Kótó beteóópóló, ama kae ere dẽ wisinaaletamo wale ala kelaairaaalu, dã hãjtaamo kaae tawóló i betere ape.

¹⁴ Dã dowi alané dokóló muló betepa, ai sekéné ama betere betené dã dupuróló ã sukãleteita, hãle meipó. Dã dowi ala mo sawakélé muni, mo ama so whítóro bitu, mo wisi alamaate ekèle yóló deté fu beteóópóló, erapó.

¹⁵ Atérapa, ai dosãayale alarapetamo naao yó mótu betepa, ti mo wisirapó. So whiné mepaae hõko alarape taalae yóló foné sóo, du betere wisi ala taaréni ketekẽ bulóo yae. Ti yãta, Talenétei ama ala eróópóló, sóro beteóro beteóro, mepaae so whiné yã belei aleróló só deratepa, ai dere fo woseni, ai bete mole fo yó matere ala betã du betae.

3

Mo wisi ala betã erótu betae ere fo

¹⁻² So whi teterólo kaae tare *Gavman* whiraperó mepaae ala kaae tanóópóló sóro beteóro betere whirapetamo aomó betae yóló Kótóné so whipaae ma fo yae.

Atéturaalu, atima kale teterólo kaae tare whirapené yae dere ala sya fóló eróo, mepaae wisi ala ketekẽ buóo, me whi eratere fokélé ini yóo, mepaae so whítamo naameyóló mo dua betóo, me whi hamomané kisipa seke yaqsóro dere ala kisipa tekeyóló yóo, bopé fake ini, deróló dua betóo eróópóló ma fo du betae.

³ Take betale alimó ðakélé kisipa okoko yóló hõko bitu, ai fo wisi wosóló aomó bitini, dowãae fóló du betale alané dã dilikitu betalepó. Atétepa, ðané tó tikiné ekèle du betale alaró kae kae du betale feléi alatamoné dã dokóló wae sóro kutó diratere whi beteóro beteóro. ðané no nené dere ala kilitu, ðakélé ai ala ené yóló dei kisipa muturaalu,

dané atima hóró, atimanékélé dā hóró, deté fu betalepó.

⁴ Tépatei, dā teteróló kaae tare Kótóné ama ere wisi alaró yaala sókó fole alatamo hākearale sukamótóróti, dā aluyaqsóró ama tao salepó.

⁵ Ti ama dā tao saleteita, dāné me donoi ala depa kolóló initei, ā koléné sukutu tao sere bete bitu, tao salepó. Téturaalu, Talené ama fokóló dā ama naale senaale deyóló beteroó, Deji Kepe Wisiné kisi whj aleróló beteroó erapó.

⁶ Talené ai Deji Kepe Wisita, dā so whj fea tao sere whj Yesu Keriso tuámó betepa, Talené dāpaae mo turó suniyalepó.

⁷ Atére alata, Talené ama hamokoróló tao sóró, mo donoi so whjpo ereteiné dā ai mo ti betere bete sóró taru, ama wisi wisi ala Yesumó matere kaaetóro dāmókélé matepa saalopóló hajtamo kaae taté fu beterópóló erapó.

⁸ Ai fota, mo bete mulapóló tué tiki tiraaire fopa, mió Kótópaae tué tiki tiró betere so whjkélé ketekē buóló mo wisi alatóro du beterópóló, ai fo naao mo diriyóló tuéru, donótóro yó mótu betepa, mo wisirapó. Ti ai dosāté wale alarape feata, wisi alatóro ereteiné so whj fea tao sóró wisiranérapó.

⁹ Tépatei, kisipa okokoi whjrapené dóroi duraalu hāle hōko dere fokélé, dā deyaairaaalu deté wale noutererape dosāté wou betale alakélé, Moses-né yóló muló betere fomó alale sere alaró hōle sere alatamoné dere fo mo wosaqse. Ai alarapéné, so whj tao sóró wisiraaire bete mo munipó.

¹⁰ Diā betā kisipa muóló betere ala mepaae whjné tekeratepa, taalae yóló foné sae. Atéro foné senaalemó, naao dere fo wosenitepa, kale yale kaae momó foné sae. Ténalemókélé mo ti wosenitepa, momó kae ini, ama enére ala deté fu beterópóló mo ti taalae.

¹¹ Atétere whjta, dowi ala ā tuámó fāanuraalu, dowāae fóló du betere alané amatei ā ai só derótu betere ape.

Mo kemeróturaalu Pol-né Taitus-paae ape yale fo

¹² Artemas ó Tikikas yālo yā beterepaae ai dotonatapa, ātamo yā betere mó sókó wapa, ti yā dāmo Nikapolis be huluamó hokolaa yaalopa fae. Ti mió i waaire sosóli alita, dāmo ai bemó betepa kemeyópóló faai kisipa mutapó.

¹³ Fo tokótamo depa tao sóró fo eratere whj Senas-ró Apolos-tamo uké furaalu sóró faaire mepaae ọla ọlakó yāyātepa, ti atimaamo tao sóró melae yóló i dere ape.

¹⁴ Yātamo aimó betere dā Keriso fake so whj atima betere dokọ nokole ọla ó mepaae

so whj tao saaire ọla ọla yāyāni, mo sūmó mulópóló, kutó ketekē buóló diae yóló ma fo du betae.

¹⁵ Imó ętamo betó mole so whjné yāpaae kōleó dapó. Talepaae kisipa tiki tiró bitu, dāpaae yaala sókó fu betere so whjpaee kōleó yae. Térapa, Talené hamokoróló tao sere ala diā feapaae erópóló yae.

Filimon

1 Ẹta, Yesu Kerisoné ala yó mótu beteremótei, *dipula* beteró betere whi Pol, dané no Timoti dāmo wusuró bitu dapó. Ita, dā fea betā kutó ditere whi Filimon-paae dapó.

²⁻³ Dāné ne Apiapaaekélé, dā Kótóné alamó betāmó bóe beleraterere whi Artipus-paaekélé, Filimon naao bepaee tourāle wua du betere Keriso so whi feapaaekélé, dané Aya Kótóró Tale Yesu Kerisotamoné hāle hamokoróló tao sere ala wisiró hosaa muni deyóló mo dua betere alatamo diā tuāmó mulópoló yae.

Talepaae mo kée yóló moma yale fo

⁴⁻⁵ Ẹ tēteróló kaae tare Kótópaee materere sukamó yā kisipa yó taru, Talepaae mo kée fo du beterapó. Ti noatepa meipó. So whi feané yāta, Tale Yesu Kerisopaae kisipa tiki tiró betóo, Kótóné wisiróló kae beteró betere so whi feapaaekélé yaala sókó fóo, du beterapó deté fole fo yālo wosetereteiné dapó.

⁶ Naao tué tiki tiraterere ala mēpaae so whi paae yó materetei atima tuāmó mo du oleyópoló yālo yā momarótu beterapó. Atétu, Keriso tuāmó mole wisi wisi ala fea dané sóró tarapóló mo diriyóló tué yaalópó.

⁷ No-ó, Kótóné wisiróló kae beteró betere so whi paae naao wisi ala erótu betaleteiné, atimané kisipa felérótu yalepó. Naao atéro yaala sókó fole alané yālo hosaa diriróló, ẹ mo doa hājné sukunótua yalepó.

Pol-né Onesimas wisiyóló dape sópóló yale fo

⁸⁻¹⁰ Tēyalepóló, dāmo Keriso tuāmó bituraalu, yālo yāpaae i ala yae yóló halaaíné enépatei, taaróló yaala sókó fole ala betené yāpaae dua woseratapó. Ẹta Pol-né dapó. Ẹ otere yóló bitiré fóo, miókélé Yesu Kerisoné ala erótu beteremó *dipula* sóró beteró betóo iruraalu, yālo naale Onesimas-mó kisipa mutu woseratapó. Ẹta, mo dirii képiné dokóló *dipula* betepa, ą yālo naale aleyóló betterepó.

¹¹ Take bitiré wouraalu, ama yā fasóló naao erae dere ala fea ama wisiyóló eréni, hāle hōko betterepó. Atēyaletei, mió dāmo wusuróné dere fo wosóló, dāmo aqomó sukóló bituraalu, erae dere ala fea ama sūmó eranérápó.

¹² Ti ąta, mo yālo hosaa mole naaletei, yā betterepaae wópóló momó dotonatapó.

¹³ Yesuné fo wisi yó mótu betaalemó, *dipula* bemó dirii képiné dokóló beteró betepa, naao ẹ tao su betere kaae, yā betere sirimó ą bituraalu, ẹ tao sópóló ẹtamo betaai kisipa maaletēi taaróló yā betterepaae dotonatapó.

¹⁴ Atéro ą ẹtamo bituąteitei, naao ai ala yae dere fo woseniruraalu, ą yālo tanénipó. Naao ąpaae eraaire ala yālo yā sęrateremó ini, naao kọleaané ąpaae hosaa muóló wisi ala eraasepóló, naao naase tuą i mulaterere ape.

¹⁵ Kale seké ą yātamó betaletēi, yā taaróló kae bitj fele beteta, ti take yātamó betāmó mo titóró betterópóló, kapala asiri kae betterótu yalepó.

¹⁶ I sekéta naao kutó diraterere whi betepatei, ai tó mó mió naao hosaa turó mole nopóló wisiyóló dape sae. Ti noatepaae, ąta mo whikélé betóo, Keriso nokélé betóo ereteiné ą mo yālo hosaa mole notóró betterapó. Tēreteiné naao ą kilituraalu, ąpaae hosaa mo turó mulaalo ai ape.

¹⁷ Atérené naaotamo dāmo Kótóné alamó betā kutó ditere whi póló kisipa mutupa, ti naao ẹ wisiyóló dape saai yale sų ą wisiyóló dape sae.

¹⁸ I sekénétamo me dowi ala ó naao ọlakó ọlémi sale kwia mupa, ti yālotēi tokó melaalopa, ẹpaae yae.

¹⁹ Ẹta, Pol-né mo yālo naasenéte i ase dapa kelae. Ai kale kwia yālotēi melaalo ai ape. Ti yā betere beteta, naaotei tué muae. Yālo yāpaae erale ala eróluąmeisóró, ti yā atéro bituąmeipó. Atēyale alané yāpaae kwia mupa hākearóló uąteitei, me ọla meipóló taalatapó.

²⁰ No-ó, dāmo wusuró Talené ala tuāmó bituraalu, yālo ené yóló mutere kisipa mió naaomo ẹpaae eraasepólópó. Atétepa, ti dāmo Yesu Keriso tuāmó bitu, yālo kisipa tiki felératerere ala yaalo ai ape.

²¹ Yālo dere fo naao mo wosóló eraalópóló kisipa muturaalu, yāpaae i asętere ape. Ti noatepa meipó. Yālo i eraasepé dere fo naao mo wosóló eróturaalu, naaomo tó mó beleróló eraalópóló kisipa mutapó.

²² Téro, fo meta i ape. Ẹta waalopa, fiyaaire tiki betā donoróló mulae. Ti noatepaae, naao Talepaae momayale ala Kótóné wosóló, take dāmo wusuró betāmó bitu yale kaae, miókélé atéro betāmó betaai kisipa mutapó.

²³ Yesu Kerisoné ala erótu betepa, ẹtamo betāmó *dipula* sóró beteró betere whi Epapras-nékélé yāpaae kọleó dapó.

²⁴ Ẹtamo betā kutó ditere whi rāpe Mark, Aristarkus, Demas, Luk ai whi rāpe atimanékélé diāpaae kọleó fo i dere ape.

²⁵ Tale Yesu Kerisoné ama hāle hamokoróló tao sere ala wisinaale, naao kepe bete tuāmó mulópoló yae.

Hibru

Whiné Naalemané ensel-rape teteró betrapó

¹ Mo take bitiré wouraaalu, Kótóné fo kae kae tumó, ama kóló whirapepaae mo dekéro félimó depa, atimanémo dā Juda fak-ené noutererapepaae dua ipakalepó.

² Téyaletéi, mió i kemeratere alimó, ti Kótóné dere fo ama Naalemané dapaae yalepó. Ti fea ɔla ɔla ai naalené amatóro sópóló yóo, saró haetamo ó ere ɔla ɔlakélé fea ama aleyópóló, Kótóné ai sekéné naase tuamó mulóo, yalepó.

³ Kótóné ama mo kae ere dē wisinaale ai naale tuamó deyo faletei, mo so whi feané kolópóló hakearó betrapó. So whiné ai naale kilitu, ama alima ere alatóro erapóló tuénérapó. Samó ó i haemó betere ɔla ó ere ɔla feané du betere ala hale deté fu beteropóló, ai naalené doasi fotokó bole foné hale eratétóro fu betrapó. So whi feané dowi ala fokóló kemetepa, a hepen-paae fóló, wisi wisi ala fea teteróló betere Doasi betere turu naase demó betalepó.

⁴ Atéturaalu, Kótóné a mulale doiné *ensel-rape* mulale doi teteró biture kaae, a sóro beterale alanékélé, *ensel-rape* sóro beterale ala mo bosenóló teraae falapó.

⁵ Ti noatepae, Kótóné i fo erapó. “Yaɔta, yaɔla Naale betóo, e mió naao Aya alée fóo, i dere ape.”

Me fo ipó.

“E ama Alima betóo, a yaɔla Naale betóo yaalopó,” ere fo-a, mé *ensel-paae* yalée?

⁶ Téró ai fo kaae, Kótóné ama topo naale betā i haepaae dapesó wouraaalu, i fo dapó.

“Kótóné *ensel-rape* fea a aomó sukóló bitu, ama doi betā hale sóro horótu betae,” erapó.

⁷ Tépatéi, Talené ama *ensel-rapemó* tué muturaalu, i fo dapó.

“*Ensel-rape* ama fo erale fópóló, besé tiki alée falóo, ama kutó diratere whirape simi alée falóo dua dapó,” erapó.

⁸ Tépatéi, kale Naalemamó tué mutu i fo erapó.

“Kótóo, naao so whi teteróló kaae tare ala kemekélé ini, hale yó tawóo, naao so whi teteróló kaae tawaaire alakélé, mo donoi alané kaae tawóo yaalopó.

⁹ Naao hosaa mo donoi alapaae muóo, dowi ala ya mo hýyóo yalepó.

Atéyaletéiné, ya teteróló kaae tare Kótónétóro ya mo taoró beteroturaalu, naao fulumu whirape ti ya aomó beteropóló, haj faane *wel* wei naao topomó suniyóló, ya sóro beteralepó,” erapó.

¹⁰ Tétu, ama i fokélé dapó.

“Tale-ó, mo take keké nale alimó bete kaayóló fótuku mulóturaalu, haeró sātamo naao naasenétóro alerapó.

¹¹ Ai aleyóló muló betere ɔla feata, doyóló aluyaalotei, ya ti hale betó tarapó.

Ai ɔla ɔla feata, deróló sókó fatere kuti derāakele yóló turukó fu dere kaae, doyóló mo ti kemeyaalopó.

¹² Whiné deró betere derāakele kuti sokóló ó me ɔla bopetu dere kaae, mió i ere saró haetamo naao bopée sóro, kuti kisi kae derótu dere kaae, kisi saró haetamo aleyóló mullaalopó.

Téyaalotei, yaɔta ai ere kaaetóro hale betó taru, bitiré faaire ba fo mo kemekélé yaalo meipó,” erapó.

¹³ Me fo i ape.

“Naao bóe whirape fea yaɔla dóló teteróló, naao hó aomó beteraaire be dē sókó wópóló, ya yaɔla turu naase eró betere tikimó kaae tawóló betae,”

ere fo-a, Kótóné mé *ensel-paae* yalée?

¹⁴ Ti *ensel-rape* feata, Kótóné kutó diróturaalu, mo ti betaaire so whi tao sene fae yóló, doteyale keperape meié?

2

Wisiyóló kaae taru, kale fo wisi wosae ere fo

¹ Térapa, dā feané wosale mo bete mole fo keteróló, dā kópaae faqsóro ai fo kutiri mulóló, mo hotowaró kaae tawaalopóló i dere ape.

² Ti noatepae, mo take Talené ama fo so whipaae yó melale fae yóló, *ensel-rapepaae* melalepó. Me whinéamo ai fo tikitepa, ó sya feni hōratepa, ti ai whipaae dowi kwia mo donotóro mótua yalepó.

³ Mió dānekélétamo Talené doasi tao sere ala keteróló, hale ɔla kaae aɔratepa, ti dākélé netéro hasókó faaloé? Ti ai doasi tao sere alata, Talené amatóro folosóro so whipaae yalepó. Ai fo wosale so whi atimanémo, mopóló dapaae diriyóló yó melalepó.

⁴ Ai whirapené yó matere fo mopóló tué tiki tirópóló, atimané yó male fotamo touróló kótóné, me ala yaairemo eratere alarapekélé, kolóló siratere alarapekélé, kae kae kelemei alarapekélé fea eralepó. Atéturaalu, Kótóné ama kisipa mole ala sya fóló, Deji Kepe Wisiné hale matere alakélé atimamó dokórolo mo sūralepó.

Yesu a ama no nerape kaae alée fele fo

⁵ Take nalopaae dā bitij faalopóló i bopetu betere tikita, *ensel-rapepaae* teteróló kaae tawae inipó.

⁶ Tépatéi, Talené fo asere tuamó whi mené etei kaae fo erapó.

“Mo whi-a, noa kaae doasi bete mupa aḗaae kisipa mutu betere?”

Whiné naalemakélé hosaa muóló kaae tare-a, a noa doi mole whi betepa de?

⁷⁻⁸ Naa a i haemó betterale sukamó, *ensel*-rape aomó beterópóló yalepó.

Téyaletei, doasi doi mole alaró, mo kae ere de wisinaaletamo aḗaae eróló, a sóró horalepó.

Téturaalu, fea ala amatóro teteróló kaae tawópóló, naaotei eralepó,” erapó.

Kótóné ai alarape fea ama teteróló kaae tare aomó mulatelei, mo betakókélé hāle munipó. Atére ala mió dané kelené kilinipó.

⁹ Tépaitei, Yesupaae eró betere ala kisipa muae. Taketa, Talené *ensel*-rape aomó mo sawa sukamó betteraletei, ama tikimó susupu sóró sukāle betené, mió Talené a topo whi heteróturaalu, doasi doi mutere alaró mo kae ere de wisinaaletamo aḗaae eró betepa kelerapó. Aita, Kótóné hamokoróló hāle tao sere ala dāpaae eróturaalu, sukutere ala dāpaae waqsóro, mo turó ama tikimótóro serapó.

¹⁰ Kótó aḗa fea ala bete tale bitu, fea ɔla ɔlané ama kisipa mole alatóro erópóló, aleyóló muló beterapó. Atére sekéné ama mo dekeró betó mole naale senaale aluni, mo kae ere de tuāpaae aḗsóró faaire whi Yesu a mené dóló sukunópóló yalepó. A atéro seke siré fóló, asane feleteiné so whi tao saai mo sūre topo whi beterapó. Ti Kótóné aḗaae ai eró betere ala fea dané kilituraalu, mo dono ala erapóló kisipa mutapó.

¹¹ Me alatamo hosekényi, Talené ama kae beteró betere so whiḗro atima fokóló kae betteratere sekétamo, Kótóné mo betā faketéro aleró bettereteiné Yesuné atimāpaae no nerape-ó yaaire a hale dumipó.

¹² Ama i fo dapó.

“Yālo no nerapéné naao doi tué yópóló, yālo hākeamó yóo, touró betere so whi feané keletómó naao doi sóró horóturaalu, wole fokélé yóo yaalopó,” erapó.

¹³ Me dere fo i ape.

“Yālo aḗaae tué tiki tiraalopó,” erapó.

Ai fo kaae ama momó dapó.

“Ēkélé, Kótóné ama eḗaae melale naale senaalekélé, dā fea i betere ape,” erapó.

¹⁴ Ti Kótóné aḗaae kaae tawae yóló melale naale senaaleta, mo hae whiḗtóró bettereteiné, akélé atima daale mo tikitóro aléle felepó. Aita hāle mei, sukutere fotokó bete tale Satan doraai yalepó.

¹⁵ Tétu, sukaqsóro witere alané wae sóro dokóló muló betere so whi a sukuturaalu, teraayóló hāle fópóló eralepó.

¹⁶ Ti ama ai ere doasi alata, *ensel*-rape tao saai ini, Abraham-né deté fele naale senaale tao saai yalepó.

¹⁷ Atére betené Yesu a Talené ala eróturaalu, so whi kolené sukóló, tao sóro momaratere topo whi bitu, so whiné du betale dowi alamó, Kótóné atima kwia melaqsóro sesé yaairaalu, a ama no nerapéné daale tikitóro aléle felepó.

¹⁸ Ti noatepae, sū sere alaró kae kae susupui alatamo siré fóló mo asareteiné, mepaae so whi dowi ala yópóló sū sere sukamó, atima dée naqsóro ama mo sumó tao senérápó.

3

Yesuné Moses teteró beterapó ere fo

¹ Térapa, dowi ala fokóló kae beteró betere no nerape-ó, dākélé diakélé Kótóné hepen bepaae faai ape yóló mo betā kaae fotóro erapa, diāné tué tiki mo turó Yesupaaetóro muló betae. Ti aḗa, Kótóné ama fo yó melópóló doteyale whi betóo, damó momaratere topo whi betóo erapóló dané i du betere ape.

² Moses-né Kótóné ama fake so whi mo wisiyóló kaae taru yale kaae, Yesunékélé a sóro betterale sekéné aḗaae erae yale ala fea mo turó eraté fu betalepó.

³ Betā be tētere whiné be wisinaale tēpa, so whiné ai be siratua dapó. Tépaitei, ai be tēyale whi dukiratere foné be wisinaale tēnapóló, siratere ala tēteró beterapó. Atétu dere kaae, Yesuné doasi doi mole alané Moses-né doi muale ala, mo bosene falapó.

⁴ Be fea tēnetei ama kōleaané daani, whiné tēyóló mulótua erapó. Atére kaae, ɔla ɔla fea Kótóné amatóro aleyóló muló beterapó.

⁵ Ti Moses a Kótóné kutó diratere whi bitu, Talené so whi mo wisiyóló kaae taté fu bitipakalepó. Tétu, ama du betere alata, take nalopaae Talené mo eraalopóló, ama hākearóló yó mótu bitipakalepó.

⁶ Téyaletei, Keriso a Kótóné naalematóro bitu, Talené ama fake so whi fea mo hotowayóló kaae taté fu beterapó. Atétu, take nalo waaire be demó Talené dāpaae wisi ala eraalopóló, hājtamo kaae taru, hālaainé ama ala hāle eró tapa, ti dā Kótóné ama fake so whiḗtóró beterapóló kisipa muae.

Kisipa tirényire so whiḗpaae wisiyóló kaae tawae ere fo

⁷⁻⁸ Atéreteiné Deḗ Kepe Wisiné i fo dapó.

“Whi bitini hāle kópu kḗae fi tikimó, Kótóné diaaḗ noutererape sū sóro kḗae ke-lalemó, ama dere fo woseni, dowḗae fóló hosaa tā ipakalepó.

Atéyale kaae, mió diaaḗkélé ama fotamo wosetepa, diāné hosaa tā yaqsóro yae.

⁹ Diaaḡ noutererape atima atéró kuturaalu, 40 ba fo tuamó ẹ kḡae kolóló sḡ siré yu betepa, yaḡo erótu betale ala atimané kilitu betalepó.

¹⁰ Atéyale betené ai alimó betale so whj́tamo fopaae butu, yaḡo i fo yalepó.

‘Atimané hosaa mo turó kae tikipaae muluraalu, yaḡo erótu betere ala mo tuékélé inipó;’

¹¹ Atétepa, ẹ fopaae butu etei dirii fo yóló mulalepó.

‘Yaḡo hosaa muni deyóló dua betere ala tuamó, atima sókókélé mo waalomeipó;’ erapó.

¹² No nerape-ó, diḡkó mepaae whj́né hosaa tuamó mole dowi alaró, mo ti betere Kótópaae tué tiki tirénitere alatamo iru, Kótó taaróló faqsóró, hotowaró kaae tawae.

¹³ Téturaalu, miópó du betere be de kemeyaa i epatei, dowi alané diḡ dilikóló diaaḡ hosaa tḡaqsóró, betere dokḡ diḡsisi keteke u bulótu i bulótu du betae.

¹⁴ Folosóró kaae suraalu, ḡané tué tiki tirale ala tuamó taaréni, mo diriyóló bitiré fóló, kemene fole kwiamó sókó fupa, ti Keriso tuamó mole ala ḡanékelé serapó.

¹⁵ Kótóné ai fo ereteiné ḡané u deté wale fo momó i dere ape.

“Whj́ bitini ḡaḡe kópu kḡae fi tikimó, diaaḡ noutererapéné Kótóné dere fo woseni, hosaa tḡayóló dowḡae fu betale kaae, mió diḡkélé ama fo wosetepa, diaaḡ hosaa tḡ yóló dowḡae faqsóró yae.”

¹⁶ Talené atimapaee yale fo wosaalo hýyóló dowḡae fele so whj́-a, deé? Aita, Isip hae taaróló, Moses-né dapesó fele so whj́tórótípó.

¹⁷ 40 ba fo tuamó, Kótóné fopaae bualeteia, detamo maaté yaleé? Aita dowi ala yaleteiné kópu kḡae fi tikimó, ḡaḡe sisiraae fele so whj́tórótípó.

¹⁸ Kótóné ama dirii malo duraalu, “Yaḡo hosaa muni deyóló dua betere tikimó, atima betḡkókélé mo sókó waalomeipó,” ere fo depaae maaté yaleé? Aita, ama fo tikitu betere so whj́paaetóró erapó.

¹⁹ Ti atima Kótóné dua betere ala tuḡpaae sókó fenire beteta, Kótóné fo wosóló, tué tiki tiréni yaleteiné erapó.

4

Kótóné so whj́ sḡa nópóló tukóló muló betere be de mulapóló ere fo

¹ Ti Kótóné ama so whj́ sḡa nóló bití wópólópó ere fo kemeni, ḡaḡe mulapó. Atérapa, ai tuḡpaae bití faairetei ḡa ḡasóké faqsóró, witamo hotowaró kaae tawae.

² Ti noatepae, mené atima Juda fake so whj́paae yó melale fo wisi ḡapaaekélé yó melalepó. Atimané ai fo wosóta yaleteti,

mopóló tué tiki tiréni yale betené atima tuamó me dukélé olenipó.

³ Ti ai fo mopóló mió tué tiki tiró betere so whj́ ḡaḡa, Kótóné ama sḡa nokole tikipaae sókó fu heterapó. Tépateti, kisipa tirénire so whj́paae Kótóné i fo erapó.

“Atétepa, ẹ fopaae buturaalu, etei dirii fo yóló mulalepó. ‘Yaḡo sḡa nóló betere tikipaae atima wóló betókélé mo yaalomeipó;’ erapó.

Take Moses betale alimó Kótóné ai fo mo epatei, sḡaró haetamokélé, ere ọḡa ọḡakélé, fea Kótóné ama aleyóló kemerélipakalepó.

⁴ Ti noatepae, weike be deḡmó Kótó ḡ sḡa nale fo mepaae asḡ tuamó eretei dosḡatepa tuénérápó.

“Kótóné ama diyale kutó fea kemeróló, weike be deḡmó ti ḡ sḡa nalepó;” erapó.

⁵ Kale yale fo momó i ḡaḡa, wosae.

“Atima yaḡo sḡa nóló betere tikipaae wóló betókélé mo yaalomeipó;” erapó.

⁶ Atére betené mió mepaae so whj́ sḡa nóló betaalopóló, i bopetu betere tuamó sókó fóló betenérápó. Ti take betale so whj́ Talené fo wisi mené yó matepa wosetua yaleteti, ai fo aḡmó sukóló bitini, tikitu betaleteiné sḡa nóló betere ala tuḡpaae sókó fenipó.

⁷ Atéró bitiré fóló, mepaae ba forape keme itikimó, ti Kótóné be de kae ḡaḡe mulóló, miópó doi mulóturaalu so whj́paae i fo yae yóló, Depit-paae ipakalepó.

“Mió ama fotamo wosetepa, ti diaaḡ hosaa tḡayóló dowḡae fu betaqsóró yae,” erapó.

⁸ Ti noatepae, Josuané Talené so whj́ sḡa nalóló beteroḡḡaqsóró, ti nalo me be deḡmó Kótóné sḡa nóló betaalopó fo uḡameipó.

⁹ Atérené Kótóné ama kutó kemeróló ḡ sḡa naleteita, take ama so whj́ sḡa nóló beteraaire alamó kisipa mutu ereteiné, diḡ ai sḡa nóló betere ala tuḡpaae bití fenérápó.

¹⁰ Ti noatepae, Kótó ḡ ama kutó diyóló kemeróló, sḡa nóló bitu yale kaae, mepaae so whj́ de Kótóné sḡa nóló betere tikipaae sókó fupa, ti so whj́kélé atimané ditere kutókélé taaróló, sḡa nóló ḡaḡe betenérápó.

¹¹ Atérapa, atima Kótóné fo tukóló dowḡae fu betere ala sḡa furaalu, ḡaḡkélé deé naqsóró, ai sḡa nóló betere tikipaae keteke buóló sókó faalopa siépe.

¹² Ti Kótóné fota, beteroḡ betere fotokḡtamo faḡayóló mo sḡrapó. Ai fota, tamo fakeró fosó daale bóe dele sepaikené fosókélé mo teraae falapó. Atéru, whj́né asoró kepetamo tuamó tekeyóló sonaae fóo, diri tamo olekereteikélé tuamó tekeyóló sonaae fóo, dua dapó. Atérené whj́né hosaa tuamó ere alaró mole tué tikitamo, Kótóné ai fonéte kḡae kolóló talenérápó.

¹³ Kótóné aleyóló muló betere ọḡa ọḡa fea ama keletómó hiró bitini, mo fopa ḡaḡeamó

mulapó. Atére sekéné keletómó, dané du betere ala fea mo betákelé hiraalomeipo.

Yesuta Talepaae momaraterere topo whi beterapó ere fo

¹⁴ Dá tao sóró momarótu betere doasi topo whi Kótóné naalema Yesu á sá tuámó fóló hepen-mó heterapa, ama fo wisi dané wosóló mopóló ápaae tué tiki tirateri ala taaréni, mo ti tiró betae.

¹⁵ Ti dáta, mo hae whi betereiteini mepaae sekei ala ó dowi ala yópóló sù supa, diriyóló daayaaire fotokó mo bunipó, Tépaitei, dámó momarótu betere topo whiné ai alarape fea ama hosaamó suraalu, dá tao senérápó. Ti mió dápaae i wou betere seke ó dowi ala yópóló, sù sere ala fea ápaakélé wua yalepó. Téyaletai, á dowi ala mo betákelé inipó.

¹⁶ Atérapa, dápaae sekei ala wale sukamó dá koleturaalu, ama tao sópóló hamokoróló hále tao sere ala teteróló kaae tare tikipaae faaire wini, halaainé faalopa siépe.

5

¹ So whimó Talepaae momaraterere topo whi sóró beteraai, whirape fea fopeyóló betá whítóró sóró heterótua dapó. Ai whíta, so whiró Kótótamo tuámó bitu, so whiné yale dowi ala Kótóné tokóló alurópóló, simó sukúlaa dalatere alaró hále matere alatamo dua dapó.

² Ti kóló kólóru, kópaae fole so whi dá tao saai ai tuá whi ákélé hae whítóró ereteine naameyóló mo dua bitu enérápó.

³ Ti ákélé dowi ala dere whi heterapóló kisipa mutu, ama yale dowi alapi Talené wisirópóló, simó sukúlaa dalóo, nalo ti mo so whiné dowi ala wisirópóló sukúlaa dalóo, dua dapó.

⁴ Mepaae whi momatere topo whi betaai doi sere alata, ama kóleaané enénitei, Kótóné Eron-paae ape yóló momaraterere topo whi sóró heterótua yale kaae, Kótónétóró ai whi sóró heteranérapó.

⁵ Atére kaae, Keriso á doasi doi saai kisipa mutu, amatei momaraterere topo whi bitinipó. Tēni, Kótóné ápaae duraalu, “Yáta, yálo naalepó. Éta, mió naao aya alée fulapó,” erapó.

⁶ Ai fo kaae, me asé tuámó i fo dapó.

“Melkisedek á momaraterere whi bitu deté fele ala naao teteróló kaae taru, momatere ala hále yó taté fu heterópóló, yálo yá sóró i heteraterere ape,” erapó.

⁷ Yesu i haemó bitiré fele sukamó, á sinaqsóró tao saaire seképaae me sukamó á wole yóo, me sukamó á tao sae yóló moma fakeyóló yóo dua yalepó. Á atéró Tale aqmó sukóló betaletine ama erae yóló kematere moma Kótóné wosóló, mo eralepó.

⁸ Ti á Kótóné naalema bitutei, seke hále beleté feleteine Kótó aqmó sukóló betere ala mo asane felepó.

⁹ Ai ala deté fóló, á momaraterere whi wisi bití felepó. Atétu, ama fo wosóló eraterere so whi fea aluni, mo ti betó tanópóló, tao su betere bete tale alée felepó.

¹⁰ Ti aita hále mei, Kótóné ápaae duraalu, “Melkisedek-né deté fele ala tuámó yá momatere whi heteratápó,” yale betené yalepó.

Talené ala taaróló sisópaae eratepa mo wió yae dere fo

¹¹ I bopeyale alarape dekéro moletai diápaae uámó, ai fo bete diaaq wosaaire hapólureiteine, diápaae yaairekélé dirirapó.

¹² Ita mo fo dapó. Diá mo take kaae sóró Kótóné ama bete mole fo woseté waleiteine, mió diá Kótóné fo yó matere whirape mo sumó bituapó. Até uáitei, ama bete mole fo diá tué inipa, take kaae sóró yó malepaae fesaee fóló, mené diá momó yó manérápó. Diá dirii ọla naaire suni, keteirape mo awátóró naai ekeletu dere kaae erapó.

¹³ Mepaae so whi de awátóró ekeleyóló nuku betepa, ti ai so whi mo ketei kaae bitu, Kótóné mo donoi ala erateretei tuéni, kóló kólórapó.

¹⁴ Tépaitei dirii ọlata, disire so whiné nópóló muló heterapó. Atére so whi ti Talené fo wosetere dokó fea ama alatóró eró tareiteine asa duraalu, dowi alaró wisi alatamo sumó kaae kolóló, talenérápó.

6

¹⁻² Atére betené Kerisoné ala i ape yóló, teómó kaae suraalu, yó matere fo momó kae yó melaalomeipó. Até yaletai taaróló, mió mo dirii fo diápaae i dapa wosae. Take kaae sóró yó melale fota, whirapené be teteróturaalu, folosóro iru eleké detu dere kaae yóló, yó male alarape i ape. Sukutere alapaae álisóro fole dowi ala taaróló, tú wisipaae fole alakélé, Kótópaae tué tiki tirateri alakélé, wéi tópurateri alakélé, me whi Talené kutó dirópóló, ama tikimó naase mulatere alakélé, sukutere so whi kepaayóló betaaire alakélé, so whi feané yale ala taleyóló mo ti muó tawaaire kwia melaalopó ere fokélé, take folosóro kaae suraalu yó maté waleitei, momó kae yó melaalomeipó.

³ Kótóné wisirapa, dirii fo yó melae depa, ti dané mo yó menanérapó.

⁴⁻⁶ Mepaae so whi atima diliki tuámó heteretei taaróló, de tuápaae bití fóo, hepen bemó mole wisi wisi ọla atima sóró asa yóo, Dej Kepe Wisiné erótu betere alakélé atima sóo, Kótóné bete mole fo tuámó bole wisi ala atima kisipa yóo, take waaire alimó teteróló kaae tawaaire fotokókélé atimané tué yóló asa yóo ere so whítei, Talené ala

taarólo fupa, ti momó kae kisipa feteyólo fesaae wonénipó. Téturaalu, atima ai du betere alané Kótóné naalema so wh̄i feané keletómó doasi hale serólo, a filipaa ni tómmó momó oleratere aqrapó.

⁷ Hali wouraaalu, wisi fē bulatere haemó ɔla wisiyólo holólo, ai kutó talené ɔla supa, ti ai hae tiki Kótóné wisiraalopó.

⁸ Tépatéi, ɔla wisiyólo huni, mu daai képiró dowi netamo hotere hae ti fē buni, dowi deké bulapó dua dapó. Atére haeta, ai kutó talené dorólo, kemeróturaalu simó néli biliyaalopó.

⁹ Dané hosaa mole no nerape-ó, i deté wale fota, diá tuámó ere alamó dumipó. Ti diáta, Talené ama so wh̄i aluyaqsóro tao sale ala tuámó betere ala dané kisiparapó.

¹⁰ Ti Kótó āta, so wh̄i feané du betere alarape h̄oko taleyólo kwia mótumipó. Atérapa, diaaɔ ama kutó diratere alakélé, Kótó āpaae yaala sóko furaalu, ama kae betéro betere so wh̄i tao sere alakélé, nalo tao siré faaire alakélé, fea ama tué yó taru, kwia mo donotóro melaalopó.

¹¹ Talené diá dokó feapaae melaalopó yale ɔla mo saasepólópa, keteké buóló mió diaaɔ ai du betere alatóro h̄ale yó taté fóló, kemene fole kwiamó sóko fae.

¹² Diá Kótóné ala erótu betereitei deka yólo taaréni, mepaae so wh̄i atima tué tiki tiratere alaró sekei ala wapatei, h̄ale yó tare alatamo su betérapó. Diákélé ai ala yaasepóló, atimané dere alatóro s̄uróló yae.

Kótóné eraalopó dere ala h̄asókó féni mo eraalopó

¹³⁻¹⁴ Kótóné ama eraalopó yólo mulale fo Abraham-né mopó yópóló, Tale ā teteró betere Doasi me bitinipa, amatei ā doi yólo dirii malo duraalu,

“Yálo yā wisiratereteiné, naao detere naalené deté fole naale senaalekélé doakale fake firatere ala h̄asókó féni, mo yaalopó,” ipakalepó.

¹⁵ Atétepa, Abraham ā whaaliani, dua kaae taté fóló, nalo Kótóné āpaae melaalopó yólo mulale ɔla mo salepó.

¹⁶ Me wh̄iné mepaae so wh̄ipaae i ala eraalopóló mulatere fo diriróturaalu, atimané doi yólo dirii malo dumi, atima teteró betere doasi wh̄iné doi yólo, ó Talené doi yólo malo dua dapó. Atéro dirii malo dereteita h̄ale mei, nalomo ai fo inipóló foné u só derótu, i só derótu yaqsóro dapó.

¹⁷ Ti Kótóné ama eraalopó dere fo diriróturaalu, amatei ā doi yólo dirii malo yaleteita h̄ale meipó. Ama ai eratere ala saaire so wh̄iné ama yólo mulatere fo kisipa feteyólo taaréni, mo dokonatapó kisipa muópóló yalepó.

¹⁸ Ti Kótóné ama eraalopó yólo mulale foró dirii malotamo epatei taarólo, ama

kisipa feteyólo me kae ala eranénipó. Kótóné ai ala yaleteita h̄ale mei, ā dowi alamó kwia sóro aluyaqsóro, Talené tao sóro mo wisiyólo beteraalopó yale fo wosóló hosaa tuámó muló bitu, tué tiki tiraté fu betere so wh̄i ā keteké buópóló yalepó. Ai so wh̄ita, ti d̄atóro i ape.

¹⁹⁻²⁰ Take nalo ā mo wisiyólo betaalopóló h̄aitu betere ala mepaae seké ó whaalaa dere alané só deróló doraqsóro, ai h̄aitere alané ā diriróló, turuku kaae derapó. Ai turukuta, h̄oko tikimó dini, satále yólo kuti oleró betere tiki bosenóló, Kótóné mo kae aleyólo muló betere be ke tuámó erapó. Ai be ke tuápaae so wh̄i nalo wópóló, ā tao sere wh̄i Yesu āpi folosóro sóro falapó. Ai sekéta, Melkisedek betale kaae, so wh̄imó momaratere topo wh̄i alée fóló, ai ala h̄ale deté fu betérapó.

7

Melkisedek momaratere topo wh̄i betere fo

¹ Ti Melkisedek āta, Salem be hulua teteróló kaae tare topo wh̄i betóo, mo taoró betere Kótópaae momaratere wh̄ikélé betóo, ipakalepó. Abraham ā mepaae topo wh̄irapetamo bóe fóló, bóe wh̄irape dóló kemeróló momó fesaae wouraaalu, tumó Melkisedek-tamo hokolaa yólo, Abraham wisiratere fo erapó.

² Atétepa, Abraham-né ama bóe dóló sale ɔla ɔla naase tamo moletéi dekeyólo, betá Melkisedek-mó melalepó. Melkisedek-né doi bete tamo mulapó. Folosóro doiné bete, “Donoi ala dere topo wh̄ipó,” Me doi bete, “Salem be hulua teteróló kaae tare topo wh̄ipó,” Ai doi feteyólo, “Hosaa muni deyólo dua betere ala teteróló kaae tare topo wh̄ipó,” erapó.

³ Ā deyale soró wh̄itamóné doikélé, ā kaayale noutererapéné doikélé, ā deyale be dekéle, sukále be dekéle, asemó muni, Kótóné naalema biture kaae, ā so wh̄imó momaratere topo wh̄i h̄ale betó tarapó.

⁴ Ai seké ā doasi wh̄ipóló ere ala tué muae. Dané nouter Abraham-nékélé ama bóe dóló sóro wale naase tamo ɔla ɔla dekeyólo betá Melkisedek meló betérapó.

⁵ Kótóné ama tukóló muló betere fo tuámó i ala yae erapó. Lipai fake wh̄irapekó so wh̄imó momarópóló sóro betéro betere wh̄irapéné mo so wh̄iné mole naase tamo ɔla ɔla dekeyólo, betá siré kweyae yólo munélipakalepó. Ti atéro kotere wh̄irapekélé, matere so wh̄ikélé, atima fea Abraham-né deté fele fake no nerape epatei, atima tuámókélé siré kweipakalepó.

⁶ Melkisedek-ta, Lipainé deale wh̄i meitei, Abraham-né naasetamo ɔla ɔla dekeyólo

betā ʾa melalepó. ʾAṭa, Kótóné wisi ala eraalopó yóló mulale wh̄itei, ai ʾla ʾla matepa sale seké Melkisedek-né ama foné ʾa wisiralapó.

⁷ Ita mo dua dere alapó. Doasi wh̄iné ʾa aomó betere wh̄i ama foné wisirótua dapó.

⁸ Atétere kaae, so wh̄iné naase tamo ʾla ʾla dekeyóló betā siré fu betepatei, ai wh̄irape sukutua yalepó. Atéyaletei, kale doasi wh̄i Melkisedek-né naase tamo ʾla dekeyóló betā ama saletei, ʾa sukālepó fo munipó.

⁹ Mené etei kaae fo sūmó enérápó. Naase tamo ʾla ʾla moletei, betā dekeyóló siré kotere wh̄i Lipai ʾa Abraham tuámó, ni du ke kaae bolepó. Atépa, Abraham-né ʾla ʾla dekeyóló betā Melkisedek-mó matepa, Lipainé amakélé meló beterapó.

¹⁰ Ti Melkisedek-ró Abraham-tamo hokoolaa yaletaita, Lipai ʾa deyaai ama tikimó teó bupa yalepó.

Melkisedek momaraterere wh̄i betale kaae, Yesukélé momaraterere wh̄i betó tarapó

¹¹ Lipainé deale wh̄irape mo so wh̄imó momatere topo wh̄i betere tuámó Kótóné tukóló muló betere fo sókó walepó. Tétu, atima ai alimó momarótu betale alané Kótóné so wh̄i mo ti wisiróluašóró, momaraterere topo wh̄i me kae waalopó fo uʾameipó. Ti ai momaraterere topo wh̄ita, Eron-né deale naalené deté fele wh̄i mei, Melkisedek bitu yale kaae du betaalopó, erapó.

¹² Ti noatepae, mo so wh̄imó Talepaae momaraterere wh̄irapéné du betere ala taaróló, Talené me kae alatamo tukóló mulatepa, ti ai ala sūmó enérápó. Meitepa, ti enénipó.

¹³ Ai ere fo dokonó betere wh̄ita, Lipai fake mei, kae fake wh̄ipó. Ai fake mo betanékélé so wh̄imó Talepaae simó sukūlaa dalóló, momatere ala inipó.

¹⁴ Dā tēteróló kaae tare wh̄i Yesu ʾa Juda fakené dealepóló, so wh̄i feané kisiparapó. Ti betā Juda fake wh̄ikó so wh̄imó momaraterere topo wh̄i betaalopóló Moses-né ašémó inipó.

¹⁵ Melkisedek betale sirimó, wh̄i me kaetamo sókó hotepa, ti dāné i deté wou betere fo bete mo hākearatapó.

¹⁶ Ti noatepae, ai wh̄i ʾa so wh̄imó Talepaae momaraterere topo wh̄i sóró betaaleiteita, Lipainé deté fele wh̄irape maaté sóró beteranérápó, ere fo sya furaalu inipó. Ai seké ʾa tuámó doasi fotokó bulu, mo ti betó tareteiné dóló sukunaaire sunipa, Talené ʾa momaraterere topo wh̄i sóró beteralapó.

¹⁷ Ti ai fo kaae me ašē tuámó i fo erapó. “Yāta, momaraterere topo wh̄i Melkisedek-né du betale ala naao tēteróló kaae taru,

yó taté fu beterópóló, yālo yā sóró beteratapó,” erapó.

¹⁸ Kale folosóró yóló mulale fota, me ala yaaire sūni bépa, hāle ʾla kaae aqróló taalatapó.

¹⁹ Ti noatepae, kale tukóló muló betere foné so wh̄iró Kótótamo betāmó wisiyóló beterópóló, mo turó wisiranénipó. Kale folosóró yale ala taaróló, mió Talené ama so wh̄i wisiyóló beteraalopó ere foné betā Kótó betere felekepaae ʾalisóró fenérápó.

²⁰ Ti ʾa momatere wh̄i sóró beteróturaalu, dirii malo yóló sóró beteralapó. Téyaletei, mepaae momaraterere wh̄irapeta, hāle foné maaté sóró beterótua dapó.

²¹ Téyaletei, Kótóné i seké momaraterere wh̄i sóró beteróturaalu, ʾapaae i malo yalepó.

“Talené ama kisiapa feteyalomei, ya so wh̄imó momaraterere wh̄i mo ti betó tanópóló, yālo yā sóró beteratapó,” erapó.

²² Ti atéro dirii malo yaletiné Yesu ʾa Kótóné ama so wh̄i tao saalopóló, yóló mulale fo diriraterere bete aléle felepó. Ama so wh̄i tao saalopóló kisi yóló mulale foné folosóró yale fo teraae falapó.

²³ Ti mo so wh̄imó momaraterere wh̄irape dekéro bitiré waleteti, ai wh̄i sukutepa, me wh̄inemo tēteróló kaae tatua yalemó, ai wh̄irapekélé fea sukutua yalepó.

²⁴ Téyaletei, Yesu ʾa mo ti betó tareteiné, so wh̄imó momarótu betere ala hāle yó taté fu beterapó.

²⁵ Atérené Kótótamo betāmó betaai kisiapa mutu, Yesuné ama yale ala tuámó fu betere so wh̄i mo ti beterópóló, Yesuné ama mo sūmó tao senérápó. Ti noatepae, ʾa so wh̄iró Kótótamo tuā wh̄i bitu, Kótópaae atima tao sae dere fo hāle yótóro tarapó.

²⁶ Yesu ʾa atéro, momaraterere topo wh̄i bitu, dā yāyāre ala fea ama mo sūmó tao sóró eranérápó. Ti ʾa, Kótóné mo kae beteró betereiteiné mené ʾa só deraaire bete muni yó, ʾa me dowi alatamo hosekényó, dowi ala du betere so wh̄itamo betāmó bitini, kae betó, ó šaró hepen betamokélé fea amatóro tēteróló kae tawóo erapó.

²⁷ Mepaae momaraterere topo wh̄irape betere dokó fea atimané dowi alapi kemerópóló, *sipsip* o *bulmakau* hupu simó sukūlaa daróló, nalo ti mo so wh̄iné dowi alamó sukūlaa dalaterere ala suka fea hāle yó taté fu beterapó. Atima ai dere ala kaae, ʾa tuámó me noa dowi alakó mupa atéyaaló? Ti ama betere bete Kótópaae mo betā félimótóro melóló, mo so wh̄iné dowi ala kwia ama tokóló aluróló wisiralapó.

²⁸ Ti kale tukóló muló betere fo sya furaalu, mo hae wh̄itei, momaraterere topo wh̄i sóró beterótua yalepó. Téyaletei, nalo sókó wale dirii malo fo tuámó ti Talené naalema momaraterere topo wh̄i sóró beteralapó. Ai

whi ʔata, me alakélé mo ʔayani, so whi tao sere alatóró hãle yó tanópóló, Kótóné ʔa mo turó sūróló beteralepó.

8

Yesuta momaratero topo whi bitu, mió kisi ere fo diriró betere Talepó

¹ Ðané i deté wou betere fo tuámó bete mole mo topo fo i ape. Ða tao sóró momaratero etei kaae topo whiʔa, hepen bemó Doasiné teteróóló kaae tare tikimó, ama turu naase eró betere demó fóló betalepó.

² Take kaae sóró tɛyale momatere kuti bemó, Talené ama kae ere ala erótu betera-pó. Ai beta, mo whiné naasené tɛni, Talené amatóró tɛnapó.

³ Ti mepaae mo so whimó momaratero topo whiʔrapené Talepaae hãle matere alaró simó sukɔlaa dalatere alatamo yópóló, Talené sóró beteroʔtua dapó. Atétere kaae, mió Ða tao sóró momarótu betere sekékélé, Kótó beterepaae hãle faalomei, me ɔla sóró ti sımó fenérapó.

⁴ ʔatamo i haemó bituʔsóró, ti so whimó momaratero whi bituʔmeipó. Ti noatepae, Kótóné tukóló muló betere foné Talepaae hãle melae ere fo sya furaalu, mótua dere whiʔrape sóró beteroʔ betera-pó.

⁵ Ai whiʔrape atimata, ó hepen-mó ere mo ti momatere be sūróló, i haemó tɛne mo kuti bemó Talené ala erótu betera-pó. Mosesné ai momatere kuti be tɛyaaitepa, Talené ʔpaae i ma fo erapó.

“Naao ai be tɛturaalu hõko tɛni, Ðamo hasi fosómó bitu, ʔalo ʔpaae yó melale be sūtóró mo hotowaró tɛyae,” yóló ipakalepó.

⁶ Téyaletei, Talené ama so whi tao saalopóló, yóló mulale dirii fo Yesu ʔa tuámó erótu betera-pó. Atére kaae, i haemó mepaae momatere whiʔrapenékelé ai ala du betera-pó. Tépateti, mió kisi yóló mulale dirii foné take yóló mulale fo teraae falapó. Atére kaae, Yesuné Kótóné so whi tao sóró ditu betere kutóné atimané ditu betale kutó mo teraae falapó. Ti ai kisi dirii fo tuámóta, Kótóné ama so whiʔpaae eraalopóló, mulale wisi ala ʔanuraalu, take yale ala mo hãle ɔla aqró betera-pó.

⁷ Ti noatepae, Talené take folosóró yale dirii fotamo mo sūrapó ʔasóró, ti nalo ama eraaire me dirii fo kae ʔameipó.

⁸ Tépateti, Kótóné ama so whi fopeyalemó, mepaae hãsóko fole ala kolóló i fo yalepó.

“ʔta, Talené i dapa wosae. Take waaire ba fomó Israel so whiʔró Juda so whiʔtamo ʔalo tao saai, kisi dirii fo kae yóló mulaalopóló Ðiapaae i dere ape.

⁹ Ti mió ʔalo kae yóló mullaire kisi dirii fota, take atimané noumatererape Isip hae kwiamó betepa, ʔalo dapesó

wale sukamó, yóló mulale dirii fo kaae meipó. Atimané ʔalo yóló mulale fo sya fóló eró tanitepa, ʔalo atima tao saai yaleteti taaróló, sisópaae eralepó.

¹⁰ ʔta, Talené i dapa wosae. Ai ala yóló kɔlipaae Israel so whiʔtamo ʔalo etei dirii fo yóló mulaalopó. ʔalo tukóló mulatere fo tikaʔsóró, atimané tué tiki tuámó mulóo, hosaa tuámókelé aseýoo yaalopó. Téturaalu, ɛ atima teteróóló kaae tare Kótó betóo, atima ti ʔalo so whi betóo yaalopó.

¹¹ Atétere alimó, me whiné ama be whi so whiʔpaae ó ama nomapaae duraalu, ‘Tale tué muóló betae’ dere fo momó kae yaalomeipó. Ti noatepae, ai be demó mepaae sóko deyóló betere so whinékélé, doasi doi mole so whinékélé ɛ mo tué yaalopó.

¹² Atétepa, ʔalo kɔleturaalu, atimané du betere sonaaleti alaró mepaae dowi alatamomó, kwia melaaleteti ʔalo kisipta keteróóló aluraalopó,” erapó.

¹³ Ti Talené ama i yóló mullaire dirii fota, “Kisipó” doi mulóturaalu, take folosóró yóló mulale dirii fo bete muni hãle ɔla kaae aqpa, kisi foné mió mo felekemó kemeróló aluraai dapó.

9

I haemó kapala tɛne kuti bemó momatu betere ala

¹ Take folosóró diaaq noutererapepaae Talené ama ala eróturaalu, ʔpaae momatere alakélé etéró yae yóló yó melóo, ama ala eraaire momatere bekélé etéró tɛyae yóló yó melóo, ipakalepó.

² Atétepa, so whiné Talepaae moma yaairaalu, kuti be tɛyóló, i tuámó be ke tamo aleyóló munélipakalepó. Folosóró sóko fole be ke ti arai kutiné satãle erapó. Ai be kemó ti *lamp* sã daalóo, ɔla mulatere ni fakeró Talené keletómó mulótua dere *bred* otamo muóo erapó. Ai be kené doita, Kótómó kae tukóló muló betere tikipó.

³ Me aleyóló muló betere be keta, hapólui kutiné satãle erapó. Ai be kené doita, Kótóné ama ala betã eraai mo kae tukóló muló betere tikipó.

⁴ Ai be ke tuámó felé kɔlaa wale fetera kaae ɔla biliyaaire tiki *kold kapané* aleyóló daalóo, Kótóné ama so whiʔpaae wisi ala eraalopóló ere dirii fo aseýóló buló betere *bokis-kélé* mulóo erapó. Ai *bokis husiróló kold kapa* datekãró betera-pó. Ai *bokis dolomó, kold kapané* aleale wutimó *mana* o deróló mulóo, Eron-né dotó tiki asɛ sokeretei mulóo, Kótóné dirii fo asɛre kane fake tamokélé bulóo erapó.

⁵ Ai *bokis* tó mó, Kótóné ama mo kae ere de ʔane *serupim ensel*-rape sʔuróló aleale ʔla me uté daayóo, me ité daayóo erepó. Ai *serupim ensel*-tamoné baase dorokó faróló so whíné dowi ala kemeráleta dere tiki husiró beterepó. Atére alarape fea bete etérápóló, mió mo turó dané enénipó.

⁶ I bope yale ʔla ʔla fea atéro taleyóló muló betepa, mo so whímó Talepaae momaraterere whirape folosóro ere be kemó, atimané diteré kutó diyaa, hutua yalepó.

⁷ Tétua yaleté, mo u tuámó ere be kepaee ti so whímó Talepaae momaraterere doasi topo whi ʔa maaté betá ba fomó, mo betá félitóro fua yalepó. Téturaalu, ai be kepaee naase hāle feni, *bulmakau-ró meme* hupu sameatamotóro sóro fua yalepó. Atétua yaletéita, Talené atima kwia melaʔsóro seséturaalu, ama yale dowi alapi Talepaae melóo, nalo ti mo so whíné dowi alapóló tuéni, mo ala nisiyóló du betale dowi alamó melóo, dua ipakalepó.

⁸ Mió ai be hāle teʔa, Kótóné mo kae ala ere be tuʔpaae sókó faaire tu hāle ai kinapa kelae yóló, so whiʔpaae Deji Kepe Wisiné hākearóló yó mótu beterepó.

⁹ Ti take Talepaae me ʔla hāle matere alaró hupu simó sukūlaa dalatere alata-moné ai ʔla sóro wale so whíné hosaa tuámó mole sekei ala mo ti wisiranénire ala mió i alimó betere so whíné tué yópóló, hākearóló yó matapó.

¹⁰ Atéro, ʔla nokole alakélé, weji nokole alakélé, Kótóné wisirapó yópóló, kae kae ala yóló wejiné fokutu betere alakélé feata, mo tó tiki maaté wisiróturaalu du beterepó. Talené ama da teʔeróló kae tawaaire kisi alané tó tiki maaté wisiróló ai du betere alarape fea mo ti kemeraalopó.

Yesu Kerisoné samea suné farale ala

¹¹ Mió dāpaae i eró betere wisi alarape eraai, Keriso ʔa so whímó Talepaae momaraterere topo whi bitji furaalu, folosóro ʔa doasi momatere kuti be wisimó buó dealepó. Ai beta, i haemó mo whíné naasenékélé ó mepaae ʔla ʔla aleale sukamókélé teʔni, mo taketi Tale ʔa betere tikimó hāle teʔne bepó.

¹² Keriso ʔa Kótóné ai kae tukóló muló betere tikipaae sókó faairaa, *meme ó bulmakau* hupu malené samea sóro feni, suka fea mo ti muó tanópóló, ama samea mo betá félimótóro melóló, ʔa ai be tuʔpaae sókó felepó. Tétu, so whi fea dowi alané dokóló mupa, ai sameané teraayóló mo ti betó tanópóló dupuró beterepó.

¹³ Mepaae whi dené Kótóné yaʔse yóló mole fo tukóló, nalo ama ala eraai momatere bepaae faʔsóro doasi fo mulapó. Atérené *meme ó bulmakau* wā hupu sameané ó *bulmakau* so utu hupu simó

biliyale fapo terepeyóló, ai yale alapi kemeranérapó. Atéro, nalo ti Talené ala eratepa fo muni, mo sʔumó eranérapó. Ti ai alarape feata, hāle tó tiki maaté fukuturaalu dapó.

¹⁴ Téyaleté, ai du betale alarape bosenóló, mo ti betere Deji Kepe Wisiné Keriso ʔa fotokratepa, me alakélé munire betere bete wisinaale Kótópaae hāle melalepó. Dané hosaa tuámó mole dowi alané sukutere alapaae ʔlisóro fu betepa, Kerisoné ama sameané sʔumó kemeranérapó. Atére beteta, mo ti betere Kótóné ama ala dané erópóló yalepó.

¹⁵ Keriso ʔa atéyale betené Kótóné so whi tao saalopóló, kisi yóló mulale dirii fo eraaire tuʔ whi alée felepó. Aita hāle mei, Kótóné ʔa beterepaae ape yale so whíné ala eraalopóló mulale mo ti muó tawaaire ʔla wisi sópóló yalepó. ʔa atéro sukāle alata, folosóro ere dirii fo aʔmó bitu, dowi ala du betale so whi dokóló moletei, teraayóló hāle fópóló, dupurótu erapó.

¹⁶ Me whi ʔa sukuturaalu, ama mómu ʔla taleyóló sae yóló mulatere fo kisipa muae. Ai whi ʔa sukuni hāle betepatei, ama ʔla ʔla hapale taleyóló sumipó. ʔa sukutepa, nalo ti ama yóló mulale fotóro sya fóló senérapó.

¹⁷ Ti noatepae, kale whíné ama yóló mulatere fo sya furaalu, ʔa sukuni hāle betepa, ama ʔla ʔla taleyóló saalomeitei, ʔa sinitepa ti senérapó.

¹⁸ Atétu dere kaae, Kótóné ama so whi tao saalopóló folosóro ere dirii fota, *sipsip ó bulmakau* hupu samea sókó faraleiteiné diriralepó.

¹⁹⁻²⁰ Kótóné yae yale fo fea Moses-né mo so whiʔpaae yóló kemetepa, i ala yalepó. *Bulmakau* hupu malené samearó mo weitamó belere tikipaae fóló, mo sonaare *sipsip* hupu nikiró *hisop* ni teteitamomó tópuró sóro asere sókumókélé so whíné tikimókélé, apuralepó. Ai ala yóló kemetepa, i fo yalepó.

“Ita, Kótóné ama tukóló muló betere dirii fo sya fóló, eró tawae yóló diriróturaalu, eratere samea i ape,” yalepó.

²¹ Ai ala kaae, Talepaae momayaairaaalu teʔne kuti bemókélé, ai be tuámó Talené ala eraai mole ʔla ʔlamókélé, Moses-né ai samea sóro apurótua ipakalepó.

²² Ita, mo dere alapó. Kótóné tukóló muló betere foné fea ʔla fea Talené ama ʔlapóló dāle mulóturaalu, sameané betá fokonérapó. Samea sókó farénitepa, ti dowi ala tokóló aluranénipó.

²³ Hepen bemó ere ala sʔuróló, i haemó aleale mo ʔla ʔla Talené amapóló dāle mulóturaalu, samea dilótua yaleté mo donorapó. Tépaté, hepen bemó mole mo alarape fokaai, ti i haemó mole ʔla bosene fale ʔla wisinaalené sʔumó fokonérapó.

²⁴ Ti Keriso a sukóló kepaayóló furaalu, hepen be suróló i haemó mo whíné tɛyale bepaae sókó feni, mo hepen bepaatóró sókó felepó. Atéró fóló, Kótó betere felekemó bitu, mió a dā so whī tao sere tuā whī beteraipó.

²⁵ Kale momatere be tɛteróló kaae tare topo whīta, whíné tɛyóló ama kae tukóló muló betere be tuāpaae ba fo dokó mo betā féli furaalu, ama samea sóró feni, hupuné samea sóró fua dapó. Ai whīrapené dere kaae, Keriso a hepen-paae momó fu, momó fu ini, mo betā félimótóró ama tiki Talepaae hāle melóló, sókó felepó.

²⁶ Keriso a hepen bepaae dekeró félimó fuāSORÓ, ti i haemó ere ɔla ɔla fea keké nale alimó kaae sóró, sekei ala dekeró félimó beleté fu bituapó. Téní, i kemetere alimó a Kótó beterepaae mo betā félitóró sókó fóló, dowi ala mo ti kemeróturaalu, ama betere bete Talepaae hāle malepó.

²⁷ Dā so whīta, Talené ere fo dokonóturaalu, bitiré fóló betā fapótóró sukutua dapó. Atéró sukāle kīlipaae, ti dané yale ala Talené taleyaalopó.

²⁸ Dā betā féli sukutere kaae, so whī feané dowi ala tokóló aluraai, Kerisoné ama betere bete Talepaae mo betā félimótóró melalepó. Atéró mió a momó waaireteita, dowi ala tokóló aluraai waalomeitei, a wópóló kaae tawóló betere so whī tao sóró mo ti wisiyóló beteraai dapesene waalopó.

10

So whíné dowi alamó Yesuné betere bete mo betā félitóró male ala

¹ Kótóné tukóló muló betere fota, mo ti muaaire ala mei, take nalo waaire wisi wisi alané aso maaté erapó. Atére betené kale tukóló mole fo sya furaalu, ba fo dokó hupu dóló moma yó tare alané Kótó betere felekemó bitī faaire so whíné sekei ala mo ti wisiranénipó.

² Ai alanétamo so whíné hosaa tuāmó mole kisipa tiki fea mo betā félitóró wisirólúasóró, ti atima etei kaae dowi ala yalepóló, atimatei Talepaae momaratere ala dekeró yó ta uāmeipó. Ti noatepae, atima etei kaae dowi ala yalepó tué muāmeipó.

³ Atérené ba fo dokómó hupu dóló momatere ala hāle deté fu betere kilitu, dowi ala kemeñi, atima tuāmó hāle mulapóló hākearóló yó matapó.

⁴ Ti noatepae, wā *bulmakau ó meme* hupu sameané dowi ala tokóló mo aluranénipó.

⁵ Atérené Keriso a i haepaae wóló i fo yalepó.

"Hupu dóló momatere alaró hāle matere alatamo naao hēkese inipa, naaotei e mo whíné tiki daaróló beteraalepó.

⁶ Simó sukūlaa daróló momatere alaró dowi alamó Talepaae hāle matere alatamo kilituraalu, naao kisipa felénipó.

⁷ Atétepa yālo duraalu, 'E tɛteróló kaae tare Kótóo, kale bopeyóló mole asē tuāmó ere fo mo dokonóturaalu, naao kisipa mole ala eraai e wóló i betere ape," erapó.

⁸ Folosóró ama duraalu,

"Kótóné tukóló muló betere foné i ala yae yóló mupatei, hupu dóló simó sukūlaa dalatere alaró Talepaae matere alatamokélé, dowi alamó matere alakélé, fea naao kolóló hēkesenipó," erapó.

⁹ Ai alarape yale sisópaae ama duraalu,

"Naao kisipa mole ala eraairaalu, e i wale ape," yalepó.

Atéró, folosóró hupu dóló du betale alarape tokóló taae faróló, ai sirimó a sukāle ala mo ti yó tanópóló eralepó.

¹⁰ Yesu Kerisoné ama tiki Talepaae mo betā félitóró hāle melóló sukāleteiné, Talené ama kisipa mole alatóró sya furaalu, dā ama so whīpóló mo kae beteraalepó.

¹¹ Be dɛtere dokó fea momatere be kaae tare whīrapené Talepaae hupu dóló momaratere ala hāle yó tarapó. Atétere alané dowi ala mo ti tokóló aluranénipó.

¹² Tépatēi, mió i bopetu betere momaratere doasi topo whī Yesuné dané dowi ala tokóló aluraairaalu, ama betere bete Talepaae mo betā félitóró hāle malepó. Atéyale kīlipaae a ama alima Kótóné turu naase eró betere tikimó fóló betalepó.

¹³ Ai alarape kemeróló, mió ātamo bóe du betere whī fea ama tɛteróló só deraaire ala betā Kótónétei erópóló, kaae tawóló beteraipó.

¹⁴ Ti noatepae, mo betā félimótóró a sukuturaalu, Talepaae ama hāle male alané wisiróló, mo kae so whī betó tanópóló yalepó.

¹⁵⁻¹⁶ Deji Kepe Wisinékélé Talené ai ere ala dāpaae yó móturaalu, folosóró i fo dapó.

"Ai alarape yóló kīlipaae yālo atima tao saairaalu, yóló mulatere diri fo i ape.

Yālo tukóló muló betere forape atima hosaa tuāmó mulóo, atima kisipa keteni tué yó tanópóló yāloitei eró yaalopóló," Talené erapó.

¹⁷ Ai fo tómó me beleróló duraalu,

"So whī Kótóné fo aqmó bitini, atima kisipa mole ala maaté sya fu betere alaró mepaae dowi alatamomó kwia meni, yālo aluróló kisipa keteraalopó," erapó.

¹⁸ Ai dowi alarape feata, Talené mo ti kemeró beteraipa, hupu dóló Talepaae matere ala momó kae hāle noatēpa yaaloé?

Talené ala taarēni, hāle eró tawae ere fo

¹⁹ Térapa, no nerape-ó, ðappaee Yesuné ama samea sókó faló betereteiné Kótóné mo kae ere be tuappaee faaire wini, mo halaainé sókó fenérapó.

²⁰ Taketa, ai be ke saṭale yóló oleró betere kuti tuamó sókó fua yalepó. Mió Yesu sukóló ą mo ti betere bete matere kisi tu alée faleteiné ą tuamótóró sókó fenérapó.

²¹⁻²² Ai ala maaté mei, Kótóné fake so whi tao sóró, momarateré doasi topo whikélé betera, ða ąppaae tué tiki tiróló bitu, hosaa tuamó hajtamo Kótó betere felekeppaae fenérapó. Atéturaalu, ðané i dowi ala yalepóló hosaa tuamó sekei kisipa muteretei ama sameané fokóló feleéroó, ðané tikikélé mo kikisi weiné fokóo, ereteiné mo halaainé fenérapó.

²³ Ti noatepaae, Kótó ąta, ða so whippaae eraalopó dere wisi ala haşókó fóló taaréni, mo eraalopóló ðané so whippaae du beteretei taaróló haepaae derepaalomei, hajtamo yó tawaalo pa sae.

²⁴ Ðané no nepaae yaala sókó fole alaró wisi alatamo fakeyópóló, ketekę u bulótu i bulótu dere alatamo netéroó yaaloé yóló, tué teketu betae.

²⁵ Mepaae so whi atima Keriso fake tourótua dere tikippaae wale hótu dere kaae, ða momókó yaqse. Téni, Talené ða dape saaire be ðę felekémó walapa, betere dokó ama ala erateretei taaréni, ketekę u bulótu i bulótu dere ala mo ti fakeróló deté fu bitiépe.

²⁶ I bete mole mo fo ðané wosóló tuérutei dowaae fóló, dowi alatamo haie yó tapa, ti ai ala kemerópóló Talepaae melaaire ąla me kae munipó.

²⁷ Kótótamo atéroó bóe duraalu, du betere dowi ala haie yó tapa, Talené fo tokótamo yóló só deraaitere alaró ai whirape dalaaire sitamo kolóló, mo wió yae.

²⁸ Take mepaae whiné Moses-né aşeyóló muló betere fo tukóló yale ala, tamo ó sore whiné kolóló mopó depa, ti ai whi kqletere ala ini, mo ti sinópóló dua ipakalepó.

²⁹ Mepaae so whi dené Kótóné naalema belei ąla kaae aqróló teiya teiya yóo, Talené ama fo dirirale sameané fokóló kae beteró betepatei, ai samea haie ąla kaae aqróo, Talené ai whi haie hamokoróló tao supatei, ai ala erótu betere Kepe Wisi faleyoó depa, ti atétere whi ą kwia saairetei haşókó faalopóló ðe? Ti folosóró Moses-né yale fo tikitepa, dowi kwia mo salepó. Atéyaletei, mió ai alarape dere whiné saaire kwia, folosóró sale kwia bosenóló mo doasi saalopó.

³⁰ Ti noatepaae, “Kwia tokó matere ala haşókó feni, mo ąlotei yaalopó,” yale sekęta, ðané kisiparapó. Me fo i ape.

“Talené so whiné du betere ala mo amatóró taleyaalopó,” erapó.

³¹ Mo ti betere Kótóné naase tuappaee foleitei, wi alapa mo wió yae.

³² Ðiata, mo take bitiré wale sukamó, Kótóné fo woseté waleiteiné ði tuamó ðeyó falapó. Atéremó, ðiappaee kae kae sekei ala wapatei, ði ą wiyóló botokó feni, mo diriyóló betale ala kisipa muae.

³³ Ai maaté mei, me sukamó ði ą whi feané keletómó sóró daalóló, susupui alaró halerateré alatamo eróo, me sukamó ði sere seke kaae, ðiaaą no nerapepaaekélé eratepa, ðiaşkélé atimatamo betámó titiyóló daalu beleyóo, dua yalepó.

³⁴ Atére kaae, atimané ðiaaą ne norape *dipula* beteratepa, kqle duraalu, atima tao sua yalepó. Atimané ðiaaą mole ąlakélé fasó supa, mo ti muó tawaaire ąla wisi-naale saai ðapóló hajturaalu, atima sópóló taalata yalepó.

³⁵ Térapa, ai ala deté furaalu, ðiaaą kisipa tiki tiró beteretei haie ąla kaae taae faréni, mo hotowaró tao tawae. Atétepa, ti mo dupu wisinaale saalo ai ape.

³⁶ Kótóné ama kisipa mole alatamo eratepa, ti ama ðiamó melaai ðapóló bopere ąla saasepólópa, ðiaşné kisipa tiki tiróló, ðiaaą du betere alatóró haie yó tanérapó.

³⁷ Ti noatepaae, Talené i fo erapó. “Mo haieke sukamó waalopó ere seke ą waaitere be ðę hşiliki faréni, ai be ðemótóró mo waalopó.

³⁸ Téyaalotei, ąlo donoi alatóró erótu betere whiata, ti kisipa tiki tirateré alanétóró betaalopó.

Ama kisipa tiró betere ala momó wotąale depa, ti ai whitamo ąlo kisipa felé yaalo meipó,” erapó.

³⁹ Tépatei, ða atei kaae wotąale yóló aluyaaire so whitamo touyóló bitini, ąppaae kisipa tiki tiró betepa, ða aluyaaşsóró Kótóné tao serapó.

11

Kisipa tirateré alané mo betenérapó

¹ Tué tiki tiróló betere so whiné naloppaae yaaire wisi ala mió kilinitei, take mo kelaalopóló diriyóló kisiparuraalu, hajtu betera.

² Mo take betale so whiné atei ala deremó, Kótóné mo wisirapóló atima dukiró betera.

³ Kótóné i ala yó fae depa, ere ąla ó betere ąla ąlakélé fea motóró yó fipakalepó. Ti mió kelené keletere ąla ąla feata, kelere ąla sóró aleni, ama fotokó bole fonétóró kaaró betera, ða Talepaae tué tiki tiró betereteiné mo diriyóló kisiparapó.

⁴ Ebel ą tué tiki tiró bituraalu, Talepaae mo wisiyóló haie maletéiné noma Kein-né

male ɔla tɛtɛrɛlipakalɛpɔ. Ti Ebel ɔ kisipa tiki tirɔ bitu matere ɔla Talenɛ kilitu, wisir-apɔlɔ ɔ dukirɔlɔ mo donoi whɔpɔ erapɔ. Ebel ɔta, take sukupatei, Talepaae ama kisipa tirale ala asɛmɔ mulu, dɔpaae hɛle du betɛrapɔ.

⁵ Inoke Talepaae kisipa tiki tirale betenɛ ɔ sukuni, itɛrɔ mo betɛpatei, Talenɛ hepen-paae dapesɔ horapɔ. Mepaae whɔrapenɛ ɔ kekɛlemɔ, Kɔtɔnɛ dapesɔ feleteinɛ mo kolɔ fenipɔ. Kɔtɔnɛ buk-mɔ duraalu, Inoke ɔ hepen-paae faai i haemɔ hɛle bitu, Kɔtɔnɛ ama kisipa mole ala erɔtu betɛpa, ɔ mo hɛkesenɛ sinipakalɛpɔ.

⁶ Mepaae kisipa tirɛnirɛ so whɔnɛ Kɔtɔ ɔ hɛkesɛ yaairɛ ala mo eranɛnɛpɔ. Ti noatɛpae, mepaae so whɔ de Kɔtɔ betɛrepaae wapa, ti ɔ mo betɛrapɔlɔ kisipa tirɔ, Kɔtɔ ɔ i betɛrɛ ape yɔlɔ yɔ melaalopɔlɔ ketekɛtamɔ kekɛtu betɛrɛ so whɔ kilitu, Kɔtɔ ɔ mo hɛkeserapɔ.

⁷ Talenɛ Noapaae take naao kilini yale ala nalopaae mo eraalopɔ yale fo Noanɛ mopɔlɔ kisipa tiralɛpɔ. Atɛru, ɔ tuɔmɔ Kɔtɔpaae mo kae wi yɔlɔ, ama naaleraperɔ atimanɛ sorapɛtamɔ yɔ, ama soma atimaamo yɔ yɔlɔ bɛta aluyaɔsɔrɔ, tuɛ tiki tirɔ bitu nuku alipakalɛpɔ. Atɛyaletɛinɛ ai alimɔ betalɛ so whɔnɛ dowɔae fɔlɔ du betalɛ ala mo sɔ deralɛpɔ. ɔ atɛrɔ tuɛ tiki tiratɛrɛ ala Kɔtɔnɛ kilitu, mo donoi whɔpɔ yaairɛ doi melalɛpɔ.

⁸ Talenɛ nalopaae Abraham ɔ melaaire hae kwiapaae fɔpɔlɔ, dotɛyaai ɔpaae ape yalɛpɔ. Ai fo depa, ɔ faaire tiki kisipa inirutei, tuɛ tiki tirɔ betɛrɛ alanɛ Kɔtɔnɛ dɛrɛ fo mo bɛta wosɔlɔ felepɔ.

⁹ Kɔtɔnɛ Abraham ɔpaae yale fo mo eraalopɔlɔ tuɛ tiki tirɔlɔ, ɔ melaalopɔlɔ ere hae tikimɔtɛi ukɛ whɔ kaaɛ bitu, kuti bɛ torokɔlɔ tɛtɛ kutu betalɛpɔ. Ama naale Aisak-kɛlɛ, Jekop-kɛlɛ, ama ere fo dokonɔturaalu, ai hae tiki saairɛ whɔrapɛtɛi, Abraham ɔ yale kaaɛtɔrɔ detɛ kutu betalɛpɔ.

¹⁰ Abraham-ta, ɔ betɛrɛ haemɔ kisipa muni, take nalopaaɛ dirii ɔla sɔrɔ tɛnɛ mo ti bɛmɔ betaalopɔlɔ kisipa mutu, kaaɛ tawɔlɔ bitipakalɛpɔ. Ai bɛ tɛyaai dɛlɛ sɔ, bɛ tɛyɔ yale sekɛta, Kɔtɔ ɔtɔrɔtipɔ.

¹¹ Abraham ɔ mo ti otɛrɛ yɔ, soma Serakɛlɛ hɛle ni daayɔlɔ sɛrɛ yɔ epatɛi, tuɛ tiki tirɔ betɛrɛ ala Talenɛ kilitu, naale deyaairɛ fotokɔ bulalɛpɔ. Ti ai ala eraalopɔ yɔlɔ mulalɛ sekɛnɛ fo mopɔlɔ kisipa tiki tiraletɛinɛ yalɛpɔ.

¹² Ai bɛta whɔtɛi ɔ otɛrɛyɔlɔ mo felekemɔ sinaai du bitutei, ama deale naalenɛ kaarɔlɔ, naale senaale mo hɛle ɔla kaaɛ detɛ felepɔ. Ai naale senaaleta, sɔmɔ daale hɔrɛrɔ wɛi atikɛtamɔ kaaɛ ɛrɛtɛinɛ dosɔyaairɛ mo sɔnɛpɔ.

¹³ I dosɔyaairɛ whɔrape atima fea kisipa tiki tiratɛrɛ ala hɛle detɛ fu betɛpatei, sukutua yalɛpɔ. Ti atima hɛle betalɛ alimɔ kale melaalopɔlɔ mulɔ betɛrɛ ɔla atimanɛ sinitei, mo umɔ tɛ wou betɛpa, tuɛnɛ maatɛ kolɔlɔ mo kɛɛ detɛ fu betalɛpɔ. Atɛtu, atimanɛ duraalu, “Dɔta haemɔ betɛpatei, i hae tale mei, ukɛ whɔ kaaɛ i betɛrɛ ape,” du betalɛpɔ.

¹⁴ Atei kaaɛ fo dɛrɛ whɔrape atima mo ti betaairɛ hae tiki kekɛtu betɛrapɔlɔ hɛkɛarɔlɔ yɔ matapɔ.

¹⁵ Ti atimanɛ atei kaaɛ dɛrɛ fotamɔ, take taarɔlɔ wale hae tikimɔ uɔsɔrɔ, ti atima turuku bepɔlɔ kisipa mutu, momɔ fesaaɛ fole ala uɔpɔ.

¹⁶ Atɛni, mo ti betaairɛ hae wisipaaɛ fenɛɛ kisipa mutu betɛrepɔ. Ai hae tikita, mɛ kae mei, mo hepen betɔrɔtipɔ. Atɛrɛtɛinɛ atima Kɔtɔpaaɛ duraalu, yaɛta dɔ tɛtɛrɔlɔ kaaɛ tare Talepɔ depa, ai fo wosetu Kɔtɔ ɔ haleni, mo donɔ dapɔ kisipa mutapɔ. Ti noatɛpae, ai bɛ huluata atima mo wisiyɔlɔ betɛrɔpɔlɔ, ama takɛti donorɔlɔ mulɔ betɛrapɔ.

¹⁷ Abraham-nɛ kisipa tiki tirɔ betɛrɛ ala Kɔtɔnɛ kɔkɛ kolɔlɔ, sɔ sale sukamɔ, Abraham ɔ kisipa tirɔ bitu, ama naalema Aisak dɔlɔ simɔ sukɔlaa dalɔlɔ Talepaaɛ hɛle melaai yalɛpɔ. Kɔtɔnɛ ɔpaaɛ wisi ala eraalopɔlɔ yale fo tuɛrutei, ama mo bɛta betɛrɛ naale daai yalɛpɔ.

¹⁸ Take Kɔtɔnɛ ɔpaaɛ duraalu, “Naao naale Aisak-nɛ dɛtɛrɛ naalenɛ naao doi muaaire fake firaalopɔ,” erapɔ.

¹⁹ Ti Abraham-nɛ ama ai ala yaletɛita, mo ti sukutɛrɛ whɔ Kɔtɔnɛ ama sɔmɔ kepaaraalopɔlɔ kisipa mutu yalɛpɔ. Atɛ yaletɛi, ama naalema Aisak ɔ sukɔlɔ momɔ kepaayalɛ whɔ kaaɛ ɔpaa dape salepɔ.

²⁰ Aisak ɔ Talepaaɛ kisipa tirɔ bituraalu, ama naale Jekop-rɔ Isotamo nalopaaɛ betaairɛ alamɔ kisipa mutu, fonɛ atimaamo wisiralɛpɔ.

²¹ Atɛyale kaaɛtɔrɔ, Jekop ɔ Talepaaɛ tuɛ tiki tirɔ bitu, ɔ felekemɔ sukɔairaalu, ama dotɔ tiki tɔmɔ tirɔlɔ daalu, naalema Josep-nɛ naale tamo fonɛ wisirɔlɔ, Talepaaɛ mo kɛɛ yɔlɔ momayaalɛpɔ.

²² Josep kisipa tirɔlɔ bitu, ɔ sukɔaire bɛ dɛ feleke depa, kale Israel fake so whɔ Isip hae kwia taarɔlɔ, torokɔ faalopɔlɔ kisipa mutu, atimapaɛ ama diri sɔrɔ fae yalɛpɔ.

²³ Isip hae kwia tɛtɛrɔlɔ kaaɛ tare topo whɔnɛ Israel so whɔnɛ naalerape daɛ yɔlɔ tukɔlɔ mulɛlipakalɛpɔ. Ai fo epatɛi, Moses-nɛ hamarɔ alimatamo wini, Talepaaɛ bɛta tuɛ tiki tirɔ bitu, ai naale wisinaale daɔsɔrɔ, wɛliɛ sore tuɔmɔ ɔ hyɔ mulalɛpɔ.

²⁴ Moses doayɔlɔ Talepaaɛ kisipa tiki tirɔ bitu, ɔ topo whɔ Fero senaalemanɛ naalɛpɔ yaɔsɛ yɔlɔ fo mulalɛpɔ.

²⁵ Moses ʔ sawa sukamó maaté tó tikimó felétere dowi ala yaai kisipa muni, Kótóné so wh̄jpaae erótu betere sek̄ei ala apaaekélé erópóló kisipa mutu, Talené so wh̄jtamotei toune felepó.

²⁶ Moses ʔ so wh̄j t̄eteróló kaae tare sek̄é Kerisoné ala erótu betere, faleyóló haler-aterere ala kolósu, Isip haemó mole wisi wisi ʔla kolósu yalemó, Kerisotamo betere ala mo doasi ke boleteiné take nalopaae Kótóné dupu wisi melaalopóló kisipa mutu, ʔ ai ala sya felepó.

²⁷ Moses ʔ Talepaae kisipa tiró bitu, kale Isip hae kwia t̄eteróló kaae tare topo wh̄j fopaae buóló, ʔpaae sek̄ei ala eraʔsórópóló wini, Isip kwia taaróló felepó. Ti noatepae, aita kelené kelenire sek̄é ama kelereteiné, ama yaai dere ala bet̄ ʔ h̄le yó taruraalu yalepó.

²⁸ ʔ Talepaae kisipa tiró bitu, Kótóné doteyale wh̄j dele *ensel*-né Israel fakené topo naalerape daʔsóró, bosene fele be demó ʔla detere alaró w̄ ʔ *sipsip* hupu malené samea dilatere alatamo, Talené ʔpaae yae ala deté fu betalepó.

²⁹ Kótóné so wh̄j Talepaae kisipa tiró bitu, sonaai w̄i k̄la tuamó tukóló, mo ere hae tiki kaaemó atima t̄eyóló felepó. Tétepa, Isip fake atimakélé Israel fake yale kaae t̄eyóló felemó, w̄inén atimatei mo ti alur̄lipakalepó.

³⁰ Talepaae kisipa tiró bitu, Israel fake so wh̄j w̄ikeró be demó, Jeriko be hulua bopére dopóku bolaa aʔró bopé yóló kutu betalepó. At̄eyalemó, kale doasi dopóku ama k̄leaan̄tei kolokóló derepelepó.

³¹ *Moni* saairaaalu nópu nuku betale so Rahab ʔ Talepaae kisipa tiró bitu, kale b̄oe s̄ ʔ fele wh̄jrape ama bepaae wisiyóló dape salepó. Téyaleteiné Talené fo tukóló dow̄aae fu betale so wh̄j fea dóló kemeróturaalu, ʔ bet̄ ʔ hasókó felepó.

³² Atimané ai yale alarapemó ʔalo kae me noa fo yaaloé? Kale doasi doi mole kisipa tirale wh̄jrape Kideon, Barak, Samson, Jepta, Depit, Samuel, mepaae Kótóné k̄lól wh̄jrapené yale alakélé fea diʔpaae dekeró uʔte, yaaitere be deʔ dekeró munipa taalatapó.

³³ Ai wh̄jrape atima Talepaae kisipa tiró bitu, mepaae t̄eteróló kaae tare topo wh̄jrapetamo b̄oe dóló atima t̄eteróo, so wh̄j mo wisiyóló kaae taru donoi ala eróo, Talené atimapaee melaalopó yale ʔla mo sóo yalepó. Atéró Talepaae kisipa tiró bituraalu, wh̄j dó nokole haʔ *layon*-rape kulumu faaralepó.

³⁴ Wh̄j dokole doasi simi surukó f̄oo, wh̄j dele fosói sepakekélé hasókó f̄oo, dua erapó. Atima mo wh̄j b̄epatei, Kótóné doasi fotok̄ bulalepó. T̄etu, atima b̄oe duraalu doasi fotok̄oné kae kae hae kwiamó wale b̄oe

wh̄jrape dóló mo ti kemeratepa, mepaae hasókó fele wh̄jrape ti botokó dapo yalepó.

³⁵ Mepaae sorape atimané naale senaale ó omarape suk̄letei, momó kepaaratepa atimatamo betamó bitua yalepó. Mepaae so wh̄j atima kisipa tiró betepa, mené doasi susupui ala eróturaalu, diʔ teraayóló faraalopa, Talepaae dowi teka fo yae yóló s̄tua yalepó. Ai ala depatei, atima sukutepa, momó kepaayóló Taletamo wisiyóló betaalopóló kisipa mutu, atei kaae fo yaalo meipó, dua ipakalepó.

³⁶ Mepaae so wh̄j faleyóló fokosoi ala yóo, mepaae so wh̄j ti dirii k̄piné dokóló *dipula* beteroó dua yalepó.

³⁷ Mepaae so wh̄j kapo duné d̄oo, mepaae ti ni tikitere *saw* fosóné fosóné tuamó tek̄etamo yóo, mepaae b̄oe dele sepakené d̄oo, dua ipakalepó. Mepaae so wh̄j h̄ko kuturaalu kutikélé nokole ʔla ó bekélé meitepa, *sipsip* ó *meme* hupu sek̄ae bukutua yóo, Atima mo yoleale betepa, susupui alaró kae kae dowi alatamo eróo dua yalepó.

³⁸ Atima atei kaae sek̄é su betale so wh̄j kolósu, i haemó betó mole mo so wh̄j kolósu depa, sek̄é sere so wh̄jiné atima mo belei aʔróló teraae falapó. Sek̄é sere so wh̄j atima torokó kuturaalu, kópu k̄aae fi tikimókélé, hasi fosómókélé, kapo dolomókélé, hae dolomókélé, h̄ko fité kutua ipakalepó.

³⁹ Ai dos̄ayale so wh̄j atimakó mo bet̄ ʔ wh̄jinékélé Talené melaalopó yale ʔla sinipatei, kisipa tiró betere ala kilitu, Talené mo wisirapóló atima dukiralepó.

⁴⁰ Atimapaee erale alaró d̄apaae er-aterere alatamo, touróló eraté fóló mo ti kemerópóló, Kótóné atimapaee erale ala bosenóló, d̄apaae eraaire ala wisinaale ama tukóló mulalepó.

12

Kótóné ama naale senaale k̄paae fupa, donoróló deké sua dapó

¹ Térapa, Kótóné doasi alarape eratepa kelalepóló u hope deté wale so wh̄jiné d̄a bopéro betera. Atérapa, Talené atima tao sóro erale alamó kisipa tiraterere kilitu, d̄a sururu yóló furaalu, mepaae bi pire ʔla ʔla taae faló, d̄a hapale dée nópóló ekeleper-aterere dowi ala taalóo, yaalopó. T̄etu, Talené muló betere d̄alemó sókó faairaaalu, naase h̄le sururu yóló fótóro tawiepe.

² Atéró furaalu, kisipa tiraterere alakélé amatóro kaaróló, mo ti kemeraterere alakélé Yesunétóro dua dapó. Térapa, d̄ané kelené ai sek̄é ʔtóró kikéyóló kaae tawiepe. Ti take nalopaae hajitere ala mo eratepa kelaalopóló kisipa mutu, ai sek̄é ʔ filipaa ni tómo doasi sek̄ei ala sóo, halei ala eratepakélé me ʔla meipóló h̄le siré f̄oo yalepó. At̄eyale k̄lipaae ʔ hepen-paae fóló,

Kótóné fea ala teterólo kaae tare tikimó, ama turu naase demó betalepó.

³ Ti take dowi ala dere whjrapené Yesu-tamo bóe duraalu, sekei ala apaae eratepatei, hãle beleté fu betalepó. Atérapa, diãpaaekélé sekei ala eratepa, diã fomoyólo haepaae derepaqsóro, ama ai ere alatóro kisipa muae.

⁴ Mepaae whjrapené dowi ala fakerótu betepa, atei kaae dowi ala dorapólo diãné sesé deremó, diã dóló samea sókó faterale ala ini, teópó.

⁵ Ti diãta, Talené ama naalepólo keteké bulótu, ere fo diaaã kisipa keteró beteraépó. Ai fo i ape.

“Yãlo naale-ó, Talené yã donoróturaalu dóló supuratepa, ai bete munire ala dere nisi yaqse.

Aita, diaaã du betere dowi alamó diã foné sirapa, sekei duraalu, hýyólo taalaqse.

⁶ Ti noatepae, Talené ama hosaa mulu yaala sókó fu betere so whj donoróturaalu dóló supuróo,

ama naalepólo dape sere naalerape atimané hãsóko fole alamó kwia melóo, dua dapó,” erapó.

⁷ Diãpaae sekei ala erótu betepa, ti aita diã Talené ama naale donoróturaalu dere alapólo kisipa mutu, beleté fu betae. Ti mé naalekó donoi tũpaae fópólo, ama alimané foné sóro dele ala dumié?

⁸ Kótóné naale senaale fea hãsóko fupa donoróturaalu, supurólo dua dapó. Diã hãsóko folemó, Talené dóló supurénitepa, ti diã ama naale senaale bitini, hõko naale senaale ai ape.

⁹ Ai fotamo olekeyólo me dere fo i ape. Dã fea kóppaae fole sukamókélé, mo hãle betere sukamókélé, sekei ala beleyópólo fotokó bulóturaalu, i haemó betere ayarapené dã donorólo supurótua deretei kisipa muae. Atétere alata, atimané mo dono dapólo kisipa mualepó. Ai ala mo ti bosenólo, dãne kepe teterólo kaae tare Ayané dã donoróturaalu dóló supuratepa, ti ama erópólo ẽ aomó sukólo betenérápó.

¹⁰ I haemó betere dãne mo ayarapené dã tũ wisipaae fópólo kisipa mutu, donoróturaalu sawa sukamó maaté dóló supurótua dapó. Tépatéi, dã Kótóné ama kaae ere wisi ala tuãmó beterópólo kisipa mutu, dã kóppaae fupa ama donorótu beteraépó.

¹¹ Donoi tũpaae fópólo, supuratepe sukamó felé dumi, supu dua dapó. Téyaalotei, ai alané donorólo asa dere so whjta, take nalopaae hosaa muni deyólo mo dua betere alaró, mo donoi alatamo atima tuãmó epa kelaalópó.

¹² Térapa, sekei alané diã fótururólo Talené ala diaaã erótu betereitei haepaae

derepaqsóro, bére hó naase fotokó bulatere ala du betae.

¹³ Diaaã doalére hó mo ti doyaqsóro, diã kweyaaire tũ mo wisiyólo aleyae.

Kótó hýrólo sisópaae eraqsóro hotowaró kaae tawae

¹⁴ So whj featamo bóe dóló hõle sere ala ini, Kótóné ama hosaa muni deyólo dua betere alaró ama kaae ere alatamo, diã tuãpaae erópólo, keteké butu betae. Ti Kótóné ama mo kaae ere ala munire so whjta, Tale mo kelaalomeipó.

¹⁵ Diãkó me whj ama hẽkesere ala sya furaalu, Kótóné hamokorólo hãle tao sere ala hãsóko faqsóro yae. Tétu, diaaã ne notamo mutere dowi hasekãai kisipa so whj feapaae tokólo, me whj doraqsóro, mo hotowaró kaae tawae.

¹⁶ Diãkó mepaae so whj nópu nokole ala ó Kótó faleyólo hõko betale whj Iso kaae betaqse. Ti Iso ẽta, alimané mómu õla õla saaire topo naaletei, ẽ wotepa ai mómu õlané betã be demó naaire õla nomatamo dupuyalepó.

¹⁷ Atéyale kũlipaae kale sekéné ama alimapaee akélé wisiratere fo yae yólo woletamoyaletei, alimané ama dere fo mo wosenipó. Atétepa, ẽ woletamoyalemókélé, ama tuẽ tiki feteyaaire suni, mo hapólu yalepó.

¹⁸ Take Talené so whj fea touyólo bitu, kelené kolólo olaa dere hasi fosó erepó. Ai hasi fosómó si dóo, be mo diliki yóo, doasi beséró hali tikitamo wóo, mepaae mo winé sini alakélé eróo, dua yalepó. Ti diãta, atére hasi fosópaae wénipó.

¹⁹ Ai hasi fosómóta, ukulumó wuti hale yóo, mené fo fakeyólo depa wosóo duraalu, atima atei kaae fo wosetere hõrapa, me yaqse du betalepó.

²⁰ Ti noatepae, Talené atimapaee yólo mulóturaalu,

“Ai hasi daale felekepaae so whj ó hupu, na ó kaae kaae õla fupa, ti kapo duné dóló sukunae,”

ere fo atima wosaleitein faalo wiyalepó.

²¹ Moses-né ai hasi fosómó mo winé sini ala du betepa kolólo, i fo erapó.

“E mo winé sukuturaalu diri furu furu dapó.”

²² Ti diãta, atéyale hasi fosómó wóló bitini, mió diã betere hasiné doita, Saionpó. Ti diã wóló ai betere tikita, hepen bemó Kótóné ama teterólo kaae tare doasi Jerusalem be huluaépó. Ti diãta, *ensel*-rape ni sóku kaae mo dekéro touró bitu, hẽkesetu betere tuãmó wóló ai betere ape.

²³ Aita, Talené ama topo naale senaalepólo sóro betero betere so whj fea touró betere tikipó. Ti ai so whjiné doita, hepen-mó aseýólo muló beteraépó. Ti diãta, so whj feané dere ala taletere

Kótó beterepaae wóló, ama take donoróló betereale so whjné keperape betere tikimó, ai betere ape.

²⁴ Diąta, ama so whj tao saalopóló yóló mulale kisi fo dirirale tuą whj Yesu beterepaae walepó. Ti ai sekéné ama samea so whjné tikimó apuróturaalu yale foné Abel-né sameané dorae yale fo teteró beterapó.

²⁵ Diąpaae ai fo du betere seké diąné sisópaae eraqsóro yae. Ti noatepae, Kótóné kutó dirale mo hae whjné so whjpaee duraału, “Diaaą hoko du betere ala taarénitepa, ti Kótóné kwia melaalopó,” dere fo woseni, sisópaae eraleteiné dowi kwia matere ala atimané mo salepó. Atérapa, hepen bemó betere sekéné dere fo sisópaae erateremó, atimapaee ai erale ala mo bosenóló, ąpaae melaaire dowi kwia netéro ąsókó faalóé?

²⁶ Take Talené ama fo yalemótei hae wore ipakalepó. Téyaletei, mió ama i ala yaalopóló muló beterapó.

“Taketa, hae maaté ąalo woreraletei, mió ti sąró haetamo wusuró woreraalopó,” erapó.

²⁷ Momó woreraalopó dere fo bete i ape. Wore ini, dirire alaró ąla ąlatamo ti enópóló, Kótóné aleyóló muló betere ąla ąla whaaló yóló wore deretei, ti ama woreróló mo aluraalopó.

²⁸⁻²⁹ Kótóné ama teteróló kaae tare alata, mené wore worekélé mo eranénipó. Ti ąata, atére ala tuąpaae fóló beterapa, Talepaae mo kée yóló, ąa witamo ą aqmó sukóló bitu, hekese yaaire ala betą du betaalopa sae.

“Ti noatepae, ąa teteróló kaae tare Kótó ąta, ąla ąla fea doló kemeratere si sų beterapó,” erapó.

13

Mo kemeróturaalu ketekę bulatere fo

¹ Mepaae no netamo yaala sókó fole ala hosaa mo turóné yó tawae.

² Uké wale whj diaaą bepaae wisiyóló dape sóró, ąla melóló firatere ala taaréni, mo yó tawae. Ti noatepae, take mepaae whjrape atima mo kọleaa whjné *ensel-rapetei*, mo whj nisiyóló dape sua erapó.

³ Mepaae no nerape *dipula* betepa, ti diąkélé atimatamo *dipula* betere aą yóló, atima kisipa ąale yó tawae. Tétu, mepaae whjrapené naao no nepaae sekęi ala eratepa, diąkélé ai sekę sere aą yóló, atima kisipa ąale yó tawae.

⁴ Soró whjtamó dokotere alata, mo donoi alapa dią feané hale horótu betae. Whjró sotamo dokore ala folokole yaqsóro, so whj kaetamo fiyóo, whjıkélé so kaetamo fiyóo momókó ąaqse. Ti noatepae, atei kaae nópu nokole alaró kae kae nópu nokole alatamo

du betere so whjta, Kótóné taleyóló dowi kwia melaalopó.

⁵ Dią betere tuąmó *moni* mo doasi bete mole ąla nisiyóló diąné tuę tiki turó ai ąlapaae momókó mullaąse. Téni, meteró ąla ąla mupa, ti aitoró sųpóló kisipa muae. Ti noatepae, Kótóné duraału, “Ę diątamó betereitei taaróló, metikpaae mo faalomeipó. Téturaalu, ąalo dią tao su betere alakélé ąale yótóro tawaalopó,” erapó.

⁶ Ai fo wosetu ąa whaaliani, halaainé i fo dua dapó.

“Talené ama ę tao sóró mo wisiyóló kaae tareteiné, mo whjné ępaae noa kaae sekęi ala eratepa ę wiyaalomeipó.”

⁷ Take Talené alamó folosóro fóló, diąpaae Kótóné fo i ape yóló yó melale whjrape atima Talepaae kisipa tiró bitu du betere ala kąae kolóló, noa kaae du wisi olepa, ti ai ala diąnékélé sųrólo yae.

⁸ Yesu Kerisoné ere alata, take bitiré walepaaekélé, mió i betere alimókélé, nalo betaaire alimókélé, mo betą kaae alatóro ąale yó tarapó.

⁹ Térapa, mió diaaą wosetu betere fo wisi taaróló, kọpaae falaaairaalu, mepaae whjrapené kae fo yó matepa, mo dere nisiyóló wosaąse. Kótóné keletómó wisir-apó yópóló, ąpaae moma yóló nuku betere ąlané atima fotokọ bulóló wisiraaire fotokọ bunipó. Tépateti, ąa fotokọ buóló wisiyóló beterópóló, Talené hamokoróló tao sere ala ąa tuąpaae eratepa, ai ke bole alané betą ąa mo wisiranérapó.

¹⁰ I haemó mo so whjímó Talepaae momaratere whjrapené ąané momatere kapo tómó bilitere ąla naaire sųnipó.

¹¹ Mo so whjímó Talepaae momaratere topo whj *bulmakau* hupu samea sóró Kótópaae momaraai, mo kae tukóló muló betere be kepaae fóló, so whjné dowi ala kemerópóló ai samea dilótua dapó. Tétua deretei, mo hupuné tikita, ti so whj betere tiki taaróló, be bela demó sukųlaa dalótua dapó.

¹² Atétere kaae, Yesuné ama sameanétóro so whjné dowi ala kemeróló, mo kae so whj beteróturaalu, ą doasi sekęi ala sóró doasi be hulua bolaare dopóku aqmó sukųlepó.

¹³ Térapa, ama tikimó sale halei ala ąpaaekélé erópóló, be taaróló ą sukųle tikipaae faalopa fiépe.

¹⁴ Ti noatepae, ąa mo ti betaaire doasi be hulua mekó i haemó tenipó. Téretei, take ąa mo ti betaaire doasi be hulua kelaai kisipa mutu, ąa kaae tawóló i betere ape.

¹⁵ Térapa, Yesuné ąa fotokọ bulatepa, mo wisi ąla Kótópaae mótu dere kaae, Kótóné ama doi sóró horatere ala suka fea yó tawaalopa sae. Ti ąa teteróló kaae tare Kótó ą etei kaae Tale beterapóló, ama doi sóró

horatere alata, kutómó ọla wisi su dere kaae erapó.

¹⁶ Mepaae ọla ọla yayątere so whị tao sóró matere alaró eratere wisi alatamo kisipa keteréni, hąle yó tawae. Ti atei kaae alata, Talepaae hąle matere ọla wisi kaaepóló Kótó ą mo hękeserapó.

¹⁷ Dią Keriso so whị kaae tare whįrapené dere fo wosóló, atimané tẹteróló kaae tare aqmó betae. Take nalo Talené atimapaae so whị netéró kaae tawaleé? yóló wosetepa, atima etéró kaae tawalepóló tokó melaalopó. Atima kutó hękesetamo diyópóló atimané dere fo wosóló sya fae. Ai ala initepa, ti atimakélé kisipa sekẹtamo dituraalu, atimané ditere kutóné dią tao sere alakélé yaalomeipó.

¹⁸ Talené ą tao sópóló momarótu betae. Dąné du betere ala dąnétei taleyalemó, so whị dilikitere ala me bunipó. Dąné du betere ala fea so whinė taleyóló, mo dono ala dapó yópóló, i ditu betere ape.

¹⁹ Yąlo diąpaae i dere fota, ẹ diątamo be-taii hapale wópóló, momarae yóló dapó.

²⁰ Kótóné so whị tao sóró mo ti muó tawaaire fo, Yesuné ama sameané diriróló mulalepó. Atéreteiné, bóe firóló mo dua betere ala kaarótu betere Kótóné, ą tẹteróló kaae tare whị Yesu ą momó kepaaró beterapó. Atéró kepaarale seké ąta, Talené *sipsip* hupurape kaae tare doasi fotokọ bole topo whị beterapó.

²¹ Ai Kótóné ama kisipa mole ala diaaq mo sýmó erópóló, amatei wisi wisi alaró wisi tuẹtamo dią tuąpaae mo sұraalo ai ape. Atétu, Kótóné ą hękese yaaire ala Yesu Kerisoné ą tuąpaae erópóló yae. Ai sekéné doi doasi mulóló, hale sóró horatere ala hąle deté fu betae. Mo kée téyópóló yae.

²² No nerape-ó, yąlo hąlekeróló i dere aseta, diaaq wosóló kisipa yaaitere sų i dere ape. Térapa, Kótóné ala etéró erae yóló asemó ketekẹ bulóturaalu, i deté wou betere ma fo wosaalo hų yaqse.

²³ Dąné no Timoti *dipula* sókó wóló beterapóló, diąpaae i dere ape. ą ẹ beterepaae hapale wapa, ti dąmo wusuró dią kẹle waai kisipa mutapó.

²⁴ Dią tẹteróló kaae tare whįraperó Kótóné mo kaae beteró betere so whị featamopaae yąlo kọleó dapó yae. Itali hae kwiamó wale Keriso so whinėkélé diąpaae kọleó dapó.

²⁵ Talené ama hamokoróló tao sere ala dią fea tuąmó muó tanópóló yae.

Jems

¹ I dere ašeta, Kótóró Tale Yesu Kerisotamoné kutó diratere wh̄i Jems-né dapó. Diā Kótóné ama 12 fake so wh̄irapetei torokó faróló, kae kae tiki daae mole so wh̄i kuamó betó mole mo nerapepaae k̄leó fo i dere ape.

Sekei alané d̄ané tué tiki tiiró betere ala k̄aae kolóló s̄u sirapó

² Ȳalo hosaa mole no nerape-ó, mepaae kae kae sekei alarape dīapaae wapa, ita ę̄ k̄aae kelaai dapóló h̄ainé sukutu betae.

³ Ti noatepae, ai wou betere sekei alarapenáta, diāo Kótópaae tué tiki tiró betepa k̄aae kolóló s̄u ai sere ape. Ai s̄u sere alanéta, diāo du betere wisi ala taaréni, yótóróti tawópóló fotok̄ bulótu betereitei, dīané ai tuére ape.

⁴ Ti atétu betere alanéitei, diāo hosaa tuamó wisi ala mulu, wh̄i wisinaale beteraté fole ala tuamó tikini, h̄ale deté fóló kemene fole kwiamó sókó f̄póló yae. Téturaalu, me alakókélé ȳaȳani, mo turó s̄u yaalo ai ape.

⁵ Dīakó mepaae so wh̄i detamo Kótóné ala eraairaaalu fosó fosó kisipa tiki wisi ȳaȳatepa, ti mo turó mótu betere Kótópaae wosae. Atétepa, Kótóné wosóló taaréni, ą̄ mo hamokore seké betereiteiné dīa feamó mo melaaló ai ape.

⁶ T̄eyaalotei, mepaae wh̄iné Kótópaae woseturaalutamo ę̄paae i ala eraalopé neȳalorópó yóló kisipa tamo muni, mo ą̄paaetóróti kisipa tiki tiró bitu wosae. Ti atei kaae kisipa tamo mutere so wh̄ita, beséné w̄ei upaae só fua, ipaae só wuatere kaaené kelerapó.

⁷ Atei kaae kisipa mutere wh̄iné Talepaae kematere ę̄la mo bet̄akókélé saalo nisi yaę̄e.

⁸ Ti ai sekéné ama kisipa tamo moleteiné, ama dere alarape fea diriyóló bitu ini, h̄ale tómó dakeró bitu dua dapó.

⁹ ę̄la ę̄la meiyóló h̄ale yoleale betere Keriso nota, doasi doi mulapóló h̄ajturaalu bopé faketu betae.

¹⁰ ą̄ta atétu betaalotei, fea ę̄la ę̄la tare néli wh̄ita, doasi doi muni, sókó dei beterapóló bopé faketu betae. Ti noatepae, néli wh̄iné ama dere alata, kale h̄ale yó mole ne fua hapale dulukó fu dere kaae yaalo ai ape.

¹¹ Atétere kaae dirii suka duraalu, suka supuné ere ę̄la sóku botó yóló dulukó durupuraalu, ama ere au kelené kelaalo kokó yaletēi dotua dapó. Atétere kaae, néli wh̄iné ama du betere ala deté fu betepatei, alu deté fu betaalo ape.

¹² Wh̄i me de ą̄paae doakale sekei ala wapatei, haepaae derepéni, beléetóro tare

wh̄ita, Kótóné wisiró betereiteiné h̄ainé sukutu beterapó. Ti noatepae, ai sekei alané k̄aae kelaai s̄u siré fu betero kemene folepaaekélé haepaae derepéni, diriyóló daapa, ti atétere wh̄i sururu yóló fu folosóro sókó fole wh̄iné topo tao su dere kaae, mo ti betere bete saalo ai ape. Ti ai betere beteta, Kótóné ą̄paae yaala sókó fole so wh̄imó melaalopóló, taketi ere ę̄lapó.

¹³ Me dowi ala yópóló s̄u seremó me wh̄iné duraalu, ita ę̄paae Kótónéitei eratapó fo ekésé. Ti noatepae, Kótó ą̄ dowi ala yópóló, me alané s̄u seni yóo, amakélé me wh̄i dowi ala yópóló s̄u sóo, dumipó.

¹⁴ Tétumitei, hupu dópóló he tenóló ama ek̄leyóló nokole ę̄la he dolomó mulótu dere kaae, d̄a so wh̄i dokó feané hosaa tuamó mutere kisipanéitei dowi ala yaai ek̄leyóló, au nuku beterapó.

¹⁵ Atéro au nóló kisipa sere alané sorape naale derótu dere kaae dowi ala kaaratapó. Atéro naale yóló ę̄lumétepa ditu dere kaae, ti kale dowi ala foparóló h̄akeamó depa kilitua dapó. Atéro kale naale doayóló mo doasi wh̄i bitu dere kaaeta, dowi ala faketuraalu sukutere ala kaaratapó.

¹⁶ Ȳalo hosaa mole ne norape-ó, mené kapala fonéitei dīa dilikaę̄sóró yae.

¹⁷ D̄ané Aya ą̄ ó hepen bemó ere de wisi-naale tuamó bituraalu, d̄a i haemó betere so wh̄ipaae wisi alaró wh̄iné ę̄latamo betere dokó fea mo turó mótua dapó. Ai sekéné ama dere alata, wh̄i sukamó daatepa aso h̄aleketu, f̄lotu dere kaae dumipó. Betere dokó fea ama erótu betere alata, mo bet̄a kaae alatóroti eró tarapó.

¹⁸ D̄ané kale mo fo wisi woseté fu betereiteiné, ama naale senaale beteraai dapóló, amatei d̄a sóro beteralépó. Taketi Talené ama kaaróló muló betere ę̄la fea yó mupatei, d̄ata folosóro doasi topo ę̄la beterópólópó yóló kisipa mutu, deyóló beteralépó. Atéreteiné d̄ata mo ama so wh̄itóro beterapó.

Dere fo wosóló taaréni, sya fae

¹⁹ Ȳalo hosaa mole no nerape-ó, i dere fo mo wisiyóló wosóló tué muae. Dīa feané kale fo wisi woseturaalu, deka ini, keteké buóló mo wisiyóló wosae. Mepaae fo yaairaaalu, hapale h̄oko ini, mo dua tué tekeyóló yóo, me wh̄iné ya fopaae buópóló sesemeratere fo depakélé, kisipa tekeyóló me ę̄la meipóló mo dua betóo, yae.

²⁰ Ti noatepae, mo wh̄iné atéro fopaae butere alané Kótóné ama mo donoi naale senaale beteranée yóló mole kisipa eranéniépó.

²¹ T̄érapa, Kótóné keletómó mo kelaalo sonaalei dowi alaró i hae kwiamó mole kae kae dowi alatamo momó kae ini, mo ti taaróló kisipa keterae. Atéturaalu Kótóné fota, d̄a

aluyaqsóro tao saaire fopa, ɔla wae hae wisimó bitu dere kaae, naao tiki tuɔpaae derepópóló mo ketekɛ buóló sae.

²² Kale fo ɥale woséliné maaté wosóló taalatepa, ti naaoitei kapala ya ai dilikitu betere ape. Ai ala ini, ama yaɔpaae erae du betere fotóróti mo eró tawae.

²³ Mepaae whi dené Kótóné fo wosóta deretei, ama yae dere ala mopóló erénitepata, ti etei ala dere kaaepó. Whi betané ama kelepaa *klas*-mó fopeyóló, ɔ faaire tikipaae fulapó.

²⁴ Atéró furaalu, ama kelepaa etei daapa kelalepóló kisipa yó tani, mo hapale téti keterótua dapó.

²⁵ Téretei, Kótóné ama tukóló muló betere fo dokonaletéine so whi dokóló moletéi ɥale fópóló erótua betera. Mepaae whi dené ai fo wosóló kisipa keteréni kutirimó mulóló eraté fu betepa, ti até dere whiné ama du betere ala tuamó Kótóné ɔ wisiraalopó.

²⁶ Téretei, mepaae whi denétamo ɔ Kótóné ala erótua betere whípó du bitutei, ama dere fo fea wisiyóló tué tekeyóló ini, dowi fotamo dekaaporóló du betepa, ti ama ai dere fonéti ɔ dilikóló, Kótóné ala erótua betereiteikélé mo ɥale ɔla kaae alerata. ²⁷ Dáné Aya Kótóné keletómó so whiné Talené ala eróturaalu, kae kae alatamo hosekényi, mo donoi alata, i ape. Bokonaale naale senaaleró wulia sorapetamo seke yaqsóro tao sóo, depa, ti Kótóné ama mo donorapóló kisipa muaalopó.

2

Doi mole whi wisiyóló dape suraalu, doi munire so whi sisópaae eraqse ere fo

¹ Yálo no nerape-ó, da teteróló kaae tare Tale Yesu Kerisota, Kótóné ama kae ere de wisi naale ɔ tuamó faanapó. Atéró betepa da ɔpaae tué tiki tiróló betere so whiné, mepaae doasi doi mole whirape dape suraalu, mepaae sókóte betere so whirape wisiyóló dape sinitere ala yaqse.

²⁻⁴ Atéturaalu, diá betápaee touratere sukamó *kold kapané* aleyale bi naasemó bulóló kutikélé kelaalo kokoi deróló wale whi wisiyóló dape sóro ni fake wisimó beteró, dowi derákele kuti deróló wale yoleale whimo tumó daayae ó ɛ betere aq keya tómó hqko betae yóo, dere-a diá Talere kaae kele fosóru, tale du bitute? Diaa atétere alanéte dowa kisipa mutu me whi só deratere whi sɔ ai betere ape.

⁵ Yálo hosaa mole no nerape-ó, i dere fo mo wisiyóló wosae. I haemó betó mole so whirapené duraalu, ai whirapeta, me ɔlakélé meiyóló mo yoleale yóló betera apó dua dapó. Tépatéi, ai whi kisipa tiki tiratere ala mo turó yópóló Kótóné amatei sorokó su yóló kae betero betera. Atéru,

Kótópaae yaala sókó fu betere so whirapené ti Kótóné teteróló betere ala sópóló yóló muló betere fo dokonóturaalu, take atimané mo saalopó.

⁶ Tépatéi, diaaɔ yale alané atima yoleale yóló betere whirape hale seróló só ai derale ape. Kale doasi *moni* tare néli whirapené noa alamaaté diaɔpaae erótua deró, diaaɔte tui tekeyae. Diá dilikóló diaaɔ tare ɔla sua yóo, diáta mo tokótamo yóló só derótua yóo dere-a, némaaté dua de?

⁷ Ai whirapeta, diaaɔ tikimó muló betere Talené doi wisinaale dorótu betere ape.

⁸ Da teteróló kaae tare Tale doasi whiné asemó yae yóló muló betere fo wisinaale i ape. Naaoitei ya yaala sókó fu dere kaae, mepaae so whirapaaekélé atéró yaala sókó fu betae. Atétu betepata, ti mo wisi ala ai du betere ape.

⁹ Tétu bitutei, me whimo wisiyóló dape sini yóo depata, ti kale yóló muló betere fo tukóló dowi ala ai dere ape. Atéturaalu, ai kale yóló muló betere fonéte ya só deró betera.

¹⁰ Ti noatepae, Kótóné yae yóló muló betere fo fea mo wisiyóló sya fóló erótua bitutei, betá alakó ɥasókó fóló depata, ti Kótóné yae yóló muló betere forape turó ai tikire ape.

¹¹ Ti noatepae, fo yóló mulóturaalu, so ɔlémi naqse dere sekényéte whi daqse fokélé tukóló muló betera. Mepaae whiné so ɔlémi nokole ala ini, whi dele alamaaté depa, ti ai whíta kale yóló muló betere fo tikitu betere whi ai betere ape.

¹² Mepaae whinéte mo i yae yóló tukóló muló betere fo sya fóló erótua betepa, ti ai whi me dowi alané só derényi, wisi kisipa betá muóló ɥale fópóló eraalo ai ape. Atéró ɥale fópóló eratere alané take waaire sukamó doasiné yóló muló betere fo kolósu dáné du betale alaró du betale fotamo kolósu yóló taleyaalopó. Téyaalopa, diaaɔ dere foró du betere alatamo hotowayóló kaae taru, kisipa tekeyóló du betae.

¹³ Ti noa yaqsóro meipó. Mepaae whiné me whi ɔleteré alakélé ini, dupumaaté saalopó du betepa, take doa Talené taletere sukamó ɔpaae ɔleteré alakélé ini, ama yale dowi alamó kwia tokó mótu mo donotóro melaalo ai ape. Téyaalotei, mepaae whi dené me whi kolené sukuturaalu me ɔla meipóló taalatepata, ti ama yale dowi alamó dupu melaai yaletéi, teteróló aluraalo ai ape.

Tué tiki tiratere ala sya fóló mo erae

¹⁴ Yálo norape-ó, whi betané duraalu-tamo ɔta Kótópaae tué tiki tiró betera apó du bitutei, ama me wisi alakó initepa, ti ama ai du betere ala wisirapóló tué mute? Atéi

kaae tué tiki tiratere alané ʔ aluyaʔsóró sumó tao senénipó.

¹⁵⁻¹⁶ Motamo mepaae no ó nené ama deraaire kutiró naaire ʔlatamo meipa kilirutei, diʔkó betʔ whiné ʔpaape duraalu, “Ya mo wisiyóló fóló ʔla nóló, noke fitukélé wisiyóló fiyae,” fo dutei, ama ʔʔʔare ʔlarape tao sóró menénitapata, ti naao ai dere ala fea wisirapóló kisipa mute?

¹⁷ Atérapa, naao mo dere alakélé tué tiki tiratere alatamo suróppóló dekaaporóló ini, tué tiki tiró betere alamaaté epa, ti ai tué tiki tiró betere ala sukóló mo hʔle ʔla kaaené kelerapó.

¹⁸ Térapa, whi mené etei kaae fo yaalo ai ape. “Naao du ʔʔ Kótópaee tué tiki tiró betere apó fota ai dapa, ʔʔlokélé wisi ala erótu betereitei kʔae kelaai dʔmo i ala yaalopó. Wisi ala mekókélé initutei, naao tué tiki tiró betere ala kelaalopa, ʔpaape yó ʔlae. ʔʔlokélé Kótópaee tué tiki tiratere ala naao kelaasepóló, wisi ala eróturaalu ʔʔpaape yó melaalopó,” fo enérápó.

¹⁹ Mo betʔ Kótótóróti beterepóló, naao tué tiki tiró betereiteita, ti wisirapó. Kale dowi keperapenékélé Kótó mo beterepó kisipa muturaalu, wiyóló diri furu furu ai du betere ape.

²⁰ Kisipa tiki okoko yóló betere whirape-ó, diaaʔ me wisi alakó inituraalutei tué tiki tiratere alamaaté epata, bete muni mo hʔle ʔla kaaené kelepa diriyoóló tué muóppóló, ʔʔle me noa alakó yó melaaloé?

²¹ Dané noutere Abraham-né yale ala tué muae. Ama naale Aisak Talepaee hʔle melaairaalu, Kótópaee hʔle matere ʔla sukʔlaa dalaai aleyóló muló betere kane fake tómo beleralepó. Atépa Kótóné kólóló, “ʔta, mo donoi whipó,” erapó.

²² Ti ama kisipa tiki tiróló betere alaró du betale alatamo touróturaalu yale ala kólóló kisipa muae. Ama yale alanéitei Kótópaee tué tiki tirale ala mo turó eralepó.

²³ Até yaleiteita, asemó yóló muló betere fo mo dokonóturaalu erapó. Abraham-né Kótóné dere fo wosóló tué tiki tiró betepa, Kótóné kolóló i whita, mo donoi whipó, fo yóló mulalepó. ʔ Atéró betere ala kilituraalu, i whita Kótóné mo ama hosaa mole fulumu whi ai betere ape dua yalepó.

²⁴ Ti ai yale ala tué muae. Kótóné mepaae whiné tué tiki tiró betere alamaaté kolóló, i whita mo donoyóló fole whipó fo dumi, kale whiné dere alakélé kolóló i whita, mo donoyóló fole whipó du beterepó.

²⁵ Até yale kaae, kale nópu nuku betale so Rahab-né kale bóe sʔ fele whirape ama bepaape dape sóró firóló, ai kale be hulua whiné atima daʔsóró kae turó fópóló doteyale ala Kótóné kolóló i sota, mo donoyóló fole sopó yóló mulalepó.

²⁶ Atérené sukune whi tuamó kepe bete bitinire kaae, Kótópaee kisipa tiki tiróló bitutei, wisi ala initepa, ti ai kale sukune whi ʔrapó.

3

Hape mo hotowaró teteróló kaae tawae

¹ ʔʔle norape-ó, diʔkó me whi Kótóné fo yó matere ala wisiyóló kisipa inirutei, dʔ fea fo yó matere whipóló hʔle hʔko yó mótu betaqse. Ti noatepae, Talené fo yó matere whirape dʔta, mepaae fo hʔsóko fóló yó melótu beterepó, nalo ama taleturaalu mo doa kwia melaaireitei diaaʔ ai kisipare ape.

² Dʔ fea kae kae hʔsóko fole alané dée nalatua dapó. Me whiné ama dere forape hʔsóko fóló dée nanénitapa, ti ʔ me alakélé ini, mo whi wisinaale bitu, ama betere bete turó amatei wisiyóló kaae tanérápó.

³ Atéruraalu, kale hos hupu dʔ whiné faai kisipa mutere tikipaae fópóló hos hupuné ama hape teteraaire diri ʔla kʔlómó hamunótua dapó. Ai hamunale ʔlanéitei, whiné kisipa mutere tikipaae fópóló, ama tiki turó donorótua dapó.

⁴ Meta i ape. Kale mo doakale we ʔ kʔlamó kotere doasi nuku tué muae. Ti ai nukuta doasi ʔla muóo, ama fole alakélé besé tiki fotokónéitei falóo depatei, kale nuku só kotere whiné ama faai fole tikipaae fópóló, mo sawatamo néli fetetepa kutua dapó.

⁵ Atéru ere kaae, whiné tiki tuamó daale hapeta sawatamo ʔlatei, bopé fake duraalu ʔta doasi ʔlapó dua dapó. Mo sawatamo si kelenéitei kaaróló doakale si fakeyóló dukuraalu, ʔla ʔla fea kuló dokoleteti tué muae.

⁶ Atétere kaae, dʔ whi tiki tuamó kae kae ʔlarape daaleitei dané hape betʔta, mo si kaaetóróti dukuraalu, kae kae dowi ala kaarótu betere ʔlapó. Kale wuliné api fulukó furaalu, naaitere mi dorótu dere kaae, hapenéitei dané tiki turó dorótua dapó. Kale sawa si kelenéitei fakeyóló doasi si duku dere kaae, hapené whiné betere bete turó dorótu beterepó. Ai hapemó dokole si-a momó deyaleé? Mo apaae derepale dolomó dó tare dowi simó ai deyale ape.

⁷ Fea kae kae betó mole na, hupu, wuli, kou, ó ba, doa we ʔ kʔla tuamó betó mole ʔlakélé feata, whiné whaayóló bérótua yóo, mió i alimókélé whaayóló béró du beterepó.

⁸ Tétereitei, hape betʔta whiné dere fo wosóló aqmó beterepóló mené béránénipó. Ti hapeta, dowi ala yaai keteké bulu, whi dóló sukunatere herei kaae buóló ʔʔanuraalu, ama yaaitere ala taaréni hʔle yótóro tarapó.

⁹ Ti dané kʔlómó sóko wale fonéitei, dʔ teteróló kaae tare Taleró Alimatamoné doi hale sóro horótu bitutei, Kótóné ama aso

süróló aleyale so whíkélé foné só deróló dorótu beteraþó.

¹⁰ Betá kólómótei Talené doi sóró horatere fo yóo, whí fale yóló doi doratere fo yóo, ai du betere ape. Yálo norapé-ó, aita mo enei ala meitei, diaaþ ai du beteraþa taalae.

¹¹ Betá weí aþale mótei, wisi weíró dowi atukú weítamo wale?

¹² Yálo norape-ó, nose tikimó *Olip* du ó kae ni du oleyaalóe? *Wain* kípimó nose du oletua de? Meipó. Dowi atukúþamo wale weí aþalemó wisi weí sókó wómipó.

Haemó mole fosó fosói kisiparó Tale betemó wale fosó fosói kisipatamó

¹³ Diákó mé whí Kótóné bete mole fo mo wisiyóló tué muluraalu, ama kisipa mole ala eraai fosó fosóere? Atéró mole kisipa wisi, so whí feané kolóþóló wisi alarape hakeamó erótu betae. Téturaalu, Kótóné tué wisi tuamó kaaróló sókó wale mo dua hemée deyóló bitu du betere wisi alané ai fosó fosóere ala hakearatapó.

¹⁴ Téþatei, diaaþ hosaa tuamó dei kisipa muóló alale suraalu, ekelé u whí kaae doasi betaai dapó kisipa mutepa, ai wisi ala nisiyóló bopé fake yaqse. Atétu betereiteiné kale mo bete mole fo kapala nisiyóló faletu beteraþó.

¹⁵ Atei kaae fosó fosói kisipa mutereiteita, ó hepen bemó kaayóló dorowómitei, i haemó betere dowi keperapené mulatere kisipa ai ape. Ti ai kisipata, Deí Kepe Wisiné kaaréni, i haemó mo whíné kaaratere kisipapó.

¹⁶ Ti noatepae, etóro doasi topo whí be-taaitapóló, ama yaaitere alamaaté kisipa muóló alale su betere tuamó hále hõko alarape duraalu, kae kae dowi alarape sókó wapa kelaalo ai ape.

¹⁷ Téretei, hepen bemó kaayóló dorowou betere fosó fosói kisipa tikiné dere alata etéropó. Me kisipatamo hosekényi mo betá alatóróti yó tare alata, mo folosóro bete mole ala ai ape. Ai alané sisóþaae fopaae fokélé ini, mo dua betere ala yóo, mepaae whíné tué tiki seké yaqsóro tué tekeyóló dua du betere ala yóo, doasiné dere fo wosóló aqmó sukóló dua betere ala yóo, kólené sukóló wisi alamaaté eratere ala yóo, mepaae doa doi mole whírapepaae eratere ala kaae, hõko sókó dei betó mole so whíþaaekélé betá alatóróti eróo dere alata, me kapala fotamo dekaaporóló ini, mo fotóróti buluraalu dua dapó.

¹⁸ Hõle sere ala taaróló, mo dua betaalopó yóló hõle filitere whírapeta, hosaa muni deóló mo dua betere ala tuamó bitu, kutómó ¼la wae wisi bilitu dere kaae du beteraþó. Atéroró ¼la uluméþa su dere kaae, so whí feané me alakélé muni, mo donoi alatóró yaaalo ai ape.

4

Kótóné tetéroló kaae tare aqmó dua betae

¹ Diá tuamó fopaae buturaalu, hõle sere alaró huri dere alatamo-a, noa betené kaarótu betere? Aita hále kaani, kae kae alakó enée yóló ekele du betere alanétei diaaþ tué tiki tuamó bõe dolótu betepa, hõle sere alaró huri dere alatamo ai du betere ape.

² Diaaþ mepaae ¼lakó senée yóló kisipa mutu betepatei sini yóo, diané au nólo whí du bitutei diaaþ kisipané senée dere ¼la mo sini yóo, diá huri yóló fopaae buturaalu hõle su betóo, du beteraþó. Diaaþ kisipa mutere ¼la saaitapóló Kótóþaae wosenitereiteiné ai senée dere ¼la sumipó.

³ Diaaþ Kótóþaae me ¼lakó ¼lae yóló wosetu betepatei, ai ¼la sumipó. Ti noatepae, diané ekele yóló senée du betere ¼la saairaalu þpaae wosetu betepa ama matepa sórómo, diaaþ ekele ala yaai mole kisipa ama kilitu móþumipó.

⁴ Diá i haemó kae kae du betere alatamo nópu nuku betere so whírape-ó, i haemó du betere alatamo fulumu du betere betené Kótó hõrólo bõe du betereitei diaaþ kisipanié? Mepaae whí de i haemó mole alatamo fulumu kisipa mutupa, ti Kótóné bõe whí ai alée fole ape.

⁵ Kótóné asemó yóló muló betere fo i ape. Ða tuamó betere Deí Kepe Wisiné ða Kótóné ama dokore sopa, whí me kaetamo fulumu ini, aþamotóro fulumu yóló beteroþóló doasi keteké butu beteraþó, ere fo-a bete munipa hále aseyalé?

⁶ Téretei, Talené ða ama hále hamokoróló tao su betere tómo beleróló miókelé hále tao suatóro yó tarapó. Atétere betené i fo aseyóló muló beteraþó.

“Bopé fake du betere so whí atima yaai dere ala yaqsóro Kótóné sesé yóo, haemó sókó deyóló betere so whí ti ama hále hamokoróló tao sóo, du beteraþó,” erapó.

⁷ Kótóné ama diþpaae eraai kisipa mutere ala eróþóló, ama tetéroló betere aqmó sukóló mo dua betae. Dowi ala yóþóló dée nalatere topo daale kepené diá dée nõþóló sý sere ala ai du beteraþa, sesétu betae. Atéþepata, ti diá taaróló a botokó faalo ai ape.

⁸ Atéroró diá Kótó betere feleþepaae bití wapa, ti akélé diá betere feleþepaae wóló betaalopó. Diá dowi ala du betere so whí-ó, diaaþ bóþure naase wisiyóló fukutu betae. Tué tiki dekaaporóló betó mole so whí-ó, diané mutere dowi kisipa taaróló, wisi kisipa betá diaaþ hosaa tuamó muóló betó muae.

⁹ Atéroró, diaaþ du betere dowi alamó kisipa mutu, deþené sukóló moló yóló wole

du betae. Diā hēkeseturaalu dō nokole ala taaróló, fomaake kisipa mutu dekenē sukutu moló du betae.

¹⁰ Atéturaalu, Talené keletómó diaaqteí mo dua sókó deyóló betepa, ti amatei diā sóró horaalo ai ape.

¹¹ Norape-ó diāsisitei eraterere fo yaqse. Whī me denétamo ama no só deraterere fo ó eraterere fo depata, ti Kótóné yae yóló tukóló muló betere fotei, faleturaalu taleyóló só deratapó. Ti diaaq atéró kale tukóló muló betere fo taletu betepata, ti atétere sukamó diā ai fo aqomó sukóló bitini, ai fotei tēteróló taleyóló só derótu beterapó.

¹² I ala yae u ala yaqse yóló tukóló muló betere fo bete Tale mo betātóróti bituraalu, so whī feané yale ala fea amatei taleyóló kwia melaalo ai ape. Ai sekéné amatei so whī aluyaqsóró tao sere ala yóo, mo ti doraterere alakélé eróo enérápó. Téyaalopa, naao be whī so whī taleyóló só derótu betere fo-a, ya Tale kaae bituraalu du bitu de?

Bopé faketuraalu, nalopaae i ala yaalopóló foné hāle hōko yaqse

¹³ Térapa, i dere fo mo wisiyóló wosae. Diā mepaae whīrapenē etei kaae fo dua dapó. Mió ó dó dā me doasi be huluapaae fóló bituraalu, *moni* saai kae kae kutórape ditu betepa, ba fo betā kemeraalopó dua dapó.

¹⁴ Ti diaaq dó yaaire ala tuē inirutei du beterapó. Diāné betere beteta, noa ala kaaené kelere? Hīka epo mupa suka sókó huturaalu, epo hapale turukó falótu dere kaae, diāné betere betekélé ai ala erapó.

¹⁵ Ti ai yaalopó dere fo taaróló, i fo depa wisirapó. Talené ama kisipa mole alapata, ti dā bitiré furaalu, ai ala mo yaalo ai ape.

¹⁶ Ti diaaq atei ala yaalopó du betere fota, diā bopé fake duraalu dapó. Atéró du betere fo feata, ti dowi alapó.

¹⁷ Térapa, mepaae whīné eranéere wisi ala mupatei erénitepa, ti aita dowi ala ai ape.

5

Néli whīné mepaae yolealere whīrape sekei ala eraqse ere fo

¹ Atérapa, diā doasi wisi wisi ǵla tare néli so whīrape-ó, diaaq i dere fo wosae. Diāpaae waaire sekei alamó kisipa muturaalu, wole yóló moló du betae.

² Diāné tare wisi wisi néli ǵlarape fea kēlaa yóló, kutikélé ero siné turukóló mo ti ai doró betere ape.

³ Diāné tare, *kold kaparó silpa kapatamokélé* hoti dakóló ai do yale ape. Take taletere sukamó kale hotinéteí diā só deróturaalu, diaaq tiki mi mo siné kaae dukulé fu beteró kemeraalopó. Até yaaireteita, diaaq wisi wisi néli ǵlarape ukusituraalu, betāpaae yóló muté hutu

betaleteinépó. Atéyaaire be dē teópatei, mió kaae sóró sekei ai su betere ape.

⁴ Diaaq kutórapemó yó mole ǵla ǵlumétepa siré kotere whīrapenē saaire *moni* turó meni, mepaae kwia diaaq kemei dekée sale *moninéteí* diā só deróturaalu, fo fake yóló ai du beterapa wosae! Ai kutómó ǵla siré kotere whīrape atimané dupu sūnipóló dere fo Talené ama mo wosetu beterapó.

⁵ Diā i haemó bitiré wale sukamó wisi wisi ǵlarape diāmaaté ekeǵeyóló nukulé ai fu betale ape. Até deté fu betaleteiné, daaire hupu whaaturaalu, seraayópóló ǵla wisiyóló mótu dere kaae, diaaq du betale alanéteí diaaq tiki ai botokorótu betale ape.

⁶ Atéturaalu, diā néli whīrapenē me dowi ala inire whīrapetei, diaaq só deróló du betaletépó. Diaaq atétepa, atima sesé yaairekélé mo sūnipó.

Sekei ala eratepa haepaae derepéni, hāle belée tawae

⁷ Yaǵo norape-ó, Tale waaire be dē teópa, mo dua bitu kaae taté fu betae. Kutó ditere whīné kutómó ǵla wae biliyóló sukaró halitamo wópóló kaae taruraalu, ama ke kutómó ǵla wisi saai kisipa mutu, kaae tawóló betere ala kisipa muae.

⁸ Atétu dere kaae, Tale mo felekemó waalopa, diākéle mo hotowayóló kaae taruraalu diriyóló betae.

⁹ Norape-ó, diaaq mepaaenē dere fo wosetere hóturaalu, no hamoma dokó dokó yaqse. Diaaqtamó ai ala depa, ti fo tokótamó yóló diākéle só deraalo ai ape. Atéró tale dere sekei, ti mo felekemó sókó waaí tū serekemó ai daale ape.

¹⁰ Norape-ó, take betale Kótóné kóló whīrapenē Talené fo erótu betere mó doasi sekei wapa me ǵla meipóló beleté fu bitipakalepó. Atérapa mió diāpaaekélé sekei ala wapa, atimané yale ala kaaetóró sya fóló yae.

¹¹ Take betale whīrapepaae sekei ala wou betepa, faleyóló bitu Kótóné erae dere ala yó taté fu betale whīrape atimané yale ala kisipa mutu, dā mió betere so whīné atima doi hale sóró horóturaalu, Talené tao sóró wisiró betere whīrapepó du beterapó. Kale whī Job-paae kae kae sekei ala wapatei, faleyóló bitiré fóló nalo kemene folepaae Talené āpaae erale ala diaaq ai kisipa ere ape. Tale āta, kōlené sukuturaalu, dā so whī tao sere ala mo turó fāanapó.

¹² Norape-ó, ó hepen bemó betere Talené doi yóló ó i haemó ere ala doi yóló ó mepaae ǵla ǵlarape doi yóló diāné dere fo diriróturaalu malo momókó yaqse. Diāné motóró yaaitepata, ti épó, yaalopó fotóróti yae. Motamo meipó duraalu, ti mo meipótóró yae. Ténitamo, naao yale fo fotokrórturaalu, kae kae fotamo

dekaaporóló depata, ti ai yale fomó Kótóné
ya só deraalopó.

Tuę tiki tiróló dere moma

¹³ Diąkó mepaae whı detamo me sekeı alané só deraai depata, ti ai whıné Talepaae moma yópoló yae. Mepaae whı detamo hainé sukutu betepata, ti ai whıné Talené doi hale sóró horatere wole forape du beterópóló yae.

¹⁴ Diąkó mepaae whıtamo hepo daae mupa, ti amatei kale Keriso so whı teteróló kaae tanópóló sóró betero betere whırapepaae momarale wópóló yae. Atima wóló ą boperóló daalu, ama tikimó Talené doimó *wel* weı dilóló moma erópóló yae.

¹⁵ Ti atima Talepaae tuę tiki tiró bitu momatepa, ai whıné hepo mo wisi yaalopó. Atéturaalu Talené ą kepaaraalopó. Ai whınétamo me dowi alakó ipata, Talené ama yale dowi ala kwia me ąla meipóló ąale kemeraalopó.

¹⁶ Atérapa, diaaą hepo bete wisirópóló, diąné du betere dowi ala diąsisitei u yó mótu i yó mótu yóló, momatere alakélé u erąle i erąle du betae. Mo donoi alamaaté du betere whıné dere momata, fotokọ boleteiné ąsókó feni, dokonótu mo eraalo ai ape.

¹⁷ Ti Ilajja ąkélé da kaae mo whı bitutei, atima betere haepaae hali waqsóró keteke buóló momatóró yó tawalepó. Atétu betaletéiné, ba fo sore kemeyóló doų ba fo tuąmó halikélé ani, ąale bitiré fipa kalepó.

¹⁸ Atéro bitiré fóló, momómo hali wópóló momayalemó, hepen bemó betere Kótóné hali momó anóló, atima betere haemó ere ąla ąla sokipakalepó.

¹⁹⁻²⁰ Yąlo norape-ó, diąkó whı betą kale mo fo wisi taaróló kóppaae fupa, mené ą momó dapesó wapa i dere fo kisipa muae.

Mepaae whıné atétere whıpaae no-ó, yąta kó tupaae ai fulapa, tu wisi i mole ape yóló yó matepata, ti atétere whıné ama noma dowi alané mo ti alutere tikipaae faqsóró tao sóo, mo dekéro yó tare dowi alakélé mo ti aluróo, yaalo ai ape.

1 Pita

¹ I dere așeta, Yesu Kerisoné doteyale *aposeł* whj Pitané dapó. I fota, Pontus, Kale-sia, Kapadosia, Esia, Bitinia, i dosąayale hae kwiarapepaae dapo dapo yóló betó mole so whjpaae dapó. Ti diąta, Kótóné ama sókó su yóló kae beteé betereiteiné, i haemó uké wale so whj kaae ai betere ape.

² Atéru, Aya Kótóné dią kaaraai teópa, ama tuęnétei mo ama so whjtoró beteéropóló sokósu erapó. Kótóné ama so whjpoló atéru kae betereale alata, Dęi Kepe Wisinétei eró beterepó. Aita, noa ala yaai ini, Yesu Kerisoné ama dere fo wosóló sya fóo, dią Talené ama so whjpoló dąle mulótu, Yesuné samea apuró yópoló erapó. Kótóné ama hamokoróló hąle tao sere alaró hosaa muni deyóló mo dua betere alatamo, mo turó dią tuąpaae eraté fu beteéropóló yae.

Nalo mo ti betere bete saalopóló hątamó Kótóné doi sóró horótu betae

³ Dą tęteróló kaae tare whj Yesu Kerisoné Alima Kótóné doi doasi mulópoló, hale sóró horae. Ama dą doasi kọleyóló tao suraalu, kisi so whj deyóló beterelepó. Atétere alata, Kótóné Yesu Keriso kepaaróló beteraleteiné, take waaire alimó dąpaakélé Talené mo ti beteraaire ala wisi eraalopóló hątamó bitiré fu beteéropóló erapó.

⁴ Atéru bitu, Kótóné dąpaae eraaire wisi alaró melaaire ąlatamo hepen bemó ama mo wisiyóló kaae tarapó. Ai wisi wisi ąlata aluyóló doni, mo ti hąle muó tawaalopó.

⁵ Take kemetere alimó dą aluyaąsóró, Kótóné mo ti betaaire ala hąkearaai donoró betere be dę teópatei ąpaae tuę tiki tiró betepa, me alané dą doraąsóró Kótóné ama fotokọ wase kaae diru, sesétu beterepó.

⁶ Mió i betere alimó, kae kae sekei alané dią kąae kólóló sų seremó dekené sukutepatei, mió ai waaire wisi ala saai dapóló kisipa mutu, dią doasi hąjtu beterepó.

⁷ Ti diąpaae ai wale sekei alané diaaą tuę tiki tiró betere ala mo erapó yópoló, kąae kolóló sų sirapó. Doasi *moni* sere ąla *kold kapa* simó biliyóló mo ąla alerótu dere kaae, sekei alané diaaą kisipa tiki tiró betere ala kąae kolóló sų su beterepó. Kisipa tiki tiraterale ala kolósu, *kold kapa* kolósu depa, kisipa tiraterale ala doasi bete moleiteiné *kold kapata*, ti doayóló mo aluyaalopó. Yesu Keriso wouraalu hąkearatere sukamó, atéru tuę tiki tiró betere so whj feané kilitu, ita Talené ama kae ere dę wisinaaleró fotokątamo eratapóló doasi doi mulóló, hale sóró horaalo ai ape.

⁸ Take bitiré wou diaaą ą kelené kilinirutei, ąpaae hosaa muóo, miókélé

kelené kilinipatei, kisipa tiróo erapó. Atéru, Kótó tuąmó bole haj wisinaale dią tuąmó fąanetei, ai bete eteéropóló me whjné yó melaairetei mo sųnipó.

⁹ Ti noatepae, tuę tiki tiraté fóló kemene furaalu, saaire kwia ti mió diaaą mo su beterepó. Ti aita me kae mei, dią aluni tao sóró mo ti betaaire bete ai ape.

¹⁰⁻¹¹ Ai kale bopeyale tao sere alata, mo take Kótóné fo erale kóló whjrapepaae kale Dęi Kepe Wisiné Kerisopaae eraaire ala i ape yóló yó matepa, atimanémo mo so whjpaae deté wou bitipakalepó. Ai fo dokonóturaalu, Kerisopaae sekei ala mo eróo, ai kılıpaae hepen bemó doasi doi mulaterale alaró mepaae wisi alatamo ąpaae eróo yaletei, mepaae ala ti eraai teórapó. Ai ala eraai teópa, kale kóló whjrapené me noa alatamo touróló eraalorópoló kaae tawóo, ai ala metéli eraalóe yóló kaae taru, bete kekitu betóo, ipakalepó. Ai kale kóló whjrapené bopeyale Kótóné hamokoróló tao sere ala mo dokonóturaalu, diąpaae eratepa diaaą mo su beterepó.

¹² Talené ama kóló whjrapepaae i fo hąkearóló erapó. Diaaą ai ditu betere kutóta, dią maaté tao saai dumi, take nalo betaaire so whjkélé tao saaire kutó ai ditere ape yalepó. Mió ai kale fo wisi yó matere whjrape, ó hepen bemó betere sekéné dotonale Dęi Kepe Wisiné fotokąratepa, atimanémo diąpaae yó melalepó. Ai fota me kae mei, take betale Kótóné kóló whjrapené yó melale fotórotipó. Ai ala bete *ensel*-rape atimakélé tuę inireiteiné, atima kelené du beterepó.

Kótóné kele tómó mo kae so whj betae

¹³ Térapa, diaaąte dią tęteróló kaae taru, Talené ala eraaire tuę betą muóo, Yesu Keriso ą hąkeamó wouraalu dią hamokoróló tao saaire alapaee betą hosaa muóo iru, siki siki yóló ama ala betą erótu betae.

¹⁴ Take dią mo fo bete tuęni hoko bitu, tó tikiné ekęle yóló du betale bete munire ala momó kae yaąse. Tėni, dią ą beterepaae ape yale seké ą mo kae biture kaae, diąkélé atéru, naale senaale hama alimané dere fo mo betą wosóló, aąmó betere kaae yae.

¹⁵ Tėtu, diąpaae ape yale Kótó ąta, me dowi alakélé muni mo kae biture kaae, diąkélé me dowi alatamo hosekėni mo kae bitu, ama ala wisi maaté erótu betae.

¹⁶ Ti noatepae, ašemó ere fo i ape.

“Ę me dowi alatamo hosekėni mo kae beterepaa, diąkélé ę ere kaae mo kae betae,” erapó.

¹⁷ Diaaą Aya-ó, dą tao sae du betere seké ąta, so whj feané du betere ala taleturaalu, mepaae so whj wisiyóló kolóo, mepaae so whj wisiyóló kilini yóo, dere Tale meipó. ąta

mo feapaae betā kaae alatōró erōtu betere Tale betera, diā i haemó uké wale so whī kaae bitu, ā kolóló witamo ama ala betā erōtu betae.

¹⁸⁻¹⁹ Ti noatepae, take diaaō ayarapenē yó tawale mepaae bete munire alarape diaaō tokóló hōko detē faōsóró, Kótóné diā dupuyóló tao salepó. Diā atéró dupuyaletita, doyóló aluyaaire ǫla *silpa kapa ó kold kapané* dupuni, mó whīné *spsip* hupu foheyóló tikimó siri ó me ala inire hupu male Talepaae matere kaae, Keriso ā sukuturaalu sókó fele mo doasi ke bole sameanétóró, diā aluyaōsóró dupuyalepó.

²⁰ Atei wisi ala Yesuné ama erópóló, haeró ere ǫlatamo kaaraai irutei, Kótóné ā sókó sóró tukóló kaae betereǫlipakalepó. Téyaletē, mió i kemetere alimó ama diā tao saai doteyale whipóló, so whī feané ā kolópóló hākearó beterapó.

²¹ Kótóné Yesu Keriso kepaaróló hepen bemó, mo kae ere dē wisinaale tuāmó beteró betera. Yesu Kerisoné ama ai yale alané diā Kótópaae tuē tiki tiró betera. Téru, take nalo Kótóné diāpaae eraaire wisi alaró kisipa tiki tiratere alatamo Kótó tuāmó ai ere ape.

²² Diaaō mió Kótóné bete mole mo fo wosóló sya foletēimó, diāné dowi ala fea fokóló wisiró betera, diaaō no nepaae yaala sókó fole ala diāné hosaa mo turóné di betae.

²³ Ti noatepae, diā Kótóné ama naale senaale deyóló beteró betera. Atéreteita, kēlaa yóló alutere kené deni, kēlaa initere kené derapó. Ti ai keta me kae mei, betere bete mulu Kótóné mo ti muó tare fonétóró diā kisi so whī deyóló beteró betera.

²⁴⁻²⁵ Ti noatepae,
 “So whī fea i haemó betere alata, ne sélitu dere kaae yó,
 atimané tikimó ere au wisinaalekélé haemó yó mole ne fua kaae yó, erapó.

Nekélé hapale séli yó, ne fuakélé hapale dulukó fōo deretei,

Talené ama fota, ti hāle muótóró tarapó,” erapó.

Aita me kae mei, mepaae whīné diāpaae yó male fotóró ai ape.

2

¹ Atéra, Keriso so whī diāsisī me so whīpaae dei tuē mutere alakélé, me whī dilikitere alakélé, wisire nisiyóló tó tikiné hāle sikīli dere alakélé, mepaae whīné dere wisi alamó dei tuē mutere alakélé, me whī hamoma kae kae eratere fo yóló, só deratere alakélé, fea diā tuāmó muaōsóró yae.

²⁻³ Ti Yesu āta, etei kaae Tale wisi beterapóló diaaō kaae kolóló ai kisiparapa,

diā mo teó deyóló betere naale senaale awā naai ekele du dere kaae, Kótóné diā aluyaōsóró tao sere ala wisi mo ti doa yópóló, Dēi Kepe Wisiné matere ǫla betatóró ekele yóló nukulé fu betae.

Āta mo ti betere kane epa, dāta ama sókó sóró kae beteró betera

⁴ Ti Yesu Kerisota, be hulua eleké dere kane fake kaae daalu, betere bete atóró ereteiné, diā ā beterepaae walapó. Mo so whīnéta, ai kane fake hāle ǫla kaae taae fatepa, Kótóné ama ti be tētere kane fake wisipóló, ā tokó sóró kae beteralepó.

⁵ Atéra, whīné mo be tētu dere kaae, diā Kótóné ama ala eratere be daalópóló, diākélé ai kane fake kaae ereteiné, ā beterepaae wóló, ai ti betere kane fake tómó olekeyóló tētu betera. Aita, whīné kelené keletere be meitei, Kótóné mo kae tēne momatere be daalu, diā fea ama kae beteró betere momaratere fakatóró aleró betera. Atéró, diā Yesu Kerisoné fotokorātepa, so whīné mo ǫla Talepaae hāle mótu dere kaae, Dēi Kepe Wisiné dā tuāpaae eratepa, dānémo Talené doi hale horóló, ama ala erótua dapó. Ai alarape Kótóné kilitu, mo wisirapóló ā doasi hēkesetu betera.

⁶ Ti noatepae, asē tuāmó Talené i fo dapó.
 “Ē betere be hulua Saion-mó be tēyaai fótukuróló kane fake wisinaale yaletē foheyóló sókó sóró i mulatapa kēlae.

Mepaae so whī detamo āpaae tuē tiki tiró betepa, ti ai so whī hale dere alakélé mo yaalomeipó,” erapó.

⁷ Tuē tiki tiró betere so whī diānéta, ai kane fake wisinaale mo doasi bete mulapó, dua dapó. Tépatēi, tuē tiki tirénire so whīmó kisipa mutu, i fo aserapó.

“Be tētere whīrapenē dorapóló hāle ǫla kaae taae farale kane faketei, be tēyaaire kane fake wisinaale aléle felepó,” erapó.

⁸ Me fo i ape.

“Ai kane fakené whī kotóo sóró, dée nalóo, dua dapó,” erapó.

Atéró dée nokole alata, hāle mei, Kótóné ama fo wisi wosóló sya feni dereteiné, atima dée nukua dapó. Aita, hāle mei, Kótóné i ala yaalopóló, ere fo dokonóturaalu dapó.

⁹ Atima ai ala erapa, diā take diliki tuāmó betereitei taaróló, mo kae ere dē wisinaale tuāmó betaai ape yale sekéné doi hale horópóló, diā ama sókósu yóló kae beteró betera. Téru, diā tēteróló kaae tare topo whī Yesuné tuē mole ala eróturaalu, momaratere so whī betóo, ama kae betere tēteróló kaae tare ala tuāmó so whī betóo, Kótóné mo ama so whītóró betóo, erapó.

¹⁰ Taketa, diã Kótóné so wh̄i bitinitei, mió ama so wh̄itóró betóo, take Kótóné diã kõleyóló tao sinitei, mió ama kõleturaalu, tao sóo, erapó.

¹¹ Yálo mo hosaa mole no nerape-ó, diã i haemó uké wale so wh̄i kaae betepa, tó tikiné ekẽleyóló du betere dowi ala yaqsóró, tika kae betae yóló, diãpaae mo dirii ma fo i dere ape. Ti ai dowi alanéta, diaaõ tiki tuãmó betere kepetei só deróló dorótu betepapó.

¹² Diã i haemó mo so wh̄itamo hosekẽyóló ai betepa, mo wisi alatóró erótu betae. Mo hãle betere so wh̄iné diã dowi ala dapóló ai só derótu betere ape. Ai fo du betere so wh̄i atima diãné dere wisi ala kilitu, kisipa feteyóló Talepaae wapa, Kótó tuãmó beterepaae wale sukamó atétere so wh̄inétei, ama doi doasi munaalo ai ape.

Doasi topo wh̄iró tẽteróló kaae wh̄irapetamo aqmó betae

¹³⁻¹⁴ Ti Tale aãa, fea ala amatóró tẽteró betepa, diã ama doi sóró horaai, i haemó mepaae kae kae ala tẽteróló kaae tanópóló sóró beteró betere wh̄irape aqmó betó muae. Téru, tẽteróló kaae tare topo wh̄i aqmókélé betóo, ai sekéné dotonater mepaae ala tẽteróló kaae tare wh̄irape aqmókélé betóo, yae. Ti ai wh̄irapeta, dowi ala du betere so wh̄imó dowi kwia melóo, wisi ala du betere so wh̄i ti dukiróo yópóló, sóró beteró betepapó.

¹⁵ Ti noatepae, Kótóné ama kisipanéta, diaaõ du betere wisi alanétei, ai topo dore wh̄irapené diã só deróturaalu du betere hõko forape alurópóló kisipa mutapó.

¹⁶ Ti diãta, dowi alané dokóló *dipula* kaae beteró bitini, hãle betere wh̄i ai betepa, atérótóró betae. Atéró hãle betepapóló kisipa mutu, diaaõ me dowi ala yaai mole tué tiki so wh̄iné kelaqsóró, me alané diã tẽteró kaae tanipó dere foné husuraõse. Aténi, Kótóné ama kutó diratere so wh̄itóró betae.

¹⁷ So wh̄i feapaae fo ó mepaae alarape erótu, atima mo wh̄ipóló kisipa muóló, mo donoi alatóró erótu betae. Atéturaalu, diã fea betã alatóró iru, kisipa tiki tiró betere hamomatamo hosaa mo turó mulu, yaala sókó fu betae. Kótó aãa, doasi Tale betepa, a kilitu wiyóló betae. Téturaalu, kale tẽteróló kaae tare topo wh̄iné doikélé sóró horótu betae.

¹⁸ Wae sóró kutó diratere so wh̄i-ó, diã tẽteróló kaae tare wh̄irapené dere fo wosóló, atima aqmó betó muae. Naameyóló mo dua bitu, wisi ala dere wh̄irape aqmó maaté bitini, mepaae deteraae ere wh̄irape aqmókélé dua betae.

¹⁹ Ti noatepae, me wh̄i dowi alakélé inipatei, mené a fokosói ala depa, ai sekẽ

alané a só deréni, Kótó mo betepapóló kisipa mutu, hãle beletétóró fu betepa, ti wisi ala dapóló ai wh̄i dukiranérapó.

²⁰ Tẽpatei, me wh̄i ama yale dowi alamó a fokosói ala depakélé hãle beleté fu betepapó so wh̄iné a dukiranéni. Diaaõ wisi ala deremó mené diãpaae eratere sekẽi ala hãle beleté fu betepa, ti Kótóné keletómó mo wisi ala dapóló dukiranérapó.

²¹ Diã Talené a beterepaae ape yaleiteita, ai ala yaasepóló yalepó. Ti noatepae, ama yale ala diãné kolóló suróló yópóló kisipa mutu, diã tao suraalu Keriso a doasi sekẽ salepó.

²² Amó kisipa mutu i fo asẽrapó.

“Aãa, dowi ala mo betakélé ini yóo,

so wh̄i dilikóló kapala fo sawakélé ini yóo, yalepó,” erapó.

²³ Atimané a só deróló mo dowi faletere ala depatei, amamo atimapaae tokó matere ala mo inipó. A doasi sekẽ suraalu, diaaõ epaae etei kaae ala eralemó, yálo diãpaae tokó mótu, i ala eraalopó fo inipó. Tokó matere ala taalaturaalu, mo donoyóló talere sekéné a kaae tawópóló, ama betere bete Kótóné ama naase tuãmó mulalepó.

²⁴ Dãné dowi ala yaai mutere kisipata, ti wh̄i mo sukutu dere kaae sukóo, Talené mo donoi ala yaairaalu, ti wh̄i mo biture kaae betóo, yópóló, dãné dowi ala ama tikimó sóró, a filipaa ni tóomó sukãlepó. Téturaalu, ama tikimó kae kae susupu saleteiné, dowi alané diã sukunaai yale ala mo ti kemeró betepapó.

²⁵ Ti diãta, *sipsip* hupu fokó fu dere kaae, take diã kópaae feletei, mió diã momó ai hupu kaae tare wh̄i aqmó betaai, fesaae walepó. Ai sekẽ aãa, diãné kepe betekélé tẽteróló kaae tare wh̄ipó.

3

Dokore so wh̄ipaae dere ma fo

¹⁻² Atére kaae, wh̄iné dokore sorape diãkélé diaaõ wh̄irape aqmó betae. Ti noa ala yaai meipó. Diã dokore wh̄irape mekó Talené fo wosóló tué tiki tirénipa, diaaõtei i ala yae yóló sã yaõse. Téni, diãné dere ala me alatamo hosekéné yóo, Tale mo betepapóló a aqmó bitu, mo wisi ala maaté yóo dere kilituraalu, atima kõleaanétei kisipa feteyóló Talepaae tué tiki tiranérapó.

³ Mepaae so wh̄iné, diã sorape diaaõ tó tikimó ere au kilitu, mo kokõrapó yópóló tó tiki maaté aurótu betaõse. Kae kae õlané diãné topo niki dokóo, *kold kapané* aleyale naase bi ó depa dere meleke ó oleratere kao ó doasi *moniné* duputere kuti wisinaale horóo deretei, doasi bete mole nisiyóló atei kaae õla õlané aurótu betaõse.

⁴ Téni, diã kokõ yópóló dere auta, ti mo hosaa tuãmó erópóló yae. Ti aita,

naameyóló mo dua betere ala naao kepe tuámó epa Kótóné kilituraalu, ita mo bete mole kokqi au erapóló kisipa mutapó. Ti atei kaae kokqi auta, doyóló alu deté feni, mo ti yó tawaalopó.

⁵ Take mo kae beteró betere sorapekélé nalo Kótóné atimapaae wisi ala eraalopóló kisipa mutu, atei kaae kokqi au dua ipakalepó.

⁶ Ti Serané oma Abraham-paae a teteteróló kaae tare whi-ó yóló, oma aomó bitu yale kaae, mepaae mo kae beteró betere sorapekélé, atimané whi aomó bitipakalepó. Sera a atéró oma aomó bitu yale kaae, diá wiyóló furu furu ini, wisi alatóró eraté fu betepa, ti Serané ama senaalerapetóró ai betere ape.

⁷ Diá so dokore whjrape-ó, sorapepaae yale fo kaae, diapaekélé i dere ape. Diá diaaó sotamo betámó bitu, sota whjtamo suni bérápóló kisipa mutu, tao sóró wisi ala maaté erótua yae. Ti noatepaae, naao so diaamo wusuró Talené hamokoróló hãle matere mo ti betere bete saaireteiné, diaamoné momatere ala me alané seséyaqsóró, ma fo i dere ape.

Mepaae sekqi ala eratepa tokq meni, wisi ala betq erótu betae

⁸ Kemerótu dere ma fo me i ape. Me ołamó arale sóró huri dere ala ini, diá fea mo betá tué muóló, dua betó muae. Atéru, me whj hamoma sekq supra, ó dekené sukutepa, ti diaaó hosaamókélé suraalu, kqle yóló tao sae. Tétu, diãtei deróló mo dua bitu, no netamo yaala sókó fu betae.

⁹ Menétamo diapaee dowi ala eratepa, diaaomó atimapaae tokq melaqse. Ti noatepaae, Talené ama wisirateré ala diãné sópóló kisipa mutu, a beterepaae ape yalepó. Atérapa, mené diá erateré fo depakélé tokq meni, Talepaae atimatei wisirae fotei yae.

¹⁰ Ti noatepaae,

“Diá mepaae so whj de wisiyóló hëseketamo bitiré faai depa, ti ai so ó whj ama dere dowi foró kapala fotamo ini, kisipa tekeyóló mo hotowaró betenérápó.

¹¹ Tétu, dowi ala yaaire tãpaae feni, woleyóló wisi ala maaté du bitu, hosaa muni deyóló mo dua betae. Aita, mo doasi topo alapa, Talené diá tuãpaae erópóló, ketekq butu betae.

¹² Ti noatepaae, donoi ala du betere so whjta, Talené wisi kisipatamo kaae tawó, atimané dere momakélé wosó, dua dapó. Tépatéi, mepaae so whjiné du betere dowi alamó Kótó a felé inipa, ama atima sisópaae erótua dapó,” erapó.

¹³ Diaaó wisi ala yaai ketekq bupa, ti né diá doraaloé?

¹⁴ Tépatéi, diaaó mo donoi ala deremótei, mené diãpaae sekqi ala eratepa, me qła meipó, Talené dã wisiró beterepó kisipa muae. Ti asemó i fo erapó.

“Atima me sekqi ala kolóló witeretei diãné kilitu, ai alamó diá wiyaqse,” erapó.

¹⁵ Téní, diaaó hosaa tuámó Keriso qta, dã teteteróló kaae tare Talepóló, diá a aomó sukóló betae. Atépa, mepaae whjiné diãpaae woseturaalu, take nalo wisi ala kelaalopóló suka fea haãtu betere-a, noa betené de? depa, atimapaae tokq melaaire fo donoróló tawae. Atimané atéró woseteré fo tokq móturaalu, akélé Talené aleyóló beteró beterepóló kisipa mutu, naameiné mo dua yae.

¹⁶ Ti noa yópóló meipó. Diá Keriso tuámó bitu, du betere wisi ala mepaae whjiné kilitu, dei tué muóló diá só deraalotei, nalo atimané yale ala kisipa duraalu, hqko ala yalepóló atima haleyaalopó. Até yópóló diaaó hosaa tuámó me ala dekaaporóló muni, mo wisi tuétamo mo alatóróti erótu betae.

¹⁷ Diá dowi ala deremó sekq supra, aita dukirateré ala meipó. Kótóné ama kisipa mole ala wisi erateremó diapaee sekqi ala eratepa, ti wisirapóló kisipa muae.

¹⁸ Ti noatepaae, donoi ala initere so whjiné dowi ala kwia tokóló aluraairaaalu, kale donoi ala dere sekq Keriso a mo betá felítóró sukãletei, momó kae sukãlomeipó. A atéró sukãleteita, diá dapesó fóló, Kótótamo betámó beteraai yalepó. A sukópóló dele alata, ti mo hae whj tiki daayóló betepa daletei, momó kepaayóló beteraleteita, ti mo kepené dere ala tuámó kepaaralepó.

¹⁹ Akélé kepetóró bitu, kepené dere ala sya fóló, kale *dipula* beteró betere keperapepaae fo yó melale felepó.

²⁰ Ti ai keperapeta, Noané nuku aleyale sukamó Kótóné fo tikitu betepa, ama atima hapale kwia matere ala ini, dua kaae taté fu bitipakalepó. Ai alimó betale so whj mo fea wejiné aluróló, 8-ró so whj maaté hãsókó fóló, wejiné sóró kutu betepa atima aluyaqsóró. Kótóné tao serapó.

²¹ Ti take Noa betale alimó, wejiné so whj aluraleteita, dã mió i alimó Yesu tuámó wej tóputere so whj aluyaqsóró, Kótóné tao saaire alapaae dó faróló erapó. Ti wej tóputere alata, tó tikimó ere bólu fokaai dumitei, dané hosaa tuámó mole tué tiki Kótóné ama keletómó mo wisirapó yópóló, dãle mulótu beterepó. Ti Yesu Keriso a kepaayóló betereiteiné diá aluyaqsóró tao su beterepó.

²² Ai sekq a hepen-paae fóló, Kótóné turu naase demó betepa, *ensel*-rapekélé, mepaae ala teteteróló kaae tare doasi doi mole keper-

apekélé, doasi fotokó bole keperapekélé fea a qómó sukóló betó mulapó.

4

Sekei ala wapakélé Talené ala betá hale erótu betae

¹ Térapa, Keriso a mo hae whj tiki daayóló bitu, doasi sekei ala serapa, diakélé ama muale tué kaaetóro muóló siki siki yóló betae. Ti noatepae, mepaae whj sekei ala supa, ti ama du betale dowi ala momó kae enénipó.

² Ai sekei ala sale whj i haemó hale bituraalu, tó tikiné ekelere dowi ala yaai kisipa muni, Kótóné kisipa mole ala eraai bitiré faalópó.

³ Ti noatepae, diá take Kótóné fo woseni hale betale sukamó, mo hale betere so whj atima kisipané yaaitere ala sya fóló du betale kaae diaaqkélé du betalepó. Ti atei ala diaaq sumó yalepa, mió mo ti taalae. Ti hale betere so whjné dere alarapeta, i ape. Hakeamó mo sonaalei nópu nokole alakélé, au nokole alakélé, weji dekeró nóló dere dowi alakélé, touróló ɔla deteremó ɔlaró weitamó dekeró nokole alatamokélé, kuturaalu hoko deté kotere dowi alakélé, bete muni sonaalei kapala kótópaae moma dere alakélé, fea deté fu beterapó.

⁴ Atima betero betere sere ɔla ɔlatamo hale hoko sonaalei ala du betereiteiné, hale besekerótua dapó. Ai ala diaaqkélé tokóló initepa, atimané diá faleyóló kae kae eraterere forape mo dekeró du beterapó.

⁵ Ti ai ala du betere so whj taleyaaire ala hasókó feni, mió betere so whjro sukále so whjtamó taleyaai donoro betere sekéné taleturaalu, atimapaee diaané yale ala fea yae depa, me alakó hiraaire tu muni, mo fea hakeamó enérápó.

⁶ Atére betené, sukále so whj atima sukai hale betepatei, mené kale fo wisi atimapaee yó malepó. Ti aita hale mei, i haemó tó tikiné dere ala sya fóló, taletu betere so whj taleyóló só deróo, kepené dere ala tuamó betepa, Kótóné ama taletere ala atimapaee eraleteiné mo betóo yaalópó.

⁷ Mió i haemó mole alarape fea kemetere be de felekemó sókó waai dapó. Térapa, Talepaae momatere ala mo wisiyóló yaasepóló diaaq kisipa mo diriyóló bitu, tó tikiné yaaitere ala yaqsóro mo hotowaró tetérolo kaae tawae.

⁸ Fea ala tetéro betere doasi topo ala i ape. Diaaq hosaa mo turóné diqisi yaala sókó fu betae. Ti noatepae, yaala sókó fole alanéta, fea dowi ala munire aqróló husiratapó.

⁹ Diaaq bepaae wale uké whjrape dape suraalu me fo ini, mo wisi kisipatamo dape sae.

¹⁰ Diá feané kae kae wisi ala erópóló, Kótóné diá hale matere ala wisi séle séle dokoralepó. Atérapa, Kótóné yapaee noa alakó eró betepa, ti naaomo hale hamokoróló matere ala taaréni, so whj mo wisiyóló tao sóro erótua yae.

¹¹ Mepaae whjné tamó, Kótóné fo yó mótu betepa, hale hoko fotamo touréni, Kótóné ama mo fotóro kutirimó mulóló, mo hotowaró yó mótu betae. Mepaae whjné tamó Kótóné so whj tao saai depa, ti Kótóné a matere fotokóné tao sóro erótua enérápó. Ti aita, diaaq kae kae du betere ala fea mepaae so whjné kilituraalu, ita Yesu Kerisoné yale alané erapóló Kótóné doi hale sóro horópóló dapó. Ti ɔta, mo kae ere de wisinaalero doasi fotokótamo bole Talepa, ama doi hale horóló suka fea mo ti muó tanópóló yae. Mo kée. Téyópóló yae.

Kerisopaae erale sekei ala kaae, yapaekélé eratepa kilita sókó faqse

¹² Yalo hósaa mole no nerape-ó, me whjné diapaee susupui ala eratepa, aita diaané tué tiki tiró betereitei kaae kilitu dere alapa, kisi ala nisiyóló diá kilita sókó faqse.

¹³ Tényi, take Kerisopaae erale sekei ala kaaetóro, mió diapaekélé ai eratapa, mo kée yóló hajné sukutu betae. Ti noa ala yaai mei, take nalo Keriso wale sukamó, ama kae ere de wisinaale hakearatepa kilitu, mo kée yóló doasi hajné sukçalopóló kisipa mutu dapó.

¹⁴ Kerisoné doi diaaq tikimó dakeró betereiteiné, mené diá faleyóló eraterere fo depa, Talené ya wisiró beterapóló kisipa muae. Ti noatepae, Kótóné mo kae ere de wisinaale diaane Kepe Wisi diá tuamó betero beterapó.

¹⁵ Tépatéi, diaqó me whjné tamó whj dóló sukunaterere ala ó, ɔlémi nokole ala ó, kaae tare whjrapené fo tukóló kae kae dere dowi ala ó, mené dere ala fasóló deremó diapaee sekei ala eratepa, aita Keriso so whjné dere ala meipóló haleturaalu wi yae.

¹⁶ Tépatéi, Kerisoné ala erótu betereimó, mené diapaee sekei ala eratepa, hale yaqse. Tényi, diaaq tikimó Kerisoné doi moleteiné dapa, Kótóné doi betá hale sóro horótu betae.

¹⁷ Ti noatepae, da Kótóné ama naale senaale bitu du betere ala tale yaaire be de kaae sere aqrápó. Ama taleyóló kwia matere ala kaae suraalu dapaapepi eróló, nalo kemerótu ti Kótóné ama fo woseni, dowaae fóló tikitu betere so whjpaee, mo doasi sekei ala eraalo meipóló kisipa mute?

¹⁸ I fo erapó.

“Donoi so whjtamó sekei ala su betepa, Talené ama tao saaire ala hapólupa, ti Kótóné fo woseni, dowaae fóló dowi ala yó tare so whj tao saaire ala mo

doasi hapólunipóló kisipa mute?" erapó.

¹⁹ Térapa, Kótóné ama kisipa mole ala erateremó, sekéi ala su betere so whi diá kaaróló betérale sekéné ama diá tao saalopóló kisipa mutu, aphae tué tiróló wisi ala betá yó tanérapó.

5

So whi kaae tare whi disiraperó teyó whirapetamopaae dere fo

¹ Diá tuamó betere so whi tetéroló kaae tare whi disirapepaae dirii ma fo i dapa wosae. Ékélé diá ere kaae, so whi tetéroló kaae tare whi disi bitu, Kerisopaae erale sekéi ala yálo kelené mo kelaletéi, so whipaae yó mótu betérapó. Atéru, Kótóné ama kae ere de wisinaale so whiné kolópoló hakearateré be demó, ékélé ai de wisinaale saaire whi bitu, diappaee dere ma fo i dapa wosae.

² Kótóné ama so whi tetéroló kaae tawae yóló diá sóró ai betéroló betérapa, ai so whi me ala yaósóró mo hotowayóló kaae tawae. Me whiné diappaee i ala yae yóló setere fo woseni, Kótóné ama kisipané diaaq yópolópoló ere ala betá tué muóló, wisi kisipatamo erótu betae. Doasi *moni* saai dapóló ekele dere ala ini, so whi hale tao saaire keteké betá bulu du betae.

³ Talené diappaee kaae tawae ere so whi kaae taru, diá doasi topo whi ayoóló kaae tani, mepaae Keriso so whiné diaaq du betere wisi ala kolóló diá sya wópoló, wisi ala diaaqqi kaae sóró yae.

⁴ Atéroló betepa, Kótóné *sipsip* hupu kaae tare topo whi á sókó wourraalu, Kótóné ama kae ere de faane doi mole topo tao diámó matepa saalo ai ape. Ti ai kokqi au wisinaale ere topo tao dokélé ini, mo ti muó tawaalopó.

⁵ Diá teó whirape-ó, kale whi disirape Tale aqmó sukóló biture kaae, diákélé ai whi disi aqmó betae. So whi diásisi u tetéroló i tetéroló ini, naameyóló dua betere ala kuti kaae deróló betae. Ti noatepae, asemó i fo erapó.

“Mepaae bopé faketeré so whiné yaaitere ala Kótóné ama sesé yó,
naameyóló dua betere so whi ti ama hamokoróló tao sóo, dua dapó,” erapó.

⁶ Térapa, Kótóné ama kisipa mole sukamó diá tao sóró dukirópoló, ama fotokóné tetéroló betere aqmó naameyóló mo dua betae.

⁷ Diáta, Kótóné hosaa mole naale senaale betereiteiné, ama diá mo wisiyóló kaae tarapa, diaaq ené yóló whaalía du betere sekéi ala fea ama wisi eraté fu betéroló paae melaee.

⁸ Diaaq tó tikiné du betere ala hotowaró tetéroló kaae taru, kele diriyóló betae. Kale whi dó nokole bete haq *laiyon*-né whi dóló naai keketé kutu dere kaae, diané bóe whi Satan-né diá doraaire tué keketé kutu betérapó.

⁹ Ai sekéné ama kisipa mole ala diappaee eraqsóró, wisiyóló kaae taru, Talepaae tué tiki tiró betere alané dirii tipi kaae yae. Ti noatepae, ai kaae sekéta, diappaee maaté mei, i hae kwia feamó betó mole diané no nerapekélé betá kaae sekétóró su betereitei diaaq kisipa muae.

¹⁰ Ti diá Yesu Kerisu tuamó betepa, Kótóné ama hamokoróló tao sere ala, mo dekéroló erótu betérapó. Ai ala du betere Kótóné kae ere de wisinaale tuamó betaasepóló, diá ape yalepó. Sawa sukamó diá mepaae seké siré fu betepa, atéyale sekéné diá haepaae derepéni diriyóló betéroló, amatóroló diá fotokq bulóló, mo ti suraalopó.

¹¹ Ti áta, mo doasi fotokq bole Tale betérapa, so whi feané á dukirateré ala hale yó tanópoló yae. Mo kée. Teyópoló yae.

Mo kemeróturaalu kqleó dere fo

¹² Yálo kisipané Sailas áta yálo mo no bitu, Talené ala eró tare whi wisipó. Atéru, ama é tao supa, yálo diappaee mo halekeróló aseyalépoló. Yálo ai yale aséta, Kótóné hamokoróló tao sere ala diané tué yópoló yó melóo, Talené ala erópoló keteké bulóo yalepó. Teyalepa, Diá ama ai hamokoróló tao sere ala tuamó diriyóló betae.

¹³ Talené sókó su yóló diátamo betámó betéroló betere no nerape atima Babilon be huluamó bitu, diappaee kqleó dapó. Yesuné yale ala tuamó yálo naale sýtóroló betere whi Mark-nékélé diappaee kqleó dapó.

¹⁴ Diásisi yaala sókó furaalu, kqleó yóló aputu betae. Talené hosaa muni deyóló dua betere ala Keriso tuamó betó mole so whi diá fea tuamó mulópoló yae.

2 Pita

¹ I aseta, Yesu Kerisoné ama kutó dirpóló doteyale *aposel* whi Saimon Pitané dapó. Yesu Keriso ata mo Kótótóro bitu, da aluyaqsóro tao su betere whipó. Téru, ama ere mo donoi ala sya furaalu, mo doasi ke bole betá kaae kisipa tiki tiratere ala damókélé, diámókélé matepa salepó.

² Kótóro da tetéroló kaae tare whi Yesutamo diriyóló kisipa dereteiné, atimaamoné erótu betere hamokoróló hále tao sere alaró hosaa muni deyóló dua betere alatamo mo turó diá tuámó mulópoló yae.

Kótóné q beterepaae ape ere fo diriyóló kisipa muae

³ Kótó sya fóló ama ala eróturaalu, fea ala yayá yaqsóro ama doasi fotokóné dapaae mo suró beteraapó. Ti aita, ama kae ere deró wisi alatamo fāanu, dapaae ape yale seké q kisipa deté fole betené su beteraapó.

⁴ Ai doasi fotokóji ala dapaae eróturaalu, etei kaae bete mole alarape diaapaaekélé eraalopóló muló beteraapó. Ai eraalopóló ere fo wosóló, dané tué tiki tiratempa, ti Kótó q tuámó ere ala wisinaaletóro dapaae tokó melóo, i haemó betó mole so whirapené ekhe yóló hoko du betere sonaaiei dowi ala dapaae tokó meni yóo, yaalopó.

⁵ Atéro doasi ala ere betené, diaaq tué tiki tiró betere ala tómo beleróló wisi ala mo keteke buóló du betae. Ai wisi ala tómo, Talené ama bete mole fo diriyóló tué yae.

⁶ Ai ala tómo, tó tikiné ekhelere ala yaqsóro tetéroló kaae tawae. Ai ala tómo, sekéi ala wapakélé hále beletétóro fu betae. Ai ala tómo, Kótó tuámó ere ala wisi suróló du betae.

⁷ Ai ala tómo, diaaq ne no qoleturaalu, hosaa muóló betae. Ai ala tómo, mepaae so whi koléné sukóló hosaa mo turóné yaala sókó fu betae.

⁸ Ti ai alarape diá tuámó muluraalu fak-eraté fu betepa, ti da tetéroló kaae tare whi Yesu Keriso tué deté faalopó. Atéruraalu, diá hále bitini, Talené ala eraté fóló, diá tuámó mo du wisi woleyaalopó.

⁹ Tépatéi, mepaae whi tuámó ai alarape munipa, ti mepaae bete mole ala ama diriyóló kilini, keke dilikirapó. Atéru, ama take yale dowi ala Talené fokóló kemeró betereitei kisipani, mo ti kisipa keteró beteraapó.

¹⁰ Atérapa yalo no nerape-ó, diata Kótóné ama sókó su yóló q beterepaae ape yale so whitamó betámó biturapa, diaaqtehi hotowayóló kelae. Ti noatepae, diaaq ai alarapetamo deté fu betepa, ti diá dée nóló haepaae derepéni, mo diriyóló bitiré faalopó.

¹¹ Atéro bitiré furaalu, da aluyaqsóro tao sale whi Yesu Kerisoné ama mo ti mole ala tetéroló kaae tare tuámó diá beterepóló, ama mo hekesetamo wisiyóló dape saalopó.

Kótóné koló whirapené asere fo

¹² Kale bete mole mo fo diané wosóló diriyóló tué yóo, diaapaae yae yóló bope yale alarapekélé diaaq tué yóo epatei, kisipa keteni tué yó tanópoló diaapaae yaairetei q hōni, hále yó tawaalopó.

¹³ E sukairaaalu kapala asiri haemó i daale mo tikita, kuti be fisikaai kapala asiri tenure kaae, e i haemó kapala beteraapó. E sukai hále bitutei, yalo i bope yale alarape diaaq kutiri tuámó hále muó tanópoló momó du momó du deretei, mo dono dapóló kisipa mutapó.

¹⁴ Ti noatepae, da tetéroló kaae tare whi Yesu Kerisoné epaae ya betere kuti be mo felekemó fisikaai dapóló, hakeamó yó maletei yalo kisiparapó.

¹⁵ Yalo mió i du betere forape q sukítikimó diané kisipa keteni, tué yó tanópoló q doasi keteke buluraalu, aseró fotamo diaapaae i du betere ape.

¹⁶ Ti da tetéroló kaae tare whi Yesu Keriso q doasi fotokótamo waalopóló, dané diaapaae yó melale fota dané kekeme nóló hále dolaa fo kaae inipó. Ama mo kae ere ala wisinaaletóro dané kelené mo kelaletéi diaapaae yalepó.

¹⁷ Ti Alima Kótóné ama mo kae ere de wisinaale tuámó naalema betepa kolóló, i fo yalepó. “Ata, yalo hosaa mo turó mole naale ai ape. Ama du betere alamó e mo doasi hekesené sukutu beteraapó,” erapó. Alimané ai fo yaleteiné, q tuámó mo kae ere de hakearóturaalu, q doasi doi mulatere ala yalepó.

¹⁸ Ai fota, ama kae ere hasi fosómó da Yesutamo bituraalu, hepen bemó Kótóné ai fo deretei mo danétóro wosalepó.

¹⁹ Ai hasi fosómó yale fo woseturaalu, take betale Kótóné koló whirapené yale fo Yesu tuámó mo dokonatapóló dané mo diriyóló kisiparapó. Diliki tuámó deró betere sa deyo taru ere kaae, diaaq kisipa ai koló whirapené ere fopaaetóro muló bitu, diané hosaa tuámó be deyo hotu dere kaae yóo, hika deyo tare hore kolóo yaaipatei, ti ai eró betere alapaetóro kelené kikéyóló kaae tapa mo wisirapó.

²⁰ Ai deté wale forape tómo, me doasi bete mole dirii fokélé i dapa wosae. Kótóné ama koló whirapené yale fo ase tuámó moleitei, atima kisipané kekeme nóló inipó.

²¹ Atimané yale fota, mo whiné kisipa sya furaalu kaaróló ini, Deji Kepe Wisiné kale koló whirape fotokoratepa, so whipaae Kótóné fo i ape yóló yó maaté kweyalepó.

2

Kemeratere be demó so whi dilikóló kóppaae falatere whirape mo ti dowi kwia saalopó

¹ Téyaletēi, atéyale alimó Kótóné fo yó matere kóló whirape nisi yópóló kapala fo yó matere kóló whirapekélé beterepó. Téyale kaae, mió diá tuámokélé atéro kapala fo yó matere whirape betaalopó. Ai whirapené Talené fo yó matere aoyóló, so whi dilikóló doraaire fotei yó melaalo ai ape. Téturaalu, atima dupu yale sekéné atima tetéroló kaae tapatei, atima Talené dupu yóló tetéroló kaae tanipó yaalo ai ape. Atétere betené atima kwia móturaalu, dóló aluraaire tū atimanétei aletu beteraopó.

² Atimané ai du betere mo sonaalei ala diá mepaae so whiné sya fóló yaalo ai ape. Atéremó, mepaae belamó hāle betere so whiné mo bete mole fo sya fole ala faleyaalopó.

³ Atéro kapala fo yó mótu betere whirapené diaaq ɔla ɔla saairaalu, diá dilikóló kapala seraa fo atimanétei kekeme nólo yaalo ai ape. Atimané atei kaae yale dowi alamó, atima fea só deróló mo ti doraairaalu Tale a noke fini, kwia melaa ai ama taketi taleyóló muló beteraopó.

⁴ Ti noatepae, *ensel-rapekélé* dowi ala depa Kótóné kōle duraalu bokó sini, dowi kwia saaire dolopaae taae deralepó. Aita hāle mei, Talené ama taleyaaire be de sóko waai teópa kaae taru, dowi diliki tuámó bitiré fu beteroópóló, mo apaae derepale osono dolomó *dipula* betero beteraopó.

⁵ Mo take betale so whirapekélé, Kótóné kōle duraalu dowi kwia matere ala bokó sóro taarénipó. Kótóné ama mo donoi ala i ape yóló yó mótu betale seké Noaró mepaae wēikeró so whítamo betá Kótóné tao sipa kalepó. Téyaletēi, ai so whiné Kótóné fo wosóló sya feni dowāae fu betepa, Kótóné mo doasi wēi anóló so whi fea doróló alurélipakalepó.

⁶ Atéro bitiré fóló, nalo Kótóné Sodom be huluaró Komora be huluatamo siné doló kemeróló, kili aléé faralepó. Kótóné ai ala eraleteita, nalo betaaire so whinékelé ama fo taleitóló sya feni dowāae fu betepa, atei kaae kwia melaalopóló tué yópóló eralepó.

⁷ Téyaletēi, Sodom be huluamó betó mole so whi Kótóné dóló aluróturaalu, Lot sinaqsóro ama tao salepó. Ti Lot āta, mo donoi whi bitu, ātamo betó mole so whiné kae kae du betere sonaalei dowi alaró Talené fo woseni tikitu betere alatamo kilituraalu, ā hasekāa kisipa matu felé yóló bitinipó.

⁸ Ti ātamo betó mole so whiné yaqse ere fo tukóló, dowi ala dó mió yóló hāle yó tapa kolóo, dowi fokélé wosóo du betaletēiné, mo

donoi ala du betale whi Lot ā felé kisipa muni, ama hosaa tuámó deletamo bitiré fu betalepó.

⁹ Até yale ala kilituraalu, dowi ala du betere so whi Kótóné kwia melóo, ama ala erótu betere so whi sekēi alané só deraqsóro tao sóo, dere ala Tale ā mo asaru mo donotóro dua dapó. Atéro kwia matere ala taarēni, hāle yó taté fóló ama taletere be demó sóko faalopó.

¹⁰ Ti ama kwia matere alata, mepaae dowi ala yaai ekēle du betere so whiró Talené ama tetéroló kaae tare aqmó betere hōyóló dowāae fu betere so whítamo, ti Talené mo doasi hapólui ala erótu betaalopó. Ai ala du betere so whirape mo halaainé atima bopé fakeyóló nene duraalu, Talené ama kae ere de fāane *ensel-rape* faletu beteraopó.

¹¹ Tépatēi, *ensel-rapené* bole fotokōné ai kapala fo yó mótu betere whirapené bole fotokō tetéroló beteraopó. Atére *ensel-rape* Kótóné keletómó mo kae ere de fāane sekérape faleyóló só derótimpipó.

¹² Ai kapala ala yó matere whirapené mole tué tikita, mo whiné mole tué tiki kaae muni, mepaae betere ɔla hupu ó haq atima tué muni hāle hōko betó mole kaae, ai whirapekélé atéraopó. Ti na huputa, whiné dóló nópóló Talené aleyóló betero beteraopó. Ai whirapené i kale sekérapené bole doasi fotokō bete tué iniruraalu, atima Tale doka doka yóló eratere fo dua dapó. Whiné hāle hōko betó mole ɔla naró huputamó dóló nuku dere kaae, ai ala du betere whirape Kótóné dóló aluraalopó.

¹³ Aita mepaae so whi dorale alamó, Kótóné atima kwia melaalopó. Atimané tó tikimó feléyaaire dowi ala ekēleyóló, be de tamotei hākeamó du beteraopó. Atéro du betere alané, diātamo touyóló bitu ɔla deyóló nokole sukamó, diaaq doiró du betere wisi alatamo folokoleróló dorótu beteraopó.

¹⁴ Ai so whirape atima nópu naaire tué muluraalu, me so ó whi kelené kolóló au nukua dapó. Atei kaae dowi ala ekēleyóló du betereitei mo kemekélé ini, hāle yó tarapó. Mepaae whi wisi ala yaaire tué meiyóló, bēre so whi dowi ala yópóló, atimané ālisóro fua dapó. Mepaae so whi dilikóló wisi wisi ɔla sua yaletēiné ai ala atima mo asarapó. Ai ala du betere whirape ti Talené mo doróló mokoraairaalu, lukóló muló beteraopó.

¹⁵ Ai whirapeta, kale Beor naalema Balam dowi hōko ala duraalu doasi *moni* saai ekēle du yale kaae, atimakélé donoi tū taaróló kóppaae felepó.

¹⁶ Ti Balam ā tū tuámó keyaa fole whi kaae fu betepa, ā faqsóro sesé duraalu, ama *donki* hupunétei mo whiné fo kaae yóló ā

foné sipakalepó. Atéyaleiteita, Balam-né ama yale dowi ala haķearótu yalepó.

¹⁷ Ti ai whjrapené du betere alata, mo fole wej dikjitu dere kaae yóo, dirii suka dere alimó sáko dilikitepa hali waai dapóló whjrape heṣeke yóo du betepatei, beséné hali kaepaae sóró fu dere kaae atimané dere alakélé atérápó. Atétu betere whjrape atima diliki tuamó mo ti betó tanóppóló, Talené tukóló muló beterápó.

¹⁸ Ai whjrape atima me bete munipatei, wisi ala dapóló atimatei doi sóró horóló, bopé faketu beterápó. Kapala ala tuamó betó mole so whjtao touyóló betaletei, mo dóttitóro ai ala taaróló wale so whj tó tikiné ekelere ala sya fóló dowi ala yóppóló, ai whjrapené atima kapala dilikóló alisó fulapó.

¹⁹ Ai whjrapené mo so whjpaee dané dere fotamo diaaḡ wosóló sya fupa, ti diḡ mené kutó diratere so whj betaalo meipó du beterápó. Ai fo du betere whjrape atimatei, mo sonaalei dowi alané wae sóró kutó diratere whj beteró beterápó. Mepaae whjtao me alané ḡ teteróló kaae taru alisóró kutu betepa, ti ḡ ai alané wae kutó diratere whj ai betere ape.

²⁰ Téru, mepaae so whj i haemó mole mo sonaalei dowi alané dokóló muló betepa, ḡ aluyaṣóró taosóro teteróló kaae tare whj Yesu Keriso tué yaleteiné, atima teraayóló haḡe beteralépó. Atéretei taaróló, take du betale dowi alapaae momótamo fesaae fupa, ti mió betere alané take betale ala teteróló ḡ mo ti dorótu beterápó.

²¹ Mepaae so whj Talené ala eróturaalu, donoi tu sya feni haḡe hoķo betepa, ti dorapó. Tépateti, mepaae so whjpaee Kótóné ama yae yóló kae muló betere fo wisi mené atimapaee yó matepa tué yóló, donoi tu sya feletei taalóo, kale fo wisikélé haḡe ḡla kaae taae falóo depa, ti ai so whj atima betere ala mo turó dorótu beterápó.

²² Ai so whjné du betere alata, i mara mole fo tamóné syratapó. “Yuwiné ama soraaiti momó nukua dapó,” Me i fokélé erapó. “Hupu biki biki epa mené ḡ wej fokoteretei momó fesaae fóló biki biki dua dapó,” erapó.

3

Tale waaire be de

¹ Yaḡo mo hosaa mole no nerape-ó, mió yaḡo diḡpaee tamo dakeróló i aṣe dere ape. Folosóro yale aṣeró mió i dere aṣetamota, diḡné kutiri tuamó wisi ala yaaire tué haḡe muó tanóppóló, diaaḡ kisipa disiróturaalu, dapó.

² Ti haḡe meipó. Kótóné take mo kae beteralé kóló whjrapené yale foró, ḡ alu yaṣóró tao sóró teteróló kaae tare

sekéné ama *aposel* whjrapepaae yae yóló yó melale fotamo, diaaḡ kisipa keteréni, tué yó tanóppóló dapó.

³ Yaḡo diḡpaee folosóro dere fota, nalo kemetere alimó tó tikiné du betere dowi ala sya furaalu, Tale faletu betere so whj wóló, Talené ala eratere so whj faleyaalopó.

⁴ Téturaalu, atimané etei kaae fo yaalo ai ape. “A waalopóló, tukóló muló betere fo-a metéli yaalóe? Dané ayarape sukále alimótei kaae sóró wóló, Kótóné ama kaarale ḡla ḡla fea me ala kae ini, kale alatóro haḡe erapó,” yaalopó.

⁵ Tépateti, folosóro Kótóné ama foné ṣaró haetamo kaarélipakalepó. Kótóné hae ale-turaalu, wej tuamó hae sókó holae depa, wej betāpaee maane fóló, hae sókó holi-pakalepó.

⁶ Ai alimó ere hae tikiró ḡla ḡlatamo fea Talené ama fonéte i belere wej anóló dorae depa, mo dorélipakalepó. Ai yale ala fea atimané tuḡretei, dowḡae fóló ai fo sisópaee erótu beterápó.

⁷ Ti Kótóné ama ḡla ḡla kaarale fonéte i, mió i alimó ere ṣaró haetamokélé siné doló aluraalopóló tukóló muló beterápó. Tétu, Kótó tuéni hóróló betó mole so whjkelé, Talené taleyóló kwia mótu siné doló aluraaire be de sókó wóppóló, ḡla ḡla kaarótu yale kaae, ai fonétóro ḡle mulóló, kaae tarapó.

⁸ Térapa, yaḡo hosaa mole no nerape-ó, i ala betā kisipa keteréni, diaaḡ kutiri tuamó muó tanóppóló yae. Talené ala eróturaalu, 1000 ba fo kolósu, betā be de kolósu depa, me ala kae ini, mo betā alatóro erapó. Kótóné ama keletepa 1000 ba fota, betā be de kaae aḡrapó.

⁹ Mepaae so whjné kisipanéta, Talené ama eraalopó yóló mulatere ala kese kese dere nisi dapó. Ti ḡta atéro kese kese dumi, so whj mo betākókelé aluyaṣóro kisipa mutu, diaaḡ du betere dowi ala taaróló, fea ḡ beterepaee wóppóló, ama dua kaae taté fu beterápó.

¹⁰ Téretei, Tale ḡ momó fesaae waaire be deṡa, ḡlémi nokole whj wou dere kaae yaalo ai ape. Ṣaró ṣamó yó mole ḡlatamo aluróturaalu, doasi be sapalaa hale kaae yóo, haeró haemó yó mole ḡla ḡlatamo fea siné doló kemeróo, yaalopó. Téturaalu, i haemó yó mole ḡlakélé fea siné doló kemeróló, hae tiki mo haḡeraalopó.

¹¹ Ti ḡla ḡla feata atéro aluraalopa, diḡ noa kaae so whj betaai kisipa mute? Ti diḡta, Kótóné ama mo kae beteró betere so whj ereteiné ama ala erótu betepa mo wisirapó.

¹² Diḡ atéro mo kaae so whj bitu, Kótóné tukóló muló betere be de kelené yóló ketekḡ butu betere alané, Tale waaire be de hapale felekeratapó. Atétere be deḡmó, ṣamó ere ḡlaró i haemó yó mole dirii ḡla ḡlatamo, mepaae siné doló wej kaae aléa faraalopó.

¹³ Téyaalotei ɗata, Talené ama haeró sɗatamo kisi kae aleyaalopó ere fo tué muturaalu, ai donoi ala mole be kelaai dapóló ketekɗatamo kaae taté fu beteraþó.

¹⁴ Atéraþa, yaŕo hosaa mole no nerape-ó, ɗiɗa ai alarape kelaai kaae tarapa, Tale tuamó bitu, me só deraaire ala ó haletere ala ini, ama bóe firó betereiteiné, ɗatamo betamó betaai kisipa mutu, ketekɗe buóló mo dua betae.

¹⁵ So whi atimané du betere dowi ala taaróló, Tale a betereþaae wópóló ama kaae taté fu betereiteita haŕe mei, so whi aluyaɗsóró tao saairaalu kaae tarapó, kisipa muae. Ti i fo kaae, ɗané hosaa mole no Pol-þaae Kótóné fosó fosói kisipa matepa amakélé aþerapó.

¹⁶ Pol-né so whiþaae dotonale aþemó me fo kae ini, yaŕo i du betere fo kaaetóro erapó. Ama yale aþerape tuamó meþaae ere fo bete tué yaaire mo hapólurapó. Meþaae mo kóló kólóre so whiro Talené ala tuamó diriyóló bitinire so whitamóné, Kótóné meþaae aþe tuamó ere fo wérótu dere kaae, Pol-né aþere fokélé atimané bete tokóló donotóro yó meni, wérótu beteraþó. Atétere alané atimatei doraaire tu aletu beteraþó.

¹⁷ Térapa, yaŕo hosaa mole no nerape-ó, i ala yaalopóló bope yale ala diaaɗ wosóló ai tuérapa, Kótóné tukóló muló betere fo aqmó bitinire so whi kóþaae fu betere alané ɗiɗa ɗlisóró faɗsóró, mo hotowaró kaae tawae. Ti noa yaɗsóró meipó. ɗiɗa Kótóné ama bete mole ala tuamó mo diriyóló betereitei taaróló, haepaae dereþaɗsóró dapó.

¹⁸ Téþatei, ɗa aluyaɗsóró tao sóro teteróló kaae tare whi Yesu Kerisoné hamokoróló haŕe tao sere alaró a kisipa deté fole alatamo ɗiɗa tuamó mo ti fakeraté fu betae. Mió i betere alimókélé, take betaaire alimókélé, ama doi haŕe muó tanópóló, sóro horótu betae! Mo kée, téyópóló yae!

1 Jon

Mo ti betere bete mole fo

¹ Mo take keké naale alimótei kaae sóró bitiré wale wh̄i, diappaee h̄akearólo i dere ape. Ai wh̄iné ama dere fo dané mo wosóo, kelenékélé mo kolóo, dané wisiyólo fopeyólo naasenékélé olaa yóo, yalepó. Dané i dere fota, ai mo ti betere fo bole wh̄i Yesu diá kóló kóló yaqsóro h̄akearólo dapó.

² Ai kale mo ti betere bete ʔta, Alimatamo betólo d̄a beterepaee h̄akearólo sóko wapa, dané mo kelalepó. Atéro h̄akearaale wapa dané kelale mo ti betere bete ʔ i ape yólo, dané mió diappaee yó i matere ape.

³ Diakélé d̄atamo bet̄a kisipa mutu dere ala fea touyólo yaai dané kelale alaró wos-ale fotamo yó i matere ape. Até du betere alata, ti d̄asisi maaté bitu ini, Alimaró Naalema Yesu Kerisotamokélé d̄a fea touyólo, bet̄a kisipa mutu dere ala du betera-ápó.

⁴ Dané i as̄e dereteita, haj dere ala d̄a tuamó mo ti f̄ayópólo du betera-ápó.

Talené ama ere d̄e tuamótóro betae

⁵ Ama d̄apaae yó male fo diappaee h̄akearólo i dapa wosae. Kótó ʔta mo d̄etóro f̄anuraalu, ʔ tuamó diliki ere ala mo sawakélé munipó.

⁶ D̄a diliki tuamó bitutei, h̄ale foné maaté d̄ata Kótótamo mo bet̄a kisipa mutu, dere alarape du betera-ápó depata, ti kale mo fo bete dané hosaa tuamó muniruraalu kapala fo du betera-ápó.

⁷ Tépaitei, Yesu ʔ Talené d̄e tuamó biture kaae, d̄akélé ai d̄e tuamó betepa, ti ne notamo mo bet̄a kisipatóro mutu, dere ala fea du betera-ápó. Atétepa, ama Naalema Yesu Kerisoné f̄akené dané dowi ala fea fokólo aluró betera-ápó.

⁸ Dané duraalutamo d̄a tuamó dowi ala me munipó depata, ti kale mo fo d̄a tuamó muniruraalu d̄atei ai dilikitu betere ape.

⁹ Dané yale dowi alatamo kemerae yólo Kótópaee h̄akeamó yó matepa, ti ama eraalopó ere fo h̄asóko feni, ama mo donoi ala sya furaalu, dané du betere dowi ala tokólo aluraalopó. Téturaalu, d̄a fea dowi alatamo hosekéro betaqsóro, ama fokólo mo ti aluraté fu betaalopó.

¹⁰ Dané duraalutamo, d̄ata dowi ala mekélé munire so wh̄i betera-ápó depata, ti Kótó ʔ kapala fo bole seké aqratapó. Atétere alané Kótóné ama mo fo d̄a tuamó sóro mulalénipó.

2

¹ ʔalo hosaa mo turó mole naale senaale-ó, diá me dowi ala yaqsóro kisipa mutu, as̄e

i dere ape. Tépaitei, wh̄i me detamo dowi ala depata, ti ai dowi alané d̄a só deraqsóro, mo donoi ala du betere wh̄i Yesu Kerisoné, tao sere fo ama Alima Kótópaee du betera-ápó.

² Dané du betere dowi alamó Kótó ʔ fopaae butu, melaai yale kwia d̄apaae melaqsóro sesé duraalu, Yesuné ama tikimó serólo ʔ sukalepó. Atére alata, dané du betere dowi ala maaté sóro aluraai initei, i hae kwiamó betó mole so wh̄iné dowi alakélé tokólo kemeraai yalepó.

³ Dané ama ere fo wosólo sya fu betepa, ti Yesu Keriso ʔ mo diriyólo kisiparapólo tué mutapó.

⁴ Wh̄i me dené duraalu, ʔalo ʔ mo wisiyólo kisiparapó du bitutei, Kótóné ere fo wisiyólo sya feni depata, ti kapala fo du betereiteiné kale mo bete mole fo ai wh̄i tuamó munipó.

⁵ Tépaitei, me wh̄i dené Kótóné ama fo sya fólo eró tapata, ti atétere wh̄i tuamó Kótóné ama yaala sóko fole ala f̄ayólo mo s̄uro betera-ápó.

⁶ D̄a ʔ tuamó betere ala etéro k̄aae kolólo kisipa enérápó. Wh̄i me dené duraalu, ʔta Kótó tuamó betera-ápó depata, ti ai wh̄iné ama dere alakélé Yesuné yale ala kaaetóro enérápó.

⁷ ʔalo hosaa mole no nerape-ó, ʔalo diappaee yae yólo i as̄etere fota, kisi fo kae dumipó. Mo take kaae sale alimótei, Kótóné yae yólo muló betepa diaaq woseté wale fotórotipó. Ti ai yólo muló betere fota, take dané diappaee yó matepa, diaaq woseté walepó.

⁸ Tépaitei, Kótóné yae yólo muló betere kisi fo ʔalo diappaee i as̄e dere ape. Ti ai yae yólo dere foné du ʔ tuamó muóo, diá tuamókélé muóo epa so wh̄irapené kilitu, aita mo alapó enérápó. Ti noatepae, doasi d̄e sóko wólo d̄eró betereiteiné diliki kemeraté fu betera-ápó.

⁹ Wh̄i me dené ʔta d̄e tuamó betera-ápó du bitutei, ama Keriso no ne h̄órólo bóe du betepata, ti ai wh̄i ʔ diliki tuamó h̄ale ai betere ape.

¹⁰ Wh̄i me dené ama ne nopaae yaala sóko fole ala mupa, ti ai wh̄i ʔ d̄e tuamó betereiteiné me alané ʔ dée nalatere ala mo enénipó.

¹¹ Téretei, wh̄i me de ama no ne hamoma h̄órólo bóe du betepa, ti ai wh̄i ʔ diliki tuamó bitu ʔ kotere alakélé, diliki tuamótóro kutu betera-ápó. Atéreteiné ʔ kotere tiki ama kelené kelenénipó.

¹² ʔalo hosaa mole naale senaale-ó, diaaq yale dowi ala fea Yesuné ama yale alané h̄ale sóro kemeró betera-ápólo diappaee as̄e i dere ape.

¹³ Ayarape-ó, mo take keké nale alimó h̄ale betó tare seké diaaq kisiparapólo ʔalo diappaee as̄e i dere ape.

Diã teó whĩrape-ó, dowi Satan-tamo bóe dóló Talené fotokóné diaaó ą teteró betepa, yało diãpaae i asę dere ape.

Yało hosaa mole naale senaale-ó, Aya diãné kisipareteiné yało diãpaae i asę dere ape.

¹⁴ Ayarape-ó, mo take kaae sale alimó hale betere sekę diãné kisipareteiné yało diãpaae asę i dere ape.

Teó whĩrape-ó, diã doasi fotokó buóo, diãné dowi Satan dóló teteróo, ereteiné yało diãpaae asę dapó.

Haemó mole ąla ó alapaae hosaa muóló yaala sókó fu betaqse ere fo

¹⁵ I haemó mole ąla ąlapaae ó dere alarapepaae hękesetu hosaa mo turó mutu betaqse. Whĩ me detamo ai ala du betepa, ti atétere whĩ tuámó Aya Kótóné yaala sókó fole ala munipó.

¹⁶ Ti noatepae, i haemó mole alarape i ape. Whĩrapené ekeęyóló du betere dowi alakélé, kelené kolóló au nokole alakélé, mepaae du betere alaró ąla ąlatamo mole doasi néli whĩpóló bopé faketu betere alakélé, fea Aya beteremó kaayóló wómitai, i haemó kaaróló du beterapó.

¹⁷ I haeró haemó muó mole ąlakó sené yóló ekele dere alatamota keme yaalotei, Kótóné ama kisipa mole ala sya fóló erótu betere so whĩta sukókéle ini, mo ti hale betó tawaalopó.

Kerisotamo bóe dóló kapala fo yó matere whĩ waalopóló ere fo

¹⁸ Yało hosaa mole naale senaale-ó, mió dą mo kemetere sukamó beterapóló kęae kolóló kisipa yaaitere ala i ape. Kale Kerisotamo bóe dele whĩrape wou beterepó dere fo diaaó wosalepó. Ti ai whĩrapeta, mió wóló i betere ape. Atétere ala kilituraalu, kale kemetere suka felekemó walapóló kisipa muaalopó.

¹⁹ Ai whĩrape atima take dątamo betaletai, dą taaróló fele beteta, dą fake meiru yalepó. Motamo dą faketóró uasóró, ti dątamo fea betámó betó mulapó. Té uątei, atima dą taaróló fele betené atima mo betą whĩkókéle dąkó meipóló hąkearalepó.

²⁰ Tépatei diąta, dowi ala mo betąkéle mu-nire whĩ Yesu Kerisoné ama so whĩpóló Dęi Kepené dąle muló bettereteiné kale mo foné bete dią feané ai kisipare ape.

²¹ Yało diãpaae i dere asęta, kale mo foné bete dią kisipanipóló dumipó. Tépatei, ai fo diaaó mo turó kisipa yóo, ai fo tuámó kapala fo mo sawakélé buni yóo, eretei diaaó kisipa epa dapó.

²² Doasi kapala fo du betere whĩ de? Yesuta, Kótóné so whĩ teteróló kaae tare whĩ meipóló bóe du betere whĩpó. Atétere whĩta,

Alima Kótóró Naalema Yesu Kerisotamo bitinipóló faletu betere whĩ ai ape.

²³ Whĩ me dené Naalema bitinipóló sisópaae eratapata, ti Alimakélé bitinipóló sisópaae eratapó. Mepaae whĩ denétamo Naalema mo beterapóló kisipa tiratapa, ti atétere whĩné Alimakélé mo beterapóló kisipa tiratapó.

²⁴ Térapa, mo take kaae sale alimóte, diaaó woseté wale fo dią tuámó muó tanópóló yae. Ai fo dią tuámó muó tupa, ti dią Naalemaró Alimatamo tuámó betó tawaalo ai ape.

²⁵ Ai ala tuámó betepa, ama dąpaae mo eraalopóló ere fo i ape. Sukutere alakélé ini, mo ti betó tawaalopó erapó.

²⁶ Yało i dere asęta, dią dée nalaairaaalu, kópaae ąlisóró fu betere whĩrapené du betere ala diaaó kisipa yópóló i dere ape.

²⁷ Dią tuámóta, Dęi Kepe Wisi taketi beteró bettereteiné, dią yó melaaire whĩ me kae yaąanıpó. Ti noatepae, kale Dęi Kepe Wisiné fea ala bete diãpaae yó mótu beterapó. Ai Dęi Kepe Wisiné dią tuámó ai eró betere dąleta kapala mei, mo ti eró beterapa, ama diãpaae yó matere fo sya furaalu, Yesu Keriso tuámó betó tawae.

Kótóné naale senaalepó ere fo

²⁸ Térapa, yało hosaa mole naale senaale-ó, Yesu Keriso fesaee wale sukamó dą hale dere ala ini, halaaainé betepa kolópólópa, dią Yesu Keriso tuámó betere ala hale yó tawae.

²⁹ Diaaó kisipané Yesu Keriso ąta, donoi ala du betere whĩ wisinaale beterapó kisipa mutupa, ti mepaae so whĩné du betere wisi ala kilituraalu, ita Kótóné naale senaale beterapóló kisipa muae.

3

¹ Dąta, Kótóné ama naale senaale ereteiné, Aya Kótóné dąpaae mo doasi yaala sókó fale ala muluraalu erapa kelere! Ai fo ereteiné dą mo ama naale senaaletóro i betere ape. I haemó betó mole so whĩné Kótó tuęnireteiné atima dąkéle tuęnipó.

² Yało hosaa mole no nerape-ó, dąta Kótóné mo ama naale senaaletóro beterapó. Take nalopaae dą noa kaae so whĩ betaaloró mió dą kisipanipó. Tépatei, ą sókó wale sukamó mió ere ala kaaetóró yóló wapa dąné kelaaireteiné, dąkéle ą kaaetóró alé fóló betaalopóló kisipa mutapó.

³ Take nalopaae atei ala mo yaalopóló, Yesupaae kisipa tiki tiratere so whĩ feata, Yesu ą me dowi alatamo hoseké inire whĩ wisi biture kaae, atimakélé dowi alatamo hoseké inire so whĩ betaairaaalu, atimanétei taletu beterapó.

⁴ Mepaae so whĩ de dowi ala du betepa, ti yaqse yóló Kótóné tukóló muló betere fo

tikitu beteraþó. Ti dowi alanéta, Kótóné kulóló muló betere fo munire aþratapó.

⁵ So whiné du betere dowi ala tokóló alu-raai Yesu Keriso waletéi diaaq ai kisipare ape. Ti aþa, dowi ala mo sawakélé munire whípó.

⁶ So whí de Yesu Keriso tuamó betepa, ti atére so whí dowi ala du betaalo meipó. Mepaae so whí de dowi ala hãle deté fu betepa, ti ai so whiné a kolókéle ini yóo, kisipakélé ini yóo, erapó.

⁷ Yãlo hosaa mole naale senaale-ó, mepaae whírapené diã dilikóló kópaee alísó faqsóro yae. Mepaae whí de mo donoi ala du betepa, ti Yesu Keriso a mo donoi whí biture kaae, ai whíkélé atéro beteraþó.

⁸ Whí me detamo dowi ala du betepa, ti Satan a tuamó bitu yae depa du beteraþó. Ti noatepae, take kaae sale alimóteí Satan a dowi ala bete tale bitu, so whí dowi ala yóþóló sesemeraté wou betaleþó. Kótóné Naalema wale beteta, Satan-né ai du betere ala doraai waleþó.

⁹ Mepaae so whí de Kótóné ama ala tuamó deyóló betero betepa, ti ai so whí dowi ala deté faalo meipó. Ti Kótóné wisi ala kaaraterere ke a tuamó boleteiné me dowi yó tanénipó. Ti noatepae, Kótóné atima deyóló betero betereiteinéþó.

¹⁰ Ita Kótóné naale senaale ó Satan-né naale senaaleþóló kãee kolóló tué yaaitere ala i ape. Mepaae so whí donoi ala initepa ó no nepaae yaala sókó fole ala initepa, ti atére so whí Kótóné naale senaale bitinipó.

Ne notamo yaala sókó fu betae ere fo

¹¹ Diaaq mo take kaae sale alimóteí, kaae sóro woseté wale fo i ape. Ðané ne no hamomatamo yaala sókó fole ala du betenárapó.

¹² Kale whí Kein a dowi kepené yae dere ala sya furaalu, ama noma dóló sukunótu yale kaae, diaaqkélé atei kaae ala yaqse. Ti noa betené Kein-né ama noma dóló sukunaleé? Ama yale ala do yóo, nomané yale alamo dono yóo, yale betené nomatei daleþó.

¹³ Yãlo no nerape-ó, i haemó betó mole so whiné diã hóróló bóe dele ala depa, ai noa ala du derópóló, diã kilita sókó faqse.

¹⁴ Ðata, ne no hamomapaee yaala sókó fole ala du betereiteiné sukutere ala tuamó betaletéi taaróló, mo ti betere ala tuapaae fóló beteraþóló kisipa muaalopó. Whí me de yaala sókó fole ala initepa, ti atére whí sinitere ala tuamó hãle beteraþó.

¹⁵ Whí me dené ama no né hóróló bóe dupa, ti atére whí a whí dele whípó. Whí dele whírape tuamóta, mo ti betere bete munireteí diaaq ai kisipare ape.

¹⁶ Yaala sókó fole alané bete ðané kisipa yaaire ala i ape. Yesu Kerisoné ða tao suraalu, ama betere bete hãle melóló

sukãlepó. Até du yale kaae, ðanékéle ðané betere bete ne no tao suraalu hãle melóló sukunéraþó.

¹⁷ Whí me de fea ¼la sumó muluraalutei, ama no kóletu mepaae yaqare ¼la taosóro meni depa, ti atére whí tuamó Kótóné yaala sókó fole ala nétéro muaaloé?

¹⁸ Yãlo hosaa mole naale senaale-ó, ðané hãle tó kolóné ó foné maaté yaala sókó fole ala ini, hosaa tuamó mo alatóro muluraalu, me whí tao sóro eraterere ala yaalopa sae.

¹⁹⁻²⁰ Ðanéamo ai ala du betepa, ti ða mo fo tuamó beteraþóló kisipa yaalopó. Ða hãsóké fole alané hosaa tuamó sekené mo ti só deraqsóro, ne nopaae yaala sókó fole ala depa Talené keletómó hosaa muni deyóló dua betere ala enéraþó. Ti noatepae, Kótóné fea ala ama tué iruraalu, ðané hosaa tuamó mole sekéi alarape fea ama teþéro beteraþó.

²¹ Yãlo hosaa mole no nerape-ó, ðané hosaa tuamó mutere kisipané ða só derénitepa, ti Kótóné keletómó halaainé diriyóló daanérapó.

²² Ðané ama yóló muló betere fo wosóló sya fóo, ama kisipa mole alakélé eróo, du betereiteiné ðané mepaae yaqare ¼la aþaae wosetepa, ti ama mo melaalopó.

²³ Ama yae yóló muló betere fota i ape. Kótóné ama Naalema Yesu Kerisopaae kisipa tiki tiró bitu, ðané ne nopaae yaala sókó fu betepa, ti aita ama ðapaae yae yóló muló betere ala ai sya fole ape.

²⁴ Mepaae whí de Kótóné ama yae yóló muló betere fo sya fu betepa, ti atére whírape Kótó tuamó betóo, Kótó akélé atima tuamó betóo, erapó. Tale ða tuamó beteraþóló tué dere alata, ama ða tuamó beterale Ðei Kepe Wisiné yó matepa, ðané a kisipanéraþó.

4

Kótóné dotqale Keperó kae keperapetamo kãee kolóló tué yaaitere ala

¹ Yãlo hosaa mole no nerape-ó, kae kae keperape fea so whí tuamó ai betó mulapa, ai keperapené dere fo wosóló mo dapóló kisipa tiki tiraqse. Aténi, ai keperapeta Kótóné dotonatepa waleþé whí me kaené dotonatepa walerópóló mo wisiyóló kãee kolóló tale yae. Ti noatepae, Kótóné fo eraterere kóló whípóló dilikitere whírape i hae kwiamó mo dekéro wóló ai betó mole ape.

² Kótóné dotonale Kepe méró kãee kolóló kisipa yaai dere alata, i ape. Mepaae whírapené duraalu, Yesu Keriso aþa, Kótóteí mo whiné tiki daayóló waleþó dere keperapeta, ti Kótóné dotonale Kepe ai ape.

³ Atéþateí, Yesu Kerisota Kótóteí mo whiné tiki daayóló wénipó dere keperapeta, ti Kótóné dotonale keperape meipó. Aita, Yesu Kerisotamo bóe dóló so whí dilikitere

whjiné keperape waalopó depa take dijané woseté waletei, mió i haepaae mo wóló ai betere ape.

⁴ Ҳало hosaa mole naale senaale-ó, diҗta Kótóné ama deyóló beteró betere naale senaaletóró ai betere ape. Atéru, diҗ tuamó betere Kepené bóe dóló ama bole fotokóné ai kapala fo du betere whjrape tuamó betere keperape tetéro beteraпó.

⁵ Ti ai whjrape atimata, i haemó kaayóló betereiteiné atima kisipakélé i haemó mole kisipatóró mulapó. Atérené, haemó betó mole so whjinékélé atima dere fotóro wosóló sya fu beteraпó.

⁶ Даҗа, Kótó tuamó kaayóló betereiteiné, mepaae Kótó kisipare so whjiné ti dané dere fo mopóló wosetu beteraпó. Téпatei, Kótó tuamó bitinire whjrapenéta, ti dané dere fokélé mopóló wosetimipó. Ti ita mo fo dere Kepe Wisiró kapala fo dere kepetamo taleyóló kisipa yaai dere ala ai ape.

Kótóné dapaae yaala sókó fu dere kaae, danékélé mepaae so whjpaae yaala sókó fae

⁷ Ҳало hosaa mole no nerape-ó, dané ne notamo mo yaala sókó fole ala du betaalopa sae. Ti noatepae, yaala sókó fole alata, Kótó tuamó kaayóló walapó. Ne nopaae yaala sókó fu betere so whj feata, ti Kótóné deóló beteró betere naale senaale bitu, Kótó mo diriyóló kisiparapó.

⁸ Mepaae whj de tuamó yaala sókó fole ala munipa, ti atétere whjiné Kótó mo tuénipó. Ti noatepae, Kótó җта yaala sókó fole ala bete ereiteinéпó.

⁹ Kótóné dapaae yaala sókó fóló mole ala haҗearóturaalu, ere ala i ape. Даҗ а tuamó beteróпó, ama mo betа betere Naale i haepaae wóпó, doteyaleпó.

¹⁰ Kótóné ama yaala sókó fole alané bete i ape. Folosóro dané Kótó җpaae yaala sókó fole ala inipó. Ténitei, amapi dapaae yaala sókó furaalu, dané dowi ala kwia tokóló aluraai, ama Naalemané betere bete haҗe melóló sukóпó, dotonaleпó.

¹¹ Ҳало hosaa mole no nerape-ó, Kótóné amapi kaayóló dapaae yaala sókó fole ala haҗe yó tareiteiné, danékélé ne notamo mo yaala sókó fole ala depa ti mo wisirapó.

¹² Mo betа whjiné Kótó kolókéle inipó. Ténitei, dané ne nopaae yaala sókó fole alatamo du betepa, ti Kótó да tuamó bitu, ama yaala sókó fole alakélé да tuamó mo suró beteraпó.

¹³ Ti ama Kepe Wisi да tuamó betereiteiné, Kótó а да tuamó betóo, да а tuamó betóo, erapóló dané kisiparapó.

¹⁴ Alima Kótóné ama Naalema i hae kwiamó betó mole so whj aluyaqsóro, tao sere whj beteróпó dotonale ala dané mo kelalepóló, haҗearóló so whjpaae i du betere ape.

¹⁵ Mepaae so whj denétamo Yesu Kerisota Kótóné naalemapóló diriyóló kisiparu, mepaae so whjpaae haҗeamó yó matepa, ti ai so whj Kótó tuamó betóo, Kótókéle ai so whj tuamó betóo erapó.

¹⁶ Atéru Kótóné dapaae yaala sókó fole ala dané tuéreteiné, җpaae hosaa muóló tiró beteraпó.

Ti Kótó җта yaala sókó fole alané bete Tale beteraпó. Whj me de yaala sókó fole ala tuamó betepa, ti atétere whj Kótó tuamó betóo, Kótó аkéle ai whj tuamó betóo, erapó.

¹⁷ Даҗ Kótó tuamó atéro betepa, yaala sókó fole ala да tuamó mo turó faayaalopó. Atéro bitu, take kemeteré alimó fo tokóló taletepa да wikelé ini, mo halaaíné daayaalopó. Ti noatepae, Yesu Keriso а ama Alimané kisipa mole ala erótu betale kaae, дакélé i haemó haҗe bitu, Yesuné ama kisipa mole ala erótu betereiteiné да а kaaetóro beteraпó.

¹⁸ Yaala sókó fole ala du betere so whj tuamó witere ala mo sawakélé bunipó. Téпatei, witere whjта ama du betere alamó dowi kwia saalopóló kisipa mutu dapó. Ti atéro witere so whj tuamó Kótóné yaala sókó fole ala faani teórapó. Ai ala epatei, Kótóné yaala sókó fole ala faҗaturaalu, witere ala alurótu beteraпó.

¹⁹ Folosóro Kótóné amapi dapaae yaala sókó faleteiné dané җpaaekélé, ne nopaaekélé yaala sókó fu beteraпó.

²⁰ Whj mené duraalu, а Kótóпaae yaala sókó fu beteraпó du bitutei, ama no ne hóróló bóe du betepa, ti а kapala fo dere whj ai ape. Ti noatepae, whj me dené ama kilitu betere no nepaae yaala sókó fole ala initepa, ti keleпaa kilinire Kótóпaae yaala sókó fole ala mo enénipó.

²¹ Ti Kótóné dapaae yae yóló muló betere fo i ape. Kótóпaae yaala sókó fu betere so whjinéta, no nepaaekélé yaala sókó fu betenéraпó.

5

Yesu Keriso Kótóné Naalemapóló kisipa tirae ere fo

¹ Yesuta, Kótóné so whj tetéroλό kaae tare whj Kerisopóló kisipa tiki tiratepa, ti atétere so whjта, Kótóné deyóló betero beteraпó. Mepaae so whj Alimapaae yaala sókó fole ala du betepa, ti atétere so whjiné ama naale senaalepaaekélé yaala sókó fu beteraпó.

² Dané Kótó җpaae yaala sókó furaalu, ama yóló muló betere fo sya fu betepata, ti Kótóné ama naale senaalepaae yaala sókó fu beteraпó dané kisipa enéraпó.

³ Kótóné ama yóló muló betere fo sya fóló ai fo aqmó mo dua betere alata, ti Kótóпaae yaala sókó fole alané bete ai ape. Ai fo sya foleteita, mo hapólunipó.

⁴ Ti noatepae, Kótóné deyóló beteroó betere naale senaalené i haemó mole alatamo bõe dóló teteró beteraó. Ti aita, Yesu Keriso mo beteraó dāné kisipa tiki tiró betereiteiné i haemó mole ala fea mo ti dóló teteró ai betere ape.

⁵ Noa ala ere so whjné i haemó mole alatamo bõe dóló teteró betere? Yesu Keriso āta, Kótóné Naalemapóló kisipa tiki tiróló betere so whjné maaté ai ala teteró beteraó.

⁶ Yesu āta Kótóné Naalemapóló hakearatare alata, weiró sameatamo tuamó walepó. Āta, mo wej tuamó maaté wēni, samearó weitamó tuamó walepó. Kale Dej Kepe Wisi ā mo foné bete betereiteiné, amakélé Yesu āta, Kótóné Naalemapóló yó mótu beteraó.

⁷ Até yale alata, sore qlarapené etéró hakearóló yó matapó.

⁸ Kale Dej Kepenekélé, wejnekélé, sameanékélé, i sore qlarape atima feané mo betā fotóró dua dapó.

⁹ Mo whjné etei kaae ala depa kelalepóló dere fo dāné wosóló mo dapóló kisipa tirótua dapó. Tépatēi, Kótóné ama Naalené ere alamó kisipa mutu, hakearóló ere foné mo whjné dere fo teteróló teraae falapó. Ti noatepae, Kótóné āta, mo foné betereiteinépó.

¹⁰ Kótóné Naalemapaae kisipa tiki tiró betere so whjné hosaa tuamó, Kótóné ama hakearóló dere fo mopóló kisipa mutapó. Tépatēi, mepaae whjné Kótóné dere fo wosóló tué tiki tirénitepa, ti atétere so whjné Kótó ā kapala fo bole seké aqrapó. Ti noatepae, Kótóné āta ama Naalepó, dere fo wosóló tué tiki tirénitereiteinépó.

¹¹ So whj feané wosóló kisipa tiki tirópóló, Kótóné hakeamó ere ala i ape. Kótóné ama mo ti betere bete dā meló beteraó. Ai ti betere beteta, ama Naalema tuamó mulapó.

¹² Kótóné Naalema Yesu Kerisotamo betāmó titiyóló betere so whjta, mo ti betere bete sóró tarapó. Ama Naalematamo titiyóló betenire so whjta, mo ti betere bete sóró tanipó.

Yesu Kerisoné ala tuamó betae yóló mo kemerótu dere fo

¹³ Yālo i dere ašeta, Kótóné Naalema Yesu Kerisoné doimó bitu, āpaae kisipa tiki tiró betere so whjpaee mo ti betere bete dāné sóró tarapóló kisipa yaasepóló i dere ape.

¹⁴ Dā witere ala ini, Kótó betere felekepaae fóló halaainé wosaai dere ala i ape. Dāné tamó ama kisipa mole ala eraai me qlakó kematepa, ti ama mo wosetua dapó.

¹⁵ Dāné wosetere ala ama mo matapóló kisipa tiratepa, ti āpaae noa qlakó wostepa ama melaalopó.

¹⁶ Me whjné ama no netamo sukóló mo ti alu enénire dowi ala du betere keletepa, ti Kótóné ama betere bete melópóló Talepaae moma eranérapó. Yālo i dere fota, alu enénire dowi ala dere so whjmó kisipa mutu dapó. Tépatēi, mo ti sukutere tikipaae falaaire dowi alata, ti ama kae mulapó. Ai aluyaaire tikipaae faaire dowi ala dere so whjmó momarae yóló dumipó.

¹⁷ Kótóné yóló muló betere fo tikitere alata, ti ai dowi ala ai ape. Tépatēi, mepaae dowi alané so whj sukutere tikipaae ālisó fumipó.

¹⁸ Kótóné deyóló beteroó betere so whjta, dowi ala hāle deté fumipóló dāné kisiparapó. Ti ai so whj me ala yaqsóró, Kótóné ama deyóló beteroó betere Naalené mo wisiyóló kaae tareiteiné, dowi kepené ā doranénipó.

¹⁹ Dāta, Kótóné ama naale senaaletóró betereite dāné kisiparapó. Tépatēi i haemó betó mole so whjroó yó mole qla qlatamo dowi kepené teteróló kaae tare aqmó mulapó.

²⁰ Kótóné Naalema Yesu Keriso i haepaae waletei, dā so whj feané ā tuamó mole ala bete kisipa yóo, dāné Kótó ākélé mo alané betepóló kisipa yóo, yópóló waletei dāné tuérápó. Dāta, mo alané bete tale Naalema Yesu Keriso tuamó beteraó. Āta me kae mei, Kótótóroó bitu, mo ti betere bete talepó.

²¹ Yālo hosaa mole naale senaale-ó, dīā Kótó taaróló, i haemó kae kae betó mole kapala kótópaae faqsóró, mo wisiyóló kaae tawae.

2 Jon

¹ I dere așeta, Kótóné so whi teteróló kaae tare whi disiné Talené sókó sóró kae beteró betere soró ama naale senaaletamopaae dapó. E Talené mo ala tuámó bitu, yało diappaee yaala sókó fu betera pó. Ti ai alata, yało maaté ini, mo fo bete tuęre so whinékélé beta kaae alatóro du betera pó.

² Ti noatepae, mo fo bete Tale miókélé dą tuámó bitu, take nalokélé hałe bitiré faaireteiné diappaee yaala sókó fu betera pó.

³ Atérapa, dą mo foró yaala sókó fole alatamo tuámó betepa, Alima Kótóro ama Naalema Yesu Kerisotamo tuámó kaaróló wale hamokoróló tao sere alakélé, kolené sukutere alakélé, hosaa muni deyóló dua betere alakélé, dą feapaae erópóló yae.

⁴ Aya Kótóné dąpaae erae yóló muló betere mo fo naao naale senaalené sya fóló erótu betera pó dere fo woseturaalu, e mo doa hajné sukutu betera pó.

⁵ Térapa, yało hosaa mole so wisi-ó, yało yaapaae duraalu ne no hamomatamo dą yaala sókó fole ala enérapóló i așetere ape. Ti ai yae yóló muló betere fota, kisi fo kae mei, mo take kaae sale alimótei woseté wale fotóro pó.

⁶ Yaala sókó fole alané beteta i ape. Kótóné ama yóló muló betere fo aqmó bitu, sya fóló erótu betere alapó. Mo take kaae sale alimótei diaaq woseté wale foné duraalu, ne no hamomapaae yaala sókó fu betae erapó.

⁷ Yesu Keriso i haepaae mo whiné tiki daayóló wénipóló, so whi dilikóló kapala fo yó matere whjrape mo turó i haemó sų ai ere ape. Atétere whjrape atimata, so whi dilikóló Yesu Kerisotamo bóe ai dele ape.

⁸ Atérapa, diaaq diale kutómó saaire dupu wisi aluni, turó saasepóló mo hotowayóló kaae tawóló betae.

⁹ Mepaae whi de so whi teteróló kaae tare whi Kerisoné yó matere fo taaróló, kae fo wosetepata, ti atétere whi Kótómó betámó bitinipó. Tépatei, whi me de Kerisoné yó matere fo mopóló wosóló eró tapa, ti até dere whi Alimaró Nalematamo fea betámó ai betere ape.

¹⁰ Mepaae whitamó dią beterepaae wóló mo fo yó meni, kae fo yó matepa, ti atétere whi naao bepaee dape sere ala ó kóleó dere fokélé yaqse.

¹¹ Mepaae whiné atétere whi ama bepaee wisiyóló dape supata, ti ai whiné ama du betere dowi ala yópóló, keteke ai bulatere ape.

¹² Yało diappaee yaaire fo mo turó mupatei, naasené fas-mó așe dere hótepa, taalatapó. Ti noatepae, e dią beterepaae wóló kelepa kaaetamo yóló bitu ekei fo

depa, haj dere ala dą tuámó mo faayóló sųrópóló kisipa mutu dapó.

¹³ Kótóné sókó sóró kae beteró betere so naao hamané naale senaalené diappaee kóleó, dapó.

3 Jon

¹ I dere așeta, Keriso so wh̄i țet̄eróló kaae tare wh̄i dis̄i mo fo tuamó bitu, ȳalo hosaa muóló, yaala sókó fu betere no Kaius-paae dapó.

² ȳalo hosaa mole no-ó, ȳalo ȳamó Talepaae momarótu betere ala i ape. Naao kepe bete tuamó wisi ala irure kaae, naao tó tikimókélé me kisi daani, mo wisiyóló bitu, mepaae dere ala fea ȳópóló kisipa mutu, momarótu beterapó.

³ Mepaae Keriso norape ę beterepaae wóló, ȳa mo bete mole fo tuamó bitu, ai fotóró eraté fu beterapó dere fo wosaleteiné, ę doasiné hajné sukutu beterapó.

⁴ ȳalo naale senaale diȳa mo fo tuamó bitu, ai fo sȳa fóló erótu beterapó dere fo woseturaalu, dere hajné kae kae alamó dere haj mo bosené falapó.

⁵ ȳalo hosaa mole no-ó, mepaae naao tuęnire wh̄irapekélé, Talené ala eróturaalu, Keriso norapepóló tao su betere alata, mo wisirapó.

⁶ ȳa tuamó yaala sókó fole ala mulu, ai wh̄irape wisiyóló dape sale fo atimané i betó mole Keriso so wh̄ipaae ene walepó. Térapa, me sukamókélé atéró Talené kutó diratere wh̄irape ȳa beterepaae wapa, Kótóné ama hamokoróló matere ala sȳa fóló, atimané ȳaȳa dere ȳla șumó melóló, atima faaire tikipaae fȳpóló ȳae. Aita, mo wisi ala dapó.

⁷ Ti atima be taaróló, Talené doi eraté kotepa, Tale tuęnire so wh̄iné atima ȳa ȳatere ȳla tao sere alakélé inipó.

⁸ Atérapa, dȳa fea touyóló Talené mo bete mole fo eróturaalu, atei kaae wh̄irape mo wisiyóló dape sóró, tao sere ala depa mo wisirapó.

⁹ Keriso so wh̄ipaaeta, fea fo aseȳóló dotonalet̄ei, ai so wh̄i țet̄eróló kaae tawaai ekęle du betere wh̄i Diotrepes-né dȳné dere fo mopóló woseni, dowȳae felepó.

¹⁰ Atérapa, ę aipaae wapa, ti ai sekéné dȳné doi doróló folokolerótu betere fo diȳpaae yaalopó. Ai ala maaté mei, mepaae Keriso norapekélé wisiyóló dape sini ȳó, mepaae wh̄iné dape saai kisipa mutupa, ti ai so wh̄i atima Keriso so wh̄itamó touyóló betașsóró hȳkó faló, du beterapó.

¹¹ ȳalo hosaa mole no-ó, atei kaae dowi ala șȳróló ini, mepaae dere wisi ala ti șȳróló ȳae. Mepaae wh̄i de wisi ala du betepa, ti Kótóné ama wh̄itóró beterapó. Mepaae dowi ala du betere wh̄iné ti Kótó mo kolókélé inipó.

¹² Demitrias-né du betere ala so wh̄i feané kilitu, ȳa mo wh̄i wisipó du beterapó. Kale mo fonékélé, ama wisi ala dapóló hȳkearótu

beterapó. Ti ama dere ala dȳnékélé mo wisiyóló kolóló, mo betȳ kaae fotóró dapó. Dȳné kelale ala diȳpaae i deretei, motóró dapóló kisipa muae.

¹³ ȳalo diȳpaae ȳaai dere fo dekeró mupatei, așemó dere hȳtepa taalatapó.

¹⁴ Ti noatepae, ę diȳa beterepaae wóló, diȳtamo kelepaa kȳaetamo ȳaai, mo felekemó waai kisipa mutapó.

Kótóné hosaa muni deȳóló mo dua betere ala diȳ tuamó mulȳpóló ȳae. Imó betó mole ne norapenékélé diȳpaae mo doa kȳleó dapó. Aimó betó mole no nerape atima dokȳ feapaae mo doa kȳleó, dapó ȳae.

Jud

¹ I dere așeta, Yesu Kerisoné kutó diraterere wh̄i Jems-né noma Jud-né dapó. Talené a beterepaae ape yóló, Alima Kótóné hosaa muóló yaala sókó fóo, Yesu Kerisoné dapesene waai wisiyóló kaae tawóo, ere so wh̄ipaae dapó.

² Ti Kótóné қоleturaalu h̄ale tao sere alakélé, hosaa muni deyóló dua betere alakélé, yaala sókó fole alakélé, mo turó dīa tuamó mulópóló yae.

Kótó h̄ratere wh̄irapené dere alamó dowi tikipaae faaire ala

³ Yalo hosaa mole no nerape-ó, da fea aluyaqsóro Kótóné tao sere ala bete dīané tué yópóló, așeyaa ketekę bualepó. Téyaletei, Talené ama kae betero betere so wh̄ipaae tué tiki tiraterere fo mo wisiyóló kaae tawae yóló, mo bet̄a félimótóro melalepó. Ai fo wisi tokóló aluróló mené kae fo depa, taalae yóló foné saasepóló i dere ape.

⁴ Ti noatepae, mepaae wh̄irape kikití wóló dīa kuamó betereiteiné dapó. Ai wh̄irape atimané mió ai du betere ala yaai teópa mo taketitei, Kótóné só deró beterepóló așemó erapó. Ti atimata, Kótóné ala erénitere wh̄irape bitu, Kótóné hamokoróló tao sere ala h̄ale ęla aqróló, nópu naaitere ala fo munipa yae du beterepó. Atéturaalu, da teteróló kaae tare mo doasi Tale Yesu Keriso bet̄atóro betepatei, atima a aqmó be-taalo h̄oróló ama doi doróló faletu beterepó.

⁵ Mió yalo i yaaitere fo fea diaaę tuępatei, mo diriyóló tuę yaasepóló, momó i dapa wosae. Talené ama so wh̄i Isip hae kwiamó betepa, ama tao sóro dapesó waletei, nalo ama dere fo wosóló tuę tiki tiréni yale so wh̄i mo ti dóló sisiraae faralepó.

⁶ Meta, Kótóné mepaae *ensel*-rapepaae kaae tawae yóló melale kutó taalóturaalu, atima betere tikikélé taaralepó. Atétepa, atima Kótóné dirii *sein* képiné dokóló diliki tuamó mo ti *dipula* betero beterepó. Aita h̄ale mei, Talené ama taleyaaire doasi be de sókó wópóló, kaae taru betero beterepó.

⁷ Meta, Sodom beró Komora betamokélé, ai be hulua tamo felekemó tę mole doasi be huluarapekélé, doró betereitei kisipa muae. Ai berape hulua mó betó mole so wh̄iné nópu nokole alaró kae kae sonaaiei dowi alatamo mo dekeró h̄ale yó tapa, Talené kwia melalepó. Mió i alimó betere so wh̄iné ai yale ala tuę muóló, nalo waaire alimó Talené dowi kwia matere so wh̄i mo ti dó tare simó beterepae, doasi dele saalópóló kisipa muópóló erapó.

⁸ Ai ala ere kaaetóro, yalo dīapaae yale kapala fo yó matere wh̄irape atima nokené i ala kelalepó du bitutei, nópu nokole alané atimané tikitei doróló folokoleróo, doasi teteróló kaae tare wh̄irape aqmó bitini dowaae fóo, hepen bemó betere sekęrapekélé faleyoó, du beterepó.

⁹ Tétepatei, doasi topo *ensel* Maikel a halainé Satan-paae etei kaae só deraterere fo inipó. Moses-né tiki sini né saalóe yóló atimaamo sej sej yaleteti, Maikel-né Satan foné sóro só deréni, “Talené amatei ya foné sóro, só derópóló yae,” fo bet̄a erapó.

¹⁰ Topo *ensel*-né atei faletere fo dumitei, dīa tuamó ai betó mole wh̄irape atima diriyóló tuę inire alarape fea faletu beterepó. Tétu, atima topo daanire ęla hupu ó yuwiné dere ala kaae, tó tikiné ekęleyóló h̄ale h̄oko du betere ala atima mo wisiyóló kisiparu, dere alanétei atima mo dorótu beterepó.

¹¹ Ai wh̄irape atima doló sukunaaire tuęni, h̄ale h̄oko du betere alata, Kein a dowaae fóló noma du yale kaaetóro ai du betere ape. Kale wh̄i Balam aklélé doasi *moni* saai ekęleyóló kępaae fu yale kaae, ai wh̄irapekélé tuę tekeni, *moni* saai dapóló ekęle duraalu ai fele ape. Kale wh̄i Kora-kélé Kótóné sóro beterele topo wh̄i Moses aqmó betere h̄oyóló dowaae fupa, Talené atima doló alurótu yale kaae, ai wh̄irapekélé atéro doraalopó. Téyaaalopa ai wh̄irape atima wiyó yae!

¹² Ai wh̄irape atima haleni, Keriso so wh̄i dīasisi yaala sókó furaalu, ęla deyóló nokole sukamó atimakélé Keriso wh̄irapepóló halainé, dīatamo ęla betamó nuka dapó. Ai wh̄irape tuamóta, i ala kaae erapó. Tuamó kapo fosó ó ni serake kikití holó tare kaae, dīa doraaire ala atima tuamó bulapó. Meta, *sipsip* hupu kaae tare wh̄irapené hupurape wisiyóló kaae tani, ęla atima maate nuku dere kaae ai wh̄irapené du betere ala atérapó. Hali waairaalu, s̄ako diliki deretei halimo wéni, beséne kae tikipaae só fu dere kaae dua dapó. Meta, ni du woletere alimó keleralemó, du betakélé woleni, ama felekekélé haepaae derepéni yóló h̄ale tómo beleru, kale ni mo ti sélitu dere kaae atimané dere alaró betere alatamo atérapó.

¹³ Meta, doasi węi dokole sukamó dakeró ęla ęla holopetamo sóro wóló węi fókumó mulótu dere kaae, mo sonaané yóló halei alatei, atima mo halainé du beterepó. Meta, șamó h̄ore h̄oko kutu dere kaae, atima mo dowi diliki dolomó atéro beterepóló, eró beterepó.

¹⁴⁻¹⁵ Adam-né deale naalené deté feletei dos̄aturaaalu, apo mi dakoróló deale wh̄i Inokepaae Kótóné i fo yae yóló ipakalepó. “Talené ama kae betero betere *ensel*-rape mo h̄ale ęla kaae ațamo ai walapa kelae. So

whi feané ama ala eréni, kae tų sya fóló dowi ala duraalu, Tale faleyóló deteraaire fo du betaiteimó, taleyóló só deraai waalopó,” erapó.

¹⁶ Ai whirape atima Kótóné ala sya faalomeipóló, doka doka yóló faleturaalu, tó tikiné ekẹlere ala sya fóló dowi ala du beterapó. Tétu, atimatei doi sóró horóló bopé faketu beterapó. Mepaae so whiné atimamó me alakó erópóló kisipa mutu, foné so whi hẹle mulóló dukiraterere fo du beterapó.

Kótóné ala erótu betereitei taaréni, hẹle eró tawae

¹⁷ Tépateti, ọlọ hosaa mole no nerape-ó, dẹ tẹteróló kaae tare whi Yesu Kerisoné dotonale *aposei* whirapéné take nalopaae i ala yaalopóló, diąpaae yó melale fo tuẹ muae.

¹⁸ Ai whirapéné diąpaae i fo yalepó. “Take kemeterere sukamó Kótóné ala faletu betere so whi atima tó tikiné ekẹlere ala sya fóló, dowi ala maaté du betaalopó,” erapó.

¹⁹ Ti ai ala du betere whirape tuámó Dẹi Kepe Wisi bitini, mo hae whiné mole tuéró dere alatamo maaté sya furaalu, dią tuámó fake tekerótu beterapó.

²⁰ Tépateti, ọlọ hosaa mole no nerape-ó, dią Talené ama so whi bitu ọpaae tuẹ tiki tiró betereitei mo ti fakeyópóló, ama mo kae ere fo wisi sya fóló erótu betóo, Dẹi Kepe Wisiné dią fotokọratepa Talepaae moma yóo, du betae.

²¹ Dẹ tẹteróló kaae tare whi Yesu Kerisoné kọletu, tao sóró mo ti betere ala tuąpaae dapesó faaire be dẹ kaae taru, dią Kótóné yaala sókó fole ala tuámó betó tawae.

²²⁻²³ Atéru, mepaae so whi kisipa tamo muluraalu tuẹ tiki tiraterere ala wotąalepa, kọletu tao sae. Téturaalu, mepaae mo felekemó sipaae faaitere so whi atima aluyaọsóró tao sóo, sukẹle whiné yei kuti bukaalo hótu dere kaae, mepaae so whi atimané tó tikimó ekẹleyóló du betere sonaalei ala diąpaae tekaọsóró, wiyóló tika kae bitu kọleyóló tao sóo yae.

Kótóné doi doasi mulaterere fo

²⁴ Dią dée naọsóró tao senére sekéné doi doasi muópóló, hale sóró horae. Ti dią ai sekéné ama kae ere dẹ tuąpaae dapesó fóló, me alakélé muni mo doasi haj fąanuraalu ątamo betámó betenérápó.

²⁵ Dẹ tẹteróló kaae tare Tale Yesu Keriso tuąpaae erale alané so whi aluyaọsóró tao su beterapó. Atére Kótó mo betátóró betere-apa, ama doi doasi mulae. Tétu, mo kae ere dẹ fąane alakélé, ama mo kae ere ala wisinaalekélé, doasi fotokọkélé, fea ala tẹteróló kaae tare betekélé, mo ọpaaetóró erópóló yae. Mo take keké nale alimókélé, mió i betere alimókélé, nalo betaaire alimókélé,

ama doi doasi hẹle muó tanópóló, sóró horótu betae. Mo kée, téyópóló yae!

Kinóló mole ala hąkearaletei

¹ I dere fota, Kótóné Yesu Kerisopaae mo felekemó yaai dere alapa, naao kutó diratere so whinė tuę yópóló, kinóló moletei hąkearóló yó melae, yóló malepó. Ai fo Yesuné wosóló, ama kutó deratere whį Jon beterepaae *ensel* dotonalepó.

² Atétepa, Jon-né ama kelale ala so whį feané tuę yópóló, amamo aseýalepó. Ai fota me kae mei, Kótóné dere foró Yesu Kerisoné ama yale alatamo etérápóló yó male fopó.

³ Take i ala yaalopóló i asere fo hąkeamó dosąatu betere whį Kótóné wisiró beterepa, hajné sukutu beterepóló yae. Ai dosąatere fo wosóló, hosaa tuamó mulatere so whįkélé, wisiró beterepóló hajné sukutu betenérápó. Ti ai yó male alarape dokonóló yaaire be dę mo felekemó sókó waai dapó.

Talené doi hale horatere foró kųleó dere fotamo

⁴ Ęta, Jon-né Esia hae kwiamó betó mole weįkeró Keriso fake so whįpaae dapó.

Miókélé betóo, takekélé bitiré wóo, nalo waaire alimókélé hąle betóo, yaaire sekéro kale teteróló kaae tare doasi betere tiki felekemó betere weįkeró keperapetamo tuamó kaaróló wale hamokoróló hąle tao sere alaró, hosaa muni deýóló dua betere alatamo diąpaae erópóló yae.

⁵ Ti Yesu Kerisoné yó matere fota, ama mo kelale alatatórú du beterepóló. Ti ąta, mo sukaletei kepaayóló betaaire so whįmó, tuę aleróló folosóró fóló betere whįpó. Atéturaalu, i haemó betó mole topo whįrapekélé mo fea amatóró teteróló kaae tarapó.

Ai sekéné amatóró diąpaae yaala sókó furaalu, dą dowi ala tuamó betepa, ama sameanétei teraayóló hąle fópóló eró beterepóló.

⁶ Téro dą ama teteróló kaae tare aqmó sóró beterepóló, Alima Kótóné ama ala erópóló, so whįmó momaratere whį sóró beterepóló. Téreteiné, ai sekę ama mo kae ere ala wisiró doasi fotokątamo mo hąle muó tanópóló yae! Mo kée, téyópóló yae!

⁷ I dere fo wosae! A ó hepen bemó ere sąkotamo wapa, so whį mo feanékélé, take ą duraalu wutiné deýale whįrapenekélé, kelaalo ai ape. Atéteremó, i hae kwia feamó betóló fale so whinė doasi wole u yaalopó.

Ti ai alata, motóró yaalo ai ape. Mo kée, téyópóló yae!

⁸ Téro Tale Kótóné duraalu,

“Ęta, *Alaparó Omekatamopó*. Ai fo feteyóló, kaae sereteiré kemeratereitaimota, ti mo ętórótípó. Take bitiré waiteikélé, mió betereiteikélé, take nalo betaaireiteikélé, ętóró bitu, fea ąla ąla teteróló kaae tare sekę ętórótípó,” yalepó.

Whinė Naalema aąpa kelale fo

⁹ Ęta, diaaq no Jon-né dapó. Dą fea Yesu tuamó bitu, sekę sere alakélé, ama teteróló kaae tare aqmó betere alakélé, hńni hąle belée tare alakélé, dą fea betamó deté fu betere whįpó. Yesuné yale ala i ape yóló yó melóo, Kótóné fo eróo, yalemó atimané ę weįné bopéro daaló betere hae Patmos-mó beterepóló.

¹⁰ Atéro betepa, Talené be demó Dęi kepe wisiné fotoką tuamó bitu, yalo kįlipaae doasi fo fake ukulumó wutiné hale kaae depa wosalepó.

¹¹ Atéro dere foné duraalu, “Naa keletere ala fea bopeýóló mole sókumó aseýóló, weįkeró Keriso fake so whįpaae falae. Ai berape i ape. Efesus, Smerna, Perkamum, Taiyatira, Sardis, Piladelpia, Laodisia, i dosąayale be huluaamó betó mole Keriso so whį feapaae aseýóló falae,” yalepó.

¹² Ai fo du betepa, né déro sisópaae feté fóló kelalemó, *kold kapané* aleale weįkeró są dirirape kelalepó.

¹³ Atépa, ai są dirirape duku betere tuą dolomó whį betą Whinė Naalema kaae daapa kelalepó. Atéro, deróló sókó fatere fłoi kuti deróló, *kold kapané* aleale toné ai kuti teteróló bopémó sepa kelalepó.

¹⁴ Ama toporó nikitamota, mo yako kaae dę wisinaale yóo, ama kelekélé si mi kaae holóo, depa kelalepó.

¹⁵ Ama hóta, ti *brons kapa* siné dóló whaaere kaae yóo, ama dere fokélé, weį dou kąaturaalu dere hu kaae depa wosalepó.

¹⁶ Ama turu naasené weįkeró hąrerape tawóo, ama kųlómó bóe dele sepake fosó tamo daai sókó wóo, ama kelepaakélé, sukané dę kaae yóo, epa kelalepó.

¹⁷ Yalo ą kilituraalu, ę ama hó aqmó sukaęle whį kaae deraapisa fóló molepó. Atéro mupa, ama turu naasené ę wolaa yóló duraalu, “Yą wiyąqse. Kaae sereteikélé, kemetereteikélé, mo ętórótípó.

¹⁸ Ęta, mo ti betere sekępó. Ę take sukaletei, momó kepaayóló mo titóró betó tarapó. Téturaalu, sukutere alaró sukaęle so whįtamo betere tuę *ki* yalo i tare ape.

¹⁹ Térapa, naao kelale alakélé, mió i alimó keletere alakélé, nalo betaaire alimó yaaire alakélé aseýaae.

²⁰ Yalo turu naasemó mupa, naao kelale weįkeró hąreraperó *kold kapané* aleale weįkeró są dirirapetamo kelale bete i ape. Kale hąrerapeta, ti u weįkeró be

huluarapemó betó mole Keriso so whį tao sópóló, dotonale wẹikeró *ensel*-rapé. Kale wẹikeró są dirirapeta, ti wẹikeró be huluamó betó mole Keriso so whįpó,” yalepó.

2

Efesus Keriso so whįpaae aseýóló farale fo

¹ “Efesus be huluamó betó mole Keriso so whį tao sópóló doteyale *ensel*-paae i fo aseýóló falae.

Turu naasené kale wẹikeró hęerape taruraalu, *kold kapané* aleale wẹikeró są dirirape daae mole tuamó kutu betere sekéné dere fo i ape.

² Dią hókélé ini, mepaae du betere alarape yalo tuęnipóló de? Dią hókélé ini, depe tukó wei ala haęe yó tare alakélé, kale dowi ala yó tareteikélé, whįrape diątamo betámó betaqsóró hókó fatu betere alakélé, yalo tuęrapó. Mepaae whįrapené duraalu, ‘Dąta, Talené dotonatepa wale *aposel* whįrapepó,’ dere fomó, diąné atima kaae kolóló duraalu, ‘Diąta kapala fo bole whįrapepó dere alakélé kolóló, yalo mo tuęrapó.’

³ Dią yalo so whį betepa, mepaae sekeři ala ó faletere alarape wou betepatei dią hýyóló dekanı, yalo doimó haęe yó tarapó.

⁴ Tépatei, yalo keletepa wisinire ala betą i ape. Take kaae suraalu diaaq yaala sókó fu betale ala mió taaló betera pó.

⁵ Térapa, take diaaq yaala sókó fu betale ala taaróló, mió dią haepaae ai derepalapa kisipa muae. Atétu, diaaq kisipa tiki feteyóló take du betale ala momó yae. Dią ai alatamo initepa, ti ę dią beterepaae wóló diąné derótu betere są yalo tokó saalópó.

⁶ Téretei, diaaq du betere alamó yalo i yaaitere fo betą mo wisirapó. Nikolas whįrapené hótu betere kaae diaaqkélé atétu betera pó.

⁷ Mepaae whį me de wosęli daapa, ti Deį Kepe Wisiné kae kae Keriso so whįpaae du betere fo feané wosópoló yae. Whį me de tu wisipaae faai fupa, me sekeři alané sesé depakélé hepée taae faróló wale whįta, Kótó betere kelaalo mo kokęi tikimó daale kepaayóló mo ti betaaire ni du wisi nópóló yalo melaalópó,” yalepó.

Smerna Keriso so whįpaae aseýóló farale fo

⁸ “Smerna be huluamó betó mole Keriso so whį tao sópóló dotonale *ensel*-paae i fo aseýóló falae.

I dere fota, kaae sereteiró kemerale foleiteamoné bete Tale ą mo ti sukąletei, momó kepaayóló betere sekéné dapó.

⁹ Diąpaae kae kae sekeři alarape wou bituraalu, yoleale yóló betere ala yalo

tuęretei, doasi dirii ęla wisinaale betą diąné sóró tareteiné, dią doasi néli whį kaae ai betere ape. Mepaae so whį atima Juda fakepó du betereitei kapala fo dapó. Ti atimata, Satan-né fo wosetere fake bituraalu, dią erótu betere fo yalo kisiparapó.

¹⁰ Diąpaae sekeři ala wairemó wiyaąse yóló, ma fo i dapa wosae. Dią betere ala kaae kelaairaalu, Satan-né dią mepaae so whį *dipula* beteraalo ai ape. Atéró *dipula* betero betepa, sekeři ala siré fu bituraalu, naase tamo be ęerape kemeyaalópó. Dią dupakélé me ęla meipóló, tuę tiki tiraté fu betepa, ti atétere whįrapemó bóené whį dolóló kemeratere whįné deratere topo tao su dere kaae, yalo mo ti betere bete melaalo ai ape.

¹¹ Mepaae whį de wosęli daapata, kale Deį Kepe Wisiné Keriso fakerapepaae i dere fo wosópoló yae. Whį me de tu wisipaae faai fełalemó sesétepakélé, hepée taae faróló wapata, ti atétere whį ą tamoróló sukutere alané doraalo meipó.”

Pergamum Keriso so whįpaae aseýóló farale fo

¹² “Perkamum be huluamó betó mole Keriso so whį tao sópóló dotonale *ensel*-paae i fo aseýóló falae.

Fosó tamo daale bóe dele sepake tare sekéné dere fo i ape.

¹³ Diąta, Satan-né ama teęeróló kaae tare tikimó betereitei yalo kisiparapó. Dią atéró bitutei, yalo doimó du betere ala taaréni, haęe yó tarapó. Take yalo ala erótu betale whį Antipas dale alimó, diąné ępaae tuę tiki tiratere ala taaréni, haęe yó tawaleteti yalo tuęrapó. Ti diąta, Satan betere be huluamó ai betere ape.

¹⁴ Tépatei, diaaq dere mepaae ala yalo keletómó wisinireitei i ape. Dią betó mole kua dolomó, mepaae so whį Balam-né hókó yó mótu betale ala kaae du betera pó. Balam-né Balak-paae Israel fake so whį dowi ala yópóló, etéró yae yóló yó melalepó. Balak-né Israel fake so whį kapala kótópaae moma yóló matere ęlaró nópu nokole alatamo yópóló, ęlisóró fipakalepó.

¹⁵ Atétu betere kaae, dią mepaae whįrapekélé Nikolas whįrapené yó matere ala sya fu betera pó.

¹⁶ Térapa, diaaq ai du betere ala taaróló, kisipa tiki feteyóló betae. Diątamo ai ala initepa, ti ę dią beterepaae hapale sókó wóló, dią ai ala du betere whįrapetamo yalo kólómó sókó wale sepakené bóe daalópó.

¹⁷ Mepaae whį de wosęli daapata, kale Deį Kepe Wisiné Keriso fakerapepaae du betere fo wosópoló yae. Whį me de tu wisipaae faai fenalemó sesétepakélé, hepée taae faróló wapa, ti atétere whįmó yalo hyó muló

betere mepaae *mana* o nópóló melaalópó. Téturaalu, kisi doi aseýóló muló betere deį kane fakekélé melaalópó. Ai kane fakemó asere doita, haęe mo whinė tuę yaalo meitei, ai kane fake sere whinė maate tuę yaalópó.”

Taiyatira Keriso so whıpaae aseýóló farale fo

¹⁸ “Taiyatira be huluaámó betó mole Keriso so whı tao sópóló, dotonale *ensel*-paae i fo aseýóló falaae.

I dere fota, Kótó Naalema ama kele mo si kaae dó taru, hąlekekélé kale *brons kapa* siné dóló kasa kasa kaae ere sekéne dapó.

¹⁹ Diaaą yaala sókó fole alakélé, diaaą tuę tiki tiratere alakélé, yaalo doimó mo so whı tao sóró erótu betere alakélé, seke wapatei beléetóro tare alakélé, diaaą mió du betere alané take kaae suraalu yale ala bosene faletei, fea yaalo tuęrapó.

²⁰ Tépateti, kale so Jesepel ą fópóló mo taketitei hąkó faréniyólópó. Ai soné amatei ą Kótóné fo eratere kóló sopó du beterałópó. Téturaalu, ama yó matere fonétei, yaalo kutó diratere whırape nópu nokole ala yóo, kapala kótópaae momatere ąla nópóló ąlisóró fóo, du beterałópó.

²¹ Ai soné nópu nuku betere ala taaróló, kisipa feteyóló wópóló kaae taté fu betepatei, wéni mo dowaae fu beterałópó.

²² Até du betereiteiné, ą dele sóró fiter tikimótóro fiyó mulópóló, taae deraalópó. Téturaalu, ątamó nópu nuku betere whırapekélé kale soné atimapaee yó melale dowi ala taaróló, tuę tiki feteyóló anitepa, ti atimakélé kale so dere kaae, dele sópóló taae deraalópó.

²³ Ai soné ama naale senaalekélé sinópóló, yaalo mo ti daalópó. Ai ala depa, Keriso fake so whı feané kilitu, ęta, so whinė hosaa tuamó mole alaró tuę tikitamo taleyóló, atimané yale alamó mo donotóro tokó matere Tale beterałópóló kisipa yaalo ai ape.

²⁴ Dią mepaae Taiyatira be huluaámó betó mole Keriso so whı kale soné yó matere fo wosóló sya feni yóo, Satan-né mo apaae derepale kinóló mole ala kisipa sini yóo, ere so whıpaee yaalo sekeį ala kae eraalo meįpó.

²⁵ Téyaalomeipa, ę wale alimó sókó faasepóló, diaaą ai du betere wisi alatóro hąle yó taté fo betaae.

²⁶ Whı me de tuę wisipaae faai fenalemó, me sekeį alané sesé depakélé, hepée taae faróló, kemene fole kwiamó sókó fupa, ti atétere whı i hae kwiamó betó mole so whı fea teteróló kaae tanópóló, yaalo sóró beteraalópó.

²⁷ Ašemó ere fo i ape.

‘Topo whinė tatere *aiyon kapa*-né aleale dotótiki taru, haené aleale wuti

derąketu dere kaae, yaalo bóe whırape ai ala yaalópó; erapó.

Yaalo Ayané ę so whı teteróló kaae tanópóló sóró beterołtu yale kaae, yałokélé dią sóró beteraalo ai ape.

²⁸ Atéro sóró beteretare so whıpaee hıka be deteretamo deýó tare hąrekekélé, yaalo melaalópó.

²⁹ Mepaae so whı me woséli daapata, kale Deį Kepe Wisiné Keriso fakerapepaae i du betere fo wosóló tuę muópóló yae,” yalepó.

3

Sardis Keriso so whıpaae aseýóló farale fo

¹ “Sardis be huluaámó betó mole Keriso so whı tao sópóló doteyale *ensel*-paae i fo aseýóló falaae.

Kótóné weikeró kepe tawóo, weikeró hąrerape tawóo, ere whinė dere fo i ape. Diąné du betere ala yaalo kolóló kisi-parapó. Mepaae so whinė dią kilituraalu, i Keriso faketa, Kótóné ala eraai noke fini, mo doa ketekę bulapóló dukiróturaalu, diaaą doi só kutu beterepó. Tereitei dią yaalo keletepa sukale whı aąrapó.

² Dią fire whırape-ó, turukó horóló betaae! Diaaą du betale wisi ala fea sisiraae fóló betą betą betereitei felekemó sukąai dapa, fotokę buóló daayae. Ti noatepaae, ę teteróló kaae tare Kótóné keletómó diaaą erótu betere ala mo turó kemeróló, ama muló betere dąlemó sókó fenipó.

³ Térapa, diąné take wosóló tuęre fo kisipa muae. Ai fo aqmó sukóló bitu, kisipa feteyóló ai fo sya fóló erótu betaae. Ę waaire be de dią kisipani, mokęleyaae yóló betó mupa, ę ąłémi nokole whı kaae, sókó waało ai ape.

⁴ Téyaalotei, dią Sardis bemó betere whırape kuamó betą betą so whinė deró betere kuti mo wisiyóló kaae tare tikimó, bólukélé inipó. Ai whırapeta, deį kuti deróló ętamo kwęyaalópó. Ti noatepaae, atima dere ala wisireiteiné ai ala yaaire mo surapó.

⁵ Whı me de tuę wisipaae faai fenalemó, sesé depakélé hepée taae faróló wale whıta, ti u kale so whinė deró betere deį kuti kaaetóro deraalo ai ape. Ai whinė ama doita, mo titóro betó tare *buk*-mó moleitei yaalo helekókelé yaalo meįpó. Téni, yaalo Ayaró ama *ensel*-rapetamoné keletómó daalu, ita yaalo whıpóló, yó melaalópó.

⁶ Mepaae whı de woséli daapa, ti kale Deį Kepe Wisiné Keriso fakerapepaae du betere fo wosóló tuę muópóló yae,” yalepó.

Filadelpia Keriso so whıpaae aseýóló farale fo

7 “Filadelpia be huluamó betó mole Keriso so whj tao sópóló doteyale *ensel*-paae i fo aseýóló falae.

I dere fota mo fo bete Tale dowi ala betakélé muni, kae betere sekéné dapó. Take betale whj Depit-né *ki* mió yálo i tare ape. Yálo kinatere tų me whjné tukýóó, yálo tukwę mulatere tų mené kinóó, enénipó.

8 Diaaq du betere ala yálo kisiparapó. Dią faaire tų yálo ai tukwę muló beterapa kelae. Ai tųta, whj mené kinatere alakélé mo enénipó. Dią fotokó sawa bulutei, yálo fo hále eró tarapó. Tėru, mepaae so whjné yálo doi yóló, dią Talené so whjé yóló wosetepa, diąné meipó initeretei yálo mo kisiparapó.

9 Mepaae whj atimata, Juda fakepó du betepatei, Juda fake mei, kapala fo du betepapó. Ai so whjta, dowi Satan-né fo wosetere fake ai ape. Atima dią beterepaae wóló, diaaq hó aqmó deraapisa fóló fió muluraalu, i so whjta Yesuné yaala sókó fole ala mulapó yópóló, dere ala yálo eraalopó.

10 Yálo diąpaae sekéi ala wapakélé hále eró tawaae yale fo diaaq wosóló eró tawalepó. Téyaleteiné i haemó betó mole so whj fea sų sóró kaae keletere sekę wale sukamó, diąpaae waqsóró yálo sesé yaalopó.

11 Ț me de tų wisipaae faai fenalemó, sesé depakélé hepée taae faróló wapa, ti atétere whj ę tetėróló kaae tare Kótóné m-matere be hulua eleké sų deyaalopó. Atétere sekę ą ai be taaróló fókélé mo yaalomeipó. Ai whjné tikimó ę tetėróló kaae tare Kótóné doiró ama be hulua doitama aseyaalopó. Ti ai be hulua doita, kisi Jerusalem-pó. Ai be huluata, ę tetėróló kaae tare Kótó betere hepen be taaróló, dorowaalo ai ape. Ai whjné tikimó yálo kisi doikélé aseyaalopó.

12 Whj me de tų wisipaae faai fenalemó, sesé depakélé hepée taae faróló wapa, ti atétere whj ę tetėróló kaae tare Kótóné m-matere be hulua eleké sų deyaalopó. Atétere sekę ą ai be taaróló fókélé mo yaalomeipó. Ai whjné tikimó ę tetėróló kaae tare Kótóné doiró ama be hulua doitama aseyaalopó. Ti ai be hulua doita, kisi Jerusalem-pó. Ai be huluata, ę tetėróló kaae tare Kótó betere hepen be taaróló, dorowaalo ai ape. Ai whjné tikimó yálo kisi doikélé aseyaalopó.

13 Mepaae whj de wosęli daapa, ti kale Dej Kepe Wisiné Keriso fakerapepaae i dere fo wosóló tuę muópóló yae,” yalepó.

Laodisia Keriso so whjpaee aseýóló far-ale fo

14 “Laodisia be huluamó betó mole Keriso so whj tao sópóló dotonale *ensel*-paae i fo aseýóló falae.

I dere fota, Mo kée, téyópóló yae! dere bete Tale bitu, mo ala yó taruraalu, ama kelale ala i ape yóló håkearóló yó mótu beterapó. Ata, Kótóné aleyóló muló betere ąla ąla fea tetėróló kaae tare sekéné dapa wosae.

15 Diąné du betere alata yálo tuęretei, sirii ala ó supui ala meiyóló, hále tuamó

beterapó. Ai tamo ala me taaróló betą alatóró uąsóró ti mo wisi wuąpó.

16 Ti diąta, supukélé meiyóó, sirikélé meiyóó, yóló hj fale ąla kaae epa kilitu, yálo kólómó hamuóló soraae falatere ąla kaae soraae faraalo ai ape.

17 Diąné duraalu, ‘Dąta, wisi wisi ąla mole néli whj betereiteiné mo betą ąlakélé yąyanipó,’ dua dapó. Téretei, Tale Kótóné dią keletepa, mo sonaalei so whj betepa kilitu, kęlerapó du beterapó. Diąta, yolealere alakélé, kele dilikire alakélé tiki daapi hále betere alakélé, epatei, diaaq kisipané wisire nisi dapó.

18 Yálo i dere ma fo wisi wosóló, i sore ąla diąné ętamo dupu yae. Siné biliyaletikimó wisiyóló sókó wale *kold kapa* supa, ti dią mo doasi néli whj betaalo ai ape. Dią tiki hálesretei, kinóló deį kuti sóró bukae. Diaaq kele dilikiretei wisiyópóló, yálo i tare *mula mula* sóró dilae.

19 Yálo yaala sókó fale so whj atima kae kae dowi ala depa kilitu, tų wisipaae fópóló donoróturaalu, yálo atima foné sóró dekėsu beterapó. Tėrapa, yálo diąpaae dowi ala taalae du betepa fo mopóló, tuę tiki feteyóló Tale Kótóné alamó ketekę buóló betae.

20 Țta, tų sókó walemó daalu, tų du beterapó. Whj me denétamo yálo dere fo wosóló tų tukutepa, ti ę ą betere tuąpaae wóló, ątamo ąla betamó nóó, ąkélé ętamo ąla betamó nóó, yaalo ai ape.

21 Ț tų wisipaae folemó sekéi alané sesé depatei, hepée taae faróló, yálo Ayané tetėróló kaae tare tikimó ątamó betamó betalepó. Atėre kaae, diąkélé tų wisipaae fole ala kilitu sesé depatei, hepée taae faróló wapa, ti yálo tetėróló kae tare tikimó ętamo betamó sóró beteraalopó.

22 Mepaae whj de wosęli daapa, ti kale Dej Kepe Wisiné Keriso fakerapepaae i dere fo feané wosóló tuę muópóló yae,” yalepó.

4

Hepen-mó tetėróló kaae tare tiki

1 Ai alarape yóló kemetepa kelalemó, hepen be tų tukwę fóló molepó. Atėru, folosóró ukulumó wuti hale kaae yóló fo yale whjnéttóró ępaae duraalu “Yą ipaae holae yalepó. Yą hotopa, ti i alarape yóló kemene fupa, nalo yaaire ala yálo yąpaae yó melaalopó,” yalepó.

2 Tėtepa, mo ai fapotóró Dej Kepe Wisiné ę fotokęrtepa kelalemó, hepen bemó ę daalepaae anóló, tetėróló kaae tare topo whj betere *sea* tómó doasi beterepó.

3 Ai *seamó* betere doasi kolóló, *jasparó kanilian* kanetamoné kasa kasa kaae ere doasi beterepó. Ti ai sekę ą betere tikita, sikipa douné bopėró beterepó. Ai sikipa

5

douŧa, *emerald* kane kasa kasa kaae epa kelalepó.

⁴ Kale teteróló kaae tare doasi betere tiki bopéróló, 24 wh̄i disirape 24 *sea* dokoyóló betó molepó. Ai sekérape atimané deró betere kutita, mo dei wisinaale deróo, atimané topomókélé teteróló kaae tare doasiné deró betere *kold kapané* aleale topo tao deróo epa kelalepó.

⁵ Ai kale doasi betere tikimó epée fita duraalu, be sapalaa yóo, teteróló kaae tare doasiné kutiriró beterepaae anóló, weikeró sá dirirape dó diliki yóo, erepó. Ai sá dirirapeŧa, Kótóné weikeró keperapépó.

⁶ Atéró kelalemó, kale teteróló kaae tare *sea* mole hosaamó wēi kēla wisinaale belerepó. Ai wēita, *klas* kasa kasa kaae erepó.

Kale teteróló kaae tare doasi betere tuamó, Kótóné aleale douŧó betere ɔlarape ai doasi bopéróló betó molepó. Ai kale douŧó betere ɔlané tikimó hosaapaaekélé sisópaakélé mo fea keletóro daae molepó.

⁷ Kale douŧó betere ɔlarapené ere ala i ape. Kolosale ɔlata, ti *laiyon* kaae beterepó. Kolosale noma ɔla ti hae dukɔyaai só kotere *bulmakau* wā hupu kaae beterepó. Douŧ noma ti wh̄iné kelepa kaae daai ɔla beterepó. Douŧ ti sikimó sē kotere ba dukaa kaae beterepó.

⁸ Ai douŧó ɔlarape atima dokó fea haase apomiró daalepó. Atimané tikimó ere kaae baase aɔrókélé keletóro daae molepó. Ti ai sekérape atima deŧamokélé dikitamokélé etei fo hāle yótóro tarapó.

“Mo doasi fotokó bole mo kae betere Tale Kótó a take biteré wóo, miókélé, nalo waaire alimókélé ɔtóró hāle betó tawaalopó fo,”

momó du momó du, du betalepó.

⁹ Ai douŧó betere ɔlarape atima kale teteróló kaae tare doasi betere tikimó bitu ama ere doakale doi mole Talepae mo kēe yóló dukiraterere fo du betepa, kale teteróló kaae tare 24 wh̄i disirapekélé i ala dua dapó. Atima betere *searape* taaróló, haemó deraapisa fóló mulu, kale teteróló kaae tare doasi betere tikimó mo ti betó tare Talepaae mo kēe yóló, a aomó sukóló bitua dapó.

¹⁰ Ai 24 wh̄i disirape atimané deró betere topo taorape sókó su yóló, teteróló kaae tare doasi betere tiki felekemó mulóló duraalu,

¹¹ “Da teteróló kaae tare Tale Kótóo, fea ɔla naaotóró aleyóló muló heterapó.

Aita naao kisipa mole alatóro sya furaalu, kaaró hetereteiné takekélé miókélé, atima hāle betó tarapó.

Naao fotokóné ai alarape epa yā doasi doi mulaterere alakélé, naao doi hale horaterere alakélé, dané yāpaae mo sumó eranérápó,” dua dapó.

Bopeyóló muló betere asēre sókuró Sipsip hupu maletamomó ere fo

¹ Téró yālo kelalemó, kale teteróló kaae tare doasi a seamó bitu, betā bopeyóló mole sóku utékélé itékélé asēretei, ama turu naasené tarepó. Ai asē mo wh̄iné kelaosóro, kinóló weikeró dirii ɔlané diriróló datekaró betepa kelalepó.

² Atēpa, mo doakale fotokó bole *ensel*-né fo fakeyóló duraalu, “I bopeyóló mole asē datekaró betere ɔlarape mé wh̄iné daayóló teraanére?” yalepó.

³ Térené ó hepen bemókélé, i haemókélé, hae aɔrókélé, ai bopeyóló muló betereitei teraayóo, u tuamó aseýóló mole fokélé kolóo yaaire wh̄i mo betākókelé bitinipó.

⁴ Kale bopeyóló muló betere ɔla teraayóo, tuamó aseýóló muló betere fo kolóo, yaai sūre wh̄i mo betākélé bitinipa kilitu, e dekené sini wole du betalepó.

⁵ Atētu betalemó, kale wh̄i disirapekó betané eppaae duraalu, “Wolekesé. Juda fake tuamó wale *Laiyon*-ta, Depit kaayale bete ai walapa kelae. Ai sekéné noma bōe wh̄i dóló teteró betereiteiné kale bopeyóló mole asē datekaró betere weikeró ɔlarape ama betā sumó tukóló danérápó,” yalepó.

⁶ Atétepa kelalemó, betā *sipsip* hupu male teteróló kaae tare doasi betere tuamó daalepó. Ai *sipsip* hupu maleta, wh̄iné daletikimó sukāle nisi erepó. A doasi betere tuā dolomó, kale douŧó betere ɔlaraperó 24 wh̄i disirapetamoné a bopéróló daae molepó. Ai tuamó daale *Sipsip* hupu malené topomó weikeró sekéro weikeró kelerapetamo daae molepó. Ai sekéro keperapetamota, Kótóné i hae kwiamó betó mole so wh̄ipaae dotonale weikeró keperapépó.

⁷ Ai seké a wóló, kale bopeyóló muló betere asēre sóku, kale teteróló kaae tare tikimó betere doasiné turu naasené tapa salepó.

⁸ Kale sekéné asēre sóku sóro tapa kilitu, douŧó betere ɔlaraperó kale teteróló kaae tare 24 wh̄i disirapetamo atima kale *Sipsip* hupu male daale felekemó deraapisa fóló fió molepó. Ai wh̄irape atima dokó feané *kita* kaae ɔla *harp* tawóo *kold kapané* aleale okopoi nukurape tawóo, erepó. Ai nukurape tómo simó bilitepa felé kēlaa wisi wale ɔlarape belerepó. Ti ai felé kēlaa wisi wale ɔlata, Kótóné ama so wh̄ipóló kae betero betere so wh̄iné momaterere fopó.

⁹ Téró atimané kisi wole foné duraalu, “Yāta, ai bopeyóló muló betere asēre sóku teraayaaire mo sūrapó.

Ti noatepae, yā dupa sókó fele sameané Kótóné so wh̄i beteraai, kae kae fakekélé, kae kae be fo bole so

whįkélé, kae kae tiki daale so whįkélé, kae kae *Gavman*-né tẹteróló kaae tare so whįkélé, i dosąayale fakerape tuąmó mepaae so whį naao sameané dupuralepó.

¹⁰ Naao dupurale so whį atimata, Kótóné tẹteróló kaae tare aqmó betóo, Kótóné ala eróturaalu moma yóo, yópóló naaotei sóró beteralepó.

Atéyale so whį atimané i hae kwia fea tẹteróló kaae tawaalo ai ape," yalepó.

¹¹ Téró yalo kelalemó, kale doasi betere *sea* boperóló douřó betere ąlarape daayóo, ai sisómó 24 whį disirape daayóo, ai tẹ faróló *ensel*-rape mo ni sóku kaae (100,000,000) wó mulu, i wole fo du betepa wosalepó.

¹²

"Tẹteróló kaae tare fotokókélé, mepaae wisi wisi ąlakélé, fosó fosói kisipakélé, fotokókélé, doasi doi mole alakélé, ama ere ala wisi hąkearatereteikélé, ama doi sóró horatere alakélé, fea ąané ąpaae eratepa, kale dale *Sipsip* hupu malené mo sumó senérapó," du betalepó.

¹³ Téró, Kótóné hepen bemó aleyóló muló betere ąlakélé, i hae tómó betó mole ąlakélé, hae aqró betó mole ąlarapekélé, weį tuąmó betó mole ąlarape feané kóló betąpaae touróló i wole fo du betepa yalo wosalepó.

"Kale tẹteróló kaae tare *seamó* betere sekéró *Sipsip* hupu maletamo dukiróló hale horatere alakélé, doasi doi mulatere alakélé, ama ere ala wisi hąkearateralakélé,

fotokó bole alakélé,

betere dokó fea atimaamopaae eraté fu beterópóló yae!" du betalepó.

¹⁴ Atétu betepa, kale douřó betere ąlarapené duraalu, "Mó kée, tẹyópóló yae," fo dekeró yó tawalepó. Atimané ai fo depa, kale 24 whį disirape deraapisa fóló mulu, Talené doi sóró horótu betalepó.

6

Diriróló kinó betere ąlarape

¹ Téró, kale *Sipsip* hupu malené bopeyóló mole asere sóku diriróló kinó betere weįkéró ąla betą tukóló teraatepa kaae taremó, ai douřó betere ąlakó betąné "Ape!" dere fo be sapalaa dere kaae yalepó.

² Atétepa kelalemó, betą deį *hos* hupu ę daalepaae anóló mo tumó daalepó. Ai *hos* hupu tómó betere whįné diki tawóo, doasi tẹteróló kaae tare whįné deratene topo tao mené ą maletai deróo erepó. Atéró deróló, bóe whį dóló torokó falaai mo doakale ketekę buló felepó.

³ Kale *Sipsip* hupu malené kolosale noma kinóló datekqró betere ąla tukóló

daayalemó, kale kolosale noma betere ąlané, "Ape!" yalepó.

⁴ Téró me *hos* hupu sókó wapa kelalemó, mo si mi sonaa kaae erepó. Ai hupu tómó betóló wale whįpaae, i haemó mole so whį hosaa muni deyóló dua betere ala fasó sóró, bóe dóló u du i du yópóló, mené fotokó ąmó malepó. Tẹturaalu, ąpaae doasi bóe dele sepakekélé mené melalepó.

⁵ Téró, kale *Sipsip* hupu malené dou noma ąla tukóló daayalemó, kale dou noma betere ąlané duraalu, "Ape!" yalepó. Atétepa kaae taremó, dilikii *hos* hupu wóló ę daalepaae anóló daalu, betą sekę ąle sere ąla *skel* tarepó.

⁶ Atétepa, yalo wosalemó, kale douřó betere ąlarape kuamó whįné fo kaae yóló duraalu, " Betą whį betą be ąmó kutó diteremó sere *moniné whit* o betą *lita ó bali* o sore *lita* wuti senérapó. Tẹrapa, nokole *Olip wel* weįró *wain* weįtamo betą doraąsóró hotowaró kaae tawae," yalepó.

⁷ Téró, kale *Sipsip* hupu malené dou kinó betere ąla tukóló teraatepa kaae taremó, dou betere ąlané duraalu, "Ape!" yalepó.

⁸ Atétepa kelalemó, ę daalepaae anóló betą sini tiki daale *hos* hupu daalepó. Ai *hos* hupu tómóta, sukutere ala bete tare whį beterepó. Ai *hos*-né sisómó sukutere ala betepa, ai hupuné ąlimó sukutere so whį betere tiki ama doi *Hedis* wou betalepó. Ai whį tamopaae, hae kwia feamó betóló fale so whį dópóló fotokó bulalepó. Ti so whį daaireteita, atimaamoné bóe dele sepakenékélé, wote alinékelé, doakale hepo alinékelé, i haemó betó mole syaae kaae ąlanékélé, dilé kweyópóló fotokó sumó melalepó. Atéró dilé kuturaalu, douřó fake betereitei betą fake duraalu, sore fake beterópóló taaraalopó. I hae kwia feamó betóló fale so whį atéró dilé kweyóló kemerae, yóló fotokó sumó matepa tarepó.

⁹ Téró kale *Sipsip* hupu malené apo kinó betere ąla tukóló teraatepa kaae taremó, momatere kapo daale aqmó keperape betó mupa kelalepó. Ai keperapeta, Kótóné fo yó matere alaró Yesu Keriso etei kaae Talepóló yó matere alatamo deremó, mepaae whįné dale keperapó.

¹⁰ Ai sekęrape atimané fo fake yóló duraalu, "Mo fo ąanuraalu betere bete tale bitu, fea ala tẹteróló kaae tare Tale-ó, i haemó betó mole so whįné dowi alaró ąa duraalu sókó farale sameatamómó tale yóló kwia melaaire be ę wópóló meteró felimó kaae tawóló betaaloé?" yalepó.

¹¹ Atéró atima dokó feamó deróló sókó fatere deį kuti melóló duraalu, "Dią betą kutó diratere norape atimakélé mené dópóló sawa kaae tawae. Ti noatepae, i dosąayale daaire whįrape fea sumó dóló kemeréni teópó," yalepó.

¹² Ҹało kaae taremó, apomiró datekaró betere ąla tukóło teraayalepó. Atéró teraateremó, doakale bao yóło, suka mo ti diliki yóo, wéliékélé mo samea betąae fo erepó.

¹³ Sąmó daae mole hąerapekélé, doakale besęné nose du hara torokó derótu dere kaae torokó deralepó.

¹⁴ Sąta, asętere sóku bopetu dere kaae bopeté fóló alune felepó. Hae kwia feamó daae mole hasi fosórapekélé, wejné tukóło bopéró betere haerapekélé, daale tiki taaróló, kae tikipaae daane felepó.

¹⁵ Hae kwia fea teteróló kaae tare topo whjrapekélé, atima betale sirimó betaaire naalerapekélé, diki tare whjrape teteróló kaae tare topo whjrapekélé, néli whjrapekélé, bõe dele fotokó bole whjrapekélé, wae sóró beterate whjrapekélé, kęleaané betó mole whjkéłé, kapo dolopaae hyó muni fóo, kapo beléli dolopaae hyó muni fóo yalepó.

¹⁶ Atima atéró fóló bituraalu, hasi fosópaaekélé, kapo fakepaaekélé duraalu, “Kolokó dorowouraalu dą tęiyane dere ape. Ti noatepae, teteróló kaae tare tikimó betere sekęné kelepaaró *Sipsip* hupu maletamoné fopaae bole alatamó dąné kelaqsóro kinae.

¹⁷ Ti noatepa meipó. Atimaamoné doakale fopaae butu kwia matere be dę ai sókó wale ape. Atétere be demó de daanére? Mo daayókélé enénipa wiyae,” du betalepó.

7

144,000 so whj sirirale fo

¹ Ai ala yóło kęlipaae i douro hae kwiamó douro *ensel* dokó yóło daapa kelalepó. Atéró daalu, haepaaekélé, doasi wej kęlapaaekélé, besę tiki waqsóro, atima dokó feané sesętu beterepó.

²⁻³ Atéró, *ensel* me kae suka hoteró ę daalepaae wou betepa kelalepó. Ai *ensel*-né mo ti betere Kótóné siriró betere ąla tarepó. Ai *ensel*-né haekélé, wej kęlakélé, doraaire fotokó bole douro *ensel*-rapepaae fo fakeyóło duraalu, “Kótóné kutó diratere so whjné kutirimó siripi eraaipa, hae tikikélé, wej kęlakélé, nirapekélé, hapale doréni kaae tawae,” yalepó.

⁴ Ai sirirale so whj dosąatepa ąło wos-aletei i ape. 144,000 so whjta, Israel faker-apeótórtipó.

⁵⁻⁸ Juda fake dosąayóło sirirale so whj dokó sóro touróturaalu 12,000-rópó.

Ruben-né fake touróturaalu 12,000,
Kad-né fake touróturaalu 12,000,
Aser-né fake touróturaalu 12,000,
Naptaliné fake touróturaalu 12,000,
Manasené fake touróturaalu 12,000,
Simeon-né fake touróturaalu 12,000,

Lipainé fake touróturaalu 12,000,
Isakar-né fake touróturaalu 12,000,
Sepulun-né fake touróturaalu 12,000,
Josep-né fake touróturaalu 12,000,
Benjamin-né fake touróturaalu 12,000-rópó.

So whj hąle ąla kaae dęi kuti deróló daae mole fo

⁹ Ai ala yóło kemetepa kese faralemó, so whj mo hąle ąla kaae daae molepó. Ai daae mole so whjta, betą be huluamó maaté wenipó. Kae kae *Gavman*-né teteróló kaae tare so whjkéłé, kae kae tiki daale so whjkéłé, kae kae be fo bole so whjkéłé, kae kae fake so whjkéłé, kale teteróló kaae tare tikimó mole *searó Sipsip* hupu maletamo betere hosaamó daae mupa kelalepó. Atéró daae mulu, dęi deróló sókó fatere kutirape deróo, olóu dąarape tawóo erepó.

¹⁰ Téro, ai daae mole so whjné doasi fo fakeyóło duraalu,

“Teteróló kaae tare *seamó* betere Kótóro *Sipsip* hupu maletamoné dą mo ti aluyaqsóro tao su betere beteta, mo atimaamotórtipó,” yalepó.

¹¹ Ai daae mole *ensel*-rape fea, teteróló kaae tare doasi betere tikikélé, kale whj disirapekélé, kale douro betere ąlarapekélé, bopéróló daae molepó. Teteróló kaae tare doasi betere *sea* molepaae fetée fóló, Kótó betere aqmó deraapisa fóló fió mulu duraalu,

¹² “Mo dapó.

Téyópóló yae! yóło, hale sóró horatere alakélé, mo dęi ala wisikélé, tuę tiki fosó fosó yóło dotoróę fole alakélé, mo kée du betere alakélé,

doakale doi mulópóló du betere alakélé, fea ala yaaire fotokó sumó bole alakélé dą teteróló kaae tare Kótópaae betere dokó fea yó tanópóló yae.

Mo kée. Téyópóló yae!” du betalepó.

¹³ Téro, kale teteróló kaae diliki yó mole whj disirapekó betané epaae woseturaalu, “I dęi fóló kuti deró betere so whjrape-a, demaaté? Mopaae wale so whjé?” yóło wosalepó.

¹⁴ Ti fo depa ąło ąpaae tokó mótu duraalu, “Doa whj-ó, naao ai tuęre ape,” depa, kale sekęné epaae duraalu, “I daae mole so whj atimata, doasi sekęi ala hąle beleté waleteiné atima deró betere kutikélé *Sipsip* hupu male sameané fokale tikimó mo dę ai erapa kelere?

¹⁵ Atęyale tikimó,

“Teteróló kaae tare Kótó ama *seamó* betepa, atima ą beterepaae kese anóló bitu, ama momatere bemó mole ala dętamokélé, dikitamokélé, hąle erótu betera-pó. Até du betepa, teteróló kaae tare doasi ą betere

tikimó bituraalu, ama atima wisiyóló beterópóló, kuti be tənótu betaalopó.

¹⁶ Atéru, wote dere alaró wéi nokole dere alatamo momó kae yaalomei ai ape.

Suka supunékélé, mo hąle supunékélé atimané tiki mo doraalomeipó.

¹⁷ Ti noatepae, tẹteróló kae tare doasi betere tuąmó daale *Sipsip* hupu maleta, hupu kae tare whinė dere kae, atima mo wisi yóló kae tarapó.

Atima dape sóró mo ti betere bete tuąmó wó tare wéi nópóló ąlisóró faalo ai ape.

Atéró betepa, Kótóné atima kelemó dorowou betere wole kaape fea helekóló kópuraalopó," yalepó.

8

Wéike diriróló kinó betere ąla tukóló ter-aayale fo

¹ Téro, kale *Sipsip* hupu malené kinó betere wéike ąla tukóló teraayalemó, ó hepen bemó fo mo sawakélé ini, hąle hipa fi betepa suka kele *30-miniti* kemeyalepó.

² Atépa kelalemó, Kótó betere felekemó daae mole wéikeró *ensel*-rapepaae ukulumó wuti betą betą yóló melalepó.

³ Atéró kelalemó, me *ensel*-né *kold kapané* aleale okopoi nuku tarepó. Ai nuku tómotá, felé kęlaa wale feterá kae ąla belerótua dapó. Ai ąla só wóló, simó sukųlaa daróló momatere tikimó daapa, si keletómó biliratepa felé kęlaa wisi wale ąla mené ąpaae mo dekeró malepó. Ai felé kęlaa wale ąlaró Talené kae beteró betere so whinė dere motatamo touróló, doasi betere *sea* molepaae anóló, *kold kapané* aleale momatere tikimó, Talepaae melaai sóró walepó.

⁴ Téro, kale felé kęlaa wisi sukuli kae, *ensel*-né naase taróló, Kótó beterepaae holalepó.

⁵ Téro, kale *ensel*-né okopoi nuku taruraalu, kale momatere tikimó duku betere si kelerape kęae sóró nuku ąfanóló, i haepaae taae deralepó. Téyalemó, epée fitąa yóo, doasi be sapaalaa dorowóo, bao doasi yóo yalepó.

Kale wéikeró ukulumó wutirapené haleraleteti

⁶ Wéikeró *ensel*-rape ukulumó wuti haleraal donoróló daae molepó.

⁷ Kale kolosale *ensel*-né ama ukulumó wuti haleraalemó, hali *ais* kane kae alée fóló dorowóo, simiró sameatamo hosekényóló dorowóo, yalepó. Atéyaleteiné hae kwia sore moleteti betą siné dukuraalu, tamo hae kwia hąle muni felepó. Nirakekélé atétóró yalepó. Nerapeta, fea siné doló sukųlaa dalepó.

⁸ Téro, kale kolosale noma *ensel*-né ama ukulumó wuti haleraalemó, doasi hasi fosó

kaae ąla siné doló kuló di wéi kęla tópaee taae deralepó. Atéyalemó, ai wéi kęla sore maanetei, tamo hąle belene furaalu, betą samea alée felepó.

⁹ Wéi kęla tuąmó sore betere ąla fake betą dóló sukunóturaalu tamo betepa taaralepó. Doasi wéi tómó kotere nukukélé tamo mupa taalóturaalu betą fake doralepó.

¹⁰ Téro, doų noma *ensel*-né ama ukulumó wuti haleraalemó, ąmó daale doasi hóre betą i haepaae si kae dukulé dorowóló, doasi fole wéiró ąmale wéitamó tópaee dorowalepó. Atéyale tikimó, sore fake maanetei betą fake doróturaalu, tamo taaralepó.

¹¹ Ai dorowale hřené doita, Hakesąapó. Ai hakesąare wéirape nale tikimó, mo dekeró so whį sisiraae felepó.

¹² Téro, kale doų *ensel*-né ama ukulumó wuti haleraalemó, suka ke sore fake dęretei, betą fake dalemó dilikiyalepó. Hęrekélé, wéliékélé atétóró yalepó. Be dętamokélé tamo fake dępatei, betą fake dilikiyóo, dikitamokélé, tamo fake sawa dępatei, betą fake mo ti diliki yóo yalepó.

¹³ Téro, ąlo kae tapatei, betą dukaa ó są tuąmó sé kutu bitu fo fayeýóló duraaalu, "Kale hąle bitį fale sore *ensel*-né ukulumó wuti haletepa, i haemó betó mole so whįpaae sekęi ala waairémó mo doasi, "Wió yae! Wió yae!" I haemó betó mole so whįrape-ó, dią mo wió yae!" du betalepó.

9

¹ Téro, kale apo *ensel*-né ama ukulumó wuti haleraalemó, take ó ąmó i haepaae tokó dorowale hęrepaae mo apaee derepale wosono dolo tų *ki* mené ąpaae matepa kelalepó.

² Téro, ai sekéné mo apaee derepale wosono dolo tukųyalemó, kutó néli bilitepa, hotere sukuli kae sokalepó. Atéró holale sukuliné sukaró ątamó kinóló, be mo dilikiyalepó.

³ Téro ai sukuli dolomó, ero nusurape haepaae dorowalepó. Atimané whį tukó nukupa dotopo dęretei, tų serekené tukó nukupa dere kae ąpóló, mené ą doasi fotokų melalepó.

⁴ Ai erorapepaae i fo yóló mulalepó. "I haemó yó mole nerape ó mepaae ere ąlarape ó nirape momókó doraęe. I hae kwiamó betere atima kutirimó Kótóné siri erénire so whį maaté tukó nae," yóló mulalepó.

⁵ Ai ero nusupaae melale fotokųta, so whį mo ti sukópóló tukó néni, doasi dele sóró kaketu beterópóló, aporó wéliémó tuąmó turukóló nukulé fu betae. Atétepa, dere dotopota, tų serekené tukó nukupa, dere kae yaalopó.

⁶ Atétere sukamó, so whj fea sukaitere tū kekāalotei, sukutere ala kelaolomeipó. Atima mo ti sukunée deté fu betaalotei, ai tuamó sukutere ala mo muaalomeipó.

⁷ Téró, kale ero nusurape kelalemó, bóe dele faairaalu, *hos* hupurape donorólo biture kaae erepó. Atimané topomóta, kale tēterólo kaae tare doasiné deró betere *kold kapané* aleale topo tao kaae deróo, atimané kelepaakélé mo whjné kelepa kaae daayóo erepó.

⁸ Téró kale ero nusurapené topo nikikélé, sorapené niki kaae daayóo, atimané sekékélé *laiyonné* seké kaae daayóo epa kelalepó.

⁹ Atimané bopémó yale sene waqsóro, *aiyon kapa* wase kaae dakeró beterepó. Atima burā furaalu dere sépi haleta, *hos* hupuraperó atimané sjyólo só kotere qlatamó bóe daai furaalu, dere diri fake hale kaae yalepó.

¹⁰ Atima disalené whj tukó nukupa dere dotopota, tō serekené tukó nukupa dere kaae dapó. Atimané so whj tukó nukuraalu, fē dée daalateré topomó kaketé fu betepatei, wélié aporó kemeyaaloipó.

¹¹ Atima tēterólo kaae tare topo whjta, mo apaae derepale wosono dolomó betere *ensel* daalapó. Ai *ensel-né* ama doi Hibru foné Apadonipó. Krik foné Apoliyonipó.

¹² Folosóro waaire sekémó, wíó yae yale ala kemeyalepó. Tépatei, tamo waai hāle mulapó.

¹³ Téró kale apomi *ensel-né* ama ukulumó wuti haleralemó, Kótó betere felekemó *kold kapané* aleale momatere tiki kwia dokomó daaté fale sekérapemó sóko wale fota, mo whjné dere fo kaae depa wosalepó.

¹⁴ Atéro yale foné kale ukulumó wuti tare apomi *ensel-paae* duraalu, “Kale doasi Yupretis fole wēimó dokólo muló betere douro *ensel-rape* hāle fōpólo sóko daalae,” yalepó.

¹⁵ Atima ai douro *ensel-rape*, ha fomókélé, wéliémókélé, be demókélé, sukakelemókélé, mo tukólo mulólo donoró betere be demótóro i hae kwiamó betó mole so whj sore fake beteretei, betā fake dōpólo dotonalepó.

¹⁶ Atéro, bóe daai kale *hos* hupu tómó betólo fele whjrape fea, dokó sóro touróturaalu, 200 *million-pó* (200,000,000) depa wosalepó.

¹⁷ Yālo nokenaró dere kaaené i ala epa kelalepó. Kale *hos* hupu tómó betó mole whjrape atima bopémó sere bóe wase mo si kele kaae sonaa yóo, mepaae sukutā yóo, mepaae ti *sulpa* kaae, whé yóo, erepó. Ai *hos* hupuné topota, mo *laiyonné* topo kaae daalepó. Ai hupurapené kōlómó, simiró sukulitamókélé, si dokole kane *sulpa-kélé* atimané kōlómó sóko walepó.

¹⁸ Ai sore qarape atimané kōlómó sóko wouraalu, i haemó betó mole so whj sore fake beteretei tamo taarólo, betā fake dóló kemeralepó.

¹⁹ Ai *hos* hupurape atimané fotokōta, kōlóro disaletamomó bulapó. Atimané disalerape mo wuli tiki kaae daalu, ama disale kwiamó topo daalapó. Ainé so whj tukó nukupa, doasi dele sua dapó.

²⁰ Kale whj dele qlané dóló mepaae taarale so whj atima naasené aleale kapala kótópaae tué tiki tiratere ala taaréni, hāle yó tarepó. Ti ai kapala kótórapeta, *kold kapanékélé*, *silpa kapakélé*, *brons kapanékélé*, mo kaponékélé, ninékélé, aleyólo daaló betepatei, atima kotere ala ó, wosetere ala ó, keletere alamo dumipó.

²¹ Atimané whj dele alakélé, kae kae hosó fokélé, nópu nokole alakélé, qlémi nokole alakélé fea taarólo kisipa feteni, hāle yó tarepó.

10

Ašere sóku belekqa male doasi fotokō bole ensel-né daae farólo tare fo

¹ Téró, me doasi fotokō bole *ensel* hepen be taarólo, i haepaae dorowou betepa yālo kelalepó. Ai sekéné ama kutita, mo šakótóro deróo, ama topó tó sikimó sikipa dou filipaa yóo, ama kelepaakélé, mo suka dē kaae yóo, ama hōleke tamokélé, doasi ni tikimó si dukutere kaae dó tawóo erepó.

² Ai sekéné ama naasené belekqamale ašere sóku daae farólo tarepó. Ama turu hōleke doasi wēi kēla tómó daalóo, fē hōleke hae tómó daalóo epa kelalepó.

³ Atéro, ai sekéné ama dere fo faketa, *laiyon-né* keterē kaae yalepó. Ama atéro fo faketeremó, wēikeró be sapalaané whjné fo kaae depa wosalepó.

⁴ Atéro wēikeró be sapalaané yale fo yālo ašē yaai yalemó, ó hepen bemó sóko wale foné duraalu, “Kale wēikeró be sapalaané yale fo ašeni kinae,” yalepó.

⁵ Take me hōleke wēi kēla tómó daalóo, me hōleke hae tómó daalóo, epa kelale *ensel-né* ama turu naase ó hepen-paae horó beterepó.

⁶ Atéro, šaró hepen-tamokélé, haekélé, wēi kēlakélé, ai sore tikimó ere ala ó mole qlatamo, fea aleyale mo ti betó tare Talené doi yólo malotu duraalu, “Kaae taté fole ala momó kae yaalomeipó.

⁷ Tépatei, nalo kale wēike *ensel-né* ama ukulumó wuti hale yaaire be dē teōpa kaae taru, i ala yaalopó. Kótóné kinólo mole ala i ape yólo ama kutó diratere kōlo whjrapepaae deté wale fo dokonóturaalu, mo erólo kemeraaloipó,” yalepó.

⁸ Téró, take hepen bemó sóko wapa wosale fonétei epaae momó duraalu, “Kale wēi

kełaró haetamomó hó daaló betere *ensel*-né ąae faróló tare asęre sóku sene fae,” yalepó.

⁹ Atétepa, ę kale *ensel* daalepaae fóló, naao ai tare asęre sóku kwia sawakó ęmale melaaló yóló wosalepó. Tétepa epaae duraalu, “Tao sóró nae. Atéro nukupa, naao kólómóta, meke ę felé kaae yaalotei, depe tuąmó feléni doyaalopó,” yalepó.

¹⁰ Atétepa, kale asęre sóku sawatamo ama naasené tapa, ęło tao sóró nalemó, kólómó meke ę felé kaae yaleteti, depe tuąpaae biłi durupuraalu, ęło depe mo doyaalopó.

¹¹ Téro, epaae duraalu, “Kae kae tiki daale so whįkélé, kae kae *Gavman*-né tetęroló kaae tare so whįpaaekélé, kae kae be fo buó mole so whįpaaekélé, kae kae tetęroló kaae tare topo whįrapepaaekélé, mo so whįpaaekélé, Kótóné eraaire ala i ape yóló, momó yó melae,” yalepó.

11

Kótóné yaaire ala i ape yóló yó matere whį tamoné yale ala

¹ Téro, ąale sere ąla kaae, kape siki mené epaae melóló duraalu, “Yą fóló, Kótópaae momatere beró Talepaae simó sukųlaa dalatere tikitamo ąale sene fae. Téturaalu, ai be tuąmó touróló bitu, Kótóné doi sóró horótu betere so whįkélé dokó sae,” yalepó.

² Tépateti, kale momatere be bolaare tipi tuą betą ąale saęse. Ti noatepae, ai belata, Juda meire fake so whįmó meló betereteinépó. Kótóné ama mo kae tęne be hulua wisinaale Juda meire fakené folokoleróló, hoko kutu betepatei, 42 wélié kemeyaalopó.

³ Téro, ęło du betere ala yó matere whį tamo ęło fotokó matepa, atimaamo dekęmó deratere yei kuti deróló, Kótóné ąiapaae dere fo i ape, yóló yó maté kutu betepa, 1,260 be ęrape kemeyaalopó.

⁴ Ti ai sekę tamota, i hae kwia fea tetęroló kaae tare Tale betere felekemó daale *Olip* ni tamo kaae daayóo, są diri tamo kaae daayóo erapó.

⁵ Mepaae whį denétamo atimaamo doraai du betepa, ti atimaamoné kólómó sóko wale siné atima dó sóró mo ti aluraalopó. Mepaae whį dené ai sekę tamo doraai kisipa nutepa, ti atimané ai dere alamó atimatei sukųalo ai ape.

⁶ Kale sekę tamoné bole fotokó etérópó. Kótóné atimaamopaae dere fo mo so whįpaae yó matere be ęmó, hali waęsóró kinaaire fotokókélé șumó bolepó. I haemó belere weįkélé samea alé falóo, yaaire fotokókélé șumó buóo, erepó. I haemó betó mole so whįpaae kae kae dowi sekęi alarape atimaamoné hekesere be ęmó șumó eranérápó.

⁷ Atimaamoné kelale ala yó maté fóló kernerateremó, mo a dolopaae derepale wosono dolomó betere dowi syaae kaae ąla sóko huturaalu, bóe dóló atimaamo tetęroló mo ti sukųpóló daalo ai ape.

⁸ Téro, ai sekę tamoné tiki doasi doi mole be hulua tuą hąkeamó muaalopó. Ai be hulua amótóró atimaamo tetęroló kaae tare Tale filipaa ni tómó oleróló dalepó. Ai be hulua apaae dó faróló, Sodom beró Isip haetamo kaaepó.

⁹ Atimaamoné tiki atéro hąle mupa, kae kae tiki daale so whįnékélé, kae kae fake so whįkélé, kae kae be fo bole so whįnékélé, kae kae *Gavman*-né tetęroló kaae tare so whįnékélé, sore be ę kemeyóló doų be ęné suka tuąmó ęleta yųpólópa दौरaęse.

¹⁰ I hae kwia feamó betóló fale so whįné duraalu, “Atimaamo Kótóné kóló whį bitu, ąą dóló susupurótu betale sekę tamo ti mulapa kelae yóló doka doka yaalopó. Téturaalu mo kée yóló, atimasisi wisi wisi ąla u mótu i mótu du betaalopó,” yalepó.

¹¹ Tétu betaalotei, sore be ę kemeyóló doų be ęné suka tuąmó daapa, Kótó betemó sóko wale fomo atimaamoné tiki tuąpaae biłi derepaaalopó. Téturaalu, kale sekę tamo turukó holóló daane hotere kilitu, kale so whį atima winé sukųló diri furu furu yalepó.

¹² Atéro turukó holóló daapa, ó hepen bemó atimaamopaae fo fake yóló duraalu, “Ipaae holae!” deremó, atimaamoné bóe whįrapené kaae dilikiyó mupatei, hepenpaae huturaalu, sąko dolomó buó deyaalopó.

¹³ Até yale sukakelemótóró doasi bao duraalu, naase tamo be hulua ęretei betą kolokó doropuraalu, aporó kemeyóló, me naase doųró be hulua fake hąle erepó. Ai bao yaleteiné be kąaturaalu, doló kernerale so whį fea dokó sóró touróturaalu 7,000 so whįpó. Até deremó, dini hąsókó fele so whį atima winé sukutu, ó hepen bemó betere Kótó mo daalapóló doi sóró horótu betalepó.

¹⁴ Kale kolosale noma wió yae yale sekę wóló kemeyaleteti, doų noma wió yae yale sekę betą mo felekemó waalo ai ape.

Weįke dakeróló ukulumó wuti hale yaleteti

¹⁵ Téro, kale weįke *ensel*-né ama ukulumó wuti haleralemó, ó hepen bemó atimané doasi fo fakeyóló duraalu,

“Take i hae mené tetęroló kaae taretei, fasó sóró mió ąą tetęroló kaae tare Taleró ama so whį tetęroló kaae tare whį Kerisotamoné tetęroló kaae tarapó.

Ai sekęné ama kaae tare ala kemeni, hąle yó tawaalopó,” yalepó.

¹⁶⁻¹⁷ Téro Kótó felekemó betere 24 whį disirape, atima tetęroló kaae taru betere sea

taaróló, haemó deraapisa fóló mulu Kótóné doi sóró horóló duraalu,

“Mo doasi fotokọ bole Tale Kótóo, ęąta take bitiré wóló, miókelé ęąle betereiteiné dané ęąpaae mo kée dapó.

Ti noatepae, naao doasi bole fotokóné teteróló kaae tare ala kaae salepó.

18 I hae kwia feamó betó mole so whįné fopaae butu betepa, naao fopaae bole ala sókó walepó.

Sukąle so whįkélé, naao kutó diratere kọló whįrapekélé, naao kae beteró betere so whįkélé, ęąpaae wiyóló naao doi sóró horótu betere so whįkélé, mepaae doi munire so whį ó doi mole so whį fea tale yóló kwia melaaire be de sókó wóló i mole ape.

Ai be demótóró i hae dorótu betere so whįkélé kwia melóló, doraalopó,” yalepó.

19 Atéyale kįlipaae Kótóné hepen-mó teęe momatere be tu tukwę fóló molepó. Atépa kelalemó, ai be tuąmó ama so whį tao saalopóló, mo dirii fo aseyóló muló betere bokis molepó. Téru, epée fitąa yóo, be są kili kili yóo, doasi sapalaa dorowóo, bao doasi yóo, ais kaporó doasi besé tikitamo dorowóo yalepó.

12

Dowi wuli disóró betą sotamoné yale ala

1 Mo doasi bete mole ala yaairemó, me alapaee dó faróló hepen-mó epa kelale ala wisinaale i ape. Betą soné ama deró betere kutita, ti mo sukatóróti deróo, ama hó aqmó wélé daayóo, 12 hęrerape ama topo tao deróo, epa kelalepó.

2 Téro kale soné ama ere naale ęlumétepa saairaalu, kakóló sisó nuku beterepó.

3 Téro kale dere kaae, hepen-mó me alapaee dó faaróló depa kelaleteti me i ape. Sonaai wuli doasi disó kaae betepa kelaletépó. Ama topo weikeró daayóo, seké naase tamo daayóo, weikeró toporapemó doasi teteróló kaae tare topo whįné deratere topo tao kaae deróo, yó molepó.

4 Ai sekéné ama disale fépo yaetikimó, samó daae mole hęrerape tamo fake ęąle daapatei, betą fake haepaae torokó dorowalepó. Atéro, kale soné ere naale seretamatóró tao sóró nó deraairaalu, mo felekemó melaa yóló beterepó.

5 Atépatei, kale soné naale só mulalepó. Ai naalenéta, *aiyon kapa* fake nópulu tawóló daalu, i hae kwia kae kaemó betóló fale so whį ama teteróló kaae tawaalopó. Kale soné ama naale seretamatóróti mo hapale Kótóné tao sóró ama teteróló kaae tare doasi betere tikimó ątamo betąmó titiyóló beteralepó.

6 Téro kale so ą whįkélé bitini, ęąle wópu mole haepaae botokó felepó. Ai haeta, kale so ą naale detepa, 1,260 be de tuąmó mené ą wisiyóló kaae tawópoló, Kótóné tukóló mulale tikipó.

7 Atéro, ó hepen bemó doakale bóe du betalepó. Maikel-né ama *ensel*-rape ipaae kęayóo, kale disó kaae wuliné ama *ensel*-rape upaae kęayóo, yóló bóe du betalepó.

8 Téyaletei, Maikel-ró ama *ensel*-rapetamoné fotokóné kale disó kaae wuliró ama *ensel*-rapetamo doló teteróló hepen-mó betere alakélé mo ti kemeralepó.

9 Atéro, kale disó kaae wuli i haepaae sóró taae deralepó. Ai wulita, mo taketi bitiré walepó. Ama doita, bóe dele dowi kepe ó Satan-pó. Ai sekęnétoró, i hae kwia feamó betó mole so whį, dowi tuąpaae ęlisóró fu beterepó. Ai sekęró ama *ensel*-rapetamo i haepaae taae deralepó.

10 Téro, hepen bemó etei fo fakeyóló depa wosalepó.

“Dą teteróló kaae tare Kótóné tao sere alakélé, fotokọ bole alakélé, ama so whį teteróló kaae tare alakélé, ama sóró beteró betere whį Kerisoné teteróló kaae tare alakélé, mió wóló mulapó.

Ti noatepae, betere dokọ Kótóné keletómó dané ne norape detamokélé, dikitamokélé só derótu betere seké ąkélé sóró taae deró beterapó.

11 Kale *Sipsip* hupu malené samearó Talené atimané betere bete tuąpaae erótu betere alatamo hąkeamó yó mótu betalepó.

Atétu beterepó, atima dupakélé wiyóló taaréni, Kótóné ala betą ęąle eraté fu betateiné, ne norapetamo bóe du betale seké mo ti dóló teteralepó.

12 Atéremó, hepen be tuąmó betó mole whį dią mo kée yóló ęąjné sinitu betae.

Tépatei, ą hepen be taaróló diątamo haepaae bitį dorowaleiteiné dią haemó betó mole so whįró doasi weį kęła tuąmó betere so whįtamo dią fea ‘Wió fo du betae!’

Ti noatepae, ai sekéné ama yaaire ala doa be demó yaalo meipóló kisipa mutu, ą doasi fopaae butapó,” yalepó.

13 Kale dowi disó kaae wuli ą i haepaae sóró taae deró betepa kisipa mutu, kale naale deale so daai sya felepó.

14 Ai so ą bitį fópóló, Talené taketi donoróló muló betere whįkélé bitini, ęąle wópu mole tikipaae sę fópóló, doakale dukaané baase tamo ą melalepó. Atéro fóló betepa, wuliné ą me ala yaqsóró mepaae whįrapené ą mo wisiyóló kaae taté fóló, ba fo sorené doų ba fo tuąmó tukóló kemerópoló malepó.

¹⁵ Kale so atéró fupa, ą só fópóló dowi wuliné ama kólómó doasi fotokqi węi tiki siriyo analépó.

¹⁶ Atéyalemó, kale so tao suraalu, haenétei kóló ąsóró holóló, ai węi tiki nó deralepó.

¹⁷ Atéteremó, disóné kale setamo mo doakale fopaae buturaalu, ai soné ama mepaae naale senaaletamó bóe daai felepó. Ti aita, Kótóné ama yae yóló muló betere foró, Yesuné ama yale alatamo mopóló erótu betere naale senaaletamopó.

¹⁸ Téró, kale disó kaae wuli ą fóló, węi fókumó daalepó.

13

Doasi węi kęla tuąmó sókó holale syaae kaae ąla

¹ Téró ai węi kęla tuąmó syaae kaae ąla sókó hotepa kelalemó, topo węikeró daayoó, sekęrapekélé naase tamo daayoó, erepó. Ai sekęrape tómó tęteróló kaae tare doasiné deratere topo taorape deró beterepó. Ai toporape dokómó Kótó faletere doirape aseyoóló dakerótu yó molepó.

² Ai syaae kaae ąlata, mo *leapat* kaae aqrutei, ama ąleke ti *beané* ąleke kaae daayoó, kólókéle, *laiyonné* kóló kaae daayoó erepó. Téró, kale wuli disóné fotokkélé, ama tęteróló kaae tare alakélé, fea ala yópóló, sóró beteró betere alakélé, ai kale węimó sókó holale ąlapaae malepó.

³ Ai kale syaae kaae ąlané toporapekó betámó, mo ti sukunei tų daayaletai, momó duniyale siri mupa kelalepó. Atére ala kilitu i hae kwia feamó betó mole so whj feané “Haió” yóló siraturaalu, kale syaae kaae ąlané ama dere alapaae tuę tiki tiróló sya felepó.

⁴ Ai kale disó kaae wuliné kale syaae kaae ąlané doasi fotokqi ala yópóló sóró daalatare ala kólóló, so whj feané ai kale disó kilituraalu, “Ąta mo doa Taletóró,” hjtípó yóló, atima ą daale aqmó sukóló bituraalu, ama doi hale horalepó. Atétu yale kaae, “I kale węimó sókó horale syaae kaae ąlatamo de sure? Ątamo mené bóe dele alakélé mo enénipó,” yóló dukirótu betalepó.

⁵ Téró, ai kale syaae kaae ąlané bopé fake dere fokélé, Kótó faletere fokélé, so whj tęteróló kaae tare alakélé, yópóló mené ą fotok sumó melalepó. Ai sekę ą ai ala yópóló sóró beteratapa, eraté fu bituraalu, 42 wélié tuąmó eróló kemerópóló wé melalepó.

⁶ Ama kólómó dere foné Kótó eratere fokélé, Kótóné doi hąko eróló faletere fokélé, Kótóné ama hepen bemó ątamo betere whjrape faletere forapekélé du betalepó.

⁷ Téturaalu, Kótóné atima dowi ala kemeróló kae beteró betere so whjtamo bóe daairaalu, ketekę buló só deraaitapa seséni, ama yaaire ala betą yópóló taalalepó. Kae

kae fakekélé, kae kae tiki daae mole so whjkélé, kae kae be fo bole so whjkélé, tęteróló kaae dilikiyoó mole hae kwiarapekélé, mo fea ama tęteróló kaae tanópóló mené ąpaae fotokq malepó.

⁸ I hae kwia feamó betó mole so whjiné, kale syaae kaae ąla aqmó sukóló bitu, “Yąta Talepó,” du betaalo ai ape. Ti atimata, kale *sipsip* hupu malené mo ti betó tare *buk*-mó doi asenire so whjpó. Ti ai *Sipsip* hupu maleta, i hae kwia keké naaipatei, dópólópó yóló muló betere hupu malepó.

⁹ Mepaae whj de woséli daapata, ti i dere fo wosóló tuę muópóló yae.

¹⁰ Whj me detamo bóe duraalu, wae sóró *dipula* beteraalopóló tukóló muló betepa, ti mo atétóró yaalopó.

Whj me de bóe whjiné bóe dele sepakené dópólópó yóló muló betepa, ti mo sepakenétóró daalopó.

Até yaairemó, Kótóné kae beteró betere so whjpaae sekęi alarape wapakélé, haepaae derepéni, diriyóló bitu, Talené ama ala betą ketekę buóló eró tawae.

Hae tuąmó sókó holale syaae kaae ąla

¹¹ Téró yąlo kelalemó, hae dolomó syaae kaae ąla me sókó horalepó. Ai sekęné ama topomóta, *Sipsip* hupu malené sekę kaae daalutei, ama dere fo wosalemó, kale wuli disóné fo kaae yalepó.

¹² Kale haemó sókó horale syaae kaae ąlapaae folosóró węimó sókó horale sekęné ama tęteróló kaae tare ala melalepó. Atétepa, nalo wale sekęné ama tęteróló kaae taru, kale folosóró wale sekęné doi eróturaalu, i haemó betó mole so whj feané kale sukjtei tokóló doasi siri mole sekępaae Tale-ó, yóló doi sóró horópóló sętu betalepó.

¹³ Ai kale sekęné amatei mo doakale kae kae kelemei alarape eróturaalu, so whj feané keletómó sikélé ó hepen be taaróló i haepaae dorowópóló erótua yalepó.

¹⁴ Kale folosóró wale sekęné doi doasi mulópóló mené ą fotokq sumó matepa, kae kae kelemei alarape erótu betalepó. Téturaalu, i hae kwiamó betó mole so whj fea dilikóló kóppaae falatua yalepó. Téró, kale haemó sókó holale sekęné i haemó betó mole so whjpaae duraalu, sepake daayale tikimó doasi siri mole sekęné ama doi doasi muópóló, ama aso sęróló aleale ąla daalae, yóló mulalepó.

¹⁵ Téró, kale folosóró wale sekę sęróló aleale ąlané fo yópóló, fomo bulaaire fotokq mené haeró sókó holale sekępaae malepó. Atépa, i hae kwiamó betó mole so whjiné ai asopaae, Tale-ó yóló doi sóró horénitere so whj dópóló, haemó sókó horale sekęné fotokq sumó bulalepó.

¹⁶ Ai sekęné, doasi doi mole whj ó doi munire whjpaakélé, néli whj ó yoleale

whįpaækélé, hąle kọleaané betó mole whį ó wae sóró kutó diratere whįpaækélé, atimané turu naasemó ó kutirimó siri erópóló yae yóló so whį feapaae seyalépó.

¹⁷ Ai siritamo munipa, ti ọla dupu dere alakélé, ó dotonatere alakélé, mo yaalo meipó. Ti ai siritá, kale syaae kaae ọlané ama doi ó ama doipaae fó faróló ere *nambapó*.

¹⁸ Ti etei alata, mo hąle whįné tuéyaalo meitei, mo tué tiki fosó fosó yóló dotoróé fale whįné betą sumó taleyóló bete tuénérápó. Whį me detamo, ama tué tiki fosópa, ti kale syaae kaae ọlané *namba* taleyóló bete tuénérápó. Ti ai *nambata*, mo whįné *namba*-pó. Ai sekéné ama *nambata* 666-pó.

14

Sipsip hupu maleró 144,000 so whįrapetamoné yale ala

¹ Téró yąlo kelalemó, ẹ daale felekepaae anóló Saion hasi fosómó kale *Sipsip* hupu male daapa kelalépó. Aimó 144,000 whįrapekélé, atima betámó daae molepó. Ai whįrape atimané kutirimóta, kale hupu malené doikélé, Alimané doikélé aseýóló dakeró beterepó.

² Téró yąlo wosalemó, hepen bemó sókó wale haleta, weį dou kąatu dere hu kaaeró be sapalaa dorowale hale kaaetamo depa wosalepó. Meta, *kita* kaae ọlarapené dere hale kaae depa wosalepó.

³ Téró, u kale whįrape atimané kale teteróló kaae tare doasi betere tikipaaekélé, ą boperóló betó mole douro betere ọlarapepaaekélé, whį disirapepaaekélé, kese anóló daae muluraalu, kae kisi wole fo du betalepó. Ai wole fota, hąle mo whįné tué yóló enénipó. I haemó dowi kwia saqsóró Kótóné tao sóró dupurale 144,000 whįrapené betą tué yóló enérápó.

⁴ Ti ai daae mole whįrapeta, sorapetamo folokolei ala initu detere kaae, i haemó mole alatamo hosekénire whįrapepó. Ti noatepaae, atimané betere ala folokole yaqsóró ó me alatamo hoseké yaqsóró mo hotowayóló kaae tawaleteinépó. Ti ai whįrapeta, *Sipsip* hupu malené dere ala sya fóló erótu beterapó. Ai whįrape atimata, hąle mo so whį kuamó betó mupa, dupuróló Kótóró *Sipsip* hupu maletampopaae kale kutómó folosóró ọlumé dere ọla, Talepaae hąle matere kaae yóló melale 144,000 whįrapepó.

⁵ Atimata, kapala fo sawakélé muniru, me hąsókó fole alakélé inire whįrapepó.

Sore ensel-rapené yale ala

⁶ Téró yąlo kelalemó, *ensel* me kae ó sąmó sé kutu betepa kelalépó. Ai sekénéta, mo titóroti hąle betó tawaaire kisi fo wisi, i

hae kwia feamó betó mole so whįpaae yó melaairaalu, tarepó. Ti ai fota, betą fake so whįpaae maaté yó melaai mei, kae kae *Gavman*-né teteróló kaae tare so whįpaækélé, kae kae fake so whįpaækélé, kae kae be fo bole so whįpaækélé, kae kae tiki daae mole so whįrapepaaekélé, yó melaaire fo wisipó.

⁷ Téró ama fo fake yóló duraalu, “Kótópaae winé sukuturaalu, ama doi betą doasi doi muópóló erae. Ti noatepaae, ama fo tokótamo yóló taleturaalu, kwia melaaire suka kele i sókó wale ape. Térapa, ą aqmó sukóló bituraalu, ‘Aya Tale doasi-ó,’ yóló, ama doi betą sóró horótu betae. Ti amata, hepen beró sątamokélé, haekélé, doasi weį kelakélé, fole weįrapekélé aleyóló muló betereiteinépó,” yalepó.

⁸ Ai fo yale *ensel* folosóró fi tikimó, *ensel* me kae nalo sya fu bitu duraalu, “Kolokóló dorowóló a mole ape. Doakale doi mole Babilon be hulua kolokóló dorowóló mulapó. Ti ai nópu nokole so Babilon-néta, ama nópu nokole alané aleale keyaa fole *wain* weį hae kwia kae kaemó betó mole so whį feané nópóló melótua yale so, mió kolokó dorowóló ai mole ape,” yalepó.

⁹⁻¹⁰ Téró kale dere kaae, ai *ensel*-tamo fi tikimó, *ensel* me kae sya fu fo fakeyóló duraalu, “Mepaae whį detamo, kale syaae kaae ọlapaae ó ama aso kaae ọlapaae, ‘Doa Tale-ó,’ yóló aqmó sukóló bitu, atima kutirimó ó naasemó, ai ọlané siri eró betere whįrape ama doakale fopaae buló kwia matere weį nópóló melaalo ai ape. Ai *wain* weį mo weįtamo hoseké ini, mo *wain* weįtóró Kótóné fopaae butu kwia melaairetei, wutimó tepeýóló mulapó.

¹¹ Atéró atima duku bituraalu, hotu betere sukulita, mo hąle holótóro tawaalópó. So whį de kale syaae kae ọlaró ama aso kaae ọlatamoné, doi sóró horóo, ama doi mole siri sóo, ere so whį atima detamo ó dilikitamokélé, sąa nóló betere ala mo yaalomeipó,” yalepó.

¹² Kótóné kae heteró betere so whįné, ama yae yóló muló betere fo aqmó sukóló bitu, Yesuné ala eraté fu betaalópó. Ai tuámó i kale bope yale sekeį alarape wapakélé, haepaae doropóló taaréni, hąle beleté fu betereiteiné ai ala mo sumó enérápó.

¹³ Téró, hepen bemó i fo depa yąlo wosalepó. “I fo aseýaae. Mo mió kaae sóró Taletamo betámó betere so whį sukutepa, ti atima Talené mo wisiró beterapó,” yalepó. Kale Dęi Kepe Wisiné duraalu, “Mo dapó. Ti atimané depe tukó wei ala du betereitei taaróló, sąa nóló bituraalu, atimané yale alamó dupu saaire ala felekemó yaalo ai ape,” yalepó.

Haemó yó mole ọla ọlumétepa turukóló saairetei

¹⁴ Têró yålo kelalemó, ę daalepaae anóló mo ęęi ęåko tó mó, whjné naalema kaae betepa kelalepó. Ama topomó, ęęteróló kaae tare doasiné deró betere *kold kapané* aleale topo tao deró bituraalu, ama naasené ęla ęlumépa turukó suatere hekemée wei fosói sepake tarepó.

¹⁵ Tépa, me *ensel* momatere bemó sókó wóló, kale ęåko tó mó betere seképaae fo fakeyóló duraalu, “Naao tare sepakené kale ęlumére ęlarape turukóló sae. Ti noatepae, mió ęla ęlumépa saaire be ęę i sókó wale ape,” yalepó.

¹⁶ Tétepa, kale sekéné tare sepakené i haemó ęlumé yó mole ęlarape fea felesé yóló turukó salepó.

¹⁷ Têró, me *ensel-nékélé*, hekemée wei sepake fosói tawóló, hepen-mó ęęne momatere bemó sókó walepó.

¹⁸ Atépa, Talepaae matere ęla sukulaa dalatere tikimó si kaae tare *ensel* sókó wóló, kale sepake tare *ensel*-paae fo fakeyóló duraalu, “Naao ai tare sepake fosóné i haemó yó mole *wain* képi durape ęlumérapa, sepemó tukóló siré kwęae,” yalepó.

¹⁹ Tétepa, kale *ensel-né* ama sepakené i haemó yó mole *wain* képi du felesé yóló turukó siré kwęyóló, kale képi du ęętere doasi tikipaae taee derale fae. Ti kale képi du ęętere tikita, Kótóné ama fopaae bole ala kwia melaairaaalu, ęętu betere tikipó.

²⁰ Doasi be hulua aęró *wain* węi ęętere tikipaae taee deratepa, atimané ęęiya ęęiya yaletikimó, samea doasi sókó felepó. Atéró sókó fele sameata, węi kaae dukulé holóló, *hos* hupuné ęålo aęmó depa sale ęęleta, 300 kilomita supó.

15

Węikeró ensel-rapené węikeró doasi sekęi alarape tapa kalaletei

¹ Têró yålo kelalemó, hepen bemó mo doasi bete mole ala wisinaale yairemó dere ala epa kelalepó. Ai kale kelale alata, i ape. Węikeró *ensel*-rape dokę mo kemeróturaalu so whj feapaae dowi sekęi ala melaaire węikeró tapa kelalepó. Ai kemeróturaalu dere fota, ti Kótóné ama fopaae buóló kwia melaaire alarape mo ti kemeróturaalu, i węikeró alarapené kemeraalopó.

² Têró yålo kelalemó, *klas-ró* sitamo hosekéróló aleale węi ęęla kaae belerepó. Ai węi fóku ęęmóta, so whj mo fea hęle ęla kaae daae mupa kelalepó. Ti aimó daae mole so whjta, kale syaae kaae ęlaró ę şuróló aleale asotamokélé, ama doimó sere *namba-kélé*, ai alarapetamo bóe dóló ęęteróló wale so whjþó.

³ Kótóné ai daae mole so whjþaae male *kita* kaae ęlarape taruraalu, Kótóné kutó diratere whj Moses-ró kale *Sipsip* hupu male-tamo dolęanóló du betale wole fo i ape.

“Mo doasi fotokę bole Tale Kótóo, naao du betere alata, mo doasi sira yaai dere ala du beteraþó.

Take keké nale alimó kaae sóró bitiré waleteikélé, mió i alimó bitiré faaireteikélé, ęęteróló kaae tare Tale-ó, yęta, naao ere alatóró sya furaalu, mo dono taletu beteraþó.

⁴ Tale-ó, whj me de yępaae winé skutu, naao ere alamó naao doi doasi mualomeipóló de?

Betå whjkelé yę kaae bitini, yęta dowi alakélé muni, mo kaae betere Talepó.

Kae kae hae kwiamó betó mole so whj yę beterepaae wóló, yę aęmó sukóló bitu, Doa Tale-ó yóló dukirótu betaalo ai ape.

Ti noatepae, naao mo donoyóló taletu betere alarape take hiróló mualetei, mió so whj feané kolępóló hękeamó muló beteraþó,” yalepó.

⁵ Ai alarape yóló kemetepa kelalemó, ó hepen-mó momatere be tų tukwę fóló molepó. Ai momatere beta, Kótóné ama so whj tao saalopóló dirii fo muló betere kuti bepó.

⁶ Têró kelalemó, kale węikeró *ensel*-rape atimané węikeró sekęi alarape tawóló ai momatere bemó sókó walepó. Atimané deró betere kutita, mo ęę tekée fóló kasa kasai *linen* kuti deróo, *kold kapané* dokale to atimané deró betere kuti ęęteróló bopemó sóo, epa kelalepó.

⁷ Têró, kale douró betere ęlarapekó betané kale węikeró *ensel*-rapepaae *kold kapané* aleale węikeró okopó nukurape dokęralepó. Ai nukurapemó, mo ti betó tare Kótóné ama kwia melaaire fopaae butere ala ęęayóló molepó.

⁸ Kótóné ama ere ala wisinaale hękearatere alaró ama doasi fotokętamóné momatere be dolomó sukuli kaaróló ęęaneteiné, whj fókélé mo enénipó. Kale węikeró *ensel*-rapené tare węikeró dowi sekęi alarape melóló kemenipatei, ai be dolopaae folo hapale honénipó.

16

Kótóné fopaae bole ala belere okopó nukurape

¹ Têró yålo wosalemó, momatere bemó sókó wale foné kale węikeró *ensel*-rapepaae fo fakeyóló duraalu, “Kótóné fopaae buluraalu kwia melaaire ala okopó nukumó beleróló diaaq ai taretei, haepaae suné deręle fae,” yalepó.

² Ai fo depa, kale kolosale *ensel* fóló ama tare okopoi nukumó belere ɔla sóró fóló, haepaae sunée deralemó, kale syaae kaae ɔlané siri eróló, ama aso aqmó sukóló betó mole so whjné tikimó, dotopo yóló mo doasi dele su betaaire sonaalei humu fulu deralepó.

³ Téró kolosale noma *ensel*-né ama tare okopoi nukumó belere ɔla doasi wej kɛlapaae sunée deralemó, kale wej mo sameatóró alée felepó. Ai sameata, mo ti sukale whjné samea kaae hokoloipó. Até yaletikimó, wej kɛla tuamó betó mole ɔlarapetamo mo fea sisiraae felepó.

⁴ Téró, kale dou noma *ensel*-né ama tare okopoi nukumó belere ɔla, doasi fole wejro amale wejrapetampaae sunée deralemó, samea alée felepó.

⁵ Téró yało wosalemó, kale doasi fole wejrape kaae tare *ensel*-né duraalu, “Naao taletere alata, mo donotóró tale yóló kwia materetei mo wisirapó.

Ti noatepae, yaťa takekélé betóo, miókélé betóo iru, dowi ala mo betakélé munire Tale beterapó.

Téru, fo tokótamo yóló tale yóló kwia matere alata, mo donoyólótóróti ai yale ape.

⁶ Ti noatepae, naao kae beteró betere so whjro naao fo eratere kóló whjrapetamo dale kwia tokó móturaalu ai sókó fele samea nópóló materetei, mo donorapó,” yalepó.

⁷ Téró yało wosalemó, Talepaae moma yóló simó sukýlaa dalatere tikimó etei fo yalepó. “Mo doakale fotokó bole Tale Kótó-ó, yaťa mo fotóró bulu, naao tale yóló kwia matere alakélé mo donotóró dapó,” yalepó.

⁸ Téró, kale dou *ensel*-né ama tare okopoi nukumó belere ɔla sula betepaae sunée deralemó, siné so whj dolo baalu sorokó faaire fotokó mené sumó melalepó.

⁹ Atéró dokole si supuné atima tiki turó baalu sorokó felepó. Até dere supumó, Kótóné doi doróló ɔ eratere fo du beterepó. Atimapaee atei kaae susupui ala eratepatei, atimané du betere dowi ala taaróló, tué tiki fetenipó. Téruraalu, Kótóné doi doasi muópóló eraaire alakélé hýyóló, dowaae fu betalepó.

¹⁰ Kale apo *ensel*-né ama tare okopoi nukumó belere ɔla, kale syaae kaae ɔlané teteróló kaae tare tikimó sunée deralemó, ai hae kwia fea dilikiyó felepó. So whj supumó atéró kakutu bitu, atimané hapetei turukóló nuku betalepó.

¹¹ Atimané tikimó daae mole humu dotoporó siné dale deteraatamomó kakutu bituraalu, hepen bemó betere Kótóné doi doróló, tekani fo du betalepó. Tétu, atimané yale dowi ala taaróló tué tiki feteyóló

betaalo hýyóló, dowi ala yaaitei dowaae fu betalepó.

¹² Kale apomi *ensel*-né ama tare okopoi nukumó belere ɔla doasi fole Yupretis wejraape sunée deralemó, kale suka hoterepaaeróló teteróló kaae dilikiyó mole topo whjrape waaire tu mulóturaalu, kale wej tiki dikalepó.

¹³ Téró yało kelalemó, sore dowi keperape sepéerape kaae beterepó. Ai dowi kepe atima, me wuli disóné kólómó sókó wóo, me syaae kaae ɔlané kólómó sókó wóo, me Kótóné fopóló kapala fo yó matere whjné kólómó sókó wóo, yalepó.

¹⁴ Ti ai keperapeta, kae kae kelemei alarape erótu betere sekéerapepó. Doa fotokó bole Tale Kótóné ama tukóló muló betere doasi be demó, Taleatamo bée daaire whjrape mei yaqsóro, i hae kwia feamó teteróló kaae dilikiyó mole topo whjrapepaae bée daalopa ape yóló, dape siré kutu beterapó.

¹⁵ “Térapa ɛta, ɔlémi nokole whj kaae waalo ai ape! Atéyaalopa, whj me de noke fió muni turukó holóló bitu, ama deratere kuti ɔ betere tikimótóróti muló betae. Atétere whj ɔ Talené wisiró beterepóló hajné sukýalo ai ape.

Ti noa yaqsóro mei, ama tiki daapi hale furaalu hale yaqsóro dapó,” yalepó.

¹⁶ Téró, atima fóló kale topo whjrape dape siré kweyóló, Israel fake so whjné Hibru foné doi muló betere, Armakedon haepaae tourale walepó.

¹⁷ Téró kale wejke *ensel*-né ama tare okopoi nukumó belere ɔla sa tó tuamó sunée deralemó, kale momatere be tuamó teteróló kaae tare doasi betere tikimó fo fakeyóló duraalu, “Mió ai kemeyale ape!” yalepó.

¹⁸ Ai fo yalemó, epée fitaa yóo, be sa kili kili yóo, doasi sapalaa dorowóo, mo doasi bao yóo, yalepó. Take i haemó betale so whjné etei kaae bao depa mo kilinipó.

¹⁹ Ai bao duraalu, kale doasi be hulua tekeyóló sore fake daane fóo, i hae kwia feamó tó mole doasi be huluarapekélé kolokóló doropóo, yalepó. Kótóné kale doasi doi mole Babilon tué muturaalu, ama dowi fopaae bole *wain* wej wutimó tepeyóló, kale so nópóló melalepó.

²⁰ Wejné bopéróló daae mole hae kwia fea daani, alu yó molepó. Doasi daae mole hasi fosórapekélé kelalemó daani, aluyó molepó.

²¹ Ó samó doasi *ais* kapo du kaaené whjrape tejsa yaai dorowalepó. Ai dorowale *ais* kanerape seké ɔleta, 50 *kilogram*-pó. Atimapaee atei mo dowi sekéi ala erateremó, Kótó eróló tekani fo du betalepó.

17

Syaae kaae ąla tómo betere somó yale fo

¹ Téro, kale weikeró okopoi nuku tare *ensel*-rapekó betą ę beterepaae wóló duraalu, “Kale weirape tómo betere doasi doi mole nópu nokole soné dere alamó, kwia melaairetei yąlo yąpaae yó melaalopa ape.

² Ai sota, i hae kwia fea teteróló kaae tare topo whįrapetamo nópu nuku betalepó. Téro, kale soné i hae kwiamó betó mole so whįkélé, nópu nokole *wain* weį melale tikimó topo doyóló keyaa fu betalepó,” yalepó.

³ Téro, ę kale Deį Kepe Wisi tuámó betepa, *ensel*-né so whįkélé bitini hąle kópu kaae fi tikipaae beleyóló sóro felepó. Aimó bituraalu kelalemó, betą so mo sonaai syaae kaae ąla tómo beterepó. Ai syaae kaae ąlané ama tiki turó, Kótó aqraterere doirape aseýó bopéro, weikeró toporape daayóo, naase tamo sekęrape daayóo, epa kelalepó.

⁴ Kale soné ama kutita, mo sonaairó sukutąitamo deróo, ama aure ąlarapekélé, *kold kapané* alealeteiné hęre hęre yóo, mo doasi *moniné* sere kasa kasai kaneró du dui meleketamo sóo, erapó. Ama naasené tare *kold kapané* aleale wuti dolomó kelaalokélé mo sonaalei ąlaraperó ama nópu nokole alané bólutamó deýóló ąąanó beterepó.

⁵ Ama kinóló mole doi kutirimó asęretei i ape.

DOASI BABILON-TA, NÓPU NUKU BETERE
SORAPERÓ I HAEMÓ MOLE KELAALO MO
SONAALEI ALARAPETAMONÉ HAMAPÓ.

⁶ Téro yąlo kelalemó, Kótóné ama kae beteró betere so whį atimakótei, mepaae Yesuné yale ala i ape yóló yó melateremó dale so whįné samea naletikimó kale so ą topo doyóló keyaa fu beterepó. Atétere ala kolóló, ę sira yale supó.

⁷ Atétepa, kale *ensel*-né ępaae duraalu, “Yą noatepa siratu bitute? Ai weikeró topo daayóo, naase tamo sekę daayóo, ere syaae kaae ąlaró ama sisó tómo betere sotamoné kinóló mole ala bete yąlo yąpaae hąkearóló yó matapa wosae.

⁸ Naao kelale syaae kaae ąlata, take betaletai, mió bitinipó. Tépeati, take mo apaae derepale wosono dolomó sókó holóló, ą doraai dąle muló betere tikipaae faalo ai ape. Mepaae so whį i haemó bitu, atimané doi take keké nale alimótei mo ti betere *buk*-mó munipó. Atére so whįné kale syaae kaae ąla kilituraalu, doasi sira yaalopó. Ti noatepae, take ą betepa kolóo, mió bitini alu yóo, nalo momó sókó wóo dereteinépó.

⁹ Naao ai kelale alata, mo kisipa tiki fosó fosóyóló dotoróę fale whįné betą bete tokóló kolóló tuęnérapó. Kale weikeró toporapeta, ti kale soné ama ero dée daalóló betere weikeró hae durapepó.

¹⁰ Me beteta, ti kale teteróló kaae tare weikeró doasi topo whįrapepó. Ai weikeró whįrapekó, aporó whįrape atimané teteróló kaae tare ala kemeyalepó. Até yóló betą whįné teteróló kaae tare ala betą hąle erapó. Atépa, nalo me whį wouraaalu, ama teteróló kaae tare ala sawa sukamó maaté kaae tawaalopó.

¹¹ Ai kale syaae kaae ąla take betaletai, mió bitinipó. ąta kale teteróló kaae tare weikeró doasi topo whįrapekótei, ąkélé atimatamo touróturaalu bokówalerópó. Ai weikeró topo whįrapetamo betámó betereitei, ą doraai tukóló muló betere alapaae fu beterapó.

¹² Naao kelale naase tamo sekęrapené beteta, naase tamo teteróló kaae tawaaire doasi topo whįrapepó. Ti mió atimané teteróló kaae tawaaire ala sini, téýópó. Take atima doasi doi muópóló mené sóro beteraalopó. Atéro sóro beteratepa, kale syaae kaae ąlatamo betą bitu, sawa sukamó teteróló kaae tawaalopó.

¹³ Atima fea mo betą kisipatóró muóló, kale syaae kaae ąlapaae naaotóro kaae tawae yóló, fotokęró teteróló kaae tare alatamo melaalopó.

¹⁴ Ai fakerape atima touyóló kale *Sipsip* hupu maletamo bóe daalopó. Téyaalotei, kale *Sipsip* hupu malené atimatei dóló teteraalopó. Ti noatepae, ąta i haemó betó mole talerape teteróló kaae tare Tale betóo, mepaae hae kwia teteróló kaae tare topo whįrape teteróló kaae tare topo whį betóo, erapó. Atéru, ą sya fóló ama ala eró tare so whįta, ti ątamo betámó betaalopó. Atimata, ama ape yóló sókó su yóló, kae beteró betere so whįpó,” yalepó.

¹⁵ Téro, kale *ensel*-né ępaae duraalu, “Kale nópu nokole so betere weirapené beteta, i ape. Kae kae tiki daae mole so whįkélé, kae kae touró betere fakekélé, kae kae *Gavman*-né teteróló kaae tare so whįkélé, kae kae be fo bole so whįkélé mo fea tómo, ai so ą beterapó.

¹⁶ Kale syaae kaae ąlaró naase tamo sekęrapetamoné kale nópu nokole so hóróló, bóe daalopó. Atéturaalu, ama kuti fea sorokóló taee faróló tiki daapi hąle betepa, ama tiki mi fea sorokóló nóló diri hąle simó sukųlaa dópóló biliraalopó.

¹⁷ Ti noatepae, kale naase tamo sekęrape atima fea fo dokóló betą tuę mutu, atima teteróló kaae tare fotokę kale syaae kaae ąlapaae melaalopó. Até yaaire alata, Kótóné ama eraalopó yóló muló betere fo dokonótu mo erópóló, atima tuąpaae bulaalopó.

¹⁸ Naao ai kelale sota, i haemó betó mole topo whįrape teteróló kaae tare doasi doi mole be huluaupó,” yalepó.

18

Babilon kolokóló derepele fo

¹ Ai ala yóló kemetepa, me *ensel* hepen bemó dorowou betepa kelalepó. Ai sekéné, fea ala ama teteróló kaae tawóló beterpóló, mené ą sóró betero betepapó. ą tuąmó ere kokóné sini dę wisinaale i hae kwia feapaae dęralepó.

² Téro, kale sekéné mo doasi fo fakeyóló fotokóiné duraalu,

“Ai kolokó dorowóló mole ape! Kale doasi doi mole be hulua Babilon kolokóló dorowóló mulapó.

Ti ai sota, dowi keperape betere be alée fóo, mepaae kae kae dowi keperaperó hókolo yóló kelaalo mo sonaaiei barapetamo, betere tiki alée fóo erapó.

³ Ti noa betené mei, hae kwia kae kaemó betó mole so whį ai soné ama nópu nokole ala tokóló yateiné *wain* weį nóló, keyaa fu dere kaae du betalepó. I hae kwiamó betó mole so whį teteróló kaae tare topo whįrapekélé, kale sota nópu nukua yalepó.

Ai soné ama doasi nélire alané, i hae kwiamó ąla ąla dotonóló duputu betere so whįné *moni* mo dekéro siré feleteiné néli whį betalepó,” yalepó.

⁴ Téro hepen bemó me i fo depa wosalepó. “Yąlo so whį-ó, ai sotamo betere so whį kua dolomó betereitei taaróló sókó ape.

Ama du betere dowi alarape diąpaae tokó melóturaalu, ama saaire dowi sekeį alarape diąkélé saqsóropa, taaróló ape.

⁵ Ti noatepae, ai soné Kótóné yóló muló betere fo tikale dowi ala muté holóló, hepen bepaee sókó horapó.

Atéremó, melaaire dowi kwia Kótóné keteréni, kisipa hąle yó tarapó.

⁶ Kale soné ama melatua yale weį ąpaae tokó mótu, ama male sų tó mó me beleróló ątei nópóló melae.

⁷ Kale so ą doasi doi mulapóló, wisi wisi ąla dekeró nuku betale sųtóró, susupui alaró dekené sukutere alatamo sópóló melae.

Ama tué tiki tuąmó bopé fake dere ala bulu, ‘Ęta, mo doasi teteróló kaae tare topo so betereiteiné ę wulia so betepapakó woletere ala enénipóló,’ kisipa mutu betepapó.

⁸ Atéreteiné, mo betą sukamó ama sópóló dąle muló betere sekeį alarape hąsókó feni, mo saalo ai ape.

Ai alarapeta, i ape. Sukutere alakélé, dekené sukuturaalu wole yaaire alakélé, woténé sukutere alakélé, tiki

siné dóló suąulaa dokole alakélé, ai ala fea mo amatóro saalo ai ape.

Ti noatepae, ai somó dowi kwia melaaire Tale Kótóta, mo doasi fotokó bole bete Talepó,” yalepó.

⁹ Ai sotamo nópu nokole ala yóo, ama wisi wisi ąla sóo, du betere teteróló kaae tare topo whįrapené ai kale so dukuraalu, hotere sukuli kelalepó. Atétepa, atima kale so dekené sukóló woletu betaalopó.

¹⁰ Kale so atéro duku bitu, susupu sóró kaketu betere alamó, atima wituraalu, tika mo umó daae mulu, i fo yaalopó.

“Mo doa wió! Doasi doi mole be hulua-ó, wió yae!

Doasi fotokó bole be hulua Babilon, yą doraalopóló tukóló muló betere alata, betą sukakelemótóro mo ti doróló ai kemeyale ape.”

¹¹ I hae kwia feamó ąla ąla dotonóló duputua yale whįrapené kale so dokole kolóló, dekené sukuturaalu, moló-u yaalopó. Ti noatepae, atimané ąla ąlarape take yale kaae whįrapené momó kae duputimipó.

¹²⁻¹³ Atimané atéro dotonótu betere ąla ąlarape i ape. *Kold kapa, silpa kapa*, doasi *moni* sere kasa kasai kanerape, meleke kaae, du dui ąla, *linen* kuti wisinaale, sukutąi kuti, *silk* kuti, sonaa kutikélé, fetera kaae ąla *sitron* nikélé, hupu sekéné aleale kae kae ąlakélé, doasi *moni* sere nikélé, *brons kapa, aiyon kapa*, be teterere kane fake wisinaalekélé, *sinamon* fetera kaae ąlaró mepaae kae kae fetera kaae ąlatamokélé, simó bilitepa felé kęlaa wale ni sekaę kaae ąla mura ni fekélé, *frenkensense* ni fekélé, *wain* weįkélé, *Olip* ni duné aleale *welkélé, flawa* wisinaaleró *whit*-tamokélé, *bulmakau* hupuró *sipsip* huputamokélé, *hos* hupuró ama sįyóló só kotere ąlatamokélé, wae sóró kutó diratere so whįró hąle mo betere so whįtamóné tikiró asotamokélé dupu yaalopó.

¹⁴ Atimané i fo yaalopó. “Naao senée du betale ni du mo ti aluyalepó. Naao wisi wisi ąlaró néli butukutu betale ala wisinaaletamo aluyaletéiné momó kae ke-laalomeipó.”

¹⁵ Téro, ai kale dosąayale ąla ąlarape dotonóló néli botokó fu betale whįrape atima kale so doasi susupu sóró kaketu betere alamó, atima wituraalu, tumó daae mulu, dekené sukóló fakeyóló etei wole fo yaalopó.

¹⁶ “Doasi wió yae! Doi mole doasi be hulua-ó,

yą tuąmó betó mole so whįné aure ąla ąlarape i ape. *Linen* kuti wisinaalekélé, sukutąi kuti, sonaa, *kold kapa*, doasi *moni* sere kapóro du

dui melekerapetamoné au wisinaale yóló néli whį betaletci, mió wió yae.

¹⁷ Doasi *moni* sere wisi wisi ęla fea hąleke sukamótóro doyóló ai kemeyale ape. Doasi węi nuku só kotere so whįkélé, nuku tuąmó kutó ditere so whįkélé, *moni* saaire kutó ditere so whįkélé, mo fea tumó kese anóló daae muaalopó.”

¹⁸ Kale so dukuraalu hotere sukuli kolóló, atimané i fo yaalopó. “Atei kaae doi mole doasi be hulua wisinaaleta, me kae mei, mo betatátóro tępapó.”

¹⁹ Atétepa, dekęnę sukuturaalu, atima hae diyóló, etei wole fakeyóló du betaalopó.

“Wió! Doasi doi mole be hulua-ó, wé! naao teyae.

Ai soné doasi węi nuku talerape atima *moniné* doasi néli whį beteralopó.

Téyale sotei, hąleke sukamó ą mo ti doyalopó.

²⁰ Ó hepen bemó betó mole doasirape-ó, ai sopaae eraterere alamó dią hajné sukutu betae.

Kótóné dowi ala kemeróló kae beterale so whįkélé, *aposel* whįrapekélé, Kótóné fo eraterere kóló whįrapekélé, hajné sukutu betae.

Ti noatepae, ai soné diąpaae erale sekei alamó, kwia Kótóné ąpaae tokó melalepóló, dią hajné sukutu betae.”

²¹ Téro, doasi fotokó bole *ensel*-né mo doasi kane fake tao sóro doasi węi kęla tópaee taae deróló duraalu,

“I doasi kane taae derótu dere kaae, kale doi mole Babilon be hulua kolokó dorowóló, mo ti doratere be, momó kae tęyaalomeipó.

²² Yą tuąmó *kita* kaae ęlané halekélé, wole fokélé, fó wutiné haleró *kapané* aleale ukulumó wutiné haletamo momó kae wosaalomeipó.

Be tętere ala ó nuku wisiratere ala ó kae kae fosó fosótere whįrape mo feata, Babilon yą tuąmó mo kolókelé yaalomeipó.

Whiti o du derąketuraalu, kane fakené halekélé, momó kae wosaalomeipó.

²³ Kale *lamp* sané dęrótu betereitei, momó kae dęraalomeipó.

Soró whįtamo dokóló ęla deturaalu, hękese detere fo momó kaae wosaalomeipó.

Naao ęla ęla dotonóló duputua dere whįrapeta, i haemó doasi doi mole whįrapepó.

Naao isi whįné dere alané kae kae *Gavman*-né tęteróló kaae tare aqmó betó mole so whįkélé, fea kópaee ąlisóro fu betalepó.

²⁴ Kale so tuąmó, Kótóné fo eraterere kóló whįrapekélé,

Kótóné ama kaae betero betere so whįkélé,

bónen mepaae i haemó betó mole so whį dale sameakélé ą tuąmó mupa kelalepó,” yalepó.

19

Talené doi hale sóro horópoló yae!

¹ Ai ala yóló kemetepa wosalemó, ó hepen bemó so whį mo hąle ęla kaae wó muluraalu fo tiki whaa du betalepó. Atéro duraaalu,

“Talené doi hale sóro horae.

Mo ti aluyaqsóro tao sere alakélé, ama ere alané doasi doi mole alakélé, fotokó doasi bole alakélé, bete Tale dąné Aya Kótó ątórótípó.

Ti noatepae, ama taleyóló só deraterere ala hąko ini, mo alatóro sya furaalu, dono taletua dapó.

² Atéturaalu, kale doasi doi mole nópu nokole soné ama du betale alané i haemó betó mole so whį kópaee faróló doralepó. Até yale alamó, Kótóné ama kutó diraterere whįrape dóló sóko fale sameamó kwia tokó malepó,” yalepó.

³ Téro atimané momómo fo fakeyóló duraaalu,

“Talené doi hale sóro horae.

Kale so duku bituraalu hotere sukuli tukókelé ini, hąle holótóroti tarapó,” yalepó.

⁴ Ai fo deremó, kale 24 whį disiraperó kale douro betere ęlarapetamo kale tęteróló kaae tare doasi betere tikimó deraaapisa fóló fió mulu fo fakeyóló duraalu, “Mo kée, Talené doi hale sóro horópoló yae!” yalepó.

⁵ Tétepa, kale tęteróló kaae tare doasi betere tikimó sóko wale foné duraalu,

“Talené kutó diraterere so whįrape-ó, dią ąpaae winé sukóló, doasi doi mole so whįró doi munire so whįtamo feané dą tęteróló kaae tare Kótóné doi hale sóro horótu betae,” yalepó.

⁶ Tétepa yalo wosalemó, so whį mo hąle ęla kaae wó muluraalu dere fo tiki whaata, mo doasi węi dou kątu dere hu kaaéro doasi be sapalaa dere kaaetamo yóló duraaalu,

“Talené doi hale sóro horae.

Dą kaae tare doasi fotokó bole Kótóné ęla ęla fea amatóro tęteróló kaae tareteiné ama doi hale sóro horae!

⁷ Dą fea hajné sukóló hękeseturaalu, ama doi doasi muópoló hale sóro horaalopa siępe.

Ti noatepae, kale *Sipsip* hupu malené so dokaaire be dę sóko wapa, kale

sekēné dokaaire soné ama auyaaire
 ɔla ɔla donoróló muló beteraþó.

⁸ Kale so ʔ derópóló, fokó fale deĵ *linen* kuti
 wisinaale melaleþó,” yaleþó.

Ti ai kale deĵ *linen* kuti wisinaaleta, Kótóné
 ama kae betere so whĵrapené du betale mo
 donoi alappaae dó faróló erapó.

⁹ Tétepa, kale *ensel*-né ɛpaae duraalu, “I
 fo aseyaae. Kale *Sipsip* hupu malené so
 dokaaairaalu, ɔla deyaalopa ape,” yóló dape
 sere so whĵ mo doa haĵné sinópóló yae. Téró
 ama duraalu, “Ita, Kótóné ama kólómó sókó
 wale fotóró dapó,” yaleþó.

¹⁰ Até deremó, ɛ ama hó aqmó deraapisa
 fóló fió mulu, ʔpaae moma yaai yaleþó.
 Atéyalemó, ama duraalu, “Atékesel! ɛta,
 ʔaró Yesuné yale ala mopóló eró tare so
 whĵrapetamo da betá kutó diratere sekéþó.
 Térapa, Kótó aqmó sukóló bitu, ʔpaae betá
 moma yae. Ti noatēpaē, Yesuné yale
 ala etérópóló yó matere alané Kótóné kóló
 whĵrapené dere fo fea bete hākearótu betē-
 rapó,” yaleþó.

*Deĵ hos hupu tómó betá seké whĵ betēpa
 kelale fo*

¹¹ Téró ʔalo kelalemó, hepen be tų tukwē
 fóló, deĵ *hos* hupu ɛ daalepaae anóló
 daaleþó. Ai hupu tómó betere whĵ mo foné
 betetóró bitu, Talené ala eró tare Sekéþó
 dua dapó. Ai sekēnéta, fo tokóló taletere
 alaró bōe dele alatamo, mo donotóró dua
 dapó.

¹² Ama keleta, mo si mi kaaē buó, ama
 topomó kale tēteróló kaaē tare doasiné deró
 betere topo taorape deró, ereþó. Ama
 tikimó aseýóló muló betere doita, mo whĵ
 betānékélé tuēni, ama betá tuērapó.

¹³ Ama deró betere kutita, samea belere
 dolopaaē deróló sókó sale kuti deró
 betereþó. Ai sekēné ama doita, ti Kótóné
 fopó.

¹⁴ Hepen bemó bōe dele *amĵrape* atimané
 deró betere kutita, mo fokó fale tikimó deĵ
linen kuti wisinaale deróló, deĵ *hos* hupu-
 rape tómó betóló, kale sekēné sisómó wó
 tareþó.

¹⁵ I hae kwia feamó betó mole so whĵtamo
 bōe dóló tēteraairaalu, bōe dele fosó
 sepake ama kólómó sókó wapa kelaleþó.
 “Amata, *aiyon kapa*né aleale nópulu taru,
 haemó betó mole so whĵ fea ama tēteróló
 kaaē tawaalopó,” Ai sekēnéta, mo doasi
 fotokó bole Kótóné dowi fopaaē buló, kwia
 melaaire *wain* képi du wēi dōtere tikimó
 tēĵya tēĵya du betērapó.

¹⁶ Ama deró betere fōloi kutiró
fasatamomó etei doi aseþepó.

TĒTERÓLÓ KAAE TARE WHĴRAPE KAAE TARE
 DOASI BETÓ,

I HAEMÓ DOASI ɔLA ɔLA TALERAPE TĒTERÓLÓ
 KAAE TARE TALE BETÓ,

erapó.

¹⁷ Téró ʔalo kelalemó, betá *ensel* suka
 ke tómó daalu, kale sikimó sē kotere
 barapepaē fo fakeýóló duraalu, “Kótóné
 ama doasi ɔla deyaalopa, diā fea betāpaē
 tourale ape.

¹⁸ Ti hāle mei, Kale tēteróló kaaē tare
 doasi whĵrapekélé, diki tare whĵrapené
 topo whĵrapekélé, mo doasi fotokó buló
 bōe dele whĵrapekélé, *hos* hupuraperó ai
 hupu tómó betóló kotere whĵrapetamokélé,
 mo hāle betere so whĵraperó wae sóró
 betere so whĵrapetamokélé, mo doasi
 doi mole whĵraperó doi muni hāle betó
 mole so whĵrapetamokélé, i dosāyaale so
 whĵrapené tiki mirape diā naaseþólópa,
 tourale ape,” yaleþó.

¹⁹ Téró ʔalo kelalemó, kale *hos* hupu
 tómó betóló wale whĵró ama bōe dele
amĵrapetamo atima daae molepaē, kale
 syaaē kaaē ɔlaró hae kwia fea tēteróló kaaē
 dilikiyó mole doasi topo whĵrapetamokélé,
 atimané bōe dele whĵrapekélé tuyóló, bōe
 daai wou betēpa kelaleþó.

²⁰ Téyaletēi, kale syaaē kaaē ɔlaró, Kótóné
 ama kóló whĵpóló kapala fo yó matere
 whĵtamo tawóló dokóló mulaleþó.

Ti ai kale kapala fo yó matere kóló whĵiné
 kale syaaē kaaē ɔlané doi doasi muþpóló
 kae kae kelemei alarape erótu betaleþó. Ti
 ama ai kelemei alarape yó melaetikimó,
 syaaē kaaē ɔlané siri sóo, ama aso aqmó
 sukóló bituraalu, dukiratere fo yó, du be-
 tale so whĵrape kōpaē fōpóló dilikitu be-
 tale whĵpó. Téró, ai kale dokóló mulale
 seké tamo, betēpatei doasi *sulpa* si duku betere
 wēi kēla belerepaē taaē deraleþó.

²¹ Téturaalu, atimaamoné bōe dele
 whĵrapeta, kale *hos* hupu tómó betóló wale
 whĵiné kólómó sókó wale sepakené mo fea
 dóló muó mupa, barapené tiki mi nóló depe
 watamo fua yaleþó.

20

1,000 ba fo tuamó yaaire ala

¹ Téró ʔalo kelalemó, ó hepen bemó *en-
 sel* dorowou betaleþó. Ai sekēné ama
 naasenéta, mo apaaē derepale osono dolo tų
 kinaaire *kiró* mo doasi *sein* kēpitamo tareþó.

² Ai *ensel*-né kale wuli disó botokó sóró
 tawaleþó. Ai disóta, mo taketi bitiré wale
 wulipó. Ama doita, Satan ó Kótótamo bōe du
 betere dowi keþepó. ʔ dokóló muló betēpa
 1000 ba fopi kemeraairaalu dokaleþó.

³ Téró, *ensel*-né kale wuli disó tawóló, mo
 apaaē derepale osono dolopaaē sóró taaē
 deróló, tų kinóló diriratere ɔlané mo ti diri-
 raleþó. Ti aita hāle mei, i hae kwiamó
 betó mole so whĵ ama momó kae dilikóló
 kōpaē falaqsóró, 1000 ba fo tuamó hāle
 betēraleþó. Ai ba forape kemetēpa, kĵlipaaē

sawatamo sukamó maaté ą sókó daalóló, ąale beterońpóló eraalopó.

⁴ Téro ąalo kelalemó, tetérońó kaae tare doasi betere searapemó fo tokóńyóló taletere whįrape betó molepó. Aimó, Yesuné yale alarape i ape, yóló yó matere foró Kótóné fotamo yó materemó, depa tikale so whinė keperapekélé, betó mupa kelalepó. Ti ai so whįrapeta, syaae kaae ąlaró ama asotamo ańmó sukóló bitu, dukiratere fo ini yóo, ama siri atimané kutirimó ó naasemó dakeratere hó dua yóo, yale so whįrapené keperapepó. Ai sekęrape atimata, kepaayóló bituraalu, Yesu Kerisotamo betámó 1000 ba fo tuąmó teterońó kaae taté ńpóló sóró beterallepó.

⁵ Téro, kale ąale sukąle whįrape atima ąapale kepaani, 1000 ba fo kemeyale ńłłpaae, ti kepaayóló betó muaalopó. Ti aita, folosóro kepaayóló betereiteipó.

⁶ Ai kale folosóro kepaayóló betere so whįta, Kótóné ama kae sóró beteroń betereiteimó, mo ąainé sukóló betó mulapó. Tamo dakoróló sukutere alané atimapaee me sekęi ala eranńnipó. Tńni, atima Kótóro Yesu Kerisotampaae momaratere so whį bituraalu, ątamo betámó teterońó kaae taté fóló 1000 ba fo kemeyaalopó.

Satan doasi dele tuąmó beteraaire fo

⁷ Téro ai kale 1000 ba fo kemetepa, Satan ą *dipula* beteraitei ńpóló sókó daalaalopó.

⁸ ą atéro sókó daalatepa furaalu, i ąae detene fale douro kwiamó betó mole Kok fake so whįro Makok fake so whįtamokélé dilikóló, dape siré kweńyóló bóe daai, betąpaae tourąle waalopó. Ti ai so whį, fea touróturaalu, weń atiką supó.

⁹ Ai tourale *amirape* atima, delaapemó daayóló doasi mulure ąae tiki mo suróló wou, Kótóné ama so whį betere tiki boperóló betó molepó. Ai so whį betere tikita, ti Kótóné ama yaala sókó fóló mole be hulapó. Atima atéro be naai boperąle wóló betó molemó, ó hepen bemó si sókó dorowóló atima mo fea doló kemerallepó.

¹⁰ Ai kale siné doló kemeraale so whį dilikąle Kótótamo bóe du betere dowi kepe ąta, kale *sulpa* si dó tare weń ńla belerepaae taae deralepó. Take kale syaae kaae ąlaró Kótóné ama ńóló whįpóló kapala fo yó male whįtamo taae derale kaae ąkélé atéro taae deralepó. Atima atéro bituraalu, dikitamokélé, deńtamokélé, doakale dele doasi sóró kaketu betere alata kemekélé ini, ąale yótórońi tawaalopó.

Sukąle so whįtamo fo tokóló tale yaaire fo

¹¹ Téro, kale teterońó kaae tare doasi betere deń *sea* kolóo, ai *sea* tóomó betere sekę kolóo, yalepó. I ąaeró sątamota, ai

kale doasi kilitu botokó feletei, kinaaire tiki meipó.

¹² Téro ąalo kelalemó, take sisiraae fele doasi doi mole so whį ó doi munire so whį, doasi betere tikipaae anóló daae molepó. Atima atéro daae mole tuąmó, *buk-rape* ąaae faróló muó molepó. Me ąaae faróló mole *buk*-ta, mo titórońi betó tare *buk*-pó. Take kale sisiraae fele so whįrape atimané yale alarape fea kale *buk*-rapemó aseńyóló moletei, kolóló taleyalepó.

¹³ Kale weń nóló sisiraae fua yale so whįta, doasi weń ńlané dotonale holóo, mo sukutere so whįrape fóló betere bemó betó mole so whįkélé, ti ai benétei dotonale wóo, sukutere alané tao tare so whįrapeta, ti ai alanétei dotonale wóo yalepó. Atéro wóló betó mupa, atima dokę feané yale ala donotóroń taletua yalepó.

¹⁴ Téro, kale sukutere alaró sukąle so whįrapetamo betó mole tiki kale doasi si duku betere weń ńla belere dolopaae taae deralepó. Ti ai si duku betere weń ńlapaae taae deraleiteita, tamoróló sukutere tikińpó.

¹⁵ Téro, mo ti betere *buk*-mó doi munire so whį kale si dó tare weń ńla dolopaae taae deralepó.

21

Kisi Jerusalem be

¹ Téro ąalo kelalemó, me i ala erepó. Take mole ąaeró hepen betamokélé kemerońturaalu doasi weń ńlakakélé kemerallepó. Téturaalu, kisi hepen beró ąaetamo sókó wóló mupa kelalepó.

² Téro ąalo kelalemó, dowi ala betąkélé munire kisi Jerusalem be hulua wisinaale, Kótó betere hepen be taaróló dorowou betalepó. Ai be huluané ama ere alata, so seimale ą whįtamo dokaai kolóló kokóné sukį kuti wisinaale derótu dere kaae erepó.

³ Téro ąalo wosalemó, kale teterońó kaae tare doasi betere tikimó fo fakeńyóló duraalu, “Mió, Kótó ą betere be dorowóló so whįtamo muóo, ąkélé atimatamo betóo, yaalopó. Atéro, atima ama so whįtóró betepa, Kótó atimatamo betámó bitu, atima teterońó tare Tale betaalopó.

⁴ Atéro, so whį feané wole kaae ai sekéné helekóló kópuraalopó. Tétu, sukutere alakélé, deķené sukóló wole dere alakélé, moló hu dere alakélé, dele sere alakélé, momó kae yaalomeipó. Ti noatepae, folosóro yale alarape fea mo ti kemeroń betereiteinépó,” yalepó.

⁵ Téro kale teterońó kaae tare tikimó betere doasiné duraalu, “Fea ąla fea ąalo kae kisi aletu beterańpó! Térapa, ąalo i yale fo naao aseńyae. Ti noatepae, i dere fota, mo yaai dere ala dapóló diaań tué tiki tiranérańpó,” yalepó.

⁶ Téro ama epaae duraalu, “Ai alarapeta, fea ai yóló kemeyale ape. Èta, *Alaparó Omekata*mo bituraalu, kaae sereteiró kemereteitamó, mo ètórótipó. Whì me de wèi nokole depa, mo ti betó tare tikimó wó tare wèi me òlané dupuni, hãle nõpóló yãlo melaalopó.

⁷ Whì me de a tų wisipaae faai fealalemó, sesétepakélé hepée taee faróló wale whìné i òla òlarape fea take ama saalopó. Téturaalu, è a teteróló kaae tare Kótó betóó, a yãlo naale betóó yaalopó.

⁸ Téretei, atimapaee me sekei ala eraqsóró witu, è taaróló fele so whìkélé, whìné sotamo dere ala kaae yóló whì hamomata-motei dowi ala du betere so whìrapekélé, whì dele whìrapekélé, nõpu nokole so whìkélé, kapo nipaee momatere alaró herei whétamoné whì dele so whìkélé, kapala fo dere so whìkélé, mo fea atima betaaire tikita, *sulpa* si duku betere wèi kela ai ape. Ti aita, atima tamoróló sukãaire alapó,” yalepó.

⁹ Mo kemeróturaalu melaaire wèikeró sekei alarape belere nuku tare wèikeró *ensel*-rapekó betané epaae duraalu, “Kale *Sipsip* hupu malené dokaaire so, yãlo yãpaae yó melaalopa, kelaai ape,” yalepó.

¹⁰ Ai fo deremó, Dèi Kepe Wisiné è fotokò bulatepa, kale *ensel*-né mo doasi sokore hasi fosópaae beleyóló sóró holalepó. Atéro sóró holóló betero bituraalu, dowi ala mo betákélé munire be hulua Jerusalem, Kótó betere hepen be taaróló ai dorowou betere-apa, kelae yóló yó malepó.

¹¹ Tétèpa yãlo kelalemó, ai kale be huluata, Kótóné ama ere dè wisinaale dèyó faralepó. Atéro ere dèta, mo doasi *moni* duputere kanené kasa kasare dè kaae erepó. Mo hãle kaponé ere dè kaae meì, *jaspa* kanené dè kaaetórótipó. Mo hùkulukélé ini, *klas* kasa kasa kaae yó fi *jaspa* kane wisinaalené ere dè kaaepó.

¹² Ai be huluata, doasi dopóku ópaae horóló deyóló boperóló beterepó. Ai dopóku tuãmó 12-tų dolorape móo, ai tų kaae diliki yóló 12-*ensel*-rape daa yóo, ai tų serekemó 12-Israel fakené doirape asè yóo, erepó.

¹³ Ai dopókumó suka hoterepaaeróló tų sereke sore muóo, suka doropolepaaeróló tų sore muóo, *saot* dèpaaeróló sore muóo, *norti* dèpaaerólókélé, sore muóo erepó.

¹⁴ Ai kale be hulua boperóló dere dopóku 12-ró kapo fakerapené mukuté mulaté horepó. Ai 12 mukuté mole kane fake tómó, kale *Sipsip* hupu malené sóró betero betere 12 *apotel* whìrapené doi asèrepó.

¹⁵ Ètamo kale fo yale *ensel*-né kale be huluakélé, dopóku dereteikélé, tų serekerapekélé fea sýróló dãle saairaalu *kold* *kanané* aleale dotó tiki tarepó.

¹⁶ Ai be huluata etéro tøyóló muló beterepó. Filipaaró betereiteiné dãleró doló faló betereiteiné dãletamota, ti mo betã kaaetórótipó. Kale sekèné ama dãle saai tare dotó tikiné be hulua sýróló dãle saleteita, doló faló betereiteikélé, filipaaró betereiteikélé, ópaae horeiteikélé, mo betã kaaetóró 2200 *kilomitapó*.

¹⁷ Téro kale dopóku hapólu eretei ama dãle saleteita, 65 *mita*-pó. Ti ai *ensel*-né ama dãle sere alata, me kae meì, mo whìné dere kaaetóró yalepó.

¹⁸ Ai kale be hulua boperóló dere dopókuta, *jaspa* kanené aleyóo, be huluata, ti *kold* *kapata* wisinaalené aleyóo erepó. Ai kale *kold* *kapata*, hùkulukélé ini, mo kasa kasa yóo fi pópó.

¹⁹⁻²⁰ Ai be hulua boperóló dere dopóku mukuté mulaté hore kapo fakerape aurairaalu, mo doasi *moniné* duputere kae kae kasa kasai kanerapené auró beterepó. Folosóró kaae suraalu, muló betere mukuté *jaspa* kanené auróo, 2 ti *sapaia* kanené auróo, 3 ti, *kalsitoni* kanené auróo, 4 ti *emerald* kanené auróo, 5 ti *sadoniks* kanené auróo, 6 ti *kanilian* kanené auróo, 7 ti *krisolait* kanené auróo, 8 ti *berl* kanené auróo, 9 ti *topas* kanené auróo, 10 ti *krisopres* kanené auróo, 11 ti *jasint* kanené auróo, 12 ti *ametes* kanené auróo, erepó.

²¹ Kale ai dopóku 12 tų serekerapeta, 12-du dui meleke *perl*-né alée molepó. Ai tų sereke dokóta, mo betã *perl* doasiné alée mulapó. Be hulua tuãmó fale tųta, *kold* *kapata* wisinaale mo kasa kasai *klas* kaaené aleyóló molepó.

²² Ai be hulua tuãmó Kótópaae momatere be betã kilinipó. Ti noatepae, doasi fotokò bole Tale Kótóró kale *Sipsip* hupu male atimaamota, ti ai be hulua tuãmó ere momatere betórótipó.

²³ Ai be huluamó Kótóné ama ere alané dèró kale *Sipsip* hupu malené dètamo eró betereiteiné, suka dèró wélié dètamo mo yãya inipó.

²⁴ Ai be huluamó dèyó fale dèné, i haemó betó mole so whì fea diliki dolomó kutu betaqsóró, ai dèné dèraalopó. I haemó teteróló kaae tare topo whìrape, atima mo kelaalo kokõné sini ala wisinaale sóró wóló ai be tuãmó mulaalopó.

²⁵ Ai be hulua tuãpaae faaire tųrape kinókélé ini, mo hãle tukwè faróló muló betaalopó. Ti noatepae, aimó diki dere ala muni, dètóró yó tareiteinépó.

²⁶ Kae kae hae kwiamó betó mole so whìné doasi doi mutere alaró, kelaalo kokõj ala wisinaaletamo sóró wóló ai be hulua tuãmó mulaalopó.

²⁷ Dowi ala mole whì ai be hulua tuãmó sókó faalomeipó. Halei ala dere whìraperó, kapala dilikitere so whì betákélé ai be hulua

tuąpaae mo sóko faalomeipó. Kale *Sipsip* hupu malené mo ti betere *buk*-mó doi mole so whį betą ai be huluamó fóló betaalopó.

22

Mo ti betó tawaaire weį

¹ Téro, kale *ensel*-né ępaae mo ti betó tawaaire fu betere kikisi weį kelaai ape yóló yó melalepó. Ai fole weįta, Kótóro kale *Sipsip* hupu maletamoné ęterólo kaae tare doasi betere tikimó sorokó wóló, ai be hulua tuąmó fale tu seraa fu betepa kalalepó.

² Ai weį fóku uté deró, ité deątamomó mo ti betó tare ni daalepó. Welié dokó fea ai niné du oletua dapó. Ai niné ama sókuta, i hae kwiamó betó mole so whį tuąmó mole kae kae sekeį alarape fea i ni sóku fotokóné sumó wisiranérapó.

³ Take so whįné yale alamó Kótóné erale sekeį ala ai be huluamó momó kae muaalomeipó. Kótóro *Sipsip* hupu maletamoné ęterólo kaae tare tiki ai be huluamó mupa, ama kutó diratere so whįné ama erae dere ala erótu betaalopó.

⁴ Atimané ama kelemaa kolóo, ama doi atimané kutirimó ase yó fóo, yaalopó.

⁵ Aimó be dikitere ala momó kae muaalomeipó. Atima suka de ó sa dekéle, yaąterere ala mo enénipó. Ti noatepae, atima de tuąmó beteroþpóló Tale Kótóné ama ere deńe deró betaalopó. Atéro bituraalu, betere dokó fea atimanékéle, fea ala fea ęterólo kaae taté fu betaalopó.

⁶ Tale ęta, ama kóló whįrapené keperape ęterólo kaae tare Kótó beterapó. Atéru, mo felekemó eraaitere ala ama kutó diratere so whįpaae ene fópóló, ama *ensel* atima beterepaae dotęyalepó, yalepó.

Yesu walapóló ere fo

⁷ “Ę mo felekemó waalo ai ape. Kótóné i ala eraalopóló i *buk*-mó aseře fo eró tare so whįta, Kótóné atima wisiralepóló, hajné sukutu betaalo ai ape,” yalepó.

⁸ I yale forape wosóo, yale alarape kolóo, yale whįta ę Jon-pó. I alarape yó male kįlipaae ai yó male *ensel* daale tikimó ępaae moma yaai deraapisa fóló fió mualepó.

⁹ Téyalemó, ama ępaae duraalu, “Atékesel! Ęta tale mei, dańo wusuró Talené kutó diratere whįpó. Nonaorape Kótóné kóló whįrapekéle, kale i *buk*-mó mole fo eró tare so whįkéle, da fea betą kutó diratere fakepó. Tęrapa, Kótó aqmó sukóló bitu, ama doi betą sóro horótu betae,” yalepó.

¹⁰ Téro, kale dere kaae ępaae momó duraalu, “Kótóné i ala eraalopó ere fo hąkearóló i *buk*-mó aseýóló muló betere fo kinóló mulaąse.

¹¹ Dowi ala du betere so whįta, atima ai alatóro yó tanóþpóló yae. Kae kae mo kelaalo sonaaile dowi ala du betere so whįta, ti ai

alatóro du beteroþpóló yae. Mo donoi ala wisi du betere so whįta, ti atimané ai du betere wisi alatóro yó tanóþpóló yae. Me dowi alatamo hosekény, Kótóné ama kae beteroþ betere so whį ti atima ai betere kaaetóro betó tanóþpóló yae,” yalepó.

¹² “I dere fo wosae, ę mo felekemó waalo ai ape!

So whį dokó feané yale alamó tokó melaai yało i tare duputa, ę wouraału melaalo ai ape.

¹³ Ęta, *Alaparó Omekatamopó*. Folosóro kaae sóro betaleteiró, kemerale foloteitamota ętórótipó.

Qla ęla fea kéké nale betekéle, fea ala touróló kemeratere betekéle, ti mo ętórótipó.

¹⁴ Deróló sóko fatere fęloi kutu fokotu betere so whįta, Kótóné wusiró beteraapa hajné sukutu betae.

Ti atétere so whį be dopóku tu serekemó doasi be huluapaae sóko fóo, mo ti betere ni du tokó nóo, yaairetei, mo sęrapó.

¹⁵ Kale dopóku aqró haąrape betó mulapó.

Ai haąrapeta i ape. Whéro hereitamóné whį dele alakéle, kae kae hosó fo ó isi whįné dere alakéle, nópu nokole alakéle, whį dele alakéle, kapala kótóraperó keperapetamopaae momatere alakéle, kapala fo yóló whį dilikąai ekełe du betere alakéle, i dosąayale alarape du betere so whį atima feata, dopóku aqró betó mulapó.

¹⁶ Ęta, Yesupó. I kelale alarape Keriso fake so whįné dosąayóló tuę yópóló, diąpaae yó male fae yóló yało *ensel* dotęyalepó.

Ęta, Depit kaayale betero ama deté fele naalené naaletamopó.

Atéru, hįka be deęeretamo deýó tare hęrepó,” yalepó.

¹⁷ Kale Deį Kepe Wisiró whįné dokaai du betere sotamoné duraalu, “Ape,” du beterapó. Mepaae i dere fo wosetere so whįnékéle “Ape,” yópóló yae. Mepaae whį de weį nokole depa, ę beterepaae wópóló yae. Mepaae whį deńe weį nené du betepa, mo ti betó tawaaire weį dupuni, hałe sóro nale wópóló yae.

¹⁸ Kótóné i ala eraalopóló, *buk*-mó aseře fo wosetu betere so whį feapaae dirii ma fo i dapa wosae. Mepaae so whį deńetamo i *buk*-mó mole fo tómó me kae beleróló depa, ti Kótóné i *buk*-mó bopetu betere sekeį alarape ai so whįpaae mo turó eraalo ai ape.

¹⁹ Mepaae whį deńe Talené i ala eraalopóló *buk*-mó mole fo mepaae kwia tokóló aluratepa, ti Kótóné atétere whįmó melaalopóló i *buk*-mó bopeyale mo ti betere

ni du nńo, kae tene be huluamńo beterńo,
yaai yale alatamo ama fasńo saalopńo.

²⁰ I kale asęyńońo mulńo betere alarape ke-
lale whńine duraalu,

“Mopńo. Ę felekemńo walapńo,” fo dapńo.
Tętepa duraalu,

“Mo kęe Tęyńopńońo yae.

Tale Yesu-ńo, ya ape,” dapńo.

²¹ Tale Yesunę hąle tao sere ala wisinaale
Kńotńone so whįpaae wńopńońo yae. Mo kęe.
Tęyńopńońo yae.